

叢書集成續編

第一二六冊目錄

文學類



詩文別集——宋

濟南集八卷·····	宋	李廌撰	宋	人	一
摛文堂集十五卷附錄一卷·····	宋	慕容彥逢撰	常州先哲	一〇五	
浮沚集補遺一卷·····	宋	周行己撰	敬鄉樓	二二七	
劉給諫文集五卷·····	宋	劉安上著	永嘉	二三五	
橫塘集二十卷·····	宋	許景衡撰	永嘉	二七七	
丹陽集二十四卷·····	宋	葛勝仲撰	常州先哲	三九七	
石林居士建康集八卷·····	宋	葉夢得撰	卽園	五六一	
沈忠敏公龜谿集十二卷附錄一卷·····	宋	沈與求撰	吳興	六二九	
默成文集四卷·····	宋	潘良貴撰	續金華	七五五	

濟

南

集

卷

庚申

九月

劉

永

署

印



宜秋館
校刊傳
鈔庫本

提要

案濟南集八卷宋李廌撰廌有德陽齋畫品已著錄文獻通考載廌濟南集二十卷而當時又名曰月巖集周紫芝太倉稊米集有書月巖集後一篇稱滑臺劉德秀借本於妙香寮始得見之則南渡之初已為罕覩後遂散佚不傳惟蘇門六君子文粹中載遺文一卷而已永樂大典修於明初其時原集尙存所收頗夥採掇編輯十尙得其四五蓋亦僅而得存矣廌才氣橫溢

濟提要

一宜 秋 館

其文章條暢曲折辯而中理大略與蘇軾相近故軾稱其筆墨瀾灑有飛砂走石之勢李之儀稱其如大川東注晝夜不息不至於海不止周紫芝亦云自非豪邁英傑之氣過人十倍其發爲文詞何以痛快若是蓋其兀稟奔放誠所謂不羈之才馳驟於秦觀張耒之間未遽步其後塵也史又稱其善論古今治亂嘗上忠諫書忠厚論又兵鑿二萬言今所存兵法奇正將才將心諸篇蓋卽所上兵鑿中之數首其議論奇偉尤多可取固與局促轅下者異焉案呂本中紫

微詩話極稱廌贈汝州太守詩而今不見此首又其祭蘇軾文所云皇天后土鑒一生忠義之心名山大川還萬古英靈之氣者當時傳誦海內而亦不見其全篇則其詩文之湮沒者固已不少其幸而未佚者固尤足珍矣

乾隆四十六年九月恭校上

總纂官 臣 紀昀 臣 陸錫熊 臣 孫士毅

總校官 臣 陸費墀

濟提要

二

彙刊宋人集序

人生天壤間不過數十寒暑平生志節事功獨賴著作以傳耳朱竹垞有言古之人竭心力爲之今人全不之惜任其湮沒此士君子盡然傷於心斯言也可謂知斯義矣夫節義文章近古以宋爲盛顧晁陳所著錄宋藝文志所甄採亡佚殆不可以數計 本朝四庫著錄僅存三百九十九種其中尙多輯諸永樂大典者存目更少傳本北宋距今不逾千載南宋僅七百年爾已毀棄推殘若是再歷時日兵火頻仍不盡歸漸滅不止 鼎南域之散儒也力薄願宏不自揣

宋人集序

一宜秋館

量擬舉兩宋足本別集凡 本朝無刊本者節衣縮食力任校刊自宣統辛亥以來梓成者已六十餘種倘炳燭餘光尙能及遠當自甲乙丙丁編而及戊己遞嬗成書更有宋人已佚之集如宋白劉筠陳瓘富弼諸賢無慮數十種期以五年徧加蒐輯擬編爲閩集又凡已刊宋集遺文佚詩往往而有從事蒐討別刊補遺欲使天水一代文獻不致墜失區區嚮往微志當代知言君子或不遐棄也夫辛酉仲冬月南城李之鼎叙於世業堂

濟南集目錄

卷一

四言古詩

五言古詩

卷二

五言古詩

卷三

七言古詩

卷四

五言律詩

七言律詩

五六七言絕句

濟自

一宜秋館

卷五

賦

銘

卷六

論

序

傳

卷七

記

墓誌

卷八

書

啟

附 德隅堂畫品

宋 李廌

撰

四言古詩

月巖齋詩

南山之北北山之南環岡繞嶺紫翠相參犇騰躡蹠
萬里驂駟衍沃若靈秀所涵平巖蔽虧餞日西崦
月生大東錯落夕嵐凝輝萬壑澄若淵潭有窺人室
架楹維三其名實佳佳哉月巖窺人者何贊皇之黔
伊誰名之宗伯子瞻嗟嗟窺人天民之淹昔也方將
愚妄所漸喜功好名虎穴屢探輪殷綏墮却戰酒酣

濟一

宜秋館

老不及人綿力弗堪飲水食糲處約已甘天匪靳予
事有莫兼俾予有知錫福則廉餘齡數奇展也不占
異時著書雖俟桓譚心勞用寡遠愧周聃今師農圃
穠蓂崇芟年登歲樂糠稗求饜褐寬緼傲懷此不貪
門子之責責我丁男我居區中如繭之蠶身外餘地
烏用沉潛迹將掃迹於焉養恬披風遡景玩目嵌巖
彼無獻嘲居之不慙

五言古詩

觀日出

蒼崖觀日出依稀自扶桑初如浴咸池蒼蒼或涼涼

漸若賓陽谷赫赫復煌煌海濱升霞彩貫地萬丈長
攝提御天衢一照明萬方不願發五色不必呈九光
無用現重輪無貴珥青黃吾心願吾君盛德如朝陽
照臨管下土威名燭無疆不復迭而微常進熾而昌
蟻行理雖切丸跳比亦狂病夫喜壯觀蓬心遂恢張
異時環堵宮但見生東牆

宿峻極中院

晨游開母祠墓抵紫虛谷一作千峯掛夕陽猶指中
寺宿山空無人聲暝色滿草木亂石礙饑馬荒榛走
驚鹿深林恠禽號絕壑山鬼哭照塗藉流螢呻吟愧

濟一

二

僮僕乙夜扣禪扉孤燈耿幽綠猶疑夢寢中對榻眠
空屋

丙子歲三月十有二日遊嵩山宿峻極中院時

天氣晴朗山月甚明因以陰壑生虛籟月林散

清影為韻詩各六句

陽崖轉宵窅層林蔽重陰披捺過輿馬緣雲得幽尋
坐覺真境寂茲焉悟賞心

平時崢嶸想踟躕在城郭言登諸峯勝幽情散寥廓

焉能乘海桴終期老邱壑

日背西嶺沒月嚮東嶺生殷霞未隱彩皓露已舒明

斗柄坐可挹政恐河漢傾

微雲起前礎出山忽紆餘風吹去何之閑意滿太虛

倚在聊目送我生何滯愚

屢居倦喧卑區中憎陋溢游目宇宙閒山河真礪帶

一嘯萬林端呼風作天籟

風回荔蘿香意與塵氣別杳杳雲際鐘皎皎松上月

觸焉感幽處蠟屐埃明發

陰墜頑雪積老崖白雲深捫蘿陟鳥道揚塵落喬林

下方有粟場俯見歸飛禽

舍鞅陟層巘老步獨多嘆笑談谷傳響松聲遞蕭散

濟一

三

欲尋草堂池土室無僧贊

松風憇俗駕撫心愧營營登臨念勝土烏用千載名

願與婦子俱終焉住神清

穿雲上虛無彷彿凌倒景微茫鴻鵠背指點衆山頂

出日上扶桑徘徊萬林影

西郊

黃花作秋色槁莢作秋聲殘春有秋意奈此惻惻情

喬木點新翠古壠集飄英午風薰徑草麥浪搖新晴

脂車逐勝士訪友來西垌苦汗泣瘦馬流塵汗華纓

颯然發孤笑屢醉輒屢醒聊歌干旄篇愧我未登瀛

觀文恪王公樂道院巽亭在城上下臨漢水

氤氳蟠巽隅崢嶸干斗魁蕪城佳氣縹茂林朱檻開

竹月靜蔭扇松風綠搖盃開軒清流度隱几遙山來

恪公昔優游弭節此裴回言念平生容穢然九泉哀

張老頌趙寢雍門悲孟臺歌榭奄疑塵燕閣鬱生苔

侈靡一轉盼金碧復成埃獨無不忘者安用爾為哉

恪公古遺直勁氣騰九垓豈惟甘棠愛公嘗守許將與故

國偕傳家有元凱上客盡鄒枚聊興勝士想愧無能

賦才

釣渚詩

濟一

四

釣渚平過水筆溪清見底寒煙曉冥冥白石明齒齒

目送歸鴻飛游心志鱸鮪手應心不疑物我相諾唯

黃雀漫多驚白鷗來自喜之子未投竿我來頻洗耳

盧巖

徵君逸已遠舊隱鎖雲扃欲知敬遺德巖以姓為名

永言配此山千歲為德星雖無猿鶴在空餘泉石清

想昔居此地笑傲輕冠纓入居伯夷室出効子真耕

種德如古人養育達周京惟能抱永正是豈其用卿

黃楊林詩

黃楊性堅貞枝葉亦剛愿三十六旬久增生但方寸

今何成修林左右映煙蔓良材豈一二所期先愈鈍

臨溪檜

青青弱草陰猶能蔭寒魚况乃蒸蒨色百尺映扶疎
月烟含清曠水氣相吹嘘忽思太明宮垂楊拂丹渠
豈無蒼翠色飄飄映茅廬日暮生幽寒寂寞意何如

天封觀將軍柏

衛懿恃昌富乘軒鶴有祿貴鶴賤用民身殘國顛覆
楚子惜名馬終焉葬人腹爵封東山松侯比渭川竹
時輕官秩紊辟妄作威福無益害有益褒賞逮禽畜
所美非美然恩澤及草木或譏將軍柏無乃丑此俗

濟一

五

曷膺千鍾養曷被三品服不為朝廷力竊號委空谷
余知將軍心非悅世人目千年抱貞操勁節無屈曲
不為歲寒凋守此萬仞綠天武累此名冥不知寵辱
雖不助相庫本敬豈意慕軫轂吾儕之小人悟主惟
欲速盜功仍苟容豈恥無道敷渾潭居紫府沈沈據
華屋貪恩謀子孫俾占又僕膏育而天下天下思
食肉朝為四輔重莫作三危逐筮簫金谷宴琴柳北
邱哭尚方屬饒賜朝服東市戮君看古功臣牖下死
為祝將軍如有心應笑世愈感拔萃真不羣虛名豈
其欲胡不觀其旁滿山皆樸樾

四庫全書改証案沈沈二字出史記陳涉世家應
劭注沈長舍反據字典通作潭此詩所用皆失攷

鳳凰臺

舜韶奏九成鳳凰故來儀漢徹方秦政何乃悞至斯
爾非雞與鶩出處當慎時

送霍子仲還都

真人造區夏民瘼俟以蘇戎衣振不格力舉覆地孟
桓桓神武威自信人未孚當年羣嘯聚劍立猶稱孤
天旋地機轉曠谷吹填竿瞳瞳東方日揚光扶桑隅
文明燭無疆煌煌中天衢曾孫太平君稽古追唐虞
求賢用吉士隱淪來真儒股肱協帝躬腹心懷良圖

濟一

六

庶事正絜矩嘉言規典謨欲行醜醜酪沾濯瘍垢膚
又慮天下事學古太殊塗衆說折聖經丹青久將渝
世稱淵瞻一作者春秋華實敷改之篤誠謔熒熠皆
穿窬况復口耳學搥垣冥索途終身不知道死矣如
蟪蛄無心時雨化瀾潔狂狷乎法言立定論章章如
璠瑜專經務篤實使士知所趨欲皆抱道義如孔子
之徒士各重良貴豈若乘風鳧亦有個彊輩索足行
深涂如經風過耳不美七尺軀斯人雖云存眾昧不
容誅振振文風聲得與帝載俱先生住毗陵才望振
國都時方尚雕蟲如紫色奪朱獨專性命學已與眾

欲殊窮年志專一立節如仲舒幾年困禮闈與議久
已需錦衾爛絺帷羈絆縻於菟滿衣京洛塵馬病僕
亦痛前年彤庭下射策闕彫弧如何扛鼎力不勝舉
匹雛官卑府參軍知命安嗚呼青雲有伯樂俯識千
里駒鋒斷吹毛羽氣節凌轆轤究之性天遺溟海不
可對遂言黼座前此材誠南棟方今構大厦不可同
朽株嘉言沃宸衷頓首帝曰俞汝其姑試之育士師
東吳東州士氣懦勁草惟蓬藋循循教不倦敢發親
持扶義方達遠邇來學皆奔驅瑞風止美竹飛翔鳴
高梧賢哉師道尊邱軻居魯休巍巍數仞牆深窳不

濟

七

可踰宗廟百官富不見空踈踰三年就傳訓弦誦惟
歌飲或謂我自然孰知如蒲蘆濟濟榛棣茂皇州忽
云徂士民惜其去夾轂爭挽勒老叟遮道留實筐携
漿壺謂言感恩惠成我妻與拏去矣不忍還望塵猶
懽呼嘗聞有美玉不琢隣砭硃美質逢利器欲切惟
銀鏡子時才力薄治邑民歡娛季路在大國止可治
轉輸古有孟公綽知宏才有餘優于趙魏老不可爲
大夫皇皇魯聖人道困將乘桴才單敢兼人道蹇羅
壘寧先生天與才貫溟包五湖昔否今已亨天扉有
携掄行行近清秘召見延英廬一言悟明王欽哉帝

云吁朕方在頽邸鄉譽時已無何其數年間下國猶
劬劬朕意在教育如芑生新畬往爲教東邦朝野多
美譽往矣勤勿怠潔白相連茹或然何其嘉宿憤得
以據上苟膺寵光不日昇朝裾待詔金鑾殿著書文
石渠不見頽陰叟拖紳著金魚河湟少年將五載登
台樞

鹿門寺

蓬萊鹿門道莽莽漢津渡川塗兩緬邈今古同此路
德公厭州里翁媪是中去風流可引想千載豹隱霧
浩然遠城歸羸馬琢妙句宿草被荒邱寒榛軼驚鬼

濟

八

昔我懷登臨歲晏屬凝沍茲遊愜于願春仲忽云暮
秋策升翠巖喟歎憐老步冠雲得危亭臨世濯凡趣
蒿薺俯青林繡繪辨紅樹他山照寸碧迂江沚晞露
我生老憂患曾次貯百慮寓目宇宙間猛省忘外慕
前瞻萬松嶺翠壁屹相顧輕颺觸纖柯虛籟森已度
壁道繞危嶺爽氣襲籃輿傳聞古道場臺殿若鱗布
日者一昔原校穴楹椽皆若炬壤垣積煨燼况乃金
碧處山僧勤樸斲堂構畧已具童奴一萬指役作供
措呼當有鬼運牖變現助持護蹇予歲史後道骨天
所付一爲功名想悞落塵土汚華顛髮先編鬣面顏

色故惟有炯炯心從昔常自悟會當借巖谷投老寄
冠屨吹原枝雲飯青精煮石羹白芋神遊八極表諷
誦大人賦鴟鵂或圖南爲予閱風御

四逸臺

吳時常獨飲對月成三人已喜三士遊况遇金城辛
洧淵俯龍室廢臺干白雲委徑已就荒九仍將遂湮
飄然如四鶴躡屐披荆榛北岡翻波濤南岫列嶙峋
登臺與佳名大筆書蒼珉占此泉石清坐使草木春
諸公廊廟材我期茲隱淪

關侯廟

三方各虎踞猛將皆成羣屹然萬人敵惟髯稱絕倫
仗節氣蓋世橫稍勇冠軍艱難戎馬閒感慨竹帛勛
鳳闕控蠻楚廟食漢江濱神遊舊戰地庭樹起黃雲

白馬寺詩

淡漫漢江泉迤邐楚山岫衙門掩半麓飛甍聳層構
高林傲華棧雙泉逗瑤蜺魚水中抵牛馬飲殘溜
我卜關外居此計春可就參差菱苕香倚儺參朮秀
行吟池上篇來倒壺中酌

墨池

臨池苦學書池水爲變色終朝坐忘疲揜卷每自得

滋靈蚌孕貴飫餌魚腹溢回堂映茂草玄源激白石
祇恐驪龍飛蜿蜒上丹極

伍子胥廟

烈士可廟食么麼可悲夫誓心報荆郢忍耻適勾吳
功成期牖下旋聞賜屬鏤楚邦乃怨耦宿憤嚮已攄
濤江厭波神魂魄遊故都存亡兩陳迹無用愧包胥
題廟

築巖傅胥靡耕野莘老農儵來坐廟堂談笑樹奇功
卯金運徂謝孔明隱隆中誰言一邱壑卧此天矯龍
古來王佐才中閒千載空之人輔立德真有宰相風

濟一

十

惜哉小用之功烈不復東嚮非三顧重白首田舍翁

華嚴庵

人生奧區中猶如繭中蠶欲窮無然心足力有不堪
終南有五虎銜牙坐耽耽乃有忘軀人臨穴已撥探
千將古寶劍吹毛可揮錮亦有蹊戾者執刀求其鏹
所得計所傷胆貴心憂悒况夫愛見魔悅如芻豢甘
大士獨了然白月沉珠潭獨造無僮僕妙理去二三
至哉天下樂端默坐草庵

岑使君牧襄陽受代還朝某同趙德麟謝公定

潘仲寶皆餞于八疊驛酒中以西王母所謂山

川悠遠白雲自出相期不老尙能復來各人分
四字爲韻以送之某分得相斯不老

使臣撫南夏萬夫久以望道粹韻宇勝德滿聲譽香
炳然龍虎文琢此金玉相笑談府中居無爲民自康
我生世寡與所幸賢者知徽中山川意賞育有鍾期
荆楚非我里從公甘棲遲今茲復舍去何以紆吾悲
閭閻無居人傾城饒賢守擁車不得前遮拜奉卮酒
民言荷恩勤拊育踰父母公不鄙我邦端能再來不
公如照乘珠居朝作賢寶公如三秀芝後天錫難老
聿歸供奉班漆簡探幽討懸應念儉父滄洲濯蘋藻

濟一

三

劉表廟

入自東郭門言拜景升墓墓樹半枯槎冥冥立晨霧
鼎國昔未分蕭牆梗天步呼蒼復何用龍臥獨不顧
紆餘檀溪水黯慘蔡州路登樓欲遣憂君看仲宣賦
故諫議大夫鮮于公欲作新堂以傳世譜名曰
卓絕唐人鮮于世譜有卓絕之語故云 內相先生題其名曰蜀
鮮于氏卓絕之堂某以此八字爲韻作八詩蓋
鮮于公頃嘗俾某賦之而三子以求其詩故原
其古而美其今以頌美之
商朝有仁人爲奴耻榮祿九疇傳帝秘八教清滅俗

苗裔散諸華慶澤鍾左蜀崢嶸多望人冠冕稱感族
左蜀富山水錦屏秀而鮮鄉雲常氤氳佳氣所盤旋
蘊此天地靈並生文武賢稱忠著甲令節制控兩川
天地西設險劍外分野殊君家萬里侯支郡許專誅
威名警天下玉帛走易子韃韃常棣華煌煌駟馬車
功高翊戴重錫土仍命氏蟬冕舊傳家龍衮式增賁
誰云五世澤久襲萬鍾貴非惟賴先慶奕葉藝忠義
隱居嗣徽猷超世得古學行藏合用舍聞見卓守約
清風激頽波精義興後覺天子不得臣鴻飛寬何邈
先生王佐材蚤歲常敷奇平生經綸志白首初逢時

濟一

三

經營此堂久乞身歸期堂成不及登魂氣今何之
諸孤皆妙稟况乃承義方世濟商人美各是萬夫望
拳拳奉先志誅莠建崇堂豈徒輪奐美卓絕當未央
吾觀孔父鼎知有名世哲英英大諫公克世嗣前烈
翱翔金鑿坡白首貫忠節後昆有斯人譜系愈卓絕
趙昭赴成都府廣都縣尉以送君南浦傷如之
何爲韻送之作八首

吾生常羈旅送客情更重嗟哉平生交今復萬里送
愁端寓心目往感接魂夢窮途獨栖遲直道竟何用
山河接巴徼關塞斷秦雲誰爲萬里侯節制錦江濱

疆項母狗時曲鈞難致君勿因朝廷遠俯首俗吏羣
昔余旅長洲寄傲碧江潭十年客風埃留滯困周南
冉冉老將至兀兀漫窮探故人各變化漂零空自慙
之子才如冰不應常負弩勿爲貧謀一意在阿堵
廣都綺縠地當念珠還浦惟廉可立身勿使嗟共虜

蜀人以東人
爲虜貨而歸

朔風走塵沙草樹正立黃煙昏路漫漫日冷雲蒼蒼
杜公作詩處武侯近戰場陳迹勿驚心俯仰已堪傷
蜀都蘊奇氣古今生英儒歌童選何武狗監獻相如
煌煌直金馬藹藹侍玉除歸入芸香閣無廢五車書

濟一

三

傾城愛勁竹古士惟徽之而我獨愛君不見卽相思
今矧萬里游動爲三歲期索居念金蘭惘然傷別離
蜀山如鳥道劍閣鬱差峩嗟君正朱顏奈此艱險何
秋雨我眉道春風濯錦波青山一羸馬古今應更多

秋日雜興

悠悠東郭道莽莽四海志晨光睎尙林泣露泣征轡
巨防揚淥漪辰泉赴橫衛我生窘羈束感歎撫銷髀
青青陌上草秋徂故應省疾風試飄葉寒露猶湛頰
冰霜來無時爾命詎永滋蕃奈爾何咄咄臨此景
昔喜馬少游我馬仍歛段古云末路難百里九十半

與爾皆調餓欲速輒愈緩長鳴徒勞爾終愧籥雲汗
黍稷競登場荏苒復滿疇我羹雖不糝逢年亦解憂
太平豈無象樂歲觀有秋敢期飽糠覈役車何當不
租黍巨廣隰整整萬戈矛旌旄亂風葉森森疑戰秋
如聞高奴塞將軍用世侯勝算應在日願解西顧憂

范德瑞
之延塞

芟珠乃邊實雞首真溪毛芥羽復丹幘凌波競將號
蒼啄勝元蚝百琲轉含桃驪頰有照乘海夫得應勞
搖搖平岡雪芬蘼薔花日繁英未脫鄂銳實已潛黑
速哉不踰時幾何天地力寒耕暑方耘古人勤宿麥

濟一

古

橫煙下平林閑雲依衰嶺寓想高鴻背游目凌倒景
吁嗟老子行末路未遑騁晚歲竟如何三歎心耿耿
汝華巖秀法華居之夜
夜聞山鬼打更
道人居此巖誦經歲云久鬼神夜護持空巖擊刁斗
吁嗟已成塵藤蘿穿石牖

與鄒浩志完會於王希聖家因話毗陵事是夕

輒夢還松陵因述夢呈志完

客夢還松陵寒江渺煙雨異時醉吟地依然記洲渚
三高平生歡彷彿遞賓主十年扁舟興一夕暫容與
此樂曾未央覆瓿俄驚鼠隙月鑑我帷破窻風自語

展轉誰晤言僮隸聊爾汝吾生獨何事寤寐仍羈旅

送杭州使君蘇內相先生某用先生舊詩方丈

仙人出渺茫高情猶愛水雲鄉爲韻作古詩十

四首

至人本無我與世初無方彊從金鑿游聊用示行藏

忠清秉全德日月可爭光振衣千載上臨世濯滄浪

至人孰可測跨世富英量千齡邁泊運萬古真遐想

三台接布武萬乘拱函丈辭榮明光殿乞身青天上

世人期公淺云是真謫仙願公老台鼎白首冠貂蟬

爲之乃固有弗爲愈知賢清風不可挹高高薄雲天

濟一

五

紛紛競干祿汨汨第謀身先生獨任重憂道仍憂民

精誠貫白日孤忠橫北辰求之千載上古亦鮮若人

平生史館直往歲展禽黜青衫竄長沙華鬢謁宣室

重光照八極命世真賢出奈何江湖去獨爲蒼生卹

道德富瀛海百谷輸浩渺雲夢吞什伯坐曠黃陂小

斯文再炳蔚精義凌縹緲典謨追灑噩協氣充四表

周公非汲汲仲尼豈皇皇吾道無若人孰能相維綱

古今異倫軌英風自相望下民今喁喁造物太茫茫

造物雖茫茫至人自靈鷲雖稽具瞻意欲全千仞高

富貴一敝屣功名兩鴻毛獨知退爲樂可憐夸者勞

公去吾道辱公來吾道榮生民繫休戚國勢隨重輕

先生如九鼎坐折姦究萌天如欲平治用舍若爲情

先生如著龜萬事可告猶勲業輕黃屋得賢方解憂

念昔稟征日民瘼庶有瘳莫賦歸去來衮衣或能留

吳越控島夷東南一都會滌風舊倡靡儒俗無慷慨

除弊在躬行報政可立待類非俗吏能千齡樹遺愛

邇臣均勞逸方面乃毗倚細人怙權竊補外習爲耻

餘杭股肱郡湖山真信美意雅如望之肯効倪若水

小人雖嗜學歲月空屢勤同門盡鴛鴦登瀛校書芸

嗟余老西河索居久離群從龍從上下愧彼油油雲

濟一

六

四海李元禮龍門多俊良英英郭有道一揖遂生光

畫鷁凌雲波仙舟水雲鄉此心徒皦皦千里共蒼蒼

雨中宿超化寺

暴雨如建瓴龍淵俄怒流逸哉我三士冒雨探奇幽

古寺浮積壤危若萍與漚抱憂窮樂事斗酒聊重留

遊超化寺

常笑博望侯老死窮河源河源幾萬里天派垂崑崙

支流播九逆砥柱疏三門行穿九地折怒溢千里奔

樂彼洧水源近且具茨根寒泉發清池藻鑑撓不渾

引爲琉璃陂碧波媚蘋蘩逶迤入王城順下德可溫

全此上善性利用豈無恩下有萬艘濟旁列千夫屯
持此安且靜用鑑暴與昏頃年時間龍淵室今應存
乘簡俗可陋濟興惠亦煩誰知千載後佛宮枕溪濱
喬木上參天綠竹盈短垣曾此埒金谷神龍依祇園
物理自古今興廢復可言聊思鄭國僑殊勝漠張騫

木中人呼萬歲者三詔賜崇福宮

犀視月通角蟬想丸目入果羸祝螟蠕天風化陰鴟
物變知品殊尙可易形質真人友造化故與物爲一
持此誠與神可貫金與石何爲輒入木厭世未肯出

濟一

志

衣冠儼如生隱若陸顧筆非同木居士聾俗競襮被
又非羅公達戲隱逞幻術疑是青羊老合江聊示迹
薄游附驛車靈宮居二室

西邱

西邱對秋風蕭颯如原隰木落景扶疎碧環天壁立
餘霞拂暮散多鳥寒更急獨有松上鶴不爲鸚鵡粒
鳴葺介堂元聿作詩某次韻

吾生一漂梗觸焉泊東周十年歎流滯吞默垂遠猷
胸中猶汪波萬頃蟠一甌輿羽欺鎡金寸木傲岑樓
圖南平生志腐鼠詎能留寸心徒自傲雙鬢颯先秋

物理有否泰奚爲久休囚尙愛東方朔處汙能若浮
悲鳴非不切歲月老驂騮莫笑掃一室吾心若虛舟
會當掃天下歸老卧滄洲

百葉梅

寒香本色清真色初旣好誰私化工力增綴愈妍巧
繁葩貯春意幽姿照青昊獨無和羹實終應愧其表

夫人城

庸將昧奇正乘鄩罕書勛我登夫人城想見奮錘勤
攻瑕旣遇堅坐制烏合羣異時古烈婦鮮以智勇聞
褒稱勵愚懦敢諷賢令君作傳續烈女遠紹子政文

濟一

志

壁間畫葆羽俾如娘子軍

次和荅張閭寄靈壽杖

我生輒貧病壯齡俄早衰朱顏不少貸白髮太先期
故人獨憫余遠寄靈壽杖老景知有賴醒醉爲扶持
憶吾廬

繆挾經世策蚤衰甘湮淪吾廬有佳趣一屨良可親
茂林修竹地青山白雲人塵埃付捷徑風波委要津
吾心如皦日外物任浮雲久厭牛馬走欲令鷗鷺馴
歲月旣荏苒功名定因循執鞭吾弗能得乘豈所欣
畝畝樂可必糟糠奚用勤泥龜喜曳尾生芻耻屢陳

東濕雖有術末路復誰因願爲海底泥肯羨山上塵
谷隱飲中以采菱渡頭風起策杖村西日斜爲
韻採得采頭二字

東西南北人志向各有在一言契所適糾纏胡可解
英英坐上客聲聞著寰海婆娑諸侯邦未去亮天綽
顧余寸有長葑菲誤見采山空佛官冷秉燭集飛蓋
笑歌觸松風出谷作天籟後夜風雨時惟應鬼神會
山川納商氣凜凜天地秋草木將玄黃詎肯烏我頭
蚤歲繆懷璧輾轉欲周富貴來無期舍鞅息林邱
復葉農圃業爲茲山水游來尋彌天釋軟語忘百憂

濟一

五

夜傾雙玉壺禪談互相酬試澆魂磊曾洗我千斛愁
會居易齋分韻

君子何樂胥清夜以文會篇章各紛拏錦組貫珠貝
高譚生清風石齒激湍瀨安得樓蘭肉充庖餘炙膾

啟母廟

帝武啟宗周元鳥濬哲商塗山配神禹獨不嗣媿美
異時天與賢嗣子繫匪良欲肇天與子是用開厥祥
鈞臺享羣后有扈誅叛方誰令謳與訟帝昇有夏昌
推此方朱均巍巍真令王伯陽指株李阿衡降空桑
龍跽生漢祖襲襲誕宸媚石裂何足問世語多荒唐

若比望夫山雖怪猶有光

筆溪

張生古狂夫草聖稱豪邁縱橫意有得野馬御風快
醉醒忽驚神自以不可再乃知高世能至理適有在
况夫窮平華朝夕精揀汰期茲筆溪水色變崑崙派

施柏花

佳花香藹藹老柏意蕭蕭如何蒼翠質許附繁柔條
仙人蹈錦障襯步武夷橋願託歲寒心凌虛上煙霄
偃柏

濟一

辛

赤松來何遲黃鶴去未返蘇武遊漠北矜傲何蹇蹇
朔風吹寒枝日暮羊在坂疑此高堅材獨得造化本
蕭蕭古池上不與凡木混

霹靂琴

老桐初無異憔悴豈散木良材固自信終歲委空谷
孤根聽霜霰厥命寄樵牧雖云具宮徵誰意望琴筑
天公憐冤憤霹靂驅怪伏蛟龍出蒼幹電火燃裂腹
造物一愍弔爲惠在反覆神馳變廢物贖賞改舊目
裂爲君子琴日奏太古曲因知物興廢尙爾轉禍福
志士抱孤操來者况未卜壯年昧籌算奚用定榮辱

濟南集卷一

濟

三直秋箱

濟南集卷二

五言古詩

宋 李廌 撰

同德麟諸公觀秋風閣自賦詩臺乘月汎江

虛閣凌縹緲危臺俯滌漫憑檻眺落景倚柱送歸輪
空濛暎色合懔恍天宇寬皎皎明月上炯炯青林端
寂歷四郊靜陰森清夜闌秉燭下草岸迴船遵柳灘
繁星粲湛彩白烟隱微瀾夷猶放瀟溜聞澹數烟齋
絺衣涼風發角巾滋露溥心適醒亦狂樂極清更歡
叩舷過龍室振掌驚水官仍思燕犀炬下欲窺蛟盤

濟二

一

風雲襲毛髮水雪凜肺肝慨歎念前哲興懷成壯觀
寒予棄畎畝放意遠遊般舍鞅昔徂戍維舟今戒寒
佩服良友義論言畏塗難茲遊興不淺冒險夜未安
風波彼何懼忠信邪能奸

又九月十四日登秋風閣以餘霞散成綺澄江
靜如練為韻分得餘靜二字

繆蹈江海迹吾生靡懷居役車窘陰雨蒸腐敗衣襖
晨昏雷聲中我懷何時舒秋陽出頑雲杲杲照我裾
言登秋風閣乘興安可除紆徐下銅鞮縹緲凌紫虛
錦葉眩林表金包垂霜餘棲苴寄榛莽潦痕在菰蒲

我遊獲所適况乃弗為魚放意宇宙間所至皆吾廬

山容疑作容水不覲丞雲日如甌陵陸混泥沙黯慘度

朝暎晨霞送晴色喜見天面瑩江光斂疑作斂歸霞雲

收四山靜高閣眺空無復見前日勝回思因塗潦懔

恍如昔病登臨勿太息秋風漸焮勁

搗帛石

嫠女織玄綃欲作六銖衣空山搗寒月傳聲徹雲衢
可笑綺縠女不識祜與機

同德麟仲寶過謝公定酌酒賞菊以悲哉秋之

為氣蕭瑟八字探韻各賦二詩仍復相次八韻

濟二

某分得哉蕭二字

楚女唱桃葉楚巫歌竹枝壯士撫長鈇語關亦與悲
君看拱把松中有千歲姿薜華不及夕柯葉漫成籬
葳蕤晚秋菊芬菲忽齊開綠堦上古壘粲若黃金臺
搔首念霜髮擷英泛羽盃頽齡恐能制壽侯安在哉
白髮諳冷暖蒼皮貯陽秋中年已如此一飽更何求
把菊悼飛葉微行遵遠流此非柴桑里乃有淵明儔
痛飲可一石寧辭手中卮挹斗自斟酌澆胸定為宜
心如虎在圍事若羊觸籬執鞭吾弗能放意從所之
青松多陳根女桑漫柔枝虛心任寒暑寧與鐵炭期

旨酒有妙致青山多令姿醉遊卧邱壑於予復何爲
松菊徑勿荒政欲善鋤治參商菅蒯中高韻自超異
區別雖少勤寶此吾臭味勿言大鈞中與被同一氣
霜風隕高木零落臨艾蕭幽芳枝孤秀華心慰無聊
堂中老元亮日賦歸去謠杖屨樂三徑爲爾甘折腰
風騷本無作強爲憂思出菊荒思卧陶江渾歎沉屈
吾觀思王詩復若清廟瑟斯文幸未墜且進盃中物
神松嶺卽岳神爲珪禪師一夕自北嶺移者
初聞百梁村拔自天池井今知萬松岡一夕趨北嶺
顧茲挾山威何心罔知警

濟二

二士避雨巖

遇險思共濟胡粵無異心而我與夫子義烈真斷金
陰崖避飛雨羣龍方怒吟巖中歌式微相和相知音

送元聖庾縣丞之官泉南

漫郎多猗玕紫芝生爲于二元皆國器位卑德有餘
嗟公有祖德官况復不如平生志引大英爽凌太虛
胸中有武庫羅列千卷書攘臂班馬間豈但突黃初
謂宜在妙齡持蠹承明廬何爲沈下僚躡蹻青雲途
三調南曹選雪霜稍侵鬢又佩墨綬去不得黃紙除
憐公批勅手乃判稅與租閔世悟休戚勝負如梟盧

達人自通脫於何較錙銖平治不平氣俛仰自走趨
剛忍素所遇時乃烈丈夫南安極南粵控帶荆與吳
南涯卽滄海北渡竟重湖回首望嵩嶺邈然天一隅
南州例卑濕海錯富蟲魚作客萬里外善保千金軀
加餐慎興寢三年賦歸歟故園有老伴林下要爲娛
德麟約遊西山某自鄧來會行李阻修成此詩
初無聲利想獨有山水癖慨然歲月逝名山喜投跡
書來拜嘉紹吹火自蠟屐戒期西山邑奔命通書尺
君詩如齊楚凜凜兩大國吾詩比邾滕惴惴甘服役
千里奉詩盟敢愛股肱力方舟絕清漢舍棹上層壁

濟二

見山岡詩

梅堦排青雲四覽象山脊僮肩因負笈馬喙不停息
趺足上崖窺欲進轍已植喘喉如鼓橐開闔振胸臆
仰愧升木猿俯羨歸飛翼天曠未敢止行行望仙鳥

見山岡詩

高岡勝虛閣晚景澄寥廓遙潢浸廣野危峰柱碧落
雲過半山陰蟬聲夕陽薄勤勤學飛仙海上尋黃鶴

三醉石詩

伊昔三逸人醉卧捫白雲其間歐醉翁翊戴建殊勛
山靈豈羨爾應復勒移文

中隱庵和趙孺韻

退之以文鳴師友得侯喜聲名力與俱雖尊未勇耳
黃池距青山郭辨都與鄧庵成誰振之句出開如市
千仞壺我高充實信吾美坐令庵內人前車云可執
禮樂有先後後進則君子執方而昧圓俱野那復史
伐柯固執柯疇克求諸邇蒸之既匪薪采焉又菲芑
近交韓與侯步驟亦帶耻一醫消息盡布毛自何起
要須六月息不息不爲已敢問二詩人如何得意旨

答周行已相贈行已端慎大學諸生忌之

佳人寓雲端鉅霞眼靈烟舉手謝時人言爾非我緣
誰令山中瓢酌此闕閭泉捨爾芝蘭薺一染漸餘籍

濟二

五

鈔黃強爲容孰竟謂子妍眷焉反初素此道自古然

習家池詩

言登峴椒亭南望高陽池習君漢徹侯種魚千石陂
川光涵翠阜倒影媚清漪伊昔典午世山公已遊嬉
子孫安在哉獨樂寧可期蕭蕭冢一作上木長風蕩
餘悲

習鑿齒宅

習侯有世德冠冕襲鸚鵡裔孫富六藝鑿齒四海知
蘇嶺涉家山高陽浮故池著書山水間秀發胸中奇
問從彌天釋善戲問庾辭尙友雖異代斯人可夙期

龐德公宅詩

荆山雲蒼蒼漢水波瀾瀾山川意高澹宜有隱君子
德公卧鹿門老不踐州里潔身遠憂患豈復存愠喜
藐然姑射人胡爲市門倚諸郎有鳳雛輒與卧龍起
過具茨諸山始達嵩少

初逾千峰時千峰各呈秀抵茲嵩高前始覺衆山陋
恃此一柱力天地敢分割四維既張弛穹壤託高厚
卿雲幕上國秀色連楚藪衆峰無聳峭配此真培塿
固將倍十百何止吞八九余身一草木乃欲擅去取
出類復何言聊貽涓濱叟

濟二

六

登嵩頂

丈夫有奇氣坐井直鬱鬱竭來古嵩州攜手登太室
中峰到絕頂北領太原校峭壁山河在股掌帶礪何
足述星分九州野塊烈七雄場放懷宇宙間想見天
地闢下觀雲雷變懸爾龍鬼役下方萬仞底草木靄
蒙密愈知天下小助我浩氣直平生四方志登臨聊
感激嗟嗟封禪媼遊豫朝百辟誣辭與慙德可笑乎
四嶧廟社尙不闕財用遑肯恤萬兵樹豐碑數丈壓
嵩峯豈知市朝變輦路蔽荆棘同登八仙壇再題三
醉石君無笑余佞登臨常股慄爲寶千金軀夷路猶

恐失存我厚蒼生豈效伯昏逸歸卧聽天雞扶桑觀

日出

求志書院詩四首陳師道履常之所居也

癭槁巖下士蹟隱心捷徑汗顏塵中夫詔笑幸遊騁
賢哉陳夫子兩不傷厥性潔身風波塗獨若萬鈞鏡
辰極不改北滄溟日輸東聖道亦如是昧者自異同
哇鄭迷世習舍魚當取熊著龜期吾子此語聞先翁
君氣久已浩君志復何求同聲久絕和一見忘百憂
藜藿鄙膏梁絺綌傲狐裘德禪下可覽安用翔九州
濼開辭未信顏回恃有田為貧仕何媿得已非自賢

濟二

七

披褐坐窮閭聲華飛日邊苦節勿匏瓜仲尼任蒼天

靜齋詩題感君明之室也

人生乃動物萬事皆動端陰陽造化汝賦汝以五官
五官各治職愈治當愈殘非苦動所擾烏知靜為安
非惡動所戕為貴靜為完百年夜分半夢想仍妄瞞
動多靜常少竟為動所干回光一自照萬事無悲歡
居士何早達動境能反觀寧為玉在璞不為珠在槃
虛室生朝白青瑣凝暮寒聊持動時想攝入靜中看

寶幹山茶

山茶乃凡木寶幹始為奇婉雅瑞荷花扶疎運理枝

傾心相爾汝和氣生怡怡清陰亦可愛惡木正離披

上姑丈間邱通牧少卿

天下一大器安危繫平傾哲王慎民監措術如和羹
辛甘或偏長非可制割烹五味既可口君子嘗日平
方今太平君戒歆如持盈乞言用龜鑑履德均權衡
庶民雖蠢愚一或非所營視之如己內涂汚干仞坑
是用選賢德告戒敷至誠日雖一人良萬邦咸以貞
尙賴爾庶牧神朕來聰明分符授虎節專政千里城
朱車輪兩轡畫戟門十旌禮文既光華遠煜一作如
杖原核英良圖沃朕心蠲瘼求民情如意運手足乃
疑秋

濟二

八

與朕力并朕所戒假樂難慎惟守成願昭先人功莫
枕臨周章叶羣方政咸乂惟海隅蒼生魚鹽機巧利
涼德多矜爭版圖庶彙徵雉壘侵荒荆矧乘稔饑後
魴鱸尾多頽古既無罪歲此獨何所令明明普天下
孰非聖人氓當求善仁政如解中山醒時公罷仙班
入觀中天閣帝優老成人錫祉昇名卿吏能素嚴翼
公望方崢嶸物賴山愈靜川納海益茲齊安漢中治
政迹如韶莖剛明濟清淨錦組輝瓊瑩果毅將慎智
佩玦鏘璵珩英英衆人師落落天地晶是用簡上心
僉議如預盟公辭臣老矣已與世累輕東吳富山水

烟霞氛紫清樂郊適所願道通掛塵纓賞延及孫子
榮慶并弟兄智恬欲相養爲壽期老彭帝云東州民
思濟求令名室如相忘魚煎沫泮轍泓痺如旱麓木
枯槁需春萌朕意慎許可當賴王國楨如翮皆飛鳥
遊集性鷓鴣無解逆朕意欽哉卿惟行公承帝眷異
謁節期有亨郡民幸其來爭以先見榮實篚攜漿壺
馬首拜且迎謂言前椽曹執禮無私評遠茲三紀麻
位重德愈宏下車始授政季秋未徂正固圖屢空虛
盜止無黥刑康莊夜達旦戶敞民不驚柔遠戒慢令
荒政先緩征榛楛已濟濟哉蔚將菁菁熙熙春臺樂

濟二

九

苾苾大室牲嘗聞至仁化政立可去兵又聞公明心
罰罪能驅鯨古云州縣勞此語非準程韓侯功固高
差比於絳嬰光初必凶終進銳多反睦如徹禮飲酌
疆酒奠兇觥雖云快壯心泰至多酌管孰知安行健
履坦非掀橫圭璋賤珉玳山川貴剛駢良弓豈苟飾
利用關以彌斯爲古循吏業廣惟勵精孤生何所罹
自幼憂患縈遭家屢不造省始離呱嗶迴復遠所恃
羈迹如漂萍操心但書危固戶賴巧費曲蒙惠私重
哀愚斯獨嫖字撫得不違俾就三龍贊曰余欲玉汝
誰何恠金籊愚非苟恩者銳志思迅鏗爲修不敢殆

希彼農夫耕勩勩慮寇至豫蓄終歲盛戰戰與心競
中林亦丁丁淵崖視鳥道履冰越深瀛剛克素自許
竊亦輕申楨永言念眷勩願以堅白鳴作詩謂云何
姑以紀頌聲

曉發鄧城和德麟韻

遙岑掣殘電怱轉雲篩碎長庚送曉色瀕洞初見地
餓馬懸榭鳴牛繫林睡橫塘寸魚跳魚跳石雙翠
敢嗟衣化塵且喜風泛袂蚤懷功名心經濟豈無意
老軀既能憐柔態漸媚媚棹舟江南去白酒謀日醉
絲蓴芼雪鱸欲飽三尺喙半生客荊州兩渡北津水

濟二

十

尙友有若人獲我心所契行李念淹留感此秋蟬嘒
掃除向來想漁釣真得計塞翁已無心得失無欣喟
鄧城道中懷舊時德麟相拉至江北三縣

昔從郡丞遊餘寒春未迴玄雲蔽冷日朔風捲黃霧
枯榛擁殘雪疎籬橫野梅季夏方海暑後乘復與偕
青秧舞白水赤日飛紅埃牛馬喘俱喘蜩螿噍相哀
值此寒暑變感予羈旅懷行行江湖去舉權向天台
老婦贈鮑鯉丁男滌尊壘霜橙薦紫蟹水藕浮瓊醅
念公復行縣秋光當獨來予時定相望持酒上高臺

石經殿

溪書真蘭臺筆削猶敢擅真名鏤遺編定知伯喈篆

未校芸閣書成此石經殿

天門泉詩俗名救命泉今已涸

昔聞天門泉石竇注澄澈行人口生烟可救萬夫渴

爲惠胡不竟吾來值源竭

捨身崖

蛾眉備百媚怨女填六宮捐軀委崖谷隕生因爾容

匹婦多白髮婦怨實無終

太華

太華復何如名山控西極忽從天地分屹立三萬尺

濟二

土

天維西北傾扶持藉爲壁風雷出臺末日月轉兩腋

秦川散餘秀長空借殘碧支離別周甸指掌觀禹蹟

因知方嶽重奚覩介邱憶蒼身仰猶高厚載真有力

三岡亭在邑西南三十里秦昭王使調者王稽

使魏夜與范雎言先生待我於三岡亭之南是

也

賤人敢圖柄時哉天步艱想爾簣中意三亭靈視顏

佩印能幾時綱一作成已入關宣言往代汝天道真

可一作還

東津夜飲送岑瓌彥休赴關

東門何煌煌驪駒絡金羈朱顏照秋鞫炯炯青雲姿

往登共香閣編書給階麋予方滯江漢發軔將安之

風林舞危葉霜畦殺菁蕞車馬如上州朝天逐高雲

行邁豈不勞欲書竹帛勲歲晏重感慨我獨念離羣

曹華國之子贈詩次韻答之

平生曹華國志意多感慨塵埃迷俯仰骯髒遊方外

余嘗賢若人心以古人待食藥甘有味舐蜜遇潛虀

賚恨沒九原長屯竟無泰宿草掄一邱長夜遂千載

喜君好男兒贈語頗剛快弓裘解傳業門戶茲有賴

文章第美身長門不須賣來詩有賣長門賦之言

濟二

土

遼經堂

男子宜讀書讀書須五車紙腐唇自裂豈爲劔心魚

吾子少年時青雲得意初英華發青端賦筆凌相如

自試文石陛於召承明廬孝隱二十年復與志利書

軒裳不掛眼鐘鼓悅爰居歸來遼經堂志惟與道俱

架上數萬卷偃仰時卷舒使彼夙昔人微言幸發摠

春洲生蘭茗寒溪脫紅蕖迢迢適所願未可詠歸歎

上方宵吁暇夜殿誦子虛伯原曾進東都賦

送李德載公輔之宣城王子敏適之寧陵秦少

章之仁和

先生位管轄四海在陶鈞顧我門牆士於焉益情親
瞻言給鼎味旨酒侑芳珍粲粲春服成暮春及佳辰
載詠先生道興懷感昔人三子果藝達從政宜牧民
維舟萬里流喜色照通津廡也不速肖農圃老此身
同門各奮翥索居獨離羣諸公廊廟器行當策高勛
念此今日歡無忘病且貧結駟儻肯顧促車清潁濱

送王仲求

飄風非焚輪弱石生孤雲逍遙王真人行行傲世紛
齋戒斷葷臭日誦浮屠文敝袍遊江海耻與狐貉羣
吐納全真氣鬢髮皆如銀十年臨池學自許登右軍

濟二

謙謙卑自牧處約人皆忻扁舟忽云徂欲扳心殷殷
丈夫重訣別兒女徒云云常聞釋氏說精進在慙慙
紅塵易汨沒跋涉憊力筋不如巢華山修煉如老君

送秦少章

建勳各有志而我齒已疎除書喜之子試東東海隅
滿懷貯忠義陳編陋嚴徐平生困末路龍蠖意不舒
定交青雲表凜凜國士徒執顏肯顧我曾未鄙非夫
破愁有斯人我鄰知不孤危言解補天決折已非圖
成名聊爾爾國器自時須收功從茲始良驥騫修途
開樽稍黔突慚愧飯與芻閨戶待子歸看我所著書

同諸公餞望元因宿谷隱以何當風雨夜復此
對牀眠爲韻分得對此二字

雨氣天末來暝色江皋起層林蔽樓觀黯淡水雲裏
匹馬何所從翩翩五公子異時天一方相遇忽在此
溫言各慰惜道舊半悲喜熠熠螢度幃泣泣礎流泚
他鄉念羈旅况復餞行李一笑未易闌相望跡千里
秋江冒后土餘潦滿溝澮行人泥沒轉腐黍亂荒蒼
結客山中遊風雨在顛沛崢嶸棟宇下磊落宜我輩
還同竹溪逸笑傲盼庭檜繁陰阻杖履曠曠幾弦晦
誰能決一作頑雲共此明月對

濟二

大木一作水山

十洲三神山廣厚蟠地軸不知高幾尋滄滄及其麓
遊心如太虛視彼何芥粟君家三木山包裹一握足
銘銳日奇峰幻巖云峻谷攝心如虬蟬觀此乃陵陸
高岸作九地何啻戰蠻觸老蘇記木山萬里在右蜀
立之置庭除屹嶻可映屋小大雖相懸真贗此其族
困形生疆名等是千歲木君家襄城野繞郭山抱綠
巍然複領外自有真六六

孟浩然故居

盱食羹不糝肺腑窮雕鐫襄陽妙人物我獨慙浩然

禁中拜天子布衣可逢年一言類缺望明主乃棄捐
淒涼鹿門道舊隱空雲烟漢水不世情猶有槎頭鱖

上山

登山蓋有道迂叟真名論不因在徐行不跌猶足穩
斯言可銘佩萬事為節搆推之為公行天下國家本

從德麟至鄧城訪魏道輔故居懷道符

孟春屬佳辰駕言從郡丞募食戒徒御篝火事徂征
方舟絕橫漢適彼樊侯城緬懷昔封君能使晚周興
千齡想風概慨嘆岸與陵故城若墟落邑屋袖可憑
盤飧勸舉箸幅幅氣拂膺古寺蔽榛蕪破舍餘殘僧

濟二

五

人言魏徵君於焉常曲肱寔居三十年蔚然以詩鳴
人憂不改樂信哉賢者能常聞有四友作堂在郊坰
我雖樗櫟材臭味亦其朋會當從飛蓋清夜一來登
李良相清德碑良相百藥四世孫也天寶中為
尉氏令邑人立此碑

旌廉以廉寡樹碑勵貪夫後人墓前踴當令德不孤

第無愧屋漏斯能遠苞苴番禺惟飲水合浦自還珠

阮步兵廟

在縣東南四十里今墓在焉旁置廟
祠之今諸阮之裔甚多而竹林猶存

千齡一邱壠誰復記主名苾芬百世祠賢哉阮步兵

廟旁故墟里竹林蔽郊坰裔孫仍南北胡能師九原

蔡澤廟

燕人蔡澤相秦宜言往代
范雎者墓在邑旁有廟

從橫事裨闔揣摩相抵巇茲為富貴術咄嗟乃自知
相形直誤人但無百年期遂汝齒肥心廟食飽牲犧

羊叔子廟

緬懷吳晉氏天壤非異宇賢哉羊頭鎮一用惠茲撫
高懷寄山水餘事整軍旅當年峴首歎奄冉隔今古
遺民俎豆之廟貌壓江潁誰令望碑人墮淚若兒女

杜元凱廟

書生昧籌算空立橫草功征南日耽經帷幄明指蹤
胸中有武庫矧與豎儒同賢哉秉節度不制蜀阿童

濟二

六

沈碑雖好名要是真英雄寥寥萬山路爽氣搖松風
和錢之道

仲尼聖之時豈蔽不恭隘知命識大憂嗣世宅已壞

不閱父母邦遠及為蒯賸依仁罕言利執禮不語怪

汗墁泥中轍脂牽速過邁難乎其有恒取善僅鋪饋

苟非言抑揚大道或幾賣峽有食象蛇常苦螻蟻嘖

昭昭神禹功鑿水流九派刊隨神明疲新水螭蜃快

志士每喪元時靡可究屆

薙草

宿草競春力階除日青青何心願滋茂薙去輒復生

一氣養萬類蘭藥盡勾萌何當叙余佩采采擷芳英
同仲寶風雨中過德麟留宿以夜未央爲韻分
得未字并和二公夜央字韻

悲風送寒雨遙夜俄總至草木雖戰秋渠能保柔脆
盃盤照青燈哦詩久無寐安能決雲開坐見參橫未
秋徂風雨多欲作雪霜迺况乃地氣偏寒暑或相借
温涼久未定裘葛易無暇慚愧平原君客至列蓋萃
日爲文字飲短晝繼清夜嗟予寡世偶癡甚已如霸
有田未歸耕無策敢求射耽詩近知味疑從果羸化
敢有天下土轍環之四方適願得所向偶如鐘應霜

濟二

七

交態久未定市道良可傷君看江漢水安流日泱泱

張康節家西軒竹張福夷兄弟求詩

種花鄙弱植種柳惡連陰主人種竹意闔爽見靈襟
猗猗復勁節凜凜况虛心晚歲示貞操清風應好音
扶疎高軒下衆景爲蕭森世襲萬戶封奚取千畝林

夜坐

東郭新雨餘日入涼氣佳長風吹天維坐見參斗斜
默默羣動息寒蟻先秋譁清談互絕倒豈復憂過差

谷隱寺

挈巢江湖去端爲山水癖搗來谷隱遊契我賞心適

寒江渺平楚複嶺轉層壁誰與龍象筵一掃狐兔迹
綵雲布樓臺迎日麗金碧堂高磬聲遠壑遠松響激
山光晚相照空翠濃欲滴行當就墟市幽棲買泉石
日詠招隱詩時過彌天釋

題蔡君謨墨蹟後

古人托一技身死名不滅賢愚置不論筆畫觀可闕
嶧山刻秦銘斯篆屈金鐵雖在衆憎惡恨不頸荐鉞
褚令狷且直還笏首叩血魯公秉忠勤白首抗希烈
獨有虞永興當年稱四絕賢哉蔡莆陽直氣亘南粵
入爲楓宸侍遇事挺奇節揮毫霸當年粲然星中月

濟二

六

非惟驚代能乃是名世哲

嘯臺

步兵遊方外棄禮真太簡過差生杯酒况復能白眼
蘇門鸞鳳音戲技猶赧赧當知愧孫登不獨嵇中散
兵步直曠達與世故浮游平時哭途窮鬱鬱宇宙幽
浩氣獨不捨築臺凌清秋一嘯已忘我况乃爾汝儔
斯人固遺世世亦不汝收得非青白眼釣鉢猶時流
聊爲招魂些釋汝故時憂

言登阮公臺興來聊獨遊因爲爾時嘯景物故清幽
奄冉古今意淒瑟天地秋阿戎迷簿領况復五君儔

王實為監 倉不至 北眺度遐想遺音浩難收登臨感陳迹雲

散惜風流勒車此裴回何以慰百憂

乘流忽遇坎馬以馬病不行觸焉遵茲遊紆餘上雲壘禪房

忽通幽水光浮西澤草樹颯已秋豈無竹林友腰印

不我儔異時東山約興盡輒復收飛蓋想清夜華月

湛西流何當共巾履一笑破羣憂

我登步兵臺緬懷昔來遊英聲入萬壑奇氣盤九幽

轉盼迹已陳況今仍千秋鸞鳳吟蘇門奚用愧彼儔

堪笑劉越石幸勝功遂收登高君能賦乃是子安流

作詩已可人洗我萬古憂

七夕 某親晉漢以來七夕詩數百篇皆用俗說某以為牛女之會不然故作此詩

七夕知何夕云是牛女期俚俗具瓜華階除兒女嬉

繁星爛煌煌流月湛沉輝羣兒望鵲橋橋端七寶帷

彷彿想言笑薶澤疑烟霏人間光陰速天上日月遲

隔歲等且暮會遇未應稀願言停笑驩察我心所祈

我欲賜新巧智術妙通微金針度綵縷寶奩卜蛛絲

我嗟兒女愚勤勞徒爾為巧拙天所賦乞憐真可嗤

故拙不可壓吾寧鈍如錐借云得新巧無乃醜愈漓

吾觀天垂象列星有攸司牽牛常服箱織女不下機

牽牛教人巧積倉歲無饑織女教人巧筍篋餘裳衣

伊誰詢兒女組綉窮毫釐年年渡河漢秋至次舍移

官滯五雲上此論乃吾欺吾為牛女辨欲判千古疑

元祐六年夏自陽翟之睢陽迓翰林蘇公自杞

放舟至宋

放舟杞國岸汴渠正東注湯湯舟下水適與舟相遇

泛泛水上舟與水共東去舟水詎相離曾不遷故處

世人迷動靜順流疑若邈不然逐流浪泊沒為所誤

吾作放舟詩明此流水住老矣耄何為聊用持世故

石棧河在洪關

奔騰龍嶠麓深壑斷如截石棧架寒溪盤陀卧精鐵

從衡布方楚片段髮文裂平如中唐壁鏘密不容泄

南巖盡奇險萬狀森羅列或如巨獸蹲或類巴蛇嚼

哀泉瀉飛磴流沫常噴雪山骨靜無塵泓澄碧潭澈

魚龍不敢宅中有千古月壯哉天地間此險詎勞設

乃知山水心自欲為勝絕我陪勝士游茲名因不滅

足亭張節南亭也臺數尺亭在其上

人生天地間海中一浮漚欲求無厭心無乃不勝求

知足有真樂不然多悔尤淺儒急名譽夸人矜智謀

語默偕蟪蛄生死等蜉蝣不如知足者澹然樂忘憂

袖手閱萬變默坐觀九州眾舍吾獨存同波終異流

君看至足處無得亦無修萬物固皆備反照靡不周
味者疆務外巧爲日嚮偷昔饑止願飽既飽思膳羞
昔寒止願溫既溫思狐裘作徒漫自苦動輒成贅疣
相圃有足亭可見好善優公孫皆秉哲克念踐先猷
欲種豈弟德求異恩澤侯秀嶺聳蒼玦寒溪搖翠鈎
雲傳鄧林雨月送滄浪秋曉暝竹煙暗午薰花氣浮
涼颺泛南榮近照過東疇所遇皆可樂觴詠友浮邱
豈必朝玄圃弭節夕瀛洲永懷樹亭意足焉此優游
鳴琴泉此水自山石中來水石相激於暗竇珠
送塞其質水滿則不
復鳴矣吁可笑也

濟二

三

昔聞流水操想見流水音况復山泉聲聲自如鳴琴
可笑山中人強作碧沼深暗流不復鳴遺聲杳莫尋
近聞石鐘山蘇辨正古今酈元與李渤地下當噤暗
惜乎不聞此使我徒登臨道人笑謂余胡不求琴心
何勞絃上聲泥此非徽金

下第留別舍弟弼

繆承名卿後煜煜贊皇裔閔途邁伶俜勉力濟顛墜
百年能幾何三十已一世胸中經綸策偃蹇未獲試
衰殘蚤二毛坎軻窮五技探珠極溟海耻逢驪龍睡
辛勤禹門浪干仍復中蹟吾道有用舍無乃天所否

巖廊與溝壑榮悴同一戲俱非本來物吾無窮途淚
季父勉問學弓冶付吾弟營營米鹽慮役喪葛計
雖服貧賤勞無損剛大氣慎乃百勝衙早拔萬夫萃
老去重別離悲歌感常棣

下第留別陳至

明稽釣香餌彼取亦已微金丸往抵龜我用一何卑
余生宇宙間動輒多願違天閑三十二庫本作天
王十二閑王
勒黃金鞵奈何驥與騾不使備六蜚鹽車初未脫伯
樂第興悲盍甘生留餓不爲場藿思京都足風埃士
氣隨亦淄君於萬夫間獨若三秀芝浩氣久已定得

濟二

三

喪亮難移對之忘忿戾澹然移安夷論交有斯人是
用久敬之吾生三十年二十九非末路各相望奮
庸會有時貴如未可求守余北山薇

嵩陽書院詩

束髮從政事佩綬曳長裾守令有民社裂地皆分符
問之爾何由必曰因業儒自致或世賞因儒生仕塗
一朝希斗祿輒與故步殊佞夫專媚寵要路事馳驅
俗夫抗塵容勾校迷墨朱自謂尚市道不若放買區
何必念故業易地有蘧廬嵩陽敞儒宮遠自唐之盧
章聖旌隱君此地構宏居崇堂講遺文寶樓藏賜書

賞田逾千畝負笈昔雲趨勸農桑使者利心巧阿諛
飛書檄大農鸞此奉時須垣牆聚蓬蒿觀殿巢鳶鳥
二紀無人迹荒榛誰掃除桑羊固可烹縣令亦安乎
令主尚仁政美利四海敷仁賢任阿衡天地一朝蘇
已責復蠲歛肉骨生膏腴疲民悉按堵此地尚荒蕪
淮西高夫子爲政多美譽百里政肅雍民不困追胥
憤彼釋老子遺宮徧山隅吾儒一何衰廢蹟可嗟吁
連牋叩洛尹移文諷使車義有子矜恥功將泮水俱
興衰雖在天此意良可書却思鸞此者於儒以何誅
又思昔縣令亦昔儒之徒興儒有美意無忘高大夫

濟二

三

史次仲錢子武與余在報恩寺納涼分題各以

姓爲韻

天地怒氣散凱風若顛喜吹彼枳棘墟不入邃屋裏
北風何其涼雨雪雩不止卒歲無衣裘穴處猶凍死
六月如蒸炊執扇猶秉燬芄芄黍苗花吹落不結子
老農悲不獲飛鳥喜自恣雖難答天恩願天投木李

唐寓龍興仁王佛舍德麟公定道輔仲寶攜酒

看納涼聯句十六韻

露宿雨初霽庫本作宿微涼吹廣庭嘉賓忽相遇方
午夢驚扣扇長松森翠影德修竹參青冥飄雲度空

急仲殘日穿林明幽牆隔江浦公遠嶼定風船城市
厭煩暑道山樊念伶俚角巾代公紱方草具踰侯鯖
園實摘的饒德厨醞斟品熒烹鮮縮勁大仲海錯著
器腥笑談得真樂公採擷逢幽馨雲陰剝初霽道夕
嵐收達青窗外憶元亮方詩成懷景昇日須河朔飲
德當解高陽醒煩襟頓忘釋仲嘉詠不少停闐闐發
嚴鼓公穹碧垂繁星一笑跨鞍去奚論楚人醒道

木鳥

小蟲蠹堅木自意叨煩剛蟠身宅幽竇心期千歲藏
爾非虎而翼何乃巧取將剥啄繞樹腹卷舌利鈎芒

濟二

三

一身禍衆命曾未厭飢吭流怨入胡琴美人借餘商
鷓鴣相唱和次第歇芬芳吾生獨何事有喙三尺長
富歲常苦飢不能饜糟糠寧飢忍效汝豈復思隨陽
己卯春許昌湖上酬王實仲弓作

紫荷媚曲塘青秧舞平畦晨光泣晞露衆木含華滋
咸驚物外慕歸休及良時

封禪碑

魏公如管仲封禪止文皇侈心晚猶在厥婦故敢猖
誣彼七十君哀哉爲民殃

文選樓案此詩從宋文鑑補載

申輟應楚聘鄒枚適梁苑潘侯喜賓客賢賢易鷹大
黃綺遊漢廷羽翼贈繒遠秦府十八公攀附名益顯
昭明衆才子文園俾蒐選高齋切浮雲雉堞俯晴嶽
尙應媿河間筆削非大典

濟

圭
宜
秋
館

濟南集卷二

宋 李廌 撰

七言古詩

汝州王學士射弓行

汝陽使君如孫武文章絕人喜軍旅要知談笑能治
 兵戲教紅粧樂營女白氎新袍錦臂鞬條脫掛弓腰
 白羽綵錯旌旗照地明傍花暎柳陳部伍須臾觀者
 如堵堵彷彿如臨矍相圃一人中的萬人呼絲管吹
 嘈間鉦鼓臂弓上為使君壽遍及四筵樂具舉使君
 一笑萬泉喜堂上酒行堂下舞錦段銀荷翠玉鈿意

濟三

一宜 秋 節

氣揚揚皆自許儻令被甲執蛇矛恐可橫行擒贊普
 大勝吳宮申令嚴兩隊官娃啼且怖閭閻臺上呼罷
 休將君雖賢亦物鹵豈知使君不忘戰聊以戎容娛
 罇俎夕陽卷旗去翩翩使君要客登畫船美人不暇
 別粧洗戰士結束圍華筵皆疑征南漢將帥樓船下
 灑方凱還軍中不應有女子偏裨校尉何其儂使君
 湖光照樓船一碧不辨水與天漸看曠色著疎柳已
 見白蘋浮暮烟銀漢斜橫北斗淡明月碧玉疎星聯
 舟人罷唱時弄笛艇子趁魚行扣舷隔浦熒熒見魚
 火意中竹籬青旆懸雖無荻花與楓葉全似送客溢

江瑛亟令周娘作新曲周娘琵琶京洛傳不惜千呼

與萬喚便時轉軸仍撥絃馮夷陽侯或靜聽穹龜大

魚或後先且言白傅時落窠草草會過仍嫣然使君

聞名滿臺閣虎符熊軾聊周旋風流樂事雖可記皆

過孫白二子前會看和戎竟先列鐵騎百萬臨三邊

報功女樂賜二八粉白黛綠皆嬋娟青雲乞身歸舊

里汾城故地依林泉琵琶亭中望汝海無忘飲中今

八仙

題郭功甫詩卷

山人跨魚天上來識者珍重愚者猜或呼文舉異童

濟三

二

子林中獨謂王佐材蚩蚩俗眾目如瞽白馬羽雪皆
 皚皚古有仁賢不愚者舉足蹇路心徘徊桐城明府
 住姑孰襟裾瀟灑天與才讒言屢改耻自雪政事報
 成羞援媒臨川先生久知己十年執政居公臺橫飛
 後生盡豪俊往往振越自草萊洪爐造化豈一端如
 何不與斑瑣坯盛朝能詩可屈指少師僕射蘇與梅
 少師新為地下客蘇梅骨化成塵灰金陵僕射今已
 老班班絲雪侵頤腮當今儒生迂此道如使杞柳為
 椽杯好古愛詩惟有君獨使筆力驚風雷清音繞齒
 嚙鳴玉爛光滿紙如瓊瑰古原夜燭光奪月立使萬

物有灰煤清泉漱石白鑿鑿湍湍落急瀨成淵洄才雄
句險駭人膽九月秋水灑瀨堆有時清貞叩立闕至
誠直可歎郊禘公才穎粟公望異牢落下位命何乖
豈無白虹夜貫斗猶使寶劍豐城埋幾年令尉困下
國板簡青衫趨郡堦猶將富貴委脫穀苟不知命安
爲懷竹溪逸人杜陵翁當年得意稱壯哉直言時病
傲官禁謂可立志青雲階公行孰避蹲草虎由徑不
畏當路豺輪忠獻策恃才藻宰輔切齒全班排遂離
補座謫千里翻疑方直爲禍胎杳如躡雲上幽頂文
石嶸岬懸虛崖下視黑潭鱗魚窟山雨潤澤浮蒼苔

濟三

三

臨危喘喘懼石隕况更步滑粘青鞋上遡逢怒下見
誚愠望窳與羣小偕秋江接天夜如練桂宮隱見瓊
瑤臺泛舟夜披紫綺裘興發鼓柁傾金疊岸人疑是
王子猷姜女柳榆言謔諧滄浪水深波浪濶醉謂止
可採一柴倘徉濯纓傲巨浸掬月不得翻委骸上皇
雖悼屈平善千載乃得爲朋儕秋霜何草不立黃蜀
山戎削青崖鬼馬如蹇驢不慣遠陟險色變成虺隤
閣道繁霜曉成澌古壑暴雨飛陰霾散關野哭夜悲
怨倏見鬼燐明巖隈長蛇食象留齒骨猛虎噬人餘
釧釵故人招庇豈憚遠軍謀宥蜜惟參陪春雨霖霖

興稿苗骨潤不及枯根莖正風寢熄雅頌廢吾言來
自單于垓古今廐馬詎爲匹驂駟駱駝駑與駮力良
俊惟騏驎李杜故得其梧魁前輩攀轅讓馳道下石
夾轂謙爭推二公當年走聲價日月左運天旋回方
今明時廢聲律將使湮淪如燼煨非君鼓吹力主持
是道不世將傾頽關西鄙夫懷此憤白石空煉如女
媧命違時否口常鈍如掛風鐸環堵齋安得獻言彤
庭下出入金馬如鼻枚乘釣廟堂司慘舒建旌立節
如張裴九齡說休度古云能詩多坎軻苟或信矣良可哀
儻使文章敵天下再使神禹驅秦淮

濟三

四

三月三日

柳眼脫殼花將飛麥梢弄黃青穗肥鵝鵠翻遊舟
去燕泥悞落沾人衣樹外浮陽湖水淥漠漠不動會
晴暉沙暖浴鳧遺翠羽岸深老蚌吐明璣

黃河

昔我初爲入秦客殘雪埋關閉長陌黃河二月凍初
銷萬里凌漸流劍戟西風細卷浪花催日射寒光明
瑟瑟歸時細雨正溟濛冷落關河已秋色驚沙慘慘
塞雲黃遠樹昏昏秋水白濟川壯志愈衰遲日送烟
波問河伯

自陝州渡黃河歌

流浪滄浪二十年三江五湖一釣船江神海若諳忠
信此身常在蛟龍淵欲渡黃河濱小兒語相玩鯨鯢
嗜人正饜養忠信難憑彼方悍我嘗夜泛子胥灣錢
塘大浪如銀山崇明海門水如墨况此相望一葦間
為吾鼓槳為君歌氣凌河伯驚鼉鼉醉披紫綺傲風
波濟川遲暮奈天何

上林道

憶昔驅車度函谷解鞍訪古驪山麓華清雖有亡國
恨繡嶺猶存舊時木無情草木競爭春不問興亡自

濟三

五

紅絳漢家上林更蕭瑟宮殿荒基走麋鹿可憐喬木
亦已無五柞長楊今樸檉

琴臺

廣陵散成不忍傳淵明援琴葛為絃乃知此樂潛聖
賢直與天地通其玄我兄能琴人所先我非知音知
自然或聞一曲山月前輕颺如坐春水船逆隨河源
上青天口膠不語坐醴泉鼓舞和氣如陶埏至樂默
默坐忘年

少華山

少華連延翠烟永細路綠雲上高頂奇峯西犇入秦

蜀幽谷南通接荆郢昔年蛟龍忽變化怒感山巔壓
州境山靈吐怪助豪彊地軸狂推如轉梗盤龍七社
萬戶餘卵覆巢傾伸臂猛近來又說神羊嶺六里橫
開罅如井居民惴惴已憂疑惟恐蛟龍怒還逞勿令
岸谷復顛移鼓鑄神功煩禹鼎

回心嶺

萬仞嵩峯接天遠妖武登封艱步輦初登峻嶺已回
心何事艱難能黽勉亦似嶷之泛剡溪想見王陽臨
蜀坂老子山林興不淺與盡中塗猶欲返古人戒在
末路難九十常為百里半世上風波更可憎心不可

濟三

六

回聊自勸

次韻答張閣張閣見寄

我思佳人在何許太行之陽濟川上結茆賦詩臨清
流我情搖搖日西嚮盤谷秋來陰復晴谷口與誰來
耦耕賣刀買犢便能爾功名付之勃與平嗟余追逐
老閭里吟詩作賦不直水韋編鈔藁幸忘憂甘與牛
衣同卧起相從當及壯年時莫年感慨庫本作
典感定多
悲此身安歸送歸客豈堪登臨行路岐萬事紛紛戰
蠻觸不須白眼憎時俗但願如公無榮亦無辱臨流
賦詩老亦足

田舍女

田家女兒不識羞，草花竹葉插滿頭。紅眉紫襜青絹

襖，領頭原作麤纒流黑油。日午擔禾上場曬也，喜年

豐欲還債，備工出力當一男。長大過笄不會拜，有者

四十猶除家東村。定昏來送茶，翁媪喫茶不肯嫁。今

年種稻留踏車。

蚩蚩

氓之蚩蚩不足數，四月五月濛濛雨。閉門縣榻二十

年不見孺子與文舉。

趙令時德麟作襄陽從事，丁丑季冬出行南山。

濟三

三邑某同謝公定，曾仲成潘仲寶攜酒自大悲

寺登舟過峴山，宿鹿門。明日復自峴首目送緣

絕壁而往，上船山下相與酌酒而去。德麟賦詩

次韻和之。

鄒湛葛疆往過此幕中，佐曹長簡書習池峴首自今

古，故時悲喜成空虛。越王之孫府從事，惡人亦作俗

吏。呼日從雲間，二三子醉吟嘯。傲相携扶王孫才高

倦，羈束溫紙詎可包。於菟興來鼓權碧，江去把酒賦

詩。聊與娛野人，相逢荷傾蓋。坐上作客慚食魚，紅塵

化衣對玉樹。白髮茁鬚如霜蕪，飽聞襄陽好風土。喜

見山水相盤紆，久憐消髀厭羈旅。便欲卜隱如林逋

著書，雖可自覆誓志怪。猶為鬼董孤，茲游起我邱壑

興。豈復自為形迹拘，山中一屋可托足。裘葛暑具便

有餘，結茆耒耜老巖谷。豈學少室隨，駕盧老妻汲澗

莖。葵藿丁男負芻仍，掃除諸公富貴或肯顧。結駟野

服來吾居。

謝公定所寶蕃客入朝圖，貞觀中閻立本所作。

筆墨奇古，許贈趙德麟而未予。為作此詩取以

送德麟。

君不見燕然易水波，桑乾東連鴨綠西。賀蘭古來戰

濟三

地骨成土赤，棘白草沙漫漫。漠築朔方置上郡，晚歲

歎塞惟呼韓。貞觀文皇力，馴制諸國君。長充王官玉

門，不關障無候。驛道人參天，可汗蠻夷邸。中諸國使

旃，裘椎髻來長安。我恨不為典屬國，望古逸集真可

歎。今觀此圖寫職貢，要荒種落蒙衣冠。獸蹄鳥喙或

鬼色，想見膜拜皆盤跚。聖朝賢良謝夫子，勁氣烈烈

霜風寒。目眇唇焦萬卷爛，筆頭成塚墨成灘。南陽勸

駕一封傳入對，三道朝金鑿萬言階。一作對萬乘喜

聲名，一日青雲端。行宮遊廟堂上坐，令四國相交

歡。羽書不馳烽火冷，鳴雞吠犬何敢干。借令跳梁出

巢穴不用斧斤摧髀髓戎亭喋血無唯類藁街懸首
如狐權君當身畫凌烟閣縱有此圖何必觀同僚華
原貴公子求公此畫公無難乃知功名丈夫志不惑
玩好勞肺肝憐渠孜孜盡成癖心欲速得如羽翰不
如遣佐篋中品猶勝囊捐終不看

德麟自南邑至鄧相會作詩次其韻

脂車欲入南山路馬首忽西真有數此生元元老江
山曩事紛紛過風雨君行嶺上正穿雲我向津頭欲
呼渡石門秀絕冠荆楚萬壑千巖供指顧赴澗哀泉
咽復流出岫閒雲散還聚遙應寫懷遠憐我瘦馬饑

濟三

九

童傍江霧平時追隨若形影異縣相望忽如許他年
兩翁各賦歸思山便可拏舟去

千齡檜

岡頭老檜不記年古父約以千齡傳高枝凌兢倚北
斗低枝猶藏萬壑庫本烟蟠根直與地爭固不許蚓
穴通黃泉陰森古恠神物附雨晦每見蛟龍騫賢哉
樂天真逸者手植蒼檜今宛然元和元豐五十紀婆
娑下委纜及肩信此千齡尙虛云幾見海變邱陵遷
乃知不爲斤斧夭不在澗底與山巔

四庫全書攷証云元和元豐五十紀案元和元豐
不及三百年而此三五十紀蓋信筆失攷之訛

鼎足檜

巨根盤巨幾百尺高幹植立參天長蕭蕭氣清霜月
白雲根桂子飄秋香松陵高士風骨奇灑然臨流傲
滄浪油雲委地墨欲滴靈風拂雨炎天涼鄧留執策
信秉鉞軍中舞劍語激昂幽林俯見皆樸樾反視茂
質獨著蒼樂圃先生最珍玩如神偉象豈等常夢松
蓋有三公兆蒼檜鼎峙寧非祥

樛枝檜

檜今老矣何兢兢樛枝下屈如不勝左松右柏非爾
明繁霜茂雪徒騎矜鞠躬不敢騫其肱午陰淒淒綠
鬚鬢六月爽氣飛秋冰縈紆茂密羅附藤猿猱臂絕
愁難升老龍銜雨將飛騰矯首欲舉逢饑鵬

濟三

十一

題王摩詰曲江春遊圖

咸雍山河互王霸涇渭爲隍城塹華曲江臺沼備豫
游祇興畫師供入畫長安城西山萬重昆明烟浪繞
新宮新蒲細柳春風裏萬戶千門佳氣中我生不及
開元時猶喜此圖今見之蒼莽烟綃橫短幅眼中終
南側溪淥傾城士女巷無人三月三時原校曲江曲
老稚妍媸賤或貴來者攜壺歸者醉筆端造化有能
事各肖人人樂遊意如今此地空塵迹石鯨縱在如

銅狄宜春五柞更蕭條無復榛中得遺璧我願吾王
明六符不蹈漢唐耳目娛池籞假民任畋漁無令畫
師爲畫圖

王寶洗兒歌樂道觀
文長子

昔聞古夢占巖熊今見得子如阿戎先正舉世稱至
忠垂慶百世皆萬鍾山川秀氣久結融今復俾君生
此雄五侯七貂十八公當有八元爲八龍愧我塵埃
非太真難使此兒名作溫勸君大作容駟門作詩聊
代添金盆

盧泉之水次韻晁克民贈隱人

濟三

盧泉之水名何長裂臍不到空莽蒼讀君詩句心已
涼便覺滿耳清浪浪彼方逐臭如竊香肝膈鼠飽神
鷹揚有客飲水依朝陽睥睨不語中何傷過從得君
想更樂直欲造化窮微茫何當相從老此水桀跖夷
齊均是死

邊城四時曲送盛璋東玉之官平涼

邊城冬日日黃埃飛朔風葱嶺雪深埋古道河岸冰
厚與天通可汗牙帳青海東壯士卷甲趨奇功公孫
卿材名將種橫槊賦詩海濤湧作吏宜思故家勇早
取靈鹽隸秦隴

詠齋詩

古昔詩客長風騷雲間野鶴鳴九臯六丁極天十萬
遭攝提執策窮牛毛元珠罔象誰能及或長壯麗稱
雄豪九原殺氣橫天高朔風吹雪沾霜刀銜枚束甲
夜渡洮軍中壯士乘白旄忿怒不可拔一毫白狐幾
腋成一袍東溟一釣連六鼇二長不同各有勞吟咏
至審公譏褒詠齋之樂真陶陶君毋獨樂愈自高亦
當以手援兒曹

寄楊十三虞卿

前年君去時覆水坳堂中三年君不歸昨夜風雨驚

濟三

破屋不知生蛟龍壯士心耻隱忍拔劍刺潰癰三杯
然諾許君死魚腹置匕首直入吳王宮扼鐔霹火飛
吐氣成長虹義名如皦日英氣凌秋風

秦觀少章寄寂齋

臣門如市心如水漢宮解識尙書履形若朽木心死
灰東郭子綦初隱几明珠走盤丸走坂性不遑遑常
止止蚍蜉戰聲如雷霆渠自紛紛相我爾達人觀
觀萬有區中狹隘真一眯磨堅涅白自吉然不必飲
牛憎洗耳

無渡河

無渡河無渡河中有龍門之雪浪天地之洪浪上有碧崖之岌嶮下有暗石之嵯峨蛙蚓得志相譏訶况復龍蜃與鼉鼉崇朝一舍即我郊黎民一葦平可過無渡河無渡河招招舟子不足信彼已維楫將奈何自山中歸至登封遂諷高宰今取峻極中院厨前石鐘板蓋唐人寺記字甚奇麗也

吳砧已碎樂坐論京江昔沈瘞鶴銘半裁紫陽立砧石考擊化度求金釐乃知金石有厄會名碑舊疊長安城頃年醴泉有賢令政譽藹藹多流馨為憐文星足人傑昔皆耐葬陪昭陵壞垣糞壤得顏碣榛邱棘

濟三

三

攏求魏徵史訛遂正冲遠字石闕再樹六駁形板圖列籍示過客龜趺螭首羅齊廷後來謬令類俗子輒去其籍人皆懲昔到般舟訪遺跡季海寺記今彫零曉聞晨鐘呼僧粥石磬嘹亮穿雲清往觀乃是唐短碣大窮索縛乘前楹字形崢嶸筆蕭散遠過名殿諸題經勸僧拂拭置高壁安知野僧不我聽十年再游尚如昔擊拊刻劃將俱平急歸入城諷縣令立使昇至無久停此碑復立非我力奇物久廢天須興

有懷都下寒食

上國茲晨每豫遊仙仗繚繞來瀛洲天王高御寶津

樓侍臣壁立環諸侯簫韶引風搖樹羽晴波飛影動宸旒闌干仙人深霧毅樓前彩纜繫龍舟錦標霞舉奪日原作精萬楫競渡馳蛟虬天顏一解四海春樂歲已忘凶年憂况今持盈戒敬器不使逸豫常從流錦帆高張亦佳耳清汴東注貫揚州

真君觀

嵩山勝地神仙宅真君獨作嵩山伯潘師正謂門人曰陶弘景為嵩山伯今百年矣扣帝求代帝命舉所昔聞解職扣帝知弘景舉余矣師正遂尸解而去閻厭此塵寰年已百天上百年一瞬閒下土袞袞多腥羶勞神應念日月走瞑目深哀膏火然潘公欲代

濟三

四

復誰舉仙籍題名今幾傳憶昔元豐己未遊仙泉猶作雨深湫十年新事還堪笑廟貌今祠靈惠侯真君作廟泉矣道士利其祠禱也

經史閣

方城范貺富而善教子作經史閣以藏書諸子皆有時名屬友人曾緯彥文求詩為作此篇

隱君扁舟離五湖初聞邑子驚陶朱多金不用五持術高閣惟藏萬卷書牙籤玉軸比四庫縹帙錦囊過五車河間闕遺應復購汲冢蠹簡嗟無餘碧山學士

詳傳業黃卷古人相與居謝庭芝蘭信靈秀質家椿
桂皆芬敷未欄翠瓦照空碧秋山晚林共扶疏寒溪
送月出幽谷白雲因風生坐隔道山三館限清禁山
中此樂彼所無異時聯華陟嚴近白虎東觀文石渠
願持善本校中秘毋令後儒爭魯魚

求茶戲邱公美

公美方自靈隱來面上灰土衣塵埃自言夜借僧榻
眠白日買酒不惜錢半月等得頭水茶欲求善價先
還家君不見邊孝先瞋睡晝多眠點茶追清興誠與
真性便聞君結交素奇偉朋友須求無逆意苟惠上

濟三

品一斤來度全見利而思義

王彥溫多恕許惠葉縣石方尊將以貯酒作詩

取之

葉山堅石如水蒼斲為大尊重且方斟酌胡能間疊
耻獻酬不解隨鱗揚勿言研材用非稱麴葉文章皆
伐性請看毛穎不中書靈及時時一中聖月巖老子
飲山村但惜田家老瓦盆已剝匏瓜代杯飲願君持

此比窻尊

相逢行

平生不為輕薄遊故亦不作相逢行尋常不強畏犯

義直欲端彥規後生有客性不羈謂我何泥固太上
立德次立功癩兒乃為功名誤顏回窮凍終何成東
山餓夫適庫本自若君不見白楊依依北邱墓斷碣
滅裂礙行路鬻骸物化今何為劍鉞雖存委為土癩
兒胡為不早悟我聞是言笑不顧摺衣布武出門去
杳如乘鸞向烟霧精神流離不自據想像髮鬢若神

遇果見姣姬拾翠羽毅袂障日揚輕素芙蓉倒影碧
波媚薄雲映日光未吐冶客異公行聯娟美無度驚
翩翩下烟渚游翔嬈將高舉為憐牽牛久獨處欲解
明璫贈交甫臨行惠我不語意定駕星駢為暮雨

濟三

崇福宮

崇福乃古太一所治今有太一殿存焉其後有太一泉今此宮頗推毀

上都太一臨天街千乘萬騎頻往迴神崧太一古所
治曷日屬車游豫來昔年章聖奉立寂離宮萬堵臨
崔嵬定陵弓劍隔重嶺金碧渝暗翬鴛推重門銅獸
閉永日靈囿御坐生蒼苔達官乞開奉祠事肉食同
知真可哈小臣作詩非望幸欲寫萬壑松風哀

壁間所掛山水圖

老驥無能空在閒
疑首荷既飽思行山
誰知八幅分
向背恍如百里隨
躋攀雲烟濛濛心
共遠草樹陰陰
日將晚一聲幽鳥
隔前溪萬古回春
來疊嶂涼風彷彿

佛飛清霜奉身九折思王陽嗟我胡爲不自愛逐物
顛倒輕餘光瓜籬活計知何日相對無言搔短髮芒
鞋竹杖請自在皎皎吾身真匪石

聞角歎

晚角吟聲正悲嗟爾行道遲遲兮中心有違女心憂
傷之人未歸臨岐滿抑淚輕埃變汚泥壯夫安爾爲
日月掛兩廳厲聲長嗟咨噫吁嘻季世無良臣御邊
無上策輔桀盜貨財藉功數俘馘安知閔國步且要
高官職勇如漢將軍詭道作無益角本胡地樂相聞
地遼邈漢家豈無大呂與黃鐘豈無鼙鼓與鉦鐻且
欲震軍聲安用胡地角胡不嚴秋關兮莫使胡人來
莫使琵琶之聲過河朔

作塞上射獵行

塞雲委地如潑墨惡風吹沙沙黃黑紫髯將軍柳葉
甲銀駿護闌白玉勒鐵林子弟八九千飲馬渡橋過
河北沙漠默地古戰場寸草不生地皮赤將軍指呼
令鼓聲旌旆悠悠動望壁壯夫露股挾纊溫蕃馬韜
脚寒有力龜手荷戈指欲墜氣結冰陵滿須麻首驅
蕭蕭近林騎軍聲業震金革性狐跳梁罔兩避虎
豹驚駭喪膽魄山根淺草枯槎枒隱隱葉下見兔跡

濟三

七

武夫張宜四散逐雙兔雌雄中金鎬自云舍矢不失
馳手持雙兔有德色凱旋如殪大兕歸喜非詭遇無
所獲常聞武功貴時習忘戰必危欲定國蒐田以時
選車徒士卒素練務嚴翼季冬物成農事休民閒庶
類亦蕃殖泮上虎臣獻俘鹹淮夷攸服遠人格悲夫
王澤寢熄多鬼蜮蒙恬白起爲民賊君不見長平鬼
哭萬人塚擊破秦坑髑髏白

贈卜者張生歌張麻陽人也

我憶扁舟昔南渡江心忽值蛟龍怒大浪崩騰舞我
舟尾脅蜿蜒束吾櫂怒聲如雷雷火烈腥風鼓天天

濟三

六

如霧我觀蛟龍等一戲衆面倉惶獨無怖平生忠信
天自知死葬江魚末應候須臾水天碧鏡淨順風入
帆風若御麻陽古岸艤荒亭寒雲澹澹依江樹江南
山水天下奇更在江山奇險處朱門玉窗帶青嶂想
見君家傍烟嶼我今西來二十年夢寐江南見幽趣
夫君何爲抱奇術輕去故鄉踏長路胷中秀氣未甘
蟄欲繼君平齊季主術高不肯等閒售惟喜遨遊卜
卿輔爾來山郭坐空館憐我困窮爲推數閱人多矣
君自信歸去來兮余已悟少年飛動已知非老來憂
患寧堪顧壯時猶愧不如人豈復衰殘疆馳驚儻來

軒冕任去留縱有功名逼遲暮箕山之陰潁水涓三
頃荒田安賦畝曲肱飲水吾自樂乘堅齒肥鳥足慕
吾生貧賤吾自知不解脅肩求富貴我知富貴當豈
得已可通侯封萬戶惟有退身可自如造物哀憐應
不拒扁舟常繫屋南溪會當乘興江南去

胡爲乎行贈邱公美

吁嗟懂懂之民兮何終身不靈耶不能揮毫糜青天
耀白日胡爲乎布衣韋帶事讀書不能坐窮廬運籌
算胡爲乎騎馬試劍輕其驅項籍耻作百夫勇禹行
舜趨猶賤儒億乎四支愁五臟不能成功竟何如胡

濟三

九

爲乎直待臨老空嗟吁盍歸乎來盍歸乎來長橋繫
白鯉擺尾向天臺風流李北海雄望摩九垓長卿向
窮時尙爲臨邛哈北邙古墓空蒿萊胡爲乎須上黃
金臺

趙德麟中秋生日

中秋月風露淒清光倍潔皓氣澄霄萬象沉孤光散
彩繁星滅中秋潮江海鯨波此日高倒卷東溟蕩平
陸逆撼九江翻怒濤治平初年歲執徐越王國邸生
英儒虎腰燕頰巖電目鳳準犀顛冰雪膚九天月華
爲爽氣識照古今窺聖秘曾中洞達不容塵瑩似太

華無滓濺浙江潮頭爲駿聲名滿寓縣高崢嶸詞源
落筆波濤動馮夷陽侯皆震驚裕陵求人如不定蒐
選羣材起巖谷網羅英雄至四海晚獲天麟在王族
陳書令上芸香閣中秘校讎專筆削辭榮寧作卿寺
僚外遷肯入諸侯幕人嗟官冷久淹回我知解養王
佐才聖朝方欲相宗室黑頭作公坐三台年年特班
謝明主寶床禮物來傍午兩軍戲仗侯掖門馬首迎
歸入公府我雖無能世或取尙可與君爲詔語

以古畫觀音易眉子石硯歌

疇昔翰林蘇謫仙溪藤寫贈眉石篇

先生頃于南京嘗寫此篇贈應

濟三

五

欲尋此硯副此什婺源之水空茫然君家寶硯多奇
石一一玄圭與蒼璧此硯初來衆硯疑厠居末品真
可惜寶林大士千億身吾家古畫妙入神欲持吾畫
易君硯度幾連證西來因我持君硯復何爲嵩山之
陽潁水涓茹藜咀藿坐蓬蓽漱流枕石書新詩萬事
推遷皆傳舍世間孰是常存者畫硯依余聊稅駕

測泉亭詩

古井嵌空下如屋寒泉覆冽甘如飴昔人傳是龍蜃
窟睡未千歲人不疑雲蒸每見飛靈火沉縷或惹鬚
間菴安得海奴乘犀炬乘月夜照窺端倪

東湖詩

翠荷弄水時出沒紫萼浸滑涎蜿蜒川光遙接行潦
前野氣空濶浮寒烟常思郢客解刺船豈解乘槎上
青天又思吾兒能測淵豈能奪得驪領蟻上昇却回
復入海只恐澄海為桑田

對春詩 文津閣本作
對春二首

半陰半晴惱亂我不禁春意惟殢春黃鶯丁寗舌初
轉楊花輕盈來弄人東家鞦韆多美女舞腰娉婷衣
金縷彩索徘徊漸漸高墻頭見人羞欲住柳下誰家
薄媚郎立馬昂頭不肯去一點兩點催花雨章臺走

濟三

三

馬無塵土少年去老能幾時買笑金錢不須數高陽
酒徒多白髮長安佳妓今老嫗與君把酒莫厭多作
意彊作青春主文章放行多氣焰筆畫把捉無精神
願得神王如六通日寫萬卷酬青春

某項元祐三年春禮部不第蒙東坡先生送之
以詩黃魯直諸公皆有和詩今年秋復下第將
歸耕潁川輒次前韻上呈編史內翰先生及乞
諸公一篇以榮林泉不勝幸甚

半生虛老太平日一日不知人不識鬢毛斑斑黑無
幾漸與布衣為一色平時功名衆所料數奇辜負師

友責世為長物窮且忍靜看諸公樹勛德欲持牛衣
歸潁川結廬抱耒箕隗前祇將殘齡學農圃試問瀛
洲紫府仙

精忠觀崔道士投劍柏中劍常吼若雷

陰陰老柏森庭隔外脫中空若虛在崔仙投劍柏遂
神劍氣騰天劍聲吼頃年天師受丹訣此地精思歲
華久玉函金匱發靈崖因使陰符誣虎口 張天師道
陵得九丹
之訣于崖下于此地精思累年然後得之云
殿中真人道玄筆筆妙飛揚
傳不朽霜髮羽人逢白叟閒歲已聞踰九九神游八
極吾所題道骨仙風愧無有欲賦大鵬思子微恐爾

濟三

三

年齡亦為偶 梁觀主八
十三歲

張居士歌 序

張居士名拱字輔之誠信敬謹之士昔遇異
人以蒸棗七枚食之云餌此當終身不食拱
始疑而浸食之果絕粒二年行步輕捷神氣
冲散拱云欲不食則便可不食不問久近欲
食則日可兼壯者之食五人亦未嘗厭也拱
善醫世家京師龔章之甥龔夫之表兄也
凡夫冥冥不知曉劫塵流浪如沙掃上天宮闕隔青
雲九原壠墓空秋草神仙有意憐下土獨取飈車出

三島張翁陋巷貧且賢
簞餉瓢漿久懷寶羽客飛來
自何所蓬華相迎笑相勞
高談妙理道本立定是青
牛度關老仙丹無形有真氣
一視傳靈入凡棗聊分
七棗遺張翁一餌云充千歲飽
張公不食今幾年齒
如兒童顏色好我聞神仙本無
滓諸漏皆空體玄道
姑射神人飲風露淮南雞犬依
丹竈真詮自然本簡
易不在勞形勤補腦封山航海
漫殫費葉衣草茹空
枯槁况乃紛紛五濁世粒食火
化常熱惱余苦風塵
衰太早綠髮蒼蒼半玄縞青春
堂堂暗中去常恐餘
生似潢潦何當刀圭借殘齡相
與神遊超八表

濟三

鍾山鐘

延平雙劍朝豐城
鐘山之鐘挾以行
延平春浪沸天地
左右兩龍雷火鳴
建隆真人君八極
河伯效珍寶鐘出不
似汾睢發鼎光泛泛
逆流浮萬鑑詔賜閭
濯龍宮聲掩景陽聞
九重吾聞此鐘亦神
物獨肯寒溪就埋沒

舞陽令祝樂天再任

庚寅十月二十五曉分
黑帝臨丹府怒來鞭
掠玉麒麟下降英靈
佐明主廬江從此生
奇賢使是奇人祝
樂天鼎沸絃歌一百
里雙鳧舞水又三年
部民共獻

長生酒鸞鶴莊椿只依舊
我詠蟠桃別有春何須更
作人問壽

元祐六年夏自陽翟之睢陽
迓翰林蘇公自杞
放舟至宋

發輟嵩麓背烟巖解維水程
仍二三杞邦想見舊風
烈許邑自知誠子男天地
憂懷真過計文獻不足良
可慚放舟適未覲君子白
頭終期老江潭

擬楚詞序

段文饒道充蒲城人也訪余
於京師時道充將歸隱於渭
濱故作楚人之詞以觀其歸
其

濟三

詞曰

匠執斤兮道周稱百尋以弗用兮谷之詞以輪囷以
爲杯兮孰謂賢於杞柳揉吾性以矯真兮寧全天以
爲壽樂吾樂兮樂不汝違樂不汝違兮盍歸乎來哉
犀何尤兮以角累象何咎兮齒爲莪童牛天兮職駢
剛而繭栗龜告猶以灼兆兮靈泥中以曳尾珠綴旒
兮悔夜光之不祥玉爲圭瑞兮痛山輝之爲殃樂吾
樂兮樂不汝違樂不汝違兮盍歸乎來哉蘭九畹兮
芬薝芝三秀兮焜煌山嵒嵒兮呈姿川溶溶兮搖光
風馱馱兮麻楯雲續續兮度梁葍爲衣兮薜爲裳椒

盡

爲體兮桂爲瓌樂吾樂兮樂不汝違樂不汝違兮盡
歸乎來哉

嗟美人詞

樞密直學士劉公希道久遷於外元祐天子
方欲大用於朝而薨余心哀之故作嗟美人
詞以弔之

嗟美人兮何之撫干禩兮增悲咎司命之匪仁兮弗
庇下民故嗇數於令人兮俾勿儷乎常期既闔端之
引大復柅止而繫維仰天衢而願騁兮羗爲惠之罔
終嗟美人兮懷思闕靈而自珍兮寧燕婉而倚巾彼

濟三

美

鶉鴉之早鳴兮欲衆芳之隕衰亮汝懷之匪良兮喜
佳卉之具腓靈芝遑恤汝以自芳兮亦三秀而呈姿
候蟲呻吟而競秋兮燿燿夕飛而流光蚊角翼而虎
噬兮或負岳而成雷俄歲運之徂征兮復爾齡之幾
何彼大椿之先秋兮意松柏之後凋屬歲之太甚兮
雪霜窘而煩威春歸來兮暘谷溫條風發兮百卉菲
土泉閉兮崔嵬獨立黃兮就萎委長年兮澗濱匠初
顧兮弗辰感佳時兮嗟美人蛻遺榮兮上賓天我籲
天兮九閭如可贖兮百身

驪山歌 案此詩從宋
文鑑補載

君門如天深九重君王如帝坐法官人生難處是安
穩何爲來此驪山中複道連雲接金闕樓觀隱隱橫
翠紅林深谷暗迷入駿朝東暮西勞六龍六龍西幸
峩眉棧悲風便入華清院霓裳蕭散羽衣空麋鹿來
遊墟市變 宋文鑑作
猿鶴怨 我上朝元春半老滿地落花人
不掃羯鼓樓高掛夕陽長生殿古生青草可憐吳楚
兩醯雞柔臺未就已堪悲長楊五柞漢幸免江都樓
成隋自迷由來流連多喪德宴安鴟毒因奢惑三風
十愆古所戒不必驪山可亡國

觀吳正獻真 案此詩從宋
詩紀事補載

濟三

美直 秋節

次公不許畫麒麟孝宣妙選知名臣拜公之像想風
度乃是雲臺子顏之文孫元豐天子建原廟玉宇萬
棟臨端門累朝名臣儼冠劍列聖御坐開乾坤修廊
秘殿鎖春色彷彿音容皆駿奔相君相業皆元元旂
常彘鼎定書勛儀形在歿侍神考英氣噩噩凝天闈
嗣皇方思服盛 庫本
原闕 美欲考辟公觀列文君傳茲圖
落人世世人遂得知瑜璠吾知袁公固有後能平楚
獄竟無冤召公甘棠猶不伐衛武之德誰能諉君不
見温公之像滿人間願廣此圖令並傳

濟南集卷三

宋 李廌

五言律詩

方竹杖和公遠

性稟方外正人憐節瘦輕特携防水潦殺活奈山精
直以中圓稱名因義類清若將靈壽比未可賤書生

同張公碩梅耕道訪董疇老郊居

白水弄青秧晨烟著柳行羈懷正飄泊陂路轉微茫
蘋際鷺鷥下塍邊菱荇香相從尋勝事蕭颯興何長
灑水官橋路將軍甲第新綠沈閒結鑰菜几淨無塵

濟四

一宜 秋節

下榻喜賓至問田憐我貧相逢便傾倒晚歲定情親
青雲兩高士肯伴老夫游方駕相迫逐通宵復獻詩
詩書嗟失計農圃話良謀日後耦耕伴懸知總白頭

秋菊

春花富紅紫黃菊與秋宜風勁幽香却露晞寒艷滋
孤標雖獨步呈秀此何遲欲待羣芳歇專榮占一時

秋郊

郊原千里望好是暮秋時欲盡登臨興惟應杖屨宜
鸚鵡方得意燕雀彼焉知黃犬蒼鷹去誰家年少見

出城

岸走舟安穩逍遙若步虛晴烟迷白鷺春水見浮魚
桑樹連坡種人家夾水居年豐村舍好稚子學詩書

秋山

山色帶晴雲雲山遠莫分寒林迥蕭散秀氣自氤氳
定有邱園士彼同麋鹿群弓旌訪巖谷誰為上方聞

寂麻古關道二首

寂麻古關道早秋生曉寒空濛朝雨細憔悴客衣單
事逐烟鴻遠情隨雪鬢閒蕭蕭倦游意天際路漫漫
寂麻古關道曉烟寒未分愁情滿秋草歸思隔黃雲
客路自多感宿醒猶帶醺蕭蕭倦游意况乃久離羣

濟四

二

秋鶯詩

秋日生春意林間聞曉鶯奈何時序晚不及候蟲鳴
搖落無多感芳菲會滿城好音宜自然反舌可無聲

秋扇和之道

過時悲既往適用復相先世事莫生隕人情月晦圓
寒涼非爾適衰歇豈余捐歲事待秋斂農夫期有年

續題郭功甫詩卷

詩道今蕭索騷人古困窮夜寒金殿冷秋靜蜀關空
廡隸廢宛馬壇巫詠守宮採珠探水府絲黍慎蛟龍

戲贈史次仲

世俗匪吾謀嘉篇常見投舊交皆炫曜夫子猶淹留
禮樂尙虛器衣冠何自囚祇應涼冷後蕭颯更清秋

秋曉

秋色已飄零淒淒曉更清蕪城宿殘靄雲日遞微明
瓦冷寒霜色庭空槁葉聲悲歡更盈耳蕭鼓和鏡鉦

青泥雪中 和德麟韻

君笑吾癡絕吾知自不癡遠游陪勝士歸橐有新詩
笑覺山途近寒匪酒力遲相從畏嘲謔別後復懷思

秋蝶

粉蝶爾何如秋深尙戲飛憐渠迷節物猶若弄春暉

齊四

露葉今非昔霜叢疇可依籬邊菊無幾薄命寄餘菲

宿路北

晚日明青嶂春風送馬蹄數朝秦嶺北今夜洛陽西

禁水綠波滿蕪城碧草齊容心歸更速解轡恨棲雞

分題得古香爐 分韻得
遲字

質爲浮休棄形惟好古宜埏陶異巒磔香火近神祇
冷暖非恒德興衰彼一時含茲何所適爾意勿遲遲

和次仲硯詩

聞道端溪好疑應爲土風彼人非博識此語未爲公

野客雖云美才華恐未同濡毫滋墨外文渙亦徒空

秋溪

秋溪已澄徹山色貯溪中雲渡前州白霞生別嶠紅
波瀾寒自鑑魚鴈共遊空棄置功名念羊裘作釣翁

釣臺

釣國固有術直鉤寧漫勞吾常鄙龍伯豈復羨琴高
濯足風波地遊心虎豹韜誰云無是子天下自賢豪
此地有天險雙臺千仞岡眼寬知世窄望極使神傷
慘澹諸峰立縈紆一水長振衣懷古罷新句入斜陽

秋風

萬籟靜中起扶搖風怒號半天鳴劍戟平地卷風濤

齊四

鷓退宋都疾暉搏溟海高賀蘭吹不盡何用戰蓬蒿

陸龜蒙有
戰秋詞

范蜀公挽詩十
章

蚤歲青雲近英聲四海馳能懷天下寶獨讓月中枝
既已登龍坂咸觀入鳳池如何老清禁偃蹇卧明時

公禮部第一不效
前人廷試乞超等

仁人宜有勇無欲故能剛凜凜回天力危危極諫章

一言扶日御萬古正乾綱首犯龍鱗意淵衷亮未忘

首乞
立嗣

慶寧雖首議濮廟一何公君子初無黨賢臣惟盡忠

死生全大節社稷倚元功疾彼梁邱子依違祇向同

公力爭
漢廟

荆舒昔未懲抗疏誓身爭衛鞅雖難屈桑羊屢請烹
危言知不用脫屣謝浮榮豈戀三臺近全無萬世情
直氣犯荆舒承明下玉除禁林餘諫藁蜀道擁安車
自謂三宜去吾知衆莫如誰爲忠義傳事事舉堪書

王荆公自爲
制落公致事

嗣皇思故老趣詔侍筵經駟馬空頻駕高鴻本自冥
蒼生雖絕望盛德愈流聲出處俱全節輝光並日星

元祐天子起
公侍讀不起

濟四

五

關雎久盈耳魏闕亦游心不廢江湖樂親調鐘磬音
九重初擊拊千代正哇滄器在人亡矣哀哉淚滿襟

公奉詔
倚新樂

重望晉隨會清明越大夫忘身安社稷寄傲老江湖
黼冕固已遠黃金猶可模旌賢宜異數願上孝宜圖
八十雖云壽吾嗟未及期方之昔衛武猶不至期頤
幸處仁人里叨膺國士知空餘戀軒想况復九原悲
泉樂西南圃從公數共游清無馬融帳榮預李膺舟
河漢德星隕山川英氣收孤生築場意索寞向新邱

光祿朱卿挽詞首十

自信仁由己深知道滿門才華輝日域嘉譽達天關
坦腹方趨進亨衢迓駿奔欲令唐晉後不獨美姚溫
要路多知己期公集有庸行趨青瑣闈榮拜紫泥封
帝室常虛席侯邦久卧龍空餘遺愛頌安得鏤斯鏞
省寺官聯貴曾升社稷臣雙瞻觀日月接跡望星辰
錫爵雖開國封侯未富民天扉如可到直擬問通津
南國舊書生今誰老更榮朱轡頻補郡白首到名卿
牧守惟司命官曹任老成道乎始已矣何患不聲名
疇昔始龍館能聲到海隅兆民方菜色境政獨蒲盧
尙賴德彌邵安知今也無猶聞江左郡荒政後來蘇

濟四

六

七十古云稀公忠况未衰言常思悟主老更惜明時
雪髮丹心被君恩寶劍知如何天不怒直道竟何施
樂圃林泉好藤蘿蔭古臺仰攀高節處豫約掛冠來
涼月空堂影新霜百草芟淒清行樂地履跡滿蒼苔
滄海步悠悠關河壯氣收魂歸傷委脫壑迥失虛舟
月暗菰蒲夜山空木葉秋可想頻悵望松梓繫新邱
五十雖非壽休嗟不怒遺賞延姑可待子貴竟何遲
異鵲驚蟬脫淒風落木芝乘聽千里客歌罷不勝悲
蚤悟多金累惟修儉與仁考終雖罔愧直道未容伸
地想流謙德天惟賚善人昭昭錫繁祉餘慶在振振

賀蘭先生詩同陳恬叔易和節度使王漢忠韻

陘隘區中世殷勤招隱篇應居小有洞幾見大椿年

菴廢雲埋谷琴亡聲在泉至言曾悟主持此合昇天

菴臺在嵩山承天觀鳴琴泉上

顏魯公祠堂詩

劫來游汝海初識魯公真盛德宜蒙祀英姿儼若神

典刑雖異代勛績在蒸民憶昔艱難際生逢歷數屯

羽書來葯原校作朔漠邊馬度咸秦河朔皆朝虜平原獨

挺身蠟書通帝所羽檄論邦隣許國心無二孤軍氣

復振弟兄同義烈生死劇酸辛已怪酬庸薄那聞左

濟四

七

降頻江湖銷歲月省闈悟經綸相國心多忌軍容憤

復伸同朝緣妬媚一諤庫本作俾遭迤輒墮奸邪計

剛期跋扈馴哇凶令履尾納諫為櫻鱗假手雖云智

擠賢太不仁茹瓊蘇武餒決背蘭生嗔誤問長安使

寧為叛將賓一時全大節千古仰清塵緬想神如在

推遷跡已陳謀謨存汗簡字畫徧蒼珉論世吾求友

之仁德可親詎云黃壤隔猶勝白頭新端欲希忠義

常期齒搢紳今雖逢聖旦止願作良臣惟冀尊王室

寧思秉國鈞儻令冠獬馬猶可畫麒麟古寺今如昔

泉扃夜不晨何人同李翰紀事比張巡感慨瞻遺像

潛然淚滿巾

程高承議赴夔路轉運判官求詩

聖主躬仁政羣方布詔條洪恩溫海嶠嘉頌滿芻蕘

聚斂除奸吏依違屏具僚鈞衡無碩鼠城社絕餘妖

皇化思無外王心遠欲昭咨詢黃閣老選命紫宸朝

丹禁傳天詔飛星下使輶書旌分蜀道攬轡步烟霄

急峽瞿塘險孤城白帝遙巴山運浪遠漢節拂雲飄

按部清時好觀風樂事饒詩成思老壯鬼哭想殘蕭

已備黃金印當簪七葉貂不應淹僻陋從此上扶搖

上翰林眉山先生蘇公

濟四

八

佑聖生賢佐天心在撫民嚴期膺治運穀旦降元臣

四序功成晚三臺擢拱辰巖凝氣剛勁譽謬性忠純

凜凜風霜操優優雨露仁高才映今古妙學洞天人

繡黻文華國淵源德潤身四朝師令望百辟仰清塵

射策明三道觀光耀九賓咸知帝賚說復誦嶽生申

視草金鑿殿登庸鳳詔春夔龍名不隕魯衛政相因

交蔭槐陰茂聯華棣萼親廟堂熙帝載衣繡並天倫

政炳勞無憚侯邦逸久均偃藩心固樂調鼎味宜新

上宰虛黃閣除書下紫宸百神懷景福萬化入鴻鈞

陰德施黎庶休功格昊昊自當伴帶礪詎止約松椿

賤士踰高躅趨風愧下陳願言千萬壽獻頌敢辭頻
小蘇先生九三丈自司諫拜起居郎權中書舍
人馬作詩以賀

孝治依文母皇圖錫聖王虛心思啟沃妙選盡忠良
近侍崇儒術先生被寵光周邦柱下史魏闕紫微郎
禁殿聯棠棣天池浴鳳凰揮毫青瑣闥簪筆御爐香
德鎮千鈞重文輝萬丈長昌時逢式穀吾道喜彌彰
視草嚴宸暮論思子夜央槐邊星轉角花底鷺分行
豈但居華省行聞上玉堂終期袞衣拜慰此士夫望
贈錢之道子武昆仲

濟四

九

青冥聯翼鶴志節傲雲機凶變家多難年荒歲愈饑
運乖生事拙貧病壯心違蚤歲憂虞少今春弟妹歸
氣悲廢駱馬心感動搖徽徽旌命矣傷無已時哉歎
式微自從中夏瘦半減去年肥氣槩摩天鷲文華耀
日暈飲川容颺鼠障日讓犁犂南畝時射稼虛堂晝
掩扉有秋緣力穡高節本知幾路入東城遠人行北
道稀樹頭雲靄藹草際蝶群古岸連樊圃秋城秀
蕨被斷洪流滓澗獨木過欹魏穉稻香紛馥菰蒲綠
映園訪君非旦旦相見亦依依爲問奚爲樂言他復
謂諱孝思誠辟色僂隱始深譏不見前賢者何嘗慮

世非浩歌行拾蕙零詠浴于沂儼雅誠詩社淒涼近
釣磯夜階鳴蟋蟀秋砌嚮唧蟻竹塢留殘月林虹帶
落暉龜番朝露葉魚動落蓮衣詩句時評品曹劉幸
發揮蛟人龍頷寶海客蚌胎瓊子意將全美余心久
所晞衆人皆捲舌高論獨其頌掩月蟾蜍泣飛霜蕙
草葳鯨魚翻海濁水碧帶魚飛正可夷崧岱公何愧
隱屏剛明文豹節升降二龍旂月滿星藏彩霞升燎
有輝愁魔攻肺腑危坐復歎歎

七言律詩

和陽元忠主簿觀魚

濟四

十

輕瀾沔滿帶維舟新雨羣魚藻際浮既亦非知梁上
樂敢嗟彼有金中憂漢江水濁斑衣獺楚岸烟深雪
色鷗未作金鰲莫驚惕月澄清海漫如鉤

過昆陽城

昆陽城下黍苗稀寂寂荒墟隱翠微遠想龍蛇方鬪
野解驅虎豹使成圍烏知將擁河流斷定喜能令屋
瓦飛白水真人今物化春陵惟有荷鋤歸

和錢之道遊虎邱二首

輕雲細雨放花時才過清明已夾衣拚得酒時教盡
醉可題詩處莫空歸丁窗鶯語機關巧輕薄楊花氣

力微聞閣晚來行客盡稚鳥相趁入城飛

石頭槎牙占官道松樹老怪恠斷雲驪龍睡隱原校作穩

潭水黑雨積蠶壤生朝菌山光綠繞林樸檄野氣空

潤雲氤氳歸來月落天色莫水邊游女濺紅裙

商高宗陵廟詩

築巖胥靡繼甘盤此道寥寥不復存古廟秋風塵黯

黯故陵烟樹月昏昏君臣難遇真千載岸谷誰知舊

九原魏尚端能似頗牧獨無新夢到天閭

厄臺

今古俱無忌憚情厄臺猶敢尚為名裔孫不復重瞳

濟四

聖俗目俱同瞽叟陳舜之後見愠仲由空骯髒肝盜

跖尚彭亨聖人道大故難用誰聽弦歌兕虎聲

宿大賈村僧寮

行過橫烟杳靄中低低茅舍繞蒿蓬磨門見客僧如

鹿席地圍爐火自紅隙壁射床千里月破窗吟紙一

川風僕夫密勸休安枕聞道穿窬是主翁

哀都官王申

龍上弓旌降鶴書菱壁帛賁鄉閭漢官入奏賢臣

頌蜀道榮觀駟馬車誰謂諸侯老賓客歸來華髮伴

樵漁泮宮陳迹神遊否絳帳門生多石渠

大雨中遊嶽寺

忽見微雲別嶠生急緣危磴下崢嶸勢傾海岱千巖

黑力捲江湖萬葉聲碧瓦依稀人暗喜急湍湍漲馬

初驚老僧宴坐朱門底應笑狂夫冒險行

鏡屏詩二首

曲玉回輝瑩可觀秋冰壁立動涵瀾每嗟許國酬身

晚忽覺餘光照膽寒映座未容華表客整簪空慕鷄

鷄冠雲車一去橋山晚寶鎮于今下古壇

凝澄不動水淵槃風拂泉生或細瀾月影透簾朝日

薄龍輝繞匣夜光寒元冥借魄知神物男子無聞已

濟四

弱冠照我精誠至麟閣緩隨弓劍上仙壇

和二兄書事三首

諱遠字國器居蘇州時痼疾未平

年少看事恥未多壯心今成沛中歌帶江黃幟有躡

跖舉國白頭無絳何為我忠謀能有幾匪人阿比敢

言他手攀荆葛藤蘿近敢把新涼取次過

逋逃內潰古云多楚塞羣雄尙感歌血饗狻猊神苟

幸廟謀非壯士誰何將軍威信當詢衆決勝神機豈

謂他試把香囊問少子淝川投策夜潛過

功名於我實何多祇為浮華未浩歌兩月病痞誠已

甚半頭白髮似無何詔惟選顛將從衆學貴師心在

匪他當世聞人知不少片言敢謂眾難過

和鄭十三東齋言事二首

為貪庫本作貧軒冕未忘情寧使棲遲抱六經安得神仙

斷鯨劍拂開雲翳露天青霧濃元豹終朝隱水薄猜
狐抵夜聽昏望直疑皆飲鴆沉冥何苦辨清醒

春光故故惱人情新葺菀苾欲醉經積雨水衣龍領
滑晚晴山翠佛螺青月邊柳色疎疎見風外梅花細
細聽半夜白雲思石枕潤珠蒸濕醉魂醒

答孔架處度見贈

我似羈縻退徽州君如霸府大諸侯如何鼎食素烹

濟四

三

餌乃謂溪毛堪薦羞駑馬但能追十駕鉛刀奚可斷
千牛鄙人初亦知臧否敢請林宗共濟舟庫本作敢請東家故

邱日

嵩頂六月芍藥初發

誰言天地一無私底事陽和到頂遲暑氣已交五六
月雲中初見兩三枝可憐下土炎蒸日却是青霄爛
漫時第有榮心莫嗟晚物情先感復先衰

和人寄寇昌朝韻

久料騰驤空冀北如何留滯困周南聞君載酒訪狂
客把酒為君當劇談上國分攜今已久丹砂未就我

懷慙六蜚駕馭須天馬吾恐驂騑備兩駟

楊十三虞卿在希顏上人房納涼余時在村舍

歸和諸公韻

土渴山焦獨在阿考槃孰與世相過皇皇夫子猶傷
鳳碌碌蒼生尚執柯頭白已驚為學晚余十九歲日頭近半白
長贏得讀書多北禪釋子應相笑樹瘦多年變木鴉

曉行聞鶯

花梢未動雨中聽催徧園林百果成六月不知春色
盡五更來伴夏雞聲樹頭蕭瑟長風過馬上曹騰短
夢驚勸汝無言歸舊谷先秋番次候蟲鳴

濟四

古

雨中游法王寺詩

雨脚如麻不肯收雨中還作法王遊雲埋輦路烟初
合水濺松巖雪亂流心畏險途常恐失寒侵病骨已
知秋羣峰聳峭猶無畏為語山僧不用留

少林寺詩

禪老家風古少林道場遺跡蔽烟岑山遮石脚斜陽
早雲礙鐘聲出谷深隻履度關天杳杳九年面壁海
沉沉欲知苗裔能傳法柏樹猶明聖主心

習池詩

陳迹相催今古同池邊倚杖送歸鴻章山尚接千巖

秀穉樹猶傳萬壑風春意物情迷野興水光天影共
青原本空雍門有淚應承睫繞墓行吟弔習公晉都
死葬

次韻劉厚之久陰未雨

欲作豐年幾日霖密雲委地結繁陰莫疑造物收功
晚自是陽和著意深且具黃雞傾白酒更求青李與
來禽掃除舊古窮通想付與南薰一弄琴

過閭氏橋

綠芰紅蕖照眼新池塘風軟起青蘋遠山碧映重林
暮委徑香傳別洞春五月獨爲長道客滄浪自有濯

濟四

纓人誰知雅意在邱壑慚對箕蒿愧路塵

范蜀公得請再致仕蜀公作詩命某次韻

老戀林泉拒袞衣高山景行衆思齊久膺重任當先
覺獨以清風激衆迷越相家聲千載後商公舊隱白
雲西坐令貪懦趨忠厚寄語狂童勿芥雞

謝王生贈弓矢

將軍材氣舊無雙老矣猶思壯挽強金廩願乘千里
馬玉關歸奉萬年觴受降城下沙場雪無定河邊木
葉霜贈我良弓借餘勇君應真勝楚人亡

和人九日詩

三徑就荒陶令宅兩峰高並杜翁情悲秋不奈黃花
好落帽誰憐白髮生遠岫薄雲收細雨晚林丹葉弄
新晴登臨俯仰寰區隘欲駕風輪更上征

表高士石公之墓

黃金照地晉將軍劍履盈門萬石君獨以德名追遠
裔盡將富貴比浮雲瑤田種藥期公壽夜壑移舟忽
夢分彷彿平生阻瞻覲一詩三歎漫殷勤

再上閭邱通牧少卿

東邦濱海帝憂勞慎廸名卿禮意褒板簡拜旌前憲
掾雲駢驂馭舊仙曹庭柯露下回春色夜浦珠還息

濟四

海濤陰惠日隆天眷異蓬萊東去近金鰲

呂朝散挽詩二首

殊重平生邴曼容退身能勇自爲雄感衰付與枕中

夢福祿猶嗚塞上翁松菊漸荒三徑合鶴猿悵怨故

山空蒼苔滿地塵封席惟有蕭蕭蕙帳風

金馬玉堂高步宜中年遂與水雲期太冲早擅三都

賦叔度難量萬頃陂夜壑藏舟今孰在白駒過隙事

堪悲南園從此無行跡老檜高松如未知

送黃集虛赴任知州

故汝州刺史黃公辛余先君子之友也惡衆

人之曲邪可以正直自立非士氣之偷懦而
以忠義自任慨然與古人爲徒而恥浮沉俯
仰狗媚世習雖轉轉窮年動輒得咎而居貧
守道愈固愈堅君子避之始三子皆布衣公
將致一歲之中皆登王籍君子以爲爲善之
效果不終窮乃在其子孫吾友集虛公之仲
子也志義闡爽其文行有公之遺風今將之
官桐廬故作是詩送之以寓意焉

桐廬古郡湖江東山色溪光藻鏡中後夜相思千里
月高懷爲寄一帆風欲紆龜紐黃金印且學羊裘老

濟四

釣翁忠義傳家君勉勉清名不必問窮通

楊元忠和葉秘校臘茶詩相率偕賦

風駕已馳供御品霜郊未卷噓山旂七閩地產猶爲

寶兩府官高故不遺須審水簾泉勝乳也容雙井白

過磁江南雙井用鄱陽白薄盞點鱗爲上東堂退食公宮晚金鼎新烹

欲沁脾

宋英寶宣德自杞至邑將復東還見遺途中詩

次韻和之以見惜別

思君仍歲此相逢後夜夢魂無復東白紉淚痕何處
恨故園花信幾番風歸來可喜似新燕惜別預愁如

去鴻老矣奈何春半老悠悠萬事付盃中

又適陳叔易隱居相拉同遊超化寺詩

文範今亡見嗣卿潁川應聚異時星清風特爲吾曹

至畏景寧憂日御停踏雪曾穿東郭履移文今忤北

山靈烹茶且酌南溪水第欠金山第二瀦

再領玉局昔東坡在翰林作詩送戴蒙有玉局

他年第幾人之句後自嶺外歸遂領玉局予復

官亦得之坡今亡矣悵然有懷

東坡因地夙相親玉局終爲繼載人祿仕豈知承末

軌恩光又許襲前塵青蠅附驥元非援白玉無瑕晚

濟四

更真泉下有靈應首肯不隨凡劣易淄磷

四庫全書攷証云案方叔生平未仕不應有此詩
參之姑溪集乃李之儀詩蓋原本因與東坡還嶺
南相連誤編入
薦集今姑存之

次韻東坡還自嶺南

憑陵歲月固難堪食葉多來味却甘時雨纔聞徧中

外卧龍相繼起東南天邊鶴駕瞻仙袂雲裏詩旂帶

海颿庫本作嵐重見門生應不識雪髯霜鬢兩氈氈

谷隱寺書事詩

雲如戲我舒還卷雨似欺人去復來學道忘憂從老

至持盃得意使顏開驪駒喜飽嘶猶戀獅犬誇獵吠

欲催三日山中果何有賦詩滿得錦囊廻

某與鮮于綽元勛共約同習制科

趙括癡兒漫喜兵他年自料困長平將軍各有萬人敵下士難先二子鳴盧駱楊王何足算江黃六蓼豈勞征英雄少貶雖慙愧且徇區區月旦評

謁中嶽祠

嶽鎮中天司下土名山宮殿鎖雲扃固知正直作成福豈徇往來惟醉醒封禪今無秦漢侈降生誰是甫申靈何當弭節朝雙闕一曲鈞天夢帝庭

諸葛茶序

濟四

五

蜀諸葛亮每行兵處必種此菜以志之邑中元開州家有此種僕求之以作羹甚美作詩求之

武侯戰地記他年戰後猶當似率然會向渭原驚仲達尙應江積感桓玄背山左澤甘如彼傍砌繞籬今可憐莫問興亡進羹茹書生贏取腹便便

將至嵩山遠觀瀑布

晚晴紫翠溢平川三十六峯凝霽烟匹練依稀分秀嶺玉虹搖曳舞危顛寒光定是連明漢清氣都疑貫九淵何笑夜來風吹後亂溝斜澗亦涓涓

和人游嵩韻

高高峻極壓三川周視方輿見廣員絕頂固知天下小泰山爲占海嶠偏白雲散盡千林月急雨收回萬壑煙莫笑層巒高似岸舉頭一握是玄天

友人董耘饋長沙貓筍薦以享太史公太史公輒作詩爲賦因筍寓意且以爲贈耳薦卽和之亦以寓自興之意且述前相知之情焉案此詩從屬鸚

宋詩紀事補載

節藏泥滓氣凌空薦俎寧知肉味重未許韋編充簡策已勝絲黍誑蛟龍短萌任逐霜刀重美幹須煩雪

濟四

五

壤封他日要令高士愛不應常共宰夫供

遊寶應寺案此詩從屬鸚宋詩紀事補載

雨後秋風入翠微我來仍值晚涼時山遮日脚斜陽早雲碗鐘聲出谷遲故園空餘烟冉冉舊宮何在黍離離興亡滿眼無人語獨倚闌干默自知

賀小蘇先生

柱史承恩正紫微玉皇優詔碧雲詞欲知伯仲文章賦對掌絲綸內外司雨露偏濃常棣萼烟霞常駐鳳凰池共扶吾道邪歸正同振斯文感不衰白首並逢千載運登庸皆是十年遲靖共介福由神聽告爾多

方代帝咨臚仕初逢賢者貴德各當問國人宜夷齊
抗世清何早元凱登庸事可期貧賤久思楊得意龍
光今喜鄭當時應憐下客塵埃甚慙愧雷門獻此詩
崔先生所守甚高其爲人表裏澹泊然其文晔
如有自然之美可喜也因還其詩卷題其末

別久相思今見君近詩盈軸語彌新雄妍不用近時
律溫厚初還上世清少與多愁身踽踽樂天知命志
申申才高所寓皆高趣氣古斯能似古人句有萬鍾
辭祿意衣無一點汚人塵中山可鄙魏公子谷口全
如鄭子真珍重遺音清廟瑟蕭條寡和郢中春誰同

濟四

三

杜老知無敵會有君山謂絕倫白首定交雖自愧夜
光投我豈無因欲知慰此無聊賴萬斛愁懷爲一伸
五六七言絕句

二士石榻在中院之北巨石如榻有自然石枕

可卧二士和大受韻

憶昔登封日山蹊困六飛我來猶舍杖共坐拂雲衣

茶蘼洞

無華真國色有韻自天香臨風難自持爲舞白霓裳

春日卽事九首

藹藹花絮亂紛紛蜂蝶多今年春復爾不飲奈愁何

新綠陰將就殘紅在亦稀雨中千點絮來伴落花飛
怒風吹老屋急雨鬧空庭莫歎林花盡慙如隴麥青
毛桃猶帶蘂青杏已團枝老不禁春惱應知老易欺
但喜朝朝醉那知夜夜風老人貪睡美春夢五更中
化國有餘暇豐年多醉人典衣謀一飲對酒却慙春
悵望白銅鞮醉聽金縷衣花間愁落日老更惜春歸
嬌馬寧馨郎羶車薄媚娘蕭蕭兩蓬鬢愁入少年場
逃閒閉關坐忽有賣花聲老大自多感依然京洛情

雪

紙窻明曉曉雲日暗暎暎半夜寒添被清晨雪擁門

濟四

三

晚晴

微陽掛木杪孤鳥下雲淀虛墟遠稻梁鶴伴鳧雁
陰壑留殘雪林虹帶晚霞孤烟障漁市不見兩三家

臨潁縣

日永行人漸困路長饑馬頻嘶驚起一雙白鷺背人
飛向前溪

楊花詞三首

特地飛來有意等閒却去無情若比邇來時態祇應
時態猶輕

全似秋空白雲不應日墮紅塵樓上何人遠望黯黯

無語銷魂

苦恨紅梅結子生憎榆莢悠悠解送十分春色能添
萬斛新愁

夜坐

且喜屋無穿隙雪未愁漏盡滿鞦韆霜紙幃布被從牢
落賴有希牙齒頰香

道中即事呈岑使君吏部次和德麟韻三首

日射西山爛爛光低雲遮岸水風涼從來鞍馬倦行
役笑語不知岐路長

稻陸粟穠綠相連野老欣逢大有年人意物情俱自

濟四

適溶溶佳氣滿江天

白叟黃童話使君買牛買犢論邦人今年菽粟倉箱

滿仁政常爲七縣春

春日偶題寄友人

低雲不斷風仍急細雨無聲晚更稠千里思君常在
眼黃昏天意言春愁

呂頰野飲醉中寄五絕句次其韻

醉鄉天地一何寬不問金壺與玉山甞得陶陶太古
意醒來應亦惡人閒

酒在盃中惟恐盡事來眼底只嫌多一壺醉到春風

裏萬斛窮愁奈我何

醉後詩成筆似椽客來傾酒酒如泉憐君常得酒中
趣愧我經春只慘然

手持金盞灑斜暉目送歸鴻萬里飛還似習家池上

日醉中倒載接離歸

醉倒南山卧白雲滿天詩思不勝春黃雞白酒真堪
樂誰道蓬蒿有此人

題孔氏東園三首

何處移來簷蔔花琢成玉葉靜無瑕天香不合人間
有只是祇園居士家

濟四

桐已參天柏已蒼昔年曾見似人長樹猶如此人休

怪賓主相逢鬢各霜

濃綠陰中黃栗留醉鄉遲日厭鳴鳩青春去後百花

歇頰有枝頭安石榴

題唐東洲寺訪友人不值詩

三年漂泊老荊州重過淮安舊驛樓地上謫仙天上

去故來蕭寺想風流

眼前風景似襄陽松柏參天竹滿崗鸚鵡一聲春欲
去雨催新杏漸嬌黃

漢陂

晴山如黛水如藍波淨天澄翠滿潭身在玉壺圖畫
裏心隨飛鳥過終南

失題

羨君走馬踏千山却笑吟詩不肯閒寫得清風入嘉
句盡攜爽氣出雲間

吟袖衝雲滿筆端馬蹄霜跡破朝寒據鞍何必須橫
槩自有新詩似建安

觀音亭

錢塘西湖三百寺芳草畫橋烟靄中寶隋大士本無
相一亭聊慰伏虵功

濟四

五

綠鴨亭

澄波滄淪鴨頭綠秋水清於春水明芰裳已逐秋光
盡藻帶暗藏春意生

竹亭詩

繞岡修竹小亭深風翰雲稍照碧淨安得茂林帶左
右祇應蕭爽似山陰

送元勳不伐侍親之官泉南八首

卷中識盡古來人筆下文章日日新萬里從親海邊
縣要令南國見麒麟

君房言語妙知名元凱春秋癖已成作者風流公莫

讓要令江海聽文鳴

看罷吳山看越山一帆千里玩風濶令人頗憶羊裘
老爲釣桐廬七里灘

解知身世兩鴻毛肯羨一釣連六鰲有口惟宜醉醅
酒時時痛飲讀離騷

梅雨晴時荔子丹絳囊青幄共檀欒按圖讀譜嘗珍
品大勝關西苜蓿盤

泉南南浦是南溟瘴霧熏人不用醒想對文書搔首
罷刺桐花下學蘭亭

甌閩接壤氣多同只恐泉南有颶風掀虹見時定翻

海禦寒裘褐要重重

粵滕玉板澤於脂歛婆喻麋理勝犀歸日錦囊詩幾
許七閩當有數千題

送蘇伯達之官西安七首

好去西安蘇縣丞千年求友近巖陵江山如彼君如
此正似玉壺寒露冰

湖山主人玉堂客爾來華髮故應多安石雖云江海
士元元蒼生將奈何

苦憶君家兩惠連樓居應作水中仙靜看河畔青青
草應有池塘春夢篇

問訊東海秦鈞客素觀從先生行爾來聞已霸風騷縉明餌

香我知愧愧爾一釣連六鰲

寄語松陵與太湖烟波風月爾何如故時景物應如

昔復有當年張翰無

橫江一葦聽潮來江月飛霜落酒盃寄語錢塘江上

月可憐寂寞照潮迴

千里隋堤榆柳風輕花薄筴正冥濛離情解逐仙舟

去欲過三江震澤東

和陳恬思其叔子思有書齋在山中二首

古寺悄悄映夕岑谷風淒勁觸霜林曩時蕙帳知何

濟四

三

處不見山人來苦吟

嗟我衰遲行老矣與君生死尚情深屈平賈誼何須

舊敬弔先生淚滿襟

從德麟自中盧游靈溪記事

各執梅枝不執鞭涉溪穿竹過林烟景純夢裏經行

處直到青溪古洞天

青溪翠壁瀉琮瑤洞府猶傳鬼谷名幸有六經堪送

老不思唇舌慕從橫

裂崖泉射便成溪溪畔虛巖匹練垂玉濺珠跳千仞

底陰陰眾木媚清池

次韻秦少章臘梅

底處嬌黃蠟樣梅幽香解句晚寒開故人未寄嶺頭

信先報江南春意來

德麟以書相招云已與潘仲寶在中盧可自鄧

來同游靈溪石門雙池等勝處某作六詩率張

會川作

冰溪雪嶺赴詩盟我愧難先二子鳴莫憚登臨助餘

勇欲令萬戰遇奇兵

靈溪閔洞鎖華胥地派旁通分野殊莫憚登臨探奇

險恐君他日亦藏書

濟四

三

千仞雲崖聳石門古傳此地聖凡分我曹自愧羣峯

謂未必山靈解勒文

地上雲居有梵天碧池靈脈瀉雙泉不應勝地能埋

沒政欲因君佳句傳

雲外泉聲度碧林瀏絜累帶作清深吾纓已分令塵

染欲借寒光去洗心

異時倥偬此時間甘在塵中可厚顏天為好山生勝

士莫因便懶負雲山

題峻極下院列岫亭詩

早訝年年狂士來每來亭上獨徘徊山應又喜添知

已去後山容似死灰

山色滿亭亭已空與君同在畫圖中解道龍騰青壁

斷令人却憶漫浪翁聖俞詩云絕壁龍騰青壁斷極天神降白雲空

荀籀筆詩

琅玕天矯排霄去敗籀中塔聊貯儲付與管城湯沐地何須毛穎號中書

雪中汎漢江呈德麟

漢江莽莽雪浮浮遠想山陰汎剡遊高興共成何更盡子猷安道喜同舟

將至鄧城和德麟韻

濟四

綠勝章臺楊柳街青羅斗帳淨無埃五株何用詩頻說安得韓公到此來

曉至長湖戲贈德麟

桐實離離秋帶長玉鞭驕馬度垂楊黃茆野店人爭看籬上紅眉粉額粧

和李端叔大夫從參寥子游西湖十絕

幾處鞦韆愁日暮一聲鴉鳴喚春歸紅稀綠盡尋常事不用長繩繫落暉

草已芊綿柳已柔落花重疊不須愁風光流轉等閒過又是一年春事休

百物爭春竟可憐清池綠淨但沈天浮萍細碎從渠長曾見差池點若錢

西疇新買數畦田便掃空困俟有年欲坐瓜菴吹豆

葉風翻黃浪麥秋天

風頭皺浪開還促雨點圓紋亂更多何似無風亦無

雨碧天千里在澄波

癡兒插地栽楊柳楊柳無根插便生我亦無根常作

客四年漂泊大梁城

股大如要立已憂不須登閣始三休道人尊足原無

病莫取形骸向裏求

濟四

夢爲蝴蝶恣飛飛入花叢處處迷不是提壺強呼

起尙應栩栩展江西

詩翁詩思與春爭落筆風雷紙上生雪棘滿頤心尙

壯君看巖電射人明

池南池北亂蛙聲不問官私處處鳴昨夜一犁新雨

足無煩科斗更滋生

釣臺

竹岡深貯一溪雲溪灣路盡釣磯新魚鳥相忘自相

樂使君元是狎鷗人

山東太白謫仙人筆溢天河氣拂雲百代公卿嘲晒

徧清溪石上想嚴君

興王不患無功業賊亂常憂在歲寒能緩阿瞞移鼎
手長筵此日愧魚竿

中春

輕挨殘花香較旋剝新筍自纖纖傷春者筍買春
酒短褐破碎人家嫌

春日風雨晚題

低雲不斷風仍急細雨無聲晚更稠千里懷人常在
眼黃昏天意自春愁

案文津本題下有小注云案此詩已見前惟題作
春日偶題寄友人又第三句懷人二字作思君與

濟四

此少
異

王子立寄三絕句云常詣夏頤吉卜云宜見君

子庫本脫
子字立作詩薦次韻

久依鳳翼與龍鱗萬里青雲可致身聖主求賢如不
及夜光豈復怒無因

富貴自知當自信看鮪福併因脩長陰陽可測非天
理男子人知亦易量

三首新詩慰病軀萬金何必問家書隔年已有游嵩
約玉趾何時過敝廬

寒食 案此詩從宋
詩紀事補載

千株密炬出巖闈走馬天街賜近臣我亦茅檐自鑽
燧煨鍼燒艾檢銅人

飲襄陽沈氏家醉題侍兒小瑩裙帶 案此詩從
宋詩紀事

補散文津庫本題
作飲襄陽沈氏家

旋剪香羅列地垂嬌紅嫩綠寫珠璣花前欲作重重
結繫定春光不放歸

興安道中雪晴見羣山偶成

關山千里湧銀濤晚日風雲欲動搖滕六自知遷客
近前驅一洗瘴烟消

雪晴

濟四

山凝秀色螺成髻溪走寒光珠在盤更欲呈姿作清
巧暫妝梅柳雪中看

飛閣

飛閣凌波浮渺茫碧山白雲坐相忘好風麻楸泛我
袂興來取纓濯滄浪

未曉出雙池小雪作

忽忽尊食過重邱炬影通林見遠流雪物瀾翻烟翠
慙細風吹霰上征裘

瓦廟

柱側簷欹瓦欲飄斷垣苔澁樹蕭蕭滿庭芳草無香

火惟有禽聲伴寂寥

詩餘

虞美人

王闓原作 干外清江浦渺渺天涯雨風如扇雨如簾

時見岸花汀草漲痕添 青林枕上關山路卧想乘

鸞處碧蕪千里思悠悠惟有霎時涼夢到南州

菩薩蠻雙松菴月夜賞梅

城陰猶有松間雪松間暗淡城頭月下幾枝梅為

誰今夜開 樽前簪素髮自擁繁枝折疑是在瑤臺

寶燈攜手來

濟四

重值秋館

清平樂送別

落梅嗚咽暗淡城頭月吹滿江天驚夢蝶喚起畫樓

傷別 簾風輕觸銀鉤梧桐玉露新秋底事瑣窗深

夜素蛾常伴人愁

濟南集卷四

濟南集卷五

宋 李廌 撰

賦

藉田祈社稷賦

王者躬耕千畝治農上春載耒耜之稼器祈社稷于
元辰播種始修願備彙盛之寶吉蠲昭告虔恭土穀
之神蓋以藉是天田借夫民力躬稼繼勤於率勸陰
相乃藜於蕃殖吾欲宜物生之理故控程於社稷
耕一發敢違東作之時欲致三登實賴柔祇之德春
既應候物發生農祥正兮隲者祈土膏起兮勾者萌

濟五

一宜秋

田既有藉親當勸耕金根而縹軛絺冕而朱紘三推
之儀既服勞於墾闢五祀之本亮來燕於齊明誠欲
屢獲於豐年矧敢黷煩於上帝禮爾次祀可祈嗣歲
受霜露風雨也既達氣於天地能聰明正直也宜饗
誠於牲幣撫茲御耦意顯示於農先用以太牢敬幽
通於血祭於是王后獻種甸師清畿宰夫庀事祠官
致祈推精意之匪懈惟明靈之具攸今詠載芟冀二
時之不害願歌良耜終百禮以無違夫然重彼民天
始立帝藉惟方壇設罍埒之敬則神倉有抵京之積
著於月令則邦典無曠非尊地類則歲功何獲考文

景之明詔遵禮攸行思龍棄之有功配祠原作來格

厥後用鈞盾以為弄耕上林而匪恭既緩民事豈修

禮容伊常祀之弗舉何靡神而不宗彼周室之中興

猶廢大事迫隋儀之二講惟祀先農異哉事雖勞於

王躬化遂行於天下咸知貴於官稷矧政厥於方社

然則民和而神降福焉繇祀與農而致也

五穀皆熟然後制國用賦年穀皆入而制邦用

國欲制用穀宜有年俟農功之皆入乃邦財之敢專

歲杪必登已審有無之數正柄在我允釐多寡之權

原夫邦本惟人民天以穀受之田而俾養取以制而

濟五

二

無漬征求有藝既具在於積倉經費是程實有資於

稍祿蓋以地利有荒而有治天時或和而或乖故無

禾無麥而不鮮多黍多稌之孔皆視耗與豐惟謹成

於歲事量入為出日允協於民懷若乃時三登而政

平食四誦而家給外有大田之稼內有萬藉原作之

入多不為虐雖明上熟之饒度以賦民豈過取盈之

急原作於是賦者歛者裁之制之物乃性其有矣民

盥至於殆而司徒令貢於土均示恭乃職太宰節財

於九式亦貴其宜斯乃以民為心隨時立制因成隆

殺之節相夫上下之威循九一助之法固以適中以

三十年之通斯能無弊彼或用侈爲政弗仁佐邦利雖利矣而王制已壞國非國也而民心匪降李悝以平糴取名第期昌富楊炎用兩稅變法愈革滄厯異哉冠百尉之攸司輔一人而御統位獨崇於民極職乃均於邦用惟仁人共其心而無忝厥官可臻輿頌

金鑾賦并引

蘇先生自中書舍人拜翰林學士門人李廌以

金鑾賦賀之其詞曰

惟金鑾之闕宇兮承明廬天門九重兮直帝居青雲
邈爲後塵兮紫清絳虛履泰階以布武兮瓊闕玉除

濟五

三

侍上帝兮友眞宰贊造物兮俯瞻樞視下土以爲滓
濁兮徜徉乎河洛之圖書代上帝以有言兮作典謨
曷誰尸之兮疇咨明世之眞儒惟令聞升聞於帝兮
有臣曰蘇客曰是超然之先生耶惟超然之先生冠
百世而稱傑操忠而秉哲執義而全節文章鮮麗於
古今德行爭光於日月昔下士之興讒智相遠而欲
軋不量厥才徒自黜別純然粹玉久苦埋湮濯之愈
明始圖羽雪於穆皇王登崇後良爰自謫逐乃命作
牧乃命爲郎乃眞紫微乃居玉堂佩服衆以有輝輿
衛儼以煌煌潤色太平黼黻元黃非先王之有榮實

吾道之有光猗歟先生處斯金鑾爲龍爲光莫匪具
觀饋天餉於寶床下晝漏於花墀錫尚衣之官錦分
御座之金蓮縉紳具云內相惟賢嗚呼官隨人以重
輕職因時而貴賤爰置翰林近在貞觀伎卜雜進名
同實眩吳筠太白久待詔兮竟無官封公輔樂天苦
俸薄兮求兼原作永無遵四庫全書攷證改府掾惟眷遇之無常故
榮滯之相半若乃叔文執誼陰狠傷媚潛妖伏禍城
狐山鬼二吳爭恩甚於火水恃爲巢社公肆姦究惟
茲金鑾兮待太平而後重惟茲金鑾兮待賢者而後
貴猗歟先生處斯金鑾方江湖之放逐望魏闕以如

濟五

四

天叫九閻兮靡訴濱九死兮永歎惟厄窮而處忌雖
忠憤兮奚言今也侍帷幄兮朝夕納誨卻視象魏兮
質以在外况舉天下之重兮自任違茲辰兮嘉會無
使目爲私人無止習爲三昧以志可宣兮時不易得
時不易得兮蒼生跋踵而希澤將錫圭兮錫衮聊假
道以茲職

金鑾後賦并引

元祐元年冬今餘杭龍圖先生初入玉堂廌作
金鑾賦四年夏小蘇先生九三丈復自地官貳
卿入翰林爲學士廌故作後賦欲以見儒者之

榮兄弟之美而疑無以尙之故曰後賦云其詞

曰

噫顯穹之祐民兮必降賢俾寶釐雖降賢必有神兮
詎俾下土而測知惟帝意兮靡忱故或儻兮或奇或
干歲以相望兮或接蹟於一時或千里以相適兮或
同胞而連枝惟忠義以合符雖干一以共規卿雲景
星禮泉靈芝晷圖瑞兮偶應矧常數兮可推維伯仲
兮俱賢異千祀兮膺期難乎伯仲之俱賢也粵若三
叔謗且有庠傲虞禽有膾肝之盜跖胙有鬻獄之叔
魚義琰有義琛之劣世南有世基之諛瓜甘蒂苦源

濟五

五

清流污蠹或毀堅瑕多敗瑜惟物情兮相戾焉人理
兮可誣故有高陽之凱高辛之元並稱才子皆相賓
門稷契之功萬世之隆莫之與崇夷齊之節萬世之
烈孰並其潔漢酈商寄因緣勲勞楚季心布義俠名
豪建慶兮以謹貴賢宏國庫全書攷証云案漢書韋
賢傳賢長子宏其次子元成
相讓讓父爵想作者拘於對疑兮以讓褒上郡淑吏二
偶故云賢宏然於事實有礙
馮葛聞吳郡風流妙稟機雲民庸兮襲志襲譽戰多
矣萬均萬並彥博大雅兮謀謨真卿杲卿兮義烈或
武或文惟德惟哲伯仲俱賢才難道缺冀有於斯千
載願閱惟二先生驚代稱傑坤維一方堪輿效祥兩

蜀鍾靈二江儲英我眉薦祉並生世程凜然擢秀蔚

在妙齡觀光來賓揆藻王庭三道奉宸忠貫香冥言

揚帝所日月俱鳴芳騰上國馳譽八紘間關仕版顛

沛周行忠義為質礲礲相望永矢不渝用行舍藏聖

塗並驅方駕抗術珪璋瑣壁韶濩雲莖世知俱賢莫

能重輕放逐江海梗轉蓬飄白首兮於行雅意兮在

朝歲不我與偃蹇下僚天定勝人德久自昭松柏兮

御寒貫四時兮弗彫雨雪兮霰零杲日兮睨消借來

兮寶文回翔兮紫霄凌厲兮列缺閭風兮逍遙柱史

兮載筆紫微兮贊書黼黻兮洪業鼓吹兮聖謨婆娑

濟五

六

兮淵禁布武兮天衢金鑾兮玉堂絳闕兮清都明光
帝居北扉禁廬璇題彫檻青瑣金鋪文林兮極寵命
世兮真儒故二先生迭處更居昔在有唐危葉亂根
懿之禱之容身搗文通玄通微論訛爭恩雖曰伯仲
尸職金鑿朋邪比媚德忝厥官方我二蘇俱賢實難
彼二龔二鮑兮惟僚二疏二謝兮惟族勢醜兮位鈞
名齊兮義篤矧我二蘇同氣異息惟學與文並造聖
域惟忠惟信皆貫金石否泰慘舒皆共消息非聲氣
兮偶同適與命符兮心迹名非實違名乃在德周旋
履近代掌翰職朝廷昌兮屬承平一門慶兮兩名卿

主國多賢儒冠兮預榮先生兮固有在寵兮弗驚
方將北德兮稷契儷德兮元凱並時登庸咸熙天綽
羽翼兮王躬填篋兮帝載鋪張兮所蘊康濟兮四海
黨末光兮肯分庶餘暉兮永賴

武當山賦并序

蓋武當爲名山舊矣元符改元之二年屠單閱
白鄧之平陵越明年上章孰徐正歲元日自平
陵往游世家古鄧故自以爲太華逸民而均陽
乃南鄉古郡於是設平陵丈人爲對問以賦其
事云

濟五

七

太華逸民通乎南鄉值平陵丈人植杖道周敬修容
而問焉曰侯旅荊州歷楚圍按載籍誦耆舊遊遨鳳
闕嘯傲峴首皖碑征南之坂捫鹿習池之岫築筆梅
堙之嚙飲馬雙池之瀏雖清澗之可喜實奇雄之未
覩比沂滄浪至於鄖郊臥岡走阜複沓平坳布若聚
米沸若翻濤藏溪隱木險於幽都夾漢爲塹隘比城
臯邑或岩於鄭制歌或強於齊獮雖弗逮乎鴈門已
可方於虎牢第陵陸之可羨恨形勢之非豪何一山
之巨麗俯列岫以彌喬卓犖崛起造天其高如鳳於
翼如麟於毛如人之傑如土之髦居泉莫掩拔於其

曹吾弗知其何山也耶丈人曰此吾邦之武當也惟
茲奧區叟之所詳天樞隨旋四七相望壽星步之角
星曰乾緯是綱天根昭回抵于龍亢天根爲蒼龍左角
距大明堂房心爲明堂下臨豫野故韓之邦自河及荆綿
亘沮漳方城爲郭漢水爲陸楚以之爲北鄙晉以之
爲南鄉河汾沃翼叔虞之唐逮重耳之主盟此周室
之所疆篳路放林芊熊允荒泊變夷而爲夏輒由子
而自王東姬不兢霸府代強載書歃血胥會衣裳乃
封郵之微境惟奔命之塵遑干戈間與以爭尋當介
二邦之兩間茲屢爲乎戰場秦噬六國拊背扼吭席

濟五

八

卷方輿括於一囊韓社旣墟徙治南鄉卯金典午下
管齊梁僑立始平名誣實遠鬱悒百代今邁盛時以
聖繼聖七葉重熙西越流沙東漸嶠夷北撫幽都南
控雕題際天所壽率郡縣之唯南鄉之故民其苗裔
之所遺陶冶道化舊俗丕移昔尙豪夸侈靡以嬉今
服禮訓惟儉惟義昔喜任俠使氣敢爲今鄉義方謹
畏自持知射利之去本咸盡力於耘菑悟漁獵之暴
殄悉弛誦於書詩此並山之民其風聲性習之梗概
也茲山曰參設險自古或曰天中氣之所祖或曰仙
室以眞靈之攸處繫漢皇之訪仙遂名之以爲武自

我朝之御極常默輔於民主噶為祥風噓為時雨薰
為豐年兼此荆豫上原下隰墳壤沃土于流秩秩膏
我黍稌漆千章其幽幽泉萬國其懸懸水浮餘腥雲
積廩庾良功織織無苦絺紵貢龍輪筐充物王府農
服先疇市藏大賈擾畜皆蕃于五特素封或比於萬
戶惟靜重而安宅故無私而利浦此並山之地其土
宜物性之饒美也子嘗窮山之所以為山乎肇自混
茫初有太極暉胚結融元化瑛瑱濟濁判剖坤闔天
闢大塊載持以土與石磅礴兩儀天地之骨無山其
間何恃為力彼佛藏之文暨道家之書辨須彌與鐵

濟五

九

圖矜蓬萊與方壺或以為西天之所治或以為列仙
之所居既莫究其信誕又安議其有無盍考職方所
紀輿地之圖天孫惟東旁帶醫閭龜蒙云亭鄒陽之
采祝融司南九疑蒼梧五嶺延袤百粵三吳金天太
白股引天都終南褒斜連亘坤隅冀方常山上黨飛
狐天下之脊燕翼之邦太室軒轅四顧諸夏太行伊
闕襟帶洛社各據方而稱嶽以形勢之可詭觀此山
之形勢敢論嶽以論借勿論俗宗能小天下儼秀厚
於恒嵩埒清雄於衡華可顏行而着肩或並驅而方
駕彼設位之既尊此宜處乎流亞昔吾子之所觀徒

闕葺於千里蔽翳者岫童顛者岷蜀者特寡而惇惇
暉者屬連而靡靡襲至于三者惟名之以陟或止於
一者惟名之以亵密則其奧也如堂之可處盛則其
衰也如防之禦水曰章者下欹而上正曰隆者宛中
而四起雖大而卑也以峻隨而為扈雖厥而小也以
瑣細而為歸厥類參差而不一是皆界邱而邈邈大
頂居中眾山來宗屹而長人撫摩諸峰獲附麗而邇
者遂負緣而亦崇卻顧醜夷莫之與隆傍立而九若
分職佐理者曰卿寺之列前向而三若視品同秩者
曰槐府之公侍側若承顏而温敬者則以為世子居

濟五

十

內若儷體而順附者則以為後宮曰主簿者曲奉有
女墨小有司之意曰將軍者咋籌有介冑不可犯之
容堆曰萬斛若倉箱之積崖曰甕門若膳羞之饗銳
前端方若柱史則惟筆銳擁後合沓若車騎則惟五
龍曰朝趨者或左或右或南或東若子男若附庸若
臣若屬若賓若從若冕弁劍履之序立若旗旂和鸞之
會同此三十六峰之形業業乎與五嶽之同倫也泛
觀茲山韻粹氣整噴岌奇峰截業峻嶺植若宿邸之
主隱若塞門之屏騰凌闐風滅沒倒影斗柄垂焉而
可挹日御過焉而莫騁俯其徑則截然而下斷欲臨

乎無地仰其椒則聳然而上升恐靡乎有頂參斗龍
湫宅於絕境類括蒼之鑑湖同太華之玉井雲移一
勺可雨萬頃浸脈千仞下爲天池天池泱流瀦乎巖
陁懸若匹練散爲明璣飛流濺沫走派成溪黑谷冥
冥翠壁巉巖竿棧履空綠通下巖徑若窮而復永石
欲墮而相銜樅檜栝柏豫章梗楠獮牛莫良匠石所
贈蕙蘿軫轉篠簞傷糾巉細大葦鬱紫翠相參蔽虧掩
萬曠晝凝嵐林集孔翠穴產鸞鶯歛長風擊鷲鷲菊
花黃鵠輪目異鵠息運海之鵬巢戾天之鶴蔚然蓬
蒿莽然叢薄亦有乎搶掄之鳩啄場之雀鶯鶴待徊

濟五

三

鳥鳶棲託也赤草植枿醜石磽确元熊嗥蒼兕攫虎
吟風而振迅豹隱霧而溟漠嚙鐵芒毛之貊嘍獸鋸
牙之駁介然之蹊坦然之壑亦聚沐猴亦隱狐貉颯
飛而颺啼鹿奔而免躍也天地寶藏振古逮今璞韞
萬鎰之玉礦化三品之金璨璀璨玕陸離璆琳丹砂
納錫文犀爲琛蘭芬薌而盈晚芝絕翁以成林紫蔓
玉膏則有仙花之著縹莖雪指則有肖人之參屢桑
輅箝可以足武庫之弧矢梧桐杞梓可以中清廟之
瑟琴若乃據洞谷之勝玩林泉之幽暑袵芟製寒擁
羊裘飯糗以爲食梓茹以爲羞欲礪齒則漱石欲滌

耳則枕流著書自怡遯世無求此癯儒肄業而巖以
孔子爲名者也悲朝菌之晦朔慕靈椿之春秋媾龍
虎於丹鼎餌日月於玉樓友廣成揖浮邱蛻迹林壑
于焉淹留此敷生不返能繼徐福之迹關令求道終
從藏史之遊而幼安希夷之徒各以其居而名其岩
也面壁作觀問法立雪觀墮空之落蕊悟澄潭之印
月境靜心虛身閑相絕不染色空究竟生滅此忠公
安禪定之心元奘註釋經之說而七師佛子之徒各
以其居而名其巖也飛錫御風隨錫而東越葱嶺踰
崆峒來駐於茲若將從容神祈徙處回鴈南峰錫推

濟五

三

狼嶠故巖遂空此思大之禪庵也苾芻誦經有叟曰
聽曰吾非人實處東溟敢獻宅室爲師戶庭潭空巖
出上下杳冥此俞公之龍室也凡茲諸巖或完或隳
恨昔人之安在棄舊隱以如歸或蒼苔之封戶或垂
蔓以穿扉匪直時遷而事異抑亦物異而人非但餘
梵宮炫煥翠微碧瓦鱗布朱欄翬飛蓋故唐太一延
昌之舊剎蕭代二帝用以奉國師之隆儀我宋太祖
益宏故規錫以宸翰擢於璇題定陵昭陵復寵賁之
頌天章日星之集拓寶文龍鸞之碑湛恩波於河漢
榮光華於斗奎草木欣榮天龍護持裕陵妙天人之

學聽臣民之祈詔其道場俾奉禪者多方開士海會
雲棲四后之德民曰惟宜與山俱傳與天斯齊此皆
山中之故事圖經之所紀吾子可閱而知者也雖然
書生執迂方冊是取烏知簡編筆削罔據惟知故老
折證古語圖經可恨弗載真武雖祀烈威名字弗著
子其志之傳信自汝惟昔神君隱輝屏處實練陰陽
游息洞府惟勇義而果德誓誡毒而禦侮功聞元天
白日仙去上帝將之刊列四輔統虛危而肅殺直元
楊之凝泓躡靈蔡以靜鎮馳率然而茲怒實旌六纛
天騶萬旅元冥奉輿豐隆先路巨靈右戎夸父爲御

濟五

五

伐鼓崑崙再節元圃敷福施刑調節寒暑遊微下方
歸侍常所時顧舊山千載且暮當攻玉文祠以琳宇
無文咸秩矧此宜舉祀典報功匪私其人扞戎禦患
興雨致雲式功垂於後世盛德感於蒸民事雖旣往
其迹已陳利及方來其澤日新民俎豆之其情則親
抑有太山之麓大川之濱國爲祗而載祀實異時之
名臣主錢塘之潮汐乃胥門之伍員掌洞庭之重湖
惟伏波與靈均霽亭享於玉泉西鄉祠於郢津制一
江於灌壩祭冰子而自秦伊南州之孔明乃威力之
茲神偉歟是公惟人之龍天矯玩世臥於西隆游心

羲皇之域味道周孔之宮鄙于駟輕萬鍾憤阿瞞之
大猗藐景升之狂童繫用舍於彼天闕經綸而弗庸
何立德之合契因徐子以爲容卻雖再而猶顧我幡
然而冒從曾不陋乎庸蜀欲儷迹於漢中礪一州而
抗八卒鼎峙以爭雄觀夫戴后牧民撫軍董國以義
行仁以刑輔德喜焉以禮樂爲具怒焉以干戈爲飾
託孤不欺無愧於幽卓行罰無怨愈賢於駢邑馭英
雄則關張奮其武登雋良則龐蔣善其職兵銜恩而
效戰木運糧而足食決籌算於帷幄付笑談於巾幗
彌年耕涓而卒走仲達五月渡瀘而屢禽孟獲功高

濟五

五

任重心勞身瘠委塵編之國誠遺濤江之陣蹟公歸
九原德名彌白予觀此山去天咫尺名曰大嶽必以
峻極儲英毓秀宜產賢特豈是公之生也於焉而降
神及厥世而歸也於焉而廟食同符甫申可貫今昔
與荆蜀之共祀非宇宙之異域故威烈之殊號乃武
靈之同蹟愧文獻之莫徵矧人神之敢惑今天子治
鑿太清道法自然合明於日月體德於乾坤文德充
四表武節暢八埏仁動植昭天淵豐登屬續珍符羅
駢神靈出地榮光燭天山中之民或以謂瞻象瑜之
烜耀與卿雲之渺綿巖出器車澗流醴泉蓋以當五

百歲之遲邁七十二君之前藪有四靈之畜貢有三
春之曾是宜舉巡狩之典稽封禪之書嘉告丕續升
中名山輯圭瑞奉牲牲泥金檢玉燎標升烟市納賈
邦興賢攷律應禮高年雖駐蹕於方嶽亦望秩於山
川惟吾子其賦之以埃夫采詩之官太華逸民曰諾
僕將言於是結衽蠟敝屣披荆榛蹇裳泉石緣雲而
升弗遑暇食研足龜手悻心殫力徧詣其處沈日乃
悉歸謂丈人叟語可續告成紀功詞臣有職草莖賤
儒所不敢識

松菊堂賦

濟五

五

賦曰冉冉兮運征物隨化兮俱逝雖品類兮萬殊率
變遷兮一氣矧草木兮代謝制陰陽兮榮瘁惟凡木
之柔兮松則有心惟泉草之弱兮菊則有芳鍾靈氣
兮異稟挺正操兮能剛若乃金行正秋玉律司商清
風戒寒殺氣霄霜昔茅蕭艾委靡元黃兼苒蒲苻慘
黯蒼蒼菊於斯時敷華芬薌呈孤芳於樊圃明麗彩
於秋陽葩醜葳蕤附屬苞萼寧共稿兮摧仆詎紛披
兮搖落如幽人之素履僚所遇而無作保永正以終
始善長處乎約樂若乃冰堅風壯日道北陸雪霜總
至水泉下縮椅桐杞柳柔脆先衰枳棘栲栳堅緻何

支松於斯時充茂蕃滋衆奄奄兮早彫獨青青兮自
持柯葉帶固實時無易自咫尺兮強立千雲霄兮蔽
日如至人之遊世罔拘累乎信訓既才全兮德盛閱
萬變兮如一粵有達士秉德安有訓義方於庭壺振
惠茲於邦族行素封之萬戶間蛾眉於列屋敞樂圃
以娛賓時宏堂而游目飾榮觀於臺沼萃泉芳之草
木函枝莖於沂雒遷根荻於吳蜀森喬林兮紫翠眩
珍叢兮紅綠憎性遷而質變獨知心兮松菊春向闌
兮芳歇火已流兮暑徂觀百卉兮左右閔將槁兮株
枯俯連錢兮黃金抑修蓋兮紺羽擷露英兮泛醴折

濟五

五

雲捐兮代塵想魯詩於徂徠晞壽侯於南陽湔秦封
之濫爵徵於夢之佳祥追元亮之風誦天隨之章聊
日涉兮鴈詠樂成趣兮未央方善頌兮善禱豈三徑
之就荒也耶

龍魔賦

陟神嵩之峯巒兮背東址之敞陬雖緣雲之磴以左
旋兮上有絕壁之嵯峨畜雲雨之液以瀦聚兮不爲
斯千鍾煙嵐之秀以蘊結兮苑爲卷阿幽然九潭黯
然澄波有九龍各居其淵龍姥字之故馴以訛維龍
之姥神變實多或爲封豕或爲長蛇或爲大厲或爲

效娥匪噬匪毒喜爲戲魔潭濱之民習於見聞匪苟
爲魔必魔令人比有大士習於桑門精進甚勇歲月
已勤誅茅爲廬介於潭濱龍息且娟義弗宜賓肆其
憤心噴爲怒雷雷電馳騁風霧糾紛日月藏輝宇宙
爲昏俄爲巴蛇千尋雪鱗搖毒怒視烟飛火燃鋸牙
舟腹巨象可吞欲魔若人望戶以犄首大於戶進不
可前舌如虹蜺其利如鋌忽搖搖而入戶兮噬頂領
而垂涎彼方屏氣聽息冥坐安禪游心於無我寄我
於自然天地皆定萬物不遷何生何死何喪何全觀
者爲慄定觀自安龍悟其妄輒悔而悅悅兮忽失蓋

濟五

七

慚以旋嗟夫天用莫如龍兮介蟲之君動而天通兮
致雨而興雲以變以化兮乃爲魔而甚勤妄喜妄怒
兮何自悔其能神恃不可以制畜故恣戾而匪循焉
在其能潛能躍能飛能伏而比德於聖人潭濱之民
曰凡魔之族詎止龍設紛紛斯世多惡端正令能相
競名能相勝勢相盛功相病其魔有甚於龍姥厥口
善汙於賢聖或忌人德或惡人修翕訛張俯覆用爲
仇四國流言於姬旦宋桓施厄於尼邱市人毀參而
疑曾母臧倉沮孟而止魯侯樂侯喪成功於卽墨武
安賜檠劍於杜郵乃及絳侯安漢疑行縣而爲亂條

侯襄難謂地下之必叛董相禍興於步舒賈傅被抑
於絳灌陳甘沮功於稚圭蕭劉遭讒於恭顯燕蓋毀
霍惹苴誣援在唐名臣亦多間隙無忌元舅敬宗罔
以大逆鄭公忠良彥博逸以形迹德宗猜忌武墨羅
織盧杞蔽賢高閻譖白李西平之勇知延賞敗其謀
贊皇公之剛明僧孺毀其績故小人之爲魔惟必累
於正直魔正直之一二勝庸凡之累百其心曰魔於
庸常我魔匪強惟魔正直可使彼彼傷方砥礪日務
自異魔之何如恐異於己魔之遂屈乃協厥意魔之
益勵終異厥類吾聞是言有感余志以魔爲師維魔

濟五

六

之畏俯仰天地奚作奚愧

仕而優則學賦君子之仕優則爲學

仕欲行道功期致君既政優而能裕常學殖以爲勤
初委質以在公有茲餘力宜潛心而師古益務多聞
且夫志於聖人不苟之君子謂昔以學優也故得從
政今以仕優也復將窮理雖匪懈於夙夜貴念典於
終始臣工無曠已就列而效能天爵弗忘庶存誠而
爲己位既不忝政宜克施智明效速今才有游刃心
清事省兮日寘廢時幸燕安而暇豫忍偃仰以棲遯
業欲廣也學宜聚之敏則有功已臨民而易簡達不

雖道矧役志于嬉噫然則祗行以立名非苟容而從
仕求益則不如學也持祿則徒勞人爾朝雖聽政兮
晝則訪道而不厭夜則安身兮夕猶修令而未已居
之綽綽固無從事之獨賢進以乾乾豈俾古人之專
美豈不以仕惡妄進學當敏修彼外物也或不可必
此放心也獨不知求況已真周行之貴又期聞大道
之優經籍益耽美成功之杜預弦歌不輟歎治邑之
言游以故雖吏治之猥并用儒術以緣飾經義可決
於訟獄官府奉行以法則馬融絳帳傳授詎廢於牧
民童氏書帷講誦奚聞於弛職若乃大官大邑也身

濟五

九

何以庇有社有民也學何必為被其服而德不稱尸
厥位而事罔知鄙無遠謀動用面墻之誚暗於成事
夫何製錦之宜於戲君總萬幾道期先覺猶遜志以
愛日尙儲精而務學矧臣工仕優而無所用心可不
思於約卓

擬試車服以庸賦

臣有功者
錫之車服

君不僭賞臣惟有功錫車服之邦禮飾威儀於爾躬
軒冕有輝允示龍光之著事言可續用昭闕闕之隆
臣有膏澤加於生民勲勞被於天下賜以弓矢鉞鉞
未足旌其能矣紀於旂常彝鼎未足稱其美者惟命

車命服分寵賚於本朝可賞善賞功俾榮懷於諸夏
夫以巾車陳六等之制司服辨九章之儀樊纓采就
之蕃飾絺繡藻繪之彰施金輅象輅兮制異大小袞
冕毳冕兮義存等差凡所別者將因表之不可假人
固慎持於名器用以蕙禮實顯答於猷為以爾為民
軌儀是用錫之車以爾積民粟帛是用錫之服安其
體以佚豫章其身而吉煥駕彼元牡則儀衛威重副
以赤舄則禮容敬肅得輿為美方將世選爾勞在笥
無譏時乃自求多福四岳羣后九官庶臣言敷納而
成在效明試而具陳膺此異數示於眾人錫命文侯

濟五

三

爰示東周之烈褒賞申伯非惟元舅之親彼蓋求於
侯也貢之則非索於市也粥之何有吾既重於施報
汝毋輕於授受輜乘龍桓榮於少傅師道攸尊敬冕
拜士會於中軍君恩益厚若乃以訟而受服既壽而
得車負乘致寇者在是不衷災身者有諸鶴乘軒而
厚祿鳴在梁而晏居載驅無禮義之心以盛為辱采
菽制侮慢之意雖予猶虛異哉聽彼和鸞觀夫襲褐
慕崇賢之合典勉勤王之嘉績致爵位而安富尊榮
行見尙方之申錫

湯刑勸善賦

湯之用刑
亦能勸善

古有哲后時稱聖湯能用刑而俾義致勸善而知方
法欲禁非惟馭威而審克民皆屬節遂化性於循良
原夫民初秉彝心知好善勸必加賞也賞或不給勸
必見利也利之或鮮况乃肇修人紀始建刑典惟明
德而慎罰不爽厥麗故砥行以立名咸知自勉彼以
法主忠厚意存哀矜重有致於無赦薄或示以小懲
改過則畏而弗敢遷善則恥夫不能釋彼無辜自俾
非心之格殖夫有禮成期美行之興實由禁令有倫
奇表勿縱以聖教之明也斯固不濫雖孳戮之誓也
夫豈輕用善亦期於無刑必也使之無訟儆於有位

濟五

三

訓蒙士以恭行在予一人率多方而康共然則刑所
去者示之使避善之取者道之使思知其畏而戒懼
也因其警而誘掖之義征焉而用甲兵攸徂相慶仁
祝網而及禽獸罔或遐遺夫惟彰信以無私胥然而
威勸迄徧爲於爾德在簡孚於常憲克用三宅庶不
犯於有司無陷于愆宜敬修其可願若乃制短長之
命妄輕重之刑非維中而克允第淪胥而不庭彼且
容怨尙何輯寧異時革夏之寬剛柔匪濟後世從商
之論名實匪輕異哉稽古之君御邦立辟施而必中
俾允懷

原闕

銘

匏壺銘

匪金匪玉匪繪匪飾用因汝器器本汝質汝質惟虛
天畀汝德毋因所受妄矜爲實實勿勝虛實勝當溢
盈虛無常人自取益毋敗虛德是惟汝則

燕勺銘 獨核木燕
中物也

北海之濱不周岩堯不周何有厥木惟喬製爲長勺
匪飾匪彫堅理錯節紫質纖杓單于修貢以奉王朝
公劉草創酌之用匏顏氏屢空飲之用瓢逸民困窮
用汝匪驕相我獻酬以勞漁樵

濟五

三

貞明古劍銘 并序

李道士有朱梁貞明中古劍一口貞明乃友貞
之年號余以此劍雖奇不足貴作此銘以誨之
孰曰神物神不可屈匪人而用匪時而出義不苟全
寧缺寧折汗亂而全爲妖爲孽鑊悲鳴怨處豐城
既離古獄遂躍延平赤帝之精久憎晉寓武庫焚如
穿屋飛去貞明之梁實惟冠攘父子兄弟推刃相傷
汝當斯時不躍不飛弗屠全忠弗割友珪文章燦然
雖寶奚爲後當慎旃過爲汝掩屬茲平代兵氣消斂
榮水奉汝可警羣詔全汝靈氣闕汝芒砀肅保天威

永拒姦僭小用不祥爲天下劔

芝杯銘

病木之節拳贅弗枝盤英結液礫礫離奇剖劓擎承
宛若靈芝制爲野杯逸民是宜右嵩左隈箕陰頰涓
德秀吾廬巢許是期惟巢與許挹茲酌茲三秀之德
汝當象斯毋若兕觥毋若漏卮貴之比玉敬飲弗揮

蟠尊銘

惟汝輪囷匠石舍旃不材爲幸宜永厥年孰來相之
以汝爲尊刳心就刑遂戕汝天輪囷爲累視醜爲妍
來自百粵登我素筵毋慕犧象青黃絢鮮郊廟之用

濟五

宜秋館

溝中之捐暨汝在茲悉非故然南有澗濱未知孰賢

宋 李廌

論

兵法奇正論

臣聞天下之事有能以勝不能以勝無術皆有能矣能之精者又勝焉皆有術矣術之多者又勝焉借以羿與般而譬之羿善射般善工學射者有般的善工者有規矩特其大畧也般之所以巧又有巧焉故學羿之射能與羿之巧均則有勝羿之心焉必曰吾與乃技相若羿不勝其忿而鬪技果相若則為羿

濟六

一宜 亦節

之過失于盡其巧而傳之故卻視般之教示以巧而不盡其所以巧者誠為自勝之計也兵始于黃帝法成于太公黃帝而上兵未設以有兵勝無兵太公而上法未備以有法勝無法太公而後可共紛紛耶用兵者既頻學兵者既眾一定之法不足以相勝故管仲穰苴孫武吳起尉繚留侯孔明李靖之徒始出而論奇正奇正者因古以御時依體以立用于變萬化以制勝兵策用之之法可觀也而所以用之者不可見也戰之理可論也而所以戰者不可陳也勝之道可制也而所以勝者不可傳也彼用兵之書布在方

策既已人人皆可習矣用兵之法試于行陣既已人人皆能布矣人人皆習我亦習焉人人皆能我亦能焉是亦眾人也以眾人敵眾人何能必勝故奇正之理古人議而不辯奇正之法古人論而不議奇正之變古人存而不論非不論也不可論也不可論故不敵而常新以俟後世君子俾因襲致用可以神遇而不可以智知可以道運而不可以迹究法猶奕之局也兵猶奕之棊也奇正猶奕之智也智無一揆棊無定形觀其黑白不相容新故不相仍咫尺數路情狀萬變勝負得失在于一子然則奇正之形所以使

濟六

二

敵人前後不相及眾寡不相待貴賤不相救上下不相扶亦一二策而已故四為正四為奇黃帝握奇之文也一術為正一術為奇曹公新書之義也前向為正後卻為奇太宗所以勝宋老先生也先合為正後出為奇曹公所以辨孫武也方為正圓為奇步為正騎為奇受于君者為正將所自出者為奇固日妙矣然人既用之則為故智不足襲蹈何哉不惟世之人知之而邊陲亦知之故當益為變化以出意外所謂形人而我無形致人而不致於人者非陳迹相沿而能勝也苟惟止此固亦捕矣能求奇正之義于意外

古今幾人哉故學兵雖衆不足畏之誠之勝之又勝者猶在人也臣觀唐太宗與李靖論奇正之理所謂無不正無不奇又曰奇亦勝正亦勝善夫能知變通故其論左右逢源莫非奇正之變其言曰以奇爲正以正爲奇吾之奇使敵視之以爲正吾之正使敵視之以爲奇因其漢長于弩而蕃長于馬則爲之法使馬亦有正弩亦有奇變其號而易其服也則爲之法使蕃而示之以漢爲奇漢而示之以蕃爲奇方其陣之散也以合爲奇方其陣之合也以散爲奇觸類長之變而通之使奇正相生生不已奇正相變變變

濟六

不測惟欲多方誤敵乘其所之豈復膠柱矣御視孫子所謂以正合以奇勝猶爲膠柱哉李靖論韓擒虎以爲能識正爲正奇爲奇不知奇正之相變知奇正之相變者其知神之幾乎故早吳者天之陰陽左右者人之陰陽奇正者天人相變之陰陽相生也無窮如天地相因也無竭如江河相濟也終而復始如日月相成也死而復生如四時相代也味止于五五味之變不可勝食聲止于五五聲之變不可勝聽色止于五五色之變不可勝視兵雖奇正奇正之變不可勝窮巧歷不能盡其數聖智不能極其端化之爲兵

妙或曰奇正固有宜分合固有變如之何以訓偏裨如之何以教士卒臣曰簡其節目異其號令正爲一法奇爲一法或進或退各以何別或分或合各以何驗吾以號令使之號令所指變亦隨之既一吾之耳目又變敵之耳目兵惟知有號令不知爲奇正車果何出騎果何來徒果何從敵人雖知吾有奇正不知奇正所在士卒雖爲吾用知吾以奇正取勝不知奇正何先方料吾以正而吾忽以奇方意吾以奇而吾止以正不惟敵之不知而士卒亦莫之知孫子曰見勝不過衆人之所知非善之善也戰勝而天下曰善

濟六

四

非善之善也知吾有制勝之形而不知吾所以制勝之形非善之善不足以與于此或曰奇正之情何如臣曰兵家之要貴我專而敵分爲奇正者在我故專應奇正者在敵故分以知吾之有奇正也則備我備前則後寡備左則右寡備我者所以寡彼也無所不備者無所不寡也我專爲一彼分爲十以十擊一者也我專則安彼分則擾以安擊擾者也勝負之理不可言喻故能正不能奇守將也能奇不能正闔將也守將可以用奇劫闔將可以用正老能奇能正乃國之輔今夫以武爲業動累億萬闔力勇而已鮮知兵

之法學兵之法動累數千分行陣而已鮮知兵之理窮兵之理動累數十分強弱而已鮮知奇正借或有人但能知奇爲奇知正爲正而已鮮知奇正之變臣故曰兵法貴勝勝之所以勝以奇正法可傳而奇正不可傳學兵雖衆不足畏者以勝之所以勝者猶在人也或曰羊叔子之平吳也不爲掩襲之計尅日而後戰奈何專論奇正哉臣曰乃所以爲奇正也償米縱夫歸禽饋葑奇正之用也以懷其心速祜死而王濬舟師東下一舉而俘其主夷其社孰知夫正在荆州而奇在益州耶茲奇正之大者也人君俾賢將之用奇正必若羊叔子則成功必大矣

濟六

五

浮圖論

論曰臣嘗愿觀前世之弊及其甚也必有有爲之主以拯救之獨于世承襲其弊而安受之者浮圖而已浮圖非無可觀也百氏之家一家之說也非不可爲教也蠻夷之國一國之俗也不幸王者迹熄之後聖人道微之時乘間竊入中國當時君臣辨之不早制之不剛俾盤根滋蔓爲弊于後東漢明帝之罪也其間非無英睿剛克之君忠義正直之臣欲除其弊終亦不能者何哉蓋銷之不以道制之不以漸故也蓋

英睿剛克君之灼見非有益於吾民也必欲歸除之正如欲華陀之治醫也將剖膚鑿骨煎腸洗胃以去其疾豈不雄哉奈何臣下欲獻禍福之一言則惶懼隨之亟其罷不敢復言矣必曰姑且聽之惟其姑且聽之此其所以長存也前日武宗是也毀天下寺宇四千餘區冠笄僧尼二十餘萬豈不快歟東西京藩府輔郡猶量留寺與僧豈禍福之說已貳於胸中耶何使絕無而僅有邪宜懿之世則一切復之終令彼勝于此乃所謂銷之不以其道制之不以漸故乃爾也忠義正直之臣極言其有損而無補也必欲掃除

濟六

六

之正如近時水官之治河也欲竭太行之土淇園之竹以塞怒流不已疎哉奈何人主疑禍福之多端則恚惡及之遂及誅竄者矣必曰爾敢非聖人惟其謂之聖人此其徒聞益盛也前日韓愈是也憲宗遣使迎佛骨于鳳翔王公大人灼體膚委珍貝以惑其法愈極誣其道且欲以佛骨付之水火憲宗怒欲誅愈以謝佛裴度崔羣力救其死猶貶海南濱于死所令彼盛于此乃所謂銷之不以道制之不以漸故乃爾也初欲抑之乃所以揚之初欲沮之乃所以長之故根日益大蔓日益滋以至于今日國家不惟安受干

世之弊而不知揅又從而昌大之遂使賊人乘時所
尙公肆厥姦與國爭雄彼華堂大字丹楹刻栴敢踰
制于王宮撞鐘伐鼓聚黨數千敢僭禮于朝位已爲
可禁雖然彼所以侈其居盛其徒者本欲以誘愚夫
愚婦而已奈何王公卿士競登其門而師之朝衣朝
冠或立侍於其座或跪拜於其庭咸尊之如天神欽
之如父祖彼有道士以學佛隱者固亦有矣而姦
人假學佛以欺人者常多固不當事之如此以虧國
體臣恐孔子復生於今日則羣公卿士忌媚者衆矣
不應如是以奉事之也孟子曰用夏變夷未聞變于

濟六

七

夷者也又曰未聞下喬木而入于幽谷者今昌大浮
圖之教豈欲以堂堂之中夏而以變于夷乎用夏以下庫本
改易字句凡學孔孟之道者相率而入于幽谷乎可
今依原本不謂之大惑歟臣今不復更以傳奕之辨韓愈之疏
言之直以文中子之言爲信曰佛者西方之聖人也
果爲聖人豈不惡其徒憑藉其說以猖狂妄行於今
之世哉爲今之計不必推罪于佛惟治其徒苟惟治
其徒之罪又何難哉臣願陛下盛言其佛之長極言
其徒之短臣請叙其說曰蓋聞佛者西方之聖人也
以清淨寂滅爲心戒定慈忍爲行色空爲道禪律爲

法凡願學佛者必當檢身周慎持法謹嚴枯槁其形
骸戒齋其心志自治其身自求其道不可輒出戶庭
不可雜交民俗戒牒之文其密如縷苟能此雖異道
不害爲君子乃者學佛之人類皆游俠之輩或惰農
之鄙夫或怠績之愚婦或好蕩之儂子或好倡之治
女居金碧之室食稻粱之膳幸災樂禍自爲風俗姦
非不義自爲朋黨訊其何以謂之禪何以謂之律則
罔聞知者十常八九如此則大設寺宇乃爲爾等作
容姦之地歲度徒衆乃爲爾等置畔道之人既蠹于
國實敗汝德自今以前吾一洗之勿問自今以始吾

濟六

八

將使汝不出戶庭專治其佛之說而躬行之所受戒
文令禮部著以爲令刑部防之以法期汝必行如不
能然一聽歸俗有願如舊真能奉其師之說聽其君
之令者也然後以當住衣食之可謂待汝之意厚既
仍舊爲僧尼乃敢尙爲過惡許人人得以告捕是不
從君之教而背其師之說誅之刑之齋供禱祠任民
自然不可以擾親戚故舊不可以私其所昵男雖父
兄不可適尼之居女雖諸母不可適僧之舍人人得
以告捕抵法陛下果以此說下詔假學佛之衣服以
藏姦詐假學佛之衣服以墮農績皆不能自信而願

去不可勝數良家子女觀其法之峻嚴烏敢違父母之養舍室家之倫避安逸從枯槁哉如此則良民自願爲其奴婢者自寡矣雖然固亦有爲之者矣不加多也莊子言魯多儒國君下令而敢儒服者一人而已亦是意歟此乃銷之有道制之有漸以歲月之久俟其自衰而已譬之以醫則緩藥石以治之俟其自平乃止不必用華陀之術也譬之以治水則固隄防以導之使復故道乃止不必橫塞其怒流也或曰子痛詆佛而抑其徒則吾徒獨不然乎一皆如孔子耶臣曰稷秀與五穀並生於田爲之農者當勸治其稷

濟六

九

秀乎將勸治其五穀乎雖未必皆穎粟堅好要之吾種也今千萬年無佛何加何損一日無吾道則如之何或曰子不畏禍福歟臣曰佛既爲聖人則所當論者道也於其書而考之固亦粲然矣至於禍福報應之論特後之譯者妄爾雖或言之如莊周之寓言平鄒衍之談天乎公孫龍之詭辭乎皆可稽攷之耶願陛下勿惑禍福而忽臣之說

聖學論

臣聞效一官可謂卑矣古之人必曰學而優則仕治一邑可謂微矣古之人必曰君子學道則愛人子使

漆雕開仕曰吾斯之未能信蓋以學之弗優不敢效官尹何爲邑子產以爲未聞政學蓋以學而後從政乃可治邑原作從政彼子路使子羔宰費孔子以爲賊夫人之子子路復曰有人民社稷焉何必讀書然後爲學孔子惡其佞夫効官治邑必由學而後可况奄有四海爲天下君子一曰二日萬幾何以俾有條而不紊萬邦有衆何以俾樂推而不厭一言其幾興邦繫之好惡所示靡然成俗如之何俾百工熙哉庶事康哉嗚呼爲君實難可不學歟乾之九二曰學以聚之問以辯之寬以居之仁以行之君德也古之聖君任

濟六

十一

賢所以能不貳去邪所以能不疑作福所以能賞善作威所以能罰惡蓋以聖人之道折衷之斷然肯矣所以能折衷聖人之道者由其中有學問以爲之主也高宗既舊學于甘盤復師資乎傳說觀其好學之誠意則曰爾交修予罔子棄予惟克邁乃訓可謂勤矣此所以爲商之高宗成王席文王之大謨繼武王之大烈觀其好學之誠意則曰日就月將學有緝熙于光明佛時仔肩示我顯德行可謂勤矣此所以爲周之成王於皇有宋本支百世世有哲王故天縱陛下之聖德温文日就天誘陛下之宸衷睿智夙成仁

受孝恭出於天性是皆生知天毓受道之質矣重念承平累聖之業御茲九有之師欲致乎治必先乎學學也者致治之道也古之聖賢不可得而見矣其言具在方策要之皆王者事爾人臣學之期以致君人君學之自致其治故天地之情陰陽之理吉凶之變失得之故備在乎易而卦者時也一治一亂或美或惡初不可齊亂可使治惡可使美察理之變爲理之主惟君乃能之臣願陛下學易則體乾銜坤進陽退陰觀道設教運神合德使天下之時常爲泰而無至於否常爲晉而無至于剝天子之學易固當如此一

濟六

十一

國之事繫諸侯之本天下之事形四方之風美盛德告成功者皆在于詩四詩之名各辨其實不敢誣也臣願陛下學詩則爲政之大而無入于小雅爲政以正而無論于變雅無若東周降于國風必使功德終美于頌天子學詩固當如此夫尊王正法謹始善終詳天地之裁祥著君臣之美惡者無尙于春秋臣願陛下學春秋則師治而戒亂賞善而罰罪常爲知孔子者無爲罪孔子者夫堯舜禹湯文武成康之世其典謨訓誥誓命之文傳百王之心迹治亂之大略者無尙於書臣願陛下學書則攷稽古之得失操制今

之法合皇步帝驟王馳霸一皆得之陛下欲以正六職以治六官必也學夫周禮然後百工允釐庶績咸熙巍巍乎其有成功矣陛下欲以正其威儀詳其辭令必也學夫儀禮然後五禮之合制見於典章文物之間六儀之中節見于動容周旋之際煥乎其有文章矣陛下又當發揮孔孟之正道黜雜百家之邪說在聲聲而已乾之象曰天行健君子以自強不息詩曰勉勉我王綱紀四方惟陛下不倦以終之則日進無疆聖益聖矣天下幸甚伏惟陛下有聖人之材而居聖人之位能進聖人之學以充聖人之道則功利天地澤及萬世可俾德商宗周成矣雖然陛下有好學之誠而無進學之說陛下有望道之意而無明道之人則或博而寡要勞而無功故陪卿之列賓師之選不可不慎臣願原作不可與迂儒共學迂儒好爲太高不經之論將使陛下畏道之難行或自畫矣不可與佞儒共學佞儒好爲苟合過情之譽將使陛下志滿假而輕道術或自聖矣願陛下妙選忠義正直博學守道之士以備顧問則用力少而見功多適道正而爲利溥天下幸甚

濟六

十二

慎兵論

臣聞兵不可好好兵者嗜殺人者也戰不可忘忘戰者棄民者也臣嘗原兵之理我克敵敵克我要之各有相傷爲民父母奈何使民兩自相傷中道無罪而隕生哉萬一正不獲意則權必用武乃濟然後哀矜愴惻而用之以犯難難平卽止非復可玩此以殺止殺以戰去戰之術也司馬法曰不違時不厲民病所以愛民也不加喪不因凶所以愛夫民也冬夏不興師所以兼愛其民也後之人君豈恤是哉爭城則戰矣爭地則戰矣爭長則戰矣爭利則戰矣小忿則戰矣違言則戰矣代翕代張代存代亡民不加多率以

濟六

三

戰死獨何辜哉今日暴原野之白骨乃昔日暴原野白骨之子孫也人君當視人猶己以己推人則好戰之心自下夫士卒之痛思己之痛士卒之傷忍己之傷矢石在前白刃在左右法令在後萬死之間幸于一生其危心如何彼貴賤雖異位而喜懼好惡之心無二况復殺乎殺一人則父母妻子失所而無依者數人或至于殺其子孫則嗣續遂絕者夫推愛物之心猶不忍暴殄天物况人乎不戰而屈人兵者正慎于此故觀無衣之詩然後見興詩之情觀揚之水之詩然後見屯戍之思觀葛生之詩然後見戰歿之感

迨夫民日益寡國日益削力日益屈財日益殫于是惻然哀憫其前非殆矣主父偃曰務戰勝窮武事未有不悔者豈特悔而已禍亦隨之夫三世爲將道家猶且忌之况好兵之主乎故禍莫大乎好兵好兵之心有二曰子曰侈孔子曰不仁者不可以長處樂不可以久處約惟樂與約處之實難自匹夫至于天下國家其召禍之漸均生於有餘不足有餘則侈心生不足則幸心生幸心之禍在厥身侈心之禍在子孫今夫國迫小而鮮長慮則褊急而多妄計貪而無謀勇而無禮惟試僥倖於一戰萬一償志於是乎幸心

濟六

西

生矣幸心一生故不量力不度德而所較非其敵志徒大心徒勞而所求非其道如卵投石如指撝沸自求危難屠其城屋其社覆其宗絕其嗣者踵相及孟子所謂緣木求魚必無後災以若所爲求若所欲後必有災是也不足爲有天下者道若夫燕安聞暇財豐力富旁視四顧無一不可惟外事四方然後快意于是侈心生矣侈心一生故好大喜功而不以生息元元爲念窮兵黷武惟以無戰伐功爲愧自求憂患困役傷財得寸損尺怨滿天地而禍及子孫眾仲所謂兵猶火也不戢將自焚者是也前王旣以此致凶

咎後王當以此爲龜鑑古之好兵無功而其主非賢者不足道好兵而賢且有功者莫若漢孝武唐太宗夫孝武帝高祖文景之餘休太倉有紅腐之粟內府有貫朽之錢故放心肆欲玩兵耀武以事疆場內則有期門羽林孤兒伏飛騎士之兵外則有六郡良家材官之士總節制以統軍則有衛將軍之智提孤軍以深噪則有若霍驃騎之勇又有李廣程不識蘇建貳師安國嚴助李息徐自荀彘之徒以帥偏師揚僕路博德李蔡王恢李陵李沮公孫賀公孫敖之徒以將別部擊匈奴救東甌平南粵誅昆邪平西羌伐朝

濟六

五

鮮征大宛乃置朔方滄海武威儋耳牂牁樂浪等二十四郡厥勛偉哉太宗以英雄神武戡定禍難以其王業自偏裨小校至于爲帝大小戰無慮累百未嘗挫衄有若李勣李靖柴紹衛孝節薛萬徹之徒以平突厥有若道宗道彥樊興宗四庫全書攷證云案唐書唐吐谷渾傳無樊興宗姓名惟查劉文靜傳後附載樊興有從李靖擊吐谷渾爲赤水道行軍總管等語疑卽此人今姑仍其舊段志玄高甌生之徒以平吐谷渾有若侯君集薛萬均之徒以平高昌有若李襲譽李大亮之徒以平延陀有若牛進達之徒以平吐蕃有若郭孝恪之徒以平焉耆有若李子和齊善張士貴張德寶上官懷

仁之徒以平諸獠有若契苾何力阿史那社爾之徒以平龜茲邦國旣底定諸盜旣勦絕其餘勇故習猶未肯寧晚命馬周李勣張儉張亮爲將統十六總管之兵復遠駕遼海征高麗厥勛偉哉以漢武唐太宗之戰功度越前世所殺敵人固不可億數然士卒物故亦以多矣故君子曰戾太子父子庶人承乾兄弟之釁實由于此臣故曰兵不可好禍莫大于好兵好兵之禍雖無近殃必有遠憂則慎用兵而重民命者其得福必永矣或曰子論兵而以好兵之禍爲先奈何爲驚人主心兵可去乎臣曰知戰可慎民可愛兵

濟六

六

可斃而不可玩禍可去福可就然後可以用兵矣書所謂知稼穡之難乃逸之意歟故曰仁者愛人惡人之害人義者循理惡人之亂紀以茲爲兵是乃仁術又安可去太祖皇帝昭受昊天之成命市不易肆兵不血刃與漢唐百戰以得天下固已異道五宗相承奉之以德雖間用兵兵出有名未嘗有漢唐之侈心則基福而遠禍也其已久矣陛下紹大統繼大烈可垂拱無爲以荷天休然內寧必戒外居安必慮危必戰不可忘兵未可去戰雖不可忘當念民命之可重兵雖未可去當念好兵之貽禍鑒跡漢唐之侈心緝

熙祖宗之多福故有曰今太平可恃四海無虞宜毀
兵革銷鋒鏑者自傲之論也願陛下勿聽或有曰今
太平有餘四夷可討除宜興師旅闢土地是招禍之
論也願陛下勿聽臣願陛下妙選將帥必求其良訓
練士馬必致其精謹烽堠繕甲械積芻粟完城壘以
待四圍不害中國之爲強脫若嬰吾憲吾以逸待勞
以直待曲眞天子之兵也

將材論

臣聞牛羊欲其茁壯也必其善牧車馬欲其習服也
必其善御矧軍旅之事將帥之職畀之以師律付之

濟六

七

以疆場內欲重吾國外有克吾敵顧不愼哉不可以
三軍之元帥姑且備其員兩國之民命聊且試其技
不攷其可必爲國禍不求其良必爲民殃故當築壇
告廟之始必觀是人果足以稱此禮乎至推轂授鉞
之際又觀是人果足以勝吾任乎昔在戰國之紛紛
不惟君可以擇臣而臣亦可以擇君當是時英雄挾
其長游眎諸侯能用我者然後任之故欲求將不可
遽得今天下爲家四海爲畿罔匪臣僕英雄盡入於
彀中多士咸在衆技自獻惟君王所擇所謂能稱築
壇告廟之禮能勝推轂授鉞之任者固亦有之在所

選而已昔之論將者其材有五曰勇曰智曰仁曰信
曰忠將何以貴乎勇蓋直以養氣威以克愛剛以致
其敢義以致其心蔑視敵國而砥礪三軍吾之所指
易敢不從死吾之所麾曷敢不從移非勇不能也勇
則不可犯矣將何以貴乎智蓋使貪使愚愚求其所
須使勇使智各效其長技彼敵常爲客而不足我常
爲主而有餘我常致人而人必應人不可致我而我
自如爲勝敗之政如神默運制奇正之術如環無端
非智不能也智則不可亂矣將何以貴乎仁蓋以慈
養其惠以惠養其威寬以御衆衆罔不盡其心悅以

濟六

六

使民民罔不盡其力忘勞而供武服犯難而圖戰多
欲與之可赴深谿必自我視之如嬰兒欲與之可俱
效死必自我視之如愛子則非仁何以懷之仁則能
愛人故也人不可無信而將之信爲重蓋方其涖師
也國不自外理國容于是乎不入軍軍不從中御軍
容于是乎不入國將軍之權于是乎專矣如之何友
厥孚于上下告至誠于遠邇故貴乎信信則不欺人
故也事君皆以忠而將之忠爲大蓋方其用師也上
不制于天下不制于地中不制于人將軍之志自用
矣如之何惟君是圖而忘其身惟國是憂而忘其家

故貴乎忠則無二心故也夫有爵有僇士心所屬可安可危君慮所隨士心所屬以賞刑之柄繫焉賞刑之所繫成敗如轉掌君慮所隨愛憎之變會焉愛憎之所會禍福如發機惟信惟忠乃爲建立勛名之權輿杜塞危疑之關鍵也以是五材泛觀于朝如持度以揆長短如操量以較多寡其分別差等殆無遺形大材如疊小材如盃以盃受疊過則溢以疊受盃綽乎兼容故古之人論將有妻子之將有十人之將有百人之將有千人之將有萬人之將有百萬之將其材相去遠甚然不離乎五者之間也雖然材必適

濟六

五

其用用必適其宜執方而無權守一而不變雖用良材覆爲累德故太公之論將有十過孫武之論將有五危觀其過之所生究其危之所自其初皆五材之良其失五材之蔽有材而不能用于軍敗國辱家殘身僇吁可哀也故爲將之道既有五材以御三軍欲攬英雄之心則又當行之以三禮斷之以三至欲重廟堂之勝算則又持之以五慎審之以五權達事宜則有九變能通九變則真敵于全囚泥法制則有九拘毋執九拘則立我于全勝古之人論良將有曰剛則法天可望而不可干柔則象淵可觀而不可玩

去如收電可見而不可追留如邱山可瞻而不可動有將如此則築壇告廟之禮推轂受鉞之任爲不愧矣故初作三軍欲謀元帥惟卻縠說禮樂而敦詩書于是用于晉秦伐阿鄆而燕侵河上惟穰苴文附眾而武勝敵於是用于齊孫武十三篇之說闔閭試之以婦人卒以彊吳吳起七十六戰之功魏武始于論兵器卒以強魏先軫以下軍之佐而超將中軍不以卑踰尊爲疑卻氏狐氏以族人從軍不以親同職爲間韓信奮于亡將魏尙拔于囚徒充國自舉任之而不違伏波求用試之而不拒謝安薦姪而不沮其揆

濟六

五

親實憲請行而曲聽其補過所用者材也材可用焉不當牽左右近習之好惡不當徇士卒國人之議論挺然不疑斷以己意夫賢將之徒類皆英雄豪傑之士觀人君用己如此其重當如之何圖報哉谷永曰楚有子玉得臣文公爲之側席而坐趙有廉頗馬服強秦不敢窺兵井陘國有賢將所恃如此惟陛下注意焉陸賈曰天下安注意相天下危注意將必至天下危然後注意將則不亦晚乎惟天下安乃注意將之時是爲治不忘亂安不忘危

將心論

臣聞有君子將有小人將君子將天下之將也小人將亡國之將也古之賢將原兵之意可以爲仁術察武之用可以廣德心故以殺止殺非所以好殺以戰去戰非所以好戰司馬法曰殺人安人殺之可也攻其國愛其民攻之可也孫子曰全國爲上破國次之全軍爲上破軍次之何古人終始以愛存心歟故君子之將能師古人之意以不戰屈人兵爲心小人之將違古人之意以嗜殺人爲事以不戰屈人兵爲心以天下爲心者非天下之將乎以嗜殺人爲事亡國而不卹者也非亡國之將乎夫尉繚當梁惠王時

濟六

三

爲兵之說曰善用兵者能殺士卒之半其次殺十之三其次殺十之一能殺其半者威加海內能殺其十之三者力加諸侯能殺其十之一者令行士卒信此說也則興師二十萬可自誅其十萬興師十萬可自誅其五萬矣且夫將軍心也士卒支指也心誠則支指應心危則支指違士樂附則將威今敵無罪之人以犯難悅以使人猶恐不得其心忍羅置罪罟以快意于刑戮乎誅其半欲其半之用命孰若全軍撫愛皆使之親其上死其長乎殺半用半雖勝何益孟子曰不仁哉梁惠王也糜爛其民而戰之爭地以戰殺

人盈野爭城以戰殺人盈城嗚呼慘酷至此尉繚有以啟之歟臣于是求於古之君子善撫士卒而愛之者私竊慕焉其惟戰國之李牧蜀之諸葛亮唐之李靖乎臣請言其用兵之意夫李牧之居雁門也罄軍市之租以養士力椎牛犒燕以養士心謹烽燧多間謀以養嚴入保示怯佯北致人以養氣謀熟勇全皆一戰于是選車餘千選騎餘萬百金之士五萬敵者十萬一舉而滅襜褕走單于破東胡降林胡向使自殺其士卒之半則莫不怨毒矣孰肯自獻其勇以求一戰乎諸葛亮之禦張郃郃之衆號四十萬而亮

濟六

三

之衆不滿一軍衆寡既不敵而強弱又相遠兩軍旣陣而番兵適交亮以用兵行師大信爲本乃悉遣之且曰去者束裝以待期妻子企踵而計日則原其情而憫其勞懷以仁而厲以義可謂周矣故去者感激願留一戰住者憤怒人百其勇殺郃走懿以成其功向使自殺其士卒之半則聞聲而還矣孰肯忘死銜恩以決一戰乎李靖之與太宗論兵也太宗以嚴刑峻法使人畏我不畏敵爲疑靖以卒未附而罰不行不可用爲說太宗以愛克威威克愛爲問靖以愛設于先威設于後爲對則君臣之心何視卒如嬰兒乎

又曰頃討突厥總蕃漢之眾出塞千里未嘗戮一揚
于斬一莊賈夫衛公于艱難草創之初剪刈凶渠以
掃機槍備延陀于關內伐突厥于定襄盪吐渾于西
海夷蕭統于江陵向使自殺其士卒之半則危國亡
師之不暇况宣威信于絕域乎嗚呼安得今日守邊
之將愛育士卒如此三子者乎夫天子之兵以仁爲
本以義爲御天下之將以慈爲主以勇爲決卻視尉
繚之說非亡國之兵小人之將乎秦以殘忍虎狼之
心務殺代屠戮以彊天下又有殘忍虎狼之將能殺
伐屠戮以快其意蒙驚王翦之父子世爲秦人之民

濟六

三

賊攻城克敵固已眾矣然未若白起之甚夫白起之
爲將也戰必勝攻必取誠莫可及以書攻之凡攻某
國拔之伐某所取之不言斬首若干坑卒若干者置
而勿論論其直書斬首若干坑卒若干而計之凡殺
敵國之兵八十四萬人然起戰卒死于敵者又當幾
十萬總兩國供軍之民其誅求哀斂因以失業而死
者又當幾十萬矣何晏曰白起降趙卒而坑豈徒酷
暴之謂乎後亦難得志矣又曰裁四十萬之命而適
足以彊天下之戰要一日之攻而更堅諸侯之守又
曰殺降之禍大于劇戰然則兵勝未幾而被戮國彊

未幾而爲墟良以此乎臣于是乎求于古之君子能
制閫外而懷柔者私竊慕焉其維戰國之荀吳晉之
羊祜唐之郭元振臣請言其用兵之說夫荀吳之伐
鮮虞而圍鼓也人欲叛其君而附已吳曰吾不可以
欲城而市姦所喪滋多鼓人請降而有食色吳曰吾
焉用邑以賈怠不如完舊食竭力盡克鼓而還不戮
一人賢哉羊叔子之爲荊州也慨然有平吳之心開
布大信專修德義縱俘釋獲以示至仁歸禽饋穀以
示不擾潘景來寇追斬而厚葬之美其死節陸抗對
壘抗病而饋之藥抗飲不疑內則投良謀于張華外

濟六

三

則付成算于杜預卒能平吳賢哉郭元振之鎮西城
也撫馭諸蕃專尚忠義走吐蕃之眾開涼州之圍會
兵百萬以集湟州分兵十道以進青海贊普屈膝而
請和突厥畏威而入貢會賈勒而至於隕身吊婆葛
而爲之流涕賢哉嗚呼安得今日守邊之將綏撫敵
國如此三子者乎夫天子之兵至信爲主至公爲輔
天子之將附眾以文威敵以武卻視白起之功非亡
國之兵小人之將乎夫爲政至用兵棘矣用兵至于
殺人可哀矣以可殺而以殺爲事乃嗜好也嗜好人
者其心何如孟子曰始作俑者其無後乎爲其象人

而用之也懼後世以象人爲未足有殉之以人者矣
故必推原其理而深罪之奈何尉繚之法使後世藉
口以殘忍予孟子曰盡信書不如無書吾於武城取
二三策而已何其血流之漂杵也懼後世以漂杵則
忍心于屠殄矣故必推原其書而深誡之奈何起之
事誘後世快意于殺伐乎陛下以仁政爲重孝治爲
先則將之心術亦可戒矣彼一夫向隅而泣滿堂爲
之不樂東海殺一孝婦天降異年之旱以罰之人命
爲可重也陛下念哉

薦舉論

濟六

五

臣聞薦得其人則受賞薦非其人則被罰古之道也
必有賞以勸之然後可使舉善必有罰以威之然後
可禁朋邪獨賞而已則競獵虛名冀僥倖以自進獨
罰而已則雖有真賢皆疑畏而不敢進之鄂秋之于
蕭何一言而爵通侯驩兜之于共公一言而放崇山
何勸沮之較著也夫人之情喜賞而惡罰國之格難
賞而易罰人之所喜國之所難也人之所惡國之所
易也可以賞而賞之緩則人必相謂曰慎無舉賢徒
勞人爾賢則欲我舉而恩則吝也况無賞乎苟可罰
而必罰之則人必相謂曰慎無舉賢徒多累耳賞則

未必予人而罰則信也况專用罰乎且古進賢受上
賞蔽賢蒙顯戮貢士之諸侯則至于加九錫不貢士
之諸侯至于黜爵地以是推之惟恐有賢而不進也
堯求若采而啟明之囂訟乃被薦於放齊堯求治洪
水而伯鯀之方命乃被薦于四岳卽其昧於知人則
宜若驩兜之放可也堯則知而不問舜則不復罪之
何也蓋人實不易知而囂訟方命其惡不在外而易
辨靜言象恭其惡在內而難知以堯舜之聖猶且優
而容之則放齊四岳之過舉豈與驩兜同科以是推
之雖或可罰猶當恕之有賢而必進進之未當恕之

濟六

五

勿責於是聖人之於天下求賢之意深罪不肖之意
淺用賞之意多用罰之意簡願治之意詳施刑之意
略故忠厚之化格于民心而天下無遺賢今也於薦
舉之制疑若罪不肖之意深求賢之意淺用罰之意
嚴用賞之意簡施刑之意詳求治之意略如之何致
天下之賢以爲吾用哉故有司妄測朝廷之意例以
進賢爲未發有罪爲本發有罪爲有功無過進賢爲
有過無功朝廷授我黜陟之權者本以我爲健吏耳
不若峻法以寡恩朝廷畀我薦舉之職者特循故事
耳今又無賞而有罰故雖有薦舉之名而無薦舉之

實非徒無實而又市之何哉借若甲爲長吏于此乙爲長吏于彼甲舉乙之所私然後乙舉甲之所私非有意之所舉之人也甲乙自爲施報也惟其自施報乃假手自舉其所私非謂市之欺夫薦舉之道豈不欲得有道之士乎有道之士安能容悅以自謙豈不欲得孤寒之士乎孤寒之士其誰憐卹而爲之援故凡所充舉類皆肉食者締交黨與彌縫倡和之人未嘗間拔一滯淹擢一豪傑真可用者如是欲羣賢連茹而升有是理乎陛下聰明灼知邪正如別白黑則古人之所謂達視其所舉又曰觀近臣以其所爲主

濟六

五

者不待臣言而後喻也爲今之計莫若先詔大臣議復薦賢之賞使天下無吝恩之議庶幾勸沮之道人皆信之然後使凡薦舉者必如摘發之詳得以攷稽焉蓋今天下之長吏凡所以摘發者必鋪陳其罪以聞于上曰某人嘗爲某事可以抵罪期必抵罪而後已其所薦舉者則含糊其言假借其實文具而已未嘗鋪陳其事以聞于上曰某人嘗爲某事可以任使期必任使而後已雖然固亦有鋪陳以聞上者必曰某人有幹才嘗于某處生財幾十萬某有機略嘗于某處鞠獄幾十次矣苟使薦舉之奏如摘發之奏則

下臣之善安有不聞達者朝廷聞而用之後更器使踐華要必使自言曰非某所薦安能至此陳平封侯而魏無知因以受賞者旌薦舉之人無忘其功則其德厚矣彼周行而封列侯自諸侯而加九錫固不可指以爲格願視其舉者之高卑量爲舉主之酬獎可也以今之法所舉之人一陷有罪則凡爲舉主者坐之至有削品秩上印綬不少貸令舉主以所舉酬獎又何勸焉臣又竊以一郡論之夫一郡之內文武僚案不啻百人而部刺史所舉之法歲才二三而許之摘發者則無員數謂凡可摘發者必摘發也至于薦

濟六

五

舉奚獨不然豈使員足矣爾後雖有可舉置而勿恤嗚呼是朝廷許其蔽賢矣故坐席未温已舉所私所私皆畢餘見真可舉者則謂之曰非不知君奈何舉之人數已足矣臣願陛下既下薦賢之賞乃詔天下長吏見可舉者舉之不必限之以數或無可舉則已之又不必充數則庶幾無憾焉古昔逮今長吏以薦賢原作爲恩下吏以奔競爲俗或賣交以進己或賂人以借譽或飲食玩好以參其親信或沽恩俯偃以媚其僕御或卑詞以足恭或面柔以求悅吮癰疔瘡曾不以爲羞指天誓心曾不以爲媿自非宣哲見幾

之士未有不隳其殼中而謬舉矣願詔長吏以阿大夫之所以烹卽墨大夫之所以封者爲之龜鑑勿妄許人以爲國士也必欲公舉則使下吏明其功過于攷績之書無崇虛文歲終則取諸攷課之書稽攷而優劣之可舉者書其可舉之行能可黜者書其可黜之過惡揚于公堂使吏民得以議之以爲可舉也然後舉之可黜也然後黜之則無僭無濫臣之說無遺慮矣然亦不可不防者天下被薦或多吏部病其難選也臣願以四科第之行同能偶也復以被薦多寡爲差况朝廷必使眞得其賢則又何多矣或多賢而

濟六

三

多薦之無憚其勞此太平之光也

序

陳省副集序一作文集後序

不朽有三曰立德曰立功曰立言有一于斯可以無愧於後世其德可尚不必有功其功可紀不必有言其言可傳不必其人之賢也况兼善而有之者乎異時聞彭城陳公之奮志高行聞於鄉鄉人共師之以爲先生東州耆舊論搢紳人物必以公爲稱首諱請平爲盛德之士矣仕乎朝益勵奇節爲御史人憚剛正讒邪震息吳賊警邊西方用師持節出使調度兵

食完壘治城區處兵將忠獻韓公文正范公職是以立職多掌度支鹽鐵籠天下利權民國皆阜凜凜乎功在王室矣所爲文章深純爾雅言必有義字必有法一時望人皆咨嗟畏重以爲絕倫嘗觀其書得其爲人其文之氣蕭散簡遠知其有洪人之量其文之詞芬華明雋知其有過人之才其文之理方嚴安重知其有正直不回之忠其文之意淵澹冲粹知其有中和無邪之德煜暉乎其言有華國之文矣三不朽之事公皆優爲之信乎賢于人遠矣馬生世晚不得從公游然與公之孫師仲師道友善嘗獲見公遺藁

濟六

三

乃世所謂鐵鹽府君之詩者也纔二十一篇而已常以不多見爲恨今公之外孫鞏大夫程因顯忠以全集示焉古律詩凡百九十首雜文一百四十六篇列爲二十卷曰吾家父子集而錄之雖殘編斷簡殆無遺矣至鞏將贈數十本傳于人間昔紫微顏舍人長道爲序于前敢以後序諉吾子焉曰文之有前後如服之有冠履車之有蓋輪不可不慎今無以過舉乎因曰君從事于文久且辱與兩外兒游可無辭故陳三不朽之說庶幾託名于無窮亦所榮也公名洎字亞之仕仁宗皇帝爲尙書郎三司鹽鐵副使云

程因百詩序

河內從事程因謂友人李薦曰吾將見子之先生翰
林眉山公焉吾作詩百首以爲贊非慕其勢也乃慕
其德也非欲求援也將以求教也子以爲如何某曰
子之慕異乎人之慕子之贊異乎人之贊子之求異
乎人之求惟我先生自布衣以至于今其正直之風
忠義之節德行之實文章之望凜然著于四朝藹然
聞于四海外薄荒遠下逮奴隸其稍有知者咸敬其
名戴其德固有年矣然士大夫忌其賢而恥其不若
輒沮而毀之者亦非一日而吾鄉二三友人抑有甚

濟六

至

焉觀其學與才非可與先生並馳也德與行非可與
先生同科也望與名非可與先生相上下功與實非
可與先生相優劣而乃相爲比周輒分朋黨其不度
德不量力正如螳螂之拒輪蚍蜉之撼樹曾何所傷
而妄加庫本無毀譽紛紛盈耳亦可感歎苟其所養
不厚所守不固者其心腹腎腸往往隨明搖奪鮮不
疑其所依矣今吾子乃能尊德信道不流不倚共知
其明足以辯道原其勇足以闢鄉訕而又研精極慮
作是百詩不爲權倖之禽犢而專以爲我先生之贊
其誠與勤皆以至矣又不願爲富貴之媒而願爲賢

人之徒則又可賢也某故曰子之慕異乎人之慕子
之贊異乎人之贊子之求異乎人之求謹序

汝陰倡和集後序

東坡先生再入翰林爲學士承旨未閱歲復請守郡
得汝陰意甚喜之謝上章以宗資范孟博晏元獻公
歐陽文忠公爲言蓋以其主賓俱賢風烈可尙也士
大夫以爲宗范異代元獻公越在前朝文忠公雖近
世未久然異方晚進之士或不及游其門先生文章
忠義爲當世準的其所寓山川國邑猶且使人懷慕
想望矧其賓從寮臬有英偉雋傑者乎先生在汝陰

濟六

至

友人陳師道屢常爲郡吏爲雖無位于朝廷欲挈婦
攜子受屢爲氓往從之游先生止之曰吾將上青乞
梓州欲過家上冢而去穎雖樂土非能久留焉遂不
果行旣而得秋陽賦于黃門蘇侍郞家趙德麟字說
于翰林范學士家又知德麟爲從事雖未識德麟已
知其賢後于中書喬舍人家見汝陰倡和初見德麟
之文章丰容秀發想見其風流標裁爲神仙中人其
後六年應適吳越將道漢沔浮江而東遇德麟于襄
陽慨然傾蓋如平生交德麟出汝陰倡和多嚮日所
傳者三之二粲然盈目固足以使汝陰之人與夫他

邦之人至汝陰者自今時至于百世皆懷慕想望以爲一段佳事是必與歐陽子思穎諸詩俱傳于無窮焉益恨于是時不得操紙執筆從二三子後以奉觴詠之樂亦附名于不朽也今先生得罪竄南海異時門生故吏孰肯顧恤獨吾德麟之意不替平昔又取此詩使薦叙之其義甚高非世俗所能爲也或曰蘇公方在謫籍而德麟之意不替平昔無乃累乎馬曰師友道缺富貴避貧賤迫于不得已其毀譽愛憎未始有定論者君子恥之毀譽愛憎未始有定論者將以事君可乎昔李夷簡以徐晦不負楊臨賀知其必

濟六

蓋

不負園擢而用之然則德麟之意於東坡先生不替

平昔乃所以事君也乃以賢于衆人也

傳

張拱傳

張拱字輔之浚儀人闔達警悟之士也少嗜學舉進士不第家日益索其母黨龔氏世爲國醫師故拱亦善方術嘗于宜春門後坊陳藥爲肆仍復不售元豐二年前上休日將出百官諸衛人賀同天節街塵不驚朝市未集一道士迎日而來目光瞭然射目不瞬逕往拱所顧而不揖振衣上坐拱方披衣櫛髮未盥

頰意頗忿其倨作色語之曰鍊師何爲者何所自而至于斯道士應之玉音琅然曰汝無詰吾所從來正欲見汝耳拱意以謂此誕人也京都似此者甚衆遽以一錢擲而與之且使之去道士笑曰吾無求者也以汝有道質仙緣故來教之何見拒之深也拱冠帶而出與之語論神仙則理致精微皆所未聞于是慚悔若不勝曰拱鄙人眼凡心惑豈圖仙君閱而見臨願卒教之道士笑曰志何求拱變色曰家貧體弱不充儻使不食而飽則所願矣俄有鬻蒸棗者來道士乃以先所擲一錢買之得棗七枚顧謂拱曰神仙以

濟六

蓋

辟穀爲下然却粒則無滓濁無滓濁則不漏由此亦可以入道子房諸人乃以丹藥療飢固亦迂矣儒者譏訶神仙以謂仙者不死則昔之延齡者皆安在哉蓋不知仙之爲仙也夫仙者玄也玄者天也天者道也道者萬古以固存人能仙則雖死不死夫人以有累欲體玄妙而傳之於身身者必盡之形安得以必盡之形而使之不死哉顧世之人死則神與質皆逝而仙者形則有生死而神則無變遷多時日改姓名而已如彼精金鼓鑄鐘錘真性如故而昧者乃欲按摩吐納交媾服餌補益軀幹以求不死則愚矣汝欲

得此道能自此不淫色可乎人能不淫俗念自息俗念既息仙之才也乃取七棗熟視而噓之曰汝啗此可終身不食人或強之食食亦無禁復欲不食則不食如初食與不食汝可自如但以汝有老母妻子未卽相從然汝既啗此七棗當有七夢應之夢中所見豫爲汝言拱皆記之後無不酬者謂拱曰他日汝事親既終婚嫁且畢已能不食復又何求宜使脫身詣名山中于懸絕處尋一石穴深廣有容者汝自累石密塞其門一念不起坐臥行立于其間自有佳趣僅及半紀則汝之身如蟬出殼逍遙乎六合之內外矣

濟六

五

過此非今可以語汝也言竟躡衣而起拱固留不可起出門則無睹拱乃知其非常人悵然有所失者累月間飲食之氣則嘔遂不食踰二年糞溺俱絕表裏清暢而神氣明爽步趨輕利因自試其力自晨抵暮緣都城外郭可匝者五蓋數百里矣衣袂軒軒超然蕭曠物外之一鶴也其母病痔幾二十許年歷用衆藥未損拱漫以七棗餘核而進之一夕遂愈拱旣不御內則室家之愛漠然無心視若道路人其妻郭前朝名將軍進之後性亦剛果忿恚而卒其家以是益憂疑之逼而饋之食食輒兼數人爾後或食或不食

無常朋友疑其詐者扁鑄于虛室以試拱不以爲苦人或召醫則携藥而往至則登病者之席止于牀隅跌坐而已或渝旬涉月杯水粒粟迄無所需今行年六十而顏色如四十許人喜飲酒好作詩予嘗以詩贈之一時名公卿因子詩而知拱者甚衆比聞其母已歿度其絕世而穴居當不久也予與拱游十有二年又與其親陳至端誠相友善至忠善立卽爲予言拱所遇洵不誣故爲作傳

濟六

五

濟南集卷六

宋 李廌 撰

記

芝堂記

人有異質雖欲自比於庶人必發其矐物有異稟雖欲自同於凡物必擢其秀蓋其所以出類離羣者終莫得而掩也吾友西水陳叔易四世六公之宗子也隱居求志於南澗之上十有五年而名振於四方四方之士聞其風而高之以謂陳子於今不易有當於古人中求之其躬耕養親以菽水自樂無愧於谷口

濟七

宜 林 館

之子真雖存畎畝意懷經綸庶幾乎隆中之孔明恢麗之文放乎莊騷疏通之學參用儒佛蹤跡山海超然遠鶩有禦寇子長之風談玄辯理窮極幻妙則子綦庚桑之徒也持此數美乃能以退為進考槃邱樊與木石居鹿豕遊非南山之靈草堂之英為表其行出珍植之物以褒示於世則顛頽枯槁與虞衡草野之氓終無以異矣歲辛未有芝生於竈戶之側一本九莖葳蕤翁絕澤如渥丹燿如彤雲予觀之而謂人曰凡物可種之而生仍託於土壤者皆可以必致則可以易之草木可樹故材而用之百穀可藝故穫而

任之有求於世待世之用舍以為休戚者貴賤榮辱之權縣之於彼彼亦得而易之天下之所貴莫貴於人無得而易之也陳子之與此芝其亦類矣夫使此芝可種則無以異於蹲鴟儻附朽枿則或疑於蒸菌鄰於薪爨發於灰燼所以示奇也或戲曰其處士之祥歟予應之曰而所謂者世俗之富貴耶世俗之富貴達人觀之其以軒冕鐘鼎猶機穽桎梏遁天之刑者唯懼嬰麗於己莫之勝脫又烏知造化不以是為災也蓋以山林之士與朝廷之士析而論之孰勞孰佚孰肆孰拘勞而拘者重以憂患之虞肆而佚者

濟七

全夫安愉之樂而況取民而賦其祿役民以奉其身 上欲報其君而無負下欲答其民而不作危其心以戒毀譽之來屈其身以徇愛憎之變固有慶者在堂而弔者在門或至於喪元隕生僇孥覆族者矣與夫耕吾畝而食蠶吾桑而衣仰焉奉其親而有裕俯焉育其幼而不匱無得失之患無利害之累頤真保和天壽永究者其有間也然則陳子賢矣因序其說以為堂之記

安老堂記

甚哉老之難安也方少之時陰陽役之血氣使之心

志誘其欲而迷其真勢利幻其前而悞其後未易能
安之老且衰矣却視向日之爲宜其悔而求安然食
夫鄙人嗟老景之已至念短日之足惜悼前志之未
充痛昔謀之匪良方且苟求無厭務得患失皇皇偷
朝暮之生汲汲爲子孫之計節義日衰廉恥盡喪貪
於富者則曰吾老矣講貨財較虧羨之術始詳矣未
盡舍也擅兼井而互阡陌巧梯航以絕山海籠物貨
而無餘藏運籌算而無遺策甘心於錐刀之間盡瘁
於錙銖之末負載於道路轉徙於溝壑食夫狗富死
而後止貪於貴者則曰吾老矣結知遇賈名譽之術

濟七

三

始明矣未盡止也履公門而矍鑠游闕庭而裴回銜
筋力彊飲啗染鬚鬢逞聰明職愈隆而意愈切祿愈
豐而戀愈深故位愈重而望愈輕年愈高而德愈薄
貪夫狗貴死而後止然則日暮途遠而爲行漏盡鐘
鳴而未止類皆貪夫而富貴有以累之也故曰甚哉
老之難安也居士新作西堂以安老爲名然居士之
安非惟老而後安之也久矣郭外之田足以給饔
餼郭內之圃足以給蒞茹而未嘗求羨裘葛足以具
伏臘祿食足以備婚嫁而未嘗求豐居士曰富不可
妄致也吾老矣求安而已居士以文學知名於時聲

聞藹場屋薦爲禮部乙選遂擢上第名公鉅卿爭欲
出己門下一唯諾足以得薦擢而恥於附炎平生故
人多在相輔一舉首一作手可以登臺省而恥於自售
居士曰貴不可以妄致也吾老矣求安而已故雖起
家爲郎於朝有曼倩之高風端居十年不調有淵明
之勁節或曰嵩少箕隗山水佳秀近列左右築室巖
下足以專天下之雄觀奈何踟躕於閭里之間居士
曰吾求安者也舍易就難舍近就遠則內勞吾心內
勞吾力但見夫勞而未知其樂不獲其安而撓吾天
和矣此先人之故廬卽而新之吾之心猶欲然吾行

濟七

四

年六十有二人間富貴不妄求從行一作吾所好行將
挂冠懸車奉身以退歸老此堂志已決矣人生七十
雖居是堂以安吾老知復幾何時哉則居士之養可
知故曰居士之安非惟老而後安之也久矣夫安
之爲樂世之人未嘗知之及於病然後悔而求安及
於勞然後慮而求安及於危然後懼而求安矣則向
日求安之心皆妄未有能安其安者故老而能安也
可尙矣非惟老而後安乃每以安老爲心非達觀勇
退無妄君子不能也故曰居士之所養可知矣元祐
二年八月初三日李廌記

太宗皇帝御批記

元祐天子錫宴東宮以御書古詩徧賜執政暨講筵

諸臣明日諸臣上四字庫本無各進表獻詩以謝著作郎兼

侍講范祖禹曰臣願陛下篤志學問亦如好書益進

道德皆若游藝於是見人君大略字書未足多

尙臣聞太宗皇帝方側微已有書名擅於世及即位

益專工鏤之金石藏之延一作延閣布在天下不可勝

數在前世中君已足稱述而帝以神武聖文左右太

祖自布衣取天下以湯武拯濟之功全堯舜揖禪之

美及紹大統遂集大勳巍巍成憲為宋太宗則其德

濟七

五

業層智赫赫然與唐文皇爭雄矣故文皇與帝雖以

字學名於當庫本無當字代而為餘事云因觀帝批天下

兵馬元帥吳越國王錢俶表故作是記元祐三年八

月十一日臣李薦記

襄州光化縣重脩縣學記

飲則祭先酒食則祭先飯一飲一食而不忘報其先

聖脩身治民可忘先聖人乎孔子載道欲濟天下而

時君不能用故祖述堯舜憲章文武之實不試於當

年然金聲玉振之德發乎一身形於萬世萬世之下

六合之間如天地之覆載日月之照臨尊為王公卑

為庶士凡圓冠方履者皆仰之以為師大而治天下

小而治一己凡進德脩業者皆資之以為法蓋人無

貴賤莫不為其徒事無巨細莫不用其道烏有為其

徒而寢廟之奉不虔用其道而教化之官不飭者乎

浮圖老子之道敢與吾聖人抗衡則以習其說者皆

能嚴其居尊其師故塔廟參差緇黃雜遝彌滿天下

孔子弟子乃願學校廢興惘然於心可無愧乎鄧漢

相國蕭侯之故封其山川秀潔井邑豐富民氣醇雅

為士者敬慎尙節義黜山洪侯復以忠厚中和之政

整齊之一境藹然有古風烈洪侯初至謁孔子廟祠

濟七

六

怪其堂序失次而風雨鳥鼠侵敗屋室土摧木腐飯

飄颻裂貌像敬殘器用缺折乃喟然歎曰有土有民

不可不視者三日社曰稷曰孔子祠鄧通邑也何為

乃爾召耆舊而詢焉皆曰嘗為軍昔之為守與夫前

為令者春秋釋菜纔一至焉文具苟簡以應故事或

有營繕者不過補漏楮傾而止三歲鄉舉會於督府

饗殮之田督府取之故褒博之士不復講肄於其間

絃歌之音不嗣久矣久則寢衰而寢弊也洪侯曰噫

欲為政令必先教化欲明教化必尊聖人使民回心

向道我輩所務乃咨部使者暨荊州牧請新之然則

用所給不能取具鄮之士民相與議曰洪侯欲惠民於無窮學校成於鄮鄮士子居之鄮之利也洪侯何有焉吾屬盍共成之乃眾請於庭侯曰縣官之貲亦可苟完諸生因欲壯大尤所願也於是願獻貲以助用者願獻地以益基者願新繪塑者願新祭器者願按圖指位則治材董工自作某處者板築樸斷塗泥丹雘惟恐或後門著肅然殿陛隆然貌像考於秩爵齒微於書服章珪珮各稽於禮籩豆尊彝皆合於制所以奉先聖先哲者恭而嚴重堂沉然扉闔洞然藏書有府藏粟有庾廡序戶牖一皆從便藩垣庖湏一

濟七

七

皆有法所以待先生弟子者備而潔故厯階過位則人人有畏聖人之心竦然而起敬升堂處奧則人人可崇道德之心豐然而自勸鄮之士民舉欣欣然相賀且謂廡曰廟學之廢久矣非洪侯何以至此之巨麗也廡曰昔張老頌趙武之寢曰美哉輪焉美哉矣焉歌於斯哭於斯聚國族於斯而獻文子喜以謂是使武得全要領以從先大夫於九京嗚呼高明之家方傾貲治第而基傾池平之歎已興身外之感誠以寵辱在人而禍福無常故歌於寢不敢自慶哭於寢然後以牖下爲幸孰若居有輪奐之美而通經於斯

著書於斯求道窮理則爲聖爲賢爲大君子亦於斯砥行立名爲公爲侯爲卿大夫亦於斯有樂而無哀有得而無失也哉凡今鄮人與其子孫無忘洪侯之德洪侯名中孚字思誠歛之休寧人熙寧元豐間居太學有盛名擢進士所居見稱鄮課爲最庶幾古所謂三不欺者鄮民蒙仁其績甚衆匪獨學校而已蓋王佐才也元符三年二月十有四日記

濟美堂記

天下治安世臣之裔能踐脩前烈以世其家太平之盛節也蓋曰吾之先正嘗有嘉績顯於先王陪食太

濟七

八

廟預享大烝載之旗常銘之鼎彝是將昭示後昆無忘其功且夫封圻采邑俾有爵於國冕弁裳衣俾有列於朝賞之所延其澤甚遠盍思之今吾所事之君乃吾先正所事之君其子孫也今吾所思之民亦吾先正所使之民其子孫也或忝其先爲愧滋甚盡夙夜之志殫股肱之勤必也復有勲勞在乎王室聲名風節奕顯於世然後無愧於心有宋名臣諫大夫贈司徒田公以忠諫立德事太宗真宗謹言勁節凜凜岌岌如秋霜夏日爲朝廷獻替可否進退賢不肖剴切上章敷奏治道天下穆然底於隆平士大夫曰唐

文皇以貞觀之盛爲鄭魏公勸行仁義之效洎化成
平之治亦繇公忠諫之力雖不登庸丞弼而嘉謨嘉
猷惠於生民固足以爲一代賢臣矣廌聞廌紳先生
論國朝人物以謂有古遺直之風必以公爲稱首竊
嘗欣慕焉歲丁丑自箕隗將適吳粵稅駕荊州獲從
公之曾孫世德游世德新作南堂謂廌曰臧孫達所
以有後於魯者以其君違不忘諫之以德也衍生世
晚不逮事大王父而餘慶所被幸有位於朝惟是臣
子之職不敢不勉蚤夜汲汲冀弗爲門戶羞又期我
後之人必紹前躅故名是堂曰濟美誠欲如十六族

濟七

九

之才能世濟其美不隕其名也廌曰元凱之賢非唐
虞之世亦未必能成其功何哉異時功臣之世豈皆
泯滅無聞苟非逢年遇合則自欲振起厥路無由深
可太息况夫自求禍自速辜除其國圯其族賴其軀
醢其肉鬼無肉食家無坎火者乎今聖神在御孝治
之化形於四海其於名卿之裔方且求是似之實而
左右之以舉象賢之典世德乃能飭戒砥礪欲世世
承承濟司徒公之美於無窮則君臣之義篤於朝子
孫之孝行於家顧不韙哉愚故曰天下治安世臣之
裔能踐脩先烈以世其家太平之盛節也

合翠亭記

玉城之曲介汴渠有道稍南出金明背歷朱庶人之
園又西雖間有林亭沼沚皆樸樸沮洳不足以發脩
然之興獨故將軍楊氏之僧居其北岡喬林蒼鬱蔽
虧雲霄望之若不可通迹以登也乃於雜花香草中
得微徑委蛇繞岡址以升遂於岡之巔得高亭在喬
林蒼鬱中無復見日惟蒼檜樛枝翳靡紛披使人忘
懷遠想如在遼谷之巖上左右烟壑濃翠相合不復
知爲市朝人也市朝之人連薨接屨肩摩轂擊求息
一木之陰不可得或有登茲亭者而復有吾今日之

濟七

十

想乎元祐五年四月十三日與鄧程仲常陳至端誠
同游飲酒賦詩於亭上二友請予名之因爲記云

唐州比陽縣新學記

待民以厚可以化薄待民以薄無復歸厚古之君子
將臨其民也必敬之愛之以謂皆賢人君子安居吾
之教令而同期於治其心既平其恕既廣其民必親
而化其道借有不若者惟有哀矜而不憎怒不忍陷
之於辟聽其自遷於善於是雖有偷薄可變於厚蓋
所以待之者主於厚之也若乃將臨其民先儲威怒
之意欲嚴刑峻法以刈制之故其忤惡忿恚之心無

所往而不逢民固不勝愈趨於薄然其政亦勞蹙而無成欲以求治不亦悖乎蓋所以待之者主於薄之也吾聞唐泌之墟五方之民聚焉先是守幸鄙其習俗龐駁一切劇之以威元豐間翰林蜀公范公之守唐也其僚曰是邦寇攘歲比滋繁願奏於朝治以重法范公曰吁何期吾民之薄也子姑待之吾厚之以忠信彼當自愛我曾未閱歲野民無警囹圄遂空乃大興學校又從而教字之范公之德其澤遠矣唐之士民獨憾屬縣大夫未有以范公之心爲心者也其後十年吾友師文來比陽慨然有厚民之意率之

濟二

十一

以躬待之以誠鋤強扶弱主以豈弟威孚交加殊有古者循吏之風師文曰吾今之政足以靖一時未足以移易舊俗欲此邦之人回心向道溫溫穆穆一變爲孝秀之行其惟養之以學校乎願吾邑鄉校摧圮已久肄習無所而營繕有制勿能復興之奈何邑之士民皆曰以大夫之賢猶能立祠植碑以頌遺愛况興覺舍以教養吾類乎異時奉釋老媚鬼神猶且殫力况孔子之宮乎乃胥勸胥倣相地基遂鳩工集材惟恐後時祠殿廊廡翼耽耽游於斯者藹然有慕仁義之心肅然有尊道德之意况講習於斯弦誦於斯

發聖賢之蘊窮天人之奧以爲揚名顯親崇功廣業之徒哉師文之澤是亦終不可諼也嗚呼古者家有塾黨有庠術有序國有學蓋地無小大以學校爲本人無卑高以教養爲職後世學校不脩其有以夫以爲無損益於功利會不若簿書期會可取善最飾厨傳稱過客可市名譽至於望之以長育人材則曰是君相之職何敢擅焉故倚仗承襲苟且成風以學校爲心而欲孝秀之盛非俗吏之用心也余喜師文之德教孚於比陽而嘉比陽之士民安於師文之德教於是乎書以詔後人師文名譽姓閻氏材氣剛偉智

濟七

三

識明敏好學有文擢進士第所治有聲少以勛名自任薦紳先生皆許以爲國器比陽之治此其試也元祐五年八月初九日記

登封縣令廳盡心堂記

一人之心與夫千萬人之心先民之心與夫後世之心聖人之心與夫愚夫愚婦之心其所以然不然不可者無或有異有社稷人民之奇欲設教布政而願治者能盡其心使人人之心皆以爲然以爲可則天下之理無往而不當天下之情無往而不通誠能奉之以惓惓之誠持之以龜勉之力思其理之所在

必使之無遺蘊慮其事之所安必使之無遺策自謂
吾之心盡於是矣以之律身以之臨民以之事君以
之事天地無愧無怍矣夫然後推之以及人其有以
爲不然以爲不可者乎陽濯管景文爲登封大夫爲
政期月境內稱治吏畏威明民安教令迹其治効當
得善最景文新作聽訟之堂取傳所謂刑者例也例
者成也一成而不可變故君子盡心之說名之曰盡
心可謂明慎欽恤而願治者歟民麗罪罟旣陷刑辟
桁楊狴犴之間徽墨筆楚之下彼不能盡心者或作
聰明以自私於己或不事事而仰成於吏自私於己

濟七

三

者徇其意之愛憎顧其身之利害所欲脫之則鑽毛
出羽粉飾其詞所欲收之則洗垢求瘕傳置其儀仰
成於吏者不能知審克而信其舞文雖高下其手而
有所不察不能平反而縱其驚獄惟貨是求而有所
不問以是而施刑於民俾罰之者自以爲不冤奪之
者沒齒而無怨何可得乎然則知一成而不可變而
盡其心非忠厚不苟有古昔長民之風者曷肯如是
然君子之盡心何獨刑罰而已哉盡心以奉上守靖
共正直之操盡心以馭下成豈弟和平之俗盡心以
治賦府廩充牣無追胥之擾盡心以務農田野墾闢

無愁歎之聲由是推而廣之至纖至悉心之所知皆
爲盡然而不治者未之有也景文之意以謂不惟其
身當然後之爲令者亦當然不惟爲令者當然凡邑
之有職事者亦當然不惟此邦當然凡有位於朝有
職於官雖百執事小有司者亦當然於是屬贊皇李
廌爲之記

郭宣徽祠堂記

世之論將者難乎其必曰制法審重如充國孔明
料敵決勝如淮陰李靖撫愛慈祥如荀吳叔子威信
著明如廉頗樂毅然後爲全材錄古逮今世稱三郭

濟七

四

焉曰唐代郭公元振汾陽王子儀我朝武衛上將軍
贈雄武軍節度使司空公其人也忠義氣節勲勞聲
望皆爲一代宗臣然代國公歷中睿不綱之時仗節
慷慨建西域之功汾陽王當藩鎮跋扈之際發身艱
難定兩京之業司空公立治朝佐英主衛中國撫四
方在內則持本兵之柄以授廟算在外則專師律之
權以將天威論其世則有間矣公諱遠字仲通其先
鉅鹿人少以天下之重自任沈鸞有謀博習羣書喜
兵家之流學藝絕人慕范文正公仲淹而師之以故
材氣成全有國士英雄之風興自小官致位二府更

守八州六領方面再爲四路宣撫使自束髮從軍至於白首大小戰未嘗敗北從討保州一言降其衆授策古渭三戰拔其城降下溪蠻彭仕義以平湖北降武岡蠻楊昌秀以平湖南移兵黨義則令征就禽問罪交趾則乾德請命迹其戰多固已鮮儷其延安功烈尤著蓋力存綏州排沮姦謀撫首鬼名山招徠嚮化取李崇貴以復楊定之讐責薛宗道以屈黨項之兵綏平之戰追奔出塞金湯之戰慶陽解圍神宗皇帝賜詔褒諭曰淵謀秘略悉合事機有臣如此朕無西顧之憂矣延安之民於今受其賜天下知公與知

濟七

五

兵者謂公持志守氣剛大充塞故臨機應變優游中節以全取勝百戰不殆然異時爲將者常患乎上不爲朝廷所知而下無將吏之可用公被遇英祖神考顧問方略虛已聽納言無不從雖總兵在外必遣近臣就議或設問目以咨之故謀行計施無或疑間選用偏裨辟置僚掾隨其器能付以事任南征西伐常以自隨故上下相安皆有成績用能保固封陲夾輔王室精神所衝萬里之外威聞所加莫不率服公嘗自謂吾雖爲將仁德多矣得太平良將之體至於奉使大遼劫之以威義不可奪全使臣之節守土臨民

以學校農桑爲先行衍豈弟行循吏之實對揚庭論薦紳義其直奉親約已鄉閭敬其行華夷懷畏朝廷倚賴眞天下之重臣也公逮事四朝周旋五紀龍光優渥士民宜之由侍衛馬步軍殿前三司入拜檢校太保簽書樞密院事進宣徽院使檢校太尉更靜難武信兩鎮節度觀察留後封天水郡開國公洎得罪安南屏居洛汭復領方鎮卽堅辭告老以上將軍得謝於家雍容進退以功名始終賢哉元祐三年十二月十有四日薨於嘉慶里第之正寢享年六十有七訃聞天子輟視朝一日天下之人聞公之喪識與不

濟七

五

識皆咨嗟隕涕若悼李廣且惜其不果再用也初公守延安上旌其功勅建寺於先壠賜名資忠報本禪院紹聖三年公之子忠孝等作堂於其中繪公像以祠之屬其友陽翟李薦爲記薦嘗觀王翦請田宅自汗彼以秦皇猜忍故爲全身遠害之計霍去病辭治第欲滅匈奴以漢武喜功狗彘武窮兵之欲其於君臣之義蓋亦薄矣神宗皇帝寵公欲顯其親公事神宗皇帝能移其孝資忠於國則上有以崇君父之義報本於家則下有以廣臣子之恩顧不美哉敬係之以銘曰天祐我宋克生人傑降畀大任俾輔鴻烈顯

允郭公四朝老臣以仁爲勇以德爲名乃登將壇乃佐樞極淵淵謀蹇蹇義直公在廟堂四圍兵寢公在疆場天子奠枕錫賜佛祠時惟異恩非曰假寵惟以報勲於焉祀公益爲顯親漢宣虎臣圖贊麟閣雲臺四七凌烟褒鄂公像在茲視古無忤圓圓故阡翼新廟邱山蒼蒼洛水浩浩玉關諸戎朝貢之道北瞻九原稽顙膜拜猶當畏仰凜凜如在歸脩臣職莫犯絕塞載在祀典與享大蒸國有典常則俟寵靈詔乃後人盍觀此銘

斑衣寮記

濟七

七

蜀陳氏築第葉邑公允於第中南廡治小室爲燕息之所謂客李廡曰吾三兄一弟皆宦學於四方吾獨安閒於家歲時伏臘薦酒醴羔豚爲母夫人壽日率子弟家人輩嬉於寢門暇則退休於茲自謂有老萊子斑衣之樂岸中曳履遡風於門笛一弄酒一斟邀明月而對之醉則偃仰是中吾不知天壤間復有樂於此者乎曰人子之樂無樂於奉親奉親之樂無樂於安鄉里居處舊廬而仰於先疇百須不外索而具雖君之兄弟仕於朝廷者游於庠序者亦有去家違親之累豈若君常燕休於斯耶天下之患患在乎有

求無求則無得失無得失則無欣戚無欣戚則泰然而樂全况君之樂樂於奉親乎請以斑衣名之大觀二年十有二月二日贊皇李廡方叔記

墓誌

李母王氏墓誌銘

廡少不天嘗游寓東越吾叔曰吾兄有志不就其孤過時不學則爲門戶羞乃具舟楫涉江湖躬至句章趣廡還長洲教字於家叔母王親遇廡甚慈撫憐顧復恩意周悉叔父之子國器砥行立名爲吳郡望士嘗語廡曰吾無弟汝無兄伯父之子猶父之子也日

濟七

七

以義方訓切之故廡今也雖不肖然亦能讀書學文敢與士齒實有繇焉叔母其先京師人曾祖祖父皆以材武從事戎馬得官叔母年十有四歲歸李氏時我祖父乾州使君新歿事祖母元暨伯父居士能盡爲婦之道蓋吾家自唐以家法名世非禮法之族莫敢通姻兄弟相承嫡姒相賓率用法度家廟日饗俎豆如事生諸奉祭祀者冠帶簪帨不敢去身而又伯父律下嚴忌繩已亦切或小有過差則自筓於廟諸弟及其婦相與請罪乃許改事卽出大鼎於庭命之曰斯鼎也一人扛之則莫舉衆人共之則甚輕治家

亦然衆心同力乃有成爾於是內外百口肅然無譁
然諸婦憚勞行之頗艱惟叔母奉以周旋始終無懈
族人賢之叔父既居吳復以家法御其下家亦整治
雖食貧索居昏嫁喪葬必用舊儀蓋其性安於禮白
首不變晚玩佛書能知大義屬纊之際心識了然時
元祐六年七月六日也享年六十有八嗚呼昔者伯
父之孫或始生而母卒叔母鞠乳之以迄長大及進
士第嘗分祿以奉之焉方茲應舉覓官求比於或而
叔母下世嗚呼其敢忘乎叔父諱某生一男子曰遠
乃國器兄也孫三人曰彥發舉進士好學有立志曰
彥同曰彥達孫女一嫁進士馬友直以元祐某年月
日葬於蘇州長洲縣陳公鄉耐叔父之塋銘曰李肇
養皇昔我貳卿自彼陽穀揭來關中古鄭南郭里宅
協卜爰有幽谷松楸茂拱於山之麓念我使君以及
諸父丙甲地蹙惟幼孫鴈夙夜疚念風櫛雨沐鄉曰
將相里曰勳賢水惟檀谷元祐丙寅改徙東阡從者
十六下逮諸殤耐焉罔遺墳墓遂族惟我叔父寓葬
於吳留位候復旣弗復止今我叔母抑又葬止佳城
東西各天一方相望萬里魂氣游止無不之矣骨肉
乃在於此

濟七

九

濟南集卷七

濟七

手宜 秋館

宋 李廌 撰

書

代陽翟令右宣義郎孫情作進其父資政尙書

康簡公永文集上宰相執政書

某聞之孟軻曰未有仁而遺其親者也未有義而後其君者也夫仁不遺親故爲人子者當竭其力力之所可至必至之子之職也義無後君故爲人臣者當盡其忠忠之所可達必達之臣之願也由是觀之君子之分忠孝之節苟有可爲不敢不勉某事親之日

濟八

二 宜 狀 節

短而祿仕之位卑竊味孟軻之言以原仁義之實不量其愚欲成先志雖事親之日短而報親之意長雖祿仕之位卑而敬君之心重伏觀國朝著令某品官許進家集重念先君子康簡公逮事四朝周旋五紀惟忠惟清惟誠惟敏爰自英皇之殊擢獲侍神考於穎藩屢被寵光徧歷禁從入尹大京出總連帥晚升常伯進長天官復領祠宮留侍經閣隆恩優眷縟典異數固已極矣然屢欲登庸而每以疾諗天旣柅之又從而隕之嗚呼某不令不足以盡先君子之德而子之譽父或譏其私泛聽士大夫之論與門生故吏

之語咸謂以文名世以德服人才稱王佐政爲吏師其實匪誣謨雖陳而未及施材雖用而未能盡有大勳勞於王室而遺愛半天下平生云爲備在遺藁某不能效遷固父子嗣成一代之文不欲藏之名山以俟後世編類繕寫爲若干卷名之曰某某獻之闕下某之志獲伸是乃先君子之志也爲子之職僅能無曠以先君子之忠而獻之是亦某之忠也爲臣之願斯亦無愧然以疎遠小臣冒雷霆之威非在位輔相之臣內爲左右之容進爲仗助之援則某雖志勤心勞自何能爲當軸聞聽恭惟某官弼亮人主調一天

濟八

二

下建皇極之道致太平之業豁然洪度以萬物爲心凡天下爲臣君子皆斬人趨仁義家習忠孝俾百志惟熙而庶政無疵則某悃悃必與之進異時切於求言咨訪側陋一介之士有片言之善猶且尙書給筆札東帛貢邱園矧先君子從大夫之後參內朝之議奄違聖代纔及四期其忠言嘉謀遺風餘烈嗟然未遠迹猶相踵而事或相仍如覆視之尙可裨日月之明而助廟堂之慮賢於匹夫遠甚閣下垂念之俾先君子之文通天陛備承明清燕之覽頒之秘書藏於四庫萬世之下猶有曜焉先君子雖賚志九原其亦

無恨矣非閣下疇能成之哉夫俾先君子蒙二聖之眷歿猶不忘則君臣之義隆矣先君子於閣下有僚
宗之舊歿猶顯其名於無窮則朋友之親篤矣先君
子之遺體惟某一人俾勉忠孝以効臣子之節則父
子之恩深矣閣下當萬邦具瞻之地以維綱風化一
舉而三美從之故區區之誠非閣下莫能成之而三
美者亦閣下之所當務也干冒云云

容趙士舞德茂宜義論宏詞書

某頓首德茂足下兩承遺書問以宏詞爲文之說初
則疑德茂或知其愚不能而窮之以爲詭戲洵領來

濟八

三

教詞旨益勤丁寧重複然後知德茂過聽之誤顧僕
不足以當盛意朝廷欲作新人才修明文物故興復
宏詞之科以收天下賢雋故聞就試之法嘗以進士
入官然後應格德茂蚤歲登科榮名賜第道藝行能
見於已試萬選萬中可以前科僕丁年應舉皓首無
成雖有此科固非吾事何敢與知德茂才業著稱於
縉紳間名聲藉甚僕退處草野聰明衰落已爲陳人
何足置問然拙人觀棋雖不能奕勝負之算亦或能
知貧賈負販雖患無資殖貨之術未必不曉僕不敏
然從事於文實歷年所雖無以踰人少從先生長者

游習聞慣見亦粗知大略聊竭其愚爲德茂言之凡
文章之不可無者有四一曰體二曰志三曰氣四曰
韻述之以事本之以道考其理之所在辨其義之所
宜卑高巨細包括并載而無所遺左右上下各有若
職而不亂者體也體立於此折衷其是非去取其可
否不徇於流俗不謬於聖人抑揚損益以稱其事彌
縫貫穿以足其言行吾學問之力從吾制作之用者
志也充其體於立意之始從其志於造語之際注之
於心應之於言心在和平則溫厚爾雅上安敬則
矜莊威重大焉可使如雷霆之奮鼓舞萬物小焉可

濟八

四

使如脈絡之行出入無間者氣也如金石之有聲而
玉之聲清越如草木之有華而蘭之臭芬薌如鷄鶩
之間而有鶴清而不羣犬羊之間而有麟仁而不猛
如登培塿之邱以觀崇山峻嶺之秀色涉潢汙之澤
以觀寒溪澄潭之清流如朱絃之有餘音太羹之有
遺味者韻也文章之無體譬之無耳目口鼻不能成
人文章之無志譬之雖有耳目口鼻而不知視聽臭
味之所能若土木偶人形質皆具而無所用之文章
之無氣雖知視聽臭味而血氣不充於內手足不衛
于外若奄奄病人支離顛頽生意消削文章之無韻

譬之壯夫其軀幹愕然骨強氣盛而神色昏膏言動凡濁則庸俗鄙人而已有體有志有氣有韻夫是謂之成全四者成全然於其間各因天姿才品以見其情狀故其言迂疎矯厲不切事情此山林之文也其人不必居藪澤其間不必論巖谷也其氣與韻則然也其言鄙俚猥近不離塵垢此市井之文也其人不坐塵肆其間不必論財利也其氣與韻則然也其言豐容安豫不儉不陋此朝廷卿士之文也其人不必列官守其間不必論職業也其氣與韻則然也其言寬仁忠厚有任重容天下之風此廟堂公輔之文

濟八

五

也其人不位台鼎其間不必論相業也其氣與韻則然也正直之人其文敬以則邪諛之人其言夸以浮功名之人其言激以毅苟且之人其言懦而愚揜闔從衡之人其言辨以私刻伎殘忍之人其言深以盡則士欲以文章顯名後世者不可不慎其所言之文不可不慎乎所養之德也如此王通論鮑照江淹等之文各見其性行之所長可謂知言矣古者登高能賦山川能祭師旅能誓喪紀能誅作器能銘然後可以爲大夫故訓典書詔赦令文賦詩騷箴誠贊頌樂章玉牒露布羽檄疏議表牋碑銘諡誄各緣事類

以別其目各尙體要以稱其實如波玉工珪璋璧琮珮玦明珠追琢之工皆有制度其方圓曲直則各中其用也如彼梓人棟榑榑榑棊棊榑榑榑榑之工皆有繩墨大小長短則各中其用也若乃或混淪而無辨或散漫而無紀或錯雜而無序或晦暗而不顯雖曰謂之文亦不足觀也已德茂學問充富真積力久淵源汪洋根幹碩大發爲文章蓋其波瀾枝葉實爲餘事然既已能文而學文不已必欲離羣拔俗遠追古之作者方駕並驅則宜取宏詞所試之文種種區別各以其目而明其體研精玩習寤寐食息必念於

濟八

六

是造次顛沛必念於是則將超然懸解躡等頓進徑至妙處一日萬里如是一代文儒之宗舍德茂其何人哉主上紹休聖緒厲精治道方將蹤迹三王指揮四夷袖書汗簡紀述先烈泥金檢玉升中名山其潤色鴻業形容太平大著作大號令職皆在於詞臣德茂其勉之哉後來賞音之士論一時之文人以謂何人之文但如孤峰絕岸何人之文但如濃雲震雷何人之文如輕縑素練而窘邊幅何人之文如豐肌膩理而乏風骨獨吾德茂之文如良金美玉無施不可則德茂之文信乎顯於當年與後世矣僕求用於世

而世不用方且焚棄筆硯爲農圃賤事雖有此科無
繇從德茂後塵翔翔道山交圍此則命也歲將宴風
露涼冷萬萬以道強自壽

啟

謝解啟

古之士重今之士輕時勢使然風俗乃爾飯牛版築
奚必詩書釣渭耕莘曾何科目蓋君子之學以道義
爲己任故古之仕者以卿相爲當然有三顧五聘而
未從或千駟萬鍾而不受今以言取士但愧空文凡
應舉覓官鄰於自鬻賓興久廢法禁益嚴徒以困窮

濟八

七

之身願入英雄之彀某行年二十有九蚤苦衰殘著
書十餘萬言常懷忠憤謀己甚拙許國甚堅雖頻待
詔於公車未得爲郎於金馬屢作逐客每嘆虛生第
慮沒世而無名以累青雲之知己比緣秋試偶爾計
偕輒生妄心竊有榮幸此蓋伏遇某官久垂教誨曲
賜題評恩等邱山義同卵翼致滋味陋有望亨衢敢
不益厲操修上副眷予

賀蘇右丞啟

伏審進陟巖廊登庸丞弼總六卿之管轄肅萬物之
機衡朝廷用賢士民稱慶矧茲下客久附青雲荷飲

食教誨之恩待以國士具舞蹈詠歌之喜倍於衆人
伏以右丞先生道德之資實惟天稟忠義之氣生與
性成凡所獻爲罔匪正直愛君之策粵在妙齡驚代
之名震於殊域皎皎勁節日月爭光蹇蹇丹心金石
可貫懇辭公掾連折相君謫逐小邦羈窮仍歲屬二
聖之臨御進羣賢而彙征爰自放臣遂膺高選布武
禁闥假道亨衢諫垣補袞闕以彌縫柱史侍天威於
咫尺掌絲綸於鳳掖貳錢穀於文昌視草金鑾七制
煌煌潤鴻業繩愆烏府四門穆穆無兇人明試膚公
咸建嘉績上心簡注輿論僉諧副彼具瞻式是百辟

濟八

八

雖號萬鍾之量富貴皆固有之適逢千載之期功名
此其時也設施所學康濟斯民調元化於陶鈞正泰
符於鼎鼐允熙帝載寅亮天工彼魏杜戴劉之徒曾
何足道而臯夔稷契之烈將見於斯某違去師門索
居山邑恭聞嘉命阻慶台閔云云

濟南集卷八

南城李

喬君翹校


跋

李方叔才氣絕人不可一世所作詩文足以推倒一時開擴萬古當日名流莫不交相稱許而蘇文忠尤加屬獎然一第蹉跎致有戰場目迷之詠文章憎命雖有賢達爲之推挽亦不能爲之置身青雲則信乎命之窮也此集原編二十卷攷諸家書目均未收入蓋亡佚已久館臣輯於永樂大典分爲八卷雖未能復原編之舊詩文將得其半已足以傳方叔矣德隅堂畫品本別爲一書輯本附於第八卷中茲離出別爲一卷附後似較明晰此本錄傳鈔庫本已未携至

濟跋

一宜 秋 館

北京就 文津閣本重校辛酉春付刊秋始告成焉
辛酉孟秋南城李之鼎識



鑿

癢

十五

文

齋

堂

炎

縉

今

酉

巷

誰

盛

氏

用

文

灑

閏

傳

鈔

亦

興

本

開

書

欽定四庫全書總目卷一百五十五

摘文集十五卷附錄一卷

宋慕容彥逢撰彥逢字淑文序遇宜興人元祐三年進士
調銅陵主簿復中詞科遷淮南節度推官崇寧元年除祕書
省校書郎歷官刑部尚書卒諡文定議集友宋史不為立傳
其生平行履僅見永樂大典所載墓志中志稱所著文集二
十卷外制二十卷內制十卷奏議五卷講解五卷藏於家合
計之當為六十卷而宋史藝文志載有慕容彥逢集三十卷
其目與志頗不合今按彥逢孫綸原序稱因兵火散失綸搜
訪所得分為三十卷命工鏤板目以摘文集則是集乃綸
所重編宋史據以著錄故與墓志互異也彥逢才藻富瞻當
紹聖初設宏詞科實首中其選後受知徽宗列禁近官侍從
者十有五年一時典冊多出其手今集中存者尚幾數百篇
其榮遇不為不至而檢核所作希賂諛言惟多以獻媚賈諛

摘文集提要

煥惑主聽如以刑部獄空及天下奏案斷絕具劄稱賀至三
四上殊可嗤鄙又加理會居養院學校諸劄子亦皆希廟堂
意旨所尚曲加文飾呂祖謙輯宋文鑑不錄彥逢一篇其擯
斥之意當由於此特因其沒於政和七年時事尚未潰裂故
不至附會童蔡以成其惡名耳然其文章雅麗制詞典重溫
厚尤為得體就文論文固亦未可竟廢也謹據永樂大典所
載分類哀輯釐為詩二卷雜文十三卷而以論議墓志銘別
為一卷附之庶讀者猶得以攷見崖略焉

古今以文名家者多矣其有兼作者之妙為百代之師者文忠蘇
公而已是以皇上萬幾之暇親御翰墨為之序贊有曰他人之文
或得或失多所取舍至於賦所著讀之終日豈墮忘倦常置左右
以為矜式大哉王言誠萬世不刊之典當時學士大夫有經品題
皆足以垂世況深蒙見知者乎尚書文友公家世伊洛河南王之
遠裔也天姿秀拔自幼篤學之老不倦家藏書數萬卷手親是正
不憚寒暑著中者既豐故發諸外者汪洋大肆浩浩乎莫之禦也
元祐開弱冠登進士第至紹聖初屬詞科一試而首中之雅為蘇
公所器量誠以道德文章有默契於言意之表宜乎聲相應氣相
求也公司鳳閣直鸞坡登八座五知貢舉天下服其文鑑之高名
公鉅卿多出其門揚歷華途垂三十載惜乎位不滿德未足究其
所學而恭和聖製敷演辭命忠言謙論高文大冊每篇奏御必蒙
褒嘉直足以造作者之淵源垂將來之軌範也平生所著百有餘
卷因兵火盜賊之後散失幾盡慕容容太守為公嫡孫力於親舊開

摘文集提要

搜訪所藏尚及千篇思其先後踏駁且命與祖訂正之興祖善太
守之志能使乃祖鴻筆麗藻光傳後世孝也天下學者有所師法
仁也仁且孝君子之能事畢矣奚敢以不敏辭若迺孝友之行忠
謹之節謀猷之嘉德量之廣操履之正建明之公有朝廷論議與
夫行狀志銘在開卷昭然固無待僕措辭而後見也輒因其文而
次第之以為不朽之傳公諱彥逢字叔遇文友其諡云淳熙十有
四年歲次丁未正月上日從政郎蒙州州學教授劉興祖謹序
先大父少師文友公弱冠登元祐進士第速紹聖初首中詞科之
選自會稽教官被召際遇明主徧歷臺省進登八座平居暇日未
嘗釋卷有文集二十卷內制十卷外制二十卷講解五卷奏議五
卷因兵火盜賊之後散失幾盡論近於親舊開搜訪所得尚及千
篇分爲三十卷命工鏤板目以文友公摘文集時淳熙十四年
歲次丁未下元日第四孫朝奉郎權知象州軍州兼管內勸農事
借紫綸護書

摘文堂集目錄

○卷之一

賦

瓦瑞賦有序

巖竹賦

雙楠軒賦

韓信背水破敵賦

五言古詩

感春

夜深偶成

晝臥偶成用前韻

讀揚子

讀陶淵明集

三月雨游壽聖寺

留題聖壽院

留題覺慈寺

留題智者寺

留題婺州智者寺

和吳顯道

題諸暨王秀才華軒

次韻葉權之南宮春興

再次前韻贈葉權之

次韻答程公異見戲

贈明智大師

送安宜義還雒陽

送趙節推沿檄還鄉

送曾正臣

李縣丞美替作此詩饒之

相與目錄

友人有小石數顆以余酷愛將輟惠佳者惟求一詩賦以贈之

同呂文剛吳邦獻馬子才賦白菊得采字

七言古詩

次韻張察推詠密印竹軒

次韻鮮于學錄太一宮海棠

赴省試到闕偶成

蘭溪葉宰以某阻水治山頂僧舍見邀作此詩以謝

和岑運使題趙吏部容膝齋詩

為陳秀才題墨妙堂

送葉朝奉

上毛運使

答王及之賢良見寄

醉歌行次韻

求書

相與目錄

○卷之二

五言律詩

題宗室順國軍節度使開府儀同三司仲公

挽贈開府儀同三司朱公二首

挽祕閣校理知湖州余使君二首

和劉著作倬明貢院卽事韻

蔣穎叔生日

許沖元生日

七言律詩

恭和元日受寶詩二首

恭和御製回鑾詩二首

恭和御製幸池詩

恭和御賜陽德觀碧桃溪新竹詩

恭和御製朵樓特宴之什

次韻祝通直甘露詩二首

恭和御製以節近嘉平時雪驟應詩

恭和御製元會之次日嘉雪應候錫宴於公相之第詩

恭和御製以嘉雪愆候躬致懇禱精意未孚靈貺昭格己卯庚辰

降雪盈尺賜和臣詩二首

恭和御製喜雪詩

恭和御製觀儺詩

次韻和吳右丞恭覽神宗皇帝御集詩

次韻伯父元夕有感

試錄日侍親游戒珠寺

和中書梁侍郎君臣慶會開賜御筵詩

和中書梁侍郎喜雪賜御筵詩

和蔣秀才牡丹次韻

次韻阮承書詠桃花菊六月開

和余秀才游綠靜堂以詩見寄

次韻題任承事清樂齋

詠蔣秀才西軒詩

和元卿二首

知縣沈本議所至榜雙清於書室諸公篇詠甚多猥以見屬賦

四韻

和四十伯父見寄二首

答王賢良見寄仍次元韻

游天章時陪越帥邵司業京東曹呂侍講通判錢承議行

和彥昇間更聲

五言絕句

題白沙驛壁

題婺州道傍水閣

題婺州孝順鎮寺

甲申十一月夢中詠假山

七言絕句

和王推官正月十三日游戒珠寺竹軒詩二首

貢院卽事并序

醴泉觀宿齋詩并序

月夜偶成示程公巽二首

和兵部何侍郎宜香閣五絕

次韻上酬郭慎求長官

次韻上酬四十伯父

寄單季隱

題婺州多福寺壁

和衛姪題孫德明墨梅

○卷之三

詔

賜仁福帝姬辭免冊禮許允詔

賜少保太宰兼門下侍郎鄭居中辭免男億年直祕閣允詔

賜少保太宰鄭居中辭免冊命允所乞詔

賜新除太傅致仕何執中辭免冊禮允詔

戒勵百官遵奉法度詔

賜延康殿學士強淵明辭免恩命不允詔

賜新除顯謨直學士依前永興軍路安撫使賈炎辭免恩命不允詔

賜新除翰林學士承旨馮熙載辭免恩命不允詔

賜翰林學士馮熙載辭免恩命不允詔

賜少保太宰兼門下侍郎鄭居中辭免外甥朝奉郎知大宗正承

事郎李伯達除尚書度支員外郎恩命不允詔

賜太傅何執中辭免恩命不允詔

賜新除翰林學士承旨鄧洵仁辭免恩命不允詔

賜新除翰林學士許光凝辭免不允詔
賜大司成陸蘊辭免恩命不允詔
賜新除翰林學士劉嗣明不許辭免詔
賜新除工部侍郎方會不允辭免詔

賜龍州知州彭允宗等進奉賀端午節溪布敕書

賜修武郎趙子璽獎諭敕書

朝請大夫行大理寺丞馮大均可大理正敕書

賜知安州向萬響等進奉賀天監節并端午冬正溪布敕書

賜保靜州知州彭儒武等進奉賀天監節并冬祀冬正溪布敕書

誠諭三省樞密院修舉先朝政事敕書

賜皇太后賀冬祀禮畢批答

賜內中夫人郡君已下賀冬祀禮畢批答

賜皇弟燕王趙王賀冬祀禮畢批答

賜大長帝姬賀冬祀禮畢批答

賜新除宰臣鄭居中辭免恩命批答仍斷來章

賜新除宰臣劉正夫辭免恩命批答仍斷來章

賜新除知樞密院事鄧洵武辭免不允批答

賜宰臣鄭居中辭免冊命不允批答仍斷來章

賜新除知樞密院事鄧洵武辭免不允批答仍斷來章

除保大軍節度使充熙河蘭遼路經略安撫使兼知熙州某制
皇叔府州管內觀察使仲憫可特授昭化軍節度觀察副後皇叔
閬州管內觀察使仲憫可特授建武軍節度使觀察副後制

除少保某太宰制

戶部尚書梁子美可尚書右丞制

朱諤除尚書右丞制

尚書右丞鄧洵武可尚書左丞制

梁子美除尚書左丞制

吏部侍郎杜常可工部尚書制

承議郎試刑部尚書侯蒙可朝奉郎試刑部尚書制

御史中丞侯蒙可刑部尚書制

尚書左丞何執中可中書侍郎制

鄧洵武除中書侍郎制

何執中除門下侍郎制

左光祿大夫守門下侍郎吳君厚可資政殿學士充太一宮使制

御史中丞席且可吏部侍郎制

光祿卿除戶部侍郎某制

道直郎顯謨閣待制席且可戶部侍郎管鈞右曹制

朝請郎試光祿卿韓持可戶部侍郎管鈞右曹制

廣西經略使王祖道除龍圖閣直學士制

樞密直學士知成都府虞策降充龍圖閣直學士制

侍御史余深可除御史中丞制

朝奉大夫充顯謨閣待制知瀛州張近可朝散大夫依前充顯謨

待制差遣如故制

衛尉少卿韓持可光祿卿制

朝請大夫光祿卿李閻可顯謨閣待制題舉宮觀制

起居郎席震可衛尉少卿制

○卷之四

○卷之四

○卷之四

○卷之四

○卷之四

○卷之四

○卷之四

制

龍圖閣直學士朝奉大夫林據可開封尹制

朝散郎新除太僕少卿李罕可開封少尹制

宜德郎尚書司封員外郎王孝迪可太常少卿制

祕書省正字蔡凝可起居舍人制

殿中丞某官可祕書丞制

左司諫劉正夫可起居郎制

祕書郎劉煥可起居郎制

奉議郎趙思誠可著作郎制

承事郎京東西路學事司管句文字蔡佃可祕書省校書郎制

祕書省正字俞棗可校書郎制

宜德郎劉煥可祕書郎制

朝請郎權發遣轉運副使張莊可除直龍圖閣依前朝請郎制

持集目錄

七

奉議郎守殿中侍御史徐處仁可左正言制

通直郎試中書舍人侯毅可給事中制

中書舍人鄭久中可除給事中制

左正言徐處仁可除給事中制

宜德郎守監察御史沈疇可殿中侍御史制

宜德郎新除守左正言沈疇可侍御史制

宜德郎辟廡博士陳禾可監察御史制

宜德郎新差權開封府祥符縣韓筠可監察御史制

朝請大夫朱維朝散大夫行大理正王毅並可刑部郎中制

朝散郎新除司勳員外郎郭權可尚書司勳郎中制

吏部員外郎宋聖寵可右司員外郎制

宜德郎尚書庫部員外郎趙鑾可工部員外郎制

和官員外郎郭權可司勳員外郎制

朝奉郎戶部員外郎黃德裕可戶部郎中制

宜德郎新差權發遣提舉兩浙西路學事路權可禮部員外郎制

江西提刑何宗範可戶部員外郎制

朝散郎尚書虞部員外郎蔡承可除別部郎官除主客員外郎制

朝奉郎都隨可都官員外郎宜德郎王澤可繕部員外郎宜德郎

趙寔可庫部員外郎宜德郎李康彥可職方員外郎制

朝奉郎陸偕可比部員外郎制

宜德郎新除少府監丞李熙明可司封員外郎制

朝奉郎黃德裕可戶部郎官管鈞右曹制

承務郎差知婺州沈錫可吏部郎官制

朝散郎提舉承興軍路學時可工部郎官制

朝奉郎成都府路提舉常平王谷可戶部郎官制

承事郎守光祿寺丞張邦憲可宜義郎光祿寺丞制

通直郎編具興復所點檢官徐閔中可衛尉寺丞制

承事郎邢京可司農寺丞制

新集目錄

八

承議郎吳舉可大理寺丞管江右治獄制

承議郎郭環可大理寺丞制

承議郎試殿中監鄭久中可朝奉郎依前試殿中監制

給事中鄭久中可殿中監制

宜德郎守尚書司封員外郎王孝迪可殿中少監制

右正言盧航除殿中少監制

起居郎劉炳可殿中少監制

朝請大夫都水使者梁子野可左中散大夫行都使者制

朝奉郎吳績可朝散郎制

進士李公衍可將仕郎制

通直郎富兆榮可奉議郎制

將仕郎充詳定一司敕令所刪定官那倚將仕郎充詳定一司敕

令所刪定官曹詢並可宜德郎差還如故制

太史局保章正呂琦可太史局靈臺郎制

文林郎新羌州州學教授柯棐可辟廢錄制

西寧州教授欽州進士黃庭瞻可將仕郎樞密院關黃庭瞻吏部

供到今年七月內奉聖旨西寧州蕃學措置就緒其蕃族子弟

其有能書漢字通誦孝經漸習論語皆知衙方慕義化其獠俗

取家狀未到未曾給付身奉聖旨黃庭瞻特與將仕郎仍疾速

出給付身制

通仕郎充詳定一司敕令所刪定官元時敏可特授宣德郎差遣

如故制

宣義郎陳效可御史臺主簿制

承務郎梁楊阻可園子監主簿制

朝散大夫徐申奉議郎宋或可並大晟府樂令宜德郎李遵將仕

郎吳叔賢可並大晟府協律郎制

皇叔博州防禦使仲并可特授府州管內觀察使制

折衷目錄

九

衛州防禦使仲儀可蔡州觀察使制

皇姪右驍衛將軍有恭可正任觀察使制

宣政使金州觀察使李某可宣慶使依前金州觀察使制

延福宮使福州觀察使采從政可觀察留後依前延福宮使制

觀察使馮世盛可節度觀察留後制

皇叔黔州觀察使知西京外宗正事仲忽可觀察留後制

福州管內觀察使鄭紳可除安德節度觀察留後制

明州觀察使陳承成可節度觀察留後制

權發遣河北路轉運副使王博聞可轉一官升充轉運使制

朝散郎河北轉運副使康位可集賢殿修撰河北轉運使制

左朝議大夫提舉西京崇福宮宋喬年可依前京畿轉運使制

熙河蘭湟路計度轉運使降授朝請郎充集賢殿修撰洪中孚可

顯謨閣待制本路都轉運使制

戶部員外郎吳擇仁可發運使制

刑部侍郎曹孝蘊可顯謨閣待制發運使制

朝散郎淮南運副張勵可兩浙運副制

○卷之五

龍圖閣學士左中散大夫新差知太原府陶節夫可知江寧府制

左朝議大夫直龍圖閣權發遣慶州錢昂可權發遣延安府制

龍圖閣直學士知太原府鍾傳可知延安府制

新知青州胡宗回可知開封府制

兵部侍郎王漢之可知顯謨閣直學士知成都府制

朝散大夫試尚書戶部侍郎徐彥孚可知顯謨閣直學士知太原府

制

龍圖閣學士知延安府陶節夫可知太原府制

工部尚書兼侍讀錢適可樞密直學士穎昌府制

劉仲武特轉四方館使遙郡刺史升權本路鈴轄潘達特轉東上

折衷目錄

十

閭門使依舊遙郡刺史制

入內皇城使忠州刺史任珪可遙郡團練使入內皇城使采昭慶

可遙郡刺史制

入內洛苑使某人可化州刺史依舊洛苑使制

青瑤裕勒葉與皇城使遙郡刺史制

皇姪右武衛大將軍有常可依前右武衛大將軍遙郡刺史制

兩朝佑聖太夫人姪和州防禦使張維周可觀察使西上閭門使

張維□可遙郡刺史制

皇城使張大中可遙郡刺史制

西京左藏庫使張得臣可文思使遙郡刺史制

左藏庫副使魯瓊可文思使遙郡刺史制

青瑤倫正結轉遙郡刺史制

皇城使全惟幾可遙郡刺史制

崇儀使提舉河東路保甲兼提點刑獄何權可遙郡刺史制

西京左藏庫使新差高陽關路走馬承受公事鄭子奇可遙郡刺史制

右監門衛大將軍士傳可依前右監門衛大將軍賁州刺史制

皇弟右監門衛大將軍叔董可依前大將軍蘭州刺史制

皇城使帶御器械凌文兩可依前皇城使康州刺史差遣如故制

左藏庫副使劉承緒可禮賓使充嘉州制

皇城使鄭延路都監耿端彥特遣遙郡刺史制

王端復集賢殿修撰差知廣州制

故朝奉郎直龍圖閣游師雄可特贈集賢殿修撰制

淮南江浙發運使劉何可集賢殿修撰差遣依舊制

朝散郎河東經略司管句機宜文字李成允可陝西轉運判官制

宣德郎新除大理寺主簿王萬可京畿轉運判官填創置闕制

新湖北路轉運判官劉損可江東路轉運判官相度湖南北路采木初變可湖北路轉運判官制

戶部員外郎周紳可淮南轉運判官制

通判乾寧軍晏幾道可開封府推官制

朝請郎刑曹參軍潘迥可開封府右司錄承議郎開封府參軍王叔堪可土曹參軍宣德郎開封府參軍張仲綱可兵曹參軍朝奉郎開封府參軍張總可工曹參軍制

潘羅溪除忠州刺史充遼州管界部都巡檢制

錫伯中族大首領隆駸補皇城副使帶本族巡檢錫伯上族大首領嘉勒幹補皇城副使帶本族巡檢錫默族大首領倫珠卜補

左藏庫副使帶本族巡檢制

崇儀使何灌可就差提舉河東路保甲兼提點刑獄制

崇儀使威州刺史提舉河東路保甲兼提點刑獄何灌可除西上

開門使依舊遙郡刺史差高陽關路兵馬鈐轄兼知滄州制

朝請郎同管句成都府等路茶事兼提舉陝西等路買馬公事龐寅孫可依前官除直祕閣差遣依舊制

翰林書藝局藝學李倚可翰林書藝局直長充待詔制

翰林書藝局藝學吳端可翰林書藝局硃紙待詔制

從事郎新除太學博士郭敦實可依前試辟雍博士制

從事郎權辟雍正陳誦可辟雍博士制

將仕郎試辟雍錄陳汝錫可辟雍博士制

尚臨奉御馮澤可改差充尚食奉御制

儒林郎裴宗元可醫學博士制

延福官使奉國軍節度觀察留後郝隨可依舊知入內侍省事

入內侍省皇城副使吳德仁可依前入內侍省皇城副使充

殿中尚舍奉御制

中書省額守閣主事魏伯誠可西頭供奉官出職制

西頭供奉官錢景振可依前西頭供奉官開門祗候制

左班殿直黃晉可依前官兼開門祗候制

西頭供奉官夏大中可特授宣德郎制

通仕郎撰曆所參議官謝中美可宜德郎制

右侍禁徐位可特授西頭供奉官大將杜觀可特授三班奉職制

故三班奉職梁權兄髦可三班奉職制

開封府職級李湍可奉職開封府額內守闕府典事于士明可借職制

三班借職孫家可三班奉職制

故如京副使石福男堅可三班奉職姪男娃保姪孫成可並特授三班借職制

將仕郎侯叔可左班殿直制

都水監署押官李士定可右班殿直制

奉職楊逢原可右班殿直制

將仕郎趙遠可特授左班殿直制

招箭班姚永寧可補右班殿直制

辰州敘浦縣百姓黃順可特與右班殿直制

涇州廣銳第三十一指揮都虞候李吉秦鳳路嶽補廣銳都虞候

齊賁可並特授左侍禁制

王材因殺逆賊王闢郭希賊馬立功授進義校尉制

左班殿直侯舜賢可侍禁制

三班奉職韓武可右侍禁制

左班殿直張珍可右侍禁制

齊勒巴族東頭供奉官本族巡檢阿瓊男倫布與右班殿直制

畫學錄張晞顏可將仕郎依前畫學御批進過花果三十品筆法

頗有可取制

內殿崇班張永年可特授內殿承制制

故秦國夫人林氏孫閣門祗候李克忠可內殿承制制

右班殿直梁誼可依前右班殿直閣門祗候制

攝錄目錄

右班殿直閣門看班祗候同提點承受張士文可閣門祗候制

借職閣門祗候鄭綬鄭絳可並右班借職依前閣門祗候制

內殿承制那琳御批改殿前都指揮使都賀孫男琳為係勳臣之

後可特與閣門祗候制

右侍禁劉閣可閣門祗候制

西頭供奉官焦大祐可除閣門祗候制

右班殿直閣門看班祗候劉敏可依前官閣門祗候制

東頭供奉官汪慈明可閣門祗候令再任制

閣門看班祗候夏大中曹晞賈說潘臨任尚賢吉希孟可各轉一

官並罷閣門看班祗候制

瞎木沁札實錫喇卜策進奉人大首領都軍主奔巴凌阿衣轉軍

都指揮使小首領三人節幹存溫伯奇君主制

楊承男進果與補右侍禁進穩與補三班奉職制

虎翼左第二軍都指揮使德州刺史楊吉可除左領軍衛將軍致

仕制

四方館使康州防禦荆湖北路兵馬鈐轄黃忱可引進使依舊造

郡防禦使致仕制

○卷之六

西蕃大首領皇城使某與轉造郡團練使制

故左藏庫使趙從義可贈皇城使惠州刺史充本州團練使制

入內皇城使資州刺史王仲千可造郡團練使制

右武衛大將軍合州刺史蔽之可造郡團練使制

皇城使合州刺史權發遣高陽關路鈐轄李浦可特授廉州團練

使制

入內皇城使通州刺史藍安石可通州團練使依舊入內皇城使

制

皇叔右監門衛大將軍康州刺史仲證可特授依前右監門衛大

攝錄目錄

西

將軍榮州團練使皇叔右武衛大將軍昌州刺史仲柔可特授

依前右武衛大將軍貴州團練使皇叔右監門衛大將軍昌州

刺史仲華可特授秦州團練使依前右監門衛大將軍皇叔右

監門衛大將軍康州刺史仲瑳可特授海州團練使依前右監

門衛大將軍制

皇城使開州刺史黃式可恩州團練使依舊皇城使皇城使賈祥

可開州刺史依舊皇城使制

莊宅使帶御器械凌文昉可轉皇城使依舊帶御器械制

入內左藏庫副使梁敦可入內皇城副使制

客省使興州防禦使張誠可除正任防禦使制

東上閣門使城州團練使張蘊可依前官造郡防禦使制

皇城使忠州團練使兼翰林醫官使李師祖可轉防禦使依前皇

城使兼翰林醫官使制

皇叔右武衛大將軍榮州團練使仲珙可特授威州防禦使依前

右監門衛大將軍制

皇叔右金吾衛大將軍降授通州團練使叔儼可特授依前右金

吾衛大將軍成州防禦使皇叔右金吾衛大將軍降授真州團

練使叔勻可特授依前右金吾衛大將軍虢州防禦使制

皇伯右金吾衛大將軍朔州防禦使世關可正任防禦使制

皇城副使王務民可西京左藏庫使制

入內左藏庫使張汝弼可左藏庫使制

文思副使董惟正可左藏庫副使制

西京左藏庫副使馮熙可左藏庫副使制

入內內侍省供備庫副使張爽可入內內侍省西京左藏庫副使

制

入內文思使劉淵可入內左藏庫使制

入內供備庫副使楊軫可入內內侍省西京左藏庫副使制

供備庫副使陳仲穆陳仲稀可兼閤門通事舍人制

摛集目錄

五

文思副使曹慎可除兼閤門通事舍人制

西京左藏庫副使趙構可文思副使仍除閤門通事舍人制

內殿承制閤門祇候劉安國可閤門通事舍人制

內殿崇班閤門祇候監安民可閤門通事舍人制

左藏庫副使鄭璋可依前左藏庫副使閤門通事舍人制

右侍禁閤門祇候閻諶可閤門通事舍人制

入內西京右藏庫使邵希直可入內文思使制

入內西京左藏庫使董舜臣可入內文思使制

入內西京左藏庫使陳宥可文思使制

入內西京左藏庫使劉淵可特授文思使制

入內內侍省西京左藏庫副使何沔可文思副使制

入內內侍省文思副使霍肅可入內內侍省左藏庫副使入內內

侍省西京左藏庫副使黃彥可入內內侍省文思副使制

皇城使成州團練使某人可依前成州團練使充昭宣使制

制

昭宣使福州管內觀察使同知內侍省事任端可宣政使餘依舊

皇姪右千牛衛將軍不濫可莊宅副使制

文思副使尹正可內園副使制

軍器庫副使兼翰林醫官副使王處厚可翰林醫官使制

太醫承直翰林醫官局李袞可翰林醫官副使制

醫官杜日遷杜日思可並翰林醫官使制

左藏庫副使董惟正可授禮賓使制

河州岱爾族首領斯多特經特與禮賓副使制

空名招納諸司使官制

四方館使榮州刺史樞密副都承旨朱孝孫可正任防禦使依前

樞密都承旨制

賈德明任承審可都承旨制

西京左藏庫副使兼閤門通事舍人殿中省尚輦奉御兼句當祇

摛集目錄

六

候庫劉景宣可各候今任滿日特令再任制

從事郎試辟應錄朱承可候今任滿日令再任制

樞密直學士朝請大夫知定州管師仁可左朝議大夫依前樞密

直學士候今任滿日令再任制

太學博士蘇睿可候今任滿日令再任制

將仕郎試辟應錄朱承可候今任滿日令再任制

從事郎試太學錄孫疇可候今任滿日令再任制

奉聖旨米芾罷郎官差知淮陽軍制

左朝議大夫試兵部尚書兼侍讀劉拯御批劉拯操蘊姦邪詆沮

朝廷已行之命言涉不遜在理豈容可落職差知蘄州制

龍圖閣學士朝散郎知河南府范致虛特降兩官制

張毅特降兩官制

蔡王府都監入內西京左藏庫副使李永言降兩官制

宗室金吾衛大將軍代州防禦使克如降兩官勒住朝參制

淮東提刑章粹降兩官送吏部與遠小處監當制

瑞明殿學士朝散大夫曾孝寬可差知鄆州制

降授奉議郎趙高可差知徐州制

趙靖特降一官仍衝替制

城南廂安濟坊提轄使臣左班殿直蔣迪可降一官衝替制

承議郎黃彥承制劉亦侍禁王運殿直張大忠各先降一官送大理寺取勘制

循化城守禦將佐等京東第六副將供備庫副使郭昱特與轉兩

官同總領河州蕃將兵內殿承制王德厚特與轉西上閣門副

使知城寨東頭供奉官劉欽特與轉兩資安強寨守禦將佐等

秦鳳第三將左藏庫使呂整大通城知城供奉官楊德管押餘

丁使臣供奉官孫元各特與轉一資內榜德特更與減一年磨

勘制

使臣安質劉誠時憚可並轉一官大將耿宗言孫吉可並轉一資

加集百錄

主

制 西京左藏庫副使兼閣門通事舍人陳仲佾供備庫副使兼閣門

通事舍人陳仲佾陳仲偉可各轉兩官制

內殿崇班王祥趙暉郝軫各轉一官張吉朱定各轉兩官皇城使

劉法轉遙郡刺史供備庫副使石舜舉轉兩官制

皇城副使兼閣門通事舍人析可大特與轉西上閣門副使內藏

庫使王允左驥驥副使卓裕勒左藏庫副使經諾爾各與轉一

官西京左藏庫副使鄂特盜與轉兩官制

從事郎充熙河蘭湟路轉運司太上御上當公事程固可改合入

官差遣如故制

直龍圖閣權發遣河北路都轉運使梁子美可特落發遣字制

承直郎趙知機可換右職制

京畿轉運副使張杲可升充轉運使仍遷一官制

詳定編修國信條例所點檢文字喬永慶及左班殿直梁善王宗

望三班借職是清三班奉職聶通可各轉一官管句都亭西驛

所前行陳公昂可借職制

朝請大夫知鄧州向宗賢可轉一官差遣依舊制

右侍禁充翰林書藝局祗候睿思殿御前文字庫祗應鄧惟賢特

與轉一官依舊帶破見請驛料待詔請給制

蕃官皇城使昭州刺史韋順明皇城使岳州刺史劉延壽特與換

漢官左藏庫使折可名內殿崇班格札克各與轉一官內折可

名換漢官制

○卷之七

蕃官羅保與轉一官制

西京左藏庫副使喬伯虎與轉兩官蕃官西京左藏庫副使胡志

德與轉一官蕃官文思使羅萬成與轉三官內一官回授與五

服內有官親屬蕃官文思副使爾善轉兩官制

摺集百錄

大

策凌博族首領嘉勒幹進補皇城副使奉聖旨特與轉兩官制

文思副使董厚與轉一官制

開封府捉事使臣韓慶朱渙可各轉一官制

左藏庫副使拜丹內庭崇班包喜各轉兩官東頭供奉官陸布盤

轉一官制

右驍驍使張晞如京副使兼閣門通事舍人王子曼其特與轉三

官內張晞兩官回授與五服內有官親屬內庭承制陳懷逸宛

苑副使焦用誠供備庫副使郭督東頭供奉官王志各與

轉兩官供備庫副使高靖西京左藏庫副使王舜中內庭崇班

沈起東頭供奉官王正臣各轉一官制

蕃官內庭崇班牛伊格與轉一官制

左藏庫副使奇多遇內庭崇班李士吉各與轉一官制

如京使趙朴右班殿直王豫可各轉一官制

三班借職鄭貴妃位掌儀奏陳濟可轉一官制

舊城裏左廂居養院提轄使臣左班殿直楊盤可轉一官制
將作監李誠提轄兵將官曹滋可各轉一官李誠係右朝議大夫
曹滋係朝請郎制

內庭崇班李紹與轉三官制

保安軍順靈塞蕃弓箭手指揮覺默特族右侍禁阿穆爾與轉五
官制

左侍禁充學士院待詔巡訓爲三次書寫汎使國書特與轉一官
制

內庭崇班孟逵與轉一官制

宜德郎閻駸宜義郎舒彥舉可各轉一官制

西頭供奉官棟智默特與轉四官制

得功人內殿承制韓庠加四級西京左藏庫副使李介二級西頭

供奉官李壽二級每級轉一官制

西頭供奉官睢文約可轉一官制

攝事目錄

元

內當修內司使臣張祐鄧述劉道催促修造使臣李景約晉用朱

明可各轉一官制

尚衣奉御李鎮可轉一官制

西頭供奉官折可襄與轉一官制

內殿崇班鄒清與轉兩官梁德與轉一官東頭供奉官楊隆西頭

供奉官宋伯威各與轉兩官制

朝散郎家安國可轉一官制

承制武道紀崇班丁克彥皇城副使楊球入內西京左藏庫副使

陳思溫供奉官周覺盧贊楊安國王昺耿維康陳諤王方徐中

立侍禁秦純吳之紀杜卿張敷樂信趙士啟殿直孫丹方承約

張顯郭璠母玉王士享奉職陳子淵徐昇借職師孟呂師嚴可

各轉一官制

文思使吳元瑜入內供奉庫副使張益承制吳承可各轉一官制

入內文思副使胡宗傑入內西京左藏庫使楊茂昌入內文思使

何新入內左藏庫使榮州刺史陳宥入內東頭供奉官黃訓入
內內庭承制鄧忠臣凌德臣可各轉一官制

入內西京左藏庫使郭禹臣入內供奉庫使張爽入內供奉庫副

使張彥明入內東頭供奉官宋先可各轉一官制

入內文思使舒州刺史楊日言入內左藏庫使黃諶入內文思使

范仔入內文思副使閻祖德入內文思副使楊端入內西京左

藏庫副使鄧繼英入內內殿承制朱輔世入內崇班王允文鄭

諶入內東頭供奉官王襄張令可各轉一官制

入內內侍省官朱祐之石瑾張補之李雍陳思恭王堯臣張正夫

賈蒙江諶張欽若許佃容誼趙贊可各特轉一官制

入內內庭承制張佑入內左藏庫使王佑可各轉一官制

入內左藏庫永州團練使馮鐸可轉一官制

內侍省內殿崇班藍惟信可轉一官制

入內西京左藏庫副使張瑾可轉兩官制

攝事目錄

三

入內內殿崇班鄧宗仁入內左藏庫使梁昭慶可各轉一官制

供奉庫副使蘇球東頭供奉官蕭恭右侍禁張廉張孝忠梁嘉叟

右侍禁華鎮崇班劉震右侍禁錢景寬右班殿直蘇絢可各轉

一官制

入內內侍省西染院使郝平可特轉一官制

入內內侍省供奉庫副使張禹佛西頭供奉官武昱可各轉一官

制

入內右驥驥使裴絢可轉一官制

入內文思使董舜臣可轉一官制

入內西京左藏庫副使黃洙可轉一官制

入內西京左藏庫副使張禹偁可轉一官制

入內右驥驥使朱拱之入內左藏庫副使何新可各轉兩官制

入內內侍省文思使榮州刺史陳宥可轉一官制

入內左藏庫副使黃希叟可轉一官制

入內內殿承制楊珍可轉一官制

入內內侍省禮賓使及入內內侍省左藏庫副使胡宗傑等並轉一官制

入內內侍省左藏庫副使張瑛可轉一官制

入內內侍省左藏庫副使何訢可轉一官制

入內內侍省左藏庫副使劉光祖可轉一官制

入內內侍省東頭供奉官熙河路走馬承受公事秦肅之特轉兩官制

朝請大夫尚書省都事呂昭敏韓祥可轉一官制

手分借職邵淵左安仁廉公謹可轉一官制

宣政使深州防禦使賈祥可使額上轉行一官制

西京左藏庫副使邢從善可轉一官制

皇城副史權發遣本路都監新差權發遣保安軍耿端彥莊宅副使本路第六將孫廣如京副使本路第六副將梁璋各特與轉

病案目錄

兩官徐鄴延路制

監成都府上供機王隨可轉一官制

宣德郎魏當可轉一官制

朝請郎集賢殿修撰知荆南軍府董必特轉三官制

通直郎提舉夔州路常平等事張杲與轉一官制

通直郎李亘可轉兩官御批繆孤獨王政所先條令雖具施行在人深陽縣分爲八室男女異處各得其所宜在褒勸其知縣特轉兩官候在滿日與堂除差遣制

權貨務監官朝奉大夫宋康年吳薦朝請郎丁維買鈔所監官文思副使左厚之奉議郎周中可各轉一官制

承務郎知鄭州管城縣范世修奉議郎通判水興軍王直臣奉議郎會書陝州節度判官廳公事王觀國可各轉一官制

朝奉郎張伯昌宣議郎王萬承議郎徐宅供備庫副使魏伯成李彭年皇城使京畿提舉保甲兼提刑劉戒朝奉大夫趙士宇朝

奉郎提舉京畿常平王仲原承議郎孫奎周廷堅奉議郎白壽

宣德郎樓光翟敦仁宣奉郎向滌應安道入內內侍省供備庫副使黃希叟左藏庫副使王期皇城使河東第六將開德府駐劄劉承德可各轉一官制

涇原路定戎鹽池提舉措置官夏偃句管糧收給納劉雄陳開並各轉一官制

朝請郎知北外都水丞公事葛仲良朝奉郎權發遣通判軍句仲甫可各轉一官制

通直郎河北路運判張暈可轉一官制

朝散郎同管句成都府利州陝西等路茶事兼提舉陝西等路買馬監牧公事廳龐實孫轉一官制

知岷州降授左藏庫使威州刺史馮瑄通判岷州奉議郎石緝岷州都州監供備庫使魏允中可各轉一官制

太常博士單暉可轉兩官兩浙提舉學事路璿可轉兩官制

朝散大夫直龍圖閣提舉成都府利州陝西等路茶事兼陝西等路買馬監牧事孫繼升可與轉一官制

朝散郎權發遣陝州兩路轉運判官公事孫琦朝奉郎權知解州宋表徵承事郎權通判河中府李益可各轉一官制

宣德郎通判乾寧軍王雲可轉兩官制

引進副使雄州防禦使姚古可使額上轉一官制

右監門衛大將軍仲將可轉一官制

左朝議大夫塞序辰可轉一官制

左侍禁方榮可轉一官制

太醫承直翰林醫官局王舜卿可轉一官制

太醫承直翰林醫官局李仲章可轉一官制

司勳員外郎陳運可轉一官制

天文官介王仲孚康永昌可各轉一官制

太史局天文院學生蘇亮可轉兩官制

醫官潘用中可轉一官制

皇兄右武衛大將軍保州刺史士曠可轉一官制

右監門衛大將軍仲侃仲維可各轉一官制

兩朝佑聖太夫人姪孫左侍禁開門看班祇候張世昌可轉一官制

郭獻卿男莊宅副使鎮可轉兩官制

承議郎試戶部尚書劉達翰林學士朝散郎知制誥張康國朝散

郎試尚書禮部侍郎王能甫朝奉大夫試尚書工部侍郎管師

仁可各轉一官制

右武衛大將軍吉州防禦使世設可轉一官制

知開德府顯謨閣直學士朝奉大夫李孝壽可轉一官制

翰林學士鄭居中可轉兩官制

禮部侍郎劉正夫可轉兩官制

起居舍人蔡凝可轉兩官制

左藏庫副史楚沙木可轉一官制

西京左藏庫副使王偉可轉一官制

西綾錦副使兼翰林醫官副使蓋演醫官副使盧德誠翰林醫官

賜緋丁銳翰林醫學李師老可各轉一官制

供備庫副使李庠可轉一官制

翰林學士鄧洵仁可轉一官制

宣德郎尚書膳部員外郎王澤通直郎尚書職方員外郎李康彥

可各轉一官制

朝奉郎大司成兼侍講薛昂可轉一官制

右藏庫副使柴定官可轉一官制

文思副使馮鐸可轉一官制

奉議郎歐陽大椿可轉一官制

內門祇候劉敷可職上轉劉婕妤弟劉牧劉敏可轉一官制

左藏庫副使蘭日政可轉一官制

太醫丞趙宗元翰林醫官趙嗣先可轉一官制

醫官熊希賢可轉一官制

醫官王舜康張節可各轉一官制

醫官卓遵國可轉一官制

軍器庫使兼醫官使卓遵國醫官使王處厚軍器庫副使兼醫官

副使張希房蓋演高明之西綾錦副使兼醫官副使趙廣文醫

官副使張漸王舜民太醫承直醫官劉景温太醫丞張永醫官

任元善可各轉一官制

太史局丞袁惟幾可轉一官制

醫官國士英男之實醫官張倚男節可各轉一官制

權易副使兼翰林醫官副使潘先之可特轉一官制

醫官卓遵國可轉一官制

東頭供奉官劉選可轉一官制

崇班張璠與轉兩官東頭供奉官張璠與轉一官制

東頭供奉官王世益衛采各轉一官制

三班奉職王崇善左班殿直李弼各轉一官制

左藏庫副使尹正供備庫使兼通事舍人潘珣可轉一官制

醫官王處厚可轉一官制

右侍禁蘭泰舒世亮右班殿直陳絳可各轉一官制

降授內殿承制李青鋼可轉一官制

朝奉郎劉辟疆可轉一官制

大理寺捉事使臣朱渙可轉一官制

西頭供奉官張彥廓可轉一官制

內殿崇班劉宗彥可轉一官制

承議郎張勛東頭供奉官辛宗可各轉一官制

蕃官皇城副使葉吉特可贈三品制

內班殿直開門祇候殿中省尚贊奉御劉安國可轉一官制

東頭供奉官默特博與轉一官制

○卷之八

制

皇城副使某與轉兩官制

皇城副使沈貴與轉兩官西京左藏庫副使何先明供備庫副使

董修古東頭供奉官馬制蕃官左藏庫副使吹忠可轉一官制

前內殿承制董厚與轉三官制

東頭供奉官密桑與轉一官制

蕃官皇城副使旺默星及蕃官左藏庫副使旺密桑各與轉一官

制

東上閣門使楊應詢可轉一官制

東頭供奉官高士侯可轉一官制

左班殿直種師閔與轉三官制

蕃官文思副使賽音與轉一官制

西頭供奉官由稔與轉兩官蕃官東頭供奉官幹明善與轉兩官

亦美目錄

蕃官供備庫副使香瑪與轉一官制

右侍禁侯公瑾可轉一官制

內殿崇班策喇卜沁與轉一官制

東頭供奉官張士廉西頭供奉官馬先賀世安左侍禁南信可各

轉三官制

降授西京作坊使孫慶可轉一官制

西染院使王元轉兩官制

三班借職李通可轉一官制

故供備庫副使張吉可贈三官制

右班殿直王允可轉一官制

東頭供奉官劉振可轉一官制

魯斯結族蕃官侍禁節幹結斯結可各特與轉一官制

蕃官東頭供奉官索琳密保默齋皇城使默實勒奇多伊內殿

承制牛威名東頭供奉官威女篇鼎內殿崇班蒙伽格各與轉

一官制

東頭供奉官王正臣與轉一官制

侍禁吳志可與轉三官制

奉職王谷可轉一官制

文思使胡德淵供備庫副使耿臨供備庫副使曹恩蕃官西京左

藏庫副使蘇默可各轉兩官東頭供奉官張易文思副使張永

德禮實使曹修蕃官左藏庫副使將凌蕃官供備庫副使香瑪

可各轉一官制

西頭供奉官陳殊可轉一官制

供備庫副使李珍路璵西頭供奉官李希成右侍禁朱溪可各轉

兩官制

供備馮熙與轉一官制

左班殿直劉湜三班借職朱渙右班殿直陳若拙太醫丞趙宗元

翰林醫官趙嗣先可各轉一官制

亦美目錄

右侍明誦與轉五官制

東頭供奉官李佐可轉一官制

河東轉運判官王勤可轉一官制

奉議郎于彥佐可轉一官制

皇后閣祇候使臣寶瑛祇應人石君許可各轉一官制

左藏庫副使閻門通事舍人劉公輔可轉二官劉慎內殿崇班李

庠東頭供奉官王坪各轉一官制

內殿承制魏舜臣李彭年供奉官郭彥趙令洵李承年彭汜侍禁

葛鞏王沐張克儉李從古殿直李淑程觀李中正奉職楊幾道

借職李南仲可各轉一官制

承議郎程師中可轉一官制

西頭供奉官張和可轉一官大將康師顏可特轉三班借職制

故淑妃張氏姪張琬張瑾可並補借職制

姪好張氏姪孫張承可借職制

故尉馬都尉曹司女夫進士時微可借職制

醫官周道隆任真章楊處厚大將耿道淳韓中立書藝局藝學許

成吳成翟易韓奕曹成趙永圖陳德之張友王從志蹇仲恭韓

球圖書局藝學元方卞士端元導尚從吉杜宗範郭惟簡可各

轉一官皇城使梁州刺史宋渙姪男核皇城使俞隨男儋左藏

庫使杜公才兩姨弟劉渥已上三人各回授補借職制

景福殿使明州觀察使楊戩親堂姪茂實可借職制

程植可三班借職制

故三班借職紀育弟紀震可三班借職制

兩朝佑聖太夫人重姪孫仲康仲弼可並三班借職制

太后殿掌殿奏耿茂直劉豫可並特授三班借職制

楚州解發到呈試武藝人劉決可借職制

百姪滑永全可三班借職制

故右侍禁尚清男均坦可並授三班借職制

刑典

左知客押衙兼知進奏事崔通可三班借職制

故右班殿直馬宜男某可三班借職制

故內殿承制李仙長男峻次男嘯孫忠履可並與三班借職制

故太中大夫魏漢津親女夫張清可三班借職制

皇后三從伯王子約可三班借職制

故右侍禁張安民男思賢思忠可並三班借職制

故三班借職紀育男塔達克與三班借職制仍賜名紹

潭州都知兵馬使張繼隆可三班借職制

恭園班殿侍鄭永立可三班借職制

虎翼石第一軍都指揮使秀州刺史陳與男寶文御龍直長行李

謹可並三班借職制

三班差使房從壽可三班借職制

故右侍禁王卞女夫薛安靖可三班借職制

故右侍禁王卞男錫可三班借職制

睿思殿御前文字外庫書寫文字郭景情可三班借職制

大將軍發運司前行徐楷可三班借職制

入內內侍省東頭供奉官周華可入內內侍省內殿崇班魏國惠

和康佑夫人薛氏親姪薛敏政太后親舅女之夫姜天祐可並

三班借職制

皇弟故荆南武寧等軍節度管內觀察處置等使守太師開府儀

同三司荆州牧兼徐州牧蔡王贈太師尚書令兼中書令加冀

州牧改封韓王可特追封楚王餘如故制

皇兄故河東山南西道節度觀察處置橋道等使守太師開府儀

同三司太原牧兼興元牧陳王賜入朝不趨詔書不名贈尚書

令加徐州牧改封燕王可特加贈侍中追封吳王餘如故制

皇兄故河東山南西道節度觀察使守太師開府儀同三司太原

牧兼興元牧陳王賜入朝不趨詔書不名可贈尚書令兼中書

令加徐州牧改封燕王制

刑典

右驍衛將軍有奕可大將軍遙郡刺史制

故燕王第三男賜名有常可右武衛大將軍制

故燕王第二女可封郡主制

安康郡主趙氏可封兩郡主制

皇叔右千牛衛將軍仲溫所生母楊氏可封瑞安縣太君叔右千

牛衛將軍仲憲所生母陳氏可封長安縣太君叔嘉州防禦使

世唐所生母永安縣太君李氏可封咸安郡太君制

皇伯故太保節度觀察留後仲皋可贈開府儀同三司追封榮國

公制

中大夫守尚書右丞梁子美故曾祖任翰林學士右諫議大夫贈

太師中書令兼尚書令周國公顯可贈開府儀同三司追封燕

國公制

故曾祖母唐國太夫人閻氏可贈真國太夫人制

故祖任太子太傅致仕贈太師中書令兼尚書令泰國公適可贈

開府儀同三司追封鄂國公制

故祖母越國太夫人任氏可贈曹國太夫人制

故父任尚書職方員外郎贈光祿大夫彥昌可贈太子少師制

故母東平郡太君張氏可贈清河郡太夫人制

妻文安郡君宋氏可封文安郡夫人制

昭信軍節度觀察留後駙馬都尉郭獻卿可贈節度使制

高永翼特贈正任防禦使制

正議大夫致仕宋喬年特贈金紫光祿大夫龍圖閣學士制

武勝軍節度觀察留後王厚可贈節度使制

宮人掌記張氏可封大監郡夫人制

兩朝佑聖郡太夫人親嫂同安郡太君蔡氏可封郡太夫人制

耀州華原縣五臺縣真人廟封妙應真人制

臨江軍清江縣開阜山景德觀葛仙翁壇封冲應真人制

光州孫叔敖廟祈禱感應擬遺愛侯廣信軍遂城縣圻妃廟祈禱

○卷之九

感應擬文惠夫人制

宮正張氏可同知尚書內省公事制

宮人掌聞蕭氏可封司言制

宮人掌珍韓氏可典記制

宮人典言喬氏可尚儀制

宮人掌綵楊氏可司樂制

婕妤劉氏可特授婉容制

平昌郡君韋氏可才人制

鄭居中除同知樞密院詰

鄧洵仁除翰林學士承旨詰

殿中少監劉昫可免試除中書舍人詰

楊愿除中書舍人詰

龍圖閣直學士中大夫李南公特除落致仕詰

口宜 賜皇子檢校太保鎮海軍節度使開府儀同三司廣平郡王生日

禮物口宜

就驛賜大遼國賀天監節使副銀鈔羅唾孟孟錦被褥等口宜

開府儀同三司仲爰四月二十八日生日口宜

玉津園賜大遼國賀天監節使副射弓例物口宜

宜召翰林學士劉嗣明口宜

賜臣寮口宜

賜皇子感德軍節度使檢校少保韓國公捷生日禮物口宜

賜高麗使人相國寺燒香乾果子口宜

撫問荆湖南路臣寮口宜

撫問資政殿大學士宜奉大夫大名尹梁子美口宜

就驛賜大遼國賀天監節使副內中酒果口宜

班荆館賜大遼國賀天監節使副回程酒果口宜

賜陝西河東路臣寮御筆敕書獎諭銀合茶藥對衣金帶鞍轡馬

及支賜等口宜

賜熙河等賞功諸軍特支併備設等口宜

撫問廣南東路臣寮口宜

撫問瀘南梓州路臣寮口宜

賜知樞密院事鄧洵武已下罷散天監節道場香酒果口宜

天監節尚書省御筵賜知樞密院事鄧洵武已下酒果口宜

賜殿前指揮使高俛已下罷散天監節道場香酒果口宜

賜監海軍節度使開府儀同三司永嘉郡王向宗良已下罷散天

監節道場香酒果口宜

賜判大宗正事仲爰已下罷散天監節道場香酒果口宜

賜射馬都尉石端禮等罷散天靈節道場香酒果口宜

賜大遼國賀天靈節人使朝見訖歸驛賜酒果口宜

賜節度使豫章郡王孝參已下罷散天靈節道場香酒果口宜

賜高麗國進奉人使臘晨風藥口脂酒果口宜

冬節高麗使人就館御進賜教坊樂花香藥下酒上醞局白羊御

酒酒果兼傳宜勅尚醞局供進御酒口宜

宜召翰林學士許光凝入院口宜

賜高麗使人到闕朝見酒果口宜

送判正旦使副沿路與賀北朝生辰并正旦使副相違傳宜撫問

口宜

撫問成都府利州路巨寮口宜

宜召翰林學士承旨鄧洵仁口宜

宜召翰林學士馮熙載口宜

賜新除宰臣鄭居中劉正夫口宜

指其目錄

賜新除知樞密院鄧洵武口宜

賜熙河等路茶藥等口宜

奏狀

應詔舉官奏狀

辭免召試奏狀

除中書舍人舉自代奏狀

辭免侍讀奏狀

辭免兼侍讀奏狀

辭免太子賓客奏狀

除兼太子賓客舉白代奏狀

辭免再除中書奏狀

辭免除起居郎奏狀

辭免監察御史奏狀

辭免兵部侍郎奏狀

除吏部侍郎舉自代奏狀

又舉自代奏狀

除兵部侍郎舉自代奏狀

辭免除刑部尚書奏狀

除刑部尚書舉自代奏狀

乞賜神宗御集奏狀

論黃甲擬官奏狀

乞殿中省別處置局奏狀

國子監舉主奏狀

論武學上舍人奏狀

論州縣社稷壇壝不修奏狀

論州縣學講堂及齋名奏狀

○卷之十

奏疏

指其目錄

論提舉官分巡奏狀

論諸路司手奏狀

論諸路坑冶奏狀

論府界旅櫬奏狀

上檢察病囚疏

劄子

乞外任劄子

服闋乞外任劄子

理會三禮圖劄子

理會架閣劄子

理會守令劄子

理會守令考課劄子

理會常平劄子

理會抵當孤幼劄子

卷

理會居養院劄子

理會祭祀劄子

乞以假日特引對付史館劄子

理會學校劄子

理會陳訴劄子

理會捕盜捉事劄子

刑部斷絕獄案劄子七首

表

興龍節賀表

冬至節拜表

皇后為冬祀禮畢賀皇帝表

內中侍御已下賀皇帝禮畢表

貴妃已下賀皇帝禮畢表

內中夫人郡君已下賀冬祀禮畢表

續纂目錄

大長帝姬賀冬祀禮畢表

冬祀禮畢奏謝天尊閣佛閣等處表

冬祀禮畢奏謝內中玉虛殿三清諸聖等表

冬祀禮畢奏謝內中玉虛殿上九位等表

冬祀禮畢奏謝欽先孝思殿后表

冬祀禮畢奏謝萬壽觀景靈宮諸帝后西京嵩山崇福宮等處祖宗表

宗表

謝賜宴表

天監節謝御筵表

表

賀太陽當虧不虧表

賀增上神宗徽號表

賀甘露降帝籥表

賀改元政和表

謝賜政和元年曆日表

賀紅鹽表

代三省以下紫宸殿稱賀太陽不虧表

代宰臣以下賀黃河清表

代三省樞密院請皇帝聽樂表

代賀皇帝御大慶殿大朝會表

賀康復視朝德音表

代宰臣以下請皇帝受玄圭第二表

賀中官受冊表

代鄭樞密辭免樞密院表

同前准備第二表

中書舍人謝表

謝再除中書舍人表

續纂目錄

汝州謝表

謝復修撰表

謝除兼太子賓客表

謝傳宣入伏早下表

兵部侍郎謝表

謝除刑部尚書仍賜封衣金帶鞍轡馬表

賀刑部斷獄表十三首

代宰臣以下賀獄空及大理寺斷絕表

表

神宗皇帝聖政頌并序

記

甘露記

香山天監觀音禪院新塑大阿羅漢記

笏記

集英殿春宴笏記三首

序

御製論大道文後序

邇英閣無逸孝經圖後序

送吳顯進序

議

玄圭議

策

治法

人才

史材

禮制

學術

宗學

○卷十三

書

投獻書三首

謝人書二首

論文書

請益書

啟

謝教官啟

改官謝啟

謝試中宏詞啟

謝中書舍人啟

回謝黃學上啟

汝州到任謝兩府啟二首

續集目錄

三

汝州交代郭內翰先啟

沿路先狀

謝先狀

赴闕沿路先狀

復修撰謝兩府啟

復修撰謝本監司啟

回謝新知汝州王大夫啟

回謝貢士樂偲樂傳啟

關

寄江寧安撫啟

冬至賀啟

賀新正啟

賀館職到任啟

賀曹運判就遷副使啟

賀本路監司到任啟

代謝向大王轉開府啟

謝錢駙馬加開府啟

跋

跋信懷素帖

跋李伯時馬

題道錄黃大中書軸

題遺教經後

題青城瑞石文後

題長生妙訣後

○卷十四

祭文

祭葛朝奉文

祭壽光太夫人文

續集目錄

三

三省祭蔡顯謨母金郡君文墓志

宗室故驍使贈博州防禦使追封博平侯墓志銘

宗室故贈武康軍節度使觀察留後封洋川郡公墓志銘

宗室故左侍禁墓志銘

宗室故懷州防禦使河內侯墓志銘

宗室石金吾衛大將軍河州防禦使贈保慶軍節度觀察留後追封房陵郡公墓志銘

宗室故西頭供奉官墓志銘

宗室故右武衛大將軍真州刺史開國公贈密州觀察使追封高密侯墓志銘

宗室故右金吾衛大將軍雄州防禦使贈安化軍節度觀察留後追封高密郡公墓志銘

宗室故金吾衛大將軍淄州防禦使贈安化軍節度觀察留後追封高密郡公墓志銘

封高密郡公墓志銘

宗室涇州觀察使第十七子志

宗室故西頭供奉官墓志銘

宗室故左班殿直石志

宗室故右武衛大將軍文州刺史贈同州觀察使追封馮翊侯墓志銘

宗室故右金吾衛大將軍鳳州防禦使贈安化軍節度觀察留後追封高密郡公墓志銘

宗室故濮州團練使贈潤州觀察使追封丹陽侯墓志銘

宗室故右班殿直墓志銘

宗室故贈密州觀察使追封高密侯墓志銘

宗室故左班殿直墓志銘

宗室故左班殿直墓志銘

宗室故左班殿直墓志銘

宗室故左班殿直石志

宗室故前右千牛衛將軍墓志銘

宗室丹州防禦使第五子石志

宗室故右監門衛大將軍贈懷州防禦使追封河內侯墓志銘

宗室故左班殿直墓志銘

宗室故贈泉州觀察使追封清源侯墓志銘

宗室東頭供奉官夫人王氏墓志銘

故仁和縣君王氏墓志銘

宗室左侍禁夫人龔氏墓志銘

故德安縣君彭氏墓志銘

華陰侯妻杜氏墓志銘

故和義郡君胡氏墓志銘

故仙源縣君鄭氏墓志銘

宗室石侍禁夫人李氏墓志銘

趙叔慈妻賈氏墓志銘

宗室東頭供奉官夫人方氏墓志銘

宗室東頭供奉官夫人張氏墓志銘

宗室內殿崇班第三女石志

宗室舒州防禦使第四女石志

宗室西頭供奉官第四女石志

朝奉大夫致仕驍騎尉賜緋魚袋石公墓志銘

朝奉郎致仕武騎尉賜緋魚袋葛公墓志銘

孫氏墓志銘

陳君墓志銘

單君墓志銘

單季隱墓志銘

單氏夫人墓志銘

慕容叔孚墓志

碑

故朝奉郎尚書職方員外通判德順軍兼管內勸農事輕車都尉

賜緋魚袋累遷太子太師梁公神道碑

并序

露布

擬試

詞露布

附錄

搜彙目錄

美

光緒丁酉武進盛氏思惠齋刊陽湖吳文郁江監馬長儒江陰繆九疇全校

瓦瑞賦

祝令之治金華家問以瑞告曰茲十有二月癸酉立春欄瓦有
花色雜青黃拂之可去雷之不粹文彩鮮榮兩兩夾峙瓦首麟
次花舉相似謂予不信併以瓦寄予佐金華復觀焉曰嘻靈物
效祥胡可勝記彼陶而花未觀茲美夫豈無因而至耶祝令請
賦之子曰唯唯

協洽之歲辛月季冬十有九日春令已融日維癸酉東方解凍蟄
蟲始振草木萌動日興觀異悅愕未詳非刻非畫雜以青黃託高
蕈以耀藻濡湛露之清光靡纖祇以自固含翠縹而外揚質糝糝
今可拂色蔥蒨而焯焯狀卿雲之敷葉始膚寸而未將於是晨輝
俯映宿靄盡滌祕豔發散奪人目力非卉木之常姿集孔翠之文
翼蹇將蔓而莫承紛既絕而未極疑飄飄以騰上不終悴於堦植

是日也問巷驥傳觀者如堵詢於黃髮於時語語曰惟祝氏舊有
令人詒厥隱德庇貺子孫惟子惟孫前人是似儒行幸修世有清
議惟茲降祥神實司之我儀圖之歌以敘之乃歌曰江山之陽有
祝氏奕世清芬靄蘭蕙神之聽之錫器瑞所居有光霄燭地且出
土牛知改歲瓦上雙花應春至神巧無蹤奪人僞瓦眾花繁舉相
類毫素模傳示來裔積善之家蓋如是

巖竹賦元祐六年某道
子佐金華言從吏役方暑蘊隆仰威炎日載馳載驅道阻且脩我
僕痛矣憩於道周念茲迅駟向夕知還予行未息揮汗於頰情情
悵以遐想思鬱鬱而承歎欲吐辭兮嘖嘖步芳芷兮躡躡久乃指
並巖之竹曰始予之閒居愛竹成癖把之而後飲翫之而後食或
攀枝而歌或就蔭而息或密之以來風聲或疏之以招月色與
竹爲友時予三益如接晤言具趨莫逆惟今予懷與昔迥殊爲斗
粟以替折曾瓠瓜之不如從卑喧之末務殆心勤而形癯悵願言

之契闊詠瞻彼以躡躡是竹也滴露如泣依風如愧如怨如慕姿
態特異雖不能言請對以意曰植物之生春榮秋悴歲寒後凋子
實同類稟虛中以襲道擢圓質以象智筠外飾今中禮節孤聳今
近義以比君子考德云備昔子之子說也謂不可以一日無此君
今不予顧也猶友生之離羣學雖不可以干祿仕有時乎爲貧知
達人之吏隱志奚往而不申夫山林不必靜江海不必閒勿撓勿
撓湛然乎有爲之閒乘田委吏擊柝抱關所遇皆適亦何有乎憂
患若是則與子相忘不必形遇未始有物孰好孰惡語意已畢予
亦驚悟登車詠歌風清月素

雙楠軒賦

南郭夫子養素邱園於室之右面楠爲軒客謂夫子曰子昔放浪
迹如漂萍南遊北涉舟車靡停瞻彼通邑豪俊誇矜崇飾土木以
麗爭聲青樓朱閣邃室危亭月臺曉登風軒露晞列嘉植以助蔭
衷名葩而播馨聆珍禽之巧啄玩怪石之殊形洽比婚友意氣相

楠集一

傾飲何拘於卜晝醉夜色之澄明今夫子之軒廣不數椽攬幽僻
於自誑甘寂寞以窮年豈願言而弗獲將懷土而樂旃夫子撫髀
而歎檢衽而對曰子樂在內子觀在外思莊生之貴真與老氏之
去泰審子心之所安雖容膝以爲大子之爲軒也雙楠在前環以
茂林來清音於南澗挹爽氣於西岑方春之陽子楠向榮葉萌蔥
蒨錯以瓊英入夏扶疏花我牆屋翠陰正繁秀色可掬商秋既肅
庚今向彫凝露丹葉涼風韻條凜凜隆冬雪景尤勝玉幹高聳瑤
枝互映四時代謝此景循環載欣載矚獨寐寤言鐫中芳酒暢子
情瀾勸言酌之亦既醺醺荒徑自掃衡門畫關乘化委分顧何有
乎憂患予自謂此樂無窮而豪俊之樂不可保彼樂以物而此樂
以道嗚呼昔居此邦胡可勝記同歸乎盡逝若湍水釣臺嚴子茶
社陸公遺趾雖在荆棘搖空子有安宅亦曰廣居匪土匪木卷舒
在子子軒足矣將復何慕客聞若驚慙墨而去

韓信背水破敵賦

韓信背水破敵賦

井陘之役信提孤軍師出閒道兮輕騎傳發敵據便地兮高旗糾紛乘喋血之新勝建背水之奇勳卒破強敵進兵席卷清四海之妖氛原夫項氏暴興漢師數潰屯壘蚌鵲形勢腹背將軍以上惟敵所愾指揮迴天地叱咤摧高岱擄魏豹於陣禽夏說於代彼趙人兮擁全軍之盛據空道之隘登山以望眾寡既非其倫即鹿之圖得失於是乎在我雖攻戰屢捷威武益張然師實遠關兮法之所忌士非素拊兮用或不臧欲以生之必陷諸死欲以存之必置諸亡於是對大陣之整整背廣澤之湯湯還途塞兮議不返顧眾志竭兮鋒何可當爾乃棄鼓以驕敵人之心易幟以惑敵人之視洪瀾無際兮軍馬用殿怒濤有聲兮神若同志雷欲電埽風起炎至血陳餘以染諸鏑擄趙歇而井厥地國步浸廣羣心愈親斷楚之臂亡楚之脣故初軍榮陽不能寸進者數歲及會垓下卒集大統於真人由是知兵法貴奇將謀在智雖背山阜者彼難於衝突而驅市人則我易以攜貳惟變通不窮故勝可決惟洵湧在後故

退無自於斯時也望而大笑者多矣聞而未然者有之計非常兮故所不載神莫測兮敵無以爲不然安能以一當百而取之不疑以勞制逸而用之不疲古有擊虛排術家之多忌易稱左次違經旨而從宜故得智勇兩全功名兼擅由漢以來言兵者莫不稱淮陰之善戰

五言古詩

感春

橋門並馳道車轂聲塵空重廊隔闔闌若林巒中黎明寮案集聯騎紛踈踈交情金蘭契晤語藥石攻翰墨時閒作辭氣爭豪雄從蹤幸接武徒愧勞無功軒窗鑒晴日簷外鳴春蟲沈迷驚節物飲啄嗟樊籠沂風漸澹蕩壁水初冲融坐想名園花芳菲街青紅

夜深偶成

同舍諸穉子初更坦腹眠須臾起鼻息洵洵如奔泉而我憂且病

欲卧輒遷延坐久覺疲倦就枕如臨淵展轉復長吁情緒更凄然睡思暫彷彿征雁鳴九天使我不能寐體氣寧不使身心貴攝理事累宜棄捐而我無所答泣涕但漣漣是時月當午素影照中園晝卧偶成用前韻

我如邊孝先性愛白晝眠晝眠曷能寐愁思如湧泉東風穆穆和午影遲遲延憂多首自旋猶如瞰面淵人皆喜春色而我今猶然叱奴殿南窗敲枕望青天浮雲來飄飄飛鳥去還還望眼無窮極移卧窗之前焉能夢栩栩徒自腹便便悠悠思慕范蠡心形得兩捐輕舟汎五湖短棹鼓清漣規矩不我制所意方圓

讀揚子

子雲不偶時晏如在空屋席有玄虛文門無權倖牘法言譏異戶解嘲懼赤族念排賦長楊羞愧登天祿立俗思徇道制行依聖讀身死名不朽馨香諷蘭菊

讀陶淵明集

晉末何所似波心躍長鯨生民畏擾攘覺頽視機槍淵明當此時棄爵務躬耕葛巾漉家耐杯乾壺再傾快然聊寄傲無心事將迎眼底不足語筆下漫攄情襟懷有佳趣落紙字字清有如碎寒冰此之琉璃瑩又如湛秋水含茲霜月明秀氣如可掬妙理不可名辭中有餘意此致尤更精班豪誠可厭曹侈無足評斯文孰比擬誦之消風生

三月雨霽遊壽聖寺

新霽澤國淨禽聲落雲天精廬巧營構重扉鎖春妍簷楹曳晴絲池沼鳴細泉卉木互凌沒鉛華刷澄鮮檜檣屹如削樞櫻開欲然霏蕊媚苔蘚幽香雜蘭荃俛仰欣所遇塵埃坐自捐云何寫軒曠松風鳴素絃

留題聖壽院

休征日欲沈晚風薄虛翠深秋景物清蓮宮有佳致疏林速淒涼黃花弄明媚山煙入寥廓蝻蟲聲幽窅經暫聞音掃葉不待簪

危軒逗寒色飛禽示真意勤役何足辭妙觀良可祕歸歎誠未央
側耳悲所志

留題覺慈寺

勤役大無餘駕言從勝遊蕭蕭野色淨行行村徑脩透池轉隈隩
初見巖巒幽喬木聳霄漢風籟凌清秋稅鞅得精舍雲繞空中樓
簷楹列清陣下有百丈湫紅塵不到處俛仰銷百憂喟然問圓頂
有此能樂不

留題智者寺

天工剖山腹翻然納虛秀環岡插脩蔭斜倚寒溜危軒列層級
橫梁跨深竇浮煙霧輕縷飛禽引鳴脰冲襟得清盼佳致絕纖垢
夢想脫冠來塵緣苦相逗

留題婺州智者寺

宿雨雖乍晴輕雲猶出岫春深卉木繁千巖口芳秀誰云山徑幽
涓涓響寒溜時禽助好音百轉引鳥脰老僧邀客留蒲簾捲圭竇

博集一

五

側耳石鼎傍蠅聲辯湯候茶品頗自珍擊拂振襟袖勤劬藝鑪香
把試殆三嗅稍定與之言飄然出塵垢坐久月華生澄潭明列宿
和吳顯道

澤國破秋仲景物兆冬索回飄卷林尾宿霧汎寥廓泮水還闌闊
層巒瞰籬落啟牖挹蒨蔥開徑徒參錯齋鹽雖寂寥文史欣博約
論古到鴻荒談經愧穿鑿逸志想鴻冥視顏羞雉喙於焉得真趣
豁若解其縛環窗惟載籍一視等糟粕了了見本來端如契圓覺
冲襟遊汗漫高步趨廣莫同心有名儒攝官在戎幕學識在淵醇
詞章臻炳燦良驥服鹽車白駒繫場藿念昔始傾蓋考正於狐貉
韻宇凜可欽標致湛無著鴛豆陪餘歡翰墨時閒作晨嬉風力勁
夜語霜威虐屈指兩炎涼流年信迴薄九重躋帝德四海絕民瘼
南征莫蠻侮西戍弭戎掠吾道斯為亨君才願何作行當坐天祿
看書資筆削不然置成均開教助飛躍冠綬追英遊林泉謝遠諾
胡為懷故鄉逝將依負郭古都富城市比屋屢金釐甲第臨江壩

勝槩奪雲壑曲溝環淶膝激澗度危徇升高或捫蘿厲急輒遺屬
馴禽棲几席幽花墮杯杓漁樵頻問訊童稚雜歡噱尋步陟蘭嶼
選勝望菌閣此雖美無度惡知乖所學待時既輻玉稅駕宜振鐸
忠告冀毋忽託分匪輕託野芹稱美獻行潦資遠酌瞻言效悃悞
豈止事嘲諤知君頃多暇過我當如昨若飯無俗情疏餐有真樂
論文窮九疇議武貫三略誰主復誰賓此意良不惡

題諸暨王秀才華軒

卜居遠喧闐山川有清意中為風月軒周詩得標置琴書道自樂
花柳春爭媚紛華非所事安恬養天智君家逸少後芬芳令不墜
文章擅場屋孝弟先閭比小淹何足嗟懿德天所祕醞藉勿感慨
雲雷起平地

次韻葉權之南宮春興

三年客京華零埃侵鬢綠花時豈相關藜藿欣自足故春鎖膠庠
庭槐如光目沂風清晝吟壁水汎晨曛今我復來茲芳菲照華屋

博集一

六

日長簾幕深欠伸倦晴煥英英同舍郎文來命騷僕真想奇吟哦
詩壇令何肅惟時屆清明千官賜休沐我事未渠央矧敢忘歸宿
何當榜貢書諸生駭神速君歌我乃廢聊以慰局促

再次前韻贈葉權之

廣文新決科恩袍鬪春綠香名滿眾耳要路策高足阿房得第五
中眉嗟志目平明趨省門容儀登旁躡廩薄雖屢空潤身非潤屋
糊來鎖南宮迨此東風煥吟哦夜不休立侍童僕詩成字字清
華星點秋肅中含不盡意往往念歸沐遙知卧鴟夷獨酌委齋宿
云誰可與飲鄰有三不速篇卷正沈迷當以從事促

次韻答翟公異見戲

勒中長銖鳴將軍出天山前驅七萃士鐵衣照朱顏萬馬飲瀚海
九泥封玉關何必學孫吳功名談笑閒西顧淨無塵仰視太白閒
歸來佐天子坐使淳風還
贈明智大師

上人眞法器根性宿明悟閱書一再過覆誦絕遺誤教乘浩無涯
秋毫析紛互授證窮理窟辭源百川注曉堂列圓頂瞻仰祛未悟
執熱濯清風中瘳飲甘露坐如壺中冰潔如機上素鱗角雖出羣
豹文方隱霧

送安宣義還雒陽

學省無吏碧官穩如林邱察宋得之子一語銷百憂齋鹽對晨餉
菘非餘時差淡薄本同適言歸異初謀親庭奉喜慶退有園池幽
樂事迺如此攬執安肯爾塵區饒滯念役役無時休沖襟得高躡
視身等虛舟嵩少多逸士盍往從之遊相見試舉似此語頗勝不
送趙節推沿檄還鄉

蠶月舒以長麥天和更清初荷吐香芽新蒲生紫英濟濟幕中客
眉閒黃色明膏車指鄉國言歸奉壽航上堂拜嘉慶喜氣淪飛費
斑衣學古戲芳蘭逗春榮世態今猶昔萬緒水火爭奔馳浪自苦
心胸沸庖烹賢哉吾景崇養志輕利名效官求便郡晨暮請安平

茲行天所佳祥煙送晚征要當感星聚豈徒資月評

送曾正臣

往歲別君去恩恩殊未屢來茲諧夙願一笑忘齋鹽俛仰復去我
促裝難楚淹重江逼潮信挂席程欲兼請暨號繁劇牒訴紛黎黔
君才古循吏公廷耿秋蟾借留適民願坐變六涼炎政術久彌屬
謠頌喧闕朝廷方籲俊延訪降宸嚴行矣決顯用此理君奚占
李縣丞美替作此詩餞之

東陽見夫子格調駭心目相逢恨不早請違何太速咄咄空中字
便便榻閒腹暫留腸九回言歸日三卜到家樂應願登舟喜堪擗
題橋釋舊誓彈冠俟新沐偃蹇何足嗟君看松與竹
友人有小石數顆以余酷愛將輟惠佳者惟求一詩賦以贈之
公子有佳石丹碧非一狀磊磊不盈掬巧奪三山壯貯以白玉斗
挹注秋澆漾有如澄江淨隱映朝霞上類林官獨冷說此助清曠
惟求詩句易於焉窺雅尚山陰惜換鵝流傳信非妄

同呂文剛吳邦獻馬子才賦白菊得采字

紅紫春爭妍那復俟秋宰茲花如端人凌颯振輝彩英英翦輕雲
粲粲絡珍珠天清月色留日淡霜華在高標比松竹芳氣壓蘭芷
飄零飲夕餐鮮鮮當晨采中有神仙姿收功逸而倍調丹雜檮栝
服之毋豫忘能駐好容顏延齡向千載事著抱朴書劉生豈予紿
七言古詩

次韻張察推詠密印竹軒

衛尉才豪雖卓絕溺志奢淫愧明哲羅綺叢中醉復醒趁拍佳人
不成列黃門侍郎天機深傲世忘榮事高潔侯印公主不解顏好
竹之心了無節粉華必竟致青螺恬澹有誰賡白雪此君佳致識
者稀千古清風與明月高僧欲現菩提心種竹滿軒功未徹嬋娟
人共得觀臨蕭瑟君當知演說率然相造師勿喚勝遊本爲吾僧
設對君不惜洛生吟更待詩酣歌一闋

次韻鮮于學錄太一宮海棠

巍巍樓觀神君宅畫鎖眠魚斷人迹驚塵不到春自濃海棠純砌
花如織日窺絳彩豔朝霞露浥芳苞點靈液枝侵香霧拂桁梧乘
風欲闖蜿虹輦都城三月賞花天爭聘纖紅并赭白廣文官冷苦
忘悰偶到殊庭欣有得嬌燒初值欲開時迴視羣葩淡無色許昌
風雅譏少陵玉壘繞山夸蜀客豈知移根古壽宮瑤草華枝伴繁
殖雨餘濃麗應更妍負賞牽吟心未息

赴省試到闕偶成

去年隋隄一丈雪雪路苦寒那可行行人畏寒兼畏滑滿溪堅冰
如鑑明行裝人與馬成二身不自惜旁人驚崎嶇千里到京闕痛
定回思雙淚傾伊予少小親翰墨應敵豈解前無劾今者西來皆
計吏妄與羣俊爭文鳴無田歸耕曷爲養得失未易秋毫輕作歌
聊用寫情素擁鼻微吟同洛生
蘭溪葉辛以某阻水泊山頂僧舍見邀作此詩以謝
月輪一夜離天畢山川吐雲騎朝日飛廉吼空馳霹靂雨勢滂霑

兩溪溢橫流不復相望
花飛起三千尺我特
艤舟酣戰慄眼看
民居半沈溺邑令之
賢誰等匹為治公居
寄家室顧盼奔濤心
服逸寓居卻倚青山
脊吁嗟此驚身未歷
折腰遠來甘恐惕餐
霞先生今鍛翼附郭
相君無所食愁霖謝
子雖非敵少官徐郎
良未

和岑運使題趙吏部容膝齋詩

公不見金谷樓臺插
寥廓珠璣映出琉璃
薄滿飢青螺甲第空
富貴回頭驚旅泊又
不見淵明三徑似元
卿繼縷茅簷僅容著
心知侈汰非遠謀寄
傲南窗安所託二子
蕭猶古至今遺臭傳
芬皆自作中郎天機
湛秋水涵源流漱芳
酌小齋容膝思易安
願盼俗緣嗟自縛琴
書對眼助清閒杖履
從人笑疏略紅塵一
點不到處只許鍾香
度幃箔吁嗟淡靜世
所艱此味要之屬邱
壑道德高風信立邈
能以膏梁甘寂寞真
長標致自非凡區區
乃念東山樂見嗤逸
少固所宜詎識此生
如寄教會須掩關友
松菊俗子叩門從

指美一

剝啄揮殘塵尾雖可佳
弄絕韋編良不惡

為陳秀才題墨妙堂

寶池當几潤滑并蟾
蜍玉寶寒泉傾墨花
汎汎花柳輕雲箋皎
皎月色明疑然嗣將
先管城一掃神怪吁
難名騰龍舞鳳相回
鬢倒日翻星草隸行
或如懸屋倚孤撐又
如脫兔馳萬兵援攀
虎怒勢力爭鯨奔蜃
駭波浪驚象斯隸邈
草伯英鍾蔡衛索更
品評逸少兼之集大
成寥寥千載無與京
鼠鬚蠶繭祕迹精王
華遺言同誓盟埋藏
不計申與庚模蹤開
出相光晶太邱佳士
天氣清訪求寶字金
滿簾編聯軸卷紛縱
橫名家諸妙皆有聲
文餘高致超八閔深
求眾法窺忘情會當
臨池染澄瀛銀鈎萬
字揮擘

送葉朝奉

夫君才調天所旌胸
襟洞然秋月明兩以
文章對集英老拳再
中匠者驚割雞已詠
劉江陵盤根錯節君
所輕斷蛟刺割無能
撓效翹然宜彙征列
章論薦仁且明炎涼
五歲歌有成千室不
放休

車行班兒歸學嬰兒
聲靈椿丹桂芬芷
壽上堂獻壽樂事并
餘歡洽比賦丁丁我
之別分不識情君之
識我勤且誠祝君轉
飛九萬程男兒功業
貴崢嶸

上毛運使

人各有求心靡同世
路奔馳如捕風我獨
不願萬戶封情願識
毛公我公高才真國
器醞藉聰明天所祕
子師氣格千里駒廣
基文章一枝桂學優
入仕斯義榮我公所
至皆可稱來暮已歌
廉叔度去思還似謝
吳與天心憂勤念方
面外臺遴選皆英彥
我公所至綽有聲炯
炯精金經百鍊昨夜
使星入斗牛鵲聲曉
送傳書郵報言有詔
下天關公按濱江十
四州審報已真驚且
喜入戶不知摧展齒
拜塵潘子行有緣倒
屣蔡公何敢擬自嗟
此誠今未通何時垂
翅附冥鴻眉間黃色
已可慶襟懷不復歎
秋蓬公不見張華一
賦致高位阮瞻三言
得清議刻畫無鹽雖
有心滓穢太清徒自
愧朝廷言路方坦夷
比年漢詔下天堦所
念淵明方為米會須

指美一

平子為立題

答王及之賢良見寄

公圭侯印人所優利
鎖名糧吾所羞耿耿
有懷非隱憂思得佳
士從之遊今年折腰
來佐縣辭采接君心
自見懷刺過尋不問
程刺啄扣關詣所願
誰云白首交如新傾
蓋相逢如故人囊中
製作絕倫類和璧隨
珠無足珍心醉歸來
書滿室卻怪前窗夢
筆至音寂寞知者稀
安得論文永終日可
嗟吏道事奔馳口信
安覩元紫芝胸襟不
復憂鄙吝圓緘寄我
愁霖詩君不見窮陰
苦霧撥不開得詩如
君心自灰為君把盡
雙溪水不放纖塵污
兩耳

醉歌行次韻

嘗聞醉鄉之樂真且
全青州從事鄉之賢
杯鎗三百沃軒曠眼
看萬有心陶然平生
不識飲中趣糟漿逆
鼻憂醜頰捧嬰徒知
詠酒頌側弁未始陪
賓筵丈人襟懷湛秋
水塵埃滌盡中恬淵
美哉家釀藏之久誓
可與飲無留涓寔開
設此杯中物意如割
炙何勤虔

歡誠感激忘既醉是日飲興輕金船房櫂鷺老舒長晝郊野麥秀
清和天主人放懷客盡量談開標韻凌雲煙醉歌耳熱匪吾事兩
腋清風同玉川願言乘茲騰倒景青都謁帝羅羣仙酒闌渴思不
可遏筆端詩句如奔泉

求畫

伯父有畫美且都丹青彷彿顏色淪塵埃積漬相染污惟有筆墨
存規模隔步看之有若無想像人物淪煙蕪到羊刺鹿皆模糊皮
毛狼籍血盤盂巨索懸鼎地爲鑪薪火炎炎勝西隅庖人握刀盼
精麤几上獸肉縱橫鋪中有一人與眾殊戴帽披甲腰屬鏤昂藏
形貌長髯鬚眼看手指如典徒一奴禿首攜酒壺酌之飲眾蘇勞
痛眾人得酒停烹屠延頸飲之舉兩脰有壇數級如闔閭壇側毅
然一武夫負弓韜矢手執戈左右不敢肆闕闕此是羌中祭天圖
故應先日事庖廚微生見之嘗覬覦好之不啻千金姝

摘文堂集卷二

五言律詩

題宗室順國軍節度使開府儀同三司仲公

儀比公槐峻恩分將鉞華楚詩能教子沛易自名家較藝聯千佛
藏書閱五車風猷齊往哲豈謂史臣誇

輓贈開府儀同三司朱公二首

威晚聯榮久三朝慕遇隆身雖居寵貴志益守謙沖聞譽揚中外
哀榮備始終新阡標氏族官是漢儀同

襄事涓辰吉華旌拂曉參車與尊廣陌宅兆指遙岑寂寂泉扃闕

冥冥隧路深堪傷純孝子揮淚血沾襟

輓祕閣校理知湖州余使君二首

桂籍冠羣英驚人在一鳴朔風淹鵲路擊水失鵬程已協三刀夢

空嗟五鼓聲惟應文苑傳不愧史臣評

惟昔都門別於今歲屢更周旋如昨日慷慨敘平生短牘方傳鯉

長歌未報瓊仁賢何太奇此理信誰明

和劉著作傳明貢院卽事韻

簪紱千齡會朝廷百度明規摹追古治符瑞協炎精九敘民歌遂

三階夜彩平秉文稱濟濟樂育詠菁菁經術漸摩久人材長養成

禮閣參眾聽文鑒肅羣情預貢觀能吏來遊盡碩生胸襟窮底蘊

頭角競崢嶸秋秋珠璣隨喧喧虎豹爭氣衝牛斗動詞威鬼神驚

收視疑無我洪恩詎有聲袍紛晨霧委憤岸宿雲橫納試庭除晚

還歸步武輕身雖同脫執心亦類搖旌三級看鱗化千金想睇迎

膏梁收衛霍行伍擢韓英巧思憐金注塵言阻海行正迷花錦亂

忽視玉壺清與義窺儒寢純音發帝堃鉛刀慙利割瓦釜失虛鳴

已奏青錢選初聞白雪廣句從天外得思與海同傾相對一杯酒

當前二尺檠詩壇瞻宿將筆陣卻饒兵函劔騰秋紫霜鐘激夜鏗

請降銜許璧引過負廉荆水落崖方露犀然怪自呈川吟愁燕雀

林嘯慄颯莫逆諸心賞相從與願并塵風傳勝語鼎瀆閱名烹

待報遲星使摠懷賴墨卿何當放魚鑰寒食尚畱錫

蔣穎叔生日

宗派源流遠家聲竹帛垂靈暉鍾嶽嶺吉夢襲熊羆夙擅鄉評美

尋膺國士知文章追往哲學識判羣疑試若穿楊葉科如摘領髭

繡衣趨觀關霜劍照軒墀諫拂龍鱗逆身探虎穴危忠猷登鸞鷲

直氣懾狐狸要路淹風鶴丹心比日葵使臺專漕輓帥闔肅邊陲

久鬱公台望初還輦轂時詭爭訟息囊囊寇攘衰蓮炬驚宵漏

花甌候曉曦暨分方面寄復演禁林詞廊廟先圖任樞衛遂倚毗

雍容承畫接密勿奉疇咨已冠中樞府猶虛百斛姿兩幡將畫鹿

五總舊名龜儒效流絃吹王功鑊鼎彝更增箕翼壽餘慶在庭芝

許冲元生日

良月當初吉昌時叶半千氣鍾奎壁粹壽稟角亢全殖學優前哲

香名自妙年文章魁桂籍風采冠櫻筵要路諧先據清班閱屢遷

芸書儻甲乙黼坐講溫宣丹陛趨文石彤庭詠綺鏡雲梯滋穩步

風翻正孤鶯清切陪華蹕雍容進邁聯夜歸驚寶燭曉直候花甌

餘力兼京輔能聲映簡編冠清桴鼓絕訟息銜箭捐入謝雖言邁

徂齊遠式遯詞林俄再入政轄遂詳延鯁議違時去丹心許罔堅

賜環朝帝所曳屨上星躔樞憲仍圖舊殿廊慶得賢珥璫鸞濟上

鳴佩鳳池邊默識通倫類先幾炳眇絲龍軌迎舜日鼇柱拱堯天

夾轂占輻鹿飛冠挂冕蟬鶴齡偕集木龜算等巢蓮丙魏君臣契

章平父子傳功成五福具永作地行仙

七言律詩

恭和元日受寶詩二首

聖主規模冠百王考茲泰寶欲更張玉因天授來殊域工與神謀

軼舊章羣辟疎觀稱萬壽廣庭昭受襲多祥宸慈特紀千齡週詩

似奎躔夜吐光

層墀班序列華神萬歲聲中八寶陳映日浮雲盈殿座如虹佳氣

繞楓宸珍符休顯光圖牒惠澤汪洋淡士民天佑聖神方錫羨從

茲諸福與清新

恭和御製回鑿詩二首

日轉蓬瀛詔歸晚陰風色倍清微從教小雨霑花潤不放纖塵傍
昔昇平似此稀

十萬宮花簇馬歸宜秋門道晚陰微雲隨香霧相縈去塵傍珠藕
不敢飛盛事傳為堯壤頌薰風吹入舜琴徽年年池苑春如許天
子持盈燕幸稀

恭和御製幸池詩

乘時遊豫屬皇明芝蓋重臨太液清鷓鴣近臣稱壽罉魚龍嘉戲
出僊瀛長隄映柳千門啟翠水涵空一鑑平天意自同民意樂無
知草木解欣榮

恭和御賜陽德觀碧桃溪新竹詩

三千迸籜拂朝雲想見坤祇夜駿奔嶰谷掄材聞古帝桃溪呈瑞

梅集二

屬神孫如犀亟應絲綸命帶粉初縈雨露痕欲測九重神算永會
須億萬數靈根

恭和御製朵樓特宴之什

東閣岩巖宴特頒樓前寶燭萬星寒鼓聲汎樂羅靈震鎗彖迴風
翠鳳盤積有嘉祥占歲稔寵因芳夕慶時安厭厭既醉君恩重歸
路繁華緩轡看

次韻祝通直甘露詩二首

聖心天意兩無違露灑文昌若應機北齊邢子才甘露詩云誰甘
謂窮吳遠道合若應機
自蜜房分瑞液瑩疑蟾窟借圓輝徧裝叢柳春爭麗高應晴空午
不啼豈止臣民荷鼓舞故應殊裔亦心歸

露液無聲降自天清英含味滿邱園日中垂溜眞珠落風後寒漸
雜佩飄呈瑞未央曾紀歲襲芬儀鳳亦更元廣寒應德彰嘉祉臣
子相看眉宇軒

恭和御製以節近嘉平時雪驟應詩

騎騎同雲結晚陰六花霄降聳瑤林一犁共慶農疇足四海安知
帝力深陽位涓成初奠玉眞祠昭謝正齊心況當節紀嘉平近時
雪時賜自溥臨

恭和御製元會之次日嘉雪應候錫宴於公相之第詩

三元聖禮冠年華翼日朝隄雪覆沙端爲聖時調玉燭故當餘臘
兩天花萬箱占瑞民胥慶青輅迎春節尚遐錫宴賜詩知有喜自
應和氣泱潛芽

恭和御製以嘉雪愆候躬致懇禱精意未孚靈貺昭格己卯庚辰
降雪盈尺賜相臣詩二首

皇心閱雪正傾祈盈尺呈祥靡願違潤浹土膏占歲稔和生民氣
敵鐘輝千門瓊瓦連雲聳九陌瑤花撲面飛聖德格天超曠古更
須宸翰述沈幾

嘉平紀月近正端時雪時賜軫念寬雲色乍收銀闕角月華徐轉
彩旂竿映階積素光相射迎吹餘花舞向闌最是三農知歲樂歡

欣無復歎那寒

恭和御製喜雪詩

需宴宸章次第頒祥霽宜人詠歌開心知且暮千齡遇目觀祥詩
六義還治格雨賜皆順序慶均朝野共怡顏微臣叨預承恩列庶
和才菲若負山

恭和御製觀雉詩

日近新正臘已殘擊鼓鳴寒神交颯爽來羣祀舞節踟躕
應七盤門磔交修邦典備物疵銷盡里民安欲知聖主憂勤意深
拜宸章子細看

次韻和吳右丞恭覽神宗皇帝御集詩

永裕規撫映萬春孝思今見聖心循仁言盡集絲綸舊細札初看
琬琰新盛比鈞天張九奏麗如華袞繪三辰邇倬拜賜榮懷甚亦
輟餘編寵諫臣

次韻伯父元夕有感

輟餘編寵諫臣

次韻伯父元夕有感

往歲元宵寓帝京
天光黯淡雪舛騰揚
鏢公子羅千綺隨計書生
對一燈舊事悠悠頻入夢
新愁鬱鬱更填膺
低頭懶看南軒月
撥盡鑪灰對好朋

試鑪日侍親遊戒珠寺

雪花新霽玉雲閒
慶侍來遊古鼓山
祝駕且須明月上
捧觴徐戲彩衣還
樓臺鑪火青冥外
市井笙歌縹緲閒
膝下歡娛誰與共
棣華相對醉醄顏

和中書梁侍郎君臣慶會閣賜御筵詩

巍巍層閣倚雲閒
閣上書從帝命來
率土士民瞻慶會
華筵尊俎幸參陪
宸文正比天文麗
春力應隨筆力回
主聖臣賢千載遇
欲形歌頌愧非才

和中書梁侍郎喜雪賜御筵詩

康莊雪景耀重關
宴錫潭潭府第閒
愛日似隨人意出
祥風時汎衆聲還
觀謠已見喧民俗
喜氣遙知動帝顏
溫詔許持金爵醉
戴

折葉二

五

恩同祝壽如山

和將秀才牡丹次韻

如霞如錦色何鮮
映日敬風特地妍
獨占一春疑得勢
平欺羣卉若當權
自知麗豔能傾國
須放香苞趁禁煙
花市試詢桃李價
從今不值半分錢

次韻阮承書詠桃花菊六月開

怪來籬下欲成蹊
菊似桃花賞客迷
清郁雖同彭澤徑
嬌紅全是武陵溪
露宿蕊金絲潤日炙
繁英玉葉低
占斷春光與秋色
薰風特地與留題

和余秀才遊綠靜堂以詩見寄

佳名誰爲榜岷城
牽惹詩翁傳屐屐
尋綠外清風先見竹
靜中新轉不妨禽
沈酣山水眞君事
汨沒文書豈我心
待撥煩煩聊一賞
振衣閒坐洛生吟

次韻題任承事清樂齋

塵襟滌盡更無餘
兩字名齋信起予
物外清標輕綬冕
閒中樂事付琴書
蘭生階砌青春好
槐覆門庭過客疏
更有孤吟寫幽思
篇成渾似琢璠璣

詠蔣秀才西軒詩

園池佳處闢幽軒
西挹湖光入坐筵
葉本自生芳草地
花陰長到夕陽天
就閒頗似陶潛菊
適意何須范蠡船
此覽清虛有真趣
不勞他境覓林泉

和元卿二首

水根仙脚最荒涼
子隱顏祠足感傷
廊廡傾顛春草綠
門庭寂靜野花香
聞之自可成酸鼻
見此如何不斷腸
追想舊蹤徒悵望
淡煙淺露忽斜陽

荆吳豪俊最紛紛
功烈平西自出羣
節操不慙張御史
功名終似李將軍
安仁句語聊書實
宣佩聲猷更襲芬
豈謂千年有遺恨
數間頽屋枕溪垠

知縣沈奉議所至榜雙清於書室諸公篇詠甚多猥以見屬輒賦

摘葉二

六

四韻

燕居隨處榜雙清
借問何修稱此名
迹似壺中冰瑩潔
心如潭底月澄明
棠陰人散紅塵靜
鐘篆香飄翠霧輕
不必林泉堪寄傲
林泉雖勝尚關情

和四十伯父見寄二首

入夏情懷轉不同
多愁多病愈乖慵
匡時該博終難繼
蔣徑幽閒頗願從
賴得古文消日月
更無佳友話心胸
時數友外適吾宗
幸有邊經筭卻得時時一叩鐘

比來雜日捧詩筒
久廢吟哦覺懶慵
韻險不容更屬和
意勤須索強隨從
深思往往花盈睫
得句常常汗浹胸
萬事始知關習否
庶酬本合類撞鐘

答王賢良見寄仍次元韻

一觀清表喜良儔
三惠佳章歎暗投
已駭談鋒傾海濱
復驚文怪

埒蛇牛敢將晚路輕王述決有亭途待辭收君欲獻書真得計我
今亦作董生謀

遊天章時陪越帥邵司業京東曹呂侍講通判錢承議行

路轉湖天宿霧開碧霞深處涌樓臺山川到午晴輝秀林木先春
綠意迴舞鳳寶書藏瓊瑤珍換鵝塵迹鎖莓苔賤遊不畏風霜動擬
看雲尖送月來

和彥昇問更聲

曉夢回來側耳聽夜深風細轉分明嗟予觸物徒勞感願爾於人
豈有情宰寺樓高聲更遠楚天霜冷候何清因茲卻憶南軒宿兄
弟之言悉至誠

五言絕句

題白沙驛壁

未忍歌歸去行當獻子虛自嗟渥洼種垂耳服鹽車

題婺州道傍水閣

勞生成底事寸磔解繁人陽羨溪山好歸與未有因

雷題婺州孝順鎮寺

處靜未有計徒勞真可傷山僧應笑我只爲斗升忙

甲申十一月夢中詠假山

欲雨煙雲凝經秋苔蘚多憑君莫拋擲畱取伴吟哦

七言絕句

和王推官正月十三日遊戒珠寺竹軒詩二首

誰種貧營翠掃天擬將風月度流年當軒便是真如境到岸何須
般若船

積雪滿山寒不釋碧琅玕繞玉樓臺林梢清韻風吹到簷底疏陰
月送來

貢院卽事并序

自崇寧癸未叨備從班距今十有四年間五知貢舉文官花在
試廳前

文官花畔揖羣英紫案香焚曉霧輕十四年閒五知舉粉牌時拂
舊題名

禮泉觀宿齋詩并序

崇寧三年正月十四日以中書舍人扈蹕至禮泉觀屬有公式
免赴對御試草於道院之竹軒政和四年二月十三日被旨奏
告願視齋館卽曩者演綸之地也屈指十有一年感而成詠

昔陪清蹕款靈眞曾對疏篁演帝綸十載重來渾似舊惟應雙鬢
二毛清

月夜偶成示翟公巽二首

一杯誰與細論文對影成三更此君卻憶當年少陵客空吟春木
與江雲

非關色相與聲聞此意如何舉似君眞馬不須鞭影露本來誰道
有迷雲

和兵部何侍郎宜香閣五絕

香和雲彩出無心一室初吟畫舫深靜對氛氳永終日誰知眞相
在清襟

夕薰猶汎絳紗中曉炷重添翠繞空欲識芬芳何所似百花叢裏
度春風

暗流日色鑿重幃香霧橫襟襟進講歸西學尚賢禮重惟將經術
贊沈幾

鄉賦蒙收一日長文聞恩地自宗房侍郎兩爲常州考試官初榜
伯父預選及再至彥達幸出

下攜衣獲造芝蘭室猶認當年月桂香

不問無言與有言香山何事解聞禪來詩有香山寂
寂焉因緣之句須知絮縷搖

空處便是重重說萬緣

次韻上酬郭慎求長官

金盆馳問請關人郵信浮沈杳未聞二十八言還寄我一揮多謝
管城君

次韻上酬四十伯父

次韻上酬四十伯父

南郭先生物外人，鑄金佳製喜重聞。寫成圖軸閒來展，要以微之愛此君。

寄單季隱

別時新柳拂煙汀，已見黃花照眼明。卻憶荆溪寒雨夜，笑聽屐齒出相迎。

題婺州多福寺壁

我僕雖勞日未央，秋風行色稻花香。歸心那解同元亮，官況由來似偉長。

和衡姪題孫德明墨梅

霜風栗烈砭人肌，又是江南梅發時。寫影尋真未端的，此心隱處似南枝。

摘文堂集卷三

詔

賜仁福帝姬辭免冊禮許允詔

朕膺祐上靈占祥右祝爰當初辟肇賜美名申父子之至恩既揚孚號篤邦家之多慶敢替舊章茲上奏對亟辭冊禮載詳謙抱良用歎嘉特徇虔祈永綏遐福

賜少保太宰兼門下侍郎鄭居中辭免男億年直祕閣允詔

朕搜揚俊乂靡開疏逖惟卿以道德勸業翼贊大政而其子力學篤行達於朕聽不有褒嘉何以示勸是以龍以芸閣之華卿抗疏懇免朕親御翰墨即卻其請矣今復有陳迺以待試學校為言朕嘉卿徇公忘私遵奉法令足以率屬在服特從其志茲永有辭

賜少保太宰鄭居中辭免冊命允所乞詔

卿時之先覺以道德謀謀佐佑大政茲延登於保輔實亮天地師長百僚任重禮隆肆命宜允

摘集三

賜新除太傅致仕何執中辭免冊禮允詔

卿位宰輔引年得謝以三公就第列宮師備文物而發命焉所以優禮元老為在廷之勸也今卿抗疏懇避辭肫意切朕勉從之以成爾撝謙之美

戒勵百官遵奉法度詔

朕承先帝休德永惟熙靈元豐之盛以紀綱則肅以政事則修以典章則備官師共恪民物阜安蠻夷率俾雖二帝三王之治未有以進此也朕嗣守基緒監於成憲冀緝熙潤色之以垂無疆之休故首命輔臣慎簡乃僚講論庶績凡先帝之所議而未行或已行而廢於元祐者朕於此繼志述其事惟恐其弗逮故惇睦宗族以隆親親恢崇學校以一道德董正官儀以辨職守刊憲令以明禁戒欲下不加賦而國用足則理財以義欲邊不告警而疆土闢則禦戎以威小大精粗本末具舉其效彰明較著者蓋不可以一二數也迺者太史獻言五星循軌考之故實時惟休應朕用嘉之樂

與卿大夫守此法度優游無為承天之休以享太平繼又肅儀衛

考星辰正衣服下至百工技藝罔不與飭將討論治定之禮功成

之樂以明繼述之效若此凡百官君子其同協心遵奉法度堅如

金石信如四時以副朕至誠惻怛之意其或志在傾巧而以浮言

動搖習於怠惰而以便文僥倖朕得治而懲之咨爾在位明聽朕

言將垂拱仰成於茲爾亦有辭於永世

賜延康殿學士強淵明辭免恩命不允詔

卿操履端靖問學醇明再直禁林進承密命文詞議論朕所褒嘉茲抗封章累以疾請察其誠確俾即所安祕殿高華祠宮優秩併為汝寵昭示異恩宜止謙辭亟祇成命

賜新除顯謨直學士依前承興軍路安撫使賈炎辭免恩命不允

詔朕以卿才資疏通風力強濟往膺間寄方壯猷爰進直以寵行俾增華於所蒞勉圖報稱勿事謙辭

摘集三

賜新除翰林學士承旨馮熙載辭免恩命不允詔

禁林詞臣以重德風望獨承密命蓋極儒道之選卿經術醇深文辭典麗明於大體議論有餘俾踐厥官時乃親擢抗章引避未體眷懷成命已行宜祇受之

賜翰林學士馮熙載辭免恩命不允詔

北門視草朕所慎選以卿文術深美文辭典雅揚清要粹有華問乃茲親擢俾踐厥次抗章祈免未體眷懷朕命惟行宜即祇受

賜少保太宰兼門下侍郎鄭居中辭免外甥朝奉郎知大宗正承

事郎李伯達除尚書度支員外郎恩命不允詔

文昌諸郎必資材望以伯達揚歷有譽俾踐厥次而卿抗章引嫌祈寢成命秉公守正朕惟汝嘉惟官擇人時乃親擢於義無嫌勿復有陳

賜太傅何執中辭免恩命不允詔

卿以甘盤舊學輔相朕躬勳德兼隆為時元老今茲得謝惟優恩

異禮乃稱始終待遇之厚廉饋之入願何足辭宜體朕懷勿復祈免

賜新除翰林學士承旨鄧洵仁辭免恩命不允詔

詔鄧洵仁省所奏辭免恩命事具悉禁林承旨儒者至榮久缺不除蓋重其選卿志操端靖學問深醇議論文章夙有華問典司內制朕所眷知茲用褒嘉俾奏密命趣宜祗服毋復有陳

賜新除翰林學士許光凝辭免不允詔

視草北門極儒人之選人惟求舊申命用休以卿學識高明文辭典雅曩踐厥次休有譽言召自遠邦再入祗近宜體朕眷往戀之

賜大司成陸蘊辭免恩命不允詔

大司成總學校之政令非望顯於時多士信服者不以輕授卿術業行誼朕所嘉尚是用輟自詞掖俾踐厥官宜體朕懷往祗成命賜新除翰林學士劉嗣明不許辭免詔

北門學士潤色論思為職考擇之慎必惟其人卿學有淵源辭知體要揚歷華顯業履兼隆乃茲新除俾踐厥次胡為謙避宜即欽承

三

賜新除工部侍郎方會不允辭免詔

六官之貳資望高華卿學識淹該履行醇茂揚歷有譽宜踐厥官胡為撝謙尚勤訓誥朕命惟允其往欽承

賜龍州知州彭允宗等進奉賀端午節漢布敕書

汝遠有邦士久衛邊陲幸當時序之臨來效物宜之貢載詳勤恪深用歎嘉

賜保大軍官吏等示諭敕書

朕以某人稟資沈勇護塞忠勤進築新城大猷羣寇旌其師律錫以將旄緬懷吏民爰及師旅茲聞渙號諒懷輿情賜修武郎趙子璽獎諭敕書

朕快建豐宇聚眾姓而教之惟汝三子年尚幼也而能通誦羣書與夫八行八刑之文小子有造在於屬籍義方蓋有自矣朕用汝嘉

朝請大夫行大理寺丞馮大均可大理正敕書

敕具官某書曰非侯折獄惟良折獄故朕於刑法之臣選任尤慎爾丞於廷尉克有譽處宜能體朕欽恤之意惟理正之官實佐卿貳今以命爾尚其懋哉可

賜護國軍官吏人道士僧尼百姓等示諭敕書

敕某人等朕以某人氣節忠純材猷閑廓比膺詔旨往撫邊陲克有顯庸宜加寵命俾聯班於上宰兼視秩於貳公爰易將旄仍陪封戶迷聞封號諒愜羣情

賜知安州向萬壽等進奉賀天靈節并端午冬正漢布敕書

爾祗服朝恩介居邊裔爰因佳節克謹彝儀載省勤誠不忘嘉歎賜保靜州知州彭儒武等進奉賀天靈節并冬正漢布敕書

兩世服朝恩嗣修貢職爰因令序克講彝儀載念恪勤良深嘉尚

賜保靜州知州彭儒武等進奉賀端午漢布敕書

汝親在裔居克綏世守當端辰之紀節修遠貢以效勤載念忠誠益增嘉歎

誠諭三省樞密院修舉先朝政事敕書

敕父作子述繼明以照四方君令臣共相待而成一體朕承右序之重思保艾之艱若涉巨川罔知攸濟若構大廈遙求厥成深求熙寧元豐之閒高越貞觀開元之上以謂先皇帝聰明睿智齊聖廣淵旋乾轉坤奮無前之偉績深根固蒂建不拔之弘基十有九年一新百度都俞吁咈謀謨至詳緝熙儀刑典則俱備恩洽動植

威暢遐方大聲如雷靈可開而不可象其震為章如雲漢可仰而不可給其光肆朕總統監茲垂裕爰詔列位悉復舊章惟法不行必得人而後舉而美意所寓蓋流澤於無窮尚懼科條雖設而考覈或遺敷釋徒勤而發揮靡究不足以揚不刊之典垂無疆之

休恭默以思忱惕若厲咨爾執政時予仰成遺事先朝與聞彝訓循名考實揆往驗今孰戾而弗修孰委而未舉於焉放迪罔或愆忘一物失宜曰予之咎庶邦作又惟爾之賢其慎乃猷各倡厥屬率時昭考予將比迹於周成格於皇天爾無專美於商尹故茲誠諭其往率循

批答

賜皇后賀冬祀禮畢批答

敕皇后鄭氏朕夙駕齋輅親祠泰壇格茲熙事之成實亦柔儀之助方還詔蹕遠閱慶函載詠勤誠良深嘉歎

賜內中夫人郡君已下賀冬祀禮畢批答

敕某人等朕聿修元祀祗見上穹熙事迄成熙祥類至載詳慶膺良悉柔誠

賜皇弟燕王趙王賀冬祀禮畢批答

敕朕聿修大報爰舉明禋熙事迄成景貺昭格有嘉同氣實相盈

捕集三

儀及茲詔蹕之還首閱慶函之奏勤誠斯至歎尚良深

賜大長帝姬賀冬祀禮畢批答

朕消選靈辰稱秩元祀祗膺純佑獲底熙成茲閱慶章備形善頌虔誠斯至嘉歎良深

賜新除宰臣鄭居中辭免恩命批答仍斷來章

朕承列聖之垂裕膺上帝之降康適求厥靈考重其相益賴股肱之助克濟宵旰之勤以卿道術純明器業闕廊行高而志潔論正而謀嘉以文武之兼資有忠孝之大節踐揚政路於茲十年贊翼治功允惟一德用延登於宰席既敷告於朝倫胡為攝謙尚形遜避

賜新除宰臣劉正夫辭免恩命批答仍斷來章

朕祗循考翼聿承天休永思萬化之原必資一德之輔詢謀至重授受豈輕以卿學識高明器能弘博慮經遠而不競言底成而可稽自擢近司於茲八載其忠亮足以式百辟其通敏足以贊大猷

肆膺注意之公用錫揚廷之寵朕命不易爾勿固辭

賜新除知樞密院事鄧洵武辭免不允批答

朕惟本兵之府天下武政總焉嘉與不二心之臣圖回萬務以靖四方卿學術弘深器識高遠端亮之節著於朝倫忠諫之言簡於朕志迺以舊弼權長樞廷宜體朕懷往祗厥服何為謙挹尚勤訓

詞

賜宰臣鄭居中辭免冊命不允批答仍斷來章

卿以忠恪端亮簡在朕心擢位宰衡進秩亞保已戒有司涓日陳儀班百辟於廷而冊命之位重任隆禮惟其稱豈特褒嘉輔臣將以為卿士大夫之勸也往祗寵命無復重陳

賜新除知樞密院事鄧洵武辭免不允批答仍斷來章

朕以卿唯幄舊臣謀謨之嘉素履之美瞻察蓋有素矣擢長樞廷方任進為攝章繼陳殊勳朕志毋煩訓誥往懋承之

捕集三

除檢校少保充護國軍節度使開府儀同三司依前充太一宮使

加食邑食實封差遣如故某制

朕經武以緩萬邦信賞以勵羣辟有懷靈考不忘疆場之虞肆命信臣爰整干戈之衛總護諸軍屢奏膚功誕揚猷告之言寵錫勞還之禮具官某直方莊重敦厚裕和器任大而有容謀經遠而克繼秉忠自奮內宣心膂之勤仗義不回外著爪牙之助頃膺中詔往撫西陲事靡辭難言皆底績出入輶鈴之略縱橫帷幄之籌日百里以開疆新域列時月三捷而獻誠狂敵殄殲招來逋逃懲革姦矯黜羌請命遠近鄉風茲聆奏凱之音特舉疇庸之典視矜上宰聯袂繡之盛儀易節藩嶮旌麾之寵寄名進貳公之貴封陪多戶之優凡厥恩章時惟褒律蔽自朕志協於師虞於戲吉甫以伐獫狁之功來歸自鎬召公以平淮夷之美告成於王迺行壯猷無愧爾哲往綏祉福豈俟訓言可武康軍節度使除開府儀同三司某制

朕率時昭考建社稷無窮之基若昔大猷謹疆場不虞之戒修嚴武備贊協治功選於臣鄰既得詩書之帥授以麾節俾宜道德之威遠閱歲時宜疇功次肆優品秩進視公台不告治朝顯揚休命具官某器博足以任重才高足以濟繁憂勤百為有忠精享上之實險夷一節無循默養交之心夙被甄升亟踐華要令聞令望民言維休嘉謀嘉猷國是允賴曩付六靈往臨三軍并鉞參旗增壯爪牙之衛龍韜豹略獨占帷幄之籌念爾宣勞加予注想未申褒典殊鬱眷懷是用按厥舊章錫茲寵號惟開府建自魏制而儀同本於漢名階序尊崇禮文貴重簡在朕志僉謂汝諧於戲名器不以假人爵祿所以勵世惟茲異數匪曰私恩視爾師監爾邦期克道於彝訓修乃職考乃灑仁益奏於膚功可

擢集三

七

資嚴翼奇謀必中擅玉帳之威名義勇無前稟金行之勁氣久共武服積有戰功茲統銳兵往築新壘悉乃心力濟予事機誅斬寇讎曾隻輪之無返肅清邊徼方百堵之皆興用答殊庸特頒優賞洛郊顯鎮進乘於將麾狄道雄藩兼龍專於帥閭益隆寄任井示褒嘉於戲往城於方出車所以美南仲用錫爾祉江漢所以命召公無替前修尚觀遠業可

朕承列聖之休緒臨九有之嘉師通求厥盛考慎其相若構大廈必資柱石之強若濟大川必假舟航之利乃眷良弼夙著顯庸宜

申注意之公用錫揚廷之寵具位某道深造而自得氣直養而至剛材周萬物之微真古賢佐學洞六經之蘊為時儒宗恢恢文武之資顯顯忠孝之業回翔政路於茲十年翼贊治功允惟一德慮經遠而不競謀底成而可稽師言克諧國是永賴宜自斗樞之貴延登鼎鉉之崇兼總東臺升華亞保加以爰田之賦陪之眞戶之輸併錫寵章式昭異數於戲舉舉陶而選於眾朕不昧於知人迪高后而暨乃僚爾無忘於報上往服成命期邁前聞

擢集三

八

朱誇除尚書右丞制
朕仰承天休中外康乂嘉與黎獻守茲太平肆求一德之臣俾與萬幾之政具官某氣節剛毅才猷靖深道學貫於淵微明識開於倫類夙以文彩擢置甲科險夷備更越尚堅正曩自風憲進長儀曹忠讜屢聞國是允賴宜膺柄任修輔朕躬於戲網轄之地庶工所瞻其尚體朕用汝之意使命令之出於中臺者罔有不臧職業之隸於官聯者罔有不肅是為克稱尚欽念哉可

尚書右丞鄧洵武可尚書左丞制
朕敷求一德之臣與之共治惟中外萬務總於文昌而左右二丞實司筦轄更踐厥次必惟其人具官某識度高明謀謨忠亮夙以儒學揚歷要塗業履之優簡在朕志曩自憲部擢與機衡居多建明國是允賴宜膺寵命進服左綱於戲惟虛厥心乃能振舉樞憲惟正厥己乃能剝率官聯往服朕言勿替素守可

梁子美除尚書左丞制

敕朕宵旰圖治以承天休迺瞻樞憲之臣均任股肱之寄簡知滋久襄陟為宜具官某材猷閑深器識淳大風由學行之懿寔磨問譽之華踐揚居多險夷備歷靖共不撓公論所嘉比自民曹擢與大政業履休顯益契朕心宜服寵章序升左轉於戲惟公惟正乃能振舉機要惟和惟一乃能協贊廟謨往服朕言尚加勵勉可吏部侍郎杜常可工部尚書制

敕朕總覈名實凡小大之臣必惟詳擇庶幾協於克一守茲太平矧中臺六卿品秩高顯選用之體得人惟艱具官某揀履謀濟以問學持蒙侍從望實兼隆嗚呼予工宜以命汝惟程眾藝飭五材咸總於汝尚其勉哉可

承議郎試刑部尚書侯蒙可朝奉郎試刑部尚書制
敕考績之政掌於有司雖吾八座之臣亦率是法具官某踐揚要路業履清優報自中司分長憲部會課來上宜以序遷錫之命書往其欽佩可

摺錄三

御史中丞侯蒙可刑部尚書制

敕中臺六卿時謂八座秩品隆峻選授攸艱具官某曩以材猷寔膺推擇擢自瑣闥任予中司整飭紀綱克有譽處秩官之長往惟汝諸其既乃心以倡厥屬惟刑之恤庶紹前休可

尚書左丞何執中可中書侍郎制

敕朕宵衣旰食厲精萬幾惟二三執政大臣均任股肱之寄而發號施令根本於中書必惟忠厚乃克有濟具官某器識端亮謀猷廓深早膺授揚進講潛邸經術行誼朕所簡知曩繇銓曹擢總綱韓守正不撓為時老成是用延登西臺進聯右弼蔽自朕志協於師言於戲立政用人惟爾宣奉其尚益尊所聞迪朕以先王之典夙夜靡懈期底成功罔專美於前人茲有辭於永世可

鄧洵武除中書侍郎制

敕朕考擇臣鄰與圖邦治惟右省號令所自實司化源用人於茲夫豈輕授具官某直方不撓寬裕有容學總六藝之文識通萬微

之要揚歷華貫致位近司謀猷惟嘉翼贊國是比以序進延賓左綱忠恪之誠益契朕志宜膺寵命升貳西臺於戲立政惟其當故德澤下流用人惟其能故德業交舉往據遠業勿替朕言可何執中除門下侍郎制

朕詳延儒臣與之共政惟東臺出納命令相繼皇極發建厥貳蓋難其人具官某純誠不欺莊重有守識該通於倫類學兼綜於古今侍朕初潛舊膺瞻察擢真近弼師言允諧比服寵章進直西掖任屬加峻忠恪益彰宜以序升位於黃闈於戲惟守正可以斷國論惟同寅可以亮天工往服訓詞圖休於永可

左光祿大夫守門下侍郎吳君厚可資政殿學士充太一宮使制
敕朕禮貌大臣恩紀維厚任均佚勤之異禮全進退之宜具官某早服寵榮寔踐華貫再尹京甸兩冠冠民曹曩擢近司初持右轄存由西掖進直東臺參贊政機屢更歲筭茲援引年之義數形避位之言封奏繼來悃誠莫奪宜從爾請昭示朕恩用加祕殿之名仍

摺錄三

領真祠之秩是為優遇無忌欽承可

御史中丞席且可吏部侍郎制

敕六官之貳皆予侍臣而吏部職任銓綜至於封爵策勳與夫會課殿最之法悉以咨之具官某曩直詞垣進升瑣闥繼自盾省擢自憲臺文昌貳卿今以命汝惟朝廷所以馭羣吏者其法既具往祗厥服尚其懋哉可

光祿卿除戶部侍郎某制

朕以義理財庶幾家給人足國用饒羨如熙寧元豐之時開者修水土之政行鹽茗之法廣山澤之利復抵貨之令凡所以緝熙先猷者罔不備舉雖內則羣有司外則四方郡縣推行之至於逆其治聽其會以稽其勤惰登耗之實則其責蓋在於民部故二卿之選今難其人具官某才識敏明操守純正踐揚中外練達事為比膺選掄長於勳寺凡邦國酒醴膳羞之事以修其備備謹其出納節其等差量其豐約為職今予命汝以貳民部任雖不同舉斯以

加諸彼擴而充之其則益不遠也往哉惟欽勿替朕命
通直郎顯謨閣待制席旦可戶部侍郎管鈞右曹制

敕朕總覈名實為官擇人凡內外小大之臣罔不考鈞矧中臺貳
卿秩望華顯俾踐厥次必惟端良具官某學術純明操履堅正詞
垣所省憲府銓曹揚歷茲茲多休有譽處曩羅愛制既逮祥萃宜還
近班往副民部體茲眷寵無替欽承可

朝請郎試光祿卿韓持可戶部侍郎管鈞右曹制
敕朕總覈名實為官擇人凡內外小大之臣罔不考鈞矧中臺貳
卿秩望華顯俾踐厥次必惟端良具官某性資疏通心術弘贍揚
歷事任見謂詳明頃膺選掄擢長勳寺率職有裕朕所眷知宜服
命書往副民部邦國材用汝實總之圖稱所蒙無替忠恪可

廣西經略使王祖道除龍圖閣直學士制
敕朕操爵祿之柄以衰勵庶士察其勞能雖微必錄矧服在帥圖
而以四方之功達於朕聽宜優慶賞昭示寵嘉具官某疏通有謀

端莊不撓奉行詔旨開闢土疆三至平州靡懈衝冒舊城既築新
境來歸績效若茲良副眷倚用錫明命進直西清尚懋厥成嗣膺
召擢可

樞密直學士知成都府虞策降充龍圖閣直學士制
敕朕惟神考稽古驗今制免役之法以子惠天下紹聖纂承推原
美意緝熙訓典垂休無窮朕嘉與公卿大夫守茲成憲其常紛更
阻壞於其間者必治而懲之具官某項任民曹職當遵奉迺懷私
意妄改詔條彈章以問考實其在肆加貶黜川微官師往省前愆
毋重後悔可

侍御史余深可除御史中丞制
敕中司之任肅正朝端明法直繩國是允賴具官某氣莊以毅學
博而醇姿膺選掄揚歷憲屬望實之峻朕不弭忘比自螭坳延寘
橫楊風節勤特知無不言忠盡若茲良副朕志宜加褒顯擢總掌
綱往服命書豈俟多訓可

橫楊風節勤特知無不言忠盡若茲良副朕志宜加褒顯擢總掌
綱往服命書豈俟多訓可

朝奉大夫充顯謨閣待制知瀛州張近可朝散大夫依前充顯謨
待制差遣如故制

敕進敘羣吏邦有典常雖吾從臣亦率是法具官某擢在帥圖克
以材稱會課當遷有司條上宜升品秩以示寵嘉往服朕恩無忘
勵勉可

衛尉少卿韓持可光祿卿制
敕具官某光祿制卿班序視七寺為高故常擇望實久次者居之
惟爾繁更寺任往踐為宜凡邦國酒醴膳羞之政隨其等差務協
於度時乃稱制尚欽念哉

朝請大夫光祿卿李閣可顯謨閣待制題舉宮觀制
敕朕寵遇士臣務全禮意均勞之典時乃異恩具官某服采於朝
實長勳寺朕思慮之不失其宜又念其頃帥師湖外討蕩蠻獠克
復疆土且神考選拔之臣是用假以宮祠聯職華閣從任優秩尚
慎厥思可

起居郎席震可衛尉少卿制
敕具官某衛尉掌邦國器械文物之政令凡武庫之備與夫祭祀
朝會羽儀節鉞之屬總焉汝比擢記史日侍螭坳司衛副卿今以
命汝往踐厥次尚其懋哉可

摘文堂集卷三

制

龍圖閣直學士朝奉大夫林據可開封尹制

開封典治京師總漢三輔事任雄峻蓋難其人具官某心術疏通

材猷閱遠曩以詞學揚歷要途出守大邦益練民政今予命爾尹

茲浩穰輦轂之下耳目所及設施之要朕得以觀焉可不勉與可

朝散郎新除太僕少卿李罕可開封少尹制

敕具官某輦轂之下民俗浩穰惟擇俊良往貳內史惟汝風力彊

敏克以材稱比膺選掄擢佐司僕屬謀副尹僉曰汝諧祗服寵章

益加勵勉可

宣德郎尚書司封員外郎王孝迪可太常少卿制

敕具官某太常之長常缺不除而少卿實總寺事與朕三禮任屬

非輕惟爾學術行能夙有聞譽為郎華省亦既閱時宜膺選掄進

踐厥次服茲寵命尚加勉旃

摘錄四

祕書省正字蔡疑可起居舍人制

敕具官某聯職兩省均曰侍臣而載筆靖功茲為親近以爾問學

詞藝夙著譽言奉對廣廷嘗冠多士議論勁正風節可嘉是正蘭

臺涵養益粹不次之擢蔽自朕志其服命書進升右史尚多後祉

往惟欽哉可

殿中丞某官可祕書丞制

敕具官某祕書內閣昔比道山為丞於茲秩任清美以爾性質開

爽職業靖其學識行能士論推尚曩膺考擇贊治殿中夙夜克勤

久而愈勵惟策府育才之地肆予命爾涵養優游以備除擢往其

欽佩益懋厥修可

左司諫劉正夫可起居郎制

敕具官某載筆之臣記朕言動職清地顯選授惟難以爾學有師

承文知體要擢在諫省僉論允諧朕所簡知進升左史惟克祗服

尚懋寵榮可

祕書郎劉煥可起居郎制

敕具官某左右史臣記朕言動執簡載筆日侍軒墀惟爾問學淹

該行義端潔擢司祕籍涵養益嘉其服命書進直東省華要之職

兄弟迭居爾之膺此可謂榮矣往懋厥修以稱眷遇可

祕書郎趙思誠可著作郎制

敕具官某左右史臣記朕言動執簡載筆日侍軒墀惟爾問學有

文擢在清真典司祕籍亦既閱時石室鈔書金馬遞宿古人榮之

今以命爾蔽自朕志爾往欽哉可

奉議郎祕書胡仲可著作郎制

敕具官某朕招延俊良處之內閣而史館以謨述為職其選尤慎

爾學問辭藝夙有譽言為丞良臺閱日既久鈔書石室往佐討論

祗服朕恩尚加勉勵可

承事郎京東西路學事司管句文字蔡佃可祕書省校書郎制

敕具官某東觀圖書比於藏室典校之選時為清途以汝經術能

摘錄四

行夙有聞譽副朕清策名在甲科賜對燕朝載詳厥蘊敷奏有序

陳義可嘉儒館優游宜以命汝試用自此往惟欽哉可

祕書省正字俞果可校書郎制

敕具官某朕藏書東觀招延俊良以備異日公卿之選爾問學行

義升選於鄉名冠貢書朕所眷拔為郎典校時適序遷爾尚益尊

所聞副朕育材之意其勉之哉可

宣德郎劉煥可祕書郎制

敕具官某朕招延時俊寵以清途使之優游藝文不累以事益將

養成其材以備選擇爾學行之美達於朕聞召對燕閒陳誼可采

為郎東觀蔽自朕志爾其益懋厥修以稱朕命往欽念哉可

朝請郎權發遣轉運副使張莊可除直龍圖閣依前朝請郎制

敕具官某朕考覈羣臣務先效實疏榮示寵資以勸能爾擢在外

臺見謂敏濟修和新境宣力惟勤延閣清華選任攸重舉以褒賞

時乃茂恩往克欽承嗣有推擇可

奉議郎守殿中侍御史徐處仁可左正言制

敕具官某兩省諫臣以言入侍實朕耳目之任非有猷有守忠亮
不回者未易居此爾問學之醇操履之潔揚歷憲屬閱日既多糾
肅在廷雅志可尚用加褒進處以近班朕於庶言惟是正聽爾能
言之無慮朕之不能行也往踐厥官益思報稱可

通直郎試中書舍人侯綬可給事中制

敕給事中號東臺舍人以糾正違式為職肆於推擇必惟端良具
官某學術純明文采該瞻擢自柱史實諸詞垣建明居多抗議鯁
諤論駁之任汝往為宜其體眷知益加懋勉可

中書舍人鄭久中可除給事中制

敕朕為官擇人以熙庶績內外任使必惟材能矧東臺侍從之臣
出納所繫選用之慎宜難其人具官某學術醇明操履端潔比采
素望擢實詞垣論通古今之宜文得制詰之體肆加褒進以示簡
知夫閱讀之繁論駁之重惟忠惟恪適罔有愆汝往欽哉無怠茲

擢其四

三

訓可

左正言徐處仁可除給事中制

敕給事殿中典司論駁職親且要選授非輕具官某業履清優氣
節強毅比自憲屬延賓諫垣造膝獻言灼見忠懇不次之擢故自
朕心其即東臺超升夕拜往祗迺服無怠建明可

宣德郎守監察御史沈疇可殿中侍御史制

敕具官某殿中御史以糾正官邪為職凡在廷之臣與夫羣有司
違法慢令罪當按劾者皆得論列其任可謂重矣以爾操修端潔
問學貫通比緣簡知擢實臺察振肅綱紀風望甚高處以副端故
自朕志爾尚思職守之宜抗論以公母或枉撓是為報稱可不勉

敷可

宣德郎新除守左正言沈疇可侍御史制

敕具官某朕慎擇臺端參掌風憲紀綱所繫得人為難以爾問學
純明氣節剛勁擢在言路忠諫日聞宜自諫垣延實橫榻朕方總

覈名實緝熙治功尚懋爾猷以副寵命可

宣德郎辟應博士陳禾可監察御史制
敕具官某御史六察之臣分糾官邪紀綱所繫選用之際必惟其
人以爾質直端良遠於經術燕朝賜對敷納詳明是用命爾往踐
厥次惟既乃心察有司之不虔以聞於朝副朕總覈名實之意是
為稱職爾其勉哉可

宣德郎新差權開封府祥符縣韓筠可監察御史制

敕具官某朕總覈名實考較在服而御史六察以分按有司為職
非得其人夫豈輕授惟爾學術行義達於朕聞肆加褒揚俾踐厥
次爾尚克既乃心糾正官邪以副朕訓迪之意朕將釐爾之成可
不戒哉可

朝請大夫朱維朝散大夫行大理正王穀並可刑部郎中制

敕具官某朕明慎用刑教民祗德故刑官之選不以輕授爾等講
聞憲令練達事為茲用寵嘉擢實郎省爾其體朕欽恤之意使情

擢其四

四

法兩得下無侵冤時乃稱職尚勉之哉可

朝散郎新除司勳員外郎郭權可尚書司勳郎中制

敕具官某自都官遷勳府職任為清以員外升郎中品秩加峻朕
之待爾亦云厚矣其益勵勉以稱所擢可

吏部員外郎宋聖寵可右司員外郎制

敕朕惟尚書政本無所不總而左右司分贊省轄循名考實其選
甚高具官某服官銓曹休有譽處用加褒擢俾踐厥官尚既乃心
副茲明陞可

宣德郎尚書庫部員外郎趙寔可工部員外郎制

敕具官某起部掌營造繕緝之眾務為郎於茲蓋以材選爾以夏
官之屬引嫌自陳宜錫命書易踐厥次往加勵勉稱朕意焉可

都官員外郎郭權可司勳員外郎制

敕具官某司勳掌羣吏之勅級凡有勞列於朝者委之論定資秩
清優選授惟德以爾久服事任能譽可嘉是用擢自都官俾踐厥

次尚思敏於稱職朕將考爾之成可

朝奉郎戶部員外郎黃德裕可戶部郎中制

敕具官某朕脩先帝之法視郎吏責任而進之今有司考爾闕法當甄升其卽本曹敘位厥正往加勵勉以稱茂恩可

宣德郎新差權發遣提舉兩浙西路學事路權可禮部員外郎制

敕具官某朕惟禮樂學校之政令總於春官爲郎於茲考擇尤甚以爾經術行誼夙有譽言宜錫命書擢踐厥次往加勵勉務稱所蒙可

江西提刑何宗範可戶部員外郎制

敕具官某文昌六曹民部爲劇郎選之重必惟材能汝比膺選掄往分使指率職有譽達於予聞惟茲望郎宜以命汝尚其勉勵克稱寵休可

朝散郎尚書虞部員外郎蔡承可除別部郎官除主客員外郎制

敕具官某惟爾服職省部闕歲既多其自司虞易茲典容凡諸蕃

朝貢之事命爾總之宜務欽承毋或怠忽可

朝奉郎都隨可都官員外郎宣德郎王澤可繕部員外郎宣德郎趙靈可庫部員外郎宣德郎李康彥可職方員外郎制

敕具官某等中臺諸司職總內外遴選郎吏必求端良爾等咸以望實之優達於朕聽賜對清燕敷奏可嘉敬自朕心擢踐厥次惟爾克勤無怠協濟事功時乃稱職尚加勉哉可

朝奉郎陸偕可比部員外郎制

敕具官某中臺諸郎司計爲劇其職周知內外經費而審覆之非材術敏明未易稱此惟爾學識行誼達於朕聞賜對燕朝敷納可尚用加褒擢俾踐厥官爾其夙夜究心虔共毋怠副朕總覈名實之誠將釐爾成嗣有明陟可

宣德郎新除少府監丞李熙明可司封員外郎制

敕具官某中臺諸郎考擇攸慎而司封掌邦之封爵時謂清曹必惟峻良乃洽公論爾以材譽達於予聞賜對燕朝敷納有序宜服

名命擢踐厥官往其欽承勉思所稱可

朝奉郎黃德裕可戶部郎官管鈞右曹制

敕具官某民部右曹所總爲劇郎吏之選朝廷遴焉惟爾舊服事勞嘗擢華省以喪去位終制還朝宣錫命書俾踐厥次往承無斁務稱恩榮可

承務郎差知婺州沈錫可吏部郎官制

敕具官某中臺六官職總內外考厥官屬必求峻良惟爾學識之優擢於東觀宜膺郎選處以名曹往務欽承副子甄獎可

朝散郎提舉承興軍路學時可工部郎官制

敕具官某中臺六官職總內外考厥官屬必求峻良惟爾按學雍郊士論嘉尚召實起部俾程百工往務欽承副子甄獎可

朝奉郎成都府路提舉常平王谷可戶部郎官制

敕具官某中臺六官職總內外考厥官屬必求峻良惟爾出分使輶能譽可尚宜膺郎選佐劇民曹往務欽承副子甄獎可

承事郎守光祿寺丞張邦憲可宣義郎光祿寺丞制

敕具官某爾父嘗典修書例有褒賞以恩回投朕所嘉從進爾一官俾仍舊職無忘忠孝迺副寵榮可

通直郎編具興復所點檢官徐闕中可衛尉寺丞制

敕具官某九寺置丞皆以能選惟爾靜而務敏宜踐厥官其服命書往贊司衛尚加勵勉務稱所蒙可

承事郎邢京可司農寺丞制

敕具官某今予命爾往丞司農凡倉儲委積之政令爾實佐之其加勉哉可

承議郎吳暉可大理寺丞管江右治獄制

敕具官某九寺之屬雖職任劇易不同皆朝廷養材以備異時之用今予命爾往丞大理典治犴獄其勉之哉可

承議郎郭瑗可大理寺丞制

敕具官某諸寺置丞皆贊寺事而理官之屬職任爲劇惟爾練達

吏事宜廣茲選欽承予命益懋厥修可

承議郎試殿中監鄭久中可朝奉郎依前試殿中監制

敕考績之政計其歲月稽其功緒而後進之雖吾邇臣亦率是法

具官某學識純正才猷敏明揚歷清華望實休顯有司會課茲惟

典常宜進文階錫以明命往祇乃服務稱恩榮可

給事中鄭久中可殿中監制

敕朕追述先猷建中御府總六尚之政令職任親近必資端良具

官某業履靖共學識純粹夙以望實揚歷要塗掌誥西垣詞知體

要進升瑣闥居多建明惟茲盾省汝昔嘗為之貳矣考慎厥長莫

如汝宜往究乃心副朕循名責實之意尚加勉哉可

宣德郎守尚書司封員外郎王孝迪可殿中少監制

敕具官某朕建中御府總六尚之政令而少監為之貳為官擇人

任屬尤慎以爾學術行誼夙有令名聯職麟臺進備郎選靖共繙

藉朕心所嘉用錫命書擢踐厥次往思報稱尚加勉旃可

右正言盧航除殿中少監制

敕具官某置監殿中總六尚之政令掌予御服任屬匪輕惟爾學

術行能夙有聞望回翔言路宣力為多宜服命書往貳厥事尚加

勉勵以稱寵榮可

起居郎劉炳可殿中少監制

敕具官某置監殿中掌予御職任親密品秩優隆以爾學術文

詞夙著時望操修端潔論議有餘宜自螭坳往貳厥事體予眷任

其懋承之可

朝請大夫都水使者梁子野可左中散大夫行都使者制

敕具官某名器之寶以示等威慶賞之優以觀勞列比緣新墨畢

工寵進汝秩雖官有常格弗以序遷朕方衷善錄勤非汝何適往

服新命圖稱所蒙可

朝奉郎吳績可朝散郎制

敕具官某新墨告成稽其功次汝以外臺屬官嘗預供億進官一

等其往欽承可

進士李公衍可將仕郎制

敕具官某宮省之臣出領使事惟爾謹恪往從其行併陳典御之

恩乞以回授錫茲命秩其克欽承可

通直郎富兆榮可奉議郎制

敕具官某朕建外宗正於別都其財用共億嘗命有司掌之今復

茲廢官以汝舊膺推擇擢進品階俾踐厥次往服恩命尚其勉哉

可

將仕郎充詳定一司敕令所刪定官邢倚將仕郎充詳定一司敕

令所刪定官曹詢並可宣德郎差遣如故制

敕具官某等士之選於吏部者朕必引見於廷親閱其行治勞列

而後命之今朕就進爾秩俾仍舊服朕之待爾非常調比往其欽

承勉思所稱可

太史局保章正呂琦可太史局靈臺郎制

敕具官某爾父推測有勞宜膺賞典許以回授序進厥官往服寵

恩無替厥藝可

文林郎新羌州州學教授柯棊可辟廱錄制

敕具官某爾名在科甲學行有譽比膺朕命掌教類林進直辟廱

益爾選擢往踐厥次尚加勉哉可

西寧州教授歙州進士黃庭贈可將仕郎樞密院關黃庭贈吏部

供到今年七月內奉聖旨西寧州著學措置就緒其蕃族子弟

甚有能者漢字通誦孝經漸習論語皆知嚮方慕義化革獠俗

所有蕃學教授黃庭贈與假將仕郎以為訓誘不倦之勤本部

取家狀未到未留給付身奉聖旨黃庭贈特與將仕郎仍疾速

出給付身制

敕具官某朕建蕃學於西寧既克就緒爾以進士預講授之選訓

誘為勤今蕃族子弟能通書文誦習儒典嚮方慕義俗由化革雖

朝廷聲教所暨爾預有勞宜錫官榮昭示勸獎欽承恩命尚其勉

哉可

通仕郎充詳定一司敕令所剛定官元時敏可特授宣德郎差遣
如政制

敕具官某朕設局命官刊定有司之政令爾率德於茲亦既閱時
近臣建言并舉近例進爾祿秩往其欽承可

宣義郎陳效可御史臺主簿制

敕具官某憲府肅正朝綱肆於簿領之臣考擇惟賢以爾材實之
美宜踐厥官錫茲命書往承無斁可

承務郎梁楊阻可國子監主簿制

敕具官某簿領之臣以句檢稽失為職凡材質可尚而未試於用
者朕於此養成之今命爾於國子往其懋哉可

朝散大夫徐申奉議郎宋或可並大晟府樂令宣德郎李邁將仕
郎吳叔賢可並大晟府協律郎制

敕具官某等朕復大晟府名禮樂異職各迪有功以追治古之盛

擢舉四

爾等咸以通於聲文擢踐厥屬欽承無怠嗣有寵嘉可

皇叔博州防禦使仲并可特授府州管内觀察使制

敕朕永懷孝思念茲祖考推原所自褒顯近親豈惟示敦睦之恩
亦以彰忠厚之化具官某列於屬籍夙奉內朝恪謹有常祗循憲

度宜錫金書之寵進升廉察之崇尚體眷勤克綏祉福可

衛州防禦使仲彥可蔡州觀察使制

敕具官某爾母遺言祈恩子姓朕所矜允已詔有司而爾服喪於
家既克終制宜加申命擢進厥官廉察大邦名秩滋顯務光恪謹

迺稱寵休可

皇姪右驍衛將軍有恭可正任觀察使制

敕朕永念神考孝慈靡忘推恩天倫逮其子姪具官某性守淳懿
謹恪夙成宜錫寵章擢進厥位大邦廉察名秩寔隆服茲命書克

綏壽祉可

宣政使金州觀察使李某可宣慶使依前金州觀察使制

敕朕褒厲庶工協濟萬物凡以勞力聞於朕者雖在疏逖賞不淹
時矧官省近臣克有勤績耳目所及其可弭忘具官某賦材敏明
迪己莊慎業履之美朕所眷知曩資其能總按戎器製作犀利工
用不愆宜錫恩章昭示嘉獎宣慶置使品峻秩隆往其欽承勿替
忠恪可

延福宮使福州觀察使梁從政可觀察留後依前延福宮使制

敕朕奉先追往孝思靡忘迺瞻先帝之臣逮事潛邸寵升位秩示
不靡忘具官某稟質慈祥檢身勤茲踐揚事任積有譽言茲修謁
款之儀欲伸懷舊之感總擢爾務錫以命書其益體於眷知克永

綏於祉福可

觀察使馮世盛可節度觀察留後制

御批馮世盛已歷省試八年有餘檢身靖共端潔清廉左右恪勤
公忠有補兼係哲宗朝攀附之臣宜加恩獎特與除節度觀察留
後敕兩使隆名兼總爾務秩優品峻投受匪輕具官某趣尚靖共

持守密公忠有補勤恪不渝攀附先朝克彰譽處服職內尚八
年於茲端潔清廉久而益勵用加獎擢以示寵榮往承朕恩無俟
多訓可

擢舉四

皇叔黔州觀察使知西京外宗正事仲忽可觀察留後制

敕具官某任職之臣凡以勞列聞於朕者雖在疏逖賞不淹時矧
邦族之親恩紀宜厚乎爾於屬為尊朕所眷遇比建外宗正於洛
師命爾總之既克就緒宗子近喜罔不肅戢雖朝廷教養之備爾
預有勞宜錫恩章特擢常格擢升留後以示尊崇往服命書勿替

恪恭可

福州管内觀察使鄭紳可除安德節度觀察留後制

敕朕膺祐于天宮閣嗣慶推恩外屬茲有典常具官某仁厚溫恭
世載令德是生內輔位冠四妃宜因苑寢之祥申錫命書之寵兩
使爾務品峻秩隆為擇大邦併示優獎往其欽佩益介繁祉可

明州觀察使陳承成可節度觀察留後制

明州觀察使陳承成可節度觀察留後制

明州觀察使陳承成可節度觀察留後制

敕朕富有萬邦親養靡遠迺眷舅氏如母之存申錫命書以示褒寵具官某宅心端靜毓德粹和欽慈之兄朕所優禮涓陽之感夙夜不忘宜益峻於恩章俾進升於畱務往其欽佩豈假訓言可權發遣河北路轉運副使王博閣可轉一官升充轉運使制

敕具官某惟爾材力之優奉使朔部供億新墾役不愆期考諸事功又加辦集將命若此朕心所嘉宜正使名仍遷位秩併推恩典以示眷懷往其欽承無替爾守可

朝散郎河北轉運副使康位可集賢殿修撰河北轉運使制
敕具官某河北被邊帶河將漕於茲任屬攸重惟爾自膺臨遣勤恪不渝職業交修達於朕聽宜加寵命擢進使名仍升書殿之華益峻外臺之寄往思所稱尚觀爾能可

左朝議大夫提舉西京崇福宮宋喬年可依前京畿轉運使制
敕具官某京畿將漕之臣權任視他路為重朕於用人考擇攸慎以爾性資純明年力強濟曩膺臨遣風望□□宜解琳宮俾還舊服體茲申命無替前勞可

熙河蘭湟路計度轉運使降授朝請郎充集賢殿修撰洪中孚可
顯謨閣待制本路都轉運使制

敕西清次對資望高華選惟賢能夫豈輕授具官某夙以材術揚歷外臺敏於赴功往克稱職比因奏計灼見恪勤蔽自朕心擢參從臺仍遷都漕俾峻使權其體眷知愈加懋勉可

戶部員外郎吳擇仁可發運使制
敕具官某發運置使會東轉輸以助經費其任可謂重矣惟爾出按邊郡入踐民曹宜知邦國調度之詳是用選於在廷擢總六路

爾其夙夜究心圖以效實稱予寵命尚加勉哉可
刑部侍郎曹孝蘊可顯謨閣待制發運使制

敕具官某夙膺選掄更更劇貳子憲部亦既閱時惟六部轉輸爾嘗總領其中命書寵以使權次對西清時惟舊職往圖效實尚

肩乃心可

朝散郎淮南運副張勵可兩浙運副制
敕具官某吳越俗阜事繁朕思得良使者往率列城究宣恩施惟爾比膺臨遣將漕淮濡刺舉之能見於已試易茲劇部朕所選掄尚其懋承毋或怠忽以稱朕命可

摺集四

三

摺文集卷四

龍圖閣學士左中散大夫新差知太原府陶節夫可知江寧府制

敕一路會府總轄庶邦任兼兵民必擇資望具官某易帥全晉既

錫命書賸茲建康望冠左右與予共治汝往惟宜聯職西清實長

卿部往慈治行以稱寵榮可

左朝議大夫直龍圖閣權發遣慶州錢昂可權發遣延安府制

敕具官某高奴右地控制羌戎師帥之臣考擇尤慎惟爾材資開

爽風力精強摧守慶陽聲績兼茂就更闢奇益賴壯猷往圖庸公

以稱朕命可

龍圖閣直學士知太原府鍾傳可知延安府制

敕朕推擇時才付以戎閫撫循經制委任匪輕具官某夙膺超除

揚歷方面聲績之茂朕維汝嘉延安大邦控制西鄙謀帥尤慎會

曰汝宜往勵壯猷以稱朕命可

新知青州胡宗回可知開封府制

敕澶淵重鎮初錫府名師帥之臣考擇尤慎具官某器識恢闊踐

歷邊要命守青社詔墨尚新揣材之宜易茲比輔往宣恩施以輔

士民祇服訓言愈加勵勉可

兵部侍郎王漢之可顯謨閣直學士知成都府制

敕坤維大邦外控蠻徼師帥之重輟予侍臣具官某夙以選掄揚

歷要路召武兵部亦既閱時宜直禁塗往紆華絳無謂蜀遠務悉

乃心綏寧厥民尚觀報政可

朝散大夫試尚書戶部侍郎徐彥孚可顯謨閣直學士知太原府

制

敕朕輟中臺貳卿出領方面兵民所寄眷任匪輕具官某夙以材

猷揚歷華要比還民部亦既閱時迺瞻全晉之雄為國屏翰總護

諸將務壯中權選於在廷爾往惟允仍升禁直式遺其行尚懋爾

忠勿替朕命可

龍圖閣學士知延安府陶節夫可知太原府制

敕朕輟中臺貳卿出領方面兵民所寄眷任匪輕具官某夙膺褒

除揚恩事任出殿西鄙閱日既多全晉之雄為國屏翰布宣威德

往惟汝諧其遠乃猷以稱朕命可

工部尚書兼侍讀錢適可樞密直學士穎昌府制

敕朕輟華近之臣付以蕃宣之任中外雖異待遇惟均具官某曩

自中司長予起部進陪經懃亦既閱時穎川大邦自昔優倚其以

樞直往臨彼民朕修先帝遺意制作法度布之四方惟悉心推行

俾德澤下究於民迺有譽處汝其勉哉可

劉仲武特轉四方館使遷都刺史升權本路鈐轄潘達特轉東上

閩門使依舊遷都刺史制

敕朕不承先志彌理西陲慎擇忠勇之臣分總師旅以備討擊爾

等乘機決戰挫賊銳鋒斬馘既多羣醜奔潰捷奏將上朕用嘉之

爰大厥功第加褒擢益思奮勵嗣有寵休可

入內皇城使忠州刺史任珪可遷都團練使入內皇城使梁昭慶

可遷都刺史制

敕具官某朕賴帝錫莛弓鞠告祥祇奉之臣宜均慶澤爾等稟資

謹恪涖職專勤錄其事勞與茲恩命或進升於使秩或兼領於郡

符祇服那榮益思報稱可

入內洛苑使某人可化州刺史依舊洛苑使制

敕具官某朕操慶賞之柄以褒勵庶臣稽其事勞未嘗輕授惟爾

服在禁省久著錄勤累膺選掄往使邊圉條奏利害悉有建明宜

錫恩章俾領郡綬體茲優獎無怠欽承可

青珪裕勒契與皇城使遷都刺史制

敕具官某惟爾驍勇之勤著於族部奮身效順朕心所嘉正使隆

名加以郡綬錫茲恩典以示褒崇往其欽承勿忘報稱可

皇姪右武衛大將軍有常可依前右武衛大將軍迺都刺史制

敕具官某朕追懷天倫推恩子姪惟爾生而粹美性質可嘉宜膺

寵章擢升品秩其自環衛遊領郡符往服命書益祿福可

兩朝佑聖太夫人姪和州防禦使張維周可觀察使西上閣門使

張維□可遷郡刺史制

敕具官某等宅心仁厚毓德粹和服龍益彰休有譽處宜升位秩

并示褒崇或自禦侮而升廉車或以華問而紆郡綬兄弟聯進同

錫命書是為顯榮往其欽佩可

皇城使張大中可遷郡刺史制

敕具官某惟爾率職邊陲克著勞列逮茲閱試宜有褒嘉郡絀之

華俾爾兼領服茲茂渥尚加勉旃可

西京左藏庫使張得臣可文思使遷郡刺史制

敕具官某爵祿等差時乃公器校功第賞惟以勸能爾頃由選掄

往茲戎械工用不爽宜力為多宜錫恩章以示甄獎擢升厥位仍

領郡符其克欽承蓋思報稱可

左藏庫副使魯瓊可文思使遷郡刺史制

敕具官某惟爾英祖舊臣逮其潛邸茲因謁款有惻朕心用錫恩

章擢進爾位往其欽佩務保寵榮可

青珪倫正結轉遷郡刺史制

敕具官某惟爾事上忠精隨故曉勇勳績之茂朕心所嘉宜錫恩

章寵以郡絀往其祗服朕不弭忘可

敕具官某惟爾奉事潛邸勤誌可稱朕不弭忘錫茲寵命往加勵

勉以稱恩榮可

右監門衛大將軍士儔可依前右監門衛大將軍資州刺史制

敕某朕嘉宗室能以惇睦保其富貴宗正上膺選者吾每有以褒

寵之今茲爾由門衛之例升總郡符班著增峻而稍廩有加非虛

名也往欽厥旨無替前修可

皇弟右監門衛大將軍叔董可依前大將軍蘭州刺史制

敕某持節以護方州列第四奉朝請可謂榮貴矣以爾久參環衛

修飭有聞膺此寵遷無替厥服可

皇城使帶御器械凌文前可依前皇城使康州刺史差遣如故制

敕具官某爾擢自神考從軍遠方克懋忠勤綽有實效錄其歲閱

爰錫寵章刺舉隆名選授維慎今以命爾往欽念哉可

左藏庫副使劉承緒可禮賓使充嘉州制

敕某爾以肺腑之親參侍帷幄稽勞閱歲宜有褒遷矧建安先帝

同氣宗女之貴今莫盛焉願厥夫宜均慶澤正聯內使遷絳州符

是日異恩其思報稱可

皇城使鄆延路都監耿端彥特遣遷郡刺史制

敕具官某羌酋內附爾有顯勞效職若茲惟朕以憚特加褒進遷

刺郡城祗服命書益思忠報可

王端復集賢殿修撰差知廣州制

敕具官某朕賴天鑒臨中外康靖嘉與臣庶道迎休祥爰因改元

之初特施作解之澤惟爾曩擢帥闕聯職從班坐廢閱時更蒙恩

宥宜加甄敘錫以左符番禹大邦作屏南土參華書殿以寵其行

高克懋承無忘報稱可

故朝奉郎直龍圖閣游師雄可特贈集賢殿修撰制

敕具官某守正之臣國是允賴雖其論謝朕不弭忘以爾元祐之

初抗論邊事力沮棄地之議獨全享上之名乃至生獲大酋威震

強敵權臣排抑賞不酬勞書殿華表特推贈典仍官一子俾世厥

恩勉思報稱可

西京左藏庫使新差高陽關路走馬承受公事鄭子奇可遷郡刺

史制

史制

史制

史制

史制

史制

史制

家尚其有知服我休寵可

淮南江浙發運使劉何可集賢殿修撰差遣依舊制

敕具官某中外任職之臣凡以勞列聞於朕者必序其勤而賞之

故說於見知人用胥勸惟爾將漕六路趨辦不愆奏計燕朝歲額

增羨宜升華於書殿俾益峻於使權往服恩章愈加勵勉可

朝散郎河東經略司管句機宜文字李成允可陝西轉運判官制

敕具官某諸部要劇莫如陝郊將漕之臣臨遣尤慎惟爾嘗從戎

幕詳練事為寵以使報宜克稱職往加勵勉尚觀爾能可

宣德郎新除大理寺主簿王萬可京畿轉運判官填創置關制

敕具官某京輔轉輸視他路為劇比降詔旨增遣使報俾貳厥事

而以推擇預茲新命豈不榮哉往悉乃心務底功實千里非遠民

言日開朕得以考焉可

新湖北路轉運判官劉損可江東路轉運判官相度湖南北路采

木初變可湖北路轉運判官制

敕具官某等朕以良法美意加惠四方推行未淹己著成效部使

者惟克遵奉察吏之度時乃稱職汝材力有餘久更事任選於在

列往佐外臺汝其思朕所以臨遣之意毋以便文僥倖朕將觀汝

之能而以寵榮加焉汝其勉哉可

戶部員外郎周紳可淮南轉運判官制

敕具官某朕緝熙法度布之四方部使者惟達於朝廷恩意志慮

乃克稱職爾比以材選為郎劇曹長淮之南往分使指爾其遵奉

詔令察吏之不度俾惠澤下究以副朕命尚其勉哉可

通判乾寧軍晏幾道可開封府推官制

敕具官某開封府浩穰任兼三輔往佐府事必惟材能以爾更緣

事為積有聞譽選於在列俾踐厥官毋忘恪恭以仁明陟可

朝請郎刑曹參軍潘迥可開封府右司錄承議郎開封府參軍王

叔堪可土曹參軍宜德郎開封府參軍張仲綱可兵曹參軍朝

奉郎開封府參軍張總可工曹參軍制

敕具官某等開封府典制京師事任為劇比復舊制備建屬官而

爾等咸以薦揚達於朕聽往踐厥官務底功實稱朕意焉可

潘羅漢除忠州刺史充溫州管界部都巡檢制

敕具官某爾天資武勇雄於越川效款元符嘗加命秩中遺棄外

識節不玷國爾忘家茲復來附宜優獎擢以勵遠臣領刺名邦俾

察蕃部無忘忠報嗣有寵嘉可

錫伯中族大首領隆職補皇城副使帶本族巡檢錫伯上族大首

領嘉勒幹補皇城副使帶本族巡檢錫默族大首領倫珠卜補

左藏庫副使帶本族巡檢制

敕具官某等爾等驍勇之資雄於種族輸忠內附志節可嘉宜錫

官榮兼領巡邏往圖報稱嗣有恩章可

崇儀使何灌可就差提舉河東路保甲兼提點刑獄制

敕具官某爾進由武列材美可嘉賜對燕朝敷納有序河東要部

擢領使華按予民兵兼糾庶獄資其官力事任匪輕往懋乃功以

稱推擇可

崇儀使威州刺史提舉河東路保甲兼提點刑獄何灌可除西上

閤門使依舊遙郡刺史差高陽關路兵馬鈐轄兼知滄州制

敕具官某朕惟名器之重不以假人凡爵祿之馭羣臣必計其歲

月攻其功績然後授之耳比分使指於其陛辭之初寵以郡章贊

書方下又擢守景城升華上閣旬日開三錫恩命朕之待爾豈羣

臣比哉爾其夙夜激厲圖以效實稱朕不次之舉可

朝請郎同管句成都府等路茶事兼提舉陝西等路買馬公事龐

寅孫可依前官除直祕閣差遣依舊制

敕具官某爾以材力之優往按茶事收息饒羨勞列可嘉芸閣寵

名選授惟慎增華使指惟爾之榮往其欽承益圖效實可

翰林書藝局藝學李倚可翰林書藝局直長充待詔制

敕具官某惟爾服勤藝學有甄升敘遷資示恩其加勵勉可

翰林書藝局藝學吳端可翰林書藝局硯紙待詔制

敕具官某九鼎告成舊推慶賞與茲恩典於爾為榮執技翰林無替勤恪可

祇候孟懷又轉猶邊花待詔制

敕具官某餽廉稱事以勤百工汝執技尚方服勞靡懈宜加敘進為汝寵榮往承新恩益勵後效可

從事郎新除太學博士郭敦實可依前試辟雍博士制

敕具官某朕親御翰墨刊定學制付之有司以教養多士爾於此以問學行義預辟雍之選豈不榮哉往踐厥官朕將考汝之成而進寵之可不勉與可

從事郎權辟應正陳詢可辟應博士制

敕具官某爾經術行能夙著聞譽屢膺考擇掌教預林力行究心克有成效終更還闕權職辟應論議純明多士推尚博士之選爾往為宜其遠乃猷尚多後祀可

將仕郎試辟應錄陳汝錫可辟應博士制

敕具官某博士以經術訓迪多士蓋周官師儒之選也惟爾服在學校休有譽言宜膺命書進踐厥次往加勵勉稱朕意焉可

尚醞奉御馮澤可改差充尚食奉御制

敕具官某六尚奉御之臣職任親近選於左服必求端良惟爾教濟恪勤見於已試掌予膳品宜稱厥官往其欽承以任襄陽可

儒林郎裴宗元可醫學博士制

敕具官某朕因能任使各當其宜訓醫之官肆以命爾往加懋勉務稱恩章可

延福宮使奉國軍節度觀察賈後郝隨可依舊知入內內侍省事制

敕朕於左右近臣任無重輕必惟審擇矧禁省之長冠於內可與領至隆擢授宜選具官某材資敏濟心術疏通陳力宮廷積有勞勤朕用眷錄召復舊班惟三代盛時侍御之選固非正人出入起居資其承爾今朕命爾總護厥官期相前修無俾專美可

入內內侍省皇城副使吳德仁可依前入內內侍省皇城副使充殿中尚舍奉御制

敕具官某六尚奉御事任親密必擇勤恪敏給之臣今予命汝往踐厥次凡履帑供張汝其掌之宜悉乃心以稱朕意可

中書省額外守關主事魏伯誠可西頭供奉官出職制

敕具官某爾祇事省垣閱歲云久錫以命秩俾服官常是為寵恩往承無忘可

西頭供奉官錢景振可依前西頭供奉官閤門祇候制

敕具官某祇奉上閣武列為華惟爾舊膺選掄迨今十稔宜加兼職進服事勞往務欽承勉圖效實可

左班殿直黃晉可依前官兼閤門祇候制

敕具官某上閣祇奉實贊朝儀惟爾擢自右銓預茲榮選往思所稱無替恪勤可

西頭供奉官夏大中可特授宣德郎制

敕具官某爾惟務學不懈達於朕聞召試辭理可采宜膺明命優易文階往服茂恩務先忠恪可

通仕郎抵曆所參議官謝中美可宣德郎制

敕具官某汝進由經術典教預林而博綜多聞明於象數刊定曆紀閱數有勞薦章以開并舉近例命汝祿秩往惟欽哉可

右侍禁徐位可特授西頭供奉官大將杜觀可特授三班奉職制

敕具官某等姦民犯法罪孽必誅爾等告捕有勞宜加賞激往服恩命無替忠勤可

故三班奉職梁權兄壘可三班奉職制

敕具官某惟汝天倫死於金革宜推恩典優卹厥家用錫官鈐汝其祇服可

開封府職級李湍可奉職開封府額內守關府典事于士明可借職制

敕具官某等軍器建局爾與有勞錫茲官榮往其祇服可

三班借職孫來可三班奉職制

敕具官某爾諳練獄事推鞠有勞擢進一官以示嘉獎欽予時命尚加勉旃可

故如京副使石福男堅可三班奉職姪男娃保姪孫成可並特授三班借職制

敕具官某死事之臣朕所閔惻肆推恩典以卹其家命爾官榮往思報稱可

將仕郎侯叔可左班殿直制

敕具官某爾捕獲強寇功次可嘉擢次武班時乃懋賞往祗乃服以稱朕恩可

都水監署押官李士定可右班殿直制

敕具官某爾以年勞應格朕久錄其祗奉之勤併錫恩典擢茲命秩其往欽承可

奉職楊逢原可右班殿直制

敕具官某爾父率職不懈以勞當遷乞移恩章屬於子姪進官一等爾其欽承可

將仕郎趙達可特授左班殿直制

敕具官某爾獲強寇勞烈可嘉易進武階昭示甄獎往加恪慎以稱茂恩可

招箭班姚永盛可補右班殿直制

敕具官某爾服事勤勞宜有甄錄其蠲尺籍進序官聯往務廉勤以需選擢可

辰州敘浦縣百姓黃順可特與右班殿直制

敕某蠢彼山獠既克討蕩執訊獲醜汝預有勞帥臣以聞宜加獎激寵汝命秩往其欽承可

涇州廣銳第三十一指揮都虞候李吉秦鳳路嵌補廣銳都虞候齊貴可並特授左侍禁制

往其懋焉可

王材因殺逆賊王闢郭希賊馬立功投進義校尉制

敕爾頃以捕賊有功應賞申錫書命祗服官榮可

左班殿直侯舜賢可右侍禁制

敕具官某宮闈進對厥有恩數乞遷爾秩朕豈不從錫茲命書往維欽服可

三班奉職韓武可待禁制

敕具官某死事之孤朕所閔惻肆推優典擢進厥官往其欽承無忘忠孝可

左班殿直張珍可右侍禁制

敕具官某朕既寶藏宸集推賞史臣爾奉行文書亦有勞動進官一等往其欽承可

齋勒巴族東頭供奉官本族巡檢阿瓊男倫布與右班殿直制

敕具官某爾父奮武戎行委身徇國有司具奏悼念不忘錄爾以官往維祗服可

畫學錄張昫顏可將仕郎依前畫學御批進過花果三十品筆法頗有可取制

敕具官某惟汝巧於丹青筆法可取宜加甄獎用錫官榮往承朕恩益精厥藝可

內殿崇班張永年可特授內殿承制制

敕具官某爾殺獲凶醜勞效可稱宜錫恩章以示嘉獎進官一等往其欽承可

故秦國夫人林氏孫閣門祗候李克忠可內殿承制制

敕某仕緣恩閣籍在禁闈予哀保母之終且有緒孫之託宜進承於殿制益視峻於朝聯當務欽修思荷恩寵可

右班殿直梁誼可依前右班殿直閣門祗候制

敕具官某朕念爾父被遇先朝服勤邊陲聲績兼茂宜推恩典寵錄其孤聯職閣門選授攸慎今以命爾維以勤忠往務欽承無替

厥紹可

右班殿直閣門看班祗候同提點承受張士文可閣門祗候制

敕具官某惟爾事朕潛宮謹恪可尚宜加甄獎示不弭忘往服命書益思所稱可

借職閣門祗候鄭綬鄭絳可並右班借職依前閣門祗候制

敕具官某等朕仰膺帝祉堯寢告祥推恩外家茲有彝制爾等列於戚屬勤慈可嘉宜服命書序升位秩往其欽佩務稱寵榮可

內殿承制郝琳御批故殿前都指揮使都質孫男琳為係勳臣之後可特與閣門祗候制

敕具官某惟乃祖昔事殿陛為國勳臣肆加表揚錄其世裔祗事上閣汝往欽哉可

右侍禁劉閣可閣門祗候制

敕具官某爾右選小臣而姓名達於朕聽擢進邊徽寵以職名於爾之所遇可謂榮矣毋替忠勤尚多後祉可

摺集五

十一

西頭供奉官焦大祐可除閣門祗候制

敕具官某朕永懷欽慈眷優外屬爾其東出宜典恩章宸閣華資選授惟慎今以命爾其懋承之可

右班殿直閣門看班祗候劉敏可依前官閣門祗候制

敕具官某惟爾列班宸閣勤慈可嘉宜錫寵章擢進厥序仍錫常直以示褒優體予異恩勿忘報稱可

東頭供奉官汪慈明可閣門祗候令再任制

敕具官某爾執勒彌場久著勞能論薦文章達於朕聽宜加獎擢率屬遠臣錫以榮名寵之舊服往承欽命無替厥忠可

閣門看班祗候夏大中曹喻賈誦潘臨任尚賢吉希孟可各轉一官並罷閣門看班祗候制

敕具官某閣門員多慢於祗事汝宜罷遣尚進厥官往服命書勉圖自效可

陪木沁札實錫喇卜策進奉人大首領都軍主奔巴凌阿袞轉軍

都指揮使小首領三人節幹存温伯奇君主制

敕具官某爾等奉具方物來貢闕廷載考乃成宜有慶賞特加還敘往惟欽承可

楊承男進果與補右侍禁進穩與補三班奉職制

敕具官某男某等爾父納地效順既服寵於朝又獻山林之材以祈恩於子朕念其誠恪享上嘉從其言錫爾官榮往惟祗服可

虎翼左第二軍都指揮使使德州刺史楊吉可除左領軍衛將軍致仕制

敕具官某爾執勤公家積有勞列以年歸老宜錫恩章環衛隆名貽示褒寵往錫壽祉克享厥榮可

四方館使康州防禦荆湖北路兵馬鈐轄黃忱可引進使依舊選郡防禦使致仕制

敕具官某爾效順熙靈累著勞績今其告老宜有褒優禦侮隆名寵之舊秩仍遷使額以榮其歸體予異恩往綬祉福可

摺集五

三

摘文集卷五

摘文堂集卷六

制 西蕃大首領皇城使某與轉送郡團練使制

敕具官某爾奉其方貢來造關廷載考所有克效誠款名使團結品秩優隆錫茲寵嘉肅示獎激無忘忠報以稱恩章可

故左藏庫使趙從義可贈皇城使惠州刺史充本州團練使制

敕設館以待四方之臣置使董之品峻地親朕不輕授其位某貴主之子端謹慈良引例自陳祈恩於朕宜遷品序以示眷懷服茲命書往祗厥事可

入內皇城使資州刺史王仲干可遙郡團練使制

敕具官某朕操爵賞之柄以褒勵庶工必稽其行治勞列而後加焉以爾賦材明敏持己恪勤祗事禁廷夙彰譽處比膺推擇往視解池措置協宜克有成績大邦團結遙領使名錫茲恩章以為爾寵往加懋勉副朕眷知可

舊典六

右武衛大將軍合州刺史蔽之可遙郡團練使制

敕具官某屬籍之親恩紀所厚其以恪謹聞者朕必察而進之惟爾序於內朝循理不越宜升位秩昭示寵嘉益務欽承以稱朕命可

皇城使合州刺史權發遣高陽關路鈐轄李浦可特授廉州團練使制

敕具官某惟爾效職邊圉總予兵鈐克以材能達於朕聽宜加甄獎示不弭忘團結寵名品秩隆顯服茲恩命無替忠勤可

入內皇城使通州刺史藍安石可通州團練使依舊入內皇城使制

敕具官某惟爾之父率職克勤自置茶場會課增羨移恩子姪錫爾命書團結隆名選授惟慎往其欽佩務稱邦榮可

皇叔右監門衛大將軍康州刺史仲證可特授依前右監門衛大將軍榮州團練使皇叔右武衛大將軍昌州刺史仲柔可特授依

前右武衛大將軍貴州團練使皇叔右監門衛大將軍昌州刺史仲華可特授秦州團練使依前右監門衛大將軍皇叔右監門衛大將軍康州刺史仲證可特授海州團練使依前右監門

衛大將軍制 敕具官某等朕承慎孝思念茲祖考推原所自真願近親豈惟示敦睦之恩亦以彰忠厚之化爾等列於屬籍夙奉內朝恪謹有常

祗循憲度宜錫命書之寵進茲團結之榮尚體眷勤克綏社稷可皇城使開州刺史黃式可恩州團練使依舊皇城使皇城使賈祥

可開州刺史依舊皇城使制 敕具官某等汝等咸以材能服采近密聞成云久勤恪廉愆序進厥官庸示嘉獎欽予時命尚其懋哉可

莊宅使帶御器械凌文炳可轉皇城使依舊帶御器械制 敕具官某爾以忠敢自勵果有戰功邊臣若茲朕所嘉憐宜加甄錄擢進使名恩典之優惟以示勸往服朕命尚欽念哉可

入內左藏庫副使梁敦可入內皇城副使制 敕具官某敘進之法雖在疏邀會課以時況予宮省之臣哉惟爾持己之謹率職之勤稽其歲勞宜有甄陟用錫明命昭示寵嘉往屬爾能尚其異擢可

客省使與州防禦使張誠可除正任防禦使制 敕朕慎擇疆場之臣俾其武服稱其功次褒賞以時爾具官某勇而尚謀選任邊要帥軍捍寇積有戰功迨茲造期宜錫恩命大邦

禦侮擢正使名往克欽承尚多後祉可 東上開門使城州團練使張蘊可依前官遙郡防禦使制

敕朕考覈羣臣務先功實爵祿之賞資以勸能爾具官某材力之優揚歷事任總按肆武克有顯勞宜錫恩章擢升厥位禦侮龍秩

俾為汝榮往其欽承勿替勤恪可 皇城使忠州團練使兼翰林醫官使李師祖可轉防禦使依前皇

城使兼翰林醫官使制

皇叔右監門衛大將軍康州刺史仲證可特授海州團練使依前右監門衛大將軍康州刺史仲證可特授海州團練使依前右監門

敕具官某爾以潛邸舊臣有勞可錄宜超常格擢進厥官防遏降名選授惟慎今以命爾其往欽承可

皇叔右武衛大將軍榮州團練使仲琪可特授威州防禦使依前右監門衛大將軍制

敕具官某朕承懷李思念茲祖考推原所自褒顯近親豈惟示敦睦之恩亦以彰忠厚之化爾列於屬籍夙奉內朝恪謹有常祗循憲度宜錫命書之寵進升禦侮之崇尚體眷勤克綏祉福可

皇叔右金吾衛大將軍降授邕州團練使叔儺可特授依前右金吾衛大將軍成州防禦使皇叔右金吾衛大將軍降授真州團練使叔勻可特授依前右金吾衛大將軍虢州防禦使制

敕具官某等爾曩挂吏議貶謫示懲既閱歲時法當甄序名城禦侮復爾故官往屬恪恭副予敦睦可

皇伯右金吾衛大將軍斬州防禦使世闢可正任防禦使制

敕具官某屬籍之親朕所敦睦以時敘進茲為典常惟爾序於內

朝迪己恭恪稽其歲月在法當遷宜正禦侮之名以序陟明之典往其欽佩務稱邦榮可

皇城副使王務民可西京左藏庫使制

敕具官某爾父服職官省克有顯勞比加襄升許以回授用進爾秩時惟異恩往服命書宜思所稱可

入內左藏庫使張汝弼可左藏庫使制

敕具官某惟爾嬰恙滋久難任事勞宜解內侍之名往卽真刑之秩尚加衛養以克有瘳可

文思副使董惟正可左藏庫副使制

敕具官某惟爾精於推測中驗為多宜進官榮以示獎勵錫茲寵命往其欽承可

西京左藏庫副使馮熙可左藏庫副使制

敕具官某爾於服職有勞宜膺賞典許其回授時乃特恩序進爾官以彰孝治往祗新命圖稱所蒙可

入內內侍省供備庫副使張爽可入內內侍省西京左藏庫副使制

敕具官某朕設考績之法掌於有司其敘進羣吏必閱其歲月稽其行治而後授之爾夙稱謹良服勤官省校功最宜有甄升襄序厥官惟以示勸往服朕命思稱所蒙可

入內文思使劉淵可入內左藏庫使制

敕具官某品秩異等褒勵庶工積勞序遷厥有常格惟爾持己之慎服職之勤會課以時宜進厥位錫茲明命昭示寵嘉往承朕恩益思報稱可

入內供備庫副使楊軫可入內內侍省西京左藏庫副使制

敕具官某校歲月以敘遷有司之常格也爾率職恪勤功敘可考會課來上宜錫恩章爾往克承尚有異數可

供備庫副使陳仲穆陳仲稀可兼閣門通事舍人制

敕具官某等朕承念欽慈弗逮榮養恩加外氏式慰孝思爾誠德

慶門夙稱勤恭參華上閣時庸展親往服龍章保茲舉處可

文思副使曹慎可除兼閣門通事舍人制

敕具官某贊謁殿中賚望清美以爾迪己勤恭積有譽言宜膺寵嘉擢茲華職往服朕命尚懋承之可

西京左藏庫副使趙構可文思副使仍除閣門通事舍人制

敕具官某閣門置舍人以宣傳啟奏為職實望清優朕不輕授以爾服勤竭場顯有勞能用加褒升俸領厥次進官一等併示異恩往其欽承勉圖報稱可

內殿承制閣門祇候劉安國可閣門通事舍人制

敕具官某閣門通奏之職贊謁殿中事任親近惟爾詳練儀矩祇奉有勞宜加褒升俸踐厥次欽予時命無符恪勤可

內殿崇班閣門祇候藍安民可閣門通事舍人制

敕具官某爾級班內殿聯職上閣能以勤忠達於予聞通事華資典司宣贊舉以褒陟昭示寵嘉往稱所蒙無替譽處可

左藏庫副使鄭璋可依前左藏庫副使閣門通事舍人制
敕具官某爾奉事潛宮勤愷可尚宜加褒擢示不弭忘上閣華資
職任親近今以命爾往其欽承可

右侍禁閣門祇候閣謹可閣門通事舍人制

敕具官某軍器建局爾與有勞錄其回授之恩參以敘遷之法擢
職通贊併示褒優往務欽承無忘報稱可

入內西京右藏庫使邵希直可入內文思使制

敕具官某○威藩進爵邦有常恩惟爾見謂恪勤以名來上序升
位秩昭示寵嘉往其欽承益思勵勉可

入內西京左藏庫使董舜臣可入內文思使制

敕具官某朕考績之法按羣吏功績而進之以示褒勸矧宮省之
臣職任親近會課應法朕豈弭忘敘進爾官往其祇服可

入內西京左藏庫使陳有可文思使制

敕具官某宮省之臣率職靡懈有司會課在法當遷序進厥官以

指獎六

五

示褒獎往服寵命無替爾勤可

入內西京左藏庫使劉淵可特授文思使制

敕具官某六尚奉御之臣職任親近勤愷不懈以及終更宜進厥
官昭示獎激肆予命汝往其欽承可

入內內侍省西京左藏庫副使何沔可文思副使制

敕具官某考績之法掌於有司非朝廷爵祿可計日以取亦惟念
其率職之勞閱歲之久而無罪悔是亦宜於有賞也進官一等為
爾之榮往其欽承益思報稱可

入內內侍省文思副使霍肅可入內內侍省左藏庫副使入內內

侍省西京左藏庫副使黃彥可入內內侍省文思副使制

敕具官某等考績之法惟以勸能汝等祇事宮庭恪慎不懈校功
數最序進厥官往其欽承益思勵勉可

皇城使成州團練使某人可依前成州團練使充昭宣使制

敕具官某朕惟爵賞之施以勵天下苟有勳績其可弭忘爾曩以

能稱任督藝事稽考其會宜示褒優序進使名品秩增顯惟克祇
服尚其寵嘉可

昭宣使福州管内觀察使同知內侍省事任端可宣政使餘依舊
制

敕具命有官修夏人入貢之儀以垂永制成書來上用錫恩章具
官某蘊識疏通更練庶務資其典領條列該詳功績為優宜膺懋
賞宜政置使班秩加隆擢茲榮名昭示寵獎往其祇服無替忠勤
可

皇姪右千牛衛將軍不溢可莊宅副使制

敕具官某屬籍之親領秩衛府願試吏事朕所嘉從易授使名往
卽銓任用自此始汝其勉哉可

文思副使尹正可內園副使制

敕具官某爾以勞進秩乞避名嫌夙有具聞朕命易授官雖次等
於汝為安可

軍器庫副使兼翰林醫官副使王處厚可翰林醫官使制

敕具官某爾弟師厚以勞當遷移恩於爾朕所嘉聽用遷爾秩其
往欽承可

指獎六

六

太醫承直翰林醫官局李袞可翰林醫官副使制

敕具官某爾以醫診之勤久直主第特錫歲口寵進厥官往其懋
承務稱恩命可

醫官杜日遷杜日思可並翰林醫官使制

敕具官某等爾等進由方技勞效可稱宜加褒升昭示獎激特錫
餘考寵以使名服茲異恩無替勤恪可

左藏庫副使董惟正可授禮賓使制

敕具官某禮賓置使喪遇武聯惟爾夙以恪勤獲事潛邸迫膺眷
擢祇奉有勞宜錫恩章超進厥位往承無替保茲寵榮可

河洲岱爾族首領斯多特經特與禮賓副使制

敕具官某爾忠力武材雄於種族捍敵取勝積有戰功用加超升

以示獎激惟克祗服向其寵榮可

空名招納諸司使官制

敕具官某效順之臣朕恩所厚榮名寵祿褒賞惟優爾稟資驍雄著聞族部奮忠歸義誠節可嘉宜錫命書列於使秩往其欽佩益勵事功可

四方館使榮州刺史樞密副都承旨朱孝孫可正任防禦使依前

樞密都承旨制

敕朕明發不寐有懷哲宗推原同氣之恩申錫外家之寵具官某操修端靜識慮詳明欽成之親爾為近屬宜加進擢俾領使華正兵防之顯名仍樞筦之舊職與承密命秩峻地親惟時褒榮往其祗服可

賈德明任承審可都承旨制

敕具官某等樞宥之府所承稟而宣行者皆禁密之命必求謹厚之材乃可備於陪屬以爾等有恪愿之資加肅給之敏麗名機務

摺集六

七

實惟勞舊按其資望擢總綱領勉思勤盡尚副襄寵可

西京左藏庫副使兼閤門通事舍人殿中省尚書奉御兼句當祗

候庫劉景宜可各候今任滿日特令再任制

敕具官某惟爾祗奉華輿兼職堯庫恪勤不懈能譽可嘉宜錫恩

章命爾再任體予寵獎其懋承之可

從事郎試辟離博士馮師忠可候今任滿日令再任制

敕具官某爾服職膠庠講訓有譽宜久厥任俾副士心往其欽承

以待推擇可

樞密直學士朝請大夫知定州管師仁可左朝議大夫依前樞密

直學士候今任滿日令再任制

敕持葵從臣出分閭寄聲績之茂達於朕聞宜錫恩章昭示褒賞

具官某夙膺推擇揚歷清華茲守中山總護諸將經營保聚建策

西關峙積芻糧訓練師旅顯有勤勞之實仍加鎮靜之能擢進文

階寵以再任敕自朕志爾其懋承可

太學博士蘇睿可候今任滿日令再任制

敕具官某爾以術業行誼與太學師儒之選克有譽處達於予聞

宜久厥官以訓多士欽承無怠嗣有寵嘉可

將仕郎試辟離錄朱承可候今任滿日令再任制

敕具官某爾由太學升選寢服官榮擢置辟離閭日滋久率職有

與達於予聞爰錫命書寵以再任欽承毋替嗣有褒甄可

從事郎試太學錄孫疇可候今任滿日令再任制

敕具官某爾以經術行能服在太學效實之美達於予聞宜錫命

書寵以再任尚有異擢爾往懋哉可

奉聖旨米芾罷郎官差知淮陽軍制

敕具官某春官總禮樂學校之政令為郎於此時謂崇途惟爾險

怪詭譎聽為奇言異行言章以聞理宜斥罷黜守軍壘有與民同

往省厥愆無重後悔可

左朝議大夫試兵部尚書兼侍讀劉拯御批劉拯操蘊姦邪詆沮

摺集六

八

朝廷已行之命言涉不遜在理豈容可落職差知新州制

敕六官之長時予邇臣獻替謀謨當體國是苟愆素守罰其可逃

具官某召自遐方寔更顯擢弗思砥礪以報寵章迺操蘊姦邪濟

以很復詆沮成命言涉不恭彈章亟聞朕不汝赦黜守支郡有社

有民尚為寬恩無忘循省可

龍圖閣學士朝散郎知河南府范致虛特降兩官制

敕侍從之臣朕所信任苟弗務忠實懷私誣謾宜昭典刑以示禁

戒具官某曩繇疏遠擢備清華而自蹈匪彝犯於公義訟田積歲

汝實建謀誣服具有存豈不信欺連與狎獄煩素有司追茲考證之

明灼見欺誣之迹黜官二等時迺寬恩往省厥愆無重後悔可

張穀特降兩官制

敕具官某朕念屯戍之師服勞於外故撫靈其家惟恐弗至比命

汝察其廩給益以防猾夫侵漁其閒也汝弗往躬省老稚頗聞獄

辭具孚朕不汝赦黜官二等俾懲厥愆祗服寬恩勉圖後效可

蔡王府都監入內西京左藏庫副使李永言降雨官制

敕具官某黜罰之施昭示禁令爾弗克愆慎自典刑閱辭具孚宜有懲責特衝舊服仍降雨官尚為寬恩往省厥咎可

宗室金吾衛大將軍代州防禦使克如降雨官勒住朝參制

敕具官某朕敦睦宗族以隆親親黜賞之施時惟政典爾弗務恪慎自蹈匪彝達於朕聞按驗不爽宜加懲責以允明刑特降雨官仍罷朝謁尚為寬宥無重後悔可

准東提刑章緯降雨官送吏部與遠小處監當制

御批崇寧五年六月二十一日指揮不帶舊鈔在帶舊鈔之上蓋為三分鈔立法今香鹽司將三分鈔舊法擅改在七月十三日五分新鈔之上仍一面行下鹽場支鹽五分鈔行之未久始克就緒而香鹽司官挾情沮壞御前處分身任其事公害其法不典刑何以懲勸其本司官可先次衝替仍降雨官送吏部與遠小處監當吏人杖一百決訖勒停

擄集六

九

敕具官某鈔法之行始克就緒爾身任其事所宜遵承而適挾情自私沮壞詔旨遂非無憚良駭朕聞不典刑何以示戒宜先衝罷仍黜厥官俾還銓曹遠司筦庫往加循省勿重後愆可

端明殿學士朝散大夫曾孝寬可差知鄆州制

敕朕稽仰前世督正治官使暨乃僚以倡守物眷惟巨屏屬在真才具官曾孝寬朕所簡知勳德之後惠和詳慎克紹其門汶陽之田風醇土沃往諧其治以康元元俾邦咸喜日有良翰時爾稱職其益懋哉可

降授奉議郎趙高可差知徐州制

敕具官趙高通敏宏毅志欲有為朕所簡拔列之法從比緣小曾誦蒞軍學言念省循是遷徐土爾惟布宣朕德以惠元元俾邦咸喜日有良翰時爾稱職其益懋哉可

趙靖特降一官仍衝替制

敕具官某爾為獄官聽辭爽實速加覆按具得厥情降秩示懲仍

特衝罷茲惟政典用戒不虔可

城南廂安濟坊提轄使臣左班殿直蒲迪可降一官衝替制

敕具官某朕置安濟坊以療疾病之民法令既備尚慮有司奉行不虔命官按視惟爾弛慢失職達於朕聞宜黜厥官仍加衝罷以昭示訓懲為羣吏之戒可

承議郎黃彥承制劉亦侍禁王運殿直張大忠各先降一官送大理寺取勘制

敕具官某等汝等服在太官弗克勤愆宴饌廢缺良駭予聞降秩示懲仍俾推治往思厥咎毋重悔尤可

循化城守禦將佐等京東第六副將供備庫副使郭昱特與轉兩官同總領河州蕃將兵內殿承制王德厚特與轉西上閣門副

使知城寨東頭供奉官劉欽特與轉兩資安強寨守禦將佐等

秦鳳第三將左藏庫使呂整大通城知城供奉官楊德管押餘

丁使臣供奉官孫元各特與轉一資內楊德特更與減一年磨

擄集六

十

勅制

敕具官某等爾等振甲執兵服戎疆場招納守禦咸有顯勞條狀以聞第遷位等無忘忠報以稱寵休可

使臣安質劉誠時憚可並轉一官大將耿宗言孫吉可並轉一資制

敕具官某惟爾預修崇報工役不愆稽其勞能宜有甄獎錫茲恩命無怠欽承可

西京左藏庫副使兼閣門通事舍人陳仲倫供備庫副使兼閣門

通事舍人陳仲倫陳仲偉可各轉兩官制

敕具官某等朕追懷欽慈弗逮榮養於其遷祔施澤外家爾等恪謹慈良實在近屬比還姓氏抗疏自陳維茲敘進之恩時乃已行之命往綏寵祿以副朕心可

丙殿崇班王祥趙暉郝軫各轉一官張吉朱定各轉兩官皇城使

劉法轉遙郡刺史供備庫副使石舜舉轉兩官制

敕具官某等朕恢復河湟適先志爾等出入行陣積有戰多藉
府以聞朕用嘉止爰攷功次序進厥官往服恩章益勵後效可

皇城副使兼閣門通事舍人折可大特與轉西上閣門副使內藏
庫使王元左驥驥副使卓裕勒左藏庫副使經諾爾各與轉一

官西京左藏庫副使鄂特靈與轉兩官制
敕具官某等朕以文德武威撫靈疆場爾等出入行陣克懋忠勤

論次厥功第加賞拔益思奮勵以副恩章可
從事郎充熙河蘭湟路轉運司太上御上當公事程固可改合入

官差遣如故制
敕具官某士由銓調以升京秩者朕必引之陛見親閱其人爾今

居職而朕就命之爾之膺此可謂榮矣其死乃心以圖報稱可
直龍圖閣權發遣河北路都轉運使梁子美可特落發遣字制

敕具官某朔部被邊一帶國之根本總司漕輓委用不輕爾才力有
餘濟以勤恪宜勞外服所至可稱比餘簡知專往使事率職愈厲

朕豈弭忘用加褒升寵以資任祗服恩命尚其懋哉可
承直郎趙知棧可換右職制

敕具官某爾數犯刑典難齒左銓易授武階俾有餽廩往其兢慎
尚免後愆可

京畿轉運副使張杲可升充轉運使仍遷一官制
敕具官某置使京畿總司漕輓職專刺舉權任匪輕爾膺選掄權

貳厥事與建比輔勞力克彰宜正使名乃遷秩序茲為褒寵無忘
欽承可

詳定編修國信條例所點檢文字看承慶及左班殿直梁善王宗
望三班借職是清三班奉職曩通可各轉一官管句都亭西驛

所前行陳公昂可借職制
敕具官某朕推恩書局不掩爾勞寵以官榮往其祗服可

朝請大夫知鄧州向宗賢可轉一官差遣依舊制
敕具官某師帥之長與予共治有勞可錄夫豈弭忘惟爾材力之

優卒職有裕葺完東郡成績可嘉宜錫恩章以示甄獎進官一等
時乃異恩往其欽承益思所稱可

右侍禁充翰林書藝局祗候睿思殿御前文字庫祗應鄧惟賢特
與轉一官依舊帶破見請驛料待詔請給制

敕具官某惟爾書藝有勞進遷位等餽廩稱事亦以勸能往服恩
章無忘勤懋可

蕃官皇城使昭州刺史韋順明皇城使岳州刺史劉延壽特與換
漢官左藏庫使折可名內殿崇班格札克各與轉一官內折可

名換漢官制
敕具官某等爾等奮身效順來造闕廷忠義若茲朕所嘉尚載加

褒擢以示寵榮祗服命書無忘報稱可

摘集

三

摘文堂集卷六

制

蕃官羅保與轉一官制

敕具官某爾服勤邊圉克有戰功宜進厥官昭示嘉獎欽于時命

尚懋爾忠可

西京左藏庫副使喬伯虎與轉兩官蕃官西京左藏庫副使胡志

德與轉一官蕃官文思使羅萬成與轉三官內一官回授與五

服內有官親屬蕃官文思副使爾善轉兩官制

敕具官某爾等各以戰多達於朕聽忠勇若此宜有褒嘉擢進厥

官益圖稱塞可

策凌博族首領嘉勒幹進補皇城副使奉聖旨特與轉兩官制

敕具官某爾躬冒矢石追襲寇攘誅斬既多仍有俘獲帥師條上

功狀為優擢進兩官以示甄獎服茲明命無替忠勤可

文思副使董厚與轉一官制

摘其七

敕具官某惟爾服勤疆場以有戰多朕不弭忘特加甄敘進官一

等其往欽承可

開封府捉事使臣韓慶朱渙可各轉一官制

敕具官某以汝捕獲之勞宜有甄獎遷資示寵於汝為榮無替恪

勤務稱恩命可

左藏庫副使莽丹內庭崇班包喜各轉兩官東頭供奉官隆布盤

轉一官制

敕具官某等爾等夙以材能服勤疆場河湟之復威有戰多用加

褒升昭示獎激往其乃服尚其勉哉可

右驍驍使張晞如京副使兼閤門通事舍人王子曼其特與轉三

官內張晞兩官回授與五服內有官親屬內庭承制陳懷遠苑

苑副使焦用誠供備庫副使郭魯東頭供奉官王志各與轉兩

官供備庫副使高靖西京左藏庫副使王舜中內庭崇班沈超

東頭供奉官王正臣各轉一官制

敕具官某等爾等擢甲執兵出入行陣河湟之復威有戰多功狀

以聞第加賞擢益思奮勉以副恩章可

蕃官內庭崇班牛伊格與轉一官制

敕具官某爾發於忠誠奮身效順朕所嘉尚宜有褒升序進一官

昭示獎激往加勵勉以副恩章可

左藏庫副使奇多遇內庭崇班李士吉各與轉一官制

敕具官某等汝等冒犯矢石以立戰多宜進厥官昭示獎激往圖

後效嗣有寵嘉可

如京使趙朴右班殿直王豫可各轉一官制

敕具官某等招諭遁逃爾預宜力進官一等以示褒嘉往承朕恩

勿替忠恪可

三班借職鄭貴妃位掌膳奏陳濟可轉一官制

敕具官某惟爾祇事有勞宜加甄獎擢遷位序其往欽承可

舊城裏左廂居養院提轄使臣左班殿直楊盛可轉一官制

敕具官某朕置居養院以處鰥寡孤獨之民法令既備尚慮有司

便文自營命官按視惟汝奉行勤恪民得所歸至於歡呼感朕

甚嘉之擢進厥官以為能吏之勸往加懋勉嗣有寵褒可

將作監李誠提轄兵將官曹滋可各轉一官李誠係右朝議大夫

曹滋係朝請郎制

敕具官某等北營崇報既克考成工役不愆勞列可尚爾等預茲

典領成著恪勤以錫恩章以示嘉獎進官一等其往欽承可

內庭崇班李紹與轉三官制

敕具官某爾三立戰多兵無亡矢宜加優獎以勵邊城超進厥官

茲為懋賞往承無替朕不爾忘可

保安軍順靈塞蕃弓箭手指揮覺默特族右侍禁阿穆爾與轉五

官制

敕具官某順靈之役爾預有勞斬馘既多仍執強敵進官五等時

乃異恩往服寵章無替忠勇可

左侍禁充學士院待詔巡訓為三次書寫汎使國書特與轉一官制

敕具官某爾以書藝承詔三寫國書列狀自陳朕命甄錄進官一等於爾為榮可

內庭崇班孟達與轉一官制
敕具官某惟爾奮武邊陲抗賊決勝以推恩典以賞戰多序進厥官往其祇服可

宣德郎閻駱宜義郎舒彥舉可各轉一官制
敕具官某夏人入貢邦有常儀命官刊修書成來上惟爾咸以推舉獲與討論宜錫恩章昭示嘉獎進官一等其往欽承可

西頭供奉官棟智默特與轉四官制
敕具官某惟爾以忠效順獲造班聯克有戰功達於朕聽宜加懋賞往服優恩益思報命可

得功人內殿承制韓岸加四級西京左藏庫副使李介二級西頭

供奉官李壽二級每級轉一官制
敕具官某爾冒犯矢石咸有戰多帥臣以聞按級加賞第遷品秩時乃優恩往服命書益思奮勵可

西頭供奉官惟文約可轉一官制
敕具官某收復鄧州爾思置陞祇事無違宜有褒賞進官一等往其欽承可

句當修內可使臣張祐鄧述劉道催促修造使臣李景約晉用宋明可各轉一官制

敕具官某等朕命有司繕飾原廟等恪勤厥事工役不愆宜進官榮以示嘉獎往承寵命益懋爾能可

尚衣奉御李鎮可轉一官制
敕具官某爾職在尚衣掌於冕服夙夜祇事勤恪可稱序進厥官惟以示勸欽予時命尚其勉哉可

西頭供奉官折可與轉一官制

敕具官某惟爾冒犯矢石抗賊效忠克有戰多達於朕聽進官一等以示獎優往服命書益加勵激可

內殿崇班鄒清與轉兩官梁德與轉一官東頭供奉官楊隆西頭供奉官宋伯威各與轉兩官制

敕具官某爾等奮武邊陲誅斬強敵視功輕重敘進厥官爰錫命書昭示獎激往其祇服無替爾忠可

朝散郎家安國可轉一官制
敕具官某爾曩膺選掄往按茶事稅課豐裕效勞可稱序進厥官維以示勸祇服恩命無替恪勤可

承制武道紀崇班丁克彥皇城副使楊球入內西京左藏庫副使陳思溫供奉官周覺盧贊楊安國王昶耿維康陳謨王方徐中立侍禁秦純吳之紀杜卿張敷樂僖趙士敗殿直孫丹方承約張顯郭靖母玉王士享奉職陳子淵徐昇借職師孟呂師嚴可各轉一官制

敕具官某等朕即共祖舊邸崇建寶坊爾等率職於茲俱有勞動進官一等以示寵嘉往服恩章益思勵勉可

文思使吳元瑜入內供奉庫副使張益承制吳永可各轉一官制
敕具官某朕即英宗舊邸崇建寶坊爾等俱以材力之優協濟厥事稽其功緒恪勤可嘉宜錫恩章擢升位秩往加勵勉無替前勞可

入內文思副使胡宗傑入內西京左藏庫使楊茂昌入內文思使何訥入內左藏庫使榮州刺史陳有入內東頭供奉官黃訓入內內庭承制鄧忠臣凌德臣可各轉一官制

敕具官某等朕眷撫庶士錄其勞列雖在疏遠褒賞以時矧惟左右之臣乎爾等出入禁庭奉勤夙夜恪勤之節久而益彰宜朕恩序升品秩尚加勵勉務稱寵榮可

入內西京左藏庫使郭禹臣入內供奉庫使張肅入內供奉庫副使張彥明入內東頭供奉官宋侁可各轉一官制

敕具官某等朕追懷恭懿保翊累朝錄其舊人昭示恩紀爾等出
入禁闈咸著恪勤宜膺寵嘉擢升位秩往加勵勉以稱所蒙可
入內文思使舒州刺史楊日言入內左藏庫使黃誥入內文思使
范仔入內文思副使閔祖德入內文思副使楊端入內西京左
藏庫副使鄧繼英入內內殿承制朱輔世入內崇班王允文鄭
誼入內東頭供奉官王衷張令可各轉一官制
敕具官某等朕仰膺孚佑弓勳告祥爵賞之施邦有常典爾等率
職禁省祇奉勤勞察其恪謹宜加甄獎序升位秩錫以命書往其
懋承益思報稱可
入內內侍省官朱祐之石瑾張補之李雍陳思恭王蕘臣張正夫
賈蒙江諡張欽若許佃容誼趙贊可各特轉一官制
敕具官某等朕賴天眷佑錫羨官闈慶賞之施厥有常典爾等列
職禁省勤恪恭積有勞能宜加甄獎用錫寵命擢進厥官往務
欽承益思報稱可

勳七

五

入內內庭承制張佑入內左藏庫使王佑可各轉一官制
敕具官某等禁省近臣功緒可攷以時敘進茲謂典常爾等出入
禁庭勤恪靡懈會課來上宜錫恩章往其欽承務稱甄獎可
入內左藏庫永州團練使馮鐸可轉一官制
敕具官某稽勞敘進不以遐遺矧吾禁省之臣會課來上褒能之
典厥有故常惟爾稟資溫恭迪己勤恭率職有餘闕閱具存宜進
厥官以示甄獎服茲寵命尚加勉哉可
內侍省內殿崇班藍惟信可轉一官制
敕具官某惟爾從子功緒可嘉委錫恩章許其回授宜遷爾秩以
示寵嘉往服命書毋忘勤恭可
入內西京左藏庫副使張瑾可轉兩官制
敕具官某朕推一心以馭羣臣任無內外必稽其功緒而進之爾
服采禁省克自抑畏閱歲茲久積勞當遷敘進厥官往其祇服可
入內內殿崇班鄧宗仁入內左藏庫使梁昭慶可各轉一官制

敕具官某等官省之臣出入禁闈恪勤不懈考績維明有司以聞
法當敘進宜遷位秩昭示寵嘉往克欽承尚有超擢可
供備庫副使蘇球東頭供奉官蕭恭右侍禁張廉張孝忠梁嘉叟
右侍禁華鎮崇班劉震右侍禁錢景寬右班殿直蘇絢可各轉
一官制

敕具官某等浮梁建壘工役不愆爾等咸服事勞協力趣辦宜推
恩典以示褒嘉序進厥官往承無斁可
入內內侍省西染院使郝平可特轉一官制

敕具官某朕考嚴羣臣錄其功緒爵祿之賞資以勸能惟爾賦材
敏明迪己勤恭踐揚事任積有顯勞宜錫命書褒進厥官往加勵
勉務稱朕恩可
入內內侍省供備庫副使張禹偁西頭供奉官武昱可各轉一官
制

敕具官某等在潛邸時嘗造燕府相與講學爾等實預祇奉念之
不忘宜錫恩章特遷位秩往加勤恭以稱所蒙可
入內右驥驥使裴絢可轉一官制

勳七

六

敕具官某曩築蕭關爾預宣力以時促辦工役不愆勞列之優宜
膺厚賞用申舊命加進厥官褒善錄勤惟以示勸往服朕訓無怠
欽承可
入內文思使董舜臣可轉一官制
敕具官某朕考嚴羣臣錄其功緒爵祿之賞資以勸能爾出入禁
庭謹恪可向軍器建局率職有勞宜錫恩章以示甄獎擢升厥位
其往欽承可
入內西京左藏庫副使黃洙可轉一官制
敕具官某朕考嚴羣臣錄其功緒爵祿之賞資以勸能爾材資之
優率職有裕軍器建局宣力為多宜錫恩章以示甄獎擢升厥位
往其懋哉可
入內西京左藏庫副使張禹偁可轉一官制

敕具官某爾祇事皇府閱歲既多宜錫恩章以示甄獎進官一等其克欽承可

入內右驛使朱拱之入內左藏庫副使何訢可各轉兩官制
敕具官某等爵祿之賞操柄在予念功簡勞人用胥勸惟爾服職
宮省夙著恪恭恭事告成預有勤績宜加甄獎昭示寵嘉用錫命
書擢升位秩往承無替尚有異恩可

入內內侍省文思使榮州刺史陳宥可轉一官制

敕具官某計其歲月察其行能而後進之此有司考績之政也雖
吾宮省之臣耳目所及亦率是法惟爾出入禁闥勤志可稱會課
以時既應遷格序升品秩爰錫命書往服寵榮尚加勵勉可

入內左藏庫副使黃希叟可轉一官制

敕具官某爾祇事宮省勤志不渝論課有司既應遷格宜升班秩
以示褒嘉往服恩榮益思懋勉可

入內內殿承制楊軫可轉一官制

敕具官某爾服事內省勤志可嘉褒進以官往其祇服可

入內內侍省禮賓使及入內內侍省左藏庫副使胡宗傑等並轉

一官制

敕具官某等考績之法以勵庶工褒善錄勤靡聞疏遠矧吾禁省
之臣義豈當後惟爾宜勞夙夜勤志不愆會課當遷敘進厥位是
雖有司之常法非率職勵行其何以稱此可

入內內侍省左藏庫副使張琛可轉一官制

敕具官某禁省之臣職任親近稍勞敘進時乃舊章惟爾材資之
優濟以勤恪有司會課率職可嘉宜錫恩章俾升位秩往其屬勉
以對寵恩可

入內左藏庫副使何訢可轉一官制

敕具官某宮闈嗣慶爾父預恩所以寵章屬於子姓惟爾出入禁
闥勤志不愆宜錫命書進升位秩無忘忠孝乃稱所蒙可

入內西京左藏庫副使劉光祖可轉一官制

敕具官某汝位職恪勤達於朕聽進官一等以示寵嘉往服恩章
勿替厥志可

入內內侍省東頭供奉官熙河路走馬承受公事秦肅之特轉
兩官制

敕具官某汝出入戎行以駿奔承命為職迺能審度事機率先士
卒奮身鋒鏑之閒決戰取勝誅斬首惡閱級既多幕府以聞朕用
嘉止進官二等以懋汝功服我寵榮愈加勵勉可

朝請大夫尚書省都事呂昭敬韓祥可轉一官制

敕具官某等朕命儒臣編次學制成書來上爾與有勞擢進一官
以示甄獎往承茂渥無替恪勤可

手分借職邵淵左安仁廉公謹可轉一官制

敕具官某等爾奉行文書勞勩宜賞進官一等其往欽哉可

宣政使深州防禦使賈祥可使額上轉行一官制

敕朕親御翰墨刊定學校之政命令官編次既獻成書應奉之臣

宜膺慶賞具官某持身祇肅洎職恪勤揚歷既多休有譽處惟茲
建局承命不愆宜進厥官昭示嘉獎往其欽佩益懋厥修可

西京左藏庫副使邢從善可轉一官制

敕具官某惟爾昔應奉常援例所恩寵進一官以示甄錄往服朕
命無替恪勤可

皇城副使權發遣本路都監新差權發遣保安軍耿端彥莊宅副
使本路第六將孫廣如京副使本路第六副將梁璋各特與轉

兩官係郎延路制

敕具官某等朕率惟敕功以固封宇西陲招納爾克有勞超進厥
官以示獎激往加勉勵尚有寵榮可

監成都府上供機王隨可轉一官制

敕具官某織紉之工在成都者汝實總之克勤乃職勞列可嘉宜
進厥官俾乃舊服體予甄獎尚加懋哉可

宣德郎魏當可轉一官制

宣德郎魏當可轉一官制

敕具官某朕重建琳宮修嚴像設爾預供億宜錫恩章擢進一官
往其祇服可

朝請郎集賢殿修撰知荆南軍府董必特轉三官制

敕具官某朕操八柄以馭羣臣爵賞之施非迺有功未嘗虛授爾
以書殿華貫作帥荆湖經理封疆既克就緒進官三等以懋爾勞
圖稱所蒙尚有顯秩可

通直郎提舉夔州路常平等事張杲與轉一官制

敕具官某朕祗邁先猷恢崇學校庶幾道德一風俗同汝為節使
者能糾察異論助朝廷所以訓迪多士之意朕甚嘉之進官一等
為汝寵榮往其欽承益勵治行可

通直郎李巨可轉兩官御批鰥寡孤獨王政所先條令雖具施行
在人深陽縣分為八室男女異處各得其所宜在褒勸其知縣

特轉兩官候任滿日與堂除差遣制

敕具官某朕憫鰥寡孤獨之民困窮無告廣建居養所以安集之

摘卷七

九

有司供億事為之制朕之撫綏斯民亦已勤矣願條令雖具而施
行在人惟爾究宣德意分治室廬男女異處各得其所設施之美
達於朕聞不有褒升何以示勸進官三等時乃異恩俟其終更別
加除擢往服朕命無替恪勤可

權貨務監官朝奉大夫宋康年吳薦朝請郎丁維買鈔所監官文

思副使左厚之奉議郎周中可各轉一官制

敕具官某等鈔法之行爾實推奉會課饒羨良見恪勤宜錫寵章
擢升品秩往加勵激務稱所蒙可

承務郎知鄭州管城縣范世修奉議郎通判永興軍王直臣奉議

郎俞書陝州節度判官廳公事王觀國可各轉一官制

敕具官某爾等招諭逋逃俾還戶籍效實可尚達於朕聞褒進
厥官維以示勸往思報稱無替恪勤可

朝奉郎張伯昌宣議郎王萬承議郎徐宅供備庫副使魏伯成李

彭年皇城使京畿提舉保甲兼提刑劉戒朝奉大夫趙士宇朝

奉郎提舉京畿常平王仲原承議郎孫奎周廷堅奉議郎向濤
宣德郎樓光翟敦仁宜奉郎向濂應安道入內侍省供備庫
副使黃希叟左藏庫副使王明皇城使河東第六將開德府駐
劄劉承德可各轉一官制

敕具官某爾等預修比輔各迪有功宜錫寵章以示甄獎進官
一等時乃茂恩往其欽承益圖稱塞可

涇原路定戎鹽池提舉措置官夏倦旬管種收給納劉雄陳開並

各轉一官制

敕具官某等鹽池奏課歲額遞增經畫於茲惟爾勞勩宜推恩嘉
序進一官往其祇服可

朝請郎知北外都水丞公事葛仲良朝奉郎權發遣通利軍句仲

甫可各轉一官制

敕具官某等營建新壘役不愆期惟爾供億之勞宜加甄賞用錫
寵命擢進厥官務往欽承無替恪勤可

通直郎河北路運判張聲可轉一官制

敕具官某爾以才選往佐漕臺工役造成與有勞勩擢升位秩維
以勸能往服恩章尚加懋勉可

朝散郎同管句成都府利州陝西等路茶事兼提舉陝西等路買

馬監牧公事廳龐質孫轉一官制

敕具官某爾比擢使輶監推監牧鬻馬三萬差擇惟良勞列之優
宜示甄獎用錫明命寵進厥官往其欽承愈加勵勉可

知岷州降授左藏庫使威州刺史馮瓊通判岷州奉議郎石緝岷

州都州監供備庫使魏允中可各轉一官制

敕具官某等爾效職外邦預吾馬政幣數登足功績可嘉宜進厥
官昭示甄獎往加勵勉以稱茂恩可

太常博士單暉可轉兩官兩浙提舉學事路璿可轉兩官制

敕具官某等朕親定學校政令付之儒臣俾加編次爾等俱以文
行被選披閱於茲書成敘恩擢升位秩往服寵命益懋厥修可

摘卷七

十

胡散大夫直龍圖閣提舉成都府利州陝西等路茶事兼陝西等路買馬監牧事孫懿并可與轉一官制

敕具官某惟爾心術疏通濟以勤恪市茲萬馬差擇惟良稽勞敘恩擢升品秩體予嘉獎其懋承之可

朝散郎權發遣陝西兩路轉運判官公事孫琦朝奉郎權知解州朱表徵承事郎權通判河中府李金可各轉一官制

敕具官某爵祿之柄在予一人褒善錄勤夫豈虛授爾等協力隨事各迪有功宜錫恩章俾遷位秩往其祇服益懋厥修可

宣德郎通判乾寧軍王雲可轉兩官制

敕具官某朕嘗遣使往撫三韓爾以戕殘從行實紀其事成書來上文理可嘉擢進厥官仍佐重壘往思勉勵以稱寵褒可

引進副使雒州防禦使姚古可使領上轉一官制

敕具官某爾統吾虎士修築有勞帥臣以言朕所嘉尚特遷品秩為爾榮寵往服命書益圖顯效可

右監門衛大將軍仲馨可轉一官制

敕具官某屬籍之親領秩環衛能以勤恭達於朕聞序進厥官昭示嘉獎欽承無替往稱所蒙可

左朝議大夫蹇序辰可轉一官制

敕具官某朕既寶藏宸集加惠史臣例進一官汝其祇服可

左侍禁方榮可轉一官制

敕具官某爾以緝捕之勤討獲羣寇部使者來上朕用嘉之擢進厥官往其祇服可

太醫丞直翰林醫官局王舜卿可轉一官制

敕具官某爾請父用道醫診有勞許以恩章屬於從子用遷爾秩往其欽承可

太醫丞直翰林醫官局李仲章可轉一官制

敕具官某爾父士爽醫診有勞許以恩章屬於子姓用遷爾秩往其欽承可

司勳員外郎陳璽可轉一官制

敕具官某閣門儀制既獻成書惟爾久與討論宜有甄獎進官一等示不弭忘往其欽承益思所稱可

天文官介王仲平康永昌可各轉一官制

敕具官某爾等推測之精考驗不爽宜升位秩以示寵嘉往服恩榮益加懋勉可

太史局天文院學生蘇亮可轉兩官制

敕具官某曆書之成爾與祇奉錫茲恩命往其欽承可

醫官潘用中可轉一官制

敕具官某爾服勤醫診藝業惟良調治中宮勞效顯著宜升位秩昭示寵嘉往服恩榮務先謹恪可

皇兄右武衛大將軍保州刺史士曠可轉一官制

敕具官某宗正言爾學問淹通累中優選朕聞而嘉之召試禁林以觀所蘊而程篇來上文理俱通宜進厥官俾為屬籍之勸可

右監門衛大將軍仲侃維可各轉一官制

敕具官某等爾父宗諤受命仁廟敦諭英祖趨定儲極載在信史朕心不忘宜錫恩章以寵厥後擢升位秩其往欽承可

兩朝佑聖太夫人姪孫左侍禁閣門看班祇候張世昌可轉一官制

敕具官某朕追懷恭懿喪錄近親進爾一官錫茲明命往其欽佩務稱寵榮可

郭獻卿男莊宅副使鎮可轉兩官制

敕具官某爾父國之嫻戚淹其淪亡遺奏祈恩以為爾寵朕用憫惻進爾官榮圖稱所蒙無忘忠孝可

承議郎試戶部尚書劉達翰林學士朝散郎知制誥張康國朝散郎試尚書禮部侍郎王能甫朝奉大夫試尚書工部侍郎管師仁可各轉一官制

敕朕集神考詔禮既藏之顯謨與詩書並傳垂訓萬世爰推慶典

以惠史臣具官某等學問文章時望所屬雍容爾刊載筆汗青宸集備成嘗預典領用加甄獎序進厥官往其欽承無或謙避可

右武衛大將軍吉州防禦使世設可轉一官制

敕朕於羣臣之有功者雖遠不忘錄其世類矧宗室近親恩紀宜厚者乎具官某爾父從古受命仁廟敦論英祖趨定儲極朕所追懷用錫爾祉大邦禦侮擢正使名服茲寵榮務先謹恪可

知開德府顯謨閣直學士朝奉大夫李孝壽可轉一官制

敕待從之臣服采於外有勞當錄朕豈弭忘具官某材術之優歷踐煩劇比修北輔供億不愆宜錫恩章褒進厥序體茲異數尚加勉哉可

翰林學士鄭居中可轉兩官制

敕朕親御翰墨刊定學校之政令科條纖悉取成於心編次之臣以書來上爰推慶賞褒敘其勞具官某氣節端方材猷闕廓文章學問望實顯隆雍容禁林與茲典領宜膺寵命擢進品階往體眷

知無忘欽佩可

禮部侍郎劉正夫可轉兩官制

敕朕御翰墨刊定學校之政令科條纖悉取成於心編次之臣以書來上特推慶賞時乃茂恩具官某服在儻曹與茲典領例升位秩朕不汝遺往其欽承無忘稱塞可

起居舍人蔡凝可轉兩官制

敕朕親御翰墨刊定學校之政令命官編次既獻成書在局之臣宜均慶賞具官某學術辭采嘗冠諸儒論議純明業履維稱服在右史與茲討論擢進厥官以示甄獎往其欽佩益懋厥修可

左藏庫副使楚沙木可轉一官制

敕具官某爾躬冒矢石以有戰多幕府奏功按級序賞進官一等於爾為榮可

西京左藏庫副使王偉可轉一官制

敕具官某爾奮武疆場以克有功閱級序恩昭示嘉獎服茲明命

尚加勉旃可

西陵錦副使兼翰林醫官副使蓋演醫官副使盧德誠翰林醫官賜緋丁銳翰林醫學李師老可各轉一官制

敕具官某等爾等祗事衛府醫診有勞宜錫恩章昭示嘉獎進官一等其克欽承可

供備庫副使李庠可轉一官制

敕具官某惟爾率職不愆宜有甄獎用錫明命寵進厥官往務欽承勿替勤恪可

翰林學士鄧洵仁可轉一官制

敕大禮彝制閣門定議比命有司特加編次稽其功績宜錫恩章具官某操履端方學問純粹文章論議夙有顯名兩獻成書條理該盡擢升品秩以示寵嘉往服邦榮並思報稱可

宣德郎尚書膳部員外郎王澤通直郎尚書職方員外郎李康彥可各轉一官制

知無忘欽佩可

敕具官某等樞筦修書既成來上夙以推擇久與討論宜進厥官昭示寵獎往其欽佩務稱恩榮可

朝奉郎大司成兼侍講薛昂可轉一官制

敕夏人入貢邦有常儀命官刊修以垂永制成書來上功績可嘉具官某學問文辭朕所眷任資其詳定條列該明宜錫恩章昭示寵嘉進官一等往惟欽承可

右藏庫副使柴定官可轉一官制

敕具官某數級塞下爾預有功宜進厥官以勵忠勇錫茲明命其克欽承可

文思副使馮鐸可轉一官制

敕具官某爾父預修貢儀例有褒賞移恩子姓朕所嘉從進爾一官往其祗服可

奉議郎歐陽大椿可轉一官制

敕具官某惟爾弗徇請謁舉發其私吏守若茲氣節可尚擢升官

次副以優恩今命近官特加審察體予甄獎往其懋承可

閣門祇候劉敷可職上轉劉婕好弟劉牧劉敏可轉一官制

敕具官某等官閣嗣慶恩及外官爾等俱以恪勤之資列於戚里

與茲寵典兄弟聯榮或擢進職名或序遷品秩往其欽佩務稱所

蒙可
左臧庫副使蘭日政可轉一官制

敕具官某爾服職有勞達於朕聽宜加褒陟示不弭忘序進一官

往承無敦可

太醫丞趙宗元翰林醫官趙嗣先可轉一官制

敕具官某等軍器建局爾預有勞擢進厥官以示甄獎往祇乃服

無替恪勤可

醫官熊希賢可轉一官制

敕具官某惟爾醫診之良克有勞效宜優常裕序進厥官往務欽

承無替勤恪可

醫官王舜康張節可各轉一官制

敕具官某等爾父醫診有勞移恩子姓宜遷爾秩錫以命書往服

恩榮益勤世業可

醫官卓遵國可轉一官制

敕具官某惟爾醫診之良克有勞效宜遷位秩以示寵嘉往服命

書益勤厥茲可

軍器庫使兼醫官使卓遵國醫官使王處厚軍器庫副使兼醫官

副使張希房蓋演高明之西綾錦副使兼醫官副使趙廣文醫

官副使張漸王舜民太醫承直醫官劉景溫太醫丞張水醫官

任元善可各轉一官制

敕具官某等朕荷天之休後星嗣慶爾等或與祇奉之賞或膺回

授之恩均被寵命序升品秩往精厥藝務稱邦榮可

太史局丞袁惟幾可轉一官制

敕具官某新曆成書爾惟推測特獨常格寵進厥官往承朕恩務

先恪守可

醫官國士英男之實醫官張倚男節可各轉一官制

敕具官某等爾父祇事有勞宜膺慶賞許其回授時乃異恩茲錫

命書序進爾秩往精世業以稱所蒙可

惟易副使兼翰林醫官副使潘先之可特轉一官制

敕具官某爾以方劑之勤奉事王府閱歲已久宜錫恩章擢進厥

官往其祇服可

醫官卓遵國可轉一官制

敕具官某爾父以醫診之良勞列可獎移恩子姓進爾官榮其往

欽承益承世業可

東頭供奉官劉選可轉一官制

敕具官某爾出入行陣驍勇有聞稽其戰多宜有優賞進官三等

昭示寵嘉爾稱所蒙無忘忠義可

崇班張璠與轉兩官東頭供奉官張環與轉一官制

摘集七

敕具官某等爾等奮武疆場克有戰多幕府以聞朕所嘉尚賜遷

品秩以勵遠臣往服新恩益思報稱可

東頭供奉官王世益衛采各轉一官制

敕具官某爾等奮武疆場克有戰多幕府以聞肆遷品秩以勵遠

臣往服新恩益思報稱可

三班奉職王崇善左班殿直李弼各轉一官制

敕具官某等官閣崇封恩加外屬以名來上朕所嘉從往服寵榮

勿忘勤茲可

左臧庫副使尹正供備庫使兼通事舍人潘珣可轉一官制

敕具官某等宸閣定儀成書來上爾等與有勞勩宜錫恩章序進

厥官往承無敦可

醫官王處厚可轉一官制

敕具官某爾弟師厚宜醫有勞宜錫恩章迺以回授用進爾秩往

其欽承可

右侍禁蘭泰舒世亮右班殿直陳絳可各轉一官制

敕具官某等宮闈嗣慶爾等俱以祇奉之勞與升品秩服茲寵命無替恪勤可

降授內殿承制李青鋼可轉一官制

敕具官某爾統率所部擊賊有功宜進厥官以示甄獎往服寵命尚加勉哉可

朝奉郎劉辟疆可轉一官制

敕具官某爾曩奉使軺往按保伍服勤職業克有事勞抗言祈恩朕命甄錄進官一等於爾為榮可

大理寺提事使臣朱渙可轉一官制

敕具官某惟爾緝捕之勞宜膺賞典進官一等往務欽承可

西頭供奉官張彥廓可轉一官制

敕具官某祈事宗藩恪勤不懈茲以恩數祇進爾官用錫恩章往其祇服可

內殿崇班劉宗彥可轉一官制

敕具官某惟爾營繕之勤宜有甄獎進官一等往服恩章可

承議郎張勳東頭供奉官辛宗可各轉一官制

敕具官某等朕建外宗正於洛師今措置就緒宗子肅戢雖朝廷教養之備爾預有勞序進厥官以示甄獎尚加勉哉可

替官皇城副使葉吉特可贈三品制

敕具官某爾效職邊陲沒於王事忠義之節有惻朕心優錫愍書以慰寃宥尚其不昧亦克歆承可

內班殿直閻門祇候殿中省尚贊奉御劉安國可轉一官制

敕具官某爾擢左御府勤愆不愆速茲終更法有褒賞用錫明命敘進厥官往服朕恩愈加勵勉可

東頭供奉官默特博與轉一官制

敕具官某以驍勇之資遇敵決勝斬賊既多兵無亡矢進官一等以示寵嘉往服恩章愈加激勵可

摘文堂集卷七

摘集七

六

摘文集卷八

制

皇城副使某與轉兩官制

敕具官某清平之使惟爾禦敵追奔克有勞烈進官二等以示寵嘉往其欽承無替忠恪可

皇城副使沈貴與轉兩官西京左藏庫副使何先明供備庫副使

董修古東頭供奉官馬制蕃官左藏庫副使吹忠可轉一官制

敕具官某等惟爾決戰取勝功績可嘉宜進官榮以示甄獎往承

無替嗣有恩章可

前內殿承制董厚與轉三官制

敕具官某爾驍勇過人臨敵用命率先士卒以立戰多宜錫優恩

昭示獎激進官三等其往欽承可

東頭供奉官密桑與轉一官制

敕具官某順靈之役爾預有功宜進厥官以勵忠敢往承無替朕

不弭忘可

蕃官皇城副使旺默星及蕃官左藏庫副使旺密桑各與轉一官

制

敕具官某等爾深入寇境決戰立功帥師以聞宜有甄獎遷官示

寵於爾為榮可

東上門使楊應詢可轉一官制

敕疆場之臣朕所睠察錄其勞列錫以恩章具官某材藝之優推

在邊要審於備豫斥候惟明不有襄升何以示勸進官一等其往

欽承可

東頭供奉官高士侯可轉一官制

敕具官某披堅執銳以立戰多閱級序恩昭示獎激擢升位秩其

往欽承可

左班殿直神師閔與轉三官制

敕具官某爾深入決戰為勇可嘉帥臣奏功閱級第賞進官三等

其往欽承可

蕃官文思副使賽音與轉一官制

敕具官某爾逢賊決戰以克有功驚勇之資良可嘉尚按級序賞

其往欽承可

西頭供奉官由給與轉兩官蕃官東頭供奉官幹明善與轉兩官

蕃官供奉官由給與轉兩官蕃官東頭供奉官幹明善與轉兩官

敕具官某爾等乘勢追襲誅誠強敵稽其功次擢進厥官往服恩

章無替忠敢可

右侍禁侯公瑾可轉一官制

敕具官某惟爾祗事恪勤克有勞列宜膺懋賞擢進厥官往服命

書尚多後祉可

內殿崇班策喇卜沁與轉一官制

敕具官某爾臨敵驍勇克有戰多擢進厥官以示嘉獎欽予時命

尚其勉旃可

東頭供奉官張士廉西頭供奉官馬先賀世安左侍禁南信可各

轉三官制

敕具官某惟爾等逢賊決戰斬獲既多幕府以聞宜加優賞進官

三等往其欽承可

降授西京作坊使孫慶可轉一官制

敕具官某爾敵斬既多仍執強敵帥司條上功狀甚明擢進厥官

往承無教可

西染院使王元轉兩官制

敕具官某惟爾奮武邊陲誅擊強敵兵無亡矢閱級為多宜錫命

書昭示嘉獎進官二等其往欽承可

三班借職李通可特轉一官制

敕具官某爾右選小臣而其姓名達於朕聽擢升位秩於爾之所

遇可謂榮也矣往服命書勉思稱塞可

故供奉官副使張吉可贈三官制

敕具官某惟爾效職邊陲死於行陣忠義之節朕心所嘉優進厥官以示褒卹魂而不昧尚克監茲可

右班殿直王忱可轉一官制

敕具官某惟爾率職有勞宜加甄獎進官一等其往欽承可

東頭供奉官劉振可轉一官制

敕具官某惟爾殺獲凶寇勞力可嘉擢進一官往加勵勉可

魯斯結族蕃官侍禁節幹結斯結可各特與轉一官制

敕具官某等爾等忠義不渝奮身內附捕獲奸細達於朕聞褒進一官庸示獎激往加勵勉以副恩章可

蕃官東頭供奉官索琳密保默齋皇城使默實勒奇多伊內殿承制牛威名東頭供奉官威女篇冊內殿崇班蒙伽格各與轉

一官制

敕具官某某爾等奮身內附來造闕廷誠節若茲宜示獎激用加褒擢序進厥官祗服恩章勉圖忠報可

東頭供奉官王正臣與轉一官制

敕具官某爾出入行陣克有戰多序進一官庸示獎激往因顯效以稱恩章可

侍禁吳志可與轉三官制

敕具官某惟爾奮武決勝誅擊寇攘闕級既多兵無亡矢宜推優賞以勵遠臣用錫命書擢官三等往加勵勉務稱恩榮可

奉職王谷可轉一官制

敕具官某理寺修書既成來上惟爾預有勞績宜進厥官往承朕恩無替勤恪可

文思使胡德淵供備庫副使耿臨供備庫副使曹歷蕃官西京左

藏庫副使蘇默可各轉兩官東頭供奉官張易文思副使張永

德禮質使曹修蕃官左藏庫副使將凌蕃官供備庫副使香瑪

可各轉一官制

敕具官某某爾等服在邊陲見謂忠勇斬誠強敵克有戰多帥師

以聞按級第賞進遷位秩昭示寵嘉尚圖後功嗣膺褒擢可

西頭供奉官陳殊可轉一官制

敕具官某爾屢膺賞典引例自陳宜進厥官以勸勞績往慎乃服勿替恪勤可

供備庫副使李珍路璉西頭供奉官李希成右侍禁朱渙可各轉

兩官制

敕具官某某等茶場奏課爾預有勞宜進厥官以示甄獎往加勤恪務稱恩章可

供備馮熙與轉一官制

敕具官某惟爾效職邊圉與有戰多抗章自陳朕命甄敘進官一等時乃異恩往慰忠勤以圖報稱可

左班殿直劉湜三班借職朱渙右班殿直陳若拙太醫丞趙宗元翰林醫官趙嗣先可各轉一官制

敕具官某某等軍器建局工用不愆爾率職於茲與有勞勩進官一等往其欽承可

右侍禁胡誼與轉五官制

敕具官某爾奮武以忠抗賊決勝兵無亡矢闕級為多帥司奏功朕所嘉憐進官五等時乃異恩往其欽承益思報稱可

東頭供奉官李佐可轉一官制

敕具官某爾統率所部禦敵有勞斬賊既多兵無亡矢進官一等以示寵嘉尚其勉旃益彰後效可

河東轉運判官王勤可轉一官制

敕具官某爾奉使晉郊經畫議事課額增羨功績可嘉擢進厥官以示甄獎往服寵命無替恪勤可

奉議郎于彥佐可轉一官制

敕具官某某爾出宰百里克以材稱察其設施頗見成效宜膺褒賞擢進品階往承朕恩益思所稱可

皇后閔祇侯使臣寶瑛祇應人石君許可各轉一官制

敕具官某等爾以祗事克勤預膺慶典進官一等其往欽承可
左藏庫副使閤門通事舍人劉公輔可轉二官劉慎內殿崇班李
庠東頭供奉官王坪各轉一官制

敕具官某准爾追獲新冠克有戰多宜進厥官以示褒賞往服恩
命尚加勉勵可
丙殿承制魏舜臣李彭年供奉官郭彥趙令洵李承年彭記侍禁
葛鞏王汴張克敵李從古殿直李淑程觀李中正奉職楊幾道
借職李南仲可各轉一官制

敕具官某等比修北輔爾預有勞宜進厥官以示甄獎往承恩命
無替恪勤可
承議郎翟師中可轉一官制

敕具官某朕設賞格付之有司凡子大夫趨事赴功利及吾民者
不及賞祿以寵之爾經畫渠堰克有成績宜進厥官以為能吏勸
往服恩命無替爾勤可

捷奏八

五

西頭供奉官張和可轉一官大將康師顏可特轉三班借職制
敕具官某等朕追懷恭懿錄其舊人爾等俱以祗奉之勤錫茲恩
典往加勵勉務稱恩榮可

故淑妃張氏姪張琬張瑾可並補借職制
敕具官某等故妃遺言祈恩近屬錫爾一命往其欽哉可
婕妤張氏姪孫張承可借職制

敕具官某爾為侍于尚主之家獲備官使無忘勤恪以報恩章可
故駙馬都尉曹司女夫進士時微可借職制

醫官周道隆任景章楊處厚大將耿道淳韓中立書藝局藝學許
成吳成程易韓奕曹成趙永圖陳德之張友王從志蹇仲恭韓
球圖書局藝學元方卞士端元導尚從吉杜宗範郭惟簡可各

轉一官皇城使榮州刺史宋渙姪男棧皇城使俞隨男倍左藏
庫使杜公才兩姨弟劉渥已上三人各回授補借職制

敕具官某等朕即英祖舊即崇建寶坊爾等或與祗奉之勞或膺
回授之典錫茲龍命往其懋承可
景福殿使明州觀察使楊戩親堂姪茂實可借職制

敕具官某姪爾之諸父率職禁廷有勞當遷許其回授用錫爾秩
時乃異恩宜懋忠勤往圖報稱可
程植可三班借職制

敕具官某爾以勇敢效用克有戰功錫茲官榮往加勵勉可
故三班借職紀青弟紀震可三班借職制

敕具官某弟某爾兄奮武戎行委身徇國嘉其忠節悼念不忘錫
爾以官往惟祗服可
兩朝佑聖太夫人重姪孫仲康仲弼可並三班借職制

敕具官某等朕追懷恭懿褒卹其家錫汝恩章列於命秩往服事
任無忘恪勤可
太后殿掌殿奏耿茂直劉豫可並特授三班借職制

捷奏八

本

敕具官某爾等職在箋筦預茲慶恩命以官榮往祗乃事可
楚州解發到呈試武藝人劉決可借職制

敕具官某爾試藝殿廷武勇可獎錫之命秩俾服事勞往克懋承
尚可褒擢可
百姪滑承全可三班借職制

敕具官某惟爾敏於筆札祗奉有勞擢自民編錫茲命秩仍加餼
廩併示勸能往懋恪勤以稱恩典可
故右侍禁尚清男均坦可並授三班借職制

敕具官某等朕推恩死事之孤以勸忠義錫爾命秩其往欽承可
左知容押衙兼知進奏事崔通可三班借職制

敕具官某爾以勞能達於朕聽錫茲命秩其往欽承可
故右班殿直馬宜男某可三班借職制
敕具官某爾父死於行陣臣節可嘉優卹其孤維以示勸授之命
秩仍錫美名往服恩章勿忘忠孝可

故內殿承制李仙長男峻次男疇孫忠履可並與三班借職制
敕具官某等爾父效職邊陲死於金革肆推恩典優卹其孤服茲
官榮無忘忠孝可

故太中大夫魏漢津親女夫張清可三班借職制

敕具官某漢津之家祈恩於爾錫茲命秩其往欽承可

皇后三從伯王子約可三班借職制

敕具官某爾以戚屬之良預茲慶典官於武列往卹事功圖稱所
蒙莫忘忠恪可

故右侍禁張安民男思賢思忠可並三班借職制

敕具官某等爾父奮不顧身死於金革推恩子姓惟以勸忠服茲
命書無替厥紹可

故三班借職紀育男塔達克與三班借職制仍賜名紹按永樂大
應上有諸官三班奉職李宗男未道可三班借職制十七字文
不相屬與制詞亦不相符願係當時繕寫誤行今謹刪正附錄

命書無替厥紹可

敕具官某男某爾父奮身疆場效死戎行有司以聞朕所悼念錄
爾命秩併賜美名移孝為忠茲為克紹可

潭州都知兵馬使張繼隆可三班借職制

敕具官某帥臣上言爾有勞效命以官使往其欽承可

茶園班殿侍鄭永立可三班借職制

敕具官某爾父監督有勞宜加甄獎以資回授時乃特恩錫爾官
榮往思所稱可

虎翼右第一軍都指揮使秀州刺史陳與男寶文御龍直長行李
謹可並三班借職制

敕具官某等朕推恩死事之家以勸忠義命爾官使往其欽承可

三班差使房從壽可三班借職制

敕具官某爾久服事勞宜有褒敘命以品秩往其欽承可

故右侍禁王卞女夫薛安靖可三班借職制

敕具官某爾之外舅以身徇忠推恩其家爾名來上錫茲命秩往

務欽承可

故右侍禁王卞男錫可三班借職制

敕具官某惟爾父奮不顧身死於金革宜推恩典優卹其孤錫爾
官榮往圖報稱可

睿思殿御前文字外庫書寫文字郭景倩可三班借職制

敕具官某爾以書札之勞宜加甄獎錫茲命秩其往欽承可

大將軍發運司前行徐楷可三班借職制

敕具官某惟爾久服吏勤克有勞列錫茲命秩其往欽承可

入內侍省東頭供奉官周華可入內侍省內殿崇班魏國
惠和康佑夫人薛氏親姪薛敏政太后親舅女之夫姜天祐可
並三班借職制

敕具官某等天靈錫慶國有舊章爾等或祗事內廷或綴名外屬
咸預恩典進服官榮圖稱所蒙毋忘勵勉可

皇弟故荆南武寧等軍節度管內觀察處置等使守太師開府儀
同三司荆州牧兼徐州牧蔡王贈太師尚書令兼中書令加襄
州牧改封韓王可特追封楚王餘如故制

敕朕賴神考之貽燕承上帝之降康薦獻祠官奉衣冠而永慕顧
瞻甲館思居處以如存方深追往之誠爰有因心之感具官某稟
資和粹迪己慈祥肅恭克著於朝儀謙讓不愆於侯度德雖厚
享年弗遐宜加贈卹之章昭示褒崇之意是用相攸大國益修眞
封務極哀榮優加愍飾光靈未泯歆懌在茲可

皇兄故河東山南西道節度觀察處置橋道等使守太師開府儀
同三司太原牧兼興元牧陳王賜入朝不趨詔書不名贈尚書
令加徐州牧改封燕王可特加贈侍中追封吳王餘如故制

敕朕永懷孝思念茲皇考瞻衣冠於原廟如奉眸容觀梁楛於實
坊是爲甲館欲申雨露之感用推手足之恩於其淪亡尤所傷惻
具官某蘊慮純靜稟質惠和闕義理而無充誦之心循法度而有
柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

柔嘉之則積德雖厚享年弗遐宜增褒卹之章昭示交蒸之義是

用嘉隆名數錫左省之貂蟬大啟土疆建全吳之茅社再推慈飾
務極哀榮尚想光靈亦知歆懌可

皇兄故河東山南西道節度觀察使守太師開府儀同三司太原
牧兼興元牧陳王賜入朝不趨詔書不名可贈尚書令兼中書
令加徐州牧改封燕王制

敕朕立愛以始基王化因心以敦敘天倫迺睦近親莫如同氣生
則體貌盡其禮歿則哀榮稱其情爰錫慈書特優贈典具官某粟
資忠孝持己謙恭作德而心日休遜志而學時敏東平為善高密
任真謂宜壽考之遐永綬福履之茂比云寢疾亟往幸臨方決冀
於有瘳胡奄罹於不淑聞音哀慟觸緒感傷非極哀崇曷仲願卹
是用峻加異數增煥寵章位冠上公名兼兩令恢土疆於吳壤併
牧徐方徙茅社於大邦改疏燕國以示賢賢之義以隆貴貴之恩
尚想英靈克知歆懌可
右驍衛將軍有奕可大將軍遣郡刺史制

摺案八

九

敕具官某迨往撫存務隆恩紀闕予同氣爰卹諸孤惟爾休慶所
鍾夙有令聞宜遷位秩加以郡章仍詔有司優其饋原併茲異數
昭示眷懷祗服命書永綬祉福可

故燕王第三男賜名有常可右武衛大將軍制

敕具官某迨往撫存務隆恩紀闕予同氣爰卹諸孤惟爾休慶所
鍾生有淑質宜加顯秩賜以美名仍詔有司優其饋原併茲異數
昭示眷懷祗服命書永綬祉福可

故燕王第二女可封郡主制

敕具位某氏朕痛念天倫奄其淪謝推恩息女用稱情文惟爾鍾
慶有原夙著婉淑宜疏湯沐主茲大邦仍命有司繼其康給往綬
祉福以副眷懷可

安康郡主趙氏可封兩郡主制

敕朕謁款祠宮永懷祖烈念濶國之息女實先帝之諸姑申錫寵
章特頒異數具位某氏柔慈純靜淑慎謙恭譽優圖史之傳勳協

聲詩之訓宜加爵命增衍郡封是用考茲輿地之名隆其湯沐之

奉庶幾褒揚於懿德豈惟敦睦於近親往對恩榮益綬壽祉可
皇叔右千牛衛將軍仲璵所生母楊氏可封瑞安縣太君叔右千
牛衛將軍仲憲所生母陳氏可封長安縣太君叔嘉州防禦使
世膺所生母永安縣太君李氏可封咸安郡太君制

敕具位某彌月慶辰天昇純嘏均休屬籍時庸展親恩如所生錫
以封爵其綬壽考茂對寵榮可

皇伯故太保節度觀察留後仲臯可贈開府儀同三司追封榮國
公制

敕朕於屬籍之親哀榮終始務稱情文所以本人倫教天下也具
官某稟資和粹持己端莊序於內期樂循矩則淹其淪謝有惻朕
心用錫寵章追加慈節贈官開府仍錫公圭尚其有靈克有歆懌
可
中大夫守尚書右丞梁子美故曾祖任翰林學士右諫議大夫贈

摺案八

十

太師中書令兼尚書令周國公顯可贈開府儀同三司追封燕
國公制

敕朕登用忠賢與之共政中外交慶僉曰得人因其拜命之初寵
以褒親之典具官某文章華國論議佐時官歷諫垣職聯詞禁積
德深厚是生曾孫克以才猷位于近弼推原所自宜有追崇開府
隆名禮同三事易封燕土增衍舊邦服茲茂恩尚其歆懌可

故曾祖母唐國太夫人嗣氏可贈黃國太夫人制

敕仕宦而至近弼其淵源所自豈一日之澤哉故褒崇之恩上及
於三世所以慰孝子慈孫之心也具官某曾祖母某氏稟質慈祥
宅心敦厚德配君子化行閭門錫祚流光慶鍾後裔擢與大政師
言允諧推原厥初宜加寵命相攸大國有此冀方增衍舊封以冀
窀穸尚其不昧亦克歆嘉可

故祖任太子太傅致仕贈太師中書令兼尚書令秦國公適可贈

開府儀同三司追封鄂國公制

敕朕眷禮大臣恩數優異親之典稱其情文所以為在位者之勸也其官某佐佑昭陵實惟先正像列原廟名紀冊書勳德顯庸澤流後裔致位近躬紹休前人宜錫寵章追加愍節開府頒秩汶陽大邦增衍舊封以慰窳空英靈離遠尚其如存可

故祖母越國太夫人任氏可贈曹國太夫人制

敕朕紹隆孝治禮優輔臣追榮其先務極崇顯祿章感冊國有典常具官某祖母某氏柔順慈祥動循訓則德德先正慶鐘後人是生慈孫佐佑幾政宜膺寵命增衍舊封濟陰大邦俾為湯沐歿而不昧尚克知歆可

故父任尚書職方員外郎贈光祿大夫彥昌可贈太子少師制

敕朕惟執政大夫臣望實顯隆致位近躬義方之訓自其前人追加表揚用錫休命具官某材猷宏廓器識高明揚歷仕途積有隱德潛於即秩不滿其能源深流長慶鍾子姓朕所柄用師言允諾東宮之孤名寵秩峻舉茲貴世期稱情文尚想英靈克知歆悱可

擢集八

士

故母東平郡太君張氏可贈清河郡太夫人制

敕君子之念其親跬步不忘罔予執政大臣位雖顯矣而親弗見其榮祿雖豐矣而親弗逮其養肆有追崇之典以為孝思之誠具官某母某氏柔明肅離婉懿沖靜婦道以順母義以慈積厚受隆鍾于子姓擢在廟廟惟予得人宜錫茂恩加隆封爵清河大郡為爾相攸尚克欽承永綬厥後可

妻文安郡君宋氏可封文安郡夫人制

敕朕惟卿士大夫其業履顯闕於時者必有內助矧執政大臣勳德之盛乎故疏榮之典及於闈門豈特示朝廷之恩亦以為室家之勸具官某氏稟資靜專率禮恭恪內行敦備宗姻所賢來嬪慶門克相君子夙夜警戒致位近司婦貴從夫國有典制文安大郡時汝舊封登崇號名視品為峻膺茲異數壽祉維靈可
昭信軍節度觀察留後尉馬都尉郭獻卿可贈節度使制
敕位列駙馬國之姻戚奄茲俎謝有惻朕心宜優褒卹之恩以盡

哀榮之禮具官某宅心純靜操行恪恭自膺選掄允彰譽處謂宜壽祉胡不永年作鎮犬邦建旄秉鉞舉以追錫用稱情文尚其有靈亦克知享可

高永翼特贈正任防禦使制

敕具官某疆場之臣奮武行陣朕念其功閱其勞未嘗須臾忘也其或不幸以死則哀卹之儀在所加厚爾忠勇自效積有戰多方膺寵嘉俾虔武服云胡不弔遽以疾終禦侮隆名特優贈典尚其不昧享此顯榮可

正議大夫致仕宋喬年特贈金紫光祿大夫龍圖閣學士制

考終天命享有死生哀榮之隆追錫爵名相其春秋窳夢之事凡今昔往孰盛與夷乃眷賢勞特隆異數具官某名臣之後尚有典型近侍之華鬱為國器方將顯用以究遠圖曾不有年擢用茲福然自古有死疾沒世而無稱太上立言惟託名為不朽其加五命之寵以慰九原之思嗚呼傷哉茂之命矣反席於寢嘉爾易簣之

擢集八

三

言納書於棺副爾乘車之錫可

武勝軍節度觀察留後王厚可贈節度使制
敕疆場之臣朕所瞻卹於其淪謝宜示哀崇具官某曩膺選掄往督西旅前人是似於國有勞品秩寢隆寵榮未艾云胡不淑遽以疾終追錫使名俾建旄鉞時惟優典以慰九原尚其有知亦克歆悱可

宮人掌記張氏可封大寧郡夫人制

敕具官某朕念茲恭懿保佑兩朝奄及淪亡夙夜傷惻哀崇賁節既極情文錄其舊人益彰異數惟爾列於宮案勤誌可稱昔事神考獲與潛邸疏封之典在爾為宜相攸大寧啟茲湯沐往承恩命務保寵榮可

兩朝佑聖郡太夫人親嫂同安郡太君蔡氏可封郡太夫人制

敕朕永懷恭懿保翊累朝始終忠勤年高德劭自其淪謝虔悼不忘爰舉恩章施於近屬具位某氏閨房毓秀婦德惟優宜膺寵嘉

隆進封爵往其欽佩益介眉壽可

耀州華原縣五臺縣真人廟封妙應真人制

敕某山川勝境仙聖所居其盛德懋功顯聞於世者朕必秩而祀之惟真人生於有唐見謂隱逸應物之迹具載史官廟食平原時乃鄉縣祈禳休貺美利在民肆加褒崇特建崇號尚其歆懌永福此邦可

臨江軍清江縣閣阜山景德觀葛仙翁壇封冲應真人制

敕某山川勝境仙聖所居其盛德懋功顯聞於世者朕必秩而祀之惟真人言行所稱成造宗極出入無眚與道翱翔壇於琳宮積有年所祈禳休應美利在民肆加褒崇特建崇號尚其歆懌永福此邦可

光州孫叔敖廟祈禱感應擬遣愛侯廣信軍遂城縣班妃廟祈禱

感應擬文惠夫人制

敕某朕稱秩祀事廟食之祥既載請有司又貢以封爵所以教天

摺卷八

三

下之恭也惟神有德有功靈貺昭著宜從民欲申錫褒章尚克歆嘉永福茲土可

摘文堂集卷九

制

宮正張氏可同知尚書內省公事制

敕朕惟國家建省於內以總女官之職政本所繫益與外之中臺無以異也肆于用人考擇尤慎具官某氏性識疏通材資敏濟持身端慎洎事恪勤曩膺褒揚位於宮正業履之美聞譽益彰宜服絲綸之言進聯喉舌之任往加勳勉務稱寵榮可

宮人掌副蕭氏可封司言制

敕具官某氏後宮二十四司分建察察協贊內治豈惟示恩以汝性質柔和容儀端懿恪勤恭慎率禮不愆自列備官欽承無替嘉其譽處宜有褒升用錫命書擢升位等宜傳啟奏命汝司之往對龍章益綏祉福可

宮人王氏可特受掌言制

敕某氏宮廷宣奏職在掌言屬於尚宮秩任清美惟爾恪勤自飭

摘集九

婉靖有儀祇服事勞動遵內則錫茲榮品以示褒優往承欽恩豈俟多訓可

宮人掌珍韓氏可典記制

敕具官某氏宮廷宣奏職在掌司屬於尚宮秩任清美惟爾服勤禁掖進列備司恪謹有常咸謂敏濟典記之選以示寵嘉往其懋承承綏榮祿可

宮人典言喬氏可尚儀制

敕具官某氏後宮六尚之職分總二十四司聯事合治與外廷之六卿無以異也品秩既崇選授維慎以爾稟資婉靜履德懿柔恪勤能敏於事為恭穆動循於禮法宜加明陟以示寵褒惟經籍音樂凡賓客朝會班序贊拜皆總於尚儀其任可謂隆矣今以命爾豈不榮哉可

宮人掌綵楊氏可司樂制

敕具官某氏朕聞茲恭懿奄及淪亡哀飭之文恩紀優異肆有寵

獎錄其舊人惟爾夙以專勤進列宮案彤職愈勵克著譽言宜錫命書進擢司樂往安祉福益保顯榮可

婕妤劉氏可特授婉容制

敕國家設案宮闈以聽內治惟九嬪掌教四德名秩隆顯考擇之慎必惟賢柔具官某氏性資敏明儀矩端靚動遵婦學言協聲詩夙興詳求擢參顯侍恪恭不懈持久益彰乃茲獻歲之初聿有後星之慶疏榮示寵厥惟典常其進聯於六儀以登視於一品服茲茂渥福履宜之可

平昌郡君章氏可才人制

敕朕願誕明命以承天休莞寢吉祥在子妃輔襄崇之數茲惟典常迺形奏章移恩鞠女察其謙德特有嘉從具官某氏志慮柔明性資和適言容兼穆禮法交修曩膺眷知璧啟湯沐服寵加懋稱譽日聞宜升五品之封俾為六宮之勳往安祉福茂對邦榮可

摘集九

鄭居中除同知樞密院詔

敕朕賴帝博臨中外晏肅思與良弼其承天休乃眷西樞實總兵柄登貳厥職必為一德之臣具官某方嚴惇大沈靜粹和學全經術之醇識造古今之要曩自瑣闥延賓禁林文章典嚴論議鯁諤闕日滋久聞譽益彰察其公忠國是允賴宜升右府列於近司於戲惟協恭可以謀國惟遠慮可以濟功祇服訓言是為報稱可

鄧洵仁除翰林學士承旨詔

敕學士視草玉堂極儒臣之寵而承旨專奉密命則又以其久次者為之祖宗已來士之與此蓋無幾也具官某業履端靖學問醇深揚歷清華進掌內制文章論議聲實顯隆閱日滋多朕所瞻察宜以舊制冠於禁林往其懋承以副寵渥可

殿中少監劉炳可免試除中書舍人詔

敕西掖詞垣與聞幾政討論潤色必惟其人具官某學有淵源文知體要揚慝清貴望兼隆比自螭坳進直御府率職勤懋朕所

簡知其獨給札之儀權真代言之列往加勵勉副朕異恩可
楊愿除中書舍人誥

敕中書基宥密之地擇屬維艱舍人演絲綸之言非才莫據取諸
已試茲謂得人具官某端厚無華清明不撓有聞當世早著盛名
仲舒潛心諸儒之論咸服何蕃正色六館之節自高建歷華途挺
然自守頃從柱史兼直禁垣善惡謹於必書文章妙於行遠就升
厥次式副僉諸夫大哉王言儻能孚四海之聽則坦然帝制自遠
超西漢之風其懋爾猷益稱朕意可

龍圖閣直學士中大夫李南公特除落致仕誥

朕所矜從具官某曩嘗廢居游該赦令寢還職秩猶處於家子誠
抗言條舉近旨特加甄敘俾復故常往慎厥修以稱朕命可
口宣

賜皇子檢校太保領海軍節度使開府儀同三司廣平郡王生日

禮物口宣

卿毓粹皇闈承休膏極當誕生之初且有加賜之彝儀茂對龍光
益穀祉福

就驛賜大遼國賀天靈節使副銀鈔鑼唾孟孟子錦被褥等口宣
卿等使容有恪享禮無違宜膺頌齋之優昭示眷懷之厚往資服
用式奉燕私

開府儀同三司仲爰四月二十八日生日口宣

卿聯上宰之近班總屬籍之重寄德隆宗姓望顯朝倫方誕毓之
慶辰有寵頒之彝制用馳使指往諭朕恩

玉津園賜大遼國賀天靈節使副射弓例物口宣

卿等循用賓儀出遊射圃夙閑必中之技深嘉多獲之能爰有寵
頒以彰優遇

宜召翰林學士劉嗣明口宣

卿問學之優文詞之美宜續綸言之密仍趣鄰席之嚴其副虛懷

益德素慈

賜臣寮口宣

有敕卿出將明命歸奏膚功升聯上宰之班進視貳公之秩用彰
優遇其即欽承

賜皇子威德軍節度使檢校少保韓國公捷生日禮物口宣

有敕卿製慶皇支分輝霄極當迺生之初且有加賜之常儀祗服
寵恩益綬壽祉

賜高麗使人相國寺燒香乾果子口宣

有敕卿等虔依象教申祝宸祺載念遠誠宜優禮遇特加寵賜其
體眷懷

撫問荆湖南路臣僚口宣

有敕卿汝等俱被選掄外分寄任宜加循用示記存茲敕使軫
往宣德意

撫問資政殿大學士宣奉大夫大名尹梁子美口宣

有敕卿為時舊弼守子北門茲履嚴凝諒加涼膏宜致勞問用彰
眷懷

就驛賜大遼國賀天靈節使副內中酒果口宣

卿等並使使帑來修鄰聘致匪疑於御府資燕喜於賓筵示以寵
私體茲優眷

班荆館賜大遼國賀天靈節使副回程酒果口宣

卿等兼將厚幣舉穆賓儀茲既抗於歸旃已載臨於候館宜膺嘉
賜用示異恩

賜陝西河東路臣寮御筆敕書獎諭銀合茶葉對衣金帶鞍轡馬
及支賜等口宣

卿以勳德之隆為予掌武茲巡極塞克奏膚功肆親御於寶附特
寵頒於宸札仍加蕃錫併示褒章其體至懷尚膺多祉

賜熙河等賞功諸軍特支併犒設等口宣

汝等奮忠禦侮護塞奏功特有匪頒仍加旻賜茲惟襄寵其體眷

存

撫問廣南東路臣寮口宣

卿汝等俱被選掄各膺寄任緬懷勞勩宜示拊循茲敕使人往宣德意

撫問瀘南梓州路臣寮口宣

卿汝等祇奉詔條恪居官次宜加勞免以示記存茲敕使輅往宣朕旨

賜知樞密院事鄧洵武已下罷散天靈節道場香酒果口宣

有敕卿誠深享上義切愛君茲原甲觀之祥式效華封之祝有蕃賜予爰示眷懷

天靈節尚書省御筵賜知樞密院事鄧洵武已下酒果口宣

有敕卿服在帷幄時為股肱茲逢紀慶之辰爰錫示慈之宴仍加好賜其體至恩

賜殿前指揮使高休已下罷散天靈節道場香酒果口宣

摺卷九

五

有敕卿夙膺眷待密侍禁嚴欣逢彌月之辰虔奉萬齡之祝宜加寵錫以示茂恩

賜靈海軍節度使開府儀同三司永嘉郡王向宗良已下罷散天靈節道場香酒果口宣

有敕卿位隆威曉望竦朝紳屬逢出震之期虔奉後天之祝有嘉忠恪式厚匪頒

賜判大宗正事仲爰已下罷散天靈節道場香酒果口宣

有敕卿德著宗藩任司屬籍茲獻後天之祝載嘉享上之誠宜厚恩頒用彰禮遇

賜賜馬都尉石端輝等罷散天靈節道場香酒果口宣

有敕卿等揚輿朝聯參華威晚茲逢慶節申祝壽祺宜膺頒齋之優用示眷懷之厚

賜大遼國賀天靈節人使朝見訖歸驛賜酒果口宣

卿等奉幣宸廷弭節賓館道瞻禮容之飭宜膺好賜之優聊浣途

勤少資燕喜

賜節度使豫章郡王孝參已下罷散天靈節道場香酒果口宣

有敕卿等位顯朝班望隆宗翰慶乘乾之盛節修祝聖之彝儀宜厚匪頒用彰眷遇

賜高麗國進奉人使臘晨風藥口脂酒果口宣

有敕卿等修貢中都適逢蜡日有匪頒之庶品示眷遇之異恩俾奉燕私以介祉福

冬節高麗使人就館御筵賜教坊樂花香藥下酒上醞局白羊御酒酒果兼傳宜勸尚醞局供進御酒口宣

有敕卿等來造明廷適逢令節錫茲燕衍侑以聲文珍劑奇施上鑄嘉果併加存賜用示優恩

宜召翰林學士許光凝入院口宣

有敕卿學問宏深詞章粹美召自益部再直禁林方資潤色之工仍伉論思之密其摠素蘊用副虛懷

摺卷九

六

賜高麗使人到闕朝見酒果口宣

有敕卿汝等俱奉朝恩恪居官次屬茲凝稟宜致拊存爰敕使輅往宣德意

送判正旦使副沿路與賀北朝生辰并正旦使副相逢傳宣撫問口宣

有敕卿等選自朝紳肅將使指載念馳驅之久諒多跋涉之勞宜承記存特加眷撫

撫問成都府利州路臣寮口宣

卿等並膺朝寄克守官箴念忠馭之遠勤當炎威之方熾特加撫諭以示眷懷

宜召翰林學士承旨鄧洵仁口宣

卿問學深醇文詞粹美夙筮詞林之直仍參經幄之聯茲錫寵章進承密命其趣官次用副朕心

宜召翰林學士馮熙載口宣

卿術業之優詞章之美擢自學省延賓禁林方資潤色之能仍任
論思之益其趣成命用副虛懷

賜新除宰臣鄭居中劉正夫口宣
延登宰衡翼贊機政擢章屢至深嘉冲守之光成命已行方仰進
爲之美

賜新除知樞密院鄧洵武口宣
擢長樞廷蔽自朕志繼陳遜履殊拂着懷趣宜欽承勿勤多訓
賜熙河等路茶葉等口宣

卿等選繇朝著職在方隅有嘉勞列之優當致匪頒之寵欽承着
撫益勵忠勤

奏狀
應詔舉官奏狀

準尚書吏部牒奉御筆手詔節文令從官各薦人材聞奏者右臣
伏觀從事郎試辟應博士陳詢術業純明論議堅正前爲常州州

學教授當貢士之初體朝廷德意推行詔令委曲詳盡多士鄉風
雖耆艾老儒白首肄業惟恐居後其所升貢能得元豐舊人又伏

觀朝奉郎監在京權貨務虞片材質敏達濟以恪勤疑知鄆州平
陰縣興修水利墾闢民田三千四百餘頃本路監司嘗以功利尤

著奏聞臣謂如詢之儒雅片之吏能皆有趨事赴功之實臣所備
知伏望聖慈特賜采錄謹錄奏聞伏候敕旨

辭免召試奏狀
右臣今月二十二日准中書告報奉聖旨召臣試中書舍人者聞

命震恐罔知所措伏念臣幸蒙聖慈擢自疏遠承乏諫省進備螭
坳夙夜省循非臣犬馬之力所克報稱叨昧寵靈方懼瘵敗給札

明試豈敢當矧詞垣以討論潤色爲職獎任尤重選掄尤艱如
臣材迂學淺拙於文辭儻不自量豈逃宸鑒伏望聖慈察臣誠懇

特寢召旨庶幾微臣獲安分義謹錄奏聞伏候敕旨

除中書舍人舉自代奏狀

蒙恩授前口職準令節文請侍從官授訖三日內舉官一員自代
右臣伏見承議郎守國子司業蔣靜學術精深履行修潔文辭論
議咸有本原與臣同鄉備詳所守臣實不如舉以自代謹錄奏聞
伏候敕旨

辭免侍讀奏狀
右臣准開門告命除臣兼侍讀者聞命震恐罔知所裁伏念臣蓬
華諸生行能無異誤膺眷察寔應從班人微塞重懼復叨冒必速
悔尤伏望聖慈俯矜誠懇俾安分義特寢贊書所有告命未敢祇
受

辭免兼侍讀奏狀
臣聞命震恐不知所措臣頃蒙收召再貳銓曹仰惟天地生成之
恩至深至厚夙夜圖報願未有涓毫自效矧金華進讀所以詳延
儒臣而臣曩誤推擇久陪進讀空疏非稱自知甚明豈當復冒寵
榮以速官謗伏望聖慈察臣誠懇特寢成命所有告命未敢祇受

辭免太子賓客奏狀
右臣准開門告報已降誥命除臣太子賓客者聞命震恐不知所
裁伏念臣出於寒鄉分安卑允偶緣搜擇寔冒恩榮自列從班迨
今十有四載曾微薄效仰稱萬分獨賴聖慈閱憐孤拙坐糜廩廩
歎愧於心惟東宮寮案之華以處時望區區自揆敢復叨塵伏望
聖慈察臣悃悃特還成命所有誥命臣愚未敢祇受

除兼太子賓客舉自代奏狀
伏見承議郎權發遣夔州路提舉學事惠柔民性資冲粹職守靖
共篤學有文憲於經術歷官中外眾所推稱舉以代臣實允公議
辭免再除中書奏狀

右臣准常州送到尚書省劄子奉聖旨除中書舍人令乘遞馬疾
速發來赴闕供職者聞命震恐罔知所措伏念臣曩冒寵恩備位
詞掖才弗克稱默愧於心矧茲艱苦之餘舊學荒廢討論潤色豈
分之宜伏望聖慈收還成命別除臣外任差遣臣見爲傷暑不安

分

依例乘船起發前去只候稍安晝時乘遞馬至國門聽候指押謹錄奏聞伏候敕旨

辭免除起居郎奏狀

准閣門告報已降告命除臣依前承議郎守起居郎者聖恩深重非臣犬馬之力所能報稱伏念臣材疏學淺聞譽非優誤膺選掄代置右史夙夜省循實懼叨昧敢圖眷獎復有遷升矧臣載筆螭坳閱日未久儻冒寵榮必速瘵敗伏望聖慈追寢成命俾小臣獲安分義所有告命臣愚未敢祇受

辭免監察御史奏狀

右臣今月初五日准閣門告報已降告命除臣依前官守監察御史者聞命震恐罔知所措伏念臣頃承學官賜對便殿進說淺陋日候罷斥陛下不求備於臣擢實東觀已出叨昧就職未幾又蒙聖恩有此除授方陛下紹隆先烈厲精庶政循名責實允釐事功宜得明敏練達之士俾任臺察以肅吏政如臣愚豈當冒處兼

請集本

九

臣之從祖父璠妻知樞密院事蔣之奇從父兄之女雖臣於之奇非合避親及從祖父從祖母皆已亡歿然終非所安伏望聖慈察臣誠懇特賜追寢成命所有告命未敢祇受謹錄奏聞伏候敕旨

辭免兵部侍郎奏狀

右臣准閣門告報已降告命除試尚書兵部侍郎者聞命震恐罔知所裁伏念臣頃以憂患餘生誤蒙眷錄召自田野再冒詞垣方陛下聖神大有為之時立政用人皆出宸斷從容裁處言成典謨而臣猥以荒疏掌帝之制雖聖度優假寵以襄稱願自知甚明日懼瘵曠貳卿之擢豈臣敢當伏望聖慈察臣誠懇收還成命以允師言所有告命臣未敢祇受

除吏部侍郎舉自代奏狀

伏見承議郎新授宗子博士邵楹學術醇明操修端潔口藝紹聖占等甚優舉以自代實允公議

又舉自代奏狀

伏見尚書都官郎中邵濤明於經術議論有餘神考造士之初首應升遷歷踐官次恬靜不渝舉以代臣實允公議

除兵部侍郎舉自代奏狀

右臣伏見辟廱博士陳詢學術純明行義修潔頃為常州教官當諸路貢士之初能體朝廷德意推行學政郡人悅服雖白首老儒鼓篋就業自以為晚察其業履可

辭免除刑部尚書奏狀

右臣准閣門告報已降告命除臣刑部尚書者聞命以還怔營罔措伏念臣出於寒鄉最為孤進淺緣推擇猥玷使令自筮從班於茲十年心雖許國初乏事勞智昧保身賞嬰罪悔頃頒召札再貳銓曹惟雨露滌滌之私實天地生成之造徒殫於慮曷報萬分敢冒眷憐進膺擢序輒伸危懇上洵聰聞冀追寢於贊書俾獲安於愚分所有告命臣未敢祇受

除刑部尚書舉自代奏狀

請集本

十

伏見宣德郎守左司員外郎曾開學識醇明行能優異翱翔廡須進歷省曹靖共不渝眾所嘉尚儻權華要必有可觀舉以代臣實允公議

乞賜神宗御集奏狀

右某等叨冒寵靈待罪諫列當陛下紹述大有為之時夙夜馳勉期效萬一而材識卑下加以聞見不廣不克盡知熙寧元豐諷訓之詳故期年於茲涓埃無效伏見神宗皇帝御集已成故事嘗賜兩制以上臣寮臣等出於迫切輒昧萬死欲望聖慈特賜臣等各一部俾得研精覃思於其開庶幾備顧問論朝政咸有依據以稱陛下優假諫臣之意臣等不勝大願謹錄奏聞伏候敕旨

論黃甲擬官奏狀

右臣伏見神宗皇帝既廢明經學究科特設新科明法優為恩例至黃甲擬官俾先進士注諸州司法蓋將以變革舊習故其初不得不然紹聖四年朝議以此法行之既久昔人之為新科者十消

八九矣恩例之優宜亦少損乃以司法及其餘判司闕衷從上差注元符三年十二月中因省部勘當遂罷紹聖指揮更不施行臣契勘新科明法等人徒誦其書未必曉其義若以進士素不習法難以輕授司法職任其餘判司等官或以治獄或以聽訟亦未嘗待其學而後授之也朝廷取士患不得實材果得實材何施而不可伏望聖慈特降睿旨將來吏部注新賜及第進士出身等人並依紹聖四年四月二十三日指揮施行所貴德澤均被上稱陛下造士之意謹錄奏聞伏候敕旨

乞殿中省別處置局奏狀

右臣伏為殿中省見在門下後省權暫置局內殿中丞許似孫見任執政官之子臣為言官與之同省慮涉嫌疑伏望聖慈特降睿旨令殿中省別行闕逐權暫置局去處謹錄奏聞伏候敕旨

國子監舉主奏狀

右臣伏親陛下追述神考美意自京師下至郡縣恢崇學校以幸

教天下增置諸路教官所選唯經術行義之士三代庠序之盛宜無以加此然諸路教官奉行貢士法事體比昔為重今員數既眾又皆一時之選而資任多係選人國子監長貳歲舉改官止八人施之大學正錄且猶不給況諸路教官如此其眾耶伏望聖慈特詔有司稍增國子監長貳舉官舊格使凡預師儒之選者益知自重以稱陛下長育人才之意謹錄奏聞伏候敕旨

論武學上舍人奏狀

右臣伏親神宗皇帝聖謨淵遠思慮豫防雖天下治安不忘武備自熙寧中特建西學招徠萃材訓以武志凡考選升補之法皆出宸斷士之游於斯者以程文觀其器識以弓馬閱其藝能以規式察其行義其自上舍免省試者積累歲月速不下十年須程文弓馬數在優等又其行義可稱乃為應格雖應免省試格又從上其不得過三人其教之如此其備養之如此其久擇之如此其精逮其授官歷任與夫取一日之長者無甚輕重其非次進拔缺然不

聞甚未副建學造士之意伏望聖慈因殿試武舉進士唱名內該上舍免省試以上恩例者命執政審其人材稍加獎擢庶幾學者嚮風罔不激勸以作成其才上稱任使謹錄奏聞伏候敕旨

論州縣社稷壇壝不修奏狀

右臣伏親近降明詔命有司講究禮樂之情文以幸天下可謂太平甚盛之舉臣竊惟禮有五經莫重於祭祭之秩於典者多矣自京師至於郡縣春秋祈報徧於天下者惟社稷為然今郡守縣令不深推其故以是為不急之祀壇壝不修甚者民得畜牧種藝於其閒春秋行事取其臨時乃或器用弗備樂盛弗闕齋戒弛懈禱獻失度甚不稱陛下秩祀典之意臣契勘社稷之祀敕令該載詳悉欲望聖慈特降睿旨戒敕郡縣務在遵承命諸監司巡歷所至察視壇壝其不如儀者具事狀以聞庶幾官肅祀事神用願享謹錄奏聞伏候敕旨

論州縣學講堂及齋名奏狀

右臣伏親神宗皇帝恢崇太學以幸教多士製堂及齋名以寓訓迪學者游於斯仰之若日星之麗乎上也陛下緝熙先猷州縣學校咸建師長命以貢士而名堂及齋願多前日官司隨意建立或怪僻不馴或稍考無據或違背經旨以此揭示多士甚未稱朝廷育材之意臣愚欲乞府界及諸路州縣學應堂及齋名除不許用太學敦化等堂名及論秀彞髦等職事齋名外並須用太學諸齋名即不得存爾舊名及別有創立如蒙聖允乞下有司頒降施行謹錄奏聞伏候敕旨

摘文堂集卷九

奏疏

論提舉官分巡奏狀

右臣伏觀陛下緝熙先猷增置官吏修水土之政行抵貸之法興山澤之利以幸天下常平事任比昔加重諸路提舉官於所部州軍理當每歲徧巡以周知官吏奉行勤惰之實今諸監司歲以所部州軍更互分巡則提舉官所歷無幾其餘他司於常平職事既非其所任責則非所檢察特取文具而已雖有二年一徧指揮不唯日月曠遠兼新舊官移易不常甚未稱朝廷考覈事功之意臣愚欲望聖慈特詔有司應諸路所部州軍數多如兩浙東西通為一路去處更增置提舉官一員并其餘路分並令每歲徧巡更不與他司更互分定仍令諸州軍於次年正月具歲終有無提舉常平官巡到禁中御史臺委本臺彈奏餘依見行條令庶幾職業振舉實惠及民天下幸甚謹錄奏聞伏候敕旨

摘錄

論諸路弓手奏狀

右臣竊惟諸路弓手是為鄉兵州縣之武備莫急於此向病紛更官司習玩選補鹵莽訓練希闊迺復以工巧技藝之人充占員額私備役使而承行胥吏又用其所親不問老疾疲弱特取具數歲時按閱類以差出為名匿其不中格者故緩急追捕常患乏人矧今推行茶鹽二法唯能禁絕私販然後商賈易售官課充羨欲絕私販則諸縣弓手宜訓齊武事用以處警有犯必獲然後姦民畏沮私販不行臣愚欲望聖慈特降睿旨命諸路提點刑獄司專委官點檢選留疆壯斤去老疾疲弱者其本縣官以工巧技藝隱占役使並根勘罪具狀以聞庶幾有司遵承詔令武事加飭以壯守備謹錄奏聞伏候敕旨

論諸路坑冶奏狀

右臣伏見諸路坑冶之利所助經費不為不廣其置場去處有正官無幾餘止係轉運或坑冶司差官權監而逐司又多廢條用例

委本州郡官不惟被差者以其置場皆深山窮谷之中人人相免而官屬稍不闕事即本州寄辦多不遣行獨老疾不任事畏在長吏目前者方始就職或不過半年又復交替豪民猾吏姦弊百出常以不差正官為幸公家利源損失不可勝計臣契勘見行敕令該載坑冶條甚備而有司便文僥倖不能悉心遵奉臣愚謂宜降睿旨戒諸路提點刑獄及坑冶司常切體訪苗脈興廢去處嚴切督察多方措置如合差正官即依條奏舉其轉運及坑冶司差官權監並須選擇能吏不得只要本州郡官仍令本州通判每季躬親點檢庶幾關防始密上下畏守以副陛下理財之義謹錄奏聞伏候敕旨

論府界旅櫬奏狀

伏見神宗皇帝仁心惻隱元豐二年以開封府界寺院旅櫬積多命提舉官專切管幹斂埋惠浹幽明中外感服迨今二十五年乃復充初棟宇以至露積其閉或閱日既久別無管認或親屬雖存貧不能舉或藏器已毀棄擲道傍此皆掩葬無期尤可傷閔臣愚欲望聖慈特詔有司檢會元豐二年指揮及應干措置條件施行謹錄奏聞伏候敕旨

伏觀皇帝陛下矜憫庶獄制為病囚檢察之法蓋謂愚民犯法雖繫留訊治邦有常憲於其疾也飲食醫藥視之猶赤子也臣等尚慮當職官吏不能深體德意欲望聖慈令諸路提點刑獄司歲終會州縣病囚損失分數除依條科罪外取一路最多最少各一處保明以聞特降詔旨賞罰庶幾知所勸沮以副陛下好生之德

乞外任劄子

臣寒鄉孤進望絕顯榮遭遇聖明搜擇疏遠寢膺拔擢備數從班叨冒寵榮積有歲月欲自勉強圖報萬分而才分所拘初無可紀乃多罪悔達於聰聞矧茲銓曹職任要劇臣代匱已久曾乏建明

深虞曠瘼上孤眷獎伏望聖慈除臣一外任閒慢差遣庶俾微臣獲安愚分

服闋乞外任劄子

右臣曩叨眷知進備詞掖雖更時序碌碌無聞尋遭親喪遠去朝著偷延視息今已服除伏望聖慈以臣艱苦餘生俾安愚分特降恩告除臣准浙或京東一閒慢差遣臣見於常州聽候指揮上瀆宸嚴無任恐懼職標之至謹錄奏聞伏候教旨

理會三禮圖劄子

臣竊惟功成作樂治定制禮方今六府既修三事既和燕及皇天休既並至功可謂成矣治可謂定矣講明禮樂以幸天下其在今日伏觀見行三禮圖係國初勳業彙集其開車服器用之制與元豐頒行經義時有不同自國子監建三禮堂暨州縣學校率繪其圖以示學者乃至有司所學名物猶雜用其制未稱陛下統一道德之意臣愚欲望聖慈特詔儒學之臣考據經義改定舊圖俾

有遵承及付國子監頒行取進止

理會架閣劄子

臣所領中書後省合管五案凡冊禮及朝會應行遺事即上案主之付受諸案文書及本省雜務即下案主之編錄制辭及中書省人吏試補比較功過即制詰案主之在京有司關報改更差除等即諫官案主之逐月修起居注即記注案主之已上案分之事務要切兼編修看詳隨事置局及逐名次召試進士武臣換官之類文字名件至多未曾專置架閣拘管每有檢照率多損失不唯申請煩紊兼證據不明前後抵牾臣契勸中書後省見有空閒屋宇欲乞專置架閣庫以本省逐案見管按查文簿書籍乃至祖宗以來辭冊及敕令續降等並置簿拘收以千字文為號周而復始應令逐案承受文字已結絕及無行遺限三日發送上簿接續結押仍乞於本省選手分楷書各二名主簿行遺庶幾紀綱整肅以稱元豐建立後省陛下緝熙先猷之誠取進止

理會守令劄子

臣伏見陛下勵精政事比降明詔惠綏庶民教養多士所以訓戒丁寧甚悉真極盛之舉也臣竊謂陛下聖謨高遠迥非臣子所能仰望清光至於推行德意志慮見於事實而與士民尤親者蓋在於守令使守令舉皆得人樂事勤功不以便文自幸則太平之基豈復他求乎朝廷制考課之法殿最賞罰既詳且備臣愚欲乞守令任滿課入優等者除合得賞格外其未經選擢之人三省審察如人材果可任使隨其資秩特加獎拔或實諸省府寺監要劇之選或委以諸路監司按察之寄若此羣吏聞風莫不激勸各以行治自奮豈唯究宜惠澤上以副陛下惻怛之誠又足以搜揚遠遺以盡為官擇人之術其效豈小補哉伏望聖慈特詳酌施行取進止

理會守令考課劄子

伏觀元豐立守令考課之法至崇寧大觀隨事緝熙條目完備真

得神考訓迪羣吏之意大觀四年九月因臣寮申請止存元豐舊條餘皆刪廢臣竊謂崇寧大觀緝熙之美務廣德意比舊條加詳

初無違戾欲望朝廷詳酌特降指揮檢會施行

理會常平劄子

臣竊惟神考立常平之法加惠元元意旨深遠著令完具而吏或不度便文自營馴致蠶耗出多入寡近因臣寮建言申嚴約束務絕姦弊惠及細民愚以謂唯納欠多寡最見推行之實使任職者悉心奉法計置及時官無抑勒留難下無詭冒違法之人則良民輸納自無稽違豈有出多人寡之弊臣欲乞應敕常平錢穀逐歲於令佐印紙內批書納欠分數候三考滿日別立殿最之法庶幾知所勸沮罔或偷惰如蒙聖允即乞詔有司施行

理會抵當孤幼劄子

臣伏觀州縣孤幼財產官為檢校不滿五千貫召人借抵當量數借請歲收二分之息將養候其長立而還之法意慈惻盡於事情

然開絲形勢戶虛指抵當或高估價直請領不唯虧欠歲息
迺至并本不納迨其長立給還之時元檢校錢物並無見在其冒
法請領之人或從官遠方或徙居他所或不知存在或妄託事端
唯以空文來往因致合給還之人飢寒失所近雖降朝旨添立須
有物力戶為保及限歲錢數足等條然於形勢之家未有徵革臣
愚欲乞檢校孤幼財產不許形勢戶借請及作保其所供抵當委
官驗實估定價直方許給借餘依見行條令所貴州縣遵守實惠
及民如蒙聖允乞詔有司施行

理會居養院劄子

臣伏見陛下若稽古訓自京師至州縣各置居養所以聚鰥寡孤
獨之人詔旨丁宜臣下遵奉道無孳瘠咸有所歸發政施仁孰大
於此臣竊以為鰥寡孤獨雖曰困窮而至於被服禮義之化均太
平之民臣居田野聞江東溧陽縣以居養所見管屋宇隔截為八
室用發政施仁必先四者為號使男女異處不相雜擾一方之民

五

莫不說服臣愚欲望聖慈特詔有司應州縣居養所並依前項體
式隔截異室分處男女不惟子惠之澤洋溢中外而禮義之化不
廢於困窮之民以副陛下愛民誠意取進止

理會祭祀劄子

臣竊惟國家稱秩祀典交百神而禮之考諸令格唯以齋日多寡
為大中小祀之辨大祀散齋四日致齋三日中小祀散齋三日致齋
二日小祀散齋二日致齋一日參稽情文各有攸當然祀之通於
天下而最顯者社稷釋奠春秋二仲州縣展事四方士民於焉觀
禮而皆列於小祀近緣臣僚奏請比附國子監修立外州軍釋奠
儀注散齋三日致齋二日則既升為中祀矣所有外州軍社稷齋
日義難獨殺臣愚伏望聖慈特詔禮官討論增定

乞以假日特引對付史館劄子

臣備位詞掖幸以權記注職事日侍清光伏覩陛下辨色視朝延
見羣臣雖雪霰風霧凜冽異常辰正奏引上殿十班傳旨特引當

近已初乃罷盛寒疇吞玉色無倦十六日入冬至假陛下御延和
引上殿十一班十七日又引十班皆人人顧問曲盡事情告戒丁
宜切中機會節假內批降臣寮章疏及有他處分差除絡繹不絕
臣職在奉行奉讀悚激方是時羣臣賜告偃息於家而陛下夙夜
省覽憂國愛民未嘗暇逸陛下以天縱之聖而勤政若此蓋將訓
迪有司永垂憲度而日曆之所紀邸報之所傳循舊襲常舉其大
略而已自非進得倍侍軒墀退得與聞幾政何以盡知其詳臣愚
欲望聖慈以臣所陳降付史館及進奏昭示天下傳之無窮俾中
外官吏迺至民庶聞風胥勸罔不克勤上副陛下宵衣旰食之誠
取進止

理會學校劄子

臣竊謂諸路學校州有正錄縣有長諭迺至其餘掌事之人皆奉
行貢士法令書考升選之詳蓋根本於此而遠方諸生尚循積習
之弊迺或持其短長糾率學眾輒興訴訟以至發其舊愆以快私

六

念以此職掌類多畏默求全鮮克振職臣愚伏望聖慈特降睿旨
編修學制所嚴立法禁不唯整肅學政亦以敦厚士風取進止

理會陳訴劄子

契勘命官遇赦恩許訴雪罪犯及用年限舉主除落過名若在降
赦二年外投狀陳訴者依條不許受理其諸色人依赦許訴雪過
犯或訴用法差誤理與命官事體不異若於赦降後二年外陳訴
者亦乞依命官訴理條限施行取進止

理會捕盜捉事劄子

臣竊惟在京及諸路捕盜官捉事使臣雖以捉獲為職其間有緣
一時疑誤將無賊證之人執縛根問多端恐致虛有承伏及送
所屬官司初憑元解事狀枷訊禁繫文移追會經涉日月直至推
究得不係元解情犯方以無罪釋放或招撫一輕罪收坐蓋捕盜
捉事之人當有後賞失則無罰伏覩政和赦縣以杖笞及無罪人
作徒以上罪送州杖一百臣愚欲望聖慈申詔有司比附上條特

立禁約庶幾盡心緝捕必獲犯人不敢汎執無辜枉被囚鞠刑部斷絕獄案劄子七首

恭惟皇帝陛下躬建皇極心澄化源德駿業隆超冠古昔甚盛之舉不可一二數皆章明較著垂休無窮上帝博臨珍祥紹至方將坐陽館而頒治登介邱以告成時和歲豐家給人足薄海內外歡忻交通如在一堂之上宜其民罔犯法而秋官以廷無雷獄稱慶於朝矧天監密邇蒐講盛儀百辟奉觴異邦款塞於焉刑措孰不歸仁臣等備數典司獲與擊壤之民上祝億萬歲無疆之壽不勝歡忻鼓舞之至謹具進呈

臣等伏觀本部自四月二十日擬斷天下奏案盡絕已具表稱賀仍乞宣付史官訖恭惟皇帝陛下以至德要道纂隆聖緒成功巍巍同符堯禹自中都達於四方萬民樂業家給人足以故獄訟衰息自凡奏獻之在秋官者今已罄絕聞太平刑措實在茲時臣猥司邦憲親逢盛事獲與擊壤之民共陶美化不勝大幸右臣等具

到近五年斷大辟數逐歲遞減比政和上二年計減一半以上此蓋皇帝陛下盛德妙道克配上帝良法美意永祐下民由中及外無有遠邇家給人足化行俗成以故獄訟衰息幾至刑措臣等無任歡欣鼓舞之至謹具進呈

臣等伏觀本部自三月十五日擬斷天下奏案盡絕已具表稱賀仍乞宣付史官訖恭惟皇帝陛下在躬清明翕受眾甫天德地業超冠古初上帝博臨符瑞創見歲豐家給人足有恆志遷善遠罪罔或抵冒以故邦刑幾措而秋官獻章絕稱慶於朝太平之隆光於載籍臣等實司中典親逢盛際無任歡呼鼓舞之至謹具進呈本部自某月日擬斷天下公案盡絕已具表稱賀仍乞宣付史官訖恭惟皇帝陛下躬繡道真丕冒九有盛德大業超冠古初格於皇天休貺薦至四民安生樂業家給人足以故遷善遠罪罔或抵冒而秋官屢以時無雷獄稱慶於朝凡厥有知孰不歸聖臣等親逢盛事獲與羣倫上祝億萬歲無疆之壽不勝歡忻鼓舞之至謹

具進呈

臣等伏觀本部自九月二十四日擬斷天下奏案盡絕已具表稱賀仍乞宣付史官訖恭惟皇帝陛下盛德妙道高出唐虞制作設施自我作古凡歷世願望而不克舉者今悉有成大功巍巍不可一二數是以天地並祝殊祥異瑞載籍所未見者踵聞於四方時和歲豐閭里之民日用飲食欣欣愉愉咸有恆志方且扶老攜幼瞻望華闕乞詔清蹕登封告成宜其風醇俗厚遷善遠罪而不犯於有司太平若茲孰謂無象矧天監在邇聿修盛儀百辟奏觴異邦遣使而秋官以獻章罄絕稱慶於朝凡厥有知孰不歸聖臣等親逢盛事無任抃蹈鼓舞之至謹具進呈

臣等伏觀本部自九月九日擬斷天下奏案盡絕已具表稱賀仍乞宣付史官訖恭惟皇帝陛下配天立極執古御今凡法度禮樂所以嘉惠天下者出自獨斷煥然一新由中及外無有遠邇風移俗易民日遷善遠罪以故刑章幾措秋官論報屢以罄絕聞太平之隆高越前古臣等親逢千載之期不勝歡欣鼓舞之至謹具進呈

臣某等言伏觀本部自九月一日擬斷天下奏案盡絕已具表稱賀仍乞宣付史官訖恭惟皇帝陛下躬繡道真該象妙運精神動心術措諸事業以嘉惠天下太平之隆超越唐虞三代之上茲者歸德穹昊玉檢推尊極欽崇之精意成禮之日秋官以時無雷獻稱慶於朝羣倫底豫靈心昭答和同天人使之無間其在今日臣等備位攸司親逢盛事獲與擊壤之民上祝億萬歲無疆之壽不勝歡呼鼓舞之至謹具進呈

表

典龍節賀表
臣某言高祿錫慶肇膺如達之祥華渚呈輝誕著寔昌之證惟神聖挺生之且迺文明赫盛之朝傾寰海之誠心獻大君之睿算臣中恭惟皇帝陛下承休祖考配德乾坤推皇極之珍符叶炎靈

之景運九功式敘諸福畢臻屬當彌月之辰敢啟後天之禱奔航
重譯執玉盈庭臣生觀清時仕參通籍一人有慶惟同擊壤之氓
萬壽無疆冀想稱觴之頌

冬至節拜表

朋陽來復圭景加長占瑞靈臺謹書雲之令節拜章宸閣修亞歲
之盛儀恭惟皇帝陛下道與時亨獨包象甫化如天運咸敘九功
恩浹寰區洽高振古爰屬三微之始方孽萬彙之萌保合太和召
嘉祥而有羨緝熙純報增睿算於無疆臣獲筮班聯與膺事任重
熙果洽共欣千載之逢歸德謝生知自一人之慶

皇后為冬祀禮畢賀皇帝表

日涓來復幸修三歲之祠禮迄熙成均錫庶民之慶珍祥丕應協
氣交流凡與見聞敷同慶賴恭惟皇帝陛下與乾合德以道御時
擴至治之規模固太平之基本升禮陽位既哀對於百神旋踴端
闈期永膺於多福妾夙緣天幸獲儷宸尊茲欣親於盛儀實增榮

九

於柔抱

內中侍御已下賀皇帝禮畢表

妾等言展案國南奉明禋而報本涓辰景至備熙事而慶成百順
應期于齡接統恭惟皇帝陛下德伴覆疇明廣照臨揚欽厥以薦
誠榮光下燭御端闈而肆有惠澤橫流於赫盛時迴高振古妾等
幸陳禁掖均被宸恩初瞻綵衛之還共獻履長之祝

貴妃已下賀皇帝禮畢表

伏以乘日至之辰順天正之序親祠陽位還御端闈福祿來臨華
夷均慶中賀恭惟皇帝陛下道該眾妙功敘九歌緝振古之彌文
率修大報齋明禋之精意用迄上儀靈心嘉慶景貺昭格妾等獲
塵清禁夙奉至恩聞詔踴之甫還悚柔襟而載抃

內中夫人郡君已下賀冬祀禮畢表

伏以欽若禮經率修禋祀既迄成於熙事用翁受於休祥恭惟皇
帝陛下道協彌綸誠通化育夙駕齊輅罄精意以告虔還御端闈

揚至恩而肆宥澤均動植慶洽華夷妾等祇奉嚴宸獲瞻盛際願
拜萬齡之祝冀伸千載之逢

大長帝姬賀冬祀禮畢表

伏以涓辰展案既奏假於層壇發號施仁用均釐於寰海情文允
穆典冊增華恭惟皇帝陛下以天為宗於帝其訓道洽政治九功
敘而嘉頌興俗阜時和五禮備而美祥格誕集眾甫協成其儀妾
夙被恩榮實同慶賴聞初還於綵衛輒仰獻於綈函

冬祀禮畢奏謝天尊閣佛閣等處表

親祠陽位祇見昊天靈心嘉慶祥昭著實繇庇現獲底備成敢
奉薰修以申報謝

冬祀禮畢奏謝內中玉虛殿三清諸聖等表

親祀泰壇祇見上帝百禮既洽萬福來靈實賴聖真默垂保佑敢
申報謝冀格願歆

冬祀禮畢奏謝內中玉虛殿上九位等表

率修元祀祇報昊穹百禮備成景貺昭答仰資庇佑用格居歆敢
率邦彝恭陳禮謝

冬祀禮畢奏謝欽先孝思殿后表

展儀陽位克承上帝之休肆宥端闈均錫萬邦之慶茲迄成於盛
典實祇適於大猷用罄精誠載嚴報謝仰虔聽鑒永佑昌期

冬祀禮畢奏謝萬壽宮崇福宮諸帝后西京嵩山崇福宮等處祖宗表

伏以薦一純於上帝獲考盛儀均五福於庶民既孚大號實資庇
佑克展靈承敢率舊章式陳報禮

謝賜宴表

玉陛疏恩方負非才之愧瓊林頌宴更蒙異數之加凡在叨逾舉
深慶忭中謝伏念臣等久安鉛槧素樂筆瓢心徒醉於六經志敢
希於五鼎幸千載飛龍之際陪一時振鷺之游名標金榜之中昔
稱千佛會列瑤池之上人謂羣仙宮花叢御苑之春帝樂簞鈞天
之奏光生章布榮勳緝紳茲益恭遇皇帝陛下當饋思賢推食待

下念臣等齋鹽久饜備歷艱難於臣等邊豆有加曲推慈惠時輟
大官之奉俯霑一介之微臣等敢不沒齒銜恩終身飽德愛君憂
國不忘頃食之閒趨事赴功益謹素澹之戒
天監節謝御筵表
三靈效祉聿當彌月之辰百辟稱觴申祝後天之算恭惟皇帝陛下
照臨有赫覆幬無私紀流渚之祥虹允符壽節詠零廷之涓露
洽被燕慈臣等幸遙近班與陪盛觀糜捐不足以副榮懷之遇鼓
舞不足以盡歡欣之誠

表

賀太陽當虧不虧表

官占辰日預陳薄蝕之期聖德動天遂格休祚之應瞻至誠之上
遠方協氣之橫流凡在照臨敷同慶賴恭惟皇帝陛下福膺百順
祐擁三靈行堯道以兢兢秉文心而翼翼基圖增固治永敘於九
功精履交通變宜消於十輝允符瑞既益著亨辰臣等夙被寵恩
過叨榮祿診收內壤心均四海之歡疏奏前旒壽獻萬齡之祝
賀增上神宗徽號表

合宮大饗載修崇祀之儀清廟徽稱誕廣通追之孝人神協贊典
冊用光凡諸含血而有知孰不惟心以行慶臣中國家七葉幅
員萬邦巍乎先帝之隆凜乎三代之上神靈如有熊而成之以敦
敏濟哲如大舜而輔之以溫恭承列聖之寢昌弗有其治跨百王
而高蹈克成厥勳于時率土之臣咸請中天之號禹功不伐湯德

摘集十一

日新方伏闕而未從遽號弓之莫及逮茲累檢申厥舊章深求典
謨博采雅頌爰因配帝之祀聿嚴宗德之名甚盛無前持外王之
土其其傳罔極著上聖之形容恭惟皇帝陛下剛德有為達孝善
繼率時昭考燕及皇天卜太室之受釐協羣倫之歸美施諸玉冊
赫爾金聲考治式孚蓋原於復命神功不宰向出於強名臣獲際
昌辰預聞休蹟退惟替履之舊淚灑周南遐思圭璋之儀魂馳魏

賀甘露降帝龍表

儀盛漢廷方幸修於元會祥呈夏鼎如克享於天心凡預榮懷敷
同慶賴竊謂湛恩廣被協氣橫流精駁於焉交通符瑞必以類至
賤霄零之甘露稟雲表之清英載在遺編稱爲休貺或受諸草木
而象德或降於宮室以紀年粵若王政之初爰當帝龍之上時乃
創見昔所未聞恭惟皇帝陛下體御至神道兼全於衆甫用揚獨
智世用賴於九功民俗阜康遯匪靜謐雨暘成若稼穡屢豐謫謫

治警宜三靈之底豫漢和液彰百福之備膺臣等獲際熙神幸
瞻嘉應班趨上閣共傾向日之誠疏奏前旒更祝後天之算

賀改元政和表

燎升陽時既消饗帝之儀澤沛端開爰易紀年之號書文所暨民
俗交欣臣中賀臣聞二帝之德雖隆其要不外於稽古二典之文
可考其詳尤在乎命官夫惟無曠於天工是用克和於邦政紹茲
能事屬在聖時恭惟皇帝陛下巍巍成功以丕冒率土業業致孝
以祇通先猷仁洽道豐氣調時豫乃因祀禮更定歲元臣襲備近
聯今從左省莫陪慶列徒緬想於賓傳均浹歡悃竊自同於歌舞
謝賜政和元年曆日表

近日前推先天誕告凡備守邦之吏寵頒紀朔之文俾獲珍藏實
均慶賴臣中賀竊以唐堯之考曆象虞舜之察璣衡豈惟敘授於
人時益亦靈承於帝事載在二典訓垂百王恭惟皇帝陛下道體
泰元治高振古五辰兼撫致庶績之咸熙九敘可歌方萬世之永

摘集十一

賴茲當改歲申飭攸司課密度於清臺既無差忒錫成書於列郡
冀克聞知臣猥玷隆私與膺嘉會金臺漏永共喜化日之長玉燭
時和預慶豐年之屢

賀紅鹽表

地符薦祉鹽澤效祥方擬凝雪之姿忽示激丹之彩應唯誠格福
以類臻臣中賀自昔牟盆之瀕爲特公家之助當草聖之臨御嘗
奏瑞鹽迨政和之紀元再書紀史希世難遇有識交欣恭惟皇帝
陛下德協炎靈功昭烈祖寶源恢復既豐足國之儲珍既薦臻益
永承祧之祥臣冀由從業黜領郡章身遠軒墀莫預稱觴之列職
親民社欣聆擊壤之音

代三省以下紫宸殿稱賀太陽不虧表

誠德誕孚嘉祥丕應泯消內壤既虛十輝之占惟淡中區承賴一
人之慶臣中賀恭惟皇帝陛下運乾剛以覆轉居離正以照臨發
政施仁靡匹夫之不獲彰善輝惡致庶績之咸熙治馨方格於神

明和氣宜通於精履偉茲穀朔時乃珍符臣等均被恩榮與庸任使仰瞻天路竄為千載之逢追效嵩呼敢後四方之賀

代宰臣以下賀黃河清表

天心佑德川后薦祥方雨浹濛濛之時有千載澄清之瑞咸山誠格福以類升臣等惟河四瀆之宗惟水五行之首效靈瑞拱屬更紀歲之元顯應大中適展親祠之禮考今為備視昔用光矧當乾寧之邦允協天靈之號恭惟皇帝陛下性堯舜之孝悌躬文武之憂勤利澤汪洋靡匹夫之不獲和氣充塞宜景貺之自臻簡牘屢書華夷均慶臣等具膺寵祿與觀闕休俟河之清豈人謀之可冀如川之至知聖壽之無疆

代三省樞密院請皇帝聽樂表

禮緣羣情聖人必為之節喪從先祖後世靡得而踰恭惟皇帝陛下仁稟乾元恩隆坤極念朱邸來嬪之舊有紫閣占夢之祥制服過期輟朝增數去日已遠而慈軫愈劇卹典雖厚而誠感未綏迺

茲公除尙停雅奏臣等考莊穆之故事本正元之舊章既終耐饗之儀卽允叩關之請伏望宸覽寬追悼曲徇虔祈遵景德之詔音禮由義起御鈞天之法部樂與民同

代賀皇帝御大慶殿大朝會表

律曆三陽咸慶王正之序圭璋百辟聿修元會之儀凡在有生罔不載躍中賀恭惟皇帝陛下誕隆駿命祗通孫謀甄商陶周凜凜百王之右參天貳地濶濶上聖之姿九功之敘皆可歌五聲之來罔不備比奉靈真之恤久虛大慶之朝永言孝思化式孚於下土錫茲祉福佑克申於翠倫爰當發春赫舉四觀禮文甚盛典冊用光臣獲際昌辰預聞丕繼周南歎滯莫陪鵷鷺之聯魏闕馳誠徒切江湖之想

賀康復視朝德音表

法坐天臨曠恩雨施方永膺於遐福用申錫於羣倫凡預見聞敷同鼓舞臣中賀恭惟皇帝陛下誠贊化育孝通神明以盛德承宗

社之休宜萬壽等乾坤之久臣曩由從臺黜守郡章辨色造廷想清班而獨阻焚香拜詔覺協氣之橫流

代宰臣以下請皇帝受立圭第二表

盛德茂昭珍符申錫將答帝臨之貺必嚴躬受之儀敢冒威尊再陳誠悃竊謂立曰純乾之色圭為重土之文旁連山岳之形中函雷雨之象偉茲至寶兼備三才維帝堯峻德之明有神禹成功之告自時厥後歷世靡傳以迄於今蓋天所受恭惟皇帝陛下欽文格於上下孝弟通於神明親九族以和萬邦釐百工以熙庶績豐年屢應嘉瑞薦臻肆追美於陶唐用發祥於珍物伏望皇帝陛下體三靈眷佑之命納羣臣鼓舞之情特降詔音俯從懇請先期消吉稱事展儀舉一代之彌文昭有邦之大寶以介無疆之壽以隆不拔之基

賀中宮受冊表

羣辟造廷陳有司之備物溫詞鑲玉正中壺之隆名凡與見聞胥

同鼓舞中賀竊惟乾坤作配以化育日月相須而照臨故三代之興成資內德之助而二南之盛實為王化之基恭惟皇帝陛下聰明憲天潛哲稽古念昔家邦之御必始於德音矧茲宗廟之承莫親於同體肆求茂德崇建長秋祿燕傳祠將衍多男之慶星軒增耀示符儷極之儀臣職繫左符身遙丹旆瞻母慈之不冒均民俗以交欣

代鄭樞密辭免樞密院表

驟膺綸制升冠樞庭聞命以還撫躬罔措伏念臣事勞無紀問學非優獨荷眷知遂陪機要挈餅之量心常戒於易盈伏櫪之材用豈堪於致遠坐糜廩祿徒閱歲時方積懼於瘵官敢益隆於柄任恭惟皇帝陛下道全眾有對時物以皆昌功敘九歌同天人而無閒齋居決事盱食視朝以聖明述作之資有文武憂勤之志振曠古已墜之典紹先朝丕顯之謨發政施仁靡一夫之不獲命鄉論秀致比屋之可封嘉祥緣類而並臻殊俗款關而來享臣幸當盛

際猥備近司海嶽深崇豈效涓埃之補乾坤神富難酬雨露之私
儻冒寵靈將速罪悔仰祈洞察俯徇虔祈特還替書俾安愚分
同前准備第二表

愚誠盡布冀寢諶恩睿意未從曲加寵諭願深慙於公義敢再冒
於天威伏念臣出本諸生晚叨清貫自陪樞筮浸閱歲華方上主
有為之時實千載難逢之會裁決機務取成聖心而臣蒙被寵靈
無可論之薄效奉揚明命但知仰於清光儻復起升必速療曠伏
惟皇帝陛下循名責實以總覈於羣能公聽並觀以博通於眾志
因念臣營之懇特寬通慢之誅改擇時材追還繪制
中書舍人謝表

臣言伏奉詔命除授臣試中書舍人仍改賜紫章服者試言黃閣
請避弗俞視草紫垣疏榮非棟仍頒願服併免常儀賈冒有加臣
營滋劇臣誠感誠懼頓首頓首伏念臣行能淺陋術業荒疏本乏
力稱偶階仕進初緣采擇獲對燕閒擢自膠庠任更臺閣諫垣論

五

事久莫效於涓埃柱史記言近不淹於歲月方虞叨味將速誦呵
曷意明恩復加寵陟矧神聖述作之御實區宇亨嘉之辰雲漢文
章可觀而不可繪其象雷風號令可聞而不可寫其音是宜潤色
之尤難夫豈屏微之克稱恭惟皇帝陛下以堯舜之孝弟有文武
之憂勤廣延羣材協贊庶績迺茲倥倥亦被褒揚臣敢不激昂懦
衷細繹舊學典司訓誥雖慙深厚之詞陪侍禁嚴敢忽靖共之節
謝再除中書舍人表

臣言伏奉詔命除授臣試中書舍人者訓辭俯逮誤膺求舊之條
懇款冒聞莫遂由衷之請叨恩愈厚圖報為難臣誠感誠恐頓首
頓首伏念臣寒素諸生迂疏晚學早玷儒林之選濫陪俊域之游
曩幸聖知擢升諫列獲奉清閒之對數陳固陋之言迺緣優容遂
至起躡掖垣四禁代司綸綍之嚴省戶五花兼與機衡之密曾微
效實徒閱歲時比免其麻方依邱隴筋骸疲弱偶殘喘之僅存志
氣銷磨豈清塗之敢覲忽蒙收召復冥高華惟內省之甚明宜自

悉於非據此蓋皇帝陛下孝治四海禮優庶臣閱茲艱苦之餘生
粗有樸愚之小諒曲垂眷錄弗忍遐遺風木易搖既永乖於榮養
涓埃可補願何憚於捐軀

汝州謝表

叨榮已久宜速頽頽積咎滋多敢逃誅責恩深慙感極涕零臣
中伏念臣家起寒微望絕榮顯束髮試藝遭時右文偶應經術
之科復玷辭章之選擢自州縣進聯師儒迨登對於燕朝寢踐揚
於要路初持從橐距今八年兩貳省曹既書三考侍適英之史讀
議大觀之禮文眷憐每發於金聲願速必康於玉色而臣才短難
強器小易盈曾無可紀之勞適有自貽之戚致形論列終累保全
尚特屈於常刑俾獲臨於便郡此蓋伏遇皇帝陛下體乾在上與
物為春如日方中容光必照念臣與陪帷幄嘗奉燕閒察臣參掌
銓衡粗勤職業用加寬貸薄示小懲臣撫躬深思刻骨永戒才非
太史敢與歎於周南心類子牟但馳誠於魏闕

六

謝復修撰表

分符汝海方循省於前愆列職書林俄霑濡於需澤危襟增激感
涕交流臣某誠惶誠懼頓首頓首伏念臣系本單微進由孤遠簿
書累考安州縣之卑棲歷泮八年甘齋鹽之冷宦偶緣登對寢被
使令接鴈鷺之後塵侍槐楓之清燕葑菲之選皆由拔自聖知絲
綸之除每特從於中出而臣受材爾薄賦分奇艱無可紀之勞能
有既彰之罪悔謨膺慈惻獲貸嚴誅假以郡章閱茲時序謂當示
勳尚不遐遺恭惟皇帝陛下德與日新仁如天覆察臣陪扈滋久
樸拙無他閱臣擯斥以來憂兢愈劇用加甄復示不弭忘臣昔冒
恩私親承訓教奉法循理敢自替於前修盡節竭誠誓益堅於素
志

謝除兼太子賓客表

臣某言伏奉詔命除臣兼太子賓客者宸衷親灑詔檢中頒即建
禮之舊聯兼承華之顯列仰膺賁冒俯積忤營臣某誠惶誠懼頓

首頓首竊聞自昔宮僚為時人望蓋毓德於初載必選賢而與居
矧當調護之榮尤出搜揚之角如臣者以蹇淺之學問無卓異之
行能奮辭寒鄉最為孤宦參粉闈之餘論豈稱所蒙奉銅鞮之後
塵益慙非據恭惟皇帝陛下端本以御家國因能以用人材朝臣
久綴從班備聞謨訓察臣幸陪經幄粗識淵源因誤褒嘉遂階擢
序臣敢不砥礪素節激昂懦表念左右前後之人罔非端士陳君
臣父子之道敢替前修

謝傳宣入伏早下表

使華俯速天語驟傳念茲伏暑之臨錫以夙休之寵拜恩優異揣
分兢慙伏念臣問學空疏文辭淺拙叨長憲部權直禁林龜嶺風
清豈覺午陰之燠花輶日永初無內務之繁敢冒慈憐俾從暇豫
此蓋皇帝陛下招延時俊優假詞臣特蠲退食之期昭示閔勞之
意雖殫千慮曷報萬分
兵部侍郎謝表

摺集十一

七

臣言伏奉制命除臣試尚書兵部侍郎仍賜對衣金帶者備員西
掖久玷恩私貳職夏官益踰分願仍有匪頌之寵俾為服飾之華
賁冒併優怔營滋劇臣某誠惶誠懼頓首頓首伏念臣屬辭淺陋
承學迂疏猥越稠人浸塵清賈方聖神熙洽之運寶文物光亨之
辰獨幹機衡孰測乾坤之造親御翰墨共瞻雲漢之章而臣重以
非才再司外制曩奉燕閒之對特形褒獎之言揣分未安拜嘉增
惕敢圖春錄復與甄升此蓋皇帝陛下溥博兼容清明旁燭將曲
成於萬務靡求備于一夫致茲屏微於焉僥倖臣敢不祇循名節
恪赴事功圖報國之涓埃雖難稱塞比向陽之葵藿永勵忠情
謝除刑部尚書仍賜對衣金帶鞍轡馬表

寶跼親御芝檢中頒進冒寵除曾莫伸於懇避薦叨蕃錫願曷稱
於恩榮臣中謝伏念臣家本寒鄉分安末宦偶緣推擇寢備使令
自適從班於茲十載心雖許國初乏勞能智昧保身嘗嬰罪悔頃
膺召札再貳銓曹惟雨露漸滌之私實天地生成之造於焉圖報

豈不知難敢誤眷憐復加擢序矧出箭衣之麗束以兼金仍分慶
賜之良傳茲沃饗併深僥倖益重兢慙恭惟皇帝陛下心運道樞
躬持慈實納民軌物既符堯舜之隆無曠庶官用襲典謨之美願
如屏陋亦與褒揚臣敢不增勵朴忠愈堅素守虔共夙夜靡懈出
位之思兢慎簡書期副好生之德

賀刑部斷獄表十三首

民俗可封刑章幾措當春秋發生之且無簡書請讞之又固圍畢
空頌聲交作臣等中賀竊謂平國而用中典亦以教民為師而監
祥刑於焉止辟惟皆進其獨志迺不犯於有司屬在聖時追隆治
古鈞金既息丹筆何施恭惟皇帝陛下心宅道真汎觀衆妙躬建
皇極五敎九疇高靈格而百順臻美化行而四維舉肆克清於常
憲其永祐於多方臣等獲備有官欣逢盛事紀太平之文物願詔
史臣頌至治之本原豈知帝力

摺集十一

八

於庶獄報囚悉下奏獻無爾凡與見聞敷同慶賴臣某等誠歡誠
忭頓首頓首竊以聽兩造之備雖有司存決五辟之疑必從中覆
唯空幽園乃絕丹書若時閱休屬於盛際恭惟皇帝陛下隆追考
翼獻蘊道真集前聖之成以建有極之會體上天之載以澄萬化
之源宜致嘉師罔干常憲臣某等優游退食茂無任事之勞鼓舞
抗章願奉維祺之祝
甚盛之德既不冒於羣倫幾措之刑遂追隆於振古精囚云絕丹
筆不施凡與見聞胥同鼓舞臣等中賀竊以幅員至廣獄訟實繁
豈參讞之攸司無一辭之可聽太平之象茲昭示於多方至治之
馨蓋敷聞於在上躋時若此唯聖為能恭惟皇帝陛下執古御今
體元贊化道包衆有對時物以皆昌功敘九歌同天人而無閒用
承清於餘宇俾不犯於微文臣等位列秋官職司憲臚嘗備聞於
盛事不自意於親逢
道與時升慶為民賴邦刑幾措廷讞無留恩浹華夷事光載籍臣

等誠歡誠忭頓首頓首竊以舉陶之美帝舜茲不犯於有司周公之戒成王其勿誤於庶獄追隆治古屬在聖時草鞠圖扉吏停丹筆恭惟皇帝陛下躬建皇極心澄化原集前聖之成以欽承乎宗社禮上天之載以丕冒乎家邦百度既新九功咸敘用罔干於靈制期永祐於嘉師臣等叨奉恩書與承德意願上萬齡之祝庶伸千載之逢

帝德懋昭民風丕變方其陶於美化幾不犯於微文獄靡淹囚廷無留獄請如盛際實邁前聞臣中賀昔在神宗紹隆列聖敬用三典分建有官凡厥罪疑悉從中覆偉茲率土之眾曾無麗獄之辭致治若斯維聖時克恭惟皇帝陛下潛哲稽古聰明憲天心運道樞以澄清於萬化躬持慈寶以捐育於羣倫百度交修九功咸敘用承綏於繇宇俾自遠於祥刑臣等叨備秋官實司憲制吏停丹筆共欣不世之逢疏奏前旒願奉無疆之祝

摺集十一

九

鞫無留自昔鮮逢於今屢奏臣中賀竊以疆理至廣簡書實繁維時嘉師罔干常憲當宣室齋居之暇絕季秋請讞之文矧邇誕辰方蒐禮朝紳拱極共上萬年之賜使節造廷聿修重譯之貢於焉止辟孰不歸仁恭惟皇帝陛下高拱穆清適觀昭曠會眾符以建皇極執至要以澄化原無疆之休既昭受於上帝百順之福永敷錫於庶民宜幽固之一空靡微文之可議臣等叨膺推擇均與榮懷恢太平極治之基孰知帝力紀甚盛無前之蹟願詔更臣民知遠罪冒犯寢希更有奏疑報論卽下以盛世土疆之廣無攸司簡牘之繁歡心交通和氣充塞臣等中賀竊聞堯舜之治章服異而俗已徵成康太平固圉空而刑不用雖曰古今之異茲如符節之同恭惟皇帝陛下默蒞至真獨觀衆妙精神運而心術動美化自孚禮樂著而法度彰庶功咸敘用臻丕應克邁前聞臣等叨備秋官與頌中典頌天地之大德難盡形容書帝王之極功願貽

筆削

企九清之真境初薦鴻名格四海之歡心遂空幽固當熙事備成之日訖季秋請讞之章和氣橫流靈心昭符臣等誠歡誠忭頓首頓首竊以箕子之陳皇極用敷錫於庶民周公之告微言其勿誤於庶獄追隆古訓屬在聖時宜多福之幸懷致五刑之幾措恭惟皇帝陛下獨觀衆妙慈建大中敘巍巍之成功增光列聖揚顯顯之令聞高出百王赫茲太平是爲至治迺歸德於穹昊肆展采於禁廷玉檢推尊謁欽崇之精意丹書告慶息詳覆於微文臣等叨備秋官與頌中典祝天人之無間孰測神謨紀時物之皆昌願貽信史

摺集十一

十一

載功格神明典章文物之隆百度畢正道德仁義之備萬邦咸孚用格淳風罔干中典臣等獲塵任使祇奉詔條敢抗囊封申獻後天之祝願盼汗簡具中賀學壤之藹寶祚無疆一兀之華且祥刑不貳訖五辟之疑文盛事係傳羣心交林臣等誠歡誠忭頓首頓首竊以周官布治紀正月之始和呂命訓刑矣一人之有慶追隆古治屬在聖時恭惟皇帝陛下道心之微獨該衆妙帝德之運丕敘九功天貺傳臨春祺紹至用敷錫於黎庶期永措於丹書臣等獲備憲曹敢後四方之賀願貽史觀時書千載之逢

筆削

昌政本日新使民不倦揭太平之備典御假樂之盛時年穀屢豐
珍祥沓至顯顯百順之福巍巍九敘之功夫將坐陽館以朝諸侯
登介邱而禮上帝繇一人之有慶敷錫多方致雅俗之無刑通追
治古臣等優游遵職鼓舞抗章竊效嵩聲共獻萬齡之祝願貽史
筆特書千載之逢

福以類升慶爲民賴當三朝之勝會訖五辟之微文盛事係傳茂
恩勞暢臣中海宇至廣狃實繁唯底時雍乃臻刑措矧正月
布治之始方萬民觀象之初百辟奉觴異邦在列由中及外如皆
樂於一堂以古況今豈太平之無象恭惟皇帝陛下帝德之運乃
聖乃神道心之微惟精惟一懋建皇極永清化原肆丕冒於嘉師
罔或干於中典桁楊不用簡牘何施臣等叨備攸司獲觀丕應奉
萬齡之祝方幸筮於朝紳書千載之逢願特頒於史觀
代宰臣以下賀獄空及大理寺斷絕表

日畿嘉靖四陳固園之空棘寺肅清兩奏簡書之絕臣鄰歸美郡

摘集十一

三

國告成曾未涉於歲時已屢編於史冊謂如盛際實掩前聞臣中
竊以治格熙淳教化行而爭訟息俗躋富壽衣食足而廉恥興
迺形止辟之風克副好生之德恭惟皇帝陛下神機獨運聖學兼
該以文武之憂勤有堯舜之孝悌繼志述事動懷明發之心布政
施仁每頒中出之詔民咸遠罪邦用措刑矧當孟冬甫臨誕節北
鄰修慶西敵造朝上奉萬年之賜共申善頌下罔一夫之獄昭示
閔休臣等均被寵恩共膺榮祿願稱燕雀之賀庶殫葵藿之誠

神宗皇帝聖政頌

并序

臣某言臣幼釋耒耜為諸生學問尋在鄉選遂竊名第紹聖二年
初立宏詞科有司以臣程文奏御蒙先帝誤恩擢備學校於茲七
年矣惟臣質薄材下行能亡異循循默默罔克稱塞獨觀自昔大
有為之君其宏休偉績必有俊傑之士馳騁翰墨鋪張揚厲以警
動天下傳之無窮恭惟宋興百有餘年神考以天縱之資崛起於
五聖之後內修法度外攘夷狄日月所照生息無極巍巍典謨所
陳奚以尚此陛下踐祚推原太平之自發德音下明詔尊崇廟祀
百世不祧建丹靈西宮以顯承為館御之首其永紹裕陵之育形
於聲詩繼志述事之意揚於訓辭學士大夫宜廣陛下孝思之誠
為雅為頌以形容神考之盛德大業如維清執競長發之詩臣是
以不勝惓惓復自念漢永平徵外遠人槃木白狼獻詩歌德譯在

摘集十二

一

史館矧臣自託於藝文待罪國子雖語言淺陋不足自效夫豈遠
人之不若哉謹齋心滌慮撰成神宗皇帝聖政頌一篇願辭不稱
事未究萬分之一亦臣之極思也如蒙陛下假清閒之頃特紆睿
覽臣退入溝壑死且不朽謹昧死繕寫隨表上進以聞臣無任瞻
天望聖激切屏營之至臣誠惶誠懼頓首頓首謹言頌曰
有宋受命十年維億前發後昊配天作極於赫神考紹休五聖篤
實輝光剛健中正考古驗今慨然有為手撓顧指雷厲風飛秦漢
以還因陋就寡樂變於淫禮求之野下及五代十有三君朝弗慮
夕罔卹典刑爰自建明寔明寔昌一變至道以詔後王神考若曰
惟天祖宗既以命予予曷不從迺收羣策斷以不疑乾旋坤轉咸
蹈厥機王政之行越有先務水利土工惟民是裕既勸相之申以
保息慈遷有無平頌興積執謂民遠如手撫摩遣使宅牧究宣惠
和昔在祖宗賦力於下校登夫家以令施舍行之百年民執官功
法久必弊惟變乃通神考念茲先定等籍歲均厥輸官為僦役商

農工賈成莫爾私毋擾靡訴毋虞鞭笞昔在有周士貴以肆賓與
賢能惟德惟藝既望終魄東極於隋離龜取士壯士不為神考念
茲罷黜聲律論秀丞髦選取經術賢關載闕敦學惟醇鋤荒剔蕪
統一道真昔在有周六卿分職區區宇文嗣修品秩唐正在位
稍周唐以辨官治若網在綱□□□小大相維循名責實百工
允釐昔在有周稱秩祀事惟郊配天惟饗配帝曲臺失職淪胥異
聞或陳九祭或創兼尊神考念茲章別隆殺靈神一天肆嚴專配
惟聖饗帝惟孝嚴父發禪祿容以格神佑昔在仁祖作宮永安名
曰會聖以游衣冠厥惟京師數奉神御散於羣祠禮若未具神考
念茲迺卜景靈陰蔽陽耀寶祉萃興像設嚴嚴飄馭降格妥侑孔
時裸獻維則昔在寶元元昊陸梁爰暨熙寧交趾亂常惟羌惟蠻
乍臣乍叛羈縻涵養習為驕悍神考念茲迺伐仇方南滇楚越石
復河湟河湟既復羌失右臂揚武橫山往域要地昔在有隋驪為
汴流控引淮泗雙達邗溝濁流千里洶洶電激舠推艦覆開不容

摘集十二

二

息神考念茲迺導洛水釋釋清源來自熊耳盈科而進匪亟匪徐
風航雨楫既安既舒惟昔刑書編次散教與律並行時損時益凡
目復廣疏密不論輕重抵牾罪失厥情神考念茲肇修品章科條
金玉以約御詳蒐補闕遺刊正謬誤芟夷潤色制例兼著猗歟偉
歟經始熙寧迄於元豐展也大成鈞衡鍾俞車服旂常軌量以度
物采以彰金石鞍協曆象考證以諧八音以齊七政藥劑有任工
技有程緝熙庶積罔不勵精賞必選勞罰匪作惡播告不匪俾克
畏恭俸優公家交屏私室低礪廉隅以清回通議刑左學訓武西
序博延數塗曠逸銓敘課試任子甄用公族較短較長俱收並蓄
聯民鄉遂寓以伍符爰糾姦慝爰比追胥越井參旂百將分戍前
茅後勁既開統馭簡稽戎器搜閱材官帑廩備頂廩牧阜蔭惟時
惟幾規模宏遠神而化之用藏隱顯於乎神考誠明生知終始典
學道心精微肆筆成書吐辭為經河洛之瑞雲漢之明明廟謨
出入緇鈴鐘靈神武法天動潛外絕進獻內擯聲色覽奏夜艾聽

斷日尺苑園弗繕宮室弗營城池襲固府寺增宏迺對草萊衰進巖谷一藝必庸小善必錄實禮者皆省納諫諄以鎮澆浮以激柔侯追美先正表揚厥勳圓形原廟為漢麒麟瞻言闕宮義夷同几升祠四后式燕祖妣明發不寐有懷二宗祗嚴徽冊維極顯崇奉事東朝恩性天至輦道安居懋昭孝治友睦同氣華華相輝神蹟匪效羽翼在茲惟功與德儼蹤典墳規重矩疊不可殫論十有九年休應以類海不揚波遠人慕義惟時臣子薦號中天謙沖退託詔無復言介邱壇場日月以冀獨觀昭曠抑而弗譏惟天祐之幸生元聖永明孝思答揚光訓迺尊廟而百世不祧若武之穆若文之昭迺建西宮列峙中經比隆皇武冠以顯承祖功宗德既克兼之作聖述明惟其盡之子子孫孫率迪大猷無有後艱永乎於休

記
甘露記

子守汝海以堂宇傲甚徒寢室於訟廳後之涼堂上舊隔舍為子

書院

書院涼堂之後隔舍之前有竹數十竿予出入廳事日盼此君一夕夢有人告甘露降矣予奚弗省也予次日晚偶記所夢往視竹上露頰圓瑩如珠點綴甚密嘗之味甘如飴時大觀四年十有一月晦也自經晴日或暴風大霧又三雨雪既釋露凝如故子初折示郡寮雷質几案竹葉已瘁而露益明潤既久味若糖霜然至十有二月晦竹間粲然猶不瘁云
香山天盃觀音禪院新塑大阿羅漢記
汝為州當崑山之陽滎帶汝水土脈脊腴旁近郡旱潦不登汝輒豐稔以故民力優裕地左許右洛南襄北鄭而非舟車衝道賓旅自遠至視其間里愉愉舒綏謂之樂郊然僑寓者多晉人習尚儉齋室宇僅蔽風雨不厭庖陋車馬衣服大率稱是而獨崇信鬼神祭奠獻施無所吝惜其奉佛尤為勤至雖五代干戈擾攘日不暇給而境內禪刹號古道場者三四其名僧機緣見於載錄者踵相躡也香山寺在郡城南百餘里唐宣律師嘗授之天人以是為觀

世首菩薩化身之所士民重盱瞻禮罔有虛日竟有新禱佛光見前或小或大或遠或近或多或少或寡合散轉移不可測度乃至見於大雨霧風雪之中其靈應顯異蓋如此大觀三年住持比邱法成謂其徒曰茲地殊勝邦人欽奉而像設故壞散列於埃壘之下網絲之閒四方來觀者生慢易不可不易迺命工造夾苧縷金大阿羅漢十有六從侍十有四龍帳供器皆備費凡三百萬出常住贖眾之餘閒有助緣者初未嘗干句也四年秋設齋慶成有光見於塔頂經數日乃散嗚呼色見聲來釋氏以為邪道至莊嚴布施則又以為必若是然後為信心成師有得於宗乘者於此宜辨其說矣然今天下山林勝處皆建道宇佛祠而佛祠尤盛如香山光景效靈又天人顯告見於宣律師傳甚詳非他叢林比也成師方舉揚真諦而不廢土木之飾此非徒然為演其意而說偈言諸佛之示見如彼水中月影隨露潤生豈復有量數羣生欲見佛亟以辟色求如攬水中影圓明散何有莊嚴具百寶佛子所當知

開茲迷妄心

開茲迷妄心方逐萬境轉瞻言一念起如土布嘉種因緣能發明長養至成就香山勝妙地觀音普降身精廬降摩雲神物陰護衛士民輕千里聞所聞而來佛光應宵矚讚歎世希有復觀像設姿樂說無窮盡有如展轉開成發歸依誓不思議功德上以贊宸躬

集英殿

集英殿春宴笏記三首
祥風應律茲為布德之辰清露零廷爰舉示慈之宴恭惟皇帝陛下乾坤化育日月照臨有王有林成序九賓之列如山如阜共稱萬壽之辭
誠心昭格洽氣消收凡在照臨敷同鼓舞恭惟皇帝陛下如乾獨運與日並明治功方敏於九歌履異宜消於十輝臣等夙膺榮祿寢冒近司獲被休祥實均慶賴
誠格上穹變消內壤凡居覆幬均被榮懷恭惟皇帝陛下丕敘九

功誕膺百福方珍祥之沓至宜珍氣之潛收臣等叨備近司與聞
休應奉千齡之瑞祝肩四海之歡心

御製論大道文後序

臣某拜手稽首言曰道若大路然凡麗乎聲色象數孰不由之近
取諸身嘖笑願指起居食息無非衆妙之所寓惟其由之而不知
故逐物轉徙去本益遠聖人於此立言開明俾聞之者如索塗冥
行廓然見曉隨其性分即其所安嗚呼非博大真人孰能與此恭
惟皇帝陛下躬蘊道真懋建皇極所以配神明享天地丕冒羣倫
者既自得之方且深根固蒂長生久視以同乎太古又親御翰墨
敘大道之要昭示訓迪自羲畫禹疇與夫琳札所紀瓊笈所藏於
焉發揮言約理盡萬邦臣庶伏讀睿文迷者斯復窒者斯通是訓
是行同焉皆得將見還淳返樸如太古之時願不盛歎
邇英閣無逸孝經圖後序

五

臣竊觀國家承五季之後太祖太宗經綸草昧南收江湘西定蜀
漢北翦汾晉盪滌妖祲天步廓清迄於太平厥惟艱哉眞宗繼之
中外嘉靖緝熙百度文物粲然仁宗承三聖之後念創業之難與
夫持盈守成之不易也業業兢兢常懼一事一物之失宜不足以
駸惠前烈其默而爲思言而爲議見施設法度政教所以照臨海
島甚盛所以加惠元元甚厚猶以終始爲一者帝王所深慎也於
是考先聖人之言尤切於治者以自勵乃命近臣書無逸圖於閣
之左又書孝經之天子孝治聖治廣要道四章圖於閣之右朝夕
顧瞻若周孔在焉昔周公作無逸陳古先后之盛與夫稼穡之艱
難榮樂游田之害政以戒成王而其務以勤爲先孝經之四章稱
先王至德要道所以合同天人之際者而其原以孝爲本是二者
人主正心修身以御家邦無以尚此夫仰天而天不倦俯地而地
不怠則成位乎兩閒者孰過於勤在天有經在地有義則成能乎
兩閒者孰大於孝且有天下者非謂以天下奉一人也天下之大

以一人治焉以至衆望至寡則其責備以至靜視至動則其慮深
得失在於九重而利害及於四海善惡垂於萬世故人主必金玉
其言規矩其行德合天地明並日月然後足以垂無疆之休然則
周孔之訓其可須臾忘耶雖然此豈有他哉顧在心術之閒而已
誠能處堂陛之廣而思天下之民有不安其居膳膏粱之旨而思
天下之民有不飽於粟服綺紈之美而思天下之民有不足於帛
臨鐘鼓臺榭之樂而思民之所以憂享宴安優游之逸而思民之
所以勞日且坐朝鳩鷲在列而思賢士或有未進奏章在前聽決
可否而思事情或有未通念前人之所以託於後萬邦之所以願
乎上者夙夜不替曰若是而後爲古先王之勤又若是而後爲天
子之孝也惟勤與孝一舉兩得而天下不治風俗不美頌聲不作
燕後世比隆唐虞其效豈不彰明較著哉夫上論其人於寥寥千
有餘年之前求其道言置諸左右若朝夕納誨然願治之意深矣

六

遠矣嗚呼盛哉臣拜手稽首謹序

送吳顯道序
熙寧元豐開其爲兒童時聞顯道名至會稽始幸交焉其後紹聖
某年山陰令闕顯道攝邑事士大夫往觀焉時婚田務開牒訟盈
庭吏抱案牘列庶閒溢顯道隨事剖決筆不停綴吏唱判辭燥吻
續以他吏辰漏未盡盤錯一空頃刻閒聲譽沸騰顯道先領從事
至是猶兼之往來兩閒紳有餘裕大率明而不苛嚴而不暴以意
犯法者雖細弗有過誤者哀矜而出之人被其鞭撻再拜讚謝自
以爲不冤也每視事曰某人某日嘗以某事來吾弗直今奚復訟
某事某日嘗以某名來吾弗直今奚更名被訊者恐懼首伏吏白
事顯道曰某事於法不當治某人於法不當遠輕重緩急吏不得
舞弊邑境大說往往圖像以祠之於平顯道以學問文章爲荆公
門人高弟當先帝盛際物望輝赫視青雲與平地等耳而自珍太
甚不少降意世變互更晦迹不耀春秋高矣屈佐百里涵蓄深厚

未嘗發泄治山陰數月政績可驚使之得志功烈宜何如哉人知顯道學問文章而弗知從政之才故論次為送行序云

議

玉質溫潤赤與黑雜真玄色也以古尺攷之其長尺有二寸唯天子之圭為然考工記稱鎮圭尺有二寸天子守之是也周之鎮圭以四鎮山為飾今圭之首其左右刻四鎮山與周制同然周之鎮圭刻上今圭首雖刻而為椎形椎首乃大圭之制蓋自唐虞至於成周沿革損益大同小異猶登龍於山登火於宗彝也其琢為雷雨之文者三代以前禮器類以雷雨為飾尺有二寸之圭以周制考之為六瑞之首其琢雷雨以象天子法天以施澤於天下也其中為圓空者考工記稱天子圭中必注必讀如鹿車繹之繹其訓則縫也天子之圭中為穹縫以組約防失墜也三代天子之圭與夫公侯之所執乃至用以禮神者其玉或青未有以玄為色今圭

考工記

色玄則其為堯圭也明矣蓋天以玄圭授禹而禹以錫堯玄天色也堯以天道治天下故圭之色象堯之治符瑞志稱水泉流通四海會同則玄圭出蓋水泉流通則水得其性水為五行之首言水得其性以明五行皆得其性也四海會同以言中外嘉靖無一民不被其澤也五行得其性兆民被其澤則行天之道同於帝堯萬邦時雍同於陶唐此玄圭所以出也五行傳以宗廟禱祠祭祀天時為水潤下之應以謂聖人建宗廟以安祖考春秋祭祀以盡孝道王者郊祀天地禱祀神祇望秩山川懷柔百神罔不宗事致其齋戒鬼神歆鑒以獲福佑以和神人至於發號施令順協天時則陰陽調而終始成如此則水得其性皇帝奉若天道紹述先猷祭祀禱祠吉蠲盡禮政事設施格於上下臣民慶賴遐邇惟一以故大河澄清守臣屢奏遠人效順史不絕書所謂水泉流通四海會同者在於今日此玄圭所以出也

策

治法

問蓋聞法不獨立推而行之存乎其人猶規矩繩墨雖設必有舉而用之者然後方圓曲直物莫能遁古先聖王以道制法御事不以法從人也而人惟法之從不以人擇官也而官惟人之擇官治其職而人足以任之然後以類舉而事功立焉主上念文昌政本自神考肇正官聯大小承式迨今三十有餘載實德在民頃者清蹕俯臨天旋大部又親御翰墨延見庶工而訓迪之亦惟元豐良法美意垂裕乎後而行之在人嘉與在事之臣欽承彝憲以隆太平伏讀明詔曰其慎爾止無載爾僞以制議事以公滅私無瘵厥官無怠忽荒政修舉憲度罔有不孚大哉王言與詩書所載若合符節其丁寧戒敕至誠惻怛播告之文學士大夫其亦與聞之矣今欲有官君子體上之德意志慮度共夙夜無或便文當修其方法行其意各以行能功實仰稱詔旨若之何其可試為有司言之人才

考工記

問大雅有言濟濟多士文王以寧又曰藹藹王多吉士古先哲王創業受命與夫太平守成未嘗不求端於人才而人才之眾必自人陶冶而成之械樸之作人菁莪之育材此其成之之效也恭惟皇帝若昔大猷恢崇學校以幸教天下彞髦論秀而臣使之豈惟寵榮其意者迪以學術則義理明董以師儒則道德一待以曠日持久學優行敕而命之以官則其才皆足以有為其志皆足以有守夫以禮樂法度之備付之有官而任官者皆陶冶已成之才太平之基所以永永無極也然則上之期於多士蓋若此雖然知自貴而後外物不能挫其恆知自信而後邪說不能干其正苟輕重取予與俗轉徙而欲以所學為天下國家之用一出焉一入焉曾不足以美其身烏在其有為有守也士被教養而從政於此知所安矣不然則援其失祛其惑益其所不能亦必有道願著於篇

史材

問史官之權甚重褒貶所及傳之無窮不可磨滅唯學至博識至

明而文足以形容之然後議論不詭於古人詞采可傳於後世由漢以來言史者稱司馬遷自劉向揚雄許可以後皆稱遷有良史之才諸儒雖之罔有異說而唐蕭穎士獨深罪遷不編年而為本紀書表世家列傳失史之法然自遷合言動為一分史目為五後世因仍不能加損而穎士獨深罪之何也古人有言智者作法賢者更禮隨時制宜不必一道使遷之法誠是何必泥古以為失史之法耶後世不能易何哉諸生試陳之

禮制

問孔子曰安上治民莫善於禮唐虞夏商周之盛禮之損益見於載籍人主美化善俗流澤子孫蓋本於此世衰道微典章隕缺秦以降因陋就寡君臣敕戒不過簿書獄訟之閒雖有仁心仁聞不可為法於後世故漢宣帝時詔書每下民若更生而王吉以為可謂至恩未可謂本務也神宗皇帝監積習之弊親策多士命官討論主上丕承先志申命有司設局建官講求一代之制惟宮室

禮制十二

九

之度器服之用冠昏之義祭享之節學者宜所深考願與聞之將以獻於上焉

學術

問勸學以風化四方太平之原也先王之盛時制成均之法合國之子弟而教之下至五黨之州有序以會民而諸侯之教又命於天子所以一道德同風俗作成人材以趨事赴功雅有菁莪既醉其原自此神考勵精庶政求端於學以追隆治古訓經術恢館宇增弟子員其流及於郡國廣建學官以教多士洋洋乎成周之治宜無以進此今太學月書季考升舍限年率舉熙寧元豐之舊士固鄉風承德矣而學之在郡國者防範糾督之疑若未備也夫惇講授之選博延多士供億仰於公家而命之曰學豈徒徇虛名哉惟熙寧元豐成式具在事之未究者嘗許條例以聞將推原美意前嚴課試選出之法使士知所勸若之何其可願與聞之

宗學

問荀子之於勸學有言曰德操然後能定能定然後能應學者至於能應則其有為也若決江河沛然孰能禦之古之八或延以三旌之位而弗顧或乘田委吏而安之或享以萬鍾之祿而弗受或俎食瓢飲而樂之彼輕重在我而不在物故進退取舍處之裕如若然者其君用之則安富尊榮其民從之則孝悌忠信蓋存乎中者素定故建之行事若此主上留神宗學所以訓迪之非止應有司之選而已淵源經籍涵養道義其操術既定則守身從政將無施而不可諸公子仰承聖造其自得於成心宜有可言古之人能定能應者世有其人頌其詩讀其書其志可考以所得於今論所開於古試為有司陳之將以觀所學焉

摘集十二

十

摘文集卷十二

書
投獻書

某聞君子之於天下非才之難也所以將之者難才出於天而寓於人聰明智謀皆自之出舉而措諸事業無不可者然無將之則居勢利必爭履危難必避聞毀譽必亂處疑似必惑之人也方且逐事物於無所終窮雖才之有餘必困頓顛隕而後已故君子之用才照之以識作之以氣而持之以德識以照之孰能蔽之氣以作之孰能禦之德以持之孰能搖之三者合併而後其為度也大故其為志也固度遠而志剛故誘之以勢利而不淫迫之以危難而不懼鼓之以毀譽而不移委之以疑似而不眩夫然後與萬物相偶而莫之能撓以心役萬物而不為物所役故將有為也足以盡己之才巖穴之思廟堂之議其所著雖見不同要之窮不主義達不離道俾名聲與天壤相終夫豈小哉故君子之度猶之海也

望之不極即之不測放之不濶靜之不澄酌之不損增之不盈蛟龍聚焉風雲興焉彼潢汗行滌之水朝滿夕涸亦何能自致於此古之大有所為於世者雖才之不可及然必有非常之度伊尹之耕傅說之築太公望之漁非不負且賤也而不以為戚一旦舉而用之輔相人主而不以為泰其所養有大過人者故所建立若此其盛也推而下之凡以德業自進者莫不然西漢賈誼號為多才一不得志悲憤以死蓋有其才而無其度也問下負天下名二十有餘年出入中外視後進與同升之在己上者而志不動願先進與同升之在己下者而志不矜恢然有容毅然自守其讀書見古人若此猶忻慕之況與閣下並時又曩昔南宮奏名出自衡鑑今者以主生之禮求見左右閣下念某之勤恕某之狂一與之進不勝幸甚

又
某冀者天幸屢獲拜見辱下執事接之之顏甚溫誘之之辭甚詳

執事之獎引後進亦已至矣是時某憂制方關心氣未寧不獲有請於左右某幼好讀書及長益勤不愧職等緬想古人之所聞而欲盡得之迺究觀經史諸子百家之言雖貪多務得不聞精粗而性質顛蒙過目輒忘獨於古人議論設施之際與夫成敗興衰之由有激於心不能自己或沈吟深思或研味餘意或躍然自喜或惘然自失或可嗟可怨可為太息或可惡可怒可為填膺意不自已則發於聲聲之不足則紀之以文故自卯角以來家無兼日之儲而不知以為貧窮居閭閻而不知以為賤開卷有得足以自適舉在外者皆無足以累此戊辰年春執事不以某不才備數奏籍獲齒官學今者為貪竊祿猥佐一縣乃釋向之所樂以從事乎俗簿領盈几文檄繼踵目親手握米鹽瑣細進欲自拔於流俗而不能退欲翻然引去而不可檢身自潔與眾異趣則謗譏譖不約而會違已從眾與之無迂則枉尋直尺所學非是將求執事一言以破所惑惟執事幸教之將書諸紳以朝夕從事焉僭易之罪伏

冀矜恕

某碌碌晚進猥佐下邑沈迷吏役齷齪與轅下駒無以異也迺不自揆獻書下執事夫豈徒然哉竊自惟天下之才天賦之可謂艱矣而天下用之未必盡也夫有周物之智而用之不盡則有餘謀有過人之能而用之不盡則有餘技謀技有餘功業不極此有志之士所以激昂深悼不能自己也蓋士之仕也豈徒干祿而已固將有為也使之挂冠不出遁逃山林枕石漱流與麋鹿俱彼復肯念此哉既投迹有為之地欲自見於世迺無路以進求進而恥於自鬻雖甘心於自鬻而時未必售故士之有才者又以獲用於世為難也猶蠅飛不出牆宇附隼翼可以冲天蟻行不離步武得驥尾可以追風問巷之士勢卑力弱非有所託不能自致於青雲之上古人之於晚進或倒屣以迎或下榻以延或比之古人或自以為不及嘖笑謔歎為之品題而聲價自定彼豈邀譽於時求德於

所至而然哉蓋惟仁者為能進所知惟智者為能知所進仁智君子之所盡心焉觀古之名卿相必有知人進賢之德使當時薦紳瞻望一盼以為輕重而後世想見風采恨不與之同時中間持祿患失避嫌遠謗無所薦拔自同寒蟬者不獨當時嗤鄙而史官譏貶後人詆訶滅文仲聖人以為竊位虞邱子婦人以為不患指議所及百世之下不可磨滅顧不重歟雖然古人之知人大率以言孔子曰不知言無以知人也蓋言心聲也言之所鄉志之所在孔子之門人非不日見之也而謂二三子蓋各言兩志雖曰失之宰予猶堯之於鯀子產之於校人非智有所不及顧逆詐之非道也彼少正卯鄒析非不偽而辨蘇秦張儀非不巧於說騶衍公孫龍非不工於誕彼豈不欲文過飾非攘天下之美而有之而下流惡名欲益益著者理義之不可誣也故所謂知言者非多言之為美亦非寡言之為貴或以言得之或以默得之可以意會而不可以言傳此古人之妙也某竊觀執事以文學行誼負天下名二十有

揚卷三

三

餘年回翔所至品題士類甄別精確取信天下某筮仕之初獲備屬吏瞻望履舄顧不幸歟雖然如某之愚何足以進見於下執事然竊自惟某幼承義方之訓妄有志於學半塗為貧竊祿從官進於深造而不能退願碌碌者而恥之深念某之所賦尚可進邪抑不足教也而愴然不能自測今者請命典講以質所惑閣下以默知人則不待某言較然判矣如以言則某之書可見矣幸閣下少留意焉

謝人書

某頓首再拜某官伏承執事不以某不肖遠貶手筆敘三代以上君子致身從道之方下及漢唐諸子且勉某以所輕重大率先遠者大者而近者小者無取焉某性質顛蒙雖不足議此而樂聞之誠願學之意猶之稚子而遇希世之寶目親手搥不能名之而知喜之雖知喜之不敢有之夫三代而上天下之士去古為近離道未遠君上之所率迪庠序之所教養父子兄弟比閭族黨之相與

言以本勝末重內輕外氣完而不挫是以度量恢廓志操端潔見識高明後世去古益遠士風衰弱能不待文王而興者謂之豪傑之士孔孟既歿微言與義泯滅幾盡戰國之風操捍闔之術演從衡之說身委勢權死而後悔故士日趨於詐西漢以奔競相高朝奏尺牘暮被召命天子歎息恨相見之晚故士日趨於矜東漢以隱居放言為高屢聘不就為廉刻意矯情甘足枯槁故士日趨於僻兩晉而降質幹戕盡枝葉彫零謂能談諧為風流外形骸為曠達故士以浮華相耀譎怪駭俗唐有天下三百年士風幾類西漢然文雅醜藉不逮漢遠矣下及五代廉恥道消不足比數嗚呼千數百年間如董仲舒賈誼揚雄王通韓愈之徒雖卓然自拔於時然以古義責備猶不得為完人況夫他哉夫古今殊時名實寢素昔孔子以好學而好學不恥下問孔子以為文顏淵不遷怒不貳過孔子以為好學今綜輯辭采則曰吾斯之為文涉獵載籍則曰吾斯之謂學豈孔子之所謂文學也哉某雖不敏考古論今有激於

揚卷三

四

衷而下執事又幸教之敢不夙夜勉庶幾小人之棄君子之歸乎至於古人去就輕重之理皆執事自得於胸中者某恭聞命矣不宜某再拜

又

某幼嗜學問稍長以博綜自喜貪多務得欲兼古人之聞而有之或於疑似戰於予奪如航海問識涯渙然不自以為非也伏承長丈特賜金玉之音俾先六經孔孟之學後子史傳說之言屏去異端之害道者某始聞之而懼中得之而喜以謂擇之不慎思之不精汎濫之學幾不免為陋儒此某之所以懼也然以六經孔孟為權衡而諸子百家無所逃於輕重以六經孔孟為繩墨而諸子百家無所逃於曲直故言雖殺辭而折中於聖習雖支離而統一於道夫亦何憚於博乎嗚呼六經孔孟猶日月之明眾星譬譬之光不足觀也為雷霆之聲眾喙冥冥之音不足聽也日月之明而瞽者不得見雷霆之聲而聵者不得聞彼舍六經孔孟之學而曰

多見多聞將焉用之某自今以往當研精覃思推原六經孔孟之書以求先聖之用心以之治身以之事親以之事君必有以副執事諄諄之勤更冀終始成就之

論文書

某欽服高誼請命典謁執事感茲區區見之甚數接之甚温又於廣坐中過舉其文竊自惟蠢蠢晚進無聞於時何足爲下執事道者而樂善之誠動於顏色形於話言有意羽翼之使騰躍而上也然則大人君子之所存可知矣其聞之士伸於知己者而屈於不知己者某雖不足以言文然執事許之試爲執事論之夫文章自古爲難非爲之難也知之難矣非知之難也得之難矣非得之難自得之難矣古之人無意於文或以明道或以敘事以爲賦不足以自達則宣之以言言必有紀則述之以文故古人之文渾然天成固有凝滯渾金璞玉不見有追琢之跡後世不然務華者以侈靡爲麗務巧者以雕刻爲工務怪者以險僻爲高務豪者以

揚與三

五

馳騁爲壯各揣所好互相標目其不淪於俗者蓋無幾也故斯文陵夷無復古人之盛孔子之門人顏回亞聖而文章不少見孟子著書七篇穿貫古昔上下數千百年而曰距楊墨放淫辭予豈好辨哉予不得已也故古之人可以無言則文與之俱熄有感於物而言則文與之從事焉緣督而言因言而文此古君子所以異於後世也某以爲文之要如此是邪非邪下執事幸教之

請益書

某生長陽羨與執事同里雖門宇相望而前此未有承教之幸每缺然不廢於心今者不待請見千里獻書非有他求也竊自念某妄意讀書究經史諸子百家之言細大不捐必欲盡得古人之所聞以故博而寡要維擾進方且惑於疑似戰於予奪如立九達之衢而未知適從輒懷古人愛日之意冀得亟聞綺言以豁蒙鄙此某區區之懇也某聞之聖人之經有六而性命道德典章法度乃至天地鬼神萬物之理罔不畢具如大海之水波濤起伏蛟

龍出沒珍怪隱見廣博無涖淵深不測天變地化涵蓄萬狀又如寶肆望之粲然即之眩然有循牆而不得者矣有窺見而不能盡者矣有竄諸掌握而不能名之者矣自孔子孟軻沒後微言既息與義不彰而諸儒人自名家貶黜所異乃至父子有不同之論生師有相訛之辭中間不移於流俗者蓋無幾也夫三代而上仁義禮樂之澤日以沾漬士大夫浩然之氣擴於所養世人所謂學者凡事親守身應物從政遠者近者小者大者無非學也凡立言以明理爲文以紀言從容自得咸與道會或累千萬言而不爲辨或終身無所見而不爲訥後世士失所養學棄本真區區口耳之習務投時好至謂取青紫爲明經術之效豈不誇哉是以士大夫心與言相違言又與道相戾而古人之大體不復見矣子路曰何必讀書然後爲學孔子曰有顏回者好學不遷怒不貳過嗚呼彼孔子之所學何遠耶某雖不敏尚論古之人竊有志焉而未聞承學之要執事與鄉里甚厚而家貧又忝葭莩之末或蒙不棄賦以諄

揚與三

六

海俾適正審是不迷於多方某之佩德曷有窮已不宣某再拜

謝教官啟

班級雖卑報稱攸重載循誦陋伏積兢慙惟先皇帝躬上聖之姿超百王之右體元用妙口明闡幽深惟風化之大原尤以膠庠爲先務崇尚經術尊寵師儒增諸生之員勅三舍之法下逮泮水咸建學宮雲漢爲章皇矣作人之運規矩厥步靡然承學之流萬邦作孚一變至道暨今聖總攬之始念神考在宥之隆克監成憲於先王以治建邦之學政支起傾廈遏迴狂瀾聿興斯文駿惠大業凡都雲龍之作復見天地之純豈繁荒疏濬居教導如某學問不足以窺聖賢之奧辭章不足以暢理義之微初非語上之資徒有好高之志特以聖世育才之廣先人教子之勤幼而讀書幾不知弄謬當弱齒偶玷榮科屬試麗詞薦薦異選方仰斗升之給敢辭簿領之勞不圖恩波俾依聖仰祿廩可以奉親養經籍可以味

道腴優游在公顧何殊於吏隱詩屈難困第有愧於師嚴此蓋伏
遇某官爲時真儒秉國大政茂贊乾坤之神富赫增日月之光明
博求俊良靡問幽賤借齒牙至公之清議欲俎豆不肖於後游幹
寒谷之孤根鼓朝陽之嘉律馴致僥倖獲被寵休某敢不遜志慎
思砥節勵行教學相長竊慕於前聞功名可爲肯忘於異日
改官謝啟

帝關引籍選部奏名迨足華紳欣雲天之在望脫身冗調幸綸綽
之親聞豈謂屏微有茲叨昧伏念某奮身寒遠遭時盛明輕尺璧
而貴寸陰雖云有志持千金而享散帚殆不自量惟義命已決於
胷中故窮通悉捐於度外爲貧干祿以仕代耕初絲經術之科效
官簿領迨玷藝文之選備數類林爰暨更書猥塵薦格偶逃官謗
輒與明聞朝著乍趨有小臣違顏之感臚傳驟及如當年唱第之
儀仰冒隆恩靡安愚分此蓋伏遇某官廊包荒之度推樂善之誠
品題一鄉夙借汝南之月且棋檟多士幸登元禮之龍門實賴譽

稿集十三

三

言獲階榮路氣回黍谷方資春律之和海接星潢更假秋槎之便
過此以往未知所裁

謝詞中宏詞啟

試詞伊肇方搜穎出之才獻藝匪工猥被鼎新之選拜恩優渥揣
分戰兢竊惟斯文盛衰與道升降五帝而上載籍蓋靡詳焉三王
以遺典章願可考矣暨戰國干戈之擾及暴秦煨燼之災異端並
起如蜂精義不絕如綫操觚之士雕蟲是師景差宋玉唱於前枚
乘鄒陽應於後務豪則摧嵩倚喜怪則窮蛇牛競巧則較繡銖紛
華則繡繁悅雖賈誼節之以禮揚雄戒夫不爲而氣力不足以回
狂瀾故支撐不足以起大廈由漢及魏浸淫迄於六朝更隋與唐
敗壞極於五代中間若建安之稱麗作正始之指名流咸高亢長
之辭無復中和之氣乃有不出月露之習相變宮羽之談或擊鉢
責程或探囊按部或成章於七步或積思以十年率意者流離於
口占湛思者安帖於腹彙宏衍若張衡而以言艱爲病敏捷如任

昉而以才盡見譏異轍同奔去本益遠如孤峯絕岸者施之廊廟
則駭如麗服艷妝者類之風雅則乖張葉討源盡掃彝倫之正沈
辭麗藻徒滋誇競之風間有自奮而不移抑亦可數者無幾我朝
鑒積世造士之弊先帝承累聖復古之心登用儒臣緝明教典聿
興經術之學斥去聲病之科煥乎人文一變至道淵然神化百聖
不惑尚念應用之詞乃有設科之意迨今上之總政追神考之作
人爰建新科以述前志昭示古今之體詳求辭理之優創置攸初
勸率甚厚上意所注衆指爲榮紛如簪裾榮兩翰墨或握靈珠以
自謂或賤良驥而不珍豈容房委濫塵異摧伏念某學惟自信才
不逮人補苴徒勞而少功淺落頗譏於無用檢身慎行初不求於
世知聞禮言詩蓋第選於家訓青氈惟舊白雲無心享散帚以干
金雖非審己漱芳名於六藝聊可怡情謬當弱齡亟玷榮第斗升
既竊於甘旨簿領敢憚於劬勞退食自公開卷有得樂分不競隨
處而安勉試詞場實慰倚門之望爭先俊域退慙應敵之難偶茲

稿集十三

八

襄甄出於僥倖此蓋伏遇某官命世英輔覺民真儒以道佐王爲
時顯俊謂凡馬既收則良馬必至謂假龍既好則真龍乃來容茲
一日之長備於五人之列某敢不冰藁勵節焚藎傾心許國之誠
拳拳於忠義致君之業勉勉於猷爲上副穆清次酬獎拔過此以
往未知所裁

謝中書舍人啟

程篇甫上愧文采之不工恩典驟加驚寵靈之非據伏念某行能
卑陋術業空疏預登經籍之科寔被師儒之選羈緣甄錄辱賜燕
閒因誤衷嘉獲參鸞校旋塵憲府口載筆於螭吻敢玷高華遂代
言於綸掖矧神聖述作之御方天人合同之時五星之軌循行諸
福之物類至法良意美吏惟謹於持循民阜俗康邦已臻於熙靖
赫茲盛際光於古初是宜深厚之訓詞克副休明之文物於焉循
省豈不叨踰此蓋伏遇門下僕射相公業廣功崇道隆德峻齒牙
餘論必慎擇於正人廊廟除書肆允諧於清議施及寒微之跡猥

深特達之知師席扼衣曾乏越承之舊相門推較賢居薦引之先
假以要途實諸法從積此銘藏之素罔知報稱之方敢不勤恪以
此事為靖共以安分義退免謫訶之及進惟驅策之從過此以還
未知所措

回謝黃學士啟

恭審奉如綽之溫文擢登瀛之華序傾馳有素欣慰交深惟自昔
雙松之資乃諸儒涵養之地蟬別簡靈芸披奕香映扣閣之青藜
膏開往牒詠當階之紅藥多出此塗恭惟某官學逢左右之原文
得中和之氣揚芬贊舍策足俊躋陪藏室之游名已著於藥籍垂
置郵之問御初觀於冰條雖高誼之曲敦豈微蹤之敢冀永言欽
佩罔渝誠悃

汝州到任謝兩府啟

自貽罪戾宜正典刑尚玷朝恩俾分郡寄退循僥倖愈劇怔營伏
念某家本羈單最爲孤進仕安卑允曾之能稱遭遇聖明搜揚疏

摘集十三

七

遠偶預推序擬階清華自忝從臣迫今八載再其詞掖兩貳省曹
陪經幄之後塵參禮司之末議迄無一得以效萬分自惟顧愚僅
守區區之小諒至於兢慎每懷惴惴之私憂顧智無先見之幾而
器有易盈之謂上幸任使亟致頭躋伏過門下僕射相公德度有
容仁心不忍念茲寒跡舊出高閣秋賦掄材初備糊名之選晨朝
接武久聯持橐之班深慙慙特垂善救終賴保全之力遂寬窳
殛之刑恩比邱山雖銘肌而曷報心非木石豈感涕之無從

又啟

伏遇某官德度有容仁心不忍過私寒跡俾出高閣選羽鶴鷺之
班初由獎借脫身風波之險每賴保全茲尤惻於慈祥用特垂於
善救屬言章之薦至方公議之弗容終賴緒言得寬遠極心非木
石豈感涕之無從恩比邱山雖銘肌而曷報

汝州交代郭內翰先啟

右某祇膺明命獲剖左符久勤望履之誠茲假續貂之幸載馳長

道已及近封行遂參承預深欣慶

沿路先狀

右某赴官支郡假道大邦久勤鄉往之誠茲遂參承之幸獲欣預

劇敷敘矣彈

謝先狀

過沐隆私特貽華翰永言欽佩罔渝誠悃

赴闕沿路先狀

右某茲馳驅廣陌將爾高閣敢修竿牘之儀少布腹心之懇瞻依正

劇欣慰預深

復修撰謝兩府啟

右某伏奉告命復集賢殿修撰者省愆夙夜方劇怔營肆君臣民
與濟滌滌綸言俯逮兩涕交揮伏念某出本衡茅進由靡泮偶承
人之優誤聖知陪鶴鷺侍從之班筵帷論思之列寵私未整歲
月滋多緬想厥初敢越巢林之分叨承迺爾顧無橫草之勞唯求

摘集十三

十

退藏真甘孤拙暨積愆之既著匪公議之可容尚賴廷簽照知本
末特寬朝憲俾竊便安茲因解澤之施俄復書林之選洵濡爲渥
報稱尤難此蓋伏遇某官本仁恕以翼贊大猷崇忠厚以表率庶
俗凡士夫之小善罔或遺遺矧門館之舊遊倍加慈惻肆蒙甄敘
出自記存某敢不恪慎官箴虔共吏治失之已往雖永咎以何追
收之將來尚不辜於所學

復修撰謝本監司啟

伏念某迹孤地與材薄能淺猥承人乏優誤聖知陪鶴鷺侍從之
班筵帷論思之列稽勞無補閱歲滋多逮積愆之既彰匪常刑
之可貸分符汝海已出優恩列職書林復叨甄敘此蓋伏遇某官
用心平恕操術慈仁加問房微曲垂休正俾脫痲曠獲冒恩榮

回謝新知汝州王大夫啟

飭聞風誼積有歲時比奉更書獲承除命方修簡牘之間庶展腹
心之誠豈謂勞謙先詒芳訊撫序良厚感悚交深伏惟某官蘊識

高明賦才闕席任更中外著古人經國之猷事歷險夷挺志士危
軀之節用乎賢業自結主知某養拙此邦迫經累月及瓜受代雖
屈指而尚逸屣批居前每捫心而自愧未諧參厝正切傾馳冀順
節宜益隆福祉

回謝貢士樂德樂傳啟

伏審上舍先輩較藝儒林策名貢籍周鄉論秀與開造士之方漢
郡觀能編有得人之幸辱迂華轡仍脫長棧諒修桑梓之恭豈責
瓊瑤之報聊塵謝福并展賀儀伏冀隆私特垂深察

謝

右某迹遠門牆念數更於歲箭誠陳簡牘冀仰答於台纏恭維某
官氣稟山川辰逢旦暮奮揚賢業翊贊政機若時鹽梅用克和於
鼎實爲國柱石方永弼於邦基比時嚴辰升華秘殿西都守鎗曩
顧慙於師瞻中二賜環行復登於柄任某鵠孤寡與樸拙多違自
拜車塵已周星紀橫經學省膏先左右之容接武從班每借齒身

擬

士

之論速有陶鑄尤辱記憐收錄於壘邱待盡之餘保全於風波幾
覆之際雖懷銘感易報恩私茲假邦塵實居率部坐糜符印阻屬
藥徒頌祝之交深非名言之可既

寄江寧安撫啟

已擇剛辰肇開雄府伏惟慶慈恭以某官道深造而自得氣直養
而至剛謀合唐虞之都俞文追商周之訓誥闡揚六藝時之醇儒
贊翼九重邦之元老比從懇請暫使安民瞻愈傾公論胥嚮四
牡奕奕仁飢入覲之儀八鸞啣將邁過歸之誦某戴恩素厚圖
報未能祝頌併勤名言曷既

冬至賀啟

氣應律鍾茲謂物生之始晷移星陸共欣日至之長伏惟某官業
履瑞時材猷經國風望顯於中外詠歌流於士民方穀旦之載臨
宜繁禱之並集某坐糜符竹阻造門牆願敘慶於靡遑在馳情而
揚已

賀新正啟

四氣播時三朝啟朔陽居震而萌動物前寅而亨通伏惟某官重
德鎮浮嘉猷經遠以忠恪享上之實與慈仁澤物之功當品類之
咸亨宜福祥之並集某方糜符印阻望門牆徒虔慶牘之馳莫預
壽筵之薦

賀館職到任啟

右某伏審奉綈檢之温文進蘭臺之清貫竊惟慶慰恭以某官早
席門望自結眷知映扣閣之青藜斲勞是正詠當階之紅藥行被
詳延特指高軒並攜大軸辱謙冲而過禮願感悚以交懷

賀寶運判就遷副使啟

恭審就頒恩制擢正使名凡在統臨胥同慶慰伏惟某官深忠許
國遠業映時材適變通順何施而不可政先豈弟宜所蒞之有聲
用結眷知進慶衰寵乘輶劇部暨資均節之謀筮羽華塗行著論
思之效

擬

士

賀本路監司到任啟

伏審輶車臨部毅且視章初奉使移已度邇於條教坐糜郡綬阻
竊望於光儀敢敘悃誠遠馳慶牘伏惟某官風猷華國業履瑞時
材兼文武之全無施不可政得中和之樂所蒞有聲用結眷知送
膺臨遣外臺制舉暫爲揚歷之階前席論思別延詳延之寵

代謝向大王轉開府啟

榮荷殊恩寵升峻秩儀均臺輔品冠文階帝詔延敷物情均慶伏
惟某官性資淳懿氣宇中和貴列威藩夙著清通之節賢爲國器
居多謙抑之言聲猷愈隆眷禮增渥迺自將旄之重進兼公衮之
華某叨備樞廷阻趨賓館偶缺修於慶牘致先辱於占書感悚交
深敷陳曷既

謝錢駙馬加開府啟

清輝絕俗令德映時毓秀儒林早擅藝文之富揚芬戚晚動遵禮
法之嚴

跋

跋僧懷素帖

歐陽文忠公稱魏晉法帖初非用意自然可喜後人以學書為事業如懷素之徒疲敝精神不以為苦然六藝未有不學而工者魏晉書體皆有師承以意在筆前為法文忠不喜學書故詆若此懷素行筆頗類羊欣梁武帝亦以欣終不似真云辛卯重九日題

跋李伯時馬

杜工部稱韓幹馬能窮殊相而畫肉不畫骨獨曹將軍為盡善予觀二人遺蹟信然伯時筆法蓋得於曹韓士大夫寶之為神品觀於通真西軒丙戌三月

題道錄黃大中書軸

某自崇寧癸未以中書舍人扈蹕迨今十有四年又間緣祠事詣醴泉者不可勝紀雖屢見淵靜冲和師曾不少款政和丙申七月戊午始得造琴軒清談終日慰憚可量

獨集十三

七

題遺教經後

汝之後圃有山池水竹之勝此刻在圃之西小亭沿灘灑度危竹穿叢草乃至見此默想舊游如在目前云

題青城瑞石文後

政和五年三月癸巳上御集英殿第多士命近臣侍內出青城山瑞石尖圓黑色大如百斤秤錘有白文在石曰呂公天與之道急急呂公之行凡三十有三分兩行石脈透徹文及旁兒字法比王右軍尤加清逸臣某與觀并賜模本得以寶藏豈不榮幸模本口得十之七八益石理溫潤字字精采殆若飛動非模刻所能盡也具位臣姓某謹題

題長生妙訣後

政和六年季秋朔大享明堂祀上帝某以刑部尚書攝初獻同亞獻禮部尚書姚伯受奉俎兵部侍郎宇文仲達前一日致齋於祠所仲達語及養生手錄此書示某戒以非人勿傳云

摘文堂集卷十三

獨集十三

西

摘文集卷十四

祭文

祭葛朝奉文

某罪逆不孝故春三月扶護東下秋七月與丈人相遇於維揚時丈人氣貌說澤步趨輕捷瞻視有力飲啜倍常咸謂壽祉方未艾也拜別不半年凶問奄至嗚呼哀哉尚忍言之耶承靈柩毗陵某方泣血待盡不敢違几筵前詣喪次謹遣弟某往致薄奠伏維尊魂特垂鑒察

祭壽光太夫人文

某等罪逆不孝酷禍上延俾我慈親奄棄遐壽夏五月自京師扶侍神柩循汴東下達於淮泗又東濟於江秋七月至於宜興爰得吉卜以翼日甲申安厝於邑南篠嶺之原嗚呼痛哉自今以往一日之二之日永千萬年無復見我慈親號呼擗踊心肝摧裂罪逆深重蒼天蒼天尚饗

摘集十四

三省祭蔡顯謨母金郡君文

惟靈有婉其德有淑其儀閨門之譽協於聲詩厥初告吉夢維熊雁是生賢子蔚為庭芝長持從棄仲飭朝綉清窺雅望龍膺眷知方隆榮養溫清具宜奄其論謝何痛如之奠有芳醴薦有明粢尚其未泯監此忱辭尚饗

墓志

宗室故驥驥使博州防禦使追封博平侯墓志銘

惟博平侯叔樂字和甫昭化軍節度使觀察留後彭城郡公克孚之子深州團練使承訓之孫廣平郡王德隆之曾孫也母曰南康郡夫人石氏治平元年賜名授右內率府副率兩遷至右千牛衛將軍改莊宅副使五遷至右驥驥使勳上柱國爵天水郡開國侯食邑一千五百戶食實封一百戶歷陳州堰關西京密務汾揚二州都監濱州鈐轄崇寧元年十一月十九日終享年五十有三贈博州防禦使追封博平侯以大觀元年某日葬於汝州梁縣

公恩性純至好學自強居官恪勤所至有譽在濱時方歲饑備公以招軍為請繼修城壁樓櫓俾食其力賴是全活者甚眾張氏封壽安縣君子四人輔之左班殿直翼之右班殿直直之得之皆三班奉職輔之直之早喪女四人長適左侍禁馮澄次適右班殿直王楫餘尚幼銘曰氣升清明魄降沈翳升與陽俱孰窺其際降宅在茲銘於新窆

宗室故贈武康軍節度使觀察留後封洋川郡公墓志銘

公諱叔濬字靖之保康軍節度使留後南康侯克凝之子虔州觀察使南康侯承睦之孫宣德軍節度使同中書門下平章事兼侍中廣陵郡王德難之曾孫也母安平縣太君張氏慶曆八年賜名授右內率府副率累遷金吾衛大將軍秀州防禦使改宮苑使遷皇城使歷泰唐二州兵馬鈐轄崇寧二年三月十五日卒於唐州享年五十有三贈武康軍節度使觀察留後追封洋川郡公以大觀元年某日葬汝州梁縣娶宋氏封長安縣君子八人千之

摘集十四

右武衛大將軍簡之理之明之鯉之皆左侍禁界之左班殿直賈之右班殿直璵之三班奉職女九人長適三班奉職宋宜孫餘在室孫十一人翊三班借職竦餘未名孫女六人長適三班奉職潘唐餘尚幼公少嗜學問尤工為詩章事親盡孝居喪盡禮歲時薦享盡誠治家嚴肅居官廉謹以故姻族莫不賢之銘曰進德不忘以克有終蔚蔚熙熙册洋川之公納銘幽窆永詔無窮

宗室故左侍禁墓志銘

宗室叔志字傳道廣陵郡王德雍之曾孫虔州觀察使南康侯承睦之孫保平軍節度使成國公克成之子母曰同谷夫人李氏所生母王氏初授右班殿直累遷左侍禁歷監蔡州襄信酒務監在京倉耀州兵馬監押性剛正喜立事功居官為當路稱薦崇寧二年五月三日卒享年三十有六以大觀元年三月二十九日葬汝州梁縣子三人誨之誼之誥之銘曰窆土為宮既寧既密刻石同藏始終尚吉

宗室故懷州防禦使河內侯墓志銘

公諱徽之字天和武信軍節度使循國公承慶之曾孫開府儀同三司建國公克繼之孫開府儀同三司榮國公叔敖之子初授太子左清道率府副率累遷右監門衛大將軍崇寧二年下闕

宗室右金吾衛大將軍河州防禦使贈保慶軍節度觀察留後追封

房陵郡公墓志銘

公諱叔尊字應之鎮寧軍節度使濟國公克彰之子相州觀察使承矩之孫頴川郡王德彝之曾孫也母曰永嘉郡君楊氏嘉祐四年授太子右內率府副率累遷至右金吾將軍河州防禦使崇寧二年二月十八日終享年四十有九贈保康軍節度使觀察留後

摘錄十四

三

追封房陵郡公大觀元年三月二十九日葬汝州梁縣娶潘氏封永唐縣君先公卒子五人祚之故右侍禁襲之左班殿直襄之右班殿直二不及名卒女三人長適左班殿直徐肩餘卒孫五人公明公忠公哲二尚幼公仁厚端謹事親以孝聞善與人交久益親睦平居耽玩經籍口不挂臧否晚得釋氏書說之頗謂有得宗正狀公行實如此銘曰稟質之粹蹈慈祥兮操行之潔好端莊兮學務該綜士自強兮晚誦內典悟津梁兮有賢如公令譽彰兮刻銘幽石永有光兮

宗室故西頭供奉官墓志銘

宗室叔瑞字君玉華州觀察使華陰侯克告之子鎮寧軍節度使同中書門下平章事陳國榮禧公承錫之孫頴川安簡王德彝之曾孫也母曰安定縣君杜氏六歲賜名授右班殿直累遷西頭供奉官歷監相州廣濟軍庫權貨務門最後監真定府市易務不起崇寧二年十二月二十九日卒享年三十有四以大觀元年二月

二十九日葬汝州梁縣娶張氏子三人相之樞之皆業進士某幼未及名卒女五人在室者三人餘早卒君事親以孝蒞官以勤與人交以信壽雖不延位雖不顯其嚮善有足嘉者銘曰質幹之良尚多後祉壽弗克延命也天只

宗室故左班殿直石志

左班殿直叔珪紹聖二年正月十九日生崇寧二年六月八日卒享年九歲大觀元年三月二十九日葬汝州梁縣曾祖德彝故頴川郡王祖承錫故鎮寧軍節度使同中書門下平章事陳國公父克家見任右千牛衛將軍謹志

宗室故右武衛大將軍真州刺史開國公贈密州觀察使追封高

密侯墓志銘

公諱叔鄭字季武右領軍衛將軍克省之子武省軍節度使觀察留後迷寧郡公承衍之孫頴川郡王德彝之曾孫也母曰長壽縣太君王氏治平二年賜名授右內率府副率累遷右武衛大將軍

摘錄十四

四

真州刺史勳上柱國爵開國公食邑一千六百戶實封五百戶崇寧三年三月十五日卒享年四十有一贈密州觀察使追封高密侯大觀元年三月二十九日葬汝州梁縣娶郭氏封永寧縣君公性孝友善與人交中外姻戚罔不歡睦國有大禮擇宗室執事公多與焉銘曰德之吉矣受祉維寧天胡嗇之弗永齡刻此幽石揚芳馨

宗室故右金吾衛大將軍雄州防禦使贈安化軍節度觀察留後

追封高密郡公墓志銘

公諱叔納字才元曾祖德雍廣陵郡康簡王祖承睦虔州管內觀察使南康侯父克柔安化軍節度使昌國公皇祐六年賜名授右內率府副率累遷右武衛大將軍階州刺史改康州團練使進右金吾衛大將軍雄州防禦使公莊重沈默無聲色嗜好獨喜誦書尤有得於老莊之言居昌國公喪哀毀盡禮嗣濮王宗晟往弔之曰若公家父子孝義復何用宗官乎奉朝請三十年未嘗有過崇

宣三年八月三日卒享年五十有二贈安化軍節度使觀察留後
追封高密郡公以大觀元年三月二十九日葬汝州梁縣娶彭氏
封宣城縣君子二人堅之左侍禁早卒璵之三班奉職女二人長
適右侍禁梁姓次適右侍禁馬慶嗣女一人尚幼銘曰儀儀高密
慎終如初聲色在前委而勿趨開卷有得資以自娛吁其賢矣視
此銘書

宗室故金吾衛大將軍涪州防禦使贈安化軍節度觀察留後追
封高密郡公墓志銘

公諱叔峙字德澹鎮寧軍節度使濟國公克彰之子相州觀察使
承架之孫潁川郡王德彝之曾孫也母曰永嘉郡君楊氏公幼莊
重七歲誦書日至數百言長益窳於學事親孝永嘉夫人有疾公
到股進之遂愈居喪水不入口者三日終制疏素性多巧思自奕
射聲律咸精其能累官至右金吾衛大將軍涪州防禦使勳上柱
國爵開國公食邑三千七百戶食實封七百戶崇寧三年六月十

五

五

日卒享年四十有七以大觀元年三月十九日葬汝州梁縣子九
人延之左班殿直進之右侍禁繼之承儀即在之三班奉職緝之
靖之棟之坊之翊之皆未仕而繼之中進士第進之在之緝之皆
薦于有司女四人長適內殿承制閣門祗候張蓋次適故右班殿
直閣門祗候兼尚書局奉御鄭純次在室次早卒孫十有一人公
恂公望公佐公防公似公仁公倚公才餘早卒孫女四人銘曰宜
泰而莊宜佚而勵操行之純問學之邃以振厥聲以綏厥位刻詞
方砥以質幽竊

宗室涇州觀察使第十七子志

顯之元祐七年正月五日生崇寧四年四月二十五日卒享年十
四大觀元年三月二十九日葬汝州梁縣曾祖承亮故樂平郡王
祖克冲故驍騎大將軍父叔皮見任涇州觀察使謹志

宗室故西頭供奉官墓志銘

宗室昇之字君儀涇州觀察使叔皮之子右驍衛大將軍克冲之

孫成德軍節度使同中書門下平章事追封樂平郡王承亮之曾
孫也初授三班奉職書遷西頭供奉官歷穎昌府商稅務在京麥
界牧養馬監後授潁川界溝鎮不赴君七歲能誦書見為敏悟既
長益嗜學問所著歌詩雜文甚多居官勤恪數為當路稱薦又以
勞列被賞崇寧四年九月二十四日卒享年三十有四以大觀元
年三月二十九日葬汝州梁縣娶張氏子二人公輔薦於有司
公輅尚幼女六人長適張天祐餘在室銘曰誡曰既吉卜宅既靈
發揮行實尚監茲銘

宗室故左班殿直石志

左班殿直叔官元祐元年四月二十六日生崇寧四年閏二月二
十八日卒享年二十大觀元年三月二十九日葬汝州梁縣曾祖
德彝故潁川郡王祖承襲鎮寧軍節度使同中書門下平章事陳
國公父克家見任右千牛衛將軍謹志

宗室故右武衛大將軍文州刺史贈同州觀察使追封馮翊侯墓

六

六

志銘

馮翊侯爵之字子厚保康軍節度使房國公叔武之子光州團練
使克虔之孫青州觀察使樂安侯承道之曾孫也母曰長安郡君
劉氏初授右內率府副率累遷右武衛大將軍文州刺史崇寧四
年五月八日卒享年四十有五贈同州觀察使追封馮翊侯娶某
氏封永安縣君先公卒子四人公謹三班奉職早卒公倬公俛皆
右班殿直公佑三班奉職女三人一卒餘尚幼公事親盡孝待人
盡禮而奉己甚約獨喜誦五經諸子之言以大觀元年三月十九
日葬汝州梁縣銘曰祿位之寵有暉有華德雖稱之壽弗遐安此
吉宅宜其家

宗室故右金吾衛大將軍鳳州防禦使贈安化軍節度觀察留後追

封高密郡公墓志銘

公諱叔耘字勤之宜德軍節度使兼侍中廣陵康簡郡王德雍之
曾孫太尉樂平恭靜王承亮之孫定州觀察使博陵侯克暨之子

也母曰壽安縣君王氏所生母曰永福縣太君宋氏嘉祐三年賜名授太子右內率府副率累遷右金吾衛大將軍鳳州防禦使勅上柱國爵天水郡開國公食邑四千五百戶食實封一千戶崇寧五年九月十五日終享年四十有九贈安化軍節度觀察留後追封高密郡公娶李氏封永康縣君子節之左侍禁理之左班殿直資之右班殿直握之三班奉職恭之翼之和之立之孫公巽公懋公事親孝祖母篤疾齋戒然肌以禱於神幼失所生母歲時愴感揮涕終日天資純厚言不及臧否喜誦道書晨昏不懈大觀元年三月二十九日葬汝州梁縣銘曰事親惟孝守身惟誠本既立矣如木之榮歿而不朽尚監茲銘

宗室故濮州國練使贈潤州觀察使追封丹陽侯墓志銘

丹陽侯叔前字伯先中正軍節度使同中書門下平章事江國公之曾孫青州觀察使樂安侯承道之孫蔡州觀察使汝南侯克觀之子母曰廣平縣君宋氏公幼喜誦書長益敏於學文詞筆札泉

擢集十四

七

所歎譽事父母孝汝南侯有病公封股進之遂愈人以爲誠孝所感崇寧四年三月二十四日卒享年五十有二公初授太子右內率府副率累官至濮州國練使贈潤州觀察使追封丹陽侯以大觀元年三月二十九日葬汝州梁縣張氏封和順縣君先公卒子八人孝之左侍禁成之右侍禁禮之暨之皆左班殿直祜之三班奉職尚之漢之餘未名女二十有二人右侍禁曹緩左班殿直黃琬三班借職徐演三班奉職曹濬左班殿直夏儒其婿也一適三班奉職郭才卿先卒餘在室孫公愈公愈公志餘未名孫女九人銘曰敏學問善文辭事親誠孝身可封祿豐位顯惟其宜享年勿退人所悲耀茲潛德有銘詞

宗室故右班殿直墓志銘

宗室胡之字望敬曾祖承亮成德軍節度使同中書門下平章事樂十郡王祖克冲左驍衛大將軍父叔峩右武衛大將軍濱州國練使元祐二年補三班奉職改右班殿直崇寧四年十一月二十

五日卒享年二十有八以大觀元年三月二十九日葬汝州梁縣君幼不喜弄長益孝謹好學問屢試於有司兩娶皆石氏子一人公侃銘曰遵彼汝濱卜窆云吉世次行能考茲芳石

宗室故贈密州觀察使追封高密侯墓志銘

公諱矢之字伯直右金吾衛大將軍汝州防禦使叔縱之子左驍衛大將軍克冲之孫成德軍節度使同中書門下平章事樂平郡王承亮之曾孫也初賜名授右內率府副率累遷右武衛大將軍渝州刺史崇寧四年五月十九日卒享年四十有三贈密州觀察使追封高密侯娶陳氏封永寧縣君先公卒子八人公澤左班殿直公濟右班殿直公潤公澆公泳公淨公湜女二人長適右侍禁楊京次在室孫四人公莊重寡言喜誦書能爲文辭其事親以孝大觀元年三月二十九日葬汝州梁縣銘曰爵祿之盛既克保之贈禮之優亦克稱之行實可考銘以昭之

擢集十四

八

宗室叔澹字德源莫州防禦使克施之子河東郡王承衍之孫武昌節度使同中書門下平章事德存之曾孫也母曰壽昌縣君王氏元祐元年賜名補右班殿直改左班殿直崇寧四年授滑州倉草場未赴五年二月二十一日卒享年二十有五娶夏氏繼室郭氏君性敏悟八歲能誦書得升中學長益親翰墨嘗獻崇寧聖德頌其趨尚爲士大夫所稱處家孝友不喜聲色以大觀元年三月二十九日葬汝州梁縣銘曰如蘭之馨方茁其芽忽云悴矣姻族之嗟

宗室故左班殿直石志

左班殿直叔篆元祐二年正月十六日生崇寧五年三月十四日卒享年二十有大觀元年三月二十九日葬汝州梁縣曾祖德彝故穎川郡王祖承錫故鎮寧軍節度使同中書門下平章事陳國公父克稟故襄州觀察使襄陽侯謹志

宗室故前右千牛衛將軍墓志銘

宗室田之字耕道深州團練使承訓之曾孫昭化軍節度使馮翊侯克孚之孫安化軍節度使觀察爾後高密郡公叔建之第四子也母曰永安縣君晁氏熙寧二年賜名授太子右內率府副率累官至右千牛衛將軍勳上護國爵開國公崇寧三年坐法廢五年四月十六日卒享年四十有二以大觀元年三月二十九日葬汝州梁縣娶鄭氏封仙源縣君先君一年卒子公式三班奉職三女在室銘曰名秩之寵自其幼時終以無祿嗚呼可悲

宗室丹州防禦使第五子石志

殤子安之元符元年八月二十四日生崇寧五年六月十四日卒年九歲大觀元年三月二十九日葬汝州梁縣曾祖承操故涇州觀察使安定侯祖克勳成德軍節度觀察爾後常山郡公父叔履見任右金吾衛大將軍丹州防禦使謹志

宗室故右監門衛大將軍贈懷州防禦使追封河內侯墓志銘河內侯諱叔倫字子儀同州觀察使馮翊侯克賦之子靈國軍節

摘錄十四

九

度使原國公承炳之孫宣德軍節度使同中書門下平章事兼侍中樂平郡王德雍之曾孫也母曰北海縣君王氏熙寧元年賜名授太子右內率府副率累遷右監門衛大將軍勳上柱國爵開國公崇寧五年六月一日卒子五人裕之祿之皆三班奉職祿之早卒餘未名女六人適右班殿直杜彥侯進士郭傑曾允誠一在室餘早卒公性純孝母疾革刺肌血以禱於神未幾康健幼喪其母言及必涕泗交下姻族稱之大觀元年三月二十九日葬汝州梁縣銘曰至矣孝德一言而該公之事親終身之哀刻茲芳石以播清埃

宗室故左班殿直墓志銘

宗室叔惠字彥直五歲賜名授左班殿直崇寧五年三月二十四日卒享年二十有二以大觀元年三月二十九日葬汝州梁縣曾祖德彝穎川郡王祖承錫鎮寧軍節度使同中書門下平章事陳國公父克躋右千牛衛將軍母曰永春縣君夏氏總角誦書日至

數百言稍長益勤講席上初建宗子學考選之法悉視成均君為多訓齋論以稱職被恩云娶曹氏銘曰質孰賦之壽孰壽之終以無子吁其可悲

宗室故贈泉州觀察使追封清源侯墓志銘

公諱叔紺字子春忠正軍節度使開府儀同三司秦國公克愉子樂平郡王承亮之孫廣陵郡王德雍之曾孫也母曰平陽郡太夫人于氏所生母曰太寧郡太君郭氏五歲賜名授太子右內率府副率累遷右武衛大將軍興州團練使勳上柱國爵開國公實封八百戶崇寧五年正月二十七日卒享年五十有四贈永泉觀察使追封清源侯娶白氏封壽光縣君先公二十年卒子十一人益之西頭供奉官和之右侍禁進之左班殿直信之三三班奉職德之舉進士岳之教之勝之高之感之餘未名女六人長適三班奉職郭滌次適曹激二在室餘早卒公事親孝居喪以毀聞天資剛正守禮不越治家訓子肅如也以大觀元年三月二十九日葬汝州

摘錄十四

十

梁縣銘曰孝以事其親禮以視其身守貴若茲直惟善人哀榮終始泐於幽珉

宗室東頭供奉官夫人王氏墓志銘

宗室東頭供奉官叔腆之夫人王氏曾祖潛定武軍節度觀察爾後祖中府左衛上將軍父承昭皇城副使母曰長安縣君李氏夫人性柔慧事父母孝既嫁上承下撫無不得其惟心崇寧三年九月五日卒享年三十有一大觀元年三月二十九日葬汝州梁縣子七人元之遠之未仕達之遷之迪之述之通之哲卒女七人長適進士胡琳三班奉職李伯總餘尚幼銘曰慈祥柔順婦德維嘉宜壽而天命耶非耶

故仁和縣君王氏墓志銘

宗室右金吾衛大將軍秀州防禦使惠之夫人王氏世開封人曾祖審琦贈中書令追封秦王祖承佑贈左武衛大將軍父世彥朝散郎夫人在家以孝聞既嫁事姑如事其親防禦君少有譽于宮

耶夫人能相以恭順撫諸子均一人不知嫡庶之異崇寧四年四月二十一日卒享年五十有九子十人詠之右內率府副率進之益之皆左侍禁說之餘未及仕者六人皆早卒女九人左班殿直武立西頭供奉官王琪左班殿直衛元之三班奉職李棠佐左侍禁羅適左殿直白粹中右班殿直王公偉其婿也餘早卒孫男九人公泰三班借職餘未仕孫女三人夫人之歿術者以陰陽拘忌為言再浹日乃殮方暑肌色如生人以為積善之報云大觀元年三月二十九日葬汝州梁縣銘曰善必有報天理之常乃如夫人終以吉祥云誰不信監此銘章

宗室左侍禁夫人龔氏墓志銘

左侍禁新之夫人龔氏幼聰慧既嫁能相其夫以義疾雖革亦以忠孝為言崇寧五年正月一日卒於處州之官舍享年二十有七以大觀元年三月二十九日葬汝州梁縣女二人尚幼夫人蓋金紫光祿大夫世昌之曾孫左藏庫副使意之孫西頭供奉官咸之

摺錄四

五

女也銘曰歲時協吉宅兆允臧吁其葬矣刻志同藏

故德安縣君彭氏墓志銘

宗室濮州防禦使叔干之夫人彭氏左藏庫使崇正之女左千牛衛將軍再問之孫武昌軍節度使贈中書令睿之曾孫年二十一歸防禦封德安縣君夫人治家訓子有法奉已雖約至賙人之急弗吝焉歲時薦享如見所祭喜誦釋氏書朝夕靡懈崇寧二年二月二十日終享年五十有八以大觀元年三月二十九日葬汝州梁縣子十人勳之右武衛大將軍遠州刺史贈滄州觀察使景城侯劬之前右侍禁助之左班殿直欣之勛之皆右班殿直餘早卒女已嫁者二人婿內殿崇班許彭年右班殿直任仲述三人尚幼八人早卒孫十有一人公侃右班殿直公倬公倜公倝公義公順一未名餘早卒孫女十人曾孫二人銘曰生宜厥家歿安此室刻

志同藏惟德之述

華陰侯妻杜氏墓志銘

宗室故贈華州觀察使追封華陰侯克告之夫人杜氏世家鎮陽自昭憲皇后貴始為開封人曾祖審進靜江軍節度使贈太師中書令兼尚書令追封京兆郡王祖彥彬禮賓副使父贊仁閣下通事舍人贈左屯衛大將軍夫人幼端莊不喜嬉戲年十七歸華陰侯事舅姑以孝率媵妾以正訓子孫以義自奉清約頗通內典持五戒行終身不廢崇寧元年十二月二十三日卒年六十有六封安定縣君子十有一人叔陶贈建州觀察使追封建安侯叔瑚故率府率叔靄內殿崇班叔擊故左侍禁叔璫故西頭供奉官叔叔鍵皆西頭供奉官叔躬左侍禁叔庶左班殿直餘不及名卒女十有二人長七人早卒次故金華縣君適右侍禁呂哲次長壽縣君適左侍禁李份次永壽縣君適前右班殿直馬宇次適左班殿直杜玠次適右班殿直王宗文孫三十有四人保之飯之皆左侍禁傅之故三班奉職修之靖之相之端之誼之訓之傑之价之樞之禮之說之澤之潤之俊之皆習進士而靖之相之端之肄業宮

摺錄四

五

學以行誼稱愈之翊之口之樽之早卒餘不及名孫女二十有六人長故適右侍禁段希顏次適右侍禁華鎮次適通仕郎周士堯次適將仕郎宋直次適三班借職郭授次適進士劉公輔次適三班借職鄭公案次適三班奉職高公柔次適三班借職王公總在室者十有二人餘早卒以大觀元年三月二十九日葬夫人於汝州梁縣銘曰宜佚宜豐不怠不侈宗婦若茲允也賢只說說子孫報施在此

故和義郡君胡氏墓志銘

夫人姓胡氏開封人衛尉少師令儀之曾孫耀州三原縣主簿規之孫渭州軍事判官潛之女也治平元年歸於宗室成州防禦使叔象初封金華縣君進和義郡君崇寧二年四月三日卒享年五十有五子三人但之右侍禁次昇之景之女適右班殿直王仲端其三早卒夫人事舅姑以孝相夫以義訓子以學無媵妾以慈晚喜釋氏書持誦不懈以大觀元年某月某日葬汝州梁縣銘曰維

歲丁亥日吉辰良卜茲新萬歲之藏

故仙源縣君鄭氏墓志銘

宗室前千牛衛將軍田之夫人鄭氏贈大師開府儀同三司兼尚書令守忠之曾孫左驍衛上將軍惟懿之孫左藏庫使价之女也母曰華源郡君趙氏夫人幼聰慧事父母盡孝既嫁事舅姑盡禮喜誦書能為詩章崇寧三年九月一日卒享年三十有五以大觀元年三月二十九日葬汝州梁縣子公式三班奉職女在室銘曰歲月惟吉宅兆惟寧歸從其夫考德有銘

宗室右侍禁夫人李氏墓志銘

宗室右侍禁叔旄之夫人姓李氏世開封人曾祖昭德昭亮軍節度使贈太師尚書令兼中書令追封崇國公祖惟賢榮州團練使贈右金吾衛上將軍父宗述供備庫副使夫人幼敏慧年二十歸於叔旄性謹約不喜華侈崇寧三年七月十四日卒享年二十有八以大觀元年三月二十九日葬汝州梁縣子一人未名卒女二人

摘集十四

人尚幼銘曰有粹其質有淑其聲考茲幽石歿有餘榮

趙叔慈妻賈氏墓志銘

縣君宗室故懷州防禦使河內侯叔慈之夫人賈氏世開封人曾祖常左羽林衛將軍祖德滋右金吾衛將軍父世奕右屯衛大將軍夫人性端靜平居寡言笑治家有法宗姻稱之封永壽縣君崇寧四年十月二十四日卒享年五十大觀元年三月二十九日葬汝州梁縣子二人得之待之皆左班殿直早卒孫女二人長適進士郝俅次在室銘曰猗嗟夫人柔德靜專宜壽宜貴誰其商遷視銘考德宗婦之賢

宗室東頭供奉官夫人方氏墓志銘

宗室東頭供奉官叔驍之配方氏世開封人曾祖景贈左金吾衛將軍祖琬右班殿直父偁夫人性柔淑在家勤女工既嫁事舅姑盡禮順承其夫睦若賓友善誦佛經能行其所戒崇寧二年十一月三日卒享年三十有五以大觀元年三月二十九日葬汝州梁

縣子四人貫之翼之拱之充之女五人銘曰歸儷其淑既相諧熙曷不偕老吁其可悲

宗室東頭供奉官夫人張氏墓志銘

夫人張氏蓋文定公齊賢之後曾祖宗禮工部尚書祖子奕中散大夫父仲昌內殿承制年十九歸於宗室東頭供奉官叔寄上承下撫無不得宜疾革謂其夫曰無以傷情理其送終從儉嗚呼可哀也已崇寧二年八月二日卒享年二十有八以大觀元年三月二十九日葬汝州梁縣子三人女二人皆幼銘曰洽洽緒言不愆於理刻諸幽珉襲芬圖史

宗室內殿崇班第三女石志

殤女元符元年十月十九日生崇寧三年九月十二日卒享年七歲大觀元年三月二十九日葬汝州梁縣曾祖承操故涇州觀察使崇安侯祖克勅故建寧軍節度使開府儀同三司建國公父叔蓬見任內殿崇班謹志

摘集十四

宗室舒州防禦使第四女石志

殤女崇寧三年九月十日生明年四月二十八日卒大觀元年三月二十九日葬汝州梁縣曾祖承睦故虔州觀察使南康侯祖克勅故保平軍節度使成國公父叔陟見任舒州防禦使謹志

宗室西頭供奉官第四女石志

殤女崇寧元年三月二十七日生三年正月二十三日卒大觀元年三月二十九日葬汝州梁縣曾祖承操故涇州觀察使安定侯祖克勅故建寧軍節度使開府儀同三司建國公父叔蹊見任西頭供奉官謹志

摘文堂集卷十四

朝奉大夫致仕曉騎尉賜緋魚袋石公墓志銘

越之新昌石氏考諸譜錄蓋萬石君之後也石氏初徙新昌熈然一身而子孫蕃衍自咸平以來繼以文辭行誼起家於今官學愈盛歲時歸滿章綬相耀宗屬數十百人絃誦洋洋貢於鄉選於學射策於庭曾靡虛籍以故為東南望族公諱景衡字叔平新昌人也曾祖涇隱居不仕祖仕舉秘書丞累贈朝散大夫文符之大理寺丞累贈中大夫公幼有俊譽長益邃於學儀狀端穆進趨翼如也神宗皇帝初以經術造士公試太學數中優等嘗詣丞相王文公特見器重謂中大夫曰石氏名家信不乏人中熙寧六年進士第調台州天台尉海濱多剽攘民以為病公設方略以制之亡敢竊發方歲大饑流寓屬於境賴公振卹以全者不可勝計移和州烏江令公材力精健奮勵自強察蠹弊根穴必去之吏雖猾亡以為也士族有倚勢凌民既奪之既以構訟有司觀望不決使者諉公公不為勢撓歸產於民兩造咸服時詔諸路議免役法公於淮西多所裁定入見改宣德即福州長溪縣長溪廣袤千里民事劇甚令率以罪去公至若無足治者部使者以積欠繩下輪限峻迫迫究煩擾公詣郡白狀請俟中覆乃行使者聞之怒將中公以法舍察訪使至以開欠不當治他縣悉被劾使始媿謝境有強寇公親捕獲之賞中優格公曰為民除害吏職也殺人以幸遷予誠何心哉卒平反之寇以減死論公之所存蓋如此居官五年民繪像以祠之當路交章以治最聞眾拔擢公曰吾母老矣豈貪仕進時必求所以便親養者遂監楚州糧料院公雖處閒局而郡有疑難事輒藉公參決他郡守下吏獄久不具本路以請旨選公覆按公原情定罪得輕重之中被訊者自以不冤也秋滿丁外艱服除通判秀州未幾轉運司表充管句文字此官久廢文牘猥積公為條目區別之十路財賦出納迺至牒訴纖悉如視諸掌使者

摘集十五

廟學願瞻宇庫陋慨然以身董役闢而新之識者謂公為政知所先矣嘗攝郡事獄有淹繫百餘過暑多斃公既閱實歎曰論罪皆當管耳何至是耶立辨出之頃之以疾得謝杜門里居一室蕭然宴坐終日見者咸悚伏焉公晚聞內典益進此道視窮達生死不以置欣戚長慕於心故於進也恬於退也勇歸隱三紀位不過佐郡而年未六十遽乞身以歸自屬疾卻醫不問預治斂具為書戒諸子一夕命盡沐既畢而逝實崇寧三年九月九日享年五十有八以四年九月庚申葬於新昌蘭峴山之原公官至朝奉大夫勳至曉騎尉以元符元年郊恩賜五品服娶虞氏故集賢校理諸王府侍講太熙之女封永安縣君子二人公獨以蔭補太廟齋郎公望舉進士女二人長適承務郎簽書池州判官章壽卿次適進士張垂有文十卷詩二十卷曰南明集公葬之明年予初免喪未親筆視而公獨來速銘予弟叔崎公之從女夫也數夢公具衣冠請命於予語極諄切予聞愴然為敘而銘之嗚呼公雖亡有不亡者存若公孝於親友於兄弟施於有政益所謂躬行君子者公獨公望爽邁不羣人知公之有後以為積善之報云銘曰顯矣石氏初自衛卿衛卿維帶國之純臣駟仲繼出時亦衛族得嗣以龜喪不佩玉族遠而徙散處四方奢奮苞鑿聲烈相望新昌之別實維近世譜系絲延萬石之裔儀儀大夫色莊以溫孝悌忠信有學有文施於為政恭寬敏惠談笑指麾民嬉吏畏飛不盡翰孰使之然秩祿豈多謝不待年曰維小臣匪私于佚負薪之憂義辭以疾疾不訊醫亡不怛化迺如之人奚往不暇維慶之詒既克有子天之報施故將在此

摘集十五

朝奉即致仕武騎尉賜緋魚袋葛公墓志銘

崇寧三年十一月己亥朝奉即致仕賜緋魚袋葛公墓志銘
諸孤護喪歸常之江陰將以五年十月某甲子葬於青陽鄉郭望之原卜既吉迺敘公世次行治泣來請銘某公之子婿也知公本

未該盡宜無愧於辭謹拜手泣爲之序曰葛之先厥姓夏后分封以國爲氏唐天祐中公之六世祖濤自廣陵南徙始有籍於江陰濤再世生詳詳生惟甫累贈吏部尚書尚書生密中慶曆進士第有高行卒官承議郎累贈朝請大夫爲公之皇考大夫娶胡氏贈建德縣太君繼室陳氏懷仁縣太君公胡出也諱書思字進叔學識思性在孺有聞既長博考羣經旁搜百家之說世父兵部尚書宮語大夫曰是子名第不足言後將以文義顯嘉祐中試開封府王文公爲考官得公事道論稱之再試爲陳公襄所知擢第三一時羣進士歆慕誦公之文自以得所矜式諸公要人交口贊譽聲問籍籍傳四方中熙寧六年進士調睦州建德縣主簿時大夫既得謝里居公不忍違去投劾待養十有餘年晨暮在側意有所鄉輒逆得之夜暴雨亟起問安退不敢寐凡食飲藥劑迺至服用纖悉必躬省之大臣有嘉公志節者表學官弗就居久之大夫勉公仕且樂從之始以吉州司戶參軍監湖州新市務公喜祿釜速親

摺卷十五

理色自得不知關市之卑期年大夫卒孺慕以泣哀動行路尋得臂疾或告有疾食肉五十不致毀禮也宜稍進肴味弗聽終制如始喪者服闋累年迺調開封府封邱縣主簿移知州防禦推官知楚州連山縣丞公悃悞無華事必遠慮不以便文自幸歷佐兩邑令荷以治歲蓄按田獨貸以實無所願望數令他邑及決旁郡滯訟皆以能稱淮南議穿支家渠沮洳相半計司諉公公條上便宜與所當經畫者渠成人以公爲有賜也入見改宣德郎故事當任親民公委資考求開局里中遂監常州酒務遷奉議郎上卽位遷承議郎加武騎尉賜五品服差知婺州永康縣不赴改監秀州鹽稅務課羨中賞格匿不自列會序遷朝奉郎歎曰吾在事之日淺喪贈及親實延於子君恩厚矣尚何求遂致仕公宇量與廣取自表襟任不遇合回旋筦庫晏如也所至以安遇名軒自號虛遊子居官無秋毫墨染其所用舉者常沛然溢格性謙畏惟恐忤物至持法守正雖大吏欲干以私辭氣不奪取下寡譴罰莫以至誠格

物然人自不能欺也公田歲入輒推予民在家無聲色玩好齋莊慎獨不愧屋漏遇人無疏戚惟謹尺牘必楷片言必信御孤振乏怒如己私大夫沒追慕白首不替常以所告戒者自警語及之必嗚咽流涕新未薦不敢嘗歲時怵惕如見所祭昆弟若從子孫內外干指公處尊卑間友愛純篤無不順適諸妹擇命士之賢者歸之問撫饋餉戀戀靡善教子言諭而身率之以故諸子秀拔有立俱爲清議所重而次勝仲遂爲同年進士鄉閭歸美焉自居大夫喪日課內典默契於心晚益喜持誦既屬疾神檢不亂時勝仲以太學官迎養能致國醫公不問願告以死生常理遺書戒毋侈葬疾七日而逝享年七十三娶侍其氏右正議大夫沐之女克有閨範是儷是相先公十四年卒贈北海縣君子次仲通仕郎吉州州學教授儀仲早卒和仲將仕郎勝仲試太學正長女適某次適侍其鐔次適張滢孫男九人立隆立方立悌立中立大立師立器立象立授孫女五人其有文十卷號安遇集覽者以是服公之所養

摺卷十五

也銘曰葆醇履坦粹然慈良有如葛公南方之強公初筮仕舒華焯焯友生愕眙瞻敢比望事遠願始以退爲常玉輶亦潤蘭幽自芳循陔之感白首不忘奉盈之戒燕居益莊維此卓行千古有光行成名立位卑奚傷晚通朝著寵有身章引年歸老既壽而康儀儀子姓命服在傍天之報施於焉孔彰謂公云歿不朽者長納銘幽窆萬世之藏

孫氏墓志銘

奉議郎知貴州軍州事贈朝請郎邵公潛之夫人孫氏父曰秉陽蓋常州宜興人夫人恩性純至幼讀書至父母之年以喜以懼輒俛首揮涕或問之對曰言中吾心是以感而泣也親有疾夙夜侍左右寢食俱廢居喪水不濡脣者累日歲時致享泣薦所嗜既歸邵氏舅姑猶在長幼干指夫人上承下拊罔不歡謹臨財辭豐取薄不爲苟得姻戚有患難衆所畏忌弗顧夫人必往振急振匱若己有之善教子幼課以讀書長誨以行己自照靈以經述造士夫

人之四子相繼擢進士第長曰材薦開封第一爲元豐御史歷銓部學省出長大邦入位少列崇寧四年上追懷之贈典優異次曰棣試有司亦中選首曰樞曰樞皆有聲於太學而樞廷試高等鄉閭言教子者以邵氏爲能夫人自中年不事脂澤與朝請公同受錄於龍虎山道服誦經事觀音像甚勤嘗苦臂疾夢白衣女人按穴刺之出白氣丈餘翌日遂瘳將終神鑿不亂召諸孫至前遺以匱中物從容歆歆而逝時居襄之官舍實崇寧五年十月二十五日享年七十有六以大觀二年十二月二十有七日附於邑西大蘆山朝請公之墓夫人初封仁壽縣君改封壽昌又改仁壽縣太君材官至朝奉大夫贈右諫議大夫棣承議郎魏王宮大小學教授授樞瀛州防禦推官知河南府頰陽縣事樞從事即襄州錄事參軍一女適登仕郎桂州荔浦縣令曾釋材樞及女皆先夫人卒孫十有四人曰勳曰然曰熊曰熹曰薰曰謙曰點曰羔曰緯曰緝曰紳曰緯曰緯曰緝勳能皆將仕郎餘未仕孫女七人曾孫六人

附錄五

曾孫女四人銘曰君山之下兮荆溪之濱山秀溪深兮卜耐惟靈體魄雖瘳兮魂氣則升降社於家兮蘭玉在庭疏封未艾兮歿有餘榮謂予不信兮來監茲銘

陳君基志銘

君諱思齊字景賢饒之鄱陽人曾祖某祖某皆不仕父某三班奉職君幼聰警誦書一再過不忘三班君異之既長以家難廢學慨然投筆歎曰藝文致身夫豈不願晦迹方劑亦仁術也乃以醫技翱翔江湖間說常之宜與山水清麗遂家焉君診治按古雖疾沈痼他醫弗能治至君指日決愈遇求療者心惴惴焉如己苦之有貧不自給復振以薪枝賴是全活者甚眾宜興士族從君遊者罔不奉爲模範性喜酒選勝引滿笑談自得見者欲傾家釀也自以學不遂力教諸子夜坐燭下身率之再三鼓不寢聞四方賢君子俾從之學故阜成少有志譽未壯中第邑人善教子者以君爲能元祐八年八月辛酉終享年六十有二以紹聖元年十有二月某

日葬邑西某之原娶高氏生四子曰存曰阜成授蘆州舒城縣尉曰敏成曰彥成皆應進士舉一女適唐孫男三人季長季升季友孫女四人阜成子友也泣以銘請義不可辭銘曰善必有慶孰云齋之命邪非邪我儀圖之弗贏於躬必昌厥嗣丹桂一枝本根有自惟影惟響報施如之誰疑弗信監此銘詞

單君基志銘

君諱照字擇之婺州金華縣人喜誦習眾謂明悟凡陰陽卜筮方術之學無所不曉事寡嫂如事母至老不懈家貧無兼日之儲有子皆使就學紹聖初知微貢於鄉爲第一中進士科崇寧三年擢温州州學教授鄉里教子者以君爲能四年某月某日以疾終於溫之官舍享年五十有九以大觀元年十月某日葬於邑東某原娶某氏子四人知微通仕郎知彰知柔知剛皆舉進士女適姓某孫四人曾祖某祖某父某知柔有賢行予女弟歸焉將葬請予爲銘義不可辭銘曰性純謹行純良善積在躬宜吉祥受社未豐今

附錄五

也七天之報施皆難量說說子孫來者長有不信考銘章

單季隱基志銘

君諱鈞字季隱其先金陵人曾祖諒初有籍於常之宜興祖熙考應俱以德善稱其交游多名卿賢士君少有志操從胡翼之先生肄業頗見推重長益邃於學著詩易春秋義解博覽諸家之說斷以胸臆它經及子史皆手自鈔纂篇帙盈篋筆札細楷幾若摹印其爲文務辭達事舉不喜浮靡論議褒貶可聽尤能言吳中水利以爲荆溪當宜欲廣德下流東注震澤而震澤自吳江入於海今江堤連互水勢壅閼古人漕治遺跡堙塞殆盡誠能通海浦溝港以道吳江增江隄橋梁以決震澤又復故百瀆以疏荆溪則積水皆下歸如人身去便於咽口腹通矣有獻其說於朝者事下部使者使者諉君按行君察其屬忌之弗往也性樂易遇人傾益如故聽言置虛實一切傾信久知其玩詭弗愠也客至無疏戚留飲醉輒假寐頃刻已醒未嘗爲酒困聞有所感賦詩見意可錄傳者積

數百篇年既高氣體益健請謝不避寒暑它人當疲劇而君處之自若崇寧中余憂居里閭君過予日三數雖大雨雪聞外有履聲曰此必季隱也既而果然時君年七十有餘矣相見慰勉已必自敘所得經傳新意大編長卷常以自隨據案風誦援筆改竄其心思目力非少年可及大觀四年正月十有三日壬子以疾終於家享年八十娶同郡余氏先君十有二日卒享年八十有四子三人曰源先卒曰子發曰端子發余友也有文行兩薦於有司又預崇寧貢籍鄉人舉遺佚又舉八行嘗為宗子學長女四人進士余安節蘇掖劉迪周邁其婿也孫三人曰世南曰世英曰澤孫女二人冬十月二十有七日壬戌其孤遵治命以季隱及余夫人之喪葬於邑南羅漢峰之原予幼聞縣鄉尊長官君之考好振施平日猶伴閭巷遇貧民不能自給密置銀于門凡賓旅干旬親友急難隨多寡各厭其意資以全濟者甚眾咸謂單氏家資雖匱慶在厥後而君之兄錫中進士第儒術吏方有過人者乃卒於州縣君與弟

摺集十五

鎮又皆老於場屋論者疑之然予觀自昔陰德之報遲速雖不同而未嘗不效觀子發士望及諸孫秀拔異日必有華顯者銘曰嗟嗟季隱初激昂事與願違心永傷如彼榷梓材之良宜備雕刻塗青黃匠石弗顧委道傍百年孤榦摧風霜物有用舍維其常命耶非邪皆難量優游閭里壽且康以彼易此奚否臧維天報施久乃彰有子有孫來者長

單氏夫人墓志銘

深州文學余充甫之室曰單氏常州宜興儒家女也充甫學行夙成甫弱冠以經術傳授迨今逾五十年門弟子發策決科踵登華顯而充甫踴躍以老其安於義命不以致失介意休休然樂道忘倦曾不知老之至者夫人有以相之也夫人少孤事其母田夫人盡子道既嫁事其姑裴夫人盡婦道而所以相夫者又如此故里之人施矜結帨以訓其女必以夫人為法余氏素貧凡晨昏伏臘乃至吉凶婚娶凡資以供億者皆出於夫人處畫故其夫及子唯

知專精於藝文而弗知家之有無至於問遺親戚拊養貧族嫁遺孤女沛然若有餘力而實無旬月之積蓋其天資好德遇所當為力行之口口口口禮弗憚也平居與人言孜孜以和孝為本於事迎機立解分別是非利害如指白黑其居田夫人喪孺慕推毀躬修佛事於潤之金山即夕夢田夫人乘舟而至笑語如平生識者以為孝誠所感政和二年五月十九日以疾終於家享年七十有二明年某月日葬於邑之某鄉某之原曾祖某祖某考某生六子亡者四人曰拭曰京曰大享曰大受而京元符三年賜進士出身存者二人曰授再薦於鄉又預大觀優供曰揭為州學內舍生女三人婿海州沐陽縣主簿李端方進士孫燻燻孫五人曰似曰侑曰依曰仍皆從學曰謙尚幼孫女五人某之先妣太淑人蔣氏裴夫人之甥也與夫人厚善相視如母子某以是知夫人之詳謹泣為之銘曰士有貴賤取之自躬嗟彼女子祇繫所從乃如夫人老於衡泌惟其為善在約彌厲宗姻尊仰匪服匪車天爵之貴豈

摺集十五

慕容叔孚墓志

吾弟叔孚名彥喜以元豐七年七月壬寅生於常之宜興以崇寧二年十有二月庚午終於京師以明年十有一月甲申葬於宜興篠嶺之原叔孚俊爽風悟恩性天至五歲居先考喪哀毀如成人平居奉事母兄怡聲柔色禮無違者初就外傅默識強記閱書一再過不忘稍長益嗜經術紳綽經旨剖析疑滯出人意表善談論褒褒不休聽者忘倦於文無所不能自進士舉業乃至應用詞藝落筆數千字若不經意衍裕宏博不疵於理年甫弱冠進此方未艾也而不幸以死嗚呼哀哉天賦叔孚以才矣胡喬厥施而至斯極也維我先考養志閭里非義弗為非道弗取潛德卓行輝映今昔捐館之日以六弟付託俾某撫育訓成之諸弟巋巋自立講習琢磨芝蘭並秀崇寧造士之盛太學選試更占殊等月書歲考曾廓虛籍祭酒博士相與嘉歎聞譽翕然歸之今叔孚捨我去

矣念叔乎之不壽與夫名宦猶未遂也某與有罪焉而理歸於無可奈何至於未克授室嗣息不立則某曷敢逃責言而及此摧裂肝膽嗚呼痛哉嗚呼痛哉謹志

故朝奉郎尚書職方員外通判德順軍兼管內勸農事輕車都尉賜緋魚袋累遷太子太師梁公神道碑并序

大觀元年正月今中書侍郎梁公初拜尚書右丞有司遵故事擬三世贈典以間二月辛酉降制其略曰朕惟執政大臣望實顯隆致位近彌義方之訓自其前人追加表揚用錫休命尚書右丞子美故父某可特贈太子少師九月宗祀禮成又降制其略曰朕饗帝合宮翕臻純嘏均神之惠普逮庶工眷予近臣宜推異數追崇親廟實國彝章中書侍郎子美故父某可特贈太子太師既告第又賜子美以副焚於墓中書公拜賜泣謂某曰子美幸承先人遺訓備位政府賴天子慶施贈官一品而墓隧之碑未立夙夜恍恍

摘集五

不敢怠遑惟先人出處終始之大節可考不誣敢請銘於子某義不得辭謹論次太師之官階政治而為之序曰公諱某字得之漢凌鄉侯統之後五世祖夏國公惟忠管任天平軍節度判官因家焉故今為鄆之須城人曾祖文度贈太師中書令兼尚書令封魏國公祖顯翰林學士右諫議大夫贈太師中書令兼尚書令開府儀同三司封魏國公考適皇祐中位宰相終太子太傅致仕贈太師中書令兼尚書令開府儀同三司封徐國公諡莊肅曾祖妣鄒氏韓國太夫人祖妣閻氏魏國太夫人妣任氏徐國太夫人公辭采學問在孺有聞稍長就試有司名擢高等初補將作監主簿累官光祿寺丞至和初仁宗皇帝嘉公故相子當舉進士召賜學士院賜進士出身未幾復廷試五品服遷秘書省著作佐郎自著作五遷至尚書職方員外郎累階朝奉郎勳輕車都尉歷監在京鑄滄務管句專句司監布庫知汝州梁縣兼書天平軍節度判官事通判德順軍凡六任公篤實以是守身亦以是施於政在梁縣時

郡守將聞聽事風屬邑以材木獻公曰是必取於民吾寧被譴豈希合以擾吾民哉卒拒之守坐法罷郡諸令皆得罪公獨免焉鄆視他郡為劇公裁處精確下無隱情民有辨訟懷牒宿留公至當職而後出蓋信服之若此嘗有禁卒之妻背夫以逃難遇赦自首法猶不原帥吳文肅公矜之將貸以輕刑公不從立議詳盡切於事宜文肅疎然以為正論獄既決即薦公于朝倉米數百萬紅腐不可給軍食安撫轉運使夏惲欲誣以元價貸民公曰倉吏失職宜正厥罪而後減直貸之不然民將有辭卒用公策民輸稅於官吏不時違因緣為姦使者顧公公度弊所從起制之曰入萬斛民至敬舞相慶乞公在任東平監馬政廢弛朝廷遣使馳視公條十利以奏請使者美之德順並邊素號難治公居歲餘寬猛交濟俗以綏靖創立治平城寨經始有度下不告勞嗚呼公之為政雖古循吏何以加此昔左氏謂臧孫達宜有後於魯而漢史亦稱于公多陰德子孫踵為公卿公任不踰佐貳而奉法守公愛民澤物

摘集五

常不替於志宜流慶於今也性清謹無他嗜好獨喜為詩有集十卷曰汝陽雜錄研練精切真深於詩者平居陶喜性情風調清遠遇有所感詞氣激昂銳然有志於進為益稟之也全積之也厚守之也固而不克大顯於時今有子以儒學事業受知明天子擢為柄臣制書褒揚以謂義方之訓自其前人是豈終不顯哉公以熙寧元年十一月二十日終於德順軍之官舍享年四十四有八四年九月三日葬須城登庸鄉執政里從莊肅公之兆娶張氏開封人樞密副使宏之孫少府監可道之女有賢行事舅姑以孝聞元豐元年八月六日終享年五十有六以三年二月二十六日附於公之兆初封壽安縣君累贈嘉國太夫人子五人子駿故奉議郎子美今為太中大夫守中書侍郎子建故太常太祝子履今為通直郎簽書開德府判官事子博今為通直郎通判興元府女二人長嫁朝奉大夫劉斐次嫁從事郎田宜孫十三人希祖宣義郎修祖太學上舍生承祖昭祖皆將仕郎求祖未仕揚祖承務郎恭祖師

祖皆太學齋郎早卒餘尚幼孫女十三人銘曰蔚蔚梁宗源自柏
駟統侯陵鄉晉臣之裔維莊肅公公之皇考相我仁宗爲時元老
公生相家考翼是嗣學則通儒政則循吏帝嘉莊肅子以材聞給
札詞禁明試以文擢踐世利揚芬桂籍佩服之華寵有申錫公懋
承之以忠以孝位雖不充志克允蹈德善之積慶祉之詒及子而
顯報施在茲制書若曰惟予大臣義方之訓自其前人東宮之師
膺此追賚源深流長疏榮未艾里曰執政鄉曰登庸刻銘隧道過
者改容

露布

擬試宏詞露布

聖人爲度以天下思靡問於華夷王者居一於域中法尤嚴於誅
賞惟彼無知之小敵自于有赫之明威爰與問罪之師五道並進
克殄反常之黨隻輪不還猶乾坤覆載之無私而春秋生殺之有
序彼孽自作茲無赦於邦刑我伐有名蓋冀行於天討恭惟皇帝

擬集一五

二

陛下掌觀萬國子惠庶民令出等風雷恩施同雨露接武堯舜比
肩禹湯凡諸含血而有生孰不推心於弗忍獨拓拔之遺種擅呼
韓之故區蟻穴至微不當國家之一縣狼心相繼敢肆蜂蟻者百
年啖以金帛而益貪錫以土疆而愈恣開出剽掠恬爲凶殘忘涵
貸之至恩逞陸梁之大斂人神同憤華裔弗容某首藁街未正不
庭之戮游魂慙嶺尚安匪茹之居臣等材力弗強智能無取繆當
分關豈縱敵以求全弗共戴天誓與彼而俱斃擁鋒號令仗鉞馳
驅初屯橫山進薄靈武景星燭王旅天狗墮賊營以仁侮亡矣孤
虛之足考自上伐下顧主客以何施士氣鼓熊羆兵威推嵩岱或
東衝以張我左翼或西擊以斷賊右肩月羽鷲空霜鋒耀野魚甲
燦爛獸旗獵孳伐鼓震天揮戈迴日腹背合擊首尾分搗我師益
張彼取大潰僵尸滿原谷棄仗等邱山草木類人而戰士魂驚風
鶴有聲而奔馳足蹶六師乘銳掃翰海之妖氛萬炬俱然焚賈蘭
之穿落邦封盡復民俗咸新臣等躬執干戈名職之伍憑社稷無

疆之慶遵廟堂必勝之謨時未及瓜已詠勞還之什功無橫草預
聞鼓凱之音不勝慶快之至

擬集一五

二

摘文堂集卷十五

摘文堂集附錄

幕容彥逢諡議

當部准敕定諡據常州申繳到故通奉大夫守刑部尚書致仕河南縣開國伯食邑九百戶贈銀青光祿大夫幕容某行狀依例送太常寺擬諡今據回申到擬狀諡曰文友奉議郎太常博士胡交修議曰崇寧紀元之初上方躬親聽斷勵精庶政修造制揚功之治求賢如弗及輔弼大臣蒐簡以副側席之求凡所薦引皆召見便殿天子親訪納焉時公在選中比及對論議有餘喟然動丹展孟擢儒館上方欲褒顯異才以勸多士於是開歲未幾不日累遷遂持藁近班要途華貴翔翔殆周公感遇特異思竭底蘊以報眷知益自激昂以赴功名之會所歷咸有可紀儒學彬彬譽望蔚然為一時聞人嗚呼亦可尚已既終於官其家狀公行於朝命諡於太常諡法曰德美才修曰文能善兄弟曰友以是易行於名不浮請得而論之公天資穎悟人也自初就傅其默識強記固已過人

閱書一再過輒不忘既仕益自力於學藏書數萬卷退食即研精其間自六經羣史諸子百家之學靡不洽通故其所著雄深博放為詞章窈窕然根柢理致代言西掖攝直北門凡所草定援筆立成溫厚典雅炳然可觀士大夫稱之號為近古豈不曰德美才修者乎公天性篤孝事繼母尤極謹順先意承志比終常如一日撫先德之遺澤抱弗泊之深悲常慨然言曰獨可致力友愛於我諸弟庶慰怵惕之思焉於是撫育訓誨誠意篤備世賞不先其息必徧同氣雖法必任子者亦力請於朝以及之吹噓汲引唯恐後用咸被采擢華萼扶疏聯榮一時世之稱友愛者必以公為言豈唯族鄉鄉里慕之縉紳之士莫不推之上至於天子亦聞而嘉獎之蓋其因心力行故久而益篤厥聞顯著如此豈不曰能善兄弟者乎考論公行被之以此諡其誰曰不宜方公居諫垣則持論堅明風望隱然貳銓曹則籍它比後條目以絕吏姦守汝海則能以寬惠得民心長秋官則禁妄繁正敘法須斷比以恢猷奏之路寬罪

楊奐傳

楊奐傳

之類者以廣上恩才周於用故所居居積宜不一而已也若夫官師論諡獨綴取行己之善其尤較著者以垂不朽云謹議奉議郎守考功員外郎吳巖夫伏承太常寺諡議如前謹按上公天資悟學術過人自其少時已能奮勵力取進士第軼然見頭角識者固知其遠到矣紹聖開朝廷設宏詞以待文學之士公於同輩試於有司一舉而得之自此名聲上達聖主銳意圖治網羅英俊用之惟恐不及公於是時首被識拔召對便殿擢書林更踐華要皆以才能見稱未幾進直西垣一時詰命多出其手文章典雅士夫傳播以為深得代言之體出入禁闥謀議論為不少矣而公慎密不泄以故罕有聞者方將進用不幸云亡此朝廷之所深惜也嗚呼公之持藁幾二十年出處進退終始之節皆可夷考至於內行修飾孝友純篤出於天性則又有不可掩者世賞必先同氣而不以私其子撫育教誨迄用有成數年之間諸弟繼踵登朝寢以光顯矣然猶分俸祿以給其不足此又人之所難精神之論莫

不以此多之天子亦聞而稱獎焉身歿之後室無私藏聖恩矜恤飾終之典於數尤縟太常參稽眾論請以文友二字諡公之名稱其實不為虛矣當部准例於都省集合同參詳皆協命式請有司准例施行謹詳定訖具狀申都省取裁奉太宰判准謹具申都省伏候指揮敕旨仍付所司宣和二年二月二十三日奉敕如右牒到奉行宣和二年二月二十四日尚書省故通奉大夫守刑部尚書致仕河南縣開國伯食邑九百戶贈銀青光祿大夫幕容某諡曰文友牒奉敕牒至准敕故牒宣和二年三月日書令史武統給考功員外郎吳巖夫考功員外郎黃叔敖侍郎王鼎侍郎盧法原尚書蔣欽中大夫充徽猷閣待制提舉南京鴻慶宮蔣堦撰

幕容彥逢墓誌銘

政和七年夏五月通議大夫刑部尚書幕容公疾病拜疏上還印綬天子聞以職事勤公詔以通奉大夫刑部尚書致仕是月壬子

薨於寢享年五十有一上聞震悼制贈銀青光祿大夫贈加等
又以御府錢二百萬賜其家宣和元年二月甲申葬於常州宜興
縣篠嶺之原公諱某字其先曹魏時建國為率義王歷晉隋唐
世有顯人五代時開州刺史贈太保某公於公為四世祖太保二
子長曰某國初以功封河南王季曰某為磁州刺史生右衛將軍
諱某家於滎陽隨子官宜興卒葬焉故今為宜興人右衛生少師
諱某於公為考少師三娶周氏沈氏蔣氏累贈崇榮嘉國太夫人
公沈出也幼卓偉不羣六歲喪母哀毀如成人默識彊記讀書一
再過輒不忘常有異人語少師曰是兒手有紋理足有二黑子他
日必貴視之信然初未之見也少長銳志於學痛自砥礪窮經綴
文不少懈出與諸儒試常為魁首弱冠登元祐三年進士第調主
池州銅陵簿比少師捐館舍公承計號絕哀感行路卒喪調主婺
州金華簿改瀛州防禦推官知鄂州崇陽縣會朝廷初設宏詞科
以羅天下文學之士公從試中之遷淮南節度推官越州州學教

蘇軾詩集

三

授推所以教諸生孜孜不倦南方士喟然興於學益繕治費舍刊
印三史警校精審遂為善書四方士大夫購求之器以養士迨今
蒙利焉元符元年改宣德郎擢主國子監簿遷太學博士崇寧初
元賜對便殿敷納明辨方秋試進士公建言以為邇來學者程文
往往尚浮靡畔經術願詔有司凡選擇務先理教後文采詭僻不
醇者黜之詔從其請除祕書省校書郎未幾擢監察御史兼權殿
中侍御史燕見一再上益才之除左正言遷左司諫章數十上大
抵以拾遺補闕輔教化慎命令為先劾按權近無所回撓後言執
政臣某事當去上亟為罷之論議堅正風望隱然除起居舍人踰
月召試制誥推中書舍人預編修哲宗皇帝御集三年春罹嘉園
夫人憂初夫人寢疾公憂見顏開扶承左右殆廢寢食及執喪毀
瘠踰制三年不居于內芝草產廬次鄉里歌頌之服闋浣拜中書
舍人大觀元年春權翰林學士歲中除尚書兵部侍郎數日改吏
部建請編次差擬近比為書以空欺謾下諸郡審覈圭田有無多

寡之實簿正之又為薦舉都簿具注薦士之章毋得隱漏與選凡
三年條教張設鉗梏吏奸縉紳大說便之進兼侍讀又兼議禮武
選詳議官前所論執政復登用言官希意誣公以他事朝論不以
為然上亦察其無他趣令脈職而公力請補外遂出知汝州布宣
德意加以廉平民有犯法必求所以寬之罪疑者從輕故下德其
賜至相約不犯公令既去而思之不忘尋加集賢殿修撰政和元
年復以吏部侍郎召兼侍講并議禮局二年冬擢拜刑部尚書公
平日以文學進法律非所習人或難之公曰三尺安出哉願患不
謂意爾凡有參決必本於法令而緣飾以儒雅故平亭論報當於
理合人心建請開封府捕盜官與緝事使民敢捕繫無罪人詣吏
者並比附政和法縣以杖笞及無罪人為徒以上罪送州杖一百
自是吏知畏懼不敢妄捕繫人又論命官負罪除名為重追官為
輕而刑部敘法除名人初犯私坐乃除一官敘公坐盡敘舊官而
追官者皆除所追官敘輕重不倫願詔有司詳定復請下大理取

揭異附錄

四

熙寧以來四方奏獻情法疑憫決事比例頌之天下庶幾遠方知
所遵用詔皆從之每決四方疑獄必從輕比多所未有故奏牘之
上司寇者屢以罄絕稱慶於朝兼詳定高麗入貢法六年復知貢
舉公自崇寧以來五司文衡一時俊傑多出其門進兼太子賓客
上初建儲貳以重國本東宮寮采極一時之選公以宿德鉅儒與
今丞相白公皆被差擇朝野稱得人既職調護五日一見皇太子
必力陳父子君臣之道如是而為孝如是而為忠惓惓輔道開益
居多歲中頻攝翰林學士自居從官凡翰苑缺員輒被旨兼領所
草內制自成一集公久服邇聯譽望隆洽忠諫謀上所深知天
下士指日以冀柄任而平時盛氣揚休未嘗有疾七年仲夏侍祠
方澤適隆暑禮成而退體中覺疲勸猶力於朝謁告纒數口遂不
起不登三事遠圖弗究豈命也夫將歸葬詔以季弟開封府刑曹
掾彥季通判常州典護終事長弟彥許自開封府刑曹仲弟彥傳
自太常寺丞亦皆請外同護喪而歸從官舉故事賦敘贈送合數

十百萬公子攀棺號慟曰義不傷先人名卒辭不受公孝友蓋天性非強勉致然事繼母盡禮既處顯矣致養怡謹如布衣時友愛三弟所以拊育教誨之甚至稍長進之於學講習琢磨以身率之其後羣處太學皆舉學為名進士延賞不先與子必徧速同氣吹噓汲引例被除擢當時貴之其論撰集賢也法得任子不許及旁其時仲弟未命公慨然曰吾子可先吾弟官乎乃以至誠祈懇朝廷多公義特許之自貧約時與諸弟飲食衣服必均絕甘分少迨貴猶然每休沐朝直退必相與論文義或把酒燕衍窮日夜無厭數暫不見即惘惘若有所失彥許初除天府刑曹公以職事對因辭謝上存慰勤至問及兄弟之數且曰卿之孝友朕固知之聚族千指調聊輯睦中外無閒言京城無宅以居儉舍卑陋處之裕如也幼女與孤甥女皆擇命士之賢者歸之齋裝周渥不異己子居家不問有無祿賜所得不給於用妻子衣食纔足而已既歿家無餘貲天子亦知之故能賚賜特厚及葬狀公之行治上太常太常

摛集附錄

五

議曰諡法德美才修曰文能善兄弟曰友其狀應法乃諡曰文友公之節惠可以無愧矣為人敦大靜重啟處有常不妄笑語雖家人子弟不見其喜愠御下以寬不與物忤人犯之不校也言官誣公者既死其猶子坐殺人州以具獄上刑部人為危之公平心論決卒無生議論者伏公能捐怨起家單平被遇明主列於侍從十有五年初無左右以助小心就畏以義命自安無所附麗非公事未嘗請對天子思見公至被命乃敢請問自幼嗜學問晚節益篤藏書數萬卷朝夕繙閱不去手自經史諸子百家之言靡不洽通故其所著渾雄深博發為詞章雅麗簡古無世俗氣尤長於辭令典嚴溫厚衷貶無溢言詔令或叢委操筆立成初若不經意而輕重適當文采粲然每一篇出多士口傳以熟上尤愛公文以為有古風進見往往摘訓辭之善者稱賞之有文集二十卷外制二十卷內制十卷奏議五卷講解五卷藏於家公官階自宣德郎十四遷至通奉大夫開國自河南縣男至伯食邑自三百戶至九百

戶娶葛氏故贈少保某之女封衛國太夫人賢明淑貞治家有法度二男邦佐承議郎行太府寺丞有美才所居官能舉其職邦用承事郎女三人長歸余之子靈祖季歸余之子及祖仲適朝散郎尚書戶部侍郎賈安宅孫男九人曰綱承事郎曰紹曰綯皆通仕郎曰綸曰約曰綸曰經曰絳曰純皆將仕郎孫女四人長適文林郎賈巽次適從政郎任仲恕餘尚幼既葬邦佐以門人之狀與太常之議見示泣且言曰先人葬宜有銘願以累公余與公居同鄉進同年仕同寮有游從之好有姻婭之契知公為詳義不得辭也乃為之銘曰棘成之裔世雄胡鄒魏征海邦率義始王國初建功亦享王封乃及其胄右衛之崇維祖維考埋光弗耀是生河南盛德之報道隆以廣學博而奧逢時之休橫厲遠趨驚於禁密以職華要筆舌之峻調護之尊豈曰不貴公志未伸胡弗壽考俾秉國均維皇是悼喪我良臣有藹弗據亦燾後昆諡以易名萬世是信葆橫我我荆水云云既回既安曰公之貞

摛集附錄


六

摛文堂集附錄

右摘文堂集十五卷宋慕容彥達非彥達字叔遇宜與人元祐三年進士復中詞科崇寧元年除祕書省校書郎歷官刑部尚書卒諡文友宋史無傳仕履僅見集後附錄基志宋藝文志有此書而晁陳書目不載想已久佚案此集宋時亦罕見故宋文今館臣從大典搜輯編成十五卷幾及全書之半亦足以傳叔遇惟制誥類中有降授奉議郎趙高可差知徐州制案宋史元豐五年知淮陽軍奉議郎趙高知徐州前於叔遇當制約二十年又有楊愿除中書舍人誥宋史紹興十二年九月始遣楊愿賀金使正旦距彥達之卒亦二十年大約以他人文屨入此編纂之誤也內端明殿學士朝散大夫曾孝寬可差知鄆州降授奉議郎趙高可差知徐州兩制合為一題又故左藏庫使趙從義可贈皇城使惠州刺史充本州國練使制贈是身沒之榮充是任官之命合為一題語氣不貫觀制語首云設館以待四方之臣置使董事頗似四方館使制又不相合其為誤合無疑又回謝貢士德樂傳啟後脫一題宗

摘集


室故懷州防禦使河內侯墓志銘中脫文此傳錄之也彥達諡文友諡議曰德美才修曰文能善兄弟曰友其孫繪錄版時目以文友公摘文堂集其為文友無疑廣本提要誤作文定而宜與新志因之當據此以訂其誤至文辭雅麗讀者當自得之光緒丁酉日長至武進盛宣懷跋



浮沚集

浮
沚
集

敬鄉樓叢書



論增修法度

歷代名臣奏議二百十三 慎江文徵卷八度字下有簡子二字

臣竊惟國朝受命民不易肆祖宗相承以聖繼聖基本之厚太平之久三代以來所未有也陛下紹承七聖之丕基恢張先帝之丕慎江文徵引作綱紀業法度慎江文徵引作綱紀至此而大備禮樂至此而大興風俗至此而大定人材至此而大成自古未有今日之至治極盛者也然而太平既久民安無事內外恬熙官吏媮惰臣竊過計恐其法度漸弛奸弊漸生蓋人情無事則安安則無深遠之思人情無事則忽忽則無憂虞之念故無事者有事之所起也雖堯舜三代盛時未嘗不兢兢業業以相戒慎臣愚欲望陛下先之以沈幾照之以遠慮察媮惰於無事止奸弊於未萌斷自淵衷委之大臣因時損益增修法度振其所或廢補其所未全調而一之持而定之以懋官吏以休四海以固祖宗甚盛無疆之業

浮沚集

補遺

一

敬鄉樓叢書 第三編

論戒飭守令監司奉行詔令劄子

慎江文徵卷八永縣志卷三十二

臣久居田里僻在海濱竊見陛下每降手詔幽遐之民歡欣爭聽至於感泣皆知聖主愛民之深然而四方萬里之遠州縣官吏之衆豈能悉如詔旨奉行不違問者累行申命使監司使者歲行舉時頒檢察違戾丁寧訓飭亦已至矣而積習弛不肖之吏尚多廢格臣愚欲望陛下出自宸慮更定守令監使之選使承流而責以布宣增置御史之員使分部而察其勤惰如是則上澤必行下情無壅遠近同仁臻極治矣

代賀元圭表

宋國先正文錄一按慎江文徵作代郭守元當作玄

帝德升聞天心克享肆申休命誕錫元圭躬受路朝禮備一人之慶恩覃寰宇歡同萬國之心矧在承宣尤深忭蹈伏以禹功不伐堯德無名洪水既平庶土咸正歌及九功之叙弼於五服之成四海會同萬世永賴嘉乃不績維汝之賢告厥成功時帝之克歸美報上代天錫圭十有二山為州之鎮尺有二寸法天之時上有雲雷蓋示聖人之澤下無珠飾又知天子之全色應天玄驗為禹物數非周制益辨堯時歷年千百而無聞遇君三五而後出恭惟皇帝陛下行帝之德則天之明協和萬邦而人文化成光被四表而休嘉洵至粵有瑞文之應而慎江文徵引作於昭鎮室之祥景命自天元功惟帝羣臣三請彌彰克遜之誠優詔屢頒俯聽僉命之議乃協迎長之日大申展采之儀端冕當陽握符御極膺乾篤祜煥大寶以維新卜世延洪符九鼎而永固臣幸逢聖旦遯竦鴻猷匏繫周南莫預軒墀之拜舞葵傾魏闕但瞻雲日之高明

浮沚集

補遺

二

敬鄉樓叢書 第三編

符御極膺乾篤祜煥大寶以維新卜世延洪符九鼎而永固臣幸逢聖旦遯竦鴻猷匏繫周南莫預軒墀之拜舞葵傾魏闕但瞻雲日之高明

陶隱居丹室記

慎江文徵十九按文徵目錄題如此而文又題作陶真人祠堂記致東顧先正文錄題與此目同從

崇寧三年夏六月維揚呂君少逸來蒞是邑敏明夷易未葺政成以其餘暇歷覽山川得陶隱居先生丹室於陶山佛寺先生本史故不載嘗至此方貴嵩乘登真訣作別傳云梁天監中自海道至永嘉得木溜東顧文徵改嶼居之以作丹室原本作今永嘉境中無所謂木溜嶼者而室之下有仙壇丹井雖歲久相傳不可考驗然陶山之為陶山舊矣豈山以人著名遂傳昔名遂泯乎按諸家傳皆云先生長七尺二寸神儀明秀膚色皙澤今

其像繪趙清獻公得閣下本傳置室中豈其然乎先生當齊梁
拾獲之間脫身軒冕世傳仙去滋味非其好也鄉民祝而尸之
方且舞倡優而薦葷膾於是少逸不以爲宜乃下令歲時祠享
易蒲塞之供敢如故者以淫祀論昔子路問爲政奚先子曰必
也正名乎雖子路孔門之高弟尙不能知其意而孔子推其本
末語之苟名之不正至於民無所措手足然果不可以不先也
是名也又况於事可以觀政矣某邑民而仕於郟校者也屬序
其說以著於後欲先生之實不誣而奉祀之禮得宜也既又繫
之以祝詞使祝世守之且以不忘原本脫照乎其故原本作政
也辭曰杳無極兮道之精條無跡兮仙之靈洞神想兮神乃凝
眸子方兮壽萬齡骨肉融兮款上昇游八極兮登太清駕雲車
兮引雲旌習明月兮望儀形翔尚羊兮竚中庭屏葦簾兮撤腐

浮 泚 集

補遺

三

敬鄉樓叢書

腥奠椒漿兮看木英薦青精兮達芬馨聊徘徊兮感故情來弗
兆兮去莫程天寥寥兮地冥冥環按木槌嶼後人致知爲今玉
也呂君名勳見瑞安縣志職官王梅溪集嚴閣黎塔銘其築
庵於廳治後同命師居之又嘗爲仙巖寺僧處玄作東溪草堂
記蓋信奉佛法者故
有禁薦葷羶之舉

浮泚記

真江文徵十九東
顧先正文錄一

余浮雲其仕泛然出油然歸有名無位凡民如也有鄉無居逆
旅如也儼室淨光山下古西射堂之遺址巖然小洲繚以洶水
予視吾生若濫起滅不常視吾身若萍去留無止以吾無止之
身而處暫寓之室聚沫也塵垢也蟬蛻也芻狗也於吾何有哉
政和歲在元賦執徐六月癸丑颶風大作橋斷門墮簷折雨漫
乃易橋以舟堦北戶而南嚮增簷爲軒寄容足之苟安按爾雅
水中可居曰洲其小者曰泚人所爲曰泚予惡泚之名而欣泚

之義于是總其名曰浮泚浮泚之西舊爲小閣名曰漚閣浮泚
之東新爲小軒名曰萍軒其北舊爲門道所從出闢而爲室道
不行焉名曰浮室室者窳也窳吾心之陰幽不善也其南假道
于鄰引舟而渡到彼岸焉名曰筏渡渡者度一切陽明之善也
是吾居也因水而爲洲因洲而爲室因室而爲名因名而爲義
義皆浮義也窳焉宜也聊爾而已耳故吾不獨浮其仕又且浮
其居獨不浮其居又且浮其生然則有之而何得無之而何失
如此而仕吾故安於仕也如此而居吾故安於居也如此而生
吾故安於生也吾聞古之有道者貧而樂窮而通豈謂是歟非
曰能之願學焉記以自警

謝祭酒司業書

真江文徵四十

浮 泚 集

補遺

四

敬鄉樓叢書

管認認焉致疑於其人蓋先之以庠序之教孝弟之義使人皆
知仁義之行而無犯上作亂之心然後委之以府庫而不疑其
竊與之以封疆而不疑其叛託之以社稷而不疑其亂非謂其
法制足以使人不能竊且亂也能使人不爲竊且亂也後世之
爲教也異於是矣大開祿利之路以誘之於前而嚴其法禁以
驅之於後使天下之人皆搖奪其忠實之良心而顛沛于利害
之間上下一道而莫之覺也是以天下之人生則溺於耳目恬
習之事長則師世俗崇尚之言以仁義爲迂闊不切之務而甘
心於得喪寵辱以爲實有嗚呼胡爲而莫之覺也昔之舉天下
之善者莫不歸之於舜舉天下之惡者莫不歸之於跖而孟子
以爲舜與跖之分無他義與利之間而已夫天下之人莫不爲
義也固未必人人皆至於舜莫不爲利也固未必人人皆至於

而匹夫單行一不受嗟來之食此其爲義至小也然而君子之所以與之者謂其已有舜之心矣尋常之人簞食豆羹之不忍此其爲害至小也然而君子之所以惡之者謂其已有跖之心矣是故聖人之所以爲天下者爲其有善教以養天下仁義之心而君子之所以自重其心以有仁義之實也某生而守父母之訓長而聞先生長者之言皆以爲如此是以平居不爲僂焉其躬取利於君子之所賤蓋嘗三省於視聽言動之間不使斯須有不慊於心之餒謂古人擴充仁義之心者其要在此比者天下欲得可用之才而舉天下之士各付之有司使觀其仁義之言以求其仁義之實而某嘗以其所知者寓之於無能之辭以應有司之問而或者因其言以得其實心謂其學之不苟也乃越去等夷於數千人之中不責其記誦疏略不繼以科

字 止 集 補遺 五 敬鄉樓叢書 第三輯

舉法度而特取其心之所存者如某者抑何足道而有司所以取士之意甚美也夫爲國家養天下仁義之才者太學也爲天下天下常作國家得天下仁義之士者有司也然則某亦自有心矣

謝郭茂恂運使舉充幕職啓 慎江文徵五

分曹屬郡慚味官箴第課外臺濫塵薦牘名浮其實愧甚於榮竊以黜陟爲天下之至公去就乃儒者之大義世道既喪人僞益滋上罕狷公滅私之人下多後義先利之士假茲名器作爲福威繇是聞請託之門寢以長奔馳之俗口耳郵傳心而溪山嗟媚寇之皆然信險墻之可賤士風至此吏道何觀幸遇非常之賢思革既久之弊覈實才而矯擢拔寒俊以明揚權利莫回英能並出如某者拙無所用愚不可移嚶嚶徒志於古人蹻蹻

何爲於斯世無他學術仕有時乎爲貧畏此簡書疾不知其爲政衆多賴寵獲是偷安依馬帳於三餘臨孔門之一問惟羞不職敢歎徒勞既煩言之屢興亦胡顏而久處塵埃歲月夢寐江湖掩黃卷以長謠望白雲而增慕攬衣竊歎襍被與懷居然不堪之憂負此宜去之實未蒙沙汰更辱哀褒此蓋伏遇某人推舉直錯枉之心致事君以人之義激揚士類引翼教風謂靜退者或有弗爲而貪冒者無所不至曲收狷介之善觀懲澆兢之風顧非其宜奚取於是謹當益充其學勉副所期監鄙夫患得之言守君子難進之節修身俟命惟不愧於斯心行道致君庶無慚於往哲欲報之德莫知其他

包端陸忠孝傳 東甌先正文錄一

夫忠孝難矣哉性靈天植能盡其道斯存順而歿寧也故絕裾赴召者不得爲忠袖手時艱者不得爲孝厥維艱哉若予內嫻端陸包公殆無忝於忠孝者矣公諱汝諧與弟汝嘉皆業儒遵履繩墨更饒大略事親至孝雖菽水必盡歡自幼及長孺慕之情不少衰鄉里咸稱包孝子云宣和庚子冬方臘起睦州連陷杭歙發諸郡明年春至遂昌吾州民望風奔遁郡守倅皆倉皇莫知計所出州學教授劉士英與館下生石礪獨謀措置禦賊

浮 止 集 補遺 六 敬鄉樓叢書 第三輯

白守倅糾集義士王三錫丁仲修輩二十有八人公預焉是時賊勢熾甚僉謂城不可保民有乘舟浮海者有負妻子匿山谷者公激於義白諸父老曰某聞戰陳無勇非孝也臨敵避難非忠也某與若曹雖無官守然所食皆君食也可值時變而不甘義乎父老曰爾能爲草莽忠臣吾屬死無恨矣公乃身先士卒士莫之令是從雖喪元有弗顧焉三月二日報賊臨處州已

及白沙衆皆驚阻公從士英白守倅戎服督視以振士氣由是
戈戟森列城上人心甫定至四月七日賊犯白沙士英謀分兵
截上戍嶺以公率衆往逮夜州牒公等兵亟捍城西鄉鼓行至
行春橋賊已逾嶺矣焚劫場畧距城甚邇公與義勇王坑等不
俟整陣徑犯賊鋒連斬數十級士英領兵還燒綠野橋使賊不
得渡十五日賊犯思遠樓公等奮擊賊退去先後從士英禦敵
不下數十戰竟死於難鄉之人無大小靡不咨嗟隕涕焉事平
當路敍勳以公當立專祠乃賜忠孝匾樹厥宅里以示激勸予
既傳其事復系以贊云嗟乎爰茲綱常天經地義暗者弗通柔
者自棄民彝弗湮聖道未墜卓然包公美厥性靈不率自勇不
察自明義以輔主仁以報親沈爲河獄升爲星辰肅肅廟食耿
耿精英

浮 泚 集 補遺 七 敬鄉樓叢書 第三輯

祭劉起居文 東 顧先正文錄一

人莫不學鮮能知道孟死無傳頌亡絕好篤生程公萬世師表
乃繼斯文以興墜教四方朋來隨其所造致知格物默道玄授
一理達元萬殊同妙施國爲忠施家爲孝公來自南聞言知要
擔簦于維周旋探討達中之庸入德之奧立身愛君無愧屋漏
進退可觀從政何有凡我邦人望公則厚駒隙方馳菌朝奪壽
年位不登才業弗究哀我人斯善人是悼逝川莫回殞身奚救
矧我同人又親且舊憤憤不樂朝夕在疚百感裝懷寸心如攪
哀以告公公來寧否

劉君元長墓銘 東 顧先正文錄一

荆溪劉氏爲永嘉望族居山川之勝有竹木畜產之饒世稱長
者子弟好學謹立能幹治有節法至中書舍人安上起居郎安

節相繼爲禁從門閥益大遂甲於鄉里而君於起居爲再世父
中書爲再從叔父君爲人深沈有智度謀定胸中而機不發於
外舉止燕笑從容可觀若素居養於高位者樂善喜士頗涉書
記能論詩人得失少孤事母兄孝謹有欲異籍者輒賦鴻雁詩
以動之資財多寡終弗較也鄉鄰歲飢穀踴貴君每平其直以
出之一鄉價不得高貧者賴以生俗窳不能望者必火而棄諸
江君每勸止因營地數十畝資其望以是鄉人愛德之至其歿
也莫不咨嗟嗚呼人之行義爲善何必有位哉君諱孺字元長
大觀四年正月甲子歿于家政和二年十二月甲子塋于其居
章奧山曾祖文隆祖口父恂皆不仕男五人安序安雅安宅安
術安國皆業儒安雅安國早亡安序安宅舉太學女五人長適
何悌次徐中行次林廷直次周于己次戴迅皆應進士舉而周

浮 泚 集 補遺 八 敬鄉樓叢書 第三輯

于己爲承事郎前通判興國軍事諸孫男女十人說誥未艾也
銘曰一夫行義一鄉有賴施于有政則利瀾大何莫於此而或
以害然者弗愧弗然者戒

詩十三首

五言古詩 十二首

古意

南山有元豹七日不下食欲澤雨露潔成彼文章飾皮成爲身
蓄不如生羽翼只愁羽翼成復遭羅且弋

鍾離中散草書

學書如學禪心悟筆自到若非賢達人安能字畫妙鳥跡不必
傳篆籀亦異好草聖質奇偉變化不可料張顛號神特酒酣一
脫帽要識善用心乃知皆同調近世有鍾離筆力絕能紹不必

衛夫人自是過逸少浩如觀波瀾訓見鯨尾掉宛轉或遊龍突兀忽峯峭精逸一何有信是得其奧豈但揮端毫亦足見風操

出都門

攘攘宇宙內經營固多端有求皆勞生此身豈能安艱難出都門所歷百辛酸秣馬臨遠道欲去復盤桓久客人情深決別淚汎汎親知無別語勸我但加餐去去忍回首西望路漫漫緬懷白雲下矯首時獨看平生扁舟興來此事征鞍來時顏色好歸時衣裳寬上馬不能恨下馬不敢嘆但願還家樂不辭行路難

題永寧傳舍

浩浩車馬跡往來各有求而我亦何為行役不得休驚風吹砂礫草木春不柔荒山相經互渭水日悠悠下馬古驛亭開軒竹

修修颯颯爽氣入得慰征途憂移牀取一息撼撼如清秋永願

浮池集

補遺

九

敬鄉樓叢書 第三輯

息鞍馬何當具扁舟我生湖海間築居必清幽城南五畝宅山高水亦流家園千木奴不貴萬戶侯既輸東臯稅一飽亦易謀藐然塵囂外榮貴如浮漚咄咄狂痴子胡為此淹留

謝黃襲明吳君寶見訪

平生敬愛人經月不一面出處各有道淡泊終所願避喧繁臺寺稍息奔走賤豈是將詔人佳客來不倦不責禮數優草具盤饌為歌朱絲絃知音我所戀日暮翩然去思君情如線乘興還一來慎莫比秋扇

送王六薄康朝之長安

君居洛水北門前是官路官路塵土多君行向何處晨朝東行李西望長安樹慘慘寒風吹行人不敢顧古來行路難君行慎許與故人日已新新人即復故

次韻張才叔蔡天復傳持國二月一日同步城南

人生本自得苦為百慮疚窮年燈火窗鬱沒令人瘦方春萬物作欣欣共晴晝步履聊出郭疎散忘隘陋當時二三子來往心疎透慨然共攜手住處同一筵弱柳分已綠小桃紅欲溜細草軟宜藉急流清可漱林傾野橋邊酒從村店售脫帽看晴雲擊木雜鳴味或靜欲寂默或狂忽騰蹂躪老愕僮仆村童怪驚走恐是天上仙無乃人間秀瀟灑羲皇上磊落漢庭右日暮欲返步已行更引脰此會得真率他時換邂逅

次韻林千之秋夜見懷按林千之南宋平陽人與先生時不相接此林應作李即李千之

也茂

清夜炯不寐虛窗入圓壁鴻雁正南飛庭柯已改色四運無停景欵見節序隔百物自穰穰吾心自寂寂秋物本何悲君悲當

浮池集

補遺

十

敬鄉樓叢書 第三輯

自適楚玉非達士淚苦為秋滴不如陶淵明濁醪度晨夕以茲俟君子須要生理得一飲置君憂再飲口君口我感知己分為子豁丹臆

述憶二十韻奉贈段公度歐陽元老

少小從結髮讀書懷古人年未十四五出走京洛塵當時鬢堂士教我文章新氣格一入俗至今不復振病驥思逸足鞭策傷苦辛切雲漫崔嵬慚愧席上珍邇來二三子論交偶情親以我忘疵賤所得皆鳳麟念我勤服義嘉我能仁親故此傾丹臆誨我日諄諄論詩到平淡文師韓子純學道貴能行卓爾非因循生平志已定不復顧猶猜脫略塵累繫逝將遊廣津一披霧豹姿豁然開我神人生貴相知願言結近賓頗恨相得晚甚知二子真樂此臭味同緇好期終身

巫山高

誰謂巫山高朝言暮可期而有所思邂逅藐無時誰能心似石見此月如眉款款琴上聲此意人詎知

有所思

春風應節至寸草亦知時人生非木石誰能無所思桃花亂愁

眼柳葉憶蛾眉所思良不遂願言何可期

重遊仙巖

此地一為別風塵歧路賒登臨元有待巖谷更重華石竇寒凝
隨虹梁迥綴霞仙源端可狎飛轡繞林涯

七言古詩一首

美人曲

美人娟娟似秋月宮中女兒妬欲殺惡言忽入恩愛移自是君

浮沚集

集

補遺

十一

敬鄉樓叢書
第三輯

王不情察深宮夜冷調秦箏曲曲翻成哀怨聲願得風吹落君
耳同心照妾相思情

浮沚集補遺

敬鄉樓叢書第三輯正誤表

浮沚集

葉行字誤正釋

卷一 二 十一 九 二 三

七 十三 一 己 巳

卷三 三 二四 一 大 天

卷七 一 七 二二 離 難

卷八 一 十四 三 茶 茶

七 十七 二二 崇 崇

二 十七 十八 登 登

八 三 八 切 切

卷九 一 二十 四 暄 暄

四 二 二十 晴 晴

敬鄉樓叢書

第三輯正誤表

永嘉黃氏校印

補遺 一 十二 十一 兢 兢

二 十六 陶隱居 陶上隱低二格

三 十五 小注 惜 惜

三 十七 小注 真 慎

四 四 十五 渡者 渡者度也

六 七 二三 兢 兢

九 二一 四 薄 簿

跋 一 十四 八 己 巳

三 一 二四三 卷二 二卷

劉洽謙集



孫氏
周鼎

第一卷

五言詩

方潭展墓示子姪

歲寒亭

清漣亭泛舟

西齋雜詠六首

萬田道中

方潭

花厝鎮二首

長溪建善寺四首

仙巖莊

重九宴集天柱閣

劉給諫文集目錄

和胡子文遊山寺值雨

憶鷓鴣二首

獨遊竹閣

宿方潭

贈釋達夫

和少伊同左經臣湖上作

小飲

茶院紫翠閣

七言詩

便齋

登煉丹山三絕

宿棲林三首

德暈梅軒月下小酌

建善卽事三首

玄沙二首

大中西巷

硤石相對有項羽廟

江村漁舍

晚步

出局紀懷

蠟梅

宿桐城驛二首

卽事

澄源堂落梅如茵

安豐道中

甘露亭二首

劉給諫文集目錄

舒州西門送客亭

友人新居

登謝公樓分韻得心字

卽事

寄叔靜

和左經臣見過

荆溪有懷

聖泉

四月一日壽陽樓遇雨

和馮中丞中秋夜月

又和十六夜月

卽事

論蔡京

再論蔡京

論蔡京

奏議

論堂除

劄子

辭免除中書舍人

乞外任

第二卷

外制

顯謨閣直學士知青州梁子野知定州

顯謨閣待制知兗州郭照知青州

朝奉大夫閻邱顛除宗正少卿

改服邱伯叔仲會為寧陽伯重邱伯公西舉如為

北鄉伯

德州團練使提舉禮泉觀駒馬都尉石端禮為復

州防禦使

資政殿學士知大名府梁子美為資政殿大學士

知太原府

樞密都承旨曹暉提舉崇福宮

曹訓罷大理卿提舉鴻慶宮任良弼罷大理少卿

知密州游百揆罷大理少卿知耀州

顯謨閣直學士知成德軍洪中孚知永興軍刑部

郎中夏績除大理少卿

王革除大理正卿馬威除大理少卿

知汝州王勇加顯謨閣待制改知成德軍

散朝散大夫添差監歙州鹽酒稅周秩復直龍圖閣

提舉洞霄宮

河北路轉運副使侯臨移陝西路

京西轉運判官趙鼎轉一官

右司員外郎張叔夜罷與監當

戶部員外郎李忱除右司員外郎

中大夫提舉洞霄宮許幾責授永州團練使袁州

安世

兩浙轉運副使莊徽加直祕閣

中大夫直龍圖閣董正封為集英殿修撰兩浙轉

運使

責授永州團練副使永州安置錢卽復大中大夫

徽猷閣待制知永興軍

職方員外郎李諤除著作郎

徽猷閣待制知興仁府韓粹彥知定州

大中大夫徽猷閣待制永興軍錢卽改知興仁府

朝請大夫集英殿修撰陝西路制置解鹽使何述

為徽猷閣待制知永興軍

降授承議郎知衢州耿南仲為禮部員外郎兼定

王嘉王府侍講

奉議郎符寶郎陳謨兼定王嘉王府記室

朝奉大夫直龍圖閣知亳州周稹轉一官

通奉大夫吏部侍郎姚祐降官

承議郎吏部員外郎蕭復降官

將仕郎編修國朝會典所檢閱文字方劭改承奉

郎除祕書省校書郎

知永興軍李諫責授團練副使安置

張仲英降官

承議郎提舉京畿學事葉源改兩浙學事

除授朝請郎新陝西轉運副使侯臨加直祕閣

著作佐郎馮熙載為膳部員外郎

大中大夫都水使者吳价轉官

都水使者吳价為徽猷閣待制河北路都轉運使

都水監丞葛仲良為都水使者

大中大夫致仕蘇轍追復端明殿學士贈宣奉大

夫

殿中監高仲殿中丞王道轉官

朝請郎祠部員外郎石景術提點京西北路刑獄

宣德郎提點京畿刑獄張閱為河北路轉運副

使

尚書庫部員外郎葉劭為鴻臚寺少卿

顯謨閣待制提舉醴泉觀何述何為顯謨閣直學

士

兵部尚書張閱為翰林學士

翰林學士俞棖為兵部尚書

顯謨閣直學士中奉大夫李壽孝復正議大夫

張謬除尚書戶部郎中

朝奉郎范之才為倉部員外郎

王懋開門宣贊舍人

高堯舉張天材

惠柔民

勾仲甫贈荆湖北路提點刑獄

宗室仲遷贈開府儀同三司

宗室叔凝贈開府儀同三司

胡奕修復職

橫行皇城使皇城副使等換官

中奉大夫直龍圖閣知杭州龐實孫轉官

姚宏勳防禦使再任

張竦轉官

路某轉官

王莘降官

王子猷胡景修降官

張閱賈文君降官

侯渙開封府士曹參軍

劉法散官安置

將校降官

燕國節恭惠懿淑慎夫人薛氏改封越國并加莊

穆二字

某氏衛國夫人

孟惟彥降官

楊昌父贈節度使

母某氏贈郡夫人

妻某氏封郡君

張夏封寧江侯

長源侯

第三卷

表

賀皇太子冠禮

謝除中書舍人

謝除給事中

謝除待制知壽州

壽州謝到任

謝提舉亳州明道官

謝磨勘轉朝散郎

知婺州謝到任

謝提舉建州武夷山冲佑觀

謝服闕除官

謝再知壽春府

謝磨勘轉朝奉大夫

謝降官

謝再降官

知壽州謝到任

啓

劉給諫文集目錄

七

謝釋褐
謝薦舉
謝薦舉
上中丞
賀溫守蘇起再任

第四卷

策問

一
二
三
四

記

望恩亭記

書方澤移溪事

墓銘

從弟元素墓銘

頌銘偈

頌堯銘

誠齋銘

耘齋觀堂二銘

中山四偈

祝文

登州告先聖

壽州謝先聖

諸廟

劉給諫文集目錄

八

天齊廟

社稷

祈晴

淮源王

祭文

祭范忠宣公

祭黃石丞

祭丁包蒙

祭亡兄左史

祭張宗博

祭張宗博夫人

代祖母祭八叔

祭十七嫂方氏

祭十八嫂朱氏

贈正議朝議大夫燦黃

謁先祖長史墓

謁先考正議墓

謁十四叔墓

謁十七兄墓

第五卷

經義

以肺石達窮民

以其餘為羨

可謂明也已矣可謂遠也已矣

子溫而厲

請問其目

劉給諫文集目錄

九

陳善閉邪謂之敬

居之安

守先王之道

附錄

行狀

五言詩

方潭展墓示子姪

舊菴在山頂去此五里餘創謀自吾祖遷就今所居住時
 僧不多苟且完室廬至於五十載風雨荒榛蕪先入樂溪
 山每到嘗躊躇深憐棟宇弊締構新是圖繁岩闢幽徑開
 門掛清虛高堂闕且深三山列庭除或禪或教律濟濟踪
 衣裾先塋舊所卜乃在西南隅松筠老且茂雲氣時卷舒
 政和甲午歲予解壽春符寬恩得真祠展省來郊墟清醑
 奠墓隧語軻焚金朱報效未云記涕泗徒漣如劫來就堂
 宇會飲族屬俱夜深燈火明山靜竹柏疎翻思昔日營似
 爲今所須先人篤好善雅志在詩書于公有陰德高大其
 門閭虔誦名升卿其後果不誣嗟余忝厥修覆敗良可虞
 作詩以自警其無迷厥初

歲寒亭

茲亭予所作再到異時昔江梅老半枯檜柏春逾碧易名
 爲歲寒表此蒼翠色森然一徑幽步履時取適

清澗亭泛舟

高樹環清池波平春正綠移舟近南岸倒影見華屋危梁
 屬修徑幽思生遠目更登狎鷗亭可以忘寵辱

西齋雜詠六首

葵花

物性不可奪葵藿傾太陽爲臣茲取節萬古有餘芳

楡

蔚蔚傲霜雪亭亭綠池畔莫言盈尺葉要是凌雲幹

竹

繁枝喜刪除勁節見獨立灌溉未逾浹新符已戢戢

冬青

得名固不誣對植近庭廡葉綠帶寒烟花繁泣微雨

菊

移根近軒墀不使眾艸沒會見黃金英泛我盃中物

石笋

鑿石空其中貯水凡幾斛淵渟或可鑿童子慎毋觸

萬田道中

水闊疑無路雲深僅有山兒童划小艇出沒稻塍間

方潭

飯飽雷若粟茶甘碧澗泉我來無一事危坐聽鳴蟬

花曆鎮二首

下蔡嬉遊地春風萬杏繁誰家堪繫馬青壁竹籬門

花曆誰名鎮梅裝自古傳家家小兒女滿額點花鈿

長溪建善寺四首

繡谷堂

山谷誰能繡華堂符此名春風無轍迹紅紫自敷榮

龍湫寺

亭下一杯水澄泓如有容不因求得雨那信有神龍

燕菴

已涉狼危地方能處燕安人間不可忽須向靜中看

白蓮堂

瀟灑獻公房幽深古道旁山形半環小池面一盃方

仙巖莊

山勢從東轉河流自北來地幽澗水竹山迴少塵埃城郭

別來無恙可同此中棲息穩懷抱一時閒

重九宴集天柱閣

饒國逢重九登臨搖落天蓋簪追往事吹帽想前賢入眼
吳萸紫開觴鄒菊鮮五雲亭最好爭奈近靈仙

和胡子文遊山寺值雨

偷閑出城府聊以洗塵心自得林泉趣何妨雨霧深野庭
連竹色古寺想潮音幸接高人論清風滿素襟

憶鴻鵠

鴻鵠知何許南園春水多稻梁隨有分烟雨想無他世上
貪毛羽湖邊足網羅池塘棲息穩慎勿厭風波

又

幸有春池開雙戲晚庭閑宜對立翅短莫高飛寇賊
已聞熄主人行且歸相將菱荷畔看汝浴紅衣

獨遊竹閣

劉給諫文集卷一

三

極目盡天際風烟香靄間水光清滉目野色遠連山白鹿
今何在高僧此獨閑我來無畔侶乘興一躋攀

宿方潭

山中何所有一味靜難名暗谷流泉響疎林落葉聲夜深
寒月白霜重曉鐘清早出松間路衣裘空翠凝

贈釋達夫

雲房依古城閨寂戶常扃苦行人難及高吟鬼亦聽望餘
秋水遠定苑暮山青世諦都無念逢人自說經

和少伊同左經臣湖上作

其訪招提去輕舟漾曉風水光雲影裏山色酒樽中邊成
今休卒吾生免轉蓬茲遊惜不與猶喜一篇同

小飲

南窗閑徙倚風露已秋深晚色兼涼至浮雲帶日陰池荷
敲碧玉籬菊暗黃金時序將樽盡翻驚壯士心

茶院紫翠閣

小閣向空闌下臨寒水清前山掛錦繡日落轉分明沙際
小舟遠雲間歸翅輕我來看不厭佇立獨含情

七言詩

便齋

芙蓉已過菊花殘獨有松筠耐歲寒一榻蕭然無箇事坐
看紅日上闌干

登煉丹山三絕

攀沿絕壁上高峯下瞰塵寰香靄中未飲刀圭跨鸞鶴已
如身世脫樊籠

疑身到洞天來

神清道基在丹井淒清絕點埃歸去漏殘初睡醒恍
疑身到洞天來

疑身到洞天來

翠峯聳拔更迴環鶴駕分明縹渺間金鼎丹成人不見但
留名氏鎮空山

宿棲林三首

誰知蹤跡到桐山賴有禪僧數往還溪路水深行未得小
窗幽閑縱躋攀

回首江鄉路渺瀰

天行色倍遲遲最愛山寺留連日恰
是清明禁火時

征鞍終日雨霏霏

投宿棲林旋燎衣天意似憐行客倦放
將紅日出巖扉

德暈梅軒月下小酌

疎影橫斜落酒樽誰知寒月上梅軒昔年山相樓真地我
亦全家寄此村

建善即事三首

繡嶺峯高插晚空
雨餘烟霧淡朦朧
瓊枝細葉知多少
最愛團欒竹一叢

春歸枝上餘花少
轉夏濃陰綠滿蹊
何事黃鸝語音好
慙飛傍粉墻啼

籛龍亭下知誰種
旋見新篁破綠苔
到此不知纔幾日
抽梢今已過墻來

玄沙二首

軒窗高下傍巖隈
花木層層取次栽
誰道山深春色晚
等閑桃李已齊開

飛山秀鬢如天竺
環合峯巒一徑通
何日再來亭上宿
靜聽猿嘯月明中

大中西巷

借得西巷不似巷
宛如蝸舍任城南
晚來一盞亮功酒
更薦棲林八寸柑

硤石相對有項羽廟

乘閒驅馬向高原
楚漢遺基尚宛然
堪憐項羽成何事
占得淮邊屋數椽

江村漁舍

江邊茅屋被風掀
雨打疎窗夜不眠
吹喚兒童五更起
重添篋纜繫漁船

晚步

秋半淒然客思清
杖藜何處暢幽情
晚天風雨莓苔活
閒傍闌干取次行

出局紀懷

國爾志家是所先
如何交構競爭權
霜臺白簡真堪畏
一

日五公俱左選

蠟梅
雙成送我蠟梅花
夜靜幽香自一家
疑是素娥乘月下
淡黃衣袂紫雲車

宿桐城驛二首

大農遺愛在桐川
血食於今幾百年
應想歲豐秋賽日
送迎歌舞獨喧闐

桐城古驛由來久
我到梅黃雨細時
砌下流泉無復有空
餘松柏覆簷垂

即事

江烟淡淡日落後
山雨纖纖湖上初
黃鸝引雛過林杪
羣雞就食喧堦除

澄源堂落梅如茵

落英迴旋飛雪餘
誰向庭中細細鋪
借與翠娥相應舞
絕勝西蜀錦氍毹

安豐道中

陂渠積水與田通
秀鬢江鄉意趣同
引起三吳耕釣興
小舟來往藕花中

甘露亭二首

涵碧軒前甘露亭
暑天涼夕此閑行
琅玕一畝森如玉
影入池心徹底清

水斛安排鏡面平
菰蒲初種已齊生
晚來雨過浮萍少
看見魚兒作隊行

舒州西門送客亭

拂雲亭外竹千竿
靜聽清聲戛玉寒
卻憶謝公巖下路
水風涼處戰桐欒

友人新居

門向平湖靜處開
雨餘山色入簾來
連雲競秀千巖竹
隔水飄香一徑梅
觀裏紫芝原不老
柱頭玄鶴幾時回
此峯信是神仙窟
子晉吹笙有舊臺

登謝公樓分韻得心字

高時危樓壓翠岑
登臨遙想昔賢心
人隨歲月有興廢
名逐江山無古今
殘日汀邊生晚思
斷雲簾外捲晴風
清風凜凜今何在
芳艸池塘恨獨深

卽事

未尋南郭舊生涯
且向淮堧太守家
西圃學栽陶令菊
後園時種邵平瓜
民清訟少看空圃
吏散庭空聽報衙
更得歲豐多樂事
宦遊誰復問年華

寄叔靜

頻年京闕暗胡塵
竊發桐廬更驟聞
食盡大羊還自斃
火炎蟻蟻卻須焚
中原已有汾陽將
二浙誰驅下瀨軍
州郡雖嚴防守計
可將忠略佐忠勤

和左經臣見過

爲愛端居上郡章
里閭何幸得徜徉
買田郭外春耕早
築室湖濱野趣長
且把舊書遮病眼
了無塵事擾中腸
故人訪我留佳句
應笑年來兩鬢蒼

荆溪有懷

自從南郭得三椽
怕趁荆溪半夜船
每望白雲驚歲月
空將清夢遶林泉
雖因追遠時來此
又見登高意豁然
極目不知多少恨
一聲孤雁夕陽天

聖泉

問道東山有聖泉
杖藜侵曉到山前
一泓寒玉流無盡
菴

頃良田大有年
茶鼎曉煎雲脚嫩
齋廚夜引溜聲圓
我來一酌破甌去
終日餘甘齒頰邊

四月一日壽陽樓遇雨

黑雲滂蔚自西來
佇立危樓亦壯哉
遠壑烟生千里雨
寒潭龍起數聲雷
田疇坐看還豐歲
里巷遙欣弭旱災
慚愧外官迷吏責
歸鞍何憚踏泥回

和馮中丞中秋夜月

捲盡浮雲見碧虛
初傳更漏滴銅壺
人秋爽氣迴然別
此地水輪何處無
共想姮娥依桂魄
獨憐飛鵲遠庭梧
西園欲散歸來早
不用紅紗照路隅

又和十六夜月

雲頭依舊尙團圓
未覺清光有兩般
自是人心重佳節
將今夕不同看
望中雲漢祗如昨
坐久闌亭又更寒
莫把盈虧妄分別
一杯到手且須乾

彈事 盈虧妄分別一杯到手且須乾

論蔡京

臣聞維梓作福維梓作威
臣而有作福作威則凶於而家
害於而國矣今負台衡之重而
勵事上之忠挾震主之威
乃貪天功以爲己有履霜堅冰
其可不早計而預圖哉臣
昨者列班面奏宰臣蔡京罪狀
數十條冒瀆宸聽未賜施行
尚鬱公論京位極寵盛猶不知
止子弟嫺嫺悉居要途
朋比姦邪布滿中外勢焰熏灼
不可嚮邇內而掖庭小臣
必其識拔以伺察陛下之動
作外而藩維兵帥必其薦引
以默制陛下之肘腋附己者榮
進離己者退黜使天下皆知
威福出於宰相之私門而不知
有朝廷之命令况海宇綏靜初
無間隙京納叛啓仇邀功生事
繫結兵連天怒人

其效回雖摧殘不足以數累起大獄陷及無辜株連
旁連煽惑國本幸賴聖明不使滋蔓今京惡已巨盈好狀
具露欲望容斷否發乾綱大振典刑亟加斥逐以肅臣隣
以肅宗社幸甚

再論蔡京

臣疎遠小臣蒙陛下簡拔擢置風憲當捐軀以圖報稱
飛蛇當道復艸日滋倘不乘今力削而痛芟寧不大違國
是有負陛下之使令乎臣累疏論列宰國臣蔡京權重位
危罪大惡極雖蒙俞允未即顯誅以孚天人之心以慰夷
夏之望不避再三之瀆披瀝血誠仰干天聽三省事務必
繇聖斷京不候奏擬徑行批下擅作威福鋒不可嬰此京
之罪一也京輔陛下紹述首紊憲章文昌舊省乃先帝容
書京惑於陰陽之說一毀為墟此而可忍孰不可忍此京
之罪二也謀動邊釁舉師黔南妄言開拓疆土悉掩以為
己功邊陲彫耗民不聊生此京之罪三也錢鈔本自流通
京乃朝行夕改商販不行棄妻鬻子或致白經吾民赤子
何忍重困之而使斃此京之罪四也國家名器京乃盜以
市恩汲引凶奸小人結為死黨此京之罪五也興株連之
獄必羅織以成之掩眾正而冀諂諂以鉗天下之異議此
京之罪六也臚傳賜第京乃摘其語涉諷己者編廢二十
餘人此京之罪七也交結官閣私通近習京賴此輩以為
耳目公肆誕謾若掩日月而為之此京之罪八也託祝聖
以營臨平之私域假利民以決輿化之讖水此京之罪九
也孟翊獻易而京與之官宰以姦妖而取張懷素為京之
密友終以惡逆而誅此京之罪十也凡此十罪皆冒重辟
況積惡盈茲未一一殫述豈得假然於具瞻之上哉謹陛

下禮貌大臣保全終始未賜誅竄其如縉紳惶惑生民嗷
嗷陛下豈得忘宵旰之憂而不為社稷無窮之慮也臣愚
欲望陛下檢閱臣前後所奏斷自聖心亟加寬宥臣蠅蚋
至微倘一言有補於萬分雖斯臣頭以謝蔡京斬京頭以
謝天下臣死之日猶生之年

論蔡京

臣近累論前給事中蔡京罪惡顯著伏蒙聖慈開納惟密
職任俾領宮祠然猶帶提舉叨綴從班士論喧然未以為
允臣職當糾彈宜思報補不敢默默臣竊維延閣之職本
以旌寵才學文行之士琳宮之任本以優假勤勞王家建
立事功之人密市井賈販之徒未嘗學問字多不識每上
章疏取美縮紳則何嘗有學交結豪民以規厚利干求進
用至於前廢無異於登龍斷而鑽穴隙者則何嘗有行起
自布衣驟躋禁途從容瑣闥倖冒寵祿則何嘗有勞居論
思之地曾無小補惟以道家吐納為說則何嘗有功臣以
謂延閣華資真祠逸任皆非密所宜處陛下雖優容而公
議未賦何可得也況密妄自尊大上輕君父待立眼目不
恭之罪莫大於此義難寬貸若尚留京師臣恐招權怙勢
陰計邪謀密侵國論有害治體此有識者之所深憂陛下
所宜留神詳察者也伏望容斷降出前後章奏證密之罪
重行黜責以協公議

奏議

論堂除

臣伏見元豐中內外舉官立為選格付之有司搜括差注
勞績居先孤寒獲進方是時人心悅服升黜無辭以天子
成法守在有司而人無倖進近日堂除差遺比之舊制下

侵吏部員闕甚多銓曹艱於注擬平進實多淹滯至如縣令改官必兩經作縣宜勞既久檢身無過僅得關升通判及至到部本等差遣無由注授復又作縣有實歷通判合關升知州又復作通判名爲關升其實暗落資任臣恐非所以慰首公之吏閔年勞之臣也銓曹既難往往習爲奔競干請權貴苟得無恥在位者因得濫權私其好惡更相請託紊亂官常啓佻曲之私扇澆浮之風莫此爲甚蓋差遣既收之堂除則銓曹之路必狹銓曹之路既狹則請謁之門必熾臣愚欲望陛下特賜詳酌內外官堂除有可罷者宜歸於吏部而復用元豐選格有司一以法式從事則公正之途關于請之風絕其於聖化誠非小補

劄子

辭免除中書舍人

劉給諫文集卷一

十一

準尚書省劄子除中書舍人令乘驛馬發來赴闕者聞命震驚罔知所措竊以代之職選任維艱不專潤色訓詞蓋亦與聞幾政自非夙望曷可冒居伏念臣稟性迂疏悞蒙簡擢躡居憲府進陟諫垣每聞報稱終誓捐糜職在糾彈身不顧郵雖羣邪之交構賴上聖之照臨臣適值內艱痛纏風木分甘遠屏跡寄邱樊奉除書俾司詞掖自量固陋將曠職之是虞况積愆尤必煩言之交至兼臣自罹憂患無望生全免喪方新宿疾間作若冒榮寵必速顛躓欲控愚衷仰干聰聽伏望聖慈特降睿旨收還渙號俾臣少安愚分實出天地大造

乞外任

輒瀝懇誠上干天聰退量僭言俯俟嚴誅伏念臣猥以非才謏蒙獎用稱司憲府愚滯愚忠道長諫坡益增罪戾旋

啣憂而去國宜損棄於明時忽拜除書俾領掖垣之命曾無勞效更升瑣闥之嚴念與世而多違每自慚於無補蓋緣臣昨罹憂患以來心氣衰耗稍加思慮輒復昏憤方陛下循名責實勵精庶政之時竊恐有誤任使亦必薦被人言兼臣自初改官不願州縣民事素不諳習伏望俯加矜憫除臣一外任差遣庶幾養之餘稍更事任誓圖捐糜少答恩眷于冒宸嚴臣無任戰慄

劉給諫文集卷一

十一

劉給諫文集卷之一終

外制

顯謨閣直學士知青州梁子野知定州

中山巨屏控制朔陲維時藩宣必資夙望具官某智謀宏遠風力敏強曩膺簡求往鎮青社治譽之美達於予聞北道要藩謀帥尤慎選於邇列僉曰汝宜爾其撫綏兵民布宣詔令體予德意益壯遠猷

顯謨閣待制知兗州郭照知青州

朕視天下如一家視吾民如赤子豈以近而忘遠哉眷茲青社昔號全齊地富以衍俗勁而強非得惠慈之長曷在牧養之寄具官某嘗以愷悌鎮魯郊以風績達朕聽聯職西清尹茲東土對揚明命益邁遠猷

劉給諫文集卷二

朝奉大夫閭邱顛除宗正少卿

司宗亞卿實掌屬籍惟時俊彥乃稱簡求爾曩以才揚更歷茲任忠信篤厚發聞惟休銜恤去朝既終禮制俾還舊職允協師言爾其辨昭穆之親疎與世系之遠近博敘訓迪咸得其宜則予汝嘉嗣有褒陞

改瑕邱伯叔仲會為寧陽伯重邱伯公西舉如為兆

鄉伯

先生書冊琴瑟在前猶戒勿越示有尊也夫子道為百世師今從祀弟子封爵之地乃斥其名於爾安乎爰命討論悉加改損以稱朕尊仰之意

德州團練使提舉醴泉觀騎馬都尉石端禮為復州

防禦使

朕於掣附之臣雖不以愛睚而遂廢吾法亦不以私嫌而

不錄其功其官某不事綺紈深尚儲素蚤緣推擇祇奉禁嚴備殫夙夜之勤寢歷歲月之久宜繇團結進陟兵防在服翼恩勿忘報稱

資政殿學士知大名府梁子美為資政殿大學士知

太原府

并汾巨屏西北要衝式圖師帥之良宜得股肱之舊俾膺閩寄爰錫贊書具官某操履端方材猷宏博入參畿政屢聞獻納之忠由殿大邦彌著循良之效勤勞中外朕所眷知茲升祕殿之隆名改付晉陽之重鎮惟紀律嚴則可以護諸將惟威惠著則可以懷遠人益圖爾庸以永終譽

樞密都承旨曹曠提舉崇福宮

朕昭明國憲屏出邦朋惟恃威罰之行永示傾邪之戒豈容餘黨尙師師言具官某統綺小臣趨操猥下傾緣勳伐

劉給諫文集卷二

冒列華途有輕視君父之心有規壞國體之意比巨瑞之斥逐乃平日之締交尚稽明刑輒與異議肆騰稱譽之語

實懷怨對之私動播輿情鼓惑朝論彈章交上詭迹悉章朕雖欲容公議不可其解樞庭之屬尚仍真節之司內訟厥愆服我明訓

曹調罷大理卿提舉鴻慶宮任良弼罷大理少卿知

密州游百揆罷大理少卿知耀州

廷尉天下之平也昔我神考董正治官議獄斷刑悉歸大理其任可謂重矣苟用法而不知義徇勢而不知法天下安所取平哉爾為棘卿不思帥屬任良弼游百揆改為愚失鄙夫之心有迎合要權之意以縱弛為惠以苛刻為明刑獄紛張道途怨怒果噴公議薦致頌言往奉真祠毋忘循省任良弼游百揆改為密州符是為寬典

顯謨閣直學士知成德軍洪中孚知永興軍

迪上之德意志慮莫切於侍從禁近之臣故出則殿侯藩撫民社必能在牧養之寄以寬朕之慮憂咸陽會府控制西陲茲擇師帥不敢輕畀其官某久翔翔於禁彙多輔弼於朕躬往鎮常山厥有休譽易臨全雍是曰褒嘉非朕敢私爾往欽哉

刑部郎中夏鑄除大理少卿

具官某爲郎粉署晉京卿聯非止爲爾序遷之榮也以爾敏於從政審於用律屢觀以試民以不冤故廷尉之事擢爾副之必能欽用恤刑期協中道往贊爾長以推廣予一人好生之德則予汝嘉

王革除大理正卿馬威除大理少卿

朕明慎用刑哀矜庶獄期得哲人典司臬事以爾革守義不回擢長棘寺以爾威治煩不擾往贊厥官惟一乃心惟公乃聽庶幾天下無冤民以稱朕好生之意

知汝州王勇加顯謨閣待制改知成德軍

常山巨鎮次對近班顧非老臣不輕畀付其官某材猷宏博風力敏強使節藩符更踐惟舊所臨底績發聞彌休輟自南昌易師眞定西清祕職併示恩榮益懋爾庸寬予憂

朝散大夫添差欽州鹽酒稅周秩復直龍圖閣提

舉洞霄宮

威罰之權以馭臣下牽敘之典厥有故常爾曩以器能薦膺任使弗思愆慎自速罪辜茲從筦庫之微寵復文階之舊升華延閣就界琳宮體予異恩弗忘報稱

河北路轉運副使侯臨移陝西路

自陝以西列城數十轉輸之計允精通才爾燕朝賜對占奏可嘉輟自朔方總按關右均通食貨豐衍邦儲考覈吏能修舉眾職時汝之任往惟欽哉

京西轉運判官趙點轉一官

國家連被河患洛口建堤尤急爾以才揚在曹畿右與此重役績用有成載嘉爾功進秩一等益思懋哉

右司員外郎張叔夜罷職監當

都司之任糾正綱維倘慢令之弗虔豈常刑之可追爾曩由武弁易置文階旋自府僚躡居宰屬比頒詔旨申按攸司簿書勾稽漫不省察官吏縱弛不復誰何乃以虛文欺罔朕聽逮茲覆實發爲了然宜從罷斥筦權是司往務省循毋重尤悔

戶部員外郎李悅除右司員外郎

爾服職省戶能糾弊竅故擢爾爲宰士以綱紀中台往慎攸司益懋乃績毋使風采滅於前司則稱朕意

中大夫提舉洞霄宮許幾責授永州團練使袁州安置

罔上朋邪雖伸明罰原情定罪薦置嚴科以爾賦性庸回操心險愎潛交近習密助巨姦每植黨以背公率懷謾而審政曩司邦計輒肆紛更墮摘山之制而歲課頓虧建裁祿之議而廩賜悉滅以至儲時殫乏國用靡豐削刻至多怨懟殊甚迹其誤國實汝之由同時罪辜已皆竄逐尙叨眞館未厭師言往副州團體予善貸

兩浙轉運使副使莊徽加直祕閣

朕分部置使以董轉輸不有甄升曷勸能吏以爾材質敏給識慮精深將漕全吳薦更歲月宜臨近效庸示寵褒聯

給識慮精深將漕全吳薦更歲月宜臨近效庸示寵褒聯

給識慮精深將漕全吳薦更歲月宜臨近效庸示寵褒聯

給識慮精深將漕全吳薦更歲月宜臨近效庸示寵褒聯

給識慮精深將漕全吳薦更歲月宜臨近效庸示寵褒聯

給識慮精深將漕全吳薦更歲月宜臨近效庸示寵褒聯

給識慮精深將漕全吳薦更歲月宜臨近效庸示寵褒聯

給識慮精深將漕全吳薦更歲月宜臨近效庸示寵褒聯

給識慮精深將漕全吳薦更歲月宜臨近效庸示寵褒聯

給識慮精深將漕全吳薦更歲月宜臨近效庸示寵褒聯

給識慮精深將漕全吳薦更歲月宜臨近效庸示寵褒聯

職蘭臺增華使節往祇朕命其益懋哉

中大夫直龍圖閣董正封為集英殿修撰兩浙轉運

使

朕分道置使以任轉輸又俾之察視郡縣以寄朕之耳目其選可不重哉爾長於吏治事任薦更銜恤去官亦既終制宜頒明命將漕全吳用升書殿之華以增使權之重其無剝下媚上縱吏蠹民則稱朕意

責授永州團練副使永州安置錢即復大中大夫徽

猷閣待制知永興軍

朕以八柄馭其臣法行自近不以一眚掩爾善期與為新矧居從藁之聯久掛刑書之末可無拔拭式對寵嘉具官某翼以才猷游膺藩帥議行均羅之法未悉當時之宜原情已諒其匪他奉復孰云其可後能還文秩就界州麾聯

職西清漸復青世之舊分符右陝布宣紫詔之寬益圖爾

庸以答朕意

職方員外郎李諤除著作郎

眷維著作之庭昔號羣玉之府非得直諫多聞之士曷從吾道山之遊哉爾奏對燕朝有嘉敷納職自中臺亟遷東觀爾其切息思稱厥官

徽猷閣待制知興仁府韓粹彥知定州

中山巨屏控制朔陲惟爾之先常守茲土其民畏威懷德刻石泐文於今頌之具官某世濟厥美克守忠勤職自近班分符輔陝閱時未久進秩帥垣爾其布宣教條即護北道庶幾無愧於前人以對揚朕之休命

大中大夫徽猷閣待制知永興軍錢即改知興仁府

職右名區曹為吾股肱郡非甘泉舊臣不與也具官某夙

以譽望游應禁嚴起之虞閑分闕全雍爰申明命殿此輔邦往祇厥服如在朕之左右

朝請大夫集英殿修撰陝西路制置解鹽使何述為

徽猷閣待制知永興軍

其官某制置西陝鹽筴能調盈虛以足國用通有無以惠商賈上下不擾公私宜之是用寵以西清之次對往鎮全雍之大邦必能為朕牧養使賦平訟理民安俗阜如在西陝時則予汝嘉

降授承議郎知衢州耿南仲為禮部員外郎兼定王

嘉王府侍講

春官禮樂之司命爾為郎非特以治器數資考訂而已也二王就傳俾司勸講蓋以禮樂入人者深而議論導迪者易養其冲和日與之俱化矣以爾兼之朕意不在是乎勉

思厥職嗣有寵嘉

奉議郎符寶郎陳諤兼定王嘉王府記室

朕以二王出就外傳思得端亮之士日與之游以爾操履修潔議論純明著作蘭臺掌符左省靖共有守譽處彌休爰錫命書俾司亮記爾其往參輔導助成王德使朝夕見聞罔有不正豈特資爾翰墨而已哉勉修厥官庸副朕意

朝奉大夫直龍圖閣知益州周種轉一官

部使者以守臣殿最為一路勸爾克共乃職歲輪先集量進一秩尚益口哉

通奉大夫吏部侍郎姚祐降官

天官之貳銓綜是司儼弗迪於官常固難逃於邦憲具官某項繇推擇揚歷要途服在選掄不思糾察照得舞法並緣為奸貨賂公行擬授失當亟加研究灼見事情宜從降

科之科少示職官之戒體予善貸思蓋前愆

承議郎吏部員外郎蕭復降官

爾復服職銓曹不思甚慎繫胥舞法並緣為奸賄賂公行擬授失當宜從鐫褫以警曠瘵

將仕郎編修國朝會典所檢閱文字方劭改承奉郎

除祕書省校書郎

蓬邱圖書之府名美秩清非修潔博習之士不踐跡於其

間爾秀而文奏對敷允寵易華秩典校藝文士之知遇可

謂榮矣其毋墮所守毋替所聞益懋遠猷以稱朕意

知承興軍李諫責授團練副使安置

悞國欺君臣之大惡原情定罪邦有常刑爾賦駟會之資

挾穿窬之志交逼近習黨附巨奸屢致私書屬託子姓彈

章交上公論弗容會未正於典刑輒妄陳於符瑞爰加考

劉給諫文集卷二

七

驗悉出厚誣為臣若斯忠義安在斥副州團之奇永為奸

究之懲

張仲英等降官

爾等並膺委寄協贊藩條不思秉義以事君輒復朋姦而

罔上妄陳符瑞爾實與謀鞠治具孚可無懲戒褫官二等

示我寬恩

承議郎提舉京畿學事葉源改兩浙學事

朕分遣詔使典司學事選用之慎必惟其人爾元豐名儒

趨操純正屢將使旨蔚有休稱宜自京畿往臨浙部爾其

勸獎士類布宣詔條使成材眾多上副樂育則予以懌汝

亦有辭

除授朝請郎新陝西轉運副使侯臨加直祕閣

萬直芸閣允謂清華資以勸能未嘗輕授爾頃繇推擇服

在使昭克懋猷為所至可紀比緣易地入覲燕朝聯職道

山增華臨遣益圖顯效以報寵榮

著作佐郎馮熙載為膳部員外郎

自著作東觀列職春官可謂一時清選也以爾行藝著聞

敷對忠亮俾以司膳豈曰遞遷蓋將慰觀爾之所能以就

爾之進業服我明訓其益懋哉

大中大夫都水使者吳价轉官

爵賞之設敦勸庶工惟時勞能宜被褒陟以爾材資宏美

風力敏強曩膺簡求典司水政河隄之役績用有成羣吏

奏功汝實提振肆放渙渥增秩二階往其欽哉

都水使者吳价為嶽猷閣待制河北路都轉運使

治財猶治水也行其所無事而已矣爾典水政厥有俊功

湖方飛輓命爾總之超升次對之聯以寵皇華之使爾其

洞究源流儲行兵食國裕而民亦裕田里絕滯冤之歎者

是豈非以治水之道治財乎

都水監丞葛仲良為都水使者

都水掌河渠水衡之政令設使者以董治之非宿於其業

習知其源流者不在茲選爾智材疏敏夙夜瘁勤不負於

承具有嘉績是用命爾以長厥官往率其屬益獻厥成則

稱朕意

大中大夫致仕蘇轍追復端明殿學士贈宣奉大夫

朕紹述先猷事懷故老凡刑章之聖謨悉奉復以優容矧

獲令終可忘褒典具官某夙稟直諫連事四朝晚歷險艱

獨秉一節處訂諫之地非堯舜不陳居退食之私以孔孟

自樂宜永終舉式介壽祺歟爾計聞良深震悼超進文階

之峻寵還名殿之榮尚其幽靈庶此顯命

殿中監高仲殿中丞王迨轉官

朕祇述先猷肇新殿省眷惟俱奉之式比加編定之文宜有恩榮以示旌勸其官某等曩因簡知服職御府六尚成書條理可考載爾庸庸寵進文秩爾其懋哉

朝請郎祠部員外郎石景術提點京西北路刑獄宣

德郎提點京畿刑獄張閱為河北路轉運副使

朕惟神考以民社之司寄責之守令以守令之職百責之

部使者一時得人熙豐號為盛治肆朕紹述尤慎選掄以

爾景術吏治詳敏故擢以河朔轉輸之寄各揚乃職督視

一道上無蠹民之吏下無冤枉之民庶幾同符熙豐以彰

朕用人之明

尚書庫部員外郎葉劬為鴻臚寺少卿

九卿之亞職任為優惟時鴻臚掌字賓客時咨俊又咸曰

汝宜往惟欽哉毋替朕命

顯謨閣待制提舉醴泉觀何述同為顯謨閣直學士

西清祕閣訓所藏寓直其中秩隆地近惟時俾望克副

簡求其官某學問修崇性資粹美揚於爾列朕所眷知書

省編摩進勤備著祠宮涵養舉閣彌休知條令之更新繫

相臣之兼領有嘉勞績增峻寵名非特為爾父子之榮將

以示吾君臣之美往祇茂渥益勵遠圖

兵部尚書張閱為翰林學士

北門學士地近職親不專潤色於訓詞實備顧問於左右

選擇惟慎古今所同我得其人載頒休命具官某性資端

亮學術高明文章足以代予言謀議足以斷國論蚤由詞

禁出殿大邦簡在予衷召長武部閱時未久舉益隆隆爰

稽考於師言宜寵還夫舊物若夫達制作之體要副職職

之諮詢惟汝之能宜稱朕意

翰林學士命泉為兵部尚書

國家承平中外綏靖雖不貴佳兵豈以久安慮武事哉夏官之長實統五兵為萬里之折衝資文章之長算非體國老成曷以任此其官某剛而不撓靜而有謀執法霜雪能閱月搗文翰苑多所弼諧用升喉舌之司懋總武部之重勉修厥職為國遠猷

顯謨閣直學士中奉大夫李壽孝復正議大夫

朕於甘泉法從之臣極始終禮遇之厚雖以微文錫秩豈拘於牽敘常法哉其官某天資粹敏吏治嚴整尹正畿甸

風績著聞引疾祠宮姑遂退休俟式頒明命晉復官聯惟爾

之休欽承無怠

張謨除尚書戶部郎中

邦計之重領於用民曹必擇貳以佐其長使參稽登耗贊

舉籌策庶乎上用裕而下不之以爾揚歷中外明悉源流

擢爾為郎茲為慎選爾其懋哉

朝奉郎范之才為倉部員外郎

尚書六曹聯職合治地官之屬尤在得人爾夙以才稱見

謂通敏比因奏對灼見器能爰錫命書列於司庾往慎厥

官贊理邦計

王禮閣門宣贊舍人

列職宸閣允謂清華資以勸能未嘗輕授爾奉使屬部沈

密有謀克獲凶渠安靖邊徼宜頒顯賞以旌爾功進陞新

階典司宣贊為爾之寵往其欽哉

高堯舉張天才

朕欲從政之士知法令之若江河中嚴律學選建官聯爾

等威府推擇俾踐厥官盛參訓導之聯或司糾正之任各
祇乃事以觀爾能

惠柔民

朕建辟靡以處歲貢之士增員闕以專訓導之職爾業明
行著威曰汝宜其守所學尊所聞以稱朕樂育之意

勾仲甫除荆湖北路提點刑獄

荆湖之北控制諸蠻物夥事繁獄市易擾肆求望實往按
詳刑爾曩以才揚嘗歷方面罷斥滋久能務省循朕不汝
棄就昇使輟益圖厥修副予欽恤

宗室仲遷贈開府儀同三司

眷惟邦國之華允藉本枝之茂惕聞永逝敢復瑱章具官
某迪德粹溫秉心端恪悅詩書而務習處富貴而不驕滂
膺懋敘之仁寢陟清華之美奉朝惟謹率履無違著好禮

劉給諫文集卷二

之美稱得為善之最樂云胡不淑懼此憫凶宜隆褒恤之
恩以極哀榮之寵故封大國視秩家司尙其如存服我明
命

宗室叔混贈開府儀同三司

祖宗之世並建親賢以固磐石之基以茂本根之勢故生
則不閔勞以事而富祿之歟則軫恤其後而褒崇之始終
之義備矣具官某秉樂善之資服仁厚之化屬籍最長遷
於庶察之聯高明令終享此太平之福寵開榮國峻視宰
司泉路有知歆承無斁

胡奕修復職

朕待遇臣工務從寬假獲與甄升之典曾何存歿之殊具
官某曩以時才裕更事任將曹六路宣勞實多惜其論亡
嘗加褒贈中緣褻奪亦既累年原情念勞宜欲於貸其家

籲訴達於朕聞特還內閣之華仍賜後昆之慶尙其不昧
歆此寵榮

橫行皇城使皇城副使等換官

朕遺駿先猷肇修武選是正官稱之美以為在服之榮具
官某等夙以才揚久祇予采乃眷橫班之峻或作崇允為
右列之華宜從新書用頒明命尙慎爾止毋或勿欽

中奉大夫直龍圖明知杭州龐寅孫轉官

朕躬考績之法以馭羣吏雖在疎迷不廢褒崇矧吾邁臣
厥有懿典具官某才猷明敏識慮精詳曩以才揚踐吏中
外比領西清之職出綰錢塘之符風績著聞舉望休顯有
司會課應令當遷俾增峻於文階其往祇於寵渥

姚宏轉防禦使再任

邊郡守帥簡自朕心矧著勞績疆場帖然其可數易而城
動我邊民哉爾久分符竹穩若長城宜繇團結之聯躋於
禦侮之列仍給舊紱益旣乃心

張棟轉官

夫為郡太守而能幾察奸萌使不得作可謂才矣爾守淮
安降羌搆謀陰圖竄逸以智俘獲卒服其辜朕何愛一官
不以為汝賞哉肆頒寵命往其欽承

路某轉官

新造之邑爾能柔來拊循其民俾安厥土時乃之功可忘
褒勸進秩二等懋哉

王莘降官

爾縮郡章不思牧養乃倚法以任情贖貨以豐己朕不能
慎擇於始彼千里之民何辜焉試加核實其有寃狀聊從
銷秋筦權是司尙其循省以蓋前愆

王子猷胡景修降官

吾民赤子而畿縣尤所重爾玩法縱囚長奸害民朕何賴焉姑削一官是為寬典

張閱賈文君降官

部使者以糾察吏治為職况按刑之司在畿甸之邇乎爾等咸以時才擢將使指屬邑玩法連逸重囚爾於平時會不按察逮其已然乃始究治失刑縱惡誰之過歟姑從降秩以警曠瘼

侯渙開封府士曹參軍

都邑翼翼四方是則治稱浩穰其可以常才冒試乎以爾資識敏明應幾必決冀膺推擇服職佐僚爰錫命書俾遷厥次往贊而長益懋爾修

劉法散官安置

劉給諫文集卷二

主

朕振崇學校不變寰區故雖遐陬教法惟一倘懷阻壞難追典刑其官某項以常才濫廁師席弗思體國遵奉詔條乃託公違私規害學政陵轢士類而輕侮憲章無享上之誠有怙終之實師紳若此朕何望焉其褫兩使之榮資仍解河湟之重寄屏之遠服聊示宸投體我寬恩毋忘自訟

將校降官

傷人抵罪里巷自好者不為也爾身領將麾乃弗知戒任情情忿自貶厥愆褫秩一階往其循省

燕國靜恭惠懿淑慎夫人薛氏改封越國并加莊穆

二字

朕詳求淑德參侍宸闈顧非官壺之英曷稱號名之美某氏稟資端靜迪德粹溫柔嘉夙著於令猷恪謹動循於禮則自膺異數益懋閔休志意修而不渝寵祿至而愈慎宜

頒渙渥進陟大邦惟莊則肅而有儀惟穆則和而匪懈併茲顯號式廣徽稱往服寵光永綏多福

某氏衛國夫人

朕詳求淑德參侍宸闈惟時禁掖之良爰錫褒遷之命某氏稟資端靜飭己惠和恪勤克敏於事為恭順動循於禮則自疏封於名郡已藹著於英躋朕所眷知宜有甄陟進加大國之寵以新象服之榮益懋令儀用對休渥

孟惟彥降官

爾負三世之傳虧十全之效是怠吾事宜削一階

楊昌父贈節度使

朕親蒞秦壇薦饗上帝既荷休於宮昊遂均資於庶邦惟予禦侮之臣厥有追榮之典具官某故父某夙推恭順克保遐荒籍輿地以自歸率遵文教襲衣冠而效職永捍藩

劉給諫文集卷二

高

維篤紹世勞實有賢子曩被飾終之寵洊升留務之榮屬釐事之告成廣慶恩而遠浹增崇位敘進領節旂尚其如存服此顯命

母某氏贈郡夫人

祇見上帝均慶羣工惟時愍章厥有典典其官某母某氏稟資端懿迪德惠和孀於令門克有賢子忠勤夙著品秩增崇宜疏大郡之封進陟小君之號尚其幽壤欽此寵光

妻某氏封郡君

釐事告成庶邦共慶惟時恩典厥有彝章具官某妻某氏柔嘉有儀淑慎爾止率循內則克相厥夫服聯忠勤致位通顯宜膺渥渥進陟郡封往其欽承服我休命

張夏封寧江侯

生能有功於人歿而可祭於社者其斯人歟爾在先朝將

漕湖部江濤爲患舟建石堤迴遏怒瀾逾七十載民賴其
利朕所歎嘉爰錫贊書寵之侯爵尙其歆懌永庇此方

長源侯

山川之神能以休澤庇覆其民者朕咸秩而祀之況漢水
之神其可後乎惟神實紀南國膺食一方有禱輒從民不
告病宜新爵號以寵神休尙其居歆永庇茲土

表

賀皇太子冠禮

涓擇休辰備成嘉禮慶傳中禁嘉浹寰區中賀竊以易之卦震為長男禮之經冠為重事前代所慎曠古莫行惟睿聖之作興緝舊章而備舉肇稱盛典允屬熙朝恭惟皇帝陛下乾健日新離明洞照惟時家嗣乃國元良孝友肅恭巋然異稟容儀辭令卓爾夙成茲順考於經常遂肅加於弁冕茲日之吉正纏於朝措國本若泰山繫人心於少海天人共慶夷夏交歡服備三加方顯成人之禮日開五色遽呈休應之祥凡在觀瞻孰不呼舞臣叨膺外寄竊觀盛儀萬壽稱觴阻綴鸞之列一心享上誓殫葵藿之誠

謝除中書舍人

嚴召亟頒循牆莫避隆恩曲逮撫己奚勝中謝竊以周以內史贊書首重王命漢以郎官掌誥亦重王言沿襲雖殊慎擇則一於皇聖世妙簡詞臣居侍從清切之班以論思文字為職考諸前代尤重厥官方駿德之日躋仰容謀之大縱訓誥溫厚則同風三代文章爾雅則軌美南宮倘非潤色之才易副清華之選伏念臣稟資固陋運際休明雖少習於藝文詎堪世用唯粗安於節守政為身謙旋蒙眷獎之殊以致超踰之速待罪憲府承乏諫垣惟抵忤之徒多戩事功之可錄比緣嚴罰分屏邱園忽拜殊恩超升綸閣乏左右游談之助繇聖神特達之知載揆空虛彌增震懼茲蓋伏遇皇帝陛下法天廣大如日照臨樂得賢以持盈守成廣籲後以立政造士將翹翹之是刈故斷斷而弗

遣是妄庸猥叨選任臣敢不覃思舊學進釋前聞少殫鉛槧之勤庶冀涓埃之補欲及親之鍾釜既往何追堅許國之忠誠自今其始

謝除給事中

伏奉制命除臣依前官試給事中仍賜對衣金帶者亦乏綸闈方虞曠職升華瑣闥遽沐明恩荷寵數之優隆撫微躬而震懼中謝竊以庀司中禁列屬東臺不專閱讀之司實與論思之責倘非宿望曷副詳延伏念臣學術迂疎智能淺薄奮身寒苦遭世休明謨薦特達之知寔願清華之選涓埃未効憂患滂臻分遠屏於窮鄉苟安歲月俄疏榮於從橐參掌訓詞顧潤色之非工在黜幽而難進敢圖矜貸特俾甄升佩恩典之有加被身章而增煥退循僿倖瀾積凌兢茲蓋伏遇皇帝陛下紹述先猷廣開言路欲羣才之並用雖一介以弗道致茲妄庸亦叨委任臣敢不勉其未至增所不能知無不為益勵事君之節死而后已誓殫報國之忠

謝除待制知壽州

褒封白列方虞冒昧之誅綸制俯頒遽賜允命之命既聯從蒙仍昇州塵拜寵優隆擢躬震懼中謝伏念臣才資甚下問學不優徒抱區區之忠茂聞赫赫之譽偶逢華旦親被聖知擢由庠序之中置之臺諫之列志清朝著罪若邱山旋經憂患之餘涖官禁嚴之選天地之大恩未報終誓捐糜人馬之微疾遽侵虛難勉強實懼曠厥之責莫逃宸廑之誅輒瀝懇誠上干聰聽敢圖鴻造俯亮愚衷濫升延閣之華更付名城之寄茲蓋伏遇皇帝陛下德侔乾覆道與日新察臣屢被使命每加簡記憐臣粗安分守特賜矜

從是致辱微亦叨委任臣敢不恪遵睿訓茂迪前修砥節
首公益勵竭共之操承流宜化庶殫夙夜之勤倘一得之
可收雖九烈而奚恤

壽州謝到任

特荷瑣職無論駁之風削竹淮墮誤玷藩宣之寄拜恩
優幸撫己凌兢中謝伏念臣學術迂疎智能蹇淺徒遭休
明之運誤沐聖神之知擢自孤生置之要路徒多眚眚無
補毫分方盡瘁以効官遠銜良以去國僅終禮制薦拜殊
恩參邇臣鷓鴣之行供內省文書之責仰荷乾坤之施不
勝犬馬之心薄效未臻宿痾間作懼寢於素守難苟進
於大詞旨味陳誠懇祈補外敢圖鴻造俯亮愚衷既升延
閣之華更昇名城之重亟超封部首見吏民祇服寵榮惟
深感涕茲蓋伏遇皇帝陛下舜明洞照堯天并容憫臣素
乏技能偶塵法從察臣未更事任姑試便藩臣敢不深體
眷懷力行舊學虔奉丁寧之訓益宣寬大之恩夢想雲天
徒結戀軒之念勤勞夙夜敢忘報國之心

謝提舉亳州明道宮

頑冥抵罪合即誅夷仁聖矜容止從罷黜戴恩隆厚撫已
戰兢中謝伏念臣學識迂疎智能蹇淺徒有自強之志實
無可用之才遭際休長躡登臚任憲臺諫省詞掖瑣闥事
功微毫髮之容罪戾有邱山之重比緣宿疾偷假便州閉
關臥痾未容自効瘵官慢令已致人言原情當實於嚴科
竊食尚容於真館永惟憊官彌切惟松蓋伏遇皇帝陛下
下乾度并包離明洞照俯令羈單之士常參近侍之聯故
雖罪辜亦未捐棄臣敢不銘肌荷德刻骨思愆掃軌窮閭
竊幸里閭之佚游心魏闕敢忘犬馬之忠倘溝壑之未填

願其而報

謝磨勘轉朝散郎

一麾假守已分黜幽三載稽勞乃蒙增秩拜恩知子撫己
增慙中謝伏念臣學不知方非適用徒遭休明之運誤
蒙神聖之知擢自冗僚置之言路訖無云補積愧空餐比
緣抱疾之餘竊覩承流之效事任未聞於進勉頑冥已抵
於譴訶方深竄竊之憂敢冀褒嘉之及載循忝冒彌切驚
惶茲蓋伏遇皇帝陛下盛德海涵至仁天育予奪本取臣
之柄黜陟乃考績之公故雖至微亦不偏廢臣敢不仰承
眷注祇畏明威真館投閑庶獲夷由之福餘生未泯誓圖
報塞之方

知婺州謝到任

震聞聲遠大哉盛儀解澤勞流溥霽羣品孰謂疵謬之迹
亦蒙曠蕩之恩內揆庸虛惟深感涕中謝伏念臣稟資至
陋被學不優蚤誤聖知濫叨法從訖無云補積有過愆求
報天地之恩已沾犬馬之疾□□□畢力効官顧勉強
以圖□舉頭躡而自取江湖悠遠空懷戀闕之誠賦賦優
閒益篤愛君之義敢意未填乎溝壑荷慮滋玷於藩宜初
見吏民具頒條教茲蓋伏遇皇帝陛下文謨武烈舜孝禹
功豫立國本以垂無疆之休廣施睿恩以隆莫大之慶致
滋罪黷復與使令臣敢不深體眷懷益圖來效銘肌刻骨
誓殫欲報之思奉法愛民更勵自公之節庶幾萬一上答
磨分

謝提舉建州武夷山沖祐觀

列郡承流難仰報祠宮竊祿特荷矜憐佩恩眷之優隆
撫危躬而戰慄中謝伏念臣稟資至陋被學不優蚤遇休

辰濫塵法從不由左右之助盡出神聖之知歲月寢更事
勞無補昨驟違於宸陛爰再領於州麾居官無以踰人守
已但期寡過適者解符婆女易地邢臺念私門之多艱禍
延諸父惟祖母之垂老病且累年不勝烏鳥之情遂有祝
釐之請囊封薦貢天聽曲回俾遂里居獲盡痲瘵之養豈
惟家食又叨廩祿之豐賜厚不貲恩深難報茲蓋伏遇皇
帝陛下則堯之大用舜之中俯憐孤塞之蹤嘗備使令之
列故雖久外亦不遐遺臣敢不深體睿慈仰承大惠誓永
堅於節守以上報於君親當孝治之期敢忘晨昏之奉祝
聖人之壽願憑香火之絲

謝服闋除官

準告以臣丁祖母憂服闋除臣依前官職封賜如故者禮
制甫終僅存殘息絲綸驟降亟復舊官厚德難名孤衷易

劉給諫文集卷三

五

感中謝伏念臣稟生艱蹇逢運休明迫祖母之垂年丐官
祠而就養諸父早世伯兄繼亡既罹閔凶遂即承重憂傷
備至羸劣奚勝歲月其徂祥禱俄及載念棲遲之久重仍
疾疾之餘去國十年望軒墀而結戀有園三徑賴松菊之
猶存敢懷馳關之心第畢首邱之志孰謂隆恩之誤及復
叨故秩以增榮仰荷矜憐彌深戰慄茲蓋伏遇皇帝陛下
天地合德日月並明禮尤厚於邇僚仁不遺於跣侶故雖
疎遜亦被寵光曠洪造之難酬曷圖報稱願餘生之未泯
永誓捐糜

謝再知壽春府

窮閭掃軌僅終禮制之嚴藩服分符遠奉絲綸之寵荷恩
優渥撫已職就中謝伏念臣學術空疎智能短淺偶逢華
且誤被聖知初由耳目之司旋膺禁嚴之選迄無云補徒

積過愆緣私門兄弟之彫零丁祖母年齡之遲暮巧辭卸
絀力請官祠會祿養之未淹俄禍災之存及方承重制忽
已外除茲爾餘生懼填溝壑繼然溫詔亟復官職繼疏宸
展之榮再昇淮城之寄念嘗曠職豈敢冒居引私義以陳
誠冀天心之從欲循精莫避渙汗難收茲蓋伏遇皇帝陛
下盛德兼容大明洞照察臣昨緣微累不以瑕疵憐臣嘗
綴近班特加覆護故雖罪戾亦備使令敢不仰體睿懷益
堅素守永念兵民之重日思撫馭之方三折肱而為醫已
懲既往九殞身而論報尙冀將來

謝磨勘轉奉大夫

營職罔功方懼黜幽之命漁恩增秩仍叨進爵之榮拜賜

優隆撫躬戰慄中謝竊以九年黜陟有虞明考績之方三
載賞誅周官詳計衷之治惟我聖代若昔大猷具有會謀

劉給諫文集卷三

六

之文深得用人之法伏念臣迂疎末學樸樸散材自遭際
於昌辰偶濫塵於臚仕徒淹歲月無補分毫尸祿則多計
功蔑有忽驟頒於恩綽俄超進於文階內省僥逾惟深震
懼茲蓋伏遇皇帝陛下衡聽萬事器使羣工予奪本馭臣
之權爵祿為膺世之具故雖孤外亦不遐遺敢不仰戴殊
私益勤小已夙夜匪懈每懷享上之忠死生以之庶馨為
臣之節

謝降官

營職不虔自干典憲議刑從恕姑削文階罪大責輕感深
涕隕中謝伏念臣稟資異懦逢運休明雖屢被於使令初
茲聞於勞效比由里閭擢總州麾已試無堪固嘗辭免臨
事不力自遠謫詞方勵精求治之朝公考績用人之法既
明殿最宜正典刑雖未實於嚴科庶或責於後效仰惟寬

大俯積震驚茲蓋伏遇皇帝陛下發由中之斷排被譜之多察臣克勤民隱心實靡他念臣服在官聯理或可貸姑從降秩以弊曠官敢不夙夜省循淵冰戒慎庶收尺寸之效仰報邱山之恩

謝再降官

失職之愆屢聞於聰聽降官之罰海逮於微躬戚實自貽咎惟誰執中謝伏念臣器資至陋風力不强蚤誤聖知嘗服在邇僚之末出更郡寄再臨於淮甸之區不惟勞效之蔑聞抑亦罪戾之多有眷言畿內實宿重兵廩給之資轉輸是賴豈謂催科之甚拙致滋常賦之乏供自速曠瘼莫逃竄竄仰賴皇明之燭隱止從寬典以議刑賜厚不貲恩深難報茲蓋伏遇皇帝陛下廓天地之量推日月之明念臣所部災傷力有不逮憐臣稟生艱蹇理有可矜未實展科姑從輕比臣敢不銘肌戴德刻骨省愆知無不為敢辭勞於事任死而後已當永誓於捐糜

知舒州謝到任

解壽春之組會未浹旬縮德慶之符已臨近境見吏民而問俗論條詔以宣恩仰佩寵榮惟增戰慄中謝伏念臣稟資固陋逢運休明蚤誤聖知濫塵法從供內省文書之職無補分毫參邁臣鶴鷺之聯自慚蹇拙昨一辭於天陛幾再總於州麾計勞無蟬翼之微尸祿有蝗廩之愧中更憂患已分羈窮願安田里之居遂畢桑榆之景敢圖容獎薦及庸愚准蔡承流時偶遭於儉歲濫寄易地身遂庇於樂邦釋繁重而稍寬顧憂危而獲免靜言饒言彌切震驚茲蓋伏遇皇帝陛下德澤施於萬方仁不遺於一物擇人而任愛民如傷謂臣久被使令必知緩撫察臣餘生孤迥曲

賜獎知就委明綸俾移善郡臣敢不効勞任事夙夜奉公首務勸農期裕豐登之歲庶幾底績共臻晏粲之風一德可酬九頌奚恤

啓

謝釋褐

賈舍養賢叨塵上選明廷賜第得預內科獲寵若驚撫躬增愧竊以自三代教養之法廢而西漢薦舉之制興時雖射策而決科士蓋專門而受業尊崇儒術擯斥異端沈酣六藝之文網羅百家之說於時則有晁董公孫之輩歆向楊雄之流率皆肄業而成書亦或傳經而供事僅尋遺緒莫究大全豈如盛治之朝大闢聖經之學斥蠹篆而屏聲律先根柢而後辭華博選師儒招徠俊乂立三舍以示勸獎訓五經以開蔽蒙法度復新風流大變學者去積年之

劉給諫文集卷三

八

獎儒生欣干載之逢以談經者思游夏之淵源以從政者慕由求之果藝才率可用孰有面牆之譏名無苟傳且異畫餅之誚故凡科目之得士宜皆俊偉之異人如某者才無他長少而自信學乏窮理人或愛其顛勁文不適時世多笑其迂闊徒以升斗之養出從矜佩之游來學累年辭親百舍將期文史之足用敢冀功名之可圖偶獲薦名再叨升舍已方自愧人指為能蓋太羹以貴本不遺而昌歎以偏嗜見取物非有異時適使然再緣姻故之嫌俄從別頭而試悞失友朋之助駭驚英俊之多一一吹竽自不容於濫進人人抱璞夫孰得而爭先何過聽之無從忽殊等之下及逮公車之召試瞻黼座以對揚務陳謬謬之樸忠肯效矯阿之曲學已分甘於擯斥乃誤辱於甄收幸雖自天恩實有地茲蓋伏遇某人學優聖域道覺天民推樂育

之心以成人材廣包荒之量以誘後進暫分虎節來鎮海
邦作新洋宮大集儒士至於庸妄之跡尤荷品題之深師
席載敷獲預振衣之列賢書上獻更蒙勸駕之勤凡茲毫
髮之榮舉出生成之賜某敢不敬修士檢祗服官箴增益
其所不能日開其所未至上酬鈞造少答已知

謝薦舉

伏蒙某官薦舉堪充升擢內外學官任使者效官賤局會
蔑異聞薦士公朝誤叨名舉退揆庸妄之跡不緣左右之
容顧念甚慙願言何報竊以去就之義實儒者之難能制
舉之公蓋古人之深懼自開請託之路遂成奔競之風下
焉者惟利是圖故尚馳騫而賤名節上焉者觀時所向故
先勢要而後人材既取舍之趨乖則公正之塗塞道衰久
矣孰使起之向非挺然自拔於流俗之中何能卓爾遠到

劉給諫文集卷三

九

於賢者之地如某者草茅弱植江海孤生志不遠人學力
爲已徒以偏親之致養未甘問舍求田偏緣斗粟之服勤
竊比抱關擊柝念茲英遊之舊踴慙非脫穎之長才經術
既已闕疎更因奔走而頓廢史事又非諳習惟虞譴責之
難逃未嘗敢祈人之知姑以安所得之分豈期特達之舉
驟及庸常之流茲蓋伏遇某人德無不容仁以爲任曲收
寒素覬繼貪競之源褒進儒庸因激廉退之士顧非所稱
奚取於斯某敢不益勵操修愈敦名檢守君子難進之節
鑒鄙夫患得之心雖米鹽盜賊之間固不難於盡力而塵
埃筮楚之地豈無幸於脫身庶少免於過愆以上報於知

遇

謝薦舉

効職尉曹茂聞善狀論才學省緇辱褒辭被寵若驚循涯

知愧竊以國家自崇庠序之教尤重師儒之官首善辟雍
化流泮水繫風俗之厚薄爲人才之盛衰苟得其人所補
甚大內則尙近輔以選擢外則委監司以簡求是非學博
而經明志修而行潔則何以膺薦拔仰副詳延如某者
江海孤生草茅弱植學迂闊而無用性懶愚而不移鼓篋
橋門監預諸生之後影纓仕路敢辭薄宦之卑徒以志氣
困於米鹽日用廢於奔走舊學將失故步已非挂額悵然
空想山林之至樂折腰倘爾敢期英俊之並遊夫何僥倖
之多竊辱高明之舉茲蓋伏遇某人栽培善類推轂寒途
務長育於人材不遺忘於微賤曲憐晚學已屢試於有司
特借重言俾獲遊於鄉校某謹當益堅其操勉副所知寒
谷能生實假吹噓之力頑金可貴敢忘陶冶之恩

上中丞

劉給諫文集卷三

十一

伏審恭承明命入總中臺摺紳聳觀寰宇交慶伏惟慰并
竊以風憲之職紀綱所憑非至公不足以彈壓百僚非至
正不足以糾察羣慝惟鯁直端方之士居準繩耳目之司
開望既隆中外自服恭惟某人受天問氣爲世正人知識
合乎普應純誠貫乎金石經綸有儒者之效質直多古人
之風不吐剛而茹柔好面折而廷諍頃居言路頗撓貴權
比登從班藹有聲譽果破至神之眷進升獨坐之榮方今
道協正中時屬開泰第虞黨與之迭進或憂邪正之雜居
盡言以退小人竭力以進君子舉世所望非公而誰自溫
詔之外願已羣心之懍聽行見主威之隆盛刑賞信而忠
佞分竹觀國體之不平法度明而政事舉爲生民甚盛之
福永宗社無窮之某某限守詔條阻趨門應踴躍之至倍
百等倫

賀溫守蘇起再任

伏審光膺滙漑載總藩條帝命維新海邦何幸恭惟某人
風度凝遠氣量宏深拙秀名家素著才猷之美飄緜膺任
夙馳譽望之隆自榮領於權漕已簡知於宸扆頃東南之
寇虐軫宵旰之殷爰爰擇循良以綏彫瘵克副岩廊之選
孰踰賢牧之才鈴閣雍容下觀而化歲財豐衍民再有秋
四郊絕愁嘆之聲千里騰襦袴之詠期年報政棠蔭才成
部使論才鶚書交上趨召將聞於黃霸借留俄許於寇恂
方成命之遠傳翕羣情而胥抃某州塵承乏歲籥俄遷夢
遶松楸望白雲之時起興濃尊膾幸西風之已生行觀履
綉喜溢心旆

策問

韓愈讀孟軻書然後知孔子之道尊聖人之道易行也今
 七篇具存學者服膺而讀之孔子之道何如其尊乎聖人
 之道何如其易行乎學者同是堯舜同尊孔孟雖五尺之
 童子知之也宰我曰夫子賢于堯舜遠矣堯舜聖之盛者
 也孔子果賢乎或曰門人之私言也以爲私言孟子何取
 焉孟子伯夷伊尹柳下惠皆古聖人也乃所願則學孔子
 孔子與三子者班乎孟子獨學於孔子何也學者學爲聖
 賢者也不知所以爲聖賢而學也寧不謬用其心乎願聞
 其說

劉給諫文集卷四

二

聖賢難知久矣自非聖人不能深考而詳辨之子貢方人
 子曰夫我則不暇孔子非不能也蓋難之也昔孔子稱堯
 舜之文章舜之無爲禹之無閒然皆不言其聖太伯之德
 文王之文周公之才伯夷叔齊柳下惠之賢咸有稱述而
 各不同孟子稱伯夷叔齊柳下惠皆古聖人也稱孔子則
 信宰予之言以爲賢于堯舜稱禹稷顏回則曰同道孔孟
 所稱其有異同否西漢揚雄議論不詭於聖人於漢之將
 相咸述品藻東漢班固博極羣書至論古今人則別爲九
 等二子去取與孔孟異乎否也諸君學古久矣試考聖人
 之所以推稱二子之所以優劣者何如

三

天下未嘗無材也作而成之材不可勝數矣周之盛時求

賢用士處之以宜文武政事之材出焉詩曰濟濟多士文
 王以寧此其效也天縱上聖聰明日躋厲精圖治求賢如
 不及比詔大臣博訪人材應事審用處文學之士於儒館
 寅幹敏之士於寺監求心計之才於漕臺養智勇之人於
 將帥可謂得養士用人之道矣然承平日久四方之士雲
 蒸而雨至榮路既廣競進者眾賢否未明眞偽難別論辨
 之必有其方也或沈於下僚或隱於遐遠無以汲引之卒
 困於無聞薦延之必有其道也人材不同遇事乃見槩求
 其全則賢或有遺拘以常格則用或不盡獎勵之必有其
 術也廊廟之議熟矣諸君平日討論者亦及此乎願聞其
 說

四

綱紀法度所以維持防範不可一日廢也主上大智深明
 厥理旋乾轉坤闢闢萬化緝熙既已大備告播罔不是孚
 猶以爲未也親洒宸翰申戒百官持循兢兢形於詔令豈
 不以今日先務有在是乎乃者協賞罰明法令嚴分守因
 官以察治因事以訓飭異論者息貪鄙者化侵絜衛華者
 不得作可謂得持守之道矣於斯時也是宜不應後志同
 寅協恭牽職趨事以躋極治然而慢令玩法狃於故習以
 干有司者尙時有之其故何哉今欲內外大小之臣四方
 萬里之遠皆能體上之德恪遵成憲體守常彝毋紛更是
 圖毋苟玩是習不待勸阻咸迪有功法令憲章永永無弊
 其尙何術以臻此歟諸君被教養懷經術習治體久矣願
 詳陳之將以其說獻焉

記

望思亭記

某生十有九年先人奄棄諸孤業守緒餘能自樹立雖不辱其先每念不及一日之養未嘗不追痛頌絕也及濫吹於朝偏親垂白既懼且喜方以出入言路奉職惟謹而又不及朝夕之養亟欲請外以伸烏鳥之情天降酷罰夫人即世某銜哀茹荼扶護遠歸以終窆事實荆溪余與山之原去先人之兆一里而近從先志也夫合葬雖後世所尚然謂之古則不可故後世有不合葬者世或未之罪也先人葬方潭山丙地地小而狹舊不為壙今將窆而合之或掩動其神靈毀傷其林木於小子安乎余與距方潭山靈靈相望也廬居於山之下作亭於巔名之曰望思左乎高祖之所葬也右乎先兄之所葬也登斯亭也若祖若父顧盼之間靡不畢見既而望望而悲悲而思愀然省厥躬其不忝前人乎則廬居之問不待訓諭告戒與夫座右之銘矣矧予憂患之久重以頑闇若不惕厲何以奉承大訓經曰無念爾祖聿修厥德又曰夙興夜寐無忝所生嗚呼小子可不念哉可不念哉亭去夫人墓五十二步建於既葬之年五月二十三日記

書方潭移溪事

余遊方潭惜日力不繼每至輒去戊戌冬至後三日宿寺中步自橋而北觀新築堤岸與洛堂後其址累石捍溪堅緻逾十數丈用工不數十人慨然嘆曰圓淨師以修造佛事人所不及引水作渠田疇加闢回溪易流基址增廣他日方潭僧益眾屋宇益廣供贍益給誰之力賦先長史縮創於前圓淨師復培葺於後實無窮之利後人可不知所自乎故書以遺其徒使刊諸石政和戊戌十二月初六日墓銘

從弟元素墓銘

元素子叔父第二子也宜和癸卯以鄉薦赴試禮部甲辰三月不幸卒於京師建炎改元十二月庚申葬於其縣仙桂鄉方潭院之西從兄徽猷閣待制某臨送山原為之銘曰

吾兄元承	有弟元素	安禮其名
宜義其父	兄官河東	元素實從
左右是依	問學從容	羣書博觀
繼以編纂	口誦心記	澆洽貫穿
覃思既精	吐為英華	爰列薦書
士友以傾	宣和辛丑	睦寇嘯聚
浸淫鄉邦	官吏恐懼	劉公士英
糾合義兵	除器峙糧	分部并城
元素忠勇	長掛守帥	贊以方略
佐其大計	羣盜果至	城堅巨當
林松伯高	記之甚詳	元素倜儻
篤於風義	赴人急難	不顧其已
惟鮑商霖	病於京師	調候闕然
獨往視之	歸得寒病	遂不可治
嗚呼哀哉	鄉喪善士	家失令子
人之云亡	邦國殄瘁	我在壽陽
聞訃震驚	使加數年	學就業成
升於王朝	為國俊英	今也已矣
言之涕零	荆溪方潭	山水奇秀
爾父伯叔	環葬前後	元素從之
實志之舊	建炎改元	歲在丁未

維丑之月

窀穸是事

早婚於吳

中道不偶

以仲氏子

昭孫為後

享年幾何

三十有一

白首偏親

追念曷畢

仲氏孝友

厚其送終

拊視幼孤

實與己同

我作銘詩

以問其藏

於乎萬年

泉室有光

頌銘傷

頌堯

在昔明聖曰堯舜氏黃屋非心唯天我視堯有天下不私其已舉以授舜猶棄敝屣天下四海不頌其美舜以禪禹禹以命子傳夏之歷八百其祀天下四海不替其鄙堯禹異趣其歸一揆道德之公精神之至惟時治深異議不起後世薄紛紜披靡簞食豆羹與者見色得者私喜而况

舉國推以予人天下不駭嘗議者寡國不明習士不養氣

上下一律惟己是利大道之公淪沒天地嗚呼巍巍大哉唐虞氏之風實聖賢之高軌

誠齋銘

先妣傾喪築室墓下勝曰誠齋作誠齋銘

彼荒者廬予昔所爰僅蔽風雨苟完歲月唯誠則存不誠無物勉哉厥修沒齒不悞

二齋銘

予罷官東陽築室城南作耘齋澆室以為燕居之地不在廣方寸實同惟情為田耕獲乃功昔者效官耘人之苗今也退休自耘其疇曰耘伊何莫夷藟崇稂莠不生

耘齋

所因作二銘以自警

嘉穀乃豐固我靈根存我夜氣太和保合蒸為美瑞不然戕賊荆棘之地非天爾殊爾則自棄銘之座隅免蹈之仄弗克念茲小人之歸

澆堂

凡物之生雨露是資彼生者天人則相之曰歲大旱一溉何益澆而不輟豈不為力後枯之理夙夜斯得伊予早衰外齋中乾豈無靈液自涸其源哲人葆真吐納為最譬如植物雨則茂遂亦曰天禮飲其醇和暢乎四肢靡顏之醜我銘斯堂訂子之迷欲戒厥功戒之在虧

山中四傷

予廬居山中期年鄰之父老遺以花卉菽果雜植亭之左右以備採掇服食幸不滅性作山中四傷

花蹊

彼芳者華乘時敷榮草其焦枯爰變丹青晚蘭之秀嶺梅之英雜植旁羅別狀異名孰使然者自色自形理可以觸學可以明桃李不言蹊徑自成

竹徑

綠竹漪漪如碧如玉如衛武公在彼淇澳其力挺挺其高矗矗高不可折榮不可辱虛不可實直不可曲夏不變暑冬不變涼蕭蕭其陰清爽絕俗今雖未多來者可續舒鞭

藥圃

胡茲渭川在目

藥圃

彼藥多品州土各異甘苦既殊莖葉或類桐君所編神農所記漫不可考真偽孰是惟此遐邑地偏多厲服食所資自遠而至厥壤做出封植宜闢英華紛敷根實茂遂採擷

山中四傷

予廬居山中期年鄰之父老遺以花卉菽果雜植亭之左右以備採掇服食幸不滅性作山中四傷

山中四傷

予廬居山中期年鄰之父老遺以花卉菽果雜植亭之左右以備採掇服食幸不滅性作山中四傷

山中四傷

予廬居山中期年鄰之父老遺以花卉菽果雜植亭之左右以備採掇服食幸不滅性作山中四傷

山中四傷

予廬居山中期年鄰之父老遺以花卉菽果雜植亭之左右以備採掇服食幸不滅性作山中四傷

山中四傷

予廬居山中期年鄰之父老遺以花卉菽果雜植亭之左右以備採掇服食幸不滅性作山中四傷

必親杵臼爰備攻疾蠲痾惟勤服餌欲見奇功驗所嘗試

蔬畦

彼嘉者蔬於山之下基布可觀區分如畫引溜灌溉不舍
晝夜擢本後先更王迭霸紫芥耐冬白松宜夏其甘逾瓠
其美勝蔗予方蔬食每撥盈把烹肥擊鮮夫我不暇抱甕
灌畦牽先園者

祝文

登州告先聖

朝廷方興崇學校郡縣內外奉王之制罔敢不肅惟茲厥
宇闕歲既久塗墜頽落廟貌不嚴不足以安神之靈涓日
之良易栢與瓦徹而新之以稱明天子令所以欽祝之意
惟王其鑒

壽州謁先聖

劉綸諫文集卷四

七

某以諸生擢由學校今被命於朝來守茲土學道受人敢
忘吾聖之訓蒞事之始不敢不告

諸廟

維神以休烈廟食茲土雨暘時若民受其賜蓋亦久矣某
被命出守爰初視事賴神之休自今其始惟神鑒之敢忘
昭告

天齊廟

維神以靈惠垂庇一方民所瞻仰其亦久矣某被命守土
爰初視事賴神之休自今其始惟神鑒之敢忘昭告

社稷

維神以休烈垂佑下民生殖之功萬世永賴某被命守土
蒞事之始率茲常事敢不祇謁

祈晴

厥耨既修方冀來牟之瑞霖注繼作不無水潦之憂軫控
微誠仰祈明現伏願上靈降鑒休徵來臻消陰沴而應時
布赫陽而普照豐年可望庶類均懽

淮源王

某被命出守爰初視事問民疾苦皆以為瀕淮之民特麥
以生去歲麥幾成而水害之今麥欲秀而雨不已吏民惶
恐不知所為其何以供稅賦奉神明之祀乎惟神實庇一
方民所依賴刺史失職當被譴責彼民何辜神獨不憫焉
躬率郡僚奔走祠下惟神鑒之

祭文

祭范忠宣公

嗚呼公乎惟公烈考慶歷名臣沒十餘年公名復振治平
之初招為御史惟帝曰呵文正有子爰及熙寧進公諫垣

劉綸諫文集卷四

八

公曰用我知無不言先天下憂後天下樂公惟似之不叛
其學二聖臨御圖任老成公歸西極四方牧宰帝曰汝賢
引登輔弼公不苟安踰歲而出公之出處為時汗隆去國
五年帝復用公公初在朝非堯不陳于蕃于宣一於愛君
紹聖初政出居宛邱抗章極言朋黨是愛惟時謗誣仇怨
畢斥諸公南行恩典廢格公曰不可貽國後忠宜因赦原
聽其自便公言一出人為公危公則泰然言非我私今上
嗣位明燭萬國惟公皤然起自謫籍上趣入覲曰留相予
公以疾辭其來徐徐公休於家問勞瘁至冀公少康以佐
天子天不憖遺公計遠聞摛神咨嗟故老涕零嗚呼公乎
仁祖及今五聖百年惟公世家以忠義傳父子兄弟一門
俱賢危言正論讀書潛然臨沒之章一何切焉某愚不
敏舊屏公知提攜振拔俾聞於時今公云亡欲報曷道西

望輜車綺紉莫持寓辭千里伯此一屈

祭黃石丞

惟公懿學美材蔚於時望嘉言讜論簡在三朝裕陵超實
於憲司哲廟擢登於政府歷時既久經德不回肆真人之
作興越多士而進用未逾歲月乃以疾聞力請官祠旋歸
故里章所去者六七詔趣名者再三雅意本朝老而彌篤
乃心王室歿且不忘夫何馳驅才及於近郊而奄忽俄臻
於大故條案興云亡之歎淵衷軫不慈之悲某久辱誤知
適當言路趨風方邇去德猶新豈知歲月之閱遂作九原
之隔聊陳薄奠詎盡誠悲

祭丁包蒙

惟靈稟天資之異常念前修而為志潔操履之無玷坦襟
懷而樂易自郡計之五上信行能之已試視科第以兩拾

劉給諫文集卷四

九

偶澤宮之未利方援此以有請速被誣而下吏念橫逆之
來集誠古今之異事嗟造物之頓挫實伊人之私意馨多
士以懷怨豈予親之獨議自去歲之東下欲投觚而操耜
期閉戶以自樂俄執經之如市悵講席之未暖嘆沈疴之
驟至攬遺墨以尙溫驚銘旌之已催嗚呼哀哉昔先子之
捐館惟一女之醇懿擇良配以付託實伊予之兄弟念久
之而未獲既得公而極慰匪富貴以皇恤期偕老以卒歲
何中路之差跌忽如川而先逝茲孤幼以滿堂藐餘生之
誰寄將修短之前定非人謀之能致嗟彼蒼之謂何痛斯
人之殄瘁闕聲容之杳然願再瞻而莫遂陳薄奠以敘哀
神來舉兮斯解

祭古兄左史

惟我與兄總角相從後來出處未嘗不同鼓篋帝京跨嶺

涉江留滯瀟灑燈夜雨淋間闕百試志莫肯降獲聯優最
奏對宸楓載念西游擔簦於洛依歸夫子覃恩力學格物
致知會萬守約惟兄蚤達立有所卓視彼眾人久矣先覺
不鄙疎庸提誨磨琢溫吹同升得官於朝西掖瑣闥搗分
實叨兄由烏府記言螭坳人謂予榮子憂方膠蓋予二人
情邪嫉養羣陰以日其能一朝予丐補外領郡壽春兄守
鄱陽抗章力陳再易於宜篤勤為民天災流行夜寐不伸
救療旁午活此州人兄俄奄逝嫂亦殞身天禍盈門天胡
不仁萬口盡痛當路以聞淵衷軫悼悼喪典疏恩嗚呼哀哉
追念疇昔恍如一日或升或沈靡曾棄失今乃獨先頹影
孰匹雙旌翩翩颯颯風瑟瑟予繫州組追送不克天實臨之
鑒此惻惻薄奠道周老淚泉激

祭張宗博

劉給諫文集卷四

十一

惟兄沈識偉器見於夙成蚤擅詞場領袖後生旋宰劇邑
治煩有聲爰佐大府焉來帝京親賢宗講公族是程優游
靜退利徑靡爭有識咨嗟蹙蹙進革情謂公見知臺省飛纓
云胡不淑禍患相繩緇羅延累載竟頹厥靈嗚呼哀哉某也
不肖舊辱公知館我甥室時方布衣提攜剪拂縵到金閨
非公之賜何以至斯昔公權艱遠歸海涯我亦去國假守
淮西相望天末江湖渺瀰孰謂歲月公赴遽來問問驚惶
肝膽沸糜罷斥來歸公喪在堂入門望帷涕泗已滂嗚呼
哀哉謂才必達公乃困阨謂仁者壽公壽不多悠悠若天
日如之何公有令子克紹厥緒公今云亡豈復茲慮惟我
鈍頑凜凜危懼厚德不報尙期末路敢以非薄恭薦情素
冀公不昧歆此奠俎

祭張宗博夫人

夫人生長於永嘉而卒葬陶山蓋從其先舅姑之兆域亦其平日志意之所安者也禮婦人不及事舅姑謂之不幸今也生則逮事死焉從之嗚呼夫人可以無憾靈輿啓行徑趣殯所日月不違以待大葬道路瞻視罔不嗟嘆矧予至親悲痛何極聊陳薄奠謹盡哀誠

代祖母祭八叔

惟我長史兄弟三人叔氏之後惟汝獨存汝於諸房既長且賢顧我猶存情均至親歲時問勞有味其言豈無他人莫如汝勤嗚呼吾宗繫汝克敦唇齒相依枝葉附根吾老已衰爾才六旬冀汝康寧以庇弟昆如何不淑乃棄而先吾孫罹變自京而旋汝犯霜雪迺於江換得疾而歸謂宜少瘥曾不浹旬遽隔九泉命也天只莫知其原寓哀以辭薦此芳尊

劉給諫文集卷四

祭十七嫂方氏

嗚呼先兄之亡十有九年惟我令嫂送往事存鞠育二子逮其諸孫至於有成實賴且勤念昔官學兄當我門道路裏糧悉出厚恩嫂實相之絕口不言我婦來歸教誨周旋雖曰姊妹如弟妹焉究觀施為豈不曰賢云胡南來避地秦川不幸得疾藥石弗痊神識奄忽遂歸九原嗚呼哀哉生死修短厥數在天雖云異鄉如鄰邑然魂魄流行往歸不難旋館於茲神其少安音容永遠日改月遷一奠靈帷摧胸裂肝

祭十八嫂朱氏

嗚呼爲士去其鄉而遊學四方非得兄弟經其家豈無養親之憂爲兄弟者又必得相夫子之賢助其內治然後兄弟得盡其愛某愚不肖初離鄉井兼有此二者今也不幸

學未得伸其志而夫人棄去以失吾賢兄之助其爲痛傷抑可知也敬陳薄奠伏惟尚饗

贈正議朝議大夫燎黃

某愚不肖年未及冠遭罹孤苦賴先人積善之慶不類其躬竊食於朝天子哀其祿不及養每遇大禮疏恩仕籍輒下告第之制加褒贈之寵所以推恩廣惠所以爲臣子之勸也政和丙申冬祀園壇則有朝請耶之命政和丁酉大饗合宮時則有朝散大夫之命至政和戊戌誕膺九寶則有朝議大夫之命凡三歲於茲登被寵渥朝廷之恩厚矣惟靈上體至意受此顯命以庇我後人某亦敢不夙夜自勉圖報萬一以永我先人休德

謁先祖長史墓

賴皇祖之大庇竊祿京師逾今七年比遭酷罰扶護還舍未卽殞滅敢忘展省惟靈其享之

劉給諫文集卷四

謁先考正議墓

賴祖考休庇竊祿京師違遠松楸逾今七年天禍我家先妣傾喪日月不居奄今卒哭號天叩地哀痛何極苟延殘息扶護歸葬未卽死滅不敢不祇見墓下嗚呼哀哉

謁十四叔墓

某自幼昔蒙被叔父教誨愛以誤恩竊官於朝德厚賜深未知報稱適去五載叔父不幸捐館某貪戀榮寵不克謁告以歸今以禍罰還家叔父之葬已更歲餘其爲悲痛尙復何言薄奠薦誠有淚如雨嗚呼哀哉

謁十七兄墓

自昔兄喪既克大葬某踰月卽爲蓬萊之行遠去松楸經及七載竊官於朝濫綴班列兄賜實多欲歸省墳園志

願未遂今天降禍先妣喪亡日月不居奄經時序墟天叩
地哀痛何已苟延殘生以畢大事未卽死滅不敢不展謝
墓下嗚呼哀哉

劉給諫文卷之五

經義

以肺石達窮民

永嘉劉安上著

天下之禍本於下情之不通而王政之施常患幽隱之不達古之所謂至治者無他焉為人上者惻怛之誠及於無告而無告之民皆得洞見肺腑而無疑夫使四海之內皆無隱衷而無有不告者亦可以見先王仁政之周也故曰以肺石達窮民蓋一人之身思慮隱於無窮肺腑不得見於外者也思慮鬱於內則其情不得通肺腑洞於外則其情無不達窮民天下之無告者也可謂下情之難達者矣今也立之肺石以來其辭先王豈以是肺石干譽於百姓也要其意有在矣昔堯之有天下也不虐無告不廢困窮

劉給諫文集卷五

夫困窮無告之民堯皆弗虐而弗廢之故舜之紹述也是以發政而不窮其民焉然舜亦豈俾斯民之不窮哉要使窮者各得其所是乃所以不窮之也文王號一代發政施仁之聖主而文王亦不能使夫鰥者之有婦寡者之有夫孤者之有父獨者之有子也仁政施而四者皆優游以卒歲此文王之所以無愧於堯舜也方成王之有天下周公爲之左召公爲之右所以佑啓其君者思欲無歉於堯舜無忝於迺祖則肺石之設豈可一日廢哉蓋嘗謂有天下者猶之一身一家也癢痲疾痛之切其身愛其身者必求所以救之療之一人向隅而不憚愛其家者必求所以悅之憚之仁人之於天下視民之無告者必求所以撫之綏之且常人之情厄窮則呼天疾痛則呼父母君之於民覆之如天愛之如父母使無辜者則必問而訴之者必見恤

四海之內無隱不達則聖人仁民之心於此見矣固已盡矣雖然仁義不施則韶濩之樂不足以格天忠信不立則鄉射之禮不足以措刑政事不修則雖有肺石不能致海內之無窮民政事者其本也肺石者其末也不揣其本以修之則無窮之民弗達也雖然而齊其末則心口勞而實不應有天下者執其本以修之則無窮之民無弗達也雖然本既立矣而未亦烏可廢哉

以其餘爲羨

經略之內孰非王土食土之毛孰非王民六尺以上其賤者皆可籍而任數口之家其壯者皆可致而使然先王雖有廣土其制比伍則內不過六鄉雖有餘眾其起徒役則家不過一人故家有羨卒人有餘力蓋師旅者先王所以平禍亂不可去也力政者先王所以治城郭宮室不可弛

劉給諫文集卷五

也然驅民以死地莫大於師旅使民以勞苦莫甚於力政民之所不欲在斯二者又何可家起二人以重困之乎何則人情莫不欲安佚也而上勞之如此則亦必節其力而不敢盡焉夫民之生自幼至老大節有三幼之時血氣未定老之時血氣既衰乃若旅力方剛而氣幹未衰者少壯之時而已是故一家之中其可任者寡其不可任者多老幼者常居七之四而少壯者常居五之二此上地七人中地六人下地五人之家所以或家一人或家二人或二家五人爲可任者也盲矧石擊刺攻伐於行伍之中而事父母養老疾於家者其事不闕也有其餘以爲羨故也荷畚插度築削於擊鼓之間而稼穡植藝戴茅蒲被襪穢於田野者其職不廢也有其餘以爲羨故也夫然後故從事於力力役者出死斷首而不辭推鋒爭先而不避也從事於力

政者子弟而不待率鼓之而不能勝也昔公劉居鹵土地未闢人民未阜而義卒有闕也故其詩曰其軍三單是并有異乎周官之治也時焉而已及宣王命方叔率南征之師而有其車三千之多是非空六鄉之地而起之也諸侯以師會焉故也而老儒以為義卒盡起焉是烏識先王以其餘為談之法

可謂明也已矣可謂遠也已矣

天下君子少而小人多賢者寡而愚者眾夫惟多少眾寡之勢若不相敵此賢人君子所以多至於危殆也且以小人之心固嘗忌君子矣君子者介然自守不與小人合小人又加怨焉挾忌怨之心則無時而不謗小人者必為詭辭飾說自欺其心以入於人然則苟非至明深智了然昭徹其賢人君子不為致疑者幾希矣小人為難察也君子立人之朝小人未嘗不欲擠之而去君子蓋寡過也無

劉綸諫文集卷五

三

可誣之行雖善毀者不得入無可乘之毀雖善議者不見信故小人者必伺其有疑似之隙而投之君子有引賢授能者則進朋黨之說矣有造功興事者則進擅權之說矣有理財厚民者則進聚斂之說矣小人之欲用也無顯顯之德患位之不保無赫赫之功患祿之不固以疎遠之迹一旦得其君也甘心巧語柔顏佞色委蛇媮媮附機會未嘗有絲髮之善而矯飾百端以中主欲幸而詭說一開則寵任盤固不移如山矣有人於此焉其端岸不測苟以是心至者皆絕人於微使不得逞若然可不謂之明且遠乎子張問明孔子告之以浸潤之譖膚受之烈不行焉可謂明也已矣可謂遠也已矣豈非是乎莫非明也舜之舉四岳十二牧十六相則任之而不疑至四凶之誅則使之

不律售其奸辭之明豈不遠哉成王之任周公召公毛伯芮伯左右前後未嘗有間至管叔蔡叔則不以親而私成王之明豈不遠哉仲尼之為司寇也未幾以少正卯至隱之惡七日而手足異處於兩觀之下仲尼之明豈不遠哉此三君子者豈世之所謂辨白黑數一二視與新而謂之明者乎書曰視爲明此之謂歟

子温而厲

柔失已剛失人一偏之患也知柔之為患而矯之以剛則失人之患復至矣知剛之為患而易之以柔則失己之患復至矣惟二者之偏勝而中和之道卒不可得此君子之道所以鮮有間於天下也然則接物以柔而不失其所以為剛之道非聖人時克然哉蓋温猶水之温也有可親之義焉厲猶山澤之禁也有不可犯之義焉夫可親之與不可犯疑於不侔矣而聖人一之者本於道也道之為道交物而不失於物故以道遊世者雖天地且不能違之而況於人乎是故煖然如春者其與物接也凜然如秋者其不可犯以非禮也與物接者聖人之所以為人而不可犯以非禮者聖人所以不失已也陽虎之仕夾谷之會公山之召以眾人觀之可以不屑矣而重然之慈方且與之揖遜而不辭此聖人接物之仁也然其卒也遇塗之言不能屈以非任歷階之說不可犯以非禮而堅白之實乃不可得而磷縮焉是豈有山澤之禁兵甲之守使人可親而不可犯者哉正容以楮之而人之意固已消矣子夏曰君子有三變望之儼然即之也温聽其言也厲蓋所以形容其德者也若夫柳下惠之和也觀其不易介於三公亦可謂不失守矣然援而止之而且至於裸裎其側而不悔者雖曰

劉綸諫文集卷五

四

可謂明也已矣可謂遠也已矣豈非是乎莫非明也舜之舉四岳十二牧十六相則任之而不疑至四凶之誅則使之

人不我悅然而不恭亦甚矣故其樂也人忽乎已而招侮
召辱或未免於洽容之誨焉故孟子以孔子為盛德之至
而以柳下惠為不恭真知言哉

請問其目

道無問問無應古之人有目擊而道存者不必語而默會
此上智忘言之士也若夫善學者則不然問不切則理不
明理不明則無以釋疑而辨惑故學者必貴於問問者必
貴乎切切問者以其要而叩焉者也昔者顏子學於夫子
平居燕閒所以觀聖人視聽言動粹然之容與夫洽然之
音其著心入目得之於言意之表者固非一日也然克己
復禮之說尙且不自以為晚達而請問其目於此見顏子
之善學而知切問之為大也豈諸子之論哉嗚呼學道者
將以探聖人戶室而造其闔奧者也有如門焉問則得其
入不問則不得其入然而善學者亦由其門而求之而已
此顏子問為仁之端而以目言之也嘗觀聖人之門學者
多矣然善問者鮮焉非不問也不得其門而問之也顏子
之下善問者莫如子貢或人以衛君為問而子貢以伯夷
叔齊問於孔子子曰伯夷叔齊古之賢人也求仁而得仁
又何怨子貢知夫子之賢伯夷叔齊遠知其不為衛君者
知其是此而保其非彼無疑也夫欲知衛君之事而以伯
夷叔齊問之能以其類推之也子路問魯大夫練而杖禮
乎夫子不答子路疑之三問而三不答子貢入而問曰練
而杖禮乎曰非禮也子貢出謂子路曰汝問非也禮居其
邑不非其大夫若子貢者亦可謂能問者矣然未若顏子
之能切問也夫為仁非一端故顏子以目為問子曰非禮
勿視非禮勿聽非禮勿言非禮勿動視聽言動學者所由

劉給諫文集卷五

五

以入道也能制於外者則能養其中能養其中仁之道立
矣宜乎聖人告之以此

陳善閉邪謂之敬

君子之事君盡心焉耳矣言而不心則近諛貌而不心則
近佞諛且佞君子不為也故盡吾心之所欲者以事君
則凡所謂善者無不陳也盡吾心之所欲去者以事君則
凡所謂邪者無不閉也陳善閉邪此人臣之所自盡者得
不謂之敬乎竊嘗謂人臣之立乎本朝者豈皆出乎愛君
之誠也哉貪夫爵慕夫祿其未得之也則諛言柔色以入
之其既得之也則又諛言柔色以守之不為是者或以財
利說其富國或以勇力說其強兵不為是者則為盤樂奢
泰說其樂逸是三者君以為忠臣以為賊者也彼其心豈
不知好利足以虐民好兵足以害國而盤樂奢泰之不足
以保其社稷也特其心不出乎愛君之誠是以若此然而
不敬莫大乎是嗟乎孟子之時茲弊甚矣天下之士亦孰
知有愛君之道哉蓋其獻言於君者不過曰我能為君闢
土地充府庫而已又曰我善為戰我善為陣而已當時之
君不知其非且從而尊之曰此良臣也而孟子者乃明其
說之不可獨區區以仁義為說彼好勇也我以文武言之
彼好貨也我以公劉言之彼好色也我以太王言之是皆
所以引其君以當道而格其心之非則其敬君為何如哉
彼景子者方且以不朝王為言是烏知孟子之所以敬其
君者不在於聲音笑貌之間而在於中心之誠故曰齊人
莫如我敬王也

居之安

學不至於自得者未足與言不惑智不至於不惑者未足

劉給諫文集卷五

六

與言不變惑者不明變者不守若然者其於道也而能一朝居之乎孟子曰居之安凡欲其自得之也蓋所貴乎得者非貴乎得於人也自得而已矣苟惟得人之得而不自得其得則其所得亦將因人而變矣昔者門人拱而向有此信於孔子之行而行之者也喪欲速死欲速朽此信於孔子之言而言之者也及本之聖人之意未有不轉彼而爲此矣若是者亦可謂居之安乎孟子曰聖人復起不易吾言矣其居之安莫大於此

守先王之道

道在一介則一介重道在天下則天下重方周之衰先王之道不行於天下而獨在於孟子夫何也雖一介之士而道實在焉則當時推重無過於孟子矣天下其敢不異禮而待之乎嗚呼道之不行也久矣道不行則天下無善治

劉給諫文集卷五

道之不明也久矣道不明則千載無真儒無善治是先王之道不及於斯民矣無真儒是先王之道又不傳於學者矣當孟子時堯舜文武之道不幸而不行於天下幸而有孟子者得先王之道而傳之夫先王之道上足以帝王其君下足以帝王其民雖三公之尊未足以爲貴也九鼎之養未足以爲富也王公大人之分廷抗禮區區傳食何足以爲泰乎彭更以諸侯待孟子爲泰是以待先王之道爲泰也如彭更者非特不知尊孟子且不知尊先王非特不知尊先王身爲儒者忍發此言是知所以自尊也曾子曰尊其所聞則高明矣其言如此器局可知卑淺狹隘何足以稱於大人君子之門嗚呼更也亦知世有所謂舜者自缺畝而爲帝乎世有所謂傅說者自版築而爲相乎何其淺見寡聞也孟子之言真有以大其志爲彭更者將下

大禹之拜乎抑將學皋陶之師乎回之服膺師之書紳乎宜知所以自處

附錄

行狀

公諱安上字元禮姓劉氏系出彭城世爲永嘉人曾祖延貴祖瑩父去非以公貴累贈正議大夫公少端重有成人風祖父特所鍾愛曰異時必大吾門與從兒舍人安節同硯席相友愛尤專勤嗜學講習忘寢食既長俱以文行稱公踰冠首鄉薦復聯名游太學並爲上舍生迭預魁選聲稱籍甚號二劉一時賢士向慕爭與之交赴省闈別試第二人登紹聖四年進士第丙科解褐調杭州錢塘尉公操履清峙輝映湖山人謂真仙尉謹身律下每被檄所部雖庖廚必自辦以行秋毫不以市於民所憩惟亭傳僧寺否

劉給諫文集卷五

則芟舍露坐食息自如見者咨美之受代留圭租縣廩爲後人冒請賢還過之雖久客寢甚勿問也公以名流陸沈下僚怕然無忤色究心職事有捕獲功未嘗自列曰幸人之死而已取賞吾弗忍爲雖同列以是被選不以介意卒用薦者并處州縉雲縣令除登州州學教授時三舍法初行擇師儒國學尤極其選遂遷博士學行德器尤爲後進所尊仰差考試貢士舉院故事考官各進策問取進止上皇雅重公文親筆選用以車駕幸學恩循儒林郎後改宣德郎大觀元年除提舉浙西學事陸辭進對風皮詳雅論事合旨既退上皇顧近弼稱某蘊藉有大臣體既而中丞余深薦之留爲監察御史朝廷有所推鞠多以屬公公持法尤審而更根於誠恕吏不忍欺謙讓明允多所平反囚悅服無恨意十一月遷殿中侍御史常曰倫安思失尤非

言官所宜故居處薪芻服用之物取其朝夕十二月磨勘轉奉議郎明年因八寶恩轉承議郎三月遷侍御史賜五品服公沈厚謹密凡風聞事皆反覆詢究或遣親人參驗得實乃始論列舉無不當十一日奏事上皇目送之曰劉某言事可謂詳審矣屬時相擅政竊弄威福內熖滔天意所趨向海內風靡黨與蟠結根據朝廷無敢撻其鋒者公獨挺然不肯阿附極言其罪抗章不報乃與石公弼率同列廷論之詞旨愷切時論偉之在言路三年凡所彈射皆汗穢不法敗政亂俗之尤者其不畏強禦如此平居恂恂若不能言至辯論人主前安詳不撓無所畏避以故眷注愈渥三年八月遷諫議大夫逾月丁太碩人憂公性純孝未冠正議公卽世掩泣腐袂奉事太碩人色養尤篤自筮仕以至禁從榮侍版輿風興溫清奉甘霏供笑樂始終如一

劉給諫文集卷五

九

日至是毀瘠幾滅性卜葬盡禮極哀榮之奉廬於墓側手蒔松檟蔬食終喪徘徊不忍去公生於里之西洲及夫人既亡宦游往來經行其處必凝望泣下人以爲有終身之憂慕焉政和元年冬服闋以中書舍人召先是兄舍人由察官登對玉音宣問公安否及寓止何地既朝見入對上皇面諭以曷日詢訪及簡記識擢之意二年用元圭恩轉朝奉郎踰年除給事中其所獻納論駁有補時政者甚多俄請外甚力九月除徽猷閣待制知壽州四年以上舍試所差官撰號差互罷提舉亳州明道宮復以磨勘轉朝散郎封文安縣開國男食邑三百戶五年除知婺州七年磨勘轉朝請郎進封開國子加食邑二百戶時六尚書降造花羅額數頗眾程甚嚴公以抑配多民困論乞蠲減弗克則奏以非土貢願不爲例又部使者往往專事花石

以市恩徽州縣希旨幸賞或遣使臣檄州計置督以支錢應副舟車事公初不與之辨但按法移文回報往復閱時淹久使臣苦之趨巡引去自是無來者遂免無名之費謂發之撓民陰受其賜焉尤不喜笞辱人少年或坐法公察知其家子資可教則命其父夏楚於庭責使就傅其務教化厚風俗蓋有古循吏風治婺州凡三年鎮撫惠養百姓德之里人過其境詢及遺愛則人人以手加額至今稱頌八年移知邢州時祖母徐氏無恙年逾九十奉之甚謹初遇恩妻張氏當封以祖母未命遜避不敢當奏乞回授徐上皇嘉其意優詔從之封仁壽縣太君念諸父蚤世而徐氏年彌高邢去親庭益遠遂丐宮祠侍養宣和元年六月得請提舉建州武夷山冲佑觀九月丁太孺人徐氏憂公以介孫承重遂終恩禮有加鄉閭榮之三年服闋除知壽

劉給諫文集卷五

十

春府累表辭免不克四年磨勘轉朝奉大夫進封開國伯加食邑二百戶壽公舊治民懷恩弗忘比再至老稱欣迎扶攜還迓者屬路府於淮西爲大藩屯兵萬餘密邇京師每歲上供十二萬石應付畿內軍糧賦亦稱是雖遇凶歉租賦放免殆盡而稅額不少減前此官吏復加槩量及羨餘以幸苟免民重困流移者眾公至嘆曰奈何剝下以逃責耶凡諸司額外泛拋一切不應以撫綏寬緩爲事漕臣預調專則奏乞較定一路上供及支移之數課殿最行賞罰以風屬郡是歲壽春官吏遂以數劣被劾降官復以椿發軍糧虧欠再被劾秩以去終不自辨也六年除知舒州踰年請宮祠從之提舉南京鴻慶宮靖康元年覃恩再轉朝請郎加食邑二百戶尋復朝奉大夫朝散大夫以疾乞致仕轉朝請大夫建炎二年正月終於正寢享年六十詔

贈通議大夫命有司量助喪事下以十一月壬寅葬於永
嘉縣建牙鄉玉清觀後山公識度粹凝宗工鉅儒見者莫
不許以遠器自爲尉以學官薦者十餘人守帥豐公稷皆
譽推獎禮謙集則分韻賦詩講論文義延留彌日不以僚
屬待也大觀初令侍從各薦所知右丞徐公處仁以公應
詔其爲當路知遇如此素堅正靜退未嘗苟進取部使者
或欲廢公致門下寄聲知舊諷使致謁公薄其爲人終不
詣之尤不喜竿牘爲教官登州或勸貽書時貴丐東南便
親者公謝不顧也暨閒居里閭當軸皆其知舊或請致賀
答曰吾平時不通書今遽賀之得無疑我有求耶於時俗
持祿養交率願望迎合以規進取公深鄙之爲御史多所
彈劾務存大體振綱紀不爲計直取名凡論列章疏退輒
恂藁雖家人子弟無得見之故其奏議人少知者嘗語人
曰在言路久仇怨殆滿目矣然吾職風憲獨安所避願在
我本無心耳出典三郡凡所設施不務表暴示以好惡而
人自化御下寬簡不苛吏卒服役之餘咸詩自便然嚴重
巨測莫敢慢也或乃爲投合以求當公意終不可入殆所
謂易事難悅者動準繩檢進止有常度而遇事裁決咸中
理解所至有惠政在葵市川以給浮橋費民便之刻石紀
德其守壽春屬比郡歲饑流民襁屬公爲區處舍止什器
資養畢具至者如歸屢丐常平賑濟勿許則倒廩散之曰
民困且死奈何坐視不恤倘獲罪吾當之其有病者以私
財爲致醫藥爲糜以食之不幸死則給棺槨卜爽塏收葬
之民賴以全活不勝計恩及境外矣蓋其志在爲民凡所
與爲必欲其利及久而所濟廣者蓋如此與人言如恐傷
之待僚屬未嘗失色然剛正不可以犯尤嫉賊吏壽春屬

劉給諫文集卷五

十一

令有貪墨問者既廉問審實一夕追速証佐盡得姦賊令
窘急略當塗致書營救公不答卒使引疾解印綬去諸邑
爲之疎動始公先達爲侍從前少宰吳公敏故右丞許公
景衡未顯公識其遠到舉以自代二公繼登宰輔時論隱
然服公知人胸中恢廓而謙恭執禮一於純誠不爲纖芥
矯節過人無遺小大貴賤至胥徒滅獲語必拱手自名雖
晏處私室家人不見情容和裕有體至於臨事則斷之以
義於嗜好淡然略無珍玩財物視猶糞土雖身處富貴自
奉簡薄殆有布衣所難者慈孝友弟蓋其天性宗族內外
四百口服公之化閭門雍睦無間言溫良謙遜有萬石君
家風位侍從二十年所得恩澤以先弟姪季弟安仁以太
碩人所鍾愛過之尤厚憐其困頓場屋首以大禮恩奏補
其後早卒諸孤幼穉撫養加意不異己子既長爲舉婚嫁
躬與日者往來山谷間卜地營葬訖事甚曰吾今而後
無復他念矣既屬疾無甚苦謂家人曰吾其止此乎臨終
之夕猶誦西漢且命偃處爲翌日親別燕遊之會既就枕
覺風眩起坐命藥繼至而亡其好學達理高明令終死生
之際不惑也如此嗚呼母宋氏累贈太碩人娶張氏朝奉
大夫親賢宅博士時敏之女封碩人生子男二人長曰謙
承務郎前蔡州監稅克有家次日誥女一人歸修職耶林
待問孫男三人尙幼公早與兄舍人從常世先生長者遊
深得中庸大學指歸故能以其所學發爲政事致身侍從
當巨姦朋邪傾亂朝政持一介孤忠力排抵之僅以獲免
後雖歷位禁闥俄值斯人復進用事勢熾赫然度不能抗
因懇丐外補自是十有六年終老於外雖仇怨銜之刻骨
欲搜抉疵毀冀以中傷而卒不能避回官祠優游卒茂處

劉給諫文集卷五

十一

之泰然亦無愠色卷懷韜晦不肯爲赫赫名真若畏人知者故其進退始終大節而逆推夫所以用心殆未易以闕其際也蓋其蘊蓄浩浩淵淵用之誠有未盡彼暴露銜鬻者抑公之所晒也耶公爲文典重有法尤工五言晚更平淡渾然天成無斧斤跡有詩五百篇制誥雜文三十卷藏於家卜居南郭治第築圃盡湖山勝槩益喜賓客至則觴咏延款無斁暇日杜門觀書味道養性或攜杖課園丁畦蔬詩果以自娛嬉當其心閒意適雖田夫野老亦欲與之對非所喜雖位顯爵尊扣閤弗見也故識者論公平生出處以方唐退傅自至其夷曠淡泊無聲色之娛詩文雅正不爲纖豔浮華之語則又未可以優劣論也公於嘉言爲父執行世中表姍舊且同里知公爲詳然公潛德隱行所不能窺者蓋多姑實錄所聞少備採擇之萬一承議郎新通判舒州薛嘉言謹狀

劉給諫文集卷五

三

按本傳行狀有詩五百


篇制誥雜文三十卷中

更兵燬葢其存者爲五

卷

劉給諫文集卷之五終

曩從劉考功公誠借鈔二劉長史合集元禮止得半部而已康熙壬午福州林孝廉吉人以鈔本見寄乃得全竹垞老人識



許忠簡集

孫氏詒
敷開雕

許景衡字少伊... 登元祐九年進士第宣和六年召為監察御史遷殿中侍御史是時王黼蔡攸用事景衡言尚書省比闕長官而同知樞密院亦久闕雖三公通治三省然文昌政事之本樞密本兵之地各有攸屬安可久虛其位願博採公議遴選忠賢以補政府之闕遂大忤黼意朝廷用童貫為河東北宣撫使將北伐景衡論其貪糶不可用者數十事不報陸寇平江浙郡縣殘燬而茶鹽比較之法如故景衡奏茶鹽之法當以食之眾寡為歲額之高下今收復之後戶版半耗民力蕭然而茶鹽比較不減於昔民欲無因得乎奏上詔兩浙江東路權免茶鹽比較... 景衡奏財力匱乏在節用民力困弊在恤民今不急之務

橫塘集本傳

若營繕諸役花石綱運其名不一吏員猥多軍額充濫又無名功賞非常賜予皆寅緣僥倖干請無厭宜節以祖宗之制而省去之且極論和買和糶鹽法之害不報會知洋州吳巖夫以私書抵執賅子道景衡之賢因從子增符寶郎周離亨以達離亨繆以其書誤致王黼黼用是中景衡逐之欽宗即位以左正言召旋改太常少卿兼太子論德遷中書舍人侍御史李光正言程瑀以鯁亮忤執政斥景衡為辨白坐落職子嗣高宗即位以給事中召既至除御史中丞宗澤為東京留守言者附黃潛善等多攻其短欲逐去之景衡奏曰臣自浙渡淮以至行在聞澤之為尹威名政事卓然過人雖不識其人竊用歆慕臣以為去冬京城內有赤心為國如澤等數輩其禍變未至如是之酷今若較其小短不顧盡忠徇國之節則不怨已甚且開封宗

廟社稷所在苟欲罷澤別遣留守不識縉紳中威名政事有加於澤者乎疏入上大悟封以示澤澤乃安杭州叛卒

陳通作亂權浙西提刑趙叔近招降之請授以官景衡曰官吏無罪而受誅叛卒有罪而蒙賞賞罰倒置莫此為甚卒奏罷之除尚書右丞有大政事必請問極論潛善伯彥以景衡異已共排沮之或言正二月之交乃太一正遷之日宜於禁中設壇望拜高宗以問景衡曰修德愛民天自降福何迎拜太一之有初李綱議建都以關中為上南陽次之建康為下綱既相遂主南陽之議景衡為中丞奏南陽無險阻且密邇盜賊漕運不繼不若建康天險可據請定計巡幸潛善等傾綱使去南陽之議遂格至是謀報金人攻河陽汜水景衡又奏請南幸建康已而有詔還京罷景衡為資政殿大學士提舉杭州洞霄宮至瓜州得賜疾

橫塘集本傳

及京口卒年五十七諡忠簡景衡得程頤之學志慮忠純議論不與時俯仰建炎初李綱議幸南陽宗澤請還京景衡乃請幸建康黃潛善等素惡其異已暨車駕駐揚州於傳聞不得已下還京之詔遂借渡江之議罪之斥逐而死既沒高宗思之曰朕自即位以來執政忠直遇事敢言惟許景衡詔賜景衡家温州官舍一區

橫塘集二十卷 宋 樂大典本

宋許景衡撰景衡字少伊温州瑞安人登元祐九年進士宣和中召為監察御史遷殿中侍御史欽宗即位以左正言召累遷中書舍人高宗朝至尚書右丞罷為資政殿大學士提舉洞霄宮卒諡忠簡事蹟具宋史本傳景衡雖源出洛學而立身剛直不與賈易諸人鬻爭門戶其文章亦坦白光明粹然一出於正在徽宗時即極言財力匱乏請罷花石綱運為王黼所中而去及從高宗在揚州又與黃潛善不協借渡江之議斥逐而死雖阨於權倖屢起屢躓而終始不撓今集中所存奏議如論童貫悞國辨宗澤無過論王安石當自便論議案集中無論王安石劄子而有論王安石中自便劄子乃因王安石

橫塘集

安置象州有指揮放令逐便景衡因論列安中罪狀謂不當許令自便此疑當作論王安石不當自便謹附訂之乞寬恤東南諸劄子皆誠懇懇切詳明於此

其他亦多關係家國大計雖當時不能盡用其說而史稱既沒之後高宗每念其遇事敢言追思不置亦足見其忠愛之忱有以感孚於平素也至其詩篇乃吐言清拔不露佻厲之氣如玉樽浮蟻一樣白青眼與山相對橫諸句殊饒風調胡仔漁隱叢話謂寇準詩含思淒婉富於音情殊不類其為人今景衡亦然蓋詩本性情義存比興固不必定為濂洛風雅之派而後謂之正人忠宋史藝文志載橫塘集二十卷書錄解題亦同自明以來傳本久絕今從永樂大典中採掇裒綴以次排纂釐為二十卷朱子語錄嘗稱陳少陽事其詳見許右丞哀詞中今已不睹是篇則

製鴻裁伏者不少其幸而存者彌宜寶貴矣

橫塘集 提要

二

宋 許景衡 撰

五言古詩

題海山亭懷左經臣詩

去年登斯亭江山照尊俎眼中十年舊一笑便爾汝今年
 登斯亭春風穆花絮故人渺天末雲海滯鱗羽尺素相濡
 沫耿耿不我與壁間指舊題珠玉暗塵土良辰豈易得陳
 迹空處所眷言繼高韻寸縷慚纖組嘉我二三子肴核佐
 玉醕歡然爲傾倒落日爭起舞丈夫貴適意窮達付出處
 洛陽真小兒顧慕涕如雨江流無日夜而此獨不去何須
 數歲月俯仰亦今古

食筍

山中春物早霏紅亂桃杏霜筠固自如挺立萬夫整蟄雷

橫塘集卷一

走狂鞭迸地驚脫穎鮮華競時節露籜含朝景山家窘口
 腹擷摘盡畦町林間忽斑斑一笑脫愁境呼兒且朝飯縹
 緲度雲嶺海犀紛縱橫荆玉燦光炯士生得所適藜藿過
 五鼎膏粱誰不飽去去多僥倖

康師見訪於竹閣因師臣師同賦問訊元老人

道人樂巖栖泉石厭眼耳胡爲一葉舟汎汎西湖水應憐
 老居士巾履一作困塵洋相從一笑頌茗盃浮雲藥江天
 正搖落秋色淡如洗宴坐俯層軒梢雲森鳳尾谷言東溪
 老挺立萬夫偉平生海潮音卷舌付諸子維此岑遂師道
 學究終始當年幾酬對萬法一彈指要當出新句特用問
 興止江河有餘潤今我亦隨喜

贈袁州仰山簡長老

簡師本吾儒學佛見闢奧開心滌塵滓回首乘巾帽飄飄

秋雲意凜凜霜柏操魚鼓屢陪眾林壑常寄傲十年痾仰
 山終日勤化導欲酌清冷泉爲爾沃炎燥欲揮智慧劍戒
 爾逞貪暴迷途自多梗法岸豈易到惟知務引拔仰不愧
 覆囀幽明雖難詰善否疑有報巖間湧寶塔茲事誰爲造
 琢削甯須班挽拽誰困累一方競奔走萬口盡喧噪守臣
 獻異狀天子錫嘉號鎮壓等衡岳扶持壯大寶師乎良有
 得叟也無復道

鄉會詩錢晉臣和韻謝之

流落湖海間十載苦卑溼生還亦何事猶未掃餘習天葩
 發新句珠履追舊集和篇紛四來文采各熒熒轟鉉金石
 動淒楚風雨急土風自難忘豈比南冠繫英英王者後文
 武盛爵邑清深如古井短綆未易汲如何示同好醉墨猶
 我及年來窮到底屋壁徒四立此行亦何幸珠玉得屢抱

橫塘集卷一

騏驎委六轡萬里無險澀他年乘高車何人猶戴笠

登清勝堂呈長兄

幽居在山腰斯堂近山頂松竹瑣陰翳軒窗闕光炯先生
 爲題榜醉墨重九鼎卷臨馬秋半搖落江山迴獨鳥點晴
 空斜陽亂帆影相將舉網去鳴榔盡漁艇含情寫毫端羞
 澀對清景卻憶初來時積雪照高嶺餘香舞寒梅芳意萌
 野杏英英座中客玉樹凌風並天涯歎淪落誰使脫隘穿
 愴然撫陳迹曉夢驚初醒年來飽經事百念欲灰冷君恩
 等山嶽此意猶耿耿何當仲報效萬一免罪背杖履時往
 來壺觴欲酌酌樊籠載鴻鵠末俗多蛙黾此心端不謬餘
 生亦可幸但恐主人願塵沙汗異境

朱君文拉遊淨明寺因迓張宰詩

火雲湧晴空磊磊盡奇巖汗塵白雨俯仰無從遁招提

疎高岡萬木森偃蹇涼颼落冰雪爽籟發絲管朱侯真好事十里過南坂隣我墮深憊相將振餘喘欄干俯屈曲巾履容疏祖風苗翠浪翻海嶼青螺遠况茲接尊酒笑語傾懷惻浮雲識醉歌彩羽驚檀板新涼知幾日已覺秋風轉事業愧初心明時羞允散主人勤使事睽闊心不展雙鳧歸未歸紅日林梢晚

還自南邑潮過不及渡因宿江上書所見

漫刺辭主人遲遲駕短轅郭外人煙晚雞犬自啾喧客事足俯仰世塗多險艱行役亦云勞未抵浪拘纏潮汐真無情斂去如絕絃解衣試槃礴旅鳩方聯翩天末線縷動鉦鼓俄闌闌稍看黃金盤吞吐洪濤間歛然洲渚失浩蕩運雲天平生喜江海豈但眼界寬飄流二十載離醜百憂煎今夕復何夕玉壺俯人寰造物雖汝厄甯不畧汝憐清風

橫塘集卷一

三

一帆去鼓拖餘高眠佳處良在茲疇昔勞永歎

成正仲水鄉秋興寄王履道惠然見示以此謝之

九河赴滄溟奔放日洶洶霖霖作秋潦散漫失邱壘孤城臨絕島狂瀾驚四擁鳧散凌亂蛟鰐似矜籠微茫天勢平蕩搖坤軸動田家栽一麥秋稼泥沙壅何能憂卒歲迫此朝夕恐孤生寄卑溼五斗安聞耳飽聞達人觀未作窮途慟稍令裨危隄連土紛接踵河伯聊戲劇爾輩嗟倥傯成侯北方秀筆力千鈞重新詩試模寫氣奮洪濤湧英英幕下郎乞乞山西種何當一交鋒我亦願助勇

龍華馬鋪懷廬行之去年邂逅

去年南邑歸春風拂征轡相從一笑頰花卉方斌媚歲月俯仰間還到經行地寧問舊詩句塵土日蒙闕老境牽俗累節物搖鄉思歸歎悵何時與子同此味浮雲有南北况

乃為祿仕置之勿復論一醉了春事

道樂安寄楊縣丞時可

猶蘭出眾草歲晚不可採幽幽澗底松獨立色不改成都有雲昆達識我所駭形骸判土木軒冕那能免端懷三釜養尚贊百里宰人方笑渠輩我獨悲眾賸經行間闔里指述紛穉艾愛之不可見暮色生寒露一區已有宅三徑可無待他年歸去來垂白看戲綵林園日成廼雞犬亦自在回看是非場豈觸誰勝敗收身要閒健肯坐老病悔我亦釣橫塘相望渺雲海

寄左四十

小左真奇才童穉已穎悟讀書一十年胸臆日充饌時時吐所有落筆不肯住長江吞巨壑白日破昏霧雄辭何縱橫妙理爭發露驕驕始汗血萬里猶頃步嗟嗟驚駭輩安

橫塘集卷一

四

用苦猜妬而我何為者江海久飄寓得子稠人中磊落真瑜璠文章豈易工識者尤難遇哀絃有三歎要非俗所諭往還幾歲月會而輒忘去蕭條抱膝吟浩蕩登高賦迷途子所憐正我欲一作到處我觀古人文何曾事章句至音本澹泊太羹異九具君看桃李花紛紛競春莫終焉適眾口了不在紅素子今更深探吾言亦其粗

寄左與言時與家府君遊天台

我公厭紛華早歲謝羈束卜居山水間山水長在目巉巖吹臺高颯颯橫塘綠興來即杖履一作往往混樵牧別來二三載猿鶴悵幽獨歸心日搖搖夢繞湖山曲兒曹真罪人志養非所欲雷連州縣間折腰食斗粟世途苦多礙公心亦煩臆眷言慰公者蕭散惟林麓謝屐齒已蠟陶巾酒初漉結束山家具提攜倩童僕遙知入山去野飯久不肉

相見石橋側，眼驚寒瀑殷。動清淨，供煮茗，媚乾竺。瓊底亦薄，相聊以眩，孽俗桃翁。仙洞府，流水花翻，翻二子去已。久蟠桃，知幾熟，弔古一慨然。新詩定，相屬英英，太冲後。望壑崑山，玉干言揮灑，頌紙上龍蛇。伏聯鑣，得所適，山路忘重。視我亦箇中人，簿領方驅，逐遙望白雲飛。此心尤躑躅。羨子好心事，愧我祇眠餽。人生行樂耳，險澀戒川陸。千金不垂堂，萬里虞脫軸。歡罷念歸旋，無貪華頂宿。

引泉示吳甥

淙淙玉溪泉，曲折西亭隅。飛流自噴薄，白石淨如鋪。雖無深井禽，亦有針頭魚。豈知江河寬，嘯沫自相濡。况此五六月，萬物在洪鑪。而我弄清淺，頂碎珠玉俱。泉今且勿流，止此爲我娛。一出澗谷去，人間供百需。清者鑿鬚眉，濁者混泥塗。江湖尚或爾，而況溝與渠。寄語山中人，所養當何如。

橫塘集卷一

五

浮屠二首

浮屠有冲衍，少小已雋偉。身雖束異教，性實暗書史。千言揮灑頃，妙語如灑水。嗟嗟靜閣中，斯人今已矣。成家有至行，既冠逃浮圖。與遊何其多，一一士夫夫。毛髮不及鬪，破衲常如如。軒檻已陳迹，來者猶嗟吁。

小圓石屏

微風激寒波，浩浩綴紋縠。連山夾脩徑，約畧露寒木。何人琢山骨，拂拭溫如玉。蒼蒼碧月樣，入手不盈掬。此生隨萬物，何者斯爲足。要須指顧間，一寄千里目。

石屏

嗟我官水窟，天台祇兼驛。如何三過雁，未省一投屐。豈無謫仙夢，蕭散到泉石。亦有山中詩，淋漓酒堆醉。墨當時巧，嘲唱二左名。藉藉戴子爾，何爲十載名山客。自言石橋下，醉

耳鶻露靈石橋，富子孫一一。粲珪璧，希微小江山，妙盡丹青。嶺麟我逸少，徒念念，眼眼適特持。此一琴許已作千峰碧，我生癡鈍，殺兩眼，眩白黑。塵埃浪奔，走簿領，隨戲劇。何階探道，要回首，謝形役。琴書載扁舟，歸臥橫塘側。天台何必到，去路饒荆棘。端甯石屏，風種種，自可識。

張仲共許惠呂研因成長句

英雄舊割劇，鼎業逐流水。高臺亦已傾，况及分香婢。鱗鱗屋上瓦，棄擲滿鄰里。鴛鴦漫兒戲，後世始稱美。世人攻翰墨，好古惟兩耳。何曾問珉玉，枉卻千金市。豈知疊口翁，十指老泥滓。追蹤千載後，未易較彼此。其質堅而剛，其膚膩而理。澄泓秋水淨，慘淡暮山紫。要當奴風味，何止友龍尾。神工付黃壤，人間能有幾。張侯金閨彥，不特河朔偉。十年走澤潞，百物盡糠粃。惟有篋中珍，左右配書史。明光誰起草，此獨塵埃裏。嗟我方著書，瓦礫著瓊髓。慙慙桂籍舊許，輟陶泓子學問，已遺俗。取舍期不詭，及物何可望。姦諛誅既死。

橫塘集卷一

六

南監還宅

野店飯童僕，駐馬亦俄頃。寒日不相貸，漸漸敲西嶺。揮鞭上馬去，驚塵蒙四境。客衣已疎薄，霜風作淒冷。極目去路長，回首烟村暝。鳥雀飛棲定，雞犬啾喧靜。新月當馬頭，疎林亂人影。去去甘遠役，遲遲復深省。筋力疲往來，歲月靡薄領。雖云竊廩祿，乃是蹈機穽。戰栗當吏案，低回傍公屏。少年浪自重，事業期台鼎。棲棲裁一命，泛泛慙飄梗。窮通宜有在，賦子定誰秉。矢詩寄幽歎，寂寞寒夜永。

庚子歲作

我本山中人，中年墮紛華。洞庭罷香火，還尋舊生涯。墟曲

分書舊問勞仍各嗟三徑日荒蕪歸來何晚耶亦既謝父
老低頭自吟哦人生各有役倦游即還家來者祇如許往

者知一作奈何

憶昨

憶昨秋風時持檄走東越棘圍瑣深嚴蓮塘漾空闊嘉興
二三子雄辯探理窟清尊日從容高堂俯軒豁思家資善
謹望遠嚴詩律海蚌剖明瑩荆璞畧玷缺雙瞳眩丹青萬
紙疊冰雪敢辭窮日力要使駑驥別誰憐今夜裏還對中
秋月當時席空堦清影數毛髮杯盤已零亂清歌彌激烈
朋從渺湖海歲月苦飄忽窮閭無往事驚夢誰與說清砧
送逸響寒蠶共幽咽舊遊知誰在想見賓筵設冷然廣寒
宮共此白銀闕題雲滿四壁世路非一轍北軒風雨多長
恐銀鈞脫

橫塘集卷一

七

白沙驛弔辛氏

劍溪激流湍浪一作石森戈戍劍山皆壁立小徑千盤紆
行人雖慎擇何者為夷塗我行岳灘上短亭臨路隅詩榜
紛四壁共傷辛氏妹辛氏混會稽歸舟攜一作妻孥奔潯
觸巨石十掌一息殂唯公倚微蓬脫命顛沛餘泥沙汗玉
質波瀾漾羅襦草木為慘淡鷗鳥亦驚呼嬌魂逐流水散
漫何所如遺骸不盡獲亦有葬江魚千金不垂堂覆轍戒
後車爾死今四紀曾無復淪胥是身等浮雲變滅只斯須
在物苟有益甯辭死非辜沈江恥護國人皆哭三閭殺身
以成仁聖言良不誣溺死豈爾志庸知非良圖紛紛殪已
利感歎獨躊躇

和時可醇酌二首

聖賢須干鍾我豈箇中人焦枯展餘瀝好我已十分元戎

鎮河朔憐此賤與貧不羨彼瀛洲已有玉膏醇小槽滴眞
珠露餉無疎親但有坐上客誰問甌中塵豈學梁父吟何
時見陽春

勞生何擾擾百年今半塗是身等浮雲南北方自如青衫

憶初仕與公父子俱邂逅話疇昔恍恍一夢餘

清室

世途瀾塵士道人獨潛清隱凡方丈間凜然玉壺冰湖山
自拱揖風月時將迎未能役濟勝久客媿吾纓

書聽雨亭呈元老

無雨我掩耳有雨我不聞我豈忘人耶心手自紛紜老人
登斯亭聽否了不分前山忽震雷後山堆白雲

別毛德修

張公鎮關南賓客多僑偉芝蘭已秀發父子作知己聖人

橫塘集卷一

八

梁育才充庭皆濟濟仲也與計偕發軔已千里毛侯東南
特清激分激水並馳及春風聯壁驚都市麟鳳豈無種貂
蟬能有幾承家貴勳業可獨在書史自憐生樛散所學慙
質止永懷勝已遊塵土濯清泚相從苦匆促寫別亦狂斐
離庭寒日暮目斷塵沙起

橫塘集卷一

宋 許景衡 撰

五言古詩

贈人

山陽隱君子少有高世名終身慕父母事之如平生青衫
老一命儒官談六經經行必造門懷如遇公卿虛往而實
返授業多豪英衣冠塵土間辯論江河傾吟哦千萬篇迴
與六藝并鮑謝寒蟬噪郊島蒼蠅聲先生兼眾體渾然獨
天成

贈朱深明

十年走南北委跡甘蠶蠶舊學已茫然疎慵長自晒豈知
江漢旁名士有標淮高名久傾屬王事得親近可是臭味
同一笑脫畦畛華堂照犀玉覺我蝸舍窮風流跋前疐後

橫塘集卷二

當聽妙蘊胡為飯藜藿默坐師粲忍微生塵簿領與俗益
矛盾蹉跎谷口志慚愧鹿門隱百念已灰冷積習掃未盡
緒餘君勿靳迷途須汲引

次韻江民表寄王聖時六首

先生脫塵屣西室八十年物態日紛紜此境長湛然問道
滿函丈孰云無世緣茫茫天地間所樂乃一屨燕坐亦何
為柏子炷爐烟

前輩不可見吾猶及此老灑然忘鄙吝豈復歎枯槁微言
破簞警從之恨不早况有樛櫟年庶幾松柏操先生為首
肯人人有吾道

我亦斯人徒鳥獸可同羣隱居豈我意裡得老海門物理
自悟會明鏡無塵痕似問釣臺老勤劬千里尊豈為飲噉
興端念父子親

諫省坐何事南遷臨嶺嶠天命已在我誰能賦鵬鳥第懷
平生友坐隔湖海杏生還桐水上尺素寓襟抱鷄黍倘可
期千載有同調

居士不溷俗已判此生閒釣臺經世志謬謬在朝端出處
固不同相對即歡顏乖違限南北奮迅無羽翰此心目相
見未應勞永歎

天地吾一氣萬物吾一身紛紛枯一體末學蔽多聞二老
獨超然早以德為鄰昭昭此心理千古無故新奇聲發妙
蘊一視世間人

次韻王經國

人生皆有役我亦事川塗崎嶇蕩兀中此境常晏如水懷
賢令尹出處與道俱起子亦多矣詩句乃其餘

次韻鄭希仲

橫塘集卷二

周詩三百篇強半出憤激少陵嗣真作千載無匹敵嗟我
亦何為苦心等蓮萼平時一千首棄擲隨瓦礫朝墜不成
雨安用橫天霓吾僚一何妙筆下飛霹靂青天與白日奴
隸皆知觀况是箇中人固應厭飢怒入幕盛紅蓮不才慚
散樛勉哉撼婉畫稚弱安紡績

次韻姚伯遇

從事慚非才日覺有不如丐閒得祠館回首謝榮途古來
陋巷人飲水樂有餘利市與名節二者常難俱

無題

功名等戲劇俗眼自驚詫詩酒有真味多應知者寡嘗聞
歐陽子風月本無價今我貧到骨懸磬比居舍就使一錢
直在我已不暇故知造化意特用相慰藉

李白時畫陶淵明其猶子遺余作此謝之

斯人今何在古冢號寒木簡編漫遺言風采不可復龍眠
眞偉人千載識高躅神交入心匠醉墨爛盈幅蕭然出塵
意豈獨舊眉目仲容還好事收拾珍笥積世人渾未見悲
然投我欲乘田元不恥折腰亦何辱行藏固有在昔昔豈
余獨新詩第甲乙三徑森松菊少陵曾未知浪疑公避俗
我生癡鈍殺野性等麋鹿長恐探道淺輕比抵鵲玉人生
適意耳何苦自羈束低頭拜公像塵土方碌碌

過新息

新息臨通衢赤白分棟宇古息眇村墟相望十里許我行
屬馳驅枉道不可去弔古獨踟躕指以示田父傷哉彼美
人國破爲人虜驚魂慄風葉暗泣泣花露一死重太山亦
或輕一羽猶能子元辯獨爾情無語舊屋空頽垣草木日
繁蕪悠悠清淮水千古亦東注

橫塘集卷二

三

東郊

東郊過新雨野色何氛氳嘉苗起萎病萬頃堆寒雲田父
揖行客苦訴村墟貧年年夏旱時赤地流黃塵小兒困鋤
耘烈日背欲斃大兒斡水車手足無完筋官租且不供矧
欲養吾身東隣久無烟幾口能生存西隣逐熟去今作何
鄉人行客謝老農艱難困勞塵而今新官家寬大布深仁
大臣亦端良乘時轉鴻鈞汝豈不自覺新歲雨澤勻寰區
日寧靖百物方新訴爾曹死亦足及爲太平民

次韻酬胡元賓

天地一逆旅此行適同塗等是驅馳人何者不爲如一念
有忻厭慷慨願贏餘安得如吾子不與世俗俱

和楊時可贈吳子厚

吳子守西河強敵能遠遁功名豈不偉事親有遺恨雲孫

亦何爲總髮能自奮論兵得家法絕域屢得雋三釜乃吾
志九遷何足論一朝棄官去悍卒亦驚歎官長欲挽雷歸
塗已強半皇天照忠孝爵祿亦如願彼師乃曾子葉擲一
置等仇怨子從何人遊卓爾有獨見父子今一處甘旨應
手辦垂垂對黃髮衍衍日歡宴客來爲從容觴豆無早晏
古今入商略亦有一笑粲人皆附渠詩素壁供揮翰吾丞
豈眞龔尙缺此一段君親恩彌重報效不可緩始終能自
勉高義薄雲漢

冬至日雪

烈風鼓青冥陰雲布崢嶸不待珠霞集忽驚玉花傾一陽
動黃宮萬物如有萌豐年頌上瑞我獨欣發生永夜不能
寐耿耿書窗明

仲煥雪中見過因畱小酌

橫塘集卷二

四

陽復日雖長歲暮氣猶慘馬曹糜管庫兀坐長戰領豈無
紅籬炭欲取終不敢亦有兵廚酒隻指弗容染蹉跎爲祿
仕罷勉從吏檢一作晨趨析毫分暮色俄黯黮天公復衍
巧六出紛如糝自慚非安道誰肯泛清刻慙慙絳帳客竹
輿甘頓撼可是乘興來正坐憐墀坎駝褐點白玉烏帽從
風颭長衢得迴駕寒光照肝膽濕薪噓白煙孤燈裊紅燄
荒齋聊一笑俗境洗瑕塵江梅寫春意粉面誰妝點疎影
落清樽勸人傾漱澣念君齊魯秀文字垂琬琰俛首江漢
間爲人作模範府中多豪雋淶水浮菡萏珍烹窮水陸何
獨嗜昌歆仁聖今在御威柄方親攬君看盈尺瑞端自天
心感太平容宥散萬一逃汰貶追隨有餘日和與樂間淡
人生隨所遇何者爲夷險要當反自味豈特嘗橄欖

去年冬至過閩清再至有感

隱昨初寓宿黃宮前一陽今我復來思節物春光濃陰
付梅杏青實久已嘗騎駢軒窗日幾線如許長蜂兒飽儲
蜜燕子已巢梁吏役祇擾擾何術補民瘡學古要施設及
時當自強光陰俯仰過老矣徒慨慷挺挺彼蒼官生來傲
冰霜端然閱榮謝未覺歲月忙

七言古詩

和王魯公掌中大華

五嶽獨說太華雄吃矇千仞撐青穹何人收卷入掌握要
使肉眼驚神通懸巖絕壑濺飛瀑玉隄翠壁開深宮先生
捧玩豈徒爾崇卑真妄歸圓融我生江海曾未識幽邃崎
嶇煩指蹤堪笑騎驢老潘閔卻要三峰在眼中

次韵楊時可戲高潛翁

青衫白馬佳公子山東豪俊知名氏平生青雲期自至倉

橫塘集卷二

五

庚一官聊復爾丞公家風繼伯起笑渠颺糠兩眼眯乘田
委吏古不恥端恐前言戲之耳

送僧之石梁

萬卉流芳不知春力嚴畔澗下蹙紅皺碧乘興復誰同孤
蹤遠讎敵君不見五百聖者道雄機靈峯晦盲深無極寒
山老寒山老隨沈迹迢迢此去須尋覓花落花開獨望時
記取白雲抱幽石

江邊行

江邊煮鹽女日墾沙中土間道潮乾土有花肩負爭先汗
如雨經年鬻鹽赴官市屋裏藜羹淡如水誰家滋味盡入
珍猫狗食餘隨掃塵

和長門怨

長門沉沉人悄悄滿庭紅葉驚秋早窗底銀缸祇自明卻

開別院按歌聲飛花滿地君思去覆水返瓶君或悟人生
離合自有時多應不在相如賦

訓同舍

播穀子播穀子爾休苦苦催春耕勸農使者無一語嗟爾
席晤知誰聽提葫蘆提葫蘆荒年有酒無人酌先生年來
一不飲花前愧爾情渠渠杜鵑流血思歸去百舌從來巧
言語紛紛隨意作春聲夢入鈞天聽韶濩先生避俗厭煩
喧竹底誅苒常閉戶蒼苔滿徑人迹稀嗟子胡爲肯同住
聲名盡道男子事窗下誰知讀書苦燈花落也作罷休早
取商量君聽取

故人惠馬生筆

聞說江南多筆工馬生所作尤瓌異十年江海得妙旨一
日聲名傾眾技故人憐我有書癖數管不辭千里寄齊鋒

橫塘集卷二

六

出穎雖不殊酒墨虛心皆已智當年退之傳毛穎假辭託
說終傷僞我今草草又百載矯首相望空兩地文房四子
迭有無商沒參橫似相避鼠鬚栗尾乃見嫌強欲用之隨
棄置馬筆端如故人而眼瞥見時心已記跳龍臥虎非世
習縮蛇縈蚓皆兒戲豈知遠適在加鞭卻做良工先利器
何當拂衣隱林麓約史著書從素志敢言名姓垂竹帛自
甘生死惟文字敬謝故人因及馬梳毫截管惟精緻而今
勁健已不售要須軟熟隨人意

靜堂爲弼上人題

浮屠西來如轉郵方袍紛紛劇東甌上人維弼志獨憂脩
然高舉異凡儔從師渡淮泝隋溝神都歲月俄十周燕坐
縹緲雲中樓明窗翰墨冰繭柔貴人旁午擁軒騶問汝亦
有所欲不此身南北真浮浮黃金白壁誰能收乃獨汲汲

從英遊乞書覽字無時休千年金石窮雕鏤上尉鍾王下
虞歐糝糊墨本如山邱精神散漫不可求俗人貴耳賤兩
眸今人古意豈不倅森然玉筋垂銀鈎怒猊渴驥蟠靈淋
錦囊象岫光油油自笑長物猶見雷熾然忽憶江湖秋瓶
錫東下如輕鷗詠茹伐木寒岩陬名堂以靜蓋有山坐觀
蠹蠹遍九州長空浮雲水中瀝眼前何曾無應酬嵐光波
影相夷猶別來書札屢相投問我何時泛扁舟西峯玉泉
深且幽杖藜來往亦風流紅塵道路方悠悠回首東南天
盡頭

渡淮

我觀淮之源東行已千里扁舟一日下長淮似與故人相
見喜不知渡越幾澗谷清澈尚爾無泥滓澹然端肯與我
俱試問故人能有幾蕩雲沃日窮眼界茫茫真與天相似

橫塘集卷二

七

萬艘絡繹鼓風蒲翳翳塵飛明鏡裏况聞水伯時惡劇雷
擊風掀浪山起豈知生處極幽深清淺涓涓一泓爾吾聞
古來養心者擴而充之亦如此自慙學問太迂疎十載不
離畦井底潢汗斷港何足道所得未能充口耳忽驚浩浩
東傾海會令百川皆遠指君看厚地一撮土本來也是無
多子人問萬事須自強嗟我蹉跎今老矣

和左與言謝寄酒

君不見梅子真當年狂歌吳市門神仙隱逸兩何有耿介
感激空干言我今幸生太平日千載相望同祿秩閉看世
事渾不知一心祇願飢腸實有誰解與魯公米無田也釀
淵明秫麩間細酌新潑醅既醉歡娛亦蕭瑟江湖誰肯便
相望一尊猶及詩人嘗榴花竹葉應撥去落殘且看鴉兒
黃高齋肆筵盡嘉客長鯨一吸無餘漚座上杯盤未狼藉

愁見長瓶臥東壁新詩飄飄寫胸臆青天白日飛霹靂休
言李杜門限牢到底輸我巧鑽刺我詩衫雞竹兔耳未見
虎狼先辟易異時更敢說較量縮手從今作降敵

謝韓用可和記夢詩

嘗聞歐陽子自許一世豪及得梅老蟠桃詩畏彼松柏臨
蓬蒿歛然欲以怪自戲新句遠繼愈與郊嗟我後來亦何
爲敬誦遺墨徒嘈嘈有時援筆學模寫矯首但覺嵩衡高
宣城無人穎尾空百年歲月何寥寥那知吏部有孫子年
少力學精風騷前日記夢屬我韻筆墨奔放欲與二子爭
秋毫秦盆楚筑未覺陋鏘然入耳驚咸韶昔我一官向天
台春風洞府生碧桃簡書坐束寸步不能到落花流水空
迢迢羨君幽夢得所適一飽便覺忘葷腥要尋蘇后評濟
深豈學劉阮迷妖嬈百年擾擾一夢耳更較長短論昏朝
不如吟詩飲美酒從他世事如牛毛

按田南鄉夜過翁嶺

斗祿折腰方自勉敢嘆塵沙長滿眼平田細路苦縈紆盡
日肩輿在香篆簿書告辦裁知返落日在山山路遠荆榛
蔽塞虎縱橫僮僕相呼無處避山下人家早閉門疎籬燈
火白黃昏杯盤四座還相語猶有行人過別村

贈五台妙空師

山僧棲在山之顛胡爲振錫來市廛且言自得相形術願
與多士談嬉妍津塗窮通可逆數名分巨細潛開先龐眉
合享壽考福鼎角堪持丞弼權人生肖貌雖若爾天理應
效非皆然條侯餓死始難必裴度果相終何緣亨衢第以
直道致吉祉多爲陰功延操修向善或向惡感召凶吉如
篩筌予觀傳記考物理謂師語議非無傳出言少偷信不

免受玉荷情知難全况乎素行未中積敢以虛表要諸天
富哉荀卿駟雄辯推本心術深磨研九州功崇夏禹跳三
而德至成湯偏仲尼何長子弓短古今無害爲聖賢林宗
知人出明性清澈鑒裁猶澄淵大端亦貴器與識規矩安
可私方圓若平卜筮達至理探索造化窮推遷與臣言忠
子言孝利害之際尤拳拳古人術學務原本寧將浮說相
拘攣羨師通論近名教爲師條列終吾篇

康師贈臣開黎次韻

樂天西湖誇竹閣寂寞百年風隕籀師今燕坐最勝處脩
然日誦山中樂富貴易致閉難得造物昇渠良不薄老康
遊戲作偈言使我惛悵心茫然

趙持志出先公文炳所藏蘆鴈

當年公子身通侯錦衣玉食天上游騎龍日日朝北斗豈

橫塘集卷二

九

識萬里江湖秋但聞人說蘆葦傍枯荷翻倒風颺颺四天
墨黑雪欲落羣雁上下聲啾啾坐嗟上界足官府十年高
閣空雙眸豈無詩句強模寫曉夢不到寒江頭何人筆墨
能得巧活脫所見來神州高堂素壁試披拂一作拂已覺身
在蘆花洲嗟嗟江海人兀兀一葉舟烟蓑雨笠不自好風
雪橫來翻百憂豈知公子曾未見綠素髮髯千金酬人生
萬事適意耳過眼起滅皆浮漚玉甬置壁誇謹密流落道
路知誰收公子好畫豈云爾要使萬物供冥搜至今好句
在人口秦華突兀黃河流嗟我後來亦作詩辭慳意鄙勞
雕鏤願起公子已死中論詩觀畫一洗千古愁

宋 許景衡 撰

五言律詩

張元光生日

闊步雲霄去當年屬意深感時雖白髮許國尚丹心願我
無才思登門怯醉吟誰能將壽酒滿滿爲公斟

寄欽師

亭障臨燕塞江山復楚鄉艱難悲客路宴坐憶禪房燒盡
蒲花燭清餘柏木香十年如夢覺兩鬢自蒼蒼

還白肅寧晚色可愛寄盧行之

送客關城外回鞭驛路長風烟無限好簿領底能忙平野
破寒木紅塵烘夕陽新詩巧模寫最憶暮中郎

信步

橫塘集卷三

信步春風遠田家暮景遲亂畦還有徑疎竹自成籬雞犬
皆豐茂漁樵獨此時年年看節物鬢髮欲絲垂

招隱堂

僧家樂幽獨世路白塵埃丈室何人到重門盡日開石泓
泉滴漚竹徑月徘徊多謝相招意江湖歸去來

次韻彥崇遊三洞

兩溪尋勝處三洞得偕行澗外雲猶濕山深谷應聲雷連
看龍躍來往計牛鳴回首林間寺疎鐘報晚晴

送翁修撰

天上曾三接人間第一流雲章頒召節錦里送行舟急雨
千山暮迴風五月秋紅旗猶可識賓吏滿江頭

端午

節序重過京華物物新安排黍生角妝點艾爲神窮術

無來客他鄉有故人揮毫非楚些誰與弔靈均

九日

靑女飛霜重黃花挹露鮮伊人今已矣節物獨依然撫事
眞疑夢登高淚迸泉關河重回首烟草夕陽天

九日追懷叔父兄長登高

殊方復嘉節對酒重悲嗟逝水人何處荒籬菊自花南樓
秋色遠西嶺夕陽斜舊日登高處於今定幾家

送黃元賓還鄉

寄語黃夫子而今正好行麥秋最涼冷梅雨半陰晴客路
空形役鄉山獨眼明偏親應更喜少婦好家聲

送世厚還鄉

斷續黃梅雨清涼小麥秋謫官猶逆旅送汝上歸舟松菊
宜勤種簞瓢善自謀餘生須付託可但鹿門遊

橫塘集卷三

過西岑泛湖而歸呈左經臣

畱連不覺久蕭寺足清風短棹平湖裏孤城落照中朝廷
尙多難身世轉飄蓬安得言分散清尊豈易同

呈呂幾仲

曾作河陽客春來花滿城曉風吹玉勒殘月落金觥天末
傷離索京華忽會并琵琶雙鳳翅耳冷十年聲

別黃巖

問我黃山尉無才亦可知頻修謝罪啓祇作送人詩隴畝
豐登外山林寇盜衰會無慰父老別後莫相思

奉酬胡文贈別

蹇淺時何取踈蹤歲又陰田園歸去計事業老來心好句
頻相屬離愁自不禁松江分手處烟水暮沉沉

春晚

行樂連三月漁樵亦醉吟桑麻須日力花絮識春深飄泊
驚時變文章信陸沈故園渺天末無限欲歸心

和經臣晚春

蝶散花猶在鴉藏柳已陰敢遲連日醉恐負惜春心金縷
休頻唱瑤牋正苦吟獨慙詩學淺三嘆豈知音

伯氏

伯氏古豪士何曾與俗同酒狂天地外詩句笑談中池水
添新綠林花著舊紅向來多樂事天末任漂蓬

早渡浙江

官舟憐逐客鳴榔破驚濤露氣橫江白秋風送曉寒平生
獨往願今日上恩寬漸近嚴家瀨擡頭覓釣竿

晚行

脈脈多愁思栖栖復晚行路回村更遠林遠客頻驚宿鳥
橫塘集卷三

非無處歸雲自有情鄉關悵何許天際暮山橫

松門詩

竹橋兼程去松門百里餘荒林疑獸伏窮海異人居山擁
波濤急沙輕步履虛來因王事耳此外敢躊躇

送從姪邦直丞長溪

阮舍淹丞屬閩山得僑髦詩書能自立州縣豈徒勞迂拙
從吾老飛騰看爾曹祇應記岑寂尺素到江臯

示世隆

問訊吾家姪題詩寄此情遺孤猶小在聰慧乞憐生祖母
今年老門風待汝成須知疎懶叔早晚欲歸耕

吹臺

聞說吹臺上秋來鏢薜蘿白雲長自在幽徑復誰過天末
空愁眼尊前且浩歌山林與廊廟二者竟如何

種樹

幽谷青青樹移根倩爾栽祇疑荆棘地不稱棟梁材豈爲
歲寒改稍看春色回清陰惟海國回首思悠悠

翁行簡挽詩

學舍賢師友年家老弟兄分符渺淮楚傾蓋憶都城白雪
千篇在黃梁一夢驚承家今有子未覺負平生

趙敦禮見招小飲投壺明日南去

瀟洒賢公子閒邀病客俱青燈初照席彩箭已盈壺隆準
眞龍種清聲想鳳雛扁舟明發處應記夢華胥

挽劉太君詩二首

婉婉宜家且孳孳執禮勤事姑俱白髮看子上青雲飛旂
隋河路新阡愼水濱哀榮兩殊絕州里未前聞

配德樂邱園承家屬後昆千鍾豈榮耀一笑爲平反庭樹

悲風慘霜天落日昏斑衣已陳迹補袞看忠言

次經臣見寄之韻

召節來金闕扁舟望石門家山秋渺渺烟水暮昏昏竟失
臨分語徒傷遠別魂慙慙謝池月相對宿江村

次韻周共叔五首

問學探前聖聲名自妙年何疑待價玉卻計買山錢北極
雲垂地西江水接天扁舟如有約吾亦賦歸田

黃卷開三館紅塵又幾年病多須藥物旅寓費囊錢舊學

寧無意斯文祇任天軒軒千里鶴可但戲芝田

鄉國兵戈息仍聞大有年欲尋江上宅預辦酒家錢好句

頻招隱餘生且樂天向來眞可笑舍己別耘田

賜環初就日弛擔又逾年老矣懷三徑歸歟有幾錢報君

懶犬馬戀闕望雲天但得鄰顏巷室論負郭田

鄰並端如約追隨可判年稻梁富歲魚蟹不論錢春到
花間處霜餘橋熟天清尊長嘯傲滄海半桑田

次韵王功達見寄

烏府參風憲賦生負德音投閒雖白首體國尚丹心天上
浮雲散江邊秋色深第知歌擊壤寧復賦愁霖

次韵陳仲山見寄

風雨江湖夢衣裳京洛塵人生皆物役海內豈吾貧丈室
雖多病鄰翁或可親杖藜元有約會見往來頻

次韵似之運使奉呈左經臣兄二首

江海閒來久篇章老更新蒿萊猶自飽天地豈無貧舊友
今持節諸郎亦可人應憐未歸客白首尙紅塵

酒膽他年大詩名近世無山林多避寇里巷笑爲儒老去
備開眼秋來欲染鬚涼風千萬里的的爲南圖

橫塘集卷三

五

寄許樂清冲輔

入竹空陳迹經行憶歲除舊遊誰更在逸興近何如樹密
鷺聲遠江寒雁影疎樓頭紅日晚徙倚獨躊躇

會汝器既別奉寄

憶在西齋日斯文得細論別離空歲月飄泊任乾坤把酒
餘風味看雲各淚痕扁舟獨歸處烟水暮昏昏余與汝器皆有哭弟

戚之

寄張德祥

細草碧侵池幽花亦滿枝羣生俱有德造物定誰私故國
春將暮他鄉日自遲論文一樽酒何路得追隨

寄竹閣臣師

鹿苑西湖上烏臺北斗旁塵沙空自老雲外定相望林麓
餘秋色郊原半夕陽惟應開前竹凜凜帶新霜

寄沈亨老時在京師

京國三千里人來樹所思遙知爲客好何似在家時春日
鸞風去秋風鴻雁悲衣裳慈母線亦恐汝歸遲

寄薛十七巨源

茅屋西山曲攜書喜見過別離驚歲月淹泊奈時何木俗
皆浮誕斯文育珠磨後生餘力在吾意已蹉跎

寄錢子勉

花縣逢迎日琴堂宴坐頻簿書時有暇燈火夜相親世系
皆王澤官曹獨海濱政成飛鳥去念別一傷神

寄題張學士三徑堂二首

爾侯有高致世業更誰傳若書新開徑蓬瀛舊集仙蔡壯
陰松桂蕙帳帶雲烟擾擾爭毫末何人解樂全

我欲尋三徑長歌歸去來未能似夫子還是走塵埃彩筆

橫塘集卷三

六

臨流賦清樽對菊開披榛往來處東望思悠悠

縱目軒詩

真人已仙去釋子在高岑暮色江山遠春風草木深何人
與應咏今我亦登臨縱目皆云爾誰知有縱心

行役詩

行役無時節春來又幾時柳條隨處處梅藥亦枝枝弱質
會無取斯文祇自宜眼邊新物色駐馬暮江湄

石泉小軒

泉到碧岩腹茲焉復小渠泓澄元有在溉灌乃其餘孤迹
寄江海三年困簿書閒來俯清淺感歎獨踟躕

土山驛詩在永靜軍界

渺渺指蒼海行行過漢陵衣裳千里雪鞍馬九河冰寓宿
適有處悲歌自不勝平生少遊語耿耿對寒燈

晚晴

南州苦卑濕梅熟復何如老夫厭巾屨稚子在泥塗新月
出天末微涼生雨餘陶公入州府此興與誰俱

天街經暑雨烏府絕塵氛躍馬人皆散新蟬我獨聞風生
初罷扇日轉漸無雲寄語同時客清涼尚可分

駐馬詩

駐馬長河曲穿林小徑斜猶能尋隱逸可是厭泥沙軒冕
雖無意田園尚有涯何時策筇竹隨意到山家

無題

台奴初學語丹子已能行問叔今何處嘆命太懶生曾令
主門戶豈復意功名坐對江湖晚橫塘舟自橫

野外

野外連荒草樓頭正夕陽凭欄空遠目何處是吾鄉王粲
橫塘集卷三 七

從軍樂少陵羈旅傷男兒知底事出處兩難忘

宿僧房

捕逐雖王事經行亦自強艤舟當海島寓宿得僧房絕境
三山在清風一水長此生空物役回首意茫茫

夜過杜家村

駐馬問村老卻言行未遲路雖十里遠月到四更時我去
良有役子眠寧負期人生隨意好冷笑一題詩

送師顏致康深道人京

二子今西去贈言聊爾規勉哉精素業行矣仕明時破臘
梅先葉含春柳欲絲江邊人散後帆影漸參差

上章倅二首

海內名聞久江邊歲復其美才由世濟清節畏人知郡國
已無事朝廷方有為會參鴻雁序歸去鳳凰池

簡領勤官府聲名振士林雖云心尚在自覺力難任歲月
淹多病江山人苦吟高堂昔三嘆亦恐負知音

遠意

遠意誠難問狂歌自不禁春光春灼灼月色夜沉沉
終何事江湖獨此心野禽多意緒飛集近寒林

橫塘

好在橫塘水人今去幾年秋光空到地霽色自連天伐石
圍高岸誅茅駕短椽歸歟此心在何苦利名牽

節物詩

江水西風急江天作暝陰鄉山猶在眼節物莫驚心是處
皆秋穫誰家急暮砧薄遊媿妻子飄蕩到而今

聞子瞻南遷

隴蜀崎嶇外華夷閭望中黑頭方世用青眼忽途窮遂作
橫塘集卷三 八

天涯客何如塞上翁幽愁還有作笑殺贊皇公

賀人祖父生辰

青春嘉誕日八十渭川師林下有真樂人間無愧辭松栢
看舞鶴荷葉隱巢龜賴有榮孫子藍袍薦壽卮

贈吳子思

花縣初相見清樽日笑歌交情論厚薄客路自蹉跎歷歷
功名意駸駸歲月多豈知同夜宿還問命如何

贈姚儀甫

年少開千卷生涯祇一瓢聲名動場屋意氣在雲霄素髮
今垂領青衫尚折腰未應輕斗祿吏隱本逍遙

贈張承老

承裕躬神武開邊絕漢西雖云擁貔虎猶未斬鯨鯢吾子
名家後當年訓士齊天涯思往事回首祇悽悽

題壽聖院

古寺重門裏回廊一徑幽水聲長帶兩山色最宜秋寓宿
已多日題詩更少留此生隨利祿行路日悠悠

寄題葉希聖申亭

燕處厭紛華穿林一徑斜層巒開水墨古木走龍蛇事業
雖無補田園尚有涯何時策筇竹隨意到山家

每向新亭去何曾問主人弟兄俱有好樽俎自相親棲翼

雲山晚飛花洞府春長愁醉歸處步步近紅塵

孫大夫絕塵亭詩

丈人樂高曠閱世等樊籠池館重城外塵沙一笑空紅葉
新過雨倚竹自生風未必全違俗杯盤與客同

池上

十里西城去春風水拍堤畫船簾幕動別殿筵絃齊勿覺

仙山遠相將醉路迷紅塵競回首斜日杏花西

壁

不知何處出牢落水村邊隱猶含雨飛飛欲近船詩書
看老矣事業尚茫然今夕知何夕蓬窗猶未眠

去國

詩書元有志耕養苦無田去國何為者題詩獨慨然廟堂
修政事郡國奏豐年五斗雖云薄餘生得醉眠

升之兄見訪竹閣

飛蓋山城外尋幽鹿苑中層軒不受暑脩竹自生風江海
多年別杯盤一笑同平湖吞晚照歸棹惜匆匆

寄題會文閣

劉子天台去君今幾代孫山居多水石客至亦琴樽樽領
嗟淹泊詩書失討論何當謝羈束杖策過層軒

亞叟思臘粥次韵

飛瑄迎長候香糜入臘新交情最憐客節物獨驚人雲意
安排雪梅花告報春病中疎酒棧兀坐惜芳辰

再和

河南聞譽久漢上定交新遺粥聊容俗題詩更可人歸期
恨不早旅思卻逢春他日從誰餉長懷臘八辰

邱隱夫傳神

曹霸逢佳士慇懃為寫真今君仍妙筆一作顧我獨何人
軒冕會無意功名敢問津會須添杖屨卻作自由身

挽左司江公

前輩風流遠惟公尚復存此心無限量所得有淵源眷獎
深宸展聲名重諫垣平生經世志已矣復何言

壯歲從澹泊猶餘味道心今朝嘆流落羈旅老侵尋庾嶺

暮雲合釣臺秋水深向來遊歷處千載只如今

憲府叨新渥京華會卜居迂疎慙瑣瑣許與獨渠渠醜唱
看遺墨漂零送轉車他年桐水上雪涕更躊躇

樓朝議挽辭

金閨早通籍銀兔屢分符文采傾簪笏足稱聯榮
看子舍從養亦神都八十終天祿朋儕更有無

東南獨着德湖海老門生未厭遺簪舊頻煩倒屣迎音容
忽冥漠歲月又崢嶸夢入鄞江路依稀晚柝聲

送吳師常

吳君久羈旅所至即為家傾倒賢人酒浮遊仙客槎此身
惟願健萬事儘從他聞說今歸矣田園亦有涯

送蕭德宏

孤嶼何時別雙溪累月留父兄安契闊序序得優游宿霧

散初日春風乘去舟好看清汴水渺渺帶伊流

送李季成

花入新年好傳觴日倚欄故人從此別春色更誰看洒落
餘篇翰芬芳識蕙蘭片帆天際晚回首獨江干

送李忠彥

留滯嗟爲客而今始據鞍梅花春信早星斗夜堂寒此別
十分飲何時一笑歡勞生強半在見晚不須歎

送德祥四首

借杜子美首句

天上張公子河間善最多三年種桃李萬室自絃歌北關
今歸去斯民奈別何會將清禁月千里照嘉禾

天上張公子同時桂籍人江湖嗟迹遠關塞獨情親鴻鵠
寧無志驕驕已絕塵音書隣舊好別後莫辭頻

好去張公子依然別後深霜清風撼野曠馬駉駉奕世
橫塘集卷三

皆榮問連枝復好音青雲多意緒寧復故人心

好去張公子離歌盡一尊朝廷方北顧父老惜南轅禦侮
從先志招攜亦舊恩須君對宣室爲我折羣言

挽元僧正

物外孤高客人問九十春遠朋多有道學子略成塵仙嶺
浮雲散寒潭夜月新孤生長感愴先友更何人

景城雜詩八首

井邑遺孤壘漁樵尚幾家洪河散陵谷古塚入桑麻燕子
初經節蜂兒幾報衙此生天地內隨處是生涯

故國豈不好卑官良爲貧驅馳萬里去憔悴九河濱亂水
纔通野幽花已繡春天公渾不惜乞與作詩人

藜藿晨昏外詩書寤寐間百年皆物役五斗愧身閒暖日
花爭發春風雁欲還杖藜俯清淺蕭颯鬢毛斑

誰道邊城遠春風也自來啣啞林鳥轉細碎野花開日歷

初晨霧龍驚昨夜雷郊原開駐馬極目絕纖埃

燕趙當南北關河獨鬱盤時平無戾氣歲間有春寒仰祿
家千里題詩思萬端危樓多晚照倚徧小闌干

冰雪初消凍關河已見春民居樂豐歲吏隱是閒人黃水
魚偏美青帘酒亦醇吾生如有計五斗未爲貧

任夫人挽詞

宋與保母

榮養方南國安輿更北轅從容對孫子聞問及平反無復
承顏樂猶餘在耳言會看墳上柏千尺倚高原

寄兄長

江上分攜日樽前聽我歌安居是非少遊宦別離多陋巷
從顏子斯文續孟軻平生端有意嘆息自蹉跎

寄三十九兄

伊昔初分袂于今幾度秋鷓行慙北關雁序憶南洲湖海
誰招隱塵沙獨倦游平生一樽酒好在謝公樓

次韵兄長見示二首

拜命辭南園攜孳客上京塵沙驚老眼江海夢歸程醜酒
誰思我看雲賴有兄遙知何欄嘯天閣暮潮平

此境本無塵端居更可人林園稍成趣風月轉相親暇日
已卜築他年待乞身絕勝貪夢好臨老種松筠

翁老過邑

百里絃歌地別來俄至今江山已陳迹桃李漫餘陰白髮
心猶壯清歌酒屢斟何妨鎮還往眷眷吏民心

酬盧行之

綠分冰片碎金拂柳絲長臘雪猶含凍春風何太忙會看
鷺出谷不羨雁隨陽誰憶江梅發風流入米郎

次陳留

程禍驅羸馬依然寒氣清春風官柳細紅日雪泥深藹藹
多佳氣飛飛亦好音寧辭去家遠魏闕舊馳心

款某大理墳

丹筆持平久清時屬望深誰憐一抔土長負百年心舊友
多高誼諸郎亦好音獨慚門下客流落但悲吟

姨母薛夫人挽詞

不獨相君子仍聞教子功安輿四方外色養百年終隴畝
惟先樹江湖獨轉蓬凋零驚母黨涕淚落秋風

趙表姪出先德彥章詩卷

晚路嗟流落長時任鬱陶故人今地下新句出兒曹野潤
春風早霜清夜月高杯盤舊行樂江水日滔滔

和陳澤民見寄

橫塘集卷三

十三

涉世真堪笑論交愧未忘先生已高遁賤子向他鄉簿領
三年夢塵沙兩鬢霜扁舟歸未得春水滿橫塘

逗曉

逗曉復盤輿平田細路迂村墟元閭寂籬落更蕭疎吠犬
行隨客癡童喚覩渠從來喜澗朴况復野人居

海上

江闊渾無際湖平更不流魚龍方鼓躍鳧鴨共沉浮別岸
多雲樹斜陽一釣舟蓬萊如可到當與子同遊

和左經臣移居

暑往衣仍葛秋來甌尚塵北宮尤養勇東郭故安貧去國
經時久臨江卜築新未能供祿米愧爾少陵人

五言排律

王義夫召飯鼈山亭詩

海上聞三島人間占幾州孤城臨島道雄構壓鼈頭縹緲
層軒外縈紆一徑幽鳴琴常有暇飛蓋許同遊平野連天
闊洪河遶塞流清風驅酷暑畏日得新秋麥破銀絲淨茶
烹玉葉浮官聯慙寒淺恩紀獨稠繆牢落登高賦驅馳爲
食謀從公時晤語不復歎淹留

寄劉元禮

東郡趨鋒召西塵振羽儀微言元自得夫子更誰師文物
今爲盛賢能眾不遺秋風看鵬鷲碧海盡蛟螭妙選追前
輩高標照一時綵衣供戲樂絳帳欲歸遲念昔羣居盛論
文非我私艱難良自信出處不無疑騏驥方千里鶴鶴但
一枝田園日牢落浩蕩故山期

橫塘集卷三

四

橫塘集卷三

宋 許景衡 撰

七言律詩

平沙閣呈陳古田

畫棟朱欄壓水涯，稍看劍石欲平沙。
虹梁突兀幾千尺，雲屋峻峭一萬家。
袞袞公侯應日起，紛紛桃李競春華。
雙鳧自合朝天去，饒與銀河八月槎。

送董公權入洛

蹉過名園百五期，眼前穀雨未為遲。
好麾席上鐵如意，拚醉花前金屈卮。
塵土毋辭久行役，簿書何計得追隨。
河南耆老俱冥寞，試問如今更有誰。

獻王祠有鈞魚臺

列國提封倚樂亭，九河分處見孤城。
池臺釣罷人何在，邱壠春來草自生。
遺像丹青皆舊物，斯民簫鼓漫新聲。
誰能特表平生事，祝史從官得幣牲。

橫塘集卷四

寄新茶王聖時蒙示五詩

建溪初採雪芽香，病客分來取獨嘗。
一盞聊為金粟供，五篇不學玉川狂。
風雷有信猶嫌晚，草木無情也著忙。
誰似山中老松柏，不知人世有炎涼。

贈夏倅

九華直上參雲漢，秀氣山來出指紳。
問道賢良歸盛族，故應文彩繼前塵。
春風醴酒年年好，月色燈花處處新。
他日傳柑向雙闕，還思曾醉慎江濱。

和左與言

貧病年來謝還往，交親書問可相聞。
如何舊好懷天末，猶及新詩寄海濱。
吾子叔孫盡成籍，主人兄弟亦機雲。
羣居

猶有游從樂官况，淒涼獨廣文。

和酬張敏叔

東嘉比著珠組玉，北苑枿芽模紫金。
野人何知敢持餉，詩老發興為高吟。
松江尊鱸有家世，吳宮風月無古今。
飯稻煮茗窮勝覽，紛紛市朝塵土深。

再和張敏叔

雷連五斗未投閒，獨坐窮愁有萬般。
多謝題詩相慰藉，應憐涉世最艱難。
載聞詩老推工部，何止神童說長官。
我亦半生收好句，夜光偏照篋中寒。

再和敏叔二首

弱冠曾攀桂一枝，半生為國理琴絲。
高吟直到古人處，勇退宜為世俗師。
杖履訪僧長過晚，茶瓜留客固應遲。
黃山遊舊今能幾，詩社猶忻小子隨。

橫塘集卷四

固知島可是詩奴，何況區區杜與吳。
舉世徒能循覆轍，先生今為剪繁蕪。
淵明松菊還堪賦，白傅園池亦有圖。
莫把五湖都占了，也須雷與故人俱。

和董適道

十載江湖早得名，未饒淮海獨孫登。
揮毫落紙才無敵，傾蓋論交喜不勝。
休問喧嘩多燕雀，須知變化有鯢鵬。
青雲步步前頭去，卻莫低飛似我能。

和張子壽二首

紅紫紛紛畫鬪妍，遊蜂舞蝶亦翩翩。
一年純是愁閒事，三月過來幾醉眠。
生怕楊花飛似雪，忽驚荷葉大如錢。
詩人只解尋佳句，分付春愁與少年。

風雨朝來不甚顛，殘花贏得更雷連。
簾櫳寂寂鶯方乳，桑柘陰陰蠶欲眠。
老杜只將花作伴，孝先偏與睡相便。
江湖

嫩澗皆香水好在橫塘舊釣船

改葬西山延仲主簿特賜慶什次韵

改卜西山痛更深新塋松柏未成林三牲不待平時養再
命何勝永慕心泉壤多應增喜氣隴雲還爲結愁陰褒稱
重辱新詩句拜德渾如旱歲霖

三月十九日同亨仲按樂大晟

聞道鶯花滿上林尋芳誰更畏霖霖鳴鳩乳燕春欲晚去
馬來牛泥自深出火星壇方肇祀聯鑣樂府按新音溶溶
九陌皆流水擦動平生江海心辰火舊無祭今創舉

除夕別仲煥

並轡不嫌車馬塵肯教節物惱行人殘年氣候消磨盡來
日風光陡覺新我已襄陽訪耆舊君方郢國和陽春雖然
不作多時別懷古知誰意氣親

橫塘集卷四

三

和唐知府宗博

學省當年假佩紳誰知家世有功臣朝班長憶傾鶴鷺海
角俱欣識鳳麟坐撫斯民雖有道細看此境本無塵自憐
馬老猶迷路邂逅何妨一問津

了無聲價繼三豪敢嘆崎嶇世路勞綸閣文書慚潤色琳
宮香火想蒸蒿鯤鵬變化誰能料燕雀飛翻自不高松竹
雖無三徑在長歌歸去也如陶

再用前韵

得賢一語可書紳妙選由來屬世臣千里方能辨駑驥四
靈安可後龜麟共看再造恢王業肯使中原雜戰塵聞有
王都近消息眉間喜氣已津津

異禮多應得雋豪病夫深愧館人勞初欣秩秩陪賓席卻
憶呦呦賦野蒿春草池塘還得句霜天鵬鷺定飛高也知

野客多閒散丹窰松風獨訪陶

寄家兄

斗麻驅馳驚歲晚世途齟齬奈時何也知犬馬皆能養自
恨田園苦不多兒女近來渾長浪弟兄何事尚奔波橫塘
卜築今應好試問頻頻理釣蓑

會餘慶

山城動是三年別古寺今陪半日間簿領嗟余多此際道
途憐子亦閒關並遊天上皆英俊幾個汀邊肯往還莫惜
一尊相伴醉已將毛髮等邱山

休師惠詩次韵

也知寸木可高岑肯負平生學古心王事曾無絲粟補鬢
毛已覺雪霜侵寓畱古寺聊登覽喜有高僧與對吟更憶
仙山最深處巖前小雨弄晴陰

橫塘集卷四

四

贈仁上人

飽聽長蘆江水聲歸看君雪更分明故人應嘆遽如許慈
母翻愁太瘦生邂逅艤舟同一笑登臨懷古亦多情髯張
好句新拈得恰好而今送子行敏叔有送僧云別後遙知
倚門母老來偏憶出家兒

宿靈峯贈總持大師

記得曾爲鳳林客高僧住處最深幽幾千里外重攜手三
十年間一轉頭霜葉乍驚風槭雲堂相對夜悠悠去畱
聚散元無著白笑多情更刻舟

寄康師

好在仙巖康上人從來心事許誰親品題泉石詩無敵吞
吐烟霞筆有神聞道弟兄皆妙質要當談笑繼前塵箇中
况有東溪老行處何妨更問津

寄仙巖元上人

龍穴梅潭抱嶺斜，憶會同試雨前茶。稍須林壑開雲葉，便倩兒童汲井花。一別仙山空夢寐，五年邊塞走塵沙。會須覓片閒田地，鄰舍如儂有幾家。

送持後過越

永嘉竹閣談空相，自是僧中第一流。盡放衲僧來聽講，也容禪子不相謀。二林三峽曾經耳，萬壑千巖試舉頭。捉取淨瓶涓滴許，有時散作五湖秋。

聰師邀入山

學道無成亦可憐，紛紛膏火自熬煎。似聞沽酒邀元亮，故敢移書問大顛。州縣徒勞輸此日，雲山高臥或他年。須知二老風流在，賞遍西枝月更圓。

虞仲訪僧正見招，以詩屬亟歸不及。往依韻和報兼簡康休二上人。

橫塘集卷四

五

東溪自是老林師，千偈瀾翻獨此時。盡判百家無好句，故教二子亦能詩。逢迎蠟屐應班草，奔走芒屨愧采芝。多謝招招故人意，更慚妙韻繼前思。

題舒氏覽秀樓詩

遶屋青山羅髻鬟，小樓幽勝可躋攀。不論空翠烟霏處，盡在軒窗几研間。眼淨更無黃土隲，身輕曾伴白雲閒。他年定作還鄉計，倘與親朋一扣關。

戴夫人挽詞

詩書歷歷教鄉隣，甘旨熙熙八十春。盡道先生真孝子，故知賢行屬夫人。總帷一訣三年後，柏壟孤墳數尺新。剪綵種萱今已矣，多應處處有遺塵。

傅夫人陳氏挽詞

婉婉名家早結褵，伯鸞初怪嫁時衣。半生已覺人間夢，九

死猶知俗習非。日永春風漾蘋藻，夜寒霜月落庭闈。稽山會葬人歸後，千古蒼官守翠微。

柯運判修試院

當年龍閣帥閩中，闕館興賢特地雄。選見芝蘭修世職，固知斧藻有家風。堂堂劍佩瞻遺像，袞袞簪紳出泮宮。勸學一門真盛事，西州何獨美文翁。

寄台守劉襲明都講二首

江入章安波浪寒，仙山縹緲在江干。二千石是誰爲守，三十年前好長官。聞道漁樵安里社，從教風月落杯盤。新詩別後知多少，更借鄰翁洗眼看。

薰然和氣破春寒，見說專城冠越干。訟牒不勞揮翰手，歡謠好付採詩官。獨慙聖世人三黜，誰怕仙山路九盤。但得白頭長健在，莫辭青眼重相看。

橫塘集卷四

六

送連子友守淮安二首

古來江漢最風流，何況分符得顯州。落日淮源香泛泛，含春沁水綠悠悠。兩岐實有豐年瑞，五袴行聞載路謳。大觀督郵誰見憶，蕭蕭華髮對滄洲。

憶昨銀袍試廣庭，桂科同日拜恩榮。幾千里外相逢處，三十年間一夢驚。隼旂光華仍遠別，多冠流落獨含情。清淮東下饒雙鯉，江海何妨數寄聲。

送何亭老出守泰州

海陵人說毘陵好，太守當年迴不羣。新命而今分竹去，歡謠何似隔江聞。簿書幕下人誰任，尊俎樓頭客自醺。千騎固應知體國，古來賦畝不忘君。

張敏叔守梓州

風月關心自不閒，詩家本領更多般。千篇要繼杜陵後，萬

里亭辭蜀道難今日赤帷新刺史幾年錦帳舊郎官莫嫌
百首功名晚松柏從來耐歲寒

護國寺詩

未暇遠尋廬阜遊只消護國也深幽種蓮惠遠誰還往得
酒淵明自獻酬惡句多慙居唱首高吟長許作遨頭請看
十八人同社盡是人間第一流

小詩聊記鳳凰東甌詩續遊髣髴東林水石幽已愧高僧

與摹刻更煩諸老數展酬簿書底事長遮眼林壑何人東甌詩續集

肯轉頭會待從公白蓮社杖藜來往亦風流作會誤

次韻馮吉老

馬蹄長壓軟紅塵欲去虛名意亦欣壯士寧為東閣客故
人休誦北山文到家雷語應如鶴出岫無心恐似雲我亦
有田江海曲年來舍己為誰耘

橫塘集卷四

七

次韻盧彥升

同場名輩敢爭鋒想見當年賦詠工再再星霜今欲老拳
拳賦畝獨懷忠羊腸已失千重險鵬翼方看萬里風應笑
長安徒索米不知鼯鼠技將窮

次韻陳季修

綵衣初寄水邊村學子紛紛已滿門聞道詩書多旨趣固
知師友有淵源聲名在子那能掩志業如余豈足論應笑
倦飛歸已晚結廬開徑近雲根

次韻經臣見贈

邊陲無事故喧爭惆悵中原失太平天上風霜方鼓動人
間草木已欣榮共懷前日千齡遇誰使蒙塵萬里行淚眼
時時望滄海百川渺渺嚮東傾

過敏叔次韻

花縣曾聯令字裾神都今喜沒階趨青雲羽翼看一鶚秋
水精神識二雛歷覽何如少陵集新詩便是梓州圖狂吟
大膽誰知我敢向龍門捋虎須是日見東川唱和景物皆少陵陳迹

和趙承之春日

王牛喚起打春人休向東郊更探春未說風光十分好且
看節物一番新田園自省非無意簿領誰知尚為貧關塞
塵沙長滿眼橫塘冰破碧鱗鱗

寄內

離家不道冬時別在路俄驚兩月闌漫有傳筒將委曲祇
容書歷報平安文園雖得相從樂明月長思一處看早晚
征鞍過天姥寄聲草草具杯盤

橫山閣

一笑樓頭屬晚晴我曹此樂最難名玉樽浮蟻一樣白青
眼與山相對橫筒裏風流終古在世間榮利過雲輕未應
暮色催歸思天外娟娟新月生

趙虞仲過仙巖以詩見寄答之

十年歸夢在江湖今日南飛塞雁孤已覺登臨多感慨固
應吟咏轉荒蕪近聞仙嶺尋先友亦有詩筒及老夫還許
追隨白蓮社橫塘今已結茅廬借韻

焚香藍帳中酷似梅花

江南臘雪不到地六出枝頭也逼真萬里塞垣從簿領五
年驛使絕音塵誰知斗帳回殘夢卻有爐烟作早春草木
無情聊假合謝他知有箇中人

次韻戴禹功父子遊靈隱

聞道飛來太怪生薄遊聊與問山名施羅布影於中好鴛
鴦飄香分外清猿在僧呼雖舊事鶴鳴子和亦真情晚來

歸路還瀟灑，裊裊青烟十里城。伽陀羅木間有至中國者

再和戴堯卿遊靈隱

雲房相與話浮生，此樂須知未易名。釋子命題良有自，老人琢句得能清。倚天樓殿三吳勝，落日湖山萬古情。詩社若容追故事，未饒五字有長城。

甲辰春作

香火祠庭即隱淪，誰知未許作閒人。一拋夜雨橫塘宿，三見東風石液春。當寧照臨齊日月，餘生報効絕涓塵。尚寬九死憐多病，乞與江湖自在身。

和胡繼道傷春

遊車輾轉不停輪，紅日遲遲展得春。莫問年光催老速，且看風月逐時新。田園未信無來客，雲水從今願卜隣。預想漁村往還處，野航何止兩三人。

橫塘集卷四

九

上時相壽五首

閒看暖律幾時回，已覺陰雲四面開。萬物定知春色近，三台今引歲星來。競拈彩筆題詩句，端為蒼生祝壽杯。師保從來周召事，直須兩兩位公槐。

年年燕喜倍光榮，蘭玉稱觴滿相庭。信宿尚餘元夜月，台御是老人星。包荒度量伴河嶽，蓋世功名在典刑。一語堪為我公壽，聖賢相與合千齡。

清淨端為物外仙，經綸猶有世間緣。坐令四海無事付，與羣生大有年。南極老人今日見，西樓明月夜來圓。吾君萬壽公同德，綠髮朱顏照冕旃。

槐庭三入妙經綸，百度分明又一新。上欲無為成至治，天教難老為斯民。川塗蕩蕩初消凍，草木欣欣各自春。誰信塵埃尚羈旅，四年企首望洪鈞。

上帝分明憫下民，挺生賢傑在斯辰。蓮花葉上青髯老，萱草堂前黠葉春。盡閱摺紳歸藻鑑，頻教動植入陶鈞。古今多少調羹手，獨見緇衣有世臣。

寄敏叔寺簿詩

海角紛紜祇簿書，渴來不覺一年餘。自嗟擾擾無休息，猶及匆匆問起居。前日先生官獨冷，而今主簿意何如。應憐小女猶癡在，只喜腰間已佩魚。敏叔時為太常簿新改服色

賀生日詩

慶系來從沁水園，勳門婦德眾稱難。舊聞孟母無欺語，新得嫦娥不老丹。行見綵衣添裘繡，更饒文砌擁芝蘭。卻須剩種黃金菊，留待年年獻壽看。

德起惠酒

橫塘今作小塘居，齋几蕭然一卷書。心事蹉跎嗟老矣，天涯流落念歸歟。尚煩親好頻攜酒，多謝園人日餉蔬。此境從來無遠近，祇應在處是吾廬。

韋尉畫孫倅寶冠山圖

問著蠟屐到何處，真在寶冠山上頭。碧澗坐來元灑落，彩毫畫得便風流。公方得志人間世，我亦長思物外遊。一幅須尋好束緇，閒人亭畔倩韋侯。

送仲煥入穎詩

好箇石城無分到，問君此去意如何。一江春水竹葉酒，萬點青山佛髻螺。聞道楚宮俱泯滅，祇應郢邑亦疑訛。直須索酒圖經看，莫只聽他白雪歌。

送西京宗博林茂南赴烏程

才名自昔等三張，閱駿無人似九方。金谷園中辭綺席，水晶宮裏奏清商。雜正好師言，偃歌鳳多應笑。楚狂未信

江湖留得住凌雲頭角老昂藏

敏叔浮梁詩有放教明月上扁舟之句因成小詩

幾年浪作紅塵客明月扁舟不自隨忽得浮梁好詩句卻
思望柱舊家時烟蓑雨笠多應在利徑名場兩不知曾有
功成身退日不煩猿鶴怨歸遲也望柱在橫塘之側亦地名

與言敘己卯之別

放逐歸來梅子真江邊無限送行人千鍾桑落開新釀十
里梅花正早春邂逅喜君方蒞仕經過嗟我倍思親驚回
十二年前夢陳迹依然淚滿巾

兄長省試下第還鄉以不及願拊景衡於此情見於

詩謹次韻

江邊送我赴瀛州一作風物蕭蕭又見秋百歲能禁幾回
別此生已是十年愁塞鴻自覺東南遠汴水誰教日夜流

橫塘集卷四

淚濕西風知有奇塵沙漠漠漫回頭

送剛異還鄉

問君謁告還鄉曲來往途程得幾時莫怪杯盤能草草只
緣行李弗遲遲路從雁蕩鑿山好秋入鴈原草樹衰京國
艱難同旅食而今莫遣老人知剛異舊與兄包蒙同在京師今剛異歸為其葬耳

次韵戴禹功遊淨梵退居

洋宮人物最清修杖履時尋水石幽已聽老僧談出處更
邀逐客共賡酬浮雲過眼空千古巨浸觀身祇一漚風彼
舞雩宜有得聖門更欲與公遊

天寧節上壽紫宸退詣相國寺祝壽宴尙書省

霜天宮闕九門開共獻君王萬壽杯善祝歛來傾寶刹賜
筵還許燕中臺樂連百戲鴛鴦集花覆千官錦繡堆說與
伶倫逢此日年年長賦醉蓬萊

和陳文仲嘲夢文仲已罷科舉忽夢預秋榜

天公真箇解撩人不獨虛名老措紳開道高眠閉白日也
教幽夢落紅塵此生出處元無意平日文章漫有神百歲
都來如一覺卻須嘲取自由身

乙巳八月二十九日宿內府夢過村落循溪而行間

路旁人家此云何曰土村也涉溪入山崦謂同行
曰此可賦詩因得鳩燕二句既覺足之以為異日
之觀

杖策徐行山水間天然新句得非難鳴鳩報雨天欲曉紫
燕哺雛春尚寒物外勝遊方自適枕邊幽夢忽驚殘土村
他日尋陳迹卻記曾為內府官

紀夢詩郭荀卿見和次韻

溪水泠泠溪上軒登臨誰道四并難當年髣髴夢仙塢今
日分明在廣寒還憶鳩鳴雲色重似聞雞唱漏聲殘刻舟
已有新詩句流落何妨作外官

橫塘集卷四

十一

秋夜思家

鈎簾危坐思悠悠疎雨知人特地收明月清風孤館夜寒
砧短笛異鄉秋我生志氣誰相許何日身心得自由極目
長天山隔斷吾家不見白雲浮

橫塘集卷四

宋 許景衡 撰

七言律詩

送李仁主木場案

寒垣人物豈尋常，推擇而今屬廟堂。成里從來有名將，家聲當復振諸郎。古陂解凍千頃碧，官柳驚春一拂黃。下馬也知無箇事，蓼花詩興自難忘。

次韻曾光叔墨縣尉

我今自笑菌生庵，才讀君詩舌本甘。未暇清修齊臘入，要陪游冶趁春三。光叔有春風浩蕩約極知世外交從好卻厭塵城一作中富貴酣谿老絕，無名利念不謀耕。鑿即漁蠶。

次韻張縣丞賀三貢士

貢籍初登郡學生，海隅草木已欣榮。一鄉三秀真希闊，大筆千言豈猥并。樂育從來推絳帳，作新何止換丹楹。會看騰躍如夫子，淡墨高高揭姓名。

世綵堂

萊子斑衣祇一身，未如今日刺溪濱。一門純孝非無種，百歲高堂更有人。饒得雲孫千指盛，知他閨世幾番新。太平佳話君休惜，洗我從來兩耳塵。

寄陳仲山

當年抱疾題新句，老歲支離已可嗟。官學半生渾似夢，塵埃兩眼漸生花。相從杖履非無意，歸去田園亦有涯。祇許刀圭振疲茶，與公白首醉流霞。
勞勞冉冉任年華，何用逢春苦嘆嗟。但得千鍾傾竹葉，不妨一笑爲桃花。麒麟莫問行天路，魚蟹從今飽海涯。祇恐愛閒成痼疾，卻須妙手泛丹霞。

昏昏相土客，京華節物驚心。祇自嗟一飽，徒費太倉粟。十年不見故園花，躬耕舒嘯今方決。卜築橫塘尚未涯，夫子元無療飢藥。待從方士飯朝霞。

寄張敏叔

萬春太守紫髯翁，憶得當年笑語同。應爲江山盡詩助，更無音信問途窮。簿書覩著鈴齋靜，棊局拈來蠟炬紅。也待去爲樽俎客，卻憐身世尚漂蓬。

寄吳行可

憶昨揚旌過水濱，一樽燈火夜相親。邊城喜有笑談頃，鄉路誰知夢寐頻。山驛梅花初破臘，池塘草色稍回春。新年持節經行處，亦許孤燈續後塵。

寄王經國

會陪誕節祝堯年，過眼星霜歲又遷。誰信江湖聞釣艇，卻來霄漢聽鈞天。錦筵樂事今何似，蓬鬢蒼顏獨惘然。還帶賜花殘照裏，九衢塵土醉搖鞭。

寄文通

俗流指笑漫喧喧，好古初心自惘然。已分平生有書癖，况堪此日識碑顛。萬金盡散英豪外，千卷仍存六一編。洗眼何時拂塵篋，待將點畫較精研。

寄薛克勤

高才猶佐古諸侯，樽俎時時好獻酬。萬物也知皆有役，此身安得不言休。烹鮮未覺民難治，炊黍猶忻客少留。會看曲臺須舊德，討論文物盡從周。

寄敏叔

敏叔書云：行與張卿天覺明和。匆匆候館陪歡幾，疑別去而今又幾年。冠蓋由來在天上，音書還肯寄江邊。也知官長多詩句，未省誰人與酒錢。近

日頻頻看除日諸公要路亦騰鶻

寄吳鄞縣

吳郎人物最雍容不墜家聲浙水東
葦寺昔曾酬雪唱道山今獨倚秋風
簿書又報三年滿樽俎何當一笑同
卷盡暮雲天更闊放教醉眼送飛鴻

舊有詩寄左與言兼呈劉元禮今因寓此仍用前韻

寄劉

東行長憶過新樓衣綵題詩贈李舟
千里尚歌公惠政十年誰念我重遊
雨餘三洞雲俱散水落雙溪月自留
莫戀城南好泉石斯民屬意富民侯

左崇見寄以鄭虔張籍見况

憶向棲霞宮裏宿論文獨喜子相過
酒酣尚覺初心在歲晚其如別思何
官比廣文還較冷詩疑司業不爭多
友生

積其美卷五

三

許子嘗如此更問旁人果似麼

寄左經臣

二年南邑好看誰道忘形最難別
去光陰驚倏忽春來書信喜平安
如何柳市多時住不向橫塘一笑歡
節物慳人詩興懶多應問處凭欄干

依虞仲韻寄劉元禮

先友相從古所悖杖藜當日喜盤桓
雲泉何啻千年別塵土長懷一笑歡
但歸勞心身後事何須天地掌中觀
果容憐念如前約卜築從今始苟完

李彥益過景城以詩寄之

聞說安仁過東縣卻探梅福欲歸心
畫船長是半日到秋水而今幾尺深
人散波頭飛鷺下月明波底老龍吟
一杯相屬知何日驛路蟬聲急暮林

次韻寄盧行之三首

萬壑遙山鎖暮煙一江秋水渺連天
憑欄正是滕王處下榻誰知孺子賢
問道白魚方切玉更饒黃雀正披緜
一樽吟嘯無餘事說著塵埃卻可憐

莫厭喧嘩近市塵且欣空闊對江天
揮毫會不斬珠玉列學何須問聖賢
南浦西山雲漠漠夕陽芳草思緜緜
飛騰遠寄京塵裏多謝星軺尙見憐

撲撲金狻猊白煙裁我畫閣插青天
杯盤洒落有餘韻翰墨風流追昔賢
遠岫長堆翠羽被晚霞碎拍臙脂絲
銅章更有詩家子橫寫緒餘猶可憐

寄李聖與

李侯自是金閨客奔走人間三十年
未信簿書能老我何妨詩酒自陶然
江山滿眼應相助風月關心最可憐
解道

橫塘集卷五

四

清波新過雨也教別乘過前篇

寄成正仲

畫繡初乘八月槎肯來一笑子真家
狂吟取次還成軸戲酌無多已過花
陳迹悠悠驚夢寐勞生擾擾嘆塵沙
遙知高會還思我共唱江天一抹霞

寄行之

城南城北長嫌遠卜得甘泉坊裏居
笑語不愁歸去晚往還似向來疎
二毛自覺身將老一別誰憐歲又除
定是烏銀正忙裏怪生沒箇寄來書

問訊盧家大小僧憶渠旅思爲消凝
春禽言語得能好秋水精神更乞增
今日垂髫且嬉戲他年鼓翼看飛騰
懸知父黨無能解頭白絲絲面有稜

寄仲山

賦郭長時脈還往卻來郊外飽經過故人一別已多日春色三分今幾何山鳥無端勸沽酒林鷺取次亦能歌花邊欲作當年醉望斷東風十里坡

寄俞清老

寒樓巖谷古浮邱會約同為汗漫游十載光陰如夢覺半生簿領尚浮樓頭紅日半規晚眼裏青山萬點愁淮水悠悠從此去試憑雙鯉到揚州

寄木尉君任

江湖萍梗漫流連邂逅天涯獨慨然老去飽照非俊逸古來梅福是神仙一樽笑語渾如夢兩地音塵動隔年有底樓臺堪寓目平蕪千里夕陽天

寄宋國寶

問君何日過雷都想見初寒尚在塗一去塵埃事奔走歸

橫塘集卷五

五

來門巷更荒蕪聲名盡欲傾時輩貪賤今方見丈夫勉矣此生忠與孝扁舟未好問江湖

畫船重過段城闔撞著人人問子真聞道詩書元有意莫嫌州縣尚勞神一樽何日能如約五斗而今亦為貧關塞塵沙騎瘦馬故園花柳一番新

題葉家雙蓮亭

鴛鴦也是池中物何似芙蓉出水新獨蕊應慚今夜月羣花空占別時春恭惟陶怡歸元聖聞道丹青憶老臣更向東郊看合額我曹今作太平人

代書寄福清王居士

前日匆匆問起居此心耿耿復何如身從驛騎三千里人在天涯八十餘自是浮雲有南北誰知明月滿空虛半生俯仰今塵土安得從容扣草廬

陳節秀才失日贈之兼簡卓羅源

何事詩翁遽失期朋遊相對淚縱橫祇應藥石猶能療肯與風流便隔生老去篇章方得意春歸梅柳最關情風流密令雲孫在雪唱何妨屢寄聲

樂壽驛詩

迢迢古驛倚城隈使者當年幾往來慷慨誰無致君意急難方見濟時才自知敵氣終須懾更覺天書不浪開堂上遺塵何處去太平父老獨徘徊

和姪邦彥登道山亭詩

縹緲三山海上洲登臨便覺壓蠶頭風雲山沒千尋塔煙雨溟濛幾葉舟疑疑朱顏方照日蕭蕭霜鬢獨驚秋人間榮悴何須較且把吟牋敵酒籌

次韻黃堯翁南漪堂書事

橫塘集卷五

六

南漪勝槩歷西湖珍重瀛洲肯寓居紅藕自欣歸賦詠杜鵑應嘆早驅除煙收露下鳴皋鶴風定波平在藻魚箇裏憑欄知有得絕勝閉戶病相如

敏叔除詞曹以詩二首寄之

掉卻淮南好郡章歛然馳驛對天光有誰更草詩人詔應數從前水部郎霄漢豈惟收舊物鬢毛每苦曠新霜十年尚有南昌客塵土昏昏只恁忙

趙子相逢鬪塞間一問消息破愁顏也知念舊心猶在頗怪題詩寄尚慳已分低頭從簿領卻因歸夢見江山俱依風月應長好誰似先生耐得閒

送蒲秀才遊南劍兼簡上官守

十年萬事盡參差惟有騷人似有期山水窟中為俗吏簿書堆裏得新詩從來好古幾成癖此去論交亦可知安得

相從飛雨漿看他郡國犬生蒼

送韓存中學士二首

郡國棠陰日濃乘輅衣繡惜匆匆秋天鵬鷲風雲外春
草池塘夢寐中聞道蓬瀛才有素肯教江海樂無窮斯民
未作北亭別使節時時過浙東

憶會共飲揚雄宅屈指而今又幾年還喜名藩陪燕俎刺
看醉墨洒吟殘風煙羃羃留行旆鷗鷺翩翩近畫船回首
向來行樂處斷雲疎雨濕江天

赤鑿客館以清陂名堂賦詩

古渡誰教名赤鑿新堂自是面清陂何人好事能題榜今
我居先為賦詩風靜波平人散後雲收天闊月明時可憐
此箇無窮意多少漁翁醉不知

清陂堂

橫塘集卷五

七

當年平翠看青嶂平翠在台州黃巖枕上長教捲畫簾今日清陂

堂裏宿寒波萬頃浸銀蟾人間好景無如此物外清遊豈
易兼富貴功名非我事尙容山水樂無厭

卽事

關河念念問歸舟秣馬翻為楚國遊野性從來迷出處濁
醪端欲慰沉浮春風庭院花千片暝色簾櫳月一鈞看盡
天邊歸雁過悲笳三疊下城樓

具城宛在水中央短棹飄然下渺茫早路帶期泛滄海異
時誰復問瀟湘看他賈客千帆過聽盡漁翁一曲長家在
東南千萬里寒烟漠漠又斜陽

城外黃河四面流此中眞箇是瀛洲雞豚散處看漁市蘆
葦叢中認馬頭子美渡涼聊遣興賈生卑濕不無憂相過
喜得田郎子時有新詩與唱酬

次韻邦直中秋夜月

秋半風高天四垂去年曾此賞清輝素娥可愛還依舊遊
子誰知尙未歸望極星辰皆北拱興來烏鵲自南飛一聲
水調何人唱莫惜淋漓酒濕衣

初至郡

流落翻爲長樂翁也知天意憫人窮九仙巖洞寒林外干
寺樓臺落照中漸覺杯盤如里閭從教言語變兒童郡人
更說明年好綠葉垂垂荔子紅

蒲秀才集臨川詩

世人集句漫紛紜吾子超然有異聞獨把長矛探虎穴不
教仙翼浪雞羣離離池上生春草藹藹江南欲暮雲喜得
安居從此始絕勝離析事虛文

尹子光忠牡丹

橫塘集卷五

六年不見故園花每到花時只自嗟多謝故人分國豔向
憐馮旅惜春華芳菲仙圃煥初日冷落書窗照暮霞誰道
無情便無恨祇應也學我思家

越州孝女朱娥祠詩

十歲人家小女兒凜然高節見臨危委身廿死凶人手轉
眼猶懷大母慈天子早曾加寵賜邑官今爲立新祠若教
娥與名俱沒畏敵忘親未可知

贈張同年諸孫詩

綠髮蒙茸初著巾翁翁喚作掌中珍始知詩禮趨庭早又
見芝蘭滿院春青紫近來如拾芥文章此去不勞神塵埃
袞袞元無補應笑年家老丈人

王經園生辰

試問何時得異材斗杓插子近句來文星已作人間瑞湯

氣方從地底回何有摩挲話銅狄要看清淺半蓬萊斯民
再歲蒙休澤多少歡聲入壽杯

和張子壽晚春

東風作惡也輕佻斷送殘紅四散飄自是春愁渾未解不
堪詩句苦相撩冥濛薄霧迷歸燕料峭餘寒入敝貂齋間
但知拚一醉儘教宵雨夜蕭蕭

諸友偶賦克己以戰喻次韻酬之

聞道除戎戒不虞何須深考七家書萬全要在先謀師多
算安能便勝予豈止邊陲隊鞮鼓嘗聞俎豆薦牢蔬古來
偃武修文者會使人人有室廬

謝諸友

絕學寥寥千載餘忽驚酬唱祖前書善人今得見之矣吾
道將行命也歟滴滴寒聲消臘雪融融生意看春蔬不才

橫塘集卷五

九

聖世甘無用歸去先人有啟廬

贈敏叔二首

星郎持節厭馳驅解組蕭然兩鬢絲三紀聲名詩獨步五
州惠愛吏為師裕陵松柏秋風早茂苑江山落日遜千載
赤松應更喜故人孫子也相隨

公家舊物是蓴鱸好箇歸休便入吳唯有五湖供放曠也
無三徑可荒蕪酒樽傾倒隨風月詩句流傳入畫圖烟水
悠悠來不盡高名千古與之俱

退食

退食尋常無箇事杖藜蕭散有餘歡小橋落日蓮風碧別
圃薰風荔子丹早路謀身多齟齬餘生隨意得盤桓橫塘
應笑歸來晚短艇依然倚釣灘

贈俞清老

昔我江淮幾還往聞君兄弟有聲名小軒便作陶彭澤五
字何如李少卿自說此身看老去卻慚相見太忙生何時
粗有田園計把手江邊取次行

贈鄭介夫

人笑流離自抱關天教強健老林泉回頭嶺海幾千里屈
指星霜五十年無事一樽誰與醉有時兩手自爭先也知
世上皆兒戲出處如公豈偶然鄭公自用兩手開茶左五
世左皆兒戲出處如公豈偶然勝則右手把醜飲右手勝
則左手

贈吳惇仁長文之孫

塵埃簿領判悠悠瘦馬尋春到海頭已是二毛侵老境尚
能一笑得英遊誰言前輩風流盡我覺名家世業優但得
此心常了了豈知州縣是淹留

贈董公權

橫塘集卷五

前輩風流今掃地怪君肯肯轉頭看元來自作小兒子猶
及當初老長官簡冊微言齊日月絃歌餘澤在芝蘭卻慚
江海生尤晚不得同年拜杏壇

壁山堂

在處看山多問斷經行尤喜得斯堂畫屏簇簇連千室古
壁蒼蒼遶四旁憶昨服官叨內府祇供嚴祀屬新陽天涯
寓目徒增感一覺釣天夢帝鄉

題竹閣

西岑僧舍知多少竹閣巍然鹿苑中蠟屐登臨非俗客石
床宴坐屬詩翁黃金塔砌紛紛月碧玉窗櫺細細風千里
江山應在眼狂鞭何用作深叢

又招虞仲來竹閣

一諾定須遊竹閣多時凝望出松臺祇應城市醺醺醉肯

爲詩翁特來湖水秋來清見底仙山而後翠成堆欄干
供盡登臨目鷗鷺翩翩日幾回

寄張宰幾仲

往在橫塘詩酒社而今不忍重尋思時人狂簡無如我縣
尹風流更有誰塞上塵沙多莫與江南梅柳正葳蕤人生
閒健須行樂莫學安仁鬢早衰

送高宰

長愛西湖無點塵樓臺倒影雜星辰未能把釣爲閒客且
喜鳴琴有主人搖槳何妨長戴月新隄最好是遊春何須
更說林間雉看取熙熙百里民

送李彥侯宰黃巖

委羽謂方人物已先去陳迹風流猶至今隱吏向來慚懶
散令君此去好追尋春歸山奧十里雪霜後園林三寸金

橫塘集卷五

十一

况有左生詩句好一尊端爲伴高吟

自笑當初作底官只應山水得盤桓江樓風月傳觴後邊
塞塵沙行路難閭里樵漁無失業歲時簫鼓有餘歡十年
父老今何似爲我從頭問訊看

題雁蕩山圖

別來常憶舊躋攀好信迢迢慰病顏多按地圖傳藥石不
煩魂夢到仙山塵沙猶在微茫處雲水都歸指顧間看取
蕩中多少雁祇應飛倦始知還

跋亨老所藏買田帖

世間榮利等雲浮珍重先生早轉頭要得良田供玉粒何
妨累紙洒銀鈎千金身後方爲貴十襲公家得盡收我亦
塵埃倦遊者紫滌二頭尙悠悠

送爲章

使君遺愛在甘棠故老于今尙未忘椎鈍自嗟生太晚風
流猶及見諸郎鳴琴暫肯畱山縣飛鳥還同指帝鄉回首
樓前江上月夜來無故照離觴

送李彥禮

持節西陲已清切還與北道卻盤桓當官未覺家風遠抗
疏要令邊計寬世俗多應笑公拙我曹徒解嘆才難但將
名節爲親壽何止平反一笑歡

送廖用中

也知志業在詩書可是才高與世疎戲綵北遊非我計督
郵南去近吾廬官田雨足秋多黍城市潮來食有魚更誦
九江長短句人間樂事得如渠

送趙仲明二首

康州之
猶子

關塞相逢眼便青從容猶得問平生高談大抵多忠義先

橫塘集卷五

三

世原來好弟兄但得朝廷收閭閻不論文武盡功名河隄
奔走非吾事去去神京信意行

役役都來幾獻酬生憎別語攪離愁五更門吏開魚鑰千
里春風在馬頭若見遊從山京國爲傳消息到眞州田園
未有歸來計萍梗而今已倦遊

張敏叔時
守儀真

送商霖兼簡共叔

末學紛紛只自誇孔顏門戶本無遮農工商賈皆同氣草
木蟲魚是一家我欲收心求克己公知誠意在閉邪汝南
夫子規模大歸去相從海一涯

橫塘集卷五

宋 許景衡 撰

五言絕句

宿崇國院

世塗足趨競野性惟閒散臥聞風雨聲更覺江湖遠

再宿崇國院和前韻二首

能詩老工部好鍛狂中散相望千載間未覺風流遠

羣山盡龍蟠十駕容鶩散嗜酒愧陶潛過橋煩惠遠

題坡竹

勁節風霜日平生忠義心誰知身死後寸墨市千金

絕句

五載客河關塵沙滿領間扁舟下清阪眼底是淮山

笑語三闕去扶持萬里歸情知是同載為底更需衣

橫塘集卷六

江樓

江水去無邊江樓思渺然西風掛帆席一一是歸船

七言絕句

默室

寶冠題榜意已到竹間作銘言豈多人室人人知是默誰

知个裏有傾河

送人遊天台

洞裏桃花無數開玉人不肯放春回未容梅福休官去應

怪劉郎獨自來

過寶勝哭雅師二首

鳳凰巖石最稜嶒十載重來強一登怪底眼前能寂寞年

來失卻兩詩僧雅與外師為詩友

陣迹都來俯仰間空堂遺像已爛斑白雲誰道無情劇猶

向山前自往還

借蘇子美畫像呈趙君

鐵面蒼髯見舊詩人間物色轉參差君家好本煩相示要

識滄浪晚步時

過襄城三首范忠宣善為邑

公子言歸歲月深絃歌猶自有遺音誰云故國無喬木看

取青青著作林

父老分明識長官青衫綠鬢照朱顏故知廊廟經綸意也

似鳴琴百里間

聞道愛民如愛兒從教閭里作兒嬉紛紛行路昔垂白知

是當年不忍欺

題野鵲

羽物從來數易完張生妙筆更多端東山詩老今黃壤野

橫塘集卷六

鵲寒林忍更看

題醒心亭

醒心亭下水悠悠歸棹匆匆更少留何日飄然五湖去醉

吟還得過浮邱

春日

春日尋常醉不醒而今春日若為情青絲織手成陳跡舉

案齊眉已隔生

梅

朔風吹雪滿長安闔越生來不識寒卻有暗香飄六出不

須借真外人看

送符與經臣

短短犀簪尚帶泥重重書卷已參差題詩分贈君應笑何

似東坡噴飯時

再次江左司韻四絕句

平生學道竟何如，不覺垂垂兩鬢絲。六義賴公多比興，一言猶足慰朝飢。

春風吹面立多時，此句誰知好色絲。未許飲河同臆鼠，只消甌味已忘飢。

玉粉盛來祇小盤，仁人覽物不徒然。豈惟廩賜皆民力，牛磨團團轉幾千。

土木形骸付等閒，祇應飲噉亦皆然。蒸來十裂已堪笑，何況長持飯幾千。

還自樂壽寄盧行之三絕句

漲水經春處處通，悠悠雙槳夕陽中。誰教醉眼添詩思，不是松江萬頃紅。

順水知人欲到家，扁舟拂地過天涯。奇聲幕下紅蓮客，穩放銀河八月槎。

當年玉帳撫轅門，鼙鼓聲中十萬軍。妙略未應隨手盡，諸郎才氣各凌雲。

行之見和再寄

大手從容靜塞塵，人間猶誦病參軍。詩家態度公能繼，還見春空藹藹雲。

寄陳季衍父子二絕

珠霞瑤花慘暮天，亂侵酒棧酒吟賤。須知望雪亭前客，不學袁安閉戶眠。

郊原草木盡枯荑，重霧陰雲掃不開。騎馬擁袍何處好，梅花門外探春來。

寄望回

塞上何時謝抱關，優遊琴酒舊家山。小橋小艇相過處，橫

徑橫塘一水間

行之席上送忠彥

客裏相看常草草，酒邊一笑莫匆匆。明朝各自東西去，回首江山宿霧中。

訪唐尉

郭外青山帶勢斜，松篁深處子真家。年來鉦鼓渾無事，臥看殘陽映落霞。

酬戴禹功聞蛙三絕詩

談經長下董生帷，知有蛙鳴在曲池。說似青衿來學者，莫因聒聒亂心思。

春來蛙黽滿陂湖，勿為繁聲便疾渠。萬物爾時均長養，酒灰未可信前書。

水畔螢飛雨過時，天涯逐客獨思歸。慣聽相應昏昏月，好在橫塘舊釣磯。

在橫塘舊釣磯

亞叟惠龍腦菊二絕

州縣徒勞可自怡，便憐三徑老莓苔。拂衣未作歸來計，且把黃花到處栽。

正色最宜霜後見，清香自是藥中珍。明年把酒東籬下，采何如舊主人。

再和

節過霜風袞袞來，幽叢渾欲臥蒼苔。故知短簿朝天去，更為淵明特地栽。

長笑麕臍難作敵，未饒沈水獨稱珍。移根只好畱閒處，不見紛紛藥市人。

贈別盧行之三絕

三載相從樂有餘，也知志業在詩書。柳亭燕甲分攜後，更

有何人得似渠

尋常送客一樽酒醉聽離歌亦慘顏今日多勞折楊柳高

陽關裏唱陽關

百金買得玉麒麟千里看他氣欲奔知子猶能守家法不

應騎去傍人門

贈別應仲康功二絕

多謝故人憐逐客不辭追路到吳山誰知別意添悽斷卻

送歸舟出北關

臘盡江梅未放春欲將何物贈情親端居陋巷有真樂寄

語吳門老丈人

蜡祭前一日致齋亭午風日和暖呈同舍二絕

明朝八蜡徧羣神今日風光漸可人須信少陵能體物分

明臘近已含春

橫塘集卷六

午枕昏昏迎好夢齋房寂寂稱幽人卻思寒夜諸公子解

作霜臺一笑春

過靈壁阻雨不得遊張園二絕

雲鎖蘭皋十畝園蒼官青士自磨門何須風雨遮來客應

怕莓苔有屐痕

當年詩酒早盤桓無數蕭蕭碧玉竿雨籜風梢如好在故

應知我轉頭看

過強氏園詩

門外遊人撥不開城陰小徑點莓苔疎枝淡蘂深深處只

有春風日往來

過朝娘墓所

夢中眉日向分明一過空堂百感生懷抱牽衣今已矣春

風渺渺暮潮平

題光武廟

問道三千惟一心未應百萬怕王尋可憐千載興王地城

郭摧頽樹草深

己卯元日持檄樂清界上望鴈蕩集句寄寧師

笑指蓬瀛第十洲青山厯厯水悠悠眼邊江舸何匆促寸

步教身不得遊

過天姥見敏叔畱題

尊酒都門昔解攜繡衣持節大江西卻尋十載經行地半

壁新詩手自題

宿雲洞

巖壁經春長薜蘿洞門亂石自差峩山僧祇愛雲長在不

道人問雨未多

梨花

橫塘集卷六

飛瓊端是張公女獨對東風無一語粉淚盈盈春欲暮看

盡天桃作紅雨

妙智院雜花盛開而邑中獨未

山城紅紫看猶紫野蝶遊蜂祇漫猜卻似此中春較早等

閒行處亦花開

試茶

此生貧與病相兼從仕居閒兩不堪莫怪年來有茶癖要

看滋味在餘甘

損軒詩

遷善宜將室欲參此軒名損亦何談古來種種無非學更

好從頭問老朋

泗州堂

投宿山房第二回壁間題字已塵埃簿書奔走渾無定更

解偷開幾度來

賈村三首

浩浩長河去不回先生風采亦悠悠
載鼎鼎古塚漫秋草日暮牛羊自下來

蘆葦蕭疎倚斷垣賈家猶有兩三村
鋤犁裝笠紛紛去知是先生幾代孫

漲河秋水日渾渾獨放扁舟過賈村
記得塵沙厭為客初浮清汴出都門

環翠軒

橫塘歸路尙開關環翠軒中幾往還
山水祇應隨處好不勞回首白雲間

好是清風五月寒便教忙殺也盤桓
最憐池水荷花滿不與詩翁一處看

橫塘集卷六

七

題平翠軒

簾捲清霜曉向寒好峯重疊在闌干
登臨每恨青山遠今日青山枕上看

道旁人家小軒

方沼圓荷十數箇短牆新竹兩三竿
憑欄盡日猶無厭卻借行人一餉看

斗野亭

得得來尋斗野亭亭今已作鎮官廳
壁間多少新詩句見說當年聚德星

醉柳亭

憶在河間醉柳亭十年南北嘆漂萍
舉頭河上如相識多謝蓬人眼更青

過西湖懷詹致一

憶昨盤輿出城郭靈芝軒檻共徘徊
故人短棹今天未斜日湖山我獨來

陸馬戲作

病軀自覺海天遙瘦馬誰教作意跳
也是諸侯老賓客不妨造物惡相撩

次韻張敏叔筠軒

蘭陵公子畱題後野草閒花變四時
惟有此君猶好在年年添得歲寒枝

孔顏畫像

亭亭一氣自渾淪藹藹和風與慶雲
畫手千年聊寫似豈知天未喪斯文

寄邱覺

每欲扁舟老江海不堪五斗向塵埃
煩君且覓天台紙待取橫塘居士來

招琴僧

客心日日是塵埃寄語家山好在哉
流水松風無夢寐誰能特地抱琴來

戲遠大師

廬阜遠公真好事白蓮社裏盡高才
師今更不會沽酒底事淵明日日來

淨光曼老

淨光曼老几上見呂少逸詩軸二絕
白髮龐眉一老僧掃除緣事室如冰
案頭惟有新詩軸自說風流令尹能

天涯此口

天涯此口逢周子海內今年得呂侯
自笑種頑終不比可憐迂闊暗相投

羅源護國院危簷以爲大類廬山因作兩絕句

石橋松徑入招提，盡道分明是虎溪。御恨歸鞍太匆促，不能月下聽猿啼。

東林未到聞人說，護國門前最逼真。亦有遠公能好客，他年同作社中人。

資福清軒

偶過清軒坐餉時，道人煮茗索題詩。紅塵六月門前路，疎雨冷泠滴小池。

宿橫塘雨餘見螢感舊

一賦流螢二十年，短篷還是未能眠。此生擾擾何為者，寄語諸兒各勉旃。

宿嶽正

酒酣詩卷幾荒唐，十載光陰一轉頭。休聽空堦鳴夜雨，何郎雙鬢不禁秋。

橫塘集卷六

九

行之見招觀畫

喚我來看訪戴圖，溪山慘淡雪模糊。扁舟也待江湖去，更有王維妙手無。

乙巳五月十八日沈元鼎招飯昭慶登白蓮望湖樓

汎舟過靈芝少憩孤山下七絕句

蓮社羣公跡已陳，壁間詩句尚清新。湖山俯仰成今古，更好雷題遺後人。

樓前湖水與隄平，湖上周遭翡翠屏。徙倚闌干聊寓目，知公教我醉時醒。

藕花亂點水中天，小雨輕陰淡暮山。試倩舟師連蕩棹，要隨飛鷺過前灣。

鳴琴餘暇即湖山，飛鷺傳觴縹緲間。只恐雙鳧朝帝所，不容長伴老人閑。

幾年塵土塔京華，夢到西湖佛子家。今日扁舟還似夢，不知流落在天涯。

蘋末渾無向晚風，湖光湛湛磨青銅。平生何處要如許，塵垢從今一洗空。

雨過孤峯濯翠鬟，亭亭倒影夕陽間。夷猶待看湖中月，可奈城門欲上關。

經臣重九假馬同諸友登高

借馬登高日已曛，一尊睨睨自相親。可憐山奧無多地，著盡秋來沒興人。

病骨看看近兩旬，登高一一聽諸隣。佩莫誰是佩刀者，落帽多應落解人。經臣秋試失利時余在告

墨牛圖

一牛動是萬錢值，墨指一作何紛綸。安得田家真有此，坐令四海無饑民。

出處由來祇一塗，區區分別欲何如。試看信手作毛角，絕勝當年陶隱居。

春日橫塘綠渺漫，扁舟欲去重盤桓。誰教向晚廉纖雨，又作殘春料峭寒。

橫塘

次韻戴人遊遊靈隱

春來幾度過靈山，不覺穿林錦籜斑。可是人間未炎熱，冷泉終日自潺潺。

左經臣觀湖閣見招有祇把清風召得公之句

迴避豈得吾徒事，省淨還為世俗嫌。若把清風召人客，已應賽過水晶鹽。

次韻江左司

長空翳翳木落虛流水沖沖沙盡頭安得此身生羽翼
中長見釣臺秋

次江文韻

釣瀨沉沉月一鉤魚龍夜夜盡回一作頭狂奴活計非公
意乞與江湖萬里秋

學道誰言百不憂欄干盡日倚樓頭須知橫雨千山暮不
比西風一葉秋

擾擾爭棋局與籌也知一著在前頭終朝下手渾無處為
底無人問弈秋

請公早早泛虛舟多少行人在渡頭看取清風起蘋末片
帆歎過五湖秋

平生有志慕前修嘆息因循漸白頭端向歲寒看松柏始
知凡木不禁秋

溫嶺界上

嶺北無端去抱關嶺旁便是舊家山回頭試覓歸時路只
在行人頃步間

剡溪橋

去去來來今幾秋霜毛漸漸滿人頭東曹匣劍平生事斜
日江山獨倚樓

歸自濱州

扶疎弱柳綠初勻啞啞黃鸝語未真行路逢春渾不覺卻
須說似採花人

馬首石詩

世俗亦知千里遠卻將凡馬被雕鞍何人欲識真龍種好
向巖頭仔細看

和朱深明

曾陪杖屨一作古荆州十載光陰一轉頭擾擾紅塵長滿
眼我我三峴獨橫秋

當年一笑得英遊共弔沈碑漢水頭回首鹿門高遁去人
問姓字亦千秋

贈江左司

先生兒告漢江上居士歸從庾嶺頭白日火珠無玷翳開
花野草是春秋

和經臣閣上思彥章

登賞猶前詩友俱不知趙子更來無暮天好處須同賦乞
與人間作畫圖

和江左司

新麥紛紛落禮時旋看片片作銀絲先生自足醜酬味側
隱猶憐穉子饑

西湖夜歸口占送李秦發

山上徜徉湖上歸月明千頃浸玻璃明朝有客朝天去多
少紅塵在馬蹄

戴浚秀才書堂

客到需堂日已曛從容樽酒話情親欲來卻去知何事笑
殺當年訪戴人

清陂堂

樽領他年解印歸向憐江上子魚肥扁舟不學鳴夷子只
要清陂作釣磯

午枕敲時睡思遲舍風百頃碧琉璃人生適意當如許莫
遣塵埃外客知

取次題詩甯屋壁從他傳唱落漁家禪翁好事還堪笑枉
卻青青一尺紗

過吳子丹和醜楊時可壁間新句

主人還往多佳客小閣逢迎不計時
蕭甲一孟梅船醉押毫半壁子雲詩

題紫霄院壁院有茶山

雪消谿谷已含春雷動槍旗一簇新
解道人間最仙景風流無復杜陵人

望湖樓示世厚

樓頭滿眼是湖山瑟瑟清風燕坐間
三伏長塗走塵土他年記取此時間

寄盧中甫四首

霜風獵獵動旌旄月落天低錦帳高
旄旄三尺水洗磨十萬血腥刀

九月都門風薄衣夜碓聲裏鴈南飛
野人不識長安樂且

橫塘集卷六

三

趁鱸魚一棹歸

朝米暮鹽何日休塵埃滿面霜滿頭
草堂竹閣歷秋水幾時和月弄扁舟

制勝關頭雪未融晴嵐山下又春風
此身不及涇川水漾

絮飄花日向東

寄筆墨紙兄長絕句三首

最憐修貢自衰眠拜賜中天雨露新
好爲先生載嘉句卻愁紙價湧京塵

潘生地下骨應朽妙技猶藏天府中
刀筆未應當好賜不

如分付與詩翁

刑名去取漫切切慚愧官家五色毫
老矣弟兄無用處只

應管鏡屬兒曹

寸碧亭詩集附入

杖履尋常行樂處不論小徑與幽亭
誰知蒼莽千峯外尚有仙山一點青

橫塘集卷六

十四

橫塘集卷六

宋 許景衡 撰

制

越王偲第八男乞特賜名可除右驍衛將軍制

朕惟祖宗明帝堯之峻德以親陞九族積周家之忠厚而
本支百世慶流王耶克生多男肇頒爵命以為爾龍蓋有
國之常典非近屬之私恩矧吾叔父僉謂大雅之不羣宜
爾諸子咸知為善之最樂往服訓辭永綏福履可

越王偲第十二女可宗姬制

勅眷吾叔父為時賢王集餘慶於祖宗盛鍾愛於閭闔爰
稽邦典載錫恩章爾性稟靜貞習知淑慎服姆師之訓見
於夙成閱圖史之規庶幾克踐益崇懿德允協令名尙體
眷懷永綏祉祿可

橫塘集卷七

宗子安止正任觀察使制

勅漢唐宗室子智略類有可稱者而朱虛江夏折衝禦侮
卓然不羣著在史册後世稱慕焉其官某於皇家為近屬
於環尹為顯位而能持心樂易志在有為比緣冠攘乘城
捍守有夙夜之勞有司奏功朕用汝嘉進陟廉車是為異
數其益自勵於忠勇庶幾無愧於古人可

通直郎向子辰除右衛將軍駙馬都尉制

勅具官某周詩之美王姬能致肅雍之化唐室之尚公主
必求文雅之流惟我國家稽古典禮若時下降宜舉舊章
以爾天資粹温人物秀整凡今故相孰如文簡之一門詒
慶後昆時乃欽聖之餘澤擢居築館式重國姻進秩副車
參官環衛其益思於兢慎尙永對於恩榮可

向子辰除正任刺史駙馬都尉制

勅婚姻以時二南以其王化夫婦有義五典以敘人倫屬
嘉禮之告成疏茂恩而進秩其官某夙姿凝粹器宇端深
生於烈德之門習知詩禮之學存貴主之下降消穀且以
有行爛然車服之儀申以爵祿之寵粵從環尹遙總守符
進以才能當知選尙之意宜爾家室允資德義之修往服
訓辭益光時譽可

陳邁中山路安撫使制

勅師克在和方慎鎮綏之寄人惟求舊益隆注倚之私乃
眷老成申頒優渥具官某早以風幹震被簡知敦卻毅之
詩書游分闕寄師留侯之智勇灼著戰功屹若長城護我
方面屬茲易地還葺舊封拊循兵民謹守疆圉繫爾中山
之重寬予北顧之憂可

李邈依舊真定安撫使制

橫塘集卷七

勅自金人內擾河朔用兵多士獻言莫先擇帥朕惟用人
在乎因任泛舉不如求舊於以底績不亦優乎具官某以
孝為忠寓文於武山守關塞持節西河威名灼著邊人信
服比膺東求分闕全趙易鎮定武乃以親名自列避而勿
居是用申命俾仍舊服維我祖宗善馭將而漢班超則善
守邊撫有將士綏靖疆場使敵人畏威而遠遁惟爾勉之
益勵乃節可

郭奉世除集英殿修撰制

朕惟盜賊竊發或稽天誅若守將得人則凶徒必獲以爾
奉世早以吏能見推多士出守高密政績可觀比者連卒
狂悖侵擾吾民爾能提兵乘時掩擊斬獲之多至於千數
威名暴著達於予聞論撰集英士夫高選不獨旌爾之勞
烈且以為四方守臣之勸焉益究壯猷以俟褒陟可

商守拙除直顯閣制

朕惟河朔比權寇攘若守將得人則兇徒自潰以爾守拙精於刑名之學夙有平反之譽出臨便郡施設可觀屬盜賊之竊發嚴壁壘而固守躬冒矢石至傷體膚而能裹創督戰以全吾圍載惟忠盡良極嘆嘉其進直於西清以表勅於北道勉惟竭節嗣有寵褒可

郭攻陝西轉運副使兼制置解鹽使制

勅具官某解池滋息實佐邊費迺者任非其人公私告病肆求能吏俾經理之爾玟早以風幹屢更使指蔚有望實稱於指紳其以册府論撰之職往副關陝漕輓之事凡鹽澤之盈虛貿易之政令惟爾精請而力行之使商賈流通邦計給足時乃之職可不勉哉可

許高可開門宣贊舍人制

橫塘集卷七

三

勅具官某贊朝儀於宸闈總憲禁於一路厥惟能吏乃堪是選爾有幹材重以勇果自河以北今以命爾訓練民兵驅逐盜賊使疆場無擾而閭里妥安爾之職也往其懋哉可

知威勝軍張堯佐可開門宣贊舍人制

勅具官某金人內擾紳士開守爾初臨孤壘安集驚擾之餘僉謂有勞宜膺褒寵夫贊儀上閤而剖符邊州亦武士之高選也益懋勤績以對恩榮可

劉鈞除開門宣贊舍人制

勅具官某贊儀上閤武選之要職也朕所慎擇今得其人以爾鈞名將之子能守家法乃者賜對便朝敷奏詳明俾踐厥次是為優寵益思自勉以稱簡求可

劉衍宣贊舍人制

勅具官某贊儀上閤武士之要選爾以智略見稱流輩今以命爾往參戎幕尙其自勉以趨功名之會副朕超擢之意欽哉毋忽可

朱靖等授官制

勅某等爾等各以勇鸞早隸軍籍積年有勞易官班祿往承新命益務忠勤可

俞平等授官制

勅酒醴之政付諸有司爾等各以恪勤遂膺初命賞則優矣往其勉哉可

靳澤等授官制

勅爾等宿衛有年各能不懈以及入官之格其祿初命益務忠勤可

劉珪轉兩官制

橫塘集卷七

四

勅具官某邊臣無守禦之備乃欲棄捐堡砦爾能固護全吾圍其功可錄矣進官二等以為爾寵往惟欽哉可

倪皋等各轉一官制

勅具官某等酒醴之政付諸有司爾等各率乃職訖事無曠進官一等以旌爾勞往服欽哉益思來效可

時孝悌轉一官制

勅具官某爾祇役於官服勞良久進官一等以錄爾勤往其懋哉益圖報稱可

蔣祖師等轉官制

勅具官某爾等莅職外府能佐而長刻奏來上請錄爾勞進秩茂恩往其祇服可

朱革轉兩官制

勅具官某爾頗為帥屬從軍兩河今錄爾勞進官二等往

其祇服益懋忠勤可

成忠郎賀注轉兩官制

勅具官某捕寇尉職也能盡其職則懋功之賞朕亦何愛焉乃者青寇嘯聚林莽爾能掩獲以靖里閭進官二等以為在職者之勸可

崔廣等轉官制

勅具官某頃者金人侵擾邊疆爾等威奮忠勇一掃寇殘兵民帖然良以爾等能自竭也或進職上閤或增秩一等以寵爾勞益思戰守之力尙有殊恩以俟後效可

修武郎趙思道轉官制

勅具官某迺者西戎擾塞下爾能自奮斬首卻敵宜從進秩以旌爾勞可

祈立等轉官制

橫塘集卷七

五

勅西戎犯順邦畿繹騷爾等各奮忠勤血戰卻敵奏功第賞超進厥官往膺不次之恩益勵無前之勇可

王子玘等轉一官制

勅具官某等羌戎犯順侵軼邊陲爾等身先士伍各有勦獲進官一等以賞爾勞益勵忠勤以俟褒顯可

李忠等各與轉官制

勅具官某戎騎侵軼爾等各有斬獲之功進秩之恩以為爾寵往其欽哉可

奉議郎宋晟轉一官制

勅具官某爾能修戎器部民兵以守衛王畿其勞亦可錄矣進官一等往惟欽哉可

向齋轉官制

勅具官某王師出塞□□巢穴爾能力戰有功行間

爾官以為將士之勸可

王邛等轉一官制

忠以衛上人臣之節賞以勸功有國之權故高爵厚祿非以苟私貴昵亦視其功之如何耳具官某早隸仕籍久於器使或祇事上閤或列職禁省恪恭匪懈蔚有能稱比因軍興區處緘悉有夙夜之勞進官一等為爾輩寵各殫乃心以圖報稱可

茹端轉官制

勅具官某爾以勇果從軍禦寇累功議賞併進厥官往其欽承益務報稱可

劉真弼等轉三官制

勅具官某等賊騎犯順邊陲繹騷爾等各提孤軍力戰拒敵功未就而忠有餘使者以聞朕用嘉嘆進官三等以旌爾勤往究壯圖以對殊寵可

橫塘集卷七

六

全端夫轉官制

勅覃慶渥澤實均在服而爾兄以改授為請於以見友恭之義不從厥志往服戎恩可

郭彥章等轉官制

勅具官某等迺者愚民嘯聚山谷爾等各奮忠勇俾即就擒今部使者列上功狀進官一等以旌爾勞往服寵榮益思報稱可

權南豐巡檢高騰因本寨兵級聶成等作亂勦殺淨

盡轉一官制

勅具官某卒驕倡亂威不素行非一日之積也錄爾倉猝弭亂之功而略其不素訓整之罪可謂厚矣進官一等其

克欽承可

馬肅轉一官制

勅爾等各以勇果從事戎行簡募土豪襲擊寇賊載嘉勳績進官一等益著來效以俟茂恩可

武德郎張仙等各轉二官制

勅具官某軍校狂悖驚擾兵民汝等各能掩捕俾即伏法進官二等以旌智謀往其懋哉益思後效可

湯材等轉一官制

勅具官某賊騎侵軼爾等各有守禦之勞有司奏功進秩一等勉修職業以稱恩榮可

鄭宗孟轉官制

勅具官某齊寇竊發屬邑騷然爾率卒徒多所斬獲併進爵秩以錄爾功往惟懋哉尙思來效可

孫世詞等轉三官制

橫塘集卷七

七

勅具官某逋卒狂悖侵擾旁邑爾等各能率先士伍破其巢穴剪除醜類並著戰功超遷三官是為殊寵益懋勇忠以對恩榮可

劉之才轉三官制

勅具官某逋卒狂悖非邑騷然爾能躬帥其徒乘時斬獲奏功來上超進三官益務忠勤尙有褒寵可

龍安等轉官制

勅具官某爾等皆隸兵籍比緣脅從陷於非義而能以忠勇自奮料率其徒屏除首惡初雖失道卒能自新功罪相除朕不終棄或擢居朝列或躡進武階益思勉勵以報不次之恩可

高景雲轉官制

勅具官某文武一道也而或不能兼焉者非才不足學不

至耶以爾景雲早以詞藝聞於播紳册府宰屬更踐滋久出守北州屬有邊警忠義不懼惟道自守捍禦有方卒固吾圉錄功進秩以寵爾勞往其勉之以為文武全材則朕汝嘉可

王雄等轉官制

勅某官屬者通卒侵擾冀方爾等能率其徒屏除斬獲奏功第賞各進爾官以為忠勇之勸可

王彥轉一官制

勅具官某爾以彊勇躬督士伍剪除醜類以靖邑境進官一等用旌爾勞往服恩榮益勤乃職可

全淵轉一官制

勅具官某爾等列職禁省屬當軍興招置強勇部勒衛從有夙夜之勞第功來上進官一等以寵爾勳往惟欽哉以

橫塘集卷七

八

圖來效可

董士良轉官制

朕仰遵祖宗成憲刊正官制以祿左右之臣恩數寵章於是為稱以爾士良從事禁閑恭謹不懈時久矣景官至是抗章有稱願從彝制勉服新渥益思所以為報者可

張公濟等各轉一官制

勅具官某爾以彊勇射藝絕倫進官一等以為武力之勸往其欽哉可

士琛等轉官制

勅齊寇犯順侵擾畿甸軍書奏報汝等有勞第功進級往其欽哉可

康嗣轉一官制

朕初嗣位均澤海內進秩文武之士以同邦家之休具官

其早以恪勤官於禁省祇事率屬藹有能稱推此茂恩遷秩一等益思矜慎以對寵榮可

孟鴻轉官制

勅具官某爾祇役樞府實學軍書積日有勞宜推懋賞往勤乃職以稱所司可

趙昇等轉官制

勅具官某爾等各以武力宿衛有勞射藝中程宜膺懋賞併進祿秩往惟欽哉可

趙明誠轉一官制

勅逋卒狂悖驚擾東州爾為守臣提兵帥屬斬獲為多今錄爾功進官一等剪除殘孽拊循兵民以紓朝廷東顧之憂惟爾之職往其懋哉可

曹格等轉官制

橫塘集卷七

九

勅逋卒狂悖驚擾東州爾等能率其徒頗多斬獲併進爾秩以寵忠勤往惟懋哉以稱優渥可

劉士通等轉兩資制

勅具官某頃者元帥總戎河朔爾等有軍書奏報之勞各命以官往其祇服可

張蕙宣教郎制

勅具官某往者狂寇侵軼近郊爰命樞臣總守衛之役而爾實預幕府贊畫居多今錄爾功申命進秩然爾方官中祕涵養器業以須世用則褒延之寵實肇自茲往惟懋哉以稱朝廷期待之意可

林朝佐可承節郎制

勅具官某爾攝事遠邑督捕羣盜有司議賞進易武階往其欽承益務忠勇可

李忠等補承信郎制

勅具官某人內擢軍書奏報爾等有勞各命以官往其欽服可

郭元明補承信郎制

勅乃者逋卒迷而不復爾能道朝廷恩意俾之悔罪自歸有司今錄爾勞命官初等往其祇服益思報効可

南景仁可承信郎制

勅具官某爾以勇果從軍兩河畢事奏功宜膺初命祇服寵獎益務公勤可

孟涓等並合轉承信郎制

勅某等樞臣總戎鎮撫北道爾等各隸帳下有奔走之勞往服初命益務忠勤可

劉憲致仕合換武節郎制

橫塘集卷七

十

勅具官某爾以恭慎列職禁省茲緣疾憊辭榮而歸易秩武階永綬壽服可

何志同復顯謨閣直學士制

勅朕纂受丕基均澤四海乃眷在服繫沾褒進之榮矧吾邇臣宜申敘復之命具官某天資豈弟世濟忠嘉早被眷知進履華近比坐過誤既闕歲時宜從曠恩稍還舊物雖外司於真館尚益勵於遠圖可

吳執中追復述古殿學士制

勅示好惡以正風俗錄往善以勸來者此為政之大方而今日之先務也具官某有通變之才有特立之操博聞精識洞達當世之務忠言讜論不撓羣枉之間受知先皇再執邦憲排擊奸慝杜絕濫恩謂內侍擅權將有意外之憂而新邊置郡徒耗海內之力至於花石之糜費後苑之淫

巧慨然指陳多見開納雖清議所共真要直道之弗容乃
從左遷未幾淪謝精忠凜然不泯當寧久而益思肆朕臨
御屬茲艱難覽明哲之建言若著龜之先兆是謂三代之
遺直獨嘆九原之不作宜覃渥澤追復祿殿英爽不昧服
此恩榮亦使有志之士知朝廷之於賢者猶不忘於泉壤
也可

宋伯友復官制

勅過嘗有罰類從左授計期而還其官者哀矜之令典也
矧在邇列其可後乎具官某早以時望久於器使更踐省
寺進登禁途平反庶獄有忠厚之譽註誤降秩亦既累年
俾復舊次是謂茂恩其體予寬宥之意所以施於汝者以
之讞疑則刑清而民服矣尙勉之哉可

周武仲復官制

橫塘集卷七

二

勅具官某朕臨御之初均澤海內褒進文武之士俾同邦
家之休矧吾邇臣敘復之寵獨可後乎以爾比由時望踐
更器使司刑中省執憲南臺蔚有能稱著於士論坐法左
授亦既累年屬茲慶賚悉還祿秩朕膺勅渥益勵後圖可

趙子流復職制

勅具官某朕初臨御大賚天下無有疎濇咸被渥澤而况
嘗列侍從者乎以爾宗室之子幹敏有稱頃坐過差錮職
次對屬茲覃慶宜賜寵章論撰冊府嚴奉祠庭是爲異恩
往其祇服可

盧益等復職制

勅朕纂受丕基大賚四海褒進文武之士俾同邦家之休
矧在邇聯宜膺寵敘具官某早以時望揚于禁塗比隸刑
書載更咸裔茲從新渥一洗宿愆其還西清次對之班尙

仍東州捐瘞之寄勉服異數益勵遠圖可

檀棹張志胡松年李璆高伯振復職制

勅具官某朕嗣位之初均澤海內褒進文武之士俾同邦
家之休矧在邇列宜膺寵敘以爾早被識擢重踐華要持
橐禁路掌制詞掖坐法左授亦既累年屬茲新渥一酒宿
負論撰祿殿嚴奉真祠是爲殊恩往其祇服可

方孟卿張動等落職制

勅具官某轉輸六路以給中都常選才臣庶幾協濟爾等
各以時望屢更煩使而處畫乖刺濡雷道塗舟師散亡米
粒朽腐豈不重負朕任屬之意哉宜罷直閣尙仍潛事毋
忘省循以補過自効可

余深落觀文殿大學士依前特進致仕制

勅附下罔上久鬱人言置散投閒用伸邦憲不獨爲人臣

橫塘集卷七

三

之常戒抑以示天下之至公具官某比以時名驟膺器使
宜盡瘁以體國乃懷利以事君附麗要權樹植黨與言路
抗疏觀望風旨而橫肆中傷詔獄窮姦灼見邪慝而陰爲
道地詭從羣枉更踐要塗參預政機進登宰席苟得尙容
於居位不辭莫大於蔽賢凡所選除皆由請囑寧復顧於
公論唯知報於私恩當軸處中所操如此庶民尊主斯言
謂何亦既罷歸尙存體貌擁節旄於將闕優餼廩於祠庭
爾則擅以爲榮人皆憤其非據茲覽引年之請亟推從欲
之仁而宿負益彰清議弗置姑錫顯職俾即安居朝廷保
全之恩於汝厚矣臣子省循之念尙其勉哉可

李丙落徽猷閣待制制

勅彰善癉惡以清風俗此有國所常行而今日之先務也
具官某早以文藝若被任使不能自持比罷元惡雖竊一

時之寵而抱無窮之悔比嘗拔拭界以中權而宿愆益彰
公論弗貸鑄職延開往司祠庭尙爲寬恩毋忘內訟可

李仲詢特落致仕差知濟州制

勅具官某以爾廉幹試吏有年膂力未愆遽爾謝事眷惟
濟州宜得良守大臣僉謀以汝名聞亟從退閒往踐厥次
撫兵民備守禦汝之職也尙其懋哉可

周敦禮等仍授職制

勅具官某爾等引年告狀筋力未衰再錫官榮還隸仕籍
各勤乃職以對茂恩可

翁彥國落徽猷閣直學士制

有功則見知過管則必罰此天下之至公也雖在邇列朕
不敢私焉具官某有政事之才有鎮撫之譽更踐中外閱
日滋久將漕六路宜優爲之而舟師散亡米粒腐敗豈措

積塘集卷七

七

畫之弗早抑佐屬之弗力耶其鑄西清次對之班尙仍東
南餉饋之寄益圖後效以稱寬恩可

黃鏐落直徽猷閣制

勅具官某士以廉潔自持而以勤瘁事國庶幾無負於名
教爾持節一路則以黷貨媚權貴贊畫幕府則揮勞而莫
肯行雖爾善自爲謀而朕獨安取此延問清切非爾所宜
居也斥歸銓部往務省循可

皇甫惟隆降宮制

勅子之能仕父教之忠厥或不恭宜誰之責具官某祇事
禁省有年於此而羣小妄議既抵邦刑爾爲其父獨無失
教之罰耶露章自劾姑示矜容斥從外官俾司直館是爲
寬典無忘省循可

翁彥國等特降兩官制

勅具官某東南歲漕六百餘萬以給中樞祖宗法度纖悉
備矣有司能率而行之則爲稱職以爾等各以吏幹見稱
多士肆朕推擇俾使六路而措置或戾於法漕舟滿滯米
粒朽敗亦既薄罰而論者不汝貸也降秩二等以責來效
惟爾勉之以求合於祖宗成憲則朕豈以一眚掩爾善耶
欽哉無忽可

武功大夫王宗禮降兩官制

勅具官某爾列於有司而徇私託疾以曠厥職此法所不
容也姑從降黜以警在位毋忘循省庶幾補過可

黃澤等降兩官制

勅官各有守若皆徇私託疾則有司之事廢矣可無罰乎
具官某等各以勞能踐更煩使謂宜盡瘁周旋厥職乃以
病論至於再三苟可彊勉於公室何至誑欺而斬免降秩

積塘集卷七

七

兩等不獨小懲且以警夫在位者可

杜宜降官制

勅具官某職教事而士卒偷惰射藝弗中程式宜誰之責
也薄示降黜往其省循可

張見道等降官制

勅具官某比詔有司窮治僥倖籍其贖產以正邦憲爾等
方命漫弗欽承屬更赦宥姑從降秩之罰尙其省循毋重
後悔可

宋煥責投單州團練副使永州安置制

朕照示好惡大判淑慝悉屏姦巧投畀夷裔不獨少清於
仕籍庶幾大正於邦刑爾以浮薄之資席世家之舊粵從
卑冗依憑親黨出守節藩入貳禁省華除要職談笑得之
比緣奏稟稱造語言敢爲面說且陳已力徇私背公朕爾

何至於此以無爲有聞者爲之憤然向覽彈章始從薄責而公論未允言者弗置其以散秩斥之判變服我克於死忘循省可

范夙特贈朝奉郎集英殿修撰制

勅具官某士之進說有忽於當時而見思於後日黜黜於平生而顯白於身後者固多矣念非錄其往善則何以爲後來之勸乎以爾爲大臣子篤學好直憤宦者之出使緣橫歛而爲姦慷慨有陳卒以貶死間者惜之比朕臨御亟誅首惡慙然興懷優爾卹典論撰祕殿士夫清選爾尙不昧知遺志獲伸當釋然於泉下矣可

曾燾贈官制

人臣死難朝廷卹典自一命以上無遺者矣又况於親近者乎某官祗事禁省有年於茲捍寇乘城死於驚援贈賻

橫塘集卷七

五

良渥以寵忠勤尙其有知服此休命可

詹度祖母周氏特贈建安郡夫人劉氏特進建康郡

夫人制

勅國家有大慶則士大夫皆得敘封其親其於爵尊位重則褒寵有至於再世三世所以加惠臣下而何其福祿者不已厚乎此近古所未有也其官某祖母某氏躬有懿德作嬪慶門克和其夫以氣節自重辭榮早歲養高邱園積厚之施乃在諸子知名當世更踐要塗亦有爾孫以守邊鎮粵從小君進封大郡尙惟不昧以享此休顯之明命可

父文贈國府儀同三司制

勅孝子之事親也生則有養沒則有祭而國家之於多士自通籍以上則又有追封之典焉蓋方貞其盡忠之效則尙夫罔極之報者曷可已哉某官父某詞藝之學政事之

林更踐中外及著風績未究施設奄爾殂謝乃克有子銜訓嗣事司吾邊鎮有守捍之功敘贈之秩已躋二品茲用申命進同三司所以爲泉壤之榮者極矣則爲其後者可不思稱所蒙哉可

母何氏特贈榮國夫人制

勅凡人富貴其身則思顯其父母而國朝敘贈之典非獨爲死者之寵亦所以慰夫生者之情也某官母某氏生於令族克配君子闡德之懿寶昌其家惟時慶嗣爲國連帥褒崇之命進封大邦尙惟淑靈享此休顯可

故妻王氏特贈太原郡夫人制

勅士之有勞於朝廷則不獨爵命其身而又褒崇其家室故雖已往亦預斯榮焉某官妻某氏溫柔靜專來媿慶闕不幸夭折弗終顯榮其以小君追昇大郡尙克有知享此

橫塘集卷七

六

休寵可

妻劉氏可彭城郡夫人制

勅周衰法度廢名稱浸訛孔子患之爲正名焉故邦君之妻謂之夫人稱諸異邦則曰小君然非有懿行亦何以稱此名哉其官某妻某氏婉婉溫恭間於族姻作配巨室克主饋事進封名城以正小君之號尙其祗服對此稱榮可

鄭成之故妻王氏贈越國夫人制

勅國家有大慶敷錫天下不問疎昵存沒咸被渥澤又况於戚里之近屬哉其官某妻某氏柔靜溫恭茂著高德廣于慶閭問輿藉其降年不永弗究顯榮進封大邦以貞泉壤淑靈不昧尙克享此休稱可

席真母趙氏特贈燕國夫人制

勅觀其子之賢否則知其父母之所積而朝廷追榮之典

亦因其所積之厚薄以爲爵命之崇卑其官某母某氏生
於令族蔚有淑問來嬪慶門寶昌其家克訓諸子爲時聞
人持橐禁塗分闕帥路追榮之恩嘗啓大國茲用申命改
封全燕尙其有知以享此休顯之報可

宋 許景衡 撰

表

代賀紫芝表

協氣橫流珍符委至一人有慶萬邦咸休中竊以再闢河
 遑肇自仁聖雖曰復古之迹實昭繼代之功德既洽於華
 夷瑞乃形於草木稜層挺秀萃天地之英華雜沓縱觀駭
 捐紳之耳目允契于齡之運豈比九莖之歌恭惟皇帝陛下
 下孝通神明恩被動植受此天申之命燦然地產之祥燕
 及羣生咸獲嘉祉臣叨蒙宸眷遠守帥垣獲覩殊休莫預
 四方之來賀式傾善頌永言萬壽之無疆

天寧節賀表

上帝眷命用寵綏於四方率土傾心祝誕彌於良月中恭

橫塘集卷八

惟皇帝陛下以神明之德繼天地而生憐憫下民被於逐
 未照臨中國悉俾還淳俗既格於不迷人宜錫以難老茂
 享無疆之壽式符有道之長臣叨綴邇班屬拘遠守歸美
 以報咸歌天保之詩與物皆昌窮效封人之祝

代賀宗祀表

致享台宮神天昭格乎號率土福祿攸同蓋日月之照臨
 均手足而舞蹈中竊以宗祀配帝所以得萬國之歡至德
 順民不獨教諸侯之孝若古有訓惟聖為能恭惟皇帝陛下
 下純誠祀天明禮備物既右烈考欽承如在之神延及羣
 生皆知必至之惠禮行穀且慶決縣區無疆惟休自今其
 始臣叨持從橐假守帥垣不顯丕承雖弗獲從清廟之奔
 走我將我享尚庶幾美盛德之形容臣無任

代賀降西蕃王子表

天威遠暢蕃國來降慶在一人歡傾四海中竊以湯聖昭
 假氏羌莫不來王舜德誕敷苗民無復逆命適當盛世度
 越前聞恭惟皇帝陛下容知有臨神武不殺招攜懷遠方
 絕域之咸賓慕義向風有名王之樂附於昭偉烈益顯節
 謀臣假守遠藩欣聞慶事同四方之賀雖忝近臣上萬年
 之觴阻陪都護臣無任

代賀環慶捷奏西蕃偽王子降表

赫然天討洊奏捷書蠢爾羌童聿歸聖化朝廷多慶海宇
 均歡中竊以有此武功周王既伐於崇國誕敷文德虞帝
 遂格於苗民屬我熙朝萃茲休烈恭惟皇帝陛下雷霆震
 登天地生成鞠旅陳師運神謀而折馘招攜懷遠致異類
 以來庭蓋威之所制者不愆故德之所加者彌廣於昭列
 聖坐格丕平臣叨綴近臣恭聞盛事四方來賀悵江海之

橫塘集卷八

獨遙萬壽無疆望雲天而傾祝臣無任

賀河清表

駿命有歸篤生千載之上聖澄瀾告瑞乃在九河之下流
 凡屬照臨孰不鼓舞中竊以虛源五色實兆帝王之作興
 曠世一清概見古今之紀述雖曰流傳之不衰猶患寂寥
 而無聞事出非常理宜有待惟章聖之在御有靈寶之發
 祥聳動縣區焜耀方册創業垂統傳休德於無窮繼體守
 文格珍符之委至矧乾寧建壘之所當洪河入海之衝會
 原委以來同宜休嘉之濬發於昭景賦厥邁前人恭惟皇
 帝陛下宅心唐虞比肩文武上帝之所眷佑斯民永有依
 歸孝極奉先水皆潤下流而不雜漚分千里之渾渾孰乎
 有成慶在一人之穆穆臣叨持從橐假守塞垣眷此殊禧
 見於所部河水九折有再出之榮光天子萬年敢對揚於

休列臣無任

代人除蜀漕表

井谷無與敢期當守之知雲漢為章忽降自天之命輟北道之歛散總東蜀之轉輸拜命非常撫躬增慄謝臣東南冷族江海微生少也無奇徒服勤於簡冊長而不競亦濫綴於摺紳昨玷睿恩再將使指坤維萬里河朔二年每自勤於驅馳冀少酬於生造鴻私無極尤役少安重念先臣受知神考進登禁從出守帥垣首尾三年之間委曲十行之詔料敵嘗稱其慎重畝誠許以忠誠最爾諸孤雖不廢箕裘之習惕然小子實恐貽門戶之羞豈意上簡淵衷親紆宸翰追懷往遇復賁後來粲然奎壁之文逮茲牛馬之走亟蒙嚴召入奉燕閒獲伸款款之恩少盡拳拳之義屬之以將漕大計戒之以鎮拊小民欽若聖謨具昭德意

橫塘集卷八

三

重沿家世而敦獎實為存沒之至榮茲蓋伏遇皇帝陛下大德并包至明旁燭制治無有遠近俗已大同錄善及其子孫人皆知勸致茲疎宥亦被寵光敢不勵夙昔以飲冰視險艱而叱馭世濟其美雖有愧於前修父教之忠誓不渝於素守庶幾塵露仰報邱山臣無任

謝御史中丞表

臣某言伏奉告命除臣試御史中丞尋具狀辭免蒙賜詔書所請宜不允者起廢瑣聞已誤甄收之滉執憲為府重叨迨進之恩自惟積慶之餘且困纏痾之久忱辭懇迫竊效於循牆溫詔丁寧莫同於渙汗颺焉拜命惕若臨淵謝中伏念臣一介迂愚半生齟齬自備使令之乏存膺簡拔之私頃綴臺條嘗汗言路既不能指陳時政又不能糾正官邪卒以曠瘵日貽斥逐比蒙披拭益出矜憐講禮奉常兼

冒銅龍之直試言禁掖旋陪金馬之游未酬天地之生成已嘆風波之流落粵從去國惟日省愆奉香火於祠庭獲安故里竊斗升於賜廩重愧空餐方國步之多艱慶龍飛之在上四方傾耳須號令之更新多士屬心知朝廷之求舊維時風憲宜得忠賢顧已試而無堪敢強顏而冒處恭承明訓莫遂半辭蓋人臣事君在於勿欺而王者用人亦常使過第慚閭劣莫副明揚茲蓋伏遇皇帝陛下勇智表於萬邦孝悌光於四海拯國家已墜之緒紹祖宗無疆之休去凶邪而登俊良咸欣千載之遇修政事而攘強敵即迎二聖之歸有如薄識之庸愚亦預中興之選擇臣敢不益堅素守勉蹈所聞雖一簣為山敢云或止而萬折之水要在必東永肩此心以報殊寵臣無任

辭免右丞表

橫塘集卷八

四

臣某言伏蒙聖批除臣尚書右丞尋具劄子辭免繼奉詔書所請宜不允者祇被異恩擇陪大政凡才蹇淺亦既力辭溫詔丁寧未蒙賜可敢再傾於誠懇仰多冀於矜從謝伏念臣起自江湖之間辱在紀綱之地徒以朴忠而自獻不知狂易之為非惟時艱虞無裨聽納曠官之罪宜正典刑陟明之恩乃司承轄上焉有紊於國體下則深累於臣私伏望皇帝陛下大度兼容至明旁燭雖命不可易初或誤於出綸若事得其宜亦何嫌於反汗俯躬以俟得請是期臣無任

謝右丞表

臣某言伏奉告命特授臣中大夫尚書右丞特封瑞安縣開國男食邑四百戶尋具表辭免蒙賜詔書所請宜不允仍斷來章者總憲府之紀綱初無顯效陟中臺之管轄

復珩殊恩亟疏屏微仰祈照鑒再瀆已寬於嚴謹十行降於溫言弗容半辭輒已拜命謝恭惟國家建六官以修政事分兩輔以督綱維均爲輔臣參與治體平時選擇皆天下之英才同德贊襄躋域中於仁壽矧在艱虞之際益知授受之難伏念臣十年決科三紀作吏斗釜日糞於天祿絲毫無補於公家白髮蒼顏憔悴百罹之後驚風駭浪飄零三黜之餘已分退藏旋蒙收召綴近班於瑣闥未及論思訪陳迹於霜臺恍如夢寐造膝上勤於三接沃心會乏於一言念執邦憲而糾官邪已孤任屬則謀王事而贊國論何取庸虛雖自列以額天訖莫回於渙汗夫何謫薄有此遭逢茲蓋伏遇皇帝陛下勤儉御於邦家化育參乎天地隆寬盡下以通四海之情詢事考言以察羣臣之實有如近列宜得名儒不圖孤立於傾危獨受聖知而錄用

橫塘集卷八

五

臣敢不激昂晚路淬礪初心永惟承學之淵源尤在事君之忠義進思展盡期上報於生成言或迂疎亦何逃於黜罰念茲終始實賴照臨臣無任

謝賜物表

生育在辰方茲永慕匪頒備物中以溫言祇服寵光惟知悚惕謝臣粗沿末學遭遇盛時祿不逮親徒與懷於勞瘁恩惟厚下叨拜賜之光榮恭惟皇帝陛下以愛物之仁厚使臣之禮方務隆於國體俾胥慶於家庭敢不欽戴鴻私激昂晚節欲報之德或負素心能任之忠敢忘遺訓臣無任

又

使華臨寵天語推褒燦名物之滿前物疲驚而拜賜謝伏念臣生而愚懦迫於賤貧在石與米之初心止期三釜記設

孤於斯日獨厚百朋悵崇養之無從顧恩頌而有覩恭惟皇帝陛下德參天地信及豚魚每惟慶賚之行不爽始生之且矧珍奇之溢數備燕喜之殊私揆以庸虛豈所當得雖羔羊正直願成玉化之功而冀我劬勞已轍門人之前臣無任

代謝賜恩日表

仰稽天令俯授人時詔令駿發於九重正朔一新於四海長民於此拜賜爲榮謝竊以治歷明時有天下之所先務迎日推策非聖人莫與成能俾民知寒暑之期繇吏有承宣之效聿與嗣歲爰錫新書中以溫言欽哉有土恭惟皇帝陛下儀刑神考體躋帝堯有平成天地之功得歷象日月之法四時不忒百穀用成丕建太平適當今日臣濫持從藁假守塞垣念方竭其蠢愚豈敢忘於奉順臣無任

橫塘集卷八

六

婺州代謝賜恩日表

堯階授歷聿與嗣歲之期漢郡承流共仰先天之治寵光至渥德音咸孚恭惟皇帝陛下寅畏三無協循五紀數本在躬之錫策由迎日而推和玉燭於四時孰窺成化膺珍圖於萬國悉俾同文不愆震兌之常誕布甲寅之信臣叨分竹使祇奉禮書願令班條想清臺之候氣使民觀象跋魏闕以馳情

謝賜對衣金帶等物表

臣某言伏蒙聖恩特賜臣對衣一襲金腰帶一條鍍金銀鞍轡馬一匹者十圍煥爛副以笥衣千里瑰奇加之寶帶祇拜非常之賜第懷不稱之慚謝伏念臣江海孤生庠序後輩徒步京國所甄至微衣敝緇袍何恥之有不同晚遇宸恩華途未殫論思獻納之勤已冒衣被服乘之寵茲蓋

伏遇皇帝陛下經緯天地駕馭英雄法漢祖之解衣養康
侯而錫馬豈伊玼賤亦玷匪類臣敢不約束身章助不至於
縱弛顧瞻鞭影或稍進於尋常雖竭疲駑莫酬覆轡臣無
任

代人謝表

東南六路方祗役於轉輸燕趙兩河乃誤司於質糶賑蒙
嚴召獲望清光羣玉英躋躡升淪讓兼金寶帶洵彼寵頒
仰異數之頻仍撫微躬而震慄中伏念臣早緣簡擢竊冒
使令繇力薄材了無一德隆恩厚施常越稠人頌自坤維
易使江右山川彌遠職事在所必躬舳舻相銜歲計偶然
告辦雖究心於狗馬常軫慮於淵冰敢意記憐以時甄拔
總漕運以赴上國會未効於拙勤廣聚蓄以餉北陲乃獨
煩於臨遣矧當陛下布昭神武恢復新疆如熊如羆以戰

橫塘集卷八

七

則克足兵足食莫此爲先欲奔走成命則自揆無能欲傾
倒丐免則或疑避事務俚失次進退無從幸嗣對於便朝
得欽承於獨斷凡茲纖悉備極丁寧念畀付之非輕豈庸
虛之能副六持使節常虞鼠技之窮再錫身章徒重鵝梁
之刺而况濫塵中祕猥預俊游念昔先臣嘗中撰述之職
豈伊小子獲承家世之榮茲益伏遇皇帝陛下體踰有虞
儀刑神考得詢事考言之要成任賢使能之功有如斷斷
之無知亦被循循之善誘薰然德意賜以褒嘉雖後卽於
馳驅已濫叨於優渥臣敢不淬礪柔鈍鞭策疲駕臣無任

宋 許景衡 撰

劄子

論宗澤劄子

臣竊聞議者多指開封尹宗澤過失事未知是否如何澤之為人及其為政固不能上逃聖鑒第不知果指何事而言也若只緣拘留金國使人此誠澤之失也然其本心只緣忠義所激出於輕發未盡識國家事體耳又未知別有何等罪犯也然臣自浙度淮以至行在得之來自京師者皆言澤之為尹威名政術卓然過人誅鉏強梗撫循善良都城帖然莫敢犯者又方修守禦之備歷歷可觀臣雖不識其人竊用嘆慕以為去冬京城之內不能固守良由大臣無謀尹正不才之故使當時有如澤等數輩赤心許國

橫塘集卷九

一

相與維持則其禍變亦未至如此其酷也往者不可咎來者猶可追今來只校其末節小疵便以為罪而不顧其盡忠報國之大節則臣雖至愚竊以為過矣况澤昔在河朔遭遇陛下遮留拱衛繼參幕府宣力為多今尹天府其績效又彰彰如此則其所為終始亦可考矣而議者獨不能稍優容之其不怨亦甚矣乎且開封宗廟社稷之所在其擇人居守尤非他州別路之比今若罷逐澤則當別選置守不識今之指紳其威名政績亦有加於澤者乎若有其人則除授交割尙費日月兵民亦未信服防秋是時計將奈何若未有其人則澤未宜遽然更易也人材難全久矣惟聖人以天地為度包容長養兼收而並用之庶幾其有濟也其宗澤伏望聖慈上為宗廟社稷下為京師億萬生靈特賜主張厚加委任使成禦戎治民之功天下幸甚臣

無任懇切拳拳之至取進止臣所論宗澤事本欲請對敷奏緣臣所患未安所以先次封進上勤聖覽伏望獨斷力賜主張其間中及付外廷並取聖裁

論郭仲旬畫一劄子

臣伏見郭仲旬制置東南招提盜賊畫一申請除東南按撫發運監司並聽節制一項昨奉聖訓已行正外所有乞體究當職官失職選官承替尤非所宜何則戎事民政初不相干官吏失職或有騷擾監司郡守職當按劾今仲旬只緣招提盜賊乃欲按泊州縣既紊常制顯屬侵官凡今監司巡歷所部或受牒訴或按刑獄苟非本職於法並牒送所屬監司施行蓋不敢專也如此今仲旬乃欲盡總東南之事以重已權殊不知侵官違法亦已甚矣又畫一項內乞支降銀絹以為犒設激賞又別乞給度牒一百道朝廷並已應付乃恐銀絹用盡乞於所至州府據合用數取索限一日應付臣契勘東南州郡昨緣調發勒王人兵府庫所有為之一空今若依仲旬所請凡有不時之須限一日應付深恐東南州郡猝然無以供之既迫限期又畏按泊勢必強取於民其為騷擾抑又甚矣是則招提盜賊未見其利而良民先被其害也方當艱難之時民心搖動之際豈可不為之顧郵哉臣愚伏望聖慈特賜詳酌其郭仲旬所謂體究當職官失職選官承替一項伏乞寢罷不行所乞激賞銀絹令牒逐路轉運司那融應付稍寬期限庶使東南州軍無意外之擾吏民幸甚取進止

橫塘集卷九

二

論罷童貫宣撫河東劄子

臣聞天下之事言之於未然則若狂率而無根言之於已然則又緩後而無及矣近者中外喧傳皆云朝廷將起童

賈宣撫河東若果無此議則是傳者之妄而臣有探聽不實之罪若果有此議則臣願言之於未然也謹按賈臣在陝西專務誣誣以為事功緣賈軍須竊擬邊計重以賄賂至于萬億奏功第賞皆由請屬有吏廝僕皆位侯伯御史卒墮壞軍紀此皆陛下所洞知不待臣之縷數者也前日燕山之役不能上遵宸畫漫無紀律洩致取劔徘徊境上師老氣索遂致遠夷小醜妄為已功遂求無厭傷威倍費賈之悞國豈不灼然臣昨論列劉廷慶不當量移事親奉德音以為皆由宣撫司號令不一以致白溝之敗為其引年謝事故議者不復及之今若起自廢閒重領兵柄則不獨誣設食墨有甚於前日也且賈既無功於河朔尚能有為於河東乎方其壯時罪惡固已貫盈今老且病矣尙能革心自新乎古者國有大議謀及卿士謀及庶人今陛下命將興師以靖疆場此政事之大者亦嘗謀及眾人乎士民駭惑論議紛然夫豈妄意以為不可哉誠見其已試而無效也臣累被聖訓彈擊官邪毋憚大吏然則今之官邪亦有甚於賈者乎故敢昧死獻先甲之吉庶不助朝廷後日之悔也伏望睿斷亟罷所以命賈者別謀良帥以濟萬全之舉實天下之幸取進止

論王安中自便劄子

臣伏觀近降指揮象州安置王安中放令逐便臣僚累有章疏論列安中罪狀若令自便公論未允至今未蒙施行謹按安中昔帥燕山親見郭藥師之跋扈常勝軍之糜費金人之侵侮邀索並不會奏報朝廷措置守禦固寵畏禍左右嬖縫以苟延歲月故議者以為緣燕山之役成中原之禍者童貫等倡之而安中實成之也貫等已正典刑而

安中止竄遐裔已為寬恩今若引赦例得逐便則當用武之時無以懲守邊之吏矣或者以為曠蕩之恩罪垢咸滌而安中乃前執政獨不得預恩名臣奏澤乎是大不然赦書明載蔡京童貫梁師成誤國之罪雖其子孫猶不得預取敘之列孰謂安中與之同罪乃遽得自便哉伏望睿明檢會臣僚章疏特出宸斷所有放令逐便指揮更不施行取進止

論揚州駐蹕事宜劄子

訪聞揚州近日市井買賣大段不類應天府市人畏縮關閉店肆近境商販柴炭之屬不敢入城以此日用之物頗覺乏絕成熟飲食軍民無從收買人心不寧臣愚欲望聖慈詳酌特降睿旨應揚州米麪魚肉柴炭屬此冬寒販者希少可與權免稅錢其商販津盤官司及門頭並不得阻抑市井交易務在兩平不得輒有喧爭仍以榜文速行告諭不獨慰安軍民之心亦所以示仁聖臨幸撫存德意取進止

論般取東京緋帛劄子

臣竊聞已降指揮差官前去東京般取緋帛既有此舉惜不早令津般從駕而行也今若後時而取則有可慮者二一則恐都人憂疑以為車駕既東復取此帛則是未有還京之期且虛帑藏不為都城防守計也下民至愚豈能盡知國家藏蓄但見般取此物便敢妄議也一則緋數億萬經涉長途部押官吏有幾何人安知盜賊不生心乎只如前日後軍皆前進戶部金帛獨殿其後議者尚以為憂而况汴堤千里所在巡防關人可不為之遠憂耶臣愚欲望裁酌且謂此帛京師以為最便或恐向後關用乞候春暖

般取則不致駭都人耳目或候當番倫士諸軍遊行在日因令防護東下亦為甚便伏望聖慈裁擇取進止

論後軍行船失序劄子

臣契勘本臺昨准御營使司劄子并降到行船次序內軍在侍從百官及戶部金帛船之後今月初三日午時以來忽見後軍眾船一併越次前進擁塞河道並不容百官依次行船戶部金帛萬數浩大理合後軍同共防護今來本臺竟不依次序後軍會無被受指揮許令越次前進若盡令人馬前行則非所為後軍也萬乘順動獨可忘殿後之備哉兼恐戶部金帛或至疎虞則為害非細不獨紊亂次序而已欲望睿明特賜詳酌施行取進止

乞罷黜張公庠劄子

臣訪聞通判福州張公庠在任貪汙不法自知公議不容

橫塘集卷九

五

乃扇搖軍情歸怨監司帥臣監司帥臣不自安而提點刑獄司已具劾奏即未聞朝廷施行契勘福州去年兵變繫殺帥臣柳廷俊朝廷失於究治今餘黨尚存而公庠職為倖試不能撫循乃緣已私扇搖諸軍竊慮禍變近在且暮去年已是覆轍而近日建州軍賊猶未就擒不可不戒也其張公庠欲望聖慈檢會福建提刑司所奏速賜罷黜施行以解一方危急仍乞下本路隸鄰州鞠治罪犯明正典憲取進止

奏免賜楊維忠田宅劄子

臣伏觀近降指揮捕獲方臘赴闕統制官楊維忠於京兆府賜官田十頃官宅一所臣竊惟蕩平浙寇生獲渠魁肇自聖謨授成將帥其間偏裨佐屬各有勤勞凱旋之初第功行賞高爵厚祿皆以為意外之獲也被維忠者已貶賞

典超轉五官今來宜撫司保明再有陳請度越眾人賜以田宅竊謂一夫僥倖雖無足論誠恐同時立功之人各懷觖望之意蓋朝廷既開此例則無以杜絕後來若偏裨皆冒鴻名臣奏恩則在官田宅將不勝其求矣古者惟有大勳勞則錫田賜第而祖宗以來將相大臣功德卓著者亦止於賜宅而已今睦賊就擒豈獨維忠之力奈何特異諸將冒此踰分之賞哉前日王師撫定燕山近者勦絕奚賊將佐皆立奇功慶賞亦既行矣彼視維忠所獲豈不歉然皆有不滿之意耶臣愚以為破請屬之姦革濫賞之弊使後來者不敢攀援妄有僥求宜自惟忠始所有賜田宅指揮伏乞睿斷特賜罷罷取進止

奏罷辟張恕等為諸州通判劄子

臣竊惟州置通判雖曰佐貳守臣然自祖宗以來選擇昇

橫塘集卷九

六

付日為監郡使州將有所畏憚則任屬之意深矣故雖遐方小壘皆自朝廷命之伏自近年帥臣監司偶緣一時申請例得辟置陛下獨智遠覽以為寢失祖宗之意乃於政和丁酉特降御筆以戒在服今纔幾何而冒法觸禁者復作矣若河北轉運司奏辟張恕通判莫州河東經略使乞辟彭作通判平陽府是也然此特其所部之支郡耳至若知河間府詹度奏辟張公濟通判本府則又甚者也夫漕臣許楫其屬三路帥臣許辟幕府若州縣城寨之官則各有著令至於通判則無明文若為守臣而得辟置則是門下私恩之士也尚能舉監郡之職乎且為奏辟之言者必曰選才乃能集事他州通判拘於吏部資格容有老病昏惰者今三路並邊之倖悉自朝廷選除豈有朝廷選除之人皆以為不可用而已之親昵黨友乃以為才耶大徇

引類侵紊祖宗成憲且違專降詔旨皆近年敵習之弊不可不懲也所有張恕彭作張公濟伏望睿斷特賜改正施行其詹度等亦乞戒飭以警慢令之吏取進止

辭給事中劄子

臣先准尚書省劄子奉聖旨除臣給事中罪悔頓頓重以多病早衰自知決無可用敢圖天造未忍棄捐收之開廢之餘置諸論駁之地竊省非據已罄忱辭伏望睿明檢會臣前奏特賜許令辭免俾稍安於私義庶不致於煩言

辭免右丞劄子

今月十二日准尚書省劄子三省同奉聖旨許某除右丞日下供職者聞命震恐罔知所指伏念臣智能淺學術荒疎自叨使令積有罪戾比蒙獎擢備位言責日月滋久無所建明方以曠官失職為懼敢圖誤恩躡進丞轄雖天地之賜父母之命所不當辭而臣自度迂愚非所當得深恐上辜任屬自速顛躓伏望聖慈洞照誠惻出於迫切收還成命以移帥言臣無任祈天俟命激切屏營之至所有恩命未敢祇受謹錄奏聞取進止

辭免御史中丞劄子

准尚書省劄子奉聖旨除臣御史中丞不候授告日下供職者聞命震恐不知所指竊以執邦憲糾官邪自昔以為要官近世尤所慎選矧當國家艱難之時中外憂疑之際儻或言路推擇得人則於時政庶幾有補伏念某頃為臺屬嘗冒言責徒糜歲月莫効毫分乃以瘵疇自貽譴逐雖蒙洊洗旋復顛躓比者蒙恩收之江湖流落之中疾病衰歿之後曾未瞻於宸扆已清明於寵命天地之恩何以復稱惟已試無效豈敢復玷選除伏望睿明察其迂陋收

橫坡集卷九

七

子昂力度德之志臣無任祈天俟命激切屏營之至所有勅命未敢祇受謹錄奏聞伏候勅旨

薦張守劄子

臣伏見奉議郎前監察御史張守博學能文好直有守頗為臺屬薦有士望銜恤去位今將造朝契勘監察御史盧臣中已除左正言欲望聖慈詳酌特除張守填闕如不稱所舉臣廿伏典憲取進止

乞除尚書省長貳與並除樞密貳劄子

臣聞謀之貴眾斷之貴獨今天下大政一歸於陛下宸斷惟是贊襄彌綸同德協謀者則不厭其眾且多也竊見尚書省比闕長貳而同知樞密院事亦久闕而不除雖用近制三公通治三省然文昌政事之本樞筭總兵之地各有

橫坡集卷九

八

任屬安宜久虛其位哉况近年財用匱乏民力困弊當詞借濫官吏猥多姦賊害民請屬成俗軍政不立邊防未完陝西並邊諸州地震癘月屢傷軍民京東淮南浙西積水被野有害秋稼此正陛下敷求輔佐振舉綱紀之時也臣愚伏望睿明博考天下之公議慎選當世之忠賢以補政府之闕使之上贊聖治以亮天工而熙庶績於海內幸甚取進止

上十事劄子

臣自蒙誤恩備位執法閱日滋久了無建明不獨智慮短淺言辭澀誦之故亦以陛下方圖東幸纖悉措置上關宸慮竊謂與其狂易之黷寧負不敏之罪今者駐蹕淮甸上下安寧此正請明治道滯補廢之時也故不揆迂愚輒以見聞昧死上獻庶幾有補聖政之萬一臣竊觀方今人

才未備而政事不立法度未修而宿弊尙存浮費不節而
國用空虛賦役煩重而民力困弊命令不行而事多壅滯
賞罰未明而人無懲勸賊盜繼起奏議起而吏民被害邊
境危急而武備弗嚴姦賊未逐而貪暴滋多公議未伸而
親黨害政凡此十事之利病實繫國家之安危安危所在
變故難測以陛下之神武英斷必能成中興之業以陛下
之誠心孝友必能迎二聖之歸其事雖曰多端其要不過
十者而已惟是十事之利其講之則不可不熟十事之害
其去之則不可不速講之熟則是非明白去之速則立見
治效欲望督旨下三省樞密院公共討論修復祖宗之成
憲稽參士大奏議無大字夫之公議下從民欲上取聖裁於以
致中國之安榮於以釋異域之憂鬱在陛下果斷力行之
而已取進止

劄子

乞速遣李芑福建提刑劄子

契勘昨奉指揮差李芑充福建提刑陳桷別與差遣今訪問得李芑尙未到任陳桷歷任館職省郎不習提殺欲乞契勘李芑差遣如別不會改移即乞降指揮令疾速交割職事措置捕賊不得稽遲措置提殺如朝廷已降指揮附遞深恐淹遲不急救切欲乞檢舉再降指揮付差來人庶幾不致稽緩誤事取進止

乞速措置提殺建州賊劄子

臣訪聞建州及本路提刑司各爲本州軍賊閉城虜劫殺人再有奏報當是閉門日久事勢危急臣昨曾具事宜奏稟後即未聞朝廷措置施行伏望聖慈俯念遠方吏民危急早賜指揮只付本州及本路差來急脚子星夜齋去庶得速達免致遞鋪濡滯取進止

乞捉殺浙西軍賊劄子

臣聞辛道宗部兵浙西軍前潰散初在秀州平江府之間未甚作過自離常州至鎮江方肆焚劫殺人浙西士民大段驚擾奔逃四出即未聞朝廷措置指揮臣初料此軍既殺主將之子則已是負罪之人其勢必至猖獗今則張大已難制矣契勘知鎮江府趙子崧見帶安撫而郭仲荀見領招提浙東盜賊事欲望特降睿旨令其速領兵分頭捉殺或其徒多是脅從則止誅首惡倡謀之人其餘令便宜措置以聖恩寬貸不可一槩招降以長姦也取進止

再乞捉殺鎮江軍賊劄子

論提殺鎮江賊劄子

臣訪聞鎮江府軍賊聞官軍且至頗有遁逃之計其一路係本府下熟驛前此已會抄虜今來官軍若繇真州渡江以往則此路無虞矣其一路東走常州昨者已會厚奏請以金帛備設其無備爲可知若更前進則不獨浙西諸州爲可慮深恐與杭賊合謀如臣前日所策也契勘揚州管下柴墟鎮亦名口岸渡江後四十里可至常州最爲捷徑如蒙裁酌別遣人馬緣此路以往過其奔衝則賊勢已窘矣如前日官軍方事奮擊則今所遣者亦可夾攻庶幾朝夕殄滅今車駕駐蹕於此而賊在毗境非所以振國威也伏乞速降指揮即行措置使兇徒就擒江渡通快誠今日之急務也取進止

再乞捉殺杭州軍賊劄子

臣契勘杭州軍賊初緣本路提刑高士瞻建議招安仍申朝廷乞更不發兵捉殺臣平昔雖憤招降之弊然以朝廷已降指揮不當失信更不敢奏乞批殺詎賊既拜恩命卻不解甲復閉城門既而掩擊官軍虜殺提刑周格秀州守

臣趙叔近繼往招安復被拘留今又二十餘日矣是用朝廷招安之恩為款王師之計也兇徒變詐反覆一至於此可不痛泊之哉竊聞高士腫脫身賊營及趙叔近為其迫脅皆有奏請欲乞招安赦罪是又隨其姦計也倘可信哉又聞兩浙漕司財用已竭無以應軍前所須既決於捉殺則理當濟其窘急臣愚欲望睿斷特降指揮令前後所遣將兵疾速前去捉殺并乞依漕臣顧彥成所乞下發運司及兩浙東西鹽事司各以鹽錢逐急應付軍須卻令向後用本司錢撥還所貴剿除兇寇以伸國威他郡自爾不敢效尤取進止

論捉殺杭州鎮江軍賊劄子

臣昨論奏杭州鎮江府軍賊事乞朝廷措置施行臣曉夕思之若二賊止於閉城自守官軍疾速掩殺可無他虞蓋

橫塘集卷十

三

枕為二浙之腹心而鎮江為咽喉今二賊同惡皆據要地若不措置奏議措置上奏議閣上日滋从茲計愈多萬

一交通消息一日合謀而起則浙西諸州皆為賊所據矣

此在朝廷不可不深慮而早為之區處也兼訪聞辛道宗

下軍賊自到平江府吳江即肆焚劫比至本府城下守臣

初欲備設既而徇郡人之請必欲擊賊初戰雖敗繼能乘

城矢石交集奏議晝夜不息賊遂遁去使他郡皆如平江

則無可慮者聞所過常秀州皆厚歛金帛以為犒設而已

設有緩急果何賴哉今錢伯言已除鎮江府奏議無守及

遣將兵前去外惟杭州閉關八十奏議入上日一城生齒

若不從賊則皆垂死之命也而招降捉殺二說至今未決

欲望朝廷擇其一而處之毋使合謀而起為意外之變也

其平江府官吏能堅壁拒賊伏乞聖慈行下核實褒賞不

則養其夜來銳氣亦所以為列郡之勸也取進止

乞寬恤東南劄子

臣竊見三路及京東西州縣或為盜賊侵擾或為金人殘破戶口減耗賦入無幾今朝廷經費彌廣軍須亦復不貲當悉仰於東南但東南之民比緣府庫匱乏橫歛頻煩官吏貪殘侵剝尤甚今來若非盡革舊弊復加存卹則必破產流亡或盜賊羣起意外驚擾則無復耕桑之民以應公上所須矣豈不誤朝廷之大計哉前日敕令德音寬大而斯民未披惠澤選易守臣增置尚未就緒今來已是秋深所宜早見辦集臣愚伏望睿明深念國家計用之根本加惠東南之元元應敕書所罷後來上供採買及違法租賦之類並仰有司疾速報應結絕使實惠及民申戒監司郡守按劾姦賊寬其徭役使得安居盡力耕織以供常賦仍

橫塘集卷十

四

乞時降指揮督責守禦之備限在日近了當凡東南諸路

監司郡守尚有闕員去處並乞精加選擇限日赴官其沿

江近要害控扼處縣令巡檢縣尉見闕未曾注差去處並

乞令監司守臣公共選擇差辟及見任人內有不可倚仗

者亦乞令選擇逐急對移務在盡公不得徇徇其被移人

仍不理為過犯庶使儲糧練卒各務防守如此則東南可

以無虞而朝廷之用才可以無匱乏之憂矣取進止

乞救援順安劄子

臣伏視順安軍為金人圍城危急奏乞差軍兵救援并乞糴買本錢未聞朝廷措置施行又二狀為久闕正官亦蒙批送部依條差注竊謂邊奏告急乞兵救援及乞糴買糧草正在朝廷疾速應副豈可頃刻滯滯奏議滯下極邊州郡方當軍興係是重難去處今闕正官亦須破格立賞然

後人肯注擬若令吏部依條差注亦恐人不願就也竊聞河北並邊州軍若安肅廣信皆已陷沒惟有順安尚能固守不屆此宜朝廷特加獎勵若有申請尤當疾速施行今來二事或如常程文字或只付之有司不蒙特與措置豈朝廷果欲棄河北耶又本軍所奏城中芻糧向盡只可支持一月度至今日恐已不能固守兼得諸道路之言順安近已殘破若果如所聞則亦已矣不然更望睿明詳覽本軍所奏下三省樞密院疾速應副人馬糴買本錢及措置破格差官填闕免令一城官吏生靈盡為強寇殺戮驅虜也再若議和糴當以本錢為先契勘發運司舊有椿管糴本錢及出賣蔡京朱勳籍沒物產錢近併罷常平市舶二司在處各有見管錢除椿管免役雇錢外其餘及諸色並可撥充糴本取進止

橫塘集卷一

五

奏劾劉喜張士英強勒人投軍劄子

臣訪聞開封府祥符縣百姓朱謹被京西巡檢司兵士劉喜等四人擒拽強令投軍朱謹不從而四人雜獸之既而巡檢張士英仍令執縛拷掠至累百且誣以管買賊人衣物於是刺隸軍籍其母阿王訴其事而祥符縣推治證左甚明臣竊惟招軍著令一切取人情願昨者有司奉行失指市井騷然陛下嘗賜戒飭矣故近日不聞招刺之擾今阿王年六十九歲朱謹無兼侍此正母子相依為命者豈樂應募充軍哉而張士英乃敢違法箠掠而強刺之其困虐無告亦甚矣近在赤邑耳目所及若不懲戒則四方之遠慢令之吏可勝治耶臣愚伏望睿斷特賜施行取進止

奏劾令品劄子

右臣伏觀近降聖旨下河北東路提刑司取勘通判永靜

軍令品受贓不法事本司撥德州究治訪聞本州獄吏頗受請屬所鞠失實而追捕滋蔓擾及平民胥吏劉奕乃品之肘腋川事者就速信宿輒得罷遣而賈紗帛被科數者凡二百餘人越境就獄踰月弗釋此等皆無罪參對得情半月可辦何至繫留如許久耶是永靜之民始則貪吏漁奪之繼則猾吏拘囚之其困於無告豈不甚哉縱釋有罪而庶無辜仁政所不容也臣愚伏望睿慈特賜申飭應勾到干繫照證無罪之人並仰取狀畫即時放釋仍令所屬督促疾速依公結絕毋致出入人罪及暑月淹延刑禁則一方幸甚謹錄奏聞伏候勅旨

乞措置杭州軍賊劄子

臣契劾杭州軍賊比已招降今訪聞逐人雖已拜命尙閉城門未曾解甲仍得薛昂已有申請須候朝廷回降指揮

橫塘集卷一

六

方肯開門即未知薛昂如何奏請朝廷會未報應也竊原仁聖之意不欲進兵討賊正恐濫及無辜所以招降仍加爵命者蓋為一城生齒也而羣賊反側未安卻以待報為名故作遷延今閉門已五十餘日一城生齒饑餓狼狽日俟朝廷之報若不速賜撫循不惟失招降之初指竊恐淹久別致生事杭為東南重地而土風輕銳奏議易於從亂不可不慮也臣愚欲望睿明檢會薛昂所奏若只是乞放羣賊之罪招降之後有司不得殺戮則乞詳酌依其所請再降勅榜差使臣星夜前去開諭羣賊速令開門以救一城垂死之命實天慈終始之賜也訪聞鎮江府兵士王貴兩會入杭州城內下招安文字朝廷見議推賞若蒙速行賞典則所降勅榜或別有指揮只乞令貴再往杭州所貴疾速更無滯滯

乞招捉杭州軍賊劄子

臣契勘杭州軍賊以蒙詔書招降已拜恩命而不解甲復閉城門問緣陰霧輒出城戰破官軍虜執提點刑獄官訪聞秀州守臣復入招降即未見得後來如何奏報逆黨反覆如此神人所不容今求若已招安開城門在朝廷不欲失信當一切赦其罪惡不然所宜痛治以戒將來也提點刑獄官屯守城外乃為賊虜劫則其才略可知矣豈可復倚仗耶今杭州閉門已七十五日殺傷之外饑餓而死者已不勝其多生靈無辜誠可憐憫如秀州守臣不曾奏到招降次第伏望聖慈明詔三省樞密院即行措置如合批殺亦乞精選將卒疾速前去杭為東南都會其俗輕銳奏驅易於從亂今城門久閉援兵不至若被誘脅則皆從賊其勢益張為害大矣豈獨殺傷饑餓為可憐哉如拯奏振

續集卷十

七

溺救焚不可時刻濡滯也臣以言責既有所聞不免喋喋浼聖聽蓋事有不得已者伏乞裁擇速降指揮再契勘翟汝文昨會提兵渡江意在賊賊後聞朝廷招安不敢進兵竊慮本官已還越州若向在杭州城外乞降者皆依前降指揮審度捉殺或別遣將兵亦可令夾攻庶幾必於殄滅

論杭州賊劄子

臣今月初六日入對便朝嘗以杭州軍賊為言伏蒙宣諭已係趙叔近招安賊已開門出城詎臣遂不敢更有奏稟今訪聞軍賊十月二十日開每日開城門一兩時辰容人出入買賣自叔近入城高士瞻脫身出後賊遂閉門不復容人出入城中日為守禦之備至二十八日猶未開門如是則未從招降審矣第未知前日聖訓果得諸何人奏報係是何月日申發耶若係二十八日以後申發則降否猶

未可知也契勘軍賊初變係高士瞻建議招安仍申朝廷

不須遣兵深恐士瞻被虜入城今得出來尚復遂非只以招安了當奏聞不然亦恐叔近在賊營中為其迫脅有此奏報其實未嘗招安徒以此欺罔朝廷耳杭州閉城今將百日招討二說朝廷未能自決是使賊徒用招安之恩為款王師之計也杭州去行在四百里其奏報虛實皆不可考而羣兇猖獗一至於此中外孰不憤然今朝廷重於失信則乞速降指揮限日招安解甲開門不然則速遣將兵前去捉殺彼前者已拜恩命卻敢淹繫王師仍殺捉刑周格是師出為有名也伏乞睿明深念東南為朝廷之根本而杭州為兩浙之腹心若復淹遲不即措置則隣郡視效乘釁而起未易制也伏乞速賜施行取進止臣昨會具奏兩浙轉運司財用匱乏無以應軍須雖蒙朝廷應付其

續集卷一

八

數未多欲乞速降指揮下發運及兩浙監前作事司更賜支借應付窘急免致闕事及有借貸民間之擾臣契勘餉貲遜領鎗仗手二千人在杭州城外雖未能捉殺而賊徒頗畏之不敢出城作禍近聞江南東西路制置司欲欲向收貲遜所部鎗仗手還司深恐賊遂跳梁雖制欲乞朝廷速降指揮令餉貲遜之兵且在城外割寨聽候指揮

乞不招安建州軍賊劄子

臣訪聞建州兵變殺漕臣及二三命官見閉城門抄虜居民本州奏請招降自非出於迫脅當是循襲近例蓋招降之說乃一時之便宜奏議此句作方非止寇之良策也前日杭州之事勢非獲已今若踵而行之則是招神橫殺殺傷而逆賊反受命賞罰顛倒莫甚於此蓋自去秋福州兵變朝廷不曾窮治遂致江寧杭州相繼而作今日建州

設更招安則習以成俗此禍木易息也况福建鎗仗手自是勁兵可以殄滅顧朝廷用之如何耳臣恩欲乞聖慈詳酌不須別遣兵將只乞指揮本路鈐轄提刑司令糾集將兵及隣州鎗仗手許以厚賞疾速措置捉殺除首惡同謀之外其餘脅從更不究治此句下奏議有仍庶幾革招降之弊他州不敢視倣取進止勘編建路見今全闕漕臣既當軍需便合應付錢糧有本路提舉常平林適最有風幹近方減罷欲乞就便差本官權領漕事以俟朝廷選差正官前去仍乞速降指揮付差來人庶幾不致闕事契勘新差建州通判梁澤民向會從軍頗有謀略或未到任欲乞指揮催促赴任共同措置捉殺

論罷李景雲等除寺監丞簿劄子

臣仰惟神考肇新官制凡省臺寺監之官無有大小間劇

橫塘集卷一

九

皆極一時之選比年以來其選寢輕間有躐等濫進未足以副仁聖繼述之意者此不可不論也伏觀近降指揮迪功郎李景雲孫恕江大或以應奉有勞或以擬進御題試策各與改合入官特除監丞主簿驟從初等選人入為寺監之屬命下之日間者感焉今士大夫服勤州縣積累考任無慮二三十年僅得為郡守貳而睥睨寺監丞佐有終身不可得者孰謂初等選人姓名藝能素未有開考第薦舉猶未應格而遽得為之哉且應奉有勞近例止於改秩未嘗有為職事官者而擬試御題乃是在外著撰就使文字稍工亦非多士造廷親奉清問之比也而改官除職度越累朝勝首恩例其資緣僥倖遷進之速皆前此所未有也乃者卿監尚書郎或出於戚里勢家或係監當資序皆自宸筆簡汰尤濫且詔繼自今非應寺監丞以下不除

郎官少監名器增重士論悅服夫省漕監貳選格之嚴如彼而寺監丞簿冒進之易如此則是今日之冒進又將為他日之當得者矣澄源正本實在今日其李景雲孫恕江大一與寺監丞簿伏望聖明詳酌特賜詔罷改用真才以待卿監省郎之選且契前日手詔丁寧之意取進止

論常朝官不到劄子

臣伏見今月初七日行在常朝官起居班內有刑部尚書郭三益吏部侍郎周武仲錢伯言禮部侍郎朱勝非給事中王陶中書舍人劉觀劉珪諫議大夫王質俱不會到雖汴流多風舟楫進卻參差不齊然奉朝謁不可不謹也况艱難之時禮儀初創侍從之臣與國同體尤宜守禮以示四方脫或不然是不可以無罰也伏望睿斷明正典憲以為在朝者之戒取進止

橫塘集卷一

十

乞選差鄧州守臣劄子

臣竊見鄧州守臣兼帥京西南路自罷范致虛後未聞除人兼訪聞京西州縣累經殘破所在多闕正官重是權攝類非其人瘡痍之民冤抑無所訴且日虞抄奪誠可憐憫今若謀帥得人則可經理一路選辟官吏無循兵民屏除盜賊且邊敵騎況已是防秋之時豈可復爾稽緩不為一路生靈計哉其鄧州守臣伏望睿旨下三省速行選除限日之官取進止

橫塘集卷十

劄子

上修德劄子

臣聞堯以天下為憂不以位為樂也今中國勢弱二聖播遷而陛下纂臨大寶適當此時非止堯之所以為憂也思所以強中國思所以靖兵氛其說雖多然其大要則在陛下修德而已記曰為人君止於仁為人子止於孝書曰孝乎惟孝友于兄弟此皆修德之要也而以至誠不息為本故在陛下一語一言念必在茲一號一令念必在茲一賞一罰念必在茲以至於出入起居雖斯須一念未嘗不在茲也孔子曰言忠信行篤敬雖蠻貊之邦行矣夫如是則中國之安強可冀而二聖之來歸有日矣不然則念不在茲而誠意怠矣是以位為樂也故在言動則未必慎在號令則未必信在賞罰則未必當盜賊未消而邊鄙未服如是則中國之安強未可冀而二聖之來歸未有期也天下之愚夫愚婦尚不忍聞此言而況於陛下乎然則今日中國之安危二聖歸期之淹速乃在陛下一念之間耳臣愚伏望陛下戒之慎之始終不倦則何為而不成何求而不獲耶自古帝王憂深責重未有甚於陛下者則為陛下計宜如何哉天下願望如此而臣愚不敢不盡言惟睿明采擇取進止

橫塘集卷十一

一

乞令江寧府修城營繕劄子

臣伏見諸路州軍各修城壁涉時未久已有畢事奏功者獨江寧府最為要切守禦去處其修城役徒不多工程遲緩若不速行措置深恐後時猝難辦集又本府昨備巡幸

劄置宮室比雖詔罷而議者以為因陋就簡亦宜緝而成之况在祖宗盛時若河南大名修治宮室亦未嘗廢何獨於艱難之際而不為緩急之備哉其江寧府伏乞睿明詳酌精擇帥守或專委有風力漕臣悉心措置修築城壁撥移棟宇要在不擾而事辦朝廷仍加賜錢糧度牒以助其費是立近限以責其必成庶幾有備無患取進止

乞罷汪叔詹知太平州事劄子

臣伏聞徽州昨經方寇焚劫欲遷州城於近郊而其地褊淺且有版築之勞邦人大不便之今新知太平州事汪叔詹適有地介其間官哀投牒必欲遷之以為已利後為臣僚論列遂罷太常博士既而除提舉官復為言者所擊尋亦報罷謹按叔詹人物凡下無他才能且多過失頃除太平守超躡資級公論弗與也前日議者以沿江諸州皆控扼之地請精擇守臣太平既罷沈思宜得有能捍禦者代之彼叔詹者豈其人哉誠恐他日有關誤良山今日推擇之不早也其汪叔詹欲望聖慈特賜放罷別選能吏以補其闕取進止

橫塘集卷十一

二

乞罷招降建州軍賊劄子

臣聞建州兵變事昨日急於奏稟思慮未審其言有所未盡須至再具敷奏以備采擇臣乞更不招降祇令捉殺所召募鎗仗手預合犒賞考議其勇於入賊有功者亦合量借官資以俟奏功正授獲級者第賞仍令先次告報務從之人喻以朝廷寬貸之意以上並乞令帥臣監司公共措置仍許便宜施行契勘開城今已一月比及指揮到彼則又須一月不惟玩寇長姦而一城生齒日遭擄劫設或遲久則盡為賊誘其勢益張未易制也伏望睿慈詳酌速降

指揮令差來人星夜齋持前去以究仁聖軫恤遠民之意取進止

乞置揚州城外巡檢劄子

臣訪聞揚州城外累有盜賊剽劫殺傷人多憂患方車駕駐蹕天威所臨豈宜有此欲乞指揮相度城外權暫添置巡檢一二員使之部領兵級不佳警察其巡檢或難得人祇乞選差諸軍下隊將使臣之類取進止

乞涓日講讀劄子

臣竊觀三代之王所以治天下國家者必本於正心誠意其次莫如多聞故傳說之告高宗曰王人求多聞時惟建學事不師古以克永世匪說攸聞然則學問稽古者實帝王之先務也恭惟陛下紹隆祖宗之業屬茲艱難所以施於天下國家者尤在聖學蓋至誠以格物據古以鑒今使盛德日新聰明日廣則事至能應物來敢名以圖天下之治而成中興之業舉在於此矣祖宗舊制講筵多在便殿故官稱有崇政殿說書伏見已除講讀官欲望明詔涓日別筵俾之勸講取進止

乞別定扈從臣僚劄子

臣契勘本臺准東上閣門關車駕巡幸禮儀內一項依景德元年故事隨駕臣僚逐日都一班起居伏緣景德故事係是由陸以所至官府亭驛為行宮扈從臣僚一班起居於禮為宜今來東幸係乘御船而汴河堤岸最為狹小又有衛士甲馬擁集其間深恐臣僚逐日起居班列不肅若不預行申明則臣僚失禮在被彈糾臣愚欲望特降睿旨下東上閣門看詳參酌起居之儀務從簡易仰副仁聖御下以寬之意取進止

乞放京西路夏稅劄子

臣伏觀今年五月一日覃恩赦書節文應今來因金人所至州縣劫掠逃避人戶與免今年夏稅本臺近據淮寧府宛邱縣人戶蕭伯達等狀稱今年夏稅已係本縣引赦除放訖今來本縣承准轉運司指揮却令送納竊謂曠蕩之恩矜憫下民為賊劫掠有妨農業遂綱租賦寬其財力而漕臣不能上體陛下愛民之意尚復追征雖有司窘於財用而窮民在於矜恤豈可使朝廷失信於天下哉欲望睿旨下京西路轉運司應今年夏稅已引赦除放者不得輒有拘催以究仁聖及物之澤一方幸甚取進止

乞令宰執入內殿侍藥劄子

臣日來恭聞聖體微似不快臣為在外廷無由瞻望清光入問起居及未見得醫官所進是何藥餌若聖體今已全安祇乞於內殿稍避風冷衛養和氣或尚須藥餌欲望聖慈詳酌許令宰執政官常留一員在內殿看視藥物及御膳所進飲食因得常侍左右奉承聖訓或有所咨訪亦可從容敷奏取進止

乞展省試劄子

臣竊見去冬赴省試舉人來自遠方值京城被圍滯留道塗不敢前進久旅狼狽實可憐憫昨准指揮許令明年正月鏢院就試今來車駕巡幸駐蹕之所貢院窄小什物不備竊慮引試或致闕事欲乞許酌特降睿旨喻以國家艱難乘輿東巡之意所有尚書禮部引試天下舉人並仰別聽指揮庶使四方多士知朝廷旨意不致違行勞費取進止再臣竊聞議者欲就行在先引試東南諸路進士如此則是遂棄西北多士矣天下一體豈容偏舉理實未安伏

乞聖祭

乞罷後苑工匠劄子

臣聞天下之事有緩急其治之也有先後聖人常先其所急而後其所緩故事得其序而治功成矣今敵勢暴橫盜賊間作陛下宵衣旰食圖刷國恥節省浮費以應軍須可謂先其所急者矣至於工技之末作掖廷之所須此其事為至緩宜在所後而有司不知大體乃欲以承平靡麗之事而修復於艱難之時若賈誦所領後苑作准備造作生活工匠是也書曰不作無益害有益功乃成茲事雖小其於聖朝致治之功則為害甚大此臣所以味死須至上澗天聽也伏况東南製作甲於四方或掖廷有須臨時置買應手可辦正不必專置吏卒徒為此紛紛也平日耕桑之民死傷流亡之餘尚能竭力以供租賦者彼誠知國家之艱難而上體陛下之憂勤欲足兵食以安中原也故雖極勞瘁而不敢辭今若聞置官司破祿食以營技巧彼必歎息憤懣有不平之氣矣臣愚伏望聖慈深念賦入之耗減軍須之靡費凡不急之務悉詔罷去掖廷所尚宜示敦朴以革近世豪侈之習以成中興節儉之化夫豈不美哉所有八月二十一日後苑作差人吏工匠二指揮伏乞特賜寢罷取進止

橫塘集卷十一

五

乞根究發運司出榜劄子

臣訪聞京師汴河北岸有榜文曉示係江淮荆浙制置發運司劄子申請為京城富豪之家并無差遣文武官散江准荆浙乞差官下諸州縣抄劄到入戶各令歸業其文武官取旨遣竄仍籍沒家資八月二日奉聖旨依奏上件榜示流傳四出實駭觀聽臣以所聞未審昨日蒙恩賜對未

敢論列祇畧具奏知退而取會所屬官司及進奏官並不曾被受上件指揮今將傳到草木錄白頭連在前伏望聖慈特賜檢會如委有發運申請則乞詳酌速賜改正以安士民之心如是僞冒亦乞指揮下開封府速收榜文仍賜究治施行取進止

乞復轉對劄子

臣伏覩建隆詔書臣僚轉對並須指陳時政得失朝廷急務或刑獄冤濫百姓疾苦近制每遇文德殿視朝許侍從官二員轉對雖放朝亦許封進比緣朝廷多事輒廢不講方當國步艱難修舉政事之時而論思獻納裨益國家乃待臣之職也欲乞詳酌遵祖宗故事每月朔前後殿起居並許侍從官轉對或放朝亦令封進以副陛下虛己求言復祖宗成憲之意如蒙開納即乞降睿旨自十一月朔為始取進止

橫塘集卷十一

六

乞備兩京糧草劄子

臣訪聞東京近日所管糧草不多守禦之計所宜預備伏望睿旨下宗澤契勘合用人馬之數每月約支若干今來倉場見在可支幾個月其未足之數伏乞下戶部速與那撥綱運應副其應天府人馬全然數少理合增置其糧草亦乞依此施行庶使向後不致闕事凡此皆今日之急務伏乞聖慈時賜留神臣不勝懇切之至取進止

乞備兩京糧草第二劄子

臣今月初五日曾具劄子為東京所管軍糧不多乞令宗澤契勘合用之數下戶部疾速那撥綱運應副及應天府所管人馬數少若蒙分兵防守亦合措置約支務糧二事最為急切至今多日未蒙指揮契勘去年東京和糶實助

經費今來汴水向淺竊恐綱運艱欲乞詳酌令兩京措
置和糶或祇坐倉支錢則公私兩便及戶部那撥綱運應
副並望睿旨下所屬疾速施行或稍後時則不及事矣取
進止

乞催促修汴河劄子

臣伏見汴河近日頓淺往來舟楫悉皆阻滯竊聞魏樓等
處決口已發朝廷差都水使者安自求前去閉塞至今多
日未見工役次第若已就緒則河流自當通快今既淺澁
如此當是所差官吏怠惰不力全不上體朝廷急難之意
况隆祐太后朝夕東下而糧運綱船盡在下流未能前進
顯屬闕事伏望聖慈詳酌特降指揮督責限在旦夕了當
倘敢怠惰則乞嚴正典刑或恐兵夫不足則乞於鄰近有
役兵去處就便那撥應付或令和雇人夫多方措置要在
速辦此事最為急切伏乞睿明留神取進止

乞罷詹度赴行在劄子

伏觀昨降指揮前資政殿學士詹度發來赴行在中外聞
之莫不駭愕詳按度自為小官交結近侍夤緣僥倖馴至
顯途假應奉享上之名為竊撰豐己之事違法種種士民
類能言之一昨附會姦魁首開邊隙既帥定武尋易燕山
當新邊草創之時殘虐燕人搜求寶玉織組繅帛以為苞
苴車馳肩負絡繹道路既而新軍暴橫靡費不貲蕃將跋
扈已有異意而度恬然若不聞知帥閫乃朝廷之重寄而
所任如此安得無禍哉未幾金人南下藥師叛命中原擾
攘生靈塗炭皆度輩所致也言之可為流涕雖元惡已就
誅夷而度輩從竄遂永禦魑魅已為寬恩今若入覲行
在稍加任使則傳聞四方孰不憤嘆恭惟陛下始初清明

賞罰升黜蓋欲上全國體下當民心以成中興之業今度
何人獨蒙召遣是開邪枉之門而植愆倭之路也伏望陛
下正心誠意斥遠奸欺以示好惡於天下請自度始則海
內莫不忻然稱頌聖德矣所有詹度赴行在指揮伏乞特
賜罷罷取進止

乞差張瑱知和州劄子

臣訪聞和州境上數為盜賊侵擾有本州通判張瑱者廉
明有吏幹郡人愛戴之遂設方畧嚴守禦賊不敢犯比填
罷去賊遂破城縱火官府民居一日而燼瑱雖以年格并
知州資敘得請宮祠聞其精力未衰尚可為郡若朝廷以
和州兵火之餘欲擇守臣宜莫如瑱夫用人在乎因任而
已試得其成效斯可以無疑矣臣與瑱未嘗相識得諸士
論如此故輒以聞願賜裁擇取進止

乞應副兩浙漕司劄子

臣訪聞杭州軍賊未殄所屯諸軍保甲計日已久靡費不
貲而兩浙漕司盡所有以供億今已贖過至於借貸民間
以應軍須若更闕絕必致廢事本司曾奏朝廷乞那鹽鈔
錢濟如此窘急雖蒙朝廷應副其數未多欲望詳酌更下
發運及兩浙鹽事司那融應副庶免假貸民間之擾其錢
仍令本司他日撥還於鹽鈔錢實無虧折取進止

乞罷錢伯言知杭州劄子

臣聞自吳越錢氏納國至今一百六十餘年其子孫顯貴
甲於指紳然未嘗有出守杭州者於此以見祖宗防微之
意深矣杭州近闕守臣朝廷差吏部侍郎錢伯言伯言有
風幹若守他路無不可者惟杭州則非所宜且違祖宗故
事臣愚伏望聖慈特賜詳酌別選有才畧重臣以守杭州

或須人馬亦乞就便差撥仍令星夜兼程前去以拯一方
危急取進止

疏

論救李光程瑀疏

臣竊見近年以來臣下阿比務爲難蔽凡政事之闕失生
民之疾苦皆不導聞人朝廷所以養成前日之禍伏自陛
下卽位首開言路以通下情故侍從臺諫官獻忠諫對者
無日無之而陛下優容開納見於玉色此誠二帝三王之
用心也天下幸甚近者李光言事上忤威顏已降指揮落
職與小郡昨日又聞李光程瑀並送小處監當臣竊惟李
光程瑀皆以忠鯁敢言陛下擢置在言路先後建白皆蒙
施行識者方慶陛下得人以爲宗社之福今日偶緣思慮
不審所論未契聖心陛下憐其愚直諫其無他故李光與

橫塘集卷十一

九

郡而程瑀爲郎既正典刑斯亦足矣忽有後命竄之遐方
聞者愕然莫不震駭以爲陛下初政乃是求言納諫之時
孜孜詢訪委曲涵容猶恐人不敢言若一旦震怒併逐言
者則是杜絕忠義之日今後雖有見聞誰復敢言耶况今
元元困悴未被膏澤敵勢猖獗太原圍閉政事尙多闕失
小人敢肆欺罔正賴臺諫敢言指其姦謀以杜禍亂之萌
奈何偶因論議過差遽投諸荒裔耶記曰舜好問而好察
邇言隱惡而揚善蓋言舜於聽納之際善則揚之惡則隱
之不加罪也至於鯁亮有守見於已試者不獨不加罪深
宜爲朝廷惜之今李光程瑀一介小臣似不足惜而臣所
惜者在於朝綱之不振忠義之難得言路之梗塞也伏望
聖慈上念祖宗優容言者之意深鑒近年壅蔽之失三復
帝舜隱惡揚善之言曲賜開宥二人者特免違竄之罪李

光乞祇依近降與郡指揮而程瑀亦乞與郡於以養忠臣
義士敢言之氣以爲宗社無窮之計天下幸甚臣不勝惶
悚祈天俟命激切屏營之至臣職在論思苟有所見不敢
隱默然僭瀆之罪臣當萬死惟陛下赦之取進止

狀

辭給事中狀

准尙書省劄子奉聖旨除臣給事中乘遞馬發來赴行在
者聞命震惕無所容措伏念臣頃玷從班自取罪戾祇役
祠館屏迹江湖方二聖北狩旣不能竭節自効泊陛下中
興又未嘗奔走稍慶愛君雖切抱病何爲敢圖省錄首賜
召還而况論駁之職朝廷妙選若付畀得人則命令惟允
豈臣迂陋所宜當處伏望睿明洞照誠懼收還成命以協
羣言臣無任祈天俟命激切屏營之至臣見已起發前去

橫塘集卷十一

十

淮南沿路州軍聽候指揮謹錄奏聞伏候收旨

策問

試士策問

問昔者夫子以大聖人事業不克有爲於當時乃以其緒
餘傳諸學者其微蒙解蔽成就其器業者多矣載諸方冊
班班然可考也若言孝友則曾閔言政事則由求言文學
則游夏以至於貢宰我公西赤原憲之徒皆卓然見稱於
聖門者至於顏氏子其所以學於聖人與夫見於行事者
蓋不可得而詳考也其平居默然無異於眾人宜若愚無
能爲者而聖人獨稱其賢稱其學與其用舍行藏獨異於
彼諸子者何也豈言行見於外者爲可考而求諸內者爲
難言歟抑亦因其材而成就之者有異歟

問昔者夫子抱大聖人之事業不克有爲於當時乃以其

稍餘授諸學者其難疑答問其載方册今考其言若不和似然蓋言孝者多矣豈孝之道大不可一端而言歟抑亦各有所當歟雖然此特因二三子之問故聖人答之云爾至於曾子則不待其問而語之夫疑而問焉學者之事也不請而教宜聖人有所不爲然則孔子之於曾子其亦有意歟抑亦出於偶然者歟孟子曰事親若曾子可也又不知孟子之言與孔子語曾子果有異乎否也試考諸子所以問與孔孟所以言詳著於篇

問古者英雄之君當草昧之時其所以建功立業未嘗不本於得士然後可以有爲於天下夫秦漢尙矣學者勿復道至後世亦間有人焉劉備得南陽一書生遂據巴蜀拒吳魏苻堅亦得嵩山一匹夫而遂都長安滅燕涼雖其施設措置未能盡合於先王之道然功高一時名垂後世蓋亦有大過人者後之君子或鮮儷焉諸君子試考二子之所以告其君與當時之君所以任二子者其要安在其材畧孰短孰長其行事孰得孰失優劣之辨必有一言以析之者願預問焉

問迺者朝廷罷科舉闢學校以養士迪之以經術而別之以三舍其月書歲貢之法委曲詳盡絲秦漢以來未之聞也固足以繼志神考而比隆成周矣然嘗考諸周官凡士之欽敏任郵孝悌陸嫻與夫德行道藝皆閭胥族黨之所書其科目備矣其所以書則後世未能盡曉也故將徇其名耶則有三日不食人皆以爲廉士者將徇其實耶則又有出妻屏子人皆以爲不孝者然則閭胥族黨果何從而書之乎今月書行藝行於學校得人之效固已著見而無疑矣必欲舉成周取士之法行於鄉閭族黨之間則其所

書名實之際能無惑乎二者諸君講之舊矣盡以見告

宋 許景衡 撰

啓

賀崔少卿直躬啓

伏審拜命宸廷司刑卿寺除書四布輿議交孚伏惟歡慶
恭以某官高誼絕人清名肅物展也後來之矜式諒然先
世之風流抗斧兩河已著澄清之效賜環九棘益隆獎在
之私貳職以來於茲年於此上廣聖人好生之大德下俾斯
民不犯於有司茲用竣遷以昭不績矧清衷之妙簡豈再
筆之能淹行謝刑官徑躋法從某猥沿游舊以被眷存雖
慶謁之未前第欣愉之無盡

又代賀崔少卿啓

伏審被命中宸執憲大理盛矣聖心之欽恤屬乎賢德之

橫塘集卷十二

平反四方交欣萬古一嚮伏惟歡慶恭以某官學優詩禮
望重搢紳赫然家聲為天下之所慕繼其世業宜主上之
深知比由列棘之班特竣按刑之寄清威遠暨風行朔部
之山川和氣所薰喜動塞垣之草木兵農見於兼濟固固
至於屢空乘輅列城澄清已效推轂多士獎拔尤精煥新
渥以賜環豈時淹而侯駕再濡丹筆不失青袍在昔蘇公
嘗列用於中罰於今定國當益大於高門清議所同愚言
匪佞某猥沿冗陋嘗被甄收側聞除音額手增忭屬官有
日崇慶無階愧畏之私敷陳罔既

賀新守啓

伏審光被制綸榮紆郡紱涓日之吉開府云初凡在庇存
惟胥鼓舞伏惟慶恭以某官學繇清訓名重妙齡彼東
魯之儒生固知所畏雖北方之學者疇敢或先夙簡清衷

寢更煩使吳門父老悵熊軾之不雷慎亦士民喜虎符之
來鎮第恐追鋒之召弗容煖席之安進即嬰塗蓋德遠業
某猥沿屨陋早辱顧憐遜聞下車偶在外邑屬以負薪之
疾阻修維梓之恭愧悚之忱敷宣莫罄

賀郡守啓

伏審升華祕殿作牧近藩涓日之剛視事云始勝游未遠
慶等天上之圖書和風所薰喜動濟南之草木伏惟歡慶
恭以某官高才絕俗偉望在人讀書何止於五車落筆獨
驚於四座豈久淹於州縣果見擢於朝廷錦帳為郎早冠
六卿之屬繡衣持節遂分八使之權賢關總莅於諸儒冊
府擅榮於三至少年同志駸駸已著於先鞭回首榮塗櫛
櫛皆為其後輩獨安靜退孰測高明而況論譔職清藩宜
任重深憫里閭之愁嘆一蠲郡國之煩苛爰當暇時歷覽

橫塘集卷十二

陳述古來多士爭事業於青雲我獨得朋對聖賢於黃卷
較其所得孰與彼多養之既完蓄之必發歲聿云暮霜風
作寒願良食以自頤俾斯民之有望某猥沿末契早荷春
知悞慶牘之未前辱飛賤之首及其為感懼未易敷宣

賀永嘉郡守啓

伏審榮拜詔函進職延閣清衷妙簡侍從固已得人除日
播傳摺紳為之相慶伏惟懼扑恭以某官雄文絕俗偉望
在人曩由獎知亟踐清切援毫螭陛真惟言動之書掌制
鳳池光踐絲綸之美方挺挺以自立彼紛紛而謂何萬里
扶搖聊為六月之息一麾出守詎使三年之淹果疏持棗
之榮庸示賜環之意谷池塘之春草行謝醉吟指堦砌之
蒼苔即迎步武蓋撫遠業下副僉言某奔走塵埃等歲
月當休澤均於千里而編籍明在一塵道阻且長莫從謁

雀之賀書不盡意徒傾狗馬之心冬序云初氣候方凜願
為宗社善保宸輿

代鍾震謝石守啓

父為子隱雖聞往載之詳治本人情終賴至仁之造拜思
甚重刻感不忘伏念某賦才弗強得性尤拙偶釋鋤犁於
畝畝輒參韋布於校庠薰爾何知欲造聖門之圃與終焉
無得莫探學海之淵源上負義方居懷戰惕屬私庭之誥
誤繫公府以羈暫交舊滿前誰是解驂之客謗讒交作居
多下石之人足感動於旁觀况愛鍾於天性遂形尺牘仰
布寸誠雖納苦獲而弗知已非善遊然蹈水火而求免惟
在疾呼豈意矜憐特垂寬貸茲蓋某官聰明照物忠厚存
心簡在朝廷出臨郡國坐敷美政蓋嘗五月而報成雷養
斯民不忍一夫之失所敦崇風教樂育人材凡有所原實
勸為善遂令寒賤猥被保全敢不頌詠鴻私祇戴厚德邈
矣緹縈之孝幸繼前修惻然楊質之心敢忘後報

賀監司啓

伏審非命申宸出使南國政事屬諸賢者輿議為之翕然
伏惟某官陳義甚高樂善不倦妙齡秀發已優翰墨之場
偉譽權騰遂入英雄之設翺翺學省更踐師儒絳帳談經
析疑言於多士繡衣持節作師表於一方天眷滋隆物望
益重諒無暖席之頃即聞召節之來入據要塗發揮遠業
某江湖流落簿領侵尋趨賀未遑歡悰罔既

賀江南安撫啓

伏審誕敷帝制易鎮帥垣涓辰之剛開府云始截然一面
據江海之上游隱若長城寬朝廷之東顧敬傳四出清議
一辭伏惟懽慶恭以某官旣然高明見於施設兼吉甫之

文武足以憲邦敦郤毅之詩書某庸謀帥頭繇烏府得請
虎符豈誇畫錦之歸來正以夜衣而勤事潤澤在物千里
固已妥安精神折衝鄰寇為之遠邁惟其有備而無患是
謂不戰而屈人維建業之名藩總江東之屬郡兵民在重
守將才難僉言必惟其人請觀已試之效恭惟成命斷自
清衷而况獻替謀議有古人之遺直進退出處為多士之
美談授鎮諒不淹時賜環即聞嚴召雲香專席豈惟耳目
之官廊廟庶歌即豫股肱之喜某蒙恩舊矣聞命躍然屬
猥役之拘縻悵崇閣之綿邈莫遑參慶第劇馳情

賀鄧樞密啓

伏審渙號在廷茂恩進律密毗三事之貴峻登一品之崇
傳聞邇遐聳動觀聽伏惟慶慰恭以某官致知格物以道
事君父子擅名於搢紳世濟其美弟兄接踵於廊廟人以
為榮擢自聖神進總樞筦包干戈而不試置海寓於太甯
維彼西戎尙勤遠畧偏師順動醜類掃平節制曲盡於毫
釐報捷不淹乎晷刻維持久大之業輔成道德之威逮此
酬功濃於慶賞豈惟制勝連籌帷幄之間行見登庸躋民
仁壽之域中外屬望朝夕為期某流落江湖侵尋歲月仰
恩憐之甚厚聞播告而躍然屬以拘縻莫陪燕雀之賀永
言嚮頌何勝犬馬之心

賀何門下執中啓

伏審顯被除書榮升左省聞者
得賢洵士民之被澤維時帝簡
某官有王佐之才任天下之重
天心咸有一德進斷國論於今
大厚風俗懋昭偉業不見太平

之政曾未乾於詔墨已游拜於恩綸惟其從容以和故能
出納惟允贊元斗極實參喉舌之司正席台躋位有鈞衡
之命坐令動植盡出陶鎔某猥以孤生承茲寵庇雖塵埃
州縣居恨迹疎而貧賤姓名每蒙齒記側聞峻擢實忭鄙
悰莫伸展慶之區區徒極望風而眷眷

代賀何門下啓

伏審光奉制書洵加恩數睿哲念舊雖久而益隆摺紳命
言前此所未有伏惟歡慶恭以某官潛心道本為時儒宗
華開早藉於先朝素學進禱於元聖觀伐木之作蓋未嘗
不須友馬暨命說之初其已有大過人者為上為德非公
其誰比繇天官入贊國論日常勤於三接歲或至於九遷
禮意夫復何加宸極猶以為未載升峻秋用示眷懷仰惟
終始之恩必極任屬之重攀麟附翼是為千載之逢當軸
秉鈞行須百揆之拜天下幸甚人心同然某比荷獎知叨
升侍從嘉與動植均被陶鎔屬遠守於帥垣阻稱慶於鈞
屏惟是欣誦未易名言

又

伏審肅侍鑾輿載臨龍德眷惟舊學式煥新恩實千載之
難逢極一時之榮遇伏惟歡慶恭以某官文高典冊各重
摺紳蔚為廊廟之儒臣時乃聖神之德友顧初潛之所在
宜上心之不忘千仗翠華傾臣民而就日一聲清蹕覺池
苑之生春慈慈瑞氣之襲人恩歷舊游之在日歲律屢易
治既格於承平宮僚幾人公獨居於左右是宜渥澤特峻
華遷方將疇咨登庸爰相坐使照臨之內一歸陶冶之中
仰合乾行永熙帝載某猥沿孤進最荷曲成恭聞除音增
并日惻念坐縻於外寄阻拜慶於下風瞻啟鈞庭卑情不

勝傾倒之切

賀何彥時啓

伏審拜命大庭升榮東觀職是論著豈惟一時文字之工
卓然才能乃是異日公卿之選光生臺閣喜動摺紳伏惟
歡慶恭以某官天資高明德度宏遠詩禮早傳於家學猶
有異聞父子並受於聖知斯為榮遇比枝離於祕府俄退
伏於倚廬既御祥琴遂參史筆多士畏仰能仕蓋本乎教
忠萬里奮飛銜訓即期於嗣事清議所屬斯言不誣某猥
以迂疎久於庇賴莫前參慶第劇欣愉

代賀康漕啓

伏審對揚黼座祇拜恩綸陟書殿之榮名申朔方之成命
凡繁庇賴舉切忻愉伏惟歡慶恭以某官風采照人文章
絕俗熙甯庠序躋居俊造之先大觀朝廷蔚有謀猷之助
先職河圖之清切出臨使部以按廉緩靖一方覆育多士
兵民足食已寬宵旰之憂車馬來朝益峻褒陞之數矧惟
麗正上直奎躔凡清秩莫尚於茲非名儒不可以處飛鸞
幹緇烏可久於漕臺揚藻擄華行入趨於司禁士論所屬
愚言不誣願以舊游方假餘照念繫官於邊關阻修慶於
寶閣永言頌瞻實倍倫品

賀少保樞密啓

伏審孚號明廷進位亞保總籌帷之機密參鼎席之尊崇
凡在陶融惟得鼓舞伏惟歡慶恭以某官膺天之任逢時
有為周旋一紀之餘拱揖羣公之上式是百辟實惟樊侯
憲於萬邦孰先吉甫基名鳳沼制勝斗樞老成實重於典
刑折衝不越平樽列協贊聖治已臻庶績之咸熙布宣皇
威豈止四方之無侮於昭德烈克對寵光矧惟寅亮天地

之官時乃左右輔弼之任武公宏化式隆若石之瞻常輔
處中方倚巨川之濟諒惟詔册近在浹旬夷夏屬心指維
傾耳某早滯塞薄最辱知憐僻處江湖莫修慶誦嘉與動
植均破生成瞻望鈞庭下情無任

送沈郎中啓

伏審光奉朝恩言還帝闕解東甌之印綬政已告成望南
浦之旌麾人皆戀德恭惟某官承家文采奕世聲名錦帳
分曹爛矣郎官之宿繡衣出使廓然刺史之天均逸名城
正緣色養父老方歌於來暮漁樵俄結於去思春草池塘
悵莫資於吟咏蒼苔階砌方有待於步履進即清除益擴
遠業某夙遊門下方爾里居屬以負薪之憂莫綴琴瑟之
列春序云半氣候尙隨山川悠然徒馭勤止願爲宗社益
保寢興

橫塘集卷十二

七

代賀范郎中啓

某官出自故家夙推賢業錄微契於疇曩况函翰以勤渠
故躅已遙徒追懷於舊德素風未泯幸獲際於詰郎欣
之私敷陳莫既

代賀林兵書啓

伏審進位夏卿兼官天府詔語滋渥士論所歸伏惟歡慶
恭以某官文采承家聲名益世摘藻西掖專機要於五人
視草北門追詔命於三代雍容議論貫穿古今妙簡清衷
遠聘絕域肅將君命皇皇使者之華坐折姦謀寔有
王臣之節惟帝畿所治者千里而司馬實統於六師非有
一時之茂勳敢當二者之重任張趙方宜配美吳李曾何
足言維時樞衡之嚴猶有虛席曾見夢卜之命敷告在庭
中外所期祝嘏之切某叨塵法從遠守塞垣帳展慶之莫

前徒朔風而增抃

賀致政薛老啓

伏審光奉渙恩進陞美秩里閭增重杖履有光伏惟歡慶
竊以仕非爲貧蓋欲行義老之將至則思引年此君才出
處之常亦人臣進退之義比觀士習寔失古風耽祿志歸
以一身徇物或青霄得路方日踰於危機或白首投荒猶未
離於罪籍死生契闊妻子散離雖富貴初樂於平時而憂
患難堪於晚節得不償失辱多於榮彼聞高風不無甚愧
某官所操爾約陳義甚高生逢盛時力辭美仕不顧僮來
之軒冕徑尋歸去之田園林下一人而今始見人生七十
於古亦稀而况優游琴樽左右孫子風波遠矣無可畏之
簡書里社依然有必恭之桑梓凡人未見一可而公獨能
兩全不有得乎豈能如此屬真人之御歷草慶養以在人
雖曰退休亦均渥澤不獨俯優於耆舊蓋將少激於貧窶
凡與見聞舉皆欣躍願惟屏陋夙被眷存方抱憂衰莫伸
燕雀之賀永言嚮頌何勝犬馬之勞

橫塘集卷十二

八

代賀許觀文啓

伏審誼孚渙號榮拜茂恩陟祕殿之隆名峻雷都之重寄
傳聞遠邇聳動搢紳伏惟歡慶恭以某官有王佐之才任
天下之重持循一節翊戴五朝忠言嘉謨四方之所傳誦
仁心義問多士以爲依歸頃辭政機得請宮綸綏懷強敵
坐折奸謀約束洪河俾無怒溢上寬憂顧屬我老成恭聞
詔音實慰民願擁兩河之和氣溢全魏之歡聲矧聖賢方
急於經綸而民物有待於康濟眷樊侯之在外式過其歸
嘉傳說之欽承爰立作相當使照臨之內一歸抃治之中
公議所期斯言可必某猥滯疎薄風荷眷知屬假守於邊

州阻祗慶於鈞席惟是欣頌未易名言

賀夫唐彥啓

伏審光被澳恩躡升華序伏惟歡慶恭以某官寓武於文
作忠以孝力戰西陲蓋嘗一月而三捷論功北闕庶幾閱
歲而九遷喜溢廷閣光生壁壘亨途發闕遠業可量某屬
縻簪書阻慶齋閣顧寸懷之增喜非尺紙之能宣

代賀林顯謨啓

伏審光被制書載升延閣任賢樞筦允為廊廟之名臣進
秩庭閣是乃朝廷之盛典除首始下輿議交孚伏惟慶慰
恭以某官育德直方父材宏博兄弟探履有先世之風流
文章流傳為後學之師法踐揚中外茂著事功上被一人
之深知獨號五朝之舊德屬慶嗣登延於右府而祗職特
峻於西清是謂異恩式昭盛事矧當君臣干載之遇必極

橫塘集卷一二

九

父子一門之榮帷幄運籌已克承於舊物屏風隔坐豈專
美於古人召擢之期倚立以俟某恭聞成命屬守邊州雖
慶講之未前第欣愉之罔斁

賀張幾仲啓

伏審榮拜朝恩欽承天詔再畱北道謂謀帥實罕其人進
直西清蓋念公久勞於外歡傳夷夏鼓舞兵民伏惟歡并
恭以某官德宇清深天機駿發異藝從政兼孔門二子之
長文武憲邦具周室總戎之美爰知仁聖出鎮河關外護
百城指形勢於掌上旁制強敵得動息於目中人材各引
其所長吏事無細而不舉惟其履履忘倦政自恢恢有餘
措疆場於安妥寬朝廷之憂顧曩繇春獎亦既借雷殆至
七年之施倘護一方之寄並推異數斷自清衷彼瑄秩賜
金雖有守臣之故事然受鉞分闕未聞成命之再申洪惟

元功獨出前古告成於上當錫誓於山河式邁其歸即摩
歌於廊廟某海隅賤士門下庸流犬馬戀軒忽焉再歲燕
雀賀度敢後此時屬狼狽之坐廉悵願言之未獲其為悚
惕未易殫敷

代賀蔡顯謨啓

伏審拜恩中禁進職西清詔目四馳士論胥協伏惟慶并
竊以新外朝之寶稱儲先帝之聖謨倬乎雲漢之章煥如
龜洛之出莅職於此其人可知乃有英才來符睿選恭以
某官才高華胄名重妙齡探術業於聖門謹義方於公家
他日獨立常趨學禮之庭三年一飛遂奮冲天之翼比淹
書局密簡宸衷載升延閣之榮躡處從班之首而况對宴
閒之玉色奉講讀於金華蓋能任木乎教忠而銜訓可以
嗣事君臣干載之遇從古罕聞父子一門之中於今為盛
某早沿涼薄嘗荷眷知側聆新除倍欣鄙抱屬塞垣之有
守慶台席以無階愧畏之私敷陳罔既

橫塘集卷十二

十

橫塘集卷十二

宋 許景衡 撰

啓

余待制賀正啓

鳳曆自天端示歲時之始鷄圖在戶亦爲風俗之常恭惟
某官陳義甚高樂善不倦禁塗持案受一人之眷知海國
分符真千里之師帥柏葉旣伸於壽祝茅茹方慶於乘征
賜環言歸指日可待良深忻忭曷旣敷陳

提舶蔡學士賀正啓

伏以歲元肇始蓋禮交樂舉之時陽德浸亨有小往大來
之吉恭惟某官文華絕俗風采照人漢法備於三章允資
潤色蠻琛來於萬里暫屈總臨茂對新春坐磨純嘏柏葉
已稱於壽祝茅茹方慶於乘征超升之恩倚立以俟某屬

橫塘集卷十三

縻簿領阻造門閣下情無任忻頌之至

提舉張大夫賀正啓上詞 同前

某官精忠許國美利在民茂對三朝柏葉方傾於壽祝前
趨一節茅茹行慶於乘征進據要華以就施設某備員屬
部遠迹使臺狼沿簿領之拘縻莫緞門閣之慶謁下情無
任祝頌之至

運使修撰賀正啓上詞 同前

某官誠心及物德望在人善遇吏民得部刺史之體不遺
故舊有古君子之風

判府陸中丞賀正啓上下詞 同前

某官忠嘉體國豈弟在民擢總臺綱凜然先輩之風采屬
意人物允矣大臣之規模

上運使陳龍圖賀正啓

鳳曆自天端示歲時之始鷄圖在戶亦爲風俗之常恭惟
某官東南偉人搢紳先達職清遠闊是爲要顯之階德重
外臺尙施刺舉之任屬三元之肇序宜萬福之來同卽慶
賜環遂班持案某方縻簿領阻拜門閣敢持咫尺之書仰
祝百千之壽

張提舉王提茶賀正啓上下詞 同前

某官忠孝承家果毅從政南閩刺舉善譽固已翕然北閩
褒延異數屬諸賢者

翁修撰賀正啓上下詞 同前

某官朝廷倩人搢紳先達職清東觀方新論撰之榮任重
南閩再總轉輸之寄

建州判府蘇待制賀正啓上下詞 同前

某官東南偉人搢紳先達剖符南國甫當報政之期持案
西清式遂承顏之寵

汀州知郡建州通判賀正啓上詞 同前

某官風采照人文華絕俗南閩剖竹茂宣豈弟之風北閩
賜環行拜褒延之寵屬三元之肇序宜萬福之來同某猥
以陋修缺然慶謁其爲祝頌實倍品倫

賀正啓

伏以鳳曆自天端示歲時之始鷄圖在戶亦爲風俗之常
恭惟某官世德在人天才絕俗握蘭中省早膺上聖之知
分竹南州特峻一方之寄履茲令且密介繁禧某屬以居
開阻趨慶謁是爲祝頌未易敷陳

代人賀正啓

肇元歲始蓋禮交樂舉之時觀象泰亨有小往大來之吉
某官高才絕俗俊望在人抗斧列城暫奉將輪之寄賜環

清某行躋侍從之聯茂對令辰坐擁休祉某竊官末局言
庇使封敢沿尺牘之書仰祝百千之壽恭惟陰相符此願

言

上判府陸中丞賀冬啓

伏以七日陽來故受之復五雲物色以望而書恭惟某官
造道精微執德洪毅正色獨立糾肅百官至誠不欺師帥
千里謙論既亦明驗清衷益當見思屬茲至日之長即拜
自天之命進位廊廟均福生靈某荷眷門墻縻身簿領莫
前參慶徒劇頌瞻

運判鄧學士賀冬啓上詞

某官豈弟在民忠嘉體國道由寓直英俊樂與並游閩嶺
轉輸兵民爲之兼足屬剛陽之寢長與盛德以俱亨召擢
之期倚立以待某猥沿屏陋實荷庇存方祇役於簿書阻

橫塘集卷十三

三

參慶於塘屏其爲祝頌未易敷陳

提舉張奉議提茶詹大夫賀冬啓上下詞

某官豈弟在民忠嘉體國金閨通籍擅倬譽於公朝繡衣
秉輅凜清威於屬部

乘輅凜清威於屬部

蔡提船賀冬啓上下詞

某官望重南州職清中祕衣繡抗斧有使者之光華平市
上旌紛遠人之嚮慕

上旌紛遠人之嚮慕

興化權郡孔朝請泉州權府李奉議賀冬啓上詞

某官天資高明吏事精敏金閨引籍擅倬譽於搢紳卓蓋
臨民凜清威於郡國屬剛陽之寢長與盛德以俱亨召擢
之期倚立以待某託身冗散邀庇鄰封方爾拘縻缺於參
慶其爲瞻頌實倍品倫

慶其爲瞻頌實倍品倫

運使翁修撰賀冬啓

伏以緹室飛霞慶陽剛之肇復繡工績織知愛日之初長
恭惟某官天才不羣宸衷彌寵肅將使指三聘帝命之中
嗣奏歲功七更雲物之瑞屬茲道長宜與時亨進班侍蒙
之榮益據及物之澤某荒唐無取庇賴有歸方爾拘縻缺
然參慶雖竭誠於祝頌猶愧訥於形容瞻望台庭下榻無
任欣悚之至

運使陳龍圖賀冬啓上詞

某官天資高明人望顯赫西清峻秩尙淹持斧之行南至
令辰宜擁自天之祐倚須嚴召進陟從班某久荷撫存屬
茲縻繫捧觴稱壽雖有阻於奔趨拈紙寓辭寫無窮之祝
頌

頌

陸中丞賀冬啓上下詞

某官名重本朝才高當世霜臺執法暫辭耳目之官玉殿

橫塘集卷十三

四

廣歌行預股肱之喜屬書雲物茂擁天休

提舉張大夫提茶王大夫賀冬啓上下詞

某官陳義甚高樂善不倦繡衣出使方宣持斧之威華袞
推褒行被賜環之召屬書雲物茂擁天休

余待制賀冬啓上下詞

某官德在羣黎名高法從承宜郡國已看鼓舞之兒童庶
載廟堂行見後先於伯仲屬書雲物茂擁天休

提船蔡學士賀冬啓上下詞

某官忠孝出於天資辭翰本諸家學錦衣故里赫然持節
之榮華袞言行美矣賜環之召履茲令序密介繁祉

汀州知郡大夫建州通判大夫賀冬啓上詞

某官體國忠嘉愛民豈弟千里安堵咸歸及物之仁萬葉
滋萌宜享自天之祐倚須召節進陟要塗某託庇實鄰偶

拘賤役莫追稱書第劇馳心瞻望門闌無任祝頌之至

上運使陳龍圖賀冬啓

至日之時方候陰陽之定卦爻之復遂觀天地之心恭惟某官厚德鎮浮至仁及物西清寓直英雋樂與並游南國轉輸兵民爲之足食履茲令序密介繁禧某猥以辱微概於庇覆屬拘賤職阻詰崇閣

翁龍圖賀冬啓同上詞

某官厚德鎮浮至仁及物河圖入直英雋樂與並游閩部轉輸兵民爲之足食

李提學賀冬啓同上詞

某官重德鎮浮懿文華國出將使指多士已被於作成入副簡求上聖方資於獻納

張提舉王提茶賀冬啓同上詞

橫塘集卷十三

五

某官厚德鎮浮至誠格物出將使指屬部已被於澄清入副簡求上聖方資於獻納

建州知府蘇修撰賀冬啓同上詞

某官庠序宗師朝廷元老揮毫聽殿文采固已絕人分竹闕山豈弟見於善俗

福州判府陸中丞賀冬啓同上詞

某官厚德鎮浮精忠許國烏臺抗疏風霜已肅於茲回虎節偃藩錦繡有光於閩里屬剛陽之來復與盛德以俱亨卽慶賜環進躋要路某負緣猥職奔走外郊不獲奉觴祇前稱壽

汀州知郡李大夫賀冬啓同上詞

某官陳義甚高樂善不倦承流千里謫問襦袴之歌入觀九重行拜絲綸之寵履茲令序密介繁禧屬以拘賤缺然

慶謁永言賸頌實倍品倫

建州通判李朝奉賀冬啓同上詞

某官賢臨一時名重多士貳車淹德方播海沂之歌三節追鋒行拜宸綸之寵

賀石司諫啓

伏審拜命宸廷升華諫省伏惟懽慶恭以某官山陰秀傑江左名家文章出於天才議論當於上意南臺簪筆獨推執憲之威右省露章而有敢言之氣眷七人之在列乃一德之明揚前拒獸尊蓋臨大節爲難也進瞻龍袞夫豈小補之云哉方振迅於要塗行躡躡於從藁益據賢業光輔聖朝願已拙疎遠依庇賴屬塞垣之有守慶賓庶以無階惟是忻愉實倍倫品

代賀陳禾張義直兩正言啓

橫塘集卷十三

六

伏審光被制恩榮升言職伏惟歡慶恭以某官賦才彌邵養氣至剛頃繇主上之知遂膺天下之選凜然風采早參三院之游盛矣宸廷密次七人之列方激昂於要路行擢任於榮塗光輔聖朝益奮賢業願惟疎薄方此瞻依屬假守於塞垣阻滯於賓席惟是欣懽未易名言

代賀某

伏審祇奉詔恩榮升言職聞者相慶翕然一辭知朝廷之用賢宜士民之被澤伏惟懽恭以某官天資爽拔經術修明擢自聖知寅之要路豈碌碌自汨於流俗方挺挺迫配於古人議論雍容啓沃開燕蓋君子常惡言以爲直者則仁人之爲利豈不溥哉服身之威已超騰於三院補袞之闕仍密次於七人矧日侍於清光行併推於異數屬臨邊闕阻慶賓閣欣誦之深敢陳罔既

賀翁修撰啓

伏審光奉制恩榮升論誤訓詞甚寵清議交孚伏惟慶非
恭惟某官忠孝本於天資詩禮傳於家學少年庠序文采
爛然一時弟兄聲名藉甚受知上聖出刺南閩霜臺嶽振
於紀綱畫錦獨榮於鄉黨環千里部封之廣如在日前總
入州賦調之繁運之掌上於昭偉績密簡淵衷列職西清
已峻河圖之直摘文東觀重增使節之華矧異數之相仍
如百川之交湧行慶褒延之詔人躋侍從之聯多士所期
斯言可必某蒙恩優渥聞命歡欣祝頌雖陳敷宣罔既

賀梁修撰啓

伏審光被茂恩超升華序除音始下與頌交騰伏惟歡慶
恭以某官名重搢紳才周事物將漕朔部已足食於兵民
弭節常山方折衝於擢俎屬河渠之報政渙綸紵以疏榮
雖聖孝格潤下之祥實賢德有赴功之助劉向都水之政
已謝前開千秋富民之封方須遠業某承乏帥闕託庇使
臺雖慶謁之未前第欣愉之無斁

代賀梁修撰啓

伏審賦拜詔恩升華書殿河濱父老慣迎使者之車朔部
山川復見漕臺之節凡繫庇賴舉切欣愉竊以麗正爲官
舊兼書詔本朝正秩惟寵忠賢身雖遠於闕庭職獨倚於
禁省凡預此者莫非傑然恭以某官聖世偉材和門名貴
自任古人之重上當明主之知一與選掄寔更要劇漢使
都水嘗道河於二渠禹跡隨山乃爲壑於四海洪惟遠略
克繼前修維時晴庸是宜因任畀之撰述委以轉輸豈惟
儒者之榮實曠使權之重飛駕輓粟嚮勞講畫於邊郵經
體贊元行冕後先於伯仲某幸沿圖寄遠借德辨念展慶

之未遑徒係風而增企

代賀鄭資政啓

伏審顯頒中制光被茂恩虛席鴻樞雖重達於勤請疏榮
融殿仍俯極於優褒伏惟歡慶恭以某官卓然之才輔以
所學少年庠序聲稱固已絕人一門弟兄文采皆可爲法
頤山君命亟踐要華西府判花繹溫言而作命北門視草
贊樂育以成書屬疇咨於明廷爰圖營於巨德除音已布
憑懇固辭俾使琳宮而奉朝仍侍金華而勸講上非得已
始徇至情士之有知舉高清節然蓄道德之富則貴乎兼
濟任將相之重烏可以小嫌愚數前修固當效吉甫之盛
也敢求一德尚庶幾伊尹之幡然士論企同天意有待

代賀盧中丞啓

伏審拜恩宸廷進職憲府除音一出歡頌回騰伏惟慶慰
恭以某官養氣至剛造道自得發揮六藝之淵懿貫通百
家之支離親邁盛時職升要路總臨殿省六尚居服御之
嚴樂育儒宮三舍復實輿之盛蓋使人有君子之器故得
賢立太手之基協贊聖功前追古治惟時專席實長南臺
正百度於朝綱論一時之人物尤爲妙選斷自清衷風采
所臨觀聽皆聳朝廷執法暫須耳目之官廊廟廢歌行豫
股肱之喜清議所屬斯言不誣某猥以拙疏嘗叨游舊雖
聞命而喜甚願展慶之缺然永言傾馳未易敷述

代賀兵部吳執中侍郎啓

伏審拜恩天陞貳職夏官詔語推褒士論欣懷伏惟歡慶
恭以某官賦材強濟植操端方以忠勇結主知以儒雅飾
吏事請報歷試所臨有稱仰惟淵衷每慎中臺之選就加
寵數遂躋從室之榮矧掌國之五兵員佐時之九伐天聲

橫塘集卷一三 七

橫塘集卷一三 八

遠暢方資文武之才國論所咨行有謀猷之告某猥臨賜
闕坐遠崇閱愧祇慶之莫前徒馳情而彌切

代賀禮部李侍郎啓

伏審光膺帝詔榮貳秩宗大賢序遷多士誠服伏惟歡慶
恭以某官學優聖闈名重賢關在昔元豐首像英才之教
育逮茲大觀輔成聖學之光明會日月之幾何已清虛之
應踐惟是文昌之妙選獨高宗伯之亞卿式相神人尤重
寶祭執事郊廟已對越在天之靈東國樞衡常潤色繼志
之政超進之拜佇立以須某猥以空疎還借輝潤未從慶
謁之列莫量頌頌之私

代賀何學士啓

伏審被命嚴宸進職東觀伏惟歡慶恭以某官摘文早歲
擅譽盛時歧德履於前修謹義方於左省他日獨立嘗趨
學禮之庭三年不飛俄奮冲天之翼論著乃其漸也清切
蓋有待焉經體贊元方君臣千載之遇銜訓嗣事乃父子
一門之榮超升之期倚立以俟某備官寒闕荷眷慶聞
成命之誕頒劇私心之欣躍尙藉趨賀徒切瞻依

代賀吏部慕容侍郎啓

伏審光膺帝制進貳天官除目四傳輿情肯協伏惟歡慶
恭以某官自任以古人之重躬行爲學者之師亟被眷知
寢邀寵渥揮翰西掖遠追煩悉之書論兵中臺作成勇果
之氣眷惟小宰榮絕文昌激濁揚清大振一時之風俗崇
德黜惡實爲多士之權衡得賢者處乎其間則人材可以
無慮分二銜之掌方推藻鑑之公歌庶事之康行豫股肱
之喜某備官遠守竊照餘光展慶未開傾仰彌切

代賀侯侍郎啓

橫塘集卷十三 九

伏審光膺帝制進貳天官士林有光省闈增重伏惟歡慶
恭以某官淮海之傑庠序所稱筆陣堂堂坐御萬夫之敵
談鋒落落遂令四壁之空十年周流江湖之間一日自致
雲霄之上代言西掖富於文華論駁東臺好是正直眷惟
小宰榮絕文昌激濁揚清有補一時之風俗尙賢黜惡實
爲多士之權衡自昔不輕畀之於今乃屬賢者除音始下
輿議交欣甄拔人材公嘗以此而自任進斷國論上方有
意於仰成願惟卑庸實借輝潤屬紳垣之有守造賢應以
無階慰抃之深敷致難盡

賀戶部洪侍郎啓

伏審光膺帝制進貳地官除目四傳輿情肯協伏惟歡慶
恭以某官懿文照世榮問動人頃繇眷知薦更任屬抗斧
出使利澤被乎兵民授鉞開藩威聲攝乎寇敵願分外奇
未究壯猷惟神考釐正於文昌而國用獨專於民部平居
之論每難其人既屬高才夫復何患上資邦計賦不益而
用饒下叶民聲財有餘而頌作懋茲嘉績簡在宸衷廟謨
方俟於贊襄省闈豈追於淹久式符公議何獨愚言某適
綴守符阻慶賓席惟是嚮往未易名言

賀翁侍郎啓

伏審顯頒帝制擢貳地官侍從惟賢朝廷增重伏惟歡慶
恭以某官學周今古名重播紳昔者傳聞已見九齡之有
作得諸談笑尙期七步之成章頃繇眷獎之殊存應輸將
之寄心計綽有餘裕意匠舉無不能坐振臺綱稜稜使者
之風采區處人物凜凜大臣之規模十年於茲七閩兼足
眷惟版部實總邦財願在廷豈無人哉而裕民莫如公者
賜承命載路權謠倚慶司徒之成功進登宰宰而制

關中粟腐不獨前問地上錢流請從此始某天涯冗吏門
下散村猥沿覆庇之私曾冒薦論之寃恭聞榮拜倍悵感
懷屬以拘縻阻於慶謁瞻望台庭下情無任

代賀工部賈侍郎啓

伏審光膺帝制進感冬官凡豫見聞舉皆欣爽伏惟懼慶
恭以某官才高世胄名重相門能任本乎教忠衍訓可以
嗣事被眷宸展贊治帝畿聰明過人滯務貪於一掃公恕
及物清操至於屢空豈惟賢業之不羣抑亦聖朝之盛美
宜峻文昌之擢徑躋從蒙之榮水土惟修上贊九功之敘
廟堂致理卽歌庶事之康時乃輿言願非私禱某竊官關
塞方爾拘縻企首門墻尚稽慶拜惟是欣頌未易名言

啓

朱 許景衡 撰

賀吳吏部啓

伏審光膺帝制入冠省曹高才躋遷多士推服伏惟歡慶
恭以某官英發先達聖時偉人高明益本於天資強敏遂
出爲世用緇衣出使上禪六府之修錦帳爲邸妙極中臺
之選既伸清議益奮亨途願以拙疎嘗叨游舊職守所系
慶謁未前惟是欣愉未易數寫

代賀鄭尙書啓

伏審顯膺制詔榮拜秩宗省座惟賢海寓相慶伏惟歡抃
恭以某官學優聖域名重賢關論議獨擅於當時文章矜
式於後學聯榮伯仲被遇聖神禮實優賢書日常加於三

橫塘集卷十四

一

接爵以配德一歲乃至於九遷自判五花於掖垣游更六
尚於殿省藹然休譽厭於輿言說禮樂而敦詩書爲世所
慕洽神人而和上下非公其誰哉聞曳履之聲曲成推轂
之美皆慶門之故事獨今日爲有傳方將對越在天之靈
協輔繼志述事之孝學繩墨以正國安贊襄而奏功夙夜
惟寅已見有虞之咨命朝夕納誨行期傳說之欽承

代賀伏尙書啓

伏審光膺帝制榮拜地官大賢序遷多士誠服伏惟慶慰
恭以某官才周盛世名重妙齡彼東魯之儒生固知所畏
雖北方之學者疇敢或先早躋賢科寢更膺任頃由簡拔
進被寵榮正色抗言凜霜威於五院分職率屬俄鴻漸於
六卿惟是司徒舊兼教職暨神考之齋正惟國用之是專
爲官擇人自昔以爲重任生財有道於今乃屬真賢賦歎

惟得其中上下可使兼足矧廊廟之虛席須公謀猷期君
臣之庶歌措民仁壽某叨墮法從遠守寒垣悵展慶之莫
前徒懷風而增抃

代賀徐戶尙書啓

伏審顯膺帝制榮拜地官除日喧傳輿情欣屬伏惟歡慶
恭以某官天資爽拔經術深醇南臺凜乎有不可犯
之色批勅東省燦然皆大過人之言休功無隆德名日啓
宜天眷之滋渥俾國用之是專爲官擇人方深委任之意
生財有道遂無匱乏之憂行謝民曹人贊聖政某備數外
寄竊沾餘光念展慶之莫前徒向風而增企

賀宮使待制啓

伏審榮拜命書進職延閣法從屬諸賢者士論爲之翕然
伏惟歡慶恭以某官陳義其高樂善不倦佩青岸序朋友

橫塘集卷十四

二

已賴於琢磨歲綵庭聞父子不疑於可否屬龍飛之上治
慶風覽於德輝是謂千載之一時乃獨十年於三館公朝
舉善豈嫌祐甫之用所親宰府搗謙庶幾仲尼之遠其子
稽參載籍紉繹新書上管嘆其久淹人亦疑其用晚偉茲
異數斷自淵衷雖持榮已峻於西清而乘筆尙仍於東觀
千金弗容增字一篋要在功成轍古切今論次蓋周於四
海銜訓嗣事匡濟常出於一門輿議所期斯言可必某猥
沿辱薄宿荷獎知邈無撰履之資緣徒愧升堂之遲暮敢
陪燕雀之賀少傾犬馬之誠

代賀左尙書啓

伏審光膺帝制榮拜秩宗省座惟賢海寓相祝伏惟歡慶
恭以某官天才卓絕學術精明比躬際於休明能自奮於
忠義一被識擢寢階寵榮憲府宣風肅本朝之綱紀中臺

典選作多士之權衡淹時於茲惟上有眷遠承明命遂總
祥刑仍進讀於金華日親承於玉色仁聖典學坐綬九月
之師鄉士識疑自絕一人之獄懋茲偉績簡在淵衷倚須
夢卜之求遂膺鈞軸之拜多士屬意斯言不誣原本

代賀林吏書啓

伏審拜恩帝制進位天官除日始傳與議惟允伏惟慶慰
恭以某官早以盛德簡在帝心翔翔禁塗發揮賢業夏卿
掌伐已坐攝於戎羌天府剽煩遂一空於囹圄茂對非常
之遇上裨致治之功乃谷文昌莫先豕宰分職率屬總百
爲之紀綱激濁揚清作羣材之衡度惟帝時舉非公其誰
方聖賢協契於千齡而父子聯榮於斯日謹庭聞之定省
豈限晨昏贊廊廟之謀謨當在朝夕某猥沿宿昔嘗荷眷
知雖云拙技之無他竊喜英游之得志繫官於此馳慶莫
前惟是依歸不勝忻願

橫塘集卷十四

三

代賀劉察院啓

伏審光被朝恩榮升臺察除書四播士論一辭恭以某官
所造既深自信尤篤少年庠序聲稱固已卓然一時英髦
欣慕以爲賢者比繇家選擢賓師儒惟天下之樂有三方
崇於撫育而君子所教者五實賴於作成果膺鳳詔之褒
亟踐烏臺之峻矧惟三院實糾百工雖未能究於遠猷亦
足以行其所學服豸正色既一振於紀綱持彙從游諒不
踰於朝夕某屬靡遠守展屢未前欣慳之私敷致難盡

賀盧司成啓

伏審光被渙恩峻更新命專論說於東序自昔有間流道
德於西廡於今乃見朝廷屬望師儒得人傳聞四方鼓舞
多士伏惟歡慶恭以某官學通聖訓名重賢關萃居講席

不獨發明於經術一時操履固已矜式於朋游頃自諫垣
揚於殿省休有譽處簡在聖神方璧水之崇儒顧絳帳之
虛席敷求其可宜屬諸誰矧復三代里選之文而革千載
科舉之弊天子樂育德音見於日新海宇欽承賢能舉皆
雲集自非學校之先進烏可模範於後來三年有成尙籍
遲之一變至道庶幾可也惟懋非常之績上神至治之功
言謝諸生入贊大政原本

賀時相生辰啓

北陸薦寒南斗躔日當律近大呂之半乃天生賢佐之辰
蕃錫大烹降絲綸於星使歡聲善頌萃簪笏於台屏凡預
見聞孰不鼓舞恭惟某官威儀式於百辟文武憲於萬邦
以甘盤舊學之臣爲成湯一德之相遐荒率服年穀順成
風俗爲之還舊刑罰幾乎不用歷年於此四海晏然乃眷
嚴冬載臨誕日斗旁柄輔冠列宿以騰輝南極老人爲三
台而作瑞凡慶門之燕喜備聖主之匪頒受祉既多承錫
惟老方愛日舒於化國而和氣轉於洪鈞播九功爲敘之
歌爲千載雅逢之會雍容論道上承堯舜之君荷淨延年
何止喬松之壽某江湖賤質陶冶微生雖奔走難強於驚
駘而贊賀有先於燕雀願叨受業輒廢蓼莪之篇尙喜寓
言能數大椿之歲以茲爲獻亦已見誠

橫塘集卷十四

四

賀轉運判官啓

伏審渙號中宸擢使劇部訓辭甚寵輿議交孚伏惟歡慶
恭以某官文采承家聰明絕俗分竹於此烈榮肅然序序
畢修益賢太守之事獄市不擾有古循吏之風報政甫及
於三時總漕亟臨於一路錦囊彩筆謝春草之池塘霜節
緜衣涼秋天之鳴鶴昭車卽路故老寒衿學曠彌切去思

抗斧行復來止九重丹展固已公知萬里青雲請從此始
某天涯流落門下依歸方同五稔之民謠復幸二天之我
有尚稽慶謁徒切瞻依清秋向闌霜風作冷願為廟社善
保宸輿

賀轉運判官柯朝奉啓

伏審光不制書出使劇部潛事屬諸賢者輿論為之翕然
某官天才高明人望煊赫他日獨立嘗聞過庭之趨三年
一鳴遂奮冲天之翼果破出綸之命式昭衣錦之榮進據
要塗益據遠業原本缺

代賀強舍人淵明啓

伏審拜恩中禁進職西垣伏惟歡慶恭以某官行高於人
世濟其美庠序妙選文彩爛然兄弟並馳聲名藉甚比繇
眷獎宸恩要塗擢寅帥筵賢能與於三舍總臨祕府竹帛

橫塘集卷十四

五

備於羣書俄被詔函超升詞掖參預政本不獨判機務於
五花細繹王言蓋將追誥命於三代卽膺大用以副具瞻
顧在庸疎方依庇賴某屬雷塞間阻慶賓非惟是欣愉未
易敷寫

賀劉舍人啓

上下詞同前

某官德厚天資經傳家學自昔羣居之日屢以文鳴擅名
多士之間舉皆誠服聯榮伯仲被遇聖神蘭省校文已極
俊髦之選螭均執簡遂傳言動之司

代賀葉起居舍人夢得啓

伏審被命中宸進職左史伏惟歡慶恭以某官庠序名士
東南偉材以文章決名科以儒雅被殊選刊書禮局囑居
諸彥之先為郎文昌妙極一時之選俄膺鳳詔徑陟螭均
副仁聖之明揚宜言動之必記操筆伏簡暫煩對立於丹

握掌制代言竹慶峻遷於詞禁願惟蕪陋之質漫叨氣類
之同側聞新除增喜私臆屬帥垣之有守扣賓席以無階
惟是瞻依未易展盡

代賀起居舍人啓

伏審被命中宸進職右史伏惟歡慶恭以某官東南之傑
庠序所稱高論雄文管翹天下之士清名茂實率由主上
之知召對燕間超升撰著俄膺鳳詔入侍螭均同前

賀廉訪舍人啓

伏審選擢中宸按廉南國輝潤所及欣戴惟均恭惟某官
天資高明學術淵粹廣庭擣藻已廟巍科上閣通班復聯
繡職文武歸乎一揆忠孝於是兩全除目播騰真言僉允
日期及境庶獲望風第恐使節之甫臨卽有召環之踵至
歎然高舉愚者何依春序已闌炎威漸熾願慎履涉以時
宸輿

橫塘集卷十四

六

賀運使鄭學士啓

伏審榮被詔函龍持漕節儼然臨乎屬部允矣協於僉言
某官天資高明風幹強濟以才能而自奮為仁聖之所知
贊六路之貢輸居多顯績職中祕之清切遂冠英游眷此
南閩實為舊治登車攬轡皆已歷之山川持斧繡衣有歡
迎之父老諒無淹久卽遂召還進陟要除益據妙蘊

代賀康運使啓

伏審光被渙恩超升華序綸言優渥士論欣榮伏惟歡慶
恭以某官聰明過人利澤在物分中宸之憂寄惟日奏功
謫湖部之歡謠舉皆歸德惟肇新於泉府實總領於使臺
利源既豐國用滋殖兵民兼足豈惟轉漕於關中郡國所
儲行見流錢於地上故於繼始之日特疏增秩之榮矧庶

業之難量而亨衢之寢闕卽期柄用以副民瞻顧以拙疎方依覆護屬帥垣之有守慶賓席以無階欣爽之私敷宣難盡

代賀虛殿監啓

伏審祇奉制書榮陞殿省欽哉帝舉協此師言伏惟歡慶恭以某官德蘊天資學深經術當元豐之教養展也大成助大觀之緝熙豈曰小補時論推重天眷益隆爰從諫列之七人改臨御府之六尚英聲茂實方輝映於士林大册高支行發揮於詞禁屬帥垣之有守慶賓廡以無階惟是頌賡實倍偷品

代賀許殿監啓

伏審祇奉制書榮陞殿省摛紳相慶中外一辭伏惟歡抃恭以某官早以過人之才允爲成德之彥兄弟並立嘗半

橫塘集卷十四

七

八龍霄漢雄飛獨先一鶚論議確乎其不苟聲稱於是而益隆載判五花當西垣機要之命改臨六尚直中朝供奉之班方日近於清光宜若深於丹辰戒命誕頒私心欣慰拘繫方爾慶謁邈然嚮往之勤敷陳罔既

代賀陳殿監啓

伏審光被制書擢臨殿省除音始布輿議交欣伏惟歡慶恭以某官名重妙齡仕當盛世受知仁聖歷位要華三衛建官管居中宸清切之地六尚率屬復冠內朝供奉之班矧遠業之難量宜要途之更踐益據妙蘊增重治朝某假守遠藩恭聞新拜雖歡愉之彌切願稱慶之無緣永言瞻依未易敷敘

謝婁守薦舉啓

蕭員下邑敢希聲氣之同刻奏中宸猥玷齒牙之誦得非

所望幸不勝言竊以報國莫如薦人惟善故能舉類方平居竊嘆惜沉英俊於下僚及得志有爲或致不仁於高位由勢緩急因人重輕故垂頭喪氣者未嘗過而問焉而炙手可熱者則亦失之鮮矣茲風一扇古道寢墮自非有大過人之資未免爲姑徇俗之語豈期今日獲奉緒言以爲激揚簡汰之間尤重邪正臧否之實惟才是與豈以貴賤而容心所舉不遺蓋爲朝廷而行法苟或異此彼其謂何將爲近世所未嘗且革一時之甚弊宜有瑰奇之士仰當遴選之公如某者賦才不敏明涉世多齟齬投身州縣從事簿書白雪陽春屢見嗤於俗聽夜光明月終不免於人疑既拙自謀又將誰咎當其驚風駭浪已分不容然而稿木死灰豈能無待夫何厚幸獲事大賢躬操千里之重權不忍一夫之失所周旋覆護終始保全收眾人已棄之餘

橫塘集卷十四

八

爲終身莫大之賜此蓋某官受天粹質爲世寶臣曩游翰墨之場早冠英雄之發奇文絕俗偉望在人桂籍書名著風流於三世芝庭挺秀盛文采於諸郎滄膺眷倚之隆出春藩宣之寄風俗有謂之舊教條適寬猛之中陳義甚高樂善不倦故雖謫戾亦出薦揚某敢不洒濯其心激昂所守但瓜期之已及懷棠蔭以難忘報德之誠雖鑄印而三顧被恩之駟猶戀軒而一嘶

謝張帥啓

愚薦溢言拜嘉甚寵漂零弱質撫已增慚伏念某稟生多艱涉世寡與垂髮挾册獨承教於父兄徒步裏糧偶挂名於庠序既叨士類粗聞師言謂君子烏可以小知而古人務明其大體學自回亡而蔑有好者道因軻死而遂無傳焉永惟盡性以知天卒自正心而誠意有志於此條已十

年所趨茫然了無一得每安壘畝之賤而無田園之歸蓋
抱關擊柝之爲貧難飯蔬飲水而亦樂然而器非適用才
不逮人日抱樵官之憂常恐投劾而去蒙恩寬貸爲幸已
多刻奏薦論豈愚所覲茲蓋伏遇某官至仁成物大度包
荒非求備於一夫務曲全於多士惟是屠薄猶未棄捐特
枉片辭俾邀寸進某敢不勉尋舊學仰敢前修惟其據而
充之則或進於是矣何言報德庶不辱知過此以還未知
所措

代人謝賜及第啓

籍名璧水浪綴諸生錫第天庭猥叨異等幸非意及榮與
慨并承惟致治之原尤以取人爲急聽其一日而自售則
有倉猝見黜之嗟較其平生之所長又有請屬徇私之弊
顧時事偏倚之若此則人材降替爲可知惟熙寧之承圖

橫塘集卷十四 九

繼商周之絕業崇五經而造士使知道德之歸建三舍而
育材申嚴庠序之教待之以月書季考之持久付之以糊
名收藝之至公於昭盛時之作新一掃前世之通患多士
之幸有年於茲迨上聖之纂承舉宏綱而潤色謂首善太
學者固已畢舉而嘉惠四方者尙或未遑必欲納英俊於
設中莫若廣學校於天下厚錫廩食遴簡師儒焯然賢能
之書會乎升貢之選西廡肄業日間絃誦之洋洋南宮試
言雲集布章之濟濟及乎裁擇得者幾希而况鼎足之升
科特出天心之額俊宜得瑰奇異能之士助成新熙先帝
之功如某者白屋寒儒青衿小子九齡而書大字慚非脫
穎之才三年而通一經粗知務本之意徒被父兄之誨誘
重以師友之琢磨日顧鄙鈍之資亦叨教養之澤敢憚焚
膏而繼晷自甘賺腹而寒膚誦音琅琅固常燥吻筆端塵

輿了不驚人弗圖鄉老之誤知旌被春官之甄錄比趨帝
所伏讀天題野鳥何知方駭咸池之奏河伯望嘆莫量北
海之涯勉竭所聞以承清問仰瀆益高之聽深虞不遑之
誅豈意渙恩仰居前列勉學爲己乃賤士之所知致職及
親在人子爲可喜退循僥倖良有黃緣茲蓋伏遇某官有
王佐之才任天下之重介士入觀父老歡前於道登公袞
言歸天子喜見於顏色方將圖任以副其瞻遂令屏頂之
餘亦預陶鑄之末某敢不祇勤吏檢益勵身修忠孝兩全
清白一節上報生成之造次酬獎拔之私過此以還未知
所措

又

法坐天臨儒冠雲集自慚鴛下亦預臚傳曳服有初撫躬
知懼洪惟元聖紹休裕陵作成人材仰跂熙豐之盛際緝

橫塘集卷十四 十

熙治具無愧商周之哲王惟三舍之賓與偕萬方之計上
紛然雜沓共須禹鑿之雷存者幾希如觀覆相之射雖曰
下列豈容鄙人如某者三江賤生七閩舊族江湖流寓者
再世詩禮相承者百年暨諸父之決科幸貧家之得祿方
雲津之淺厲悵世路之艱難故雖賢傑之並游詒映功名
之莫就惟時童稚實話縮餘猥聞善誘於庭間浪綴上庠
之絃誦中叨一鶚之薦何以堪之退從六鶴之飛乃其分
也棲遲里閭苒苒歲時人皆笑其無奇已獨安於有待屬
恢儒於靡泮紛人波之英雄不量榜檣之微妄意彈畫之
用六藝六行敢當考察之科三沐三薰亦陶教養之澤充
貢不遺於鄉老奏名旋辱於春官顧末學之何知愧諸公
之過聽作氣勇於再鼓驚人期於一鳴比趨嚴宸恭承清
問第以草茅之賤仰瞻天日之威雖勉力於見聞終自慚

其師訥方處退黜上幸獎借之私豈意甄收曲被生成之
造蓋聖時寬大白無棄物故賤子黃緣叨繼後塵竊杜籍
以承家顧華門之何幸茲蓋伏遇某官爲仁山己以道事
君永惟政治之原尤以育材爲急兼收並蓄曾無妍醜之
或遺補短絕長故均尺寸而皆用致滋辱陋亦彼品題某
敢不上體寵嘉益勤問學貂續以狗徒自愧於斯時牛後
於鷄或有成於異日庶幾埃露上報邱山

代謝生日啓

門弧之慶雖有志於四方庭闈之勞豈敢忘於斯日方仲
燕喜以佑壽考猥荷眷存特紆榮問情文備至尚記熊羆
之占感作徒深略無瓊玖之報維茲敘懇莫究願言

又

撫遐暮之年苒苒固嗟於老至留劬勞之日遲遲自笑於

橫塘集卷十四

十一

何之重貽黃箱之辭滋動蓼莪之感贈之丸藥敢妄冀於
長生報以英瑤實難忘於厚意

謝轉官啓

庇身大庾曾未淹時拜命明庭遑叨易秩雖品題之有自
顧綿薄以何堪祇服寵靈俯增慚悚伏念某人流至下學
術尤疎偶緣家世之緒餘竊慕指紳之施設雖曰簿書之
役敢忘早夜之思重念先人被遇神考更踐中外畢力事
功叩路乘歸嗟壯猷之已矣官糧羅盡覺生事之蕭然孰
爾諸孤仰茲薄祿矧惟不肖所向多難緣木求魚豈萌心
於妄作守株待兔徒自笑其顛愚踰跼州縣者幾二十年
奔走南北者餘一萬里惟粗知於持已庶不廢於承家不
圖顛頓之餘獲在使令之末五技之鼠人憫其窮一割之
刀自知可勉俾少逃於罪戾固已出於存全豈意挂名於

薦書遂使脫身於銓筦永惟天幸夫豈人謀茲蓋伏遇

謝政府啓

罪戾餘生自甘窮頓矜憐異數不忍棄捐俾貳遠藩即叨
薄祿苟陶鎔之及此撫疵賤而惕然竊以毀瓦畫墁以其
無功之可食抱關擊柝顧或有時而爲貧蓋此身不在於
農商而游手莫供於伏臘恭惟有道之世豈容無職之民
而某也猥沿餘訓於父兄溫綬諸生於庠序敢言干祿偶
爾得官尋以迂疎誤蒙獎擢豫書局之選會莫効於編摩
備內府之員又不任於冗劇恨四壁之徒立無五技之可
窮拙於自謀何者爲得屬以死喪之故藐然穉幼之孤露
懇有言蒙恩得請佐留都於朔部攝卿屬於大農不善救
焚遠從報罷孽雖天作威實自詎一罷刑書三移歲籥已
分江湖之流落敢祈廊廟之矜憐萬物由儀方者大儒之
效一夫不獲亦非君子之心仰荷洪鈞俯從私欲推茲闕
越密邇鄉邦風俗在所諳知簿書可以奔走矧出周旋之
賜稍紓饑凍之憂自惟何人而有斯幸茲蓋伏遇某官以
伊周之業輔堯舜之仁儀刑四方品題多士飭大器小各
適其宜尺短寸長曾不偏廢致令疎賤亦被采取敢不
祇畏簡書服勤職業思無重於後悔唯篤信於所聞安鳴
鶴之一枝策駑馬於十駕豈能報德庶不辱知

答周之翰啓

比緣潛檄備數瑣聞方虞裁鑿之非才何幸英豪之在上
先輩能彊爲善非小有才自昔賢關已擅一時之譽迨茲
鄉賦果借羣俊之升方將脫迹塵埃振翼霄漢豈惟較藝
英雄已入於彀中行見登名風采想聞於天下愧慶書之

末上辱華翰以相先自惟公選之得人敢謂私恩之在已
永言欣佩莫罄敷宣

與李倅彥思啓

猥以冗材獲隸使部職是賤役僻在外郊既失望塵以躬
僕僕之拜又稽颡牘少伸款款之愚雖重干僭曠之誅而
復得通暢之管夙夜內訟啓處靡違屬冬序之云初颯霜
颯而增凜伏惟闕決之暇茂集神明之休恭以某官天資
高明德度宏遠肆雄辯而不屈信所守而直前人之難能
士皆稱服陝右總計深究平市之權衡關南試藩固已折
衝於尊俎既懋嘉績行陟要途豈意房微亦叨覆育升斗
之祿幸粗免於饑寒門闈之恩終不忘於報稱木卽祇趨
軒所惟冀善保寢興

與邵稽仲啓

橫塘集卷十四

三

伏審蕭驅大旆出按列城千里吏民望行塵而奔走孤生
簿領限積潦之間關帳不拜於下風顧難逃於嚴請尙倚
寬大曲賜矜憐屬金序之向闌颯霜颯而增凜洪惟按拊
之暇茂集神明之休恭以某官絕世聲名承家文采桂堂
發冊早從金馬之遊玉府授經遠繼銅龍之直俄膺天眷
海歷使華玉節再臨眷星霜之未易繡衣一出有父老之
歡迎關河夙被於澄清士民益傾於風采諒無煖席之頃
卽聞召節之來進陟要塗發揮妙蘊某猥以謏薄繫於鹿
麻未卽趨參彌深依戀伏乞上爲廟社善保寢興

回福州王教授啓

蒙恩忝郡竊祿便私夫何流落之餘乃有親承之幸恭惟
某官樂善不倦陳義甚高絳帳談經雖暫淹於泮水金闈
引籍行進直於蓬山前據要途益崇遠業賴惟草芥兼擲

江湖葵葎傾陽方切慕君之意謙恭倚玉更欣聯職之良
瞻款有期爽忻無盡

橫塘集卷十四

四

橫塘集卷十四

書

上戶部邵大受侍郎書

某近准省符令將本州諸色錢並行裝發見錢不得買銀已具因依中稟竊念本州在崇山峻嶺之間發源到州二百餘里有五嶺之限難於登天黠縣績溪皆是陸路祁門水路乃通饒州自有郡以來不可漕運所以秋苗卻折納絹帛發往諸處逐縣苗米各行據數催科雖本州有小溪遇春夏水漲始可通行客人作排筏隔年伺候梅雨方趁勢發下纜晴使阻又灘勢險惡載物舟船所不敢行竊念本州買銀係依省則即不虧損省部用度每貫卻又有回收頭子錢今若必欲令本州發錢則諸縣錢物無水可以行舟及雨退水落城下小溪亦通舟不得必致稽留省限又有灘險不測之患雖使官吏坐罪何益於事欲望矜察特賜憐免

代人上邑宰書

某嘗泛觀百家而得醫者之說蓋虛扁之術非治人之疾為難也能致其治疾之具者難也夫視形而察色切脈而得證曰是為寒是為熱是為虛是為實此虛扁所能也至於寒者有以煩之熱者有以平之虛者補之實者下之此虛扁所不能也是故虛扁不難於治人之疾而特難於所以治疾之具是以黃金丹砂明珠空青珊瑚琅玕鍾乳石英與夫江南之木江北之枳商山之芝南海之薏苡下至於狸骨虎頭馬乳熊脂枯蜂之房敗鼓之皮莫不畢在其灼爍如星日其西萃如山嶽其瑰麗如人物其積如困廩

橫塘集卷十五

一

橫塘集卷十五

二

其散如雲網蓋其力致厚富也如此而庸醫謂之曰有是病則須是藥耳烏用是多為哉嗟夫彼庸醫者知有是病則須是藥而不知虛扁蓄是藥所以待是病也嗚呼豈獨醫者之說如是哉天下之人抱不病之病則嗟其勤瘁而呻吟其愁苦者宜亦多矣為之長者安坐其旁而不知所以治之非不治也無其具也間有其具則積之不多用之無序亦猶醫者之攻疾實者補之虛者下之縱橫顛倒失其所宜名曰治之其實禍之也以故承平百年之間而致治之實猶有愧於三代將毋有是也夫某自少講學四方與士大夫游聞閣下之盛名皆曰閣下之治民猶虛扁之治人不惟得其術而已而又得其所以治之之具其積彌多其用纔一二也伏自下車以來所以設施措置之方蓋嘗竊窺之矣矧石姓艾所以破其毒也酒醴藥肉所以養其氣也薑桂之辛秋荼之苦所以宣其鬱滯也損其溫涼之品而等以多寡之數朝夕餉之所以致其和平也故能振僵仆疲憊之餘而實之康強安樂之地易其辛苦愁嘆之聲而為鼓舞歌頌之音蓋數月於此矣或謂閣下何施而至此殊不知閣下所以為治之具蓋有以異乎人也夫致之也力故其積之也厚其積之也厚故其用之也常從容而有餘此天下之至理也而昧者忽之嗚呼是庸醫之所以謂虛扁也又安得閣下所以為治者告之哉某得於此時列編氓之未以邀閣下黃金良藥之賜固已甚幸而又不幸得罪天地先子死焉孤露之指凡二百餘而待盡餘生所以吁嘆呻吟之聲蓋非徒如眾人之病而已也然人之有病虛扁所能療也不病之病閣下所能療也若某所以病非凡人之病也是不病之病也故今日之來也豈

有望於盧扁哉誠有望於閣下也

上章明州書

昔者侍坐而先生孜孜焉常以人物爲意其後先生被命使蜀京師士大夫語藉藉咸曰韋侯行哉在朝廷爲可惜在蜀人爲可慶何者韋侯樂善喜士不媚上不傲下今使於蜀也吾將見蜀之士大夫賢者進不肖者退善者安不善者亦和師而爲善夫使賢不肖善惡各得其所則爲蜀人慶也亦宜哉雖然韋侯賢而有文章立朝有風節其在朝廷則天下望其賜其使一路則所施者狹此又可爲朝廷惜也後二年某再至京師問蜀人以先生安否而蜀人道盛德不容口大略與向之士大夫所料不異某竊嘆曰惟賢者無施不可輕重大小惟所遇耳今先生使一路其績效章章如是然天下任有大於一路者舍先生其誰哉

橫塘集卷十五

三

今既力請爲一州守則其所施者愈狹矣其所施者愈狹則激揚簡汰者愈詳此又可爲蜀人慶也然鄞爲東南善地朝廷慎所付與雖錢穀小吏調於吏部者非有優最不願也彼其雄豪賢俊之士豈少哉雖然某所未知也今特舉其所知者蓋有二人焉鄞縣主簿林覃定海尉駱閔覃遊太學與某同舍其後同出門下其爲人清慎有守而敏於從事其聚食二十口皆孤遺覃善撫養無一問言者其未葬者七喪而家貧不能舉故覃於祿仕猶不敢不勉閔游太學士交稱之其風度磊落疎財好義有可嘉者其尉定海邑民安樂之此二人者皆麾下之佳士也凡人之情莫易於自知莫難於自薦竊計二人者其祭於下執事固得盡白於左右也然先生昔使蜀而蜀之士大夫皆德

其賜今儻以其使蜀者治鄞則二人者宜有以處之矣韓愈李翱窮而在下道不行於時至於王公大人則不敢自默何者義有不符默焉故也今某愚不肖何敢比數韓李間特以先生常以人物爲意而鄙劣之迹辱受最深又與二人者相知之深故敢不避僭越之罪伏惟幸察

代趙征上太守書

某嘗聞南人之歌南人聞之則喜北人聞之則悲北人之嗜嘆北人聞之則悲南人聞之則漠然而已矣夫歌者所以發其歡詆而嗜嘆者所以泄其憂憤也然或聞之而喜或聞之而悲或聞之而莫之悲喜非人情固不同也其所居者然也今閣下以高才重德出鎮此方之人無遠近無小大莫不歡呼鼓舞以爲己歸則是南人之歌固已旣聞之矣獨未知閣下亦嘗聞北人之嗜嘆者乎伏念某家世雖宗籍而先人獨喜儒術樂教子弟其所與游皆一時賢士大夫故若某輩皆得講學其間然賦子不競年加長而道不加進雖鞭撻策驚訖未有所進猥從下吏饗斗粟以自活焉然備員于此踰二年矣食貧捐羸蓋亦未嘗飽也俄罪逆不天先子早世破暑星奔往還萬里盡室南來孤露皆釋幼所以衣食之奉舉仰此身而抱毀餘息竊恐忽先朝露則闔戶溝壑是以哀號夙夜不知所爲嗚呼此豈特百倍於北人嗜嘆者哉不識閣下將爲南人之漠然耶將爲北人之惻然耶然閣下君子人也君子以仁存心以義存心仁則有所不忍義則有所不爲閣下所聞可喜則喜可悲則悲夫豈限其南北哉某之困頓至是亦極矣閣下將聞之而已乎

代人上知縣書

某則易於安土而難於去國者人之至情也蓋去國之樂
十未足爲安土之樂一也安土之憂十未足爲去國之憂
一也自非不幸有不可不去則古之人未嘗輒去是以顧
慕懷愴遲遲而行曰吾何爲而至於此也既而曰吾去國
久矣吾墳墓尙存否耶先人之樹尙存否耶宗族上下其
安健者誰耶鄰里鄉黨其不去者誰耶與其託異國而樂
也孰若處其故國而樂也與其知友往還共樂於此也孰
若吾宗族鄉黨共樂於彼也嗚呼古之人重其去國也如
此而今之人何獨不然伏念某自高會以下皆古籍永嘉
而某之生亦永嘉也至先子始以貧謀生他郡計其當時
必有所謂不可不去者夫豈得已也哉而某眷眷之意惡
其所難思其所易蓋三十年於茲矣特以僑寄海隅貧不
能舉每企首北望未嘗不慨然也今者伏遇明公出宰是
邑其知術之明政事之敏南北之人稱頌奔走莫不欲一
拜堂廡望顏色以自慰焉况某墳墓所在而先人之樹尙
存焉宗族上下尙無恙也鄰里鄉黨尙未去也則某去其
不得已者就其得已者將不在今日乎古之人有猛虎無
苛政則不去今有善政無猛虎而不歸是豈惟有愧於古
之人又將有愧於今之人矣傳曰居是邦也事其大夫之
賢者某雖不肖竊有意焉

答義仲書

所示退之別傳且欲質之某某何人敢當此耶然反復觀
別傳誠非退之語也好事者爲之耳夫職籍之在天下其
是非乖異固多矣然考其言不若考其事又不若考其理
其事如此而其言則如彼也學者將從其言乎其言如此
其理如此而其事則如彼也學者將從其事乎退之排異

積塘集卷十五

五

端有功於吾聖人孟氏後一人而已雖從下遷憤懣甚亦
何至是耶此理之必不然者也方其北遷且歸也傳者固
已謂少奉釋氏而退之見於文字剴切至于餘言亦足以
見其意矣曾不知自伍於異端之流也且使孟簡果賢耶
則得退之書固已曉然矣使其果不賢耶則退之尙肯與
語先王之道斥異端之害教者哉然簡立朝多奇節其識
趣宜有過人者尙復傳此乎此又理之必不然者也夫前
日以爲非而今日以爲是今日以爲不可而明日以爲可
此喪心失志之所爲也古之人有以割烹要湯者孟子以
爲不然有主侍人瘠環者孟子以爲不然有食牛以要秦
穆公者孟子亦以爲不然夫孟子與是數子其世之先後
蓋千餘歲近者數百歲其是非漫不可考也何自知其必
不然耶嗚呼以孟子知是數子不爲彼也則知某知退之
之不爲此也章章然明矣然世之人一得別傳便以爲退
之竟奉佛更唱迭和同然一辭獨吾叔疑焉非喜辯是非
誰肯勤勤如此此某所以不敢自默以虛來教也尙有未
安願更疏示

又答義仲書

還示甚悉然無固疑也傳曰祠神海上遇大顛其改刺袁
州又謂大顛獻衣二襲皆與答孟簡書不同蓋退之與顛
還往已熟暨至海上遂造其廬其改刺袁州則不復造其
廬也畱衣服爲別而已又傳所載多推退之所常語者此
某所謂好事者爲之也昔汲人發冢得古書以爲皆周孔
所著也其後乃有伊尹自立及太甲殺伊尹之說學者亦
將從之乎屬頭風筆此一

代上何相書

積塘集卷十五

六

某生長永嘉方未冠時辭親游學浮舟嶺江沂流而上見兩山連延奔伏而爭先長川北來介山之間望之幽然蓋蛟龍之淵卽之清澈可數毛髮激石怒號飛泉噴薄如雷靈如河漢徜徉其上心目眩亂久之乃進棹焉連日繼夕窮深極遠卒欲求其所自出而不可得于是喟然嘆曰大哉處之水乎眞天下之偉觀也蓋所謂源深而流長者也今夫秋潦稽天朝滿夕除雨集溝澮立見其涸無本者然也古人豈欺我哉自爾益與四方士大夫游矣發于岷山萃于涪萬歷巖壑瀟灑三峽袤延于千里然後放于荊州之野此江之水也而其險如此源于崑崙道于積石東折于洛澗而肆于大伾澹淪摧射橫貫中國此河之水也而其悍如此自胎簪至桐柏而伏焉稍出而寢廣東行三千里而大會泗沂之間其渾浩流轉茫無際涯驚濤橫溢見

橫塘集卷十五

七

於瞬息此淮之水也而其暴如此出於溫溢爲榮橫截河流直達於海此濟之水也而其徑如此非特是也有渙散無力不能負芥者其名曰弱水有幽黝若漆彌望無極者其名曰黑水有混濁汚泥穢惡不治者其名曰溼水以至百川眾流支分派別參差淆亂不可殫舉然其大且尤蓋不出此數者也夫善利萬物者莫若水彼爲弱爲黑爲溼者固不足道而所謂四瀆者又有四病焉雖曰利萬物焉未詳故其源不可得而推尋然匪亟匪徐匪縱匪拘窮澗深谷而不爲阨也長灘漫流則安而行之凡舟楫之所經恍焉如通乎坦塗而已矣故無江之險河之悍爲可虞也以爲溢也而常虛以爲委折而不迂蓋所謂因地而爲方圓避礙而通諸海者也故無淮之暴濟之徑爲可駭其所

以止于泚鍾于澤放于四海漚漚滲漚以爲天下利者蓋未易一二數也孟子曰觀水有術必觀其濶然則某以爲是天下之偉觀者顧不信然恭惟閣下以名世之才相聖天子其德大矣學士大夫雖知所以稱頌或不能形容其粲粲而某也不佞以爲相公之德業其猶處之水乎其抑亦山川之所稟而獨得其秀氣之全乎不然何其清明汪洋不可窺校也如此夫水出于處而其波之所及莫近于溫也方今動植之微畢被沾溉之澤況某枯稿之質家于下流者耶故其曠昔嘗被慰薦之賜則餘波見及政其所也惟相公矜憐之

與丁剛巽書

橫塘集卷十五

八

近左經臣見過云剛巽襄奉已有日祇用舊地不識誠然否凡世俗所謂地理陰陽禍福之說無所考據者皆不足論今特論其有考據吾徒所當守者孔子曰卜其宅兆而安厝之卜者卜其地之美惡也地之美惡雖不可一概言然地之美者不過土肉深厚無砂石無水泉不近溝澮陂澤故無卑溼之虞不近道路市井故無意外之患地之惡者不過土肉淺薄有水泉近溝澮陂澤故不能無卑溼之虞近道路市井故不能無意外之患故凡人子之葬其親慎之重之不敢臆決而聖人亦教之以爲必卜焉然後葬也故地之美者葬之則死者安地之惡者葬之則死者不安死者安矣生者其有不安者乎死者不安矣生者其獨能安乎此非禍福之說而理有如此者今天天子之養其親必使之居處之安然後甘旨定省不失其所謂養苟居

處之不安則爲人子者能泰然自安乎古之人事死如事
生未聞獨詳於未死而輒略於已死也今先丈葬地尙嚴
而穴巖腹泉出汨汨不休春夏尤甚壙底皆狼石此地之
美者耶地之惡者耶且聖人所以教人卜者以汰吾人之
疑也若耳目所聞見思慮所能及則利害較然矣尙何疑
哉竊聞剛巽將濬溝塋旁以卻水害某以謂就能卻此水
而擴有石亦不可葬何者石能生水故也今天欲雨礎必
先潤濱江倚山之礎往往水出今雖能去冢上亦見之水
實未能去擴中不可見之水也可見者其害小不可見者
其害大又况可見之害未必去而不可見之害有必至之
理耶或者曰剛巽開此地其費不貲業已成是未能遽易
也某以爲不然尋常稍有知識者則不敢較葬親之費孰
謂剛巽兄弟之賢獨惜此費乎又曰剛巽必用此地無他
亦欲享祀便耳是又不然卜地葬親以爲萬世之安此人
子本心也若夫異時享祀之便否特其末耳豈有舍其本
而徒徇其末哉其使君家子孫果賢耶雖千里亦能致享
使君家子孫不賢耶雖跬步不能致享固當問其子孫賢
與不賢不當計其墳墓近與不近也孟子曰養生者不足
以當大事唯送死可以當大事是知三牲之養不如不失
一坏土之利爲愈也今無故舉先丈神柩置之有害不美
之地雖能斥世俗地利之說卒違聖人所以教後世者竊
爲剛巽不取也然此地不可葬凡剛巽親戚朋友舉知之
然未聞有歷歷盡言以止剛巽者豈以剛巽爲不足語哉
誠以不可止而不止也某以爲剛巽平昔最疏通不蔽或
者有未喻耳故敢盡言之實觀剛巽幡然而即吉卜也若
剛巽又不聽健決不回則亦未如之何矣竊計剛巽他日

親見水害則必追咎親識朋友無能盡言者則某之言雖
不蒙見聽於今日亦庶幾見思於他日也

宋 許景衡 撰

小簡

與屍無咎

伏自去歲燭闕缺然巾履之役積年于此永惟平昔采拾
眷記之重夙夜頌詠不知自己而身賤迹遠修敬姓名久
不聞將命自取譴絕殆不知所以丐察於門下者恭惟至
仁大度漫無疎昵之擇若某之鄙質荷終始存全之雖負
荆前請勢未易前拳拳私誠輒布于此伏惟恩門有以諒
之而已

伏審比以盛德偉望入冠三節十年舊物誠未足為門下
賀然天方假此以為台榭之階是以四方士民鼓舞祈戴
自幸康濟之澤朝夕我及矧夙被品目者願頌之私宜如
何哉伏惟頌循氣敘服食加練為廟朝自重以慰海內之
望

續集卷十六

一

二

某竊惟先生直道雄文取乎富世揆日滋久比偶時變凶
人得路公肆姦巧使變契倖業歟寄湖海而嗷嗷赤子無
以自生然厭氛戾氣豈能掩日星之焯然者哉幸聖政一
新屬意人物汲汲如弗及比觀除目少契士論然總而論
之莫先我公則發揮蘊積收功太平宜無爽此時矣

某伏自輦節屆臨羣社管數奏記左右其後困躓海隅僻
左少還往竟不知使從寓留何地以是不獲時往問贖但
拳拳念德之悃不能自置耳茲者恭審鋒車已達闕下輒
勤敘嚮往仰達執事者竊幸矜貸

某向者竊尉黃巖偶管庫失察應答踰年比少定而不孝
得罪天地先子秉世孤露待盡苦塊偶未死猶及見老成

舊德進階朝石摧裂餘息於是自慰然迷塞敘誠言多闕
略冀有以諒此

與張帥

庚伏炎畏恭惟精練生經休有神相及物之報如川方增
更乞俯為士民益緩福履卑情無任祝頌之至

某適者伏審進職延閣申命帥垣寵數至優任屬彌重除
目傳播識者慰愜顧列門下士之末此情良可知屬以在
遠不獲奔走左右而行役接獲得報後時修慶因亦不早
悚慄無限尚冀照察

某違遜恩席俯仰三年奔走南北久疎馳問左右每自愧
訟今春至京師恭審去冬台候少不康繼得藥喜遠隔聞
知最後又不得以尺紙少寓繫念拳拳之意慚汗殆無以
處尚倚門下愛撫素渥有以照其匪懈爾比得之往來竊
知氣體完復勝常此心欣爽恨不鼓翼一拜幕履以寫縷

續集卷十六

二

懇北向耿悵所厚自護持以副中外之願
某去年謁告還鄉涉履艱棘往返萬里今春方抵唐州未
幾猥蒙誤恩以職事召自惟疎賤不才非所當得敢自門
下獎借之出知感知幸夏仲到京即欲上狀少謝萬一屬
碎累感病忽忽早暮比少定方得契此願而筆語拙訥數
敘又止於此惟爾悚惕伏冀情恕

與樓試可

阻侍座幄關日滋久備數卑冗屬以文禁無出一拜幕履
以備頤旨惟是懷仰不知所喻初寒恭惟尊候動止萬福
更乞上為廟社善保榮重下情無任

比觀除日承有遷秩之慶雖未足為左右賀而盛德偉望
進陞乎塗實萃自茲顧在勛賸之末第劇忻抃無絲掇刺

賀喜左右尚冀神明有以諒之

夏間恭審起居愈和嘗走門下繼聞即得藥喜下情欣釋
比來想惟尊候益康豫且夕別上狀矣

昨者邇近承教匆促不款區區慰幸不無慊者賤役拘文
無緣奔走門下少敘欣戴之意惟爾慙慙尚冀有以賜諒
與張稽仲

違離侍席寢易時序夏間抵闕下嘗走門屏恭審從者留
河朔比聞旋馭屬賤役拘文無緣奉省嚮往殆不勝茲承
銜命聘遼大施啓行有日方冬寒澁台候何似敢乞跋履
自重以副朝廷遴選之意且須還使之寵焉某幸甚

比以河間吏屬夤緣趨走風下迂疎無堪猥荷存撫而備
數于此復自輝潤之出此心銘佩何可忘徒以晚瀆爲懼
不敢率爾敘感遽聞陞辭即路方爾綴繫又不獲請迴館

帳惟增慚恐謹上啓尚冀神明諒之
橫塘集卷十六 三

與永嘉郭守

某比不審台候何似伏惟鎮撫多暇神相諸福某蒙恩幸
甚賤役拘綴尚稽恭省伏乞調御少副中外屬望之意

乃者伏審榮奉恩言寵復法從多士稱慶殆不容口洪惟
德義之重海內傾屬雖屈臨遠郡而天眷滋渥清名峻秩
游被褒嘉行須召還徑陞顯重顧被遇厚者尤拳拳於此
時也

違待賓閣俯仰踰歲奔走脩阻所至滯滯旅瑣益復不聊
上問因亦疎闊然念念眷撫之私誠不能早暮忘也自爾
有東去便飢渴之素尚冀時得以自達於將命者益以忻
快

春間還在唐州猥蒙家誤恩以職事召涼薄何以得此政自

勇拂之出不勝感戴贊祿無補或僥倖未從汰逐尚及左
右還朝少謝輝潤之萬一何勝千萬願言

與晉臣

戴伯揮晚路得祿一官勅局忽將終更補考易秩尚須半
年計渠頗自嘆其艱棘而諸公亦每深憐其職事京師不
得改官反從後之任干與者則其勢益落落難合竊以爲伯
揮之榮悴乃在晉臣赴官遲速之頃耳在晉臣豈有意乎
某以爲此事不可望於世俗子正可以望吾晉臣蓋疇昔
周旋洞識高誼固當優爲之也然爲貧須祿我曹通患若
蒙雷念當勉處之稍遲數月而來則清議翁然是遲也乃
所以爲速不識以爲如何蓋諸公之意如此而某以雅眷
輒爾喋喋可罪可罪

與人

橫塘集卷十六 四

喻拙無似欽戴恩紀之重非一日積進望幕履祇役洒埽
宜不可後屬以冗賤無階効其區區徒爾愧恨尚幸神明
諒其匪懈爾天眷滋渥行有超拜之慶以滿士論更乞順
時寢饋自重瞻望丈席下情無任祝頌之至

某比者蒙恩備數勅局政自翦拂之賜祇服谷錄感刻無
以爲喻然猥陋不學於法令尤非素習俾之刪潤大懼無
以仰稱推擇之意尚冀門下曲賜庇存不斥以僥倖朝夕

孤粹陰伏窮陋坐恨親承不繼而敘問啓居亦復曠缺何
取爲眷撫最厚者慙腆不可言亦問從御比復往還天台
鴈蕩其徜徉山水之勝有足自適亦市朝擾擾者所未易
得也未逮徠風但益耿耿謹上啓參訊

比得之往還竊審游刃事外益求其所在我者神觀深瞻
了無望礙此正前沒塵垢者願問一二狼俗挽人不能自

前為恨如何尙冀他日待坐以究所請

慰薦上問已久除拜當在斯夕盛才超進以享祉物之福正其時矣何勝拳拳頌頌或問代者來期尙遷延不識誠然否某比得畢葬待盡境廬追思已往祇切催迫耳無絲

面訴萬一恰咽莫既于此惟望神明有以察其下悃爾

湖海疵賤窮服盛德之望揆日滋久疎遠自引敢萌親近之念比何幸乃得以吏屬祇役門闈而襟度豁然收接甚

寵其周旋之眷如非頑鄙所應得區區銘佩牢在寸臆猥職綴繫坐遙軒輿惟是欽誨輒爾借寓以書伏惟神明賜

諒

竊以世德才望清議所屬屈臨便郡問者為之嘆惜豈天

始徇一方所欲使有歲月之幸耶徒御跋履屬此寒澌不審尊候何似旌旆塵境老稚迎拜已相屬於道矣矧在明

橫塘集卷十六

五

陳之末親承有日所懷良可知前茲更乞以時保重

某以部吏趨拜下風乃禮之常伏蒙特屈崇重嗟拂窮陋存撫之渥正自大君子厚德所存然施非其宜不在悚慄

屬以拜違不敢躬伏門下以謝寵賜徒知刻畫以為不忘而已京師久客日益擾擾參省不時得遽復請違下情不任眷眷

某承學不敏又涉世淺吏事尤非所習仰祿州縣雖知為貧第未知果免贖瘼之責否尙須左右臨照掩覆保全之

也唐州風物不惡惟今秋小稔經費為他州所侵見請於漕室計亦不至闕絕其他曠昔採聞良審更不一一上覆

與陸中丞

某竊審使館東泛已過揚子即日秋氣漸爽江山照人寢

味當益勝某官雄文直氣著聞中外忠義大節見于言實

均獲得請書錦鄉邦雖足以適歸榮之願副老稚飢渴政恐已在道曾未煖席即還廟堂均福海內蓋摺紳所期者如此非小吏私祝也

某頃蒙恩備數佐吏之末私竊喜幸不獨以為罪戾之餘趨走下風幸託大庇而淺陋不競遂窺道德高致聞論議

之緒餘庶幾漸去塵滓少償願學之初心焉非造物憫其窮蹟特以見界耶侍座行有日欣戴之誠欲云不盡

某向西都城數走門下訖不獲一望榮座缺然願懷東下惘惘蓋無時不在左右行役擾擾念欲致此懇屬乏去

僕又爾不力逋慢之罪宜無以自恕惟寬大有以諒之

與呂幕

掃跡屏闕於是數月洪惟眷德所被凜然寸臆未易替忘身世擾擾無緣脫釋日局後塵俸風耿耿而已謹奉狀敬

橫塘集卷十六

六

問興止不次

乃者旌旆西指錢塘雖寒澌跋履良勤而天倫愛義積年契關於是慰愜恭惟從容幄席粲然一笑人間之樂宜無

大於此者凡與聞知舉增手足之愛甚善別後當時時嗣音柄用之召想在且暮矣自問還轍即欲修敬左右俗事

訶遂不覺後時仰負高誼罪愧不知自釋當賜矜育某哀荒向延殘息畏自輝潤之及下懇感甚

早者特拜車馬之寵而苦謗聲備形慰藉之意析慕慚畏不在此懷迷荒竟未獲祇謂館下為左右謝重使惶悚

尙尙眷遇有以照此謹上啓

旌旆往還邑境自應奔走以綴賓謁之末衰塊不符此惘

徒抱悵惘誠不自意首勤榮拂眷遇稠重無以况喻雖仁人厚施漫無賢否之擇願孤露餘息獨何幸而得此耶無

從親承殺感插筆歌歌

暑伏滋劇雖揮筆高爽猶不自堪而將事此時跋履重複其勞如何然使幽園洒然均披平反寬釋之賜亦大君子勤已裕物之意也斯民幸甚

前日遂幸瞻款窮寂得以自慰間侍信宿高風凜然欽挹不替稍寒浮涉良艱恭惟尊候萬福某屏弱不競屢被眷錫茲幸末易言允頌仰稱缺然愧畏謹啓走出回興居旌旆還自南邑以私居乏人探伺不早比知省而齋躬前泛滋遠下棲恭叩將命惶懼無地尙幸通照勿促序致不詳縷早暮別拜狀

前者旋旆馳候不敏慨然禁語弗前有愧眷數重被教帖之寵辭致颯爽如幸周旋猥陋何幸密邇未即瞻款馳情几席不知自己頃聞南渡舟師不力有驚悸之虞竊用懸

橫塘集卷一六

七

念重聞足疾小梗不審數日來服藥何似當已痊復斯民倚德惟眠食保厚進慶顯用

代志遠與呂推

言遠几杖之侍條條累月沉汨塵垢每思誨言如在天外坐拘末局無緣祇奉座隅少符願悃惟是悵惘不知所裁恭以慶門盛業載在天下而明公才德兼茂謂宜騰驥要路與伯仲相先後顧猶滄泊郡國從事簿書士論所以爲之憤然也除拜之喜不早暮間卽有馳慶之便矣孤苦待盡日無生意以是修何起居曠疎累日然嚮往之誠實不如是怠惰也恭惟愛撫有日當未以訊問疏昵爲言但鄙陋自不知所處耳惶恐惶恐茲者猥蒙府座誤賜采錄珍瑣不應得此蓋出執事剪拂之眷銜荷重遇闕門以之詞釋未卽謝門下但有悚息

與呂守

季秋霜冷恭惟鎮撫多暇福履日新郡國承宣朝廷眷矚伏乞俯循時令精御興居下情不勝瞻禱之切

伏念講服德義之重有年於此轉徙南北惟是眷眷一拜之幸缺然未獲何勝愧恨比承出鎮俟服師帥一方而疎謬無堪實槩編籍之末以均大君子涵育之賜凜然欽戴倍百倫等願以從祿遠去無陪趨走下風瞻望門牆滋劇向往

疇昔浪跡士友間共聞先正直節勁氣見於議論位不侔德有志者所同惜竊以爲忠義之報當在後人恭惟文學政事世濟其美宜在朝廷以摠及物之澤俯爲一州政非其處豈天以海旁噉噉之俗爲可憫姑以豈弟厚德畀之耶報政有日當遂右擢以副士大夫望願在旒纛願言尤切

橫塘集卷一六

八

昔者備數河朔受代來歸會開使旆東去有期竊以爲當獲參拜以釋積年願見之懇比至闕下而齋躬前泛久矣失所素料徒爾快恨日欲敷敘萬一役勤左右而京居久客事境紛亂訖賒不早之愧尙倚神明有以諒之耳

與處中

伏念一夫誨幄俯仰六七年眷言撫愛之私念念此懷益無時不在門下獨以困頓湖海待盡且暮不時中問宴起自取背誦之咎抱愧此身不敢自貸然盛德有容不替終始雖斧鉞森植竊自審其或逭也下情良慘

上石守

伏自疇昔祇拜庭下荷蒙至仁略去崇重俯加顧并而慰藉之意溢於言色仰識厚賜感刻不敢忘違去軒所乃爾

某月水言恩覆之及木易縷數而賤事拘纏無緣早暮左
右少效巾履之役徒頌詠德義以盡依歸之誠而已謹具
啓上尊候

某以房陋生長都邑自能言時已得盛名於士大夫間比
謂經綸偉業已在廊廟美政善俗矣乃今尚以遠郡曲甯
鹿節此輿議所以賤惜於前日也然發露毫末以振枯槁
亦一方之幸願恐召節東下不風則暮進陞要近均斯幸
於天下雖斯民谷眷攀轅願借宜不可得矣繫然殘息遽
脫拊育預切悵

某竊以永嘉名郡江山秀發甲於東南自昔顏謝相繼出
守率以登臨吟詠爲事考之載籍則晉宋風流多出於此
陳迹依然不知幾寒暑寥寥後來誰復繼之比何幸乃有
大君子此來恩威所臨歌頌載路又得以詩酒行樂覽古

橫塘集卷十六

九

詔今江山自是增氣矣乃者竊觀酬唱篇軸辭嚴義豐遠
追前人殆非庸庸刻琢者所敢窺尋其髣髴也匪佞

某得性慵疎幸先人不鄙使從學問雖不能洞釋淵粹然
志所欲到亦不敢不勉比以貧甚狼狽從麻仕簡書米鹽并

困心力舊學既以蕪廢而職事又不能無弛曠者上賴恩
造保全覆護以及今日仰惟大賜比重山嶽此生祇戴何

口忘之

某重念尤人清尚好學厚朋友樂施予平時俸入未聚已
散伏自捐館諸孤索然無以繼朝夕而某小官薄祿不能

自支苟不勉圖寸進以活老稚則食豚倍十不知死所矣
中夜嘆息念惟仁人君子有以恤此故不揆量喋喋仰冒

嚴聽儼蒙惠然重以先子平昔獲侍都講學士投好最厚
特形荐墨之賜則門下之德舉及存沒而某所以爲報塞

者宜如何耶某無任願望激切之至

頃者率爾承稟將命方抱僻冒之咎伏蒙異眷特賜教諭
捧緘祇誦舉族傾聽所以慰勞孤苦之意勤數有加上荷
恩遇非房弱寒賤所能報稱萬一輒什襲祇肅永惟重寶
蓋其他不足以爲謝也

江海斯民幸會自天乃得巨賢照臨于此扶殖善良劔去
先猶熙熙千里猶一室然竊惟才德之重宜列禁從上承
顧問淹回遠守士論謂何除拜之喜當有日矣此有志斯
世者所以尤勤勤於祝願也某孤苦不敏分甘委乘無復
梳望于此時比不自揆輒敢屏猥投聽重蒙仁厚俯矜所
請恭惟采捨之私伴重覆疇自非至仁大度忘其鄙陋而
憫其無告疇肯假借及此哉圖報之相環視無以自效願
未死尚冀異日奔走問壺少伸一二也此生幸甚幸甚

橫塘集卷十六

十

昔者先人獲私於都講學士愛契最深往還手澤尚存敝
笥今某幸以迂拙仰附門下之士則泉壤慶謝之意宜與
此一致也顧恩撫黃綵所自豈不遠哉存沒感慕感慕某
祇荷異眷自應趨伏庭下以究謝懇而糜職筮庫未易如
所願滋用惶恐短啓敘感不竟萬分上汗神明益重僭越
併乞恕諒

海鵬猥醜敬頌德義積有歲序牽綴南北永言瞻拜下風

邈未易契此心惟然豈意旌旆辱臨此方恩威所懷千里

鼓舞獨是不競方苦私故弗獲奔走塵屏仰備驅使豈敢
賦淺薄所以願侍大君子之幸者尤非孤苦所應得耶下

情惘快

恭以慶門盛屬爲東南望家聲世業載在天下皆士大夫

所願道以爲矜式者而問下又以文學行治激昂要路復

重此時尚藉柄任委以遠守輿議大以爲不然夫豈知海
隅億萬之眾生造提拊樂有望於左右耶竊計廟堂之議
宜亦不能出此賤子詎敢云

伏自下車掃滌塵壑使民物洒然一新明而不苛寬而不
弛實古循吏事吾屬何自得此非天有以憫其僻陋無堪
購肯界以今日之幸耶報政滋久召書東下揆日以須斯
民獨何人乃欲私我公使不以均澤海內爲念宜其未易
得也

昔者道舊治仙居而父老籍籍具言利澤之在物者孤陋
竊用嘆仰身賤迹遠居恨艱於親承少窺高遠企首悵然
幸今託庇部封謂可以進侍幕履矣又以衰塊不能自前
何勝恨恨尙須異日符此懇悃

與孫登

橫塘集卷十六

十一

遠離侍席茲有日矣願言承請何勝早暮之悃屬者旌旆
按臨敝邑會臥病在告不獲至塵道左悵悵增甚未局坐
糜無從時拜座隅謹敘嚮往伏幸照念

春半晴煥不審候履何似此方幸甚仰辱大君子拊育之
澤日月未幾而歌頌載路第恐除召之命近在寅夕斯民
不終盛賜之及預以爲恨耳

鄙塞無堪竊食莞庫猥被吞庇之私未卽譴斥實闔戶孤
弱之幸尙稽進謝門屏感慕無限前日府座過聽特形荐
墨之賜自揆淺薄何以堪此蓋山門下賁拂之素遂階寸
進以活孤露此生感戴何日忘之

與俞叔通

言遠几杖之侍於是累月念橫勁頰仰非筆語可既而病
故長沮論時弗獲有獻左右雖門下丁察非懈未究諸斥

顧內省當如何耶負期未遑尙冀濯去已往使獲繼此以
勤執事者不勝幸甚幸甚

橫塘卷十六

十三

橫塘集卷十六

小簡

與周令

前日特煩春報而敷致剴切動與理契竊有以見大君子
端已平施之意甚善甚善拜寵畏慕何言顧恨衰迷不獲
親承以神固陋耿耿初炎比惟尊候萬福恭啓起居

與馮守

淮安吏民天與之幸乃得賢偉君子儼然臨之恩威所施
兩適其中境內帖然有日於此矣本法循理古循吏之事
史氏以為百姓無稱今於左右為尤信第虞召命不越朝
夕進據要近以據及物之澤凡我州民不得究被拊育之
賜惟此之恨爾預此春春

橫塘集卷十七

一

請違台席俯仰兼旬轉徙修塗永懷恩紀之重南望慨然
俗事紛馳不獲即敘嚮往中甚慚悵惟神明有以諒之東
行愈遠門牆眷眷之誠欲言不盡

某窮海細人稟賦單淺承學無所得每自悼其不競獨幸
備數麾下猥奉趨走之役蒙賜眷拊周旋覆露既寬謹斥
而又予告俾使其私竊願房微果何取於左右而愛憐之
意乃至此耶雖至仁博愛不閉在疏既然非所應得惟劇慚
愧耳迺者告去有日重蒙宴餞眷意滋渥已切感戴而行
李百須復爾煩澆台聽益不自遑惟寬大不以爲罪爾某
午日抵闕下官舟早暮可得即東下矣旅次屬此大熱尤
難久處也前塗別當參訊起居

寒薄幸甚得綴使令之未早暮左右雖愚闇不足以仰窺
高閣至於行己首公學學於及物實多士所矜式况在部

吏也耶違去塵榮忽焉歲改念眷錄之重實惟朝夕行
有參省之日繫吾之素豫爾祈釋

或律行盡氣候益凜不審台候何似伏惟綏靖一方諸福
沓至更乞善保崇重以副朝廷眷倚之意下情無任傾禱
之切

頃者京師草略參問起居自爾奔走脩阻且無西去便仰
詢動靜於是不繼悚惕有不可言者唯門下愛撫之舊有
以諒其匪懈爾不勝拳拳

恭承受代不遠還朝遂有顯拜之慶此固清議所屬第以
吏民銜賜滋渥惘然惜於施之北爾然翔翥要劇利澤所
及者遠與其爲一州其輕重小大何如哉誠不敢自私輒
以此賀某自夏徂秋跋涉長塗所至濡滯閏月方到家猥
幹牽纒初寒離鄉以爲歲暮必獲參拜舟行復阻汲水凍

橫塘集卷十七

二

澁貧囊碎累艱於出陸勢須新春方行還局遲遲不任惶
恐重念趨走府下閱日雖淺而周旋保庇之私實厚輩等
則終始記錄固宜微賜門下仰惟樂育成就之德乎於多
士叢爾嚮往殆無窮盡

答鄭國材

昨蒙惠書屬病中僅能執筆作報草草當已早達春盡蜀
雨稍熱想惟孝履支持前書所喻皆盛德者所任非僕敢
當也少時窮空應舉覓官冀祿及親耳稍長從賢士大夫
游乃知夫仕不獨爲貧也頗思進於學問而求其所謂成
己者然資稟凡下知識昏鈍又未嘗得親近賢師友無切
磋之益以至於今而茫然無所詣也交游間過聽輒見推
許曾不知其迂疎固陋無一堪者此殆別人之璞也而足
下又以眾人所以望僕者爲言豈不過哉昨蒙誤恩寬之

言責蓋嘗歷誦蹇淺辭不獲命覲顏就職亦幾數月雖思甚猶不自是庶幾草芥之微求裕天地第未知蹇淺果有以自效否區區未易悉布於此也示問中庸大指非公好學不恥下問誰肯千里移書見及耶曲能有誠謂之致力於所偏曲其義有所未安誠如來喻蓋擇善而固執之者學者之事也擇者當如何同思辨是也此所謂致曲也曲能有誠誠於致曲而已

與太守

窮膈苦寒恭惟照臨一方鱗集諸福朝廷賢德海內傾屬伏乞上為聖時善保崇重無任

竊某誠心願見有年於此疎賤之限無階親近居用悵仰比獲千典謁伏蒙寬大特與之進際然德義俾遂瞻炙實不貴之幸遂復請違方爾行役跂首台座何勝眷眷早暮

之情伏冀聽察

橫塘集卷十七

三

頃自台席謁誨滋款閭劣不競為之靡然而高明不居俯同於物燕笑從容若遇等輩雖自大君子夷曠所存顧不肖何幸耶拜別勿草敘感不究萬一尺紙寓誠復爾誰詢祇益慚懼惟門下諒之而已

竊以風望之重載在士論上簡聖心均逸名州雖自優寄而清議大有所未厭柄復之命當在晨夕蓋中外所共祝賤子敢佞某疎慵無似每念承教不早頃從執謁而愛拊款昵若素役於左右者又蒙矜憐安全之賜下及泉壤厚德所施雖存沒均感顧何以報稱萬一唯知誦詠以為不忘耳

與人

比者東歸往還使部獲拜幕履下蒙不鄙乘延誨滋款塞

薄慰幸甚已不貴請違行府忽焉易月欽味德義之重惟爾幸愈遠侍承西去悵惘實惟朝夕謹上啓泰問執事者

春序云晚氣候益暄恭惟對時受福無量更乞善護宴起茂對寵光以副海內屬望之意伏念疇昔最荷知獎之賜願言瞻拜少敘感遇萬一而疎遠之限久未契何勝悵惘重以頻年以來存穉憂患轉徙道路上記將命復爾缺絕願何取為愛撫之厚者區區愧訟良不自置惟神明有以諒之此作

竊以精識遠度輔以力學已足為多士楷式而好賢樂善汲汲如不及尤為識者所欽嘆謂宜進贊國論使康濟之澤出於一門尙淹册府興議誠有所未厭願在盼睐之末幸奉祝頌尤屬真切

橫塘集卷十七

四

某前者請急歸鄉比還任取道闕下屢走謁舍而漫刺訖不得上通將命渴德之悃益覺勞吝尙冀昭其匪懈不絕其後日之進幸甚

與何丞相

前日祇造釣庭獲望履舄伏蒙至仁曲加問勞所以存撫寒躋之意尤渥小人何以得此恭惟某官端方寬厚協德元聖登延揆路三載於此雖動輒之微畢常惠澤矧此疵賤嘗辱一盼之矜者耶欣慕感嘆欲言不盡未即祇謝第劇拳拳

某不才一行作吏舊學益落重以憂患之故筆研廢闕久矣比者侍坐伏蒙鈞誨俯及鄙文問命悸汗重念寒薄前此每蒙獎誘而荒唐弗競訖無以稱眷意之萬一居抱樞棟而寬大涵容未從斥絕復俾以文字煩悅聰聽益有賤

而教之之意念非木石豈不慨然輒忘其無陋不堪繕寫
上呈伏惟謀謨之暇特賜觀覽逆旅楮墨未具所獻不多
又以告假有限迫於還任不獲躬詣崇屏仰丐殫盡無任
惶恐請教齋閣尙期後日惟相公不倦有以終始之

代人與樞密

春序云雲氣候益肅恭惟協贊政機坐擁維祿仁聖眷倚
華夷屬望更乞調御寢饋以副具瞻下情無任祝嘏之至
斯者恭審榮拜翰書入秉樞筦除日紛播有識相慶恭惟
德望威名聳動中外雍容談笑固已折衝千里之外而况
高才力學志存經濟行須詔麻正席揆路使昆蟲草木畢
霑惠澤夔稷偉業復見此時實中外所同禱也匪佞

伏念違去鈞庭屢易茲朔驅馳冗劇不時上記執事者何
勝愧訟尙倚寬大有以諒其匪懈耳方當進位廊廟之始
海內奔走以修慶謁獨是房鄙繁官窮僻不獲從旅進操
刺贊喜北望牆屏不勝依歸悚汗之至

伏念謫謫不自知其不肖猥沿愛撫出入門閤親承款昵
實自疇昔頓在瓶賤雖不足以仰副勤與而盛德久要所
不忍棄况當被遇仁聖康濟海內之日則區區欣抃宜其
百倍眾人惟矜憐眷錄有以終始之此生幸甚倘負偏州
苟免罪戾益自庇覆之賜其幸不肖第以食貧指眾私計
百出薄祿不足以周給此爲病耳以門下谷存之舊喋喋
及此

夏序云初不審機務至繁啓處何似時方清和物被長養
伏乞茂對令序益綏福履以副中外屬望之意

伏念去離門下門日滋久低徊薄祿綴繫僻陋永念祇侍
幕履既未易得而欽誦時昔眷撫之重炯然未始輒忘北

望鈞庭裁十數舍尙冀時得以尺牘上勤將命而拳拳早
暮之誠庶有以自達爾伏乞賜諒

比承以道德風望登延右府實宗社夷夏之福雖嘗以短
書敘慶而枯墨澁詞豈惟不足以敷寫海內傾誦之意願
在微生誠心忻戴會未究展萬一何勝慚恨唯祈卽膺發
立之命摠發遺業以濟元元使得繼馳賀輻少畢願言無
任勸懇

拙薄仰祿於此忽忽踰年無補公家徒自慚忤獨幸大賢
得志澤被區宇惟是不才得與動植仰均餘潤第切折躍
自賀耳

與人

初夏不審鈞候何似恭惟神明協輔慶履日新時方清和
物被長養更乞茂對令序善保威崇少副中外屬望之意

橫塘集卷十七

六

伏念違離閔屏積有歲序永惟終始顧矚之眷刻畫寸臆
殆今不忘奔走小官既不獲日奉酒掃之役至於參候宴
起爾時缺然愧負鴻私殆無說以自恕惟倚寬大有以諒
其嚮往之實耳無任拳拳祝望之切

某昨者率爾問起居蓋恃門下照知之舊不以浼躐爲罪
方爾恐愧遽拜鈞翰之寵辭情款昵所以慰藉之意尤渥
伏讀感戴不知所言職守拘縻無緣祇伏軒墀以謝異數
徒劇慚悚伏乞賜諒

比審眷雷開庭疊侍黼座恩數之渥實無前比固任共政
非公而誰佇問詔麻正位宰席康濟寰寓對越在天四海
所懷施諸今日乃士民朝夕頤頤之望願惟頑鄙得與動
植均被休澤何勝千萬之幸

某冀祿奉親從事不敏此心兢兢常恐有玷門下疇昔誤

知之意備數偏州利進曠罰蓋自輝潤之出况當恩席行
執魁柄在寒賤欣躍區區不止逃罪戾而已也

與吳尙書

某不望幕履下俯仰踰年念念眷撫之隆實惟朝夕小官
匏繫漫無參省之便尺牘寓勤復爾不繼仰負收郵徒自
愧訟正惟門下照知之君情恕必矣然在辱薄終不自安
也

自頃超陟省座實階大用多士稱慶殆不容口洪惟忠義
直節簡在帝心界命樞衡當不越旦暮益民所同願願被
遇之深者猶勤勤於祝望也

寒門冷族誰肯顧盼而兄弟賤隨最荷矜卹闔戶戴德不
知所喻唯祈早膺柄用使得與動植均被惠澤誠心頌願
奉拳以之

橫塘集卷十七

七

某備數偏州養祿爲老稚之賴未從汰遣猥自獎庇之出
區區感仰欲言不盡

與張守

伏念旬浹不侍幕履水懷恩紀之重實惟朝夕涉履俯阻
恭訊輿居不覺緩後雖門下眷知之渥端能諒其匪懈然
不敏之迹已疑於逋慢矣無任慄慄

比日不審鎮撫多暇宴起何似時方清和物被長養更乞
善綏福祿前對顯重之寵下情祈願良切

昔者竊聞盛德之譽載在多士居限疎遠無階恭拜徒有
嚮往區區然亦以爲翔翥清切屬被大任久矣不謂屈臨

一州而冗散無似實隸麾下猥沿趨走得償積歲願見之
誠豈天姑遲晉擢特以爲不肖者幸耶所恨遠易職事不
獲從容扣請左右竊計召節趣還且暮頃則出入門下

以單願言尙何晚耶

某伏念備數吏屬閱日未幾而撫存願遇之厚有若素從
於左右者此心銜荷已無窮盡誤思遠及告去有日更蒙
贖資稠沓犒餞周至仰惟終始之眷度越夷等感戀實亦
稱是雖辱薄略無報塞之萬一敢不佩服永爲不忘耶龍
假卒夫大濟旅賁咸激萬萬四名者先遣還其二候置到
建茶當令齋回伏恐尊意京師別有幹委伏乞下喻

橫塘集卷十七

八

橫塘集卷十七

序

宋 許景衡 撰

送左經臣序

齊人藝粟越無粟齊人食粟笑越人無以生也越人藝稻齊無稻越人食稻笑齊人無以生也越人遇齊人而問之曰子奚食曰食粟越人以爲不若吾稻之美也齊人遇越人而問之曰子奚食曰食稻齊人以爲不若吾粟之美也夫稻與粟均五穀也而齊越之人不知焉以其蔽於在我者故也士之特立獨行力學問爲文章固有以自見於世也而世之君子則曰我有是而彼無是也我能是彼則不能是也吾何取哉知人之有是矣知人之能爲是矣則猶以爲未也嗚呼士之生斯世其亦可爲難矣古之君子見人之善惟恐其弗聞也見人之不善惟恐其或聞也後之君子見人之善猶不善焉見人之不善猶善焉嗚呼士之生斯世其名譽之間於人蓋亦幸而已矣松柏之始生也巖石軋之荆棘繚之然松柏木嘗不生也卒之已一歲而不朽夫士欲有立於當世亦顧所自爲何如耳奚彼之鄙哉孟子曰人知之亦囂囂人不知亦囂囂臨海左經臣有學行其爲文與古人相先後而世未有知之者瑞安許景衡其友人也於其歸寧故有以贈焉

送徐長世序

元豐改元子始繼髮授書鄉校於時同處者三十餘人惟劉安行居仁徐陟明長世與余年相若相好也而余又與長世門巷相當凡出入必偕合居仁爲三人早暮未嘗輒相舍也其後居仁游郡學長世徙居別業湖嶼而余以貧

就食旁縣而三十人者皆散去不復見聲音不相聞惟吾

三人者歲時或一見焉又數年予游太學既而官於台官濱大海每持檄出則託命舟楫其容於風濤者數矣幸不死又以罪斥北歸遂丁家艱於是居仁死已七八年矣而長世亦爲人訟繫於官者三年衣食不能繼幾無以活其妻子嗟夫吾三人者裁二十年間若居仁者既死矣其幸而存者其憂患又如此也顧童子時相與之歡與夫嬉戲釣游處歷歷在目恍然夢中事暗其亦可悲矣夫嘗謂長世人固有幸不幸然世所謂幸未必不爲不幸其所謂不幸未必不爲幸也以子愚且蠢使終身學問猶曰不足自意遽得仕既曰爲事物侵奪雖欲學焉有不可得者是世之所謂幸乃予所謂不幸也今長世際困頓憔悴之餘然無意外事分神庶幾盡力於學乎使進而不止則彼埋

二

賢處皆可指而到也是前日之不幸蓋未爲不幸也昔孔子論善與人交惟晏平仲其人今長世將遠適與余別使余無以相告語則是乘於孔子者也然則長世爲何如哉

送李季通序

始余兄少明遊京師其往還多豪傑知名士而與鄭將道最友善當其徜徉塵埃之外觴豆滿前相與醺酣淋漓道古今是非成敗慨然謂前人功業爲不足述而當時士大夫推數天下奇男子鄭必在其間余以爲將道當乘時得志鼓所有而前也今季通之來也好學而文其剛靖端飭固余所甚畏又况將道之所與俾晤其家者耶將道令吳門今季通歸亦將役於江南往拜將道問安否外爲致其故人稚弟之語曰士無賢不肖惟所遇耳然辦天下大事者不朽竹帛則宜屬之誰耶爲駭當前坐嘆于里爲遠鳴

呼彼特未知其何遠耳

送韓用可序

余友用可少力學手抄經史至數十萬言皆能究其義尤喜爲古文章世方以靡媚叢脞語組爲時文邀祿利後生從之翕然獨用不肯蹈襲一字人皆曰用可之文則善矣以爲利科舉則未也余以謂天下是非之理常私於寡常公於眾用可前此齟齬一方州彼決得失者果何人囁囁相告語必求合我繩尺宜其屢卻哉今去是而游京師所謂好古君子不可以一二數然則用可亦何疑其不合哉用可爲人介而通其事繼母如生己其特朋友信出入州黨無一非議者然則用可所以異於人者非獨言語文章也彼挾而之世者有是哉

送俞叔通序

橫塘集卷十八

三

君子之於仕未嘗有所擇也夫君子之仕綦大至於王公大人綦小至於抱關擊柝大者祿足以仁族屬厚朋友而小者升斗不足以活其父母妻子大者任道小者任力任道者使人任力者使於人其勢之懸異至於如此然君子未嘗有擇也夫擇則安不擇則不安此人之情也而君子於此獨有以異乎人哉蓋君子常病夫所以在我者而不病夫所以在彼者在我者則未嘗不勉也在彼者則聽之而已矣苟吾所學不悖於聖人而所行不愧於聖人則雖死生禍福之變未嘗有所擇也而況其下者乎故在眾人擇則安不擇則不安在君子擇則有所不安不擇則無所不安也昔者孔子以大聖人事業其爲堯舜爲禹湯爲伊尹周公適其所耳而言不信於人道不行於時故爲棄田爲委吏然亦曰牛羊遂而已矣會計當而已矣後之君子

則不然有是志則期於無所不至有是能則期於無所不

爲其所懷者大其所慕者遠其所懷者大則其小者有所不屑其所慕者遠則其近者常羞道而恥爲之蓋其所自擇者如此夫以孔子之聖猶屑其小者而今君子乃止欲爲其大者其可笑矣夫句章俞叔通有學問自弱冠時聲名已隱然爲東南冠其後屢以文藝進當時賢公卿皆盛稱道之以爲當得志於斯世雖叔通所以自任者亦然既而顛顛不售與俗益齟齬晚乃從吏部選主溫州平陽簿議者以爲叔通高才主簿小官以高才處小官所懷當如何吾將見叔通縮手聞筆不知所以事事矣夫子因曉之曰夫爲其大者則喜爲其小者則悲豈吾叔通之謂哉叔通學孔子者也夫學孔子則無適而不可豈以彼此小大爲擇哉叔通至邑承前人廢弛後滯訟山積叔通爲之盡

橫塘集卷十八

四

力區處兩造庭下指示黑白眾皆誠服會其令憂去叔通遂專縣事豈弟愛物而痛懲強梗爲民者皆相戒以爲簿公遇我屬厚其可撓之耶異時吏治文書日夜不休比叔通爲之率午刻庭無留人然叔通於此得致就除他官邑父老重其去相與狀其事於州於監司冀其爲歲月出而州亦表於朝未報會詔至遷某令於其行也邑人相顧泣遮道如堵曰天乎鄙我甚乃不畀我以公耶今世俗益薄議論益不一前日以爲是則今日以爲不可如叔通之來也議者固疑其不事事也因曉之比又觀叔通所以惠愛其邑人然後議者不復置疑其間今天子仁聖求賢如不及叔通去是是將進爲其大者矣彼議者又將疑焉以爲叔通能爲之於此而不能爲之於彼也故欲余道其所以然俾比今之疑者又將不復疑也

溫州瑞安遷縣學碑

崇寧元年有詔郡邑皆立學置師弟子員錫以饒康校其
行藝而升貢之所以作人之意甚盛天下鼓舞有司奔走
役事瑞安為溫之支邑廟孔子於縣治之東而迫隘不足
以容多士邑人病之久矣會聞詔亟徙於南江之濱山川
風氣散漫不收潮濤汎濫墻宇圯壞神人靡寧邑人願復
故處數請於官弗聽政和五年春具以告郡守劉公從之
於是邑令蔡景初為之規畫而丞張宇發實領教事乃斥
舊址廣袤三倍撤昔構之卑陋者易瓦木之腐敗者凡為
重門兩廡殿以嚴像設堂以隸講習廡為齋以處學者累
屋為閣以儲經史高明深曠為一方偉觀落成之日三獻
如式稚童和會瞻仰稱嘆邑之子弟來學者日益眾丞善

橫塘集卷十八

五

教道士既勸迺相與庀石請書其事某以為天子立學養
士所以明人倫善風俗而為有司者能推而行之可歌也
已乃為詩以貽邑人俾歌之其詩曰在溫之陽表襄河山
盤礴逶迤有邑其間祥禽嘉禾實肇厥名歷唐五季人物
無稱祖宗聲教被於四海以迄於今理若有待明明天子
生知達孝曰子繼志乃在學校奔走詔令以後為羞孰與
改作弗慎爾謀度地鳩材於江之漣鬻於湖濤士氣弗振
郡邑維賢不從眾志亦有爾丞既心乃事器非求舊維不
善故吾以汝遷庶幾復古嘉而多士而父而兄協力并謀
不日而成殖殖其庭渠渠其屋像設其中冠冕佩服修幣
碩牲於粢豆遷庸告爾成神享亦虔學者四來十百其輩
粒前洋洋飲食教誨維爾學者興於草萊天子樂育篤其
成材亦惟有司欽承德意爰居爰處擴此宏麗咨爾學者

學古之道維古善教有倫有要曰行日藝庸迪厥初天子
作人其止是乎其學維何政知格物反身而誠物我為一
匪曰我私推之斯行親親長長而天下平秦漢以來治功
燦然學校弗修斯道弗傳明明天子千載有作稽古聖謨
以覺後覺咨爾學者欽哉無斁唯道是力以成皇極以報
天子之休德

記

迎坡閣記

平陽浙東之窮處也邑於山谷間直南有坡曼延數里而
其勢稍平榮陽潘君閣於所居之東而請名於余兄少明
少明為之榜曰迎坡蓋坡之旁江流入於海路接於七閩
而極於交廣凡士大夫之北去與夫官於南者往往取道
於此與夫土地所產百貨之所交販夫販婦僦僦僂僂所

橫塘集卷十八

六

以提攜負荷朝往而暮歸者莫不道於此而閣適當其坡
勢之平而介乎人物雜沓之地余嘗過潘君與之憑軒律
徊四顧因謂之曰子亦見夫往來者乎方其居也若不忍
出其既出也往往放蕩而忘返或者訢然而出則又嗔嗔
焉計日刻晷惟恐就舍之不早也且其出也必有所謂不
可不出者出而返猶飢而食寒而衣而世俗味昧至有終
身不知返者有汲汲而欲返者可悲也哉古之君子未嘗
出未嘗不出無居安之逸亦無奔走之勞豈不以在彼者
雖不一而在我者未嘗不一耶余方以貧而任每誦斯語
而學焉而君亦習進士業遊學四方是又不可不知此也
然君善教子其子將有立以自拔於庸俗則是閣也又正
於迎坡而已耶

飄然齋記

余兄少明制儻有大節久不遭時乃浩然有江湖志所居瑞安別業橫塘旁屬於西山要皆山水之國俄而乘輿則鼓棹浮游而去然每恨孤蓬短艇低回離離不足為游覽之觀一日召工師列大木以為舫其脩長十丈而其博十之一可行可踞可倚可臥廓然如坐大庭廣廈之上寒暑莫為窘而風雨不能迫也於是自號飄然齋設庖壺莊凡其上朝暮往焉客怪而問曰夫所謂飄然者一葉之舟可也今君高梳重纜長篙傑榜上如垂天之雲下如徹海之鼇僕夫十餘輩怒目攘臂而操之然後徐而動惡在其為飄然耶少明笑曰子所謂飄然者在乎舟吾所謂飄然者在乎我迺輕颺截駭浪而頃刻千里惡知其果飄然耶款如輜車植如栢林而窮日尋尺惡知其果不飄然耶客未及語而少明遽命盪舟以行舉林大笑信其所之日之夕

橫塘集卷十八

七

矣烟波蒼莽雲物蕭爽明月杳乎其無涯清風浩乎其莫窮夷猶蕩漾如浮虛空而茫不知其所於是客矍然大驚謝而去

文

祈晴文

天作淫雨既踰浹旬民惟怨咨不堪朝夕仰惟大覺孚佑含生驅除陰雲收卷積潦赫然一照拯我羣氓永念歸依以答覆護

又

麥未云秀稻方播種譬如赤子未堪飢凍淫雨害之重以風雹如幼多疾成人亦弱民既告病吏亦靡寧有謁於神神忍弗聽雜民足食視稼之始維神保民猶民之視

請廟謝晴文

若雨淹時靈嗣致禱惟我神明之德拯民溝瀆之中既獲真居敢忘為報

某寺謝晴文

積陰失度輒有請祈妙覺垂慈應如影響仰惟覆護之施莫知報謝之方願與舍生日嚴善果

謝雪文

雨陽豐凶雖神司之亦吏之責維歲云暮雪不時作神豈爾奮我是用懼將請於神庶幾渾澤誠萌於中神應如響不待懇迫俾民有秋疾疢不作吏亦安職酒牢鼓歌徒寫我誠何以報德

遷廟祝版文

神血食此土久矣乃廟於聽事之西偏吏有祀事則出入惟艱今遷像以妥我神堂宇惟新香火具有神無驚無擾

橫塘集卷十八

八

而居之安

祭諸廟文

貳州於茲蒞事之始恭陳禮物祇款祠庭徼福神靈庶迷罪悔願推所學仰報鴻私

祭趙彥澤文

嗚呼人材之難難乎無蔽也蓋和易者常失其所守而剛峻者或流而很戾也是皆學問之不至豈獨稟賦之弗類也孰如彥澤高明而居以謙抑勁直而濟以豈弟也既有其質又敏於學如玉之得追琢如金之從淬礪也是故信義施於朋友而孝友睦其兄弟也凡人之稱彥澤者必以送終卹孤急人之難與夫力辭入行之選深遷而遠逝也孰知大臨大節而不撓判死生如反掌視古人為無愧也嗚呼彥澤所貴乎君子者為其有補於世也胡不百年中

塗而廢也問計驚咽紛涕淚也緘辭千里有一酌也將子不昧知我之悲不獨以其親愛也

祭張顯謨文

昔者試吏兩河之間人笑迂愚亦疾其頑公獨憐之逮見前輩從容函丈飲食教誨幕府多賢聞於四方我實何人亦玷掄揚惟公強學英果敏明折獄忠厚治邊威名今也則亡邈焉誰繼聞者涕泗矧門下士絮酒千里俯辭匪他永言報功疵賤奈何

祭宣州劉舍人文

公游太學我亦諸生我蒙召還公在朝廷備舍國南門巷相望把酒道舊其喜洋洋嗟我昏蒙惟公之畏公不我鄙委曲教誨廣大精微我駭且疑公指其要莫先致知用舍行藏我亦公告公曰有命豈不自好取別返堤歲月如馳

橫塘集卷十八

九

公往不還而以喪歸大車夷塗發軔千里伊誰柅之而止於此公之道學我實銘之匪告於今維劉集後之贈公葬荆川千夫臨穴而我何為薄祿羈縲絮酒寓辭以寫契素瞻彼大江日夜東注

祭王經國文

字公濟宜和間知瑞安嘗禦寇之難邑人祠之所謂王廟也止齋集有

招辭

嗚呼經國世人所慕公不屑為世人所難公獨易之三十年間奔走州縣人皆公憐公獨不倦凡我長民以民為師夫豈他求惟天我知鄰寇猖狂聞者四走公令其民吾共汝守礪兵蒐卒以固吾圉賊鋒屢接民卒安堵豈惟吾邑旁障毗境億萬生靈惟公為命天子嘉之能保我民召檄甫下而公計聞搢紳嗟咨論著初終恩錄其子天子勸忠士方平時抱能未見遇事而發功立名顯勿吾經國豈弟

英果使其得年何施不可嗟我與公實同臭味而公所造非我敢毀為形斯世孰孰孰孰長雲飛川駛此獨不亡尊酒相歡今奠一觥嗚呼經國炯若平生

祭王義夫文

嗟我涉世了無一得天實矜之毋以三益有如義夫王國之英勁氣直爾期我有成百鍊之剛莫施一割挹彼秋潦灌於壽尺出處三紀將起復仆惟惠在民曰吾父母後生笑公進不自營我獨知之惟義之行儷首一邑興悲父老胡不百年福祿是考嗟予昏塞誰發藥之天既界之曷又奪之念昔為僚兩河之間傾蓋銜杯綽有餘歡大篇短章更唱迭和公語一出獨驚四座歲月幾何奄忽陳迹迴風北望涕淚淋漓位不侔德雖我亦疑公實有子天豈吾欺

祭劉元脩文

橫塘集卷十八

十

嗚呼元脩玉璞金渾孝友孜孜交際溫溫事境紛然錯節盤根至於元脩一掃劇煩維昔先公德高邱園不有其躬以燕後昆屹屹仲氏瑣闥掖垣簪笏相仍榮耀里門川游洋洋雲飛軒軒各適其適可以忘言念我季姊早奉蘋繁元脩友之琴瑟蘭蓀二紀之間歎如晨昏後先幾何各反九原一時族姻僅爾有存言念及之涕淚河翻此理尚矣宜勿復論永懷平生奠此一樽

祭蔡濟仲文

嗚呼朋友道喪道學不明我雖冥頑而得友生倅歐濟仲相與以誠誘掖切磋砥期于有成今子死矣偃偃吾行我愧子知子墓我銘爾父命我我不敢承朱絃疏越世人莫聽聊以斯文告於冥冥我獨何為涕泗雨零寓辭千里俯此

祭丁二文按此即程行先生出塲廣購初歸黃州於台而經行三子志夫嘗尉寧海故有鶴官云云

嗟我始冠遊學京師道大如天吾將焉之疑疑諸郎實同旅食直諫多聞展也三益聞誦公文想見其人亦既見之又過昔聞公曰爾來凡交吾子忠信而文實難爾比匪今之難惟終是聞凡今之人鮮不有初竊官於台公亦從養安與往來惠然我訪往拜夫人重敘姻媿言念伯兄泣焉其潛歲月幾何各返九原惟其德名愈久彌尊今我免喪始哭公墓瞻彼大江日夜東注

祭胡源秀才文

吾聞死者骨肉復於土魂氣則無所不之嗟乎胡君客死於斯誠冤氣之有知雖故鄉千里亦將悠然而歸嗚呼哀哉

代趙彥章祭鮑丈文

嗚呼自公云亡俯仰歲年而我思公如始死然豈無朋友亦有姻戚謂公云亡而不可得念公平生洵約且儀不跋而高不俯而卑徜徉里閭卒歲娛嬉李杜不作兒曹亂真鬪靡麗華泯泯紛紛孰如我公渾然天成近體古風琅琅厥聲嗟我弗類涉世多晦而公不遺以子妻之歲時拜公飲食教誨更僕之幾而公不怠謂公健強優游百歲云何不淑欲見難再嗚呼公乎此方耆舊平時還往埋骨已朽惟公壽考獨殿其後今則已矣誰其似之前輩風流掃地弗遺嗟我後來孰問孰咨考日惟良駉車東馳惟公平生豈獨我悲

代人祭弟文

嗚呼凡人之生仰以事父母俯以畜妻子事父母以孝而

畜妻子以恩此天性之同然矧恭順慈和若汝之所存今汝之死也脫撫育於未及制定省於晨昏老親八十扶杖而送極少妻稚子呱呱而撫棺此豈汝所願欲耶將造物之不仁紛行路以愴悲矧為汝之弟昆駉車既東往安邱墳惟是天性之同然與凡汝之所存今則已矣尙諒慶於後人汝有知乎實聞我言

代家兄祭趙彥章文

我家諸甥森然比肩秀特而文孰如子賢而我與子總髮嬉戲匪親之好亦其臭味醜酒如池炙肉如邱笑語歌呼竟日獻酬新詩醉墨淋漓滿紙惟此筆力一抹千里每言此樂天實予私俗子紛紛慎勿彼知三十年間屈伸臂頃而子何為遽纏以病我往視子子亦云瘳人物眇然實重我憂滯流橫塘見子弗繼歎然計聞鶯源濺袂嗚呼彥章凡物之生等歸於死何天之悲何壽之喜世之惑者因殤慕彭豈知至人未嘗死生嗚呼彥章此理尙矣而我之悲亦豈為是

祭亡兄文

嗟我之生庸陋弗靈俾克有成惟賢父兄有列於朝初膺贈典兄時欣然曰適我願命書及門廡奠於廟尙須消吉邱壠是告天禍我家變故靡常雲飛川遊有志莫償今我來歸恭踐言語願念疇昔涕零如雨

祭韓夫人文

猶歟夫人洵淑且儀入壻大家承祀孔時閨門懿範萬齒一辭亦惟夫人俯仰其宜君子惟良絃誦書詩與遊何多益落瑰奇友來四方人門如歸君子宴斯有肉如邱有酒如池笑語歌呼幸歲娛嬉夫人裕然有嫺其辭言告君子

汝無彼遺厥餉惟賢我無汝疵大貝南金替珥葳蕤斥奉
其須視如塵泥憎彼女婦規規鉢鉢會何彼知日惟己私
密主在堂有侶弗隨彼問夫人厚顏怙愆天界善人福履
將之命難忱哉而不耆之考日維良葬車東馳萬松之顛
周湖之滙更于萬年夫人是思某從遊君子歷年於茲設
奠柩前以寫我悲

祭人母氏文

我方志學永懷師友惟夫人子學問有守時我父兄俾我
從之分章摘句袞蒙指迷徒聞夫人友夫以義善事其姑
善教其子篤恭節儉表於一鄉秀眉兒齒既壽而康我欲
拜之今三十年貳州此來庶適願焉胡不少須遽棄以死
維此傷心豈獨爾于嗟我先君及我先兄與夫人子如古
朋友及其淪謝惟夫人子臨喪會葬不遠千里今我何爲
薄祿羈縲不往而甯有負存沒絮此旨酒侑以斯文夫人
享之俾無愧云

祭家姑文

昔我皇祖生子六人夫人維季孝友慈仁能悅其親皇祖
所愛常曰吾女不與俗子妙擇婚對維時沈氏母子自立
門戶不墜夫人既歸婦姑歡然其家大順善事其夫善教
其子孜孜不忘男也儒服女歸令族卒如所戒內外諸孫
及其族姻百十爲輩幼穉壯長紛然燕笑歲時之會明目
西耳秀眉兒齒八十三歲一旦難有嗟維夫人諸福來萃
念我先公手足之愛夫人實倍延及諸孤撫育周旋飲食
教誨嗟我不天先公同產獨夫人在朝夕左右如侍先公
庶幾自慰云何踰年間因小疾奄然而逝我生孤苦其將
誰訴有願莫遂拊棺長號不往而甯薄祿綴系豈無他人

謹遣厚恩致此一酌我哀如何終天之訣而不親饋念昔
蓬離夫人泣言此見難再我日不然百歲期隨夫人之謂
交代來歸把酒爲壽恩實在侍而今已矣願念前言悲懷
易既

祭亡妻文

祭告於前妻陳孺人嗟汝歸余余方初官憂患窮空實罹
百艱義命之安亦克自娛匪汝勤儉執左右子尙期壽祉
爰享其報云何不淑卒罹短天自汝云沒於今九年願念
平生不忘朝昏歲行壬辰有降自天追榮之恩下逮九泉
生也何戚沒也何慶國有典常服此休命食飲滿前衣冠
在笥汝歆受之生者之意

宋 許景衡 撰

墓誌銘

丁大夫墓誌銘

丁姜姓系出太公望繇漢以來多聞人而寬及鴻恭皆以經術名家公世為溫州永嘉人更五代之亂譜籍不存然自高曾而下積善有陰施號為長者至皇考始業備通經術篤行著書教授鄉里既沒鄉人以經行先生易其名三子曰寬夫廉夫志夫皆好古博學被服禮義知名士大夫間蓋自宋興丁氏凡再顯為公卿其居毗陵吳興亦為東南望族永嘉之丁雖後出獨能以學問承家與漢名儒前後相望君子於是知丁氏之世有人也公字剛異經行之季子自幼篤學與父兄商論如朋友不肯苟且曰此理天下所公共不可為閨門屈也既冠游太學益務記覽其專勤不惰至忘寢食擢紹聖元年進士第起家為台州寧海尉縣有海游渡舟多覆溺公命邑人為石梁而躬督其役不聞月告游民到於今德之丁內外爨再調開封府鄆陵主簿作勸學文實體皆德邑人翕然趨於學開攝邑事御吏民如家人柔聲緩氣循循訓飭之使各適理至其不悛則刑之久之皆馴服曰主簿不吾欺也徙監在京醫藥惠民局鄙人遮道相丐留者以數百計辟都水監措置修塘堤屬官就辟北丞司勾當公事豫修浮梁權都水監丞大河堤防千里公往還其間不憚寒暑雖幽僻必至究見利害之實其贊水政裨益為尤多河堤浮梁次第告功改奉議郎累遷朝請郎浮梁役卒輒渡河者五百許人議者請繩以法公以為此屬暴露日久迫寒飢思歸耳亦既畢事

橫塘集卷十九

一

二

橫塘集卷十九

罪可略會使者誕日有放雀為壽者公曰贏卒冒法若寬釋之獨不愈於羽族乎願以是祝公書使者大恆薄其罪擢司農寺丞屬卿以罪罷公獨領寺事大益倉火大理其獄以公失暴涼節坐之士論闕然不平曰暴涼豈丞職耶論法不當孰甚於此而公未嘗自辨也未幾朝廷察其非辜除國子監丞以水衡餘賞及積日勞三遷朝請大夫再丞國子公自宦學往還京師三十年鄉人及四方游舊疾病死喪急難皆賴公以濟其父母妻子之在遠者亦曰丁公在庶幾無失所也其再至國子也京師方大疫太學諸生多感疾公躬督醫者治瘥之日問其食飲臥起狀多士感悅居無何公亦病矣俄致其事於朝訖不起宣和二年五月丙午也年五十五又明年七月甲子葬於永嘉某鄉某原曾祖諱某祖諱某考經行諱某累贈朝散大夫母同郡蔣氏累贈宜人公娶吳氏括蒼人中奉大夫諱克之女封宜人二男子長曰仲寧修職郎管勾開封府架閣文字其幼未名五女子婿曰迪功郎淮寧府商水主簿洪興祖其二早卒餘在室公天性至孝常歎禮學缺絕俗習卑陋而喪祭為缺比執親喪皆如古制而哭泣之哀人不忍聞斥佛事不用廬於墓側松檟皆手植終喪茹酒肉歲時享祀齋戒日時幣祝皆有法式焄蒿悽愴若將見之於是州里始識喪祭之禮人多慕倣之樂聞人善得其寸長稱嘆不容口而未嘗及過差其與人游有終始苟有以成就之竭力弗怠甚於謀己其在惠民局攝事者弗任累公以罪後官河朔而公適在水衡為之延譽當塗論荐之或問何以報德曰故舊豈可以小忿絕耶遇人無貴賤小大豁然不為闊鍵周防人亦以是信服之常曰官長即父兄也

事之盡誠實爾故累為佐屬皆得其歡心施設之際言無不從蓋有以威之也初從進士舉方尙辭賦或勸其從時好曰經術吾家學也舍之而從彼何哉卒以冷經中禮部高第未幾罷春秋學官公曰茲可廢耶故凡經理世務與人論議必稽焉曰他經明理而春秋斷事也最後罷官園于踰年不得調同里有橫貴者數以挽進招公非其好弗就也公為人號平易至於利害之際而其所守如此雅為太師清原王所知王常稱其人而惜其才未盡用比公卒指紳無識否下至閭巷老稚皆曰惜哉善人而止於此也其為文有理致不事刻琢發明經旨為尤多其家類集之為若干卷將葬仲寧以洪興祖狀泣請銘銘曰嗚呼偉哉永嘉丁父子兄弟皆豪英惟公秀發自妙辭揮斥異端專六經直非空言在力行洞視物我一以誠施於有政皆可

橫塘集卷十九

三

稱爲爾後人尙儀刑有考其不在斯銘

陳通直墓誌銘

陳公諱懿字公美温州平陽人曾祖諱某祖諱某父諱某公美慈順謹飭遇人歡然無間人亦爲之傾盡兄無子或勸其求嗣續曰吾弟孝友卽我死尙憂身後乎公美事寡嫂彌謹撫其二女皆得所歸常曰吾早孤而寡不及學問幸有子庶幾成吾志手抄羣書授之早夜課其誦讀稍長俾從師營其資給艱甚而無厭息色未幾其子楸以上舍生擢甲科解稱翕然厯官太學秘書省每退食侍側必問所讀者何書所游者何人所討論者何等典故楸具以對曰毋忘學毋友非其人蓋友所以輔學也吾聞某人某人賢者亦嘗從之游乎故凡楸所與往還多名人其操履隨藉尤爲賢士大夫所推許蓋有所授之也公美以其子之

恩四封爲通直郎致仕年若干宣和二年五月甲子以疾卒於京師明年某月甲子葬於福州長溪縣某鄉廣化寺之後山猶人某氏同邑人生二男子長卽楸也以承議郎行祕書省著作佐郎次曰某習進士若干女子婿某其一早卒餘在室孫若干人公美重然諾與人交有終始振其急難唯恐力之不逮也故聞其卒皆爲之出涕其輟東歸有越數百里迎拜致奠者行路蹙異之而邦人皆以其長者爲可惜也將葬其子以書來告曰先人以聖問故辱公知今葬宜有銘敢請某曰嗚呼公美善事其兄善教其子善與人交其可考不誣如此楸方知各當世則公美之名不泯於後世必矣然其事則不可不識也故銘之以遺其子俾刻石納於墓隧云

陳府君墓誌銘

橫塘集卷十九

四

平陽陳經德狀其祖府君之行告其所游計某曰惟陳氏世爲溫人吾大父生而挺特尙氣節不事細謹遇人澗然無疑礙雖犯之不校也久之皆曰陳丈人長者不可欺也家多資度歲費外盡以奉賓客善飲酒有過門者則爲之歡忻引滿窮日夜弗厭邑之俗喜佛豪民多弟姪則界於浮屠以非其所有大父深疾之每以爲宗戚戒故於今凡陳氏子弟皆儒學無一人異趨者吾大父之教也又曰凡爲人子若孫孰不欲顯其親於無窮今吾不幸大父早世苟失所記而不傳焉又其罪也子其與我銘乎余曰噫嘻余雖不與而祖接觀而等力學問能自拔於流俗中宜有自矣銘余其敢辭府君諱宗偉字公美年七十有二崇寧二年歲次癸未十月二十八日死於家娶浦國朱氏女先府君十六年死生男三人曰士珪士衡士明友三人長適

林混次適穆誠早死季適林宗顏男孫九人經德經邦經郭經正經世經言經綸經猷經辨以明年甲申十一月十四日葬於所居宰清鄉樂溪村之原會祖墓西四十步會祖諱添祖諱度父諱文濟博學而文為州里所推重云銘曰為善之報其在後也修身慎言恐辱先也雖先有開維後有傳鳴呼若君之子孫不其多賢者耶

宣義劉公墓誌銘

公劉氏諱歿字公輔永嘉人皇祖廷貴皇考瑩攝長史雅喜儒既進子於學且老矣謂公曰能任吾家事俾昆弟一於學乎曰惟大人命公警穎有志度方營其家規樞偉然日奔走於艱難無厭息色久之凡所以為生之具畢辦而區處條理粲然可觀常歎世俗族眾則異居異居則恩意日薄顧弟姪孫子繁衍乃益廣室廬殖田疇為持久計而

橫塘集卷十九

五

涵容愛拊上下輯睦四十年間如一日人皆以為難而公處之裕如也故家荆溪上公因之闢館真書延師儒趣諸子族人皆從學曰是吾先人之志也既而其子故起居郎安節次子今給事中安上皆以文行知名太學相繼擢上舍第應官御史聯職禁省門閭顯大而公之母徐氏尚無恙給事之為御史也以入寶恩封邑仁壽其後起居亦以元圭冬祀恩再封公宣義郎於是仁壽年九十餘見五世諸孫晨昏定省老稚歡然而爵命榮耀為時慶門東南不多見也公孝謹重去親側起居被召赴闕力請而西其後自饒移守宣城而給事出守東陽公以其思念故亦一往焉皆不越月而歸名藩相望千里安輿往來其間人皆以為榮而公歎然唯離親之為憂也宣城以治行聞而採災勤民遭疾不起公得訃哀思致疾病革曰吾其不得給養

吾母耶涕泣嗚咽聞者傷之年六十八卒於政和六年七月戊戌而以宣和元年二月丙午葬於永嘉仙桂鄉余與山之原諸人薛氏承奉郎諱京之女事姑友夫邦人稱之公之為家以迄有成薛助為多生四男子長起居也次曰安上官給事中次曰安禮曰安義皆業儒而安義為叔氏後二女嫁同郡每按在史集卷八夫人云云日敏中吳帖孫男二人曰諶曰誠將仕郎女四人尚幼公平居不廢儀矩家人效之遇物仁愛尤篤於姻舅疑當作舊鄰有道死浙西者寓書屬公以其孤公顧恤之甚厚比成人且資其從學曰若父所以屬余者良在是宜勉之其與人有終始多類此葬有日其孤相與謀曰昔我起居兄之葬已問銘於許氏矣今銘吾父墓宜無他屬也乃以書來請余惟長史樂善為鄉長者而公又不憚勤勞合族而居周人急難著信問里蓋其所積者

橫塘集卷十九

木

厚矣其有後也宜哉起居兄弟皆為世用施於有政惠利不貲其所以為劉氏慶者殆未艾也宜有史筆著其終始以示來者使知為善之報如此是銘也亦所以資其采擇云銘曰劉氏世德粵惟皇考恂恂州里犯而弗校陰施博矣雖蓋必彰何以占之維後之昌公其仲子銜訓嗣事裕我弟昆集勞於已誰不播播或不時獲我克有秋穰穰滿屋垂白在堂列侍搢紳繩繩于指雍雍一門易夷而隆易約而豐凡此有家孰不自公維思維勤維孝維弟維我後人善繼無怠

章延仲墓誌銘

崇寧元年秋八月甲子平陽章延仲卒於京師年四十一其友人蔡元康既為之具棺歛已又行三千五百里護其柩以歸後十一年政和壬辰某月甲子其孤時敏葬君所居邑浦邊村之西山而期發書狀君行請銘於余余與延

仲故往來知其爲人宜銘也延仲諱某資稟渾厚不事表
暴父死奉祖母楊氏尤謹楊常曰吾兒雖不幸有孫如此
亦何憂卒年壽九十延仲持喪如禮里俗傾貴奉老佛俾
誦其書祈福死者延仲以爲謹身節用養生葬死吾聖人
所以教人者獨不幸而行之乎乃集同志讀孝經曰願以
是爲鄉閭勸也比與葬江上半渡風濤暴甚延仲伏柩而
哭曰罪逆應死願吾親獨何幸天地神明忍至是乎俄頃
風息而濟議者以爲延仲之孝感云曾大父某大父某父
某其先漳州人五代之亂徙於溫世田家至其父始喜備
故以命延仲延仲有志於學善取友不妄爲然諾其周人
之急惟恐後累從進士舉於鄉輒弗售比西遊又不及試
其藝以死故與之游者皆悼惜之初娶林氏再娶璩氏先
卒孫三人曰某某皆從學庶幾有成君之志銘曰夫孝經

橫塘集卷十九

七

方文林墓誌銘

方氏子諱某者字從禮故新定人遠祖干有詩名五代之
亂有家於台州臨海者以疆勇捍賊鄉人德之而食至今
子孫滋衍然業儒多舉進士自皇祖諱某饒州安仁縣令
累贈金紫光祿大夫皇考諱某有政事才善論議知名士
大夫間卒贈朝奉大夫從禮天資開爽文思清婉自兒時
已能習其家世飭以莅官之大略有所撥置輒從容以辦
故方其未出而處也識者皆以能吏許之以大夫恩補郊
社齋郎選於吏部易階將仕調信州玉山尉入寶恩進登
在郎再調越州蕭山尉差梳方田指教官充點檢杭越溫
川均稅又點檢浙路方田用舉者升文林郎太平州司

橫塘集卷十九

八

兵曹事未赴而卒玉山舊多盜從禮治之有方其尤奇者
羈靡較甚者三人使執其類於是境內帖然衢信境上往
來之衢也登陸者百許里有顯者議鑿以通漕郡邑翕然
和之獨從禮不可議者致詰從禮曰二溪相望中雖通塗
而岡勢益隆一里而尺中且數丈果與此役勞民費財而
未必見功豈徒爲公私害且貽誤事羞也議者乃屈二州
之民無重困從禮有力云蕭山湖漕漕廢久民用無以漑
從禮亟以浚治請於有司而躬督其役未幾湖復邑人賴
其利國家承平日久田野滋闢下民售易不常姦弊百出
於是議者請用元豐法方田均稅事下有司而部使者差
擇習民事悉心辦公者莫如從禮從禮亦慨然任其責奔
走數州不憚深阻其考覈鈎深洞見民隱凡高下肥瘠廣
狹盈縮黑白判通而闕鍵籠絡胥吏無所肆其奸其在溫
州平陽課督官吏定稅置籍方隆冬夜常達旦因感寒氣
得疾比至杭復劇遂卒於僧舍其始得疾也或告之曰鄉
版浩若煙海公能盡燭之乎徒自苦耳從禮不聽力疾檢
察愈謹嗚呼其可謂不苟也已朝廷建立法度凡以爲民
爲有司者或非其人則反被其害者有矣今方田之法行
於天下使人人如從禮者民有不受其實利者乎惜乎未
究其所長而不幸短命死矣悲夫從禮事親能承其意大
夫疎財好義而恬於進年未五十致其事而歸生事蕭然
從禮受命十年不敢調極力營其家弟妹昏嫁不失其時
而親舊勞問饋遺纖悉畢舉大夫一無所問議者謂非從
禮無以全其父之高非大夫無以致其子之孝也常告其
弟曰我所以不憚龍劇政恐若等廢學也勉之故其弟試
可行可皆自勵相繼貢於鄉而以學行見稱於師友云

禮年四十六卒於政和六年四月二十六日其弟以重和二年某月葬於天台縣太平鄉鷄頭吳先塋之次兩喪陳氏前室同仰奉議郎貽序之女其繼永康人朝請郎楊之女後從禮十四日卒子曰茂三女長適進士劉之珍二未行葬有日其仲從道自台抵福曰吾兄游最舊且厚惟子敢請銘余謝以非其人然嘗聞諸楊先生中立曰往於州縣誠心愛民若吾從禮者無幾從禮小官又卒不得年未為當世所知而獨見稱於有道者如此則為從禮家若其朋游皆可無憾也故余錄其語而銘之銘曰嗚呼從禮敏於為吏而死於勤事蓋食人之祿而無愧者也凡墓有文以告後人我銘從禮以勸當世

蔡君濟墓誌銘

吾友君濟既卒之三月其父彥先遣使來諭余驚咽不能

橫塘集卷十九

九

語頌之方能哭泣問故嗚呼善人君子其不幸至是耶而彥先以鄉先生林師古信夫狀請銘其墓信夫君濟所厚也故得其行實為詳然余豈足知君濟者耶惟蔡氏其先溫陵人避五季亂徙居溫之平陽君濟會祖諱某祖諱某父諱某實嗣其業且以命君濟君濟資稟剛峻能自克力學其精識絕人論天下事評一時人物始卒皆如所言方兒時舉止端重有所游觀輒曰不貽親憂否既冠游太學見儕輩從事乎文藝慨然曰此科舉所須耳夫學豈止是耶故問賢有德者一言一行孜孜訪之惟恐不及太學善士聞名而願交者不可以一二數崇寧中下第忽忽不樂謂其游曰吾未嘗以得失為念而不樂者非親意有所不安耶即日馳歸及門而父疾甚已淹時矣醫卜皆曰不可療君濟齋戒沐浴默有禱焉得吉兆而疾愈其事諸父友

昆弟輯睦上下各得其歡心經理家事凡人情所難堪者皆身任之闔門幾百日今三十年矣無一後言者故鄉人稱族居者必曰蔡氏而戒狼戾不睦者必曰盍觀君濟之為人及其訓弟姪與朋友講習必以忠信禮悌為先嘗賦詩曰君親等天地忠孝無古今弟姪有過差未嘗面斥之委曲諷喻使改而止其在京師逆旅中失金方揭榜購賞有得諸同舍篋中者以告君濟曰此非吾金也常曰古之全交者非一道必欲伸己以求名人將何望耶往還京師朋友有疾病則為之辦醫藥同寢處終始不厭死喪則主後事或護其柩以歸前後益十數賢士遭斥逐傾囊資之眷眷焉勉以忠義報國而已凡游太學十餘年七上於禮部不第中朝搢紳皆嗟惜之會天子以八行取士郡人條其應令者凡數十事有司方施行而四方有識聞之相與

橫塘集卷十九

十

歡忻頌^{上有}太學辟雍之士曰後其貢遣以來而君濟屬疾死矣悲夫君濟所學以正心誠意為本其優游涵養日趨於自得蓋質諸聖言而合措諸行事而不紊其進勇甚浩乎其未易量也其所往來皆一時賢士大夫而鄒志完陳瑩中楊中立周恭叔尤所欽愛皆許以有為於世鄒陳久於謫籍君濟從之不遠千里志完疾病以書指之比君濟至病且革矣盡此平生所欲言者而性命之理死生之說見於問答云至君濟感疾啟手足神色不亂危坐如平時嗚呼非真有得者能如是耶君濟諱元康年四十三政和七年八月甲子卒於家明年二月甲子葬於邑之大輿山某原娶王氏閩清人仲舉之女有賢行順事其夫那人取法焉生女蘇娘無男子以兄子蘇郎為後諱者謂君濟安窮達一死生雖不幸短命宜無感者願其親有子如此而夫

之何以塞其悲乎余以為死生命也夫人豈不有死者乎
顧所為何如耳今君濟所學皆聖賢之事業而其從游皆
十載人也亦豈不足以慰其親乎眾皆曰然於是敘而銘
之銘曰人不聞於父母昆弟之言與夫見其進未見其止
皆善學者之事也若吾君濟其庶幾乎非天為之而止於
斯乎嗚呼哀哉

朱純甫墓誌銘

朱君諱完字純甫少從進士舉以疾廢杜門謝人事元祐
中邑人創佛廟峴山下而君適有地介其間佛者議丐於
君弗聽請以旁近地易之君弗聽又數倍其直冀君售焉
且曰君有疾毋沮善事可以徼安寧之祉否且病君曰若
言怪吾聖人不言也未幾果病邑人駭甚中論者相屬君
以為吾病非命也耶卒不聽嗚呼其可謂篤於自信者矣

橫塘集十九

使其不病而從事於世顧易量哉崇寧改元七月某日卒
於家年六十五娶戴氏生二男子曰紱習進士曰綽尚幼
二女子其一早死次未嫁即其年十一月某日葬於邑之
橫山陶公谷紱前期諗余曰先人生而窮死而不窮惟公
是屬君會祖某祖某父某世家溫之瑞安云銘曰三軍可
奪帥匹夫不可奪志自古然矣我思若人載石不誣以詔
後昆

宋 許景衡 撰

墓誌銘

蔣君墓誌銘

蔣氏自君之大父以文行望於鄉而伯父字亦以力學稱擢慶曆六年進士第故其後子孫皆業儒世其家獨君早孤而窶方營衣食不遑學校然其為人謹飭有常度家居肅然不聞人聲其言歷歷可聽不及人過差其教子必本於孝悌是雖未嘗學而識者以為猶學也常曰吾不天弗究犬馬之養顧何以致吾力乎故凡歲時祀事必躬辦而薦獻之虔凜然如在雖老不怠焉娶孟氏生二男曰敦敘敦臨著籍郡學三女其婿曰王儒卿石礪沈迅皆士人而適王者早死初君以同產獨女兄奉侍之尤篤儒卿其出

橫塘集卷二十

也故妻以子俾事其姑猶己也其恭愛如此政和改元正月丁亥君以疾卒於家其孤將以明年十月己酉葬於所居羅溪之原於是儒卿為太學生狀君行致敦臨之言請銘其墓余固未嘗識君而習其平生者蓋得諸鄉人之善者為多也是不可以無銘大父諱絳父諱密母陳氏銘曰稟君名忱甫字也系山樂安永嘉其里也維善宜壽七十而止也維躬宜有以誦其子也

沈君墓誌銘

某死時先夫人語以沈君事曰沈吾外弟也喪其父母時母猶在稍長能自省孤苦不煩訓飭所以奉母者無不盡毋死持喪又如禮其可尚也比余從人事歲時往還其閭門肅然夫婦熙熙雖婢僕亦訢如也其撫子良厚其後君死裝葬母夫人莫次予方游學哭之過時而悲比舉葬有日

其孤倘行速余為銘嗟乎不見君久矣然其平生猶然然吾心也然則孰宜銘君諱藻字子文曾祖延珍祖坦以多

賞為溫之瑞安著姓父惟卿既死族人異籍而其賞無幾母夫人杜門弗出日冀君壯大嗣其家而君以能謹儉力於為生家以是足其為人多智謀人有疑必咨之其言歷歷可聽喜浮屠法讀其書所謂大藏者凡再過又撫其可為勸戒手抄以示人七月壬午卒於家崇寧四年某月某日葬於邑之芳山鄉龍就山之東原徐夫人嗣子二人曰尚行義行皆業儒女長適某其次在堂皆早死次嫁某孫三人女孫五人銘曰族望吳興以亂而遷有家於溫蕃蕃子孫延及子文載世一人孤童自持祀以不隳凡我後人其是之思

沈耕道妻某氏墓誌銘

橫塘集卷二十一

二

某氏温州瑞安人年若干嫁同邑沈某耕道耕道少習進士累從有司舉輒弗利乃棄去徙居江上日與所往還隨所遇媿嬉酣飲極談浮沈里閭或乘輕舟夷猶中流舉席鼓棹渺然天末混迹漁者笑語歌呼夜或忘返視其四放若不知世之有榮辱貴富可以為欣戚也而某氏能勤儉力於為生家以是足且斥其食飲賓客費以奉耕道而耕道初不知其有無多寡也曰吾天之幸民也放浪江湖間有以自適者蓋有賴焉某氏生子男曰某某自始學某氏課督之甚力今為郡學生將謀婦氏曰我聞吳氏女詩出也許有賢行其伯仲儒者是必以告其女子者矣趣所親訪之吳氏辭焉某氏曰我屬疾苟失吳氏好且死不瞑其為我哀告之而吳氏無以御也許之某氏喜甚疾愈比再作遂不起某年某月日也年若干耕道以某年某月日葬

於某所且遺某以書來請曰吾孀子游而吾妻嘗聞子之賢請皆甥室既得所願欲令死矣豈不欲子之銘乎余聞某氏有婦道宜銘也銘曰猶與某氏某人之子令妻賢母銘則不朽

丁昌期妻蔣氏墓誌銘

永嘉丁先生墓在郡東南二十五里大羅山之西原崇寧改元四月丁酉竊其旁夫人蔣氏稱焉夫人郡人諱宇之女生十八年歸丁氏逮事先生大父以孝謹聞生三男子曰惇夫廉夫志夫皆儒學而惇夫早卒一女子嫁同里沈希舉男孫六人女孫七人以疾終於家享年六十四自周後喪祭禮廢學士大夫槩仍俗浸弗省非是先生父子獨革去純用古法式聞者多竊笑而夫人率行之無難色温人感浮屠說諸子常從容道其必不然者夫人頷可之誠諸婦毋違夫子令歲時宗戚趨寺廟以媿或請夫人夫人曰彼豈我屬游止處耶不喜祈禳禁忌曰死生禍福天也自少至老其言多類此景衡與夫人諸子游而志夫同年舉進士同官於台比屬銘不敢辭先生諱昌期林石介夫誌其墓云銘曰不惑於佛不牽於俗夫入行之而我銘之

鄧南夫墓誌

君諱孝先字希舜平陽人也襟度豁然遇人無少長疎暱皆得其歡心鄰有疆占其地者君好謂之曰汝所欲不多吾與汝或以其廢田為屬諸官乞給佃如令君示以券曰君以貧為是也吾先疇不可以與人要當相周意爾容或謂君彼不逞邀求何厭蓋從官得曲直以室其後來君曰豈不知此耶顧俗好訟凡爭尺寸地財賄不費甚者至破產無以生吾誠怯懦然足不履公閭再世於此矣願守遺

訓俾吾子孫弗忘也客乃謝之歲飢盡斥所藏以振閭里居當往來有小商貨滯弗售輒以善價市之或問何用此不急為君笑而不答喜賓客有過門則具肴酒相與娛樂以為常政和元年夏得疾屏巫醫弗用日與所厚笑語如平時以六月戊午終於家享年五十二娶同里黃氏生二男曰延曰邦二女嫁徐佐林森初君力進邦於學且戒之曰若曹讀書亦知夫所謂不自欺者乎嗚呼觀君之行事與君之所以訓子者誠非苟而已也故特敘之以書其墓石云

行狀

故宗室環州防禦使行狀

公諱令龜字文炳藝祖之幾代孫而莊懿公之長子也生某歲授某官幾遷至某官治平熙寧元豐間以覃霈授某官再遷岷州團練使曾某邑元符三年今天子即位覃霈遷環州防禦使四月十三日以疾薨於京師某坊之別第享年四十三公生穎悟方為兒則已端重不妄舉動見輩行羣戲其旁未嘗輒隨以往莊懿公雖履貴富劇喜問學操行端方名動宗籍其所與游皆一時賢士大夫公總髮侍立常指問其誰何又問其為人曰吾長大庶幾為斯人乎莊懿由是器之既而刻苦從事經史率以夜分為常或曰貴公子雖醑宴不過是君何自苦如此公曰我以君親恩得安居飽食奉朝請外無毛髮勞苦事舍是將何用吾心且醑宴之樂孰與據几案探聖賢為樂者喜翰墨字畫清勁蕭然有出塵意其為歌詩稱是性寡合非其好未嘗許以親近至其所往還必知名士笑語從容訖無倦色間有斥逐或喪服婚嫁必盡力周之惟恐不及故士大夫多

德之常戒其子曰人不學徒然此世率與草木同腐是大可惜而等勉之故其子皆有志於學公事父母孝莊懿之墓執喪如禮見者慘惻平居奉已清約常嫉夫侈靡過度者蓋公之行已類多過人者而族屬上下自以爲不及也未嘗病比啓手足猶如平時家人輩不知而醫療皆不及也終之日無問識否皆嗟惜之公母某氏某官之女封某郡君子男三人曰某某女幾人未及嫁七月某日獲從先帝葬某縣某鄉某原公帝者後爵祿崇重而操履甚似寒士其學術該博識度高遠使用於時從事於功名之際則其所施設蓋未易量也奈何止此而已惜夫某辱公游最舊故知公爲尤詳葬有日子特請狀其事因次第之俾告於有司云

述

陳孺人述

積善集卷二十

五

陳氏越州山陰人父某以守法不徇權貴知名元豐中卒官朝奉郎大理寺丞陳氏年二十二歲歸余建事先公宣教奉侍無違先公以爲能盡婦道其事余有禮朝夕不少懈子疑其始嫁然也久之亦然至於終身莫不然也余官州縣貧甚食指俸陳氏能痛自抑損甘淡薄勉余以安義命厲名節常曰男子當期於遠大余失察黃巖帑吏之姦坐免官頗疑其不憚問之陳氏曰昔吾父坐事就逮詔獄謫官遠去吾母不憂也曰職事當爾今我亦何憂第恐君氣未平耳其後余尉樂壽官舍在景城大河洲渚中風濤無時居民日虞衝潰陳氏曰此雖岑寂而無送迎奔走之勞政宜讀書近筆視耳間具有酒願兒女子相笑語觀其意惟恐余有所不樂也性警穎遇事輒能記誦於物無所

新惜其始嫁也會家弟少雄欲游太學無以爲道路費爲斥僉具以資其行遇族_下恩意惟厚內外稱焉大觀二年正月甲子以疾卒於河間官舍年三十四生一男曰世厚四女其二早死政和二年余爲詳定重修勅令所刪定官以元圭恩贈孺人五年歲在乙未十月己酉葬於永嘉西山瑞鹿寺之西原悲夫陳氏從余於憂患艱難中相與爲辛苦亦庶幾壽考安寧之報而制命不淑得年不永然其平生蓋有女子所難能者欲誌其事於墓石而哀不能文乃爲敘而銘之豈惟陳氏幸而得傳不朽亦使聞者不悼其不幸而勉於爲善夫豈小補哉

雜說

本草宜連微寒味苦無毒凡嬰兒始生必以餽之日是能去其腸胃間積毒者居頃始乳之既而復餽以宜連則弗

積善集卷二十

六

食之矣嗟夫嬰兒方其食宜連也是未知所以爲苦也迨知乳之爲甘然後知彼之爲苦故甘者在所取而苦者在所去矣豈惟嬰兒爲然凡人莫不然也食藜藿者不知梁肉之爲美也居貧賤者不知富貴之爲樂也及其舍藜藿而食梁肉然後知其爲不美也去貧賤而即富貴然後知其爲不樂也如使終身未嘗食梁肉則雖不美者美矣使其終身未嘗即富貴則雖貧賤豈有不樂哉惟知其爲不美也故窮天下之美猶有所不足焉惟知其爲不樂也故窮天下之樂猶有所不足焉向之藜藿足以爲美今也窮天下而不足足以爲樂也是豈人之本心然耶是豈有以使之然耶凡人之所愛宜莫如愛其身之甚也然有時而不知所愛然者今人不幸以橫逆之加諸己也則必持柅刃而鬪焉

持挺刃而鬪是負亦死勝亦死也爲其不能自己也故雖其所甚愛有不顧焉士之仕於上其職之所守理之所爭有從之則生違之則死者爲其不可苟也故雖其所甚愛有不顧焉彼鬪而死則已矣而吾之所謂死則有不死者存焉又况夫鬪者其勢必至於死而君子之所爲則未必至於死耶然趨其必死者常如彼之多所謂未必至於死者則如此之寡爲君子者因悲其愚而至於是也而君子自以爲不愚也耶

君子之所爲有眾人所能知者有眾人所不能知者惟其有所不能知則或以爲無君子也其所可爲者義也其所不可爲者利也君子於此將奚趣趣其義也雖眾人亦以爲然其所可爲者善也其所不可爲者惡也君子於此將奚趣趣其善也雖眾人亦以爲然乃有時焉其所爲者義

橫塘集卷二十

七

也而有似乎不義其所爲者善矣而有似乎不善君子固自若也眾人斯惑矣然而君子之所爲固不期人之必知也豈若眾人然將有爲也則曰人果以爲然否其有所不爲也則又曰人果以爲不然否不知其爲可亦不知其爲不可也惴惴焉惟恐其議己也昔者孔子不復蒲人之盟人皆以爲不信也孟子不朝齊王人皆以爲不敬也然則爲孔孟者宜如何哉或曰古之人恥沒世而名不稱然則君子之所爲果不期人之知耶夫知其爲君子者固有在也如眾人焉則是無君子也久矣

郭璋畫跋

太原郭璋及其子晦皆善畫尤精於人物元符三年余將西遊京師璋父子遺余西域像世俗所謂觀音者從倚巖

石間端嚴冲靖凜然如生其用筆意與吳張相上下余平生不善佛特少年嘗好觀畫耳嗟夫璋以余之所好遂志余之所惡殊不知余之所惡蓋有甚於所好也逸少之於鶴衛子之於驢皆以其所好卒被惡名蓋予每以爲戒今璋之畫豈惟余之所惡亦予所不復好也然璋畫妙絕當人以金緡購之未易得今乃獨以遺予是未易計其所以然者予友某純孝人也將歸寧臨海謂余曰敢輒予之所惡以奉吾母之所好可乎余曰己所不欲勿施於人君母所好果何如哉然余亦豈有靳焉虛其請者蓋非所以遺某人母也

跋陳君章所藏諸公帖

范文正公啓齒弄筆不忘忠義此帖有終日爲善以報己知之語凡謝人不當如是耶前輩風流日遠使人嘆息歐

橫塘集卷二十

八

陽公以文章伏一世初不以字畫自名也而遺墨爛然殆不愧當時工書者於以槩公之往烈亦豈易量耶杜祁公書清勁不俗如其爲人君章寶藏雖寸紙數字不棄也其好古樂善如此誠可尚云舒王筆墨瀾翻其得意處不減古人而議者以謂醜類楊凝式固然否耶某年月日同左與言登入詠樓覽觀溪山之勝慨然想見古人會陳君章攜諸公筆蹟見過相與舒卷終日而文富小帖蓋其一也昭陵遺老無復人矣見其似者喜况手澤乎

跋遺直碑

某嘗得清獻公奏藁見其誠心體國知無不言墓碑所著乃其一二者耳日月滋久斯文不傳後生無復前輩之風流幼安每出以示人其意遠矣

跋公復來詞

右公復來詞詞雖樸拙然邑民愛戴之意似得一二聖時
先生何從得之以書見聞竊恐流傳漏誤謹錄呈予方
雅從先生游固不待文字然後知其政事而樂善無厭眷
眷卷一作如此宜乎鄙人不敢隱也

跋龍眠淵明圖

予既得伯時所畫陶靖節乃屬元中書歸去來辭以副之
二者爲吾寶錄蓋不獨其筆蹟也

跋惠雲詩

世傳九種詩多佳句而吾鄉惠雲復與之同時正其輩流
也又其所與游多間人若魏野林逋輩而其名獨不傳惜
哉妙悟從諫其曾孫也以其遺墨傳諸士大夫間當有巨
公顯人爲之題品則復爲不朽矣

跋方湖詩

廣唐集卷二十

九

昔韓子作魏州二諸篇妙絕無對今吾盧公方湖十詠
其庶幾乎始公以高才不肯自售見於小詩名聞一時受
知裕陵卒位通顯蓋其所大過人者不獨篇翰而已也夫
觀四年十二月中澣書所觀於似齋

跋節物詩

石節物詩一首余初官黃巖祿薄食指眾秋冬之間褐絮
未具陳氏屢趣置絹乃賦此詩陳氏曰有無常事何足愧
因授小兒女相與誦之自爾每當初寒必誦之以爲笑樂
陳氏捐室今九年矣偶閱故書得此稿爲之愴然惜不忍
棄乃錄之以遺甥姪輩俾知吾貧如此而陳氏能安吾之
貧也政和六年夏日

宋元豐間作新學校吾溫蔣太學元中沈彬老躬行劉
左史安節劉給諫安上戴教授述趙學正霄張學錄輝
周博士行己及橫塘許忠簡公景衡同游太學以經明
行脩知名當世自蔣趙張三先生外皆學于程門得其
傳以歸教授鄉里永嘉諸儒所謂九先生者也蔣沈二
先生皆未仕而卒其仕者戴明仲趙彥昭張子充官皆
不達周浮沚劉左史給諫昆弟幾達矣而二劉官不過
侍從浮沚由館職出為縣令以及未嘗得尺寸之柄以
昌其學也至于汲京傾沒中原淪於完顏伊洛大師既
渺存者永嘉諸先生亦多先卒不及見南渡之興惟忠
簡歎歷中外建炎初首參大政雖視于汪黃甫進即退
齋志以沒不獲竟其設施然動節顯著為世名臣蓋元
豐九先生惟忠簡獨後心德亦最顯厥後永嘉學者

橫塘集跋

後先輩出多于忠簡為後進或奉手受業其門靖康建
炎之際永嘉之學幾墜而復振于忠簡誠有賴哉忠簡
所著橫塘集三十卷宋時刊于台州郡齋見陳者卿嘉
定赤城志
明中葉以後散佚不傳乾隆間始從永樂大典輯出重
定為二十卷蓋九先生遺集傳於今者惟浮沚集及左
史給諫集與此集而四周集存者不逾十卷二劉集才
四五卷此集雖殘缺之餘視宋本已少三之一然較浮
沚集卷帙已倍之瑋文鴻筆大都具在奏劄三卷多建
炎間政府密勿之議後之君子將欲觀忠簡學業大略
與其立朝所建明者可于是乎求之然則吾鄉九先生
不徒名德惟忠簡最顯其傳書之多亦無及忠簡者此
非後學所當寶貴者哉重輯木珍度

祕閣未有刊帙臧書家展轉傳錄譌互頗多家大人彙從

吳興陸氏寫得一本復從祥符周氏得別本以相覆校
甄贊同異定為此本光緒乙亥奉

命開藩東鄂會永康胡月樵丈領書局遂屬擇匠刊版以
廣其傳大典本所佚而見於他書者尙多僞摺輯之別
為補遺俟他日并刊之至朱子所傳許右丞陳少陽袁
詞者詒讓以周益公平園續彙攷之實許松老翰所作
松老建炎間亦為尙書右丞與忠簡同官哀詞非忠簡
作也

四庫總目以為橫塘佚文蓋當時纂修諸臣未及檢覈故
滋疑悟今特為舉正俾讀此集者無疑焉光緒丙子十
二月後學瑞安孫詒讓謹跋

橫塘集跋

二

七

月

四

陽

養

集

炎

緝

丙

昌

林

謙

盛

氏

申

文

灑

閏

禮

鈔

本

開

基

欽定四庫全書總目卷一百五十六

丹陽集二十四卷

宋葛勝仲撰勝仲字魯卿丹陽人紹聖四年進士又試學官及詞科俱第一官至華文閣待制知湖州紹興元年乞祠歸十四年卒諡文康事蹟具宋史文苑傳據其婿章侗所作行狀稱有文集八十卷外集二十卷初刊版於真州兵燹殘闕隆興甲寅知州事宋曉修補之自跋其後淳熙丙午知州事姚格又為重鈔中書舍人王信為之跋自明以來傳本遂絕今據永樂大典所載以類哀輯得文十五卷詩七卷詩餘一卷又附錄行狀謚議為一卷共成二十四卷王信跋及章侗行狀並稱宜和北伐之時勝仲遺書蔡京力言其不可然宋史本傳不載此事集中亦無此書又稱由兗州教授入為太學正時上幸學多獻頌者勝仲獨獻賦上命中書第其優劣勝仲為首今集中亦無此賦他如本傳所載論郭天信不當

九矣

提舉議所論值祖廟增置殿室不必毀其奏議並佚不存又所稱官諭德時為仁孝學三論獻太子者今惟存孝論學論而仁論竟無可考則其散失者已多然觀其四分之一亦足以見其大凡矣勝仲為太府少卿時能拒盛章之援引知汝州時能拒李彥之括斂知湖州時能拒朱勳之求白雀鷓鴣其氣節甚偉歷典諸州皆有幹略再知湖州遭逢寇亂復有全城之功其官績亦足以自傳本不盡以文章重即以文章論之在南北宋間亦斐然一作者也歐陽修嘗輯建隆至治平故事為太常因革禮一百篇勝仲官太常卿時復手續其書為三百卷故於當代典制最爛官諭德時替蔡歷代太子事蹟為承華詔嫩又考論諸史為評古篇故於古今成敗最悉崇寧三年居父喪盡閱釋氏大藏經故所著作往往闡明佛理惟青詞功德疏教坊致語之類沿宋人陋例一概濫載於集中殊乖文體流傳既久姑仍其舊付諸無議之列可

矣

欽定四庫全書總目卷一百九十八

丹陽詞一卷

宋葛勝仲撰勝仲有丹陽集已著錄其詞則書錄解題別載一卷此為毛晉所刻蓋其單行之本也勝仲與葉夢得酬唱頗多而品格亦復相埒惟葉詞中有鷓鴣天次魯卿韻觀太湖一闕此卷內未見原唱而此卷有定風波燕駱駝橋次少蘊韻二闕葉詞內亦未見非當時有所刊削即傳寫佚脫至浣溪沙三首在葉詞以為次魯卿韻在此卷又以為和少蘊韻則兩者必有一謬不可得而復考矣其江城子後闕押翁字韻益可證葉詞復押宮字之誤鷓鴣天生辰一詞獨用仄韻諸家皆無是體據調當改木蘭花至於字句譌闕凡永樂大典所載者如鷓鴣天後闕惟華本作惟娛第二首後闕紅囊本作紅裳西江月第二首後闕樂塗本作榮塗臨江仙第

丹表

三首後闕搗鼓本作酬鼓浣溪沙第二首後闕容貌本作容見蕩山溪第一首前闕短服本作袷服摸名本作摸石第二首後闕橫石亦本作摸石第三首前闕使登榮本作便登榮隨柳岸本作隋岸柳西江月第三首後闕鱸魚本作鱸蕪瑞鷓鴣後闕還過本作還過江城子第二首後闕歌鐘下本有捲簾風三字蝶戀花後闕今本作二方空者本黃紙二字龍澗本作龍護臨江仙前闕儒似本作儒仙第二首後闕今本闕十二字本作憑誰都卷入芳尊賦歸歡靖節二句醉花陰前闕東拚萬林梅句本作凍林梅浪淘沙第二首後闕闕寢本作開燕皆可證此本校離之疏又永樂大典本尚有小飲浣溪沙一首九日南鄉子一首題靈山廣瑞禪院虞美人一首為是本所無則謫脫又不止字句矣

文康葛公丹陽集序據漢唐居
孔子之徒三千設四科列顏閔以下十人而文學政事雖游夏由
求之賢不可得兼也將相大臣端委一堂折衝萬里之外以身進
退為國輕重其視文章一小技耳固無羨乎空言儒學之士奮奇
事主以就功名時命大謬則退處一室著書立言張皇大中以啟
悟後覺雖不能見於事業亦足以不朽矣二者不可得兼亦其勢
然歟左宜奉大夫顯謨閣待制丹陽葛公自髫髻以奇童名里中
年十六隨計詣京師連三薦至禮部遂收其科文節林公子中愛
其文薦試學官公以詩書禮三經應詔又試宏詞皆中第於是名
聲隱然動京師始去州縣更內外學官之選校中祕書入尚書為
郎當是時天子輯瑞應講蒐獮報禮上下四方以符瑞來告者不
可勝數大臣表賀皆出公手瓌奇英麗獨步一時公卿大夫交口
譽之咸謂公即日典司制命施之朝廷薦之郊廟以追湯盤周詰
商詩魯頌之作稍遷太常少卿國子祭酒擢大司成遂躋法從會

丹集序

新宰相用事與公有違補郡去國竟不復召公聰明疏達數典大
州首除一二兇猾之亂治者實諸法然後簡節疏日以柔道理之
尤詳於折獄躬自臨聽不以屬吏往往得其情於片言以故所泄
多平反無侵冤者燕山之役詔州縣率免夫錢而以乏軍興俟官
吏之不如詔者公時守湖度六縣民力所堪奏獨其半湖人至今
思之公施於政事類如此既歿有司議行易名以道德博聞曰文
安樂撫民曰康應二法諡曰文康政事文學可謂得兼之而卒不
大用可為天下惜者也公之子吏部侍郎方哀公詩文為八十
卷號文康葛公丹陽集自天經地業五材萬物變化隱顯鉅細之
要世治亂人賢不肖事之得失是非興壞之理盡載此書而尤善
為詩喜怒哀窮泰悲憂愉快凌高眺迴飲酒歡呼雜然有觸於中則
大篇長句援筆立成不改定一字非如前世之士以一能一技列
於儒林者比也觀與公同州里視公為前輩盛德而與公羣從游
最久故蓄公詩文為多校今所藏猶有在八十卷之外者侍郎公

方紀次別集未出也殘年投老復覩鉅麗如獲拱寶三歎之餘乃
序次以為書首公諱勝仲字魯卿常州江陰縣人遺奏上贈特進
云孫觀撰

丹集序

二

丹陽集目錄

○卷之一

賀子

進養士圖籍劄子

乞以學書上御府并藏辟廡劄子

辭免太子右諭德劄子

辭免大司成劄子

表

賀皇帝元會御大慶殿表

賀太上皇表

賀孝慈淵聖皇帝登寶位表

賀今上皇帝登寶位表

賀冊元符太后表

賀立皇后表

丹陽目錄

代慰欽成太后后耐廟表

代慰欽聖太后后耐廟表二首

代慰欽慈太后后耐廟表

徽宗皇帝顯肅皇后懿節皇后梓宮還闕表

慰懿節皇后上仙表

代慰聖瑞太妃薨表

賀正旦表二首

天中節賀表

賀明堂大禮表

天靈節賀表

天靈節進銀絹表

天靈節進折銀錢表

進奉天靈節功德疏謝書表

賀燕樂表

賀日戴承氣表二首

賀日蝕不及分表

賀日蝕陰雲不見表

賀慶雲表

賀收復滄州表

賀收復燕山府表

賀遼州芝草表

賀瑞石表二首

賀水晶大花金瑪瑙興發表

進奉生擒睦賊渠魁馬謝詔書表

謝收復燕雲進馬賜詔書表

○卷之二

表

丹陽目錄

謝特賜諡先考清孝表

謝降詔不允乞外任表

休寧知縣謝上表

大司成謝上表

謝江州太平觀表

謝復右文殿修撰表

汝州到任謝表

謝改寶豐縣名表

為輒奏儀曹馬俊公事放罪謝表

謝除顯謨閣待制表

湖州謝到任表

鄧州謝上表

再任湖州謝表

謝除顯謨閣待制表

謝賜曆日表五首
代皇子辭官表
代皇子再辭官表
代皇子謝授官表
代謝賜名表
代嗣濮王謝升等表
代謝宣詔再入翰林表
代謝不允乞外表
代辭官表
代謝授官表
代謝朝參減拜表
代謝敕設表
代兗州謝上表
代沂州謝上表
○卷之三
代謝賜御書千字表
代謝對衣金帶馬表
代高麗王謝賜太平御覽表
書
上揚州塞尚書
上兗州太守書
答李集正書
上監職書
謝管運使書
上白祭酒書
回施仲廉秀才書
上前宰相書
答王齋長書

丹集目錄

三

答李解元書
與程嘉量秀才書
與制置發運書
答顏教授書
與胡學士書
○卷之四
謝試宏詞及三經義入等啟
兗州教授謝到任啟
與提學殿院啟
賀鄆帥岑待制啟
賀兗守祝刑部啟
與運使啟四首
謝郊教授啟
謝宮使保和啟
謝除館職啟
謝監職薦縣令應詔啟
賀中書舍人啟
賀耿左丞啟
上左丞啟
答何狀元啟
回王狀元啟
回第一人董狀元啟
答盛學士啟
答鄭學士啟
賀韓學士啟
賀黃學士啟
答武學李博士子奇啟

丹集目錄

四

與運使啟二首

謝江陰曹縣尉襲啟

○卷之五

啟

復修撰謝兩府啟

汝州到任謝兩府啟

賀趙鎮撫啟

賀運使劉龍圖啟

賀運使郎中學士啟

與運使啟

賀胡發運啟

賀提刑啟

答秀州知府曾學士啟

賀金陵曾修撰孝舊啟

賀王修撰啟

回河陽王待制啟

賀冬啟二首

答周舍人賀冬啟

謝王奉議以監啟

答卓奉議啟

答張省幹啟

答孫宣教啟二首

答曹宣教啟

答張學銘啟

除顯謨閣待制謝兩府啟

賀太宰啟

湖州到任謝兩府啟

答海門知縣啟

丹輿目錄

五

答王知縣啟

鄧州到任謝執政啟

鄧州謝范左丞啟

與范左丞致虛啟

再與范左丞啟

上執政啟

賀提舉監丞啟

賀湖州秦守啟

賀宇文資文時中知湖州啟

賀陳大資與美知湖州啟

賀汪少卿思淵知湖州啟

謝蔣縣丞汝功啟

賀中書侍郎啟

賀范留守致虛啟

丹輿目錄

六

賀平江知府胡舍人啟

賀吳少宰啟

又賀少宰啟

賀張樞密啟

賀樞密啟

賀富樞密啟

○卷之六

啟

謝修撰啟

湖州到任謝兩府啟

湖州到任謝監職啟

上監職啟二首

代謝改官啟

策問

治德	治功	治效	官制	官方	選舉	考察	取士	士習	勸學	試士	富強	食貨	藩鎮	遠識	靖民	律令	○卷之七	論	孝論	學論	齊論	南齊論	梁論	陳論	論魏博	論彰義	論鎮冀
----	----	----	----	----	----	----	----	----	----	----	----	----	----	----	----	----	------	---	----	----	----	-----	----	----	-----	-----	-----

丹集目錄

七

論盧龍	論澤潞	外戚論	衛青論	○卷之八	記	重摹太宗皇帝御書飛白玉堂記	宗正寺少卿壁記	軍學記	錢氏遂初亭記	序	陳去非詩集序	中散兄詩集序	舅氏續千字文序	段拂教授字序	贊能長老字序	書後	書淵明集後三首	○卷之九	頌	端誠殿芝草頌并序	銘	湖州烏程縣烏墩鎮普靜寺觀音閣銘并序	歙州祁門縣青蘿山辟支佛舍利銘并序	景德寺新鐘銘	贊	十八羅漢贊并序	一尊者手擎巨石通長臂一鬼舒掌一鬼護頭各怖走
-----	-----	-----	-----	------	---	---------------	---------	-----	--------	---	--------	--------	---------	--------	--------	----	---------	------	---	----------	---	-------------------	------------------	--------	---	---------	-----------------------

丹集目錄

八

一尊者面山石而立手執磐并桴下施斛食眾鬼爭取

一尊者乘六牙象沙彌一人執手鑪其前

一尊者坐石縫雲衲小童穿鉢供之

一尊者在山中綠竹黃雲間桃花飄灑雲中見樓閣旌幡尊者

執錫杖立水中

一尊者坐石上龍王遣鬼使持疏請齋尊者以手接之

一尊者□□使襪經于匣立其旁宰官錦衣玉帶合掌而立

一尊者手執劔立大海波中成黃沙地旁有鬼使

一尊者立海波中左擎一珠右執錫杖有二怪魚昂首

一尊者白衣戴佛一軀一宰官端笏立飛鳥銜花

一尊者乘一角獸有紅雲數層手執如意

一尊者坐磐石手執經策空中有鳥銜花

一尊者燕坐上有白雲蠻奴持經襪之僧及居士膝跪

一尊者坐石上白毫光中見小紅塔鬼使擎拳禮拜

一尊者衣帶有刀尺拂子等手持衣帶而不繫旁有執錫杖人

以刀解取諸物而不可得

一尊者坐石上黃雲中有毒龍頭爪湧出尊者舒肘托鉢以手

指龍若使入鉢中

一尊者倚杖濯足于蓮花池中

○卷之十

跋錢仲東坡詩卷

跋曹職方詩卷

跋洪慶善所藏東坡書杜詩并判訟牒

跋褚遂良臨蘭亭帖

跋吳子華帖

跋洪慶善所藏本朝韓范諸公帖

跋蔡君謨帖

跋君謨與唐彥猷論其弟直諫帖

跋法照開黎君謨帖

跋蔡潮州于大父草書帖

跋魯公與李禹并林文節公與其祖帖

跋河中守章公刺血上表乞父內徙帖

跋陳去非右丞畫山水

跋醉道士圖

跋與可竹

題佛本行經

跋道雲刺血書經

跋涵山法清師書法華經

書周仲嘉發菩提心語後

○卷十一

文

汝州勸農文

擬明節皇后奉上冊寶前一日奉告太廟別廟德隆殿明節皇后

本陵祝文

初蒞任祀神文三首

天齊神聖帝祝文

南郊赦後祝文三首

祈晴文五首

祈晴文

謝晴文四首

觀音廟謝晴文

諸廟謝晴文二首

蔣山謝晴文

分集目錄

秋養請廟祝文

祈雪文二首

謝雪文三首

顏魯公祝文二首

容謨殿上梁文

重建龍圖閣上梁文

重建太廟上梁文

建齋宮上梁文

賀金溪新居上梁文

樂語

教坊致語

句台曲

句小兒隊

才集目錄

隊名

問小兒隊

小兒致語

句雜劇

放小兒隊

句女童隊

隊名

問女童隊

女童致語

句雜劇

放女童隊

○卷十二

墓志銘

故顯謨閣直學士魏公墓志銘

士

樞密吳公墓志銘

朝奉大夫吳公墓志銘

朝議大夫施公墓志銘

○卷十三

墓志銘

左朝議大夫致仕祝公墓志銘

朝散大夫致仕柱國賜紫金魚袋侍其公墓志銘

右朝散大夫侍其公墓志銘

左丞議郎致仕丁公墓志銘

丞議郎王公墓志銘

奉議郎致仕周公墓志銘

右奉議郎致仕賜緋魚袋魯公墓志銘

○卷十四

墓志銘

宣議郎致仕王公墓志銘

文林郎姜公墓志銘

著作佐郎陶公墓志銘

江陰胡君墓志銘

江陰趙君墓志銘

中奉大夫葛公墓志銘

葛君墓志銘

張太安人王氏墓志銘

宜人蔡氏墓志銘

徐太令人葛氏墓志銘

妻碩人張氏墓志銘

○卷十五

行狀

朝奉郎累贈少師特諡清孝葛公行狀

士

大中大夫司成葛公行狀

祭文

祭慕容尚書文

祭劉尚書文

祭劉頌政文

祭王修撰文

平江祭外祖父母墓文

祭外舅張朝散文

再祭外舅文

祭張侍郎文

祭亡兄司成文

祭外姑壽安君文

祭亡嫂樂國太夫人盧氏文

祭施氏妹恭人文

○卷十六

四言詩

嘲茶山

茶山解嘲

五言古詩

閑訟訴忽病起臥少頃復視事

送鄧監民罷瑗邱簿

次韻長器真意亭探韻 井序

送曾守罷任赴關四首

充學敘舊呈子充

立秋日六兄將仕先入都赴銓試會飲東郊作詩送之

送友赴試鉅野送之西門時方有外舅之戚極目無聊歸不得臥

作詩五首御寄以風雲入壯懷為韻

寄題長安譚損之退觀閣

次韻張宏道勸釋奠致齋

次韻盧行之 知原見贈

次韻季明

再和示季明

誦金剛經滿二藏偶作

妙淨院

禪靜寺

采芝庵明辨師求泉名以月光命之

己丑次梅溪樂平寺兄子宗丞嘗監鎮卽寺為廨卒官晚之東莊

次去非韻簡元忠使君

九月二十四日陪少蘊左轄飲朱氏林亭以朱行中寄其弟詩為

韻席上同賦

蒙左轄復次韻見寄復賦一首

盆池放魚呈曹文中

辛卯次霧山大明院進士萬廷老介來謁

寄友卿窄韻一首

張周韓侍御遷居北市示詩次韻

朱偃吹笛

壬辰次靈峰山百福院

披雲崖

跋胡德輝 理詩卷

德輝次舊韻見寄復和

題柘城懷古亭

癸巳次古浮山普慈寺

甲午次東天目山紫陽觀梁武初置昭明太子勒碑紀當時恩獎

之盛

乙未次普信院與首座惟表談道

余謫沙陽地僻家遠遇寒食如不知葢閩人亦不甚重節也感而

賦詩五首以杜子美無家對寒食五字爲韻

○卷十七

五言古詩

涉汝詩并序

再和涉汝詩呈去非伯仲

送姪元延之官

俞居易後兄弟並時爲屬邑長示其父所藏東坡送行詩用其韻

跋卷末

戊戌次福勝院

比作青蘿山塔記并徐敏求墓銘皆蒙宏道爲書作詩以謝

次長清寺

至南陽卻寄吳興諸僚

與襄陽太守張亞仲顏兼汎漢江

襄陽大悲院作

乾明院作

游岷山

次韻葉夢得游西余山

柏說堂宴集晚移望嶽亭德升有詩復次韻

幽居夙興

蒙莫伯鎔餉酒攜卽普村元舉山莊賞菊坐客皆稱歎以詩二首

謝

謝洛師蔡尹靖餉酒

和韻答馬用宏兼朝散

用宏見和復和一首

海昌從中散兄游硤石東西山及讚山而別兄獨游黃灣諸山寺

寵寄三詩因追述前游卻寄

硤石寺聞擊豬明不能食

七月一日招道祖劇飲

諸人見和復次韻
次韻章晉道祖像山居

病起二首

立方和韻復和一首

錢氏通惠泉

謝興之餉魚肉二首

送同郡識上人游圓覺問道慈受

東莊院

中秋無月與仲仲飲書齋書呈仲仲

送仲仲歸漆塘以語及君臣際經書滿腹中爲韻十首

明日元舉赴召見別用前韻送行

丁巳游大雄寺有陳朝僧

蘇山承慶報慈禪院劉希範資政墳寺張參預爲神道碑

戊午出長興郭汎西溪至清果院

戊午次吳山解空院乃端師子道場是日上已呈法中禪老

己未次廣惠院

次吳粹老觀我齋詩

○卷十八

七言古詩

同子充游堯祠見交代李行正詩追用李太白舊韻因亦次韻呈

子充

記夢詩并序

補之見和復次韻二首

從人求鱖魚

刁馬河上書事呈提舉張聖用

謝人惠筍

喜元舉歸

試建溪新茶次元韻

次韻去非謝前教授餉澤州瓦硯

次韻去非題紫邏洞

次韻去非梅花

次韻去非雷別

喜宗丞姪病愈

奉同李倅安上賦崔白沐猴杏花

高君贊公兼數職奔走疲甚以詩勞苦之

邑尉姜補之師仲枉詩甚寵率爾酬和

送許師應

少川兄貧瘁甚見屬求寓館未遇好事者聊作詩以寄因以速之

寄題吳江王文孺份解元雁庵

次韻慶善九日

再和慶善

送慶善之江陰

嘲淵明代答按原本此前有嘲淵一首今編入七絕

依韻和子有教授姪寄雪詩

衛卿弟和詩佳甚復和一首

衛卿弟賦詩見貽和答一首時有從軍之興

明月峽

工部兄新治小閣壘土為火鑪戲作勸召客

大父通議無恙日開軒燕處有桐孤峙因名琴軒初不措琴嘗作

記敘意而偶失彙本故今家集不載比者輿之姪閱故書得之

見脫喜而成詠呈六兄工部兼簡弟姪

諸人各見和復和一首

沈必先殿院與求用策字韻賦詩見贈謹依韻和時居盛林

蒙維心示謝必先尙書餉筆佳什時維心方刊正三國史輒依韻

禁和

次韻王得之方也父子玩月

楊泰初權縣丞數寄示詩文作詩紀謝

程良器嘉量解元許為寫照作詩求之

次韻范昌齡大有慶新居

先公忌飯僧悟空風之姪有詩和韻

贈星洲僧了然

和陳簡齋韻

依韻和興之姪

寄題仲芳美亭

圓復師將游四明用道祖韻作詩贈行

招道祖發判嘗暑耐辱示佳篇記事輒依韻奉和且約再水釀云

二十五日道祖滄浪亭落成召會

流杯

次韻道祖大水

同道祖及子舍游茶山歸因成

新池水潤股引于前溪辱道祖來觀

初得庵基於菁山用立方韻請道祖同賦

道祖見和復賦一首

大暑新居納涼和小子韻

立方闢小閣興之姪作詩勸會客次韻

○卷十九

五言律詩

次韻大人待次吳陵邑五首

和送張元方南京揀

題橫林館

題須江驛

次韻李子京宋城道中詩三首

寄題海會晚實軒

登樓雲亭和工部兄韻

次韻和慶善游圓覺寺歸四首時僕亦方自徑山歸

夜歸不寐

次韻慶善九日

慶善再和復和

幽居二首

卽事二首

試墨

微雨小飲客至關人辭以出令追路已不及偶作

題庵壁

龍井

龍堂

觀山謁蔣叔明靜趙鄰叔汝真二墳

昭懷皇后挽歌詞二首

并贊首錄

尤

李楚老尙書挽歌詞三首

方待制輓詞二首

莫子憲中奉挽歌詞三首

致政朝奉親家丁公安常挽歌詞二首

胡誠甫朝散挽歌詞

凌丞事挽詞二首

許處士挽詞二首

魯國太夫人楊氏挽歌詞四首

五言長律

學正郭勉夫示詩次韻答之

勉夫示詩鳴窮甚哀因次韻答之極其貧悴之態而卒勉之以科

舉庶廣其意也

中秋和韻

次韻逢叔喜雪

次韻李倅安上喜雪

再和

十二月初四日進吳山院

走筆追記十二月九日潭頭之游

十二月二十三日立春中散兄講棣華第六會是日天大雪小孫

女出綵旛勝及花柳精巧夜漏且五鼓方罷既歸不得寐偶成

律詩紀事拜呈中散兄兼簡公任阜民詳定侍郎道祖簽幕判

院朝提轄奉議卿任寶錄待制

六言詩

六月六日大暑市中無肉庖廚索然作六言三首

再和

七言律詩

二陳作書懷詩亦次韻

圓空訟息復過肆管庭事蕭然蒙良器解元寵詩輒以二章爲謝

并贊首錄

三

次德林新亭詩韻

次韻子充九日建天廬道場罷遊堯祠

次韻德升游堯廟

九日汝明留郡中不遂同游以詩見寄次韻

題觀音院

諸生絕糧偶作二首示勉夫

次韻劉卿任阜民對假菊花香新酒

次韻德升見懷

次韻德升再講酬唱

次韻蔡安度秀才賦鹽

青州試院次監門韻四首呈同事李補之无簽判王立之拍劉

至父及二宰鄭存道真司戶李志道致

再次韻四首呈至父

出院有期呈同院二首

次韻祝守康鹿鳴宴贈諸先輩二首
次韻祝邦直題欽鳳泉

示友卿
次韻若拙碧綾泉

諸生詣府見留再任偶作示勉夫二首

次韻鄭維心游西余山二首改附七

○卷二十
七言律詩

將至襄陵二首

君山飯僧薦考妣元述示詩次其韻

次韻敦仁教授述懷

近蒙夏蒙夫之文教授用贈太守韻見貽輒復和答

伏蒙達之學諭以詩寵眷生日次韻酬謝

段去塵教授示書以茶菊自況作詩謝之

丹集目錄

旬休延聖院納涼周澶州招飲呈德升詩二首

元巳日王循德孝池招飲方池宏道兄有詩奉和以紀一時之事

伯兄以家園亭名書壁閒因作

伯父致政通直取謝靈運詩句作蕭散堂賦詩次和寄二首

賀十八叔父及孀氏受恩封

和克卿兄喜孝卿兄登科

堯卿兄改官升朝作詩紀賀三首

次韻堯卿兄詩酒中興三首

弈棋有進勸工部兄召客

次韻韓景賢承議自金陵沿檄宣歙道中見貽二首

五月望日會食普滿院夜歸作詩二首呈文中縣丞玉老禪師江

敦王彥
二十四日葉氏林亭燕集成句呈文中縣丞

葉佐卿一見和復次韻答之

和少蘊石林谷草堂三首

呈去非

委源祁門二令母年八十求為保官注家便闕慨然慕之作詩二

首自悼

周文之商賢運使巡按海寧追憶曩歲與伯仲同奉版輿之樂感

慨賦詩不惟辭藻格力清蔚高邁且足以敦孝悌而厚風俗昔

夏侯湛作詩示潘岳曰此文非徒溫雅乃別見孝悌之性因次

韻和二首

贈覺僧二首并序

靜林寺
次韻工部兄除夕見寄三首

維心以詩送花果栽次韻

送胡彥師職方迎親赴闕二首

侍讀官程伯禹以賜茶寄汪敦仁處厚教授惠四勝以詩紀謝

次韻宏道游三官院園時余往辟塵不果往

詠槐

鄧子文夢辭朝在道相過且出往還詩見示次韻二篇上呈

次韻正臣朝議見寄二首

次韻答王聲見贈

和目疾韻

幽居書懷六首

謝太守惠茶

新茶

謝通判惠茶用前韻

次韻郭大夫昌朝見寄

中秋夜宿舞陽精舍

二月三日游風穴白雲寺呈通判二首

四桂坊并引

吾家故事子姪登第必有酬獻詩什去歲立悌立經二姪並中科
選未有慶以詩者偶示四韻

次韻覺心道人游郡園

留二季父二首

和若拙弟說汝州可居已約十一邱韻

次韻陸巖老詞部見寄五首

次韻何總管等慈寺詩二首

伯氏喪歸有日遣立口祭奠

次韻景純將赴襄陽眷戀里第

蒙若拙寵次陳敏彥韻三和

次韻宋景純寄陳去非昆仲

叔父承事用先公舊韻作詩次韻和呈

和元方寄若拙弟託覓顏淵之五十畝韻

蒙若拙見和復次韻

丹集目錄

重

伏蒙孝立朝請同年赴九日燕集翌日以佳篇須酒謹依韻上謝

邇日詩卷承若拙編為小集見示且有詩因次韻

次韻景純後園宴集

景純到汝數日遠求別僕固不敢爾客然宋伯舉幹為兄蘇勤道

大宮為婦之兄遠見去似非人情輒賦是詩率二僚留之

懋南博士暫出迴邑以盛藻見觀謹依韻奉和二首

提宮工部兄攜家見過輒成律詩二首上呈

福國諱日書靈院作呈工部兄

近聞祥隱軒建瓢飲亭季父以詩寄題和韻

次韻景純見寄敘相從之樂

奉酬景純道中見寄之什

友鄉寄詩并月波酒和其韻

次韻叔才幽居二首

次韻工部兄見寄三首

次韻叔才以詩卷見還有作
昌化紫霄閣次長老仲希賦

○卷二十一

七言律詩

去南陽有日書懷二首

郡齋書懷

南陽諸僚和留別詩再和二首

還鄉有作二首

里中無居寓丹陽縣書懷呈邑宰張子蒙

戲書

依韻和工部兄尋由里山泉眼

依韻和工部兄雪五首

菁山梅花盛開予獨未之知十一月二十二日周元舉察院餉數
枝以詩謝之三首

丹集目錄

詩

次韻耿守詠雪

景山寺居大風步月

十二月十日汎舟以北風寒回棹

正月二十六日雪後登子亭示道祖

贈講華嚴惠照大師

贈深老

贈福勝院老僧有宣

春日野步二首

二月十五日游謝村福田院觀涅槃會寺乃靈運故宅呈道祖

天寧節感事示寶華鑑老

和西郊春事招元方同游韻

和元方用韻見寄次韻奉謝二首

追賢院食已度嶺歷宋胡諸庵轉山夜歸

定山寺

章申公墳寺

讀史二首

與工部兄邇歲離多會少樂少苦多述懷

和工部兄邇中散述懷韻

寄獻中散兄生辰

次韻大資節使薛公見詒二首

依韻和薛大資將往仙潭

次韻林茂南祀喜雪二首

僚佐再和後作二首

次韻中散兄及諸弟寄願渚茶二首

哭衛卿弟三首

會夢良傳惠然見存出示詩十有七篇偶撫所遺成三篇已射

中散兄喜罷郡有詩次韻卻寄

次韻中散兄見寄

丹集目錄

次韻錢仲仲見詒兼送別二首

題寄仲仲先坐瞻雲亭

喜中散兄將至

次韻中散兄將到先示詩

次韻中散兄喜雪二首

次韻中散兄二首

友鄉弟見和復賦二首

次韻維心二首

次韻葉少協夢齡汎舟

寄題拙臺

和小室韻

次韻朝隱招飲二首

招中散兄飲

次韻卿任賦立春

次韻道祖賦立春

喜晴

陳朝楫

春晝偶作次元述韻

次韻元述

即事三首

村人寫子像即景山飯道僧所禱為會頗盛

除夕郊居書懷

次韻德升頤軒書懷

次韻中散兄慶立方賜第

次韻邊公明知常放魚

次韻顏孝立天經同年

和必先龍圖謝酒兼呈沈次律瑄中大學士

贈史德謙

丹集目錄

贈鮑欽止慎中二首

挽致政奉議魯公萬益歌詞

張子蒙令君挽歌詞二首

大卿表兄莫公平祚挽歌詞二首

先兄中散挽歌詞四首

哀範卿學士弟

楊彥安植大夫挽歌詞

○卷二十二

七言絕句

讀史八首

王嘉

馬融

陳蕃

鄧伯道

三

法真

王戎

沈約

王維

泮水

廟宅

靈光故基

望嶽亭

壽慶二邱

省習堂偶題

蒙文中縣丞以詩送苦筍走筆六首為謝

四月八日蒙文中餽黑飯作詩二首紀謝

比作黑飯新茶二首未蒙文中縣丞龍和走筆再賦以助一笑

次韻張仲宗元幹絕糧五絕

丹集首錄

從仁叔求楷笏四首

陪亞仲游習家池不攜妓偶作二首

小蘊內翰示和朱氏新治湖泉之什依韻和兩絕

次韻叔才見貽二首

尋山

山臺

鳳凰山泉石勝絕去城無幾里而前此未有知者偶因休吏與文

中良器二士訪尋得瓊奇卓絕之觀於荆棘草莽間相顧大笑

因崇基址築亭榭且疏泉甃池為登臨嘯詠之地九月二十五

日游陟歸夜作小詩十首

再賦十絕

走筆再和鳳凰山十韻酬良器解元兼呈文中宣德

送靈浩江州般若之請三首

贈僧知先

庵僧善能求詩贈二絕句

靈山紀游

寄次顏叔時為蘇州庾官

題龍興寺顏魯公祠二首

友卿病起二絕句

游徑山蘊常上人字無可以山中秋日十詩求和因次韻

次韻劉無言兼山中五絕句敢請諸僚和之

游真意亭得二絕句示良器

嘲淵明

中庭雙柏

約特進河東相公元樞河南相公游普山觀梅用前韻重賦五絕

以梅花餽富季申直柔樞密有詩三首謝次其韻

次韻胡汝明身勝梅花下小飲三首

汝明以詩謝餽菊次韻二首

丹集首錄

二聖圖書

夢良以書獻吉夢戲作二絕

書懷二首

雪意

雪

雪中有懷舊游次友人韻

陪樞密富公游晉川即事呈三首

晏前韻三首

壩橋道中

七夕

次韻德升七夕二首

次韻德升頤軒詩五首

次韻德升惠新茶二首

新茶

烹茶

鮪魚

烹筍

友人惠芍藥并青梅一枝偶成三絕

以糟水灌芍藥戲題二首

山谷以寒巖子詩十二首作葉書詞筆俱絕裴繼之出示求跋因

題絕句

跋子猷訪戴圖

跋陶淵明歸去來圖

吳道子畫鬼

跋李伯時畫李玄通隨虎圖三首

跋黃魯直畫

畫竹二首

○卷二十三

丹集目錄

詩餘

浣溪沙 詠梅

又 木芍藥三首

又 賞芍藥

又 少蘇內翰同年寵速且出後堂并製歌詞仿鶴印席和韻二首

又 小飲

又 少蘇內翰同年寵速道妓隱簾吹笙因成一闕

又 訴衷情 友人生日

又 減字木蘭花 公憑姪初授官以此勸酒

又 西江月 五月十七日與文中自邑境徧游飲野門諸山水十九日在野邑洞靈觀夜燕二首

又 三月初六日席上代監酒和

又 叔父度八十會

又 與王庭錫登燕集作

又 醉花陰 大甲師饋

瑞鷓鴣 工部見七月一日生辰

浪淘沙 十月十九夜賞菊

又 九月十八日與千里賞菊三首

又 鷓鴣天 賞菊二首

又 九月十三日攜家遊真意亭燕集二首

又 新春

又 木蘭花 盧坤生辰

又 鵲橋仙 七夕二首

又 南鄉子 三月望日與文中諸賢汎舟南溪作

又 九日

又 九日朋玉扇翁調作呈座上諸公

又 九日黃剛定再乘席間作

又 虞美人 解衛弟見贈二首

又 題靈山廣瑞禪院

又 自蘭陵歸冬夜飲嚴州酒作

又 臨江仙 上巳日游淳昌王氏園呈吳宰勗及中散兄

又 燕諸都使者二首

又 與葉少蘊夢得上巳游法華山九曲池流杯

又 曠湖美補之託疾臥家

又 席上和呈中散兄及吳令三月初六日

又 章園賞瑞香二首

又 二月二十二日錦薰閣賞花詞

又 定風波 與葉少蘊陳經仲彥文燕駱駝橋二首

又 捷戀花 春夜即事二首

又 夢前韻二首

又 和王燕訪

又 二月十三日同安人生日作二首

又 章道祖生日

漁家傲 初創真意亭於南溪游陟晚歸作二首

江城子 和無言雪詞

暮山溪 送李彥時

又 天節節和朱朋孫

滿庭芳 任昉嘗為新安太守風流名迹隱經史據其說咸今嶺古

江神子 初至休庵冬夜作 以下從毛刻六十家詞補錄

點絳脣 縣齋愁坐作

行香子 愁泥無聊作

水調歌頭 程長器嘉量別賦一闕紀汎舟之會往返次韻三首

木蘭花 與諸人汎溪作

醉蓬萊 天監節作

西江月 次觀林茂南博士杞汎溪

瑞鷓鴣 和通傳送別

浪淘沙 將去南陽作

西江月 連水東樓燕集

又 汎舟

江城子 呈劉無言肅

減字木蘭花 醉筆明一侍姬至葛山觀梅薛公會作

又 痛起不見杏花作

西江月 送衛卿弟赴定遠簿

浣溪沙 賞醴醑

○卷二十四

附錄

光緒丙申武進盛氏思惠齋刊臨桂况周儀陽湖吳文郁江寧馬長儒全校

劄子

進養士圖籍劄子

臣竊以三代之盛班固顯設之方尤備於成周而周之隆教養作
 成之法獨推於文武文王之詩曰不顯亦臨無射亦保故其效至
 於多士以盜武王之詩曰豐水有芑武王豈不仕故其效至於無
 思不服雖聖人以神道設教其精神心術之妙不可推測意者殆
 將以作人顛俊為長久無窮之計非特用於一時以康庶事而已
 械僕云周王壽考遐不作人下武云於萬斯年不遐有佐故子孫
 賴之而國以長懋嗚呼盛哉天佑斯文越數千年而復生上聖應
 世覺民之迹若合符節惟皇帝陛下以御齊淵懿之資履熙洽隆
 平之運聖學高明道心昭徹燭見治本在崇化厲賢故自躬斷以
 來首議學政大開靡類於以育眾才聯師儒而命之以賓興考勸
 之法革科舉循沿之陋升進之令類出於親製程試之文每塵於

丹集一

一

乙覽一歲餼廩無慮數百萬別為一司規畫均制不正於縣官而
 坐有餘資且命諸道各設常產以資永業行之十有餘年典法大
 備彬彬新美之才輩出而晏晏忠厚之俗已成雖詩歌文武之盛
 無以進焉既又命禮部以天下養士之額舍宇之數費用之多寡
 田業之頃畝載之圖籍掌在有司臣等恭承詔旨討論編次隨類
 編括竟有成書取大觀二年歲終為率既以逐州縣離為析數又
 以天下合為總數凡二十有四路而中都兩學之費不與焉彼漢
 中世增弟子員三千人而唐太宗千一百區載之史牒已稱甚盛
 顧視今日何足道哉所有天下養士圖籍凡二十有五冊謹隨狀
 上進干冒宸展無任戰悸屏營之至

乞以學書上御府并裁粹靡劄子

准大觀二年八月二十二日御筆禮部掌教養之事學之興內外
 協力今已就緒而養士之額舍宇之數費用之多寡田業之頃畝
 當識之圖籍掌在有司續准聖旨就差禮部部長貳郎中編修并准

朝旨以大觀二年歲終數月供具本部即不曾乞置專局糜費給
 緣大觀四年罷縣學并州縣小學給食及裁減學費舊所取會御
 非的數遂乞別會政和元年歲終數編纂未了開承去年五月十
 七日勅學校之令並依大觀三年四月以前指揮合依元指揮以
 大觀三年歲終數編纂今已成書總天下二十四路教養大小學
 生以人計之凡一十六萬七千六百二十二學舍以楹計之凡九
 萬五千二百九十八學錢以緡計之歲所入凡三百五萬八千八
 百七十二所用凡二百六十七萬八千七百八十七學糧以斛計
 之歲所入凡六十四萬二千九百九十一所用凡三十三萬七千九百
 四十四學田以頃計之凡一十萬五千九百九十房廊以楹計之
 凡一十五萬五千四百五十四既以逐州縣離為析數又以天下
 合為總數凡二十有五冊而中都兩學之數不與焉恭惟陛下以
 有為之資灼見治本不受數百萬之費使隸學士之版者皆不家
 食所以加惠學者至深至厚又親灑宸翰製教養升進之法逮今

丹集一

二

一紀人材作成典法大備調度有餘盡由朝廷興學之初經畫永
 久之計歲用不煩司農水衡而坐以瞻足故其數之盛如此蓋自
 虞帝兩庠文武東西辟雖以來未之有也顧視漢唐規模陋狹志
 氣蹇淺何足為盛時道臣等不勝大願伏乞以所編書依元詔書
 上於御府以其副藏辟離并宣示史館使陛下甚盛德之舉詔億
 萬年垂示無極取進止

辭免太子右諭德劄子

臣伏睹御筆特除臣兼太子右諭德者螻蟻疏賤之臣濫膺聖擢
 循省恐悖不知所出竊以有周盛時妙簡賢智之臣以陪輔世子
 使日聞正言躬履正道如召公史佚之倫乃得為之下至導諭之
 官蓋亦未嘗不艱其選恭惟陛下盛德大業卓冠古初濬發明斷
 肇建儲位將以中春令日發冊路履親御燕開推擇僚采而臣聞
 劣亦叩頭中選惟諭德之官委屬攸重非天下端士博聞有道術
 者豈稱拔舉伏念臣學識行詣無以加入雖屢塵科選薦被使令

而瑣瑣碌碌訖無銖髮之效今又超躡使贊德春闈雖仰戴君父
生成之恩而退自省量大懼上玷明公登選伏望聖慈特寢成命
改授雋傑使朝廷無虛授之嫌微臣免倖進之謂豈勝大願重念
臣官卑在法不當辭寵迫於私義不敢輒貪非據謹冒昧自列干
瀆天聽臣無任傾越俟命之至

辭免大司成劄子

臣准東上閣門告報已降告命除臣試大司成者卑賤之臣驟膺
親擢聞命震怖不知所為恭惟陛下大興庠序以與斯文聲教之
遠外薄海表而成均辟雖之長實總中外學政非宿德名儒豈稱
任使伏念臣孤愚一介經學淺薄徒知安分守義而行能器識無
以逾人昨被選除再貳國子夙夜勉覲有毫髮之效而訖未有
聞方懼曠官以干罪戾敢謂天慈不遺微品特加因任就進從班
雖曲澤所加在臣至為榮幸而公議可畏不敢輒冒非據之寵伏
望睿明將行遷令追寢誤恩豈惟示名器之公亦以增學校之重

表

三

所有告命臣未敢祗受干冒天威臣無任屏營俟命之至

賀皇帝元會御大慶殿表

歲統開端夙設九賓之會人正謹始還來四海之圖受福無疆惟
皇作極中賀恭惟皇帝陛下推仁濟眾體道御時顯勳績則殆姚
姒之所無關土疆則皆漢唐之未復車惟同軌瑞必應圓築黃金
之臺憂已消於北顧鏤白玉之牒禮方議於東巡屬三始之肇更
宜百祥之交擁臣叨膺銅虎之寄阻望雲龍之廷稱萬歲之觴莫
陪飲柏率百獸之舞但切頌葵無任

賀太上皇表

聖謨獨斷神器傳歸縣宗社於無疆浹人神而符慶恭惟道君皇
帝陛下躋時嘉靖體道希微唐堯開康衢之謠有熊喜大庭之館
謂青宮之預建願黃屋以何心爰降冊書俾嗣膺服魏魏蕩蕩難
名不宰之功繼繼繩繩永昌無爲之樂臣出戶祠館阻造朝班無

任

賀孝慈淵聖皇帝登寶位表

祗遵聖詔光紹皇圖曆數在躬華夷交戴中賀恭惟皇帝陛下睿
哲天縱欽明日躋主豐十年懋毓震闡之德收畿千里益宅寰宇
之心駿命所歸神器允屬臣夙有厚幸蚤依末光奉匱以升實相
昨階之冠建儲之始首叨潛府之僚方茲聖作之初阻預班朝之
列無任

賀今上皇帝登寶位表

期安國步提億萬之全師遂享天心正九五之尊位黔黎有託社
稷載安中賀竊以祖宗德澤在人國家鼎祚方永強鄰侵擾神器
震搖天純祐於我邦時篤生於真主恭惟皇帝陛下欽聰若古勇
智在躬稟上聖之姿當中興之運慷慨奮發既宅四海之心委曲
全安益驗三神之助欽承初載溥協歡心而臣久冒寵榮粗有知
識體元居正既欣膺服之有歸戡亂定傾更識太平之可待無任

表

四

賀冊元符太后表

綽禮上儀肇舉宮闈之慶歡聲和氣鏘洋寰宇之傳家國同休人
天咸喜中賀恭惟皇帝陛下慕武王之繼志同季歷之因心深惟
實昨之居臨實自先朝而弟及願付託之恩無以報則友恭之義
致其隆內則睦族而斯變於時雍外則繼猷而力回於國是矧翼
室受遺之際賴椒房贊策之功屬憲府之建明委禮官而訂審肆
頒乎號申進顯名懿範徽音益播管彤之美仁風孝治遠形華裔
之瞻無任

賀立皇后表

帝度其心寅念人倫之本天作之合肆登邦媛之良化肇六宮歡
騰萬宇中賀恭惟皇帝陛下唐虞明德夏子丕圖謂二南為王化
之基而五教乃天敘之典爰諏穀旦大正長秋彤管垂休將輔成
於陰教慈闈致養見永嗣於徽音臣服職祠庭庇身教澤欣聞椒
掖之乎號阻造楓宸而奉觴無任

代慰欽成木皇后耐廟表

寢園復土祗遵三月之期廟室靈神甫畢九虞之禮威靈燕預遐
邇盡傷恭惟皇帝陛下義極慎終孝深錫類篤敘乃父願元豐宮
掖之賢則友其兄念永泰母儀之重追崇特異躋耐有嚴雖紫庭
永隔於音微而清廟肅承於灌獻願寬惻怛少副瞻馳

代慰欽聖太后耐廟表二首

役回六遂悵復土於喬陵祭訖九虞肅躋神於清廟光靈肝鬢遐
邇盡傷恭以欽聖憲肅太后配德皇英軼功華擊決定大策援聖
人於南面之尊退避寶圖復明辟於東朝之養歛上賓於仙闕俄
升耐於祕宮恭惟皇帝陛下翼翼文心烝烝舜慕悼椒塗之長逝
奉桑主以致虔夢若平生時起悲於脂澤游於複道將永奉於衣
冠願副瞻馳少寬悲惻

代慰欽聖太后耐廟表

微旨永闕徂運載周聖孝哀惻輿情蘊結恭以欽聖太后道光周
母聲掩虞嬪遭時危疑獨建大策躋民嘉靖遽復繁機豈徒修陰
教於壺闈固已懋豐功於宗社流芳彤管將永播於億年脫迹紫
庭歛甫更於期歲恭惟皇帝陛下堯仁因性舜慕以身疾方抱於
環環孝日隆於業業願寬哀念式副禮經

代慰欽慈太后耐廟表

隆名懿冊追賁泉途緝禮盛儀耐升宗祏悲纏當亡感劇寔區恭
以欽慈太后鍾慶高閎流芳彤管夙效捫天之兆果臻夢日之祥
正位東朝莫逮含飴之樂躋神太室空餘撫鏡之悲恭惟皇帝陛
下政用湯中道隆舜孝昊天罔極願少抑於悲摧春露既濡將不
親於灌獻

代慰欽聖太后耐廟表

徽宗皇帝顯肅皇后懿節皇后梓宮還闕表
龍輶返國蜃紉戒塗儼七萃以護行森百靈而警侍照臨所逮哀
慕攸同恭惟皇帝陛下舜孝日嚴堯仁天覆昨奉兩宮之諱躬服
三年之喪目斷殯宮日動羹牆之念誠通霄夢每興匱鑑之悲由
聖孝之感通致殊鄰之悔禍飭使旃而遐衛奉題湊以言旋粵惟

中壺之喪亦見素輿之至列城沃醑行路涕洟匱易四重已極慎
終之禮役與六遂行遵復土之期願少抑於哀惻庶永安於愛戴
慰隆祐皇太后上仙表

變起慈闈悲纏寰宇恭以德行隆祐皇太后慶鍾沙麓德懋管形
頃災運之中微克保基圖之固暨逆臣之椒擾再扶宗社之安方
南土之回鑿奄東朝之告祝恭惟皇帝陛下道光帝續孝篤母儀
長樂問安極三牲而致養泰陵復土儼六遂以在行願寬罔極之
哀式副有生之託

代慰欽聖太后上仙表

椒風告祝薤露興哀慟發六宮悲纏九土竊以德行皇后上天作
合初載來嬪躬卷耳之憂勤服葛覃之節儉方專彤管之美遽陟
白雲之鄉恭惟皇帝陛下治內而厚人倫追遠以基王化雖禕衣
重翟永闕於中宮而厘主黼筵將祠於別廟願抑聖情之悲悼式
副哀宇之瞻依

代慰聖瑞太妃薨表

柔儀長謝卹典致隆凡在疇臨伏深悲怛恭惟皇帝陛下化先治
內禮極慎終自仁率親上動元豐之感因心則友更懷紹聖之傷
追惟宮掖之賢曲軫宸闈之念哀榮時異升賁用光乎號大庭俾
聯華於二后靈神寶利將耐告於諸陵願少抑於惻傷庶永安於
瞻戴

賀正旦表二首

年統載新禮重三朝之會陽功大湊氣資萬寶之昌有天降康惟
聖時克中賀恭惟皇帝陛下宅中圖大居正體元靈承帝以寅恭
茂對時而化育方且錫符而有美蓋將嗣歲於無窮齊七政於璣
衡瞻維攸敘受四方之圖籍蠻貊來同屬治象之載頒宜神休之
滋至臣等叨恩服采顧眾造庭保合太和幸親逢於華旦藉熙純
嘏斯永佑於丕圖

三朝肇祚之辰乾坤交泰萬國貢珍之會圖籍來同受福無疆惟

三朝肇祚之辰乾坤交泰萬國貢珍之會圖籍來同受福無疆惟

聖時克中賀恭惟皇帝陛下御時以道敕命惟幾如日之升見文王之所以望惟天爲大同堯帝之無能名推餘緒而運化於陶鈞撫亨嘉而躋民於仁壽矢其文德絕域皆徠告厥成功珍符紹至惟繁禧之所介協嗣歲以俱新曆授人時法頒治象惟皇作極大居正以體元與物皆昌首施仁而發政臣等蒙休盛旦代區正司東陸發春喜迓泰元之吉南山薦壽仰祈時望之祥

天申節賀表

眾非后何戴欣逢震夙之辰邦永孚於休適配長羸之月自天申命薄海均歡恭惟皇帝陛下疊疊文勤孳孳善實聰明而紹前烈寶慈儉而懷永圖躬五載之焦勞已開興運介萬年之逸樂蓋擁殊祥臣限守虎符阻趨鵷列無任賀明堂大禮表

大禮必簡誠對越於三神至仁無親澤均敷於萬寓溥霑惠術交協歡心中賀竊以祭數則煩在場誠而報本禮時爲大必稱事以

升集一

從宜尊天地以合祠陟祖宗而並侑意乎明察制備情文恭惟皇帝陛下德懋日躋政修時邁已卽圓丘而崇祀未登陽館以宗祈甫臨三歲之期遂度九筵之遠執瓊裸鬯遣宗英而嚴九廟之儀指圭苻嘉被袞冕而極二儀之奉前期誕告先甲齋居列庶尹以駿奔互百神而成秩祝嘏申虔於吉土輝胞俱被於湛恩臣早預從班晚分郡寄兼綜條貫無因奉見寬萬壽之觴宣布詔書尚能作王褒四子之頌

天監節賀表

辰集木津實肇出監之旦歲臨單閱欣逢載震之期中外稱觴邇遐拱極恭惟皇帝陛下實天元子爲世道君孝德著而九廟居歆祀事明而三神歡喜威能遠暢既收舊壤以來歸聖不自居方卻尊名而弗受福祥時萬憲度日新斗適次於房心壽必齊於箕翼臣迷遠宸陞外剖郡符聽望歡之三呼阻遙鵷鸞之列廣繼天之

一曲第傾螻蟻之誠

天監節進銀絹表

皇威遠暢坐收嗣國之功壽節載臨遙祝後天之算共致蕃方之貢交修庭實之儀山阜之珍織紵所出仰裨九賦少將臣子之恭虔請萬年永保人天之慶

天監節進折銀錢表

外撫侯封猥荷分符之寵前臨誕節聿修任土之恭祗率鍾官式遵幣貢塵三錢之府深慙不腆之儀稱萬壽之觴遙致無疆之祝進奉天監節功德疏謝書表

殊庭三祝虔致悃誠細札十行誤膺衷詔齋心展誦舞手懽呼

恭惟皇帝陛下兆有作之聖神嗣無疆之曆服按六經而較德悃四裔而抗稜載遇誕辰實天人之交慶仰祈道蔭乃臣子之當然敢意慈憐申加慰藉永懷丕享之義誓罄不移之心

賀燕樂表

升集一

傳寰宇既備乃奏永觀厥成竊以原樂之初聲相應故生變語形而上道可載而與俱厥惟聖明乃議述作禹取聲而爲度夔制律以和聲雖諧鈞已格於三神而燕樂尚循於五季爰稽中正盡革哇淫增徵角之招而七律始全陳土石之器而八音初備有始翁從純之美無細抑大陵之傷蓋和聲既滌於姦聲則今樂遂同於古樂恭惟皇帝陛下道超器數治極盈成察餘於清濁之閒象事以始終之序曰惟嘉饗深厭溺音立度出均始達神明之德登歌下管遂同天地之和順氣應之治道備矣臣等無裨政化猥預榮懷爲詔九成聽鏗將而竊歎大食三侑願保用於無窮

賀日戴承氣表二首

化仲乾運洪恩丕冒於邇遐祥開日華瑞氣並生於上下光騰羣目慶浹輿情竊以行上道以揚暉宗眾陽而循度旁出纓珥皆兆福祥見於戴者爲國有喜之占名以承者示臣奉君之慶乃辰日之官程奏與說天之志協符陽春方中曷景正午躋茲並應實表

多祥恭惟皇帝陛下盛德昭升至仁光被無思不服人文已應於
豐亨將受厥明天瑞遂形於晉畫臣等具叨眷獎莫效變調政察
璿璣奕測彌綸之妙氣調玉燭徒深林蹈之誠

帝德誕孚仰格景炎之應天休滋至繼騰瑞氣之華殊祥相望於
後先美證交輝於上下清臺雜候寰宇均歡竊以天惟陰陽而降
監孔昭日乃陽宗而象類可考堯命四時之官而謹實饒周以十
輝之法而辨吉祥曰載曰承曠千齡而莫睹乃神乃聖遂彌月而
再瞻益一德新而又新則諸福至而復至

賀日蝕不及分表
官占前告知交數之當虧聖德上昭致蝕分之不及照臨所逮距
躍惟均中賀竊惟躔度相循實應大餘之數陰陽有背乃侵內壤
之光惟精意之潛孚則沴氣之遽弭保章辨吉眊視觀祥有感必
通益欽若寅賓之證方交俄吐示及遲蝕寡之符恭惟皇帝陛下
道與豐亨德參離照雖運彌綸之妙用不忘寅畏之小心天且弗

違人其皆仰臣等謬膺眷獎服在爾諸修六職以導和仰繫庇冒
率四方而來賀但切惟呼
賀日蝕陰雲不見表
日當合朔前知薄蝕之期雲起崇朝潛護照臨之體坐銷沴氣薄
洽歡心中賀竊以陰陽不免於交侵日月有時而同道蓋盈虛之
定數在分至以非災繫聖德之召和致天心之助順雲特瞻於游
宇辰自應於集房恭惟皇帝陛下秉總泰元均調冲氣思其艱而
制治正厥事以承休雖曆步日微莫逃常度而德孚陽感自隔妖
氛巨等積在慈憐敷同慶賴抑陰用社既虛十輝之占籲眾告庭
願上萬年之壽

賀慶雲表
氣襲一陽方誕膺於神貺雲舒五彩復昭示於天休登臺以書擊
壤咸喜中賀竊以古帝有車蓋之瑞因以紀官漢皇祀汾陰而歸
宮間覆鼎載諸往牒已號殊祥矧當至日之漸長方即路朝而展

采儼九賓而就列鏘六玉以導和紛郁呈祥輪囷曜色盪紫霄之
氛祇映黃道以昭回於稽盛德之符茲謂太平之應恭惟皇帝陛
下欽聰稽古寅異享天僕景命於無疆告成功於不宰克開厥事
祕文兆見於堯天參受于庭卿霽復光於舜日臣等備叨殊獎獲
相上儀若煙非煙幸親瞻於瑞蔭既且復且願永播於康歌

賀收復涇州表
爰整其旅起舊將以俱征克成厥功恢故疆而盡復捷音來上歡
頌遠傳中賀竊惟涇水之封陲實邇橫山之走集地形控阨天聚
富繁歸我版圖昔有招攜之效弛其檻縶誰為縱敵之謀屬聖武
之紹興幹神機而獨運星文助順軍氣益張匪安匪舒遂有來鋪
之效是致是附坐收無侮之功恭惟皇帝陛下適求厥寧載用有
嗣赫赫業業而天威遠愴烝烝皇皇而兵勢具嚴憬彼迤川故無
勞於折筆蠹茲偽夏行亦見於消烽

賀收復燕山府表
取亂侮亡曾未施於三箭向風慕義遠求效於九州惇黎輸款塞
之誠渠帥有倒戈之請事光悼史慶溢絲區中賀惟幽薊之封疆
本華夏之土宇粵從石晉始失版圖垂二百年擅數千里几謀國
之士譏弗敢及致在天之聖志未克伸惡稔罪盈眾怨神怒冠戎
越在草莽師厭日尋千戈仰怖德威如洪爐之燎毛髮斬雷聖澤
若大旱之望雲霓遂掃境以來庭同叫關而請命恭惟皇帝陛下
神武不殺睿智有臨救民水火之中玩敵股掌之上全付所覆仰
承穹昊之休道觀厥成大酒祖宗之憤舊壤再歸於中土經躔遂
備於周星成茲不世之功盡出非常之斷臣叨膺郡綬阻獻壽觴
撫鳴劍而馳伊吾徒深贊喜登泰山而建顯號行慶升中

賀涇州芝草表
青唐慕化籍疆土以咸歸朱草薦珍走驛郵而來獻凡依怙冒交
劇歡呼竊以齋房之詩徒著九莖之異瀛洲所產第存三秀之名
彼固推為盛時亦復號稱華觀蓋未有叢生千葉遠叩九關截然

賀收復涇州表
爰整其旅起舊將以俱征克成厥功恢故疆而盡復捷音來上歡
頌遠傳中賀竊惟涇水之封陲實邇橫山之走集地形控阨天聚
富繁歸我版圖昔有招攜之效弛其檻縶誰為縱敵之謀屬聖武
之紹興幹神機而獨運星文助順軍氣益張匪安匪舒遂有來鋪
之效是致是附坐收無侮之功恭惟皇帝陛下適求厥寧載用有
嗣赫赫業業而天威遠愴烝烝皇皇而兵勢具嚴憬彼迤川故無
勞於折筆蠹茲偽夏行亦見於消烽

賀收復燕山府表
取亂侮亡曾未施於三箭向風慕義遠求效於九州惇黎輸款塞
之誠渠帥有倒戈之請事光悼史慶溢絲區中賀惟幽薊之封疆
本華夏之土宇粵從石晉始失版圖垂二百年擅數千里几謀國
之士譏弗敢及致在天之聖志未克伸惡稔罪盈眾怨神怒冠戎
越在草莽師厭日尋千戈仰怖德威如洪爐之燎毛髮斬雷聖澤
若大旱之望雲霓遂掃境以來庭同叫關而請命恭惟皇帝陛下
神武不殺睿智有臨救民水火之中玩敵股掌之上全付所覆仰
承穹昊之休道觀厥成大酒祖宗之憤舊壤再歸於中土經躔遂
備於周星成茲不世之功盡出非常之斷臣叨膺郡綬阻獻壽觴
撫鳴劍而馳伊吾徒深贊喜登泰山而建顯號行慶升中

賀涇州芝草表
青唐慕化籍疆土以咸歸朱草薦珍走驛郵而來獻凡依怙冒交
劇歡呼竊以齋房之詩徒著九莖之異瀛洲所產第存三秀之名
彼固推為盛時亦復號稱華觀蓋未有叢生千葉遠叩九關截然

賀收復涇州表
爰整其旅起舊將以俱征克成厥功恢故疆而盡復捷音來上歡
頌遠傳中賀竊惟涇水之封陲實邇橫山之走集地形控阨天聚
富繁歸我版圖昔有招攜之效弛其檻縶誰為縱敵之謀屬聖武
之紹興幹神機而獨運星文助順軍氣益張匪安匪舒遂有來鋪
之效是致是附坐收無侮之功恭惟皇帝陛下適求厥寧載用有
嗣赫赫業業而天威遠愴烝烝皇皇而兵勢具嚴憬彼迤川故無
勞於折筆蠹茲偽夏行亦見於消烽

賀收復燕山府表
取亂侮亡曾未施於三箭向風慕義遠求效於九州惇黎輸款塞
之誠渠帥有倒戈之請事光悼史慶溢絲區中賀惟幽薊之封疆
本華夏之土宇粵從石晉始失版圖垂二百年擅數千里几謀國
之士譏弗敢及致在天之聖志未克伸惡稔罪盈眾怨神怒冠戎
越在草莽師厭日尋千戈仰怖德威如洪爐之燎毛髮斬雷聖澤
若大旱之望雲霓遂掃境以來庭同叫關而請命恭惟皇帝陛下
神武不殺睿智有臨救民水火之中玩敵股掌之上全付所覆仰
承穹昊之休道觀厥成大酒祖宗之憤舊壤再歸於中土經躔遂
備於周星成茲不世之功盡出非常之斷臣叨膺郡綬阻獻壽觴
撫鳴劍而馳伊吾徒深贊喜登泰山而建顯號行慶升中

新附之邦卓爾無前之瑞楊華苗登託質堅剛介蠻貊以絲傳曠古今而創見此蓋伏遇皇帝陛下化由神運道與時行默調撫於五辰迷昭蘇於眾彙張成池之樂以流於協氣定郊廓之鼎以召於嘉祥因積人和具膺帝祉案諸圖牒共欽蔓蔓之形播以聲歌永配巍巍之治臣等生逢昭代獲覩上儀敢同來賀之四方共祝無疆之萬壽

賀瑞石表二首

臣某等言伏觀河東轉運司進瑞石一據待詔封士靈狀稱磨礪已凹尚見天正堯瑞字并御筆驗到詰實與元圭同宣示百官者告厥成功由錫久淪之至寶震於珍物是興前古之殊祥質雖玉石之偷意若節符之合中賀竊以禹底濬川之績堯受延喜之圭雖乎尹尺二寸以標奇然湮沒三千年而莫覩天將授聖理欲斷疑爰出祕文以彰休應得自焚山之壤久為汾水之都究點畫則本於自然考符瑞則昔所未有披圖輝耀豈同鳳羽之成文結體

才美一

十一

瓊奇恍若龜書之再出屢磨礪而不泐將藏祕於無窮恭惟皇帝陛下仁以則天智惟稽古孝悌而致萬邦之協欽明而臻庶績之熙治既比隆福因緣類皆不求而自至蓋合異以為同臣等叨預近司親陪昌運地不愛其寶幸獲觀瞻邦永孚於休惟深呼舞圭呈元色將昭受於大庭石出祕文預協符於上瑞四方同賀百辟聳觀中賀竊以龍甲浮河伏義因而書八卦龜書出洛箕子所以演九疇厥惟自然之文每出大明之世不求而至獲於汾晉之都載考其繇欲正陶唐之瑞緘縻來上磨礪愈明究字畫則非筆墨之能工語休祥則實圖牒所未有闡神明之奧隕祚脩服之餘長道之將興國以長林恭惟皇帝陛下則天覆壽如日照臨克明俊德而仁厚於惇宗不廢窮人而政修於無告巍巍之功既就赫赫之應遂昭臣等叨預近司預觀繇錄何知帝力載廣野老之謠請壽聖人更類華封之祝

賀水晶大花金碼礪與發表

天人精祕有感斯通山澤韞藏不求自至三邦程奏萬宇均歡竊以貴異物非聖哲之木心致大利乃帝王之盛節蓋仰膺於天佑必並顯於坤珍壤帶洛師發千年之水玉江連邕管榮萬鑑之精鏤顧茲寶石之英舊產大荒之遠乃於近甸併效殊祥恭惟皇帝陛下撫大競之時擅無倫之富政事修而錢流於地上年穀熟而粟腐於關中民各厚生地豈愛寶惟茲三幣並出一時掌在升人不假地圖之授藏之玉府永為邦賄之良臣等猥被眷求親陪熙泰治道備矣何施實亮之功寶藏興焉幸預榮懷之慶

進奉生擒賊渠魁馬謝詔書表

師行左次旋掃通誅貢效右牽蓋伸常禮願頻神指曲降璽書誦讀知榮捧承失據中謝伏念臣口守近服屬討兇渠方鞠旅於前茅曾乏先登之助暨致刑於獨柳徒將曲踊之誠弗悟溫言特光孤跡此蓋伏遇皇帝陛下宅師嘉靖基命溥將有此武功暨宣威於暴亂矢其文德更加惠於臣鄰雖處外而亦臨俾增重於所

才美一

三

道三二帝幸親遇於昌期文七六經永襲藏於蒨室謝收復燕雲進馬賜詔書表復境金臺師既殊於左次稱觴玉殿貢輒效於右牽敢意恩綸俯光衡宇中謝恭惟皇帝陛下智勇天錫徇睿生知稽古則斷自唐堯以來治外則雜用采薇而下爰修羽干之舞同乎舜功之巍巍不遺蟻蝨之臣賜以周書之靈區深維榮遇實資餘年願加什襲之藏更殞百身之報

丹陽集卷一

丹陽集卷二

表

謝特賜諡先考清孝表

鄉書程奏仰斯揚善之公廷議具乎特被易名之寵恩光下逮感涕無從中謝竊以名者實之實必考一時之德諡者行之迹永垂萬世之傳禮欲示於勤賢義特嚴於節惠魯無駭則生有正卿之貴衛公叔則請於將葬之時若乃爵未及而特崇窆已久而追命自非絕德曷勝殊榮仰惟先臣夙有卓行飲冰自勵清每畏於人知負米服勤孝實由於天稟十年辭祿而養志一介不取以律貪蹈曾閔之所難拔夷齊為可慕善每為而最樂徒信所聞道雖聞而日章其傳自遠敢圖二美上達四聰略省戶之參稽置禮官之訂議特旌潛德俾受大名此蓋伏遇皇帝陛下公聽並觀兼容汎愛同帝堯之稽眾法湯后之立賢不吝飾終特甄收於片善未嘗忘遠曲崇獎於下臣爰霽恩綸來光泉壤殞百身而莫贖永悼循

廿其二

該想九原之有知尚期結草

謝降詔不允乞外任表

教而知困竊幸退藏道以觀能尚寬澄汰親奉德音之獎勵繼膺溫詔之撫存宜去而爾以榮為懼中謝伏念臣蚤蒙擢序馴致高華聯禁塗供奉之班躡賢舍師儒之長冒居厥次未報隆恩輒乞其身實緣私義蓋明倫善俗之時希遇則育材成德之任至難無作人之助則為曠官無授業之長則徒廢學如臣愚陋涉世闊疏可謂人師雅無重望於斯碌碌屢荷容偏塵胄子之官久妨賢者之路驕鼠窮於五技難復進為鷓鴣巢於一枝庶安拙守故因次對自勉治民敢意包荒尚容游食獎以平文之當責之振職之稱既蒙踰袞之褒復荷出綸之渥大哉之言誕藉藪爾之跡有光此蓋伏遇皇帝陛下豐照直中乾剛獨運懋昭大德適求多士之靈灼見俊心深識百辟之亨肆憐平進更責後圖誓殫分教之勤少報兼容之施

伏寧知縣謝上表

職廁儀曹愧匪小材之累日除還銓部猶叨大邑以庇身荷恩難名報德無所中謝伏念臣人門俱下仕學並輕雖偶竊於科名本自甘於州縣識拔誤除於師席編摩進直於書林佐貳宗英預掌銀潢之津派登延冊府獲窺金匱之圖書每自疚於超踰豈復希於擢序久尸官於省戶曾乏建明屬議禮於宗祏遂成瘵曠豈何施於測海蚊果困於負山特煩簡禮之嚴上瀆冕旒之遠止從澄汰實戴矜容此蓋伏遇皇帝陛下堯釐百工舜明庶物黜陟必先於考績賢愚咸使之遂情若此無能尚有攸處臣敢不承流宣化勉報政於三年念咎省愆誓輸忠於九死

大司成謝上表

入持禁彙已媿超遷進長經費更叨因任循涯虛受程奏懇辭膺詔旨之弗俞錫服章而加賁亦既就職深虞累恩中謝伏以兼三代之學以明人倫同四海之風而暨聲教大申孝弟之義交獻賢

廿其二

能之書歷年滋多明效灼見小子有造預鼓篋者千人海邦率從來執經者萬里惟時教法特軫淵衷責古人大全則海降德音示聖經奧旨則親為訓傳蓋躬教立道之君處上則育材首善之臣至難方廣詢求以專屬任而臣學非得己才不加人行誼不足為世之範模文藻不能作經之鼓吹偶自朝廷興學之始首叨方郡分教之官玷禮曹即屬者四年預胷席師儒者三等所能何有每遷益高雖賓賢養士之規模粗知本末顧成德達材之績效蔑有毫釐不悟異恩就躋邇列此蓋伏遇皇帝陛下誕敷文德邁圖康功久於道而化成不忘樂育主其心而慎治更務能官察臣所守之靡他貸臣已試之無驗狼加曲澤使勉後圖誓畢微生仰酬洪造

謝江州太平觀表

躋榮命教濫居學省之華負罪投閒尚竊祠官之適寬恩下逮感涕橫流中謝伏念臣學術空疏性資愚拙本為貧而干澤寢席寵

以逢時俾游英俊之躔盡出聖神之造班陪從囊秩冠儒官顧惟何人輒膺是選果緣冒處遂致疾顛仰繫亭毒之私猶須儼廩之厚此蓋伏遇皇帝陛下德俾天大恩均父慈擴仁恕以并容寬聰明而臨照深閔向隅之戚特從祝網之寬退居寂寞之濱得從優逸上答生成之賜更誓糜捐

謝復右文殿修撰表

殊庭游食深幸安全祕府疏榮特從甄序隆恩下逮感涕橫流中謝伏念臣學不造於道真材不周於世用自奮寒苦三收詞藝之科復冒寵嘉四躡師儒之等欽承綸綍俾長膠庠退量羊質而虎皮何補焉飛而魚躍航艤但期於報國顯愚實昧於周身惟行法已拂於人情而處事每違於時論怨仇交積譽咎易乘狼自劫歸親承訓獎慰留之詔始下搏擊之疏繼聞凡可排詆而中傷無不崇飾而誣讎秀言甚巧惑投符於三人幽結莫申類降霜於五月賴乾坤亨壽之施察風波險陷之危曲示優容止投閒左微生易殞聖造難酬旋聞邦誣靡逃天鑒阿比附會著在德音放逐流離屏之荒服臣之所坐豈假自明遂令流落之餘曲被便蕃之澤稍責集賢之職漸刊司敗之書此蓋伏遇皇帝陛下覆露萬邦旃幟庶尹風揮日舒而專斷雲行雨施以均慈蹈舜之文哲而審官體湯之寬仁而宥過肆令浮賤不遂棄捐恩已重於邱山實踰始望身未填於溝壑誓竭孤忠

汝州到任謝表

序道山之祕職已荷疏榮殿陸海之名邦更蒙起廢苦心易感危涕自零中謝伏念臣器識無以加人學問本期治己會睿神之博采旅俊哲以同升編歷清塗皆非素望直棧傳麻雖知戒於回邪方穿運車顧每難於諧合昨承人之進長國庠雲漢為章於天何裨化養日月有明必照獨荷矜全數待清閒府膺訓獎維時邦鈞方擅臺評凡可傾擠而中傷無不誕慢而崇飾儻非洪造豈有餘年矧退黜僅及再周而恩渥已更三至既察采芩之罔遂叨剖竹

之榮濱九死而復生殞百身而易報此蓋伏遇皇帝陛下宏規顧俊大德容恩曠然兼覆之恩仁為己任展也大成之業善與人同故雖無庸不使終否臣敢不益殫夙夜之力少紓宵旰之勤微沸羹而吹齋更防後患羨洲魚而結網勉企前修

謝改寶豐縣名表

建節近蕃已旌地寶錫名交邑更荷天慈閭井祇歡山河增重中謝竊惟汝郡密拱神皋鬱蔥之佳氣旁連汪濊之湛恩光被是興寶藏以表珍符沓來升人底貢玉府實緣茲爾之境申錫美哉之稱此蓋伏遇皇帝陛下富擅無倫化行有截爰正名於百物以彰信於兆民旬服用光信書惟承臣謬膺優寄躬被德音順事成實佩褒庸之寵政平訟理益圖報塞之方

為輒奏儀曹馬俊公事放罪謝表

獻獄非疑自奸罪譴疏恩過厚特飭憲章荷德自天措躬無地中謝伏念臣中緣擢序殊預使令兢兢詔令之遵齟齬簡書之畏謂

母案三

獄者天下大命而刑本君子盡心監失不經上體好生之德何度非及顧無閱實之良輕憤九重特寬三尺此蓋伏遇皇帝陛下斤斤之明進日恢恢之網如天知非法吏之深文爰貸守臣之妄發臣敢不知逃簿責益務簡爭觀過知仁幸不書於一胥咸中有慶庶圖報於萬分

謝除顯謨閣待制表

竊名簡札久奸列史之誅寓直圖書忽玷侍臣之選驚魂返幹感涕交頤中謝伏念臣於世無庸以身得察不繇援助徧歷高華自信直前未免木雁之累周防慮害又乏著龜之明遂招貝錦之言上瀆細氈之聽仰承辨究曲賜保全起之祠宮付以民社義命大戒方勵志以力行富貴危機實無心於贊取矧惟伯氏獲綴近班甫依日月之光遽淪霜露之疾願滿盈之招損復愴盡之傷生方圖幽屏於衡門敢意寵登於嚴閣此蓋伏遇皇帝陛下在帝陟降憲天聰明體堯之大以容愚用舜之中而忘過念茲簪履之舊援

之溝瀆之中敢不電旣事勞緝熙問學命輕於羽期徇道以忘身
晉有如江願輸忠而報國

湖州謝到任表

服勞盡瘁敢擇地以求安積憂挺災輒顧天而慙懇豈圖名郡驟
假崎人中謝伏念臣離襪無庸翫難合入塵禁近深慚乍倭而
乍賢出預承宣惟知畏首而畏尾迫於多瘠尚爾自營荷臨照之
末光遂寬閒之素志惟若霄之勝壤號吳越之樂郊杜牧之三啟
請行王逸少二代繼守豈期沉宅之地乃獲專城之居此蓋伏遇
皇帝陛下體文王之淵懿以官人蹈虞舜之聰明而臨下昇矜無
告特為相攸仰稱慈憐誓當勤策挈紫荷囊徒夢想於清都坐白
蘋洲幸日陶於化國

鄧州謝上表

危誠自列本緣三五之嫌洪造曲從改位一麾之寄奔走奉職經
營戴恩中謝伏念臣早幸逢辰過叨序爵容臺蕤禮往來數預於

舟集二

五

討論教府育材伯季迭居於長貳實佩聞於德意敢申盡於初心
旋以拙疏久坐流落既不肯逐巧點妍而射利又不能變節易操
以隨時歲箭七更徒或夢遊於帝所國門三過何階入覲於天儀
進無扳聯之因退守靖共之素惟茲楚境蓋昔鄧墟令臣領之為
幸多矣此蓋恭遇皇帝陛下蹈虞舜莘莘之善廟成王斤斤之明
攬治具而畢張鑒人材而翕受少原之誓惟舊未忍棄遺豐城之
劍可求聊加拔拭臣敢不布履洪之惠澤佩煩悉之訓詞為國矢
謀雖身遠嚴徐之列與民興利尚志晞召杜之風

再任湖州謝表

復舊歷之近班已叨式序付管為之便郡更荷就除不涉道塗即
交印綬中謝伏念臣仕過其量德慙於榮內之代置於京師偏陪
禮樂學校之寄外之服勞於郡縣備諸簿書獄市之煩自贖真祠
屢更嗣歲敢圖起廢復玷承流今所領州昔嘗任事法令具在誰
言度屋之併幪民俗可知妄指甘棠之蔽詩今茲器使實累詔除

而臣益老無堪積憂多畏動而輒疑豈能游刃以解牛去已復來
徒類下車而搏虎此蓋伏遇皇帝陛下運天德以鈞賜繼帝緒以
膺期體道時巡擇賢共治時加申命更勉後圖惟自誓於糜捐庶
少寬於憂顧馳朱丹轂敢從事於燕游探赤白囊第謹修於備禦
謝除顯謨閣待制表

奉混元香火之祠獲從安便直永裕圖書之閣復玷高華方課職
以投閒顧冒恩而席寵辭不獲命懼何以堪中謝伏念臣江海腐
儒布韋冷族以身自勵妄期兄弟於古人賦命多奇動輒參辰於
時態昨膺申命果撫舊封當帑帑空匱之時適衣冠流寓之眾長
鞭不及馬腹靈免多仇割雞焉用牛刀敢言易治拙疏若此汰免
是宜敢期肆售之隆寬不以曠官而賜隔還青氈之舊物綴紫囊
之清班此蓋伏遇皇帝陛下時邁其邦日新厥德攬智瘵而兼用
作威福以並行蕩蕩巍巍每擴堯天之覆左左右右特從湯網之
寬臣敢不知幸之不可常念德之宜有報益堅素守更勉後圖

舟集二

六

謝賜曆日表五首

仰求天步運太極之三辰俯授人時協洪範之五紀祗膺詔旨灼
見聖心中謝伏以考中星之合見而生昏明課九道之發斂而定
冬夏積大餘小餘而綜數辨陽曆陰曆以求端雖云觀象之常未
若紀元之密開綴文之局而演議推立極之日以為元鑿井耕田
共識作訛之候連珠合璧開無秒忽之差恭惟皇帝陛下化妙範
圍仁深覆育循堯之道以閏月而定四時用夏之正坐明堂而朝
羣后臣出守支郡辱賜新書豈徒尊閣以知榮敢不奉承而加畏
協用五紀允執其中猷告多方不匿厥旨仰惟天步俯授人時
謝竊以設南正北正之官實繁順帝辨西陸東陸之候所以序年
惟章分節元之不差則析因夷隲之攸敘厥惟舉正乃克求端恭
惟皇帝陛下官天地以範圍歷日月而迎送清臺雜候既謹於疇
人陽館誕頒每先於嗣歲惟聖時憲以初為常臣謬廁承流寵膺
錫本昔嘗庇職慙無綜數之能今幸牧民願廣正時之惠

協用五紀底口而無失日之差允釐百工後天而有奉天之謹
竊以帝嚳序星辰而著眾唐堯欽曆象以授人厥惟盛明必精
推步顧紀元之衍數本基命以求端閏餘靡乖宿離皆正恭惟皇
帝陛下恩涵品庶道格昊穹坐行政之堂定四時而成歲頒在躬
之曆徵五福以錫民臣敢不祇奉聖書實遵神筮昔緣推澤嘗預
於討論今冒承宣敢忘於尊閣

發政施仁誕布自天之詔歸餘舉政特頒底日之書職在承宣敢
稽播告中謝竊以南正北正以司天地義仲和仲以理陰陽惟分

至啟閉之預知則風雨晦明之可候肆於獻歲之始大宜告命之
文恭惟皇帝陛下寅奉夏正率循堯道面稽天若敬授人時俯察
仰觀千歲之日可致下蟠上際萬物之生得宜夙推步於清臺繼
須宜於方郡行以出令志以定言拜賜札以聖書祗膺周誥奉萬
年之神曆允協夏正上體求端敢忘承式
發春獻歲誕臨行政之堂舉正履端昭示在躬之曆凡叨寵錫悉

被恩榮

中謝

伏以鳳鳥呈祥定分至啟閉之候冀英紀瑞辨作訛
成易之方起消息而正閏餘分辰野而步總次五者來備各以序
萬物之生得其宜蓋惟保乾道之和乃能致帝者之用恭惟皇帝
陛下紹隆景命光照丕圖調玉燭而和四時在璇璣而齊七政連
環合璧仰無秒忽之差轉扇飛灰俯有桴鼓之應肆頒告朔爰及
守臣臣敢不虔稟聖謨率循彝憲焉知天道昔嘗預於討論不違
農時今第嚴於遵奉

代皇子辭官表

仙源襲慶曾微橫草之勞睿檢疏榮遽被其茅之寵輒輸危懼仰
冒隆威伏念臣妾實滯冥質非岐嶷本支錫羨當詵洗揖揖之辰
德齒甚微媿穆穆皇皇之美方上煩於顧復冀少迪於顛蒙敢圖
敷號之揚廷特相與區而翫社秩均揆路寄重節旄惟茂勳明德
之可居豈弱植幼齡之敢冒伏望皇帝陛下俯矜愚欲追浸贊書
名器至公特正君臣之分懼誠獲所益隆父子之恩

代皇子再辭官表

循牆懇避既懸於愚衷賜履疏榮未回於渙號仰蒙覆露輒再冒
陳伏念臣託體天支承顏帝展銀潢分潤日承鞠育之恩金輅啟
封敢意衷揚之寵顧未親於保傅已視秩於公師相南土以建旄
保東方而受社並疇多賦併衍真租皆非分義之所安敢罄懇誠
而再瀆伏望皇帝陛下至明旁燭大度兼容俯矜髻鬣之姿特寢
絲綸之命朝廷之上庶絕於叨逾父子之間何容於僞慢

代皇子謝授官表

程奏上干冀回於成命恩言狎至終闕於俞音祇受寵靈第加榮
灼中謝竊以勝衣佩印存漢室之舊章昨日錫封實本朝之故事
敢圖庸昧亦玷褒揚伏念臣質異徇齊年方稚孺屬椒聊之繁衍
聯棣萼以輝華顧子職之未供荷王靈之先及建節旄而賜履按
輿地以建邦命服九章榮威儼於上宰元戎十乘峻節制於帥垣
曾是屏微併叨寵獎此蓋伏遇皇帝陛下堯親九族舜闢四聰念

生子之在初雖多男而授職誓永堅於忠孝庶上答於生成

代謝賜名表

趣令安位已被恩綸諭使更名更紆親札宸廷馭幸閣府增華
竊惟名以制義者禮之經言惟作命者上之寵惟叔虞季友之
類父命有稽而唐武將義之倫君賜為重臣逢時獨幸莫食久浮
敢圖賤名更出睿意憐其許國之志使堅戴后之誠問於申繻不
犯廢山之戒比之程昱更超加日之榮此蓋伏遇皇帝陛下雖聖
弗居以慈為寶當國家之閒暇務極崇儒矜臣下之勤勞不忘賚
善肆推曲澤以貢餘年三月而名雖動已孤之感千載之遇更懷
難報之恩

代嗣漢王謝升等表

祇受寶符永佑基圖之固載頒睿渥曲惇族屬之私凡預休涵交
深呼舞中謝竊惟漢王之支適皆為英祖之懿親論小宗則勢實
絲聯視正統則稍為疏迷因禮有等衰之辨故法從降殺之文戚

單者既罷賜名行卑者遂無庸爵生息復廣貧富不均建聖度之
獨觀裁宸章而規定謂自義率祖雖貴於斯恩然立愛惟親固
無嫌於庶孝爰因熙事丕變舊章官行而迭升爵因名而更制
情文俱盡恩義兩隆磐石相維更益一祝之重輪言下逮不為戚
邸之光此蓋伏遇皇帝陛下聖德盡倫王功卸體堯仁而惇九
族紹舜孝以協重華肆令萬藹之生共仰蓂蕭之澤願深圖於報
稱當共誓於糜捐

代謝宜詔再入翰林表

禁林清切登用詞臣家巷光華喧傳使仰膺申命實戴隆恩
竊以冠內朝供奉之班代中展訓詞之任粵自唐世號為要津
資東里潤色之材處北門獻納之寄扉開銅式地秘金鑾樂府立
成乃有謫仙之譽嘉謨參決因存內相之名矧在聖時勅與文治
睿藻獨高於負古諸臣莫望於清光雲漢為章獨昭回於萬物風
靈敷號將鼓舞於四夷宜得名儒以當內制而臣衰遲無用猥蒙

并卷上

九

弗靈問學本疏矧久廢而將落文詞甚陋又已試而罔功何期過
采於虛名復使升華於散職預推經於帷幄參酌史於青編是皆
劇榮併茲虛授此蓋伏遇皇帝陛下宏規遠撫口口旁周圖回萬
化以更新收攬取材而求舊殊私所速懇避弗俞奮發詞章雖莫
追於作者激昂忠義當不愧於古人

代謝不允乞外表

忱辭冒進冀乞其身恩旨俯頒俾安厥位叨榮未已席寵更慙
伏念臣獨荷聖知再司邦計本圖尺寸上報邱山衰疹所嬰筋
骸知馬力之竭劇職寢廢智謀同鼠技之窮懼速大詞上孤殊獎
爰即威顏之座具輪肝膈之誠為聖人氓句就祠庭之伏避賢者
路冀辭省戶之華不悟眷臨申加慰撫此蓋伏遇皇帝陛下疏觀
萬化原省眾材察其籲天本非擇地特加因任使勉後圖大哉一
札之言永期尊閣最爾百身之隕曷稱恩私

代辭官表

旌壇所指肇闢遐疆綸特載頒例增崇秩敢緣私分進冒隆威
竊以通求厥靈躋躋聖神之造采入其阻桓桓仁義之師飭偏
校以鷹揚係名王而蟻伏鋪敦積石奄有臨洮初無遺鏃之煩坐
致舞干之格曠古未實之迹悉入版圖窮荒始附之民交通觀譯
仰繁容斷用底庸公如臣謝才荷國重寄曾乏幄中之畫少裨闔
外之奇乃緣策勳亦叨序爵矧預聞於政事已屢玷於恩華儻無
止足畏避之心必有充滿顛躓之慮伏望皇帝陛下監觀本末惠
顧始終憐其深懼於高明察其非涉於僞慢斷從公論追廢命書
位必勞升盛世固無以虛授利因義勝愚衷亦幸於少

代謝授官表

與師奮伐吉語遞聞疏爵曠功恩言濫至懇辭弗獲祇受若驚
竊惟洮陽之奧區實為隴右之故壤地形控扼天聚富繁早紆
先帝之經營尚習狂童之矯據神機默運聖武嗣興詢謀將才指
授廟算不淹浹日坐取列城疆弩何難於射應震靈不及於掩耳

并卷上

十

游魂假息望旗鼓以驚奔洩 寶載襲冠裳而款附震疊三河之
外鋪敦育海之陽用夏變夷皆 睿略因人成事豈有微勞敢圖
近弼之頒恩亦使瓊才而居寵此蓋伏遇皇帝陛下英威服遠盛
德容愚土宇版章中外褻福謂義已加於不齒故賞靈借於罔功
特示睿慈俾霑優渥昆夷駭矣忻聞正域於四方元首明哉敢獻
無疆之萬壽

代謝朝參減拜表

便番曲澤展沐矜憐疲曳微軀特從優假禮稍寬於拳踞心深負
於凌兢 伏念臣生值休明坐戶華顯莫食久浮於真館疏榮
更昇於戎旃雅無橫草之功少圖稱效徒有負薪之疾上軫眷懷
乃知極辨之朝益有常尊之分敢意倦倦之厚施特鑄僕僕之多
儀此蓋伏遇皇帝陛下德冒臣鄰麻函戚屬謂禮雖宜於下拜而
恩或出於非常因屈威顏俾蘇衰藹馬力將竭已逃顛踣之虞鼠
技既窮尚誓糜捐之報

代謝敕設表

內苑贊書叨蒙宣召太官宿設更沐示慈荷寵便蕃省躬殞越
伏念臣初非博綜繆辱詳延修飾討論何補聖謨之謏飲食燕
樂遠煩臺饋之頒此蓋伏遇皇帝陛下優異詞臣恢張國體因其
泣職之始訓以稽古之榮臣得盡心遠繼鹿茸之盛物無失性更
同魚藻之和徒愧屬餐莫知上報

代兗州謝上表

潞子名邦方膺守寄魯侯舊壤誤沐詔除已稅道塗敬頌條約
伏念臣羈危少與謹朴自將涉獵簡編粗識誠身之趣平均法
令稍知布政之經徒欲少充於衰門詎肯求通於曲路微如鼯鼠
方自足於飲河勢若窮猿固未遑於擇木握蘭省戶剖竹藩方自
視敷奇皆非始望矧岱宗之重鎮存關里之故家支邑民淳狴牢
罕繫屬城盜息桴鼓稀鳴豈伊衰遲曾是昇付茲蓋伏遇皇帝陛
下達五皇極奉三無私宣化承流雖博求於壽俊匿瑕藏疾亦兼

丹卷一

乘於愚瞽臣敢不推廣上仁循緣舊俗布中和而樂職戒煩苦之
傷恩尚有毫釐仰紆宵旰

代沂州謝上表

汜掃眞祠方自安於祿 或臨樂土忽誤玷於除書仰冒大恩退
慙小邑 伏念臣江湖冷族庠序齟生遭時博延與士彙進擢
佐水衡之重曾靡荒功再將使節之嚴僅無之事遽升華於蘭省
獲款對於楓宸橫草無勞自愧含香之選負薪有疾因求襍被之
行蕭散再期優游三徑敢圖紀錄優被使令矧所領州昔嘗試吏
雖歲月驚於云邁而父老喜其復來此蓋伏遇皇帝陛下施實德
以厚生圖康功而適駿敷求良吏分列遠邦因誤聽聞遂叨識擢
臣敢不布朝廷寬大之澤謹惠文纖悉之科普勉後圖庶逃幽黜
代謝賜御書千字表

辭榮弗獲煩一札之恩綸示眷有加錫千文之草聖昭回在望
末增華 伏念臣久玷近嚴府寄屬當制禮作樂之運竊幸

預榮方崇儒重道之辰獨蒙加惠溫言慰藉曲澤分頒仰惟奎
之文貫出神機之妙臥筆遠嗒於禿兔正書何取於怒猊肆筆而
成非由水墨之積習為章於上宜有神物之護持不悟鄙居忽叨
珍賜此蓋伏遇皇帝陛下睿文冠古燭智窮神道積於厥躬不忘
典學天縱之將聖又極多能因點翰於燕閒特疏恩於禁近寫之
金石永圖尊閣之藏燕及雲雷共侈眷憐之寵

代謝對衣金帶馬表

展東九環併荷箭衣之寵固須四牡仍加條革之華感劇曳其榮
生駉控 伏念臣少罹墜厄自守羈單服止散裘輕煖敢飾於
狐貉乘惟下駟權奇絕望於龍駉不悟遭逢存膺錫予此蓋伏遇
皇帝陛下緝熙政治瘡痍得良恩示解衣俾勵素絲之節意存市
駿寵頒赤汗之珍榮榮陳庭駟駒在廐於其視職出以疏榮鶴翼
不濡俱積叨塵之塊蟻封可拭庶無顛沛之傷

丹卷二

代高麗王謝賜太平御覽表

惟誠上訴懇求祕府之文恩渥繼須曲徇殊鄰之請始終展誦俛
仰兢榮 伏念臣竊以太宗皇帝自誠而明惟睿作聖師古而克永世
遜志而敏厥修往行前言已并包於聖學博聞強識更兼利於儒
林肆命詞臣廣衷事類囊括千經之蘊網羅百氏之言公孫數萬
之詭辭披圖可見虞初九百之小說開卷盡知營資睿覽於西清
益萃靈輝於東壁討論至當炳若丹青而不渝倫類相從煥乎朱
紫之有別論纂實繁於鴻博流傳尚隔於要荒臣僻處小邦粗悖
末伎在漢則伊秩嘗聞於入學於唐則吐蕃亦見於舊經輒援舊
比以上干果奉睿恩而賜許叢沓簡編之富光華象緯之傳豈伊
龍閣之珍藏乃作難林之祕寶茲蓋伏遇皇帝陛下深慈恤隱宏
量包荒以孝奉先故誕有前朝之美以仁柔遠故曲從異域之求
念臣嘗獻於逸書憐臣夙朝於化宇申賜皇文之千卷俾參舊約
之八條肆是誤恩猥沾遐裔臣敢不敬銘厚賜詳釋羣言流播三
韓共仰文明之化分傳五族俾知寶予之私

書

上揚州憲尚書

某南州細人材智下無所取雖服讀備衣書而器能無一加人者
 今大名守林公不知某不肖而稱之於朝俾得預試校官蓋棄其
 最爾之官守學而之西川陸走二千里雷公車者凡三見朔月也
 因是得曳裾卿相之門而側聞聖天子初政矣方將封殖中外瓌
 俊者傑環布列位使輸智力共圖康功故未及御殿而尺一搜賢
 急於星火韓公自定往黃公自毫往蔣公自慶往其餘課垣詞掖
 學省藏室之臣粲然一新皆自外寄召也尚書忠義耿耿議論剛
 正勳閔暴著上方願見竊謂宜如曹相國促治裝行即召矣某也
 寄住淮海望履下過不自料請開可乎語曰貌言華也至言實也
 又曰狂夫言而智者擇焉又曰君子善謀小人善意竊意主上見
 尚書勞問之外必訪以天下大計施設所宜先者儻踈而進曰神

舟集三

宗皇帝創立憲令大功敷下天下歸仁先皇帝駿惠紹復不敢失
 隊天下稱孝今惟取兩朝成憲而踵之國是定矣嗚呼言脫於口
 而利被海縣功施社稷忠與望說爭衡名與天壤相久也某之心
 天下之心也某之言天下之言也某所望於尚書亦天下所望也
 尚書母謂某位卑言高狂斐僭越而誅之崧高峻極加以一塵雖
 未云益豈有損乎尚書獨不見晉伯宗漢龔遂事乎晉伯宗乘傳
 過絳辟傳曰梁山震傳人曰山有朽壤而震何怪焉及見晉侯果
 問具以傳人語對晉侯大說龔遂自渤海召王生曰即上問何以
 治渤海必曰此聖人之功非老臣之力帝曰安得長者之言哉遂
 即曰乃揅史教臣夫伯宗非不及傳人也王生非賢於龔遂也然
 二子披心析肝而信之師用其言動寤萬乘者言中於實會於時
 而納之有素故也拳拳之誠實在於此若夫飾猥蔓之辭違條戚
 施以事容媚非惟某所不能想亦尚書厭聞而厭聽矣干冒尊重
 無任戰越之至

上兗州太守書

某聞濯金浣錦取魚鹽則貴有求賤之勢培山益海資塵露則大
 有納小之理商君佐秦氣燄可炙而趙良以苦言藥之狄梁公峻
 節雅望為唐名卿而元行沖願備藥籠中物夫疏賤之士聘辭開
 說以干大吏未必無一得之慮此兩士者足以觀矣願賜須臾之
 問宿留警言何知無毫釐毗助萬一耶常觀昔善宰郡者布政處
 事趣時循俗而弛張無一定之論故力寡功倍而民歌舞之崔郾
 治陝不咎一人及涖鄂則誅罰一不貸其說以謂陝土瘠民勞吾
 撫循不暇鄂土沃民剽非威不能治也柳仲郢尹京兆政稱嚴明
 人莫敢犯及鎮河南則以寬惠其說以謂鞏轂之下先彈壓郡縣
 之治本惠養也若二子語政庶乎不謬通方之訓矣閣下以名士
 典郡所至有異等之效塗邑口誦襲滿人耳果何以得此聲趙魏
 之間哉豈非能觀察風俗隨宜制變故邪且閣下以趙之俗剽悍
 而嗜寇魁桀而侮法緒衣滿道桴鼓相聞故痛以法繩之銖兩之

舟集三

表不舍強梁褫氣不敢跡境閣下之至上黨適歲荐饑殍者塞塗
 於是推行荒政已責緩刑俾豪右振康而千里皆果腹焉惟知緩
 急先後之方故寬猛異施而兩郡各治及乎詔書明揚改付東魯
 車轍未至而閭里之士偷度臆計以為是必致隆於學校矣今旌
 麾所臨之地即古泰山管二郡也宜精在上奎婁為文宿畫野在
 下洙泗為儒鄉闕里之堂豐相之圃故基遺址歷歷在目故其俗
 守經學其人多秀令號稱禮義儒學之國凡虔命而撫封者率以
 文教先焉亦猶趙之當用猛濬之當用寬也今視事彌數月矣條
 教既修成令既立彫察者蘇矣跋扈者戢矣下至金穀米鹽簿領
 期會會狎冗末無不垂省獨郡學未有半辭及焉今齋堂傾圮蕪
 棘不除生師栖栖有陳蔡絕糧之色閣下亦有意乎儻如朱博所
 謂侯堯舜出而陳說之則無如之何矣昔魯僖公旂色鷩雉親臨
 泮水之上飲先生君子以酒而順彼長道故淮夷徐宅莫不來同
 此前事之驗也抑又聞論事而不遠嫌者宋人有觀其鄰伐不祥

之木從而請俟之類也。薦言而不俟信者，婦始入門而戒其僕無。管朴之類也。某待罪教職，望履幕之日淺，而遽貢狂直疑若自爲。道地上之則失於不待信次之則病於不遠嫌，惟寬明君子諒之而已。

答李集正書

某愚不肖，經學行誼不能超絕等類，謬恩推澤，使授業魯郡，懼不。振職私懷，慄也。單車始至，人士見迎者，有數獨足下，奮然寵以書。辭猥見褒，假且望僕以尊顧，盼翦拂之重，僕雖不敏，敢不因來示。所稱述而廣之以曉左右者，之聽昔項橐七歲爲孔子師，穎川荀。徽高自標，待於名士，少推許一日，見黃叔度於汝南，逆旅中，竦然。異之，謂曰：子吾之師表也。王戎之於阮步兵，禰衡之於孔北海，少。皆二十歲而相與爲歡，友著事者以爲美稱也。蓋師取四術友求。三益，年齡後先，正自不校，足下引韓退之之辭曰：生平吾後，聞道。也先乎吾，從而師之意，謂僕年雖尚弱，而宜居師表之位，願僕。

丹集三

三

何足當之，徒以黽勉祿仕，有不得已者，昔韋中立見柳子厚於南。州，欲北面就弟子，列子厚遂遜卻不受，至退之則不然，作進學。解以誨諸生，又爲師說以授李氏子，抗顏爲師，不顧怪罵，夫二子。以文藝卓越，同爲一世宗，仰願或抗或遜，矛盾如此，何哉？退之任。教職，子厚居散地，故也。僕雖閭閻，而代置費宇，苟有銖髮裨補，固。不敢以犬馬齒少爲解矣。試以一事塞雅意，足下屬詞雖工，而許。與不自愛，恐論議士它日不以標鑿相許也。商周灑噩之文章，卓。然傑出於千百歲之上，聖人不生，斯文未易再覩，今以牽羶酬應。之文，輕見比擬，不太誣乎？至論宏詞，舍劉柳而獨推陸贄，裴度甚。善，是欲以名義功閥見勉也。三復歎息，謹受教矣。

上監職書

某嘗聞何武行部先，卽學宮，延見諸生，試其誦論，課以得失，已乃。入傳舍，問墾田見二千石，其恢尚儒雅，有如此者，又開奇章公始。隨計京師，聲望未白，韓退之欲與延譽，因攜皇甫持正闕亡而退。

2

之大書其門曰：某日愈，是同謁由是，僧孺之名籍籍動等輩，其成。就後進，有如此者，每涉傳記，究觀達人勝士，所爲魁然拔俗，遠甚。未嘗不借卷遐想，以爲曠數百年，未易再覩，誠不自意親於其身。而見之，恭惟閣下以聰明之才，位部刺史，崇儒拔士之聲，嘈嘈乎。列郡私固，已藏諸胸中矣。今茲車轍馬足，始至魯郊，戴帷垂纓之。士方且引脰拭目，以觀所爲，然而金穀未問也，簿領未核也，因繫。未處也，牒訴未閱也，道從傳呼，先臨泮水之上，降輿躋階，款謁廟。室，要芻沃，酌榮，辭啓折退，卽學庭，延見，胃子雍容，垂接與白屋，兀。禮悼稍食之，殼薄歎室廬之頽陋，慨然有意，矧而新之，茲非何武。之用，心歟？某受性方拙，旣不能激昂奮迅，以爲身謀，又不能嚙啣。俯仰以追時好，韋編棊几，自守窮約，閣下乃欲叩而翼之，屈二天。之尊禮，一介之賤，使行路指目曰：是雖無似，然鉅公嘗一聘矣。吳。坂之鳴安，知無三倍之價，茲非韓退之好事歟？矧自近世，達官大。吏類以刀筆期會爲急，至於教化本原，往往漫不屑意，視校學之。

丹集三

四

庭則曰：此虛器也。顧師儒之職，則曰：此左局也。輕巖非薄，以儒爲。戲，彼又烏知三綱五常所繫，而薦紳大夫所從出乎？獨閣下連覽。深識，明情藝文，施設緩急，輕重與世異趣，曠者警焉，涸儒風，將。觀疇曩而於樂泮水之頌，不得專美於前日矣。吾道賴以掖持，後。來因之，競勸，豈特某與逢掖諸生受賜而已哉？僑躡蹈舞，實爲天。下賀也。私布腹心，惟閣下察之。

謝符運使書

某至愚極陋，不敢自齒於搢紳諸公，過聽謬使，教學魯郡，視職滿。歲而經，以疑質者無訓發之功，文以取求者無詆呵之效，大懼瘵。曠以羞儒林，惟是繕完室廬，營度稍食，竊然爲諸生庇身，餬口之。計，姑欲杜取毀而塞吏議，如是而已。開者使車按臨，始復肩隨，揀。吏趨走，幕下幸蒙不以常輩知遇，妄以胥宇繼粟，爲請退念位卑。而廟上交淺，而求奢，不揣其本，而惟末是圖，三者皆宜得誅絕之。罪，心口默計，不寒自慄，敢圖厚德，闕略不問，又從而聽許之意，無。

猶豫之疑文無勸詰之擾一日而期三十萬觀聽者驚焉方縣官
經用寤急之秋領使事營輯歲計龍絡利源毫釐悉稍可紓目
前有司之急者無不取也惟醜龍斷與夫州邑之賦少闕常額則
奉職之吏望風何指憂虞惴惴之不暇今獨無功而受厚賜自非
大人君子留情風教進誘後學詎肯膏彼肥此耶洙泗鄉校有幾
廢復興之漸圓冠修袂騰頌譽皆曰上之德我者如是不激昂
奮勵則為匪人魯道庶乎興矣功利之博與三十萬之費輕重小
大為如何哉若夫區區嗜學之心不為憂米鹽亂因得卒業又不
至失職而去此義恩及於一己而非敢私謝者也抑又聞士伸於
知己尚敢以一事浼聽仙源縣學賜田歲租具在而田無所歸甚
有可併之理閣下盛名雅望朝廷方取信誠能書盈尺之紙轉以
上聞不傷公私不戾文法其勢宜必得此邦受賜又非特三十萬
而已也哉我大石深刻頌美者不在他門而作為聲詩者亦且不
勝聽矣偶進記為謝又因以請惟執事實圖之

上白祭酒書

丹集三

三

某聞江左詞格變永明體扶微倡始實自隲侯辨平頭上尾之差
示切響浮聲之奧慷慨著論以謂靈均以來此秘未親故後來人
士爭宗仰之或擊節賞帶坻之句或援筆擬回文之銘於時有文
章冠冕述作楷模之諺凜凜乎儒流盟主矣宜其自高待遇特慎
許可然而鑿獎後輩惟恐一士名譽不由己立也故見王筠則曰
自諸賢零落玩好殆盡不意疲暮復遇盛德一見朱异則曰天下
惟有文義著卿皆取去何獨不廉一見江革兄弟則曰御二龍
於長塗騁逸驥於千里一見范岫則曰范公該博胡廣無以加也
一見孔休源則虛己引接之朝貴之上而與之商略文致觀願歡
秀才策則曰過江未有此作觀何思澄廬山詩則曰己所不逮觀
劉勰文心雕龍愛其文理每陳諸几案觀劉顯上朝詩稱其藻拔
至寫諸齋壁雖劉之遊乳童曹景宗盤夫而片語寸長未嘗靳齒
可餘論也及欲談地理而詢崔慰祖禮器而質劉士深宜以身

受遺忘之譏而樂為二子延譽又其用心懇到者也其深閉固拒
不少假者特鍾磔一人將磔果無可稱錄耶或嗜好酸醜人各異
也雖然隱侯身為佐命功臣位處端右多士榮槁出其舌端而泯
默寒蟬無所援引則雖有題品人物之長亦徒虛美而已故史家
猶以無所薦達少之恭惟閣下以名士識拔為朝廷巨公學期於
見聖而不肯諱記傳注文貴於明道而不肯尋治聲韻度越隱侯
百等矣承平快儒逢掖競勸懷圖挾術者雲會學省而詔書屬以
司成之任又非艱難時祭酒比也竊謂山林賦畝窮閭隘巷魚鹽
板築弋獵負販與夫允僚末位一藝可錄而聲跡沈下未微當塗
之聽者皆閣下賈也昔諸葛孔明高臥南陽王景略習隱鄴都未
有以瘡人非徐庶徐統出而遊揚之則亦乘末之下農驚奮之賤
伎爾張茂先賦鶴鶴宋廣平賦梅花託意引類以自表見阮嗣宗
蘇味道一見而器之故隱然名重於世卒為望人閭巷士欲自致
於青雲之士非得先進鉅人羽翼而雌黃之無以致也伏惟水鏡

丹集三

六

者動心焉若乃箴耶說之膏肓振前言之木鐸使元豐成均之政
令忽然勃興此自閣下所優為方將延脰撻耳而觀聽其效不復
云云干冒崇重無任悚悻之至

回旆仲康秀才書

某啟盛暑特煩顧寵且書文編見教迫於行役未暇周覽已觀經
史首篇貫穿典籍辯正謬誤皆眾儒所未到非鴻博好古之士孰
能為之嘗鼎一臠知天下之味則二十篇之書皆名筆也唯中間
論春秋趙穿弑其君吾子謂邱明移之趙盾遂羅喪明之報若爾
則穿果自弑而盾不知也宜子雖傳載其美非一然此則不容不
知高貴鄉公之弑論者不肯以惡歸成濟而歸賈充又不肯歸賈
充而歸典午故有但見其上之語由此言之南董立史法以戒萬
世而孔子因之所以誅首惡也似不可輕議其它論易二典皆可
以感發後學欽歎不已序引宜得顯者以取重於世而僕非其人
也既不敢承命并書復納幸亮之

上前宰相書

某七品充吏抵罪竄逐得邑巖壑開自安貧賤之分思慮校吏不敢數以竹牘塵記室退念幸蒙相公不以常輩知遇曩雖得罪於朝廷未得罪於名義今隸迹丹書低管把板為折腰吏相公豈以屯屯遷移眇接之恩哉因飾固陋之辭敘悃誠自通願垂須臾之聽使畢其說某竊惟在昔名節之士操守素定事至物來以其素定者處之不計禍福利害而叛其所學也輕於蹈患害而重於隨時改度嗟嗟嗚呼故能風節儼然與霜日爭光伏讀舊史竦然慕之曩者誤沐過聽得備官使貴戚有沮撓教法者抗章繩之近習有猥見辟置者潔身去之此分義之常而相公廣坐譚賞此其意豈以碌碌凡流見望哉提挽不已遂得廁列文昌顯曹常欲激昂奮拔稍自效見以報獎知而未由路會相公暫解釣軸遂邪說叢與中執法建議紛更上及僖祖殿室表裏影響合為一辭某非不知脂韋享厚福婢直賈奇禍獨念名教至重期待甚深不當選

分卷三

七

瘵厥官因援引古義謂不當罷奉常諸僚是之繼為奏議以上風憲不容相次斥逐直注醜地某得邑影歛有湯鑊最沸之稱投身於兵戈殺越之鄉關智於牒訴紛紜之地心疲神極與九死為鄰而處之甘如飴蜜者趨操定也意相公未詳首末故詳布腹心此言朝聞夕填溝壑無復遺恨恭惟相公光輔聖政八年勳名德澤旁照華裔極天下金石竹帛不足銘功而頌美拔士數千百人實之顯列山陬水濱惟恐鑿采未至可謂無負於人士矣今茲懇謝機政願神燕處薄海內外黃童白叟猶知歌狼跋九戩之詩引領以望而沉門下士哉雖然名士之用舍世運繫之非人力也孔子曰天之未喪斯文也匡人其如予何孟子曰天欲平治天下當今之世舍我其誰哉伏冀珍練眠食為天下自重

答王齋長書

某才知學問無足算錄又方竄逐於朝宜人士擯而弗顧吾子獨惠然見存抵以書幅且引李白不願萬戶侯願識韓荆州之語何

嗜好趨尚與俗背也韓朝宗行事雖史篇漏逸而白推以為人物之權衡且鍾門求見賢者以收名定價其非碌碌凡士審矣願僕何足以擬之然有以知吾子好學求益之意深也昔之名儒鉅公聞某所有賢士則汲汲求見未必不甚於士之求之故皇甫規喜見王符則曰徒見二千石不如一逢掖桓大司馬喜習鑿齒則曰三十年讀儒書不如一誦習主簿以吾子齒壯氣銳敏於文詞稍自奮激則潛夫之篇魏晉之論不難及也此政鄙心所願交況逃空谷而喜足音之時乎承暫留縣學僕以職事當日夕繼見承音旨之日未艾也深竊自幸因敘以為謝

答李解元書

某自入境蒙人士以書見及者十數遺辭立意褒與過甚皆非僕所敢當至吾子書辭比擬大非其類周公孔子大聖人也如僕輩未免為鄉人豈可同年共世而語哉禮曰僇人必於其倫昔柳子厚牧柳州有杜溫甫者以書為贊亦有周公之說子厚皇遽避

分卷三

八

至累數百言夫子厚雖有附麗匪人之過然文章妙一世學問亦不碌碌且猶云然況僕輩又遠子厚數千丈乎雖佩厚意然不敢領納吾子文辭婉婉固自瘠人惟太不慎品藻此亦夏璜之微瑕也因載書為謝併以相曉

與程嘉量秀才書

數辱見臨猥示造述昨日復拜雅脫開編疾讀如遊玉圃於藍田之郊如聞咸池於洞庭之野雙耳驚目方咨美不暇迺有師資之說何揭揭過甚乎柳子厚於羣中立猶避避不敢當況吾子學識加中立數等而僕望子厚萬里乎雖然語有之矣學所入者淺體所安者深開習禮容不如式瞻儀度諷誦遺言不若親承音旨又曰望之儼然乃不言之益與田蘇遊忘其鄙心則夫求當世望士與之周旋乃吾子之善學第僕非其人爾必欲規模則書辭論子厚似太過子厚節操視退之雖父子然文章兄弟也子厚不敢以師表自處退之獨抗顏為人師既作師說以著傳道解惑之益又

為進學解以誨諸生非其不同意者退之分教四門館則投業乃其職子厚方錮散地不啾啾召鬧取怒爾古賢勝人處事自有次第吾子以為何如披讀有暇時過縣齋以既所欲言者

與制置發運書

初春氣和恭惟神相忠嘉台候萬福某碌碌郡寄實隸部封日託大庇益不知德伏奉詔目委以經制羨縉均羅二萬斛具悉雅意施行則粟出於萬室違命則罪集於一身某豈不知此某實以敝邑乃水國蛙黽之與同處東南歲漕百五十萬斛而吳興獨無半枝之輸則土地不產米明矣去歲僅得下熟而暴風為孽於垂實之時收數不能什六比郡游饑舟楫運致者尾相銜也今在市之米殆可粒數而中下戶已無鍾釜之積矣朝廷方復轉運之舊徵邑當輸米四萬餘斛日夜鞭笞科督殆將如額而民已病矣今米價正踴一斗將三百餘儻以百金羅一斗何止倍蓰之價則必有流徙飢殍之困所以累承公檄不敢從命又况執事元奏請止於

丹禁三

九

平江常秀三郡均糴初無吳興之文則是執事已知吳興非產米之地矣今乃欲移嘉禾所賦於不腆敝邑瘠此以肥彼未燭所以也就使旋降朝旨此旨下亦已過時難輸矣伏望台照惠顧此方特寢前命豈惟某受賜實數千萬戶戴不貲之德謹專介布腹心干冒使威無任惶恐待罪之至

答顏教授書

衰羸不堪當世用尚得竊吏二千石之祿以餬其口私意吳興人士淵藪必有卓犖氣義之士握筆操牘日相規磨使不干於罪戾而到官彌月闕然未有聞也忽得來示詳復累于言析理敘事汪洋昭折若五河東傾不見涯涘固深服左右之工於文矣不知僕之不肖使有所建明以蘇民之急又竊服左右處心積累之依於仁也昔王生嘗以言警襲遂而任延亦以禮感龍邱僕無似何以得此所條預買誠中時病近歲縣官經用不足給直每後時又胥吏賕私公行更復輕重上下其手使齊民重困矯革之急誠當如

奉漏囊而沃焦釜然所陳四弊亦尚有可論者願他日更僕議之得暇時過郡齋不宣

與胡學士書

甘羅僧至奉四月五日示問具審長夏向暑寓居僧廬種學味道水菽孝養文履佳福乖隔十有一年中開家國之變可駭可痛可憂可泣眾多如髮皆蒙詳敘筆勢瀾翻既喜詞藻之日新交情鄭重又諳眷與之不替幸甚幸甚所寄刻漏銘典雅似陸佐公而隸法似劉寬碑普賢像記奇崛似柳子厚而安養三贊以辭達意似玉局老人久矣不見斯作也雖自知岨岨疲暮之人窮口談譽不能增公銖髮之重願夙嗜在此政自不能不擊節賞歎爾百圍之木千霄蔽日必飽霜雪之摧抑風雨之震凌然後能回萬牛而中大廈古來賢聖類因流離竄逐勞筋苦志空乏拂亂然後能以名德垂世而傳後退之貶陽山投身於蛇虺蠱毒之地畫宇於鳥言夷面之人後論揭陽冒海氣蒸霧之毒有鱷魚颶風之憂可謂困

丹禁三

十

窮矣終為一代名臣太史遷南遊江淮上會稽窺九疑汎沅湘北涉汶泗講業齊魯困阨鄒薛過梁鄭而歸登窮山峻谷之嶄絕目大川激流之奔注以佐其豪拔之氣而著書五十二萬餘言遂為史家之冠吾友頃者蒼梧之遷踰年始會恩往返萬里川陸艱險無不歷巖壑瑰偉無不觀前二說殆兩得之豈造物者有意降大任歟況復一二巨公軒輊而俎豆之公義既伸舊爵旋復而一處青雲指日可俟則前夢不足道也某晚塗薄祜第二子昨緣鎖廳預薦因逗留拱州與其姊及姊夫俱為金人所掠至今不知存亡初聞實不賴生日遠日忘偶畱殘息屏居江壘會科調不堪命避地吳興依薄業以餬口今四年矣所居號實谿連賞一大聚落日須租辦而十里有菁山隱庵林谷奇勝以煙艇往來又里中屋廬雖屢遭灰燼而書籍偶無恙近者輦至數以薦問恐公念見及也往嘗以韻語敘懷寄澶洲不識見之否所令作普賢贊固願以筆舌結華藏之緣況事跡殊異如此敢不在念續當馳寄也公學識

文詞迴出儕輩豈久閒者行用矣千萬保衛以須

丹陽集卷三

三

丹陽集卷三

啟

謝試宏詞及三經義入等啟

享敬帚以千金誠乖自見取鉛刀於一割大疎眾聞感藏情塗媿
 溢眉宇竊以唐室詳於取士詞科尤盛得人陸贄以建議而濟興
 元之功李絳以忠謨而輔元和之治杜遵素削權於諸鎮裴中立
 服叛於兩河魏我勳庸輝映簡牘乃若夢得夸毗於顯仕宗元附
 麗於要臣科選雖優操行何取先帝懋廉能之眾詔書復詞藻之
 科文治蠲與卿材輩出大明繼照眾峻鼎來推擇至公勸獎尤厚
 自非文列班揚之伯仲六籍探奇學通游夏之淵源三冬擅富服
 匪識單于之器實沈窮大夏之神則何以上副旁求元膺妙簡如
 某者會粹小伎褊蔽頑姿風流莫適於淹中恢博顧慙於稷下未
 識晏楹之奇字迴殊汲冢之多聞糟粕習傳豈免輸人之議蟲魚
 綴緝坐貽僧父之譏迫就養於親庭勉爭雄於場籍懷鉛學者每

光集四

玷上游充賦王畿屢塵第等茂恩解褐榮路影綴讀書未逮於五
 千補掾聊同於百六棲棲與渠躑躅喧囂平亭日困於丹書商推
 寢疏於黃卷聊吟招隱屢作抵疑恥為南郭之吹竿每望西山而
 拄頰靜言計議勉自激昂汨沒而抗塵則殆昧乘時進修而應令
 則未為枉己文戰更思於借一疲兵自賈於當于髦士雲翔貴游
 波委敏捷爭先於倚馬華菁各擅於彫龍豈期晚生首玷清舉矧
 是三經之選亦收一日之長丹桂騰芳已冒魯山之一第青錢中
 選取圖陽嶠之八科揣分無堪歸恩有自此蓋伏遇某官丕揚賢
 業光輔聖時務長育於人材不遺忘於微賤忝力吹於寒谷芑過
 采於中鄉遂致瑣材獲階寸進駿稱千里由吳坂之提撕珍擅二
 都本華陰之拂拭某敢不退量僥冒更務就將不專事於辭華益
 惇修於器業黃香學淺方求未見之書任昉恩深行獻感知之賦
 兗州教授謝到任啟

橫經之選猥及愚蒙負策之流眾為指議龜勉就職凌兢戴恩惟

熙寧元聖之嗣興起建業真儒而光輔關邪說於去聖悠遠之後
 照微言於舉世黜闇之中博延師產於東州樂育儒生於北面喬
 野之俗浸成文雅記誦之習變為討論矧茲洙泗之濱上直奎婁
 之次泮宮并藻多可薦之英才闕里弦歌有相承之聖化廣德心
 者尚餘多士立公門者何止一人宜得名流出領教法而某爾陵
 族冷句漏緒微性滯少通學僻自信鵬翼九萬雖妄意於遠圖難
 距數千每自慙於淺植侵尋仕路淹沒名場玷一第於儀曹粗承
 家學擢兩科於政府濫廁英游夤緣君相之恩冒昧師儒之選術
 非博習貴異大知自愧拙艱之有餘猶喜敦學之相長鄭生東矣
 無著錄之門人有子避之多獻嘲之弟子尚祈善貸得至終更
 與提學殿院啟

光集四

人材至難能長育則下皆樂矣治具有要善藩飾則人必親之蓋
 敦龐忠厚之俗待崇養然後寢興雖溫良粹美之材非作成亦將
 胥竭迷觀周室大闢經贊謂就賢體遠未足化民故尊君親上然

光集四

後興學道德之妙則崇之以四術四教技能之末則示之以六藝
 六儀弊訟獄者於此而獻囚恢武功者反歸而告誠問胥州長誰
 非勸率之人家塾黨庠茲謂絃歌之地自俊士而升造士由小成
 而至大成故賢能之書獻於鄉大夫成均之法掌以大司樂日膳
 日撻小則為偷惰之懲或寄或移大則示奇袤之恥文風郁郁功
 化巍巍車書由是大同風俗於焉丕變治古既遠儒流益衰蔽小
 知之自私膠大惑之易枉放言自若誠行無慙學非根道而饒說
 各有所宗辭不傳經而謾談自以為是豈昔人曠絕而難繼蓋後
 世教養之無方漢有隆師之意而不能正躋駁於專門唐有訓儒
 之名而不能救奔趨於覓舉雖執經者有期門羽林之士而來學
 者或且渠伊秩之首徒為美觀何關王化俗久安於鹵莽運始底
 於亨嘉當熙寧元聖之初興惟建業真儒而光輔草千載循沿之
 弊作一時新美之材惡雕蟲害道而罷絀於辭章病邪說誣民而
 頒行於義訓列經以五分舍惟三返不作人貌王法之伊濫肆於

時夏蒸髦士以攸宜然書考之法方試於賢關賓興之令未行於
鄉吏蓋欲徐徐而善俗庶幾寢寢以移風道之將行勢若有待洪
惟上聖嗣撫下民邇求厥監仰繼承於先志不遐有佐期廣育於
英材首詔圖南肇營郊學東窮出日西淡流沙南連嶺嶠之邦北
極幽都之遠地雖僻陋人不鄙夷大開精舍而堂序羣飛翠建經
師而人材奮至日講月試時考歲升廩食之厚則輟費於戶部右
曹勸率之優則第名於儀曹南院新書始下宿學交趨尚虞崇養
之云初或致奉行之不稱矧維劇道尤籍通材因煩部刺史之尊
兼綜外諸侯之學恭惟某官心源昭徹氣宇粹純智識深湛則古
之謀人操尚高明則今之君子爰從書局峻陟憲臺凜然白簡之
威名高掩青箱之前譽自下靡上以公滅私暫勞勞疏附之賢屈領
將明之寄自典司於教法益眷注於淵衷久隆巖石之瞻卽有鋒
車之召

賀耶帥岑待制啟

丹集四

三

膺承明命蓋保大邦政任舊人聯九闈而蒙福戎有良翰馨一道
以歸仁恭惟某官命世望隆覺民任重言無枝葉夙獻替於朝綱
學有淵源克贊禋於國論正容悟物直道事人回翔中外而將明
敷納皆其所長出入險夷而敦樸靖共未嘗少撓階緣初政識權
從班龍已升雲蛇輔果開於得所魚方縱壑鴻毛更迅於乘風諒
惟舊學之甘盤卽正具瞻於師尹伏念某愚無敏識拙謝清途粗
堅嗜學之心獲預擁經之選道山清切誰敢發於篇章泮水敞開
免沈迷於簿領繁官有守望履無階
賀充守祝刑部啟

詩爰從路于之邦改泣魯侯之國吏民慕德日期抗準之來僚屬
欽風預喜左魚之出伏念某謬悠單見委瑣凡材由仁義行期駁
學半鳳凰翔千仞分隔華途鶴鶴巢一枝自安拙宦側聞命收竊
喜事賢倒屣以迎固非敢冀斂板而進庶或有期

與運使啟四首

督司行部懷觀攬轡之嚴履幕翹風甫遂披雲之願猥蒙折節稍
賜旣眉曹事罔功一皆寬貸學徒艱食上軫哀矜仰玷照臨之私
實踰分願之素嚴疑在候廉揆少勞懋惟福履之騰來獲寢口之
適恭惟某官清職難尚大雅不羣智略奏上前言語妙天下美由
世濟位以才升輟省戶之名耶領計臺之膺使貯儲邦用陳陳相
因薦拔時才文武不絕屬部望風而鄉往墨官投劾以去歸豈伊
經濟之賢久屈將明之寄行選於眾詳延弼后之忠使暨乃僚丕
顯佐王之業

澄清劇部久聞公子之名臨按陋邦始識荆州之面屈使華之貴

丹集四

阿

重訪肯席之敞開精廬頽廢而興考室之謀虞食穀薄而動傾困
之意捫心無報饑骨有銘恭惟某官道直以方性剛而塞儒雅足
以飾吏文章足以瑞朝端遇聖知肅將王命同何武之行部先卽
學官笑朱博之顯名不喜儒吏傳聞四遠慕仰一詞至於校歲計
於低昂豐匱之閒鑿人倫於廉墨智瘵之際顧雖餘事綽有成功
出裕邦儲已富陳陳之積入陪國論卽諸赫赫之瞻
外臺居部久欽提節之威贊舍繁官未遂披雲之便辱在輝庇尤
切震惶恭惟某官人品高華天資渥濟問學該富而守之以約材
猷挺拔而持之以謙輸忠自結於主知抗議力排於邦論陳寔未
用公卿媿於先登左雄所言臺閣以爲故事宜居端右協贊經綸
然利器惟盤根而後知况良馬於平路無以別暫煩智略出總賦
輿咄嗟談笑而卽給遽充移徙懋遷而調發俄集已裕九年之計
卽膺三節之趨
仰高希驥久約結於情塗入隲登龍未披贈於神宇澄清使指託

付吏師幸茲庇存施及尤末恭惟某官識資國是材助邦威富學識則該綜乎九流一百三家擅政譽則并包乎四書二十七最暫違卿月出領使星傾殫心計之勞補葺利源之入輓粟幹貨居之便流錢知輕重之平官最升聞主知彌厚視曆案上行分優渥之恩覆名區中仁見登庸之兆

謝邨教授啟
搗華試席命教伴宮識拔方初升騰豈晚恭惟某官材推秀穎學洞本源傑句凌雲遠邁杜陵之三賦靡辭折角何止韋賢之一經果拔第於明廷復中科於省戶取圖駕見更抵袖書用重要輕弗悟眷存之重以多問寡徒欽謙抱之光

謝宮使保和啟
分符南土微績效之登聞序職西清荷寵光之狎至辭不獲命媿無以容伏念某才不適時學未開道慙不能以燭古今之理拙不足以周事物之機技斷斷以無宅但知平進老冉冉其將至實負

初心分甘棄日於簿書敢期寓直於謨訓此蓋伏遇某官明恢公聽仁務曲成致茲壤蟄之幽亦預陽春之澤誓當題俛上報恩勤謝除館職啟

芝檢誣須猥倚襄遷之寵蘭臺入直獲從英雋之遊退揣冥頑仰慙推擇竊以登延冊府號第一官絀繹祕文非具員吏歷觀前日率付可人為名流待用之途亦華姓起家之選故凡青錢學士不媿赤衣諸賢或由少訖老而手不置書或自甲至丁而卷能談事或聚七千帙而考練或課五十紙而校求衍瓊奇者旬日而了祕

閣輿篇自標置者三年而隔同舍共語圖形東觀蔚為經術之宗奏賦南郊煥若辭華之美以岑文本之材而始願止此如張伯緒之望而固求不遷矧昭代之恢儒幸聖皇之崇學顯帝堯文章而飾萬物體周王壽考而蒸翠材槐市交興蓬山九重筆新寶宇申揭雲章老人出授於神書童子不憂於朋字荀錄虞志擁籤帶之紛紜任筆沈詩萃紳綏而商略開猶詛謬特重校警言豕渡河者

三實資是正書馬并尾而五更在研窮豈容素飡以累清議伏念某人門具下年位並輕雖問學勉企於前修而聲望不高於時輩規規求志踽踽固窮偶屢竊於詞科因數移於宦牒主青衿之學校久困齋壁對黃卷之聖賢益勤鉛槧俄嬰艱棘深自屏臧摧傷甫逮於喪除收召俾承於官乏預清臺之較曆佐戚邸之司宗坐糜餼糧毫無功闕何言此段稍職稠人秋蕪簡編覺芸香之消蠹夜窺墳籍驚藜杖之分光願惟久衰多難之姿豈圖偶得儻來之幸此蓋伏遇某官朝廷元老學者宗師以獻可替否贊時雍以激濁揚清昭人望顯致掄材之助仰裨序爵之公謂牛鼎烹雞用器固難於適稱然蟻封試馬歷久始見於非常當求未見之書更輔多聞之友措諸事業庶能酬覆載之仁作為文詞或可頌泰平之盛

謝監職薦縣令應詔啟
按諸治民曾徵政績飛章薦士誤沐恩華自驚流落之餘有此遭逢之幸伏念某所學甚陋其愚不移靈甘三黜之窮羞為兩墮之計量材揣分固宜奔趨州縣之塵勞論事獻謀豈足陪輔朝廷之未議故從貶斥但自省循惟海濫夙號喧囂在江表獨稱繁劇處公綽於薛邑時謂非優責虞謝於朝歌人皆相弔念受祿固難擇事而抵罪不可逃刑徒知夙夜在公不覺日月逾邁俗粗安其朴拙歲適會於豐稷民無推不去之謠士有念相聞之喜敢期過聽特借重言豈惟榮耀於觀瞻實亦激昂於衰懦束帶而輕五斗較德甚慙失船而得一壺戴恩惟倍此蓋伏遇某官位部刺史名世偉人以收卸淹滯為斂材之謀以拔舉公忠為報國之實取同為驗宜後而先迺如尤末之流亦在獎知之數益當黽勉冀追諛詞雖絕望於亨嘉庶不孤於眷遇

賀中書舍人啟
跪恩補座進職輪闈除目四傳輿情交喜竊以充朝廷文章之任固為儒者之至榮代天子謨訓之言尤極士林之高選非緣素望

固為儒者之至榮代天子謨訓之言尤極士林之高選非緣素望

曷稱明揚恭惟某官忠結上知材膺世用詞華溫麗追還三代之
餘問學粹純洞達六經之奧輟東膠之胃席領西掖之命書兼侍
講惟仍分省事掌中抽草已光侍從之聯腹上生松行聽弼丞之
命

賀耿左丞啟

光被宸輝進陪國論人惟求舊允資攀附之賢政貴有常行迪太
和之治華夏咸喜天人同符恭惟某官氣稟天和時推人傑備忠
孝之令德兼文武之全才知謀天下之著龜文藻人中之星斗久
負經綸之蘊薦膺清切之除方睿神淵默以居潛穎者明始終之
庇口朱邱著講論之益青宮徧調護之官速九五之時升擢二人
以自輔俾司樞筦實本兵權屬強敵之長驅擁全師而深入人心
恟懼神器震搖遠茲多壘之秋盡出萬全之策料敵制勝有嘉石
府之樞機經體贊元遂進中臺之綱轄惟茲舊學光輔初元諒辰
告於遠猷以日下於膏澤愈峻具瞻之望行膺爰立之求伏念某

升集四

涉世開疏謀身拙直頃濫尸於禮寺亦叨預於官僚實緣親依仰
窺千慮幸會獎與實積三年口茲渙號之頒深激懦衷之慶因蛇
入穴欣已附升雲之龍六鷁退飛無階同賀慶之燕
上左丞啟

被眷中宸升榮左轄欽聞誣告允副具瞻竊以經體贊元實賴翼
扶之助繼猷述事方當砥適之時厥基永孚於休惟后非賢不父
果聞耆傑入副登庸恭惟某官恪恭粹和莊重明敏學究真儒之
蘊文高哲匠之華窺行己之始終古人是尚考立朝之本末天下
具知自光贊於朝綱益允諧於人望同寅協恭而修政事遠撫長
駕而熙事功民言惟嘉國是以定遠茲時舉蕃有恩言入告謀猷
已見君陳之順后丕視功載行閭姬且之齊工

答何狀元啟
冠名英俊之躔升華圖籍之府仲舒之為舉首敢發道真子政之
校中經風昭人望朝廷得士寰海超風恭惟某官學奧離倫材高

周用元元本本博窮載籍之傳濟濟洋洋蚤預寶興之列果緣健
筆力取巍科上興見晚之嗟人以親先為快名驚學子筆藁至於
欲燒文播都城紙價幾於驟貴敢圖謙謝亦附允僚退揆菲材固
難富於溢美仰窺佳藻亦竊幸於珍藏

回王狀元啟

臚傳上第首冠羣英下明詔於九天恩先桂籍收大名於一日光
映儒林凡在見聞孰不慶羨恭惟某官宏材聳壑英氣凌雲卓爾
異人時推於開出偉然大器不俟於晚成以妙齡秀發之姿奉高
誦講聞之對諸老誰先夫賈傳天子親擢於平津喜贊舍之有人
掩文場而得雋惟他日公卿之路當由此而致吾君凡一時父母
之心皆聞風而祝其子華塗方踐遠業難量某久共齋鹽更窺珠
玉知洋洋於流水偶贊文衡引皓皓於明星實由聖鑒擁長筭而
肯願溢陋巷以生光
回第一人董狀元啟

升集四

唱第中宸冠名上甲雖事從典故擁龍首以居先而恩出清衷並
桂林而擢秀恭惟某官文知體要學有淵源望久重於鄉閭聲特
高於場屋屢泣荆山之璞知者其誰獨騰豐劔之光終然莫掩迺
春官而累上霽皇澤以兼收有孤黃卷之心恥試紅塵之吏氣不
衰於再鼓人忽驚於一鳴兎旒凝乙夜之觀軒陛首春雷之震對
賢良而舉首遂繼家風起徒步而封侯更看晚節某項因乏使忝
預攸司設網於河偶值靈龜之入窺斑以管詎窮文豹之奇方喜
得於真才忽過蒙於盛禮

答盛學士啟

占桂籍之上游得蘭臺之舊物士歆稽古之力朝有得賢之榮恭
惟某官學茂大知器非近用處貴游而獨惇素尚在蚤歲而已擅
雋名混舉子以登場中有司之異等禁廷唱第名復甲於英髦宸
筆評文語特嘉於警拔遂膺溫詔擢校祕文問倚相所招之詩素
欽博古讀杜牧阿房之賦竊幸知賢敢圖過謙猥形私謝豈特借

重言以華衰品蓋將敦高詣以激煇風

答鄭學士啟

延登內閣典校中經儒館增輝士流交慶恭惟某官識探聖域文
播賢關自期國華不甘門調仕而優則學首登附試之科儒以道
得民旋預說經之選談易無疑於九事著錄何止於千人輟口舉
於南州擢刊贊於東觀得時則駕方遠步於亭塗飲人以和乃過
形於謙謝佳筆但知藏弄厚意不敢當蒙

賀韓學士啟

被眷楓宸躋華共省朝慶得人之盛士欲稽古之榮竊以挾冊校
文實重圖書之府養材待用是為英雋之躋凡隸職於其間蓋選
賢而後授恭惟某官器識俱懋望實兩高學有淵源博綜九品之
與文無訛徹追還三代之醇預絕禮於曲臺復誓書於內閣鳳將
子而惟九豈媿前修豕渡河而日三實資鴻筆媿未達於敘慶願
先辱於滕緘銜感至深襲藏為好

丹集四

九

賀黃學士啟

被眷中宸躋榮內閣儒館慶得人之盛士流欲稽古之榮竊以照
代右文闢三館而聚書籍上皇顯俊差九等以寵儒臣中朝方復
試選之科冊府必用俊髦之士恭惟某官豈具吏實不羈材早
以雋名蔚有棟梁之器中緣鯁議煩妨塗轍之升道既久而日章
理亦窮而斯變登龍尾之道已數近於清光復雁門之踦諒即躋
於要路

答武學李博士子奇啟

曳裾見臨削牘為賀翔鳳凰於千仞豈測雄飛享鷄鶩於九韶徒
深眩視恭惟某官器凝方重學造精微收科若摘領髮吐論如雲
木屑文詞合處曹子建何足道哉時命鼎來謝安石恐不免耳豈
伊右學能滯亭塗敢圖謙搗猥見標榜過情之譽雖非涼薄之敢
當會友之文當永珍藏以為好

與運使啟二首

將命計臺著攬轡澄清之望尸官講肆有高山景慕之誠未晉接
於顏辭幸依棲於名德恭惟某官性天夙悟才地素優論擇範則
當從古人求較詞章則應是我輩語事每試而皆可攻無往而不
宜早獻直於霜臺屢對揚於雲幄忠規直節邦朋震懼以相驚崇
論謙言國是雍容而自定暫在將明之寄少分憂願之勤原隔光
華已上聞於功最威顏咫尺行入侍於清閒

坐曹無補深虞直指之嚴行部載臨獲展上交之禮自惟允散方
託庇存遠爾際離已深敦恭恭惟某官聲名藉甚器範自然軒軒
雅藻之獨持衍衍公才之屢試方在責實循名之際凜然赴功趨
事之能首戶司金名特高於諸彥使臺握節威自懾於屬城從容
計相之經營籠幹縣官之調度行選於眾詳延博碩之賢使復於
王展盡經綸之業

謝江陰曹縣尉襲啟

言旋故鄉方有人琴俱亡之恨敢圖都騎示以金石相宣之文仰

丹集四

十

惟學省之俊英早挹天墀之甲第仕而優則學不忘探討之勤因
不失其親更切規磨之助遠貽華軸來賁郊廬自慙受粟之支離
豈稱畫眉於渾池徒欲借此言以增重敢不珍其貺而襲藏

丹陽集卷四

丹陽集卷五

復修撰謝兩府啟

殊廷汜掃幸迹於臚仙秘殿疏榮或廁名於墨客稍從杖拭曲
荷生成伏念某者奮自羈單進蒙簡擢逶迤持祿深戒鄙夫之事
君骭體徇公妄期君子之謀道一昨超登侍從進長膠庠雖無成
德達材之功粗有畏法繩愆之志欽惟寄屬每自激昂杜請託則
深拂於人情多建明則顯違於時論雖學子粗安其樸拙而檢人
潛議於中傷孤根易搖小器先溢青蠅交集白簡厚誣凡可排根
而傾擠無不誣謾而崇飾彼正異放廢之惠固優為擢蜂之讒上
賴照臨止投閒左秀言甚巧類成葉於三年幽憤莫申將降霜於
五月惟神聽之難罔而天道之好還旋聞邦誣莫逃聖鑒昇虎豺
而不食禦魍魎以遠行四門穆清百揆時敘惟茲枉撓屢乞辨明
敢期曠蕩之恩稍加厲正之職此蓋伏遇某官心存體國道廣濟

丹書

時惠顧窮人起伊尹納溝之念磨礪治具有傳說作礪之誠致脫
丹書漸還清質儻未填於溝壑誓仰報於陶鎔

汝州到任謝兩府啟
起於宮祠付之民社自願散儒之陋謬當良吏之求亦既撫封莫
知報德竊以魯山沃壤汝水名邦密拱兩都新被節旄之渥旁連
四輔舊稱屏翰之雄當承流宰牧之權必赴功庸敏之士而某生
姿遲鈍涉世闊疏途如阮籍之窮性有汲黯之賢學初為己妄期
造道以逢原仕□□□性有汲黯而徇義願多取於公器復顯忤
於要權致俎豆楚者幾稀而魚肉涉者甚眾駭機一發溢惡交興
惟銳進之邦朋方上搖於國是從而下石易若吹毛獨賴睿明燭
知誣罔雖職於輦轂之下獨賦祿於湖海之濱方齊得喪於環
中而置怨於度外以退縮為安身之計以靜默為進德之階敢
觀矜憐稍加收用此蓋伏遇某官膺天大任佐時有為積累治功
若農夫之望歲銓量人品如匠者之度材衰安不忍於銅人傳說

但期於迪后肆令衰懦復與簡求某敢不防患周身指覆車而自
戒牧民泄政憂製錦之或傷

賀趙鎮撫啟

周尊師帥之職實總全師唐分藩鎮之權旁提支郡於惟盛且復
舉舊章敷求忠亮之賢付界土疆之重恭惟某官材資傑出智略
挺生早被眷於宸廷屢出持於使節頃當艱險備罄忠嘉諒惟制
檢之榮即有燿壇之拜

賀運使劉龍圖啟

祇奉恩輝寵除漕寄凡依庇賴交集惟愉恭惟某官學貫儒流望
高時論以盡言不諱而抱魏第以忠愬無隱而光諫垣躋峻職於
西清扈慈闈於南上預元戎之婉畫曲盡訂謨領將漕之提封更
榮申命行聞召節入冠從班某猥以散材獲居屬郡欽聞光渥第
極歸依

賀運使郎中學士啟

丹書

祇膺詔旨榮總督司先聲所傳公議咸喜恭惟某官宏材挺特雅
量粹夷學有淵源綽著淹通之譽言無枝葉裁成體要之文輒自
望即出當膺使諒未聞於煖席已寵拜於持荷藐是孤蹤獲棲大
庇願章絳之所繫瞻履暮以未餘日俟按臨稟承約束

與運使啟

仕塗太艱合歸湖海之濱朝論兼容尚叨獄市之寄幸茲昧陋託
在庇存恭惟某官敦厚而疏通粹和而端亮躋榮策府知博貫於
邱墳將命計臺復登聞於課最賦與不擾金敷如流諒惟注意之
深即慶非常之寵某祇膺宸檢收佩守符惟斷斷之無他實慙慙
而慕義頃棲大蔭固已待於包荒今託提封行復欣於承教

賀胡發運啟

祇膺宸檢就陟使權統九路之輸將當列城之刺舉凡依庇賴交
集惟欣恭惟某官忠有古人之風學為王者之事憲府夙推於忠
輒中臺作振於維綱益隆輔展之知外領繡衣之寄逮茲推擇愈

若光華調發邦儲暫倚成於心計超遷內務行亟拜於除書
賀提刑啟

祇膺溫詔出總祥刑凡預庇庶共深欣抃恭惟某官望高朝論忠
簡上知入踐要繁夙預月卿之寵出當憂顧履星使之權位聞
贊書峻陟華貫某誤紆郡紱適適使廬不惟仰託於眷存實幸款
承於教警

答秀州知府曾學士啟

祇奉明綸改臨重鎮幸依鄰庇遠辱書辭恭惟某官德宇粹溫詞
華秀拔世濟其美紹器業於相門官修其方敷教條於郡寄撫封
云始結課已優方聯冊府之清班行正禁途之譽命祝頌至切稱
述奚殫

賀金陵曾修撰 孝 啟

吳都重鎮位居藩伯之崇書殿華資職號儒林之貴時維雋詰仰
副眷懷恭惟某官清時羽儀羣辟冠冕智仁勇以兼劭德爵齒之
三

丹紫五

皆尊雖遭時屢歷於險夷而挺志弗渝於忠盡入居朝廷則著龜
庶事出臨方面則衡尺眾材表此百城暫倚兵鈐之重開於兩社
卽登宰路之華伏念某受知最深去德滋遠中緣艱棘久自屏臆
寢冒甄升遠罹貶逐貧緣幸會再依庇賴之仁險阻艱難尤切歸
投之素屬官常之有守望履幕以無階

賀王修撰啟

祇奉恩輝榮升論議有識交慶不謀同辭恭惟某官學探道原望
高時論事每試而皆可政無往而不宜項膺一札之書出領三城
之寄雖藩宣所賴因任既以累年然積用登聞裏進殆無虛月行
被追鋒之召就頒翠囊之除某代置陋邦依寶鄰之千萬蒙惇雅
契枉華翰者再三感愧之深敘陳罔既

回河陽王待制啟

破命十行升華南禁民遂借畱之願朝有因任之公凡預游口交
深欣抃恭惟某官天資敏銳德宇粹溫理窮性命之端事燭古今

之表英辭振玉逸氣凌雲鄰桂一枝卓爾儒林之秀和松千丈挺
然大廈之資自結聖知出當方面河水東泊鄰國之白圭長橋
臥波小平津之杜預報功崇德果疏持棄之榮尊主庇民行拜秉
鈞之召某備員鄰境託託鄰雲方修慶之未遑遠騰箋之先辱其
為感戰難既敘陳

賀冬啟二首

一陽襲管氣滋緹室之和五物書雲瑞見候臺之應惟時賢詰繁
擁休祥恭惟某官材擅儒林望高朝論富金籙之奧學挹珠網之
魏科大邑試材驚暫棲於枳棘清班拔士鳳將集於梧桐順履天
元茂膺帝祉
清臺課曆逢七政之同躔黃祿占年見五雲之紀瑞惟時賢詰繁
擁休祥恭惟某官性天高明才地敏給敷政無施而不可位官所
至而有聞大邑庇身暫倚撥煩之重嘉猷告后卽撫經遠之謀茲
順履於天元諒茂膺於帝祉

丹紫五

答周舍人賀冬啟

律回葭管登臺爰紀於祥雲星收斗躔推策載迎於長日方一陽
之來復宜百福之類升恭惟某官文秀時髦學優聖域簪法冠於
烏府侍香案於螭坳致美善於親暫屈藩維之寄告謀猷於后行
膺夢卜之求諒經剛長之辰卽有詔除之渥

謝王奉議以宣啟

寵以書辭申之文卷言溫布帛雖退而於過情字挾風霜貫仰欽
於取製聞暴公子固久見元德秀乃初頗阻傾蓋之歡深恨揚舡
之遠顧蒙綉禮加惠陳人大鼎烹難遠器尚淹於小用明珠彈雀
珍文弗誤於輕投揣分何堪捫心知感

答卓奉議啟

載膺宸檢獲綰郡章約結無奇獨傾心於名士意好殆絕尚抵掌
於高文辱示書辭獲窺學植屈廷臣之嚴重同邑子之進趨方何
遜劉孝綽則多少俱工比鮑昭謝靈運則遲速皆美恐為品藻之

累但深藏弄之榮

答張省幹啟

枉道見存陳詩為賦崢嶸高論驚所養之益深瓊瑤大篇知見禮
之加重豫章何必七年而見威風蓋由一羽而知矧在上庠屢以
仲舒為舉首獲交諸父又熟阿戎之清談契闊流離席麻傾渴三
年於此矣固多脫穎之流一言以獻之罕見無邪之美仰惟此賜
宜在珍藏

答孫宜教啟二首

誦汝墳之章少有干榮之意廢蓼莪之什晚與弗泊之悲比糶食
於真祠偶藏身於偏壘實先人之舊治有元祐之政聲悼歲月之
不畱愴音容之如在敢謂某官曲敦高詣追記曩游特紀述於雅
言以發揚於潛德賦五君之詠獻不待於諱辰誦百次之金問何
勞於曲室感荷之至數敘奚殫

談經敗績獲寄迹於小邦聞善若驚猶傾心於諸彥敢謂某官曲

丹紫玉

五

敦雅好過采虛名忘固陋而寵以書辭慰孤寂而示之文軸見許
詢之遠致自爾服膺賞沈約之寄音敢忘擊節豈特珍藏於書篋
固將共託於詞林佩服至深數敘罔既

答曹宜教啟

校藝奏名疏恩賜第事光舉首榮動朝端恭惟某官為君子儒知
古人體學深窮於聖域文猶步於賢關千丈喬松知有棟梁之用
五枝仙桂實為門閥之光某夙賞高文欣聞譽命敢圖謙眷亦損
書辭雖欲造述之工恐累游談之責一第濶子耳聊為進士之階
集賢有人哉行慶選掄之寵

答張學銘啟

何武先即學官始之傳舍朱博不喜儒吏深惡議曹既操術之不
同宜治道之相遠比緣休吏稍欲崇儒意雖粗勤禮實不腆敢期
高誦載以雅文施狹求者每日慙於寒乞更輕用重亦恐累於品
題感戢至深敘陳罔既

除顯謨閣待制謝兩府啟

白簡驟攻久投允散丹書一洗復玷高華恩與為新德何以報伏
念某文質無所底材能不及中會初載之博延繇常途而躡進冒
庠序師儒之長參言語侍從之流曉曉固人道之難全碌碌實鄙
心之不肯鼠衡囊藪知非容穴之謀翊決榆枋不羨圖南之便果
罹謗鏢旋辱辨明起於置散之真祠付以承流之樂土圖回百緒
黽勉二年朝廷不憶一州雖慙前咎民庶借留滿歲粗有公言屬
積屬於衰門遽纏哀於伯氏念貌諸孤方賴同爨故叢爾邑未可
輕歸不悟表言俾躋邇列既忝輔郡二千石之印綬又直文考十
九載之圖書靜惟所蒙端有攸自此蓋伏遇某官股肱元聖屏翰
萬邦以佑賢輔德為經濟之謀以遵制揚功為寅亮之實用人
而引類動義槩以郵滄贊翊事機獨提綱而頓領吹噓時彥詎拔
本而塞源乃因賜口之恩上廣隆寬之施西廂寓直雖叨序爵之
榮東閣曳裾尚恨趨風之遠

丹紫玉

大

賀太宰啟

光膺渙號冊拜冢司周公之親禴裳爰是皇於四國仲山之補衮
職蓋以事於一人夷夏共瞻宗祊蒙福竊以盛世以置輔為重志
士以得時為難抱經綸之業者或困迹於草萊都廊廟之位者或
貽羞於竹帛由才位齟齬而難合故勳業寂寥而無聞天將福於
斯民世特生於良弼恭惟某官斯文木鐸王國元龜學貫天人而
博窮載籍以來辭該象數而盡屈能言之類英聲茂實夙推先覺
之賢峻節忠規篤守後凋之操自預聞於大政益眷注於淵衷遵
制揚功中轄著彌縫之助奉公履正東臺存繩糾之功果符夢卜
之求遂冠鈞衡之峻贊又新之政已寅亮於天工開眾正之門行
共熙於帝載伏念某小器窘用孤根易搖又困風波幸託峴嶮之
芑未填溝壑悉歸播植之功
湖州到任謝兩府啟
出刺周南曾徵優最改臨吳會更勉後圖祗荷生成伏深榮懼伏

念某簡編精柏之學場屋散散之文用此躋榮可名僥倖推移從
祿類眾狙之賦三選輒畏人慕靈龜之藏六樂就外服以畢餘年
昨分一而之符未報三年之政雖免曠瘼之責遠纏仇儷之哀未
能擊缶以忘情亟欲上岡而就空懇求近地稍便私門荷大臣之
用心付小麾而如志惟吳興之樂土琴江左之名賢杼峰存三癸
之名峴嶺標五花之勝白蘋洲上著騷客之風流紫花瀨邊有茶
山之燕賞政圖推擇誤及庸虛此蓋伏遇某官醇厚惠和忠直
亮不揚可大之業輔成不拔之基敘在廟堂致黎藿之不采提衡
品類直桃李以無言某敢不祗誦德音勉歸循吏庶幾一得仰報
萬分

答海門知縣啟

遠貽書疏復枉詩文辭華高步於上京才義不慙於小雅舌耕滋
久瞻奧學於胷中腹棄便成湧佳言於筆下雖云出眾願輕示人
誦讀爽然政恐文卷之盡流傳遠甚居然紙價之高仰竿牘之甚
勤識茲歌之多暇雖菁華之說目揆涼薄以顏頰不敢當蒙但知
感戴

答王知縣啟

百謫交至暫整單裝兩怒既消復還舊泊口守有蒙成之幸邑子
遂依仁之公竊以愷悌撫循昔稱良吏拮据愉快今號軼材既務
守官固當權咎雖粟邑換尹賞職益以卑而內史愛兒寬殿更爲
最果緣公議待勉後圖願益專於所聞以卒相於予治
鄧州到任謝執政啟
愚誠上達懇求避於親嫌朝論兼容特改除於郡寄撫封云始爲
分知榮伏念某才不足以治劇濟繁學不足以鈞深索隱早緣識
擢嘗獲在前晚以愚意久從外補留滯周南之境奔趨吳會之郊
歲瑄七周未始僥求於內舉國門三過其誰肯致於裏言每處順
以安時姑深根而盤極惟茲巨屏素號榮如敢圖生成舉是寄屬
此蓋伏遇某官功勳乃后道覺此民擴伊尹納溝之仁懋傳說濟

川之業弛張因革躋國勢於安樂小大浮沈器人材而式序肆令
孤拙獲此便安章狀具推豈敢責成於參佐召父杜母庶幾追繼
於循良

鄧州謝范左丞啟

臧庸宸檢謬當方伯連帥之權趣引郡章獲繼鉅德元勳之後荷
恩實重揣分增榮伏念某文不華於時流學僅傳於家法幸緣親
擢稍躡常塗方幅員偏庠序之時五冒師儒之等暨朝廷興禮樂
之際三居餘蔭之官雖事功無毫髮之微而議論有金石之固豈
宜乘隙遂爾易心中祿背馳久困外補蕭望之各從所好晉荀息
不食其言歲箭七更詎肯僥求於內舉國門三過何階入觀於中
宸惟茲大邦夙號樂土狼當出刺深媿食浮伐柯在前既仰承於
舊故鄰輝不遠又獲借於餘光恭惟某官天庭寶臣海內詞伯險
夷否泰在峻節以不渝進退行藏視古人而無愧方廟堂之闕位
仁渙號以揚庭獨專國柄之崇仰贊時雍之會重惟疏賤過荷獎

知近緣假道以登門幸獲望塵而侍坐加邊豆之踐仍許造於後

堂窺雲漢之章遂徧觀於崇宇雖大賢折節以下士而小心揣分
以難酬感幸之深敷宜莫罄

與范左丞致虛啟

絲綸示眷榮塊奪情將正位於鈞衡姑承流於屏翰榮懷所繫控
避莫從恭惟某官學洞古今忠存社稷早登文陛服在諫垣仰昭
正父之功力奪爭臣之節贊神紹述一言可以與邦擯斥朋邪三
進益嘗及雷久持從橐擢預政機方亮采以奮庸忽銜哀而去位
上方側席民亦具瞻與其失夔契之忠毋盍奪曾閔之孝果聞大
渙趣使遄歸諒惟朝事之初卽播弼諧之命某屬拘管職莫遂望
塵輒陳羊贖之儀少伸寰海之慶
再與范左丞啟
確守禮經益欲表儀當世曲從誠請是爲體貌大臣鬱四海之具
瞻篤三年之通制有識交頌不謀同辭恭惟某官氣稟天和學優

王任謙議早扶於國是忠規屢誓於邦朋爰錄勸庸遂參機政王臣蹇蹇方盡瘁以輸忠棘人樂樂運衞哀而去位祇膺奪服聊免造朝仁者安仁固不忘於子職孝乎惟孝深上動於天聰豈惟君子之光實使懦夫有立

上執政啟

經邦碩輔阻窺數仞之牆刺郡允僚屢枉五雲之字瞻風莫遂結念增勞恭惟某官識遠而非小知器博而宜大用幽經奧牒盡究生民以來大冊高文坐屈能言之類獨緣儒效自結聖知泣經事而知其宜臨大節而不可奪補袞正上公之枋賜履昭戎口之權示大壯於端闈實資制作領上化於陽館更賴燮調不違咫尺之顏如倚左右之手爰從枚卜起付鈞衡祕殿聯榮入告嘉謀於后鼎司爰立日下膏澤於民諒在邇辰更膺正拜伏念某方依覆露夙荷獎知恨滯跡於西州阻曳裾於東閣永言瞻頌難喻端倪賀提舉監丞啟

分集五

九

祗奉帝輪顯持使節先聲所至公議咸歸恭惟某官學窮古聖人之原材出賢大夫之右頃膺推擇入踐要繁惟摘山煮海之權實富國強兵之利變通成法內則掌於冢司提按列城外則誘之部使暫煩直指即慶適歸某坎壞餘年依樓大庇日此軺車之至庶諸履幕之瞻

賀湖州秦守啟

對揚便殿具輪獻納之忠擢領輔藩優異承宣之寄先聲遠播公議咸歸恭惟某官材冠士林望高時論學識九流之廣文追三代之醇夙推廊廟之姿久屈雲霄之步果膺拔擢履高華寵之禁嚴論撰之資付之山水清幽之地自副車而陟守實錄州縣之榮親以介弟而繼兄更作衣冠之盛事諒弗違於燠席已夙駕於追鋒某潦倒材疏陸沈歲久亦安身於林壑獲託庇於旻幪側聞鳳詔之頒日也卑旗之至其為欣望莫罄欽陳賀宇文質文 知湖州啟

西清寓職總內閣之圖書南土專城作行朝之屏翰命出九重之遂歎騰千里之遙恭惟某官直諫而多聞弘毅而任重量吞千頃腹貯五車詞章特擅於家聲伯仲並登於政府召還蜀道初昇乘輅改命吳興復膺剖竹光生四水榮勳五亭黃葉山前續江淹之文采白蘋洲畔繼柳惲之風流諒惟開府之初卽有追鋒之召某久緣固陋生竊安閒雖陶令已歸于田園而龐公不入於城府徒託二天之庇阻修一刺之恭賀陳大資 知湖州啟

知湖州啟

以心胥臣而暫辭機政以股肱郡而來布教條旌纛再臨山河增重恭惟某官式是百辟媚茲一人文辭獨行於中朝器業謫聞於早歲繇北扉之清近擢東府之贊襄天賦之才蓋天下士而非特國士人究其實乃社稷臣而何止功臣初違咫尺之顏如失左右之手昔之往矣聞千里之袴襦今也來茲被三公之褒禴行聞召節登拜冢司

分集五

十

賀汪少卿

知湖州啟

度命拜州差辰開府股肱帝室潤分九里之河父母俟邦庇壤二天之覆恭以某官望高朝匠學冠時髦文體要以精深器恢宏而疑劬入居九列當牒訴浩繁之司出領一麾得山水清遠之地承沈伊始頌德攸同某鄉廬頃遭鬱攸之災浮家暫寓窮僻之壤退惟困頓辱在旻幪陶令已歸田園但知退聽龐公不入城府尚阻進趨

謝將縣丞啟

伏蒙某官撥簿領之沈迷喜親戚之警歎遠迂都騎來顧衡門寵以長箋既遂蓋替之願示之眾製更諧擊節之觀仰惟鄉曲之英蚤擅文章之譽三年學而至於穀已極淹該一卷書而立之師更求博約惟他時之所到豈小智之易量感佩之誠敷陳罔既賀中書侍郎啟

祗膺中詔入事西臺翊贊萬幾克懋格天之業踐更二府共歆稽

古之榮漢流誼揚敷天威喜恭惟某官德尊一代智傑萬人眾推
為主任之材自任以天下之重體道則六通四闢而咸在應事則
千轉萬變而不窮早被簡知丞躋華顯泊居常伯適在版曹以邦
用封靡為近憂以民力凋耗為深患開綠造膝之對力陳逆耳之
言不患失於在前寧輸忠而補外屬嗣皇訪落之始當強鄰叔擾
之初采入都城日有舉烽之警環觀諸將誰為戡難之人旁采師
虞顯疇嘉績起公於師帥之任付公以宥密之司旋降芝函改臨
鳳沼光輔惟新之政大開至正之門載績武功以銷未形之患誕
敷文德增榮太平之基式副具瞻行膺爰立伏念某多仇少與數
免稀遷迹滯南冠莫遂望塵之幸魂飛東閣徒深頌德之誠

賀范畱守致虛啟

爰擇剛辰已開畱府陵寢增重嵩洛有光凡預庇存交深欣抃恭
惟某官經邦碩輔命世真儒以堯舜孝弟為尊主之謀以稷契忠
嘉為奮身之道早躋大用蒞經事而知其宜自勵匪躬臨大節而

丹集五

不可奪項輟變調之任一蘇眾大之區暫以居畱著赤舄凡凡之
望行聞入相賦綠竹猗猗之詩

賀平江知府胡舍人

奉選勞之新渥躋對次之舊班屏翰有光朝廷增重恭惟某官英
豪開氣進德名儒學窮六籍之醇文起八代之陋討論潤色崖因
珠而不枯險阻艱難草以風而知勁顧惟劇郡既訖外庸龍已升
雲乃眷攀鱗之舊魚方縱整更逢激水之寬諒在邁歸即膺巨用
澆瓜為惠坐令一境之安采菲不遺更荷五雲之及

賀吳少宰啟

顯膺綸綍冊拜鈞衡一言與邦獨定公於社稷百官承式亟冠位
於疑丞天人具孚華夏咸喜恭惟某官膺天大任為世真儒早以
異材偏躋膺任紫微司制眾欽華國之文青瑣納言自許經邦之
策謀猷屢告權近不容久安均逸之居益養具瞻之望繼鋒車之
峻召陟玉堂之近班凜然松柏之後凋卓爾著龜之前誠臨大節

而不可奪可謂稷契之忠遭變事而知其宜贊成舜禹之事俄冠
氣之傲擾致神器之震播諸老生語如寒蟬見大夫竄若狡兔天
祐國步公輔政機智略如神而從容於倉卒之時言辭如湧而啟
發於睿神之聽力排出狩之議坐成堅守之功不移宗彝再造王
室宋昌之迎代邸謀協天心謝安之擊淮淝威破寇膽爰膺帝制
進秉國成大開眾正之門力贊惟新之政竄斥王佞拔舉滯淹形
孝愛之風念宸衷付託之重謹號令之出繩祖武艱難之初太平
之期指日可俟某羈單乏助樸拙自將欣聞大號之揚倍激懦衷
之慶

又賀少宰啟

光膺典冊進拜鈞衡君陳之入告謀猷久隆帝眷周公之丕視功
載遂總國成綸粹誕揚朝野交慶竊以坐廟堂而謀王體秉機軸
而亮天工上則變和於陰陽外則鎮撫於蠻貊用人得失繫國重
輕故當光明盛大之時必有魁偉俊傑之輔假羽翼而橫絕疆精

丹集五

神而折衝恭惟某官本朝宗工斯民先覺有經天緯地之文而濟
以淹該之學有尊主疆國之術而持以肅括之誠方掄材三舍之
初卽冠名羣俊之上紙價驟貴眾共服於文鳴帝席屢前上特驚
於見晚粵從詞禁擢預政機遵制揚功上繼承於先烈料敵制勝
盡開拓於故疆果符審象之求亟付贊元之重無偏無陂已簡記
於淵衷有猷有為於擴據於遠業伏念某斗筭小器刀筆下材冊
府徵文嘗預俊遊之末銓曹浮食亦叨職守之聯流落七年浮沈
三郡欽聞大渙竊拊危悚久困風波今幸帡幪之庇未填溝壑永
依播植之公

賀張樞密啟

被宸廷之優眷升樞筦之要塗國步必安海隅相慶竊以朝廷之
基大治獨倚柄臣外域之擾中原無甚今日協贊中興之業實賴
本兵之賢蓋時平則庸常措置而有餘運否則雄傑馳騫而不足
既選於眾必惟其人恭惟某官學窮載籍以來文冠能言之類屹

然威望之重何止金湯淵然智略之明共推著蔡蚤緣際遇亟踐
高華執憲霜臺繩糾著正人之效摘詞禁苑艱虞繁內相之謀果
采眾諧遂膺大用坐運籌於帷幄方折衝以精神飭武備而俾姦
凶褫魂敷文德而俾民俗按堵而某身投真館名窺丹書雖王陽
在朝不敢效貢公之喜而干木既進亦竊預西河之榮

賀樞密啟

光奉宸輝峻升樞筦詔頒夷夏喜動兵民竊惟宥密之司實負幾
深之託載用有嗣方備預於武經克壯其猷宜倚毗於人傑惟智
局之劭故足以訓齊軍政惟威望之著故足以懼服遠人果緣公
論之歸寵付戎昭之重恭惟某官生逢休運自致亨塗早據告后
之嘉猷久負禦戎之上策謀略之重則隱如敵國名節之懋則配
彼上臣昨困險艱草因風而知勁退從閒左寶在夜而愈光召還
喉舌之官遂正股肱之任握兵之要雖倚重於珠鈐秉國之鈞卽
奮庸於右畫

賀富樞密啟

丹陽集

卷五

拜恩丹陛冠位紫樞萬口騰歡四方聳聽竊以明主有興衰撥亂
之志惟得賢則能亮天功蓋臣有見危授命之忠惟得位則能奮
賢業上既有特異之眷下必收非常之勳恭惟某官德量深醇謀
猷宏遠直諒本於世闕忠義出於天資責難之恭以文武未墜於
地將順其美非堯舜不陳於前早緣補袞之司進貳本兵之寄坐
據素蘊入贊沈機挺挺祖風夙秉威懷之略蹇蹇臣節大施經濟
之才果協師虞進長樞筦方將芟夷氛祲盡闢漢唐之士疆崇振
紀綱恢復祖宗之勳業某方靡遠郡阻慶高閣頌詠之勤敷宜罔
既

丹陽集卷五

謝修撰啟

鹿身開左分老明時通籍禁嚴忽膺舉命人皆憐其愈鈍已獨愧於乍賢伏念某拙昧趨時愚惟信古在絀冕則多仇少與於塗轍則數免稀遷昨罷一麾今踰六稔憔悴自驚於黃馘飢窮殆類於白丁雖榮滯推天分以自安而出處繫人臣之大義念國步多艱之際乃臣工致命之秋既不能畫半策於聖天子之前又不獲效寸勞於賢大夫之後捫心自歎顧影知慙忽玷高華實為僥冒此蓋伏遇某官中興佐命先覺上臣念掃河洛之塵將廓清於寰宇必擴山藪之量先廣拔於人材愚智兼收功罪咸錄袁安以不鋼人為德荀彧以能盡善為功杳杳鈞天昔已甘於夢斷迢迢星漢今或望於槎通尚觀異時得酬洪造

湖州到任謝兩府啟

九英六

浮家四水初為習隱之謀出命九關誤玷惟良之寄免寒塗之假薄即官次之便安自為之謀不過如此伏念某材非大受學第小知少不自量冀亨塗之接武老而多難潔孤迹以投閒方且賦歸來篇於松菊之間詠招隱詩於雪月之夜躬營小隱以樂餘年竊奉誤恩俾臨舊治白骨再肉雖荷生成于思復來豈無姍笑此蓋伏遇某官中興倚仗吾道權衡不廢窮人知聾盲跛暗之有用若築大廈須棟梁焚燎之各安肆令寒谷之人上達細氈之聽蘋洲花瀨敢事於燕游羽檄軍書第勤於警備

湖州到任謝監職啟

雪水便瀋浙河都會承流自昔初無遺愛之在人申命督行獨荷隆恩之圖舊仰無以副朝廷因任之眷俯無以慰民俗挽留之誠奏職云初省躬多懼恭惟某官望高時論德冠士林當劇部之按廉竦百城之觀聽盤盤根錯節方知膚敏之材聳壑昂霄仵發經綸之蘊顧惟味陋辱在庇存幸會實多敷陳固既

上監職啟二首

肅將明命久欽直指之風退服允僚莫展上交之禮遜瞻名德坐役營情恭惟某官學無常師文有奇分書林論纂實繁潤色之工憲府弼刑夙著糾繩之譽眷茲劇部就委軼材豈惟資振職之中聊以副承顏之便也聞召節擢寘禁途伏念某罪不逃刑貧猶仰祿量材揣分固難適於英奇辯迹求心或未愆於治義幸茲委瑣託在庇存

代謝改官啟

丹陽集

服勤書契雅無編削之勞拜命恩綸誤被超遷之寵仰膺爵賞俯激懦衷竊以職方辨九服之圖使同貫利外史蒙四方之志以達書名洪惟聖朝奄奠區域尺地莫非王土黎獻共惟帝臣山川藪澤之混殺職貢族系之紛錯宜有不刊之典以垂罔極之傳肆命儒宗顧總書局然地遠則咨諏必廣蓋事大則討論至難子雲欲纂於方言徧詢計吏太冲擬作於都賦遠訪蜀人因命方州各供圖志擇時髦而講貫設勸典以襄延苟非其人不在此選如某者性愚而志癖才薄而數奇躡屐擔登久擁經於學省濡毫操牘屢獻藝於文場弟兄並級於辭科仕宦獨沈於門調失壽陵之步雖負初心讀輪扁之書敢忘素業昨備官於曹掾獲遺迹於師儒狼奉檄書使詳輿地惟此海沂之境介於徐兗之間焚膏稽考者殆二年跂足訪求者周五邑刊除謬誤補綴闕遺無實之言固異景公之稟有得之虛輒獻野人之芹徒知職分之當然敢謂宗公之過聽特形奏牘俾進官聯賄賂所加遂起駑駘之價恩華下逮更

包奠斷之羞此蓋伏遇某官道德宗師文章哲匠敷求英偉以報
主主之知樂育人才上濟師臣之美有如卑賤曲荷矜憐卵翼以
成盡出生成之賜涓埃可效敢忘報稱之圖

策問

治德

問傳曰明王卽位建大中以承天心則庶徵序於下日月理於上
又曰天子建中和之極兼總條貫以順成天慶故善治者莫大於
建中又曰天下本無事庸人擾之爾第澄其源何憂不簡邪又曰
竊恨國家釋樂成之業而虛爲此紛紛也故善治者莫先於靖民
湯之執中舜之恭己盛帝顯王之稱煌煌於天下率循是而已恭
惟聖天子紹祚二年於茲精神所嚮天順之人應之雖庶僚百執
不足仰望清光然竊意其萬一殆專以大公至正之術待天下也
紀元詔書懇到切至土有一言及此者不以次而官使之此二三
子所睹聞也夫居尊而制四極正始而慮萬世非大明法度不足

非集六

以藩飾非廣延賢智不足以維持也今朝廷既皆知二三子其茂
明之以著於篇毋使問以國事千轉萬變而不窮專美方冊也

治功

問蓋聞上古隆治之時俊良者傑無不登用姦回諛媚無不放斥
四夷賓服百吏競奮黎民醇厚風俗移易天災時變昆蟲草木之
妖無不消弭休符嘉瑞麟鳳龜龍之屬無不備至郊天祀地神示
顧答政行喙息無不得宜嗚呼何修何飾而至此歟本朝受命百
數十年聖聖相授潤色宏業以今觀察治效之隆豈盡如古邪其
未至耶興利之要何先補弊之術何貴守成之道何以杜患之幾
何務諸君具言之毋有所隱

治效

問周室之興岐幽豐鎬四易都邑修仁累義受命配天積十七王
至於成康然後兵寢固空號稱極治何其難耶唐文皇仗義晉陽
不三月帝天下投戈偃革之日未久已能使貞觀之民居者外戶

不闔行者旅糧不齎何其易耶然周道陵夷既久諸侯疆大莫之
敢與郊鄙之卜卒過其曆唐至天寶海內已亂自安史首難悍鎮
驕據四十八州乍服乍叛訖不能有豈治效有淺深之異故禍亂
之作亦有淹速歟公孫弘誦語漢廷謂周公旦治天下期年而變
尚竊遲之則圖治疑若甚易李石抗對便坐謂十年養德甫成爾
天下治不治要自今觀之則圖治又若甚難孔子曰善人爲邦百
年可以勝殘去殺矣治果易乎又曰如有用我者期月而已可治
果難乎歷觀前世通儒上品才議時政亦雜然不一或曰日中必
昃操刀必割持是說者其言剛果而必行若賈誼告文帝失今不
治必爲痼疾不肯早爲豈異秦之季世是已或曰物暴長者必夭
折功卒成者必亟壞持是說者其言寬緩而不迫若朱浮告世祖
游意經年之外望化必世之後是已二端異焉將時勢使之然歟
方文思天子在上達孝紹先猷明德臨海縣精口治道宵旰念此
至熟也將遠撫長駕并田肉刑比隆三代之盛又慮未可以歲月

非集六

四

幾也將興補滯弊持守盈成苟圖目前之治而已又慮不足以貽
則萬代也然則奈何諸君學優智明通達國體其盡言之於篇以
啟告愚陋亦教學相長之義也

官制

問在昔隆治之時分職以馭羣臣因能以裁列位治稷者不以泄
水土之功典禮者不以居狂獄之任下至虞人之賤猶知守官典
衣之微不敢出位故能同德協義共圖康功何其盛也去古寢遠
官制紊亂先後失當崇卑奪倫序爵之功無復可考神宗皇帝慨
然念之遠稽成周之隆近約宇文之制肇修廢典董正治官始以
階定品而省臺寺監之儀粲然一新矣名定而實應職分而事舉
在下者思於競勸居上者易於循賞品式周密濟濟乎鄉於六服
承德之時矣今朝廷紹隆前休增光潤色約循成書以詔萬世蓋
將與唐之六典並驅而爭光也議者謂曹司繁補則更有冗員文
移復重則局有滯事官司之遷徙太數司徒之繁蠹未清尚有可

論者試條陳其端以復於上增損更化助成不刊之典豈不休哉

問讀先王之詩攷其風聲氣俗士大夫廉恥行義謫謫穆穆何其
盛耶仕止之義雍容可觀羞於夸毘以倖爵寵故其詩曰靖共爾
位正直是與引君當道不以拱嘿為智故其詩曰來游來歌以矢
其音質實忠樸雖在隱陋無所蔽欺故其詩曰肅肅兔置施於中
林起趙武夫公侯腹心勤勞營職朝夕夙夜故其詩曰匪勉從事
不敢告勞此其所以能振夫國是而宣贊時雍者也以今在籍考
之垂纓縱充百執事之選者蓋鉅萬計不為不盛矣然射進者以
奔趁街鬻為深謀思失者以抗直敢言為無策以至誕謾誣偽為
固上之姦委靡因循為竊食之計殆不可縷數其能魁然振拔流
俗之外者亦無幾人耳豈干祿之路狃於故習訖不可變歟將播
告訓教勸誘懲艾者未至也昔賈生有言人主所託材器職業者
萃於羣下也俱亡恥俱苟安則國家最病今諸生受業學庭有日

丹集六

五

矣其宜據古驗今議所以矯革之方若夫庸庸守常之論非所欲
觀也

選舉

問掌銓總者以用人為職能官人則振職矣若其所以振職不必
問也司貢舉者以取士為任能得士則勝任矣若其所以勝任不
必問也昔任昉指劉之選謂王瞻曰此子學優未仕水鏡所宜甄
擢瞻即處以要官是昔之能官人者亦因眾譽也崔郾試進士吳
武陵將杜牧阿房賦為疾讀即處以異等是昔之能得士者亦
采素論也今吏部之啟擬一以資格禮部之考闈一以文辭成法
定令付在有司尸其事者雖達官近輔猶不得毫釐加損也況敢
開請寄之路乎雖足以示至公而逢掖寒素欲人人稱其才分所
宜未必盡能如古也議者欲少寬禁防兼采平日之眾論以為用
人取士之術庶幾已仕者無淹卹之患未仕者無遺失之嗟不識
其說可聽否試援古推今論之

考察

問書曰無曠庶官天工人其代之語曰修廢官四方之政行焉此
聖人重世之格言也後世乃有官省則事省事省則心清之說蓋
搜羅之不精課覈之無法人人偷合保置而漫不營職則雖多無
益也若夫百執事之選皆得真才而官使之咸修智能效見於事
則豈以多為憂哉仰惟主上焦勞萬務慎擇庶明不愛爵寵以示
延納雖文王之能官未有以過也異時要官顯級虛位弗置與夫
閒曹複員一官兼領者今皆推擇布滿而聯事合治矣又增六察
以糾徼違置六尚以司服御離茗有使均輸有官建內外學校而
聯師儒至於數百修山澤政令而命丞佐至於數千皆前日所未
及者也尚慮百司庶尹不孚上意自奮於功名之塗而奉職因循
姑為游食養望之計不識選除之方考課之令何修而可比於先
王之盛二三子能知之乎

丹集六

六

問自鄉舉里選之法廢而以詞藝取士略其平時而論其一日凡
流倖進望士開黜非徒朝廷之深患待舉者亦病之裕陵稽古欲
覈實於庠序而漸革科舉沿習之弊於是成均政令一新廣輪奐
之居豐餼廩之秩慎師儒之選增弟子之員優遷補之條重請寄
之罰以至於今人材之成比隆於多士濟濟之世德至厚也今朝
廷欲推廣美意增建州縣學擇其秀出於等類者升之辟雍論材
而官之議固已定而法則未下也諸生試論其詳以待講議局之
采擇

士習

問古之儒者用於君則憂君之憂食於民則患民之患在下而不
用則積學修身而已固未有救鄉鄰之闕而代大匠之斲者也今
之儒服者往往不能以分義自安投罅伺隙干時射進追逐時好
章交公車甚者飾游辭以誣善類倡邪說以瀆先烈彼其居心積
慮豈真有意於整紛救弊哉不過僥倖爵賞偷取少頃之榮而已

迨夫時論載新國是既定則又盡變前日之說而更為趨附之計
隱隱呈露上煩司敗之刑嗚呼古之所謂恆心持操者固如是乎
昔戰國之際處士橫議朝從暮橫而東京之衰太學諸生品覈公
卿裁量執政以成黨綱之禍皆前世弊事也以今文明之時教養
之盛而士無純一之操若此不識何以救之

勸學

問通經好學天下以鄒魯為稱首今列學士之版者殆以千計可
謂盛矣仰學新書蔽自上意加惠學者恩意甚寵遵行優久雖十
室之聚無不揭牆壁而昭示之業進士者皆所暗聞也是宜歸心
慕義雲合霧集使泮林之上俎豆之容間間可觀絃歌之聲臺
相屬追昔洙泗之盛顧不遑歟今則不然狃於宴安志在瑣屑甘
為自賊自暴之士而恬然無不若人之恥者尚多有之甚者掉臂
於改築之宮其視黷宇廢與不啻如秦人視越人肥瘠豈能副明
天子樂育之意哉語曰學如不及猶恐失之傳曰懷與安實敗名

丹其六

昔人蓋有輕千里而迎師走百舍而問道者今不出父母之邦而
得自進之學誠非且暮遇也顧左計若此獨何歎議者謂攻異端
闢邪說徐以聖人之精義誘掖而開達使道德性命之固有者瞭
然神受然後能樂道德而趨嚮之勸學之序當如此諸生以為何

試士

問國家三歲一下明詔獵取天下俊傑考其經以觀其學考其論
以觀其識策之世務以觀其才其軒然秀出者不旋踵而昇以爵
位招延之路甚廣眷禮之意甚隆而禁防之術似未盡也論者謂
近歲場屋有四弊不書行實一也限以定數二也冒名代試三也
挾書求售四也苦費至議貢士欲使保桑梓者鄉里舉在流寓者
庠序推席幾兼得士之行實今徒貢一日之文而略平日之行則
可乎丁鴻議孝廉使郡國率戶二十萬歲薦一人不滿則二歲一
人故能革前日不均之患今諸郡取士寬狹至相倍蓰初不顧應

試之數而一切限以定額則可乎假手旁坐借人外助此唐弊法
也今欲得真才如之何不峻其防陳書庭中不肯露索此唐異事
也今欲觀記問如之何不覈其實考言選士近在數月諸君智策
甚高通達國體科選利害講之尤宜詳願悉意陳之將以告於春
官氏焉

富強

問懋化居者理財之義訓游惰者彊兵之術語政者莫先焉元豐
真人修明憲法加惠天下凡邦邑皆置平準局以理萬貨低昂使
重裝富買不得擅豪奪之柄利源之入歸于公上此泉府治市之
餘意也或曰設官籠貨與細民爭銖兩之得似非王人布利之意
其說信乎陪京諸道籍剝勇之民保伍聯結教以技擊蒐閱漸可
革冗兵待哺之費此鄉遂寓軍之遺法也或曰聚不逞之人授之
凶器非惟妨農墮業且虞其嘯集生事其說信乎恭惟主上緝熙
功緒纖巨畢舉惟茲二者或置之不論或復之未盡其故何耶豈

丹其六

時異事變終不可恢復歟議論之士不深覈其實而姑為是嗜嗜
也諸君通知世務行作吏矣利害之實其詳著之有補於今日紹
隆之政豈不休哉

食貨

問生人之本食與貨而已農能修水土之功則食足商能興刀布
之利則貨通然後國富民實而服教化故箕子陳洪範推為入政
之首而史家亦曰道御之而王權用之而霸古今一也方成周時
天子自治者止於寰內千里而懋遷治穡之官至不可勝數後世
以海宇之大生聚之富而曾無官師及於食貨之務此民力所以
多瘠也主上以孝友之德紹休兩朝以神明之資勵精庶政比詔
郡邑皆置農田市易之官蓋將挈提生靈納之富壽凜凜三王之
舉矣今欲地無遺力而年穀常豐亡者使有利者使阜而民財不
乏不識尙有以裨朝廷之憲令者乎

藩鎮

問唐自天寶失御寇盜內訌桀黠為亂方鎮割裂史家雖具著於篇而制御得失之方論述猶未備也魏博七州傳襲六姓不沾王化者一失於僕固懷恩再失於馬希倩三失於李懷光四失於馬燧五失於田布六失於李聽其說信乎章武以元和九年秋討蔡至十有二年冬十月然後元濟授首嘗怪其以英銳絕人之資團天下之兵據人主之勢與三州之孺子敵顧乃老師曠日僅能克之杜牧謂由五敗不去詳考事實殆真有之至討成德出入十年叛渙之臣訖不能羈致闕下或謂丁未詔書赦承宗而班師者謀失於白居易庚辰詔承宗受地者謀失於田弘正其是非又何如也盧龍之地已復旋失議者皆歸咎崔植杜元穎不知制將蕭俛段文昌不知制兵或又曰始不用裴度而用張弘靖燕薊所以亡終不用裴度而視賊弗討所以不能復矛盾之說又將安據也會昌澤潞之功李德裕一人耳觀其抵排浮議要結外援訓師使整而壯御將使專而勇謀猷有足稱者願併論之以觀諸君博古

丹英六

乙

之植焉

遠識

問姦臣竊命諛媚成俗金匱大誥之書藏於海內西漢所以亡也而論者歸罪張禹閔尹擅朝擊斷無諱回天獨坐之謬諱於民間東漢所以亡也而論者歸罪胡廣豈其偏見異說苟欲惑眾歟將獨覽深識灼見基禍之自故探端揣本而誅之也齊晉之季也晏子叔向能預言吳虢之亡也子胥卜偃能先見隋文帝靖三方之難破五王之謀混一南北天下仰泊而嫡庶散亂房立齡獨深憂之晉武帝用張羊之謀仗王杜之決役不二時揚越歸附而無經國遠圖何穎考獨深憂之已而陵土未乾板蕩同轍一何標鑿之明邪且天下大物也基廣根深故無傾拔之慮苟且目前之安而不思長久之計則禍隙雖未露而識者寒心矣方策所載諸生講求孰矣悉條舉以告愚陋者

靖民

問盤瓠遺育介恃險絕敢以烏合之眾騷繹吾國雖蚍蜉蟻子不足汙刀几然邊氓一有不被浸潤之澤者上聖所戚也於是起沈英於久廢而尉以干城之略傷任職之不虔而詰其譴盜之因赫然興師洗滌區落詔使節方及境而兩路之捷至矣歸我舊境錫之新名而慎簡守將以緩撫之甚盛舉也尚慮遠人歸附之始所以招懷安輯之方備豫長久之計有當議者幸詳著之

律令

問律令之學號為較易然區別綱條貫通倫類意論輕重慎測淺深使纖微曲折無不與郵罰相當非積日究習者往往不能通其旨神宗皇帝睿慮及此始建東學以處士張法科以取人又命業進士者皆試律義庶家修人習知奉三尺以從事且蒞官弊訟之際無致紛紜枉撓之失而惠澤延及於齊民慮至遠也後之議者以謂經術儒雅自足飾吏事傳不疑北海一文學而能決疑獄徐有功東郡一明經而用法無冤至杜周張湯輩孰明知憲令而弄文飲法至使人重足而立且吏道自有資材何至使待舉之士散精神於末學由是附律之議廢格不用今欲取元豐之美意附益於取士法中二三子以為可否

丹英六

十

丹陽集卷六

孝論

分之所賦有貴賤而孝亦有等差性之所造有淺深而孝亦有大小孔子以天子諸侯卿大夫士庶人之孝列為五等著之於經此所謂分有貴賤而孝亦有等差也若夫性之所造有淺深而孝亦有大小自論語觀之可得而言矣夫孝天之經地之義在人雖為不學之良能不慮之良知然擴充於心效見於事豈能無辨是故賢人之孝則異眾人矣聖人之孝則異賢人矣承顏順志而禮無違於事死孟懿子未必能知此也舉足不敢忘父母故非禮勿動出言不敢忘父母故非禮勿言疾病之外不當貽親之憂孟武伯未必能知此也盡孝敬之道而不以養口體為貴子游未必能知此也盡孝愛之道而不以有酒食為先子夏未必能知此也有父兄在聞不可遠行子路未必能知此也一朝之忽忘其身以及其

親樊遲未必能戒此也是數子者性之所造尚淺故猶待聖人諄諄以誨之若夫賢人之孝則進乎此矣德行素修名譽素著交游稱之朋友信之人雖欲聞於父母昆弟之言而不得也若閔子騫者能之父母全而生之子全而歸之身體髮膚不敢毀傷不以且死為憂而得免手足之傷為幸若曾子者能之是二子所謂賢人之孝者也若夫聖人之孝則大矣達而在上者莫如禹窮而在下者莫如孔子有四海之奉而禮自貶於一身以一身之微而化可孚於四海是二人者豈賢人所能及哉人之情飲食欲厚也禹則菲飲食以自奉而致孝乎鬼神衣服欲美也禹則惡衣服而致美乎黻冕謂不如是則不足為民主也此所謂有四海之奉而禮自貶於一身者也人則事父兄而孝弟之化移於闕里其自處則曰孝乎惟孝友於兄弟施於有政是亦為政矣其為為政可謂以一身之微而化乎於四海者也記曰小孝用力中孝用勞大孝不匱其是之謂與語載孔子論孝凡十有四因論其小大淺深之序

如此

孔子以天縱之聖兆於變化而木鐸一世凡道之妙皆不勉而中豈待學哉其自稱蓋嘗曰默而識之則道不待於言傳一以貫之則道不涉於多見然論語之書載其好學特詳者何也蓋聖人之言所以為中人法聖人恐天下後世以己為將聖不可及而遂惰於學也故為說曰我非生而知之者好古敏以求之者也蓋學而加以敏求則就效速矣又曰若聖與仁則吾豈敢抑為之不厭可謂云爾已矣蓋學而抑之以不厭則用心剛矣以世之學常失於躐等故為之說曰吾十有五而志於學三十而立示進道當漸也以人之患每失於自惰故又為之說曰吾嘗終日不食終夜不寢以思無益不如學也示入道當以誠也文武之道賢者識其大則固可宗不賢者識其小則亦未易弃故子貢曰夫子焉不學而亦何嘗師之有示求道當以廣也所造者深則不可以一指名所

成者大則不可以一言蔽故達巷鄉黨人曰大哉孔子博學而無所成名示體道當以全也以生知之聖猶強學如此況中人乎聖人所以為天下後世計者深矣故勸學者之說載於語者凡三十六而不為複也其曰學而時習之則亦貴漸之意其曰學如不及猶恐失之則亦貴誠之意其曰就有道而正焉可謂好學則亦貴廣之意其曰三年學不至於殺不易得也則亦貴全之意是故於顏淵孔子好學則稱而美之於子路之六蔽伯魚之詩禮則誘而進之幸我晝寢冉有自畫則辭而闕之其大要欲學者日趨聖域而已嗚呼後之學者可不勉與

齊論

昔太公望釣海濱而夾輔周室武王國之強齊使表東海其豐功盛德必有大過人者而司馬遷為齊世家言文王拘羑里太公求美女奇物獻之於紂以贖西伯西伯歸而與呂尚陰謀修德以傾商政其事多兵權與奇計焉嗚呼審如此則詩書所載反妄耶且

太公之嫉紂而欲亡之者何也為其多麗淫酒而毒天下也使其一旦幡然悔悟咎前之為更為善政以幸天下則豈不偃兵息謀恬然臣服之耶詎肯以尤物蠱其心而稔其惡乎且太公之過紂也曰收天下美女金寶繒帛也武王之過紂也曰作奇技淫巧以說婦人也如是而以貨色惑之是助其亡道抱薪救火也其賢於紂幾何哉又況陷君於惡而已則圖利太公詎忍為之耶藉使太公為之文王其安受之耶嘗聞秦以女樂開戎矣又聞吳以珍貨惑魏矣未聞聖賢亦為是詭譎也此遷之繆一也夫紂之積惡久矣文王積善亦久上帝下民去彼而就此非一日也孰謂陰謀修德以傾商政哉詩言周世修德莫若文王則是周之德不待商而修也書曰獨夫紂洪惟作威乃汝世仇則是商之政不待周而傾也今奈何曰陰謀修德以傾商政耶夫在己之德則修之而使人附在人之政則傾之而使眾離是乃田常王莽篡齊盜漢之術爾太公豈肯以是導文王乎此遷之繆二也且紂有臣億萬武王

升卷之二

三

亂臣十人而已紂兵七十萬武王虎賁三千而已然而牧野之戰前徒倒戈而勢若拉朽者何也逆順之勢異也太公雖有兵權何所施雖有奇計安所用嘗觀六韜萬有餘言祇皆修仁行義聽諫用賢之說爾雖有陰謀之篇而惟以戒懼謙下為言也今奈何曰多兵權與奇計乎此遷之繆三也嗚呼遷之言曰有稽證然百子虛濫之說不能力斷而力排之猥存諸書以傳疑於後亦遷之過也

南齊論

人君恢廓大度以御臣下示以赤心無或疑間則人人感說爭為報效雖有姦邪化為忠順苟或猜忌刻薄多情多詐口誅濫罰逆防禍患則人人惴懷懷不自安雖有忠順化為姦邪此理之必至事之固然也昔者齊明帝以宗屬輔政首廢二帝攘神器而有之鯁鯁然畏異世之後旁枝疏派襲己之迹而帝天下者非其子孫也於是包藏禍心勦滅同姓違顯達之忠謀而入遙光之偽策凡

意所忌不戮不已使高武諸孫無復遺育連頸受戮無慮六十人煮椒之酷燔香之僞有出於委巷小人所不為者而偃然為之其心遂以為基業之固晏然如日在天不足慮矣不知身死肉未及寒而建業以墟其首兵倡亂者不在他姓而乃在宗藩也嗟乎猜虐之慮果有益而未然之變果可曲防乎昔我先王並建宗英貴以爵位使之犬牙相制以扞王室居無事之時國邑茅社錯峙環列不失親親之恩假設不幸一國弄兵則糾合眾援環而攻之鮮不勝矣觀蕭衍之起也下郢魯如摧枯定潯陽如沃雪桴楫所臨莫不稊潰東塘新壘以次歸降則以無所畏憚而已鄉使江夏不誅衡陽猶在河東之屬噍類或存則緩急之際豈無義勇奮發以烏許國者乎精兵毅卒循江而守長棘勁鐵望焱而奮則蕭衍雖善兵齊猶未亡也又況梁武之興雖曰仗義然本以復前世之仇而操私戶之恥耳則夫明帝之猜慮果利乎果害乎昔宋欲去羣公子樂豫以為不可晉大滅宗室叔向知公室之將卑蓋枝

升卷之二

四

葉既落則本根無所庇覆股肱既刈則胸臆不能獨存是以君子知王族之重也有齊之亡非東昏之罪實明帝取之爾

古之興王既定天下莫不創立典憲維持後世迨其末塗子孫驕傲忘其先祖艱難然後殘命亡世殆其國家蓋自三代以下皆然至躬創大業而昧於持守禍亂四作親於其身者一梁武帝耳嗟乎武帝起襄陽褰裳奮袂矜夸前功心侈口廣經略注措顛倒謬戾凡季世昏主之迹皆取而踐之則國之顛覆不俟異世宜也尋

其棄違嘉謀妖夢是踐弗戒洛口之奔弗監馮亭之禍而招納河南之叛既已王之矣而攜貳於心衰其禮遇結好齊國欲止而歸之彼非偶人能無憤怨於心乎已而封豕長蛇突我黃屋又不能破以奇謀而竊以勝算徒拱手端然以待覆滅低回紆鬱竟庾死於臺城其幹略安在哉且武帝享御四十八載矣械用犀利宜倍於檀漢武旅精強宜加於全雍往以人臣弄兵以逆攻順而有濟

今以人君問罪以順討逆而無功往以一鎮之弱而取天下今以天下之疆而不能平一鎮是豈取之易而守之難乎特始勤終怠故耳且其平日信仗者朱異也而緩急非可用平日依憑者柳仲禮也而將略非所長異時耽味於內典而無益於攻戰之謀異時信向於桑門而難驅於兵刃之際則太清之禍其誰禦之鄉使移三蠹之寵以禮謀臣回同泰之費以結士卒沈約輩不以才誅劉顯等不以能黜則雖百侯景亦可談笑而臣之何至倉皇失圖而身以慘沒也其後簡文幽於永福元帝覆於江陵方智迫於陳氏三世皆不得其死祀亦不傳則以創業之不善耳噫創業以治猶懼其亂創業以亂則再傳而遂亡猶為幸也

陳論

兵無常機亦有成算審乎此者善用兵矣凡伐國之兵利速戰速戰則主必摧凡御敵之兵利持久持久則客必潰比在兵法必勝計也昔崔乾祐之攻潼關哥舒翰曰賊遠來思亟戰王師必堅守

升集二

五

不幸牽制於權臣遠與之戰哥舒果敗僕固懷恩之寇奉天也郭尚父曰彼深入思亟戰吾緩之當自攜貳於是堅壁待之尚父果勝觀二子之事則陳隋之計可知矣開皇之伐陳也掃境即戎兵五十萬是謂動眾入道並進浮江千里是謂深入勢如風雲飄忽振蕩所向輒下遂逼都境為隋計者固宜因利乘便而掃平之矣陳人誠能出輕銳之兵北據蔣山南斷淮水閉關壘壘案甲養威為持久之計以挫之則江左之地庶幾保有宗廟之祀未嘗絕也蓋方是時資儲尚富義勇尚強臺城堅完未易可破彼以孤軍深踐吾境相持既久勢必困敝饋餉之費能無乏絕乎精銳之氣能不沮傷乎根本隔遠能無內顧之憂乎師老兵疲能無棄甲之念乎吾之鎮戍豈無入援之人乎俟其引歸徐以奇兵邀擊歸路彼前不得闕退不得還不敗何待嗟夫食肉滿朝而皆昧於良畫任忠司馬消難皆進是謀矣惜乎棄不可棄之忠言聽不可聽之謬算付文慶以經略仗孔範以機要驟舉輕發爭鋒於一日之閒陣

未及整而師已北矣使高祖艱難之業翦焉傾墜壤地數千里入之長安為天下笑寧不痛哉嗚呼以叔寶之愚畏懦退縮奇燒淫昏介恃天塹以傲大國則歷坑之禍固有以召之矣一旦臨大利害方且效兒女曹晝夜涕泣為墜井自全之計又烏足責望以經國長算哉然愚深恨當時之失謀在兵法可不敗故慷慨而論之論魏博

唐自天寶失御安史內侮卒兵轉戰歷世不解踰河以北莽為盜區王化不沾魏博者積二百載訖唐亡不能撫而有也竊觀舊史氏考核地形魏能蔽趙屏燕凡欲加兵於燕趙道必假魏故魏於山東最重黎陽新鄉距白馬盟津不數舍陣障一弛則指日而牧馬於鞏洛之郊故魏於河南亦最重又風澤俗厚人剽勇善戰土平馬健便於馳敵地壘截薛山河錯互伸則勝蟠則固王者不得不王賊得之則天下不安故不可論失於異類奈何不思控制乎魏博七州一失於僕固懷恩再失於馬希倩三失於李懷光四失

升集七

六

於馬燧五失於田布六失於李聽由是傳襲六姓一縷一蹶不及於府廡矣蓋自安史首亂州縣殘折當時苟欲招懷反側前洗註誤懷恩意恐賊平則己權不重又亂布羽牙欲廣應援請裂河北地付授叛將由是田承嗣得有魏博擅爵人私賦入繕甲兵而駭駭不可制矣此廣德之失由僕固懷恩之為也其後承嗣益桀諸路進討磁既降矣德既拔矣瀛洛既下矣裴志清既附矣盧子期既執矣朝廷遣名將濟師則承嗣固机上肉爾顧以中人勞軍貪婪冒沒侮慢倨肆寶臣忿恥挾魏復叛於是兵不能制而與之更始矣故大曆之失由馬希倩之為也田悅叛渙三節度之師致討雙岡之捷俘虜略盡於是引輕騎奔巢穴自固魏將李長春牢關不納以俟官軍向使乘機疾驅前軍扼喉後陣撫背左排右掖則魏已潰矣顧逗撓不進頓兵平邑經涉浹旬始薄城下使賊得以持久欺眾祝髮誓軍合燕趙以為援而王師卒無功故建中之失由馬燧之為也燕趙兵剽銳與神策相懸絕固非敵矣懷光又疲

屯遠來遠與涓武俊之師相抗會趙琳趙萬敵以勁騎橫擊我師大敗決河灌注餉饋路絕由是秋夏相持師不亟決四叛連衡壇坊借擅故魏州之敗由李懷光之爲也鎮人既殺田興於是其子布將魏博之兵討亂謀非不善也奈何布無應變之才而徒以忠誠自將且不能以私警激怒將士由是兵潰南宮而取歸史憲誠矣雖刺心以謝君父何有銖髮之補哉故長慶之失由田布之爲也滄景既平憲誠有齒寒之懼請納地效順詔以李聽代之魏人傳嗣累世不樂天子約束久矣時議請假道以討元志紹爲聽計者其亦宜倍道兼行乘未備而入境顧乃遷延館陶按軍不進謀洩計露於是魏殺憲誠而帥何進滔矣已而城閉不入師遂驚潰溫造以魏亂職由於聽豈虛也哉嗚呼懷光懷恩叛臣希情蘭尹固不足誅若燧輩皆一時以名將稱機會一跌喪威稔寇菁參之墟訖若亡不能取是可太息哉

論彰義

九集七

七

憲宗以元和九年秋討至十有二年冬十一月然後元濟就獨柳之誅嘗私怪憲宗以英銳之資而制一孺子據上人之勢而討一叛臣圖天下之兵而搏蚍蜉蟻子之聚將李愬光顏之朋而與趙玉仁清爲敵當吳蜀江東澤潞易定魏博底平之後破竹迎刃之勢而致討於最爾之三州破石投卵未足爲易宜其咄嗟談笑之開摧滅破蕩顧乃涉四年而後定嘗竊遲之論者曰自希烈盜蔡而少誠踵之彌四十年民不知天子之恩澤習暴掠嗜搏鬪宛然有夷貊風又趙翼其北承宗爲之援齊隱其東師道爲之謀內恃破浸以爲阻是以擊兵累年官軍僅克其一縣底定若此艱難也嘗竊迹其事故以當時廟堂有二失五敗而已討蔡之役未竟而堂堂之師又出於鎮莫之郊於時李絳謂蔡鎮不可並取韋貫之請釋鎮州專力淮西張弘靖謂戎事並興鮮克有濟請俟淮西平乃治承宗而謀適不用方且命劉總與武強之役諉郝士美舉柏鄉之戰是以勢分力屈兵不堅決其失一矣李逢吉險誦王涯暗

沓非惟才識不足屬大事且忌裴度有功陰圖阻止排抵中傷訛訛百緒而帝不之察願使與度併肩當國由是二子得與錢徽蕭俛輩共爲首鼠而屢有休師之請逮至十二年逢吉始罷十三年涯始出不既晚耶其失二矣杜牧論兵謂元和誅蔡天下乾耗四歲不能取由五敗不去也尋牧之言誠中時病當是時調兵詣道名爲客軍每戰客軍居前主人在後志氣力弱多致敗此董重質所深恨也則牧以不蒐練爲一敗信矣韓愈請四道置兵道率三萬乘時逐利一日俱縱則蔡首尾不救可以責功吳武陵欲分三大將環賊而屯以實期授瀕蔡諸將而以三期約賊皆指日破賊計也而不議出此是以師老兵弱餉不繼天子至出禁錢以贖軍程異諷諸路輸貨李鄴先諸道籍府庫皇甫鏞且因是得宰相則牧以不責實料食爲二敗信矣韓弘爲都統以官齊王鏐爲恥陳書自列遽授司徒班鏐上他時諸將告捷輒累日不怡逗撓若此而受賞每與諸將埒雖裴度猶畏之至避更張琴瑟之語則

九集七

八

牧以賞重爲三敗信矣袁滋去斥埃與賊通好六月無功而止貶爲刺史高霞寓輕悍寡謀統制不善敗於鐵城而旋召爲將軍嚴緩有磁邱之劍令狐通有馬塘之敗而未聞斥責以勵將卒則牧以輕罰爲四敗信矣崔峻爲監軍李義成爲制將謀畫不同進退掣肘一曰爲偃月一曰爲魚麗三軍萬夫目翔愴况之閒賊騎之來每至折北則牧以不專任責成爲五敗信矣鄉使二失五敗無可議之迹則緩不過歲月無蔡州矣何至曠日持久而後勝相府有橫屍之禍陵戟有燔毀之辱乎議者徒見德宗合十六道兵以討少誠濃河廣利五樓之役相次而敗尺地一級無得焉未幾愴韋臯之說聽賈耽之計而復其官封終其身不能臣也憲宗由裴度而得李愬由愬而得王士良而得吳秀琳由秀琳而得李祐遂定襲蔡之謀而赤叛者之族遂以德宗爲稔寇憲宗爲成功殊不知憲宗特賢於德宗耳兵法有役不再籍憲宗何預也

論鎮冀

志宗再驚成德出入十年叛漢之臣訖不能羈致闕下問罪之師方與舍糊之詔已行偷安留毒縱蛇豕而勿之搏元和史策未嘗書某口克趙而司農賦入卒無鎮奠之半故焉論者皆以厭兵縱敵威令不振歸過章武愚則以為羣臣謀算乖失謗有所分矣丁未詔書赦承宗而班師者謀失於白居易庚辰詔書赦承宗而受地者謀失於田弘正初承宗拒命劫囚薛昌朝拒卻景宗信於是詔削官秩遣神策河中河陽浙西宣歙兵進討時元和四年冬十月也雖吐突承瓘非制將之才鄭定進有喪師之悔然精兵剽帥雲翔電合張茂昭有木刀溝之勝劉濟有饒陽東鹿之捷高霞寓多獲鐵仗田季安自辦餉億盧從史逗撓顧望陰相嘯結又已縛送京師矣賊勢困蹙上書請罪警釜魚喘息勢不支久朝廷誠能遣名將督戰以代承瓘則削平速寇咳唾聞爾居易反謂不亟罷兵且有四害其說與李絳權德輿相表裏嗚呼居易風節挺立唐名臣也至此則不得無罪其後承宗益桀謀援蔡兵燔河陽倉斷

丹雘七

九

建陵戰殺丞相傷御史於是絕其朝貢出河東義武盧龍魏博之師進討之時元和十年秋七月也時雖營屯離置主總不一然諸鎮銳兵凱捷踵至燕人敗之於武疆魏人敗之於南宮鄒士美兵銳登最有功帝以為能辦我事於是殷侖招諭而聽命柏耆齊說而承宗已破膽矣於時齊蔡既平而賊無脅齒之振管如破竹數節之後迎刃而解朝廷誠能遣一乘之使緩頰鉤說使籍地自效不聽則舉兵剿滅之臨淄渤海之地可全有也弘正反因其請救而表于上欲效三軍質二子而緩兵朝議不欲忤弘正而猥徇其請於是十三年四月詔罷兵而赦承宗矣嗚呼弘正去汙效順唐功也至此則不得無罪機會一跌百年不復承宗得完首領憲宗有失刑之議成德之地終唐不能有二子而誰責乎帝之詞禁也沮議百出錢徽蕭俛之徒交請罷兵惟韓愈謂持之不堅傷威損費毅然致誅由是師出有功至成德之役則搖於浮議而志不堅決所謂師老力憊而訖無成也成敗異變功業相反無他

斷與不斷而已
論盧龍

豐爵秩以塞其饒觀之心峻絕檢以抑其豪銳之氣知是說者知御將無事而蒐練則警急有備平居而撫養則倉猝可使知是說者知制兵今夫載筆之士追咎長慶之失皆曰崔植杜元穎不知御將蕭俛段文昌不知制兵由是燕薊之地已得而更失劉總擊八州效順懼部將潰亂先籍朱克融輩送京師欲朝廷割疆土處之使北方欲豎其龍不復甘亂當時柄廟算者慮不經遠徒知五兩半通之命為可愛而不知慰其羈躓之心既又弛檻縶而縱豺虎由是克融披擲不可制實崔杜二子之為也穆宗初兩河無虞遽議僱卒建請天下鎮兵歲俸十之一為逃死不補謂之銷兵既而籍卒迪散嘯聚為盜克融一日收用之朝廷募烏合充戰疲瑣不能支敵遂失河朔實蕭段二子之為也愚以為不然蓋始不用裴度而用張弘靖盧龍所以亡終不用裴度而視賊不討盧龍所以不能復就使當時無御將處兵之失碣石之野亦未必不亂何者張弘靖傲虐自肆燕人苦之於是囚之薊門而挾眾亂彼所欲逐者弘靖耳克融雖不北還彼謂軍中不可一日無帥將不取豪健得眾者擅立乎又況弘靖之囚也眾請朱洄為帥謝老疾而後以其子克融領軍務使朝廷徇總之請而以鉅封劇鎮付之克融則洄且自為之矣父子影會舉兵連衡禍未必不更大也故愚以為崔植杜元穎之失未必能致亂元和十五年正月僉文昌始當國明年七月克融已叛銷兵之議甫一歲耳十分天下之鎮兵而不補其一又始二歲失職者未甚夥也王廷湊同時反趙亦收用之則克融所得又其半耳克融有畔渙之志雖無失職之兵豈不嘯引凶黨用之乎李懷仙朱滔犯順亦豈因朝廷所銷之兵耶又況克融拱手安步坐享旄節朝廷未嘗致討而克融初不用兵也故愚以為蕭俛段文昌之失未必能致亂然則一日而亡地數千里由不用裴度而劉總入朝請折八州為三道以弱燕薊之勢其

丹雘七

十

以不能復就使當時無御將處兵之失碣石之野亦未必不亂何者張弘靖傲虐自肆燕人苦之於是囚之薊門而挾眾亂彼所欲逐者弘靖耳克融雖不北還彼謂軍中不可一日無帥將不取豪健得眾者擅立乎又況弘靖之囚也眾請朱洄為帥謝老疾而後以其子克融領軍務使朝廷徇總之請而以鉅封劇鎮付之克融則洄且自為之矣父子影會舉兵連衡禍未必不更大也故愚以為崔植杜元穎之失未必能致亂元和十五年正月僉文昌始當國明年七月克融已叛銷兵之議甫一歲耳十分天下之鎮兵而不補其一又始二歲失職者未甚夥也王廷湊同時反趙亦收用之則克融所得又其半耳克融有畔渙之志雖無失職之兵豈不嘯引凶黨用之乎李懷仙朱滔犯順亦豈因朝廷所銷之兵耶又況克融拱手安步坐享旄節朝廷未嘗致討而克融初不用兵也故愚以為蕭俛段文昌之失未必能致亂然則一日而亡地數千里由不用裴度而劉總入朝請折八州為三道以弱燕薊之勢其

策固善至請以弘靖盧士致薛平分治之則用人固已疏矣奈何
棄度不用又全以總地寵之弘靖之帥幽州也不能因俗製變遂
致軍亂彼魏始降而度往宣慰也徧至屬部揚天子恩澤魏人歡
服使之代總必不肯如弘靖廢削軍費取緡錢二十萬供私費矣
蔡始平而度往視也以蔡牙卒侍帳下使之代總必不肯如弘靖
肩輿障蓋與士卒殊勞逸矣度嘗建請私第見士延俊英訪籌策
必不肯委成參佐旬一決事罕見將吏矣度之入蔡悉除元濟偶
語饋遺之禁必不肯專以刑法根治吏士矣總之降也誠能起度
於河東而付之弘靖之重寄彼將恤乏弔災豐犒而勤卹之則盧
龍何自叛哉此策之失一也夫既不能用度而產患若此矣克融
拒劉悟使不得入旋以易定為寇於是時誠能合集銳師北首燕
路而以授鉞之寄屬度則已失之燕談笑可復觀夫克融之援廷
湊也度移書開說遂請罷兵其執楊文端也度畫二策即日聽命
韋處厚曰使度位廟廟則幽鎮自臣使二鎮還者皆曰裴度居東

丹集七

十一

人情失望奈何帝冲逸而弗知用也且在先帝時戮師道而平齊
誅元濟而平蔡承宗獻地程權入朝皆自度謀畫之致豈獨幽州
而無功乎此策之失二也穆宗席前世之烈不馳一戈不亡一鏃
而坐享幽燕之地未及轉盼而復陷於賊議者謂幽州幽陰慘毒
其民剛疆厥田沃壤遠慕田光荆卿之義近染思明祿山之風忘
忠嗜亂殆非人力所能為愚獨以為皆不用裴度之過

論澤潞

用兵有六要而敵之堅脆不論也抵排浮議則計不搖要結外援
則力不困師整而壯則有剽疾之功將專而勇則無折北之慮孤
其勢則我益強擣其虛則我滋實六者兼備而敵已困於冥冥矣
嘗觀會昌澤潞之役劉稹有可誅之形武宗有決誅之志而丞相
德裕有能誅之功指蹤受勝六要且舉茲所以堂堂潞子之邦訖
不淪於篡逆也迹夫劉悟死而從諫欲主留務實曆之君違李絳
之計而徇王守澄之請於是舉五州而棄之已而擅兵長子陰連

訓注致論二蕭欲清君側迨至從諫因崔士康而以符節自擅謝
醫拒使檢商閭貨脅其君而勦其民上憤下怨所謂可誅之形也
武宗以內地叛渙銳意征討使者不入則謫隸蒞陵賊使遠來則
杖死京兆彼能緩茂卿之賞而不疑禽太原之兵而不赦李悟乞
降而不從崔碣請納而遠逐羣臣議罷兵者誓戮之於境上茲所
謂決誅之志也至於巨謀纖計算不失一而六要具舉則又出於
德裕何謂抵排浮議則計不搖始議用兵沮梗百緒或曰劉悟挈
十二州還天子當使遣育或曰從諫兵強食足未易可破廷臣皆
姘嬰趣和并為一談獨德裕以羸縮勝負為兵家之常而慨然以
身任責故謝卻陳夷讓易置李宗而賊已喪膽矣何謂要結外援
則力不困上黨之地前觸魏側肘趙魏人馳勁騎不三四日兵交
於漳水西矣趙人出堅甲不五六日兵合於泚水東矣形勢便
封略相錯也德裕因救李回論旨使二鎮出兵於是王元逵次臨
洺何弘敬柵肥鄉左排石掖而賊無炊火馬何謂師整而壯則有

丹集七

十一

剽疾之功異時團諸道兵有所討伐尺布斗粟仰給公上多逕延
以耗供億甚者約賊令解守備得一屯一縣則獻公要賞德裕因
救諸將直取州勿攻縣故邢洺繼降而劉稹氣索矣何謂將專而
勇則無折北之慮異時閭寺掌兵進退掣肘監軍取精剽士以自
隨而以疲瑣者備行陣師小不利則卷旂自遁大兵輒隨以北德
裕建請詔本道付宰司乃下監軍不得干凡事百人取一為衛又
王宰觀望而薄責由是石衛以勝聞李產佐逗遛而遣代由是烏
嶺以捷奏何謂孤其勢則我益強李不善長短術軍中雅疾之脫
族自歸議者疑為賊遣德裕建議討賊半載始有降者屢賜不厚
何以勸餘於是擢刺忻州而賊姬慟泣未幾裴問以邢歸趙王釗
以洺款魏高玉魏元談輩以次降附而賊無與戰矣何謂擣其虛
則我滋實先是河朔諸將死即如弔祀申以冊贈之使重以宣慰
之人度軍中便宜乃與節軍中不許始用兵大抵不半歲不能定
故誓將逆子因得固巢穴積叛謀德裕請乘其未備討之於是倉

皇號慟而二十六載之連寇平矣或曰劉悟以此始則郭誼以此終始天道好還愚獨以為一出德裕之功也至賊平之後以郭誼戮斧而不赦畏諸將請地以盧弘正團結其州又見其謀畫之善詩云式固爾猶淮夷卒獲德裕有焉史臣謂武宗用一德裕遂成其功諒哉

外戚論

人君有天下而未知治亂得失之機胡不取前世之已事觀焉某事果利乎循而行之某事果害乎矯而變之庶幾可以遠禍亂基太平也今夫天子以一身而制天下者以有權利也惟利可以役人惟權可以制人是以不出殿陛而天下惟吾之聽苟不能慎惜名器而輕以假人倒持太阿授人魁柄則晚節末路抱持虛器而威勢下移矣況外戚之倫少不知學粗富貴之居則志易以借挾禁掖之勢則權易以專其始盜天子之威福為予奪以劫持天下天下既側目而畏之則還以恐喝於上而邀望大利矣君人者奈

丹集七

三

何不加抑遠而使之立朝乎西漢之業以外戚亡愚嘗惜成哀之君縱不能遠取前世事以為龜鑒胡不以祖宗之得失耳目未遠者觀之乎始文帝以後弟竇廣國賢有行欲相之既而曰恐天下以吾私廣國卒拜申屠嘉元帝以馮野王行能第一欲用為御史大夫既而曰後世必謂我私後宮卒用張譚是二帝者矯私徇公若此其蚤也迺絕外戚之亂若此其甚也繼其後者若之何不循而行乎異時呂氏盜朝產祿肆亂不有太尉主兵而北軍助順則海內危矣霍氏繼起禹山專制肆行非度陰有異謀非宜皇帝殺然加兵則宗廟恐矣彼二氏者柄朝未幾而產害已若此繼其後者若之何不矯而變乎悲夫建始以後政柄旁落歸於王氏五侯羣弟更迭弄權威勢翕青紫充滿排擯宗室孤弱公族誅戮亡忌擊斷不清而當時之君瑣瑣碌碌曾不敢舉手開喙以預天下事自王章以直言誅劉向以正諫黜而忠讜之士卷舌矣杜欽谷永之明方且逆望風旨掄揚贊頌而張禹孔光共為持祿計不肯

吐忠實於上由是漢室彫弱不振至於賊莽則大事去矣彼且文飾休符招致琛贖作為石匱大誥之書以愚弄天下則漢欲不亡得乎噫自古天下敗於外家者惟漢與周然隋文帝東平全齊而西破巴蜀五王奸謀同日摘發則於宇文氏不為無功方之安漢可異日談也

衛青論

衛青起於奴隸顯於戚里而終以闔外之功封侯裂土延及穉穉三子同日受封而裨校皆得爵士雖曰知兵勝敵然其德度亦自有以致之方是時武帝在上大臣少麗罪則誅戮隨之青獨能保身以沒可謂賢矣且天子之大柄二一曰爵賞二曰誅戮而青於此皆遠巡退避而不敢專此其所以能保身者嘗曰自魏其武安厚實客天子常切齒彼親待士大夫招賢黜不肖者人主之柄也人臣奉法遵職而已何與招士此不肯侵天子爵賞之柄也蘇建盡亡其軍周霸之屬皆請斬以立威青曰青幸得以肺腑待罪行

丹集七

四

閒不患無威儻歸天子使天子自裁之示不敢擅專誅於境外以風人臣不敢專權不亦可乎遂囚建行在此不敢侵人主之誅罰也以此令終不亦宜乎

重纂太宗皇帝御書飛白玉堂記

紹聖初天子躬親聽斷登用者傑協圖康功昭祖宗之遺憲而
崇起之其大者固已措諸政事而福天下矣其纖悉者亦欲恢顯
而不沒也於是翰苑之臣建言臣幸得以文墨俟罪禁近國有寵
恩後賜而澗洎不宣無以夸豔等輩臣之恥也昔太宗賞飛白玉
堂等四字專賦詞臣而院榜未易雲章奎畫鬱而不揚殆無以邊
天下耳目臣願敕有司撮取玉堂二字臨微而揭之俾觀聽者咸
知太宗眷禮儒臣甚渥且使臣等夙昔窺望有榮耀焉惟陛下幸
察制曰可由是淳化睿藻巍然玉堂之上矣有旨命為文以獻
臣竊惟太宗皇帝手提干將佐佑太祖芟夷連穢蕩五強寇如燎
毛髮紹祚之始獨晉人未訖天誅金鼓一臨蒲伏請命餘分間位
既平既一三辰宣精戎貉軌道農扈奏功俗富無窶熙熙乎納俗

丹陽集

軒農之右矣固宜繁林芴之觀盛金匱之奏雍容無為明示德意
而曾此弗樂也方且恢儒右文游意六籍引天下瓌俊納之禁途
機務閒隙則披懷虛己與之推略墳索嚴除西清婆娑翰墨伸紙
濡筆以既賚臣下咸足以寓懲戒而激忠讜嗚呼其規模深遠哉
尋其宸畫之工前無倫對心應手得飛動變化旁點斜階含蓄精
意八文六義陰藏陽規殆非八十一家所能窺見髣髴猶昭回
之光下照羣物悉燭烏能抗之哉初蘇易簡以詞學被眷遇恩禮
隆淡他學士莫及嘗進續翰林志上賜詩二章因書四字寵之謂
曰異日為玉堂美事易簡拜賜即集僚佐競玩縱觀詔遣中謁者
馳賜尊酒日命內養具膳於時大丞相李昉以下咸即席賦詩以
飲豔其寵上曰諷卿等詩益知儒墨之盛而學士之榮也夫待之
重則人不敢自輕遇之勤則人不敢自懈聖人蓋將為後來勸豈
專為易簡設哉惟飛白始蔡邕而唐文皇高宗嘗以賜劉洎郝處
俊其迹雖與今略同而輕重實不相準蓋太宗於洎容其登牀獲

取則禮廢高宗於處俊以六翩待之而緣事退斥則恩亡是皆瑣
瑣不足望太宗餘光而字畫工否尚不論嗚呼眷獎臣下非太宗
無以昭其仁丕揚前美非先帝無以篤其孝凡我視草之吏永敬
之哉臣愚賤不能究盡聖德姑記梗槩云臣謹記

宗正寺少卿壁記

昔周之盛時封同姓五十三國而公族之居王朝者尚眾始置宗
正以糾正之所謂形伯為宗是也後世因襲不改先漢位九列後
漢秩中二千石率用宗姓唐制卿一人從三品少卿二人從四品
雜以同姓異姓充選天祚宋德宗庶繁衍景祐中始詔推擇屬近
望高者二人判大宗正事至纂修玉牒屬籍則用他官兼領神宗
皇帝董正治官筆置九寺深惟慶系之重聖神在天實鑒臨之且
奕世帝籍若譜牒昭穆之序皆隸宗正不可與他寺等故班秩特
高然卿少虛位弗置專以丞董寺事者以有太宗也上嗣位廣延
眾正大修廢官崇盛某年始命鄧祐甫為少卿以後復三代賓興

丹陽集

法念宗子之俊秀奇異者亦宜教養而官使之詔即廣親諸第建
六學凡三舍校試升遷法悉視靡泮而以寺長貳總之宗正選益
重矣逮今十餘年開所閱二十餘人類能以勳績自見為時名臣
可謂盛哉寺故有玉牒殿籍屬堂面勢偏曲室宇湫陋不稱天子
尊祖睦族之意歲在丁酉詔徹太醫學以廣寺治發德音委大匠
護役不數日而屋若干區為之一新既落成因集前人名氏且敘
建寺首末併刻之使後來得以考觀焉

軍學記

相州學故棲城北治平三年知制誥錢公公輔知軍事病其湫隘
相城東南得寬閒亢爽面山背市秀氣磅礴之地徙焉後歷歲三
十軍右正言孫公諤復新而大之穿池瀆水以毓芹藻類林之盛
稱雄江東自是郡人賜第於廷者踵相躡建炎己酉兵火學不燼
者十三歲在戊午丹陽洪侯自臺郡出守始用幣先聖視荆棘瓦
礫之墟愀然弗怡慷慨自念古之學凡絕禮閱樂習射者藝養老

受成獻囚告誠無不即焉政治不可以一日弛則學宜亦如之豈當計時之險夷而為緩急崇替哉故魯頌修泮宮而鄭刺廢學校吾其可諱勞愛費以毀墉傾屋累後人耶明年正月乃發羨調允粹募眾工約舊制而興役七月乙未告成肅賓佐師生耆老行鄉飲禮落之會先聖四十八世孫尚書副郎端朝來省廟實預在席儀門正殿授經之堂肄業之舍若屠廩饋饗之所莫不雄深巨麗以文正范公嘗為掾曹初迎師加惠學者因增置房祠祀之傲闕里廟繪伯魚子思二侯像於堂東西殿故位十哲而無羣弟子像侯諷家語史記諸書定為七十子又古今儒先二十有六人皆繪於壁俾從命祀凡尊爵豆登篚洗之屬傳經考古更製而簿正者無慮數百器斥閒田之在官者為永業以食來學者聚古今墳籍且萬卷以迪多聞之益季課月試親論辨而升黜之旁郡學子鼓箐而謹趨者相屬也郡人欲刻石記其事以無忘侯之德狼以屬予予謂自艱難用武以來仕者以墉室賦筭為急或嬰意庠序類

丹集八

三

指為左計故茲學廢且十年至以論堂貶而教官之舍更處他官及侯鼎來事不謀於僚屬費不資於士民奮然改築則夏屋百區不旬歲而訖工蓋天下事因循苟且則雖小不立先定其志而後之絃歌餽粥於是者能不因常人之廢墜而潛心聖道拳拳鑽仰則由聖人嚮初而升堂視與不雅也功業之炳煥特餘事耳嗚呼大學之道豈謂攜章繪句登場覓舉而已哉侯意儻在是故予樂書以告焉侯名興祖字慶善山分教吳興召見登館閣於書無不讀尤邃於春秋二禮皆著為義說推其素學而施有政宜不紊於次第也使所蒞者大其見效將何如哉紹興十年三月丙子記錢氏遂初亭記

吾邦之賢有御史錢公安道以勁節危言伏一世其仲弟曰持道以冲操自晦於文籍詩酒之閒嘗作遂初亭於梁谿居第之東偏日與賓客游居而樂之無幾何族人取均輸子錢而居第若亭併

籍於有司會大姓有怙勢者風縣官執法沒入之而以自售持道歎曰先人之慮所以庇子孫者不可自己而為勢奪因三走京師上章自訴而復歸焉又二十有二年而火於金人亭之不燼者十六其子紳振取遺材改築於漆塘之墅既斷手則又歎曰是嘗失而復得嘗償而復興是又天相其初志而遂之也乃復用故名榜之而屬子為記余謂斧木於山費不能一金而必取廢材為之者蓋孝子日視棟棟之舊而雨露悽愴之感生焉示不敢忘其先也然不廢其遺棟者其孝小不墜其道德者其孝大伸仲始任軒然以名節自命所至有直聲及賜對所論有人不敢及者談者謂挺挺有先御史風烈已而勇自退縮結屋數十楹於巖壑佳處取舊所聚書數萬卷伏讀之茂林修竹奇葩異草可以舒憂隘而快窺臨者靡不備引泉而瀦之為高下之池三度地而荒之為大小之亭四食宮祠之祿以自怡者至六滿秩是殆又欲以先君子之隱德自勵雖然君子之出處視時與道亦何常之有彼安山林而不

丹集八

四

知出狙榮利而不知返皆一曲之士也昔晉孫興公隱居會稽遊訪山澤累年作遂初賦以寄意天台山賦亦云世事都捐若無經世意矣及大司馬溫欲徙都洛陽眾懼不敢為異獨興公上疏極論之今雖欲逃名而名歸之雖欲避世而世即之任政恐不免然則不尋遂初賦而起為時用行有日矣神今為朝請郎仲其字也并系以詩慨憐晞儒先夸毗畏家戒九萬鵬程賸三四狙公賣無靈歸卻掃初服遂冲榮功名付噲等登臨從漢輩此亭襲嘉名永矢佩先誨綠筠寒脫簪蒼松老敬蓋家儲內閣書辦與聖賢對投饋謝家國預事那可再不學孫興公婆娑陳利害

陳去非詩集序

世言詩能窮人唐李太白號謫仙然以樂府忤妃子卒阨窮不振劉夢得坐種桃句黜刺連州白樂天坐新井篇黜佐湓浦孟浩然賈浪仙輩俱有能詩聲然以詩忤明皇宣宗終坎墮州縣故言詩

能窮人者取是為左驗予謂詩非惟不能窮人且能達人今夫窮
閩挾策之士生右文世病碌碌無以自表見爾使具能以詞藝達
細氈之視而被華袞之襲則塗轍之升一歲九遷不為銳孰謂詩
人例當窮哉參知政事西洛陳公諱與義少踔厲不羣篇籍之在
世者無不讀既讀輒記不忘政和三年以上舍解褐分教輔郡益
沈酣書傳大肆於詩文天分既高用心亦苦務一洗舊常畦逕意
不拔俗語不驚人不輕出也宣和中徽宗皇帝見其所賦墨梅詩
善亟命召對有見晚之嗟遂登冊府擢掌符璽向進用矣會兵興
搶攘避地湖廣汎洞庭上九疑羅浮雖離厄而能以山川秀
傑之氣益昌其詩故晚年賦詠尤工搢紳士庶爭傳誦而旗亭傳
舍摘句題寫殆徧號稱新體今天子夢想名士以臺郎召還以詩
文被簡注徧掌內外翰無幾何遂以器業預政所謂詩能達人公
殆其一也彼有旌殿閣微涼之句而親題禁苑賞春城飛花之句
而擢守宣城者誠么麼不足道紹興壬戌毗陵周公蔡自杜史牧

刁美八

五

吳興郡刺裁豐暇取公詩離為若干卷委僚屬讐校而命工刻板
且見屬為敘蓋將指南後學而益永功名於不腐在詩有之載色
載笑匪怒伊教又曰有斐君子終不可諉兮賢侯處心一舉而二
美具可無述哉

中散兄詩集序

虛室先生宣和五年以中臺郎賜對上意鄉之且拔用先生以所
親當國力求閒秩歸避請寄之嫌以退為進人士驚其難能自是
浮沈里門絕意華顯會金人內侵居第傲業俱火廩祿不供兒妾
瀆於飢寒而晏然無限穫之色奔馳避地禱寂求志之餘不廢作
詩傷時憂國感慨憤發一以章什舒意一日閱舊藁斷自初仕以
來擇其合者以歲月先後編削成集凡若干篇離為若干卷屬某
為之序謹按先生結髮學問與兄弟同受教於先人少師清孝公
非疾病未嘗一日去書不觀歷代史若百家雜說皆手鈔而心記
名高眾俊既入官文藻益宏肆掾琅琊日嘗考究其州山川地理

古迹姓氏應典籍者為書上於九域圖志局精深詳博為天下第
一首膺進秩之寵蓋先生所長不特詩而已昔司馬遷歷遊郡邑
故文增秀傑之氣張燕公得江山之助故詩極淒惋之美先生以
使事行天下幾半名山峻壑瑰偉卓絕之觀無所不歷今其詩粹
清而氣壯平淡而趣深亦豈勝遊之助耶平時與伯氏太史金紫
公若羣從酬唱居多以卷軸之富故不仿李義寶羣兄弟共為聯
珠花萼集以行於世昔王筠論家集謂崔氏應氏號累葉文才然
不過父子三兩世爾未有名德重光爵位相繼人人有集如吾門
者也予於江陰葛氏亦云先生諱和仲字堯卿虛室蓋其居也於
是為石中散大夫提舉江州太平觀

舅氏續千字文序

昔梁武帝得王逸少所書千字文雜亂不可讀命陳郡周興嗣次
為韻語以便臨觀後世謂之千文歐陽率更張長史道人智永輩
各有稟書本行於世舅氏侍其公亦好草聖書千文尤工好事者

刁美八

六

時得之輒以鑲石又嘗以巧意遷避興嗣所用字別製千言貫穿
經傳詞義粲然豫章黃魯直見而抵之以書曰引辭連類使不相
觚觴甚有功當與凡將急就並行也千文為天下官府若市井簿
領會數之用久矣今增以續文合二千言凡取一字為母配以次
字為一號展轉相乘可計二百萬之數於世用豈小補哉公博學
善屬文此特一時弄筆為戲耳乃為簡牘無窮之用竊嘗謂樸微
物也而薪之樞之可以享上帝養聖神不龜手之藥賤藝也而習
以水戰大敗越人取封邑事小而用大者在古多有之豈特是書
而已哉公皇祐元年進士屢刺名郡所莅有政績官至朝散大夫
贈金紫光祿諱璋字良器

段拂教授字序

武威段拂字去塵金陵學士大夫也余為汝州始識之周旋既習
因告之曰塵固當去昔楚三閭大夫曰安能以皓皓之白蒙世俗
塵埃乎謝幻度之親識其學識不進曰為塵霧經心為天分有限

又六入之塵實與覺背背塵始能合覺凡此皆塵之宜去者也王
導舉扇障西風曰元規塵汗人王戎謂夷甫自是風塵表物夫元
規雖有富國召蘇峻之失終不失為名士而夷甫作三窟以自固
季年詔石勒以所免死雖塵汗人與風塵表物皆未必信要之論
人物者以濯濯絕塵為貴也今吾子氣調適往輔以學問為文詞
卓然絕去翰墨常徑分教三郡所至人士皆喜之慈祥粹和與物
無忤不必矯揉自與道合豈復有塵可去哉荀卿子曰諫爭輔拂
之人社稷之臣國君之寶也國有大議奮然撓鱗逆耳規欲排難
解紛而盜以身為僇辱百世之下猶凜凜有生氣此豈患失鄙夫
所能為哉吾聞士不自輕然後能任天下之重吾子斂然靖退自
遇若九鼎他日進未易量也願以寶輔若寶臣為字

贊能長老字序
始予為吳興聞智海禪師能公徧參諸方得教外別傳之旨為其
黨所宗即撤住德清之順慶院後五年予攜家就食吳興之別業

其集八

萬景山寺則智海在焉蓋自順慶改尸禪席相從累月見其身護
毗尼以律度眾人益多之師字無會居一日謂予曰以能為會因
緣出見於世其有濟物利身之功假使其智辯人滿吻伽沙有百
千萬億舌於那庾多劫不能讚述佛功德之少分然一言以蔽之
者曰仁而已故世尊號能仁其徒服佛之服誦佛之言行佛之行
皆廣物之仁者也而傳正法眼藏為道俗判替而發部則廣仁為
尤大敢請易字廣師勉之矣他日予退歸山林聞江湖大叢林有
善知識為佛法作師子吼而椎鐘擊鼓粥飯數千人者必師也矣
書後

書淵明集後三首

淵明為建威參軍從都還阻風於規林賦詩落句云靜念園林好
人閒良可辭是歲晉隆安四年春秋三十六明年赴假還江陵夜
行途中賦詩落句云投冠旋舊墟不為好爵榮蓋壯齒作吏而邱
壑之志已堅卒踐其言自彭澤歸優游家巷二十有二年以沒與

謝傅東山之志異矣歸田園居詩第六篇所謂種苗在東皋禾生
滿阡陌者非淵明語也蕭統湯休之輩不能辨撰真集中東坡居
士盡和陶詩亦次此篇之韻殊可笑按文選江淹作雜體詩三十
首以擬三十人有邯鄲託曲於李奇士季假論於嗣宗之說此篇
政淹擬淵明作爾文選統所纂東坡非不精選理者皆不能證此
乖誤何耶南史稱淵明自以曾祖晉世宰輔恥居後代自宋武王
業漸隆不復肯仕信然子觀其讀史贊首述夷齊云二子讓國相
將海隅天人革命絕景窮居次述箕子云去鄉之感猶有遲遲矧
伊代謝觸物皆非蓋自況也頃在東魯有以淵明畫像見觀予贊
之云欲仕則絃歌必求欲隱則著作不就欲臥則遣客而醺酣欲
飲則從容之邂逅欲辭則檀道濟之梁肉必麾欲取則顏延年之
貨泉亦受夫惟任真自得而穎脫不羈所以為無懷葛天氏之民
而超三季之澆陋者乎淵明於阿舒輩始作詩命之繼作詩責之
終作訓曉之且曰吾匪勉辭事使汝幼而飢寒抱茲苦心良獨罔

其集六

罔又以同財共居為治命無惑乎杜拾遺笑其挂懷抱也後漢逸
人王霸見其友令狐子伯子車服有光儀矩甚適而其子歸自田
畝蓬頭歷齒因媿臥不興乃知父子恩深雖外軒冕士視身榮悴
如二五與十而於子則不能忘懷每如此雖然淵明知任真而已
豈預恤後世之譏議若拾遺能觀物反身則知愛阿舒與宗文何
以異
歸去來辭自序云仲秋至冬在官八十餘日自免去職乙巳歲十
一月也乙巳乃義熙元年而晉史云義熙三年解彭澤印綬去淵
明自序不應誤當以乙巳為正遊斜川詩云辛丑正月五日與二
三鄰曲同遊斜川詩云開歲歎五十以紀年考之辛丑乃隆安五
年淵明始三十七若癸丑則義熙九年淵明四十九正與詩合當
以癸丑為正五六月北窗下涼風何處無之何人不遇至心與景
會遂能背偽合真自致於羲皇上者獨淵明而已其詩云蕤賓五
月中清朝起南廳不駛亦不遲飄飄吹我衣歸來引亦云風飄飄

而吹衣意淵明進禦寇乘風之理因以視道也至若樹木交蔭時
鳥變聲輒歎然有喜豈在物耶聲塵種種皆道所寓惟淵明領此
昭明太子指閒情一賦爲白璧微瑕且謂亡作可也審爾則詩人
之變風楚人之離騷皆可刪矣晉孝武末途沈湎酒色何知非諷
刺上耶其序云張衡作定情賦蔡邕作靜情賦皆有助於諷諫綴
文之士奕代繼作予觀張衡定情有云想踰里兮折杞檀懼龍吠
兮我所驚與國風何遠蔡邕靜情亦名檢逸魏文帝愛之因擬作
正情賦且命陳琳徐幹王粲阮瑜應瑒並作其後如陸機之閒懷
袁淑之整情皆佳筆也謝惠連亦嘗作百許字未就而卒詞人深
以爲恨使淵明此賦果可無作則登徒長門高唐神女等賦統何
爲著之於選耶

子瞻爲徐州謂淵明無絃不如無琴後悔其言之失淵明自祭文
云辭逆旅之館永歸于本宅蓋反其眞之說也子瞻復詆之云生
獨非眞死獨非寓未知何時復悔也窮達命也出處時也不可預

舟集八

九

計至若孝弟之行若人之朝飡夕膳不可一日闕者韓退之傳歐
陽詹云讀其書知其於慈孝最隆余於淵明亦云古今人士頌淵
明德美眾矣罕有頌其孝友者作五孝傳贊自天子至庶人寄寓
深矣哀程氏妹悲敬遠仲德弟文尤爲悽惋至於凱風寒泉之念
輿而述外祖孟嘉傳念禮服昭穆之遠而作贈族祖詩蓋所謂承
錫爾類者邪淵明垂死之文讀之令人恍然自失與今世悟道坐
脫立亡者何以異其曰惟此百年夫人愛之懼彼無成嗚口惜時
乃知其退歸不仕平生功用在此也

頌

端誠殿芝草頌并序

竊惟先皇帝臨制海縣十有六載駿惠前烈億靈華戎凡民所不
便若願欲而未獲者罷行之中外祀福咸有愜志曠典隆章以次
龜舉稽古禮文之事雅垂意焉紹聖制書若曰朕德不類獲執圭
璧事上帝常恐馨香無以交神明惟躬祠泰壇號國大祀而前期
齋戒宮止帷帟取具臨時已則廢微玩歲愒日苟媮弗虔如此將
何以配昭事而來福饗也哉有司毋諱勞其建宇以刻前陋工匠
人既奉詔則度地國南經營結築豐顯伉壯華質適中成於雍州
薦靈之元年而錫名端誠日南至上有事於南郊大次小次咸即
新宮於時初陽晏溫榮光繞壇燿燿既升淮獻竣事幽靈肝鬢百
鬼迪嘗孚佑降康簡簡著身越明年夏六月殿以產靈芝間舒彩
場華映盪天宇卓哉煌煌圖牒之上瑞王者之偉觀不可貶已彼

并序

有生於穹山峻壑而蕘夫牧人偶撥獲之者世猶族觀聚歎以為
創見也況乎雲崩清蹕展案紫壇而上帝既施誓誓昭晰如此其
事豈特芟芟而已哉噫無詩歌以記馨烈使芝房之奏專美前古
是殆司翰墨者過也語曰君子有酒小人擊缶雖不可好亦不可
醜徒取其意而已臣愚過不自料輒昧死再拜獻頌其辭曰
於鑠圓精臨下有赫厥業惟忱厥佑惟德蓄藏休符不輕付畀陰
騰監觀以待聖智允文先王君臨昭代敬迓天休昭事匪懈園丘
大報將藏上儀縕豫為紛以虔以祇帝曰惟宮品式未備往建齋
祠相我熙事元符謁款即於新宮垓壇參陟灌獻有容金枝玉梢
貳觴百末管蕭始升辟公對越瀆鬼嶽祇百神受職靈旂晏娒昨
以元吉煌煌靈芝產於端誠神山之秀瀛洲之英獨潔祥明形楹
是託走拱飛楹輝映翕霍菌蠢異狀或駢或離厥色惟黃表珍露
奇吐柯不凡汎彩惟茂蔓蔓九莖蕤蕤三秀神雀涵殿青龍習陽
託質左陋靈華不彰紫脫匪珍黃葵匪異脣草佞枝是掩是蔽昔

我章聖登封岱宗朱草薦祉其報在功於惟裕靈肇建原廟朱草
薦祉其報在孝惟漢四世亦生齋房圖牒披案受福降康宜作聲
歌式薦妥俯宜命繪素式傳永久曰惟景亮錫我神光式今之瑞
與之相望曰惟成陽朕我神靈式今之瑞與之兼美天佑聖宋子
孫千億下臣作頌以昭罔極

湖州烏程縣烏墩鎮普靜寺觀音閣銘并序

車溪佛刹普靜最稱巨麗而西廡觀音閣尤宏傑實吳江道者元
益創也道者姓楊氏生十一年而出家以寺僧惠清為師又七年
而落髮又二年而受具一日膜拜佛殿歸語其師曰應真不受弟
子禮起立云汝當為眾生作大緣事師異之自是不應齋供不事
深沐獨誦經听夕不懈俄發心造觀音像一軀且築閣以棲之費
費未具每齋恨太息因以鍼刺左目炷香然之復燼五指求化遠
近見聞爭委金幣躬即錢塘訪巧匠將斲旃檀預清齋七晝夜祈
聖相與天竺相準像成未愜志復燬右目匠者夜夢菩薩見形極

并序

了了覺而改刻遂成端嚴殊妙之相光跌皆具迎真其上寶元祐
三年三月也既諧志願兩目瞭然復明鎮人每歲首輒迎像市區
大供七日逢水旱禱雨賜立應道者嘗分衛至濟遠橋忽棄僧伽
黎服弗御自爾伴狂塵肆飲噉齋俗歌笑怒罵人莫之測市人爭
醉以酒雜致餉遺架點者或探懷取之醒輒造門求索未嘗一誤
嘗過天隱樓肆言今夕當慎火夜漏三更樓果煨燼大觀未忽結
巾為黃冠之飾人始不悟後果詔改僧為道士其前知預告皆此
類也政和二年七月二十一日以偈示眾云說時不曉曉時不說
六月嚴寒臘月盛熱珍重去兮清風明月閣三日無疾右脇吉祥
而逝開維之舌根不收隨煙燼所及得舍利甚眾得齡五十有九
僧夏四十有三世謂道者蓋觀音化身來此土子謂二十五無學
中觀音圓通為最由開葦開休三昧無作妙力成就三十二應入
國土身現比邱身其一也彼悲願無盡故欲徹塵界現身亦無盡
非演法度人則為厭植福何獨於楊道者而疑之法照大師仲珉

請敘其事於石乃敘而銘之銘曰

招提傑閣危干雲刹西阿相妙絕倫規摹天竺巧亂真鹿眉螺髻
超懸塵伊昔創始經營人補隨大士來化身運扶兩日五指焚咄
嗟金緋來紛綸普化一切入普門寶目八萬由聞薰翳除聲脫融
六根喪明復瞭何足云百爾祈禱應若神鬱攸橫空歸獨存永警
流宕歸旋聞

歙州祁門縣青蘿山辟支佛舍利銘 并序

辟支佛一名獨覺於無佛世出現調伏有情然其始皆生人中嬰
受眾苦起厭離相豁然解悟遂證果位如契經所載蘇摩大帝月愛
月出之流皆是也自如來示滅凡夫異生不知背塵合覺觀本性
空方迷謬頭流浪苦海而所謂獨覺者亦隱弗現則夫悲濟利生
之士求其戒體之所自出者崇建塔廟使上智觸境而悟若諦中
人修供而植福田其饒益方便豈細也哉青蘿山在祁門東五里
巖壑深複有瓊奇卓絕之觀自唐永泰中始建寺而湫陋褊迫不

并序

與山相稱來者以為恨元祐二年今住持道清師始嗣禪席惟行
與解二俱超然道俗信鄉之未嘗求而人自施未嘗勞而事自集
改營舊宇百五十區卑隘者斥大之漫漶者丹聖之植拱相輝像
設俱嚴意猶懷不滿也將建淨屠七寶巖會山郡通守李侯景淵
施所寶辟支舍利二十而邑民張洪首開檀施遠近附和委貨利
若材木者相屬遂以政和元年正月告成支撐巧奇規模宏麗露
盤寶鐸皆應經式今昭慶軍節度使開府儀同三司蕭陽蔡公嘉
其勤為書於大字榜之塔雖託於幽遐之境而顯名四方者緊公
書也是歲七月十日夜毫光出輪杪互數十丈色若火聚中且不
滅按阿含經云應起塔人一如來二辟支佛造塔功德經云未有
塔處於中建立乃至小如菴蘿果福勝梵天然則光景出現殆建
造翹勤之應也歟銘曰
犀角喻覺第二乘見無佛世乃出與如日西入續膏燈五滓昏暗
聊依憑寂不說法開真應神足變現時飛升遺骨戒定相薰蒸默

都千億數莫能偶得少分巖城騰覆以斗藪波七層夜出光相輝
玉繩赤髭白足見未曾岌岌榜字蛟龍騰永鎮江左高峻嶺

景德寺新鐘銘

擊鐘僧舍自我能仁幽息泥犁明警昏昕維擊既停音響雙絕當
知此時聞性不滅吳興梵刹景德稱雄乃按胤氏範金作鐘寶液
既融青氣純一制備甬壘聲無口鬱龍集辛亥紹興初元茲器維
則億千萬年

十八羅漢贊 并序

子頃官彭川以緇命水西老人陳慶福禪月畫大阿羅漢十八軀
其題識每軸三十餘字亦微禪月筆跡慶東髮工畫至是畫羅漢
已六十餘年能于閭中用筆蓋佳本也每歲考妣忌與生子之日
與初得建茶與僧自忌日輒設供至建炎戊申值兵亂併與家藏
書畫散失於毘陵東門第中自是借本以供紹興丁巳寓寶溪有

并序

鷲羅漢像一堂者筆法奇古疑蜀孫知微筆雖絹素已碎而裝標
尚新意忻然欲之以錢七萬售焉因續歲供不輟己未遊天台山
辛未次石橋前七日齋宿以四明茶及海南香作供且飯寺眾虔
祈靈應俄頃於西南峰現白黑衣尊者合三軀經行林間乍行乍
駐乍俯乍仰道俗若從行兵隸皆瞻瞻驚異既夕施餽錢命僧諷
經歌唄於曇花亭俄相續現聖燈數十輝燦表丈不類凡火亦眾
共見壬申復設茶供五百盞皆結異花退伏念此山神秀上應台
宿號不死之福庭靈仙之窟宅孫綽賦云應真飛錫以躡虛則四
雙八隻所棲舊矣然化身示現亦曠數年而一遇蓋有名僧賢士
捐軀毀體哀求而不獲者予以流落困厄之餘乃獲親觀光相豈
於五百賢聖夙有緣契也歟六月己未取家所藏像十八軸各為
之贊且識石橋所瞻以警世云

一尊者手擎巨石通長臂一鬼舒掌一鬼護頭各怖走
定力既堅肌骨如繚引而伸之可以擎山舒掌護頭二鬼威怖汝

墮幽處以七情故

一尊者面山石而立手執磬并杼下施斛食眾鬼爭取

音響雙絕聞性不空汝迷此覺墮餓鬼中佛子食已一念歸正若昏不知再聆我磬

一尊者乘六牙象沙彌一人執手爐其前

大道甚夷奚往而礙此香一鉢徧熏沙界有人摸象臆說據此堂堂應儀示汝全體

一尊者坐石縫雲衲小童穿鍼供之

逍遙泉石補綉衲衣洞視大千如掌訶型云何貫鍼乃屬僮僕者年大悲施汝微福

一尊者坐石巖中眉長數尺自以二手持之旁有石盆銅爐

立根六結如猴六窗眉獨非結倍長何傷盆水盪白爐煙斂青蒲團宴坐有人之形

一尊者在山中綠竹黃雲開桃花飄灑雲中現樓閣旌幡尊者

丹紫光

五

執錫杖立水中

飛樓自高飄花自下翠竹嬌雲無非幻者託足碧湖逝水馳奔無古無今不幻者存

一尊者坐石上龍王遣鬼使持疏請齋尊者以手接之

異象所招沙搏花落云何海宮以苦為樂供養我者非汝福田無來往相是甘露門

一尊者□□使僕經於匣立其旁宰官錦衣玉帶合掌而立

謂法為無持示眾目謂法為有祕之於積玉帶錦衣合掌何為不即不離為汝之師

一尊者手執劍立大海波中成黃沙地旁有鬼使

我有慧劍破煩惱魔能使海若不復揚波注視鬼王若以意告勿謂二乘是溝港道

一尊者立海波中左擎一珠右執錫杖有二怪魚昂首

溟渤異生大小相食方一瞬頃海波為赤珠示正性杖指迷津足

蹈天吳拯此介鱗

一尊者白衣戴佛一軀一宰官端笏立飛鳥銜花

三十二相難見如來端板銜花孰為來哉素衣□流如是如是習氣未除聊復爾耳

一尊者乘一角獸有紅雲數層手執如意

彼上人者乘獸一角佛日再明悠哉獨覺寂不說法示爾神通養和一指紅雲塞空

一尊者坐磐石手執經策空中有鳥銜花

契經在手不以口誦六用俱泯寂然不動飛鳥銜花徒勞致勤結習已空花不著身

一尊者燕坐上有白雲蠻奴持經樸之僧及居士膝跪

大士遊世浮雲無心淵默端坐已如雷音此無所談彼將何聽靈刹學人一撥便正

一尊者坐石上白毫光中現小紅塔鬼使擎拳禮拜

丹紫光

六

白毫光中支提湧出有起有滅則非真實二鬼胡為膜拜拳我塔無縫一念萬年

一尊者衣帶有刀尺拂子等手持衣帶而不繫旁有執錫杖人以刀解取諸物而不可得

六結已解豈復重繫執智杖人疑領此意寶志饒舌說齊梁陳胡為三物亦帶我紳

一尊者坐石上黃雲中有毒龍頭爪湧出尊者舒肘託鉢以手指龍若使入鉢中

出淵騰拳奮爪揚顯罪性本空毒從何來在昔迦文石室示異哉爾蜿蜒入我五綴

一尊者倚杖濯足於蓮花池中

八功德水妙花敷披云何聖者濯足渺瀰空王法中無染靜相剎那現前西方安養

丹陽集卷九

丹陽集卷十

跋

跋錢仲東坡詩卷

東坡賦詩時三十九歲矣其末云安道令賦有旨哉仲東藏歲久庚戌兵寇并與墳籍散後八年乃復得之天宮貴重始類六丁之取將神物護持終聞二劍之復合云爾

跋曹職方詩卷

故贈職方副郎曹公夢得以經術德誼高蹈州里工篇什篆隸自號松蘿山人景德祥符間隱然名動江左一時名賢尊仰之歿九十五年某為休寧令得其詩一百七十篇讀之句法雋逸既又於諸僧藍見榜額大字筆勢奇偉每想其邁往不羈之氣今觀此詩顧結字道楷屬辭精深且遇在政者謹甚又知公禮法士也前輩詞藝類不拘一律則世以聲畫臆論人物豈能髣髴徒觀公以違掖處家巷而州將尊禮之以詩先焉其賢亦可槩見

舟案

跋洪慶善所藏東坡書杜詩并判牒

昔張長史判訟牒筆迹高妙常熟老人猶知日陳牒求判而藏之沉東坡跡乎若其勝日暇時瑣窗棊几取精筆妙墨而書詩史中尤動人句其宜藏弄又非判牒比

跋褚遂良臨蘭亭帖

昭陵嘗恨虞永興死無與論書者魏鄭公曰遂良下筆道勁甚得逸少體即日令侍書又當時爭以逸少書求售真偽莫別獨遂良論所出談者不復敢異是篇河南所臨固宜與永和筆迹亂真也

跋吳子華帖

光化天復開唐祚如綴旒此何等時而子華兄弟營求塗轍猶如此其切乃知天下有道而以靜退望人士蓋未易也

跋洪慶善所藏本朝韓范諸公帖

祖廟勳德大臣磊落相望而此數公為之傑身生晚恨不及見之今觀其筆跡如登龍門之坂侍榮煌之座而聞河漢之無極也紹

與甲寅十一月己亥謹書時與慶善同寓寶溪

跋蔡君謨帖

君謨尺牘作行草諸體皆其妙絕可藏云第一紙是嘉祐五年自泉南赴召至省時道中與章伯鎮者

跋君謨與唐彥猷論其弟直諫帖

參預唐公介居言責日對便殿擊丞相路公甚力時君謨立螭坊親見之退而稱其風操配古人且以所論不從為不幸公行尺牘而不復畏避時相蓋嘉祐至和以前士風質直端亮類如此

跋法照閣黎君謨帖

祖姑清源君實與君謨媿德君謨尺牘抵諸大父無虛月故子家藏其迹甚富今觀法照講師所著帖僅二十餘字而點曳之工使人尋玩無斃殆所謂百不為多一不為少者耶

跋蔡潮州子大父草書帖

古人善書類欲其子似己大令幼時右軍掣其肘輒喜庾家小兒

舟案

賤家雞安西每以為言今蔡隱君妙於篆書不以授其子獨謀以力學當時水墨積習為無關身名輕重故爾邪

跋魯公與李禹并林文節公與其祖帖

三翁還笏里居不在東阡即在北陌杖屨時相往來此固世間第一流人扳而與之周旋固宜乃若齒爵相絕而痛折節下士非以一世人物為己任者未或能之

跋河中守章公刺血上表乞父內徙帖

唐昭陵用李英公不疑以其不負李密也用魏鄭公不疑以其不負前官也故河中守章公嘗以文辭冠天下士其上章微廟為父求內徙實出身血書之雖極哀切無他枝辭以明父勳德獨曰言寡過而未能論大節而可託又曰頃受先帝知遇最能承以孤忠今蒙陛下存全豈獨忘於大德父之忠績不必累數千言而昭然著見動庸萬乘有餘矣非言語妙天下者能之乎今上饒使君孝誠動天錫以進本既刻之金石以示搢紳後為石室家次藏之以

傳無窮忠孝大節萃於一門縣三世見之嗚呼休哉

跋陳去非右丞畫山水

觀此筆所謂積雪帶餘暉青峰出山後夕嵐飛鳥還等語如在目中
信其詩畫同出於天機也談者謂右丞詩合國風畫山水楊子華之聖信然

跋醉道士圖

范長壽何長壽筆法師僧繇並有醉道士圖傳於世自顧陸子華之後人物推博陵為中興此圖信可珍也

跋與可竹

造物亭毒之妙此君能發之此君生植之妙與可墨君能發之與可墨君之妙東坡詩文能發之後之人士殆不必措一辭

題佛本行經

元祐庚午歲侍先君官此邑丁內艱嘗誦萬壽經藏後二十有八年自大司成出領宮祠寓居再閱大藏七月二十七日終此帙為

丹集二

考光祿妣永嘉夫人追福時先君捐館十四年矣

跋劉知言所書華嚴經

近時人士執親喪類書華嚴經以追福然予謂滯於名相則雖碎妙高以為筆刺溟渤以供視書龍宮之微塵品若海雲千二百歲之久殆未足以酬罔極也而況三十九品乎若知法無生滅佛常現前則涉筆之際所欲薦者已應念超脫矣知言既臻道有之妙因觀其所書經偶題

跋道雲刺血書經

同郡比邱道雲護毗尼精苦募眾誦妙法華經七百萬卷將并其爵里納之清涼藏中又自出身五根眾繕寫此經十過細字僅若蠅頭而點曳絲密類水墨積習至工者紹興乙卯季秋九月三日攜一本至寶溪見觀曰將舍廬山之雲居予偶問之曰能仁所說法華子既已書矣不知威音王佛所說二十千萬億偈洎日月淨明德佛所說八百千萬億那由他偈洎日月燈明大通智勝文殊

等佛及菩薩所說將何以書豈以父母未生時血書耶願以見觀雲居禪德淵藪也當有知子言者

跋涵山法清師書法華經

經云冬不以小乘濟度於眾生佛自住大乘又云我本立誓願欲令一切眾生於我等無異此世雄出世之一大事因緣也是經佛最後開聲開闡文歸一乘名不斷佛種故書持者影福無量丹陽居士觀清師所書經隨喜三歎之餘因書其後

書周仲嘉發菩提心語後

馳千里者始於布武為九仞者始於覆篲為世調御不受後有大事也而始於發無上道心法湧禪師黑衣之龍象而江遺公搢紳之無垢也立訓以垂世而仲嘉能勇行之三歎之餘因書其後

丹集十

四

丹陽集卷十

文

汝州勸農文

周以農事開國公劉七月之詩專言田家之事當時井牧經界之制大備又設官分職以勸率之有遂大夫教其稼穡稽其功事有里宰治其稼穡趨其耕耨又有田畯者出入阡陌教民而聽則至誠以喜之於時風俗醇厚財用蕃殖黎民不飢不寒治功實跨二代今朝廷以郡守貳若令為勸農之官且命乘春出郊勸課民事蓋倣古意也刺史承天子休命不敢惰則帥僚屬親蒞原野祇率厥職且顯告爾眾傳曰民生在勤勤則不匱以天子之尊極四海九州之奉猶且籍千畝之地躬三推之勤以先天下況為隸農者哉詩不云乎維莫之春亦有何求如何新畝今節屆春莫農事急矣惟爾有眾念稼穡之艱難深其耕易其耨毋鹵莽滅裂以自畜其報則年穀登熟粒米狼戾仰以供賦輿次以養父母俯以畜妻

本陵祝文

子無不足者及收其贏餘以為凶荒之備生理足矣與夫偷頃刻之安以貽終歲餓殍溝壑之憂者蓋相萬也古者田不耕者出屋粟垂綬五寸以罰惰游之士境內有惰農不敏刺史將酌古意而罰之各聽吾言毋忽

擬明節皇后奉上册寶前一

日奉告太廟別廟德隆殿明節皇后

維宣和三年歲次辛丑

某月朔孝曾孫嗣皇帝臣某伏維明節皇后奉上册寶謹遣某官敢昭告於翼祖簡恭睿德皇帝伏以金臺想像玉冊圖徽昭懿範於中宸燕殊休於億載消辰歲事潔薦告虔尚繫乎祐之純永肸鑿臨之賜

初蒞任祀神文三首

某罪大貶輕猶得為令實與有神均蒞此邑凡力所及者既自勉矣非力所及者惟神相之儻不瘝厥官其敢乏神之命祀州縣之吏以事神保民為職然民之庶富必賴有神之神陰陽則事

神之謹尤所宜先某視職三日並走羣祀四郊不替五稼普收繁神相之使安厥位

天齊神聖帝祝文

使願惟陰相實類有神恪職之初承祭敢忘此邦之人肖神之像而祠事之者以神有功德於己也天子不愛爵龍以發揚潛懿復以徽稱榮其廟者以神有功德於民也長吏以君愛民為職不敢慢於神者以君之所尊崇民之所祈禱也某於祀事之始頓願同下唯是三者神其圖有以稱之

南郊赦後祝文三首

稟聰詰徇齊之德制生育長養之功宅神岱宗陰騰震宇爰有肖像此邦所欽視事之初特伸款謁仰祈神佑克庇庶繁

於命祀式陳芬潔仰冀迪嘗

命出朝廷恩流海縣哀矜庶獄既開釋於繫囚懷柔百神復吉獨於命祀式陳芬潔仰冀迪嘗

明禋吉土洽百禮於朝廷肆耆端闡秩羣祠於郡邑祇遵恩旨肅

舉祀儀仰冀迪嘗永垂孚佑

陳嘉薦茂惟降格顯賜迪嘗

祈晴文五首

去歲粒米不登民無庾釜之儲實賴麩麥以調糲厄今既幪幪矣而淫雨害之惟神鑒之其忍安視乎躬率縣僚禱於祠下合或不

足聽民不可不恤也

長寬之季新穀欲升天不祐歲霖潦相仍田滂為池穉臥莫與隸農心憂苦歲登烈烈神祠此邦所憑呼吸變化有號輒應反雨為暘豈曰不能吏或失職民則可矜

菽粟既登滌場以待而淫雨不止載穫罔功刺史惟民事不可緩

之義故雖既事始一日不敢以瀆神之遠而不以告也

五穀順成且有年矣而淫雨害之人心惴惴焉惟神聰詰則宜救

此窮急惟神仁卽則宜哀此困窮敢求十日之賜以濟一邦之命百穀普收庶幾歲稔一雨連月更已心憂仰叩覺慈特申年祝敢祈開霽惠此學生

祈晴文

赤米驟貴民多菜色之虞藉衣橫行路有棄骸之戚獨期中熟得致小康天不靖民雨復害歲吏實不德仰干陰陽之和民亦何辜俾罹饑饉之變惟補陀之淨聖嚴像設於此邦同水月之現形如谷音之答響仰叩神力特嚴道場願呵叱於雨師亟騰輝於日御儻蒙昭應誓永歸依

謝晴文四首

霖雨連月受歲薦饑並走羣望蒙應莫違泄雲寒剝削日載暉願終其賜既報且祈欲賜而賜驟卷氛翳寬農之憂賴神之賜祀雖不腆禮則既至茂惟吾歆卒相歲事

分集一

三

陰雲解剝赫日麗天穀欲粃矣而鬱為美稼歲欲偷矣而轉為康年吏有求而昭答民無告而憫憐惟神賜此邦者甚渥敢不以牲酒而告虔也

閒者淫雨彌月害於麥禾隸農焦然爭以病告惟貳守以吉日辛亥既徵福於羣望幽靈昭通旋開霽今茲某既泣事矣職在劬農受賜惟一觴豆旨豐敢忘禮報

觀音廟謝晴文

兼三十二化身最推殊應視二十五無學獨妙圓通垂金光手以接羣生逗海潮音而演勝法比緣霖潦恐害桑盛恭請睭容來臨法席潛通肝蠶遠獲晴暘農末由是慰心道俗驚為希有爰集官僚而膜拜廣延開士以香羞用薦微誠尚期卒相

諸廟謝晴文二首

連雨之後累日霽晴推所從來實繇陰相吾邦之民咸曰刺史誠忱能動神如此神之惠慈能隱吾民如此神之威靈能呼吸變化

如此神歆其命祀而不曠其職如此則又相與謹曰粒米之苗者且出矣穀價之昂者且平矣羣羣於隴畝者且秀實矣倚叢薄而孤鳴者且戰矣刺史恭酌民言以為禮報

雨暘欲時過則為疹神人雖異理有相求比以霖澤徧于靈響雲天炎赫感已拯於民窮水潦曠除莫無憂於歲事益虔歸仰曷罄報酬

蔣山謝晴文

近時積雨恭禱炎曦惟可恃於大慈果過臻於休應黃雲刈畝麥不耗於已登翠浪翻田苗更欣於盛長報酬何有歸饗益虔秋賽諸廟祝文

維時正秋風日清亮百穀蕃熟五稼豐登繫神相之臻此富歲報本反始明薦苾芬仰維迪嘗益佑此土

祈雪文二首

臘止淡旬雪無膚寸深虞疠癘輒罄禱求仰冀念聞賜以優渥

分集一

四

徂歲欲單時雪未降大懼麥苗之槁且虞癘疫之興輒罄懇誠仰斷命祀願迎三白之瑞以慰一方之民

謝雪文三首

月窮於紀歲將歸兮雪無膚寸憂凶饑兮榮躋懸懇于明威兮我窮左遷人所非兮有求於人輒輕違兮神獨降鑒從其所兮嚴凝栗烈回氣機兮雪同霰集俄紛霏兮兩夕盈尺周封圻兮澌澌浮浮晴不晦兮坎坎伐鼓牲牲肥兮薦以悃誠神其依兮

苦寒在候甘雪消愆齋心禱求旋踵乎應祥生盈尺適當前臘之期潤及庶原知遂有秋之望式陳菲薦祇報神休

惟單闕之元冥兮歲再冉其欲單日月窮而星回兮缺六雲之渙散憂兆眾之震愆兮心震悼而靡安走叢祠而敷衽兮紛陳詞而

上于肅至誠之蠲絜兮扈江離而攀木蘭覩傳芭而告余兮神剡刻而揚靈也救豐隆起同雲兮命青女與司寒也蹇句芒之未立兮氣威發而猶獵乍微散之浙歷兮俄瑤華之飄颻白浮浮而擁

堦廡兮羌四封之普匪化驕陽之底鬱兮兆夢魚之豐年蹇余委瑣而坎壈兮世多仇而鮮合也眾不知予之修能兮獨荷靈之響答也揆靈辰而後報兮卽芷葺與藥房料湘吳之桂酒兮委余佩之琳琅鼓駭駭而中會兮靈連蜷而既留願外心之匪報兮余又誓之以好修及年歲之未晏兮懼蕙荃而自芳

顏魯公祝文二首

惟公以身殉義視死如歸英風峻節映照萬古初希烈矯據此邦雖忠逆殊途決不肯生公然穴地而不敢坑公於坎積薪而不敢投公於火養子拔刃爭進而顧以身麾之遠巡濡留至禍且及己始使人肆毒則仰公名德之重而欽重之爲何如也希烈豺狼蛇豕之性不利於公乃其判然猶知欽畏如此況士之生於數百歲之後者哉況士之有知識而忠槩者哉某視職之初首修視謁以公行事告於邦人歲時其敢乏神之祀

公以危言峻節違忤柄臣國忠輔國元載楊炎盧杞之徒交相媚

丹集十一

五

嫉相繼貶逐雖不能一日安於朝廷之上而生平名德暉映蓋互萬古而不泯也某待罪二邦皆公廟食之地祇見貌像踈然改容其畏祇之誠何滅公之於李愷盧奕哉

睿謨殿上梁文

伏以睿哲嗣興仰繼承於列聖神心廣運坐經緯於羣方宜以清閒之居出以沈潛之斷恭惟皇帝陛下識超眾表智入聖門聚精會神而講猷爲務事圖策而照功載端宅九重之奧默觀萬化之原文謀之邃則鬼神莫窺武算之優則銖髮何遁惟避礙通於理故先知幾於神通求厥靈灼見安邦之效載用有嗣屢恢開國之功雖宅師已屆於康嘉而慮遠不忘於閒暇爰新祕殿名以睿謨輪奐交輝旁聳鸞飛之勢照臨無極前占龜兆之祥茲籲眾以升梁敢竭誠而作頌

成功

兒郎偉拋梁東陽德昭升冒域中琛至島夷彰極怡金泥岱嶺

兒郎偉拋梁西澤被流沙政已齊萬里鑿空虛爲馬九河軌道自來圭

兒郎偉拋梁南徽外荒陬化盡羣去蓋豈須煩使指革心終不爲泉食

兒郎偉拋梁北塵清幽障千烽熄未聞驃騎出揚旌已見單于來

效職

兒郎偉拋梁上慶雲甘露凝宵壤祥開精祿本無私瑞應太平還

有象

兒郎偉拋梁下封疆萬里包華夏產祥頻見闡坤珍合德無疆隆

聖化

伏願上梁之後基圖鞏固戮穀縣延億姓有餘於委積三光不爽

於經躔歸馬永聞於偃革慶魚屢應於豐年錫吾皇之萬壽永臨

照於中天

重建顯謨閣上梁文

丹集十一

六

神皋吉壤中禁奧區儲上聖之睿文聳中天之華閣棟題列峙極輪奐於西清謨訓且殿煥光華於東壁擇紳綏之英而寓直整籤帶之富以寶藏歷世奉承因時采飾今皇帝堯文光被舜孝升闕嗣成憲而不愆衣德言而如在瓊敷玉藻維嚴孔壁之藏金城雲楣未極晏極之奉肆求爽塏改命建營工以子來時惟事隙審直蓋先於水泉測深爰命於土圭囊鼓相先修梁旣舉敢獻斯干之頌以摹大壯之規

兒郎偉拋梁東賓日初升若木紅會見金泥封岱嶽已看銀榜揭

皇宮

兒郎偉拋梁西恩被流沙出禹圭不用化人供玉食笑隨王母宴

瑤池

兒郎偉拋梁南恭己垂衣美化覃膠木下賢王國定薰風解愠帝

恩涵

兒郎偉拋梁北臥鼓囊弓烽燧息方丘歲歲祀柔祇聘使年年來

與國

兒郎偉拋梁上八彩重瞳寶宇望卿雲紛紛兆殊祥瑞氣載承膺

景既
兒郎偉拋梁下降福穰穰秩廟社已聞斥埃罷三陲更喜倉箱豐

五稼
伏願上梁之後皇穹眷佑寶祚靈長璧日珠星之薦祉條風塊雨

無疆
之呈祥時永調於玉燭歲屢應於金穰如天長而地久比聖壽之

重建龍圖等閣上梁文
西廂蠖濩延閣崢嶸萃列聖之寶書舜中天之層觀宸篇睿藻煥

堯舜之文章武略文謨布周王之方冊豈特一札細書之具在蓋

惟九流與帙以兼藏棟宇飛翔上憲皆厥之要簡編叢沓仰騰奎

曲之光藻繪向渝繕修有待今皇帝遙追來孝獨運沈幾欲增修

於彌文改相攸於吉壤雖規模之襲舊願面勢之更新巧匠子來

瑰材山積玉鳥承跋金鋪映扉既廣表以爰我亦端夷而深親爰

占龜兆肇舉虹梁敢采庶言特伸善頌

兒郎偉拋梁東墨齒朱蒙海道通陽谷寅賓隨出日岱山欽燎看

山中
兒郎偉拋梁西卜雨占晴指綵霞天馬來歸豐廡檣旒葵充貢靜

蕃夷
兒郎偉拋梁南琴韻歌風古意含黃道相隨離照永朱光更與壽

星參
兒郎偉拋梁北豐庶全如單越國丹裳入觀水朝宗肉食輸忠星

拱極
兒郎偉拋梁上萬里堯天人仰望雷震疊武威伸雲漢昭回文
物暢
兒郎偉拋梁下偃兵那復觀宜社揚波頗見靜天吳負圖曾是瞻
河馬

伏願上梁之後基圖鞏固穀穀縣延億姓有餘於委積三光不夾

於經臨歸馬永開於偃革夢魚屢應於豐年錫吾皇之萬壽永臨

照於中天
建太廟上梁文

國家三靈眷佑列聖續承圖大宅中壯皇居之巨麗奉先迨遠秩

嘉饗之嚴恭粵在禁途夙開靈宇安眸容而如在駐神馭之來監

仁既不遺其親祀亦無豐於昵雖圭屏致飾躬九廟之蒸嘗而衣

冠出游築西宮之館御然欲薦誠於旦夕之際故必結宇於步武

之間今皇帝基命溥將宅師康靖慕武王之達孝追夏禹之克勤

起忱惕於羹牆致吉燭於香火仰瞻棨栢未極悒悒意面勢以非

安庀工徒而改築層簷巘巘廣廈渠渠屬龜兆之告猷舉虹梁而

襲吉致伸善頌以贊歡謠

兒郎偉拋梁東萬里題封接太蒙楛矢已開通肅慎衮衣新見賜

周公
兒郎偉拋梁西革偃兵消靜鼓鞶鷲嶺經來翻梵度龍媒羣至躍

霜隰
兒郎偉拋梁南風動清微氣序炎丙地一星占萬壽封人上祝慶

多男
兒郎偉拋梁北客自幽崖重九譚天威已覺瞻幽蕩故境行聞收

朔易
兒郎偉拋梁上闌宇翬飛延眾望堯天覆霽徧合生舜日光華昭
治象
兒郎偉拋梁下國富時和豐豫暇聞說三錢向地流故應萬貨因
時化
伏願上梁之後神靈燕豫氣序燮和萬物播由庚之詠九功興惟
敘之歌郡邑盜清而賣劍邊陲兵寢以投戈惟聖壽與帝業等箕
翼於山河
建齋宮上梁文

我國家神靈眷佑基祚靈長壽考萬年誕保桑苞之固本支百世
永觀瓜瓞之縣惟董較之震方號子孫之福地洪惟至道肇築新
宮越在元豐改營華宇默佑希夷之世陰儲繁衍之祥獨茲齋祓
之宮未極幷幪之觀固宜營繕以稱吉蠲恭惟皇帝陛下祗祠寶
圓欽崇妙道清都正夢授家訓之丁靈吉土明禮觀靈序之降格
天之所助者順邦其永孚於休錫祚嗣則有繩繩墊墊之風裂土
疆則有穆穆皇皇之美尚殿真館永介蕃釐雄麗靖深豈獨髡形
之輪奐高明伉壯實依大紫之規摹敢因舉棟之辰仰致告功之

頌

見郎偉拋梁東臚岱封樹勳聖功比目魚聞來海上成樓雲會起

封中

見郎偉拋梁西羽衛星陳幸洛師陵柏定知零玉露嵩壇端自望

金泥

見郎偉拋梁南良對園丘十二龕空際重樓先映現輅前仙仗遠

相參

見郎偉拋梁北謁款方丘初用特澤中八變奏新音雲表百神來

受職

見郎偉拋梁上天錫休符昭治象和陽卿藹覆重壇天德重輪嘉

主嚙

見郎偉拋梁下竹實彌山徧原野九苞翺翺待來儀萬廩陳陳應

抑價

伏願上梁之後方隅綏靖載敷來道下筭常歡於帝武細氈坐擁
於神休事業如地之富俊傑如川之流錫子孫之千億跨曆鼎於

商周

賀金溪新居上梁文
吳興輔郡跨五亭四水之雄寶溪一隅攬萬壑千巖之秀瑞氣旁
瞻於北關仙遊近眺於東林僑寓八年久欲問陳登之舍併幪百
口今方卜靈均之居因農隙而庀徒即吳山而斧木几席湖海坐

觀擊水之三千觴豆樵漁不用買鄰之十萬郊原爽塏迥茲協從
在今日則畏壘方俎豆於他年則桐鄉免奉嘗我雖乏夸鄉之
輪奐庶逃近市之喧囂麋鹿同羣燕雀相賀乃差吉日筆舉修梁
敢廣築者之詎永結鄉人之好

同春

見郎偉拋梁東舊舍還為棣萼宮畫省仙郎來稅榻夜深斗粟待

刀圭

見郎偉拋梁西岫嶼家山路不迷聞說金膏仙竈在耳孫應合得

潭潭

見郎偉拋梁南居士從來寶不貪陋巷蠅廬心自足便同卿相府

中客

見郎偉拋梁北斗城萬井輝金碧相公坐嘯活東人醪敷時餉山

乾象

見郎偉拋梁上天酒穰穰口蕙帳燕巾鶴筆夜庭中旋炷嬰香禮

穰穰

見郎偉拋梁下細履邱園觀物化穿池夏欲看芙蓉區種秋期收

樂語

伏願上梁之後閭庭樂霽里巷恬熙年常豐於綠野盜永戢於漢

樂語

池永傳忠孝業紹詩書與此鄉之父老同寄壽於期頤

教坊致語

臣開辰集木津屬就盈之良月星流虹渚紀載夙之昌期互寰宇
以歡呼啟宸廷而燕衍使旌就列朝絃充庭仰瞻八彩之暉共致
萬年之祝恭惟皇帝陛下智由天錫道與日升寅畏嚴恭不釐上
帝之命廣淵齊聖永底烝民之生昭至治之盈成錫休符之紛委
神芝三秀焜煌禁籞之間羽鶴千羣翔集端闈之上粲蓮房之並
蒂豐竹實之盈倉土宇版章奄旬籙叢之壤國家開暇將尋龜洛
之郊載逢甲觀之祥大啟鈞臺之享壽山擎日轉吐水之九龍雅
奏激天下儀韶之雙鳳臣等沐浴膏澤詠歌太平不度才蕪輒進

口號清曉華芝下建章紫霞遙進萬年觴房心共仰朝陽山角翼
應齊容算長花浪先春輝羽衛香雲飄馥入簪裳西清獨寶千秋
鑑不用臣鄰共露囊

句合曲

舉觴長樂共沾百末之醇張樂洞庭盍備七均之奏正聲擘緩順
氣昭蘇仰俯宸歡教坊合曲

句小兒隊

聖神有作適臨夢日之期稱孺何知共樂霽雲之會欲陳蹈厲豈
開賤微上說天顏小兒入隊

隊名

兩髦陳象舞萬壽祝遐齡

問小兒隊

婉變千童甫在垂髫之歲跳踉九陛將成奮袖之能儻有所陳雍
容上奏

升集十一

士

小兒致語

臣聞祥發燕禱實重生商之且慶均魚藻獨高在鑄之時觴備九
行樂歌四牡輦出願叩之座扇開神麗之廷恭惟皇帝陛下御眾
以寬爽邦由哲祗通孫謀之燕仰膺佑命之純惠我無疆乃克立
茲常事建其有極用敷錫厥庶民內外之患並消小大之共翕受
泰元授策丙極呈輝黎民於變時雍共陶化國嘉賓式燕以衍申
祝壽祺臣等年在髡髮藝閣秉程幸遇誕彌之慶願輪率舞之誠
未敢自專伏候進止

句雜劇

鷺鷥分行入侍忠嘉之燕魚龍奏伎已陳曼衍之觀仰資載色之
歡必有應諧之戲再調口樂雜劇來歎

放小兒隊

移禁漏於金胥轉庭陰於玉軼管簫告闋羽籥言旋再拜天階相
將好去

句女童隊

姪娟蕙顏入巫山之曉夢輕徐蓮步起洛浦之香塵上奉宸歡女
童入隊

隊名

日向壺中永花先洞裏開

問女童隊

左肅前臨正鬱蔥之在望華桂旅進忽薜澤之微聞進步稍前自
陳來意

女童致語

妾聞日次震宮觀豐亨之宜照斗加乾位應天德之出靈挺生聖
神丕臨華夏當疊矩重規之運實高張宿設之時恭惟皇帝陛下
繼志廣聲握符端命案六經而校德圖籍所無瞰四裔而抗稜梯
航自至有室大競庶政惟和帝絃廓而王網恢天神降而地祇出
功汗南山之竹壽齊東海之桑絕域殊鄰每披圖而築郡名山顯

升集十一

三

位將葳事以封巒妾等幸筮龍廷稍親鸞翻欲效踟躕之藝仰塵
咫尺之顏未敢自專伏候進止

句雜劇

申錫無疆已罄封人之三祝既備乃奏稔聞韶樂之九成宜進譚
言以資天笑金匏徐韻雜戲來與

放女童隊

霞衣久駐極望雲就日之誠華翟旅陳盡回雪流風之妙誤游帝
所卻步入寶再拜天階相將好去

丹陽集卷十一

故顯謨閣直學士魏公墓志銘

紹興十年七月辛亥顯謨閣直學士左大中大夫提舉江州太平觀魏公年七十有三薨於家先是天子覽公告老之章詔增秩寵其歸至是覽奏嗟悼贈左宣奉大夫勅凡隱終之典從優比明年二月丁酉其孤即平江府吳江縣長洲鄉清流山公所為壽藏葬公而以公之世系爵里歷官壽年及立朝終始大節為狀來請銘某於公為同年進士數聯事上庠復玷外姻之末實與公習乃考次公事敘之曰公諱憲字令則世著籍吳郡以諱德者為曾王父以諱禱者為王父以宣教郎贈開府儀同三司諱德者為父而贈榮國太夫人胡氏者母也公警敏辯慧頹然早成開府自主家事專為謀學年十二補郡學生試文有動人語校官石景略奇之已而名儒曾旼分教京口公復提書就弟子列曾公知非近器也

厲使游太學十六優中太學生選自是試輒先羣彥閱數年積行藝升上舍文傳四方學者推為軌式紹聖四年第進士時兄志先已中其科開府喜曰而兄弟能自奮拔吾門戶有寄矣調開封府鄆陵縣主簿擢教授杭州未赴改穎昌府秩滿又教授真州未赴召入太學為學正逢徽宗皇帝幸學恩特授宣德郎大臣言經行修明可用召見訪問帝善其所言除太學博士擢提舉兩浙路學事崇寧五年官省差通判恩州未踰月除辟雍博士歲中仍置所省官公領學事淮西大觀二年廷受八寶仕者皆遷一官公自言願輟所當得預封其親詔從之入尚書省拜職方員外郎三年遷為辟雍司業移宗正少卿遷國子司業政和二年春公佐知舉試天下貢士有詔委知舉察異論公初弗知既訖事而磨錄官計尚志上言貢士有言近詆訕者錄其文及號以進適隸公考閱雖已黜猶坐不以聞罷為通判單州明年除江西路學事又改淮東丁開府艱哀稱其服終三年卻酒肉弗御傾家貲築佛舍冢次日居

其中閱所謂大藏經者盡其函軸坐域有芝草甘露之祥詩人張景修之流作歌詩記孝感者甚眾服除再以國子司業召時政和六年也惟徽宗初載罷科選顯以三舍賓賢能既郡國南建辟雍復新天下黌序教法周密人士嚮慕山隅海隅誦之聲相聞庠序之盛近古未有抗者公於是時以學行見推徧歷中外師儒之選凡六為經師四長胄席五將使指可謂稽古之力而遭時之榮矣七年兼太子舍人時淵聖皇帝養德東宮公雍容陪輔使正行正言聞天下八年徽宗願輔臣曰魏某趣操端亮方調護吾兒不宜兼他職除直龍圖閣提點萬壽觀俾專儲府文翰明年出刺衛州未赴又明年改刺常州劇賊起青溪連陷州縣聲搖鄰境守宰選輒者類委印殺去公獨大修城壘誓將士以死守他盜緣間謀應賊者彙聚境上公執渠魁戮之眾乃解散男子矯稱權貴人將命衷匕首見公者公察其色疑之遣人露索見兵刃錄付獄得其謀欲殺州將嬰城以叛立誅之睦賊平錄功遷官二等且將璽書

嘉勞宜和二年召拜太常少卿未幾給札試書命奏篇稱善除中書舍人賜三品服賈誼知平江嫉朱勔撓政數排詆之劾切齒因數中以應奉事公在前屢申其枉會誣請罷公於詞命極口稱獎帝覽喜曰不惟契朕心且以塞讒說嘗召至宣和殿從容坐語且稱守毘陵計策賜御墨及輕綺便面團扇綵版宣和殿石本遷給事中錫襲衣金帶兼侍講未旬月除吏部侍郎銓綜一遵法吏不能舞文黷貨六年以顯謨閣直學士知明州異時三韓使者朝京師及吾使報聘往返經郡供帳過厚調取市物百賈告病且耗經費不貲公腹削一從簡儉至使節出境而市人不知七年召遷提舉寶錄宮兼侍講靖康元年正月金人逼汴朝議既與之成而將臣倖功遣師夜襲其壘不利淵聖皇帝召問敵人儻責淪盟何以塞之公言古者將在軍君命有所不受斫營本非廟謀諸將擅生事爾已而金使來詰如公言答之金使為訕未幾解去時厭事者遂欲恬熙微警公獨疏言敵情叵測今退師未足喜彼方蓄銳以

觀釁須百全乃發我之施置苟無以大服其心嚴霜折膠定復南
牧蓋大爲危至之備不報即請奉祠帝方倚舊僚助初政優詔不
許力請至三四從之俄起知宣州是歲冬金人再犯闕如公言公
聞王室在難治兵赴援流涕遣行勉以忠義士莫不奮會建康軍
叛公以地鄰尤謹武備有亡命卒數人挾軍勢頡頏叫譟市中公
聞遣捕乃建康手殺官吏者磔其尸以徇民以安堵今天子襲尊
號之二年召赴行在再除吏部侍郎時銓曹案牘散逸殆盡選者
與吏並緣爲姦冒名寄版者相隨屬也公建請嚴保任以覈實開
告賞以扼姦急期會以取闕由是注官者無淹停之恨而姦偽無
所容時駐蹕廣陵公屢求對建言古未有背天險而爲都者金之
勁騎由京西不五日可至淮泗宜有以竦之以足疾四上章乞骸
骨得杭州洞霄宮以歸結廬近郊不事華奩棟宇斧木而已以止
止名其菴視書餘力課釋典習禪定去此惟延賓客教子孫優游
求志蓋十餘年最後除知饒州公既倦游矣辭不赴復爲江州太

丹集十二

平觀終時無疾危坐禪榻取水盥手泊然而逝官自宣德郎十有
二遷爲左大中大夫爵文安縣開國男食邑六百戶妻范氏兵部
尚書鏗之女封碩人治家賢有軌則男長曰持應天府司錄早卒
次曰峙嬰疾不仕次曰壽卿右承事郎孫男曰興宗主福州長樂
簿曰興邦主宣州宣城簿皆濡染義訓篤學自立長女適建康府
司理陳希平次適宜撫司幹辦官陳朴孫女適右承務郎葛鄰曾
孫男女各一人公爲人俯潔寬厚兢畏諒直言動無可擇之闕於
經微言與旨多自得授葉方郡著錄者常滿門兩侍經幄不專事
章句至治道得失禍福安危之機必反覆論說以效勸戒文章開
闔馳騁應用不窮而歸於體要徵宗嘗稱曰魏某草制近世詞臣
罕及淵聖居儲亦曰魏舍人文不淹晷眞軼才也有文集二十卷
奏議外制各十卷仕進不肯稍貶以求合故塗轍方進輒不得居
中然直道正言爲人主所記亦以此出未久輒復召用臨事不苟
在成均嘗校月試有文高而擢第一者既啟封乃凡于公疑之

召與語質問文意首末漫不知答驗卷首類有折移錄案吏致於
理其服通貨共爲姦倖人服其精察於同產篤友愛先己子孫而
官兄弟子若甥凡四人以財市義交遊親戚空乏者於我乎足增
廣義宅義莊以衣食疏族給事中傅公墨卿奉使海東嘗請於朝
表其閭曰敦義平居善自傾下以賓接士大夫與人交久而不變
前後薦士登朝爲柄臣法從者踵相躡歿之日官居野處皆痛傷
之嗚呼公賢於人遠矣銘曰
魏實姬姓畢萬始封東西二祖厥後顯融竭顯讓才優德豐開
跡東南維辰之達於穆徵考筆輿辟雍我髦士大振文風閱二
十年公爲儒宗率德講藝士莫不從帝用嘉之曰惟汝忠詞垣瑣
闥講幄儲官僉曰汝諧汝往即工公拜稽首敢營其躬曰可曰否
獻替彌縫出殿方郡戡亂夷兇膏枯醒賜有謀有功出入三朝責
難以恭晚謝周衛歸從赤松府以計聞帝聞飾終清流之源山榮
水重確石琢詞貽美無窮

丹集十二

樞密吳公墓志銘

政和三年正月光祿大夫知樞密院事武昌公抗疏言臣老被病
自度不能復任陛下政事願賜骸骨歸故里降御筆詔弗許戒毋
得重陳且命有司章上勿復納時朝廷尊榮邊鄙不聳上方倚眷
舊德而公求去甚力入對懇切上不得已拜武康軍節度使知洪
州凡禮秩悉視見執政許其子接領祠宮自隨除直祕閣以寵之
數遣近侍訪所欲及陛辭日慰勞周渥令月上一疏奏事嗚有飲
賜宴有興樂出都門復遣近侍撫問大丞相太師魯公帥二府即
寓館訪別且謂大臣進退之美近世鮮儷中朝縉紳雜然弊歎之
公泣領踰年條教既孚兵民豫附移知廬州會繼四上章祈罷節
鉞三上章祈謝事御筆詔有曰耆齡微恙理或有之卿素懷忠義
神明監相藥石旋效何感而上書歸印七月辛巳以公薨問上爲
一日不視朝贈開府儀同三司錄所當任者特以文資官之勅本
路計臣謹辦喪事聽其家常上其子若孫一人任本部官親象墓

隨之碑首曰舊德襄賢之碑復命史臣某志其墓臣某承詔退伏
考公以宏才偉望受知三朝自承轄歷東西侍郎遂長樞筦履正
秉義勛相國家出處始終不見玷毀克保富貴壽考屹然為當代
重臣而勳名恩禮之盛在法宜紀以勸後世其敢以固陋辭謹按
武昌公諱某字某姓吳氏豫章人神烈真漢吳猛之後也上世
嘗徙籍臨川自公復家豫章曾大父某贈太師昌國公配曰韓國
夫人傅氏益國夫人杜氏大父某贈太師慶國公配曰越國夫人
晏氏魏國夫人葛氏晏即丞相元憲公女也父某池州錄事參軍
贈太師秦國公配曰燕國夫人饒氏公幼孤克已自立博涉載籍
尤精先後漢書入太學眾儒推重之嘉祐八年第進士調潭州攸
縣主簿見謂習事守燕度器之表置幕府推行常平新書有精識
課最卓異會開梅山均給蠻人馬方是時天子修舉先朝故事略
盡大興禮樂學校以文太平公調御將順與有功禁田招集新附
有勞勳二賞改大理寺丞論者猶以不侔功遂遷殿中丞知安州

舟集十二

五

景陵開封咸平二縣照靈八年東南饑選公計置六路振濟米斛
時州縣定簿法均役錢守長率未燭法意科舛逆大司農上公咸
平政績乞就除本路句當公事官措置從之奉使還擢司農寺主
簿俄遷丞召對神宗奇其材除河北西路常平頃之入覲奏事殿
中神宗面諭以究心職事不孤寄屬賜朱衣銀魚移京東轉運判
官就升副使朝廷更制鹽筴之初公在東土累年處畫精審豪商
右姓不得擾開闔之柄而利歸公上坐收緡錢數百萬贍一路且
輸其贏以實中都策功增秩一等賜三品服神宗使河北路取以
為法詔遣周輔李南公與公會議境上數降醜書褒獎最後御批
以謂內外財計之臣政績著驗未有加吳某者其議所以褒顯之
遂除天章閣待制京東都轉運使詔以本路鹽息錢百七十萬市
絹給河東馬直不兩月又以辦間詔復獎諭知密州范鏞建言板
橋榷易之利神宗獨委公籌之公又建請利國監歲鑄大鐵錢二
百萬以佐關陝兵食神宗閱奏大嘉曰居京東而郵他路幹國器

也悉可其請元祐中公擯不用且十年榮粹一不嬰意紹聖初哲
宗躬斷以前所坐非罪亟召用之起知鄂州未赴改蘇州復集賢
殿修撰為江淮荆浙等路發運使俄復天章閣待制漣水支家渠
歲久傾塞漕引畱礙累議疏濬迄無堅決公起徒役治之上功進
一官汴口流齒舊有收瘞之令然暮夜多順流入淮公命設網索
於圯下自是歲瘞倍前人以為有陰賜也召拜戶部侍郎哲宗命
以元祐責告悉納尚書省燔棄之進戶部尚書除龍圖閣學士知
開封府以嚴繩下豪猾備服請置四廂捕卒營房攝錄盜賊使都
人夜戶不閉長老言前治京師者莫及上即位以為永泰陵橋道
頓遞使旋改真定府永興軍按撫使未赴改復土橋道事出知和
州以醫藥濟病者所全活甚眾除龍圖閣待制陝西都轉運使尋
兼制置解鹽崇寧元年召還再尹開封奏對剴切上竦聽再除戶
部尚書舊以三司開封為省府號難治公皆再踐其職撥繁整茶
魁然有異等之效上以為可大用拜尚書右丞以收復撫定鄆鄆

舟集十二

六

廊州數遷秩拜中書侍郎遷門下侍郎大觀初以年臻七十累求
致仕除資政殿學士東太一宮使故事罷執金帶換御仙花恩特
許服毳絨遂著為令自公始也坐法左遷端明殿學士知亳州言
者謂不當會藩東南改提舉鴻慶宮居期年復資政殿學士知徐
州言者復伸前論罷之大觀三年上以元豐侍臣不當久置開左
起知洪州移太原將及國門遣使者郊勞賚錫加等及對遂以右
神觀使留京師再除門下侍郎歲中遂除知樞密院事嘗從容奏
請通追先烈在堅其志且以見堯舜羹牆等事廣引詳說及獻備
邊選將要議上皆嘉納之每定大政輒遣中人就第咨訪事多施
用上以諸路漕臣失職賞賜御批曰漕臣不營職業惟以干叩朝
廷為事曩者卿任京東未嘗告乏蓋材與不材所致也預議元圭
進一官公典樞機以周慎自著忠言屢議多造膝放沃退未嘗語
人然論者見其君臣相得禮意篤備而一時疆場無虞兵革偃戢
河西朔北爭效職貢則知帷幄運籌之功為多公仕五十餘年積

官光祿大夫勳上柱國魯武昌郡開國公虛邑五千戶實食邑一千二百戶夙被簡注前後所得上真蹟甚富建閣襲藏於豫章里第御篆襄賢之閣寵之飭尚方勒金字榜馳賜公刻石敘榮每遇天靈節及上本命壬戌日必齋戒召方士啟醮閣下祝千萬歲壽費出廩祿及為先令又戒子孫毋輒廢公機鑒通悟而質厚謹自少訖老無一日置書不讀晨興奉朝請亦視書待旦手鈔歷代史記百餘帙文詞典雅尤工詩慕杜甫氏上覽之常激賞或俯同其韻且命以平日所為錄進公進數百篇優制稱述焉有文集一百二十卷少貧依中表楊南仲學其妻李賢之及後貴李猶無恙以母事之移世賞官其二子公篤於節誼多此類也屬續神明不亂享年七十有七娶劉氏封豫章郡夫人某官馮京女甥也子四人接今為朝請郎直祕閣提點洪州玉隆觀學行孝謹名能守家法擇故通直郎括授皆承奉郎女長適朝奉大夫李禔次適宣義郎無為軍錄事劉蒙之次適朝奉郎知池州呂滌幼封孺人未嫁孫

母墓二

七

男五興祖承務郎江南西路轉運司管句帳壽祖將仕郎監兗州東嶽廟慶祖登仕郎監衡州南嶽廟榮祖承務郎孫女一人封孺人未嫁曾孫男成傑政和五年某月某日葬進賢縣麻山山銘曰惟吳之先肇自太伯神烈真人名垂仙籍福祚後昆源源其澤是生開府資適逢時奮取侍從神宗所知崇寧之初天子頡頏適圓康功拔舉眾正公來自西陲對宗政開陳大謀動寤萬乘乃尹三輔乃躋六卿帝顧在位敷求輔臣曰惟汝賢國之元老誰其綏予自我聖考俾貳政機進長樞幄密勿十年文謀武略端委廊廟精神折衝三陲不警臥鼓囊弓公拜稽首抗章乞身帝曰書紳歸榮里門南昌之封武康之節暨暨戎容建旄授鉞公以計聞燕趙輒視一品正司袞衣以綈公功在史亦紀旂常勒銘幽宮公則不亡朝奉大夫吳公墓志銘

崇寧三年十月某甲子天子臨幸太學既奠謁先聖退即諭堂延見師生正坐聽講時錢塘吳公為國子司業被召講易大有析理

入微音吐鴻暢上咨異之願輔臣稱其邃於學術就錫金紫服且進官一列不旬日召試制誥奏篇合旨躋拜中書舍人公入謝上曰佐教府而除書命前此未有也方是時庠序之教外薄海縣賢能賓貢雲集京師車駕大昕視學官上舍生十六人餘推恩有差以風四方而公師儒首被獎擢實身處近名譽尊顯一時衣冠歆豔之公諱細字子進少委節學問強記該覽本豐源衍文辭立就熙寧九年擢第調滁州司理參軍公以業進士而得學究出身非其志也去之再試有司兩居第一復預廷試神宗嘉其志因詔下第並賜同進士著為令自公始也調應天府戶曹朔部漕臣辟管句綱運時常平書始頒郡邑吏若民率未曉科旨公著為論說明示天子德意識者題之元豐初遷簡中外校官始為試法公獻所為文得召試坐試席者百數屢以四人名聞公為選首學者請誦其文除大學正遷博士改宣德郎丁外艱服除元祐初出教授齊州未幾遭母夫人憂服除又教授蘇州願以經術誘接人士每日

身墓二

八

聖人微言具六籍豈宜猥徇時俗而輟白為廢墮追時好者皆笑之逮紹聖初再以博士召歲餘遷太常博士序遷承建議天子事七世宗無常數仁宗神宗功德盛大宜為帝者百世不毀之廟言當上意下有司施行特降璽書獎諭後還復順祖增置九廟議實自公發之哲宗欽慈二后復主祠廟屢抗大議雖弗逆指弗顧也人尚書省為屯田員外郎俄易主客遂遷司業學術行誼為諸生橫表著錄者數千人其為訓詞深厚密稱進退白黑分明未幾以顯謨閣待制知湖州綱紀張設如世吏師訟鉅益簡庭無通事老吏駭伏曰嘗未治郡所為乃若此耶俄屬疾召諸子曰四體不支大期迫矣為我求謝事語竟奄然而逝大觀三年三月某日也公夙與學佛者游領悟密諦故屬纏神宇不亂年五十四官五遷為朝奉大夫計聞上為憫惻特贈官口五等優以賻贈勅有司護辦喪事以官舍處其孳且特官其子若干人惟吳氏世序有諱公約者仕唐僖宗為台信二州刺史晚家杭之硤石於公為五

世祖故公為硤石人曾大父廷贊大父熙之皆不仕父歿以進士推恩調江寧府溧水簿以公恩贈朝散郎初硤石未有學者朝散始擇里之秀良勵使為學一方趨從之後不數年文學之士繼出而公獨先貴公性湛靜不汲汲顯任分教太學生出入十五年官奉常積七歲不遷未嘗有坎壈滯淹之歎已而進位顯劇每入對輒逡巡求去當世以是高之娶太原王氏封某縣君男長曰序賓某官次曰次賓擢進士第皆有學守女長適某官王濤次適某官惠柔民諸瓢以某年某月葬公於某縣某鄉之原以予雅素且職太史見諉以銘銘曰

竭竭吳公道貫六學纂辭射科屢見頭角說經雍泮鏗鏗嶽嶽遂司胄子斯文所託乘輿來臨勸講幃幃帝曰惟爾多聞守約其代予言往持從橐殞于一麾郵典優渥銘以昭之死者可作朝議大夫施公墓志銘

熙寧六年神宗廷策士擢余中為天下第一與開封禮部第一人皆著籍常州是歲州舉進士中第者四十餘人號稱東南儒學之盛公弱冠在選中志行高整舉止嚴重識者推為遠器其後在政歲久朝廷閱勞官職之事以上大夫食官祠之祿而長子珂嗣以學識論蒙擢序除提舉河北路學事入對以親春秋高懇易近鄉一官詔特改淮東路遂迎公至部所已而易使江東其治在鄱陽道險且遠復諗於朝請移治他郡不報則迎公至金陵往來色養方是時公之同榜彫喪略盡獨公歸然康強數從子官享安輿擊鮮之奉蓋公仕四朝歷官五十有五年始歸政天子於是搢紳又推公能登其德克享壽寵為世可願云公諱大任字和叟姓施氏始名天任有所避更名某又有所避更今名其受姓自魯施父至漢警為博士延為太尉其昆裔散居南土公之先居建康李氏時徙常州今為武進人大王父某不仕王父某贈殿中丞父某朝奉郎知臨江軍贈金紫光祿大夫世稱篤行君子公幼奇穎視書一再過輒記十一歲以文見王平甫大蒙賞識長從王補之受業

時新傳未出諸儒於師說或未晤退質於公公為剖析奧境人人得所未聞由是以通經致名初調越州上虞縣主簿以真州軍事推官知越州錄事參軍遭臨江憂去職卒喪監杭州在城都稅院轉左宣德郎知泰州海陵縣以奉議郎朝奉郎通判淄州賜五品服以朝散郎朝請郎朝奉大夫通判舒州以朝散大夫知南康軍以朝請大夫管句衢州福唐觀台州崇道觀賜三品服尋上章請老淵聖即昨遷朝議大夫公在越州鄉民有過失殺人者縣牘以故坐之公為平反得減死倉吏受賕被考案其所親方為部使者佐吏因連引以覲執法公案正事情愈急併置之理人服其平六校吏考閱帥守皆貴卿不敢以公禮相格趙清獻公嘗語人曰施君年少而德老非凡偶近器也亟薦之鄭敏中每引以佐裁決且使代箋奏悉皆歎奇之其服筮權能不薄其官而親靡密細務課皆羨元額在杭州其僚有游子每負盛氣陵公公弗校居亡何其人以不法被案公為申救甚力迺始愧服而公以此稱長者海陵

官寺與天慶觀為鄰觀方士徐守信方以知人禍福死生傾一時中外皆神之勢儀薰灼其徒因請縣隙地以廣觀宇公叱不許則諉州將求之公曰令雖卑然聽事之地朝夕虔君命與守等雖尋丈豈敢輒與人令不去地不可得訖公在事不能奪歲大水按田者不肯以實獨賦公固爭於郡使民得復乃已其在淄也會初頒學校居養安濟漏澤等法使者督州縣如東溼公能佐其長以豈弟行之事既振舉民不告病劇賊邵四有眾數千人剽劫為京東患公被檄逐捕能合精銳設籌策使渠率效首民賴以安歷佐舒守二人前至者政病寬後至者政病猛公從容其間隨事調劑政以無疵而人不知自公出也南康當九江湊故號難治公至則求問民隱得一二奸吏摘其宿負而流之閱閱恃磨橫恣閭里訟至輒披籍計其累坐當以不贖於是疆梗震栗相戒無犯公法郡中翕然稱治廬山在數里公畏煩擾不一出游人或異之則曰吾清操雖慚前入然政欲一杯水亦不飲爾結課為一路最坐官屬輸

絹不中幅免還里中卽市宅梁溪上敞小僅足庇寒暑風雨日從
故人賓客棋酒爲笑樂未嘗以榮槁嬰意晚病靡寢殆諸子在官
者各取急馳歸時神檢猶自如閱古今詩不輟倦則使人旁讀以
聽靖康元年年數七十有六某月甲子終於里第公志尚剛介師
祖道德恥於馳驟進取故仕止吏二千石王元澤嘗使人求其所
爲文將以校官薦之公謝不與范忠宣公蘇子由皆公知舊當輔
政時不以衣裾撤其門於交游無未隙然一聞其貴則絕不與通
性沈厚卑謙雖遇後輩必遜言恭色尺牘非親札弗以與人平居
肫肫以名教自律不敢差跌奉親篤孝其養若行喪服皆不好先
王之禮親歿既久言及之必與涕俱凡持官守身一以臨江府君
爲模表嘗循牒至齊之歷城府君舊治也徘徊悲傷從長老訪求
善政遺事歸鑄石示子孫家政母夫人處畫者盡齒不敢易歲時
丞享前期祇被躬視豆籩竣事則親滌而藏之二弟幼孤教之儒
業不以愛故弛課責不以貧故怠供億卒皆能取科第爲知名人

九集十二

三

致仕恩舍子若孫而上弟之子堪鄉閭言孝弟者指爲矜式焉所
著書三十卷其文宏博辨麗詩尤入作者闡域娶舅女孫氏封恭
人前卒子五人男長曰朝奉大夫江南路提點刑獄垌次曰從政
郎越州會稽縣丞壘次曰文林郎揚州司士曹事垌次曰迪功郎
均次曰將仕郎垌俱以器能自見女適陳璋孫迢俞愷皆進士孫
男五人廣仁廣成廣受廣孫廣譽女七人諸孤既以公沒之年十
二月癸酉葬公武進縣懷德南鄉朱夏村之兆而見屬爲之銘某
旣辭不獲命退獨念先人清孝公與公並時擢第伯兄大司成爲
公友婿而公季朝議大夫知海州大倫子妹丈也幸緣奕世之好
從公周旋有年實熟公行治乃不敢終辭銘曰
倚嗟公乎何眾德之豐乎豈閒氣所稟不與人同乎將能以其所
學而擴充乎砥名礪行其以古人爲宗乎以身殉道其肯枉己而
取容乎紫綬丹轂豈曰不逢乎顧不究於大用豈天將燾其後而
不於其躬乎朱夏之原抑神闕此吉壤而爲公宮乎其松其檟過

者其敢不恭乎

九集十二

三

丹陽集卷十二

丹陽集卷十三

墓志銘

左朝議大夫致仕祝公墓志銘

公諱康字道濟崇寧元年守魯郡時某分教諸生公遇之厚因與公之子天輔周旋後十三年天輔之子將仕郎溫彥踵門泣曰先大考葬宜有銘先考欲求夫子為之今敢以治命請儻行許之是賜逮三世也乃據其狀敘曰祝氏著籍單州成武今為滑州章城人公之父曰諮兩第進士積官至太常少卿糾察在京刑獄贈金紫光祿大夫娶天水尹氏女生公是為永嘉郡夫人祖曰惟嶽卒官虞部員外郎贈戶部尚書曾祖曰密口殿中丞公性夷澹無浮念外好獨喜視書載籍略皆誦記名能文辭四貢禮部一為舉首以門蔭補將作監主簿第試異等賜明經出身入刑部為習學公事法直官又為檢法詳定官入大理寺為法直官又為評事入書局為官制檢詳文字又為元豐編敕所刪定官刪定一路敕令又

丹陽集卷十三

為元祐所刪定官入尚書省為刑部員外郎又為郎中除知趙晉潞充四郡管句南京鴻慶宮遂得謝官自承事郎十遷為左朝議大夫勳自武騎尉十一遷為柱國服佩朱衣銀魚初金紫公履更中外法理之選小大之獄申理枉撓甚眾故公于刑名之學自濡耳染不習以能元豐中神宗皇帝欲入仕者通習文法始建律學又每歲聚天下士課試刑法錄上第者顯擢之凡廷尉憲部臣屬皆推擇除授而公與兄庶首被識拔並遊法寺衣冠慕之公於斷獄論議持平人謂不冤至刊定律令立言寓意非法家識慮所及故凡置局輒預累朝刑典悉關其手出刺全趙施張綱絡如世吏師大姓某某以姦俠亂吏治前二千石欲制者輒持短長公疏其宿負逮繫累月案致其罪郡中股栗民吏大驚相戒毋犯公法蓋公前此未嘗更民事也達官勢人薦其材者四十輩在上黨顯以愛利為心歲比不登誘溫戶出粟虞餓者全活萬計死者具衣棺收瘞之遺愛至今誦民口在東魯為朝廷大興學歲貢賢能辟雍

復古實與法公讀詔奮曰吾邦孔孟舊里周公封國也修起學宮宜甲他郡因撤舊宇一新之為夏屋三百區間從眾儒論難經訓文風大振隸弟子籍者數百人郡事靡密煩碎必躬親之結課異等既受代天輔為鄆州州學教授近請之官崇寧四年三月丁卯以疾卒于鄆春秋六十有七公天資粹和志行高整好延譽人而樂人規己接待僚吏施恩甚厚有過者平矯使改不使麗罪人皆德之內行甚修居母喪毀瘠不食鹽酪服除有出世間意有父命勉仕故訖其身惟衣疏布進侍親油翼翼寢食不敢先輟奉賜班宗族之貧者猶子天任蚤孤撫之盡其恩先己子而官之仕遵三尺因俗為政雖寬猛異施而所臨稱治先娶清河張氏贈旌德縣君今夫人洛陽范氏封崇德縣君改封永福縣君皆有賢操男

即天輔好學自立試吏部第一舉進士又舉進士皆中第終承直郎孫三人長即溫彥次清彥冲彥女適武學博士李子奇亦屢登科選庶今為朝請大夫提舉西京嵩山崇福宮天任今為朝散大夫以其年十月癸酉葬公開封府長垣縣太平鄉永寧里鄆岡之南原銘曰

南原銘曰

陶唐之後中絕不續武王反商國之于祝單父大家再徙韋城自公顯考總國祥刑申直頗類為天下平鶯翔要塗公實濟美決獄刊令不為峻詆入為臺郎出長郡治以法為師得法外意在昔仁者子孫必興于門駟馬虞胄九卿公躬弗贏隱德多有源深流長實壽厥後

朝散大夫致仕柱國賜紫金魚袋侍其公墓志銘

公諱璋字良器姓侍其氏蘇州長洲人世序自先漢廣野君之裔孫賜氏食其後有為武帝侍中者因又合官與氏而稱今姓曾祖任李氏知吉州歸朝任監門衛大將軍贈左神武衛上將軍諱禎祖石侍禁諱憲考贈石正議大夫諱涿家世以武顯族大且貴聞天下公獨自刻習儒學詞章從進士皇祐二年中第調杭州富陽開封陽武二縣主簿掌書記閬州改著作佐郎知池州建德縣遭

正議憂服除知光州固始縣監鄂州酒又知吉州之禾豐簽書桂陽監判官稍遷通判全州移刺化州又刺池州表請致仕積官至朝散大夫勳柱國賜服佩視三品富陽故兩稅局一隸主簿公至課輒倍他日專征者負殿且罷斥公悉推羨數畀之使償逋額課更以最上而公以此稱長者陽武官僚繼踵坐法免公齒少獨當大邑風政凜然殊異府尹包孝肅公材之檄攝右軍巡判官至則爲之盡力有亡命卒坐剽金論棄市獄具公覆視文案疑有冤訊得其情白尹爲平停之囚以不死在職滿歲申活枉撓以十數濟辦府事隱然名動諸公尹滋材之欲表爲真人謂公且階此顯仕而公方薦所知自代尹義而從之河水怒溢嚙埽決壞朝廷出制使馳視公臨水衝料丁壯蚤莫護作遂以塞間任事者皆進秩獨不自言在固始詢求遺便嘗穿永清南津二渠漕粟溉田交賴之禾豐大姓持吏短長因橫恣漁食閭里又土俗以鼠芮蠱毒殺人公禁沮立絕全守武人不閑吏治公陰爲處議每條教下自幕府

不知由公出也化州僻陋下車築校舍置師生誦說開爲擁經親授義訓人士知趨學自公始也有州佐自海南代遷經郡市征者故與有仇以匿貨文致其罪公廉知狀爲處平之州佐欲挾公修恨則疏其宿負求窮竟之公亦無所聽繇此兩人交德公因有坐至重辟者爲奉獻得減罪一等已而錄見輒縱出之佐吏大驚公曰是羸瘦不堪杖之必死讞之前而殺之後其去幾何人服其敢爲居六年不代化行南土歸裝無嶺外一物當世清之在池州籍記架猶主名或犯禁輒披籍與重比以故姦不迹境郡中翕然稱治未幾召還遂請老公性靖退知足奉公孤立介特以質謹自將不肯撓節媚權近仕進淹晚一不綴懷夙嗜學問喜聚書自少訖老未嘗一日去籍籍不觀工草隸善屬文賦詩尤多時稱佳筆製續千文行於世內行孝友加人始官錢塘迎祖母買氏夫人以養承顏盡其歡是時族干指賈方專家政能使忘歸馬服前後喪皆哀靡不自勝吳中貨業前推以贍同產子晚節無所於歸因徙

貫宣城招季弟共居視遇與己無厚薄退居十年論議本忠厚專以表善賙急爲心江左衣冠仰爲軌式春秋雖高精明如壯人俄屬疾甚微沐浴更衣命左右掖坐若將寐者泊然而逝崇寧三年十月丙辰也壽八十有三五年九月丙申葬于宣城縣萬松山之原母夫人王氏太原郡君兩娶施氏封仙居永嘉二縣君皆有賢行男六人鉉桂州永福縣令鎬前卒鏗通州司法參軍鏞劍舉進士皆有學守孝謹祥順名能世其家女三人皆嫁壻路慶隆爲左班殿直蔣忱爲藤州鐔津縣令王彥思爲鄂州蒲圻尉孫男女十三人某侍其自出也先夫人北海君子公篤友愛平時道公事不虛口故其不自子得公世次行治勞烈爲詳義不敢以疵賤辭母銘也因泣銘曰侍其之先高梁啟封以官命氏繇漢侍中逮公會祖脫迹建業以武奮功桓桓累葉公以學藝收科自躬與道進退不棘於逢龜紫朱輪吏二千石豈曰不逢未配名德惟德之配天則大之康寧壽

蓋子孫頌頌有款新宮兆墨云食詔萬斯年篆此幽刻
右朝散大夫北海侍其公墓志銘
右朝散大夫北海侍其公諱鉉字希聲紹興七年正月辛未得謝丙子終于宣城里第年數八十有一其孤升卿以某年三月甲寅奉公匱塋于縣仁義鄉萬松山先塋之東以某侍其自出謂公總兄實熟公世次行治再抵書求銘乃泣爲序而銘之曰侍其氏自漢廣野君之元孫賜氏食其又三世始因官改錫今姓而望出北海者尤多顯至公之高祖諱禎仕李氏知吉州歸朝授左神武衛上將軍生右侍禁諱憲始自建鄴徙家蘇之長洲侍禁生贈右正議大夫諱泳名清正篤行君子正議生公之考諱璋起進士恩刺化池二州焯有聲烈贈金紫光祿大夫公以父任調承州司法參軍前律後令夙曉習吏不敢弄歲饑盜有強劫人禾而傷其主者州將以論死公固爭曰歲災不可麗以常法會德音降從流坐公仍爭之謂當以流爲本罪而用赦未減己而讞以聞廷尉果是公

議蓋公初仕不苟於職已如此用薦者遷桂州永福縣令擊斷明
審廷無雷事且受代府帥若部刺史惜其去創州鹽倉闕表公就
職府帥曰吾僚通敏無倫之者仍諉兼幕府督司諸公曰我言其
材規以自助因交屬以事公黎明坐曹夜漏下數刻始得休眾職
俱辦魁然見頭角廣州並邊州縣例以官鹽逼新民使售公虞生
變獨奮鹽入洞自置場鬻之民夷以為便課更大登以外艱去位
服除會蠻獠初以平允從等州入版籍丞相唐公恪時將漕江東
銜命撫諭詔以公為恪辦官公既馳至桂管代其長入險遠洞
寨時酋渠情不測或請擁勁兵自衛公曰宜輸寫心腹綏懷之詎
可以鎧仗市疑耶因單裝往蠻人始衷甲荷戈逆境上望見使者
惟一二偵從乃投兵免胄就燕犒公具宣天子德意皆環公拜且
泣曰不圖微外蠻夷今霑聖化他種落豔寵相繼效土疆後使至
不能如公示以悃誠變起尊俎開繇是廣人益追誦公之能使還
策功第一特改秩授宣教郎除在京諸軍審計院出知潯州公不

升集三

五

鄙其民膏枯撫羸一以恩信民化服之州置監冶鑄鐵錢以緡計
者儲數百萬一日更圖法命悉消毀公獨奮曰事固不可知格詔
存之後果復用省費不貲代還除在京諸司糧料院擢知蜀州時
方復古賓興法公慨然以誠意助樂育鼓篋交至開有名士跡弛
抵罪者輒縱舍之後多拔高第巴蜀文雅遂光前世秩滿除開封
府司兵曹事以郊祀恩賜朱衣銀魚府曹牒訴叢委異時劇吏抱
成案持必于官公獨親裁事論貸輕重咸出己見無銖髮枉桡尹
賴之朝廷知其材任劇擢潼川府路轉運官欲用矣遇妻喪請郡
便家除知徽州未行改均州遂請散局得主管亳州明道宮以歸
初金紫公既倦仕樂宣城邱壑之勝築室居之蕭散十餘年而公
名爵壽壘一與之埒談者推為仍父子之美云易簣前一夕與親
友銜杯至夜文體初無不平鷄一鳴呼侍媵取燭家人起視已正
坐逝矣公為人內方嚴而外樂易仕惟平進所泣有明恕之響獨
喜文籍視他世味如嚼蠟也官永福日忽起親念即假歸冒瘡獨

往返萬里不憚既除喪悉推先業昇諸弟之未仕者族子貧困異
縣招致共居調護之尤篤數官南服歸裝無珠犀一物中年從方
士學導引吐納術故年殊八十而耳目筋骸堅悍不衰官入遷為
右朝散大夫娶劉氏太子中舍敷之女封榮德縣君累封宜人子
長曰碧早世次即升卿石迪功郎池州青陽縣尉女三人嫁撫州
金谿縣丞王叔全左宣教郎前徐州學教授徐楫左朝散郎前
興國軍學教授桂南升孫光祖皆以公蔭補將仕郎銘曰
昭亭之陽兮張祁之里泉播播兮石齒齒靈氛卜幽窺兮曰壽慶
而儲祉楸柏相望兮父母孔邇公既修夫姤節兮又申之以內美
名光策書兮祭有孫子嗚呼公兮一無憾於生死神明其升兮體
魄安此

左丞議郎致仕丁公墓志銘

升集三

六

以壯齒得謝里居自號少翁遠近慕其節師尊之自是邦人以知
足自勵歸不待年者亦踵相躡公其一也公諱安常字權中世家
湖州德清以諱某者為大王父以贈中奉大夫諱某者為王父以
中大夫贈光祿大夫諱某者為父而謂少翁外王父也少有識量
彊立早成率諸弟游賢關聲號籍籍光祿公遇恩當上一子公居
長而請先其弟崇寧五年果自以經術擢進士第調開德府法曹
參軍年少耳所為已卓越動人劇吏不能訊法弄事閱三年將解
秩轉運使許几器其才嘗表以自佐遷從事郎澤州司戶曹事會
朝廷營宮室下河東調大木鉅萬異時役夫斬木太行頻陟險峻
手足偶失措輒顛墜崖谷死者不可勝計部使者檄公護役且誘
以重賞公曰薄人於險而已尸其利非仁也始吾不願仕者正以
連己為病今豈戀此憤哉因求謝事郡守丞力挽留之抑其奏踰
月不上而志不可奪遂以宣教郎致仕是歲春秋纔三十八光祿
公喜曰而夙慕少翁高世行今不愧之矣宣和未給事盧公襄守

吳興與公有學省同舍之舊每叩門問政已而被詔朝京師且率
貴近交章起公因請俱行公笑曰門既杜脫復啟寧不比北山叢
篠譏人耶卒不屈中年益厭城市喜葛山巖壑之秀且有葛稚川
遺跡乃即其地築草堂環峙松桂桐竹日徜徉其間未幾金人擾
浙石士大夫南奔者無所歸公時糧掃舍爲之主有黃朝隱者素
昧平生自金陵輿疾來求寓公爲調護其疾俄不幸厚禮葬之公
樂振人之急概如此兩逢踐阼恩遷奉議承議郎加賜朱衣銀魚
積俸錢百餘萬皆置不取紹興十二年九月某甲子公年六十有
五終於家以某年十二月某甲子葬湖州烏程縣游仙里葛山之
原配羊氏父曰奉議郎徽卿封孺人男曰士龍彊學有文嘗口禮
部曰士遜士元尙幼女長適右修職郎江南西路轉運司幹辦公
事閻鑾次適右承務郎葛邵次適將仕郎姚端誠孫男女各三人
公性嗜書遇警策必手鈔而心記與客語纏纏可聽自奉孔薄至
可以利眾若聚圖書聘師友一不靳對童賤禮意恂恂與人交無

升集三

七

新故悉竭誠惻一話一言洞見肺腑或問死生之理憮然應曰彼
恒化者行有不慊於心者也吾委順而已洎且死起居言語似平
時家人迎醫及門已逝矣嗚呼豈退居二十七年之功用在是乎
彼抵獻射進夜行不止而位高福富碌碌與草木俱盡視公所得
孰多耶其再仕此邦晚復卜居近郊實仰公行義且辱薦息女爲
孫婦方圖與公黃冠野服相從泉石閒而公遽不幸悲夫初光祿
公以進士起家入總樞貨出刺邠光二州有材力撥煩之譽官其
子三人公與弟安止弟子雄飛復能挹世科而子姓與賓薦者相
屬故今衣冠儒學盛家推丁氏興益未艾也銘曰
丁公儀儀早爲瑰奇學于古訓弗懈弗墮一世所難獨勇爲之一
世所願願謝不窺天相其功開迹宏宏以壯爲老浩然夙退才雖
不施志則云遂媚于林邱優游卒載塗轍弗升於天奚憚天卒相
承議郎王公墓志銘

公王氏諱登政和二年唱第宸筆賜名因字廷錫其先太原祁人
自公五世祖始徙貫婺之金華縣公幼孤困窮痛自奮激學問既
長名通經能文詞遠近學子請業者甚眾再中鄉書一以郡上舍
升貢辟雍省復兩預國學薦始擢第調衢州盈川楚州漣水二縣
丞改宜教郎知越州諸暨縣秩滿差知潭州湘潭縣會課遷奉議
郎逢今天子踐阼恩遷承議郎盈川嘗行令事人有詐爲祠部度
僧牒鬻於市者公發其奸捕得之格當增秩愀然改曰真人重辟
而已顯其利仁者爲是乎因縱使自言卒用首法減死政和八年
秋郡國大水漣口當淮泗下流支川所匯公俟水之未至增築城
堞已而水城不沒者三版邑人謹曰微吾丞公吾曹其魚矣公
復時餼糧儲械用旁郡流移至者如歸全活數千計盜劫諸暨温
戶沈淵家久未得朝廷洎部刺史督捕苛峻前令執錢塘兵與盜
同姓名者鞠訊獄既具且上府會公視事以牘及囚辭氣參聽其
冤狀亟縱出之一府傳疑檄縣再錄囚雜治公弗聽明年盜自通

升集三

八

於河朔移文至邑聞者始大驚服公之聽斷明決多此類也任歷
四邑外嚴中恕砥節厲操不可干以私湘潭官期滿踰年無趨治
意方且市邱隴治棺絮若前知死生之數者俄屬疾語家人以去
來常理易養無憾以靖康元年四月某甲子逝年數六十有一大
王考某王考某不仕考某贈宣教郎公娶大理寺丞陳琬之女封
孺人男長曰師醇次曰師心宣義郎監信州洧口排岸季曰師古
長季俱嘗升名禮部孫男二人湮演諸孤將以二年三月丙申葬
公赤松鄉黃枇塢而遣人抵書以銘見屬始某自大成出領宮
祠寓居襄賁因與公父子遊見公靜退不以榮槁措懷獨進諸子
於學甚厲日論說文義以磨礪灌漑之方是時師心始冠已能用
經術取上舍第而師醇師古皆軒然有過往之韻予固心契之矣
其後師心爲海州流陽尉過京東劇賊數千人浮海來寇公適就
養在邑命引兵邀擊境上馘渠首數十人降其餘眾一道賴以安
堵太上皇帝多之降御筆詔褒諭眾譁說交譽而不知計畫多自

公出也嗚呼使公得為世用智略效見當如何哉銘曰
既報其成始發其榮宜永其享而裔其齡絃歌兩城位不配能自
息俊英亦足除乘吉壤安靈孝子所營我之為銘以遠德聲
奉議郎致仕周公墓志銘

公諱某字彥雷姓周氏其世序自晉左僕射顯綏安成渡江徙建
康至公之高祖復避五季亂繇建康徙毘陵芳茂山之陽故今為
常州晉陵人公幼聰穎後母俞氏撫之均已出故公雖壯長不知
復有所生母其兄子彬且死屬其游故吏部侍郎霍公端友曰吾
叔性淳至不知所生杭氏在外也可須其登第語之紹聖四年公
以進士解褐調開封府鄆尉還里中霍公具以告公聞知感慕
誓見母乃出仕即以所賜袍笏束宣承塵上易野服菲屨走遠近
村曠物色求之一夕夢雨霽有指言曰此君母也詰旦之漏湖訪
求有老父告曰我知之死再歲既葬矣引而示之冢時雨初止宛
與夢合公慟絕即易棺衾護歸具禮改葬稅三年之服哭泣哀傷

丹真三

九

踰逮事者當是時同學諸儒共臨祭酸而霍公製文詞極酸楚後
十餘年霍公執太史筆復作記序本末以傳世云免喪補泗州司
法參軍持議平淮南饑多盜大率規微利輕殺人公哀之每當以
輕比所全甚眾盜有匿人之車者他日失車家復失牛意前盜執
之掠死州將欲以殺不辜坐之公爭議請讞從之廷尉果當以不
死遷通仕郎台州臨海丞嘗按地訟寘借僧舍有僧暮夜為訟者
以金餉公求撓法公錄付郡實於理秩滿戶部辟監萬歲院石炭
場用薦者改宣德郎授建昌軍司錄事躋數月屬疾請老遂以奉
議郎致仕遇郊祀恩賜緋衣銀魚宣和六年十一月癸巳終壽六
十有二公姓莊重而靖默孝謹質厚篤嗜墳籍三薦始得第以祿
不泊因薄其官不復干進既謝事嚴除一室取異書洎黃老浮屠
之學手鈔節不知寒暑飢渴晝夜如是者蓋十有二年病猶不置
卷嗚呼與夫在名利而以學為市者殊科矣執前後喪皆哀麗晚
節每與疾省邱墓著先望訓誡一編引古今冢墓神靈顯著事數

十條以詔子孫有遺棄二十卷曾大父某不仕父某贈朝散大夫
母俞氏贈宜人所生母贈孺人娶沈氏封孺人子德先行先以某
年某月日葬公於某原而見委以銘某於公為同年進士且又喜
公之子賢孝有學守不墜世緒因樂為論次竊復觀近時搢紳孝
德感通事跡類公者皆得表顯於朝且載天下耳目而公以位卑
夙退事不大白因擬是節表出之以為公銘其辭曰
棘天天其峻茂兮我夢夢而愁絕母聖善而昧平生兮將肝吾足
而求索后皇命靈氣而降衷兮告以正夢而昭晰曠叟指馬巖而
相示兮痛春暉之永訣仰天泣血而心折兮雖稅服其何濟也聊
勉勉以出仕兮終守邱隴而卒歲也蹇年位之甚瘠兮瘠校德而
特豐我書姤節於億年兮閔孝子之幽宮

右奉議郎致仕賜緋魚袋魯公墓志銘
宣和七年天子冬祀上帝推恩廷臣提舉福建路市舶魯詹得封
其父為承仕郎致仕歲中逢淵聖皇帝受內禪恩進封父宣義郎

丹真三

且乞以當得朱衣銀魚改賜詔從之上踐阼覃霑若南郊明堂恩
詹為直祕閣福建路轉運判官又累封其父為右奉議郎惟奉議
公諱壽寧字景修秀州海鹽人魯姓自魯滅於平子孫以國為氏
而扶風之魯漢晉代有顯人至橫江將軍肅始踰淮居吳之曲阿
中徙嘉興隸名海鹽自公父始公家故貧既派與兄弟共理費業
雍睦間東南稍溫斥所有闢文館延名儒教飭羣弟子已而長子
詹舉進士中某科開迹入仕未幾以才器自見膺被識擢更中外
顯曹劇部而公目及享其龍規模智識之遠人士多之公為人外
樂易而中方質出處取予常徇義而動恬於世味而奉已刻削中
年救諸子勿復以家政相關屏居一室食不擊鮮非披佛書則習
禪觀精苦如山中頭陀轉識誓必生淨土紹興三年詹為樞密院
檢討官取告歸壽其親俄以疾不起人謂公老而哭子且不堪其
憂公一慟即知自廣處餘年嘗嘗二子並特賜第閭里欣豔而公
無津津喜色蓋公操道有得視死生榮辱如寒暑且暮故哀樂不

能汨其舍如此公生皇祐癸巳閏七朝更五百有二十四甲子而
步趨視聽不衰鬚髮猶黑九年秋七月屬病丙戌召常往還僧可
觀謂曰吾誦彌陀經無慮二十餘萬他契經數不可紀已面佛自
列師其證明吾且逝矣俄召嫗族敘復呼子孫前數戒各盡其
意且曰吾聞佛說執持彌陀號七日心不亂決生安養吾雖淨業
已熟宜遵佛語復顯心七晝夜自是不復飲食語言惟口囁嚅若
有所誦越癸巳亭午始泊然善逝正七日也曾大父承秀大父延
厚父惟辯比三世不仕而德義有聞娶劉氏贈孺人亦篤奉釋教
嘗嬰疾卽醫錢塘命千僧禮伽文塔輿疾膜拜俄現毫光赫奕互
天傾城來瞻贊歎希有瀕死亦有善證嗚呼豈夙昔與公同爲善
知識乎其緣契之符也子六人長卽詹終左朝奉大夫次慧靜
出家爲比丘次慕右迪功郎監潭州南嶽廟次譽未仕嘗皆皆左
迪功郎女一人適進士陸紳及公之存孫男十有三人可度右迪
功郎可入可俊右迪功郎新授江州彭澤縣尉可立將仕郎可封

丹陽集卷十三

三

右迪功郎湖州德清縣尉可復可傳可大可輔可觀可宗可受可
羣孫女十四人曾孫男女七人公以沒之年十月癸酉窆于縣東
武之原與劉孺人偕葬等清明邁往力學問自立諸孫復疑疑
見頭角今推儒學家必曰武原魯氏流慶蓋未艾也以某有連猥
屬以銘不敢辭銘曰

本自無生湛靜真常寓形構李豈曰公鄉本自無滅圓明虛寂藏
魄東武豈曰公宅西方妙樂以淨爲緣淨業相應報土現前不厭
僧祇得大解脫銘以著之用警來哲

墓志銘

宣議郎致仕王公墓志銘

公王氏諱其先京兆萬年人晉代徙貫四明有諱文序者仕錢氏為奉化令吳越國除從歸朝又徙蘇州今為平江府衣冠著姓文序生愈舉進士五對策於廷入官口口卒贈左金吾衛大將軍於公為曾祖金吾生瑒歷廣西淮東二路提點刑獄贈左武衛大將軍於公為祖武衛生安仁知沅州軍州事娶長壽縣君丁氏生公公字彥成懋德自立處家庭孝恭慈良有愉色之順居鄉黨清正愿慤無擇言之闕賅覽羣籍尤邃於易手鈔諸儒章句數萬言家貧屢空不營資業客或啟勸輒酬以他語奉身貶約遺諸子受業給其費顧豐泰已而二子棠裳以詞藝顯名相繼拔上舍第效官近境公往來更就其養在公府簡默不交人士設棋野自為勝負置酒鎔自為獻酬容色閒暢人莫窺其際于孫所為有不當

丹陽集

其意者不顯錫斥微示以意僅役或盡歲無所謹罰性寬如此紹興元年天子合祀天地於明堂時棠知湖州烏程縣裳知秀州海鹽縣丞上章聯封授公宜議耶致仕明年春棠諡於朝乞去位侍養詔除主管西京中嶽廟方是時某為吳興條其蹟表雷以自佐會後太守翰林汪公繼以請詔俾還職因取急與裳自海鹽迎公至縣治三月某甲子卒於烏程年數七十有二且死語家人曰先賢臨絕有主無神鬼驚忤者吾今政爾不亂與頽畢泊然而逝無遺令一語娶東平安氏鄧州防禦推官冲之女贈孺人賢操實克婉德前卒子棠左承議郎裳左奉議郎鎧幼未仕孫男女十有二人歿後二十有六日與孺人合葬于吳郡天平山之北初公里居專以教子孫後食其祿者十餘年以生授朝封二息並時官浙右兩州賓客豪傑若民吏皆德公之子爭贊善奉觴為壽病則交迎醫歿則致奠醞者相屬故時論推為哀榮焉棠裳學術文辭秀出流輩所交惟賢所泣號治執喪哀靡於送終無所不盡與余遊俱

習乃見屬以銘銘曰

性介而通德清而容嗜學劬躬不諱其窮有子俱逢祿釜有餘禮祀合宮名聞帝聰肇享爵封命服惟表眉壽令終祖考其從後初顯融且侯且公其柏其樞過者必恭

文林郎姜公墓志銘

姜姓本出天水太公望封營邱後世為田和所滅子孫散徙而天水之姜曰肱曰維顯名史氏至恪公輔相唐高宗德宗益號冠姓君其裔也諱周臣字仁輔世居睦州建德莫知其始徙曾祖考及祖考延德考逸皆不仕君少孤母李夫人訓使學專精自厲已而文詞經術隱然稱諸儒中元豐八年進士第調温州永嘉江寧德化二縣尉部索夙盜囊橐過抵悉知之相戒毋得覘君境人賴以安遷衢州錄事參軍聽獄明審每甲乙參準以鈎取事情不强以楚掠文致其罪故獄無煩羈竟案有可矜輒為奏職所全宥甚眾任勢者之辟監洪州豐城市易務滿歲會省官罷改明州象山縣

丹陽集

丞逢受寶恩遷文林郎數行令事為政簡易人便安之未滿秩復會省官罷君性溫良謙退居官不以武健干名所至稱長者隱約自守祿賜緣手匱竭不營歸質舊業幾盡識者清之暇日以所謂枕書者自娛進官淹晚聊不嬰意校吏考十一不絀銖髮過差竟以州縣職沒其身悲夫配南郡張氏子六人男師孟嘗貢禮部師仲第進士將仕郎師季舉進士女長歸同郡陳夷簡次歸開封府何至德一尙處孫男一人某令休靈與師仲為僚喜其齒少自立於載籍博涉精說誦數千百載事如目擊既又聞兩昆弟皆嶄然見頭角意其門戶且興亡幾何君來過師仲見君以德善自晦粥粥若不能言固知流澤有在也政和元年二月王戌終于休寧子舍壽五十七諸孤奉喪歸卜十月己酉寔建德平碧鄉之原走書泣請曰先人行治微夫子銘且湮沒義不得辭銘曰

有所激以昌其氣惟學之嗜故壯而仕無所麗以直其躬惟義之從故老而窮祚德自天疑疑三子慶充門閭君其不死

著作佐郎陶公墓志銘

晉著作佐郎陶淵明之後十六世有孫曰直夫字次仍居潯陽仕宋亦佐著作大觀三年年四十七二月庚寅以疾卒官陶氏本鄱陽人吳平徙廬江之潯陽有名丹者為吳揚武將軍是生晉荊州刺史長安郡公侃於淵明為會祖而公之會祖繼為左監門衛大將軍祖稷大理寺丞父舜咨第進士終宣德郎公嗣舉進士中第調建昌軍司戶參軍官有殊政會詔諒諸道察良吏江西使者以公應令遷雒州防禦推官知亳州錄事參軍改教授懷州談經受業切磋懇至自遠著錄者甚眾遭外艱去職學徒恨不得卒所聞泣餞者踵相逮也服除又教授徐州時三舍賓興法與法始頒方郡眾未曉能推廣德意區別科指行之不少整傍郡取則焉明年集貢士試京師徐士人士卒占異等遷大學正改宣德郎提舉梓州路學事召對詢勞移晷先是蜀部學廩不繼公至則披圖考籍錄乾沒吏一人實之理籠利源以豐歲入室茲隙以裁日用養士

丹集十四

三

之費始羨遷監察御史入祕書省為著作佐郎逢受寶恩轉奉議郎公生質秀穎不凡綜練經學廣窺眾善專精或積歲不踰閱元豐中補太學弟子員年少耳然志尚風旨魁然出老先生右一時賢雋皆慕與之交七年秋充貢賦居第一海內誦其文辭及為史砥節首公救身自約惴惴惟恐過差氣貌嚴正雖燕不墮處交朋閒無擇言之闕居喪舉動遵禮紀而毀憾獨過制事寡嫂甚於兄之存字其孤不啻己子有文數百篇初宣德府君不喜吏職浮沈筮庫數年亟謝事歸家巷故公亦濡迹埋光不及擢序而族昆節夫以儒學將略致位侍從屢殿大邦終龍圖閣學士正奉大夫胃闕益顯矣公娶張氏亦同志趣後公二年卒男曰忻女一人皆幼能舉公及公妻之喪以政和元年二月壬寅合葬於江州德化縣先生鄉之原且求子銘以謝葬者尚書司封員外郎悅龍圖閣公子也銘曰
潯陽之城柴桑之里靖節之家有賢孫子不慕榮利閒靜少言官

止著作以屈為伸其尚類也視此刻文

江陰胡君墓志銘
君諱哲字明叔常州江陰人少為諸生力學問嘗試于鄉又嘗試廣文館不售即謝去隱居啟山之陰汎觀典籍以求志二親春秋高念所以娛其意者乃築圃結亭莩木芍藥干本服老萊衣日侍杖履容與其閒州里稱其孝後益喜交賢士賓至如歸修具甚設資業為替弗計也性勁正而曠達聞人不善必面折之緩急叩門者不以有無為解一時巨公名德多從之周旋因得其筆牘藏之甚富常語人曰吾窮于世老矣然于古人知慕醉吟先生于今人獲從東坡公樂飲于西湖之上竊自幸也晚閒刻意宗乘聞道于大通禪師得死生之理宣和七年十月庚子寢病革誦般若心經數過畱四句偈有形遷性不動之語泊然而逝享年七十大父忻父惟蒸不仕男二人端彥端文君夙以翰墨畦徑親指教故其文皆隄然可觀端彥再貢禮部人謂以經術文詞策名致顯位不在

丹集十四

四

其身而在其子均也一女未嫁孫男四人千里干能餘未名君以十二月某甲子葬于縣之昭閭鄉祈仙里之原而見屬以銘銘曰
奔名而夸毘瘠義而豐資虛生而惜道心之微歛與世其長辭以君之清操達識而視之吁其可悲
江陰趙君墓志銘
常州江陰趙君諱越字彥中資夷澹而越高明少喜觀書上論千載人以筆端涇渭之補太學弟子員卒學師友交譽不幸踵三母憂積十餘年不獲于試無階自奮崇寧中朝廷大興三舍法羅天下英俊君春秋高矣猶率子弟鼓箛趨鄉校在勢者欲以八行薦之君以宿儒尚多辭焉已而子弟相繼貢辟靡省識者知其訓飭自君出也家世饒資曾大父某不仕父某與其弟秉義即汝弼同籍五十年身任勤劇而縱其弟結交當世名公偉人雖睦聞東南故君生漸濡孝友之訓泊專家政於生業厚薄贏耗一不以嬰意亦不取以自封靡至人以緩急叩門未嘗有已怨族女若甥貧無

送皆爲其匿囊擇夫嫁之同產妹既嫁貧不能以自存則并其夫與子養於家百須皆滿其意雖久弗厭宗黨稱貸五十萬輒折券不復索君以財發其義大率類此故生業復薄而鄉閭稱長者初娶張氏朝散郎通判信州贈光祿大夫諱磐之女十有七而歸婦德如老成人闔內無閒言繼娶婦郭氏朝奉大夫諱附之女賢有操行今宜其家初光祿公見君文奇之妻以長女及觀文殿學士東平呂公帥餘杭君以文贊一見器許復以甥今郭氏歸焉禮部侍郎張公滢光祿仲子也與君少俱學且管娶君之妹適以其所著易說十卷上釋經局莆田蔡公讀而奇之以某月某甲子卒于家壽五十六有詩文數百篇以自名其窮頓挫踴厲可喜男廷幹以其年某月某甲子遷張氏之窆合葬于縣田里山之原四女長適奉議郎江陵府江陵縣丞馬毅次適迪功郎章之邵次適從政郎廣德軍曹掾程元弼一尚幼孫二人曰祐曰祐廷幹躬孝踐行每以君不朽計爲孜孜故君葬既久而幽刻不輕屬人以某

五

五

與君皆光祿公增相習乃謁銘焉銘曰

爲善而貽令名不必祿爵始榮其親也種德而壽餘慶不必顯貴在其身也以財市義家雖瘠而德不貧也夷考行事而昭之共與古賢者鄰也

中奉大夫葛公墓志銘

昔漢文帝延見近臣必求天下長者而載諸位其近臣進對開亦問曰某何如人某何如人上曰長者皆一時隆貴人也以故風俗醇厚中外又安號稱大治後世銳于功利右材左德篤厚君子不以武健始快稱者往往不究于用如公者多矣可勝恨哉公諱師望字與周江陰軍人少孤貧自力學問舉進士兩薦開封紹聖元年中第調亳州真縣主簿遷平定令知廣德吳二縣監在京南炭場通判筠汀揚曹四州主管南京敦宗院提舉鴻慶宮太平觀任四十年以長者著名字官自宣德郎十遷爲中奉大夫孫傑察訪淮南挾御香至衛真朝謁太清宮詢老君殿立侍二像爲誰或對

以唐明皇文宗公曰開元中明皇幸亳太子亨扈行今像乃明皇肅宗非文宗也傑以其多識器之治平定有風迹任刺舉者交薦諸朝遂改秩在廣德尉得盜希賞文致其罪抵死公察其冤從未滅蒙活者數人邑子以輿梁壞請輸財于官治新之梁成而羨數百緡郡守檄取以佐公帑公謝不與悉還之民無幾何州縣在事類以貪墨被訴部使者臨按之獨公在政廉白乃歎曰廣德清操豈不能律汙吏哉高安民喜歸訟公能陪輔其長使郡中清汀州元夕張燈郡學生數人與寺僧競因散其燈累百計二千石怒且笞辱之公從容開說謂人固有跡弛而工業者奈何以一眚廢眾士守不聽一攝事悉延出之後拔第顯擢者踵相躡時賊擾東南人士北渡維揚者日數十艘州牧貴人不敢干以私則惟公之求公爲奔走勞來供其百須一不闕實至如歸而交德焉在興仁遇宦者出括民田勢穢薰灼凡不曲意阿附者必罹中傷坐是賜罷而宴然未嘗關懷也公性沈靜而夷曠燕居如齋雖盛夏對家

六

六

人必整冠履至爲吏一以矜慈麗大罪者必求生麗小罪者每從恕雖自隱其德而所至民親愛之去則遮道而戀慕夙知禍福皆前定故自安分義不肯行險以倖遇合官桐川日嘗夢謁靈濟廟神告以冥數曰後日官至中奉時始通朝籍卒如其言初公令平定時丞相唐公恪董漕事行部至邑見廷無遺事民無退言語人曰使吾部令皆若是復何憂乎自是深知公後佐丞相徐公處仁于淮南事有異見輒抗顏爭辯徐公不以爲忤更賢之靖康中二公相繼登鼎軸推轂故吏屬甚眾而公未嘗曳裾奏記于其門免絕課當進官一等逢赦當賜三品服皆匿不自言會祖惟安祖中敏不仕父錫累贈大中大夫母李氏贈碩人妻先令人閭邱氏今令人衛氏男曰禕右迪功郎沼州承年承曰禕右從事郎常州晉陵尉女長適進士趙格次適左正言陸震次適駕部員外郎洪興祖孫男三人昭登仕郎二未名孫女二人紹興二年公感疾不知人閱數刻復蘇書韻語二十八字有一生方便過人之語且爲先

令以授諸子五月甲子日終神明不亂于死生之變春秋八十明年八月丙申葬鳳戈鄉丁陸原諸孤以某謂公爲兄實熟其行治來請爲銘乃泣而銘之曰

葛氏江陰世爲閩家肫肫中奉嗣德振華以學策名棟和安雅稽其治行終始長者弗競弗夸城府坦夷至德感神神實相之告之冥符桐川之廟爵第四品卒如所告位止州佐所昇者年天祚吉履簪紱絲延鳳戈之藏下云其吉銘以昭之茲謂不沒

葛君墓志銘
紹興元年冬十月解秩吳興郡居景山族子開真自江陰來拜且泣曰先人不幸以七月丙辰終方病殆時忍死言葬必于青陽亡母之兆銘以屬叔父開真不孝既以某月辛酉葬矣銘敢以治命請子亦泣曰小子之忍銘吾兄邪明年二月書來速銘則爲論次而銘之江陰葛氏其先避亂自廣陵徙居簪紱相承百餘年世有名德其晦迹不仕者亦皆恂恂謹飭以操行自將君諱權字執中

力集四

七

江陰葛氏子也曾大父惟明大父定父淳俱不仕大父贈官至朝散大夫君少涉學營事科選已而謝去專營資業以奉親養生送終無悖禮姻族緩急輒調貸之空無者每折其券生而篤厚老而康強且死神爽不亂春秋七十有二娶康氏子二人曰開真去病女四人皆有從孫男女二人初大父兄歸樞密直學士蔡公君謨君珍其筆迹儲之甚富復能記其斯文行事故一時賢士喜從之游嘗見語曰吾欲築第而惠山以居而陰陽家之說拘忌數年吾老矣不能待也因輒鳩工時方域休咎一不問卒成華屋遂燕處之適談者多其曠達云銘曰

天賦之德復與之齡體魄措此惟以承靈

張太安人王氏墓志銘
贈通直郎晉陵張公諱某之室太安人太原王氏其先自幽州徙家山陽祖某千牛衛將軍父某左班殿直太安人端靖而敏略涉傳記言動不妄十有七而歸七十有九而老八十有九而終少壯

爲賢婦老爲壽母其宜張氏凡七十有二年維張氏在東南推衣冠顯姓仕有時至九卿者號東南世卿家太安人始歸克媿其夫之德事姑欽愛兼至凡尊嫜行若姻戚姐御成慶其姑得孝婦泊專家政幹理有條序菲於自奉而所識窮乏悉振之晚增築室廬若知其後且大者篤老精悍無疾日緇佛書求死生之理比易贊無一語亂救家人掖坐而絕實宣和七年七月乙未也子七人宰刑曹事字宜教郎守奉議郎監察御史實數占成均異等女三人適進士潘民用曹稷蔣軒孫男十有五人美成康成德成信成師成友成士成餘未名孫女三人初太安人子眾而貧窶無資未嘗以嬰慮盡使努力爲諸生以舊所憶眾書手鈔教督夜分猶課厲眾子嚴憚若師既久居益貧或勸其變業征利者第笑不應無幾何子皆明習經學軒然著名字監察公餘州里首送擢第又舉詞學兼茂科中之大觀初三子復同榜以上舍入仕州將表其閭曰

丹集四

八

椿桂太安人御安輿從子之官輟環數郡夫婦華髮同享擊鮮柔滑之奉逆送者道相屬也以子恩封孺人又進今封最後見其子自御史府章求郡以養於是其識雜然譽歎以謂微此子不能寵其母凡州閭稱德善之報及母子之德以爲可願必指太安人之家云太安人卜葬得及之年十二月庚申其兆在武進縣南鄉千墩村而見屬以銘某謂諺有之學家多士大夫爲學之利太安人所不及見者益未慙也因論次其行事而繫以銘曰

宜入蔡氏墓志銘
紹興五年春石朝散大夫主管台州崇道觀蔡滋德淵訪子於吳興曰吾妻宜人蔡氏不幸以去年七月終願得子銘以識葬且曰宜人曾大父諱仲謀官至大中大夫生左朝奉大夫元康元康生沅州判官邦直宜人其季女也唯樊蔡氏並爲衢州西安之望族夙通婚姻宜人始垂髫柔明秀警吾父金紫公吾母文安郡夫人

愛之求為吾婦凡與之齊者若干年尊嫜曰是善事我姊曰是善輯我媼御依其仁族黨稱其睦而吾以為有閭閻之助也始吾既葬二尊於塔山卒喪躊躇不忍去而從仕宜人啟曰薦香火而護樵牧宜有佛廟眾財不可私取去為說盡以己力營之因斥賣裝不畱一簪而築室一區延僧主之後劇賊起新安姦人所在嘯聚衣冠墟墓類遭發而吾二塾獨無恙吾嘗里居謀所以賙宗族之貧貧者吾妻曰所頒么麼彼且緣手而盡曷若營不匱之利於是裂慶牆鄉之別業為義產且以戚疏定多少之差歲給之而人賴以炊者眾焉吾鄉涉數郡往來之湊故有浮桁表數十丈會為水敗行者病涉吾妻不資於眾垂囊而新之宣城饑米斗錢二千吾適佐郡吾妻勸吾盡出田祿振之日為饘粥食餓者南陵饑甚則市他米誘邑令增給自是大姓爭發廩而蒙活者不勝計宜人勇於仁類如此奉釋氏至虔卒之前六十日夢人告以絕羶輩後當坐去及易簣神爽不亂召子若婦訓勅諄諄印坐逝壽五

舟集十四

九

十有五累封宜人男三人國輝右迪功郎江州錄事參軍國均國寶皆進士女適右承直郎監潭州南嶽廟葛立方孫男女合十二人以紹興某年某月甲子葬某鄉之原立方子冢息也因稔知宜人之賢行且崇道君仕以才奮歷職中外勞烈有聞而居鄉見謂修潔必有相之者又其言信而可復乃序而銘之金紫公諱某仕至某官金紫光祿大夫其贈也文安郡夫人姓某氏銘曰
變彼淑哲來嬪聞家令德是茂靖專柔嘉以財易仁懦者驚嗟帝錫顯號每恩輒加錦韜象軸書贊之華胡德之豐而壽不遐將壽厥後陰施豈差我銘幽宮惟信匪誇

徐太令人葛氏墓志銘

太令人常州江陰葛氏贈吏部尚書諱某之孫承議郎贈大中大夫諱某之女葛氏族大且顯凡女子許字必求天下名士令人年既笄辯慧婉嫵大中與其兄工部尚書某皆愛奇之為訪佳對而金陵徐君安道受經舒王以才識為高第中治平某年進士甲第

隱然有俊傑之稱遂以歸之其後入御史府為監察入中臺為郎奉使諸道風節端亮名譽尊顯卒官中大夫京西轉運副使令人閻助為多中大夫求所生戴氏十年始得既歸性高嚴令人奉養如嫡刺測微旨無銖髮忤戾撫似婦之孤諭己子單複之服製必先之逮其長為謀家室垂囊不吝歲時享徐氏祖考不以饑羞委僮侍遇父母尊親之黨恩義均一從夫若子官四方中外宗姻靡日不嬰念服衰至小功總聞計皆推勸以喪禮自律逢諱日蔬食閱經以資其福盡齒不懈大中所嗜積粟之屬輒不忍食宦遊舊境復經歷未嘗不涕泗也性淑靈而篤孝尤加人以夫恩封永昌縣君以子恩封普寧縣太君再封太令人政和七年八月壬申終于京師壽七十有三崇信釋氏日課其書且奉其齋戒屬纊不亂呼子與婦執其手曰吾訣矣泊然而瞑子六人男承朝請郎行太常寺主簿奕通仕郎知衛州新鄉縣前卒女長適承事郎知常州江陰縣李孝遠次早卒次適通直郎武學博士朱天錫次適宣教

舟集十四

十

郎知平江府長洲縣陸榮孫男二人女一人承以學行知名薦踐師儒之選自中大夫即世令人食其祿者十九年晚節寢病餘劇視絮糜藥至夜不解帶人士稱之卜葬得令人卒之年某月甲子祔中大夫之封在江寧府上元縣莫府山以某于令人為兄子且先君通奉與之相友愛見屬以銘因泣銘曰
性篤孝士所難乾其身行之安婉其良訓厥嗣詔三封壽六紀源有行報必豐在後人不予躬莫府原龜墨食千萬年安且吉
妻碩人張氏墓志銘

宜和四年五月乙丑碩人張氏歿於汝州公府時某領郡以妻亡

諡於朝求移守吳興詔許之六月護喪歸常州畱二息奉匱而趨治既下葬得地於江陰縣由里山之原復諡朝取急以視窆詔又許之遂以五年四月己酉襄事敘其行事而泣銘之曰碩人世籍常州宜興諱漢字靖妻考朝散郎贈通議大夫諱磐太碩人姚氏之女宜興之張世以儒學顯而姚氏在金壇為舊門碩人於女憲

婦順耳目濡染不習以能元祐中通議公為漣水軍我先人開府儀同三司君佐之同僚且同郡復聞其女賢為某授室既歸不逮事皇姑温國夫人先人盡孝衣服飲食親在視寒煖早晏之節愈入滋益蒸於食財痛自節縮而儲積其餘以共公上銖髮不自蓄初叔季二媚未行先人念擇對之不易碩人請以女妹歸伊兄二姓交信之遂與禮部侍郎今知徐州張公合好後三年季妹許嫁今丞相王公時碩人從子官太學先人救使歸董蠶織縫紉之事既訖嘉禮先人喜津津謁某向平之累已畢若釋重負而婦助我居多歲中迎養後如京師會先人棄諸孤碩人送終厥飾盡禮持喪踴躅如制於時二兄俱未卜繼室幼稚滿前無依家徒四壁立碩人哀撥纖細均已子保視以濟于艱難其後某比預廷選二兄俱宜輦轂下闔門數百指共室同爨而姻戚並時顯仕歲時燕集軒騎填里門碩人雖處介婦而調娛永順曲致恩意中外無怨誓一辭祀葛氏之祖考饌非手調筆弗進也喜浮屠學日誦其語

丹集十四

三

食不擊鮮奉觀世音尤力課所謂大悲咒者數以萬億計嘗得寒疾瀆死觀世音現白衣瓔珞像升臥榻以楊枝荆芥破其體尋汗決頓愈人士紀以詩文者甚眾在臨汝力疾朝中嶽既還一夕神識去體家人環泣諸子若妾媵各剔股燬臂灼頂以禱觀世音像復現光相滿室黎明驟蘇安全四十一日始不幸轉識不亂談者謂累善之報云初封同安縣君進封宜人恭人後遇恩及擬封兩封碩人前後訓詞皆稱其賢操春秋四十有九男立方從事郎國子監書庫官立中迪功郎河北鹽香句當公事立器國子生前卒立卓尚幼女長適文林郎越州州學教授許暘前卒次適承務郎登聞鼓院劉封一未嫁孫三人碩人祥順祇修善區處事於書通大致持身玉霜始子未第閨房百須一不相關既仕數以懸直買禍流離落漠而碩人能以義命相督曉嗚呼繼自今無相我者矣悲夫銘曰

委禽兮結褵嬪子三十年兮家室之宜我辜于天兮奪其所與齊

年不配德兮夢人授之以善生於建平而歿於臨汝兮藏於大江之湄幽窆之詞不以諉人兮聊寫情而含悲

丹集十四

三

丹陽集卷十四

行狀

朝奉郎累贈少師特諡清孝葛公行狀

公諱書思字進叔姓葛氏其先嬴姓夏後封國于葛後因氏焉世籍廣陵唐天祐中有諱濤者避孫楊連兵之禍徙江陰家之其子鄒太宗時以高年有德賜爵公士為公高祖公士生祥高蹈不仕娶焦氏是生惟甫累贈開府儀同三司吏部尚書娶吳氏封陳留郡太君尚書生公之考曰密進士擢第卒官承議郎累贈通議大夫公之母胡氏後母陳氏封安定穎陽二縣君以公升朝恩加贈建德懷仁二縣太君累贈碩人公幼聰警不勤外傳八歲賦詩出語已驚人既長刻意學問淹通六經尤深于易春秋他傳志無不周覽強記世父兵部尚書以學行為世儒所宗嘗讀其文語通議曰是子名弟不足言後日且以文義顯已而昔陽蔡公襄丹陽邵公允交口譽歎之頭角嶄然羣進士中矣三開封嘉祐八年王

丹集十五

文公較試讀其所為孔子事道論大加激賞因擢真異等次舉為陳公襄蔣公之奇所知于數千人中以第三人薦之學者誦其文辭以為軌式熙寧中初以經義取士公中六年進士第調睦州建德縣主簿方是時通議公以清節高尚退老于家抱道履德貶黜世味不述城郭公夙以祿釜為急至是益堅請迎養之官而通議難之公勸請懇切屢獻詩什敘白華之意而通議憚行終弗許公意不自得謂曾子一曰不肯離親豈能以五斗米移素志公之知己方位要近所親與公厚者勸以仕進且謂就養左右孰若榮名顯親孝之大也通議亦數以此意譬曉公而志不可奪遂投劾侍養自爾居親側積十餘年不治田園不事遊覽專以共養為職凡通議公飲食寒暖之節衣服單複之宜藥劑增減之度皆未嘗以屬僮侍也疾雷甚雨中夜必興問起居平時家庭逆探其心志所向不敢少戾既絕祿廩兒妾瀆于飢寒晏然不卹大臣有嘉公志行者表為泗洲州學教授亦弗就也其後親年大臺法許擇官自

便且免赴部又通議公命使從官確許偕行始乞監湖州新市鎮於是通議公滋倦於出遊矣特憐公孝誠懇到勉為裝行公得由前志色養夷憚油然而不知關徵之卑而鎮戍之陋也當是時衣冠推為父子之美處期年通議捐館公行服過禮柴毀加人雖身疾不御肴酒雖妻病不厭房閭雖盛暑不釋其泉終制不變每號呼撫臆哀動行路既久如始喪者日誦大藏經以追冥福時公年稍高在禮當不致毀又以瘵苦病臂然終不肯懈怠遠近服其篤行以為難能服竟不忍去冢墓人或勸之仕公不應又累年同升進士乃方穀為江陰令詔書勉之始出調開封府封邱縣主簿數行令事政有恩惠縣人德之移和州防禦推官知楚州漣水縣丞縣居淮海上游方置軍壘號難治公能以政術佐其令縣以大治在勢者才之數談公攝劇邑及平決旁郡滯訟皆以濟辦審克稱頌海產鹽歲輸他路不實時任漕計者欲穿支家渠以紓鹽艘沂淮之險及舟卒並緣為姦之患會同列首鼠持兩端因檄公經畫之

丹集十五

公為巡視地勢荒度土功具言經久之利且條尚其所以然主議者倚公為重渠成公私便之咸諒視田能忤上官指悉獨民租人以為賜也公恬于仕進不求薦達然一時牧守監司皆以公行純孝素著繇盡子職而致沈滯故人爭欲出己門而薦贖交上秩滿廷見改宣德郎求開局還里中遂監常州酒大吏有為私而屬公執正法者能力拒之雖達怒弗顧也遷奉議郎徽廟即阼恩遷承議郎賜耕衣銀魚加武騎尉知婺州永康縣不赴就差監秀州鹽稅務課羨富進秩恥不自言序遷朝奉郎被命即歎曰吾在事之日淺然官得加其親賞得延其子冒國恩厚矣尚何求即解印綬請老公為人莊重寡欲澹于榮利遊京師足不跡貴人門故仕卒無所遇合連枉筦庫人為矜惻而公安恬無悶曰吾知營職而已雖小物必親所居以安遇名軒自號逃虛子言遇無定遇而安有常安也居官智慮淵邃小心周慎性矜慈惻恒或盡歲無所譴罰然至誠格物人不忍欺給事以振舉所至稱長者去輒懷之為吏

無銖髮過差見得尤廉計日受奉雖半技不妄取公田其歲入多推以于民市物如將傷之每倍給其值清苦自刻不殖貨利尤物玩好一無所惑遇人之急賙之不計有無沒之日至橐無一金製衣以殮當世清之舉錯以誼理自律不敢差跌于人無戚疏貴賤皆恂恂卑體下之燕居家庭無替墮之容與人尺牘雖薄遠字未嘗輒草也平生不妄語鄉人爲不善者不畏法而畏公之知照監乙卯歲大饑斗米數千錢人相食公發已廩以食飢人賴以全活者甚眾公于外行無不至而孝友尤出于天資從古人中求殆無以抗十一歲遭建德憂哀毀如成人已知不茹葷矣事後母至孝能得其歡心通議沒追慕白首不衰時物未祭不先食寒燠之變必在視家廟歲時蒸嘗如見其享平居就就以其嘗所告戒者自勉一言及之未嘗不涕泗也伯兄書元長一歲父事之恩意始卒無閒言公官漣水時兄爲舒州望江縣令同隸淮南使者及六路發運諸公有捨兄而薦公者輒移書遜避乞改薦兄不許則封

舟集五

檄還之人或笑其迂而公力行之其後公改秩而兄舉者不應格公曰吾獲寸進心無愧矣鞠三母之弟如一拊循視遇甚厚處叔季者自結髮教誘至于成人諸媚擇對引爲己任卒皆得名士歸之多顯者孤甥蔡妹盡力周撫課諸子于學士而不付以家事文辭義訓皆自指教崇寧三年幼子勝仲官學省間公得謝取告迎侍公不得已至京師暇日多賦詩自適喜爲巨篇強韻識者服其老而精強當時顏色滋澤步履輕健記問審諦無異壯者不幸冬十一月二十九日終于城南里第屬疾甚微神明不亂眾醫更視不問方藥顧告以死生常理瞑目無所係戀與諸子論說詩文雍容如常時親書先令戒以薄葬泊然而逝壽七十有三公篤信釋氏奉其戒律晨興香火持誦不輟自壯訖老言行忠信不欺于心故轉識甚異蓋信力所薰也計聞薦紳若州里知識皆痛悼之生平著文雜十卷辭理精詣誇誕浮躁之語一不關筆號安遇集三子累遇大禮及三經擬封累贈公官至少師贈正奉大夫訓詞有

曰廉靖樂道悃悃無華養志就閒久爲親而辭祿引年謝事乃有子以克家贈光祿大夫訓詞有曰高行清修與學瞻道潔廉守義共推靖退之風愷悌宜民眾賴寬平之政贈特進訓詞有曰襟醇履坦譽問素休鍾德之祥嗣有賢子踵侍從橐爲時蓋臣宣和六年本州官及進士錢詵等具列行實申常州乞備申朝廷依張舉徐積例特加賜謚以勸爲善知常州劉光以聞尋蒙賜謚清孝制曰君子篤于行己不繫窮通之殊朝廷樂于旌賢固無存沒之間協稽羣議垂賈幽光故任朝奉郎賜緋魚袋致仕贈少保葛某與學承家高節映世廉靖樂道人默化于鄉閭豈弟近民政自孚于郡邑顧惟天稟之異卓有古人之難辭榮祿以養親遠追曾氏之孝正弊衮而易簣何愧黔婁之清鍾其餘休克有賢子繼躋從列咸以儒稱邦典追榮已涉三孤之貴鄉閭紀實願垂一惠之稱爰錫美名用褒潛德松楸改色載承雨露之濡綸綉藏家永作雲來之勸緬惟靈識亦克顧歆可特賜謚清孝贈少師訓詞有曰經行

舟集五

自著諒然君子之風政事甚明亦高循吏之舉不究于用以蓄厥休觀上訓褒稱如此則公之德可知矣娶侍其氏右正議大夫涿之女累贈秦國夫人溫良賢孝實克媿德先公十四年卒公以崇寧五年十一月己亥葬縣之青陽鄉郭莊之原子四人次仲試大司成兼修國史鄆王景王肅王府直講卹章贈正奉大夫累贈少保儀仲鄉貢進士和仲右中奉大夫勝仲左正議大夫充顯謨閣待制孫男十人立隆右承議郎通判鎮江府立方右通直郎立悌左奉議郎宗正丞立中右迪功郎立教常州排岸立廉立象皆右從事郎立經左朝奉郎直龍圖閣立柔右從事郎立民通仕郎曾孫那舉進士鄂那皆登仕郎那那皆右承務郎那那登仕郎那那承務郎那那進士那那將仕郎餘尚幼謹撰世次行實爲一通上于大史謹狀

大中大夫司成葛公行狀

宣和三年正月庚子大司成葛公寢疾革詔飭太醫診治越翌日

燕紫宸殿上小語左右訪安否以不祿聞上驚曰當是為庸醫所
誤嗟悼久之特贈正奉大夫贈卹加常數敕本屬供葬費置官濟
辦員外置州通判一員董之上其子若干人惟葛氏世序自昔雅
川為散騎常侍居丹陽至公之六世祖自廣陵徙貫江陰故今為
常州江陰人公諱次仲字亞卿曾大父惟甫贈吏部尚書大父密
中慶曆進士第以承議郎得謝贈官至通議大夫父書思中熙寧
進士第以朝奉郎得謝贈官今至開府儀同三司公父子以清德
純孝顯名雖仕不遇合遺澤餘慶實焉厥後公與季弟舉進士聯
中調泰州海陵縣尉移常州宜興丞未行除吉州州學教授遭父
喪服除為國信條理例所檢閱官進北道刊誤志會當改秩併遷
奉議郎逢受寶恩迎北使汎例遷承議郎奉朝奉除太府寺丞遷朝
散郎提舉京西南路常平召見談治道纒纒可聽上品之謂曰使
事不足以屬卿行召用矣至部未閱月果拜度支員外郎踰年遷
戶部逢幸省恩遷朝請郎公佐邦計徧歷左右曹周知經用出入

丹華五

五

盈縮之數及常平開闢斂散之本彙弊根穴悉室之預修績免後
書百餘卷除辟雍司業是時朝廷尊榮中外無事上方鄉儒術而
諸皇子齒寢長英敏絕異之姿聞天下既以次行冠禮出就外傅
妙簡僚寮以調護之首以公兼嘉王侍講授經資善堂未幾建安
文安二郡王出閣又兼講官轉朝奉大夫遷宗正少卿賜紫衣金
魚進宗蕃慶係錄仙源積慶圖及預修玉牒轉朝請朝奉大夫其
後安康濟陽廣平三王及鎮國公出閣皆以公為講官于是並領
七府訓授矣政和八年春嘉王與天下貢士羣試集英文詞學識
翹然出寒俊右唱名第一公入謝臚傳趣使前諭以教導有勞宜
褒賞俄被批旨特轉行一官遂為朝議大夫上愈益欲諸王篤學
問詔講官毋得兼他職除公直龍圖閣提點東太一宮專講事已
而朝論謂不可妨公途轍歲中除中書舍人遷給事中直講如初
先是有旨下中書後來皇子就學更不除他吏止以兼領公意殊
不敢當會嘉王進封耶建安文安開國景肅相繼出居蕃衍宅因

抗疏自列曰陛下過私小臣使待罪勸講今三王既即外第而安
康諸王尚宅中禁非惟臣學淺薄困于好問且相距遠窮日之力
不能周願專直蕃衍講席其他分命賢俊且使臣逃尸祿譏不勝
大願上不能已從之轉中奉大夫同修國史升翊善進哲宗寶訓
遷中大夫加食邑三百戶爵丹陽縣男除大司成致仕遷大中
夫公侍王府閱七年說經無慮數十萬言凡典籍所載嘉言善行
日陳數千條摺摺殆盡至古人忠孝大節輒反覆言之開誦說詩
文政事以資聞見之益諸王每質疑問事謨述輒就商榷求跋法
書名畫甚眾府第章表並時亟索操筆立就各極其工宮中傳誦
之公每進對上未嘗不稱贊論之善與輔臣語亦謂公靖共持重
得學官體一日在前上從容曰卿王學甚進作大字尤佳乞就外
第劄子迺親製可取視之因譽公公頓首遜謝在王府三被錫服
兩推昇其弟駕幸蕃衍資金帛甚腆諸王各履揮翰寵之嗚呼盛
矣惟天祐神聖並生天材以侈神明之曹而公以孤臣蒙擢序居

丹華五

六

職累年出入禁闈徧遊邸第謹乎周慎不挂過差遂結聖知入侍
帷幄可謂儒者之榮遇矣廬陵多士隸弟子籍常三千人公分教
當興學之始以善誘著于人聽既董宗子六學及貳璧水皆以德
義師表人士每較試無不壓眾心外制特不試而用在瑣闥論事
鯁亮凡出命未允若除授不諧眾望皆封還之數相大禮若夏祭
冬祀明堂耕藉受寶皆預執事至考廷貢士奏告諸陵率皆在
選中公操尚剛方議論慷慨常以輪忠報國為心處家庭篤孝友
執二親之喪毀瘠踰制日誦藏經雍穆羣弟無閉言自開府卽世
今十七年不異爨于經術汎濫疏達非疾病未嘗一日去書不觀
晚節尤信內典日課般若泊屬續神爽不亂計聞士大夫下至閭
巷莫不痛惜之而諸王尤極歎悼各致贈送以將其意文章典雅
清麗成一家言遺藁三十卷少喜為詩自晉宋以來騷人所賦靡
不記誦嘗為集句詩三卷盛行于時年五十九薨母侍其氏溫國
夫人妻先令人富春孫氏今令人范陽盧氏皆有賢操子六人立

隆國子監書庫官立佛太常寺奉禮口即立廉承務郎立象通仕
耶立會承事耶立民通仕耶女一人適宣教郎提舉京東路鹽香
馮晉孫男女各一人諸孤卜某年月日葬公江陰縣屠墓村之原
敢乞銘以傳不朽謹狀

祭文

祭慕容尚書文

公素康強略無疾恙不期信宿遽以薨聞天子驚嗟曰喪良輔東
塗咨歎曰碩嘉賓凡百指紳相與悼惜矧親好盡傷如何惟公
妙齡連擢科第致位侍從越十五年名節光明議論宏偉具載史
牒且詔無窮友悌孝慈古今所罕年不配德咎將誰歸財無偏藏
家徒四壁藐孤孀婦一飽無期輟車啟行痛貫心膂聊陳沃耐言
不能文

祭劉尚書文

魂兮歸來汨徂南土越五基些恫愴而愁約魄一日而九升些恍

九卷五

七

惕不寐精搏搏而渙渙些殞命海浦不生反於土門些魂兮歸來
南荒已久雷不可復止些下潦上霧炎海萬里些厭火之民猛火
出其口些蛇山鱷水王虺驚些魂兮歸來無上天些一夫九首甘
人而投之深淵些九閻杳深巫咸不可叫些魂兮歸來無下此幽
都些土伯九屈逐人駭駭些北鄴三府寒靈不可入些魂兮歸來
入王畿些天恩洋普反禪栖些蕙宇藥房乃故居些閭童社叟來
安安些魂兮歸來反家庭些仲氏叔氏歸黃英而主祭些繩繩三
息徒跣泣血護全匱些家人稚孺昔餬口四方今合歸于家些魂
兮歸來公既有此內美重之以修能些哇雷夷與揚車雜申椒些
離鬱邑而侘僚終令名之不磨些生一世若大夢些禍福壽夭皆
幽運之所繫些箝中牖下均一死些魂兮歸來跂足以俟些后皇
仁明揭天日些咫尺屬下昭厚誣些丹口筆之籍寬三宥些行有
雨露洗沈寃些魂兮歸來歆此嘉旨些菘梁鼎臠和致芳些楚酪
吳醲恣所嘗些公之仲婦我中女些大恩不報負公於幽明些繫

官湖海阻循題而哀號些攬淚承曉聊寓哀以文些

祭劉頌政文

昔長此邦公來逆我道義周旋三改槐火惟政與文猥見許可時
平訟清舒嘯而坐五亭搗觴四水汎舸去職七年家國俱禍及再
臨郡我往拜公公病臥閣華堂穹崇語及時事涕洟交胸眾製見
抵文猶不窮盜起事擊闕于遊從十日不見遽羅鞠凶嗚呼哀哉
惟公妙年詞藻英發文場掄魁經費俊傑書振鍾張才儷管葛謂
當青冥闊步高躡晚塗跋躑意殊不屑薦更州磨連持使節布政
合宮著書省闈在公爲窮在人爲達晚祚一子天其乘除有孫繩
繩且大公閭惟我固陋日困羽書食不遑暇阻送輜車遙致奠醢
泣血漣如何以侑尊如玉生芻

祭王修撰文

三季以後士失所養以顯爲是趨營擾攘以巧爲德嗚呼恩罔喪
己山崖得止銖兩錫錫我公介特軌驍志向恬夷情塗坦蕩二十

九卷五

八

餘年州縣疲鞅聊不嬰意以道自廣上官薦之始被識賞天府事
叢擢佐其長游刃有餘弊訟無枉召對在前帝方虛想曰汝有子
天才英爽中詔內務是職是掌淵淵嘉謨予所寄仗能教之忠惟
子汝獎卿大鴻臚口汝諧往父子要津紳絨所仰萬鍾百年謂當
安享遽茲不淑善人誰做訃音上聞帝爲悵惘賻贈之厚詔發內
帑右文密章有光泉壤孝子拜恩僕僕稍賴寒族通姻行實稱丈
輜車遵路載瞻遺像一鴈寄哀文諭親黨

平江祭外祖母墓文

某薄祜不天未弱冠失所恃歲朔流邁凱風寒泉之感未嘗輒忘
也舉栝樵而阻飲撫塵鏡以興悲況其所自出其敢忘哉仰惟二
尊德善在躬慶覃後裔是生仲口舊時名臣載誕淑女來嬪禰廟
雖音容已邈而彤蜺如存某伏念生不及膺宅相之褒歿未能效
立傳之報遠詣幽宮式瞻松楸因陳薄醴仰觀迪嘗

祭外舅張朝散文

元豐季年公墨諫紙據忠論事慷慨奇偉可罷可行曰此曰彼逆
麟敢嬰儒者興起流離十霜以困自喜紹聖簡求擢官大理憲臣
賜言秩中御史帝曰汝俞召升軒陛開陳纒纒朝綱國是帝用嘉
之言傾其耳謂當施行徑躋華仕如何南其寢成吟侈佐郡饒陽
進尺退咫尺不憚遺乃終于此惟公少時越尚洵美浮念雜好如
乘塵浮沈酒羣經該總百氏陰陽星曆醫卜方伎一物不知爲身
之恥蓄藏既多奮發無幾開關沒身命也天只昔我弱齡從親澮
水公實奇之有譽無訛謂器萬乘謂駒千里恩勤綢繆乃妻以子
出入門牆且踰一紀不我鄙愚數載撫視孰謂半途遠夫悲恃公
之介婦又實文弟贊幣未行已隔生死丹旄有翻言旋歸止遣辭
寄哀泣濡脯几尚想平生歆此嘉旨

再祭外舅文

嗚呼我公才非命口襟量宏遠如此而所享止于中壽器業浩博
如此而所泣止于半刺位稍進矣而或困于左遷上欲用矣而中

舟集五

輟于浮議益事之不如意者常十之七八而學之稍得施者無百
之三豈志大者終落落以難合而才高者亦曉曉而多忌不然
何爲進方寸而退已尺前既跋而后亦寔也耶雖然萬有俱空百
年如寄善取名者必圖不腐之傳能微福者必計不貲之利公之
名節方光于時論而子之仕進且都於顯位以彼此而乘除逮短
長之不異然而感今悼往不能不嗚呼以長號者徒以振懸聯于
親懿而已也嗚呼昔合好於二姓逮滿陷于三歲荷愛育之綱縶
服胸懷之樂易慎從祿之崎嶇遠與嗟于疹瘁攜孳莫鴈涕盈兩
首惟口平生庶其歆醉

祭張侍郎文

獲從公遊四十餘年始研席之博約繼親好之聯縣仕自初筮而
至禁從歲自稚節而至華顛其開所更之世故益未易以言宜進
退榮悴之變夷險利害之端有離有合有悲有歡而終始之不渝
者荷恩義之拳拳去年春公罷廣我罷浙相逢於灘水之上俱正

棹而言旋約歸東阡與北陌款攜杖履於林泉豈期公遽臥於腹
疾嬰二豎而災纏嗚呼哀哉惟公挺學識之精博企道德之高堅
徧躋華貫爲世名賢雖不究於大用而忠言峻節益遺萬世之傳
我已具載於幽刻茲固得以略言嗚呼哀哉公妹歸我已痛隔於
黃泉我妹妻公迺適奪其所天平生華屋孤幼滿前悼幻境之變
化於心獨何能無慨然迫遠日之告吉將就寔於新阡撫棺莫訣
感涕流連

祭亡兄可成文

我辜於天天不我喪罰其元昆閨門百口有如水木坡本塞源來
論遷陟書墨尚溼訃音在門變慶爲弔心摧肝裂哀號叫關憶赴
臨汝兄出郊寺數載撫循靈知三日從容冥笑永隔九原人琴俱
亡風流頓盡茲尚忍言先公盛德理宜有後烜赫衍繁兄實濟美
修仁行義所聞必尊靖共厥位不肯嗚香樹黨懷謬帝用嘉之擢
紳史牒瑣闕詞垣詵訖天才付以調護聽其講論文陸進對三接

舟集五

獎詞玉色康溫謂當大用而蹟中道敦究本元河通道達今啟蒙
殞歸駕輶軒追惟官學我鞠我誨友愛待敦坐繫微祿小猷弗與
初喪弗奔負費至重遣辭寄哀聊侑一尊

祭外姑壽安君文

嗚呼夫人爲三息女伯歸而亡季天於處仲居幽閨弔影踟躕夫
人慈之特慎所與惟時長漣猥見比數不媒不龜乃以嫁許自初
親迎寓跡門廡濡留不歸再涉寒暑靡愛弗加靡誠不吐口然恩
私指不可僕攜提弱孫速其絕乳衣食京師不我告寢浚橋之居
益見拊偃自爾攜孳適吳徂魯孰云契闊乃隔今古有酒盈觴尚
其能舉

祭亡嫂樂國太夫人盧氏文

范陽之盧珪組易奕夫人妙齡爲兄繼室兄仕未顯家徒四壁幼
稚滿前食衣無給人以爲憂乃獨弗戚撫循顧復鳴鳩均一爰逮
中年兄仕顯榮紫微書命朱邸授經疑疑眾子簪笏滿門入覲禁

困冠綏寵旌人以爲秦乃獨弗矜勸相夫子輯和宗姻爰暨於老
益蕃戩穀疏封劇郡繼荒大國男女嫁娶母道既畢文祿弄孫齋
薰是力人謂當壽乃遽號腹中外驚悼人百何贖某等每見嫂氏
如兄之存今其薨逝茹痛黯魂且卜靈日祔兄九原輶車遠臨啟
山之園聊陳薄醴尚其來歆

祭施氏妹恭人文

於穆令妹女憲晞兮蘭芬玉潔秀閭閻兮世父偏念遯所歸兮爰
傅鄉傑賢足依兮幾三十年鳳凰飛兮亦旣宦達家益肥兮雍睦
姻戚譽莫譏兮屢封于朝象服輝兮子皆簪笏環頤頤兮身榮可
願世亦晞兮謂當益貴峻等威兮云何不弔殞病非兮去年罷郡
賦式微兮方諧燕笑事已非兮寔于新阡旒旒緋兮涕泣祖饋頤
交揮兮

丹陽集卷十六

四言詩

嘲茶山

吳興紫筍實產顧渚唐昔底貢闕山芽吐隼煥出臨虎巖親駐鄰
邦刺史金匏相遇木瓜堂前穿雲滬露烹蒸苞發及春未暮天子
稱珍分甘當路今則不然名毀勢去金沙弗湘玉食弗御敷榮窮
山牢落誰顧如女失寵空閨自嫫請以千金買長門賦

茶山解嘲

眾萬之山於世蹇寓一憤一興孰知其故退黜奚戚進升奚慕豈
以通塞顧改常度有如我翁昔嘗掀翥戴纒垂纓去天尺五今屏
山城亦皆時數左右佩劍疇可笑侮翁具退省前言大誤用與不
用智力何預幸同此邦邂逅承晤結為金蘭安此貧素

五言古詩

閱訟訴忽病起臥少頃復視事

丹集六

平生坐早衙投鋸來相踵訟牘鼠雀暗吏行鳧鶩擁外臺疎風稜
檄至亟須捧以身為形役効去顧未勇病骨瘦藥衰髮希種種
送鄧寧民罷瑕邱簿

火雲燒晴空大暑金石流行人口生煙千里無停騎胡為趨道路
儵好挽莫留自言為升斗往日辭親遊兒嬉膝前歡三載不可求
所得較所失輕重真不侔于茲滿秩歸子職冀稍修微官亦何樂
觸事有庶尤米鹽聒雙耳簿領昏兩眸畏首復畏尾人後不得休
豈無讀書暇頃刻但少偷幸此案上層數日獲到頭白雲已在眼
喜色津津浮我亦厭羈官如苦南冠囚羨子有行色去若登崑邱
更書縱未下投効行當謀

次韻貝器真意亭探韻并序

晉宋二史皆載陶淵明不肯束帶見鄉里小兒遂棄彭澤歸意
謂淡於榮利足名高隱不知適所以警之也古之達人勝士語
默隱如固有淵明襟量如止水澄之撓之未易清濁豈以把板

屈腰嬰意遠違初心哉以陶集考之程氏妹新蔡居急於撫親

故在官纔六旬遽歸爾豈惟二史失辭杜拾遺王右丞輩固一
臭味也然杜詩云淵明避俗翁未得為達道觀其著詩集頗亦
根枯槁有子賢與風何其挂懷抱王書云陶潛不肯見督郵棄
官後貧乞食詩云叩門言辭拙是屢之而多慚也一慚之不忍
乃終身慙乎蓋人我攻中之累也世人不知淵明類若此淵明
何皆焉某自年來知景仰其素風到海寧築亭於南溪之上取
其雜詩句名以真意今顯東良器諸公相率飲酒賦鉅篇彈韻
春容豪逸配古名筆矣模寫景物不復餘蘊獨恨不道淵明因
次良器韻呈五君子書其後

我愛陶淵明脫穎深天機叢荊繞荒徑五柳搖幽扉生逢卯金興
典午勢已非著書但甲子歲晚頻歎歛仕宦聊復爾尊酒真鳥依
南畝猶種秫西山同采薇浩歌歸去來熹微恨晨暉迷途往莫諫
今是庶可幾蓄琴但取意不施絃與微觀其四八目賢詰在所希

丹集十六

出處固有意夫豈輕行違誰云憚束帶辭榮俄拂衣念彼同產人
撫視因違歸平生共志趣但有一瞿如少陵罪責子頗謂達道非
右丞鄙乞食更以人我譏乃知第一流尚此知音稀妙詩發天奧
流轉同衡璣自謂處人境喧無車馬駢心與塵事遠地偏堪遁肥
東籬秋色晚悠然望翠微真意不可辨佳氣隨鳥飛詩辭向千載
稟稟猶光輝我但瞻口驥望之有等威行懷斜川遊坐想栗里磯
九原不可作築亭傍鬼獨取詩句名櫛宇殊飛翬巖谷有杳藹
花卉無紛菲修篁寒逼人坐如霜雪飛諸公賞清致野服馳羈鞅
經邱復尋壑不但歷嶮崎壺觴更命酌藻翰各一揮高談破滯論
妙處端解圍食冷或屢暖哦詩寧忍飢寢假未見及責善非所祈
願以靖節語佩之如絃韋

送曾守罷任赴闕四首

材大多不容論剛苦難受儒玄閱三朝馮唐今白首胸中有藏室
設張動掣肘人言專城樂聊結新安綬獨喜謗毀言不及河東守

三年四寶堂紅梅傾白酒出處固有在兒輩浪奔走豈復恨典籤
得州如大斗

老人聚扶杖兒嘯使君前習知使君清一觴代一錢六城十萬戶
馬依刺史天刑清又作韓俗樸蒲為鞭藉衣入佗郡關戶得安眠
州鄉大作社擊壤歌康年左轡忽照路更借知無緣願公治者廣
此惠周幅員

陽城拙催科賈誼困遷謫騎曹呼馬曹罰滿何止百一笑為鬧略
坐免投此幘鈴齋父黨尊均禮不賜隔人疑典午公豈嘗有此容
連年三露章慰薦飛絡繹自慚骨相屯願使議見格途窮窘論報
紙札謾搖擘

紫陽如佳人曉霧送征舳含愁入長眉盡斂故時綠語兒已在眼
歡迎走僮僕舊社問粉榆新徑開松菊還家聊作客行色催輦載
同升紗籠人拔士有豐祿會當書水鏡一洗凡眼肉躋榮赤墀塗
雁門詩可復

充學敘舊呈子充

丹集十六

三

義和無停輪年餐日夜改惟有金蘭心歲晚依然在頗憶四門館
研席同諸生聯名理朱穆結駟雷陽城縞紵初定交車裘容共散
駿馬馳春風休沐章臺市年少未涉道惟論場屋文鼻息拂霄漢
心期勇風雲春闈鎖儒仙試席兩心競聞仙時乞靈孤肆肯移病
喜君先得桂時我猶飄蓬鳳凰黃鶴歎振手國門東離羣十周星
為僚一都會酒牛鼎烹雞邑小非材配理縣不用諳政如密與蒲
糗水代廚傳木索開庭除肯憐冰子窮夜凍午不粒綈袍累故人
口腹煩安邑更迂長者轍來顧空宇中坐令羈官輿不復歎秋風
立秋日六兄將仕先入都赴銓試會飲東郊作詩送之
缺月耿疏林涼颺拂輕袵荒溪趣遵塗客子敢安枕自言赴銓府
試判取微廩清時廣招延選部雜流品門子萃金張文人富曹沈
春秋兩較試器業一精審探珠到淵河求金自沙珍騰裝分區區
蓄志常懷懷家翁昔初仕恬退聲籍甚求閒絕外慕行義鄩中柱

以茲久淹蟠通籍才十稔飄然宦遊倦遽以歸休詎優恩得世祿
綸告下綈錦兄材濟世美聖讀近天稟所長皆益人無可口鑄錢
摘辭昔賢均說經餘子噤臨書蛇蚓結撫琴魚鮪滄辛勤客虞庠
藜藿就烹飪謂當妙穿楊百中羽皆飲如何遭別頻歸步每踣躓
茲行定楚舟已事空拾瀟將期冠羣英喜劇不能寢
送友赴試鉅野送之西門時方有外舅之戚極目無聊歸不得臥

作詩五首卻寄以風雲入壯懷為韻

三吳炊未熟祇命挈挈東鉞刀一何補糧食賦頻宮麥寥坐空廬
寂寞如揚雄引胆望南境不及牛馬風何如廣文飯終歲與子同
年顏吾老矣癡愚心尚童子雖齒髮少操行一老翁豈獨友于厚
政賴博我功儒立各精詣袞袞談叢欲知不常處乃在阿堵中
此子早樹立抗志高浮雲委蛇處州巷頗以雋秀聞挾書從我遊
追琢益自勤便便經與史用志初不分疑篇了咄嗟確論推紛紜
文辭近道要見者筆為焚差肩曾諸儒藹藹揚清芬秋風濟陽戰

丹集十六

四

足埽千人軍只今呼賀酒仁子歸策勳

寒齋篋竹閉牆屋久不葺旁穿及上漏雨過滿牀溼忍餓哦詩書
亭午或未粒生生自不飽濡沫豈能及出門有紛奢囊空自羞澀
世事不如意八九更論十問君胡不歸肄業乃其急自言苦心志
更覺聰明入誰能學仲卿夜抱牛衣泣說經已鏗鏗青紫真可拾
寥寥里選空甌甌士風喪狂瀾欲東之汎濫不可障詞場自銜鬻
相與計畱放夸毘徒一名傾排至干狀不知厲術業徒欲擠輩行
黃生獨往資風義古人抗悠悠衰俗中此事真可壯
江南一紙書沈憂割中懷嗟予足憂患生世苦不諧恩惠子行色
適與遠計借破涕強強出祖尊酒不及排還歸坐講肄寒篠搖空齋
推門誤相從忽驚形影乖誰云阻一舍目斷真天涯念子早自力
清明播朋儕觸熱赴夷路跨馬脚不鞋自言取鄉送通顯茲其階
臨別何以贈手板裁香楮
寄題長安譚損之退視閣

乾坤一浩蕩小智自窘拘低回裡中政艱艱載下駒達人獨矯首
抗志在八區歸來繞荒徑所喜覺迷途時讀穆滿傳乍觀山海圖
林木淨交陵所見與道俱誰能遠羈宦五斗一大夫築閣者誰子
無乃柴桑徒

次韻張宏道勸釋奠致齋

齋居屏塵務况復備官清木落必糞本祭某敢不誠瑚篚見三代
錯落羅兩楹骨冷破夢境虛窗坐黎明祠官趣盥頰然環佩聲
魏巍素王像視若四海營當時杏壇士與享影華纓樂教屬昭代
弟子陳歌笙端如從陳蔡琴舞紛縱橫元功流萬祀德大徧諸生
次韻盧行之知原見贈

元豐詩禮將勸略傳萬口長城國西陲寄託十年久折筮筮黠羌
遊魂屢窮走羊公緩委帶李廣靜刁斗黑頭已青雲日戾笑擊缶
陰功與忠諫二者俱宜後繩繩丈夫子茂宰最稱首不裁猶能裁
應有既盡有邱墳五車書習復不置手尚友千載人豈論骨已朽

丹集十六

芳蘭秀深林嘉已就舊飲宜為數旬客願作三日婦行見尺一來
內閣延枚叟

次韻李明

我生任飄蕩所向如虛舟誰能涉險難入此正急流行止兩無累
自遂逍遙遊嶼路豈不佳夙意非所留迎親四門館登道初麥秋
政喜寢門近敢言征路悠山陽雨連月平陸不可求居將雜蛙黽
清不辨馬牛淮湖共瀾漫以為行者憂今朝好風色歌笑輕陽侯
紅鱗上圍圍可以供肴羞便呼拍浮船甘味且兩頭坐待月缺挂
玉斧亦可修酩酊聊自強淹速非人謀數程次京國猶待半蓐收
相從共蒲酒賴有嵇阮傳

再和示李明

劍不用置履柏非可為舟古來偶儻士渠肯甘凡流君材早過往
華問馳交遊高文筆如掃馬辨舌不留白黑自了了皮裏藏陽秋
擁卷得淵旨奮辭祛繆悠身雖不求人政自人所求恢恢有餘刃

所見無全牛亨衛恐不免位遇豈足憂初官三語揀審克禱濟侯
退公豐暇裕問學日益羞行為孔獨誦端以買長頭嗟余過立境
沒沒謝蘊修廣文一鉢足其他非所謀勝境定時訪良書亦可收
但恐與君別無復往朋儔

誦金剛經滿二藏偶作

我誦大智度非疾無日空銅爐海岸香亦復充淨供積數向洛義
而實未嘗誦凡諸有為法實如幻泡夢一字本不立況有千百頌
不受一切法乃遣預流眾於法有所得十八成不共妙理端會心
筌蹠那復用

妙淨院

入門無行路十頃漲方塘藕葉受微雨琴瑟瀉滄浪石梁一何偉
延表百肘長臨流兩華屋東西蔚相望雲堂始斷手潤蒸松桂香
弛檐皆雲臥何殊贊公房夜步庭除月心與空水涼世人侈居第
規承此蒸嘗基木未及拱破甍何披猖何如施給園千載絲寶坊

丹集十六

君看寺前村至今俞氏昌唐俞氏捨宅為寺故云
禪靜寺

古寺鄰曹崇怪石羅庭戶奇礪漫難名鬱木不知數集虛竦蒼桂
左紐真獨步兩詩照丹壁好在支與許原注寺有毛卻坐留芳軒
松竹發佳趣山行未覺疲更問勞勞路

采芝庵明辨師求泉名以月光命之

方池冽寒泉湛湛纓可濯其源出陽崖其委則陰壑齋孟給晨炊
若梳共午酌道人習水觀跌坐閒兩屬性水了真空非已識心度
浮幢諸刹海視身同不涸為名月光泉永配一宿覺

己丑次梅溪樂平寺兄子宗丞嘗監鎮卽寺為廨卒官晚之東莊

蘭陵華腴姓數不到吾族何堪從子賢變滅石火速早舉東堂桂
宗寺副惇睦迎親官就此半載歡水菽方開萬里塗一蹶遽折軸
我時踟里閭十起媿骨肉竭來訪遺蹤徙倚寒溪曲人與紫梅花
二俱不可續憂端齊前山東莊寫松竹

次去非韻簡元忠使君

蘇飛墮背冥巖邑漫瀟跡脫無賢已交久矣去移疾興州天下士
奇節非碌碌魁然索價高未肯輕沽玉居閒時過我端若右尹夕
文詞天分工沈詩更潤筆輝連語入微不覺聽更僕舊交半廊廟
勳閔臧帝錄毋寧一麾出不屈數旬客五十始過二榮途尚努力
才資況加人何止什與百是事姑置之秋日方在翼鮮鮮黃金花
冷豔照牆屋郊原沐時雨枯槁蘇霑足城南天息河流水有令德
相攜共擊汰沉此寒混混

韻席上同賦

九月二十四日陪少蘊左轄飲朱氏林亭以朱行中寄其弟詩為

蕭辰天宇澄雲物埽氛霧寒飆振飛藿策策齋聲中官散無町畦
出若孤雲縱仰懷山中相隱居鄰二仲駕言訪精舍連日食指動
午坐烹茶龍夜飲燒燭鳳殷勤數唱我省煩慚閱貢美哉澄空隄
松竹鎖巖洞怪石初平爾嘉樹囊駝種山水有清音招隱詩可誦

九卷六

七

初如扣清角乍若聽幽弄窺隙已不惡况乃陪營從清談木霏屑
圓機盤走豕清寒逼吟晚不起梨雲夢半生了官事今假幸少空
坐有第一流不飲宜自訟人生行樂耳急若奉漏甕東山恐不免
交職行登用樣通天衢升茅茹諸彙共惟有數奇人辛苦仍耘

蒙左轄復次韻見寄復賦一首

四海吳興公嗜學屏塵霧妙輪儀天朝獻納言必中軒軒雲鵬升
洋洋壑魚縱內庭大手筆傅班真伯仲武庫富所藏砥柱屹不動
航僻妨居中大觀俄歸鳳歸來一邱壑彈冠謝王貢業義懸雷山
窈窕琦玕洞奇礪不待葦桐竹已前種神昇買長頭天扶孔獨誦
衡霍縮地來林深聽幽弄軒池攬風月杖屨屏營從山貨自足了
不待燒鉛系斯文未應畏審象俄入夢嚴廊翊元化告猷無日空
上游倚韜鈴出聽秣陵訟方將贈劉闕行酒贏萬寶急流自勇退
惟深閱神用行藏亦何常此道聖賢共終為巖野寡且並蒼溪葑
盆池放魚呈曹文中

小魚如鍼鋒大魚如柳葉舍之石斛中激激近鱗鱗秋毫楚與吃
腹果意各恹渺如在湖海不歎杯水狹笑之復自笑邑小大邦攝
搖足已恐墮一動不敢輒虞人給五斗餽粥周兒妾雖然頗自適
攜杖園日涉豈羨蟬冕窟遷擢等常獵漆園信知魚非惟常夢蝶
辛卯次霧山大明院進士萬廷老介來謁
石橋跨斯干路轉得佛廟叩鐘集黑衣迎我千指鬧龍宮五十軸
金碧爛相照空翠沾我襟冥濛認堂奧無乃張公超五里方術妙
鄰居一逢掖昨名屣為倒莫言山未深終當隱玄豹

寄友卿窄韻一首

昔子遊魯中飄然起幽棲備一書篋長物無所攜辛勤涉長道
足斫面目黧自言寡聞識走俗多沈迷今不勇自奮蹉跎將噬臍
類渴飲石髓如矚想金篋來選胃子席求言學端倪嗟子淺聞道
太倉之一稊松菊有荒徑桃李無成蹊胡能使穀似每每頽顏低
晨昏不予舍三改歲攝提對案但首措有黍多無雞一笑為流噉

丹卷六

八

甘若羊新到秋霜八九月絺綌臨風淒靈甘范叔寒不求故人綈
夜窗經與史短檠照栖栖靡曼一不顧端如金日碑嘉子甚年少
老成同齒齟照庭真玉樹釘坐稱佳梨為文頗挺拔絕去翰墨哇
聲華出諸彥籍籍喧青齊遂收濟北薦謂即辭蒿藜如何尚齟齬
時命多乖睽方今天子聖隆學古與稽美化浹夏文星動婁奎
郡邑各饒宇夏屋華棧題師儒自廷投望實多金閨大烹極鼎味
豈復嗟鹽齋月書季有考升舍茲其梯吾邦矧多士擅富浙水西
文華榮星斗光彩騰虹霓似聞與二難同起公堂躋侃侃共輝映
乳酪兼酥醜文高各揚范質美皆懸黎生資固不凡器用况已屏
先生力推引同志無傾擠亨途可自致如車資軌輓明年拔寒俊
一封下芝泥鄉校仁賓貢跋馬登隋堤談笑取通顯豈直粗與圭
張周韓侍御遷居北市示詩次韻
神羊厭我冠銅虎出分土一區久未卜薄邊歸無所寓居得爽塏
取口粗安堵委懷榮槁外長歌樂韶武自言倦霜臺筆端有繡斧

毋窺乞小榻松菊問衡宇未看武山口聊踏南梁鼓浮生皆寄耳
莫作飄流苦要津況虛位掀騰在仰俯政恐尺一來均人隔綬撫
朱儂吹笛

李謨弄梁州獨孤生竊笑聲既雜夷樂原注疊復誤水調區區許
雲封女子稱裔肖天寶小部樂能使玉妃醜論竹取雲夢不老不
可少七月望一周生代以此料韋郎街名管半曲裂數竅風流遊
無繼是子差可教安得君山翁魚艇巴陵道據拾三五聲萬籟發
天妙清音澈四山猿鳥驚飛噉大管藏合拱直俟元君召

王辰次靈峰山百福院

豺虎縱鬱攸此寺神獨赦樓臺倚山腹碧瓦粲相射奔崖插雲霄
縮地見衡華竹翠染僧裾泉聲喧佛舍峰巒佳有餘顧揖眞不暇
我欲陟山椒燈噉未應怕摩娑舊聖石政恐嫌俗駕慨明義師
徘徊一悲吟

升集十六

九

深公出東都山色已清好流行滄江上快意時絕倒洗盡眼界塵
招提迹如掃眾挽來靈山世故亦相惱平生愛山心不厭更幽討
捫蘿開細岑脫履藉豐草聊煩坡陀石坐此突兀老是身端如雲
去住殊不保孤峰起孤煙晴湖漾晴昊賓主兩忘言可爲知者道

跋胡德輝詩卷

一官三語揀驅車大河北飯澀羹亦稀哦詩寫胸臆作者非難到
已自入閩域郵筒遠相餉我豈今衡尺粗能撻隴雲亦不誤雌覓
千里得行記了了所見歷土材有如此磊落固易識寄語直指公
勿作寒蟬賦

德輝次舊韻見寄復和

邗溝別清揚十稔限南北羈游多面交從誰吐心臆初筵羣玉府
香譽藹區域如何竅言加進寸輒退尺歸來賦郊居邀客賞冰霓
青雲一蹙易斜飛要游歷水鏡豈無人瑾瑜固易識君子有常道
要不失語默

題柘城懷古亭

陳本太姬封卒以夏姬亂君臣同宣淫父子並違患直諫洩治死
詐忠巫臣竄鄂兵討少西吳墟且爲縣嗚呼女戎禍陳祚僅如綫
餘波及羊舌伯石實首難我行徑株林懷古一興歎流波似當時
惟有城東渙

癸巳次古浮山普慈寺

老人不念冷看山獨不足未能尋地肺聊復訪天目路出古浮山
木杪飛華屋松迷突兀殿雲鎖窈窕谷高閣藏複道朱闌穿屈曲
義和隱崑崙借此休驂僕小摘園中蔬充我屬餐腹緬懷我身翁
草廬卜親築意恃全已藥終亦戢一木不如學無生妙諦祖身毒
甲午次東天目山紫陽觀梁武初置昭明太子勒碑紀當時恩獎
之盛

升集十六

十

儻哉古石室空洞容千人當年許遠遊自此升玉宸至今雪山草
靈苗雜荆榛幽池湛寒水亦說棲龍鱗靈物有變化誰能窮其神
窺臨擬仙去未信隔兩塵

乙未次普信院與首座惟表談道

暮食起紫陽憩寺始亭午清幽釋子居山影落窗戶樓臺互相臨
雲石粲可觀陰崖瀉清泉甘美過牛乳山僧立勝事爭以筠筒股
表公久遊方妙諦明佛祖雖未眾折牀已見履滿戶相攜遊翠堂
身覺度飛

余謫沙陽地僻家遠遇寒食如不知蓋聞人亦不甚重節也感而

賦詩五首以杜子美無家對寒食五字爲韻

往歲遇寒食親賓相與娛飄零客異土對之渾若無豈不念佳節
寸心愁欲枯花開有好鳥勸我提胡盧一醉聊自適醉夢歸東吳
異縣遇寒食悵然懷我家千里遙相望各在天一涯佳節無與同
冉冉悲年華鳴禽花底語舞燕風中斜物情各自遂羈束誠可嗟

天涯遇寒食嘉節無與對獨酌一杯酒慷慨使心痺來者復可追
既往那復悔儻然賦畝心敢忘犬馬愛之推自欲隱去去何所繫
嘉節遇寒食春陰猶作寒闌人不知重渾作等閒看饒

逐客本淒涼矧復值寒食花深日遲遲院靜春寂寂兩餘山吐青
日落霞埽赤浙江渺何在三月無消息棄置勿復陳吾心乃如石

升學六

士

丹陽集卷十七

五言古詩

涉汝詩并序

汝河在臨汝門外半里所余屢攜客坐河橋上觀水石搏激為
雷霆洶湧之聲然未汎舟也今歲秋七月甲子連雨三日水暴
漲數丈渺如湖海始招三舟攜二子出汎以微熱不敢率去非
昆仲歸作是詩

居官行兩周出郭劣半里名稱臨汝守初未涉汝水今朝破巨浪
萬頃寄一葦源從天息山此地乃其委青蒿正北湧紫邏復西峙
兩岸千萬峰落影照清泚下瀨劇迅速舟輕如激矢周南滯留恨
此段聊一洗悵無周旋人同載如郭李以聞汝陰湖揚塵清穎尾
醉翁濠舟處無復碧染指歲月供感慨人事有遷徙茲水美洋洋
正堪行樂耳
再和涉汝詩呈去非伯仲

丹陽集卷十七

清汝如荆溪不異我州里奔流相逐處敢謂衣帶水攜實汎漫汗
畫鷁延綠葦出城散腰脚朱墨逃紛委卻望城中塔煙林隱孤時
何人貌清景筆筆可就泚幽尋要關健善飽未遺矢塵纓正堪濯
凡髓亦可洗不須學東山韶顏載桃李顧當似白傅口粒炊船尾
膾纓砍鮮鱗遺容動食指風流得一事一官不願徒脫有戚戚時
晤言消之耳

送姪元延之官

浮遊五嶺南履裙徧遷客龍以鼈冠詩獨步文章伯十年未得調
浪有聲華白來盃未死叔知費幾馬策相攜汎清汝壺酒映山碧
肯嗣陳雷風一笑飲為劇清途子初延我老欲投劫出處政參辰
此歡盃易得

跋卷末

吾州兩支邑伯季俱鳴琴清談一傾倒壘壘正始音文室賴芝蘭

藥籠資桂參猥示晏楹書什襲緘藏深好事識雅趨揚美知孝心
躋榮荷門基行矣勳業尋

戊戌次福勝院

錦溪足墟落高陸推繁華豈惟邑屋富政自山水佳幽清背人境
千柱梵王家巍巍二子亭雲表飛簷牙我生功名忤嚴壑為生涯
山僧類祝田施薄求者奢乞書名利疏無鵝惟潑茶一笑為涉筆
勿笑蟠秋蛇

比作青蘿山塔記并徐敏求墓銘皆蒙宏道為書作詩以謝
文苑無蜚聲碑板謬見赴結因時伎佛書美開諛墓從僚乞正書
見許不嫌屢虞筋與柳骨濃纖皆合度浮海觀鴻戲抉石逢猊怒
吾文敢言絕驥尾蠅所附它年翰墨場不朽知有助
次長清寺

迎賓一紅亭棟宇飛半嶺松筠引幽步以漸入佳境陰風起湖壑
凜冽噤蛙鼃歸雲擁僧袂飛溜入茶鼎指節薰風閣玉溪兩峰並

丹陽集卷十七

中關認牢山一點煙髮整我來見所見實恨在俄頃邱樊絕泥滓
鐘鼎值機弃老逐黑衣居此心真炯炯

至南陽卻寄吳興諸僚

震州推不去游食歲月久尺一從天來換作秦頭守迎新無竹馬
記舊已芻狗迂愚敢護前警發賴鞭後獨坐百花堂還憶百花酒
願與南陽太守張亞仲顏幾汎漢江

與襄陽太守張亞仲顏幾汎漢江

春波漲醲醑絲淨疑染黛神女昔江皋翫味仍解佩沙光曄日明
浪影搖風碎樂哉今日遊放灑舞舞滂華觴挹空闌疊鼓助擊汰
仰視白銅隄岑樓飛綵綸遊女凭危闌紛若五家隊真想謝窘拘
意有千里快遶岸指煙藍飛流羅水磴尚想競渡時干船唱何在
襄陽大悲院作
善財叩補陀大千一彈指我行無神足重趺二百里中年逢百罹
所欠但一死稽首聞薰玉覬以俗障洗魚山彊讀述文汚梵書度

予嘗為觀音自憐迷本問云何見大士覺與所覺空根脫不用耳
圖融聲度垣變現月映水臂目恒河沙如幼本一理以是見觀音
文殊亦如是

乾明院作

我欲口襄陽驅車岷山址文弔杜征南酒酌羊叔子披榛訪二碑
事辭俱俊偉高賢千載後遺魄猶登此一官推不去事故違願始
不如造乾明山名亦相似交流干斛乳未減漢江水遐眺真不惡
悲傷未燭理湮沒與垂名趨死皆一軌我與同遊人痛飲共揮目
生前一杯量恨山無石髓預憂名不傳卻笑鄒從事

遊峴山

山隨宇宙結千古真再登臨足覽勝茲來余復忝山椒聳太華
夷路謝躋險溶溶鴨頭水綠淨衣可染漁師網槎頭盡以紅鮮掩
金刀脰纓飛來佐華觴盪前修俱免錄勳閱謾瑰珍谷虛禽響答
月皎煙華斂同登幸曠士形迹孰拘檢長嘯揖清流一洗鄒淇詔

次韻葉夢得遊西奈山

秋霖喜新霽裏飯山中遊遙指大夫橋閒汎野人舟追隨得勝客
雅趣同滄洲山路已清絕顯氣况葦收亂石蹲狼羊蒼官符罽蚋
古寺亦何有森森瀟灑侯忘懷一笑粲更以大白浮翰林廡廟姿
席珍韞天球如何問三徑更復尋一邱升高澀投足陟險眩迴眸
洞庭四萬頃旁占鐻脚口中有東西山千奴熟霜秋孤亭快寫望
欲去更少休菟裘便可卜何必依先疇徘徊共懷古徂歲真如流
封侯昔此地顧余乃諸劉一朝失茅土窘急須人周雍門曲池歎
事往將何求雲木餘參錯煙巖自深幽人生行樂耳慎勿曲如鉤
柏說堂宴集晚移望嶽亭德升有詩復次韻
陰森美章園爽塏背塵陌紛紛驅家勝處此其伯登危覽幽奇
寬敞盪喧窄層層綠陰暗中有孤花折三品玩伏虎兩部當鳴咽
主人延客宴清映壺觴碧茂辛工撥煩恢恢奏刀駘議耶兼語搢
闔府長踞踏仇梅諸鉅公燕笑歡一席蹇子但空餐營職無半策

文墨疆抽身林池同息迹金火爭伏見執熱如焚炙頗願如百斛
船浮兩頭拍嶽雲插晴空移尊及未夕清颿起四座蕭蕭生羽翮
人生不謀歡滯眼計月瘠誰能較榮槁瑣尾論干澤相從飲文字
一笑百憂釋歌呼到爾汝坐待霜月白歸軒踏清影光謝紗籠赫

幽居夙興

冥安毒于鳩嗜睡真成蛇攬衣待明發是味豈不佳天宇自澄穆
羣露肅無譁啞呀雞一鳴眾星猶撒沙阜英頽頭目楊枝清齒牙
鏡中結願香淨几對口花澄懷觀道祕浮念無由邪欠伸起三昧
雲錦升朝霞

謝

蒙莫伯鎔餉酒攜卽菁村元舉山莊賞菊坐客皆稱歎以詩二首
野飲政自樂何容拘束交窮居闕醉旨逼此歲欲凋冷仙歛照坐
開管鶯韻高秋空映黃菊氣澄埽紫霄攜之壽嘉客豈諱十里勞
供饌者誰子頗疑人姓焦三杯反浮樸一醜破鬱陶酒村兼譜曲

我醉吟今朝

迷途不自覺坐見六秩交霜發凍無幾况此日夜凋所寄在酒盞
傾銀不辭高澆我磊魄胸那復氣干霄手捫赤泥封不辨呼孟勞
乍紆愁腸回亦沃渴肺焦君甚似江州媿我非姓陶為僚且親串
酌我非一朝

謝洛師蔡尹靖餉酒

叩門赤縣尹來餉青州酒底貢上天開餘瀝到衰朽問嘗正及卯
醇旨異失西公不數瑤泉家還卑玉友我時苦無餘愁緒不論斗
紛約方寸亂飛絮起風柳呼兒共一尊益益純氣守豈惟詩膽大
更覺魔軍走寄謝魏陽元煩望掃愁帚

和韻答馬用弘朝啟

三吳汗漫遊彌月沐風雨歸來駭貧舍忽有金剛杵豈惟心疾失
頓覺頭風愈句如冰壺清格類瓦棺古五言有奧境此段得箋詰
吾衰久寂寂笑人憂鄧禹自貶豈不能趨競虞姍悔洞庭巖壑秀

信美真吾土秋濤浮乾坤日月五吞吐中有七十山招提稱蓮武
歸命兩足尊一洗俗諦苦但喜經翻貝那知傲馳羽鍾魚走諸刹
祇席前安處洞天隔塵寰仙境一二數毛公金丹成拔宅已輕舉
空餘朝斗壇遺址猶可觀法成有龍象今作西山主淨甌逗真機
松枝代揮塵示我第一義金鏡破昏瞶游懷清標所恨隔笑語
茅廬新墜塗戶牖木僅斧劇談仁公來相望十里許

用弘見和復和一首

荒雞號將晨不改風及雨高賢兩投分定交從曰杵心期久彌堅
膠漆比孰愈有初願隙末賈友起中古五交有形狀孝標能訓詁
邈哉彈冠契王陽知貢禹乘樵獻巧妍失時輒輕侮管鮑貧時交
此道棄如土孟嘗唾其面憤懣聊一吐翟公書其門薄夫嘗接武
蹇予不知量拔士偏寒苦見欺多校人覈實失子羽歸來蓬蒿園
弔影甘窮處知舊棄如遺那復見比數誰知荆州丞厚德能克舉
任安窮不去平仲久更親詩文連慰藉詞鋒設賓主剡藤快展讀

九卷十七

五

如坐對談塵惜哉華國文乃以觀瞻督春容寫河漢寒窘笑三語
才凡特俎豆德薄更藻斧玉卮實無當深恐累稱許

海昌從中散兄遊峽石東西山及讚山而別兄獨遊黃灣諸山寺
寵寄三詩因追述前遊卻寄

相從十日觀預恐別淚滴重謀訪林壑庶復延暑刻好山塵一舍
何惜蠟兩屐東湖浸坤軸浩蕩鷗鵬擊方舟穩睡餘帆已收峽石
東山號紫微數殿祥金碧我祖練金膏井漱湛寒色飄輪已仙去
千古留玉液當年善逝師福壤眼獨識上方子亭高俯睨眾山脊
空濛雲海寬想像人境隔夜投涵虛閣萬籟森已寂輾脚旋呼尊
亦復兩觀赤黎明登西山岌業動人魄華榜揭靈池審公存故迹
高堂坐白衣魏魏妙智力道旁兩精舍聯步徧遊陟讚山特超峻
四雙舊飛錫綠衣環高竿蒼髯矯千尺吳越峰巒秀羅列在几席
情賞未云厭六龍俄已昇轉溪遂分袂惻愴不能食還家得詩簡
妙語粲珠璧具載黃灣游恨不逐飛翼流光信駒隙薄宦只雞肋

他年倦招尋畫圖追舊歷

硤石寺聞擊豬明不能食

夜間刺家聲哀號欲趨死黎明肉入饌念之難啟齒口腹我可奢
性命彼所恃石軍碗烹鵝東家喚供雉

七月一日招道祖劇飲

長卿已勸遊十年安澤國越鳥巢欲南鷓鴣飛懶北會子亦踴躍
從子寄岑寂有酒時相邀歡飲終未劇今當大火流似聞姊喪釋
羽書靜追呼樂禁通考擊埽除北窗涼招速東牀客暫勤車騎都
未輟春秋癖白啖苦無賴紅顏因暫惜哇蔬擷菘韭園果刺黎棘
金齋薦子鴉銀條膾鮮卸弓彎舞袖寬珠貫歌聲激景升陋三雅
淳于能一石擬取醉轉投慵持詩燭刻浮生百年幻且盡一朝適
莫待佐稽山對案空相憶

諸人見和復次韻

淵明事獨往謀酒不謀國引壺自酌罷高臥幽窗北孤松供盤桓

九卷十七

六

五柳伴幽寂時赴中道邀未覺醴小刺八旬棄縣令折若重負釋
安石登治城清談工部擊竹林事游燕百金費羣客絲竹聊寫情
副此栢鑄癖歲晚白雞夢頽齡天不惜二士俱好伴世運屬艱棘
身今埽開軒紅蕖蔭飭鄒遠挹環峰秀下臨湍水傲得酒且盡歡
何人壽金石不如更添燭夜漏淹晷刻醺酣便逃禪酩酊非闕適
從教醉醪誤黎明不能憶

次韻章堦道祖山居

我本邱壑人負乘輒致寇歸來臥湖海斷三接畫尚餘憂國心
帶眼日驚瘦騰裝居景山飄飄雲出岫門無長者轍相見誰肯就
吾甥相國孫款我衰槿樸禪關有聖解已語則無咎兩庵同相攸
十鄰殆天授登盤無檳榔客居必見有富貴應自知不詢唐舉壽
病起二首

春風散頑陰我亦除積疴客居有園林得暇輒一過殘梅雪尚積
曲沼春已波儻或不近酒如此推遷何

人生身後名孰得還孰失豈若一杯酒聊復得永日如何杜陵老
感難百憂集不飲孰忘憂飲多或生疾惟其疾之憂已矣兩相直
立方和韻復和一首

屬疾大廢食始進一麥麻客至闕均禮呼兒辦瓜茶冷落乏勝事
病苦將日加兒曹解人意爲發闕嶺芽山深生意足香味冠百嘉
依稀仙掌露鬚髯石橋花過蓋謝新法失杯戒惜蛇甘我舌三寸
澆我書五車餘瀝均學子少長各有差何須待翰牒此段固已佳
人生草頭露迅晷堪驚嗟適意貧亦樂鐘鼎來何賒今朝復何幸
濯暑分流霞蘇息問蒼生欲汎牽牛槎

錢氏通惠泉

山翁微骨清日飲一瓢水天公隱其窮殆將貽石髓先救西神君
一派疏清池初驚石罅出盈科來未已其緒爲淵潭其匯則沼泚
酌比九隴泉飴味參差是一甌紫筍春牙頰留甘美餘波共濯纓
澌沫遊洗耳山中有異事喜甚屐折齒長安吳天觀秦吳隔千里

升卷七

妄云脈絡通道人眞疏矣寄語贊皇公未應停水遞

謝興之餽魚肉二首

貧廚不舉火素拙口與乾拾煤未爲飢猶有食一簞拜嘉飲二顧
食尚闕晨餐快嚼乳蒸脆那學武子奢瓶中乏儲米請粟望子華
佳醢得新味羞豆應當加

盜盜鴉兒酒風后起微浪何以侑方尊尊美調得醬麩肩與魚乙
佳惠過臺餉黃雀釀披錦江鱗砍玉板對之無留觴固已就佳饌

持此配藜羹更增貧士報
送同郡識上人遊圓覺問道慈受

道人獨往韻半生服行衣專門施氏易編脫屣絕華文詞榮藻火
片語不救飢棄家學心法感歎悟昨非兩年飽三白唾視甘與肥
南行訪道師芒屨常輕飛側聞長者寺塔廟俱巍巍口口第一代
龍天共瞻依騰裝來見語舍是將安歸勉旃叩立盲心花發清輝
東莊院

此君如佳士得一不爲少如何彌岡巒十里青未了泉源湛山椒
紅亭藏縹緲奔流瀉萬丈穿林下縈繞居僧惜泉出少借作溪沼
冰霜濺沫亂琴筑仙音香水行自莫遊獨厭連客擾我亦願結交
禪房寄深窈門前石盆潭匱鏡澄不撓寺後仙人壁峻噴插雲表
十遊已經年此志幸不天菟茲在何許清境吾將老

中秋無月與仲仲飲書齋書呈仲仲

我生不如意十年常七八窮巷屬中秋乃有長者轍相逢急呼酒
坐待盛滿月那知天所闕不吐冰輪潔王孫神膚清與月直莫逆
牛渚舫中人武昌樓上客千古明月句腹中無一闕我窮輒相累
昏燈照愁絕窗蕉響疏雨杯負琉璃滑豈無仍圓夜又恐聞河闊
呼童歌嗚嗚一笑助耳熱

送仲仲歸漆塘以語及君臣際經書滿腹中爲韻十首

僑居始定交寄誠用綺紵命駕輕千里次亦推枯呂衰俗日益偷
此道乘如土如何五載開七返慰羈旅呼喚聽崇論理粲驚韻語

升卷七

江湖風浪高媿子蛟龍苦

家貧困百須祿廩不時給接浙不漬糠孤斟但飲溼長者車轍至
圍蔬親掇拾主禮不如意八九更論十牛心餉會稽豬肝售安邑
茲事固么麼力亦不能及

聚書三萬卷斷自典與墳簾金固已多是家那得貧平生謝雜好
童習至白紛幽經與怪牒一一儲心君坐令說今古奮袖眞如雲

何當過藏室手披至宵分時時咀能膽辛苦以佐勤

君家髯御史百疏嬰龍鱗死喜作忠鬼生甘爲放人高節渠無繼
從子蓋其倫危言對便坐航麟不顧身重道輕祿仕無盜常隱淪

它年青史上牽聯書直臣

潛山賦歸來上築聊自憩巖壑發天賦相竹如手藝寒泉西神派
那復問水遞割甘餉兒女伐木課童隸意行及跌坐宴然契眞際
誠從古人求三隱眞可繼

中年燈火讀闕徧汗簡青歲晚得與境領略在六經肯蕪班馬馥

要續上軻燈只今未康濟斯人尚郊垌

亂後等蓬轉風雨摧散廬寄身菰城南誅茅轉幽居家山在何許

清夢時一如宿鳥懷故林羸馬悲長途知交久寥落中原猶羽書

歸歟不即賦此心耿耿一塵肯相容卜室終桑榆

失勢水投石得時山壓卵富貴親眷稠貧賤交情斷叔世澆薄中

風道如君平生涯一舸風龍門何不款不著脚乃數訪幽散

語離太恩恩寸心常不滿

傲傲常易汚庸庸每多福為嫌狙貳三乃作龜藏六先生經綸手

都在十圍腹似閭紗籠人盡力欲推轂東之今已老鶴頭來要速

頃年官黃岡清俸綠手空飽暖到憚獨吾寧守其窮場來漆塘山

穉稔收橫從自言畏多累不復愛畝鍾負郭鄙蘇子汎舟似龐翁

絕勝南陽人辛苦耕隆中遺後但清德有子人中龍

明日元舉赴召見別用前韻送行

吾君急昇平元凱登二八赤墀擁豪俊青雲啟塗轍巖居及川觀

號召無虛月徵君筆瑞世制行圭玉潔向來端神羊不長龍麟迹

嶠南歸興動只作數旬客迹雖近煙壑名常誦雲關果膺尺一書

赴隴催裝發遂恐長烏府席與羣玉絕眷言國步艱敢懼泥塗滑

牛刀割繁劇鵬翅摩空闊相期扶中興何止得官熟

丁巳游大雄寺有陳朝楹

古殿藻井高榭榭窮壯麗黃金四佛榜煌煌曼卿字廷中檜異狀

對植天嘉殿直幹龜鶴年樛枝龍蛇勢陰森歷九朝知閱幾興廢

石根青銅柯孤高方得地應笑凡草木俛仰見癩瘁緬懷陳季年

三閤事瑣異後庭唱未闌已作墮井計獨此歲寒姿與佛常閱世

奇謝青牛宮勿輕大雄寺

赭山承慶報慈禪院劉希範資政墳寺張參預為神道碑

故人具雞黍相攜登赭山松桂蔚田舍上已煙霄干陰風起天籟

誤聽號驚湍新寺祭碧瓦突兀數十閒君恩錫香火以報願復艱

亭亭無媿碑銀鉤墨初乾蓼莪避顧孝汝墳起周盤罔極嘯不念

致此良獨難彭城廟廟姿報國劍鋒寒末途禦魍魎為墮隔生還

榮枯信反手誰能保長安徘徊積慶堂老鼻一辛酸

戊午出長興郭汎西溪至清果院

朱藤花墮影罷畫因名溪林壑莽參錯鷓鴣扶春嘒刺船未去久

眼明古招提入門赤泥亭石梁亦可躋佛殿制序古凌空飛拱枅

漉其念陳祖此境營幽棲蝦蟇弄竿綫龍臥聊蟠泥一朝風雲會

起舞隨荒雞與王豈細事荒陵出金犀賢愚同一邱莫厭青鞋胝

戊午次吳山解空院乃端師子道場是日上已呈法中禪老

尋幽勇鼓柂茲山初問津雲煙落吾手若水清澗澗蒼官舊千章

類不赦斧斤以茲海藏湧突兀干蒼舅獨餘三大夫敬蓋披龍麟

下閱往來輩蜂蟻不知春迎賓上人者貌古意甚真豈惟嗣老端

勢到柔忍親陟嶽既幽絕飛談復清新何庸浥寒波更祓元規塵

己未次廣惠院

下若水法法佛寺古邑西開帆但五里不到將墜膺懷古展清眺

崇閣聊攀躋法生有鼻祖樂此山與溪自言孫子賢茲地真王基

霸主受九錫二紀承梁齊空餘陽鳥阜石人臥荒溪綠滿天隨家

巖花伴幽棲雷傳祀菊堂墨妙懸核題秀色有他嶺招尋更杖藜

山林且放誕邊城多鼓聲

次吳梓老觀我齋詩

立我謹外捷逐物戒內熱樊然辨物我此意猶屑屑是身本虛空

何者為六結難慧念不起雖定照不滅無我與我所觀亦于何設

右臂彈已化左肘柳方幾願君進此道道我自明徹不見魯東家

意與我俱絕

丹陽集卷十七

丹陽集卷十八

七言古詩

同子充遊堯祠見交代李行正詩追用李太白舊韻因亦次韻呈

子充

俗物敗人意作吏七不堪... 猶藍銅章來蹈瑕... 雷桃已蒸霞柳飛雪... 句但碑版無復真... 騰光彩破椽欺魄... 想千古令人哀... 光殿峻峻誰知... 早歲氣橫秋年大... 闕小縣鳴弦煩卓... 天贊我金蘭編結... 洋林正對河陽花... 未有涯祭竈請鄰... 記夢詩并序

新定姜補之十一月二十日讀書齋中疲極假寐夢與半山老... 人相遇于長干白下之閒大相諱賞且授以巨硯曰余昔所用... 也舊史載此類事皆為文藝顯名之兆因作記夢詩二首

頤堂晝臥清且閒了無塵霧來相關... 泉石閒抵掌稱譚因餉硯微凹浮墨光如電自言播經視草時落... 紙雲煙皆倚辨山頤梁壞空遺祠覺讀其書寐見之勉令勲德復... 講訪佳兆若此真非老少瑜昔夢青鏤筆江淹重錦完成匹明當... 辭藝驟驚人千里從今期一日

元豐功成身退閑鍾山小築掩松關莘莘學子求卒業說經聞若

閔門閒木鐸茲文繁筆視紫綬垂腰眼巖電似聞一日置心猿道... 德功名無不辦配食孔廟時忝祠子生其後不識之文章津源已... 默付名爵豈待顏髮衰向來李嶠夢雙筆至今辭藻無倫匹納鑑... 唾口難細論謂言不信有如日

補之見和復次韻二首

仙曹無事身得閑午睡絕惡呼當關榻施遽餘獨展轉夢覺不離... 周孔閒官出硯州初乏硯過眼羅紋如過電半生用一卽墨候頗... 欲易之貧不辨舊聞夢硯君祠乃今神異真類之秣陵真儒豈... 虛受文字之祥昌不衰孽變登壇稱名筆正始微言欲儔匹終當... 辭藻瑞朝廷更請焚膏勤繼日

子淵君祠獲

逸曠未遇虛王閑盟車垂耳猶開關夢中一面逢伯樂遺以舊物... 情恍明斧柯山神護珍硯采琢往往與雷電欲求潛璞滿書麓願... 豈咄嗟便能辦禱求若用中牢祠何如假臥輒得之池塘句好有

神助文字格力何因衰莫嗟筮仕困刀筆駢材行卽肩羣匹速將

妙語醉衰翁鶴鶴飛難知不日

從人求鯪魚

海邦和苜固多品此族稱珍乃其伯濬泉湘淪付費宰薑桂煎調... 奉佳客視書已覺明病眼點酒偏能醒醉魄君看憂憤不眠人快... 啗取厭亦何擇豈如吾曹飲文字與臺不復霑餘漚昔官餘杭飽... 下筯兩載杯盤厭凡核塢來瑕邱問鮭菜尊俎徧索未云獲願從... 褚公棄千萬免使劉郎鞭二百

刀馬河上書事呈提舉張聖用

稻人掌稼存周書蕩以溝洫蓄以瀦為田一夫顧尚爾有大於此... 其亡諸所以當時多善歲黍稌高下無萊汗史公引漳變為鹵鄭... 國注洛通厥於寂冥井地已不復二子與利猶居居常平新書出... 聖考歲積羨入為留備毫釐不以給公上補助力役寬農夫意謂... 舍此欲富國不幾緣木求鼎魚猗歟吾皇始卽祚駿惠成憲追前

模民田利病特經意詔俾海縣交修予笏言與議滿清匪論及刁
馬尤勤渠一勞暫費不足單要使長利相乘除水衡銜命出護役
使節適野同伴圖勸警情詔賞罰尺一徑下隨都俞擇材分幹
自不乏猶如采芑從商禽堯堯奮鋪事疏整坎坎鉦鼓催勤劬伍
符尺籍用兵法保受團結從州間施功勳中每絕蚓得肉道上時
銜烏河流廣深事股引清波浪綠涵靈霄勸農使者舊京兆眉嫵
曾畫閨房姝魯邦都尉古循吏謀親許直庸奴經營土功費心
畫埤益王事成仙臞清明不歸對花柳獨冒埃壘馳駟車香名貌
窺鑲翠珍續用藹藹飛皇都橫流不復灌旁郡萬室按塔安田廬
陪京沃壤表千里早乾水溢從今無誰言曠渠百世利政在起役
三旬餘荒功經始自勿亟煩爾訖事歌騷駒役夫雲翔指千萬北
返曹濮南青徐願修屬禁比川澤張官督察稱衡魚

謝人惠筍
籜龍初萌豹文點味調盤飧心正慊二公好事為光鋤一日分甘

香掩冉小新全勝沈道度縱取何殊范元珍趣令庖宰事燒煮未
怕旁人呵聚斂白膠赤米最相稱紫蓼綠葵當少貶驗長須知韓
老嗜稱冤卻笑盧全偷遙憐萌出盛家林豈不懷歸畏官檢願看
繼餉走與隸莫遣煙篋拂崖庵

喜元舉歸
溪東作舍已蓋茹溪西築庵新立棟水雲參錯出十里妙寄方嗟
無與共忽聞故交還五嶺聊喜居鄰依二仲臺評卑口冠神羊儒
館文華推白鳳詔除每下輒避龍才術小試已驚眾炎荒雖云去
國遠皇華要是為時用故為懷歸逐我輩露章求免疲護送自言
嶠南官不惡峻峰危燈頻飛鞋挽葛屨上羅浮頭披雲亦到朱明
洞看山卻憶家林好夜夜幽棲來放夢而今歸隱寄天放卻憶修
途真定痛猿鶴相向為家禽松菊未荒憐手種碧鮮脫釋高繞屋
白墮敷醪香出甕從今莫厭數招尋持盤共費宮祠俸
試建溪新茶次元韻

船舟初出建溪春紅箋品題苞翦葉低昂輕重如美人等衰銖較
知難躡格高玉雪瑩衷腸品下膏油浮面頰太邱胸中有涇渭包
裏攜來充博帖稍發下駟已驚眼香味高奇光燁燁不肯花前殺
風景憑花為耐穿花蝶更看正紫小方珪價比連城直稱慙病渴
羌人洗煩滯好睡兼旬便愁攝異時風流貴公子喜說藏珍今口
嚼莫辭七梳攪枯腸有酒沽君夜燒蠟

次韻去非謝前教授餉澤州瓦硯
錫花蒸成一抔土聯劫即墨元光舞飛鴛餘韻照文房呂翁心機
同刻楷高平沃壤真土膏硯與龍尾為朋曹剛柔得中不坏瓢共
推妙手能甄陶即官小樣知名久何須對面供十手講郎尚有干
載人要此編摩論臧否請加什襲傳後昆阿買不獨書八分紗帷
畫靜斐几滑克肖鼻祖能綴文

次韻去非題紫邏洞
一庵謬作東諸侯邂逅兩玉陪遨遊引泉疊山作竹洞持以奉客

次韻去非梅花
充淹留灑灑清流出潭底辟疆萬箇那勝此奇疆丈六照幽亭雅
稱幼與巖石裏人所應無君盡無哦詩擁卷窮晨脯指物成形直
題署便欲相稱詩董狐雲水相從樂復樂汝陽太守自賞幕不用
飛章乞會稽登秀交流看巖壑

次韻去非留別
造化小兒心慈慘偏向水花施巧妙冷禁霜帶曉寒飄清宜月綴
微雲照已與鳴鳩傳酒信更乞遊蜂供蜜料交情萬里寄春色度
曲五更吹怨調半樹臨溪抵死香一枝倚竹嫣然笑寒姿疏影太
幽獨靜女貧姝真窈窕世言嘉卉出靈山我疑異種來圓嶠肯挑
俗子眩穠麗只約驢人伴吟嘯少陵牽輿催衰白廣平被惱回剛
峭徑須相過壽此花市遠無肴只藜藿
次韻去非留別
餘子碌碌不足數太邱晚出吾所許淹盤此境未金馬邂逅相逢
慰銅虎與起宗語不知寒從季遠遊那覺暑祥琴舉月歛戒行征

馬謖門聊出祖平生種學與續文自信扶珪兼綴組分無桃葉把
歌扇只有松枝當談塵行裝未辨纒頭帛衣食何施擇木羽從來
文豹深隱霧此去老蛟真得雨長卿蜀肆初滌器伯鸞吳廡曾春
杵青雲直上不作難那復笑人憂鄧禹

喜宗丞姪病愈

向來聞汝拙將理五月寢瘵未嘗喜醫良未遇肱三折愛切徒勞
夜十起欣聞安泰風愈微莫歎清瘴肉消髀徑須營度還詩債要
看筆翻三峽水原注：姪有韻字讀詩未和

奉同李倅安上賦崔白沐猴杏花

空山無人春風驕撲撲晴杏開香苞巖深谷峻無與賞攀枝騰踏
惟飛猱大梁崔白舊所見絹數落手因揮毫巧爲紅豔狼籍勢撲
款緜灑歸蓬蒿王孫惜花有深意預憂雨橫兼風豪故來眺觸看
零亂妙思歸寫形無逃貴人錦囊舊藏貯文閣傳玩叢英髦東平
儒仙首雷詠詩價與畫相爭高直云何用辨真假徑須對此呼香

升卷八

五

醪誰知眞花卻時暫不如丹粉還堅牢

高君贊公兼兼數職奔走疲甚以詩勞苦之

曉鼓蓬蓬天未白呼火攝衣于典客青衫手板階石前磬折攀拳
若無骨還將東矢聽情僞更向團絲分枉直糟漿逆鼻走冰廚播
糠眯目可平糴翩翩輕舉行若飛濯濯單執汗如滌趨局何曾過
八磚端居未暇移百篋歸家往往犬迎吹得肉徐時鳥攫食長材
要自萬鵬程初筮聊淹一雞肋徑須龜俛彈其冠未用低徊尤此
幘左馮舊事今復繼敏手州人驚霹靂

邑尉姜補之師仲枉詩甚寵率爾酬和

去年詔鎖春官闈桓桓文陣如能罷激昂辭章爭自售獵取豪俊
幾無遺五更榜帖亂人鬼九衢姓字奔輪駟維時謬從宗伯後喜
子入穀名高垂楓宸臆傳預供俸杏苑開宴常追隨那知嚴邑大
如斗邂逅聯事同勞疲民頽莫訴號難治心怯畏縮將安施幸蒙
幹略整分冗閒以文義相娛嬉忘形未肯還爾汝執禮乃或論生

師固知風味去人遠九牛何止爭毫釐平生最喜我輩士角巾野
服同委蛇爾來亭午已休吏伍百彌月閑鞭笞城南竹富蕭瑟
城北溪漲清淪滄願願吾僚哀老子遨遊使得時伸眉

送許師應

訪我金溪船繫柳一杯酌我眞天酒原注：酒騰裝欲赴清油幕纒名師
得伸眉俄振手家聲文采照東南洛師吳郡乃所監蓋纒繼辟不
容避聊脫黃帽穿征衫元戎器業光鼎軸百萬貔貅爲部曲仰分
憂顧新登壇慎東英僚佐推轂平生韜略慮一朝側聞烽靜無氛

妖將軍三箭天山定千羣塞馬嘶風驕

少川兄貧瘁甚見屬求寓館未遇好事者聊作詩以寄因以述之
我兄弱齡推了了手不停編今髮縞人中滯論能立判筆下陳言
皆立埽多如雞跖歎積學大似牛腰看屬囊敗絮自擁不言寒書
牀坐穴那知老逆旅無人識馬周除舍何當館孫寶水波未合急
相過漱醪聊緩憂心擣

升卷八

六

寄題吳江王文孺份解元臞庵

臞庵散人築隱居自稱山澤之臞儒邀風貯月有亭觀以道自廣
何其臞三江雪浪魚龍窟千古浮天仍浴日乍吞涯浹歸醉胸時
卷波瀾入吟筆天儲此景非寒窘經營傑觀規相準萬株蒼石雲
刷根十頃紅蕖波照影異時壁沼搖毛錐同門太半通金闈一班
一級何足道賦歸有此知爲誰境清恍與塵寰隔髮鬢天隨舊行
迹聞道朱黃近筆牀定有叢書增笠澤

次韻慶善九日

舍南自灌五畝園滿種黃花待親識明朝酒熟當壽君卷白不許
餘涓滴湖海浮家作寓公醉醒幸與驪人同一座盡傾塵表物不
須舉扇障西風

再和慶善

但將詩酒樂重陽咕囁深嫌程不識已呼明月倒芳尊更浥滄波
供硯滴多聞素仰百六公飄零邂逅笑語同明當數助擊鮮品鼻

頭出火耳生風
送慶善之江陰

南州地氣真火維午暑勢若遭蒸炊風亭水榭不救賜如何況役
衝炎曦四年遵路俱六月叩門急義非君誰小篷暑行分不免著
書暫卷春秋帷借船屨枉逸少字質錢敢以班史辭一麾尚與數
人共西江得水知何時況復外事繼嬰擾主孟頫歌烹伏雌天其
或者降大任必先空乏其儲資老人索居寓澤國蛙黽同處時迎
醫麥麩芎藭兩未效政須健論扶衰疲君今舍我那遠反落莫何
用伸吾眉大恐尺一函招選徑從僂道趨天墀

朝淵明代答按原本此有前句

君不見七百石了麴糵事二千石充雀鼠耗澆腸果腹固之餘糟
即米山何足道不如酒盡仍從酒家覓瓶中栗空聊乞食

依韻和子有教授姪寄雪詩

空中紛霏誰翦水夜半天窗明臘紙天將奇寶借詞客使酒驅詩

丹集八

五

難但已紅鑪活火然松明開施博局呼明瓊區中無此清絕境疑
是縮地來蓬瀛從來聞說三吳道飄瞥郊原看最好且願爾為不
夜城揮戈卻日還穹昊講郎才韻今可人聞客欲至顏津津急掃
階庭施木屑跋馬去作陶家賓

衛卿弟和詩佳甚復和一首

俗人雪句如翻水陳言堪弔刻藤紙子詩清如扇上讀使我三歎
不能已妍姿與雪爭輕明白戰不到飛瑤瓊西神山畔芙蓉水好
招煙艇浮澄瀛千巖不必山陰道何處輕飄看不好百舸判斷速
呼客莫待眼消還昇昊天儲此景娛閒人貼瓶潑若甘流津茅簷
從此便歸隱不待人呼祈孔賓

衛卿弟賦詩見貽和答一首時有從軍之興

我如老屋人多開航麟如君真可說長途未聘駒伏轡窘步無堪
鮒依轍諸賢袞袞位華顯獨子棲棲困巖穴何妨虎子聊一探況
是龍泉未度缺前時藥稀客去爾日瓶空糧又絕不緣閱已賦

牢愁獨為傷時拭清血燕頤食肉骨索奇龍額封侯計非拙勉旃
雙錄出據收卷毛錐從此決
明月峽

李山記皮陸詩紀述茶事真歷歷枕流亭北池七里萬仞插天
雙石壁懸崖倒挂天銀河武敏尚存西楚迹昔賢招尋多好事例
以姓字刊巖石青瓊綠髓茶始生報春鳥鳴山響寂茶民研膏柏
黑黏香焙鑿山深二尺急程苞貢御簾開宮城進水傾寒碧只今
士食歲不供舊事獨有山英識躡人水厄不厭數耿耿不寐幾通
昔他日重來覓舊題應歎流年如矢激

工部兄新治小閣壘土為火爐戲作勸召客

簡許開尊殺青竹俎有肥於簋饌粟招呼未聽洗醜肴故復吟哦
小詩促能使將軍當不貧請召宗姓仍反身擁鑪便是入窟室於
桑滷掃情兼文我今愁如居廣柳萬斛量之應更有內典暫輟筭
海沙翠經尤慵開戶曠政欲酣暢融心神村郊魚鳥皆來親不憂

丹集八

八

坐上無武子羣從一一天麒麟

大父通議無恙日開軒燕處有桐孤時因名琴軒初不措琴嘗作
記敘意而偶失棄本故今家集不載比者與之姪閱故書得之
見貺喜而成詠呈六兄工部兼簡弟姪

嶧陽奇軒高參天對以華屋名琴軒軒中寄傲隱君子方瞳鶴髮
屨儒仙閒中默契絲桐理不待徽絃出宮徵柳揮筆垂佐屬文淵
明手撫聊寄意一篇敘此藏巾箱款爾六丁下取將世無安世誰
默識才異束哲孰補亡神物護持今復出數紙蛟蛇親手澤敢辭
援筆補遺編謾致區區貽厥力

諸人各見和復和一首

我祖還笏歸樂天不羨帶冕兼乘軒掃門笑傲寄元趣一龕相對
惟金仙辭藻翩翩能析理字字清奇中商徵響泉韻磬初不施見
色聞聲自真意從來家學傳青箱祿修萬石今方將此篇不愁暫
飛去天相斯文終不亡孫曾秀傑今層出餘慶仰承君子澤莫言

臨絕似獲麟請看筆頭扛鼎力

沈必先殿院與求用策字韻賦詩見贈謹依韻和時居盛林

菁山遠用檀公策水村來作浮家客五年霄漢隔音塵此段相逢

喜折屐荒荒難覓鉅鐸潭胸中邱壑有人傑烏臺坐逼癡牀南見

事風生勇成癖逆耳爭先貢阜囊造膝仍頻對宣室只今道梗淹

荒村汲直未肯倚公孫時平已見龜墨食尺一行催觀文石

蒙維心示謝必先尚書餉筆佳什時維心方刊正三國史輒依韻

攀和

谷口之孫材刃銛如錐處囊立見尖平生苦心在墳索入月猶未

高騎蟾若嫌壽史六十五論次未必三長兼與時諱惡難僕指為

米溢美堪掀鬣浪言張華為輟筆至今詆者口不箝因時眾製事

編削管城雖老聊復拈明明喪議滑涇渭欲向素王師謹嚴已剛

臥龍無將略過實仍刊諸葛瞻原注陳壽與二人有隙故東陽尚

書助述作束穎分餉出寶區自言哀廷風露賜今以歸奉餘不潛

原注維心自雞距鹿毛青鑲管品制一一形標籤昔冠神羊書白

簡痛擊姦佞如鍼砭并與書法奉君子大書特書不可淹懸知南

董奮直筆首於三馬誅姦檢

次韻王得之方也父子翫月

先生夜不眠愛月真癡絕呼兒飲文字桃黍聊一雪清光入酒墮

胸次照見萬卷非涉躐商容顛氣寒徹骨况是冰輪圓不缺中宵

影倒萬頃池上下金盤兩澄徹廣寒靈媛多飛瓊煙凝露暖收羣

聲魚冷跳波聞靜岸鵲驚繞樹當前楹辭直道山來膝上郎君吟

興紛縱橫詩成父子定知己門有佳兒真寧馨不須靈液坡璃盃

一夢瑤臺亦非遠

楊泰初權縣丞數寄示詩文作詩紀謝

關西家世東都相礙禍十年今始壯一官棲棲百僚底口象翹翹

萬夫上憶昔曲臺尸列卿謬廁春闈慚哲匠英俊下沈勢欲拔文

章橫流期少障榜中上第溷元結堂下一言驚叔向煩蒙古錦倒

清篇更枉長鬚問無恙詳觀歎賞欲投筆退惡癡疏堪覆舊吾衰

文意已踈陀風閣當求舍人樣原注請老

程良器善量解元許為寫照作詩求之

虎頭千古丹青傑誰言點中有癡絕手揮五絃真勝詣頰染三毫

更超越自言四體嬾或妍顧與妙處無相關炯炯雙瞳點圓碧筆

下頓覺神明還程即言語妙天下畫復通靈能變化掃除俗骨畫

如詩摹寫天機詩似畫竹齋溪嶼數相從似蒙儻儻窺塵容詆訶

眾史露拙速疑有心畫藏胸中寒鄉鼠目蠶頭子葛帳練裙謝龜

紫幼與政自邱壑人試為寫傳巖石裏

次韻范昌齡大有慶新居

我家渺在澄江浦汎宅來依白蘋渚客居十載席為門上蓋茅茨

下榛楚邇來作舍倒歸費聊為兒曹庇寒暑千巖萬壑相嫵媚似

以身嘗為地主樓外煙霞邀吐句堂中墳史供稽古歲晚居身可

否閒簪裳東閣饒安閒深媿詞人相俎豆鶴書應不媿鍾山

先公忌飯僧悟空興之姪有詩和韻

君不見毘耶居士人天英化佛億萬丈室盈清晨香積一孟食厭

足一切緊法力又不見手提塵尾生公廬說經妙蘊幾無餘豈惟

緇素日會面粉碎虛空雨花片我生歸命海潮音況復劬勞諱日

臨三孤遺像涕沾臆建齋建觀取掉闔悟空誰是悟真空門前灌

水吟悲風

贈星洲僧了然

禪林古有一宿覺講席嘗聞一徧照凡馬十鷄及駿骨况子秀穎

顏齒少星洲巖壑鎖雲煙千柱淨空覺王廟似聞焮掌作書淫乍

或橫肱究心要明窗淨几學參立二塗一得可前料香浮牛首禮

圓光唄似魚山勝長嘯聞口大士豈忘言機鋒嘿贊潮音妙

和陳簡齋韻

馬鞭雖長不及腹山林朝市兩角逐華堂誰挂元吉塵坐使朱門

變林谷龍章鳳姿自有種山野頭顱未為辱長沙寫真得天趣下

視焉尹皆奴僕君不見青州劉幡得意草能遺死磨骨再肉又不
見廣平射鷹變浮屠因罷校獵投金鏃兩幅陵陂樹葉香萬傳共
樂春草長昂頭爰尾無所畏窘拘知勝觸藩羊原注吉善書

依韻和興之姪
一真那有黑白業佛囊枉用爲書篋人人反照自圓成說甚一花
開五葉了無結習便超脫因有挂礙生怖懾山鬼窟中求活計立
關欲透知何劫匪天徧地自心源若鮮承當真要捷樹林水鳥皆
法音露柱幡竿光燁燁世上盲聾啞人試問道師作麼接

寄題伸仲芳美亭

漁舟一出桃源路煙鎖雲埋迷舊處那知九龍有仙村漫山灼灼
花無數人言卻老此花只今已似劉晨家微風披拂飛紅雨杲
日照耀蒸紅霞似聞花開新結字醉吟多是緩山侶更求人面相
映紅我欲叩門求雪黍
圓復師將游四明用道祖韻作詩贈行

丹集八

禪宗不滅宿一覺文性還同照一徧啞羊豈是一流行漆墮爛爛
巖中電機緣未遇閻金隄雲水光中挂衲衣定回時起囊駝坐秀
句一吐胸中奇過我郡齋那聽去袞袞談玄侵日暮西風吹面作
新涼騰裝欲指鄞江路一庵錢料山幽深欲拋印綬聊招尋倦游
歸來問無恙東第飄然正角巾

招道祖簽判嘗暑酌辱示佳篇記事輒依韻奉和且約再水釀云
君不見兵火連年擾江漢一介蓋臣無斷斷列城守將遁或降那
得捐軀顏與段塵兵喋血八年閉西失平夏北折蘭奔軍知是何
雞狗坐想飛將張與關草莽臣謀未云獲且復澆愁傾大白平時
徒有扇障塵一笑未辨鬚纒帛相邀聊共聖賢中但愁燭跋鴉夷
空沈酣不覺輕出舌驚懼懸知不入胸午夜醉歸聞踏月林影灘
聲助清絕槽邱好向水村營壑谷正爲吾曹設儒生嗜酒多有之
高陽醅酌無所缺莫言酌我甚無多休彈賀若唱回波騰騰相送
入無何

二十五日道祖滄浪亭落成召會

東園延表不論畝樹子成行俱楚楚方池瀾漫漲連漪藕花清酣
嬌欲語臨流新築滄浪亭斧斤斷手邀落成蘇家風月舊無價千
金買得亭知名穹廡飲馬吳江水長洲萬井紅煙起齊雲樓觀委
寒灰那有相家歌舞地稽山別乘今豪英肯將勝事頽家聲青甃
舊物今在眼髮髯北隔仍東榮把盞聊爲主人壽亂離已往空搔
首請看前日開巫醫豈有閒情舉尊酒朝來大火落南躔已覺病
骨蘇涼天贖搏橙齋秋鱸膾全家醉倒秋風前

流杯

美哉洋洋曲流水碧可染衣清徹底我傾山資結茅舍兩載經營
端爲此春風上已一月前小試禊事來水邊胡牀醉坐略少長羽
觴輕汎隨洄沿道人護戒無酒欲笑挹清波作醺醺崖蜜相和代
引滿自言過免三十六隨緣戲劇亦何嫌勝遊從來支許兼久知
世味如嚼蠟未應貪著中邊甜

丹集八

次韻道祖大水

君不見綠槐蔭夏楮千門移秧徧野綠盈盆天公忽作彌月雨憂
歲上勤黃屋尊我家茆廬劣容膝隨水傾摧非瑞室街衢生魚堪
佐饗簞雷垂龍欲穿石仰天又見興油雲乾雨誤點波連村馬牛
不辨固其理電詭同處何容論休歎棲直接飛翼林端會見賓紅
日木饑水毀儻時運救災行看恩洋溢

同道祖及子舍遊茶山歸因成

寒窗送曙雞一鳴尋山尊食天初晴水口溪窮爲停棹步攜東坦
仍添丁虎頭巖高山色好竹與遙睇眼爲青花灑濛濛勝紫氣微
花拂衽聞芳馨爰我懸白與天接脚力欲趁飛猿輕此邦佳處徧
尋陟夫差所顧獨未經茲遊野服穿不借自勝五馬仍雙旌憶昔
貞元守修貢木瓜堂廡輝山局兩邦歌舞競殊麗數雨不許遊頭
醒只今金沙雜榛莽空照華髮垂星星近湖喧喧泉灑灑遠峰嬌
膩雲英英山僧意勤苞紫筍傾蓋一笑無平生息黥補劇有甘寢

夢覺起作遊山行

新池水涸股引于前溪尋道祖來觀

吾廬新築薰風堂其下方池手親掘春插初無鄰里相垠隅那有

披瀝開旱涸俄驚圻龜兆灌輸未免翻龍骨街南大浸卷滔沿巷

北小渠來汨汨膠杯忽覺水痕漲抱甕免嗟人力竭已憐紅菱淡

枯莖更喜頽簷救滯沫幽居勝事快先睹上客高軒為輕出蛟龍

好在且泥蟠他年豈復池中物

初得庵基於菁山用立方韻請道祖同賦

身閒那贈繞朝策來作菁山數旬客結庵痛謝九流賓輕重嫌人

分履屐才通箭道舊蒲潭幼與政合居山巖關健更須升絕頂接

天巨浸浮東南從來不辦王濟癖石磴騎危甘脚歷欲將土木化

荆榛坐歎清風來入室練裙葛屨居山村共怪膏梁相國孫祝雞

為鄰言不食自此相從煮白石

道祖見和復賦一首

人言不飲第一策況我攜貧來作客破衣任笑頰見肘斷鞋不辦

時新屐口口公望非丁潭世人誰許瞻巖巖豺狼滿道生理窄立

錐方卜南山南十年邱壑幾成癖邊懷坐想真歷歷難希蔣誦開

三徑且學陳蕃事一室時危花柳自成村未害舍飴仍弄孫淡飯

且安禪說食儲錢更買奇礮石

大暑新居納涼和小子韻

至後金柔伏日三旱氣焚空勢如快火井湧沸煙生嵐鶴髮遺老

素未諳我居瀕澤深耽耽修廊飛廉賢僧庵薰然好風來自南如

甘露門開罽雲如客懷冰吐清談有亭自雨臨深潭不假涼草生

麤耗天日炎赫反所食我窮儲無石與瓶枵然飢腹空焚酎后皇

矜憐百不堪免使熟爛聊包涵王臣袞袞穿朝衫跨馬揮汗流朱

藍獨逃塵鹽侍魚泔坐亭逸樂捫心慚

山村艱食字畫合齋鉢相呼坐僧榻今朝瘦羊忽入饌云是說餘

徹腹臘年大才疏合退休尚玷恩華只自羞賁延賈壘來踵武命

眼童孫尚霸午

仕宦由來須遇合未遇杜門靈穴榻尊無汎蟻浪經春突有懸狙

偶乘臘郡印還官得小休桑樞席門何足羞幽居不羨裴掌武綠

野堂前橋號午

立方闢小閣與之姪作詩勸會客次韻

吾兒立學師老懷嚴持月六入關齋新來五辛不入口坐使妻歎

生不諧自言文室淨名量惟期禪侶來存訪栗里豈獨尊常空亦

乏秦聲亂春相朝來天雨瑤花霏句如連璧來交輝鹿梓茶果亦

易具不爾恐致膏盲譏幻界政應頻燕喜酒盡為謀當更起趨庭

為爾復緩頰一旨既嚴難但已

丹陽集卷十八

丹陽集卷十九

五言律詩

大韻大人待次吳陵邑五首

待次吳陵邑身修道日章蘭陵畱古郡花縣得鄰鄉未即搏扶上

端嫌代斲傷蕭條文墨外樂趣問濠梁

待次吳陵邑優哉閱歲年鳳池疏海角鷗閣堞城顛時藥時分類

栽花自溉泉新篇談笑就寄自營邦傳

待次吳陵邑行趨寶姿邦蔥龍連越岫澄澈泳桐江入詠風生座

雙林月映窗勝遊知不晚官履欲飛雙

待次吳陵邑常安揭小軒祇從支遁隱不問景純言顏巷居多樂

陶廬似少喧朝歌屈處詡清切未殊恩

待次吳陵邑鴈黃報早春紅歸花舊淺青到柳梢新窮約那趨俗

虛緣自葆真榮枯多反衍坐嘯儻頗頰

和送張元方南京掾

下位沈英俊青編樂自多官曹依綠水詞筆注黃河初日嗟貪鼠

今年未飲鵝陪京資祿養何計免奔波

題橫林館

治劇知非稱投閒得退棲聊從詩酒污頓免簿書迷幻界榮枯小

眞乘寵辱齊橫林孤館靜辰發踏荒雞

題須江驛

寓館飄風雨高文耀日星原注驛有閒身關歷覽左宦在零丁不

見雄雄行原注事見空存長短亭襄陽知漸近峴首映寒坵

次韻李子京宋城道中詩三首

沙岡牛酒市渺岸指前程斷梗隨鷗追殘霞與鷺平原注一云雨

頭薄村聲喧垌莽林影到澄瀛俗物難遮眼支離病骨輕

通塗了無畏清世足章程擊壤民風樂持衡國勢平米鹽豐道路

桴鼓靜寶瀛佳氣恩思近心隨過鳥輕

積累三冬學淹通萬古程孤高吳子札該洽蜀君平曹事今司李

官封近接瀛公階口有漸五斗未客輕

奇題海會晚實軒

素節清霜重金苞照座隅根深容四老品貴入三都驛客眞宜友

侯封未易奴舊時書兩廟感事涕沾濡原注元豐中先人各

任指宗定來

登樓雲亭和工部兄韻

危亭登山巔紫紆一徑穿林深將蔽日濤怒欲浮天江北迷隄樹

淮南起餉煙結庵容寄傲從此息攀緣

次韻和慶善遊圓覺寺歸四首時僕亦方自徑山歸

青鞋訪雲水僧饌飲茱萸落拓人誰識迂愚世所無鷄鳴從物化

牛馬任人呼世事何須問諸公在禁途

步屨尋幽子談玄孰造微離羣雖念獨選勝遂忘歸世路從爭席

年華逼授衣生平付雙瑣手撫送鴻飛

招提行閒道末學倦編蒲不際方爲際應無今盡無歸來聊自賦

隱去謝人呼宦路分夷險平生誰識途

黃花兼露重白鳥帶煙微雲伴淵明出風隨曾點歸經邱攜菱製

視膳輟蘭衣景物供清興詩高直欲飛

夜歸不寐

流鶯驚節物樂事二毛前山簡不堪醉淵明方欲眠談餘愁似繭

坐久腹如蟬日出重游行殘花有杜鵑原注謂之

次韻慶善九日

二九依辰至追歡付麴生竹根并醉臥菊葉正牽情杜曲酬佳節

陶翁愛此名吹花更吹帽相值得豪英

慶善再和復和

吳縣逢佳節羈愁太瘦生黃花眞解事白首緩傷情十日尚堪醉

一杯猶有名眼前多勝士何必洛中英

幽居二首

幽居無俗韻勝事特關心研度瘦三豕林敷戲一禽覆舟恭自戒

中聖酒時斟瀟灑侯來訪窗前景選林
名勝音塵隔懷賢自渴飢千巖秀處一榻獨懸時盛夏衣裳爛
深林枕簟宜招邀何以待教卷請仙詩

卽事二首

四月麥已熟清寒人不禁林深來蜀魄屋破絕燕禽幽屏兒仍出
貧居病更侵蕭然北窗下跌坐獨求心

巷轉柔桑陌門依稀柳橋因人嫌碌碌拔俗自起起嫩碧半篙漲
殘紅一眼飄卑棲有微分尺鷃得逍遙

試墨

爲適閒中趣晴窗試墨磨研輕有暈條暢細無聲紫玉浮雲淨
寒煙點漆明烏鳴春晝寂一笑萬緣輕

微雨小飲客至關人辭以出令追路已不及偶作

昨日持三白今朝解八支聊爲犀首飲儘笑虎頭癡冠履從來爛
杯錯且足持是中多樂趣勿遣外人知

丹臺元

題庵壁

葛翁攜葛姓小榻葛橋邊葛泉出蘿葛一派自潺湲咫尺葛山觀
金丹問葛仙耳孫忝瓜葛行隱葛山顛

龍井

古甃泓澄淺涓涓似有源蒸雲驟游字吹雨忽翻盆泉伏微如燭
泥蟠肆任蛻斲然頭角見坐禪葉公魂

龍堂

一室飛山腹蜿蜒像設精班傳五色貴食辨百花名睡領應難探
雲鱗詎可嬰從祈得甘澤棲壁有碑名

觀山謁蔣叔明靜柏都叔改翼二填

美食觀山道佳城隔壠分趙公今不武蔣老去修文歌薤猶前日
栽松已插雲生平各投分絮酒薦蒿蕪

昭懷皇后挽歌詞二首

天作元符合哀榮極始終陵陪承泰近禮視孝章隆圍主躋新廟

麻衣賁下官柏城連獻瑟蕭瑟夜臺風

寂寞崇恩殿飄輪去弗還尊名千古外顯冊兩朝開坐冷金缸暖
香消玉斧閒神遊返姑射脫屣謝塵寰

李楚老尚書挽歌詞三首

席寵三台後疏恩八座榮朝廷真大禁邊鄙更長城民社符刀夢
王舜識履聲陰功歸壤子衮袞出名卿

東里推人傑西清列從班袴襦康二蜀裘帶靖三關赤白鬣無警
朱丹轂遂還登龍門舊貴奕葉道家山

得謝恩重起追榮爵更崇龍蛇新歲忌鷓鴣舊行空圖像人懷惠
尊名帝念功遭時掩陳賁大畫偶相同

方待制輓詞二首

瑣闥樞機地儲闈羽翼人蘊儀容曲備校曆閏餘親雲路其乘說
泉臺嶽返申荀龍行濟美交舊獨傷神

佳城醜酒奠長夜殞星知今代儒林傳諸方德政碑朝廷躬躋蹇

丹臺元

邱壑自怡怡安得研幾士推窮妙萬著

莫子憲中奉挽歌詞三首

嗜學唯何甚飛聲實九如郎星顯省戶卿月轉周廬桂奠房祠酒
芸殘冊府書音容千古外墳樹闕南徐

材資合黃閣器業偃朱轡教府依模範樞庭驗討論成梁繫杜預
障水幸王尊二紀朋僚舊追懷慟寢門

令子承家學諸儒擁後塵無雙問江夏第一擢平津宣諭傳黃甲

褒稱對紫宸公師有追實行慶密章新
致政朝奉親家丁公安常挽歌詞二首

節概松千丈聲華桂一枝牽絲始游宦解組連安時人羨拋官早
身嫌了事遲反眞聊示病曾不謁巫醫

貫籍光明殿頤神通德門慶源來化鶴高隱謝鸞猿見級承前範
其表付後昆論婚情義重□□獨傷魂

胡茂甫朝散輓歌詞

學擅專門逐年躋賜几尊降崧鍾秀氣遊岱返英魂宰樹黃巖拱
房詞赤紱昏密章行胙國有子大公門

凌丞事挽詞二首

銓材今秀孝較德古沈冥已悟桃花理猶繡貝葉經妙觀存述造
陰德有平停今夜稽山道天沈處土星
紫誥恩華重青綸命服榮無香然玉釜有子勝金籙禪解超尊宿
鄉評服老成棘人深孺慕奉土作佳城

許處士挽詞二首

場籍聲華茂家庭志意修光陰歸翰墨器業謨山邱學府空雞蹠
賢書誤鶴頭門基多克荷衣衣出公侯
唯陽忠烈後泊水老成人庠校推模表州閭訓陸爛決疑辭郭璞
營急似陳遵碑字深無媿鑿坡得從臣
魯國太夫人楊氏挽歌詞四首

教子青雲上持身白業中挾醫來相第賜秘出宸衷鸞詒前恩在

魚軒舊轍空東方妙喜國斷取作幽宮

未肯甘泉像先疏曲阜封春秋蘇六紀甘藹極千鍾違日朝廷趨
容車郡國供吳人交惻楚相杵夜停春
鱸堂推胃貴蟬冕媿夫榮玉釜香無驗金輝館已迎鵲梁占胙土
龜墨報佳城今代誰詞伯刊碑遠德聲

子貴今台輔才高古蓋臣與民開壽域爲國幹洪鈞會友傷陶髮

迎師憶孟鄰樂樂親負土腸斷冢邊麟

五言長律

學正郭勉夫示詩次韻答之
有道家聲遠沈機足幹時松生非培塿植伐待淪漪虎脊卑凡乘
蛾眉疾眾姬一鳴驚伍舉千里器王珪德令溫溫著名香藹藹馳
披莊問同異執禮判嫌疑操尚傾涓子才華進客兒適齊非鼓瑟
逃楚笑吹篴藝苑高三絕書庫肅五儀涌泉惟敏思翻水播英辭
計吏趨蘭省諸生偃璧池行殊師也過論鄙釋之卑默識板安世

東方少惠施風標寒似玉機警利如錐高翥千齡鶴前知五總龜
碎金珍謝傳餘錦夢邱遲謬學邯鄲步工施渾沌眉文科將赫奕
榮路卽威夷器業今爲重功勳士所期他年青竹上稟稟看名垂
勉夫示詩鳴窮甚哀因次韻答之極其貧悴之態而卒勉之以科
舉庶廣其意也

落落超餘子平時命未當摧傷窘文陣拓落尚書庫賓貨無山積
毛羣欠谷量蝸廬寒不展龍具夜何長牘護三千富年侵四十強
有車乘下澤無夢入高唐藜糗甘珍薦桑樞自峻堂書傭跼淨院
春賃寄修廊異鬼時相笑鄰家許借光低徊呼轍進退觸藩羊
原憲貧非病榮期樂處常財雄劣程鄭資鉅笑秦楊甫里田多瘠
尋陽徑就荒白駒嗟逸豫黃鳥怨遺忘薪乏支離束錢空趙壹囊
晨漁煩乞米夜讀待然糠詞藝聞精敏名聲已激揚登榮將赫奕
處困暫徬徨志氣宜軒翥文辭忌怨傷逐貧高賦就豐廩換龜腸
中秋和韻

涼夜清商半層空素月初騰清來洞戶委照入空虛銀海亭亭上

金波煜煜舒纖阿今夕御少昊昔年墟魄射澄瀾倒光涵脫葉疏
階莖生乍足庭柱落堪鋤東鄙人摘藻西園客燕胥未高尤激澗
當午更脚踏氣扶金飄爽光從玉宇據鑑圓疑傍架輪正若依輿
影挂千林上明同萬里餘雲開無點綴火退覺虛徐浣濛吞星彩
晶於翅日車驚枝翻異雀滅脂謝游魚田淨瓊初種窗明雪未除
胡牀情戀嫪小舫輿勤渠珠盛輝滋水潮高壯尾間傾寒滌肝胃
揚彩媚衣裾郡古休敲榜官閒置簡書萬家與酌鼓愷樂旒雜旗
次韻逢叔喜雪
始見穿簾隙俄驚照屋山春容先苑樹夜色誤城關砧積疑鋪練
盆消若盜環酒醇懷汎蟻詩敏過求鵬澗濛迷珠澤便娟掩玉顏
人飢甕共噉馬凍難難勢急因空亂形移任地班舞深爭巧點
轉細弄幽閒淮右提師入山陰訪友還江湖禽影斷絃木未須鸞
次韻李倅安上喜雪

兔苑佳賓集龍山上瑞璠微飄方自弄亂灑忽無垠翦水層空墮
裝春病枿新縑翻投隙巧歷亂黏衣勻隱每隨風陣高將擁日輪
階閒鋪六出簷重壓千鈞片落梅初謝迷飄柳未燻賞清疑不夜
驚晚誤思晨朔漠寒沙起湘吳美耐陳地荒包委瑣木朽蓋輪困
舴艋尋幽客蝸牛臥冷人稍晴芳意動散策共尋春

再和

皚皚盈尺瑞及此臘前驟澆濛連三暮繁盈徧九垓青腰陰巧露
白帝羽儀新坤軸埋藏厚天潢瀉落勻瑤林變園榭縞帶逐車輪
膏潤歸農畝雕裁自化鈞吟寒詩膽健裝冷嫵眉顰點袖朝正日
侵禱立仗晨境同秋月淨句鄙散鹽陳白玉藏千室黃雲一萬困
江皋迷宓女姑射想神人早晚晴光動郊原探早春

十二月初四日進吳山院

穩坐踰年矣渾消脾胃肉頑兩兒挾籃舉十里訪吳山佛老聊施伎
官曹未畏瘴煙林窈窕嚴酒揭潺湲樓觀修篁外招提翠麓閒

丹集九

七

噫危愁億力渾淨怯衰顏身縛何因脫心紛得暫刪歲窮嗟俛仰
境勝瓊躋攀臘出因休吏哺歸反閉關相將投此噴永伴黑衣閒
走筆追記十二月九日潭頭之遊

三益得豈易一遊營亦難地偏如避俗春早自排寒霖潦逢初霽
年華念欲單拈節卜遐眺挈榼展清歡茶鴉千家密梅林十里寬
幽尋窮窈窕危陟徧噴坑有地堪肥遯幽人卜考槃後前羅峻嶺
左右繞驚瀾西望雙藤老南瞻巨石磐千章叢古木九晚秀崇蘭
手板看蒼翠軍持上激湍醉鄉因蟻耐水厄爲龍團晚景雲低樹
歸逢雨壓冠原注一作微發明驚烽火逼小艇起前灘

十二月二十三日立春中散兄講棣華第六會是日天大雪小孫
女出綵旛勝及花柳精巧夜漏且五鼓方罷既歸不得寐偶成
律詩紀事拜呈中散兄兼簡公任阜民詳定侍郎道祖簽幕判
院朝提轄奉議卿任寶錄待制
吳縣逢春啟驕懷百不堪頻傾次道釀聊喜阿雲談棣華仍清集

辛盤助半酣綵幡驚節物玉屑瑞田蠶大簇律初應德星堂不慙
共誇筵秩秩那羨府潭潭濟美三分後原注謂章逃禪二老參原注
謂中散清歡時擇勝冲操自廉貪丹荔來問部黃魚出嶠南雲泉
烹賜若羅帕薦珍柑徑醉香浮座言歸鐘動菴蕭然文字飲共賦
鹿鳴三

六言詩

六月六日大暑市中無肉庖厨索然作六言三首
翠竹碧梧入望紫茄白莧供槃未辦楚王雞跖難求閔叔豬肝
常饌素詣首宿忍飢何必檳榔自歎麀頭鼠尾難求蟬腹龜腸
三白舊甘蔬食八關聊復齋支蟻酒似聞將熟蟹螯應得重持
再和三首

晨飡僅有醃豆夜飲應無燭榮屬糜何取雞肋委順甘爲鼠肝
野步自鋤蘆菹輕塵試煮枕椰坐喜青芻入眼不須紫竹搜腸
腊毒雖無後悔轉雷已覺難支異饑那施方丈寒泉且飲軍持

九集一九

八

七言律詩

二陳作書懷詩亦次韻
山城眞稱著寒儒繞屋青蒼似故居吏牘糾紛慙磔鼠齋廚蕭索
待泔魚爛如園令將移病窮似虞卿合著書賴是豐年民氣樂夢
回時見旒維旗

園空訟息復遇肆售庭事蕭然蒙良器解元龍詩輒以二章爲謝
一官銅墨付疏頑歲好人和偶未瘵東畝黃雲糜已臥北扉青草
繩微開鶴亭夜覺冤氛靜蠅筆晨驚沛澤頌倪耄歡謠歸帝力風
人溢美但頽顏

編戶相安易得情年來狂狷每刑清庭閒不復施梧象俗朴聊同
示草纓牘背僅能平枉橈需頭那復覩衰榮原注來詩有皇皇
之天子人言官事無由了暫得居官事了名
次德林新亭詩韻
銜訟無多得暫閒結亭就柳碧鮮間胡林寄日中宵月手板支頤

四面山楮帶水禽流淺瀨帆隨煙艇轉前灣登臨似與塵寰隔况復朋從接筍班

次韻子充九日建天靈道場罷遊堯祠

悒悒無聊坐學宮銜杯阻共玉西東祝延精舍臣心重擇勝叢祠友好降休歎青衫淹小縣且從烏帽落商風喜君句法無餘字始信才華夢得同

次韻德升遊堯廟

頽垣老屋寄荒村八彩修眉儼若存古砌荒涼無曆草莫解牢落想衢尊雲山繞郭清如活煙艇搖波渺欲翻循牒歸來同勝賞免煩諸友為招魂

九日汝明留郡中不遂同遊以詩見寄次韻

三年卜築慕幽人九日無歡媿病身始謂窺臨陪勝友那知岑寂度蕭辰醪敷卷白欣初熟菊藥舒黃正斬新聞道小蠻新教舞歸時呼客莫辭頻

題觀音院

舟集十九

九

弱水無風到海山慈容親覲紫旂檀亭亭寶刹凌雲近湛湛清池漱玉寒橋瘦獨垂紅萬顆竹迷曾蔕碧芊芊熟官步武何容到散秩須知第一官

諸生絕糧偶作二首示勉夫

庖廚落窶不堪聞彈缺無魚甑有塵誰識筆瓢顏氏樂可憐鮮菜庾郎食固窮始合稱君子臨難聊須語細人曳縱長歌商領在末應懣懣去來頻

飢腸愁坐耳無聞放飯先疑甑拾塵聞說食功非食志政宜憂道不憂食佐養但有思嘗者執爨初無欲倩人好向計臺勤自列文

移見卻已頻頻

次韻劉卿任阜民對假菊花嘗新酒

隆冬急雪舞油漚那得鮮鮮細菊呈何處幻師來術巧此花詞客最鍾情盈尊更值醪敷熟下飭仍欣餽縷賴應笑蓬蒿張仲蔚忍

寒獨坐到天明

次韻德升見懷

米屎無喧似結廬一簷寒竹伴幽虛開開桑落傾浮蟻淨展芸籤拂蠹魚頻枉詩筒從我讀已畱齋壁待君書二千石子人中爽風月高情更起予

次韻德升再講酬唱

蓮社追攀每愧心詩盟此假偶重尋孤高舊壓元和體清警新聞正始音龜洛賦成應奪錦雞林價重定酬金自憐潦倒無佳製東望家山但越吟

次韻蔡安度秀才賦鹽

法更鹽筴利源開瀕海熬波疊臺來真篚燒羊謾南北原注高昌燒羊山首理嘉躉形虎開榛梅鍛圭追壁嚴疆域積雪飛霜阜貨財滋味佐養周九土柳星端合祀壇垓

舟集十九

十

至父及二字鄭存道與權司戶李志道致縣丞

朱顏幕府美如英庇邑優閒閉訟庭語掾氣剛工論事講郎材拙只橫經相從此地初披露卻望遙天想聚星連發試題乘不備母令掩耳及驚寔

東秦人士富豪英鄉老實賢上帝庭玉筍未知誰得地金籛聞說臚通經雄秀氣各干雲漢妙製文多煥斗星水鏡諸公標鑒在大

尊酒重陽汎菊英此時應得到家庭奔趨試席雖深貫囚鎖文闈苦未經夢入故園時栩栩愁侵衰鬢欲星星評文賴有金閨彥敏手從來號震霆

前山雲物望英英

拘窘無從出戶庭葢眾未知除患術居閒聊喜衛生經客塗淫滯將彌月王事勤勞每戴星已恨歸期誤占雀阿香何苦更飛霆

再次韻四首呈至父

茂宰才名莫與京久宜遷擢潤朝庭儒林傳記夸三衛聖域淹通
貫十經豪縣暫煩天子詔清資已應讓耶星危言峻節他年事肯
向威顏懾震霆

棘繞重門畫亦局白袍搖筆坐中庭摘詞絲密多根道論事軒昂
各傳經學博素推通德里名高先勳進賢星知誰吉夢如揚筆一
石龍駒落大霆

文卷縱橫未易名欲搜佳筆送王庭去留彼我心無著工拙錙銖
眼盡經老信虛名眞畫餅忙知急景甚飛星自憐考閱專精甚不
覺猝然柱破霆

披卷疲勞亦暫停相攜款眺聚閒庭繪圖細閱吳生品若益分評
陸子經榜帖未應憑主第文窮端已送奴星毬場繫鎖驚踰月可
信流光甚疾霆

出院有期呈同院二首
門前廐馬已紛紛猶爾癡迷校藝文山色未容飛蓋賞市聲時得

才集十九

二

隔牆聞裴頭黃尾皆前定王後盧前護自分頗憶安居臥齋榻淨
看香霧起微焚

旅懷半落倦文場憲網拘擧出處妨眼力半消嫌夜燭腰圍頓減
怯秋霜到家會是楊三喜取第誰同郭八郎趣駕莫孤糕酒會東
籬菊葉已全黃

次韻祝守康鹿鳴宴贈諸先輩二首

清香畫戟燕儒流場籍英才喜博收舊神談辭爭落落振衣矩步
更秋秋新篇獎激華如袞公議歸懷綴若旒榮榜登榮即從政定
知果藝過由求

觀光六十富豪英寶送春闈屬鉅卿樂采舊知多藻茹燕放今喜
食蒿萃糊名選藝無私見置醴優游有頌聲成就旋歸充貢職魯
人飲豔始知榮

次韻祝邦直題欽鳳泉

萬里溪源出小池喬林修竹映清輝遷鶯榜內偏流落欽鳳泉邊

習遁肥遊覽忽紆都騎貴稱夸更得綵毫揮故山水石那優此肯
爲低腰便賦歸

示友鄉

飛簷蕭蕭晚自零來時灌木始欣榮每因勸學添文思卻爲回文
動旅情好逐諸儒勤釋菜莫憂貧嫂便轉羹似問闕澤中宵夢月
裏分明有姓名

次韻若拙碧綾泉

掉線穿橋一綫過濟南金色漫浮波共疑圍客春投繭直怨鍼神
夜過河貫脫已遺交甫佩縷飛如擲幼輿梭晚風披拂俄中斷折
鞮雖長苦不多

諸生詣府見留再任偶作示勉夫二首

魯堂詩禮號多儒文席非才誤詔除賢路久妨顏已厚儒宮相借
計誠疏化鷗未敢圖飛翼搏虎誰能復下車詣府自言無以稱空
銜諸彥意勤渠

才集十九

五

安閒喜得泮林居分教無功恨有餘閑貢政爲投劾計何暮空上
乞留書論文每愧瑕疵改廷譽何煩俎豆予誰識白雲千里念終
更計日望吾廬

丹陽集卷十九

丹陽集卷二十

七言律詩

將至襄陵二首

西風寥栗不須悲，雲日輕明政自奇。遠岸綠飄梧槭，疎林紅露
東離離。味迴新醕愁眉破，涼入單絃病骨知。試問夜窗燈火讀，何
知蚊蚋撲綵時。

千里崑崙一月風，乘流初不恨途窮。南陔就養晨昏樂，東榻忘懷
笑語同。牛酒故應推汴上，鱸蓴那復念吳中。明朝繫纜襄陵驛，試
上高原望鬱蔥。

君山飯僧薦考妣元述示詩次其韻

負郭簷楹古道場，山形連接楚人黃。原注君山黃與黃山接千尋寶剎留幡影，
萬里滄波對練光。問膳香蘭無復日，霑襟青血自成行。才收英器
還尊路，三味高僧笑我忙。

次韻敦仁教授述懷

丹陽二十

十載文華益厭英，州庠微祿代躬耕。半生甘為方穿礙，此段那因
曲木驚折角。談經於道勝低簪，下匕以身輕兩朝。大典資編削莫
向西風厭宦情。

近蒙夏蒙夫之文教授用贈太守韻見貽輒復和答

百家六藝日披吟，問學淵源已造深。舊直蓬山無俗夢，今官槐市
有清陰。公餘綠綺乘閒撫，客退黃庭每自臨。官冷定知塵滿甌，誰
人裹飯慰愁霖。

伏蒙達之學諭以詩寵眷生日次韻酬謝

窮通誰復問東龜，材命由來略可推。去惡敢言除畝蕪，律貪聊慕
拔園葵。百年永悼懸弧日，一顧垂當解印時。詩句清新襄借甚，卻
嫌無當玉為卮。

段去塵教授示書以茶菊自況作詩謝之

高標落落敢評題，託物銓量庶似之。娛客精神真北苑，可人風味
劇東籬。雲腴鬪早驚先出，霜葉禁寒屬後期。便欲相稱爲二陸，居

然桑芭與天隨

旬休延聖院納涼周澶州招飲呈德升詩二首

年來形迹苦西東，邂逅招提一笑同。世事休論疑點半，物情都在
聖賢中。地靈蒸鬱疑無著，友勝喧囂自不通。借與方牀寬六尺，道
人知有竹開風。

海席朝來得暫停，籃輿同入法王城。清壺照座三椽坐，小扇搖風
六角輕。方罨共爭棋上劫，頑盆更酌酒中兵。佳賓更賴王思遠，霜
氣能令暑氣清。

元已日王循德孝招飲方池宏道兄有詩奉和以紀一時之事
浮爽清波正日遲，出郊修禊屬芳時。幸陪飛觀朋簪盡，未覩華堂
舞袖微。原注宏道兄有舞命申已于三耦見爭雄，仍向一枰知愛
君多藝能傾坐，豈但流觴記逸詩。

伯兄以家園亭名書壁閒因作

壁閒亭榜記家林，獨住雲泉宿昔心。千里故園應好在，十年羈宦

丹陽二十

阻登臨。鍾儀長自操南語，莊鳥何曾忘越吟。松菊未荒歸有約，不
知富貴定誰淫。

伯父致政通直取謝靈運詩句作蕭散堂賦詩次和寄二首

神武門高早挂冠，自嗟榮路久淹蟠。詩辭故故推靈運，禪語時時
對道安。書字不誇雲五朵，臥閒偏怯日三竿。遐齡清德全真樂，誰
識榮期善自寬。

青雲誰羨猛飛翰，解組歸來分屈蟠。唯以道腴從己味，肯將心法
逐人安。林迷曉嶂雲千疊，舟漾春塘水半竿。退隱州閭名愈重，坐
令鄙薄化敦寬。

賀十八叔父及孀氏受恩封

聖渥便蕃獎義方，靈椿雙壽慶華堂。品開京秩紆藍綬，告錫脂田
闕錦囊。家世百年逢盛事，庭闈一日拜恩光。列封更及諸郎貴，祿
釜交迎福熾昌。

和克卿兄喜孝卿兄登科

興賢賜第集英春勸學應從孟母那黃甲科名新赫奕青雲歧路肯因循暴顯昔恨登龍晚飲羽今驚中鶴親雲陸開陳三道要靈容舉首屬他人

堯卿兄改官升朝作詩紀賀三首

交親袞袞上青雲冷局辛勤自奮身玉陛臚傳瞻覲久金闈通籍寵光親功各此去未為晚富貴儻來那有因豫喜郊封榮禰廟弟兄同列拜恩綸

令不遷官似子雲但知謀道不謀身文高書局恩華舊秩改朝班度口新此去功名應自致從來力命固相因榮途萬里通無礙峻陟行看奉帝綸

引對天墀獲望雲固知儒學不孤身均輸它局交論薦元會登朝正履新夕秀共誇披未振夜光那復困無因持荷入侍從茲始勉紫應卑五兩綸

次韻堯卿兄詩酒中興三首

可惜虛行淮汴路不憂無繼是巴箋任貧任病須歡伯更拙更慵猶短篇好拉嘉賓傾若下賸鉤華藻染由拳離羣他日乖觴詠馬腹因何更及鞭

舟行詩酒兩相牽豈暇觀書理廢箋金楹興闌多半醉錦囊才亂罕終篇吟哦有味增閒適酌酹忘形謝曲拳牛大此鄉疑可老宦塗差鬻賈人鞭

恥向權門事鞞板懶於驛路奏書箋芳醪不厭三千酸嘉頌時爲十二篇吟裏情懷清似洗醉中身世小如拳伯倫子美眞豪逸風味平生願執鞭

弈棋有進勸工部兄召客
索居河海欲忘憂瓜葛相呼事奔秋方對互贏多有進回盆更酌早爲謀措高誰是州中正米賤休沽縣督郵及取春光尚堪賞莫辭醉倒更扶頭

次韻韓景賢承議自金陵沿檄宣歙道中見貽二首

循牒騰裝冒苦寒傷離愁思定應寬朝煩獄市才稱健奔命郵亭咸欲闌赤米素鹽廚寂寂清泉白石路漫漫到家尺一應催召問說知音正執桓

搖毫頃刻便成章弱冠名標桂籍香倉氏官閒聊自喜荆州望重豈能方高談不辨連三日敬識空驚下五行甯落更煩慙慰論誰口龍辱漸能忘

五月望日會食普滿院夜歸作詩二首呈文中縣丞王老禪師江

教王或

懷次高韻暑天寒況有波瀾在筆端可但風流稱不墜故應哺噉亦堪觀坐曹行赴陳蕃榻待戎方彈貢禹冠戒食每煩臨荀瓠慚無斗酒鹿盈棹

簿書填委我何堪茶串攜尋井水甘幻境豈能喻十禪機聊喜契三三竹風敲玉清音迴荷雨跳珠綠影涵植敢夸蒲塞饌欲因盧至戒慳貪原注是日

二十四日葉氏林亭燕集成句呈文中縣丞

執熱何從避火雲山居岑寂背城闔昂霄木老清陰厚鏡水秧齊翠刻新鮮熟慣醒虞匠酒扇輕堪障庾公塵涼颯拂衽容吾共自意無懷以上人

葉佐卿見和復次韻答之
扇上閒題隴首雲揚風攜過海空闔于飛驚識觀光早前列龜看入貢新會兒文辭驚乙覽莫嫌衣袂點京塵昇平樓下臚傳日共指中朝第一人

和少植石林谷草堂三首
窺辱循環厭宦情蓋頭茅屋手親營清泉橫道疑澌火翠袖圍居似化城不擬身名炫俱泰且圖心迹遂雙清牛庵閒地如容我便足徜徉了一生

雲峰帶竹似伊川山溜甘于九隴泉離世未應多怨誹葆真聊自樂虛緣漫即擬酌窪尊酒逋客慚馳驛路煙敢請著書詳勝致千

秋萬歲遣人傳

妙年涉筆賦城蕪歲晚無歌擊唾壺曾是北扉稱內相卻來東櫓
伴寒儒近朱氏兄弟閒來真隱編成傳靜取飛仙貌作圖豪氣年
來除已盡元龍雅意臥江湖
呈去非

嗣宗曠達早相逢更喜林閒識仲容林萼集中陪唱和幽樓谷畔
許過從雲飛隴首高情連楓落吳江好句重梁棟他年知有用齋
前楚楚一株松

首自悼

庭闈無復薦芳躋烏鳥哀情每泣然游子但吟春草句門人欲廢
夢我篇風枝數效皋魚泣水菽難攀子路賢空羨鄰封二佳令兒
嘯八十壽親前

迎養京都突未黔蒼黃茶毒血霜襟百年過隙知難復三釜糲良
政自深不為醜尊歸亦好獨甘羊棗果何心寄言世上斑衣子溫
清應須競寸陰

周文之彥質運使巡按海盜追憶曩歲與伯仲同奉板輿之樂感
慨賦詩不惟辭藻格力清蔚高邁且足以敦孝悌而厚風俗昔
夏候湛作詩示潘岳曰此文非徒溫雅乃別見孝悌之性因次
韻和二首

寒帷巖邑特從容憶昔鶴原會一同樂孺共營蘭薦勸勞爭報
棘吹風繡衣握節新恩重綵服承顏往事空三紀光陰眞插羽依
然小市夕陽中

披雲初獲接音容賢勝風規自不同懷慄威明將使指恂恂孝悌
訓民風競傳清唱紙騰貴爭識皇華巷欲空尚有壁閒眞墨彩匣
藏留在給園中

贈覺僧二首并序
建初寺如覺道人禪學高深護戒不墮讀書工文尤精於三篆

有以照齋集行於江左為僧首累年即求退在勢者傲住慧滿
禪院亦辭不就道俗皆尊鄉之某到官時春秋七十有三矣獨
少重聽而精明不衰連枉詩文皆清麗可喜殆當與靈徹浩初
輩抗衡黑衣中未易得也因為二詩以贈

道貌堂堂老不羸照齋佚閑送居諸斷常不著安禪後尋伺皆空
入定餘護戒獨持螺畫行緝經時作鹿輪書山城為令眞非惡更
喜游從得浩初

上堂備算海邊沙分衛靈甘向七家篆筆頗疑傳粟木方袍不羨
賜蘭芽名高白社推尊宿才比紅樓更麗華連在清篇洗塵滓絨
藏留與里人誇原注唐廣宣上人詩應制詔令住安國寺紅樓
翠玉塔行

靜林寺
妙行堂前疏碧鮮壺中軒外墨嶼岫山門靜對清油闊佛國寬圍
碧玉寒蠟屐喜隨談理客饋漿驚見字民官開山老侃留遺像試

問何如釋道安
次韻工部兄除夕見寄三首

異縣飄流十載窮年華又見轉和風春遊已陡驚梅白夜集猶疑
共燭紅藍尾方嗟形影隔蒼頭俄喜信音通麥秋時節搖歸棹禪
榻相從話苦空原注除夕獨坐懸齋備記香山居士隱几詩云行
老杜守歲詩云四十明朝過飛騰暮景斜誰能更拘束爾是
生涯開成句三首呈民器是歲子年三十九是日持六齋

霜毛垂頰病摧頹歲晚流年四秩催一自貶官瞻日遠兩經除夕
歎星回梅吹畫角餘寒盡柏欲飛觴暖律來歲暮日斜暹隱凡心
同白傅守寒灰

江城流落歲還新嬾作雕蟲問大鈞月盡嘉平餘景刻年侵疆仕
尚沈淪晚持禪說惟三白曉簇春盤又五辛肯把生涯供爛醉黎
明學不動心人

維心以詩送花果栽次韻
奉乞花栽口旋移退師老圃自安時新夢應待天陽發生意先從

地脈知異縣聊尋郭駝傳他年敢忘角弓詩庭柯只作怡顏具肯
比侯封逐利宜

送胡彥師職方迎親赴闕二首

詞華標韻出鄒枚要路飛翔見軼材編削終篇辭右府裒延飛詔
入中臺碑刊常尊如敦實衣曳荆蘭似老萊五兩風輕清派路迎
船魚筍助南陔

簪筆文昌作望郎暫拋台史護衣香摘辭曾是金聲獎程奏親逢
玉色康祿泊千鐘榮滌灑圖分九服職封疆到都右袞如相問爲
說飄流鬢已霜

侍讀官程伯禹以賜茶寄汪敦仁處厚教授惠四勝以詩紀謝

講罷清陰轉綠槐露芽珍賜下銀臺品高迥歷仙人掌味絕堪名
瑞草魁分脫雖從稽古出看題知自邇英來晴窗碾試供詩社先
聽聲轟萬壑雷

次韻宏道游三官院園時余往辟廡不果往

晚攜勝友共揚鑊應厭家鬢掄紫簫速得暇時能有幾每逢佳處
且相邀大夫高挹髯龍操公子閒窺白雁標獨恨抗塵乖寄賞偶
飛輕蓋四門橋

詠槐

蔽日千霄過百圍龍蛇天矯半天垂蟠根不老應千載合抱橫分
見九枝學市濃陰能幾許公庭轉影不多時那知山谷無斤斧坐
與冥靈結後期

鄧子文案辭朝枉道相過且出往還詩見示次韻二篇上呈

區區蘇李未應師句中涵屈宋姿華貫卽今方慎東異才如此
會深知飄飄氣概輕餘子凜凜規模擴大兒老厭交游翻覆手欲
於士遜結心期

獨學離羣政自傷寵隔何幸不遺忘莫嗟黃繖稍掀行看青冥
指忽荒好問徒知積難跬登塗曾不倦羊腸衡州言語高天下秀
拔如君寶肯堂

次韻正臣朝議見寄二首
解組歸來邁里門慶源貽後繼臧孫幽尋此日扶鳩杖榮遇當年
駕鹿轡高義共夸賢者出廉風端道薄夫敦紫壇照事專優老頽
篋行看九閣

儒學推稱第一流乞言堪入告嘉猷長閒氣味安三徑難老光陰
傲十洲談理清風生玉塵履名殊寵謝金甌方瞳大隱年兄弟營
道應居最上樓

平生未分作雁仙抵秘英豪不值錢效智連年居定鼎策勳何日
上凌煙高情獨寄猗蘭操壯志應存寶劍篇途轍懸知騰上速請
看火色映鸞肩

和目疾韻
幻翳乘虛近漆瞳輕雲蔽月有無中廢書暫阻讎三豕妨射何因
落兩鴻慧眼水清知吉夢藥師經驗表奇功疾平豈但開巖鏡反

照觀身覺內通

幽居書懷六首
材疏出仕久知難境勝謀居自考榮反抱關爲知道在賴閒處著
得身安離騷每向醉中讀周易仍于病裏看萬頃煙波時擊汰激
激籊籊弄晴竿

瑣瑣偷然一畝寬更無塵務苦相干森森佳樹木奴實湛湛清池
地鏡寒三益時瞻玉界尺一杯何用肉臺盤官閒坐養無功祿更
恐風人刺伐檀

觀名計利了非真何似江湖習隱淪戶小但期茶當酒家貧那有
蠟充薪五花自喜風翻篔一角人看雨墊巾上界神仙多護短不
辭長作葛天民

不識難疽與瘡環柴門雖設自常關木雞養就都無累獨狗陳平
分合閒聊復讀書牛背上誰能橫架馬驪開子亭結築臨溪面瓢
飲新來待學顏

飲新來待學顏

我實從教知我希靜觀物化養天機名呼池面游魚狎樓架梁間
舊燕飛安石固應存遠志姜維那堪覓當歸人生安樂他何卸恨
望鄉粉與願違

清時鴛鴦正充庭何事抽簪喜退耕百步穿楊防偶蹶一屐賞
保先成烟皮冠小隨時用豬鼻車低取意行官柳野梅春意動莫
教詩酒負平生

謝太守惠茶

林亭凍卉未芳華已享先春正焙芽活火急呼湯餅客緘囊來自
使君家破看鮮馥欺瑞草煮驗漂浮漾棗花不預頭綱評四品恍
驚流落滯天涯

新茶

壑源包貢及春分玉食分甘賜舊勳水厄陽侯宜避席天隨陸子
合同羣珍同內府新蒼璧末壓元豐小商雲便請加邊先果腹稱
無畱掌籠添裙

升卷二

九

謝通判惠茶用前韻

色味新香各十分可無桑苧與書勳打門贈我今呼客好事知君
最出羣飲罷清風引仙闕睡餘妖夢破朝雲貧無列屋纖纖手捧
盃齊眉但布裙

次韻郭大夫見寄

泗上頻蒙訪寓公十年乖隔馬牛風誰知邁往青雲上尚寄哀遲
白髮翁浮食即今尸靖館育材當日護儒宮寄聲有道勞虛獎
藪方安鼠技窮

中秋夜宿舞陽精舍

居心純靜眼無塵此夜清光偏廣輪乖隔護嗟千里共澄明還是
一年新已拋世外無窮事獨喜尊前見在身卻憶帝城通夕看清
歌百闕會三人

二月三日遊風穴白雲寺呈通判二首

世傳三穴起長風此理誠難識所從覺性未能參七祖原注寺有唐高僧塔

禪師七廟局聊欲訪千峰原注寺碑隋大桃溪邈日紅霞爛麥隴
搖春翠浪濃薄領回清興少乍尋巖壑塵容

秀野班春過梵宮賢僚况復肯相從風緣禦寇來幽穴雲為淵明
山遠峰柳色直將波共綠花光疑與酒爭濃一庵此境堪肥遁寄

語山靈幸見容

四桂坊并引

嫩煌令狐吉先首以文藝第進士其季茂之壽域子建皆繼登
科並時顯仕蔚為冕絨盛家余為汝州榜其坊曰四桂豈獨龍

門閣之懿且以勸來者

藥榜連年詔墨黃聯翻恩綬月中香家聲舊踵三槐位儒學今標
四桂坊酬唱共傳花萼集笑談應聚德星堂門同列戟知非晚更

遣鄉評服義方

吾家故事子姪登第必有酬獻詩什去歲立悌立經二姪並中科
選未有慶以詩者偶示四韻

升卷十

充閭秀氣我家多又喜雙龍並化校同榜連榮迫紹聖原注子與伯兄大成

四年第傳名躋甲首宜和原注橫金又原注中原注科原注日原注已原注服原注紫原注錦原注帶原注

舍原注子原注監原注上原注舍原注生原注試原注入原注等原注冠原注威原注橫原注金原注又原注中原注科原注日原注已原注服原注紫原注錦原注帶原注

登華誰得似會看盛事入編摩

次韻覺心道人游郡園

牢落踰年坐斗州窺園達勝輒留招邀風月千章木收拾峻
百尺樓雲葉悠揚疑獨鶴浪花浮動想飢鷗道人知被煙霞銅

是空門第一流

爾二季父二首

敢向明時歎滯淹得官迎養富魚鹽百年永抱雙親恨五斗猶欣
二父雷書畫名應書絲字康寧藥不待青黏虛堂梧竹饒幽趣正
好端居養智恬

羈宦栖栖易感懷

一秋聊得病顏開幸蒙南巷攜家至更喜東牀
自遠來鶴髮二翁頻撰屨鵠原羣從共銜杯家山莫便懷中隱風

月躋攀更幾回原注郡有清風樓明月

和若拙弟說汝州可居已約下一邱韻

汝海膏腴人共說封疆況是接同州指困待惠知無日負米躬耕
會有秋林下要須三徑足囊中更莫一錢留飢鈔雲子當同飽官
職來遲且自休

次韻陸巖老祠部見寄五首

山城岑寂偶分麾聊欲藏瘝一再期豈有聲華如所譽得非朋舊
猥相欺久欽黃髮嘉猷壯初喜青天宿霧披尚忍恩恩還執別不
容重醉習家池

鏡郭芙蓉十里城畫橋煙水接東瀛廣洲倒照蒼山影花瀨遙聞
白芑聲問舍求田應犯慮浮家汎宅未忘情催科拙似陽公考敢

觀屏風錄姓名

溪南溪北梵王宮踴巒亭亭聳半空紅韎鞬沈山帶日碧琉璃淨
水無風雲迷翠閣參差見舟楫朱橋綠繞通沘筆憑誰寫東絹盡

丹集二十

十一

將煙景口重囑

詞場弱歲以文鳴落落寒松見老成劇郡神君願結課中台那位
早飛聲當年威令千人廢此日精神一座傾欲試開窗鴻筆健春
容詩軸燦瓊英

鏡中雙鬢未全華退隱林泉意緒嘉春圃帶煙鋤徑草夜燈和雨
看簷花神能自衛同千越老更知塗似渥洼文注五河初不竭從

來惟屬士衡家

次韻何總管等慈寺詩二首

寺門修竹映長楸景似江村事幽山疊青螺雲繞屋月升紫磨
水明樓夢中他日應知路天上從今與寄愁競病將軍功已就卻
將高興賦滄洲

古寺蕭清汝水湄寓公仍有庾征西機輪宛轉春寒礎浮綫縈紆

漾小溪入定僧閒多御掃探春人去自成蹊一杯相屬知何日成
事因須共到齊

伯氏喪歸有日遣立口祭奠

靈輿東下敗銘旌羈宦惇惇逗楚城遺奠聊憑貽厥力銜哀遠致
友于情虎闈典教曾同遇鴈塔書名亦並榮齒脫髮稀吾老矣可
堪回首望前楹

次韻景純將赴襄陽眷戀里第

枳棘棲鸞豈所宜鹽車服驥暫韜韜少而好學書饒讀壯不貪榮
譽自歸重去故山拋小隱嬾口名路觸危機寄言漢廣徜徉者聊
賞風光且莫違

蒙若拙寵次陳敏彥韻三和

形墀日覲赤霜袍何苦懷歸盼大刀吳坂未逢驚腰裏豐城行見
拭豪曹廟堂仄席方求助筦庫飛芻莫諱勞即向詞垣摘外翰當
年仙桂幾枝高

寺居岑寂近方袍貧舍分瓜每借刀棘事舊聞輕叔寶讀書今卻
笑放曹珍姿渾厚韻和璞利刃堅剛敵孟勞桂樹獨生千仞表太

丹集二十

十一

邱家世顯名高

韶顏秘殿賜恩袍白首山城始夢刀竹鷓有詩緣二妙棠陰無訟
賴諸曹消閒不廢持螯飲結課曾徵汗馬勞更擬松江理煙艇如
歸亭上睡三高

次韻宋景純寄陳去非昆仲

雲臺獻納媿先賢瑞合塵迷簿領閒政似陽城惟下文如祖詠
只班班看書大似屋中屋擇祿甘從山上山揣分量材宜置散敢
於造物怨偏慳

叔父承事用先公舊韻作詩次韻和呈

西笑惟攜插架書雍容車騎不求都觀光鳳闕前蹤在寄恨鴿原
往事徂喜見教忠躋顯任勉從迎養涉修途新詩清婉追棠棣樂
孺當年共究圖

和元方寄若拙弟託見顏淵之五十韻

下田彌望股清流謀食誰言必本州且復種稅資口腹早知藉稻

載春秋攜家便可隨豐儉仕國從今委去留
饋粥粗供吾事濟寸心安靜得休休

蒙若拙見和復次韻

逸氣軒軒蓋縉紳後來之秀子其人文如范
瞻無空設學似揚雄已大醇記問五花能奪
簞風標一角共傳巾怪來吐句皆清警曾
次應無度亮塵

伏蒙孝立朝請同年赴九日燕集翌日以佳
篇須酒謹依韻上謝新稻翻匙羹芋魁慙
勳重客肯相陪醉歸已徹重城漏睡起應尋
十日杯欲得杜康連榼至原注是詩以杜康為酒客因令毛穎寄辭來扶頭往

餉宜頻醕更喜輪租罷與催

避日詩卷承若拙編為小集見示且有詩因次韻

驅珠魚目兩無遺卷裏深煩為析蘊賦詠
蠹疏慙短筆原注法廣酬刻畫類連枝似聞警策耽佳句何用編摩
載惡詩敢請冠篇重作序二難文采勝延之

次韻景純後園宴集

攜裝過我路漫漫聊命杯鑪為禦寒漏月竹
疏憐影碎千霄秋老見根蟠城頭飛展千峰
迴樓角凭闌六幕寬尚欲相留過殘臘小
園佳致雪中看

景純到汝數日遽求別僕固不敢畱客然宋
伯舉朝為兄蘇勤道大嘗為婦之兄遽見去
似非人情輒賦是詩率二僚畱之

奉畱高客敢同黃特有親親與雁行樂
孺誠宜賦棠棣盤桓何畏晉檳榔敬通叔
達無爭論法護僧彌各擅長二義周官如問
得且看姜被莫騰裝

懋南博士暫出迴邑以盛藻見觀謹依韻奉和
二首

五十之年歲又開効歸不勇尚徘徊家徒
四壁謝金埒第乏一區慙玉杯疆欲安心
師達磨嬾尋真我類投灰吾儂輕作經時
別猶喜民謠挽得回

公退蕭閒閑息深從來縣譜用山陰威稜
少霽髯垂几才韻頰將

筆揮琴取檄臥家聊小憩捧符還郡卻幽
尋風流若把名香擬堪作盈斤百和沈

提宮工部兄攜家見過輒成律詩二首上呈

剡啄欣聞夜叩關相迎一笑解愁顏枉帆
雖落十人後原注某到見訪者已歸十人矣謂少川才備道
過飯今成五郡開原注某友卿子可紹疏
疎與弟東自役其身慙鞅掌無求于世羨
蕭閒何如赴隴從招隱卻道幽叢問小山

相逢雖幸慰啜離憂患仍年觸境悲琴與
俱亡念同氣原注謂長岳猶難擊齊眉筋
筋肉緩奔名嬾意廣才疏見事遲只待歸
資堪問舍一封投劾去追隨

福國諱日壽靈院作呈工部兄

一官追牒浪推移不到名山二十暮踴
雙獨存煨燼日布金重見鼎新時舊遊
已起人琴恨原注頃歲淨供還增
匾鏡悲賴是一般官拓落林泉深處得
追隨

近聞祿隱軒建馱飲亭季父以詩寄題和韻

稗節爭名翰墨場中年習隱水雲鄉
適時有幸常溫飽濟世無能分退藏
山色不於羈客祕日華端為散人長身
閒卻笑東方朔避世金門傲武皇

次韻景純見寄敘相從之樂
許昌舊姓有文儒得得西來過燕居
訪我肯題門有鳳節君深媿食無魚
鄣泥難為清游惜便面頻將好句書
尚遺雅才淹簿領好賢誰賦衛干旒

奉酬景純道中見寄之什

慙無才望照簪紳割竹藩方誤長人
堪笑為官常拓落獨知取友愛貞醇
吏休時著煎茶帽客去今開漉酒巾
曷日清揚重會面劃開河漢滌心塵

友卿寄詩并月波酒和其韻

長鬚剡啄叩柴扃令弟官清遠寄聲
擲句已欣資藝圃激醪兼賴

破愁城牽絲聞說恢材力露板應連上姓名猶憶具區分袂處孤
帆一點愴離情原注昨赴南陽友

次韻叔才幽居二首

世塗艱險動難諧學士深居但柏齋紫翠當門流水過碧鮮遮檻
好風懷角巾家巷便高枕手板公庭厭沒階天地百年真逆旅誰
能巧官沒筋骸

龐才澁落與時乖洵海幽居一竹齋月徑清游疑不夜風窗高趣
到無懷身閒有分白蓮社地禁無心紅藥階只待匡廬官秩滿一
章程奏乞殘骸

次韻工部兄見寄三首

影落邗溝是我家場來吳地寄生涯蝸廬困臥身何擇蜨夢時歸
路不遐幽徑任荒陶令菊開門聊請召侯瓜西還約醉中秋月屈
指同襟尚阻賒

文彩清華自一家行生所到詎能涯學該古昔仍知要識造高明

九變二十

五

豈不遐英悟早明當道李勤書煩事鎖心瓜似聞憂國頭今白法
會無錢想尚賒

朱門十萬一貧家鼓世西歸悵未涯數米稱薪嗟隱約望雲臨水
負幽遐清音且聽雉登木曲路任從蠅集瓜午飯蕭然無膾鯉須
知滋味已能賒

次韻叔才以詩卷見還有作

委巷歌謠媿斐狂雷門布鼓背生芒鳳毛忽爾驚懸磬魚目真能
引夜光義重肯為流俗變意勤仍以古風將怪來巾笥多珍玩獲
奉英游已五霜

昌化紫霄閣次長老仲希賦

溪山佳處不須招未到心旌每動搖漸喜田園挽陶令聽將筆硯
伏君苗黑雲含雨迷江館白鳥衝煙映市霄回首海靈驚謫夢挽
舟猶記芻垂腰

次韻鄭維心遊西余山二首

雲嗽環奇甲震州不須幽境更旁搜從來知是通侯國此段方從
勝客遊閩歲春遲空水樹雨時溪漲失沙洲吾衰久矣欲何適更
爲前山一上樓
顧余峰好鎖雲煙入寺窺臨信所傳衣租右肩從衲子屐除前齒
陟山巔一杯相屬直宜醕四者難并偶幸全亭號弄雲誰作記紫
樞當日筆如椽

丹陽集二十

三

丹陽集卷二十

丹陽集卷二十一

七言律詩

去南陽有日書懷二首

真食無勞合退休君恩誤付百花洲未温坐席已當去偶滯泥封
得少留官意正如強弩末歸心先問大刀頭略無涓滴蘇民隱空
使問閭說舊侯

離吳州好冠西畿左竹纜交賦式微雲嶽遐觀空杳霧春郊細履
負芳菲薄游頗似桑三宿重到誰驚柳十圍畫諾諸僚皆府望不
容坐嘯久馬依

郡齋書懷
暫擺塵勞坐燕居野人偏與世情疏馬牛價雜慵鉤距鳧鷖行多
厭簿書同醉徑須邀綠竹盜香無復念紅渠不持黃卷來遮眼可
惜光天化日舒

南陽諸僚和雷別詩再和二首

王事勤勞得少休全家喜復入汀洲嬾於榮路占淹速尚有浮生
任去留名譽未須驚谷口功名終亦困壺頭歸棹擬種千竿竹便
與題爲瀟灑侯

十連名郡近天畿負重懸知困力微開客已知無嘯諾鄰邦聊得
看芳菲謀身舊似齊優拙雁咎今同魯酒圍回首雋游難戀縲索
居獨學果疇依

還鄉有作二首
蒨潭才到便歸休年大何心泣楚囚南岳獻譏無反覆東皋舒嘯
有朋儔龜靈自古稱淮浦孤老從來只首邱便覺謳吟罷莊舄脩

然隨俗且沈浮
子才攜家反故園尚霑榮祿媿空飡官閒未辦夸腰組車過常先
下里門塗巷依然榆社舊屋盧猶喜枳籬存浮生誰似還鄉樂暫
欵吾前盡弟昆

里中無居寓丹陽縣書懷呈邑宰張子蒙

首秦頭兩月強往來遵路一年忙幸逢庇邑人惟舊暫說浮家
計亦良退食井腴如就國原注某見遙尋祖系似還鄉原注葛稚
南風未便輕蓬華也與虛窗拂裊涼

戲書
木彊與世異酸鹹掃灑眞祠屢入街新格似聞惟半俸舊官那記
是常參茶鑪信鉢隨時用手板朝衫竟月緘賴有班書貧可貼且
謀蒲筍慰飢饉

依韻和工部兄尋由里山泉眼
葛帳練裙一散仙親攜春鑰道蒙泉濫觴初見開微瀆中準終能
作止淵樓畝稻秧滋舉舉入池藕葉汎田田道人跬步不知處未
遇名賢名孰傳

依韻和工部兄雪五首
風撼柴門夜不關黎民瓊玉徧人寰舉頭寒掩東隅日縱目高疑
西域山朝露昔曾飄袂上禪房今喜點鑪閒亦知塵霧難撓拂萬

徑行蹤絕往還
排寒聊與酒交關呈瑞應先自帝寰初見同雲迷六幕漸驚飛鳥
絕千山知酬素景風塵外坐隔清遊咫尺閒飛灑卻羞來傍鬢安
仁年少不重還

從此何憂家事關明年粒米厭區寰腰青不見飛花女頭白先看
對面山絃凍未應停綠綺膠疆仍喜毅黃開平鋪萬頃茅簷冷欲
問城居幾日還

門似柴桑畫亦關歛驚聞闔墮人寰郊原那異熬波海隴阜渾疑
聚米山望遠恨無樓百尺逃寒阻共屋三開阿兄詩句清奇甚格
律都高漢以還

偶茲窮臘憩鄉關無蒂花飛徧海寰粉飾門闌疑省戶雲屯觀闕
想神山飄狂不絕三冬裏積厚遙追二紀開原注鄉中二十開說
旗亭增酒價沈酣準擬典衣還

菁山梅花盛開予獨未之知十一月二十二日周元舉察院餉數

枝以詩謝之三首

香雪常開小雪天孤芳今占六花前欲從玉女互爭秀不分青腰
誇擅權見事自知秦相緩著鞭甘被祖生先左轄不要宜春郡應
戀南枝映水鮮原注元舉被袁州之命力辭不赴

冬早寒輕測測天疏枝明秀忽來前土酥結色神仙種冰麝分香
造化權三白共驚千樹發一年都占百花先巡簷索與冰姿笑準
擬攜壺更擊鮮

山頭雲物陳吳天幾樹寒英喚我前老不禁愁聊索笑病方止酒
暫從權松篁傲雪堪為伴桃李酣春未敢先習隱菁山真不惡吟
鞍千里看芳鮮

次韻耿守詠雪
低雲暖曖與天同翦水飛空候應冬沍氣潛消煩變理歡語藹布
荷明農漾舟訪友乘清興授簡延賓繼舊蹤歲好定知豐五稼倉
箱行慶畝收鍾

景山寺居大風步月
溪邊空谷偶來逃散步虛廊破鬱陶庭戶月華封玉雪林巒風響
洶波濤氣寒秋晝衣裳薄夜靜山深殿閣高欲識羈懷愁幾許明
朝攬鏡看霜毛

十二月十日汎舟以北風寒回棹
雲山冬瘦露精神整棹溪邊試問津懸坎帶坻冰積厚綠葦冒棟
雪飛頻出乘舫艤為龜手歸卧蝸牛分口身已覺烏蟾不能活陽
熙早晚定回春

正月二十六日雪後登子亭示道祖
淑景因陰苦未韶峭寒於老不相饒竊香風韻歸梅萼刻楮工夫
到柳條萬瓦雪消疑夜雨一溪波漲誤春潮連枝別後口曹遠賴
有吾人慰寂寥

贈講華嚴惠照大師
松陵講舌看瀾翻滯論冰消瞬息間覺性已明華藏海退身聊遁

莫釐山識真久認魚筌假處靜因求塵尾閒我是殊庭仙隱吏二
年雲水共躋攀

贈深老
折牀學子厭如雲卷席歸樓震澤濱識了大千俱是幻理窮餘二
卽非真已辭白社拘方侶更笑紅樓應制人弟子安心安已竟不
知若个是迷津

贈福勝院老僧有宣

諸方行盡已忘筌宴坐歸來水石邊五葉承來真的嗣七朝閱過
到耆年鸞音袞袞開猶振鶴骨昂昂高更堅我特叩門來問道投
鍼相值恐前緣

春日野步二首
一年春好是清明萬事都歸笑矣行卯色天容供遠興穀紋波面
愜閒情門生陪從無參佐野服徜徉束佩纓午困乞漿先饋少已
無形夢不須驚

一春連雨少晴明曳杖郊坰偶意行嫵媚花枝空灑淚風流柳色
但牽情長飢頓覺帶移眼大笑何曾冠絕纓北極朝廷今咫尺穰
穰寇盜口相驚

二月十五日遊謝村福田院觀涅槃會寺乃靈運故宅呈道祖
年年生計一輕舸晨出哺歸豈憚勞謝客兒山存勝致佛泥涅日
往遊遊波間星斗沈光冷月裏山河結影高何日菁山山上寺與
君痛飲讀離騷

天竺節感事示寶華鑑老
詔語從天下九圍並嚴法會保宸闈山稱萬歲誠尤切鑑奉千秋
事已非已聽鸞音動請祝故應龍輅慶逾歸孤臣拭血懷君處小
全峰前淚滿衣

和西湖春事招元方同遊韻
仙橋水殿照清流攘攘遊人聚九州光景從來夸鞞鼓風標況是
富陽秋天開卯色春方好月上弓形夜更留勉作新篇書盛麗莫

富陽秋

富陽秋

富陽秋

富陽秋

令少味似韓休

和元方用韻見寄次韻奉謝二首

人與嚴徐是一流英英儒雅冠吾州白虹吐燭呈文夜紅杏飄筵
得意秋祿薄未應腰為折語多共歎舌無留令君舉善搜寒俊不
進清華諒不休

文律高峰與激流五言佳處似蘇州盪甘局縣中瀉酒不羨宣城
賞亦秋白首同歸相器重青雲一感豈淹留外家門闕期君大作
德雖休更勿休

追賢院食已度嶺歷宋胡諸庵轉山夜歸

擊缶那能似漆園銷魂來訪小桑門仰衝雲陣尋峰頂細步泉流
覓水源九里環觀山向背兩輿歸趁月黃昏春風不識愁人意柳
暗花明自逐春

定山寺

入門松桂拂天長遣化誰來自翠香初翦薇豐草把半殘桃杏

九卷二十一

五

露花房不辭峻極猶登踐免使幽尋隨渺茫原注欲遊此山聞有
山中者屢矣聞有
山人宅巖頂試從度世覓神方

章申公墳寺

千章宰木蔭長城申枉行頌寵數新金菴文華才冠世銀鉤字畫
品稱神佳城此日看馴鹿文葆當年想夢麟定有玉瑣傳後裔投
竿端自渭城濱

讀史二首

祖尚浮虛事漆園生平圓府不曾言神峰峻若瑤林茂手色全如
玉柄溫翊輔但求三兔窟風流空擅一龍門季年喪國排牆禍綺
靡諛言可得存

曾侍東皇採紫芝竭來西土宴瑤池藻翁梁上休繁役次劫池中
認遠期數木故應煩鬼子竊桃那免號偷兒蒿廬不愛深山臥避
世金門世孰知

與工部兄邇歲離多會少樂少苦多述懷

並寓僧藍得幾時原注同寓家太平薄遊若晉遠際離一塵為郡
某數日即赴官百謫還鄉獨後期原注親友皆
罷官歸鄉某

乖同濟原注兄守瓊某守南陽月方歸原注相去正憂連宗戚罕伸眉
到鄉第隔東西希聚首原注極西和工部兄邇中散述懷韻

一歲連膺四命書衣冠慶美近時無縣長本自天資厚憑藉由來
地勢孤襟被昔高蘭省去影纒今喜棘班趨立言制行俱忠孝豈
魏堂堂七尺軀

寄獻中散兄生辰

吉月迎秋萬寶成充閭瑞氣降青英枌榆社裏藏身穩桐柏宮中
虎職清原注今崇道觀黃髮定應驚再少絳田端自保長生壽觴
親薦猶彌月歸夢馳誠相羽輕

次韻大資節使薛公見詒二首

黑頭自致已三旌暫寄江湖適性情五總龜遊欽學富九臬鶴立

六

見神清西雅官累飛章薦東閣頌蒙側展迎方幸台躔照蒼管以
茲投劾未能輕

劇談世事邇來慵時向煙波棹雪蓬德業未嘗矜久大光塵惟曲
示和同十年輔政裨元化萬國賓賢振士風敢請中興重作頌袞
衣不日見歸公

依韻和薛大資將往仙潭

久向巖廊侍禹湯歸身邱壑興尤長東阡方幸陪遊樂南浦難輕
送別傷欲以中經語詰訓更將奇字問偏旁勉爾衮冕輝山郡不
日天書下龍光

次韻林茂南祀喜雪二首

膜拜同祈海岸仙風雲奔走會諸天山巖恍若龍銜驅瘴庶煩驚
鶴奪鮮莫訝瑤英來有信都緣玉燭氣無偏化工應念催科拙乞
與豐稷大有年

吾僚齋禱極精誠俄見聯翩舞玉霏逞巧封條危不墮弄閑飄幌

細無聲傾都奇貨歸王老使戶寒威賴魏生天念春回惟七日故
教連夜趁嘉平

僚佐再和復作二首

雅步誰追鶴警仙峭寒真是酒家天謝庭最愛因風起榭扇曾書
遇象鮮遠覺歸巢禽翅重靜看當檻竹枝偏三吳此景宜增賞飄
警郊原似昔年

從來愛雪是真誠又見祥飛六出雲材薄敢招能賦客庭閒聊作
詠詩聲瑤階誤向凡閒見林蔭翻驚臘裏生賀板並來無答語自
慙詞筆太平

次韻中散兄及諸弟寄願渚茶二首

若溪溪上一茶神三表遺經品藻親輕拂競看雲態度初嘗應慙
舌根塵草堂遙憶金沙水原注草堂有金沙花瀨聊分紫氣春原注

健步倉頭捷若神露芽三日到情親輕齋延喜凝珍玉小礪鄰虛

墮細塵便好相招十日飲莫教虛負一年春慙慙後訊當重餉月

六齋時共願眞

哭衛鄉弟三首
搖壘射策逐羣裾獨以高名唱玉除原注廷其五斗拋來爲詩酒

三餘收得向樵漁固存夙悟無生理承訣親裁忍死書晚歲異鄉
成一勸大紅新破茂紅疏

遠業相期未易量那知百歲似風狂鵬來有恨催新賦鵲往無醫
識禁方鄰笛他年那忍聽人琴此日遂俱亡長空後夜西風急吹
斷驚鴻不作行

高材磊落氣崢嶸命薄難將智力爭赤米白鹽生理窄紅蓮綠水
宦情輕曾期虛閣凭關醉不遂扁舟適野迎原注約赴汝已反眞

歸大化山城空慟十年兄
曾夢良原注惠然見存出示詩十有七篇偶撫所遺成三篇紀謝
未有歸資可買山一封程奏便求閑睢去後容爭席碌碌羞來

肯抱關幻界已知都是夢眞心自要識無還尊前袞袞聽名理坐
遺窮愁一破顏

清明時節訪溪山消盡機心大智開元亮孤舟聊自棹向平家事
不相關叩門雖辛千金願戀德翻嗟半日還並水幽亭同歷覽應
憐慙飲政希顏

居然理照向窮山誰識龍媒伏帝閑意氣雖吞雲夢澤功名未羨
玉門關身常靜退緣知止心不傾邪畏好還但恐縉紳公論在招
延行見覲威顏

中散兄喜罷郡有詩次韻卻寄

上印歸來卧華門此心炯炯向誰論平生疏拙眞天賦此去安閒
盡主恩舊識愧眞爲我累近知几百喪吾存原注一作幻體前知

倍好來同習青山隱白髮仙臞兩弟昆
次韻中散兄見寄

晦迹纔須一畝間浮家暫寄五湖邊官拋印綬輕千里祿隱漁樵

已十年眼對雲山偏爛爛腹藏篇牘自便便政緣欲遂幽棲樂豈
是清時獨棄捐

次韻錢仲仲見詒兼送別二首

四年五度訪郊村首稻羹稀不厭貧清韻欣逢鬢展戟與篇仍觀
筆書銀一筇巖壑幽棲地五兩江湖自在身他日願陪雞黍社貴
鄰應不買增珍

郊居平落似東屯剝啄欣聞客叩門筆下波濤文貫道留中瑜瑾
學逢源西余未遂詣清賞南浦俄驚黯別魂金菊萬株秋露重此
時重復望來轅

題寄仲仲先塋瞻雲亭

衙哀負土記當年白首來臨涕泣然宰樹行成無鹿觸佳城卜吉
自牛眠已乖綵服親嘗膳猶幸綸封數涌泉反顧雲飛頻悵望孝
誠靈媿斗南賢

喜中散兄將至

兩年僑寓爲知音百指仍攜就汎金繩集樹襟曾射魚傳尺素
喜回心無邊紅雙邀同醉不盡青山得共尋白首居諸良會少對
牀免被別愁侵

次韻中散兄將到先示詩

雲山佳處復躋攀景物依然得破顏春事闌珊三月尾時光荏苒
七年閒重來懷絨成何事歸去抽簪幸有山且盡一杯今日樂投
林飛鳥會知還

次韻中散兄喜雪二首

林薄風號兩日先俄驚萬水墮遙天坐看山路禽飛絕聊勝泥塗
馬不前輕點紅鐘呈妙意斜飄素髮映衰年寒糞與我官同冷莫
笑柴扉日宴眠

縹緲山頭白最先模糊雲物變胡天陸機玉圃無精術王衍瑤林
滿後前酒漲微瀾宜永夜麥翻翠浪看明年曉晴便是春消息梅
萼包香柳欲眠

次韻中散兄二首

泉石清遊一月閒風清氣爽未驚寒唱經雲岫頻清梵佞佛香鑪
費紫檀震澤魚肥聊獨酌包山橘熟阻同看歸來頓識南宗髓曾
見彌天釋道安

徧遊湖寺棹舟還重理殘書逼小寒衰鬢迎風似蒲柳貧鑪無火
取槐檀毫鉢利祿回頭笑翻覆人情洗眼看癡鈍老人堪底用故
應衛宇自偷安

友卿弟見和復賦二首

歲律崢嶸又欲還鳴條風急作清寒菊英媚日猶呈秀梅葉包香
未吐檀江水過門兼汶到鄉山當面帶雲看是身已覺都無事只
有空餐不自安

門無雜客往仍還跌坐澄心定水寒清淨苦嫌千日酒蕭閒惟事
一鉢檀眼中金屑全無用髮裏明珠得自看作止更能除起滅已
無禪疾自輕安

次韻維心二首

蕭辰無奈客愁多日飲那知酒有戈松徑崎危羊石臥筠筒屈曲
虎泉過懶尋丹竈山名甚且供禪龕人姓何共看今年龍集酉穰
穰蕃熟慶時和

側席求賢歲又除如君德盛熟儀圖軼材共仰人之傑譚議懸知
帝曰都豈有箕中終去魏未妨廡下略居吳蒲輪不日來徵聘禪
句休誇雪點鐘

次韻葉少協夢餘汎舟

水風斜日愜新情初解銅章病骨輕遠寺藏煙增掩靄寒風帶雪
更鮮明尋幽屢辦揚舸出尋訪漸乖倒屣迎原注少協龍巖煙艇
以出少協遙遙逐漚颺淵明從此得浮生

寄題拙臺

講罷公堂得少休下簾清興與天悠書空怪事知無益爲圖機心
迹不畱四至九卿空士笑一當萬乘豈人謀先生獨有摘詞巧奪

盡人間重錦裘

和小室韻

一味伽那已默傳隨機任運且忘年翻然不落摩騰後成佛仍居
謝客前教海就舟方見聖宗門得髓始通禪蕭齋一炷寒沈水了
盡因緣與自然

次韻朝隱招飲二首

千古興亡馬食槽醉鄉真可寄廉高功名戲事何須挂富貴危機
詎肯饜幸有碧筩消暑得休誇白墮執連逃牢愁滯恨知多少準
擬都將付濁醪

何須避世響檀槽獨喜杯中酒浪高菱實深酬屈到嗜鱸魚仍足
季鷹餐加邊登登情尤厚醉舞傲傲罪敢逃我亦頭巾漉家釀明
當相速醉芳醪

招中散兄飲

飄零羈旅苦摧頽旬日希逢笑口開鑪冷難施文武火氣寒聊雜

聖賢杯牛鳴地去無多遠羊腓熟時宜便來聞說家山動歸興預

愁疊鼓起高梳

次韻卿任賦立春

陽和協氣起寒衣席上清歌聽落梅暖逐日華驚歲換夜占天象
覺星回書簾屢點蟾蜍硯命醮連催鸚鵡杯願斂春祺錫黎庶熙
熙一鏡似登臺

次韻道祖賦立春

棠英棣韞綺筵開何用三行粉面回金鴨香殘知漏永土牛色重
喜春來飄蕩著樹狂欺柳鶯綠裝花巧鬪梅俊仰光陰驚歲換誰
將婪尾更銜杯

喜晴

補陀香供走人天赴感隨緣舊所傳霖雨方憂困桑戶晚晴俄喜
賦樊川階庭旋見收黃淹齋壁何因上綠錢多謝化工袁老子遊
遊不復更祈年

丹集二十一

七

陳朝檜

拏雲老檜欲千春幾閱人閒且復曛風裏膠枝喧過雨月中清影
碎流雲蟠根不願即官谷聳幹宜參君子軍須信英靈神物護頻
經兵寇惜揮斤

春晝偶作次元述韻

屏居岑寂似禪關顧笑初無素與蠻畫棟差池曾識燕綺窗蔥翠
舊遊山時危謾自懷頗牧境靜聊欣接尹班二紀家園遺細履身
閒今得一時還

次韻元述

漂泊身如不繫舟芙蓉湖上懶回頭干戈時幸逃新鬼巖壑人能
識故侯已覺功名真破甑卻驚歲月甚奔流仙都五載空浮食恩
重印山豈易酬

卽事三首

五載投閒隱薛蘿眼看時事只悲歌家貧不畏鬼來笑世變難教

佛奈何脾肉生緣癡坐久帶圍減爲客愁多他年莫忘菁山寺百

口嗚飢兩鬢霜

青雲那肯羨雄飛前料山邊習遁肥名教固因多樂地賤貧聊幸

脫危機齋無滓非何妨醉羹有菽蓐自合歸格外一官垂欲滴便
從神武挂冠衣

諸公交袞上巖廊濟世無能分退藏所止先名大隱洞平生本望

祕書郎畫成願夫一卮酒箭蹶空穿百步楊幻界光陰凜無幾養

生從此學長桑

村人寫子像卽景山飯道僧祈禱爲會頗盛

單車去位五年強初之恩襦庇一方大姓殷勤攜老稚精藍祈祝

飯緇黃此時美稷勤邀迓他日桐鄉必奉嘗爲報庚桑相俎豆不

如道術永相忘

除夕郊居書懷

晚塗蕭颯寄漁樵夢亦無因到上朝書在牀頭脫復看客逢野外

丹集二十一

七

偶相要聽嗟祿薄難餬口大勝官廳每折腰六十七年明日是亦

逢村釀也浮椒

次韻德升頤軒書懷

煙霄飛步欲青春未信論甘肯忌辛三仕固應無喜色一鳴今復

見驚人射如關尹方知中畫在元君始識真早晚奏篇來拭目清

塗聊爲洗荒榛

次韻中散兄慶立方賜第

兒曹春榜預言揚竊吹知難服士鄉黃絹未能摘好語青氍偶幸

繼前芳穿楊喜共東林客攀桂同標北寺房屏注鹿苑寺以其聖
祥業堂榜曰雙桂

世選材如華嶽積塵曾不棄毫芒

次韻邊公明知常放魚

小鮮無數命臨危邂逅雲莊擴大悲巨浸何勞長者水親臨尤勝

校人池依蒲俯視還眞樂貫柳充庖那復知圍圍介鱗俱自得道

人因得一伸眉

次韻顏孝立 天聖 同年

亦識韶華不肯留時危那敢事嬉遊
不辦愁花雨空廩惟知望麥秋
願我端憂宜燥吻如公無事合扶頭
魏生謾助齊眉餉清洗錢塘兩玉舟

和必先龍圖謝酒兼呈沈次律 中 大學士

臺閣高賢卧里門清揚乖隔阻寒温尚餘
宴豆陪三雅聊即煙郵寓一尊亂後官居
同幕燕春來香味憶河豚溪亭午夜銜杯處
應對梅花淡月昏

贈史德謙

不入城閭已十年足音何幸聽
楚然杯觴共樂三更後書史相從
一世前鳥倦尚飛慚我老鴻冥何
纂覺公賢錙銖得失何須算聞
健惟當數擊鮮

贈鮑欽止 二首

錦窠朱紱亦何榮辭刺求閒責自輕
聊喜青蔥供俯仰未應紅腐

舟集三十一

較奇贏人知飛鳥有真意誰信雞鳴
非惡聲只恐朝端闕司隸又將斂手
避威名

紅塵袞袞厭朝班官寺深藏洛尾灣
識擢早驚郎位峻招尋今見水仙閑
高標自置羲皇上俗眼從教季孟閒
倉氏一官寧久困禁途供奉政才難

挽致政奉議魯公 壽監 歌詞

俯然大室老維摩不媿家聲舊曲阿
事閱七朝推壽俊慶鍾六子半文科
白蓮入社塵緣息朱紱通閩聖渥多
空唱已聞生淨域可須薤露起悲歌
原注南史庾亮傳且終家人皆聞空

張子蒙令君挽歌詞 二首

賦歸州里半年間豈料循題哭二難
屢薦嘗為趨幕客敦奇終困字民官
清談竟日師夷甫寢瘵連年痛土安
身後華名知不朽幾

多墨妙翠珉刊
文義游從四十春艱難契闊見情親
少年連上初傾蓋末路雪陽

擬卜鄰萬室謳吟依悵佛一生志氣負
經綸渭陽豈特兒曹慟老

送佳城淚滿巾 挽歌辭二首

大卿表兄莫公 平 挽歌辭二首
露奏求閒猛挂冠忽驚卿月墮雲端
中年屢攬澄清轡末路堅辭

雙鑲鞍自卜壽藏松已拱親裁幽刻
墨方乾映溪清遠樓前月後夜登門
忍獨看

游從五紀荷勳渠白首來依魯水居
郡閣箴規言有補家村書疏月無虛
方期老驗長桑藥忽見神升廣柳車
兄弟同時封吉壤不堪清淚屑衣裾

先兄中散挽歌辭四首

昂昂鶴骨素東強微疾生朝罷舉觴
尚冀魂隨香釜反那知人逐綺琴亡
禁方不驗三茅洞 原注兄就醫於三茅洞
遺墨空留二老堂 原注某

德與才高位不酬大鈞杳默向誰尤
剖符政化傳沂水握節威名

舟集三十一

振宛邱心悟三乘真合覺 原注兄結四學該九域獨推優原注兄
之冠特選一雁行影折元龜喪淚灑西風不忍收

粉闥當日正逢辰與在滄州猛乞身
袖手旁觀真得計急流勇退更何人
翔翔祠館全無累笑傲秋園不計春
鼎鼐百年均此路惟公達識真誰倫

流年八袞慶初開駒隙那知二豎催
香粟五車緣嗜學家徒四壁為輕財
幻身夢蝶自云適曲路憎蠅何處來
原注兄為平貨之屬大謂以大物特薦改

哀範卿學士弟

萬卷曾中學已優安恬當向古人求
有財謾說駒千里此路何殊貉一邱
儒館芸香今寂寂親聞芝檢竟悠悠
懸知簫鼓江村路茂

柏深松結暮愁

楊彥安 推 大夫挽歌詞
英猷卓識世無多用不酬材可奈何
庇邑頌聲空製錦卓財智算

謾熬波鱸堂積學家傳慶蟾窟登榮子繼科下里有車催遣奠上
池無藥起沈疴心期于我勤知過肺腑從公久切磋十載飄流隔
生死東風吹淚寄滂沱

丹陽集卷二十一

五

丹陽集卷二十二

七言絕句

讀史八首

王嘉

王嘉冤死有由緣峻節忠言照史篇最是一條堪恨處臨刑猶道

孔光賢

馬融

為梁草奏枉忠臣李固貪緣遂殺身南郡何須施絳帳應無面目

見時人

陳蕃

閣尹流凶徧海隅飛章露奏計誠疏黃門詔獄空忠鬼天下何因

遂掃除

鄧伯道

賊掠家儲歲阻饑將兒繫樹後無兒林回輕棄千金壁始信皇天

是有知

法真

獎鑒人倫重法真親庭曾遣助口人爨閒占察曾何補只得庸庸

番土臣

王戎

兒時黠慧豈尋常苦李從教結道傍何事季年癡更甚為財鑽核

長膏育

沈約

革運稱梁出秘謀壽光不許范雲留赤章夜奏稱非己合向人閒

諡隱侯

王維

子昂文律唱唐家摩詰詩聲未易加場屋有誰深薦達坐令人穀

賴琵琶

泮水

半壁清波勢自然巒聲旂色想當年野芹不識興亡恨猶有牽風

深碧漣

廟宅

素王遺廟屋渠渠老檜陰濃耀碧虛無復升堂聞古樂尚傳開裴

得丹書

靈光故基

蟠螭宛轉護承楣東序西廂只廢基終與建章同圯壤浪言神力

有支持

望嶽亭

地邇羣山不識名天門日觀遠崢嶸地靈不見二官迹聖作時聞

萬歲聲

壽慶二邱

魏魏寶鬚青冥軒后開基向此生雲瑞已隨仙馭遠電光猶遠

北樞明

省習堂偶題

格外官曹自在身闔門掃軌養天真何須更待年三十始約孤高

不語人

蒙文中縣丞以詩送苦荀走筆六首為謝

豹皮羊角食無冤煩助先生首藉榮便救佐養淹苦酒春餘調筆

要多酸

張衡愁坐政煩冤下飭南京照午榮老作禪癡多不肉每觀鰓鯨

鼻辛酸

爨無煙火歎廚貧嘉穀蒙頒勝八珍苦口片時終傳永端如藥石

盡規人

茂林冕取未應貧政恐書材窘伯珍更請作橋通夜道可憐辛苦

涉溝人

公圃荒涼此物無畦丁遺餉十餘枝他年京下憎羊酪莫忘溪亭

點酒時

碧潤那憂盛夏無駢頭聊取供齋枝辟疆園暗新蒼玉未害清柯
賈四時

四月八日蒙文中餉黑飯作詩二首紀謝

燕際初經四月八磨香灌佛曉泉寒丞公忽致樂游飯兒輩驚看
歡喜丸

方歎流塵生范甌何圖香黍溢顏軍尚未封侯貴推去那容
學井丹

比作黑飯新茶二首未蒙文中縣丞寵和走筆再賦以助一笑

點漆飯蒙清淨供翻匙那敢配羊寒獨欣法味盈齋鉢尚欲詩辭
看彈丸

三歎曾厭間沒腹十方皆滿淨名簞定中不敢逃禪飯單景何因
醉臉丹

次韻張仲宗元幹絕糧五絕

高賢往往突不墨造化從來一小兒執戟逐貧曾有賦柴桑乞食

豈無詩
二頃無田空好歲四郊多壘已仍年遙知壁立書生舍只有溪藤

與麝煙
飄蓬聞說旅塗窮我亦枯魚困轍中裏飯獨期來見客一杯當卜

與君同
冠玉何因常寶牖身名未泰少安之雀羅忽枉黃金彈驚怖還應

震失匙
中臺宏講禪初政學省雄文畏後生不悟宦遊成左計只今無米

糝藜羹
從仁叔求楷笏四首

吳種初從弟子栽東家宰木鬱泉臺誰知當日勤封植只作人閒

手板材
好事頻來闕里堂文房裁斲已盈牀講郎乞與非拋卻已辨焚絲

結紫囊

橫斜文理秀爛斑分餉閒官尚獨慙擬遣人來檢料欲將挂頰
望西山

祇召行親尺五天書辭對命赤墀前人言此板多乖悟換試聊須

覓猪淵
陪亞仲遊習家池不攜妓偶作二首

史君攜客習池頭不載連營女妓遊紅燭要須醉薺澤白雲何似
老溫柔

四序垂楊裏麴塵荆藁不見水粼鄰何須倒載搖鞭問不是并州
姓葛人

少蘊內翰示和朱氏新治澗泉之什依韻和兩絕

桐川舊傳七里瀨洛宅仍誇八節灘樓聳橋橫墮波影未應能勝
此山開

北門學士居新北海使君家中更有嬌雲兼健水吾邦從此
冠玲瓏

次韻叔才見貽二首

舟隨風入亂山村流水桃花似武陵壘頽叢條煩寄語幸非逋客
莫相憎

紛紛寵辱不勞驚凜凜孤高未易名聞有百錢供菜把下簾從此
謝君平

尋山
檻泉依石古名壑細轉輕流有令姿不覺籃輿歸日暮坐憐清泚

住多時
山臺
休言歌酒舊時好把酒高歌今更新醉裏不知身是客寒城落日

數行人
鳳凰山泉石勝絕去城無幾里而前此未有知者偶因休吏與文

中良器二士訪尋得環奇卓絕之觀於荆棘草莽間相顧大笑

因崇基址築亭榭且疏泉養池為登臨嘯詠之地九月二十五

日遊毗歸夜作小詩十首

鳳凰山色鳳凰泉山下泉邊有隱仙同是荒榛埋沒久一朝題目
萬人傳

渾渾泉源瀉一溪碧漣方沼燭鬚眉便須牽率諸臣賀卻向山中
得鳳池

結字南池領老潛東亭復構半空簷書棋文義慙朱異獨向雲山
號不廉

冥靄昕霞景變移煙雲竹樹渺參差輿紅塵裏何因有遷謫江湖
卻恨遲

竹好祇生君子國松高不受大夫名兩郎風韻都相似結作東西
四友生

濃淡峰巒低復高林深依約見汀橋風流公子圓紈扇尺尺須論
萬里選

鳳去丹山久不歸昔年曾此覽朝暉紫庭正帶黃紳望曷日重將
九子飛

從我登山未覺疏應將得失日乘除喜添桐葉千篇詠願滅茅堂
一卷書

陰森行盡古榕林別有幽奇路可尋漁舍傍溪人不見弄晴水鳥
自浮沈

消盡機心獨保真無情雲外合相親安心丈六奇礪石不是山閒
射虎人

再賦十絕
橫肱盤石俯清泉山澤靡儒似列仙汎水登山聊肆志著書萬卷
果誰傳

檻泉甘美勝梁溪來照泓澄得展眉盡道潺湲流不遺那知無路
到天池

子亭聊欲寄幽潛旋斲茅茨覆短簷北牖未妨施枕簟炎天坦腹
臥飛廉

雲峰遙看步慵移層碧三參更兩差天際餘霞似殘錦只堪收拾
餉邱遲

兩士端如蕭子願求心已足不干名春朝秋夕風兼月辭藻居然
嗜此生

雲蓬煙艇寄孤高破浪乘風不礙橋豈待征夫問歸路始教輕漾
日遙遙

眺望雲巖每惜歸溶溶溪練照斜暉雙鳧容與還如我因戀滄洲
更不飛

清新十韻豈材疏俗韻蕪辭盡掃除佳句浪傳真可惜刻居齋壁
莫輕書

輒語相從喜道林碧流紫樹日幽尋是非那復談朝士嬾作香方
比麝沈

蠟珠作鳳定非真真鳳惟梧與竹親鳳去臺空應不恨賦詩同有
謫仙人

走筆再和鳳凰山十韻酬良器解元兼呈文中宣德
洞府桃花出沈泉只容劉阮見飛仙叢條疊穎嫌逋客好去人閒
莫浪傳

不甘萬壑蔽流溪混沌何妨一畫眉若遣周回插楊柳醴泉便是
陸家池

隱吏皆非謾誨潛夜鎧花落廣文簷招尋日月攜連璧不用船中
覓孝廉

風曲雲根屋旋移下窺蒼瓦碧參差不須欲速求僂路自地升天
理合遲

雲嶽回環出遠青千層萬疊莫知名白茅峰獨如黃憲不見須臾
鄙吝生

催功下下與高高東火人歸開小橋莫向九巖生妄見須知采柏
望中遙

灘深畱客不容歸更盡西山一寸暉要看冰輪升紫磨邊枝寒鵲

自驚飛

秋殘景物更蕭疏
愁寄憂埋盡破除
埃壘是中無少分
晝塵終恐候君書

間有山房隱茂林
高人不與世相尋
屋虛但有荒基在
恐是宜條遁陸沈

結友忘懷契道真
水雲情話似親親
愛君葉落雲飛句
知是才高壓眾人

送靈浩江州般若之請三首
甚深真諦不容聲
溢水鐘峰照坐明
悟般若人居般若
鐘魚都是妙香成

峴山峰頂五花堂
曾見迷津賴法航
霄水江流同一滴
未妨作戲更隨場

師今北去幾時回
是法初無去與來
一句但言無可得
寶函封印不須開

贈僧知先
諸方行盡夙心諧
澄碧歸來寄雅懷
曾識禪那兩居士
昭文齋主與高齋

庵僧善能求詩贈二絕句
此生任運只騰騰
聊作空山骨觀僧
生死由來如幻夢
道人因此識三乘

一瓶一鉢早周游
參徧雲門與趙州
卷席歸家只跌坐
了無一法可推求

靈山紀遊
慣穿蒼翠屬游談
來伴高僧半日閒
鶯嶺談經元未散
不應向此認靈山

寄次顏叔時為蘇州庾官
遶郭清蒿翠欲浮
燕山水抱城流
娃宮香徑終肥膩
誰道蘇州勝汝州

題龍興寺顏魯公祠二首
幻界當年暫陸沈
聊憑前綵結知音
清貧雖乏生前米
飛裂還多死後金

平原高節映常山
生死興亡本自天
莫道排牆為鬼錄
請看裂鐵作形仙

友鄉病起二絕句
相從天末慰羈愁
屬疾書窗喜頓瘳
休向友鄉求竟論
且從吳客話詩籌

遠來著錄寧非豔
肯作長齋卻是癡
別久相懷因少廣
朝來新得字如龜

遊徑山蘊常上人字無
可以山中秋日十詩
求和因次韻
年大飄零故已黃
野糜難復廁鴛行
山名一徑通天目
便欲看雲老是鄉

幽尋連日至如歸
款聽清談玉屑霏
好乞一庵容一社
只消枳落與松扉

棘蓬禪老舌縱橫
小閣談元夜氣清
頓覺心空重及第
信知茲理本無生

五峰舊萃勢瀛回
一當年手自開
莫向蘭袍認遺像
此心無去亦無來

攀條葉脫驚徂歲
照影波清恨病顏
好似蘭臺感秋客
送歸臨水與登山

嚴除賓館遠相迎
挂壁殘缸夜自明
臥聽愁聲鳴索索
華鯨呼粥報參橫

昂霄杉桂不知年
風蕭雲幢鎖暮煙
狡獪老欽能縮地
十州移得別山川

貞龍徙舍走風雲
寒井猶餘舊漲痕
老去文書但遮眼
懶求寒澗洗彫昏

擁書齋館水侵門
當日靈芝秀一村
碧落二卿今不見
空餘喬木

曉驚猿

萬壑山深顯氣清沈寥天宇屬初橫
機已契偏中正世事聊將

熟處生

次韻劉無言山中五絕句敢請諸僚和之

載酒陶春久不歸將花判斷定忘疲
尋芳便作而今計莫待他年

子滿枝

命友登山共寄情亦逢佳處便班荆
有時便取琴雙鎖寫出蒼髯

夜半聲

蕭開谷飲更巖栖應笑癡人簿領迷
萬頃青油行省妨嫩黃輕拂

柳條低

川原紅綠遠交加春物關心夢到家
體骨素輕唯燕子面皮最好

是桃花

榮槁如環浪自循一節雙屐伴行春
溪翁野老來爭席不識蓬山

第一人

遊真意亭得二絕句示良器

相攜取意蹋郊墟松拂芒鞋畢竟俱
灑落持君比佳竹幽人一日

不堪無

清波澄澈復縈紆照影湘纓得自娛
寄與溪光容笑傲人愚那敢

便相愚

嘲淵明

粟貯瓶中能幾何頭巾漉酒苦無多
雖然清蘂標千古試問還曾

醉飽麼

中庭雙柏

羞為趙瑩婆娑樹嬾作處回旌節
花獨立凜然霜雪裏唯將真節

勸無邪

約待進河東相公元樞河南相公遊
普山觀梅用前韻重賦五絕

獨抱幽真

特地香

嚼藥攀條起日華懸憂面旋逐風斜
若非鼻觀通清馥應道漫天

無蒂花

被谷連山萬樹多吳天今日驟晴和
冰肌玉骨知誰似只向尊前

許兩娥

為愛寒英暫去家不辭溪路涉津
涯山村盛事人應說第一人觀

第一花

春醪香旨約同嘗玉雪花多獨此
強敢請對花同爛醉擬將酒債

典衣償

以梅花餉富季申直柔樞密有詩三
首謝次其韻

數枝幽豔逼人清望臘先馳淡日
程往近樞光增嫵媚絕勝寒影

照溪明

姑射肌膚獨占清東南萬樹數烏
程原注普林便須挈榼連宵賞

要看瓊粧伴月明

葛山庵畔野梅清風便猶須半日
程聞說數枝來几席何妨先賞

到黎明

次韻胡汝明身影梅花下小飲三首

林閒縞袂綴瑤英月底輕盈畫不
成拂石坐來花一眼神膚從此

喜雙清

南枝連夜犯寒開好事誰曾步履
來上客固知心匪石為花燒燭

恥瓶罍

輕陰池館潤無塵骨醉簪花任笑
人先向孤芳一傾倒明朝更浥

上都春

汝明以詩謝餉菊次韻二首

千本黃花嫩色深恍疑春色變家
林禪翁護戒新停酒小宴無因

費百金

和氣迎陽更棟通露根移得自盤
叢分明般若圓明相誤落柴桑

酒盞中

二聖圖書

宸章端與三墳並奎畫全將六義該湖海小臣如草木豈知雲漢有昭回

夢良以書獻吉夢戲作二絕

山林早壤樂無厭況是寒灰豈復炎蹇足上天無是理固應此夢不須占

枕中佳兆意相誇未敢憑虛便拜嘉老去定心如止水不隨閒夢入人家

書懷二首

寂寂蓬門雀可羅不妨休影養天和韻人三十已當止年事那堪更倍過

樽散知非濟世賢一官明道又踰年真人上界官都足甘向塵寰作散仙

雪意

閣淡同雲撥不開歲陽云暮迫星回寄言大造洪濛裏速致青腰

滕六來

雪

朔風一夕結層陰奇貨居來更易尋器異山濤仍玉璞坐無王行亦瑤林

雪中有懷舊遊次友人韻

昔汎秦淮一舸飛角聲吹動塞雲悲如今獨聽寒窗雪憶殺梅花舊日詩

陪樞密富公遊雪川卽事呈三首

飛樓百尺面嶺岷萬頃豁光帶谷寒宵寐正求良爾夢雲山聊得暫時看

龍庭一紀袖攜香磊落功名竹帛光敢請東周重復古肯同歌風接輿狂

杖藜登覽更簪蒿莫學騷人獨舖糟奕世當傳張顛印三公行佩呂虔刀

學前韻三首

菁村小隱卜嶺岷盟在前鋒詎肯寒卻把青鞵踰城市赤關山色帶慙看原注某自書山起赴州治

青蘋風起遞秋香翠蓋紅妝觀水光暇日躋攀莫辭數人生百歲似風狂

晚涼湯餅點青蒿

瓜分甘笑楚糟好摘江蘼充雜佩不須歲晚夢三刀

桶橋道中

雨跳濁水千漚亂風過橋林萬弩齊頃刻桶橋斜景在市人來去兩虹寬

七夕

朱閣瓊宮輝紫房翠翹下墮慰愁腸天中感遇非塵世不念癡牛念郭郎原注郭翰

次韻志升七夕二首

盈盈一水截長空烏鵲橋成得暫通逗曉歸來裝萬恨舊機半落響寒風

夜偏長

霓旌鸞扇去央央雲路輕車駕七香靈會此宵才瞬息經年何苦次韻德升頤軒詩五首

晴碾春龍鬪小窗飲慳難遣睡魔降翩然夢遶滄州去白馬波寒

槩一雙

鞭輿聲到讀書帷草解招涼暑氣遲淨掃竹軒人不到成樓哀角又空吹

造物機緘屬小兒嬾從寒燠究端倪綠陰晝寂孤花靜猶有黃鸝

恰恰呢

金鸞賜第新攀桂鐵幕官期未及瓜隱几蒲團無一事五車關眼未昏花

外物年來論已齊眼看人事浪推移禳祥白犢何勞問寵辱黃梁

共一炊

次韻德升惠新茶二首

龍餉頭綱北焙茶分甘應自五侯家午雞驚破槐安夢猶有新香在齒牙

轉井車

新茶

當日火攻應有法此時水厄定無餘閒軒七椀宜頻試九隴清泉勝具區

烹茶

俗耳未容聽滴瀝水瓶聊遣挹泓淳情軒小酌煎新茗紗帽龍頭似管籃

鱗魚

貫以柳條仍撥刺筆之筠筍佐鮮肥他年京洛惜几饌莫忘河亭

升集三十三

染指時

味佳端可供羹挾韻勝尤宜薦酒螺自笑癡人饜口腹不求新竹透林多

友人惠芍藥并青梅一枝偶成三絕

窺園記我分名卉大似梁園重錦紅自愧江淹才已盡卻須還與主人翁

芳叢的皜長明檻不似餘花頃刻春始信有常能耐久何須逐巧關尖新

香雪一林初著子和枝分餉不吾慳含酸但止文園渴青鎖無人感遠山

以糟水灌芍藥戲題二首

楚三閭

金邊山畔汁偏美玉井峰頭船最多未敢磨刀供大嚼卻愁藏扎有修羅

山谷以寒巖子詩十二首作彙書詞筆俱絕裝繼之出示求跋因題絕句

百篇詩已露玄關欲免驚愚理亦難招得使君來帳下不應饒舌坐豐干

跛子猷訪戴圍

玉屑金波各眼塵如何牽役不知勤往來擾擾天機亂那似端君對此君

跋陶淵明歸去來圖

小邑絃歌始數旬迷途才覺便歸身欲從典午完高節聊與無懷作外臣

吳道子畫鬼

莫將幽顯較精粗人鬼從來理不殊磊砢擎雲傳怪狀論師天眼

識工夫

跋李伯時畫李玄通隨虎圖三首

華嚴寶軸挂於菟笑問翻經有也無引下福山三十里不應老馬獨知塗

清樾寒潭土作宮楊枝柏葉五年中論成永作將來眼一笑功歸大小空

兩主人

跋黃魯直畫

江南黃鶴飛滿野徐熙畫此何為者百年幅紙無所直公每阮之常在把原注玉篇鶴也說文鶴也一日年母畫竹二首

萬箇霜筠保歲寒風枝輕夏玉琅玕何人重作翩翩賦寫出高標與眾看

帶笠歸
眼到竹邊知未是竹來眼裏亦全非
諸人問我真如意不到山前

丹陽集卷二十二

五

丹陽集卷二十二

丹陽集卷二十三

詩餘

浣溪沙

東閣郎官巧寫真西湖處士妙傳神嫣然一笑臉前春
鬪好難無冰骨女相宜幸是雪鬢人且煩疏影入清尊

又木芍藥三首

可惜隨風面旋飄直須燒燭看嬌嬈人開花月更無妖
濃麗獨將春色殿繁華端合衆芳朝南牀應爲醉海潮

通白輕紅溢萬枝濃香百和透豐肌丹山威鳳勢將飛
玉鏡臺前呈國豔沈香亭北映朝曦如花惟有上皇妃

鬪鴨關邊曉露沾華堂醉賞軸珠簾插花人好手纖纖
遮護輕寒施翠幃標題仙品露牙籤詞人遺恨獨江淹

又賞芍藥

樓子包金照眼新香根猶帶廣陵塵翻階不浥掖垣春
不分與花爲近待難甘澹消贈閒人如羞如怨獨含顰

又少蘂內朝同年龍速且出後堂并製歌詞備席和韻二首

今夜風光戀渚蘋欲教四角出車輪金釵離立座生春
神女恍驚巫峽夢飛瓊原是閨風人詔封後院寵儒臣

溪岸沈深屢汎蘋傾城容見此椎輪可憐虛度二年春
暮暮來時駭客賦朝朝新處後庭人天留花月伴羈臣

又小飲

盤裏明珠芙蓉香尊前堆雪脰絲長何妨羌管奏伊涼
翠葆重生無復口白波不醉有如江壁閒醉墨任淋漓

又少蘂內朝同年龍速道效隱簾吹笙因成一闕

東道殷勤玉壘飛華燈傾國擁珠璣玉奴嫌瘦玉環肥
縹緲幸聞綵嶺曲參差猶隔夏侯衣放開雲月出清輝

訴衷情友人生日

清明寒食景暄妍花映碧羅天參差捍撥齊奏豐頰擁芳筵
逢

誕日揖真仙託爐煙朱顏長似頭上花枝歲歲年年
減字木蘭花 公澗姪初授官以此勸酒

辛勤場屋未遇知音甘陸陸詔錄遺忠一札天書下九重
鵝城初命此去青雲應漸近解褐恩新今歲吾家第四人

西江月 正月十七日與文中自邑境徧游飲歐門諸山水十九
日在鸚鵡洞觀觀夜燕二首

尋宦新來作惡窮途誰肯相從追攀十日水雲中情誼知君獨重
寂寂回廊小院冥冥微雨尖風鳳山香雪定應空昨夜疏枝入

畫

山鎖紅桃阡陌煙迷綠水人家塵容誤到只驚嗟骨冷玉堂今夜
莫對佳人錦瑟休辭洞府流霞峰回路轉亂雲遮歸去空傳圖

又三月初六日席上代監酒和

晚路交游綠酒平生志越青霞霜風時節近黃花汎宅舟將鷓鴣
不分兩溪明月夜深只屬漁家今朝清賞寄情涯肯向榮途索

又叔父慶八十會

瑞獸香雲輕裏華堂繡幕低垂人生七十尚爲稀況是鈞璜新歲
登俎青梅的皜明關紅蕖芳菲天教眉壽過期頤常對風光沈

又與王屺錫登燕集作

清樾已生晝寂孤花尚表春餘象牀筠簟燕堂虛初過晚天微雨
珪璧新來北苑蘊尊未減東吳捧觴紅袖透香膚不浥翔龍煙

醉

醉花陰 次印師韻

東皇已有來歸耗十里菁山道凍枿萬林梅一夜妝成似趁鳴雞
早年時清賞曾同到先仗游蜂報料藪舊心情一笑酬春不羨

和羹詔

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

瑞鷓鴣 工部兄七月一日生辰

火雲欲避金風至秀氣充間初降瑞去家丁令卻歸來還燕懸孤
當日地 金章紫綬身榮貴壽福天儲昌又熾怪來一歲四遷官
還遇當生元太歲

溟海沙十月十九夜賞菊

我愛菊花枝色露偏宜旋移佳種一年期照眼黃金三徑爛可但
東籬 秋老摘花吹散恨開遲只愁一夜便香衰待插滿頭年大
也且汎芳危

又九月十八日與千里賞菊三首

又見菊枝新色淺香勻老人衰病臥漳濱雖是無聊仍置酒幸有
嘉賓 不用怨蕭辰不似芳春請看金藥照金尊今夜花前須醉
倒直到黎明

歌闌鬪清新檀板初勻畫堂新築太湖濱好是黃花開應候聊宴
親賓 上客即逢辰况是青春上林開燕錫堯尊今夜素娥真解
事偏向人明

娼老小亭新丹堊初勻萬枝金菊繞溪濱折向華堂遮醉眼聊用
娛賓 紅燭夜將辰廣坐生春月波新釀入芳尊好向花前拌爛
醉不負承明

鷓鴣天 賞菊二首

黃菊鮮鮮帶露濃小園開徧度香風自筍玉醴酬秋色旋洗霜象
對曉叢 香在手莫恩恩尋芳今夜有人同黃金委地新收得莫
道山翁到底窮

采采黃花鵲彩濃吹開一夜為霜風已邀騷客陶元亮不用歌姬
盛小叢 秋易老莫恩恩齊山高興古今同欲知此地花多少一
眼金英望不窮

又九月十三日謝家游真意亭燕集二首

婆律香濃氣味佳瓊仙盃進流霞凝香清滌高陽醉靈液甘和
正焙芽 香染指浪浮花加邊禮盡客還家貫珠聲斷紅裳散蹋
影人歸素月斜

小榭幽園翠箔垂雲輕日薄淡秋暉菊英露浥淵明徑藕葉風催
叔寶池 酬素景泥芳危老人癡鈍強伸眉默娛莫遣笙歌散歸
路從教燼火稀

又新春
玉瑀還飛換成灰定山新棹酒船回年時梁燕雙雙在肯為人愁
便不來 衰意緒病情懷玉山今夜為誰頽年時梅葉垂垂破肯
爲人愁便不開

木蘭花 盧姊生辰
談團曾蔽青綾帳林下中年敦素尚煙波偶趁一帆風卻鎖雲肩
來就養 自從悟得空無相身把虛空來作樣大千沙界抹爲塵
未比無生真壽量

鷓鴣仙 七夕二首

涼颼破暑清歌繁坐缺月稀星庭戶瓜華草草具杯盤喜共浥初
筵零露 天孫東處牽牛西望勸汝一杯清醕精靈何必待秋通
爲一洗朦朧今古

天孫佳稱天津輕渡卻笑姮娥孤皎平時五夜似經年問何事今
宵便曉 雲車將駕神夫留戀更吐心期多少支機休浪與閒人
莫倚賴芳心素巧

南鄉子 三月望日與文中諸賢汎舟南溪作
柳岸正飛絲選勝齋輕漾碧語忘懷機事盡鷗邊萬頃溪光
上下天 菰葦久延緣不覺遙峰靄暮煙對酒莫嫌紅粉陋嬋娟
自有孤高月姊仙

又九日

拂檻晚雲鮮銷暑危樓竦半天曾是攜賓當薦九開筵度水滢山
奏管絃 黃菊映華顛千騎重來已六年樓下東流當日水依然
更對周旋舊七賢

又九日用玉局翁韻作呈座上諸公

晴日亂雲收人在蘋香柳惺洲溪上清風樓上醉颼颼共折黃花

晴日亂雲收人在蘋香柳惺洲溪上清風樓上醉颼颼共折黃花

插滿頭 佳客獻還酬不負山城九日秋
楚客當年浪自愁

又九日黃剛定再索席開作

秋水瑩精神 靖節先生太逼真
談塵生風霏玉屑 津津爽氣冷然然

欲侵人 一座盡生春
滿引瓊觴已半醺 更把黃花壽彭祖

魏文 帝書 盈盈數闕新聲又過雲 虞美人 願衡卿弟見贈二首

三年曾不窺園樹 辛苦營窗暮怪來
文譽滿清時 柿葉書殘猶自日臨池

春秋新學 卓紫露黃卷聊堪語 家人不用寄歸詩 行看昇平樓外化龍歸

一輪丹桂宵窺樹 光景疑非暮天公
著意在茲時 掃盡微雲點綴展清池

尊前金奏無晨露 只有君房語驪駒 客莫賦歸詩 東道留連應賦不庸歸 原注一作共賦青 又題靈山廟瑞禪院

靈山法會何曾散 此地神光滿
丁公潭下百雷霆 疑是銀河挽下

一齊傾 高橋飛觀連雲起
檻外驚湍水大磯 才過小磯來應有

天孫靈馭月中迴 又自蘭陵歸冬夜飲嚴州酒作

嚴陵灘畔香膠好 遮莫東方曉
春風益益入寒肌 人道霜濃臘月

我還疑 紅爐火熱香圍坐
梅葉迎春破一聲清唱解人頤 人道

牢愁千斛我誰知 臨江仙 上巳日游海昌王氏園呈吳宰劬及中散兄

倦客身同舟 不繫輕帆來訪
臞仙春風元已豔 陽天夫桃方散錦

高柳欲飛絲 千古海昌佳絕地
雙兔暫此留連通宵 娛客破芳

尊蘭亭修禊事 梓澤醉名園 又燕諸部使者二首

自古吳興稱冷僻 菰城水浸鄰
鄰回星難望使車塵 如何三日飲

并有五行人 文似枚舉加敏速
記書易若張巡幕中無用邴嘉

賓它年浮棗會 莫忘兩溪春

千古烏程新釀美 玉觴風過鄰鄰
歌聲未辨起梁塵 九天扶持客

來作繡衣人 夙有詞華驚乙覽 傳聞獻頌東巡未應握節久賓

賓一封馳詔旨 卻醉上林春

與葉少蘊夢得上已辦法華山九曲池流杯

小漾洪河分九曲 飛泉環繞鄰鄰
青蓮往事已成塵 羽觴浮玉發

寶劍捧金人 綵綺且依流水 調蓬蓬 醜鼓催巡 玉堂詞客是佳

賓茂林修竹地 大勝永和春

嘲尉姜補之記疾臥家

郊外黃埃端可厭 歸家移病香闌
象牀珍席共委蛇 蒼蒼尋草盡

天女散花遲 小雨作寒秋意晚
簷聲與夢相宜冷 侵羅幌 酒煙

微試評書五朵何似畫雙眉 又席上稱呈中散兄及吳令三月初六日

寶觀岩巖飛雉堞 登臨恍欲升
仙野桃官柳襯吳天 春風寒食夜

遺恨在封絲 聞道東溟才二里 銀灣直與天連 憑誰都卷入芳

尊賦歸歎靖節 消渴解文園

又章真賞瑞香二首

二月風光濃似酒 小樓新溼青
紅碧琉璃色 映羣峰 更移金鑿落

來賞錦薰籠 詞客舊曾留月
且此花清麗纖穠未饒 蘭蕙轉光

風赤闌呈雅豔翠幕護芳叢 雪壁歌詞題向溼春風 又見輕紅一枝斜插 映頭峰 不辭連夜賞

銀燭透紗籠 白髮欺人今老矣
尊前羞見繁穠清香 尤嫺虎溪

風海棠須避席 佳種漫蠶叢 又二月二十二日錦薰閣賞花詞

檻外奇葩江外種 嬌春未減
輕紅畫樓晴日 歛雲峰 佛香來海岸

蜀錦薦燈籠 今夜那憂殺
風景酒花來 鬪妖穠 江梅冷淡避春

風明朝來縱賞 應醉綺羅叢 定風波 真素少蘊 贈仲彥文燕駘晚橋二首

千疊雲山萬里流坐中碧落與龍頭真意見娛吾已傾煙景不辭
捧詔久汀洲 老去一官真是慢溪岸獨餘此興未能收留與吳
兒傳勝事長記亦開橋上攬清秋

其喜新涼大火流一聲水調聽歌頭況是修蛾兼粉領佳景謝公
元不礙滄洲 平昔短策真太慢氣岸老來都向酒杯收重水光
中修禊事猶記轉頭不覺已三秋

燒戀花 春夜即事二首

二月春游須爛漫秉燭看花只爲晨曦短高舉蠟薪通夕看紅光
萬丈騰天半 寄語平時游冶伴不負分陰勝事輸今段燈火休
催歸小院慙慙更照桃花面

只恐夜深花睡去火照紅妝滿意留賓住鳳燭千枝花四顧銷愁
更待尋何處 漢苑紅光非浪語棲靜亭前都是珊瑚樹便請催
斟鳴醉鼓明朝風惡飄紅雨

又 疊前韻二首

丹葵二十三

七

百紫千紅今爛漫舉燭輝花莫厭燒令短酒裏逢花須細看人生
誰是英雄半 安得紅顏爲老伴妙舞花前楊柳誇身段已倒玉
山迴竹院清香不斷風吹面

已過春分春欲去千炬花開作意留春住一曲清歌無誤顧繞梁
餘韻歸何處 盡日勸春春不語紅氣蒸霞且看桃千樹才子霏
談更五鼓臘看走筆揮風雨

又 和王廉訪

風過漣漪紋殺細十拍香檀驚破交禽睡野荻溪毛眞身致風流
未減蘭亭會 擊汰千艘供洛袂映水垂楊萬縷拖濃翠小海一
聲波上戲慙慙留客千金意

又 二月十三日同安人生日作二首

雨後春光濃似醉著柳催花節物侵龍忌繡祿香闥當日瑞紫蘭
宮墮人間世 歌管停雲香吐穠碧酒紅裳共祝魚軒貴天上阿
環金錄祕龜齡鶴壽三千歲

共樂堂深簾不捲惻惻寒輕二月春猶淺續壽競來歌舞院龍涎
香襯絳綃段 畫棟朝飛雙語燕端似知人著意窺金釵柳外花
前同祝願朱顏長在年齡遠

又 章道祖生日

安石榴花濃綠映解慍風輕政是朱明令袞繡元臣門戶盛童孫
此日懸弧慶 夜燕華堂添酒興黃紙除書遠帶天香賸欲挹茗
波供續命不須龍護江心鏡

漁家傲 初創真意亭於南溪游勝晚歸作二首

巖壑繁同雲水宿林深路斷迷煙客茅屋數椽攜杖鳥人寂寂侵
簷萬箇琅玕碧 倦客驕懷清似滌更無一點飛埃迹溪漲慢流
過几席寒淅淅颯颯點破琉璃色

疊疊雲山供四顧簿書忙裏偷閒去心遠地偏陶令趣登覽處清
幽疑是斜川路 野荻溪毛供飲具此身甘被煙霞痼興盡碧雲
催日暮招晚渡遙遙一葉隨鷗鷺

江城子 和無言雪詞

丹葵二十三

八

飛身疑到廣寒宮玉花中興何窮酒賞旗亭誰是惜青銅飄瞥三
吳眞妙絕銀萬里失西東 華堂紅蠟煖歌鐘卷簾風賞空濛豐
頰修眉鶴髮擁仙翁欲作甞能花底容清漏永禁城重

蕩山溪 送李商時

出門西笑千里長安道不用引離聲便登榮十洲三島畫船珠箔
蘋末水風涼隨岸柳楚臺人景與人俱好 應憐見晚玉殿生清
曉正是妙年時步承明謀身須早輕車虜使新逐凱歌回恩絳重

綵衣輕嘉慶知多少

又 天穿節和宋州排二首

望雲門外油壁如流水空巷逐朱轡步春風香河七里冷容袂服
摹石道宜男寶翠靄度飛橋影在清漪裏 秦頭楚尾千古風流
地試問漢江邊有解佩行雲舊事主人是客一笑強頰春燒鏡後

賞花前遙憶年年醉

春風野外卵色天如水魚戲舞綉紋似出聽新聲北里追風駿足
千騎卷高岡一箭過萬人呼雁落寒空裏 天穿過了此日穿名
地墓石俯清波競追隨新年樂事誰衰老子使得驚遊爭捧腹
乍憑肩夾道游人醉

滿庭芳 任昉嘗為新安太守風流名迹國經史屢具載感今體古
百不為多一不為少阿誰昔仕吾邦共推任筆洪鼎力能扛不為
桃花祿米辭書倦一葦橫江招尋處徒行曳杖曾不擁塵幢 山
川真大好魚磯無恙密嶺難雙聽訟訴多就樵隱僧窗歲月音容
遠矣風流在遐想心降雲煙路接奇甲古時為酌空缸
江神子 初至休寧冬夜作 以下從毛刻六十家詞補像

昏昏雪意慘雲容獵霜風歲將窮流落天涯憔悴一衰翁清夜小
窗圓獸火傾酒綠借顏紅 官梅疏豔小壺中暗香濃玉玲瓏對
景忽驚身在大江東上國故人誰念我晴噴遠暮雲重
點絳脣 縣齋悲坐作

秋晚寒齋藜牀香篆橫輕霧閒愁幾許夢逐芭蕉雨 雲外哀鴻
似替幽人語歸不去亂山無數斜日荒城鼓

行香子 愁况無聊作
風物颯颯木落滄洲漸老人不奈悲秋羈懷都在鬢上眉頭似休
文瘦文通恨子山愁 庭梧影薄離菊香浮強招尋聊命朋儕窮
通皆夢今古如流且淵明徑子猷舫仲宣樓

水調歌頭 程良器嘉量別賦一闋紀汎舟之會往返大鎮三首
夜汎南溪月光影冷涵空棹飛穿碎金電翻動水精宮橫管何妨
三弄重酌仍須一斗知費幾青銅坐久桂花落襟袖覺香濃 庚
公閑子猷舫興應同從來好景良夜我輩敢情鍾但恐仙娥川后
嫌我塵容俗狀清境不相容擊汰同情賞賴有紫溪翁
下瀨驚船駛揮塵恐尊空誰吹尺八寥亮嚼徵更含宮坐愛金波
澌澌影落葡萄漲綠夜漏儘移銅回棹攜紅袖一水帶香濃 坐
中客馳騁辨語無同青鞵黃帽此樂誰肯換千鐘巖壑從來無主

風月故應長在賞不待先容羽化尋煙客家有左仙翁
勝友欣傾蓋羈宦懶書空愛君筆力清壯名已在蟾官蕭散英姿
直上自有練裙葛帔豈待半通銅長短作新語墨紙似鴉濃 山
吐月溪汎艇率君同吾儕講飲文字樂不在歌鍾今夜長風萬里
且倩泓澄浩蕩一為洗塵容世上開榮辱都付塞邊翁

木蘭花 與諸人汎溪作
木蘭千外池光闊午夜喬林迷岸樾掠船涼吹起青蘋紫水歌聲
欺白雪 檀耶響趁紅牙韻胡語嘈嘈仍切切人生何樂似同襟
莫待驪駒聲慘咽

醉蓬萊 天監節作
望葱蔥佳氣虹渚祥開斗樞光繞析木天津正靈暉騰照鷺綴分
班象胥交貢奉御鵬清曉玉殿寒輕金徒漏永瑞爐煙裏 萬寓
均歡示慈頒燕壽祝南山慶均龜藻縹緲紅雲望九重天表舞蹶
鏘洋林麓欣戴度管絃聲齊脣草長新蟠桃永秀與天難老

西江月 次韻林茂南博士祀汎溪
山外半規殘日雲邊一縷餘霞滿城飛雪散若花萬頃溪連登晝
柳憚風流舊國鶴齡瀟灑人家肯嗟流落在天涯雪水從今起

瑞鷓鴣 和通判送別
價
瑞鷓鴣和通判送別
瑞鷓鴣和通判送別
瑞鷓鴣和通判送別

未龍輕 解龜雖幸樊籠出挂席還愁海汐平江草江花都是淚
驪駒休作斷腸聲
浪淘沙 將去南陽作
步屣對東風細探春工百花堂下牡丹叢莫恨使君來便去不見
鞋紅 霧眼一衰翁無意芳穠年來結習已成空寄語國香雕檻
裏好為人容
西江月 連水東樓雜集
豔曲醉歌金縷朱門高聳銅銀中天樓觀共躡攀飛絮落花春晚

低映綠陰朱戶斜拖素練滄灣銀鈎華榜五雲閒奕奕蛟龍字

又凡舟

恨奇飛花秋秋情隨流水迢迢鯉魚風送木蘭橋回棹荒雞報

曉

浮家重過水晶宮五年中事何窮無恙山溪巖影落青銅欲向舊

怪使君顏鬢便衰翁賴是尋芳無素約端不恨綠陰重

妙麗並侍黃扉開國貴僻壤孤芳羞溷尊前不敢香

杏花零亂擬把百觚來判斷病臥漳濱不見枝頭鬧小春 吾妻

老矣一醉花前猶不遂情緒厭厭虛度韶光又一年

萬卷舊推鴻博一官且慰蹉跎升平樓下賜危科曾對願昂繡坐

燕領從來骨貴鸞栖尚屈才多今宵且共入無何定遠功名久

浣溪沙 賈醜醜 一夜狂風盡海棠此花天遣殿羣芳芝蘭百濯見眞香 勸客淋

浪鐙底韻惱人魂夢枕邊裏一枝口插不口口

文康葛公文章粹雅隻絕當世士夫仰之儼如山斗凡所著

固嘗鏤板以惠學者比以兵火蹂踐散失殆過其半曉不忍

斯文之墜因學糧之餘搜訪舊本命工補闕庶可傳之永久

在曉雖不能繼三儂之美譽而亦可以足四部之藏也歎隆

興癸未仲夏甲寅日右朝請大夫知眞州軍州主管學事兼

管內勸農營田事宋曉題

葛文康公以文章名世世之名能文者舉推尊之信蓋乏綸

闕與公之孫給事郵游從容論議得公平生爲多公妙齡擢

上第以三經試學官應博學宏詞科俱第一徽宗幸太學時

以賦頌奏御者千餘篇詔近臣第之以公爲首於是擢益重

雖然茲公餘事爾公爲大司成數言時政得失忤貴要意襍

職奉祠處之晏如也起知湖州過京師以書詆當路勸毋北

舉其言有曰天下無事則宰相安宰相生事則天下危以今

觀之識見過人遠甚豈特古所謂綴文之士哉有丹陽集傳

於世儀眞舊嘗鏤板經兵火不全姚君恪爲守復刊之屬余

識歲月因筆一二以發幽光之緒餘使後進得以窺前輩之

學姚君本書生累與寶薦雖登武爵凡事能潤飾類此淳熙

十三年七月初一日朝奉大夫試中書舍人兼修玉牒官王

信跋

附錄

宋故左宣奉大夫顯謨閣待制致仕贈特進諡文康葛公行狀

曾祖惟甫故贈吏部尚書曾祖母吳氏贈陳留郡太君

祖密故任承議郎致仕贈通議大夫祖母胡氏陳氏皆碩人

父書思故任朝奉郎致仕贈少師諡清孝母侍其氏贈秦國

夫人

公諱勝仲字魯卿其先嬴姓夏后世封國于葛春秋時嘗見于經其後子孫因以為氏漢魏之際籍廣陵唐天祐中有諱濤者避孫楊連兵之禍徙江陰家焉其子鄒太宗時以高年有德賜爵公士生詳隱居不仕于公為高祖娶焦氏是生尚書至通議清孝皆以進士擢第通議早歲歸休為鄉人所宗而清孝居官奉親清德孝行著聞既卒邑狀其事論于州州聞于朝詔特賜諡清孝公幼警敏日誦書數千言九歲能屬文初清孝篤志孝養未暇為公擇師

丹集二十四

一日公白清孝曰某人不足以為某師清孝駭問其故公徐于袖中出文彙清孝遂取視則語盡驚人而師所竄定皆非是迺笑而頷之遂為公易師清孝嘗與客論文偶有遺忘召公問之酬答如響一坐嗟異自是賓朋會集必使公侍左右年十五而學成于經史無不精通年十六應開封舉中其選年十九丁內艱二十二再試開封為第四主文歐陽叔弼見其封建策愛歎之紹聖三年復預開封優選明年試南宮時再用經義取士知舉文節林公希謂公遂于經旨擢實高等遂登是歲進士第朝廷方興律學公居學纔閱月于法令貫通若素習試為第一國子監上其程文乞旌擢以勵眾元符二年調杭州右司理參軍杭為湖右軍會民俗繁夥多鬪訟狂往往往充斥而吏皆大姦宿賊舞文市獄無所顧忌公自以儒生且年少恐其易己乃痛繩以法而于鞠獄必委曲詳盡囚感哀矜咸吐情無隱旬月間滯獄一空吏益畏憚不敢肆皇祐中有司理某者以院吏名次高下立為定格每視役之劇易悉以

序授任循用既久吏持其上莫有懲勸事多不集公暇日取其格視之謂羣吏曰此非若衙規有成法不可動顧前官可為吾何為不可改索火禁棄不用眾皆譁公屹不變遂一以能否勤惰為升降而任劇易于人人競奮事無不理府帥豐稷知公為一代偉人屢薦于朝事皆倚公而辨先是福州有士族不肖子因醉酒與其從凡三人出郊偶見巨商行支徑隱關征者即詐為捕稅吏執之商窘甚以賂得釋已而疾死其家乃以遇劫盜聞于官獲其二

即抵法獨逸其一跡捕至杭得之繫州獄前官以其黨既伏誅謂是囚亦當死無疑鍛鍊成之獄具未決公至得其情曲折移牒福州請收商家詰問果辭窮自言實誣告遂直其冤眾皆服公之精明文節公赴召京師陰求天下奇士一見公謂曰君文詞經術宜為當今模範獄訟充職奈何久居因薦試學官元符三年春公以詩書禮三經試于有司又試宏詞二科俱為第一特循河中府知錄參軍改登仕郎士林歎豔見其文以為不可及公之華問自是

彌大矣建中靖國元年除兗州州學教授先聖國師儒之任朝廷不輕畀以公有重名特命馬公居職蓋自淳厲與生徒講經論文孜孜不倦人得所未聞心感說服鼓箏踵堂者輻湊至黌舍弗能容公適移書部使者旬錢悉撤其舊擴而新之且豐其餼廩學校之盛遂冠一路崇寧二年始行三舍法于天下朝廷以太學首善之地故除授學官非第一流人不在選除公學正清孝喜謂公曰士積學非獨為己蓋將淑諸人汝其勉旃清孝自謝事高尚未嘗出閭門公因力請迎養從之公官卑祿薄且處桂玉之地日營俯體之奉極其誠至崇寧三年八月用薦者言遷文林郎是歲天子幸太學公奏賦數千言時四方文儒之士上歌誦文章者以千計徽宗皇帝命書省第其優劣公居其首十一月丁外艱執喪哀毀過制既舉大事貧甚無以贍其孥至全家食粥終喪未嘗飲酒茹葷居苦廬閱釋氏所謂大藏經者盡其卷帙大觀元年五月用幸學恩循承直郎差充提舉議曆所檢討官是冬天子祀南

丹集二十四

丹集二十四

丹集二十四

二

丹集二十四

郊文武官通朝籍者例皆得封贈公以檢討在職若滿半歲則于格當改奉議郎預計其日適在歲事之後乃拜章乞減秩一等及大禮前授命朝廷嘉其孝特改通直郎由是恩霑泉壤鄉里榮之八月除知大宗正丞事檢討如故始朝廷以從臣提舉議所至是俾郭天信代之公深惡其人弗欲與共事謂之曰是局既有長則其屬義亦不可留堅請引退天信曰公譽望如此豈久為檢討官者苟能暫屈相從正字指日可得公曰富貴在天儒者但當顧義耳明日抗論于朝力句罷天信聞之大怒公請不已併乞罷宗正職上嘉其不可奪特許罷局稍稱其難能二年皇帝受八寶恩轉奉議郎仍加武騎尉宗室仲珠妄議學制公劾之上喜公能舉職特轉承議郎三月除秘書省校書郎五月遷尚書考工員外郎以親嫌改禮部員外郎時方承平四方上符瑞者還至公掌南宮棧奏或曰草數牘曾無滯思時人服其敏而工三年六月廢勸轉朝奉郎八月以議廟制與時論不合責知欽州休寧縣欽地

北集二四

三

多嚴險其民復且復健訟斷大辟以百計在江東就最難泊而休盟尤甚故諺稱錢湯滾處銓曹選注無願往者攝官歲久弊滋甚益不可為公初至命吏于大辟中恣取其一旦親決吏選久可疑者案牘數千紙俾兩人昇至欲因以因公公閱視不移晷呼獄吏曰于若干紙外亡去一節是必汝所匿吏駭汗失措度不可隱遁于其舍故牘中出之類皆中窾要吏叩頭曰囚罪本不至死某故當以死其所匿一節乃囚自白明甚懼令平反故匿之公引囚覆問皆合因釋囚而正吏罪一邑歎為神明曾未踰月囹圄告虛公之始謫也眾皆謂公必不行既至又謂公必不事事及見公視職甚謹雖細務檢飭必親簿書錢穀悉井井有條次無絲毫不治然後歎公之才有餘而度量宏遠也每聽訟必先為民辨曲直已乃從容告以慈孝禮遜之節恂恂然猶父兄之詔子弟民多在庭中感泣願息所爭由是獷俗頓革闢訟衰止暇日攜賓友登覽泉石吟詠酬唱略無遺謫之歎考課為江東第一外臺列薦諸朝政

和元年磨勒轉朝散郎加雲騎尉三年復召為禮部員外郎以預議元圭轉朝請郎未幾遷吏部員外郎四年擢國子司業時與學久成均之士為文轉相模倣率一律公恐其漸入卑陋每考試必取卓然不羣者置之前列文格翕然大變士相慶以為得師質經叩疑者履滿戶外幾無食息之間其為當世推重如此朝廷命諸生習雅樂樂成上御崇政殿按試大說學官皆增秩一列轉朝奉大夫七月以公在吏部編修使臣名籍成轉朝散大夫九月遷太常少卿皇朝自建隆至治平初所行典禮歐陽文忠公嘗哀集刊定為書凡百篇號太常因革禮及是朝廷以公明習典章俾續其書公自治平迄政和四年用文忠公係目纂錄為三百卷于是五十年間禮文之事粲然在目書成上覽而嘉之使與前書併藏太常焉五年初建太子府以公兼太子右論德公每見太子未嘗不言治心修身之要且以仁孝學三言各著一論獻之勉之使進于是大蒙嘉納復采春秋戰國以來歷代太子善惡成敗之迹日進

北集二四

四

數事既久遂成一書號承華詔徵云九月磨勒轉朝請大夫六年七月移太府少卿時盛章以詔媚權貴驟用為開封尹勢傾中外忽遣其子并謂公曰外府左遷士論甚鬱某能為公即還舊物其許之乎公正色曰進退百官當自宰相某雖不佞顧安肯由他岐進以重速戾哉并歸以告章大慙遂與公為仇識者聞而避之除國子祭酒七年遷大司成以前任司業訓導高麗生有勞轉朝議大夫公慨然語家人曰吾自布衣致身侍從受國厚恩當圖報效前此位卑不敢越職論事今豈宜賦歎乃數求對言天下治亂大計且陳時政得失雖削棄不以示人然貴要咸怒切齒公由是不能自安于朝矣俄落職提舉江州太平觀宣和元年朝廷明公非辜復石文殿修撰仍改宮觀復自陳繼除知汝州國初京西多贖土寶元康定間特輕其賦募民墾闢歲久地無遺利而民益富饒政和初言利者始獻議增稅民已不能支其後宦官李彥為京西之民率盜占官地括其田而歸之官號西城新法由是破產者比

屋有朝為豪姓而暮乞旬于市者公下車數月會彥至一境騷然
甘暴肆行人多逃匿以避禍公見彥垂泣曰某任郡寄當為天子
牧養斯民而坐視其離散如此深所不忍願公少霽威嚴退而條
具不當括者數千戶請蠲之彥大怒曰是欲阻壞西城新法耶草
奏劾公朝廷壯公敢為寢其奏不行自茲西城及貢奉之事專委
通判而彥不復再至州境矣二年磨勸轉中奉大夫加丹陽縣開
國男大河歲修掃岸費稍草不資皆取辦旁郡而汝獨倍民大困
不堪命公喟然歎息上疏乞免且令民緩輸待命轉運使怒不及
期符檄督迫日峻公奏免益急僚屬惶怖不知所為公慰撫之曰
諸君第勿書尾某當獨任其責頃之詔允積年重斂一朝而除民
叫譟交賀家家畫公像歲時率子孫環拜相語曰微葛公吾濟非
餓死即徙異鄉能復自保于此乎前太常建言汝州崆峒山實黃
帝問道之所遺築宮奉廣成子既得請則竭力以事土木工未究
罷去及公至主觀道士出大言脅公促繼前役公叱之曰歲饑民

九卷二四

匱可因以不急乎即上疏乞須豐登有旨特從公之內剛不畏強
禦多此類三年復顯謨閣待制四年四月磨勸轉中大夫七月轉
大中大夫徙知湖州是行實過關例得入觀時親黨當國將為燕
山之舉公先以書遺之其略曰方今東南靖息西北歎盟相之功
業可謂大矣然天下無事則宰相安宰相生事則天下危願相公
享宰相之安而無使天下危也省書不說乃畫旨令便道之任公
之未至湖已聞有點吏數輩持郡將短長肆為不法及視事數日
盡得其姦贓流放之闔境稱快燕山之役既興國用益屈乃科免
夫錢于天下輸後期者必以軍法從事民大驚懼時浙西連歲水
潦公持檄憂形于色顧其佐曰方茲艱食何堪重斂議減其半眾
爭諫以為不可公曰苟利于民死非所憚卒奏減之前此浙寇方
臘起青溪既破睡陷杭湖與杭接壤無賴輩乘時相劫掠州縣兵
單弱弗能禁乃便宜使土豪捕擊有愚民無知因平昔纖芥遂誣
其鄰以叛逆殺數人及事平鄰家訟冤有司推治連蔓不已以求

貨無辜逮繫者百餘家前二千石踰年不能決公究問則首二三
人皆瘐死久矣即日決遣之歡騰市里宜和六年移知鄧州公之
在湖朱勳嘗求灘瀉白雀之屬公拒之甚峻勳銜公入骨由是橫
加媒孽遂落職提舉江州太平觀七年加開國子靖康元年以淵
聖皇帝即位覃恩轉通議大夫冬公寓平江敵人再攻東都圍甚
堅四方音問莫通公憂懣殆廢寢食旋聞二帝北狩西嚮號慟白
那守曰公當帥師勤王又曰元帥在濟南以表勸進不可緩因呼
左右索紙筆立草數百言俾守即遣官持詣元帥府詞目懇切讀
者流涕及上即祚一時人士皆爭為攀附計而公未嘗一語及之
建炎元年覃恩轉通奉大夫四年復集英殿修撰再知湖州自庚
戌歲敵人蹂江浙後盜賊蠭起破州縣殺官吏人情恟恟朝不謀
夕公于是邦遺愛素著民見公復來歡迎蔽路會劇賊邵青大緝
舟楫欲由江路入太湖窺伺湖州聲勢甚張公乃繕城郭蒐卒乘
作水戰艦數百艘以彰幟別其隊伍教之陣法日親閱試而加賞

九卷二四

罰士皆精勇可用又命郊外團堡社明斥堠以堅防守民恃以不
恐時高彥張琦復相繼擁兵入安吉長興界公遣其屬李成統兵
與之力戰獲首級甚眾賊鋒既挫且聞有備一夕而遁邵青亦望
風引去有頃孫誠于烏鎮殺傷官吏居民散走公亟遣單騎諭以
禍福思信賊徒乃相戒曰使君至誠吾儕聞之舊矣即投戈就降
安吉頑民施四九見羣寇潛至郡境因起為盜旬日間嘯聚千眾
鄰邦皆震恐公選將校之驍勇者使統兵授以方略直擣其巢遂
生擒誅之餘眾奔潰皆縱不問將吏請奏功曰捕盜守臣職也何
功之有終不自言是歲大饑米價翔貴一斛踰萬錢餓殍相枕藉
公既發官廩又輸已穀數百斛遣官吏振給百姓見公憂勞惻怛
復爭山穀為助傍郡之飢者聞公荒政咸襁負而來至無以容乃
自城邑及郊野命闢僧舍若亭驛以處之薪釜皆藉之屬無一不
備蒙全活者不可勝計建炎初梁端守是州嘗獲謀叛軍人童照
并其黨數十人被加職之哀告者張成沈賓皆命官人感慕之至

是復有將校告其營卒有謀叛語意公必聞而已因受上賞公夜
半披衣集官吏訊治則營卒醉臥猶未醒公知其誣告笑曰吾豈
肯殺無罪而利己乎遂錄付獄果無迹狀因坐誣告者徒之旁郡
有劉惇者自稱明節皇后弟官承宣使所至郡府皆接以禮盜請
俸錢積數百萬公一見與之言覺其詐即加收治一問而服乃開
封捕盜使臣也紹興元年六月轉左正議大夫冬復顯謨閣待制
提舉亳州明道宮公在郡留心庶政事雖甚微亦不輕委其屬視
其民如恐傷之有利立行有害立去邦人愛公如父母出境之日
民挽車號泣相送數十里不絕至今言及公猶以手加額頌歎不
已五年加開國伯七年加開國侯九年磨勘轉左正奉大夫十三
年加開國公食邑自三百戶累封至二千戶實封一百戶公官京
師二十年徧歷華貫而在太學之日為多自學正以及長貳皆天
子親擢每歲禮闈試貢士必使公預方是時羣試者凡萬人公考
其文于數句中輒知其學之淺深是以多得天下奇士于書無所

丹卷二四

七

不讀一過目則終身不忘研窮經旨雖通顯不輟祁寒隆暑手不
廢卷議論常出諸儒意表學子得其說爭鈔錄藏其誨人則必
先德行而後詞章故諸生皆知自重而恥麗于罰每薦士必觀其
器識而後刻奏其所推引位輔弼禁從臺閣者比比相望天下論
知人必以公為稱首其為文汪洋雄健而復精深醇密眾製各自
有體大抵悉極其妙所謂不煩繩削而自合者也于紀事尤不苟
凡子之葬其親非得公文志墓則必歉然其為詩清麗有句法與
賓客登臨宴賞即席援筆立成文不加點坐者莫不驚畏嗟服公
在孕時其母夫人夢鳳凰集庭已而生公人知其為文字之祥及
中兩科歸清孝公又夢歐陽文忠公授公以巨硯自茲公文益進
遂以文章名海內夫豈偶然也哉公為人開蕩而樂易遇物盡誠
勇于義若嗜慾不靳財費賙人之急惟恐不及從弟濟仲貧甚以
郊恩官之先其子族之孤不能自存者則為具匱囊選培歸之江
陰歲租悉推以畀同產其仕于杭究也得俸不敢輕用一毫菲衣

糲食寸積銖累以嫁二妹早年與長兄司成俱事蠶穀飲食燕游
須臾不暫捨宜和辛丑歲司成不幸而公方守汝陽為位哭之盡
期而徹復推己俸贖其孤晚與仲兄工部居故里公築堂山水佳
處名以二老且日致珍異甘膾為奉探其志而先之其友悌益出
于天性鄉間慕而化之居官清慎所至必增市估之直救家人非
飲食日用之物不得輒市于民雖游宦四方而不知其土地所產
于奇器異物珍玩之具一無所好臨事敢為不畏禍患以白黑太
分屢為權倖所中雖數齟齬處之恬然或問其故公曰吾道固當
如是又何悔四為二千石綽有古循吏之風御僕妾亦以恩禮未
嘗妄加鞭箠有不當意者以微言愧之而已自再為湖州適時冬
艱疲于應接慨然有退休之志既遂奉祠之請乃築室寶溪之上
山水環湊名人魁士杖策造門公為之賦詩飲酒樂而不厭客去
則觀書著文優游閒適凡十有四年與子孫講論文藝朝夕不置
閨門之內弦誦相聞彬彬若庠序然有文集八十卷外集二十卷

丹卷二四

八

又取諸史考證異同發摘秘隱褒善貶惡皆古今名賢所未到者
別成一書號考古通論合若干卷尤喜釋氏書謂與吾儒同道究
其與旨每冥坐凝然終日或至夜分不寐易簪之夕數聞異香索
水盥手合爪掌跖端坐久之乃北首右脅而臥寤于正寢合夫
釋典所為如來涅槃者享年七十有三時紹興十四年九月八日
也初公屬疾命左右上章告老詔以左宣奉大夫致仕及遺表上
詔又贈特進既捐館吳興之民雖居深山窮谷中聞者莫不泣下
此豈有以疆之然哉蓋其感于中者深也公之夫人張氏金紫光
祿大夫磐之女而禮部侍郎滌之妹有賢行先公二十年卒葬于
江陰軍由里山之原諸孤以十五年九月壬申奉公之喪合葬焉
明年太常考功以公之行治言于朝曰道德博聞曰文安樂撫民
曰康宜賜諡文康詔從之于是人士益推為終始哀榮者嗚呼公
之仕則遇昌時而位三品退則能自適而享壽考生則為大儒而
見宗當世沒則有易名以發揚潛德亦可以無憾矣然人猶以為

誤者以公之所種者甚厚而所施者纔一二也子六人長曰立方
左朝奉郎行秘書郎兼提舉秘書省編定書籍官兼吳王益王府
教授兼權尚書考功員外郎登紹興八年進士科次曰立中右迪
功郎提舉河北鹽香司幹辦公事嘗請開封□□立器立卓立豫
立參皆早世女三人長適左朝請大夫主管台州崇道觀許陽前
卒次適左承務郎監登聞鼓院劉封次適左奉議郎權通判紹興
軍府事章侂孫男五人長曰郭右迪功郎臨安府於潛縣主簿次
曰郭右承奉郎知建康府溧水縣丞次曰郭左承奉郎新太平州
州學教授紹興十八年中進士甲科次曰郭右承奉郎臨安府鹽
官縣丞後公三年卒次曰郭右承務郎孫女五人長適右修職郎
監台州支鹽倉沈洵次適右迪功郎章是次適左奉議郎主管台
州崇道觀張本餘未嫁曾孫一人曾孫女三人惟公始為吳興侂
時方叩拜公于稠人中一見蒙器遇遂歸以季女獲從公遊二十
餘年故知公出處大節為最詳謹敘其事泣以授公子立方將求

廿卷二四

九

名世之士篤古而達于詞者表公之墓云壻左奉議郎權通判紹
興軍府主管學事章侂狀
故左宜奉大夫顯謨閣待制贈特進葛公諡議
議曰先聖以文學政事析為二科淳史以藝文刑法合成一志以
見才德允備兼而有之者為難故特進葛公經術政體兼而有之
者也公自髫髻能自擇師通經業文嶄然自立未冠試有司以經
義中高第自擇師通經科俱為第一師表成均文體始變逮今粹
然一出于正者實公啟之若經因革禮于曲臺著承華書于春坊
皆稽古禮文治心修身之要茲遂于經術者能之試吏臨安鋒芒
已露讞議刑辟則直死囚之冤欽摘款贖則正姦吏之罪若乃立
朝大節則見于數陳時政歸必削棄力拒要人恥以倖進御西城
搜括之役釋青溪株連之民再臨吳興治如其初晚奉外祠忠以
事君主上龍飛草勸進書以授那將讀者感泣茲達于政體者能
之謹按諡法道德博聞曰文安樂撫民曰康公以經學淵源致位

通顯詞章一出傳寫成誦非道德博聞乎練達正經剛柔相濟所
居有頌去必見思非安樂撫民乎具茲二美宜有大名以傳不朽
伏請諡曰文康謹議左承奉郎行太常寺博士賜緋魚袋蔡宰撰
故左宜奉大夫顯謨閣待制贈特進葛公諡文康覆議
議曰文者貫道之器不通乎道而區區刻意于絺章繪句之間則
遇事而失其所守臨民而不知所愛况于□□患難相逢於得喪
之地而能表見特立摧其長雄不污寵利蓋亦鮮矣此後世博雅
之士考儒林之全節而弔其不終未嘗不廢書而歎也故特進葛
公詞場藝苑俱以文鳴學館儒宮號為師表訂曲臺之緝禮賦郊
陛之多祥秀句奇辭開見層出高文大冊追古耀今至於奉詔治
民承流宣化權姦汝水若張敞之治京兆遺愛吳興類朱邑之葬
桐鄉俾諛聞曲學而素節靡然者亦可聞風少媿矣傳曰不侮鰥
寡不畏強禦公足以當之宜錫美名以為儒林之寵文康之諡金
以為宜請從初議謹議左朝請大夫監尚書六部門兼權尚書考

廿卷二十四

十

功員外郎張頤撰

丹陽集卷二十四

宋史列傳

葛勝仲字魯卿丹陽人登紹聖四年進士第調杭州司理參軍林希薦試學官及詞科俱第一除兗州教授入為太學正上幸學多獻頌者勝仲獨獻賦上命中書第其優劣勝仲為首差提舉議曆所檢討官兼宗正丞始朝廷以從臣提舉議曆所至是代以郭天信勝仲力請罷之稍遷禮部員外郎會御史中丞石公弼言僖宗原廟增置殿室違元豐之舊詔禮官議勝仲建言子而復奔在常人猶難之況在天之靈乎議者非之責知欽州休寧縣復召為禮部員外郎權國子司業時朝廷命諸生習雅樂樂成遣一官遷太常卿宋自建隆至治平所行典禮歐陽修嘗哀集為書凡百篇號大常因革禮詔勝仲續之增為三百卷詔藏太常及建春宮以勝仲兼諭德勝仲為仁孝學三論獻之太子復采春秋戰國以來歷代太子善惡成敗之迹日進數事詔嘉之徙太常少卿除國子祭酒尋知汝州李彥括田破產者眾勝仲請蠲不當括者彥怒勃勝

仲上寢其奏改湖州尋徙鄧州朱勗先求白雀之屬勝仲不與至是媒孽其短罷歸建炎中范宗尹為相凡前日以朋附被罪遠貶者咸赦還復知湖州時羣盜縱橫聲搖諸郡勝仲修城郭作戰艦閱士卒賊知有備引去歲大饑發官廩振之民賴以濟紹興元年句祠歸十四年卒年七十三諡文康子立方官至侍從孫邨為右相自有傳

丹陽集附錄

右丹陽集二十四卷宋葛勝仲撰勝仲字魯卿江陰人紹聖四年進士官至華文閣待制知湖州諡文康事蹟具宋史文苑傳其文集八十卷外集二十卷久佚館臣從承樂大典輯出編詩文為二

十四卷江陰葛氏世籍廣陵唐天祐中避孫楊連兵之禍渡江南徙宋代門祚鼎盛五世登科第三世掌詞命宋史有傳三人附見十人最為江陰望族魯卿再守湖州有全城功遂卜居吳興汎金溪上集中有汎金溪宅上梁文其子立方韻語陽秋序云歸休吳興汎金溪上是舊家江陰徙居吳興可見者如此葛氏以葛洪著望稱丹陽魯卿自署丹陽廼宋人之舊習集亦署曰丹陽集是晉時之丹陽郡非宋時之丹陽縣也自陳振孫書錄解題誤以為丹陽人而宋史因之遂以魯卿為舊居丹陽徙居吳興似與江陰無涉者因歷考丹陽歸愚兩集韻語陽秋均無徙居丹陽之文京口者舊傳嘉定至順兩鎮江志亦不載葛氏父子蘇州府志如陳升之通葛氏父子之理韻語陽秋云余曾祖通議楊真榜登科未四十

致政享年八十七居江陰軍青陽之上湖自號草堂逸老又云先人文康公罷官南陽適當兵擾復還舊業奉伯父工部居焉別建二老堂於宅南眷望由里諸山皆在目考由里山離江陰城九里距青陽亦在指顧孫鴻慶為作序文有曰觀與公同州里亦可為魯卿居江陰之證若為丹陽人則屬鎮江府不得謂同州里丹陽集二十一有里中無居寓丹陽縣詩五六聯云退食井映如就國原注某見封丹陽郡遙尋祖系似還鄉原注葛穉川丹陽人觀此更可見非丹陽人矣至近代之志又据宋史鈔入不足據也此集藏書家罕見昔年廠肆曾出孔柱谷鈔本為汪柳門侍郎購去今從 文瀾閣錄副取以刊行訛錯滿紙校讐不易丹陽詞一卷四庫別收汲古毛氏刻入六十種詞今取集中詩餘一卷互校有汲古無而本集有者三首汲古有而本集無者十八首字句亦有短長乃重為校定而以汲古所有之詞附刊於後鴻慶集中有序文一首 閣本未錄今仍冠於集首以符其舊七言古詩有大韻

鄭維心游西奈山詩係七言律兩首爲改附七言律詩之後光緒
丙申中秋日武進盛宣懷跋

建

康

佳

商孫德輝韻署

宣統三年夏月
葉氏觀古堂刻

石林居士建康集目錄

卷第一

詩一

赴鎮建康過京口呈劉季高

將至建康將佐出迓

再至建康

府中即事

送模歸卞山 并不僧宗義

重九參議馬軍攜詩相過因次其韻

九日用去年韻寄徐 光宗諱 濟祝子權

望蔣山

建康目

自和

西齋大湖石

與晁激仲夜話

次韻答激仲

再答

又答

邊報與山中信併至

雨夜西堂寫懷

雨夜與模論中原旦起模與徐 光宗諱 宗游清涼覽觀

形勢嘉其有志因以勉之

連日邊報稍希西齋默坐至夜分

獨坐讀舊書

懷西山

杜堅大夫作南窗求詩為賦

送光上人還湖南光丞相吳元忠之母弟舊名 光宗諱

字元常以進士入官已而棄家祝髮云

張暘叔晁激仲相過共話宣和間事

次韻馬參議同游蔣山

再次韻

三次韻

四次韻

劉少師園二首

建康目

蔡子因相過留踰月

次韻再答子因

蔡子因用前韻留別再答二首

劉太保馬軍屢捷

題蔡子因雙鳩百葉桃畫

寄徐 光宗諱 立

陳子高移官浙東戲寄

戲示幕客

章幾道將歸小飲懷謝誠父

聞邊報示諸將

虜酋復過河王師出討

遣晁公昂按行瀕江營壘

聞兀术將過淮再遣晁公昂覘師

登南城

與陳子高夜話

送馬參議從辟劉太保

次韻馬參議留別

寄潭州謝誠父

久不飲酒厨人獻白醪卻之

立秋二首

秋高申戒諸屯示幕府

寄順昌劉節使

建康目

二月六日虜騎犯歷陽方出師客自吳江來有寄聲

道湖山之適趣其歸者慨然寫懷

淮西軍連六告捷

為山亭後有小池叢石間得石螭因以斛汲水導注

之

為山亭移植冬青成陰

小飲示幕府

卷第二

詩二

徐光宗 濟書報嘗過余石林

聽莫撫幹彈琴

送沈傳曜

八月二十日

偶書為山亭五首

次韻程伯禹贈趙朝請

次韻程伯禹時字韻

送表弟晁公耄海帥幕

題晁公耄惠崇溪山

再賦

觀化堂編校舊書

憶朱氏西澗

雨後為山亭獨臥

建康目

七夕

送王陞歸知果州

祈雨

再任後遣模歸按視石林

祈雨未應復請於茅山采石

每歲病肺去冬以來偶不作遂得安眠

聞莫尚書周侍郎已自鄂州過江入漢上

東園作草堂新成

三月八日草堂獨坐

徐光宗 立相過

同光宗 立游蔣山謁寶公塔王荆公墓晚過草堂寺

四

周顛故宅也

明日復游石頭城清凉寺再用前韻

又明日復同光宗諱立總領吳德素運使章思召過天

禧寺雨花臺再用前韻

與光宗諱立夜話有懷石林復用前韻

用前韻送光宗諱立

為山亭晚臥

次韻方仁聲惠文編

戲方仁聲四絕句

次韻馬參謀蔣山開堂飯素

諸幕府見和復答二首

建康目

次韻馬參謀新作山亭

方參議用前韻記嘗過余石林次韻答之

徽宗皇帝挽歌辭五首

哭趙叔問

銘

賜硯銘

新坑端石硯銘

李師蘭硯銘

晁激仲琴硯銘

二井銘

似菴銘

五

贊

東山圖贊

法眼禪師眞贊

卷第三

書後

書高居實集後

書明皇吹簫圖後

書鄒氏志欽宗諱同曾祖陰德詩後

書傷寒治要後

書陸探微師子畫贊後

書方勺雲茅漫錄後

建康目

書唐李弼告後原闕今補

書唐李氏告後原闕今補

論

蘇秦論原闕今補

范增論原闕今補

續養生論上原闕今補

續養生論中原闕今補

續養生論下原闕今補

序

程致道集序原闕題目及文首紹聖至翰苑兩行今補

卷第四

六

記

絢書閣記

府學記

建康掩骼記

建康府保甯寺輪藏記

書爲山亭石上

祝文

到任謁先聖文

到任謁諸廟文

祈雨寶公塔文

祈晴寶公塔文

建康目

祈晴諸廟文

謝晴寶公塔文

謝晴諸廟文

祈雨諸廟文

再祈雨諸廟文

謝雨送洞府龍神文

謝雨諸廟文

祈晴諸廟文

祈雨請寶公入城文

謝雨送寶公還山文

祈晴寶公塔文

七

祈雪諸廟文

祈雨諸廟文

祈雨請寶公入城文

謝雨送寶公還山文

謝雨送洞府龍神文

祈雨諸廟文

祈雨寶公塔文

謝雨寶公塔文

謝雨諸廟文

祭文

徽宗皇帝祭文三首

建康目

祭謝侍郎文

祭韓運使文

祭周大夫文

祭淨山主人

顯祖贈太師惠國公焚黃文

顯考贈太保焚黃文

卷第五

表

謝到任表

謝傳宣撫問賜茶藥表

謝乞宮觀不允降詔表

八

賀天申節表

謝太中大夫表

賀天申節表

謝資政殿大學士表

賀明堂禮畢降赦表

賀皇太后冊寶禮成表

謝大禮加封食邑表

謝奏陳金賊退敗降詔獎諭表

謝軍寨遺火放罪表

賀天申節表

謝傳宣撫問賜茶藥表

建康目

謝再任表

謝觀文殿學士表

謝居民遺火待罪令安職表

賀天申節表

賀大朝會表

卷第六

劄子

辭免初除劄子

謝傳宣撫問賜茶藥劄子

辭免觀文殿學士劄子

奏居民遺火待罪劄子

再奏居民遺火待罪劄子

乞宮觀劄子

又乞宮觀劄子

奏狀

辭免初除第一狀

第二狀

第三狀

乞晉卞將軍廟額狀

第一次乞宮觀第一狀

第二狀

第二次乞宮觀第一狀

建康目

第二狀

第三狀

卷第七

奏狀

辭免左大中大夫狀

辭免資政殿大學士狀

辭免加封食邑狀

第三次乞宮觀第一狀

第二狀

第三狀

辭免觀文殿學士再任狀

啟狀

到任謝執政啟

回徽州曾侍郎啟

賀宣州汪相公啟

回霍經制啟

賀汪相公建節

回南京留守路樞密啟

回王正字啟

轉大中大夫謝執政啟

回吉州王舍人啟

賀三京招撫劉太保啟

建康目

回信州劉侍郎啟

除資政殿大學士謝執政啟

賀張少師奏捷啟

除觀文殿學士再任謝執政啟

書

與秦相公論防冬書

又與秦相公書

又與秦相公書

卷第八

書

與曾天游書

十一

又與秦相公書

與梁仲謨論權貨務書

與秦相公論臧梓獄事書

答王從一教授書

又答王從一教授書

答尹穡書

碑

忠烈廟碑

傳

賀鑄傳

誌銘

建康目

夫人慕容氏誌銘

十二

石林居士建康集卷第一

詩一

赴鎮建康過京口呈劉季高

客路重經黃鵠前故人仍得暫留連長槍大劍笑安用白
髮蒼顏空自憐照野已驚橫雉堞蔽江行見下樓船瀟陵
醉尉無人識漫對雲峰說舊年時季高再新
城上月觀

將至建康將佐出迓

遙憐部曲遠相迎猶記當年驃騎營莫作揚州貴人看箭
聲聊聽餓鳴

再至建康

老罷那知力已疲君恩誤遣出車詩犬羊可有中原地熊

建康一

虎空高大將旗江海百神朝魏闕風雲千里護形埽白頭
再啟徵西將深媿甘棠詠去思

推轂何堪付老儒腰間重佩玉麟符千門萬戶照天闕二
水三山非故廬談笑定誰能卻敵衰慵真自笑非夫淮南
金鼓連滄海為趣嫖姚速破胡

府中集事

稍喜胡塵欲漸清離宮雙闕照層城不驚巷陌銅駝沒自
愧兒童竹馬迎衰謝叵堪仍簿領病慵久已廢杯行三山
不動潮頭過洶洶江流自不平

□□坐笑往來頻俯仰之間迹已陳可是猶思建鄴水卻
應喜近洛陽塵十年徧閱三行闕余自維揚臨安今
凡三至駐蹕之地四海

奔馳一老臣未有夷吾在江左柴車空撫兩朱輪

送模歸卞山并示僧宗義為余守西巖者三首

自我離山間忽已兩改月飢人不忘食未坐先已說家僮
挾書至驚起慰愁絕推尋到雞犬問訊窮曲折此生豈多
為一壑萬慮滅可能復大錯更鑄八州鐵江東領
汝歸馬
蹄輕初不憾觸熱慙報松竹吾豈成久別

端居探幽奇自謂略已徧昨登西山巔雄絕昔未見溪湖
莽吞吐雲物紛百變乃知十年間尙或遺勝踐巢成輒棄
去我豈秋社燕築南山絕頂亭
基垂成而來為吾課童僕開闢盡二面

莫言羊腸險徑小煩屢轉杖藜不用扶吾腳猶爾健

生長在山間從翁守蓬戶人言膏梁子粗免污欽宗
諱同袴官

建康一

居無多戀暫止復遽去家法恐未傳此心良已素義禪晚
從我似識此間趣西巖鬱嶷岑久斷俗子路聊持山中節
為我主留務封陲際湖海雲月皆所部

建康舊俗貴重九上已諸曹皆休務祀神登山參

議馬君獨不出攜詩相過因言石林之勝次其韻

倦飛歸鳥正思還扣戶聊分半日間勝事漫同談栗里佳
時休笑負龍山簿書已老無餘力香火朝真有舊班他日
尙期能過我試窮千嶂共追攀

去歲以九日期賀子忱徐光宗
諱濟祝子權為松菊臺

之會作寒字韻詩唱酬數迄今歲郡齋獨坐慨然有

懷復用前韻寄光宗
諱濟子權皆在湖州

地道中原怯早寒一杯何處復追歡同尋澗壑閉誰共強
逐風塵老自難歸夢孰知元有約故情應得舊相看閉關
且示維摩病圖畫他年付瓦官世傳顧凱之畫維摩像
皆此間瓦官寺本也

郡齋望蔣山

十年在空山未覺與世殊再來撫城郭始悟非吾廬豈不
有華屋旌旗拱王都峩冠坐清旦百吏前走趨而我麋鹿
姿儻然若囚拘忽看北山岑兀當坐隅歡言願之笑便
欲凌崎嶇似我權籬間層巒儼相扶口瞻不得往起步空
長吁少年四方志願盼略九區衰慵一如此畢願終田間
拙艱固應爾豈但悲老夫

自和

建康一

生涯一茅屋物役忘萬殊再為東諸侯作軍蒐被廬追尋
念往迹六鷁慙宋都余以請宮
祠去官浩歌記土風誰能和且趨
自笑良已隘真成撮株拘聊云效知止未敢傷廉隅茲山
關人多龍蟠委崎嶇寄我千里目筇杖尙堪扶但愁見中
原驚心愴嗟吁何由返吾室小徑遵芋區未用懷遠遊蒼
茫賦三閭明當秣吾馬解組戒僕夫

西齋初成解中舊有太湖石數十株因植之庭下

萬壑千巘不易求壺中聊寄小瀛洲稍看碑兀雲峰出便
有檀欒桂英宗
諱同幽絕境自知難遽忘奇蹤爭怪獨能留山
翁已老猶兒戲漫擬伸眉一散愁

與晁激仲夜話

外家文采到清郎凜凜辭鋒未可當伴我何辭共戎馬憐
君聊欲濯糟漿激仲以池州
酒正從余辟殘年落寞風塵際永夜從容
燈燭光祇恐扁舟吾欲去病慵無意薄淮陽

次韻答激仲

牛渚誰逢臨汝郎參軍暫肯佐戎行世緣不擬營三窟人
事那求饋五漿春近嶺梅橫暗藥夜寒霜月落飛光十年
情話何由盡我亦傷心歎渭陽

再答

生涯久許捕魚郎鳧雁相追不亂行但遣陶廬有松徑不
辭楚酒醉椒漿交情老柏寒方見妙語靈珠夜有光回首
漸知歸路好已看梅柳動初陽

建康一

又答

四

家聲合繼紫微郎晁氏自文元文莊皆嘗
諱至以道復為中書舍人云不獨詩
同沈鮑行晚歲清談淹幕府中元喜氣望壺漿頗聞時論
憐衰朽空媿君恩負寵光肯許朝川期後約彈冠知不借
王陽

閱武士回邊報與山中信併至

椎牛饗士隘轅門投老兵間強自論稍喜並邊無牧馬卻
漸空帳有驚猿乞盟似欲回天意排難誰能報主恩壯志
蹉跎真便爾獨懷搔首望丘園

雨夜西堂獨宿

華屋非所安憶我三閭茅閉關傲初寒坐聽風雨交燈火

微暗淡松篁雜蕭梢一枝寄宿鳥自許無傾巢我非乘桴
翁詎敢辭繫匏竭來亦何事大似從僧包忽聞報嚴更鼓
鐘亂鈺鏡慨然念故棲此地寧久拋君知芥舟微但可浮
杯均去矣無更疑作詩聊自嘲

雨夜與模論中原巨起模與徐光宗宗游清涼覽觀
形勢嘉其有志因以勉之

千年石頭城突兀真虎踞蒼茫劫火餘尙復留故處大江
轉洪濤騰踏不可御空城寂寞潮日暮獨東去登臨欲弔
古俯視極千慮吾兒勇過我蓐食穿沮洳謂言撫中原未
暇論割據功名亦何人我志聊自恕他年報國心或可借
前箸無爲笑頽然已飽安用飫

建康一

五

連日邊報稍希西齋默坐

鼓角遙聞出塞聲邊風吹鴈過高城疆陲無復戍已尉盜
賊猶憐壬午兵歲晚胡床閉深閤夜長刁斗聽連營便須
從此傳烽息要及春農論勸耕

獨坐不得眠讀舊書

青燈相對久無眠擁毳無人伴夜禪閉戶便能忘屢迹炷
香時自續爐煙辭家屈指驚三月撫事關心愴十年漫展
殘書亦安用可能猶欲絕韋編

懷西山

西山十畝強高下略不齊嵌空抱奇秀上有凌雲梯小屋
八九間茅簷敢辭低所欣面勢好老稚通扶攜密竹轉脩

徑老松故成蹊仲冬景氣肅碧草猶萋萋仰視天宇大四
觀渺回溪徐行信足力未畏成顛躋用意各有適孰云無
町畦平生幾濡首末路多噬臍不作巢暮燕肯從觸藩羝
胡爲濫麾鉞坐聽鳴鼓鼙外物委蟲臂全生思馬蹄可能
三徑草歸路老更迷

杜堅大夫作南窗求詩爲賦

意得不願多心閑本長虛超然適有契天地良有餘頗念
彭澤老所懷常晏如南窗僅幾何盤薄萬古初束帶悟已
往世紛便能疎懸知千載情共有三問廬杜子老不遇買
田賦歸歟西山鬱攬空江山繞故墟衡門閉松菊亦有琴
與書邂逅一杯酒安知我非渠

建康一

六

送光上人還湖南光丞相吳元忠之母弟舊名光宗

字元常以進士入官已而棄家祝髮云

棄家忽若遺四海吳元常軒冕安足輕妻孥等豪芒古來
惟仁者有勇故莫當根也自多慾此心焉得剛相君抱壯
烈慷慨志亦償徒悲蕭長倩屢折終堂堂子居真俗間袖
手每在傍十載復相見挂帆上瀟湘我居卞峰顛萬仞凌
穹蒼何時一茅屋共結兩道場

山間每歲正月望夜梅花正開多與客飲花下今年
郡廨獨坐十四夜張暘叔晁激仲相過共話宣和間
事慨然歸不能寐因以寫懷

山頭野梅白玉花月明弄影紛橫斜青天無雲萬峰立下

有十畝幽人家年年春歸不暇省但掃雪徑尋寒葩老夫
已忘少年事燈火豈念更繁華一杯起步徧空谷破屋歸
臥嗽朝霞陪都復來亦何有凜凜殺氣浮高牙重關深鎖
夜漏永忽記昨夢飄長嗟景龍門前一月會金盃賜酒餘
雄誇神州陸沈近歸我漢節方議通胡沙天翻地覆那得
料忍復更聽漁陽搥

次韻馬參議同遊蔣山

華屋驚隨劫火飛江山空自繞邦圻靈蹤可便超千載妙
解誰從寄一微著屐尙堪窮碧落據床聊伴俯清輝追尋
會識關心處未恠衰翁苦憶歸

再次韻

建康一

頽垣敗屋落花飛草草春光亦故圻但愛野塘輸綠淨不
知風景轉清微帳空尙憶猿驚曉基廢猶傳鳳覽輝女兒
自無平賊意坐來休笑久忘歸

三次韻

荒林寂寂鳥飛飛舊事那容數一圻山色自憐雲泱莽暮
寒猶作雨霏微談餘故喜珠仍在境勝端知玉有輝問取
塔中黃面老此生何處是真歸

四次韻

雨壓殘雲暝不飛亂紅猶欲點春圻蔣陵路絕人誰到蕭
寺庭荒迹已微偃蹇松篁空自老參差觀閣舊相輝令威
等是千年客想有遼東獨鶴歸

偶至劉少師園二首

葉底黃鸝一再鳴故知久住識人情習家池館元無禁應
笑山公自懶行

老木參天拱十圍何妨桃李間相依卻憐韓令功如許不
爲山丹少霽威

蔡子因相過留踰月

解作江山一月留仲文儒雅更風流欲知爵躍心能喜正
愛蟬連語不休築室君方論並舍子因約同歸山我已辦
居雪上扁舟交親四海今餘幾萬事傷心付白頭

次韻再答子因

人事紛紛去不留客心空感大江流已拚匏落真何用那
得鐘鳴尙不休鄰里朱陳無別社江山李郭有同舟若爲
便覓茗溪路六月明珠剝芡頭

建康一

八

蔡子因前韻留別再答二首

早時物望觀陳留蔡氏自言出陳留蔡謨後晚晤禪心更不流安用前
身真阮籍頭有方士言子久知此道得孫休千年會友歸
來鶴萬事元同不繫舟邂逅一菴隨地有不妨納被對蒙
頭

已議營屯到上留稍欣群盜障橫流三時舊業終應在萬
里長征亦少休和策但令均挾纜壯圖何用決焚舟東都
自是興王地虎踞寧須問石頭

劉太保招撫淮北劉馬軍屢奏捷

先聲已起故將軍臥治何勞病使君冠帶豈能忘舊俗山
河亦自惡妖氛羽書奏捷無留敵輿地論封有策勳橫槊
賦詩非我事車書會復見斯文

題蔡子因雙鳩百葉桃畫

百葉細桃照眼明繁枝似見雨新晴故知睡足聊相並不
作林間逐婦聲

徐光宗立罷吏部郎官出守天台待次卜山舊居因
寄

嵇康不作絕交書出處蕭然兩裕如錦帳不妨游省戶草
堂還得賦郊居傾崖濺水青雲上夾道輕陰落絮餘亦記
舊游聊待我未須催駕赤城車

建康一

九

陳子高移官浙東戲寄

幕府陳琳老官身戀故溪解談孫破虜那厭庾征西未擬
煩刀筆聊應謝鼓鼙登臨如得句小字與親題

戲示幕客

不用黃金更築台一時傾蓋盡奇材關中豈是穰侯物浪
怕諸侯客子來

章幾道將歸小飲懷謝誠父

中年甚畏別交親况復雲山舊結鄰澗谷何時同笑語干
戈已老更風塵少留對榻聊分空多病持杯漫幾巡賈傅
長沙知健否洞庭波浪渺無津

聞邊報示諸將

插羽驚傳赤白囊胡行如鬼尙跳梁頗聞廟算無遺策但
遣封人謹豫防送死定知天悔禍追奔寧使汝爭疆將軍
剩有封侯印盡掃無令一鏃亡

虜酋復過河王師出討

羽檄初徵天下兵謀慙一障守王城秦兵出項終何得漢
將征遼會掃平便遣幽燕驅號令久憐河洛污羶腥書生
豈解論邊事詎信平涼有劫盟始議講和余
數言其不然

遣晁公昂按行瀕江營壘

他日傳烽望夕煙重來老更負戎旃我言固自平平耳王
事那辭數數然轉餉未應勞木馬摧鋒猶或要戈船天威
本自無多殺萬一征和屬此年時聞虜遣烏陵
思謹來請和

建康一

聞兀朮將過淮再遣晁公昂覘師

在酋屢憤聘長驅未省新軍有被廬時張韓兩軍治師
甚肅士極買勇快
飲勿辭金鑿落先聲須破鐵浮屠虜將下親兵皆
精練號鐵浮屠趨官爾

自疲千里虜遣師往來國中號
趨官日行數百里飛將吾寧較一夫試向八

公山上望當關何用守濡須壽陽爲江淮襟喉曹操先得
之故軍每至濡須東晉能保
有故謝玄有
肥水之捷云

登南城

大江南渡是長干北望清淮歲已寒廢壘至今聞鶴唳蒼
山從古自龍蟠鬢毛白盡空看鏡髀肉銷來尙據鞍折箠
不能咎點虜遺民猶有漢衣冠

與陳子高夜話

鼓角開東道山川壯別京病慵憐竊食幽憤敢論兵廢簡
鈔黃暗馳囊赤白驚衰衣聊自喜時見魯諸生

送馬參議觀國從辟劉太保

伏波老自厭壺頭壯志諸孫凜未休稍喜犬羊從絕塞即
聞貔虎靜中州先聲蚤已傳推轂婉畫聊煩佐運籌好去
劉公書一紙無忘老子南樓

次韻馬參議留別

戎車百兩去難攀秣馬前驅矢石間析木舊津吞朔易神
都新令懋賓顏傳聲已報連三捷觸熱那辭冒百艱束縛
會看擒頰利灰釘何待執戎蠻清談一笑時能共妙語千
篇未可刪緩帶且從黃閣老峨冠行奉紫宸班分攜坐歎

建康一

虛縣榻老病懷歸祇故山他日小舟能過我萬峰深處有
柴關

寄潭州謝誠父

南國波濤已過春稍清群盜剪荆榛孰知賈傅傾多士但
說番君得遠民痛飲千鍾應可強傳書一紙未能頻臺評
袖裏猶多在莫枉汀洲詠白蘋

久不飲酒厨人獻白醪卻之

老大無堪百不能年來但可飲三升齋厨何用須佳釀莫
遣征南誤自稱

立秋二首

江上西風萬里秋際空高浪洶回流他時譽賊真非策此

日摧鋒蓋有謀天險漫能憑故國陸沈端復恨神州將軍
競縮封侯印誰爲吾君更解憂

蕭關隴水隔天區壯士何人是破奴一日頓傳三節度是

聞陝西三節度節度使

帥並建節十年空闕五單于坐談激烈心猶在疲俗彫殘
喘未蘇安得倉箱盈百萬少令天下足軍儲

秋高申戒諸屯示幕府

草枯馬健已高秋堂上應須早伐謀傳箭猶聞聚蜂蟻控
弦那得犯貔貅書生會繫單于頸壯士誰春長狄喉快使
營平歸印綬貂蟬敢望出兜鍪

寄順昌劉節使

四海胡塵久未清遙聞苦戰有奇兵妖氛盡掃人誰敵捷

建康一

奏初傳我亦驚授鉞已欣傳帝澤揮戈終見靜王城軒臺
固有英靈在更遣將軍得令名

二月六日虜騎犯歷陽方出師客自吳江來有寄聲

道湖山之適趣其歸者慨然寫懷

松江浪靜如鏡平菰蒲長春秋水生晴沙回鴈久未到坐
想白鷗增眼明五年辜負釣船約故人疑我真逃盟豈知
塵纓不易濯正想滄浪之水清朝來鐵馬暗江北中流疊
鼓雲濤傾樓船十萬下采石旗纛滅沒天戈橫書生事業
今乃爾授鉞孰敢辭專征豈無傳檄走飛騎漫復長嘯登
高城文思天子民父母大度未忍塵奇兵澶淵一矢安五
世明日儻或傳諸營

淮西軍大破賊兵連六告捷喜成口號二首

一戰聊磨十萬師西來捷報走黃旗六贏壯騎口口去九

虎將軍亦漫為賊將龍虎輔國等將面內疲民口不改泉

之役驅虜吾軍皆其用事貴酋從中勝算自無遺自賊兵過淮凡指授臨軒

想見天顏喜百辟歡聲動玉墀

她豕何知闕近垌日欣塵戰掃羶腥寄聲急口伏羌帖歸

路還經征虜亭多難兵間頭更白事見光武放懷口外眼終青

花殘不負囁邊約更看前焚老上庭老上龍庭匈奴地名

為山亭後有小池叢石間得石螭因以斛汲水導注之

激流自作小潺湲底處奔崖落迸泉驟喜忽聞飛雨過卻

建康一

十三

疑驚起老龍眠憑軒但遣時醒耳裂岸何須去拍天索寞

歸心誰與寄家山不到已三年

為山亭移植冬青成陰

一寸蒼根手自鉏年來繞屋亦扶疎客來但愛清陰好不

見幽人礪下居

小飲示幕府

邊書日夜急王旅方徂征我非劉越石長嘯徒登城緬想

豺與虎行當築鯨鯨傳車日邊來風雷走天聲連日中道王人齋金

帛檣師者經過黃旗三面至捷奏紛口橫天險限南北長江正東

傾諸君亦良苦唾口爭請纓誰云凌煙閣自昔無書生厄

酒安足辭勉當建雄名李賀詩請君試上凌煙閣若箇書生萬戶侯

石林居士建康集卷第二

詩二

徐光宗濟書報嘗過余石林

繞澗新添數百竿故人書為報平安似聞謾謾山風響正
想陰陰夏簾寒老大不能窮蠹簡歸來便擬臥塵冠一杯
且覓林間約莫枉山王廢舊歡

夜聽莫撫幹彈琴流水

故山不在眼遠想流水聲佳人南風手起我澗谷情十載
厭擊鼓囂塵亂鳴鉦蕭然洗病耳為鼓一再行度險微斷
續奔前忽琮琤淒風拉遠響薄月當微明亂石拱高下回
環亦崢嶸吾歸正自爾猛士方西征年少勇過我犬羊羶

王城請更平戎操盡掃河洛清

送沈傳曜

卞峰摩青空東望烏氏光宗豈忘宿春糧終媿一款門邈
近此相遇傾懷得徐論人言解牛刀要使口劇煩未悟清
廟器朱絃列疊尊我衰百慮息但念三畝園王師肅西征
萬馬先雲屯何力償賜履緬慙羨歸軒寄聲舴艋舟想見
浮鴈村清冷尚可釣無使雪水渾

八月二十日

覺涼風入軒窗自亦幽漫能持麈尾終憶釣槎頭我
從添老愁予不為秋新酷知熟未衰謝苦為

偶書為山亭五首

為山高下小嶺岨只欠蕭蕭竹數竿但遣飛流時漱玉且
將歸思為翁寬

微風似與洗庭除石枕蠻藤不負予八尺方床聊已足可
須仍要讀殘書

僚吏相哀白事稀抱琴時有弄清微何妨共倒樽中潦不
怕鳴騶問道歸

羶穢初聞頻水清東君更復過蒙城應須鄂渚兵同入賊
壘聊煩盡刻平

使節交馳數路分頗知盱食念前軍疾須圖上金城策一
見真勝百聞

次韻程伯禹贈宗室趙朝請

建康二

人物相望不並時使君冰鑑有真知未論理窟傾三語只
關詩壇自一奇擾擾干戈猶戰伐紛紛簿領更喧卑應須
便作高軒遇好德何人佐我儀

次韻程伯禹用時字韻見寄二首

衰病侵尋豈故時暮年懷抱祇公知疆論出處初無意底
有文章更好奇王氣山川元自壯歸心茅竹敢卑中原
趣下王正曆盡使遺民復漢儀

漢道中興此一時虞亡不臘爾何知地中鳴角無多恠堂
上論兵固有奇夢櫟那求梁棟遠搶榆正羨羽翰卑淮陽
汲直猶高臥願看蕭韶集鳳儀

送表弟晁公耄公海帥幕

巖邑相望數寄聲十年湖海最關情談鋒尙憶傾甥舅鬢
雪何堪數弟兄飽讀父書聊自足深知民事卻須評揚旗
且逐樓船下萬里濤波本不驚公耄說之子罷遂昌
令頗能言浙東民事

題晁公耄惠崇溪山

荒林翳宿莽脫木寒無煙不知三間茅中有幾醉眼山遠
尙見雪江空欲吞天歸舟定何許滄波方渺然

再賦

惠崇殘筆老尤奇袖裏溪山每自隨欲識滄波無限意此

問惟許當家知

觀化堂編校舊書

赫日眞能永微風亦自涼故應便北戶何敢厭東廡汲水

建康二

聊爲戲繙書卻未忙平生閑與嬾併覺味兼長

翰墨他生業山林晚歲心乃知身已老但覺意增深捉麈

誰能話扶筇可細尋晚來庭鵲喜似恐有歸音

憶朱氏西澗

澗下流泉澗上松清陰盡處有層峰應知六月冰壺外未

許人間得覩逢

憶向中流置竹牀萬錢無處買清涼只今路斷無來客自

撥新莠醉幾場

雨後爲山亭獨臥

過雨虛簷氣稍清臥聞刁斗起連營幾看薄月當軒過驚
見陰蟲繞砌鳴洵洵南江浮靜夜寥寥北斗掛高城白頭

心事今如許慙愧兒童話請纓

七夕

七夕仍殘暑三年記此宵傍簷依嶺月欹枕聽江潮瓠大
何妨拙槎迴未覺遙可須論乞巧河漢望星橋

送王陸歸知果州

何處西南是果州黃甘殊勝木奴洲使君自喜鄉閭近騷
客仍憐井邑幽盜賊燕秦猶未息山川楚越已先秋原頭
兵馬知多少更與將軍論木牛

祈雨

老農酣歌望捫腹早魃何爲敢予毒九淵再拜款神龍仰
空但見屯雲族天公愛民亦自惜我愧無功神弗福願看

建康二

一洗注天瓢未須震暴如車軸

今年淮西蹙胡騎王師盡掃無餘類武王伐紂報豐年今
者驕陽豈天意東求三茅西采石塔中至人肯徙視明朝
掣電駭翻盆婦子猶能說遺滯

再任後遣模歸按視石林四首

巖石三年別君恩未許歸從誰尋草徑爲我款荆扉舊繞
山千疊新添竹一圍故人如見問端欲掛朝衣

白髮萱堂上孩兒更共懷弄孫那得見將母竟誰諧已□
功名望猶疑出處乖此心終未穩何處復安排

插架環千軸傳家有舊書展舒慙几案涼曝闕庭除破屋
防懸酒殘編足蠹魚好須重檢校局鎖莫令疎

細路穿南嶺新松幾許長
母庸馳馬足祇擬轉羊腸
便作高亭好初非亂石妨
雨溪渾在眼似欲見帆檣

祈雨未應復請於茅山采石

苗當七八月之間甘膏不濡
何太慳飛塵蓬勃晝欲瞑
坐睨雲物占群山五日一風
十日雨天方勤民輔明主
作書未敢訟風伯寄謝群龍
少勞苦

群龍分馳不難與俗謂五月二十日以後爲分龍日
噴薄雲霧隨飛騰中

田勿憂龜兆圻倏忽便看溝
塍盈老農何功報神力但趣
官租飽軍食中原卷盡胡無
人爾土明年更開闢

余每歲病肺往往坐達旦去冬
以來偶不作遂得安眠

建康二

五

衰殘每苦病相纏粗喜今年勝
去年未說清樽酬口醉且

欣高枕得安眠風塵不報邊烽
入聖澤頻聞好語傳時詔下存燕江北流人
可是淮陽真臥治滿囊空費大農錢

聞莫尚書周侍郎已自鄂州過江入漢上

再見狂胡力請平將軍無事罷屯營
傳車已割淮孺地牙帳仍收鄂渚兵
勝日身猶堪杖策衰年耳自厭鳴鉦
角巾初了東歸約安用區區峴首名

東園作草堂新成二首

官舍如何有草堂野人熟處自難忘
池開月映千山迥檻靜風生六月涼
幽徑也從穿別圃小舟還似過橫塘
深知幕府文書省盡付酣眠亦未妨

密覆荒茅已數重中開別戶更相容
苦無公事妨人樂多有清閑借客慵
南浦潮平分贖水堂前池與湖水通
北山路近得

青松近栽北山松百本恠翁歸意何能緩
新築高臺見臥龍園中舊不

見山因積土作臺遂見蔣山

三月八日草堂獨坐

四年身不到吾廬底處仍堪託
左符閉閣漫憐公事少投簪敢說
宦情無軍聲早已吞窮寨使指何
時返舊都故作茅堂開水檻要知
心自在江湖

徐光宗立相過

茅齋一曲傍寒灣邂逅終年伴我
閑契濶易驚成歲月追尋空復望
江山暫留客枕聽疎雨時久旱方得雨
遙想吾廬掩舊

建康二

六

關落莫歸心誰與話坐談聊爲起
衰顏

同光宗立游蔣山謁寶公塔王荆公墓
晚過草堂寺

周顛故宅也

我居在城府再至俄二年豈無山水
心可奈簿領纏今晨偶乘輿適此
竇從賢零雨洗驕陽谷中聽流泉
憑高快遠覽正見江浮天至人本
無心與我常周旋誰云喚不磨汝

意至不虔余自到鎮每雨賜寶公塔未嘗不應
麥隴稍已滋橫水漲微漣

佳城倚華表拱木埋貂蟬暮過草
堂寺借榻聊暫眠不復聞怨鶴茅
口但連延歸路踐落日群峯鬱相
先回風送遠響墟里生晚煙吾廬
悵何許東望良慨然

明日復游石頭城清涼寺再用前韻

大江洶西來故國今幾年我衰倦登臨坐愧雙行纏忽驚
山陰集邈邈來群賢俛仰弔前古高談注淵泉千巖過宿
雨餘潤滋麥天頽簷翳岬壁過午不得旋像佛再經始時
兵人再興佛殿郡此邦心亦虔稍欣臺殿新廢沼依淪漣坐
懷馬化龍僅作螂捕蟬相傾走掣電詎暇安枕眠六飛蹇
東巡恨爾不少延孽胡久凋殘屈已今我先衰憊乘一障
無功記凌煙乞身自茲始此計君儻然

又明日復同光宗立總領吳德素運使章思召過天

禱寺登雨花臺再用前韻

言經朱雀桁復度白雞年去歲謝公不可見廢壘蔓草纏

三日瞰垆牧所懷多昔賢坡陁北城光宗誰可諱城諱誰可

建康二

作九泉石頭控崢嶸目盡西南天定都記孔明赤壁方凱

旋孫權定都孔惟初鼎足計用意良已虔更作長于行秦

淮亂清漣殘春掃餘花密葉未有蟬高臺略四遠綠野浮

芊眠午陰久未移幽景爲我延使君固不凡況有嘉客先

老大百念息爨餘豈遺煙了知塵外心本自無間然

與光宗立夜話有懷石林復用前韻

有山不能歸坐愧三十年余營石林今幾三十年矣冠服豈不榮狙猿

強包纏惟餘緇衣心未敢忘賢賢他日得吾子匣藏駭龍

泉衰頽爲興起此賜甯非天羯胡玩兵久亦悟終好旋扣

關復請吏搖尾志頗虔休兵固有期撫事猶涕漣投懷幸

傾瀉知子非寒蟬十日對榻語夜窻了無眠賈生待宣室

趣席方招延願上治安策何者今當先我行返故廬跌坐
看爐煙功名會及時仁子論燕然

用前韻送光宗立

畏作親友別况復非中年身如三眠蠶已老翻自纏揭來
守江關從事甯獨賢經年兩大入燿火通甘泉石林豈壺
中亦自有一天采薇敢言勤誰與歌勞旋尙書苦祈哀傾
寫志已虔坐懷北山巖未見西溪漣人言搏風鵬不及翳
葉蟬共挽攜手客可忘曲肱眠首鼠信禿翁胡爲尙遷延
子來幸暖熱愧我一飯先清詩似鳴玉想見藍田煙索去
何乃遽臨分重依然

爲山亭晚臥

建康二

瘦石聊吾伴遙山更爾瞻泉聲分寂歷草色借廉纖玉粒

時能飽霜毛日更添平生疎懶意况與病相兼

次韻方仁聲惠文編

他年落筆坐生風下舍諸郎敢長雄操縵不能陪眾手蹻

輪終自付良工鏡湖漫憶歸狂客漢上誰從過德公會向

南溪尋舊約別開小徑共相通

戲方仁聲四絕句

戲弄扁舟泊宅村卻尋三徑築茅光宗雲邊此意真誰解

贖作新詩與細論

水檻新開似浣花傍溪須更作浮槎祇應屢費王宏酒時

要清樽對落霞

不惜囊錢信手空荒田卻擬望年豐天公可是憐風月判
遣詩人一例窮

盧橘楊梅已及時我歸先自在前期平生不作宣明面浪
愧將軍建鼓旗

仁聲舊居城東泊宅村張志和常所遊也今徙西溪
作雲茅菴因東岡爲小亭號茅諱光宗欲傍溪開水檻

久無資會郡守有饋之酒五十壺不敢飲亟易之乃
克成有田數十畝常苦下潦余居石林與雲茅南北

正相望故四章皆及之云

次韻馬參謀蔣山開堂飯素

邂逅聊憑法供眞茲山誰謂我非鄰相追更喜同枝策得

建康二

九

意遙知了斷輪幽事要須塵外侶好詩乃借境中人歸來
袖裡傳新句驚放巖花作小春

諸幕府見和復答二首

一勺清甘見悟眞入功德水在定林寺
址宋舊名悟眞寺覺城東路更口鄰

臺傾劫火無遺燼寺經兵火盡焚地轉奔風有伏輪但遣籃輿從

太守深知幕府盡詩人登臨莫忘千秋意不必山陰記暮

春

欲眠遣客笑吾眞愛酒空牀羨汝鄰歸計口甘從短帽倦

塗何止畏奔輪高車不用三千客淨社須期十八人尚許

一樽仍破戒黃柑催釀洞庭春是日客會者二十餘
人以齋集不置酒

次韻馬參謀新作山亭

家山千仞聳亭亭夢繞茗溪一里青苦厭簿書迷老景坐

懷丘壑寄頽齡稚川可復尋勾漏靈運能忘過永甯壘石

且從開小徑寒芳仍喜報餘馨天工未擬賦遺巧物態何

曾有遁形散策便思尋窈窕沈沈欲釣清冷已看袖裏

攜東海端向籬中得畫屏半世生涯皆福地不妨歸更待

祠庭余前后領崇福明道洞霄宮祠九
任二十一年時方又上章乞歸

方參議用前韻記嘗過子石林次韻答之

不復襄陽寫孟亭草齋人道是丹青那知客自從文舉但
恠山能養伯齡世味無多眞潦倒歸心欲寄每丁甯遙聞

建康二

十

徑竹添新影更想巖花作遠馨夜鶴未應眞怨別江鷗須
信久忘形地偏故逐淵明遠風好常隨禦寇冷癡坐正憐

塵滿案醉眠終倚石爲屏瀛洲學士煩追賦尚記滄波接

洞庭下山後即太湖正與
洞庭東西兩山相望

制作三王舊憂勤一紀餘豈惟成禮樂眞欲混車書黼辰

猶丹陛鸞輪忽紫虛帝鄉歸路穩無復顧樓居

帝業承瓜瓞天倫映棣華千年承接統四海自爲家畢郢

終何恨蒼梧邈已賒廟壻驚指顧行路泣悲笳

脫屣初無戀遺弓故不忘金盤徒自聳玉椀且深藏付託

歸眞主經營有舊章柏城森渭水空愧寢中郎

卜宅軒臺近因山禹穴深綴衣驚在匣黃屋本非心海濶
青雲隔天高白日沈秋風無馬跡惆悵屬車音

浴殿陪書詔甘泉忝侍臣虛傳遊帝所不復從時巡效死終何日餘生漫此身攀髯如已矣揮涕灑江濱

哭趙叔問

劉氏盤石宗略分天下半斯文獨更生落落公族冠探書到千古極意在理亂故宜蕭長倩憂國共長算我懷崇蘭居多學真一貫束髮踵癯儒長檠媚空案胸中行祕書領略能默斷埋光久不暴玉石終自判中年立周行杞梓見脩幹雍容視出處未可亟招換坐令護都水不持美先漢荷囊侍丹辰正訝歸稍緩口馬棄天閑一往謝羈絆黃墟閉白玉萬事風雨散計來為失聲涕落傷老伴孰知錦囊心無復銀鈎腕柯山眇何許日月忽已換平生渾金質反

建康二

二

覆要熟看口寶珠寒泓誰口撫遺玩尚有千字碑臨風寄

長歎叔問三衢新居號崇蘭館字畫尤妙蓄硯甚富皆奇程致道作埋銘敘其事甚詳

銘

賜硯銘

紹興己未六月臣某待罪建康之明年皇帝以所嘗御硯賜臣某謹再拜稽首而為之銘曰咸池之淵奎鉤所直發為天地號令攸出惟泰山雲膚寸萬方帝澤之儲而臣之藏

新坑端石硯銘

望之盎然不耀其光即之瓏然不暴其剛下巖之澤竭取之其陽是為雲者仍耶猶以見其祖之良

李師蘭硯銘

靡之勿剝挹之勿槁毋慢其藏不貪之寶

晁激仲琴硯銘

鳴不為球拱不為璧有軫匪絃寓此盈尺孰謂大者訖藏無聲勉子筆端發其鏗轟

二井銘

紹興壬戌六月甲子建康府新作二井於州治前銘曰子者不窮取者不爭用惠我民以安其生毋瀆其煩毋厭其多我民資之視彼濤波

右左銘

吏之勤民如井日勗民之從吏如井日趨惟吏與民毋或

建康二

二

自戾敝則登之以閱百世

右右銘

似菴銘

草堂東北隅有地四丈結茅為小菴時方求歸未遂或曰甚有似乎吾廬也乃名之似菴而為之銘曰惟大匪肖其似者誰曰似似之非我敢期窮然覆盂甚挾而廣請視吾廬為一為兩

贊

東山圖贊

龍眠李伯時畫許玄度王逸少謝安石支道林四人像作東山圖玄度超然萬物之表見于眉睫逸少藏袖間徐

行若有所觀安石膚腴秀澤著履反首與道林語道林羸然出其後引手如相酬酢皆得其意於俯仰走趨之間筆墨簡遠妙絕一時無住道人少規模伯時爲余臨寫真鷹殆不可辨更數十歲安知天下不有兩伯時因各爲之贊曰

揚眉軒然意軼萬里亦將焉往而竟斯止曰遠遊者以是爲遊疾走息陰彼將安休

右許玄度

翰墨之娛以寫萬變不償一姥笑戴山扇袖手縱觀我行故遲豈以懷祖樂此逶迤

右王逸少

韞玉于山燧然不枯我觀此容非山澤儒卻顧何爲東山之陟如何淮淝乃折此屐

右謝安石

一世所驅顛倒軒裳是身何依獨委支郎從容二人亦躡其後人誰無言聊一舉手

右支道林

法眼禪師真贊

八萬四千大悲寶目問此多目孰爲正觀惟阿那律無目而視問此真目異竟安在是法眼者猶爲金屑有法無眼有眼無法稽首導師五蘊皆寂悲觀慈觀等大圓鏡頽然方牀如夢中事山河大地一切消隕

石林居士建康集卷第三

書後

書高居實集後

元祐末余與居實同舉進士試春官數往來舅氏晁無咎家時張文潛為右史二公一時後進所推尊每得居實文皆擊節稱賞不已居實試別頭文潛適主文居實果擢第一胡右丞欽宗諱夫見其所賦主聖臣直聲言於眾曰此豈賦耶殆有韻陸宣公奏議爾時國論頗厭文弊將復唐宏辭科居實首中選復為第一於是名稱日聞已而坐上市排黨論久不得調卒邑邑不得志以死余後不復見居實然間有出其所為詩文者每見每奇始天下名文章稱無

建康三

咎文潛曰晁張無咎雄健峻拔筆力欲挽干鈞文潛容衍靖深獨若不得已於言者二公各以所長名家不以相易而居實之文氣和而思遠言約而理暢超然常出事物之外而觀者每有餘味故人以爲似文潛紹興己未余守建康居實之子紹持其遺文一編相示兵火散亡之餘所存蓋十一覽之太息追數往遊俯仰如前日事居實之志既不得伸於生前著後世者惟其文字又不幸不得盡傳於後爲可哀也乃書其後歸之且以嘉紹之能不墜其業也

書明皇吹簫圖後

此周昉畫家舊有南唐摹本筆蹟如屈髮今亡之矣其傍有海棠一株甯王坐其左執板者黃幡綽也此本出梁仲

謨家僅存其五六爾明皇末年暇時自適但如畫中亦安得有馬鬼事耶紹興庚申二月十二日久陰初晴爲山亭與何彥發同觀

書鄒氏志欽宗諱曾祖陰德詩後

某初仕爲丹徒尉獲拜忠公齒尚少辱引與論當世事及立朝行已大方諄諄累數百言如訓子弟至今不敢墜也今觀此詩知公之節有自來矣而復能推其所以與人善爲不足爲而不爲以不善爲可爲而無不爲是欺天也陳平自謂多陰謀後世即廢至曾孫何果失國後力營之終不復得而于公以決獄之故貴報於定國如執左契取寓物天人之間此特其小者耳忠公碩大光顯既已有驗於前而位不配德臧孫達方將有後于魯此詩不但鄒氏傳寶其家願與天下強爲善者共之也

建康三

書傷寒治要後

王仲弓人物高勝雖貴公子超然不犯世故居官數自免博學多聞尤長於醫及與前世婁昌言常穎士來道方諸人游嘗云疾之傷寒所在無歲不罹其患然治法有證傳於經絡效於日數者不可差以毫釐張仲景書在世如法家有刑統苟用之皆當可使天下無冤人而庸醫多不解其見於形候者亦不盡審是既不能用法又不能察情以故殺人不知其幾何因推仲景書作傷寒證治發明隱奧

雜載前數人議論相與折衷又恐流俗不可徧曉復取其簡直明白人讀而可知者刊爲治要曰苟能原疾之所從來而驗之以候按吾書而用之雖不問醫士可得八九此仁人之用心也余嘗病東南醫尤不通仲景術乃爲鑿版與眾共之使家藏此書人悟此術豈特無冤人而已調護之不失其宜服餌之不失其節雖使至於無刑可也賢者尙無忽

書陸探微師子畫贊後

陸生板畫天下惟此本初留建康境中唐太和間李文饒鎮浙西徙置鎮江甘露寺余及見焉元符初甘露火板亦隨燼常恨絕蹟世不復見忽有得東坡所摹以獻會府治

建康三

三

草堂成因傳寫爲照壁屏之陰筆墨之妙雖不可追然尙可想其髣髴亦以存建康故事之一云

書方勺雲茅漫錄後

仁聲余少時識之場屋中博學多聞不專爲舉子文詞尤刻意作詩客揚州帥丞相蘇公子容厚禮之喜交當世名士遇其所合傾家貲具饌歌呼飲酒窮日夜士亦以此樂從之遊家坐是貧仁聲不悔也既老結廬吳興西溪之上因誦杜子美詩至何時一茅屋送老白雲邊欣然以爲與其意會乃名其居曰雲茅菴平生詩文甚多皆隨手散去不復錄獨取近歲所存藁次爲雲茅漫錄十卷余鎮建康仁聲年七十六矣間關自吳興特來見余意氣尙不衰曰

吾亦安用此尙使後來居是溪者知有吾姓名爾兵興以來四方游舊零落殆盡存者不過三四人仁聲又居同郡時時數往來其可無一言然仁聲自言嘗從方士得服氣煉形法其貌瘠而不枯風月勝時好事者能數載酒往過其爲雲茅之儲固未已也乃書其後歸之

書唐李弼告後

右晉州刺史李弼告紙書字細如蠅頭皆已漫滅其僅可辨者如此余見唐告多矣未有以紙書者按唐書高祖之子道王元慶第二子曰東安公壽州刺史弼乾封元年高宗之十七年計之正當其時則弼者元慶之子也其後書司列太常伯闕守司列少常伯安期右肅機業者高宗龍

建康三

四

朔二年改尙書省曰中臺以吏部尙書爲司列太常伯侍郎爲少常伯左右丞爲左右肅機而紀書麟德元年八月以司列太常伯劉祥道兼右相十二月祥德罷後二年爲乾封元年則司列太常伯闕者自祥道罷後未嘗除人也李百藥傳子安期高宗卽位遷中書舍人司列少常伯則安期者百藥之子李安期也皆與史合帝嘗責侍臣不能進賢眾不敢對安期曰天下至廣不可謂無賢比見公卿有所薦引皆劾爲朋黨所以人爭噤默因勸帝忘親讎惟才是用帝納之尋檢校東臺侍郎同東西臺三品而紀乃書乾封二年以東臺侍郎李安期同東西臺三品安期蓋自司列少常伯遷檢校東臺侍郎爲同三品非自東臺侍

郎遷紀失之也獨右肅機不知爲何人安期之言美矣今所書名槩然覽之猶若見其人不獨數百載物爲可貴也

書唐李氏告後

右唐告五通藏鎮江金壇縣李氏子康家康自言系出唐景皇帝後于康爲十五代祖景皇帝長子大鄭孝王亮生襄邑恭王神符神符之子廣川郡公義範義範之子汾州刺史暹暹生朝朝生儀儀生叢叢生再思再思後改名真自暹而下皆有其告紹興二年某初守建康時康之叔祖恪持暹汾州刺史朝成紀令儀臨安尉真湖州錄事參軍四告詣府援救求推恩後七年某復爲守訪之康則兵火之餘皆已散亡所存惟儀臨安尉一告而康別出朝改徵

建康三

五

事郎叢爲宣慰使與其母劉氏贈告三通唐制凡告中書省官皆具姓名門下尙書省則但書名而不具姓今告亦有當見而殘缺者以唐書考之朝告左丞相集賢學士臣右丞相廣平郡開國公臣而皆缺其名者告爲開元十八年按宋璟傳開元十七年璟爲右丞相張說爲左丞相則當爲張說宋璟宰相表書璟自七年罷黃門監爲開府儀同三司說自十四年罷兼中書令爲丞相訖十八年不復書蓋表失之也吏部侍郎景先者許景先也林甫者李林甫也尙書令虛心者韋虛心也李儀告尙書右僕射知省事希逸者侯希逸也吏部侍郎說尙書右丞邕者告爲建中元年疑當爲邵說薛邕而本傳不載叢告檢校司徒

兼中書令臣使而缺其名者白敏中也敏中時爲鳳翔節

度司空兼門下侍郎平章事在中書者告爲咸通二年疑當是夏侯孜按宰相表咸通元年孜以平章事中書侍郎爲門下侍郎兼兵部尙書二年猶在位而史誤以禮部爲兵部爾吏部侍郎處誨權知吏部侍郎做尙書右丞詢者疑當爲鄭處誨誨誨沈詢本傳亦不載蓋職官遷次或無事可紀則史不盡書皆可補史之遺誤恪先持李暹告上有宋璟書名大如掌用筆勁利猶可見其剛直不屈之氣惜乎今已亡矣

論

蘇秦論

建康三

六

夫天下是非存亡有當于理不幸言非其人後世遂併其說廢之而不察者蘇秦是也春秋之後諸侯相兼一變而爲戰國戰國之別六韓趙魏者晉之所分而齊楚燕則其舊國也方春秋時齊小白始伯孔子書於春秋不少假焉至與其弟子從容論管仲則曰齊小白九合諸侯一匡天下管仲之力也微管仲吾其被髮左衽矣如其仁如其仁則小白管仲之功吾先君子豈少之哉小白沒宋襄公圖伯欲假仁義行之而成鹿上之盟固已貶矣而晉重耳復興戰城濮會踐土遂與召陵之盟並錄終春秋世主盟中國者皆不能外晉孔子區區于二伯凡以爲楚也秦亦是蠻夷之國自穆公關西戎拓地數千里十四傳而爲獻

公復修穆公之政敗晉石門天子賀以黼黻浸以盛大孝公繼之得商鞅以富強而周益弱東望遂有吞天下之心當是之時天下何止被髮左衽之憂而已乎諸侯有能合力以拒秦者固孔子之所與也孝公之十九年周致伯于秦諸侯畢賀齊楚韓魏燕五大國皆北面委己而朝之其不至者惟燕爾此豈特楚成王之比天下固已去周而事秦矣而蘇秦獨自燕入趙爲從說以說諸侯諸侯翻然大悟瞋目扼腕無不欲被甲持刃加兵于秦之境使其間有一小白外率諸侯以問秦罪內相與共獎王室則蘇秦與管仲何如哉惜乎其學出於揣摩未嘗卓然有志天下反復無常不守一道度其隙苟可入者則爲之此揣摩之術

建辰三

七

也故始求說周周顯王不能用則去而之秦再求說秦秦孝公不能用則去而之燕幸燕文侯適合而從說行其所以說周者吾不能知若秦孝公而聽之則必先爲衡說以嗾六國何有于周此蘇秦之所以取死也嗟夫方蘇秦用事孟子益亦往來乎梁惠王齊宣王之間威文之事管晏之功固孟子之所諱也當世之君能用孟子則復何言不然與其坐斃六國併周而滅之孰若推蘇秦之說用之以道則六國未必遽亡六國未遽亡則秦必不敢肆秦不敢肆則周必可以少延以待興者蘇秦雖與爲管仲可也故以孟子論蘇秦則蘇秦爲罪人君子所不道以管仲論蘇秦則秦之說不可廢仁人志士或將取之世乃槩列爲從

橫家夫從人之與衡人相去遠矣太史公言張儀之惡甚於蘇秦不欲使秦獨蒙惡聲故詳著其行事儀秦之別曾何足相重輕吾姑自其說言之云爾

范增論

項羽既死其一時謀臣策士或中或不中或不中而幸不見用皆不可見後世所共知惟一范增羽既不用增計而敗故議者皆惜增不能用于漢當與良平相後先而高帝亦自謂羽有增不能用所以爲我擒以予觀增豈可與取天下者哉徒捷給果敢略見事幾能決目前勝負之人爾其實不根義理非以長慮遠謀今日不爲明日計者也以知其然始增以奇計見項梁首勸梁爲楚後立懷王以

建辰三

八

爲國滅無罪楚人之所以深怨也然未幾羽遷懷王殺之而增不諫不知增本意誠哀楚欲與之邪姑假以勝秦邪誠哀楚欲與之使羽果率諸侯誅秦一天下不有其功北面而臣之乎必不能也若姑假之以勝秦則旋立之旋殺之此豈爲明日計者哉安陽之留宋義未爲失計何遽至於誅特羽不肯爲之下欲奪而取其位增爲末將宜預謀其間高帝鴻門入謝復欲使項莊殺帝坐中則增所以佐羽使得志者如是而已至羽阮秦二十萬餘人增復無一言異乎張良佐高帝約法三章也夫忌其人則殺之畏其眾則阮之雖得天下其可畏乎增既無以圖高帝者遂以巴蜀險遠遷之漢中欲使高帝委已聽命而羽坐據中原

彼視高帝土木偶人則可耳此與兒童之見何異高帝既復破三秦而東宜羽薄其言不用此陳平所以得間之也嗟夫灞上之會有項伯之親張良能使泄其情以附漢而羽不知榮陽之圍有鍾離昧等將陳平能使其間以攜楚而羽不悟烏在增爲謀臣也天下多事毫傑競起不過爭欲爲帝爾況秦之末誠欲自得之則求其人以爲輔苟可以得天下者無不爲而天下斯至矣已不敢自取則擇人而輔之苟可以得天下者無不言而天下斯有歸焉懷王之失楚未見其可以復者何有於天下增初自以爲奇者但以勝秦非以與楚卒之素服奔喪率諸侯兵共誅殺義帝者而項羽遂滅蓋適足爲高帝之資也張良初以所

建康三

九

得太公兵法說高帝帝喜常用其策良以爲沛公殆天授陳平雖非良比然亦謂高帝待士之嫚而少禮羽不能行功賞爲所短而敎之更用其長後雖不免詐而其始未失爲正也士不聞君子之道久矣得其道而躬行之爲上三代王者之佐是也略依其道而用之以權猶不失其正爲次五伯之佐是也張良近之假其道以濟其權不得于義有不暇顧而不失其成功爲下戰國策士之善者是也陳平近之增曾不得在此列若以爲張儀蘇代之間則優爲之矣

續養生論上

天地造化之理自未始有物之前不可得而名矣既已有

物聖人強謂之太極而易又先焉故曰易有太極易亦名也而不可謂之物故在太極之先而包太極太極者將麗乎行合陰陽二氣而生萬物者也先天地而生故與易同冥于上後天地而易故與兩儀並立於下則兩儀者又合天地陰陽而命之者也有陰有陽其久必動其動必交有乎始必有乎終始者少也終者老也于是有少陰少陽老陰老陽又裂而爲四分之爲上下別之爲左右而四象見矣有四象則土不期生而自位乎其中此所以爲五行者也夫惟五行生于四象四象生于兩儀兩儀生于太極太極生于易則易者超出乎有物之外不可以氣言故不曰陰陽不可以形言故不曰天地不可以數言故不曰兩儀

建康三

十

不可以位言故不曰四象常周流於氣形與數與位之間日夜運而不息此新新不窮無復而弊之所以自本自根爲長且久者也老莊知之或言自古以固存或言長於上古而不爲老天地網縕萬物化醇男女會避高宗諱精萬物化生一人之身並受父母之真精則通乎物之所造者與太極等別乎陰陽之在我者與兩儀配是故天以一生而地成之以六者爲水地以二生而天成之以七者爲火天三地八之爲木地四天九之爲金亦若是而心腎肝肺脾各以次見土處於中分而寄王此五行之在人者也上古之人虛無恬淡不爲物傷其真精全亦日夜自運而不息豈有天闕而不盡其天年者乎黃帝書論上古天真未有不

得其壽者也世道交喪欲惡萌生真精之所受無有知其然者內耗於喜怒哀樂外窘于寒暑濕燥五行不知其所安則五臟不知其所養于是百病交起隨其所受而浸壞小亂絡脉大廢支體則雖欲其生不可得矣至人爲神仙還元之說將以救之于其末也而昧者不察反以長生不死爲己利燕昭王秦始皇漢武帝遂皆欲以其勢力方術取之而詭譎妄誕之徒爭迎其私枝離曼衍立爲戶牖階梯不勝其繁卒莫之驗議者因欲盡廢以爲不足信則亦不度本矣夫吾身卽天地也天地之長久卽陰陽五行各得其正日夜運而不息者也陰陽五行日夜運而不息卽造物之自然未有爲之留礙者也逆而推之雖不可與天地並生凡天地之所以長久者亦必有道此非不死之言不爲橫死之言也

建康三

續養生論中

五行之在人其要不過乎心腎而肝肺佐之脾者四臟之所會也五行水先生而火次之故五臟腎先生也而心次之腎之在人猶其爲天下國家者而心則其君也以腎爲垂統創業之事先立于不傾之地增培之日固則以爲發號出令之王分命其眾各司其守而不相亂故養生者必通乎物之所造常使其心虛靜無爲秋毫不容其間心得其養而水自降謂之龍水下流于腎堅而成藥謂之虎此吾之真龍虎與天地配者也心生而肝次之居於吾左而

木在焉肝生而肺次之居于吾右而金在焉水火位乎上下金木位乎左右是亦天地之四象往來相與爲用而土亦不期生而生乎其間故東方之肝木亦謂之青龍西方之肺金亦謂之白虎木生火肝之青龍運而必歸于心金生水肺之白虎運而必歸于腎此以子從母而佐心腎循道之序而順行者也肝木之青龍歸于心木火合而心氣王其降而爲水內丹之始也猶乾之知太始故易震爲龍乾六爻亦爲龍此二龍之別也肺金之白虎歸于腎金水合而腎氣盛其堅而爲藥者內丹之成也猶坤之作成物故禮以白琥禮西方而形鹽取其北方潤下之味亦象虎此二虎之別也人之有是身惟液與氣自涕唾便溺凡濕

建康三

士

相所見無非液也而肝爲之府故凡液謂之汞合言之曰汞龍自蹶者趨者凡物動相所見無非氣也而肺爲之門故凡氣謂之鉛合言之曰鉛虎汞鉛不足以言之真精之藏以佐心腎而心之龍腎之虎汞鉛不足以言之真精之藏有太極之道焉離雖屬火心之所養既降於腎化而爲水故心之龍亦可以言水周官繪事水以龍以此則龍者木與水之兩名也坎雖屬水腎之所升既接于心化而爲火則腎之虎亦可以言火易巽在東南而風從虎以此則虎者金與水之兩名也木以歸心火爲順心之龍乃反生于木金以歸腎水爲順腎之虎乃反生于金古之達者所謂龍從火中出虎向水中生爲顛倒而不順行者是其爲五

行之妙用相克相成新新而不窮者歟此養生之道幾矣

續養生論下

予既爲養生之說一本于易其最簡直易明者以心腎爲乾坤則泰否二卦是已以水火爲離坎則既濟未濟二卦是已而孔子曰智崇禮卑崇效天卑法地茲非水火之真理乎乃知是伏羲皇帝以來未有不出于此道者特其爲世教不專于養生云爾至老氏始揭而出之以爲道家之宗老氏八十一章其谷神不死是謂玄牝玄牝之門是謂天地之根綿綿若存用之不勤一章尤爲深切而爲其學者徒知誦之未有得其旨者也余讀天得一以清地得一以甯神得一以靈谷得一以盈繼言萬物王侯然後知所

建康三

十三

爲谷神者在天地之間萬物所同有而人爲之靈王侯者人之貴者也因爲申之以寶余前二篇之言凡老氏之道皆以虛靜柔弱爲本而虛靜柔弱必以谷神言之故曰知其榮守其辱爲天下谷又曰上德若谷而論下流則曰大國者下流天下之交天下之牝牝常以靜勝牡以靜爲下又曰江海所以爲百谷王者以其善下之也自有形而觀萬物之虛孰非谷乎谷之能虛以不與物爭而得一也然物至受之聲音之來無有不報而吾未嘗作則必有爲之盈者矣乃神之靈不以自見而無往不在惟虛得之全是谷之虛必充于神之靈必舍于谷茲其爲谷神者歟其在於人心覆乎上吾以爲天腎承乎下吾以爲地處乎心

腎之中而虛者亦谷也而心火之龍腎水之虎日夜交際

以運乎其中茲亦吾之所爲谷神者也玄北方之色也牝下流而生物者也夫神盈于谷亦可以不死矣然離坎之交以致其乾坤之用者皆本于息而出納于鼻鼻者又玄牝之門也玄牝以谷神爲息以鼻爲門養生者必調其息惟虛靜柔弱不與物爭則其藏甚深其出甚微眾人之喉眞人之踵於是分矣悠然往來僅有而非亡者謂之綿綿若存吾何用力而勤乎水火之交不勤而神水自降茲謂天地相合乃降甘露谷神實有之是以歲月積而謂內丹內丹之狀不可見也要是凝結而堅深根固蒂可恃以爲不死者也由是而轉自一而七自七而九以法陽數轉足

建康三

十四

而丹成此方士之言白金丹砂黃芽白雪嬰兒姪女之辨大抵取數于金以表其堅皆謂之鉛因鉛而推之皆謂之虎學者惟不悟二龍二虎之異而亂其名故繁雜錯迕雖得之于始未有不失于末也至于假易六十四卦取其三百六十爻當期之日以爲進火退火之候既又云是不足爲也則以六十卦朝莫用其二卦月一周之謂之以月奪年既又曰是亦不足爲也則以乾坤二卦自子至亥日以周之謂之以日奪月要不出乎陰陽以時升降姑以爲術則可而知性命之理者不論也

序

程致道集序

紹聖末余官丹徒信安程致道爲吳江尉有持其文示余者心固愛之願請交未能也政和間余自翰苑罷領宮祠居吳下致道亦以上書論政事與時異籍不得調寓家於吳始相遇則其學問風節卓然有不獨見於其文者卽爲移書當路論以言求士孰不幸因此自表見其趣各不同若槩論其過一斥不復錄天下士幾何可以是盡棄之乎併上其文數十篇宰相見而驚曰今之韓退之也亟召見政事堂會有間之者復得間秩然宰相知之未已也宣和初復召入館稍遷爲郎議者翕然始恨得之晚自是廿年間卒登侍從爲天子掌制命文章擅一時蓋嘗論當孔子時固已患直道爲難行而毀譽之不可信然人之有善君子未嘗不樂道其得譽常多至居下流天下之惡必歸焉其毀之者亦衆則直道雖不可盡行於天下而天下終不能廢直道方致道齟齬於初一夫搖之不能自立及其久也雖非其素所厚善亦莫敢不謂然其善之效歟今觀其文精確深遠議論皆本仁義而經緯錯綜之際則左丘明班孟堅之用意也至於詩章兼得唐中葉以前名士眾體晚而在朝雖不久遇所建明尤偉蓋其爲人剛介自信擇於理者明所行甯失之隘不肯少貶以從物是以善類皆相與推先惟恐失雖有不樂之者亦不敢秋毫加病信乎直道之不可終屈也嘗哀次平生所爲文欲屬余爲序會兵興不果後遇火焚棄殆盡稍復訪集尙得十四五而益

建康三

十五

以近所著爲四十卷夫天旣以是假致道矣乃不使盡暴其所長病痺杜門里中且十年豈在人者猶可以力致而天反不能相之歟不可知也紹興十年詔重修哲宗史復起致道領其事力辭疾不拜而以其前欲屬余者請之堅甚致道之文固不待余言而後著也乃先眾人而知之深者莫若余乃爲論其本末歸之致道名俱今爲左朝請大夫徽猷閣待制提舉亳州明道宮云

石林居士建康集卷第三終

建康三

十六

石林居士建康集卷第四

記

紬書閣記

孔子曰仕而優則學學而優則仕古之君子未嘗一日不學也故傳說告高宗亦曰念終始典於學而譬學於殖不殖將落者原伯魯之所憂也建康承平時號文物都會紹興初余爲守當大兵之後屯戍連營城郭鬱爲榛莽無復儒衣冠蓋嘗求周易無從得於是凜然懼俎豆之將墜勉營理學校延集諸生得軍賦餘緡六百萬以授學官使刊六經後七年余復領留鑰市廛五方雜居生聚之盛雖非前日比然詢漢唐諸史尙未有也顧余老且荒廢亦安所

建康四

事簡策念漢初去孔子世尙未遠一更秦亂而書亡五十一篇詩亡六篇周禮冬官盡亡經且如是而况其他屋壁之藏幸得保有其餘至於今尙存者學士大夫相與扶持傳習之效也今四方取向所亡散書稍稍鏤板漸多好事宜當分廣其藏以備萬一公厨適有羨錢二百萬不敢他費乃用徧售經史諸書凡得若干卷廳事西北隅有隙地三丈有奇作別室上爲重屋以遠卑濕爲之藏而著其籍於有司退食之暇素習未忘或時以展誦因取太史公金匱石室之意名之曰紬書閣而列其所藏之目於左方後有同志日月增益之愈久當愈多亦足風示吾僚使知仕不可不勉於學干戈將息而文治興有民人社稷者亦皆

思讀書無重得罪於吾先君子之言云

府學記

先王以武定天下必以文終之江漢宣王南征之詩也其言甲兵車馬之盛備矣至於未乃曰矢其文德洽此四國治道豈不有本末乎衛靈公問陳子曰俎豆之事則嘗聞之矣軍旅之事未之學也子豈以軍旅爲不足學哉以爲知所以爲俎豆則軍旅無不可爲雖曰我戰則克可也漢高帝悉定楚地獨魯不下引天下兵欲屠之魯中諸儒尙講誦習禮絃歌之音不絕遂不敢加而待其服大道之行固有不期然而然者孰謂魯諸儒而能折高帝推而上之舜舞干羽而有苗格謂之誕敷文德無足怪者蓋禮義之

建康四

在人心莫不皆有苟未至於絕滅不幸喪失雖至於犯上作亂徐返其本亦必悔而知變善爲治者可待之以變而得所向不可期之以絕滅而終不返則文德其可一日廢於天下乎學校固理義之所從出而斯文之所先也建康領江左八州之地於東南爲大都會異時文獻甲於他方舊有學在州之巽隅更罹兵火城郭鞠爲丘墟獨學宮歸然僅存頽垣敗壁毀壓相藉生徒奔散博士倚席不講紹興二年某始以安撫大使分鎮方時自淮以北裂爲盜區蜂屯豕突鼙鼓相聞蓋欲葺而未暇後七年大駕還錢塘詔以建康爲留都蒙恩復畀居守視事之明年輯甯荒殘流亡稍復民亦安業於是喟然曰可以有事於學矣乃命

其屬因舊址盡徹而新之起己未孟冬訖庚申仲春凡五月爲屋百二十有五間闢其南向以面秦淮增斥講肆列置齋廬高明爽塏固有加於前不侈不陋下及庖園罔不畢具既又作小學於大門之東復命有司諏典禮簿正祭器作新冕黼皆中程式覈其田之在屬邑募民耕者千九百十五畝歲入其賦爲米若豆與麥五百四十斛有奇坊之得自酤者三區歲入其課爲錢百八十萬有奇地之占府城得佃而居者八十有五所歲入其租爲錢六百七十五萬有奇各爲圖籍以時輸之凡廩給之費無有欺匿乃以上丁釋奠於先聖前期率郡執事齋于兩序蓋諸生無不從視滌省牲惟謹昧旦夙興籩豆在列肴酒靜嘉幣篚

建康四

三

潔嚴史告時至以次就位正笏垂紳佩玉鏗鏘降登伏興卒事無違禮成受釐噲爵於阼觀者數百人皆駭其所未見無不太息感動退而揖所與祭者而告曰嗚呼子衿之作鄭人之所恥也是不知在鄭何公然傳載然明欲毀鄉校子產不可則當子產時鄉校蓋復存是鄭之學未嘗終廢有子產則能興之焉四方用兵踰十年學校之列於郡國者其亡與存我不敢知惟天子以仁孝勤儉治天下克復大業願與中外休息還之承平者蓋終食不忘也上帝監觀亦既歸我河南之地兵革漸息惟舜宣王之德於茲將興吾邦號陪都視定鼎郊鄗實爲宗周是亦風化之首其復有學自今始肉食者其可不推子產之爲鄭以求先

聖眷眷俎豆之意相與先後輔成吾君之志布衣韋帶亦必有宏遠英偉之士拔於草萊接踵繼起由此而出以共濟一世者子大夫尙勉之皆曰唯遂爲記刻之石後來者其有攷焉

建康掩骼記

建康承平時民之籍於坊郭以口計者十七萬有奇流寓商販游手往來不與建康己酉冬虜旣大入十一月壬戌南渡自溧水徑趨浙留其僞太師張眞奴分兵五百薄建康軍相杜充率麾下北去知府事陳邦光以城降虜由是未盡肆其虐別築城於西南隅以居取城中器械子女金帛儲之禁吾民毋得出州城明年夏回自浙東五月復至

建康四

四

建康與所留兵合丙午入城始料其強壯與官吏以兵圍守於州之正覺寺散取老弱之遺者悉殺之縱火大掠越三日府寺民廬皆盡乃擁眾去凡驅而與俱者十之五逃而免者十之一死於鋒敵敲擄者蓋十之四城中頭顱手足相枕籍血流通道傷殤宛轉於煨燼之間猶有數日而後絕者官軍繼收復又二年烏鳶所殘風雨所蝕阡陌溝渠暴骨皆充斥行者更踐蹙居者雜臥起與瓦礫荆莽相半也紹興辛亥天子在會稽秋大饗明堂詔凡虜所破州縣暴骨之未斂者官爲募爲僧若道者收瘞累數至二百則得度於是州之寺五得其隸業精勤者一人益以貧民之餓者食而佐之度城四隅高原隙地各爲穴以待

藏出羨穀二百斛錢三百萬以給費爲籍日較其所獲以時檢察之人欣然皆樂效力闕十九日得全體四千六百八十有七斷折殘毀不可計以全者又七八萬以次入於穴而城中之骸畧盡十二月甲子遂瘞虜之殘酷不道載籍以來未之有也惟天子仁聖將爲斯民請命於上帝而不得則猶欲及其既腐之餘昔文王葬枯骨而天下歸心其葬未必廣也推其所葬以及其所不葬而天下知其可以王矣秦穆公越國而伐人及其敗也能封其尸君子猶許以霸天生斯民必使之生養蕃息以厚其終禍福與奪實將聽之其曰得乎丘民可以爲天子殺一不辜雖得天下不爲者名之曰好生之德然則自虜荐食中國奪天之厚而殘之蓋不爲量數而吾天子方推其所以好生者一二而收之於後天固享之矣合此億兆無辜之冤則亦必有聞者虜之亡其無日乎凡穴深廣皆二丈以其四之三藏骨其一實以土其上封皆高一丈在西門清涼寺南茶山之下者二北門張王廟之西北麟虵山之下者二南門官道之西越臺之下者二東門官道之北齊安寺之西者二合八冢督役者兵馬鈴轄拱衛大夫寧州防禦使張禧都巡檢武翼郎王利檢察者安撫大使司准備差遣奉議郎安自求迪功郎沈正路工畢以狀上尙書明年二月禮部給牒而度者華藏寺五人能仁寺五人保甯寺五人清涼寺三人壽甯寺二人

建康四

五

建康府保甯寺輪藏記

維摩氏極天下之辯而反之於默其爲法名之曰不二夫不二卽一矣不言其一而言不二豈以一猶爲有在者歟道未始有二也旣以有物不得不裂爲二彼自爲二而吾強欲一之必有廢其一以成其二者非道之全也要有非一而不二者存焉爾何特維摩氏爲然孔子曰有鄙夫問於我空空如也我叩其兩端而竭焉空空云者豈有物實之者哉然猶意其墮於一也則扣之以兩端蓋維摩氏所謂不二法叩之兩端而知其所解則以吾之所知證彼之所知可一舉而盡矣之人也謂之鄙夫則可謂之君子則不可佛以無所言而爲一切眾生無所不言以爲有言

建康四

六

不言是顛倒見以爲無言不言是斷滅見孰能辯其非一而不二者乎自漢永平爲佛者始持其書入中國由晉宋厯唐至於今不絕梵語華言更相發明傳其學者又從而申衍之其說遂充滿天下輯而藏之皆設爲峻宇高臺雕刻綵繪備眾寶以爲飾竭眾巧以爲工苟可以莊嚴者無不至梁普通復有異人爲之展輪以運之其致意深矣吾少時見四方爲轉輪藏者無幾比年以來所在大都邑下至窮山深谷號爲蘭若十而六七吹蠡伐鼓音聲相聞羸負金帛踵躡戶外可謂甚盛然未必皆達其言尊其教也施者假之以邀福造者因之以求利浸浸日遠其本建康府保甯寺當承平時於江左爲名利更兵火久廢今長老

懷祖守其故址於煨燼之餘十有四年堂殿門廡追復其舊而一新之最後作轉輪藏余鎮建康時見其始經營後四年余歸石林祖以書來告曰藏成矣幸得記其本末祖蓋以正法眼傳其心者其爲人潔而通靖深而敏非徒以有爲作佛事者也乃爲推其師之言合諸儒之說正佛之所以言以曉世俗之弊祖當益以是振之夫方無所言則維摩氏之默如大阿難等得道受記諸大弟子皆不任問病及其無所不言則雖觀世音亦從聞所聞而入爾乃寺之興廢係其時人之施舍係其力有不必記故不書

書爲山亭石上

紹興辛酉正月元朮以眾二十萬入寇壬戌渡淮據合淝

建康四

二月辛未淮西宣撫使軍出征癸酉渡江是夕敗賊前鋒壁歷陽丙子又敗之於含山戊寅又敗之於巢縣己卯又敗之辛巳復寇和州又敗之壬午又敗之於全椒癸未甲申又連敗之於關口丙戌又敗之於仙宗丁亥又敗之於柘皋己丑遂敗兀朮於店步復合淝壬寅王師入廬州賊盡過淮奔乙未班師丁卯獻俘於王所江南東路安撫制置大使葉某記

祝文

到任謁先聖文

某聞鄉飲之禮雖不足解平城之圍而魯人絃歌之聲或可以御秦盜文德之用久矣某學無所成干戈之際再臨

舊治潔齋款謁有愧平生惟俎豆在列延見諸生追求在泮獻賦之意使無子衿闕城之歎猶不敢不勉惟先聖尚鑒臨之

到任謁諸廟文

某頃者待罪此邦初無以事神而和其民今之去七年上不以其不能詔俾復臨舊治而益之留鑰之重其有愧於神多矣強敵未殄民之彫瘵尙多往者不及而來者未知免蓋惕然未敢安惟陰騭一方用佑相其封守則神固有常德而某實預受其賜此猶竊恃以苟朝夕者神尙顧之勿忘

祈雨寶公塔文

建康四

某人境問民疾苦皆曰自春雨澤僅足播種而未洽口五月不雨至於今禾之將秀者蓋病矣比連日雖霑油雲之潤而境內猶不徧及閔閔之憂在於旦暮歷旬不繼則民必有受其害者用是惕然不敢安惟至人無心與法皆一遠邇何擇孰非慈哀願矜怵迫之情特施廣大之惠使民得益蘇於彫殘安輯之餘則某亦庶幾免咎於勉強蒞事之始誠意殫盡此言必聞

祈晴寶公塔文

惟我邦人仰依法廕迫窮起愬允有急而必歸艱厄更嘗蓋無求而不應今茲淫潦殆已彌旬苟朝暮之未回必高卑之皆病願宏普濟附鑿羣情萬億有藏亟被秋陽之暴

十千並耦終償歲事之成庶俾豐穰益蘇彫瘵

祈晴諸廟文

去歲夏旱民力未蘇今春牛疫繼之南畝之艱亦已至矣而連月陰霖不已復將害於秋成方中原有興王師在塗調發屯戍無非出於民者歲或不穩公私皆病神豈重困之乎靈鑒不遠有禱必聞懇迫之言不待再三尙祈昭答在此朝暮願同彫瘵均受神禱

謝晴寶公塔文

口春多雨懼有害於黍盛歸命控祈竊仰干於慈蔭亟蒙昭格盡掃陰霾歲有麥禾稍愈疲民之望官藏困廩更寬慢吏之憂大施無邊頌言莫罄

建辰四

九

謝晴諸廟文

某待罪此邦歲月將再周凜然念民事之艱未嘗終日敢忘比以陰沴失常預申虔請不踰旬浹卒荷鑿臨寒氣既藏陽光訖見農夫之慶已若有秋敢祇薦於菲誠尙有祈於終惠

祈雨諸廟文

眷茲江塢例苦愆亢適惟敝邑雨澤以時布種既周秋成可望尙須霑霈以訖有收願推濟物之慈更廣油雲之施仍均遠邇咸獲豐穰豈徒一邦獨受大賜尙祈孚鑒克諒菲誠

再祈雨諸廟文

古者謂吁嗟求雨爲雩皆請於山川百源而春秋得雨書

大雩皆在建午建未建申之口月足知水旱豐凶雖天有數苟精意以禱山川之靈亦必應之某待罪此邦無政及民干神之誅則已多矣重惟一方兵火之餘春夏以來雖幸穡事偶周而亢陽爲災時澤不繼苟復困之蓋有不勝憂者用是惕然臥不安席詢耆舊徧禱於境內神祇昔魯僖公有憂民之心春秋厯月不雨則書而文公之怠厯時纔一書豈惟不容於王法亦以見神厭其德而弗之福某之譴尤固無所逃若其區區未忘於民則尙惟聰明俯鑒朝暮之間賜以霑渥無俾重爲民病乃罪罰當降於身則不敢辭

建辰四

十

謝雨送洞府龍神文

早暎之憂慄慄危懼徧禱百神曾莫肯顧粵惟神龍呼吸雲霧是惟其職奔走往訴敢勤於行救此朝暮風馬在塗若聞指呼一兩三日澗壑流注焦槁盡興如手親拊敢曰時澤實惟膏乳愧我不德孰逃神怒仰懷威靈自以民故奠尊拜賜尙弗我吐功成不言載肅徒御躬率邦人言饒於路鼓鐘嘲轟旂纛翩舞神德在人旣飽旣哺我獨何爲永鏤肺腑

謝雨諸廟文

秋穀時登時雨不繼念驕陽之方亢恐失時和仰神聽之不遙輒傾誠請潔躬以俟浹日於茲凜然朝夕之憂

切雲霓之望訖蒙霽澤惠以有年惟神念民固重矜其久困願我不德亦仰被於深仁卮酒告誠廟貌如在永言思報不解愈恭

祈晴諸廟文

去歲夏旱害於秋成民窘艱食日延頸而望幸免溝壑者惟此二麥而已入春以來淫雨不止歲且三月懼不克濟則乏絕之憂僅在旦暮敢以肴酒請於有神冀憫彫殘稍回陰沴豈惟寬吏之責得以苟安亦以戴神之庥其將無己

祈雨請寶公入城文

兵戈之後十室九空公私所須惟在南畝苟或罹於一歉

建康四

卽坐致於百艱幸茲春夏之交適獲雨暘之節疲民盡力布種稍周懼迫驕陽尙資時澤敢祈覺力重憫凋殘特紓愆亢之憂賜以霑濡之惠遺秉滯穗豈惟足一時婦女之求積廩高困庶以償十年溝壑之患精誠所扣妙應無方

謝雨送寶公還山文

歷月不雨徧禱百神卒歲之憂僅在十日輒以吁嗟之請仰于慈濟之仁爰舉舊章載迎遺像蔚然雲霧卽見於崇朝霽以甘膏不踰於旬浹神龍效職帝命不違救焦槁於垂成整彫殘於旣弊敢以往來之相竊窺妙智之功惟我邦人夙依慧蔭疾痛而呼父母有感必聞沈溺而援舟航無求不獲自今以始不敢懈虔尙念鄰邦猶多懇請法慈

無礙豈爾疆此界之殊民意所須皆東作西成之望願均此施普及含生

祈晴寶公塔文

江干下濕水潦所鍾春雨過期麥苗將病重軫勤民之意敢忘先事之憂法施無方雖微不問民情所向有請必聞願除陰沴之災亟正時暘之氣庶安疲俗復享豐年

祈雪諸廟文

日已至矣二麥在田嗣歲之須時雪未降方嚴疆事民力尙艱懼迫常暘敢以預告願施霑渥以軫凋殘區區此心屢于神聽惟其終惠無替厥初

祈雨諸廟文

建康四

某待罪此邦行三年矣無政及民而神每相之雨暘以時歲常有秋故當艱難之際凋瘵稍蘇公私兼濟者神之賜也今淮甸用師之後上方經理中原調度所須孰非出于民者旬月以來常暘爲沴宿麥將刈穀種未播人以旱告是用惕然雖抱病不敢安於室起而有請徧禱山川百靈曰斯民之困久矣天旣厭亂翦除妖孽克復王業適在今日然必先得年而後可濟其奔走從事相與祇承帝命豈惟羣有司之職神亦預有責焉尙此朝暮賜之餘澤使無失其西成之望神之爲貺益有待於他時者惟無替其常德

祈雨請寶公入城文

亢陽爲孽必在春夏之交饑饉所憂常當師旅之後方淮
塙之罷警適雨澤之不時麥苗之須朝夕是懼雖徧走羣
望預竭吁嗟之求非歸依大雄執協慈悲之應仰憑覺力
洞鑒惻憫其卒歲之危惠以崇朝之施少安凋瘵兼濟
公私

謝雨送寶公還山文

時暘之病仰叩大慈膏雨之施遂周浹日耒耜競起溝壑
可逃雖宏濟之心無可言謝而迫窮之請有愧於中仰止
靈山旋歸寶室傾城拜賜莫寫斯民之誠行道在歡已卜
豐年之慶惟其昭事願竭此心

謝雨送洞府龍神文

比之亢陽往干時澤惠然肯臨爲我心惻雲車始興百靈
並趨浹日五雨無稿不蘇愧我非德何以拜賜有呼必聞
則惟神志往饒于塗旗纛有光我心孔懷曷日而忘惟天
與君靡民不育惟我與神皆民之牧願廣此心各竭幽明
俾歲如茲永慰民生

祈雨寶公塔文

傾迫春耕控所未幾茲緣民病復敢有言念此疲氓方安
舊業開口待哺惟茲耕耨之勤盡力撫循猶有溝壑之慮
豈容仍歲不獲有秋已愆布種之期重軫曠瘠之責敢逃
屢瀆曲冀垂慈法施無邊固未忘於終惠危誠易感尚有
俟於崇朝

祈雨諸廟文

布種失時民以病告雨暘之節惟神是司敢以吁嗟之求
而冒聰明之鑒誠意既迫在此旦暮之間靈貺俯臨不難
指顧之惠竭誠敢請指日爲期

謝雨寶公塔文

民生孔艱自貽災沴法施無盡終荷憫慈今茲踰月之間
屢控無年之懼卒霑大賜頓釋羣情難名廣大之功惟切
歸依之志

謝雨諸廟文

比迫農時亟以旱告亦既踰月將害烝盛卒蒙霽霑之祥
盡消枯槁之患仰非明德孰惻危誠報德之心無物以稱
有年之賜尙鑒不忘繼自斯今益虔祇事庶扶天造共保
遺黎

祭文

徽宗皇帝祭文三首

天步初艱爲中原而遠狩帝鄉不返傾率土以纏哀遯聞
靈御之懷彌切遺弓之慕威容如在偉烈具存參帝王步
驟之餘皆期力致接天地混茫之化獨以心成俄興無妄
之災莫測蓋高之意雖神遊八極固無爾界之殊而夢錫
九齡終屈羣生之望頃持從橐嘗邇垂旒永懷未報之
恩攀髻已遠徒抱無窮之戀隕涕何追

留守司

應期撫運悼愆數之有終紹業承休仰威靈之如在神遊
不遠仗衛來還爰追在宥之初實際承平之運典章文物
粲方冊以具存華夏蠻夷奠海隅而咸服豈期禍變橫起
遐陬撫恆嶽以北巡既窮朔易越函關而西度甯間流沙
俄成脫屣之遊莫極垂衣之化臣拘縻郡紱阻造靈輶泣
血書辭固難名於大造銘心戴德徒自結於孤忠

建康府

神凝帝所孰測真游澤在人心難忘孺慕望鑾輿之來復
追玉几之始馮力圖斯民甯憚戎車之駕歸格藝祖莫聞
清蹕之音痛裂五情哀纏九土載念憂勤之蹟尤高繼述
之功周歷更傳方賴延洪之緒堯仁廣被尚懷遏密之思

建康四

十五

臣拘守封圻阻趨仗衛攬涕蒼梧之野陳迹空存馳心汾
水之陽餘生永已

祭謝侍郎文

仕以學優業以志勤我行四方所居必羣克踐斯言夫誰
易君如耕磽田既菑既耘剪其蒿稂待以雨露及夫既登
縻實不蕢如營大厦樸斲斧斤取材鳩工自桶及棼逮乎
落成丹雘惟文念初相從不寐載欣豈曰邂逅婚姻之云
君亦謂我皂白太分肯獨我知掇彼澗芹一紀於茲世方
糾紛顧瞻茫茫逸其無垠孰拯孰援蕩其浸氛孰闢孰除
獵其麋麇中夜起難臥不及昕謂此折衝豈惟三軍文武
天子允集大勳擢君不次發其清芬豈弟之政人飽其饋

溫厚之誠士沐其醺胡不少留遽殞江濱奉訃失聲心焉
如焚五尺之旌三尺之墳已乎遂慈往者如雲豈無善類
孰爲齋薰嗟我老矣童頭驚筋念昔許我並鄰桑粉今幾
何時倏閱朝暉君不可還徒懷蒿焄古今同然逝波云
尚有此辭君乎猶聞

祭韓運使文

忠憲之德博厚溫恭左右仁祖既有顯庸是生康公至於
莊敏宜其孫曾百世不泯侃侃大夫莊敏之孫益然慈和
克紹其門宣和丁亥從我許下二十二年如閱晝夜持節
西來再見江瀕從遊凋零存者幾人謂當周旋握手未幾
一病莫留遽告不起君晚聞道湛然虛明臨訣告我曠無

建康四

十六

遺情夢幻去來君亦何有我獨悲傷哀此朋舊斂以時服
進以家蔬君像在堂甚瘠而癯味君之言僅隔晨夕隕涕
陳辭君向來食

祭周大夫文

文安手足同產五人其四先亡非君孰親石林藏山同一
雪濱百里而近實相爲鄰我雖老矣來往莫頻語言相聞
意則甚真君晚自言得妙谷神挾不死藥可閱大椿云何
不淑遽蛻羈塵幻化固然孔懷婚姻四十三年如越暝晨
中間憂樂曷可具陳凌雲超然一笑天鈞揆君之知甯計
此身我獨何爲淚落霑巾緘辭寓哀百念酸辛

祭淨山主文

我葬先君於卞之麓遂將終焉因以卞築維時導師凜若冰玉惠然我從實慰幽獨兩居既成左松右竹瀉山水枯各自放牧浩歌相逢不唱無續俯仰三紀倏如轉轂今者何爲棄我不復愧生滅想未免凡俗無縫之塔照映巖谷是第一祖開山老宿子孫無忘尙見遺躅欲知其勤視此喬木

顯祖贈太師惠國公焚黃文

某待罪建康之二年上不以爲無能過錄其勞進職資政殿大學士禮得通贈二代是歲大享明堂賜我顯祖爵而詔之曰爾祖實浮於名莫克究厥蘊惟爾慈孫嘗登揆路用肇開國於惠以蔭芘於嗣人某隕越感泣懼無以承

建康四

十七

天子休德而私竊自幸我顯祖之遺烈餘懿實獲暴耀九泉屬以再留閭寄不獲躬致奠謁夙夕不敢甯謹遣曾孫男右宣義郎充江南東路安撫制置大使司書寫機宜文字模奉告歸省虔薦於墓道尙惟明靈鑒格某不勝悽愴慘噎之至

顯考贈太保焚黃文

某不孝弗獲盡養於我顯考使之耄期百年終身之憂未嘗一日而忘尙惟天子仁聖時得追賁九泉潛德懿行猶以表見後世頃初預聞政事驟越常典進位少師後凡四當大禮有司限止法仍守舊秩去歲秋明堂禮成以某忝資政殿大學士於是始開公爵有太保之命幽顯存沒

甚寵綬之亦已至矣而某終無以奉承先訓仰圖報塞徒感悼震越不遑甯處復蒙誤恩再守留鑰不能卽歸省謹遣孫男右宣義郎充江南東路安撫制置大使司書寫機宜文字模躬造墓下明靈不昧尙克鑒臨某引領東望涕淚悽愴不知所言

石林居士建康集卷第四終

建康四

十八

石林居士建康集卷第五

表

謝到任表

分東道之封圻再臨江國守北門之管鑰密護宸居任非所堪辭不獲命臣某中謝伏念臣去違軒陛俯仰十年退伏丘園棲遲一壑念多壘尚艱則懷捐軀盡瘁之義思大恩未報則有畢命靡他之言敢擇所安自求遠屏喟年齡之浸晚迫疾恙之交攻惟聖主曲亮此心故愚臣得安其分豈期人乏復誤詔除力殫懇款之誠莫動高明之聽勉交印綬實愧吏民茲蓋伏遇 皇帝陛下惠顧臣鄰憂勤土宇撫萬邦巡侯甸何止臨踐土之宮會諸侯選車徒是

建康五

將復東都之業責其來效付以舊都斗運天旋已振荆吳之勝氣風驅電掃行銷河岱之妖氛但臣陳力不能強顏何補欽承威旨暨假歲時疆場無虞儻苟逃於譴累冕旒甚邇尚終冀於慈憐

謝傳宣撫問賜茶藥表

使傳俯臨殆非常禮寶奩拜賜併沐異恩自驚衰朽之餘曷稱褒嘉之遇臣某中謝伏念臣迂疎寡與翹拙多艱蚤歲朝廷既乏秋毫之效暮年疆場何施汗馬之勞誤辱眷慈猶叨委寄愧懇辭之弗獲曾報政之未遑遠屈王人親承帝問搢紳改觀共知聖主之不遺里巷爭傳更覺陪都之增重此蓋伏遇 皇帝陛下曲矜舊物欲勵邇臣念其

常事軒墀久絕朝天之望憐其服勤簿領未忘報國之忠借以寵光榮其晚暮江瑤地廣敵境秋高明詔申嚴預謹奔衝之寇奏封賜可仍寬凋瘵之民願竭疲駑少酬聖造

謝乞宮觀不允降詔表

誤當劇任初無屏翰之勞再荷殊私重愧遷延之役懇期莫效被寵惟危臣某中謝伏念臣衰病餘生空疎末學盡力承平之日尚不克堪課功多事之時豈能免過故憑誠而自列幸量已以苟全詎意寬慈疊形鑄論推之不去深愧於吏民義弗遐遺特見收於君父茲蓋伏遇 皇帝陛下憂勤念治清靜撫民謂陳力不能雖欲自安於愚分而退人以禮尚期曲盡於眷存故捐體貌之隆少假羈孤之迹臣屢違恩旨勉奉訓辭力將敗而猶馳何取疲駑之用器已盈而更受終懷顛覆之憂

建康五

賀天申節表

天人合契爰開出震之符夷夏交歡共獻如山之頌休明所暨呼舞攸同臣某中謝竊以定暴亂而致太平孰不期於真主履艱難而念無逸必將報之永年惟上帝之儲休與斯民而共欲恭維 皇帝陛下功高振古運際中興膺謳歌朝覲之歸久已仰吾君之子備文武聖神之德是宜為天下之君茂介純禧莫隆茲日臣外司留鑰阻奉壽觴俯葵藿以傾心敢忘委照詠松椿而歸美願效羣言

謝左大中大夫表

賞必眊功既誤褒嘉之實老宜戒德重貽貪冒之譏退自
省循惟深隕越臣某中謝伏念臣久從幽屏再荷使令戎
事猶艱固欲竭情而自效聖恩未報敢期愛己以偷安雖
抱此心訖無成績故力求於閑散幸苟免於曠療方俟矜
從反叨寵數鉛刀何有全牛之技已窮故道空存老馬之
知餘幾茲蓋伏遇 皇帝陛下高明委照博大兼容光宗諱
勵有功豈愛彤弓之錫憫憐舊物未忘墜履之收致此迂
愚倒存記錄臣敢不勉承德意更激懦衷洛邑初營曷稱
保釐之守漢儀復見終口戡定之期

賀天申節表

歷數在躬既終陟於元后天地合德咸利見於大人慶溢

建康五

三

斯民祥開是日臣某中謝竊以致三代興王之業孰盛於
仁盡萬方報上之誠必歸之壽惟頌聲之所美固臣子之
樂推恭惟 皇帝陛下出震延休乘乾撫運體聰明獻知
而不殺我武惟揚備剛健輝光而日新無遠弗届宜鍾百
順永錫萬年臣久遠清光載逢華旦瞻雲就列跡莫敢于
簪紳望海朝宗心徒傾於觀闕

謝資政殿大學士表

一字之褒仰勤明訓十旬之內再沐誤恩懇辭莫效于精
誠祇命惟增于戰慄中謝伏念臣逢時過幸受寵居多積
丘山未報之私無毫髮可論之效豈不日知難而退悼此
志之未伸固嘗懷見義必爲曾餘生之何有矧茲黠虜方

正嚴誅驅太原北伐之師雖卽期于殄滅保洛邑東郊之
眾可無待於撫綏自省何勞能當異數茲蓋伏遇 皇帝
陛下矜存舊物駕御羣材視臣鄰于股肱蓋欲奔趨而承
事以爵祿爲砥石又將磨礪以勸功重假衰殘申加獎飾
佩景德升班之意敢陪近弼之殊榮追修文創始之名尤
媿諸儒之極選雖期隕首莫稱所天

賀明堂禮畢降赦表

合二至之郊禮兼六宗之廟享報本反始雖上帝爲所獨
尊因時制宜必聖人乃能盡變明靈允答海宇蒙休臣某
中謝竊以鑾御省方已更四閏羯戎謀夏幾動三方用微
福於上下神祇亦云已至將增修于禮樂刑政其敢有遺

建康五

四

惟宸心望治之愈深故元祀益恭而弗怠恭惟 皇帝陛
下外昭明德中極小心受天下之歸往而不敢康履王業
之艱難而思其始方茲醜類復敗齊盟殖有禮而覆昏亡
師不妄動祈福祥而求永正史無媿辭秩盛典以載嚴均
普天而同慶臣濫當藩輔祇布恩言奉璋峩峩雖莫陪多
士駿奔之列降福簡簡竊獲預庶民敷錫之歡

賀 皇太后冊寶禮成表

建宮內柶方新長樂之儀備物明廷遂正東朝之號凡居
覆冒舉極欣榮中謝竊以事莫大於奉親孝必先於隆禮
惟盡報本之誠莫能爲之稱故嚴推尊之義乃可致其崇
於顯鴻名式昭大養恭惟 皇帝陛下功高撥亂德懋承

祧言念母儀夙有光於前列肆揚天命訖垂裕於後人薦履艱危居懷定省適皇基之始振幸法駕之將還乃卜元辰前修令典徽音克嗣化已被於家邦景耀流傳言自成於雅頌臣拘縻印綬阻造軒墀慶集雲來行歧含節之奉驩騰夷夏更寬問膳之思

謝大禮加封食邑表

五等分封雖名存而實廢三年進律益禮厚而恩隆深慙滿溢之餘更冒龐鴻之賜臣中謝伏念臣起家寒陋遭世盛明竊大邑以庇身已爲非分率諸侯而述職曾莫效勤方大享之告成與敷天而同慶曷云異數更及罔功茲蓋伏遇 皇帝陛下德協神人孝安宗廟犧牲玉帛不忘祿獻之修輝翟胞閭均被餞餘之澤憫服勞之已久肆斂福以均敷臣敢不策蹇自期履冰思戒五百里諸公之地敢自比于周邦二千石刺史之封猶有慙于漢秩未知報稱惟積兢危

謝奏陳金賊退敗降詔獎諭表

正王者之兵既張天討申輿人之誦少達下情仰荷眷慈特膺殊獎臣某中謝伏念臣少而不武老益無能當長江禦侮之衝適醜虜敗盟之際惟紂臣有億萬眾皆倒戈攻後之徒而楚惡已數十年亦曷喪偕亡之日戎馬旣駕我武惟揚敵所憚以爭先首摧克燄取彼殘而共殄卒掃妖氛慙無矢石之勤濫竊璽書之賜敢懷掠美輒奏罔功茲

蓋伏遇 皇帝陛下謀發自中威行無外不震不動圖回每盡于敵情能弱能強終始弗逃于聖算欲勵服勞之士故捐假寵之榮臣力以病衰懇祈退免堯言爭誦雖莫酬君父不賞之恩漢札細書猶足示子孫無窮之寶

謝軍寨遺火放罪表

奉職不虔自貽曠敗撫躬引咎方俟譴訶仰荷寬慈曲從貸釋中謝伏念臣素無遠用本實凡材沉迷簿領之間徒勞無補出入兵戈之際愈久益疎誤竊守符仍司留鑰既不能折衝強敵少盡力于疆陲又無以和輯疲民使安生於閭里致令非意罔戒不虞知重廢于官常敢幸逃于吏議茲蓋伏遇 皇帝陛下廟微接下以德行仁雖愛憫黎

建康五

六

元如御朽索之馬而保全臣子每漏吞舟之魚念將迫于終更俾不污於後累臣敢不勉殫衰懦深務省循豈不懷歸未遂乞身之請退思補過終慙報國之心

賀 天申節表

發祥隲祉天用啟於永圖撥亂興衰世必推於真主載偶光華之旦咸欣震夙之期臣某中賀恭惟 皇帝陛下法禹儉勤錫湯勇知懷早麓造邦之業盡車攻復古之謀視國履冰靡不思於宏濟拯民塗炭皆有賴於至仁丕承四海之心茂對千齡之運臣拘縻疆場阻造治朝謠誦交騰孰匪松椿之願威顏甚邇惟深葵藿之誠

謝傳宣撫問賜茶藥表

內府兼金尙方珍物禮加異數屈使指以親臨威不違顏
懷天光之在望臣某中謝伏念臣久從流落晚際聖明橫
草無功徒欲捐軀而盡瘁飲冰自勵敢懷擇地以圖安第
迫衰殘終辜眷遇詎意乾坤之大造誤矜犬馬之微勞既
俾後圖仍申好賜豈獨至仁之廣被姑示匪頒仰承厚意
之所將殆非前比茲益伏遇 皇帝陛下光明下濟博厚
兼容正陪都管鑰之崇欲先四海嚴大國封疆之寄用聳
三軍故憐簪履之微曲假軒墀之舊力已疲而任重恩愈
厚而報難臣敢不勉務涓塵益扶朽鈍言而有補敢忘藥
石之酬義所當堅期效金湯之守

謝再任表

建康五

七

三載黜幽方懼干於明憲再命而偃忽薦被於異恩不稱
所蒙重慙非據臣某中謝伏念臣早由疎賤誤竊寵榮先
朝濫竇於從班本無報效 陛下擢登於政路已迫衰殘
自知陳力之無堪唯有乞身而退屏逮謀帥間仍玷留都
故連年雖幸於苟安而無歲不祈於罷免仰蒙全貸偶及
終更惟颺鼠五技之既窮亦驚馬十駕之何及豈期過聽
更責後圖茲益伏遇 皇帝陛下體貌羣工作興庶政念
其拳拳忠款初非有愛於餘生察其齷齪廉勤猶未遽罹
於大過姑令代匱豈曰因能丁甯殆至於再三感勵難酬
於萬一臣敢不欽承德意勉激愚衷苟子產見推晚或容
於鄭俗雖廉頗已老終無憾於趙人

謝觀文殿學士表

恩非所稱難逃負乘之譏命出非常莫獲循墻之避重勤
訓飭倍一兢危臣某中謝竊惟學士建名雖與前代近臣
分職蓋始 本朝至於易文明顧問之稱冠秘殿寵褒之
盛仰觀故事尤號殊榮爰歷艱難蓋多勳德以舊臣宣勞
於外固不乏人由建炎越次而除則無前比乃如固陋其
敢叨逾茲蓋伏遇 皇帝陛下義篤臣鄰憂深中外謂與
之名者將求其實而使之禮者必報其忠故於賢賢蒐選
之間每有下下并包之意重念臣受材至薄涉世多艱少
日量能尙有滿盈之戒暮年多取豈無顛覆之憂雖傾竭
於餘生恐終辜於大造

建康五

八

謝居民遺火待罪令安職表

無功受祿已愧素餐有罪不誅復叨寬典仰惟大施畢出
至仁臣某中謝伏念臣誤以疲駑薦蒙委寄方戎馬戒嚴
之際且早暘害稼之餘反側未安凋殘易困雖無撓獄市
每師齊相靜治之風而御守封疆敢忘魯人請事之意訖
無寸效重媿本心可容非意之憂更速曠官之責法當顯
黜恩獨原情茲益伏遇 皇帝陛下德極含洪道全忠恕
八柄並用固將昭示於賞刑三宥所加終欲掩藏其過失
幸其可再居不遑甯臣敢不上體眷慈勉扶衰病遵簡書
而奔命未敢言歸記焚室以寬征庶無失所

賀 天申節表

天休申命爰開眞主之符帝武發祥用錫庶民之福載逢
華旦欽頌永年臣某中賀恭惟 皇帝陛下道配帝王功
施夷夏兢兢業業每懷履位之艱繼繼承承方起興王之
造神祇協佑福祿來崇闋三千歲之靈長用扶卜世膺億
兆人之愛戴罔不歸仁臣拘守郡符阻趨宸陛莫遂朝宗
之志徒增拱極之心

賀大朝會表

宸心抑畏曠盛典而弗居羣議載揚幸我兵之始間是爲
周禮豈惟漢儀臣某中賀恭惟 皇帝陛下基命昊天紹
休文祖惟聰明獻知而不殺故能服天下無所用威旣艱
難險阻之備賞則必履地位以大居正居路在列鐘簋畢

建康五

九

陳湛露惟晞共仰朝陽之盛橫流式遏敢忘巨海之歸臣
假守外藩獲逢熙事五侯奉幣濫居邦甸之先萬壽稱觴
莫預王公之末永懷魏闕徒竭愚衷

石林居士建康集卷第六

劄子

辭免初除劄子

臣違遠闕廷薦更十年屏處巨壑無階仰望清光大馬戀軒之誠不勝朝暮茲者忽蒙恩旨俾守建康留鑰豈意衰憊閑廢之餘聖眷不遺尚賜齒錄承命感泣無言可敘仰惟陛下天地容覆一物不忍棄捐在臣懇拙非材盡死不足論報但臣早衰多病前後累經奏陳不敢縷縷再述今年踰六十有加無已兼賦性僻違動多歉怨而江左行闕所在地隆望重昨紹興之初固嘗已被使令止以帥事尚不能稱職旋速譴累在於今日豈敢復有冒居苟貪收

建康六

目前之榮不思謀國之戒一有曠敗何所容贖反復審思莫知自處茲實朝廷利害所繫非特臣之私計危情迫切進退傍徨臣已具狀控列乞賜收還成命伏望陛下終始眷憐洞察肺腑念臣奇蹇孤窮中外無援惟有歸誠君父不敢竊避斧鉞之誅許臣依舊宮觀別選良材上副憂奇干冒天威臣無任德輝按此下應有脫文

謝傳宣撫問賜茶藥劄子

臣迂拙凡材早蒙太上皇帝識擢寘之從班曾未少施報效陛下昨自維揚憫其流落召還誤蒙知遇非常力排眾議留備闕廷從容經闈每承顧問未幾遂使預聞國政天地生成之造尤非臣所宜得賦分奇窮一違軒陛十

年於茲屏跡山林雖有犬馬拳拳之誠無所自達比者不意警屢賤微尚加省錄適從人乏再俾舊治而臣坐席未暇有何勞能復出王人意垂存省旬月以來傍徨恐懼不能自容重惟建康宿師數萬外連敵境里民昔經殘破彫瘵未蘇臣材術短淺無威望何以仰稱陛下委寄惟當躬率寮吏夙夜盡瘁今兵屯內外粗皆整肅歲事豐稔人益安業近因奏免內藏庫和買絹七分本色特蒙金字牌賜可人人歡呼皆知出自聖意至於感泣繼有疾苦臣當節次具聞邊隅目今探報平安虜情雖未可測萬一或有風塵之警臣亦當與大將竭力同心共圖捍禦庶有秋

建康六

陳同前

辭免左中大夫劄子

臣近者願解留都已屢于淵聽今復辭誤寵仰犯天誅退省傍徨已甘竄殛迫於私義尚敢縷陳感懼交并隕越無所臣聞先王詔爵制祿皆有常法既已命之則於三年考績隨其幽明而為之黜陟人無得容其私若加命進秩則必職事之外別有殊功異能然後為非常之賜謂之賞故文武造周能錫有功諸侯則詩人美之作為彤弓簡王無因而褒魯成公則春秋變文而書曰天子使召伯來賜公命伏念臣自到任以來行將二年當新疆初復疲民始安之際雖願竭情盡瘁少圖報效而材力有限病衰相仍上

無尺寸可裨朝廷下無毫髮可及聞里臣之自審豈不甚明 陛下天地涵容縱以奉法循理觀廉謹闊略細過使得容身而去固已萬幸豈可更冒異恩妄叨非據竊惟方今外難粗甯而四方萬里之遠百官庶府之事多尙廢闕正須內外夙夜協心相與共濟若藩鎮近臣不能上體聖志猶務貪得此臣所以尤恐懼震惕而不敢當也伏望聖慈洞察肺肝特賜寢罷使區區微臣得以俯全一介之守則天下稍知分義者孰不人人興起皆有樂事勸功之意庶亦不爲無補

辭免資政殿大學士第一劄子

竊惟幸不可數常情所畏老而戒德前訓甚明非至愚迷

建康六

三

孰不知警而況身忝近臣職當劇任方 陛下信賞勸功之日而羣臣忘身爲國之時此而不思過逃大戾伏念臣出入侍從殆涉三紀中間坐閑幾過其半固未嘗有一言一事見稱于世可報廩食之責而榮名厚祿每以冒居退自省量常若芒刺在己今者待罪近藩甫踰二年雖簿書米鹽躬督僚吏夙夜盡瘁乃其職事所當爲至於 陛下愛惜疲民欲其蕃庶整齊軍旅欲其安疆則無毫髮之效而進官未幾加職繼下況資政殿設大學士 眞宗皇帝特創以爲近弼非常之寵異朝不輕與人臣獨何心乃敢貪取欲望聖慈察其危情出于懇迫不敢但同常禮屢勤詔旨許令特賜罷免使臣垂白之年粗免清議得竊知恥

止足之名 陛下所賜已多雖一日九遷何以復加

第二劄子

仰瀆天聰再勤明訓跼天躅地無所自容上賴寬仁未卽誅殛在臣愚分所宜卽拜恩旨豈可更復有言迫於私義須至重干雷霆之譴伏念臣遲暮之年棄捐已久 陛下特垂記錄假之方面二年之間不以罪去而寵章繼下度越常數士友太息吏民改觀臣亦豈不願竊此須臾之榮以光不世之遇但惟羯胡犯順天討方行 陛下高設厚賞以激行陳將使人人奮勵盡掃殘孽而臣身忝近臣職當外闔若貪冒苟得不畏公議則荷戈執戟之士何所于勸謂臣且猶濫取則何人自肯盡心此其夙夜震恐徬徨累日終不能自己者也伏望聖慈察此懇出肺肝特賜矜從非特大馬微軀私幸保全亦於朝廷典刑不至玷累于冒天威 云云同前

建康六

四

貼黃

臣今來已係三千天聰實當萬死若聖恩必不容免則臣瀕江職守自有備禦之責將來諸道掃平大寇克定中原仰託威靈保境安民粗無大過解嚴例合推恩卽姑使存留以待申命於異時猶爲有名臣不敢更有辭避伏乞睿察

奏淮西宣撫使殺敗金人劄子

臣竊惟黠虜去歲敗盟盜據京師今年狂妄徑至淮甸驅

集醜類竭國遠來睥睨江堦無所畏憚 陛下聖文神武
逆折兇威申命將臣授之成算曾不踰旬以十五萬之眾
計窮力屈全師鏖戰連告六捷敗亡喪衄狼狽走遁名王
貴酋奔踏於道壯士健馬物故相乘自用兵以來未有此
舉伸人神之宿憤雪 宗廟之深讎鼓舞歡呼中外一
自此擒馘兇渠御清畿甸盡還故土克復中原近在旦暮
臣誤蒙寄委實當控扼不能身先士卒少效微勞疆事有
守無緣躬詣冕旒少伸慶賀之誠

謝傳宣撫問賜米藥劄子

臣伏蒙聖恩申遣使指俯加清問仍頒好賜特異常典仰
知出自眷懷顯示寵渥非臣一介賤微禮所當得銘篆肌

建康六

五

骨無地寄言除已具表稱謝重念臣疎遠固陋被遇 三

朝初無秋毫可見記錄晚蒙 陛下不次識擢內玷政塗
外叨師閫又未嘗少有補報於艱難之時今此待罪三年
甫迫終更 陛下終始保全未遽譴斥罪戾之積臣猶知
之而天地涵容尙使超進寵名俾仍舊治方極隕越乃復
冒此非常之恩未知殘年何以稱塞夙夕震懼無所自容
無緣躬詣冕旒披露肝膽惟幸天日照臨

辭免觀文殿學士劄子

臣近者蒙恩除觀文殿學士令再任尋以超躡過分具奏
辭免願請閑秩伏奉詔書未賜俞允一介賤微仰干天造
逡巡留令罪不容誅所有再任職事臣不敢疊有煩喋候

降到告卽恭稟聖訓依舊交管別具表稱謝外竊惟觀文
殿職名 祖宗創置甚重近歲非自知樞密院以上善罷
未嘗輕除其餘必藩邸舊恩寅緣攀附邊防劇任開拓封
疆僅乃得之至于常侍帷幄外守方鎮累更出入時示褒
崇者不過數人而臣自省皆無一得徒以待罪歲久遽先
近服稽之公論豈曰宜然況臣去秋已荷洪私加進資政
殿大學士於今未及一年尤難僥冒夙夕震懼無以苟安
非常之恩既已仰承於異眷量己之戒尙冀少盡於愚衷
敢望矜從終賜廢罷庶幾尙可勉殫餘力未至遽速煩言

奏居民遭火待罪劄子

臣本府今月十九日西南風大起居民遺漏乘風勢猛盛

建康六

六

直趨東北向著正當府治臣先以瘡疾在告卽時扶持出
救已延及府前東西居民蓆屋俄頃間分爲兩路橫穿燒
入儀門內及簽廳前人力更不能加臣極力營護僅能保
守軍資庫及大軍庫錢物並無疎虞相繼御前統制田師
中王德轉運副使王暎又分救得小廳一帶其餘外門直
至州宅皆被焚毀伏念臣誤荷異恩再賜留鑰平時既無
秋毫可以補報今茲不能戒御預謹民伍致遭非意害及
公私不職之誅無所逃罪已卽具奏自劾臣以職事不可
廢闕不敢居家待命行罰自近雖聖王所不得私伏望眷
慈早賜黜責施行

臣近緣本府居民遺漏延及州治具奏自劾待罪乞行降黜尋再具劄子陳布犬馬之情近准尙書省劄子九月二十五日奉聖旨留司委寄甚重令某安職孤蹇餘生仰戴天地覆載之慈踟躕無所自容緣臣不職之罪終不敢苟逃伏望聖慈特賜檢會施行

乞宮觀劄子

臣待罪留都去年夏合當終秩誤蒙聖恩復令再任迂拙孤賤仰荷眷慈勉祇事至今六月又將滿歲伏念臣衰疾之餘年齡浸暮理當退屏前後累嘗奏陳不敢再瀆淵聽重惟瀕江巨鎮外鄰邊境兼總兵民責任不一而臣貪冒苟處首尾實及四年曠戾日積初無秋毫之補 陛下

建康六

七

恩禮過優歲加寵數皆逾分量豈敢更懷遷延之計以速官謗兼臣母年高別無兼侍去春先還閭里垂白之年闕於奉養朝夕尤不能自安伏望聖慈矜憐曲賜檢舉許從罷免特除臣一外任宮觀差遣任便居住粗使連年懇請之意不負素心庶於晚節知止之風少副清議

再乞宮觀劄子

臣近嘗陳乞在外宮觀一任今月十二日准都進奏院遞到詔書一道伏蒙聖恩過加溫言曲垂鑄論未賜俞允天地之造出於生成在臣犬馬之分豈所宜得威懼戰悚無地自容重念臣昨者自棄山林誤荷收錄置之方面固當竭盡死節以圖報效而臣每不安位屢祈退屏實以德薄

器淺難堪重寄年齡晚暮義合知止所以不避斧鉞之誅疊干淵聽今茲遷延再任又已踰年疆事既甯人皆安業坐尸厚祿尤愧本心外懷叨竊無補之憂內迫亢滿疾顛之畏此臣朝夕所以不遑甯處伏望聖慈俯加矜憫儻獲始終大賜特全造物之私庶幾黽勉餘年粗守保身之戒

奏狀

辭免初除第一狀

右臣聞命震驚罔知所措衰瘁投閑久屏巨壑聖眷不遺尙加收錄感銘之極涕淚交頤伏念臣早歲積衰疾病相半年齡浸晚益難自持不可更當事任紹興之初已嘗有此委使卽力具陳免不獲數月之間果速譴累仰荷 陛下

建康六

八

下天地含容不卽誅夷許就閑寂今者相去七年舊疾不差新疾有加精神筋力事事尤非前比若或貪冒老不戒德必須再致曠敗不惟萬死無以塞責其在今日多事之際上負憂顧利害所繫不輕決非臣敢苟當愧懼徬徨無地自處伏望聖慈哀憐察其誠悃特賜收還成命令臣依舊宮觀差遣干冒天威

第二狀

右臣草芥賤微上干洪造天慈極貸特寬慢令之誅未卽矜從猶加鑄論踟躕天躋地無以自容伏念臣才識迂愚首蒙 陛下不次識擢嘗獲預聞政事十年於茲曾未有毫髮補報今強敵未殄尙勤盱食正臣子奔走先後竭節效

死之日何敢有所顧避但臣量力既已衰弊度事又當曠失進無以償寸勞過適以貽重累拳拳之義何所自伸則臣雖欲黽勉冒居終恐有誤委寄危情懇迫須至懇懇天聽與其追咎於罪戾既彰之後不若控誠於威命始降之初伏望聖慈俯從人欲特賜俞允臣不敢居家待命見已起發所居卞山迺遷前去湖州平江府以來聽候指揮

第三狀

□□勘會先於今月初三日准尚書省劄子□□免今任職事奉聖旨不允令學士院降詔不許再有陳請臣以迂愚衰弊終難冒居再具狀陳奏一面起發所居卞山迺遷前去湖州平江府以來聽候指揮未奉處分續于今月

建康六

九

初八日酉時恭奉御前降下金字牌遞筒再准尚書省劄子勘會已降指揮葉某除江南東路安撫制置大使兼知建康府兼行宮留守司公事填見闕不候授告船家接人指揮封服三日於所在州軍依條差撥兵級起發前去之任至今未見起發前去六月七日奉聖旨依已降指揮疾追前去之任仍具起發到任月日申尚書省臣已於今月初九日申時起發湖州沿路聽候指揮外所有前奏狀望聖慈特賜檢會施行

乞晉卞將軍廟額狀

右臣伏見本府有晉尚書令卞壺墓一所在城西南隅謹按晉書壺當南渡之初與王導庾亮實相成帝蘇峻之難

以壺都督大桁東諸軍事捍賊力疾再戰遂死於敵二子瞻盱見壺沒相隨俱死忠孝之節萃於一門成帝特贈壺侍中驃騎將軍開府儀同三司後復給錢修其塋兆歷代封植載在祀典自金人渡江殘毀殆盡竊慮歲久漸致湮沒臣已委官檢計重建廟宇方時多艱如壺等輩數百年間不過三五人宜有褒顯以詒後世欲望聖慈特依應天府張巡許遠蔡州顏真卿例賜以廟額庶以興起四方仗節死難之士共明君親之義

第一次乞宮觀第一狀

右臣昨者誤被聖恩起之閑廢付以留鑰實具懇辭兩蒙御前金字牌降到指揮不允怵迫就職今已半年仰賴

建康六

十

朝廷威靈邊隅無警內外軍民偶獲安靜出於天幸伏念臣少苦多病眾所共知久屏山林心志彫落昨被命之初已曾一二縷陳去歲兼以夏秋服涼藥過多入冬肺氣喘滿寒嗽屢作至今未平尤難勉強若猶貪冒久居必致曠敗今來已及解嚴伏望聖慈特賜哀憐許臣依舊宮觀退卽散地不惟陪都要藩免誤重寄亦於臣投老進退之義陳力不能庶幾保全晚節不致重犯清議

第二狀

右臣近以疾病上章陳乞宮觀尋准都進奏院遞到詔書一道伏蒙聖恩未賜俞允狂愚有犯宜卽嚴誅聖度優容尚頒溫旨感淪肌骨無地寄言怵迫徬徨今覆遷延三月

犬馬之私不能自己須至再瀆威尊伏念臣材質朽鈍全無他長遭遇聖明過叨識擢出入內外幾三十年初無秋毫可以上報恩遇而奇窮狷介動多悔吝故自靖康以來三蒙起廢付之郡紱不過數月皆不得善去今者待罪已將及一年仰賴朝廷清明封境安靜疲民沐蠲貸之惠師屯遵紀律之嚴因得苟逃大譴在臣私分僥倖已多衰瘁有加年齡浸晚豈可不思已事之戒更冒貪得之寵兼臣母年高昨者不曾迎侍前來久違奉養人子之心尤難自處欲望聖慈察其腹心非有矯飾特賜矜憐除臣依舊宮觀使之退屏山林少以全其晚節實惟生成大造干冒天威臣無任惶懼激切屏營之至

第二次乞宮觀第一狀

建康六

十一

右臣昨蒙誤恩久叨寄任尸素無補曠戾日多去歲嘗具奏乞就閑秩伏蒙曲降詔書未賜俞允螻蟻微生上勤洪造徬徨踴勉又已踰年伏念臣犬馬之齒六十有四衰羸多病每歲有加自去年十月以來舊苦肺氣屢作至今尚未平復兵民所會事責非輕若更遷延冒居必速咎悔欲望聖慈特賜哀憐除臣依舊在外一宮觀差遣任便居住庶幾休養殘骸粗全晚節不至重干清議

第二狀

右臣近上章陳乞在外宮觀一任准都進奏院遞到詔書一道伏蒙聖恩未賜俞允狂愚冒犯宜卽嚴誅天度優容

尚頌溫旨感蒙肌骨無地寄言伏念臣材質朽鈍本無他長遭遇盛明過叨識擢出入內外幾三十年初無秋毫可以上報恩遇而迂疎窮蹇用過其量不自知止屢致悔尤故自靖康以來三蒙起廢皆不得善去今者待罪已一年零八箇月仰賴朝廷清明封境安靜因得苟逃大譴在臣私分僥倖已多而况衰病有加年齡浸晚豈可不思已事之戒更冒貪得之寵伏望聖慈重加憐憫檢會臣前奏特賜除臣在外一宮觀差遣曲全體兒既已荷天地涵覆之私謹守廉隅庶亦全犬馬終始之義再瀆威尊死有餘罪

第三狀

建康六

十一

右臣近再具奏陳乞宮觀今月十九日准尚書省劄子奉聖旨依已降詔旨不允不得再有陳請聖訓丁甯曲加慰諭愚衷懇迫尚敢有言進退徬徨莫知容止臣聞人君愛養人材譬如培植草木必不使毀折於既成人臣保全名節譬如護惜體膚必不忍傷殘於垂老此自昔明哲之士所以皆能盡一時終始之私伏念臣過竊寵榮已踰其分勉圖報效復迫衰殘前後累具敷陳不敢更干天聽惟是陪都大鎮外援中原內屏王室於今諸路所繫最大而臣遷延歲月初無秋毫可裨肝食若不深省已於罪戾未著之時力爲進退殆至公議不容上辜陛下寄委大恩下負微臣遲暮本意則何所及此臣所以夙夜恐懼不遑甯處不敢自比其他帥守伏望聖慈深加憫察念臣非有矯

飾俯賜矜從臣不勝萬幸

石林居士建康集卷第六終

建康六

十三

石林居士建康集卷第七

奏狀

辭免左大中大夫狀

右臣今月初十日准尚書省劄子奉聖旨與轉一官者聞命震驚罔知攸措伏念臣衰病無能過叨劇任徒淹歲月莫効寸勞方自力求閑秩冀逃官謗未知何名復冒此賞苟懷貪得必致煩言欲望聖慈俯察危誠收還成命使少安於愚分庶無累於公朝于冒天威臣無任德輝按此下有脫文

辭免資政殿大學士狀

間命震驚罔知攸措伏念臣假守瀕江濫司宮鑰歲月雖久初無毫髮可見紀錄適幸兵革少休營屯肅靜年穀屢

建康一

登彫瘵稍蘇皆是朝廷威德所及於臣何有近者逆虜犯盟將帥分禦淮上臣居內地雖欲勉效餘力無所可施方期引分求閑少逃尸素之責豈可反叨異數重念臣今春誤荷眷私例與諸鎮進官一等已出無名緣事恐異眾不獲終辭拜命傍徨至今猶無以自處今乃若更有僥冒是一歲之間獨取兩寵臣雖不言人將謂何伏望聖慈特賜哀憐俯徇愚誠收還成命下同前

辭免加封食邑狀

伏念臣久叨榮祿無補事勞更冒誤恩進陪公爵雖配天之澤初不問於賤微而省已無功終自慚於忝冒傍徨隕越莫或自甯伏望聖慈特賜寢罷所有告命臣不敢祇領

已寄納建康府軍資庫

第三次乞宮觀第一狀

右臣去年春嘗以疾病三具奏乞罷免府事退領閑秩伏蒙聖恩降詔書不允繼以專委營繕行宮事不敢固守愚誠方俟俾圖措畫略定再伸前請復遇疆事遽興瀕江正當捍禦義難顧身因遂勉強遷延至今伏念臣衰瘁餘生筋力愈憊留都重地在今日正須得人而叨冒養痾首尾已及三年雖夙夜不敢少懈訖無秋毫補報罪戾之積固不待言茲者幸遇天威既伸狂虜知畏去冬以來戢兵遠遁邊境少安今者將及解嚴於臣私義可以自列伏望聖慈特賜矜憐檢會臣前後奏章特除一在外宮觀差遣任便居住負恩而去雖無以仰酬覆幬之私陳力不能亦庶幾粗免顛越之懼

建康一

第二狀

右臣近上章陳乞在外宮觀一任准都進奏院遞到詔書一道伏蒙聖恩未賜俞允仰冒威尊未即竄殛更叨慰藉賜以溫言感懼交并隕越無地迫於情義即欲再伸犬馬之誠適值壽春失守虜騎狂突過淮臣職當長江之寄義合死守不敢竊顧私計遷延已復踰月今幸天威奮張將士用命醜類敗亡淮甸平靜瀕江之備盡已釋放民皆安業別無施行職事伏念臣昨以衰病屏廢田里陛下不遺簪履之舊過加省錄付以方面自去歲黠虜敗盟臣初

無秋毫補報而三月之內遷官進職兩冒異數度越常等
心非木石豈不願竭庸庸力圖寸效少亦自異眾人而實
以素抱羸疾積久有加筋力衰疲不可勉強是以每歲輒
露誠請近者復經此艱危捍外保內寢食皆廢所苦遂復
暴作喘滿上乘不可俯仰兩人扶掖僅能行步心氣彫耗
通夕不寐蕭然殘骸幾不勝衣委是難以枝梧迫切之誠
無辭可見惟祈造化曲成高明委照庶或尙保餘息伏望
聖慈檢會臣前奏早賜矜允

第三狀

右臣今歲以來嘗兩上章乞罷府事除一外任宮觀差遣
伏蒙疊降詔旨未賜俞允疎賤餘生上勤天眷感銘肌骨
無地寄言強勉周施今又累月而臣衰病之餘氣血彫耗
久居要地終難自安兼至六月已周三年秩滿亦合罷免
伏望聖慈特加矜憐檢會臣前奏速賜指揮付之閑秩使
養殘骸上以全天地涵覆終始之恩下以遂臣犬馬疲憊
進退之分

辭免觀文殿學士再任狀

右臣今月某日准御前金字牌降到尙書省劄子一道伏
奉聖旨除臣觀文殿學士令再任者聞命震驚罔知攸措
伏念臣衰病餘生昨者誤蒙聖知起之閑廢付以一面雖
夙夜罄竭疲駑自知無以報稱故頻年屢干天聽乞從罷
免仰荷眷私未卽報可遷延已及終更方踟躕以俟俞旨

忽聞有此除授退量已試之效實無秋毫小補豈敢重愧
軍民輒懷貪冒兼觀文殿學士職名 祖宗故事藩鎮
外除無幾臣獨何人可當異數伏望天高聽卑俯察危懇
特賜寢罷新命檢會臣前後累奏除一外任宮觀差遣
啟狀

到任謝執政啟

擇地而安豈事君之大節不能則止亦學道之本心曩被
詔除莫遑懇避已交印綬仰愧陶鎔此蓋伏遇某官道德
佐時勤勞許國察醜虜亂華之有自知皇天悔禍之在茲
神州陸沉固王衍當任其責江左未定有管仲則何所憂
盡舒宏濟之謀卽有削平之日俯求來効用慰舊民故雖
留鑰之深嚴亦俾奉祠之冗散某本無善狀過假溫言屢
自列其衰殘訖未蒙於矜可朝弗及夕愧趙孟之語偷少
不如人況燭武之已老勉祇承命終幸退藏

回徽州曾侍郎啟

暫領藩符已交印綬共期禦侮方欣汲黯之在朝聊試治
民猶屈蕭公之居外風謠遠被士友交歡伏惟某官道與
時行仁爲己任智不惑而勇不懼將力整於艱危用之行
而舍之藏本無心於出處坐閑十載更踐三朝慨社稷之
未安忍爲容悅恐干戈之方熾宜有後圖協濟廟謨凜聞
廷議始雖難合無傷志士之本心久必見思固自聖君之
宏度未遑煖席行卽賜環某久預從游復同封守從容答

語莫伸引領之懷密邇聲猷尙託爲僚之幸

賀宣州汪相公啟

顯膺綸綍登用舊人密邇鄉閭就煩名鎮除書始播輿論
交欣伏惟某官廊廟宗工縉紳宿望兼安危之注意備齒
德之達尊狐趙勤勞何止草昧艱難之際蕭曹事業固先
風雲會遇之初退卽燕閑久勤虛忙袞衣赤舄方入奉於
賜環熊軾朱轡豈尙煩於開府願惟衰弊辱在眷知尺牘
馳誠嘗獲伸於懇款高牙在望復幸邇於聲猷

回霍經制啟

委迹家山常迂軒騎剖符江介復枉緘書荷眷義之不遺
非衰遲之能稱伏惟某官材猷敏濟志節剛方夙殫稽古

建康七

五

之勤力傳家法遂展佐時之略自結主知中外踐更猷爲
備著適此干戈之後孰先賦斂之圖凋瘵未蘇調度多闕
惟愛民若赤子故知取而不傷若言利析秋毫則雖多而
何補較從卿月暫佐使星聊煩規畫之行卽有超陞之寵
旌麾在望款謁尙遙條教所依瞻言徒切尙勉加於調攝
益順導於綏將

賀汪相公建節啟

剖符便郡已隆舊弼之恩授鉞齋壇復重元戎之寄始傳
渙號大慰輿情恭惟某官德量深宏智謀恢遠廢荆榛而
成帝業最先鄧禹之納忠會貌虎而振王威何止劉琨之
勸進六龍在御四海歸心銘勳已著於鼎彝濟難方圖於

舟楫中辭宰柄久佚祠庭惟聖主念功固無言之不報而
宗臣經國宜受祉之既多某久預鈞陶獲依屏翰進趨前
席載瞻北闕之光歸擁淑旂更倍南邦之喜

回南京留守路樞密啟

光奉詔緡顯司留鑰舊疆來復方當闕國之初聖澤誕敷
更重興王之寄伏惟某官材猷夙著望實兼隆入參帷幄
之謀備宣忠款出奉藩維之最屢竭勤勞眷此陪都控臨
東道望春陵之佳氣千載固存定郊鄆之名城萬方行會
暫煩居守卽有超升愧修慶之未遑辱緘書之有及感銘
之至敷敘莫周

回王正字啟

建康七

六

給札試言少伸素蘊奏篇稱善特錫異恩除書始聞有識
相慶伏惟某官學通倫類識造精微劉向博極羣書固已
盡古今之變賈誼通達國體是且明政事之原爰自弱齡
已懷遠略雖言語文章之選決科早冠於諸儒而安危治
亂之端躬策尙勤於廣問蓋其待之者厚是以求之者詳
斯文有光士友爭歎不遺鄙陋首枉緘書自喜衰年猶及
承平之故事願言遠業益觀異日之成功

轉大中大夫謝執政啟

量能授官蓋先王用人之本見得思義亦君子行己之方
仰累公朝退慙本意伏念某受材不敏涉世多艱方強仕
之年固已自投於閑散豈旣衰之後反求貪得於須臾况

風波薦履於畏塗而荆棘親逢於晚歲正使捐軀原野未
償廩食之私矧惟服力簿書何補事勞之實取非其有人
且謂何茲茲伏遇某官拔茅與其彙征采菲不以下體方
流言竊詆獨深亮其無他逮告疾引歸復挽留而不釋矜
其遲暮借以寵光不稱所蒙豈曰子衣之安吉未知爲報
徒懷我馬之虺墮震懼靡甯銘藏曷已

同吉州王舍人啟

竊除記言夙膺高選虎符分郡暨慰遠民間遠風猷屢更
歲序承下車之滋久愧削牘之未遑首貶械題過勤行李
竊審剝煩暇裕介福駢蕃伏惟某官名在朝廷奮由學校
惟禮樂詩書之造士所養既深有人民社稷以爲邦何施
不可未窮遠業聊出緒餘行閭宣室之思母久淮陽之治
蓬門枉過每懷前日之溪山鈴館相望尙接鄰疆之封壤
更祈保衛別迓褒嘉言之不文永以爲好

賀三京招撫劉太保啟

方叔壯猶夙任興周之寄召公爲保載勤分陝之行孚號
載颺裔夷震疊伏惟某官忠誠許國術略佐時總御六師
早席將門之舊御名清四海屢扶王室之危憬彼犬戎復干
虎旅雖王赫斯怒所殲者渠魁而民懷有仁願適者樂土
况仇葛來蘇之望皆靈臺樂德之人不待招攜咸知効順
倒戈內附豈惟見於前徒免胄縱觀孰不歸於吾父一蒙
開納盡洗腥羶某久幸從游欣聞播告莫遂瞻承之志徒

深慶并之誠

回信州劉侍郎啟

觸熱載塗已交印綬承流問俗具布教條歡謠初播於里
閭翰墨既勤於尺牘伏惟某官材周遠用世號名卿奏刀
若然所遭皆迎刃而解攬轡沃若有往非著鞭可先久屈
祠官暨煩便郡雖長沙國小未足以回旋而淮陽政清何
妨於臥治願惟老病屢請歸閒念桑梓之相依從遊已舊
方荆榛之未剪戎路尙艱重慙推轂之無堪猶獲同舟而
共濟何從會面坐極馳誠

除資政殿大學士謝執政啟

繁纓以朝孰云可假懷璧其罪已亦知危荷獎予之過優
愧懇辭之弗獲伏念某少而不敏晚亦無奇仕前望三十
人則爲已過官欲止六百石况復加多故頻歲之懇祈惟
乞身之爲請未償此志更沐橫恩茲茲伏遇某官功濟華
夷志安宗社憫衰遲之一老借以寵光用風勵於四方使
皆興起仰懷盛德但愧本心勉欲效勞悵桑榆之已晚雖
云代匱願營蒯之何施徒有銘藏莫知報稱

賀張少御奏捷啟

出將王命前討邦仇萬里犬羊既望風而知畏六師貔虎
威奮義而爭趨果掃妖氛共成大烈伏惟歡慶恭以某官
勳高宗社名重華夷被公袞以臨戎孰出三司之右總將
壇而申令更隆百勝之威聳中外之欣謹雪神人之深憤

某復聯彊事首奉捷首歡抃之私敷宣罔既

除觀文殿學士再任謝執政啟

及瓜而代初無可錄之勞采菲不遺遽竊非常之寵祇承
眷渥曷獲牢辭伏念某本乏異能過叨重寄空疎之學固
斐然不知裁之慙拙之材况老矣無能爲也故承乏因循
者三歲而乞身懇請者六章何期避劇以求間更復逾涯
而拜賜豈無再割人共笑其鉛刀雖強己陳已亦慙其芻
狗茲蓋伏過某官權衡口物柱石本朝追敘禹謨協九功
而共治輔成周命倡十亂以同心未遑舍舊以圖新姑亦
絕長而補短安國無功自愧本幸罷歸潁川有詔如前何
能愈治未知報塞徒有銘藏

建康七

九

書

與秦相公論防冬書

某頓首再拜僕射相公鈞座秋暑猶未退卽日伏惟鈞候
動止萬福某近因到官具書伸謝必已呈浼記室衰耗黽
勉亦將幾月郡事雖甚繁連日撥遣冗滯數百事似亦少
閒其餘皆可徐以力治惟是防冬一事不無私憂茫然都
未有圖議者或謂今歲虜未必來或謂二大將旣分宣撫
兩淮本道乃在腹裡非所慮或謂萬一有警朝廷必自委
二大將守江非本道之職三者竊皆以爲過據日前探報
頗言虜踣兵開河積糧料器具遠近略同必無安靜之理
今淮東僞鄆州兵形已見不來則已來恐非常歲之比前

爲敵者劉豫主兵者劉麟所驅用者吾山東淮甸之民今
以金主易劉豫以四太子易劉麟以虜騎易吾民是豈
可忽乎二大將宣撫兩淮固其職矣然未見別有大措置
必可以固吾圍者近惟張宗顏數千人趨合肥爾甲寅歲
豫賊至楚州丙辰歲豫賊過濠州皆在九月十月之間非
無大將未嘗前知今可保復無此乎自古保江必先固淮
曹操不能越濡須苻堅不能出渦口魏太武不能窺瓜步
周世宗不能有壽春皆以我先得淮東也今淮未有必固
之理而欲恃江以爲重何可爲萬全計前歲聞以四大將
自池州而上直至平江之境各分其地州郡皆不與此固
勢必如此然以兵捍疆場乃所以爲民保境土若將帥與

建康七

一

州郡不相關則兵民分爲二境土何以獨濟往時杜充失
守之因江上兵非不多自王瓌先遁於采石諸軍皆潰無
復捍敵吾民奔避不及反爲潰兵剽略虜得乘之南渡此
相公所知也况本道界分已自無劉光世一軍若以他軍
那融添補則兵力厚薄尤可見今若責江淮於將帥而使
守臣表裡得共爲之計猶可待不虞若淮未能固而必恃
江以爲守則王瓌之戒不可不思某久在山林不聞廟議
旣不得已於此懲往者召公之困誓不敢復出一語然平
日拳拳之心有不能終媿藿食者因季華行輒私布之本
府惟民間自有團結自使保鄉里漸已料理復恐議者不
知本末謹具劄子稟達其餘數十條併附之別紙此非其

識徒以相公平昔相與之厚忘其僭率思致輿人之言以答毫末皇恐餘祈倍保鈞重上副眷倚不宣

又與秦相公書

某頓首再拜上啟僕射相公鈞座某昨早遞中忽遽上狀必獲呈浼即日伏惟鈞候動止萬福虜自昨日探報後未有繼至者張少傅處見錄到偽牒本必已繳申狂悖之志可見傳聞既廣遠近不無震駭姑示以持重鎮安人心而密計所當爲者以俟朝廷處分然可施行事不一未易遽陳竊料廟謀必皆有定策今沿江一帶自江州直至臨安幾千餘里順流而下無非可隄防者昨虜兩至江上審觀形勢已熟四五年來又多得淮浙人講究利害宜無所不

建康七

十一

至必不更循舊轍當有出我不意者則我恐亦不當但以前日待之詢之眾論多謂虜前兩至朝廷先失之畏而不爲守計故但退避彼得乘以渡江後失之怯而不爲戰計故僅能守彼師老得以善去今日之算惟一切反此內力爲守備使纖悉無遺策外示以戰形使知吾無所憚姑存和議佯爲小屈以觀其變彼實畏口口必以謬悠之辭迫我而不敢來若疑而未決則必且擁重兵向江以嘗我我堅壁不動與之相持待其糧盡力屈則惟所欲爲不識亦足聽採否目下急務莫若先棄蕩積聚使無所仰食以伐其謀縱有不及亦勝不爲若朝廷不欲便行則但委諸將分爲固不害事我所儲備尤不可緩本路建康最號豐足

比計之內外諸司一金以上共不滿七十萬緡米六七萬石而已他州可知常平糶米并買牛更乞詳度輕重民去接新已近闕牛戶早禾栽插已徧晚禾人各自壁畫亦不至甚病姑存之亦善某職守過計仰恃眷子不敢自爲形跡輒僭具稟達繼此有可效區區者亦當節次續聞伏幸寬明貸亮目痛牽強書不成字餘祈倍萬善保鈞重不宣

又與秦相公書

某頓首再拜上啟僕射相公鈞座暑氣日增卽辰伏惟鈞候動止萬福某近具狀就季承晁撫幹詣屏下稟達必獲塵浼前日忽奉金字牌被旨以淮西江東西湖南北京西路牛疫恐民無以耕委令逐路各取常平諸色錢物遣官

建康七

十一

出產處收買租賃與民仰見君相勤恤民隱纖悉備盡卽已取會諸州見管常平錢物選擇差官然詢之民間蓋有可疑者不敢但已今歲耕牛疫死處誠廣不但牛而已雖虎豹麀鹿猿野獸等棄死山林原野所在皆有然幸在春耕之後今民犁田已插秧種蒔用牛不多正使得之已不及事但可收刈後於秋冬閒爲來歲之備爾其所損路分自湖湘至唐鄧無有不被害者所餘惟兩浙福建二廣出產除福建外止是二廣次則兩浙二廣非數月不可致兩浙昨經淮南營田收買後亦不多有今正暑時牛畏暑而行緩日僅三二十里田家作苦護養餵飼不敢竭其力置之林薄陂塘陰涼之所如視其子朝暮惟恐有傷今少

則不足濟其用多則不惟難得益不可使冒熱遠行且賣牛者多姦弊病疾老瘠所遣官未必能盡辨皆不敢任責萬一強之使行或倒死道路或至此度未已而細民懼死必償直不敢從官司租賃遂成無用其臥起之節水草之候兵卒所不解須寄養於民亦必非其所欲不免科擾久之損折則坐失常平錢不貲連日遣邑官徧歷農畝其言大抵略同未知他路利害如何此吾君惻怛惠下之澤有司奉行唯恐後而民言似不爲無理故竊私布之執事幸乞試留聽採如有可議卽冀詳度行下府境二麥大稔蠶亦無害數日前微覺缺雨忽通得一晝夕遂稍足行宮圖本間已進入不知有司可取否見張少傳說中間與禁中所定本半有相合者其東西欲侵爲廊地張少傳已先築墻展出千餘丈在外此一事已諧矣餘更俟命煩瀆不勝愧悚更冀爲國倍加保練不宣

建康之

七

石林居士建康集卷第八

書

與曾天游書

某頓首啟稍不承動靜日積馳仰高秋即日伏惟台候萬福見報懇辭北扉何其甚高而進陟經闈仰見聖懷開納之重併以慰歎某勉強已兩月前所當料理者稍就緒免民絹橫歛八千二萬匹芻陸運遠至者二十萬束疲瘵似少蘇儲廩有來歲之備可以藉口言歸矣願防冬未敢請曾探報云云當略知朝廷會三大將必詢所為計誠得策然須各極其說而斷歸于一還以授之使其心以為可行而無異情緩急肯相為先後乃可望成功此魯人所謂疆

建康八

場之事御名守其一而備其不虞事至而戰又何謂焉者也
比年常患出不虞而無備欲戰而旋謁無一可守故爾韓岳主戰張主守韓志在淮張志在江此人所共知不知皆灼見其理而身任之乎抑意各有向而姑為之說乎韓輜重盡在山陽張輜重盡在建康江淮之不同勢使然也則言戰者未必能必勝言守者未必能必固要之戰守二者何可偏廢江之與淮亦強弱進退之間惟吾謀一定則可戰可守或江或淮惟敵之為往慶歷中韓范二公在兩方韓欲戰范欲守初亦不同久之皆自為過故末年還朝相與共獻策極論戰守參備之計是時元昊力求和廟議欲遂從之而二公深以為未可請以和議為權宜戰守為實

務且謂元昊欲窺關中非獨其志亦吾漢人陷沒者贊之以自圖富貴今日事勢有相類者李成孔彥舟徐文輩既皆為其心腹近復聞以鄜瓊守拱州去歲叛兵已盡散遣而復集與之其情可見是安得不思惟計戰守者兩盡和議成固受其利不成我無所失此韓范之說也不識嘗見之否家有韓公家傳載之甚詳適攜來謾錄附呈恐或可佐論思某職在內地當敵者三大將豈敢冒代庖之戒夜中偶不得眠過慮及之旦起適有使人故私以告公不覺累數百言幸無以語他人向冷萬萬為時自厚不宣

又與秦相公書

建康八

某頓首再拜上啟僕射相公鈞座某初八日上狀當獲呈浼即日伏惟鈞候動止萬福旌鉞啟塗中外經濟不無少勤廟算虜自前月二十九日順昌敗後別未有動息縱益兵復來亦未能及盛暑愛惜其眾恐亦未必一衄遠犯所忌幸援兵稍集張少師出軍已四日間欲以來日就道將士極銳有自殘請行者殊可喜嘗與之商榷賊情似有乘間欲奮者計已屯壽春伺敵為進退劉錡一軍既無虞令堅守順昌為得策但王德既行甚反側嘗訴於張累數千言盡發劉侯平昔曲折以謂若復隸部曲即自刎首淮上張亦稱其人可用材過目前諸偏裨抑之恐生事朝廷果許自為方略包籠之其官已高去節鉞近方畏屬人宜可詭以成功惟權貨務積鏹截日已竭尙未有張軍後日之

備而省劄連下支太平州椿管與劉錡激賞除絹外皆無有念不可緩已逐急那移兌撥具申明若不足數或當於折帛錢內應副繼此若更有支降必不能辦前嘗妄議免起本路大禮錢帛及諸司於格合起錢正慮此更乞少賜裁度斥埃鋪點檢差齊整比來避寇人都無至者應是卻稍安居此間極力彈壓殊不驚擾但聞浙西頗紛紛數日前不得已作留守司勝具虜事狀與預爲防守者少慰安之矣本職瀕江合措置事不一略未有備謹留以待面稟軍民延歧前驅以日爲歲敢乞趣戒莫府俯徇羣情正熱餘所涉履倍萬保重不宣

與梁仲謨論榷貨務書

建康八

三

某啟近嘗附問以拜來辱必已呈浼寒力未解即日伏惟台候萬福竊審兼領經制使事國計之大今日先務孰急於此非牛刀餘刃其誰能濟甚慰公論某衰茶無補坐慙尸素已上章請閑日暮待命尙有一事未行間猶須任責戶部大軍錢糧忝預總領自去歲冬榷貨人納大虧中間幾至乏絕殊可寒心偶府中經畫收拾得少歲計乃有密獻于朝以爲有三十萬緡者遂畫旨許兌撥盡輸二十八萬緡僅免生事然已竭澤矣而榷貨之窘如前問之蓋緣昨罷戶部回易庫賣鹽羣商疑法必變更相煽惑所以至今相持甚堅也萬一或果有此意不若早爲之所不然即須再下一黃榜委曲申告必不變之意庶或退聽今二月

所支全未有備而本府所藏亦無幾不得不以誠告不惟有司未有以塞責兼朝廷一失略計之以百餘萬緡鹽場但支待次舊鹽約至四月方盡豪猾坐觀無肯先下鈔者則有出無入所失又不止此豈爲小事幸速留念不勝朝夕之至餘冀倍萬自厚不宣

與秦相公論減梓獄事書

某頓首再拜上啟僕射相公鈞席連兩尙有餘寒即日伏惟鈞候萬福某近嘗託徐度司封上記必獲□□拙蒙庇粗遣臧梓事竟煩廟議移獄公朝正名分嚴賞罰固一民不可使有冤不得不盡其情但無狀仰誤委寄愧悚無以自容已具奏乞降指揮遣一御史按驗然區區之私猶欲

建康八

四

少伸於相公近世毀譽常患不出公道人自爲黨更相與奪故名實倒植而賞罰隨之此有識者扼腕憤歎欲正而不得者也梓前爲壽昌令以治狀爲台臣所薦得改官前除近以公事決責宣撫司軍兵自言不畏強禦故爲之類者亦交口稱譽其爲人宜當如何而所犯狼籍殆非他賊更可比有司具獄略見入己者爲錢九千貫銀五百五十兩絹二百匹錦九百兩又去官後猶盜庫錢三百五十緡官本二十條此其證佐來歷分明不可掩覆者其餘牽連雜見尙數千緡與因喪取之部民者皆未暇問也不識爲長吏者從前日虛名庇之乎正今日隱惡劾之乎以律言則監臨有犯知而不舉減罪三等以紹興五年勅言縣有

罪監司按舉而州不舉減罪人罪五等就其間一事某去歲到官之初首論民間疾苦乞減內藏庫和買稅七分折納見錢□□貫省蒙 上聞納亟以金字牌報可德意始傳闔境歡呼幾至流淚倚郭上元令曾恢違戾多折至八貫省而不入已去冬因民訟即奏削免勘梓多取乃至十貫四百省而盜其五貫四百省人已朱鈔具在此宣撫司首所奏事若以宣撫司不應奏本府亦從而治曾恢他日被罪披訴朝廷覆視得實或諫官御史風聞有言則將何辭以對非特法不容人固不相容也梓先決宣撫司軍兵本自非理正緩急欲藉口自解免宣撫司軍兵墮其計中遽越職論奏自彼之失何預本府事而自以爲嫌某所

建康八

五

以於遣官體究得實之後判然不疑力伐其謀一以法令從事庶幾忝以大臣守陪都稍異流俗爲天下發一大姦止止羣兒妄譽誤賞之弊或可上補朝廷公論豈意罪人尙敢伸其說宣撫司蓋與並肩而立何所重輕自到任此惟齊以禮法秋毫不相假借故能各守其職只如近者朝旨相度修戰船恐爲民病尙不能從況其甚者流落半世正坐無所俯仰今老得一州乃觀望同列誣人功罪於行闕數百里之內不顧旁觀自喪晚節意欲何爲相公見知有素必未期之至此自是奇蹇招感所至皆然每欲速還山林不敢一日爲苟安計初若畏懦可笑今當信其非僞無絲毫省竊恃眷子煩喋不覺盈紙悚息無已尙幸矜察

檢會前奉早賜從允不勝懇禱之至餘祈上爲興運倍加保重謹上狀不宣

答王從一教授書

某啟咫尺久不聞問近張漕歸云數相見動靜頗詳差以自慰專介忽枉手字并三文編仰佩厚意感激無喻秋高喜承邇日尊履佳健盛典雅固所欽味校正太白集尤見誦閱精審每如此春秋義多事讀尙未能終篇所論威公無王一事自三家失其傳其說皆謬悠無當後之學者欲求於絕學之後而自信其臆決固未易輕措辭也惟深於經旨者以類考之或庶幾焉早歲聞先達道劉仲原父之言似差近而不盡不知曾見之否其云諸侯即位三年

建康八

六

喪畢然後朝王而受命威之元年二年猶在喪未知其果不朝也則以常法書王以俟之至三年喪畢而不朝則不朝矣然後沒王而絕焉此考於禮爲是也乃十年有王爲三不朝之節以存公或可矣而十八年不當其節遂不爲之說則不可通意者無王猶沒公也魯沒公不書或諱或貶此論弑君之賊其罪不專在朝與不朝春秋立法亦不專在威弑君不討雖周王亦與有責焉何以知其然莊書王來錫公命與僖以妾爲母書王來歸舍昭及會葬王皆去天是不獨以責威與僖可見矣弑君而不討其過有大於不朝而錫命成人之妾以爲母者則去天不足言也其爲王者廢矣是以併王而沒之歟此爲周王與威言也然

王者天下之主也十者數之一周也天下之王若因威而遂使數一周不得見則過是天下皆無王矣可乎坤之上六曰爲其嫌於無陽也故稱龍焉則於數之周一見王亦嫌於無王者也至十八年而有王所以正王也前之沒王所以治王與威也若未遂沒之則後世凡弑君者皆可以王分惡而終不見誅於春秋矣亦可乎故復挈王而示之曰王雖不王弑君者不可以不治所以示天下而垂來世此不爲周王與威言也何休亦微知之而不能竟或曰威既弑君矣自不得其有位何用以在喪常法待之乎此其言是也而不通於春秋之義凡春秋雖立一王大法而其文必因於史蓋當時凡弑君而能朝王或諸侯與會者皆

建康八

七

免討衛州吁弑君石厚問定君於石碯碯曰王親爲可此朝而得免者也曹負芻弑諸侯來討公子喜時爲之請曰若有罪則列諸會矣此會而獲免者也凡此皆周之未造而史之文春秋不得而易焉故春秋凡弑君之賊惟陳佗衛州吁齊無知因國人與諸侯之討而得正其賊之名其餘凡不討而成其君如齊商人曹負芻蔡般者春秋皆不易也以爲彼既君之矣其惡不待貶絕而自見吾何加焉姑從其文於未造之中而正以義則何傷於一王之大法乎竊以是爲經之旨老懶多廢志又適書沓至酬酢不暇以長者好學之篤不覺發此云云亦哀斯道之將墜也不識以爲何如有所商榷卻冀一論漸涼萬萬珍愛不宣

又答王從一教授

某啟稍不聞問方深瞻企人至忽辱手字承履此初暑動止安佳長牋過勤仍示春秋解義一卷併荷厚意解義讀之終篇雖未盡見所蘊如論王正月與不以日月爲例莒人入向論入義得於經已多但反欲定專門於三家則恐未然由漢以來此學久廢不明正患諸儒不能以經爲主其交攻而力爭者惟三家之勝負夫三家安從出哉爲漢儒之說公羊穀梁已自別爲齊魯二學使二人授受果皆出於吾先君子□□散而之四夷八蠻未嘗不同也何齊魯之辨今齊魯百里之間尙不能一而欲於數百歲之後□擇其一以爲眞可乎劉歆知其不然故強尊左氏爲丘

建康八

八

明幸人信其好惡與聖人同夫聖人之經具在不知直求其意而附會因人假託以求其信雖或從之何異指晉爲燕而泣然出涕者也經固不可易明若專精致意反覆研覈察於先王之道者明求於典禮者詳質於當時之事者審則吾先君子欲以遺天下後世者亦豈能不原當時之事裁之典禮而別更有先王之道哉如是而後以視三家不可謂全無所得□其合於經旨固在吾所去取而吾非用三家爲去取者也以孔子之聖求伏羲文王之道讀易尙至韋編三絕今以春秋求孔子之意用力不知能如前與否而遽謂決不可得其實似過矣惟加之意而已兩日適中寒濕謁告旦來方小快枕上口占不能多及餘倍萬

自愛不宣

答尹穡書

某啟頃張賜叔書來數道足下好學自力不肯苟合志行甚美每憾未獲一見去冬忽奉手書固欣然出所願發緘疾讀則文辭之奧議論之博蓋又有賜叔所未能盡言者誦詠慰喜之懷不待言而可知也即欲為報屬疆事遽興春末粗能枝梧身復大病久之少安則相繼酷暑異常衰憊殆不能堪人事一切皆置積此三者不覺遂至今愧仰尤不勝敘高秋氣爽即日起居住健不知尚且食祠獄之祿否江西連歲戎馬安靜夏早間不至甚傷農足下既不輕以求人人亦未易有能知足下者想從容圖史之間深

建康八

九

居簡出厚養而薄施其儲蓄愈多亦足以自娛本欲屈從者暫臨幕中復念勉留於此自不作久計來春僅及解嚴即當力伸還山之請相去千餘里徒勤行李道路往來非所安故輒已何時遂得款晤偶便草此少謝不敏老倦因循足下必能亮之餘切倍萬珍厚不宣

碑

忠烈廟碑

晉尚書令贈侍中驃騎將軍開府儀同三司卞公諱壺字望之蘇峻之難父子皆死敵墓在建康牙城之西舊冶城之南司命宮之側歷代奉祀惟謹而廟貌不立偽唐保大中始作忠孝亭於墓北歲久夷圯慶歷三年龍圖閣直學

士葉公清臣復封植立石為表後五十年當元祐八年天章閣待制曾公肇易亭為祠圖公像其中載之祀典春秋命有司從事又二十七年當紹興元年金人渡江之後資政殿學士葉某蒙恩分鎮兵火初平城郭丘墟欲修二公之舊而未暇又七年大駕臨幸還錢塘詔即建康為留都上不以其老且無能復付之宮鑰乃克即墓南度地為廟請於朝下太常賜公廟額曰忠烈於是為正室三間以設公像列公世子贈散騎常侍珍次子贈奉車都尉盱從公俱死者於傍以侍中嵇公紹配食環以列廡繚以周垣增飾兆域名木禁芻牧無得犯工三月告成躬率僚吏奉少牢之奠告於祠下初建康之民去公遠莫能盡知公之節

建康八

十

及天子褒顯暴耀新宮屹然衣冠咸會於是士女奔走歛歔太息或至流淚皆有感激奮勵知以身殉國之義某曰嗚呼禮義之感人豈但教告感率而後聽哉然世知公死之為難而未知使公得生必可以興晉而不克成焉尤可惜也自古為天下未有不合羣力眾智而成其間必有卓然特立超一世之上而不與之俱者然後能矯拂一世之俗以為之宗而天下從之則以治易亂以存易亡惟其所欲為東晉立國江左孰不曰王導之功嘗謂晉不能復中原一天下正導之罪此其故何也凡晉之失在於祖虛誕而賤名檢樂僥倖而輕節義眩華靡而略功實是以因循苟簡取給目前訖至於亂而導曾不能反是乃欲因是以

求濟其區區自救不服非導孰爲之乎天下大物也物與物何足以相遠在易之大過曰澤滅木大過君子以獨立不懼遯世無悶孔子序易至大過既濟之際爲之說曰有過物者必濟夫必有過之乃能濟之晉有三人焉以身捍患料敵制勝曰温太真嶠精誠遠慮明見事機曰蔡道明謨維持紀綱納之軌物則公而已太元以後天下事皆得道明謀之太真行之而公守之雖內有王光宗蘇峻外有劉聰石勒其何能爲不幸太真早死而公僅效於一戰道明雖在己不勝其眾矣此所以終其世不競也歟因追考其事論次爲公廟碑而繫之詩以遺後之君子公惟不亡尙足慰其千載之意云其辭曰

建康八

五馬渡江晉南奔乾坤震蕩四海昏孰扶此都創本根茂洪陋矣安足論我評三士參高竊爲世作室身墉垣惜哉其類不得繁神州陸沈無與援棄捐名教資清言頽波一律來渾渾卞公特立尤雄尊卒殉以身喪厥元二雛從公如清温甯公已死身獨存公歸在天朝帝閣血面訴帝忠不寬歲時來臨從旗旛覽觀江山望中原從先二雛屬囊韃下睨豺虎猶齧吞新宮崇崇俯前軒揭名日星自今恩潢污之水薦藻繁哀歌節緩芬桂樽祥飈颯然下修門尙慰千載忠孝魂

傳

賀鑄傳

賀方同名鑄衛州人自言唐諫議大夫知章後故號鑑湖遺老長七尺眉目聳拔面鐵色喜劇談當世事可否不略少假借雖貴要權傾一時小不中意極口詆無遺辭故人以爲近俠然博學疆記工語言深婉麗密如次組繡尤長於度曲掇拾人所棄遺少加鑿括皆爲新奇嘗言吾筆端驅使李商隱温庭筠當奔命不暇諸公貴人多客致之方同有從有不從其所不欲見終不貶也初仕監太原工作有貴人子適同事驕倨不相下方回微廉得其盜工作物若干一日屏侍史閉之密室以杖數曰來若某時盜某物爲某用某時盜某物入於家然乎貴人子惶駭謝有之方回曰能從吾治免白發卽起自袒其膚杖數十下貴人子

建康八

十一

叩頭祈哀卽大笑釋去自是諸挾氣力頡頏者皆側目不敢仰視是時江淮間有米芾元章以魁岸奇譎知名而方回以氣俠雄爽適先後二人每相遇瞋目抵掌論辯蠶起終日各不能屈談者爭傳爲口實方回所爲詞章旣多往往傳播在人口建中靖國間黃魯直庭堅自黔中還得其江南梅子之句以爲似謝元暉然以尙氣使酒終不得美官初娶宗女隸籍右選李中書清臣執政奏換通直郎爲泗州通判悒悒不得志食宮祠祿退居吳下浮沈俗間稍務引遠世故亦無復軒輊如平日家藏書萬餘卷手自校讐無一字脫誤以是杜門將遂老家貧甚貸子錢自給有負者輒折券與之秋毫不以丐人其所與交終始厚者惟

信安程俱致道方回既自哀其平生所爲歌詞名東山樂府致道爲之序略道其爲人大槩矣而予與方回往來亦極歎乃復爲之傳使後世與致道序參見云

誌銘

夫人慕容氏誌銘

紹興九年某被命安慰江東選諸僚得上元丞趙君公泉識慮深遠儒學飾吏奏辟爲幹辦公事適值防江回祿事隨日生凡興葺悉委之十一年柘皋之役遣詣軍前計事聞其母謂之曰汝勿以我爲念當盡忠公事因與其子偕出門而之長子所某固敬之明年以疾來告繼聞不起某亟走介致贈未幾二子以周君葵之行狀來請銘夫人

建康八

古

之賢非某其誰銘夫人姓慕容氏河南人河南郡王延釗之曾孫祖□□父彥義母王氏夫人幼莊栗謹孝叔父尙書公諱彥逢爲擇配時朝議大夫趙君諱望之負賢德時承平諱言兵君推廣李衛公六花陣法以獻俾試中書尙書公遂以夫人歸之事二姑悉得其歡心閨門肅然朝議君以所生夫人捐館憂毀傷生夫人方三十躬蹈艱苦保養諸孤擇名儒以訓子故二子俱擢第諸女皆適賢士幹辦君初調隨州司儀曹事南道總管張忠文公叔夜辟置幕下力贊勤王從其行會有旨令回京師再告急忠文公領兵復勤王夫人長子時爲鄧州穰縣丞率民兵以從幹辦君奉夫人復隨道遇劇寇圍之數重皆失色夫人呼其

首至輿前告之曰京城失守兩宮北狩正忠臣義士取功名之秋況汝等皆國家兒郎何苦作此我長子已率兵勤王此次子也能從吾兒可轉禍爲福眾羅拜曰知吾母來故迎候耳非有它也夫人命幹辦君統之誓於眾南下至棗陽聞於州方以乏兵爲憂遂俾幹辦君帶兵知棗陽君朝夕訓練聲譽隆隆然薛廣王在不敢犯境從它道破隨君提師收復聞於朝道梗不得通明年新知州楊卓來交事侍夫人避地大洪不獨免於難卒保一城生聚夫人膽略烈丈夫有所不能晚年康強二子互迎之官諸婿亦顯士林榮之紹興十二年冬十二月十三日以微疾不起享年六十有五以二子陞朝封太宜人明年春二月九日丙申

建康八

古

葬於常州宜興縣永豐鄉太一山之原長男公某左朝奉郎新通判建康軍府事次公泉左承議郎江南東路安撫大使司幹辦公事女適進士沈師輿次適迪功郎褚震次適進士陳元基次適左承議郎直秘閣權發遣襄陽軍府事蔡安強次適從政郎錢露孫男彥衍彥衛孫女適迪功郎靜江府司戶參軍韓恂胄夫人平居寡言笑不見喜愠遇事英發訓其子曰持身以節儉爲先當官以勤恕爲本汝父用是道積以及汝究內典嘗自贊喜神曰丹青得意以爲眞一筆掃成身外身不二法中無這箇到頭那箇是眞形嗚呼女史所書嘉言善行固多矣未若夫人在父母家爲淑女既嫁爲孝婦相夫爲令妻教子爲賢母忠言可

以同強暴之聽高見足以脫危急之難斯可銘已銘曰

赫赫勳閥 慶源委長 奕世載德

纘懿流芳 篤生夫人 正靜慈惠

承上撫下 內行潛備 來嬪大家

令聞肆揚 禱姑焚香 旋獲感應

孝德彌彰 夙擇名師 用訓厥子

連登桂籍 侍迎就仕 中原多虞

挈家南來 遇事英發 狂暴亦回

深惟懿德 宜享百年 爰卜新宮

永豐之原 既固既安 克昌厥後

刻此銘詩 以昭賢母

建康八

十五

石林居士建康集卷第八終

右先大卿手編建康集八卷乃 大父左丞紹興八
年再鎮建康時所作詩文也別有總集百卷昨已刊
於吳興里舍姪凱任總司酒官來索此本欲實諸郡
庠併以年譜一卷授之庶廣其傳云嘉泰癸亥重陽
日銘謹題

建康跋

庚子十月命兒子升時等鈔訖
國史書目載石林公文集一百卷虞山桑思玄藏書
目曾有之思玄去今百有餘年已不可得此從毛子
晉家借鈔子晉得於建康焦氏焦乃漪園後人也噫
予末孫不克見先人之書又知交寡少無由訪求有
其志而無其力悲夫

二十代孫萬又名樹蓮謹識

建康跋

是本絳雲樓書目補遺載有先祖石林公全集百卷年譜一卷爲世間孤本 四庫全書已不著錄蓋亡佚久矣此建康集八卷相傳亦只鈔本多從吾家石君先生鈔本傳錄近時藏書家如陸心源爾宋樓所藏卽石君先生鈔本瞿鏞鐵琴銅劍樓所藏則從石君先生鈔本過錄之本因此上考乾嘉以前藏書家簿錄黃丕烈士禮居題跋記所載爲吳枚庵鈔本家調笙先生據刻者爲雍正庚戌二十二世孫啟祥鈔本及杭州汪小米遠孫元和朱述之緒曾二家藏本前皆有嘉泰癸亥公之孫籛跋蓋同一祖本也石君先生鈔自毛晉汲古閣見後手跋當時祇承燦淡生堂曹溶靜惕堂錢曾述古堂諸目載有此八卷本不注何

建康跋

三

時所刻則亦疑是鈔本此本爲黃虞稷千頃堂所藏卷首有海鶴道人四字白文印虞稷之父名居中字明立者之別號也又有俞邵二字白文印虞稷字也虞稷舉康熙己未博學鴻詞丁憂未與試以徐乾學薦起與修明史食七品俸事實載李集鶴徵錄卷末有二十世孫葉萬又名樹蓮一跋卽石君先生又名樹廉徐乾學澹園文集有傳虞稷福建晉江人僑寓金陵 四庫所收此書爲福建巡撫采進本殆卽從此本傳錄與此書存世絕稀吾家調翁所刻赭寇亂後世不多見則不絕如線也此猶宋本過錄中遇宋諱注書某祖某宗名知其所據爲宋刻善本鈔手亦是行家書估言爲善化張姓物張宦山東得之馬氏玉函

山房馬得之諸城劉氏卷頁破裂重裝復還舊觀因以六金購之吾家由衢遷吳世爲洞庭望族吳越族眾皆公裔孫吾家避亂徙居長沙每覽先世遺書有青箱世守之志不知子孫能寶護否書此爲之悵然庚子冬至後一日吳中裔孫德輝敬跋

建康跋

四

樂

心

洗

十

龜

忠

養

保

疾

吳興劉氏
嘉業堂刊

沈忠敏公龜翁集序

元樞忠敏沈公當建炎紹興間被題

思陵爲耳目股肱其勳業在朝廷其聲名在天下其風節挺挺特立號稱名臣蓋中興人物之冠冕吾鄉閭之光寵也紹興三年由吏部尚書奉祠歸里門伯氏桐廬丞彥衡字元規自公在憲府實客館下與其諸子游雅相好也時彥穎年十有五學於伯氏早莫見公來館舍相對無雜語論文說詩疊疊不倦尤喜論體製格律源流所自不務苟作每從旁竊聞之則知所忻慕焉時方亂定才大貢士游歷郡邑者以十數相與賡唱爲娛樂篇章流傳得輒誦記若其它文藁伯氏又能收拾藏於

翁集序

家得以時時覽觀顧方爲童子雕篆之習它未暇以學莫獲拜下風而請焉而公蓋嘗辱撫憐之曰是子可教也未幾詔起公鎮京口有還都爲天官掌內制遂持鈞樞位貌殊絕無所窺尋其聲光已剽聞君薨於位矣年甫五十二家在故里旁無壯子弟平生著述文字故多散落或爲親黨取去此得於所聞者如此而吾伯氏亦且下世諸子都未省事凡得公手筆起草與所鈔錄在紙者皆亡之雖往還尺牘無留者惜哉後亦十年當紹熙辛亥公之孫誦爲浙漕始能裒輯類次爲十二卷將以板行於世蓋其家所存止是矣以序見屬念自少小知敬重公今甲子一終既篤老矣撫往念舊安能無慨

然也公英邁絕人早以翰墨知名歷三院御史中執法排姦擊邪風彩峻勵觀所作中丞謝表有曰本以忠厚愛物之誠加之以正直事君之道故嘗爲之言曰此御史箴也或謂公在臺中論議少恕是何足以識公之心視草禁林得代言體親征詔書凡四方聽聞之者莫不感動流涕庶幾乎奉天之作此特私愛味之故云爾初衣冠南渡一時能言之士眾矣當其時儕流之所推稱學者之所宗仰如公者屈指幾人而後來或未之詳也傳世行遠其始自今公爲不亡矣公諱與求字必先其立朝出處之大節固哉之史官獨始初親見之幸夙昔願學之私因得自見於此十一月既望觀文殿學士

翁集序

宣奉大夫致仕吳興李彥穎序

沈忠敏公龜谿集序

叔椿少時聞龜谿先生以文鳴當世及長從搢紳賢士遊又聞以直道結主知以盛名諧人望由是歷霜臺冠常伯兼翰苑兩總天官進參機務再秉事樞崇論絃議鴻文大册天下傳而誦之謂常楊燕許復出矣叔椿每得一篇笥而藏之如獲至寶每以不及全見斯文為恨濼熙紀號之三禩參政姚公以天子大臣來守泉越數月政清訟簡出龜谿所為文十二卷命叔椿為之讎正玩味不能釋手留月餘始克歸其書又俾為之叙竊喜附名不朽有榮耀焉乃不辭而承公命嘗觀皇朝晏元獻公被遇仁宗而富文忠公繼登揆路冰清玉潤動業

龜谿集序

宏茂載在史册後世歆豔龜谿公丈人行也其名德相望前後輝映又能集其文而流布之益昭述作之懿願不遑歟先生諱與求字必先仕至知樞密院事紹興七年六月薨於位若平生出處之大方則有給事劉公一止狀其行事為詳茲不復列四年三月一日從事郎充州學教授永嘉張叔椿敘

沈忠敏公龜谿集目錄

第一卷

古詩

山西行

次韻劉殿院贈錢圃翁

遊玲瓏山因訪朱氏草堂

奉陪安守登膺原觀

觀網魚

子修步履相過屬疾不能倒屣戲贈

寄題淄川王景發肯光堯御名堂

何子楚為范明倫賦九疑石石吾不及見也讀

龜谿集目錄

詩可以知其嶭岨秀峙之狀吾累卜峰石為小

寒林興寄不淺用其韻并及之

次韻題沈傳曜瘦節堂

劉行簡見借詩彙以長句歸之

送章文虎秀才歸荆南

次韻曾守懷玲瓏山

何亨老築堂里第榜曰安虛蓋取司馬子微不

受外不逐外之說屬某賦詩以見意云

次韻何子楚食櫻桃

擬古

次韻黃子虛同飲葛次顏家釀玉友

次韻李元叔田邦鎮唱酬之什

讀成士毅詩卷和其書事一章

錢塘賦水母

泛舟村落阻風不能少進而菱梢芙蓉繚舷上

下篙人病之

夜坐感事

戊申初寒偶作

十里巖石壁

夜書山驛

績谿寨口

聞招寇

竅集目

寧國道中

夜宿千秋嶺下田家

谿上見梅

次韻張仲宗感事

次韻允迪祕監同年所寄會稽唱酬之什

鄭維心約趙安道中大家兄次律學士及僕探

梅城山乘月泛舟而歸

臘月二十六夜大雪投曉霽色恍然鳥語啁啾

便有春意感而賦之

次韻葛魯卿送示近作一通二首

葛魯卿再和復用前韻奉酬

葛魯卿再和復用前韻奉酬

奉題思上人妙峰堂

維心方刊正三國史某以精筆遺之蒙餉大篇

為謝氣格渾然三復感歎謾依元韻奉和蕪陋

增媿

長樂梁世則為余言林氏達觀樓橫海嶠天下

奇景也索詩為賦一章

和張仲宗送柯田山人歸隱

鄭維心用張仲宗韻見贈復次其韻奉酬

次韻葉左丞見寄

希顏提舉博士謁葉公左丞於石林公遺之詩

竅集目

屬余次韻

夾竹桃花

蠶

松下追涼

第二卷

律詩

呈唐子明同年

攝尉歸安呈江嘉

小雨

清明日曉晴

舟過荻塘

夏日書事

秋日戲呈蔣達可檢討

同官用僕秋日詩韻述懷因復和之

從劉殿院借書

過徐氏莊居

與道按田至湖山有詩凡九章次其韻

游天平山

白雲泉

題靈源寺

雲隱軒

題林屋洞口

谿集目

題靈祐觀

毛公壇觀

題上真宮

題華山寺

過徐氏郊居

到吳

感事

旦日趨府

次韻秀守苗郎中喜雨

次韻盧憲小雨

雨不止

新春書事

次韻盧憲春思

清明

報中有盛年休官者感而賦詩

有懷山中

次韻宏父喜雨

行簡以曾守韻見貽復和一篇

申應時以圖尋山圖所載湖之西谿也爲作二

絕句

客至具餉庖中止有豚肝客不食

次律兄持節燕山且調兩河兵賦喜而作詩

谿集目

喜次律兄見過

倦夜

單顏徒以盜失邑被譴 赦令復官喜而有詩

次其韻

土人臘蛙見餉爲作此詩

送別

莊子經解官作二詩道別有江湖蓑笠之句次

其韻兼敘離索

秉元以按田至村落有詩次其韻

巖桂

次韻行簡北城登眺述懷

行簡釋奠學宮登北城眺覽有詩嘗次其韻再和二章

曾守置酒月波樓以張倅至有詩命坐客同賦夜坐

曾守病日以治法與之有詩見貽次其韻

次韻曾守立春席上七絕句

月波樓

會景亭

次韻楊縣丞見寄

次曾宏父韻

曾宏父作詩別行簡索僕同賦

谿集目

六

曾宏父將往雪川見內相葉公以詩爲別次其韻以自見

舟行卽事

舟過北塘

羞墓朱買臣妻墓在嘉禾北塘

舟次吳松江

吳江阻雨過豁然閣次周廉彥韻

鏡上人頤齋

次韻江元壽題寧境寺湖光亭

舟中聞元用遂魁天下士論歸之輒成五十六

字呈宏父車馬至中都當舉似也

吳門別曾宏父

還憩湖光亭復次江元壽韻

次韻錢德初九日旅懷三絕

過嘉禾野塘

僕夫自燕山來云有次律兄書被盜失去

杜季習遊恆山謁府帥劉公輒次劉彥常韻作

二詩送之

董采大有詩紀吳江豁然閣舊遊索僕繼和

次韻河陽張先父秀才

託長興吳宰僦居

寄次律兄學士柯田山新居

谿集目

七

沈景修宗博示試院書事二章次其韻

次韻院中四絕句

石壁寺山房卽事

石壁寺

無言頌政以詩寄行簡輒次韻

行簡用前韻見貽復和酬之

過卞山次韻朱仰止澗亭絕句

昔年

秋懷二首

卽事

秋日閒居

送盧左司赴闕舟中口占

野外罕人事

過竹西

贈老禪

成士毅校登真訣垂就為此詩問訊成欲卜居三茅

謝葛魯卿雪中遣介送酒

第三卷

律詩 長短句附

正月十四夜觀鐘南寺子虛有詩次其韻兼呈

駿發次顏

再用子虛韻和呈駿發次顏

綵集目

子虛復有詩再次其韻

次夕雨作用子虛韻奉懷次顏知魚軒小集

別羣從

瓜步

將達行在所

陳子尚博士休官還京口作此詩餞之

得家書

觀瓊花

卽事和卓彥翼

卽事

次桐廬

於潛道中

新城道中

宿葉璋橋菴舍

水閣小憩

祁門道中遇雨

東西二林寺

千秋嶺錢氏嘗築四壘以限江南比者盜發旁近復於此守禦

次韻鄭維心臘月十六日有作

次韻避寇二首

游城山夜歸泛舟南谿

次韻李通直題慈相寺雪月亭

谿集目

扈 御舟泊錢清江口值雨

過平望

次吳江

冬至遇雪題明因寺僧房

方允迪隱鷓鴣谷江子我子之劉希顏行簡皆

往依焉爲此詩寄贈

八月十七日扁舟渡錢塘江

允迪招行簡卜居鷓鴣谷僕意羨之作詩送行

兼以自見

維心過邵子非谿亭夜話有傷時感舊之作索

余次韻

劉希顏持節按縣招維心舟中小酌次維心韻
子虛航重湖之險遠過山中輒次維心韻以謝
次韻學士兄見一亭

次韻學士兄述懷

次韻黃子虛所居隨緣堂

次律兄餉魚魚不至而詩至頗類南海使君送

酒輒成二絕一笑而已賜茗少分以報厚意

曉過鄰村

卽事

過梅知宮東軒

允迪遣書問訊并寄示與子我唱酬佳句猥及

谿集目

微蹤輒用廬字韻爲二詩以報嘉惠

書懷三首

劉希顏提舉見過出示卞山居二詩次其韻

張仲宗有詩懷歸因次其韻勉之

南北山探梅俱未花維心從家圃折數枝以餉

坐客蓋半開矣會次律兄有詩輒次韻

次韻鄭維心探梅未花

復次韻呈維心拙澀不工當爲抵掌

次韻維心憶梅

次韻行簡懷次律兄

邵子非謂予有天台之行見賦以詩次其韻

次韻劉希顏蠟梅二絕

次韻雪

月下獨步

次韻次律兄除夜述懷

次律兄以蘆蕪見餉并有詩次其韻

次律兄以鼠盜防風感而作詩命某同賦

戲酬嘗草茶

某蒙學士兄相要陪賞芍藥花多白者月色相

射光彩映發殆玉盤孟之苗裔耶維心有詩輒

次其韻

谿亭夜坐

谿集目

松架

代人作壽詩

張倅生日以詩爲壽

詩悼鄒仲容教授

徐縣丞挽章

蔣司成挽詞

曾逢原挽詞 代劉侍郎

安次山挽詞 代劉侍郎

劉資政 軫 挽詞

挽詞二首

吳宜人挽詞

長短句

浣溪沙和鄭慶襲雪中作

葛使君示書有元夕寒廳孤坐之歎昨日石林

寄示所和長短句輒亦次韻和呈因以自見窮

寂之態

又和葉左丞石林

第四卷

內制

除郭仲荀武泰軍節度使依前侍衛親軍步軍

都指揮使權主管殿前司公事制

賜朱勝非辭免新除右僕射不允批答

谿集目

十一

賜席益辭免侍講不允批答

賜參知政事孟庠辭免通議大夫恩命不允詔

再賜孟庠辭免不允詔

賜新除翰林學士知制誥綦密禮辭免恩命不

允詔

賜新除禮部尚書洪擬赴闕詔

賜新知平江府趙鼎辭免不允詔

賜尚書左僕射領江淮荆浙都督諸軍呂頤浩

生日詔

賜敘復平海軍承宣使蘭整辭免恩命不允詔

賜張深程唐劉子羽獎諭詔

賜新除慶遠軍節度使充醴泉觀使特封德清

縣開國子食邑五百戶食實封二百戶邢煥辭

免恩命不允詔

再賜邢煥辭免不允斷來章詔

親征詔

賜川陝宣撫處置使司詔

親征戒諭州縣詔

招從僞士大夫詔

賜吳玠詔

賜韓世忠詔

賜張浚詔

谿集目

十三

賜三省銓擇監司郡守詔

賜張浚詔

賜劉光世韓世忠張浚詔

賜李綱詔

第五卷

內制 表附

賜岳飛詔

車駕進發賜臨安府詔諭

賜劉光世張浚詔

賜李綱詔

賜呂頤浩詔

賜劉光世詔

賜交趾郡王李陽煥歷日敕書

賜武泰軍官吏僧道耆壽等示諭敕書

賜吳玠王彥關師古獎諭敕書

賜朱勝非辭免右僕射恩命不允口宣

賜郭仲荀辭免特授武泰軍節度使恩命不允口宣

口宣

賜孟庾辭免進通議大夫不允口宣

賜邢煥除慶遠軍節度使充醴泉觀使辭免恩

命不允口宣

上 太上皇帝表

谿集目

上 太上皇后表

代高麗國王王楷表二首

內中祈禱感應改謝道場開啟詞文

內中祈禱感應青詞

冬至御侍已下賀 皇帝詞語

代賀元會表二首

代賀收復杭州表

代提舉常平謝到任表

代謝賜出身表

代謝轉官表一首

代賀南郊禮成表三首

代賀明堂宗祀禮成表

代賀天寧節表

代謝侍講表

爲吏部魏侍郎謝表

爲魏侍郎謝得請宮觀表

爲顏左丞謝賜生日生餽表

爲顏左丞謝賜生日生餽笏記

第六卷

表

謝除御史中丞表

謝賜對衣金帶鞍轡表

谿集目

謝除吏部尚書兼權翰林學士表

謝兼侍讀表

謝除職名宮觀表

賀冬至節表

謝知鎮江府到任表

謝除吏部尚書表

謝除兼侍讀表

辭免除參知政事表

謝除參知政事表

謝賜牙簡金帶表

謝賜生日羊酒等表

十五

辭免羈從轉官表

謝履從轉官表

謝賜 御書車攻詩表

謝賜生日禮物表

謝除職名宮觀表

車駕巡幸平江府起居表

轉官許回授與兄謝表

辭免除同知樞密院事表

謝賜生日禮物表

謝除同知樞密院事表

辭免除知樞密院事表

谿集目

謝知樞密院事表

第七卷

奏狀劄子

殿中侍御史乞宮觀劄子

辭免除侍御史劄子

辭免除侍御史奏狀

侍御史乞宮觀劄子

辭免除御史中丞奏狀

除御史中丞舉左司員外郎潘良貴自代狀

辭免除吏部尚書奏狀

辭免兼權翰林學士奏狀

十六

除吏部尚書舉左朝奉大夫直龍圖閣辛炳自代狀

代狀

辭免侍讀奏狀

乞罷除龍圖閣學士荆湖南路安撫使兼知潭

州奏狀

除龍圖閣學士舉左奉議郎莫仲珪自代狀

辭免吏部尚書奏狀 知鎮江後除尚書辭免

辭免吏部尚書第二狀

除尚書赴闕奏知狀

辭免侍讀奏狀

除吏部尚書舉度支郎中李元湑自代狀

谿集目

辭免除兼翰林學士劄子

辭免除參知政事劄子

辭免賜金帶劄子

辭免轉官劄子

辭免支賜劄子

與左相等為亢旱乞罷政劄子

再與左相等乞罷政劄子

乞外任宮觀劄子

謝賜鍍金銀鞍轡奏知劄子

謝賜 御書車攻詩劄子

乞出劄子

十七

乞出第二劄子

乞出第三劄子

辭免賜生日禮物劄子

乞出第四劄子

乞出第五劄子

乞出第六劄子

乞出第七劄子

乞出第八劄子

第八卷

劄子 啟

辭免除資政殿學士知明州劄子

辭集目

十六

辭免除資政殿學士知明州第二劄子

辭免除資政殿學士知明州第三劄子

辭免轉官上宰相劄子

辭免 敕令所修書成轉官劄子

辭免 敕令所修書成轉官第二劄子

辭免 敕令所修書成轉官第三劄子

乞回授 敕令所修書成轉官與兄監獄劄子

辭免除在京宮觀侍讀第一劄子

辭免除在京宮觀侍讀第二劄子

為病未及朝見奏知劄子

辭免除同知樞密院事劄子

辭免除知樞密院事劄子

啟

代賀帥臣平寇啟二首

代漕臣謝寇平除職啟

代賀人得郡啟

代賀兵部尚書啟

代賀中丞啟

代賀林中書知揚州啟

代人與尚提學啟

代人轉官賜第謝宰執啟

代謝除發運啟

辭集目

十九

代謝轉官啟

代賀翁中丞改知杭州啟

代賀胡提刑啟

代賀張舍人啟

代賀韓舍人啟

代賀宣撫啟

代賀太宰啟

代賀少宰啟

代穎州王待制謝執政啟

代賀右丞啟

為戶部葉尚書回諸路使者啟

代謝還任啟

第九卷

啟

賀除留守啟

問候中書啟

賀漕使加職啟

謝薦舉啟

謝運使差權知縣事啟

問候運使啟

新令遠迎啟

賀毛給事啟

谿集目

賀賈舍人啟

謝改差常州學官啟

賀馮承旨啟

賀新守盛學士啟

賀盧左司啟

賀毛顯謨知鎮江府啟

賀正啟

同前

謝祭酒舉改官啟

謝蔣迪功啟

賀盧舍人啟

賀周司業啟

賀林資政除南京啟

謝薦舉啟

賀毛顯謨除真定帥啟

賀盧給事啟

賀黃司成啟

賀湖守葛待制啟

賀盛守再任啟

第十卷

啟 狀附

謝運使胡修撰舉改官啟

谿集目

賀年啟

謝秀守苗郎中舉改官啟

謝運使王待制舉改官啟

賀提刑啟

賀沈狀元啟

賀左丞啟

賀張狀元啟

賀凌先輩啟

謝黃子虛學士啟

謝曾顯謨啟

賀趙參政啟

知鎮江與戶部姚侍郎先狀

知鎮江通用謝狀

知鎮江與韓帥先狀

知鎮江回人賀啟

知鎮江府到任謝宰執啟

問候劉帥啟

除尚書回人賀啟

回孟參政啟

謝席參政啟

謝前宰執啟

謝劉宣撫啟

俗集目

回汪相公啟

回知福州張參政啟

回李觀文啟

賀孟觀文啟

謝送生日詩狀

回路樞密謝復職啟

回折樞密啟

轉官許回授與兄謝宰執啟

賀張參政啟

回賀正狀

回趙相公啟

與浙東安撫趙相公啟

知樞密院回前執政啟

趙相公

韓宣撫劉宣撫

李相公席參政

孟留守

李尚書

第十一卷

雜文

湖州德清縣重修孔子廟碑

披雲樓記

俗集目

水陸報應記

劉希顏真贊

葛魯卿研銘

客游玄都賦

鏡華賦

天寧節致語

館待接伴少卿樂語

館待高麗進奉使樂語

辭林二太尉特排樂語

館待杭帥樂語

秀守館待交代樂語

代天寧節功德疏

乾龍節開殿疏

乾龍節滿散疏

天申節開殿疏

進天申節功德疏

泗州傳衣塔祈雨疏

昊天殿祈雨疏二首

三清殿神霄殿祈雨疏

佛寺祈雨疏

代修武烈帝廟疏

奉迎嘉山龍井水祝文

谿集目

金山廟祈雨祝文

太學秋試策題

召試館職策題二首

擬 御試策題

第十二卷

朝請大夫盛公行狀

朱夫人墓誌銘

黃直閣墓誌銘

祭張提舉太碩人文

祭陳述古墓文

祭馮中書文

爲侍從官祭中書張侍郎文

爲侍從官祭郭樞密文

祭劉資政文

焚黃祭文二首

權殯告淑人范氏文

安葬亡妻范氏祭文

焚黃祭文

曾祖太子太師

曾祖母同安郡夫人方氏

祖太師

祖母魏國夫人孫氏

先考太子太師

先妣濟陽郡夫人丁氏

通議郡夫人

谿集目

追薦亡妻淑人范氏設醮青詞

生日設醮祈福青詞

定親書二首

回定書二首

二十五

沈忠敏公龜谿集目錄終

沈忠敏公龜谿集卷第一

古詩

山西行

山西健兒好身手氣如車輪膽如斗十五射獵少年場
戲格黃熊同拉朽二十竄名尺籍中鐵馬追風快馳走
臂弓腰箭了一生只喜論攻不論守兵符夜半出轅門
將軍令肅誰敢後自誇豪健天下無誓為官家掃羣醜
蠻夷共事古來危監軍巧落胡人機黑山未靖黃河沸
胡塵倏忽連紫微長驅中州斥候絕已聞飲馬金明池
种家猛將忠貫日髮上衝冠頤指揮主辱偷生事不武
壯士裂眦爭相隨東跨潼關達上國城頭夜插將軍旗

谿集一

嘉業堂校刊

諸胡下馬拜吾父請成退舍纔有期肉食謀國帝子質
勒兵不動護送之壯士束手猛將死胡來侮人猶小兒
明明 二聖堯舜主天翻地坼徒爾為天翻地坼徒
爾為北望血淚滂兩頤 眞人中興似光武赤眉青犢
折箠笞一呼奮擊肯效死風鶴向信鷲王師嗚呼何為
背征討紅帕莫兜整半為盜東家昨夜虜小姑西婦
朝逢握刀笑錦衣玉食事奢侈翠眉紅頰資疆暴黃屋
今懷肝食憂忍與豺狼活逢藿時危宜爾悍且驕側耳
試聽哀痛詔五陵佳氣自慙慙為雪大雠安九廟

次韻劉殿院贈錢圃翁

少日從畦丁頓悟園官理稔韭記春秋蔬食聊爾耳十

年困塵埃幽事同脫屣一飽不可謀清瘦只如此仰止
長城翁趣尚兩奇偉弱冠事筆耕晚仰行六紀晚以圃
自娛扶鋤寄深喜柔風蔬甲怒細雨蘭芽美小摘定可
供餘事不掛齒那復肯著屐而一到城市為計一何疏
行須傳高士木茹忌太潔肉食忌太鄙安得從公游遠
傲於陵子

遊玲瓏山因訪朱氏草堂

平生正壑心餘事不掛目藜杖南山來要使富幽矚異
哉小玲瓏蟠峙蒼弁腹修藤結懸巖飛溜響空曲伏石
卧虎狀騰拏雜奔鹿呀然互吞吐側路劣容足拂拭古
蘇紋字刻翳新綠標榜玲瓏名奇怪殆天屬捫蘿上絕

谿集一

二

頂坦坦類平陸俯首瞰來蹤穹然在幽谷傳聞昔逋客
誅茅此營屋清魂不可招千載想遺躅我思造物巧妙
供幽人祿揮斤役山祗斷此一拳玉雲總與霧閣一一
相亘屬豈無部曲眾猿鶴即更僕豈無節旄貴松檜自
張纛此事久棄置蛛絲網屢麓翩翩佳公子心古韻不
俗駕言脫華簪茲焉卜幽築終日面嶺岼世故豈容觸
指點空洞姿喜氣政堪掬挾策校昔游健步念須續亦
有招隱詩薄暮不可讀

奉陪安守登廡原觀

江南多佳山駢首闔城郭緬懷在坦夷要使一見廓邦
侯王事餘幽致到正壑散策占城陰含睇及民瘼愛此

郊原平臨富耕穫飛觀儼下臨丹碧盪霄堦野色四
座浮胷次潛領略千畦雲弄黃歲事初不惡斗酒行勞
農歡謠入黼黻勝地惡發揮波神覆爲虐蕭辰誰與娛
一笑寄華酌落日耀旂旂輕颯漾簾幕卷白起壽公歌
聲渺林薄老農止勿狂嗣歲有真約

觀網魚

暗雨垂垂梅欲黃春山吐源春漲狂雪鱗頰尾泝流上
吹濤噴浪能奔忙魚師布網名白大萬目井井連重綱
聯艘絕流勢甚武遮羅初若無留藏大魚已得小魚棄
要使遺育充陂塘鰓鮪安用誤回避鰓蟹亦復虛跳梁
寧知不比綸索手欲以巧餌空滄浪

翁集一

子修步履相過屬疾不能倒屣戲贈

簿書日在手佳思挽不留而能痛撥置時來訪清幽古
木占城陰一曲縈寒流落影插清泚綠蔭亦已稠結亭
坐蟠石傲兀忘拘囚雄談功名外俊氣橫九州事故未
應爾長恐坐阻修造物小兒相妬我得暫休河魚竟中
潰午枕猶扶頭雙鳧飛鳥聲歷歷過牆陬此興豈復淺
何當起從遊試令開丈室子能問疾不

寄題淄川王景發肯綮名堂

深林藝松柏不數櫟與樗坐待十畝陰等爲匠氏儲寧
復知種德責報不厭徐名令後必大善積慶有餘於焉
望豐屋政可增修閭王孫世東州奕奕盈簪裾金埒通

里巷珠樹連階除賢哉景發甫爽爽眾莫如直氣薄霄
漢妙語鏘瓊瑤定知磊落人一見懷抱誰謂我架華堂
映發先人廬揭名取肯綮光堯名蓋念經營初堂前植桃李
堂上羅詩書桃李意取適詩書計非疏諸郎自蘭玉舌
耕起蓄畚吾詩以爲箴會見聯高車

何子楚爲范明倫賦九疑石石吾不及見也讀詩

可以知其嶮岈秀峙之狀吾累下峯石爲小寒林

興寄不淺用其韻并及之

我弁千峯倚天碧上有修筠材可篲月明三弄面巉巖
驚起哀猿啼峭壁兒童斲石攢青瑤寒林蕭蕭吹墮樵
坐令結習落幽夢芒鞋竹杖歸路遙覺來隻影徒相守

翁集一

四

哦子清詩筆如口眼中何必小玲瓏仿像九疑當戶牖
神丹已失大江濬誰與安期追後塵分天隔日不可到
使我目斷蒼梧雲

次韻題沈傅囉瘦節堂

平生一字不療飢誰云諫駁能瓠肥牙籤玉筯五鼎食
是中有趣非錢癡萬事顛倒絕可嗤此腹卻受將軍譏
吾宗酷似騎曹掾俗物紛紜那復看眼中但有瀟灑侯
高節亭亭真老伴山澤形容坐一癯相要檢校還丹書
食薇飲水笑多事知君此計誠非疏

劉行簡見借詩藁以長句歸之

文章偏忌聲名早富貴政須門第好可知二物不相關

風月膏梁兼者少劉郎天韻真不凡飛騰宜在蓬萊島
年來窮愁已到骨只有珠璣落殘藁紛紛餘子何能追
定向詩壇分六爨造物小兒亦薄相浪付繁華給揮掃
卻令徑坐詩人窮只與清冷消熱惱向來狗監非同邑
渴盡文園尚傭保九原千古忽可作如君自是不枯槁
茅齋夜誦誰得聞咄咄空能訴穹昊請君更作升天行
勿使貧胡彊知寶

送章文虎秀才歸荆南

我生本吳儂搦筆追楚些佳人脫塵屣幽韻恥獨和君
家楚江湄詞語亦頓挫學海富探討渠數百紙過春風
歸鳳城欄具恰解馱此地初識君細語輒三賀冉冉歲

谿集一

五

已道雲山憶高臥翩然理歸裝餘事等棄唾文園久堅
壁定恐一戰破行矣儻復來憑將楚詞課

次韻曾守懷玲瓏山

泉石有膏肓料理費和緩風埃客子游夢想略相半端
如饜羊酪投匕念鄉饌懷哉小玲瓏舊賞記酣宴玉女
下雲窗輕我年未冠誅茅老三闌此意已懸斷少須草
堂資兩足那可絆謝公愛東山自結尋幽伴詩筒忽相
先紙價豈容賤流傳從使君感此歸思亂顛蘭躡危根
漱石俯長礪野性等麋鹿百嗜寧食薦攬衣中夜興測
漏疾流眇局步愧驚筋卑飛傷短翰正使屐齒折未救
斧柯爛時節脫復徂遲莫空浩歎何當脂下澤去路鬱

交貫

何亨老築堂里第榜曰安虛蓋取司馬子微不受
外不逐外之說屬某賦詩以見意云

幻境如羣狙喜怒眩名實憐渠干劫迷墮此一念失世
路波濤翻時事風雨疾胡為隨物遷坐此方寸室使君
超世姿軒裳起儒術神交赤城仙妙解窮隱密向來心
泰然初不計升黜危堂榜新顏要以名自律窗扉敞深
明空華亂初日變滅驚須臾蔽虧隔纖悉了知內觀融
天光發虛室山林猿鶴儔廊廟鷓鴣匹靜躁塗或殊出
處心本一清都五城開真仙羅輔弼行矣朝紫皇啟沃
造前膝功名戲劇成志願談笑畢七年容買鄰儻不做

谿集一

六

蓬華

次韻何子楚食櫻桃

輕衫駿馬飛彈丸上林花開紛繡團御廚賜筍未解籜
山櫻亦復登金盤櫻筍廚事見素中贊時記宗廟薦新勤玉路凡果
紛紛不論數風清日美雨絲收朱實烘春然綠樹筠籠
采擷價萬錢北人羊酪雅所便自從燕罷曲江曲故事進士
賜櫻五湖十載身回旋已作孤蓬任流轉萬顆徒勞野
人獻故無清夢大明宮醉倚醜顏浮玉盃

擬古

日月雙高懸朝昏自升沈有如轉輪引絙環相尋而
我生其間所閱幾古今爾來三十年又作裘氏吟眠飯

寄編簡此身疑白蟬皇皇走四方誰是真知音語欲離
舌本退縮翻如瘖涉世聊爾耳依阿亦何心託質既已
迂自謂百鍊金恥作渭水鉤寧爲太阿鐔用捨安所之
齒髮忽已侵日月不我留潛然涕盈襟

次韻黃子虛同飲葛次顏家釀玉友

先生早年忘掃白懶飯青菁借顏色獨餘驩伯爲友朋
熟不暇笏巾自瀝何須引泉連百井飲若長虹太豪猛
細樹玉筍滑無聲酌我應憐官獨冷奇篇更寫陟釐黃
逼人心地生清涼了知二事盡家法眼饒徑索銀瓶嘗
我老華池少滋液年來愛酒如偷蜜陶然一醉樂未央
此外要知俱長物相期徑造君勿違坐得名勝從忘歸

谿集一

七

公侯似聞勸設醴穆生正恐同分攜

次韻李元叔田邦鎮唱酬之什

李侯少年真自喜收名擬擅東南美大科異等不作難
堂堂奏賦光明裏眼看斗粟飽侏儒空腸殷雷歸著書
胷中未減食牛氣出手一擲當成盧只今聊問復何如
李比要辨蟬蠹資軒渠刺頭文字亦瑣碎澤吻快意回
焦枯

大雅寂寥誰發喜逆折波瀾須子美晚分一派大江西
約束曹劉歸句裏武安耳孫有驪僞載行無多一束書
蹇驢破帽踏城市腰閒劍緜鳴湛盧叫闢自薦久未偶
淮南叢桂猶關渠雕鐫戲出鄉學餘掩面笑余詩并枯

讀成士毅詩卷和其書事一章

長年賦子虛狗監絕同里杯水聊自酬博士一笑喜副
墨粲我前頓使百廢起朱弦沙遺音御勿娛俗耳論交
儻自今相從期暮齒

錢塘賦水母

疾風吹雨回江城鱗牙嘔啞潮欲平客居喜無人事攪
相與環坐臨前楹眼中水怪狀莫名出沒沙莆如浮罌
復如緇笠絕兩纒渾沌七竅俱未形塊然背負羣鰕行
嗟其巧以怪自呈凝目懽視相將迎老漁旁睨笑發聲
曰此水母官何驚江流如奔絕滄瀛潮汐往來月爲程
藏納眾污無滿盈浮埃沈滓溷九清結成此物宜昏盲

谿集一

八

使鰕導迷作雙睛乃能接迹蚌與蛭亦猶巨蝨二體并
離則無目爲光精江天八月霜葉鳴罟師得鰕供水征
水母棄擲羅縱橫試令收拾輪庖丁絳馨收涎體紆縈
飛刀鏤切武火烹花羹釘餛飩粲白英不殊冰盤堆水晶
稻醯齋寒芼香橙入齒已復能解醒遺漁止矣勿復評
嗟哉此性愚不更定矜故態招三彭且摩枵腹甘藜羹
泛舟村落阻風不能少進而菱梢芡莆繚絳上下
篙人病之

艇子掠岸行水瘦不濡尾狂風振疏蓬獵獵鳴兩耳十
篙八九褪逆勢何乃爾野焚伺吾閒回梢哆利莆亦有
芡浮角一一肆輕鄙初欲事幽尋解纜出疏葦乘流覓

清淺濯纓助深喜事有大不然移頃未離咫安得望蓬萊
巨艦破湖起征帆駕長風一日三萬里

夜坐感事

沈沈夜氣歸虛堂閉深寂孤燈地餘花寒雷韻殘滴醞釀萬斛愁感慨一人敵何當棄短檠陰山叱鳴鏑

戊申初寒偶作

去年十月冬猶溫單衣曉出錢塘門攜孥僅脫餓虎口
更吟楚些招鶯魂兒女爭從亂離苦伊啞遶膝多語言
舟行畏塗侵夜泊孤燈明滅何處村蕭蕭細雨疏葦響
風力漸搖枯柳根失聲號寒泣龍具促權傍險爭前奔
還家依然四壁立故衾敗絮那忍論無衣豈暇具裘褐

谿集一

九

海國坼裂波濤翻天公戲人亦太虐雪花徑尺連上元
今年十月事羈官兩腳如舊身大存紙窗寂歷風竹嘯
古木中夜號空圍旅人不眠毛骨冷撫事念往多煩冤
吾儕小人不諭數豺狼滿目哀王孫似聞易水寒墮指
北望大漠煙雲昏安得壯士馭入駿沙蟲猿鶴俱騰騫
歸歟莫如中土樂天子孝友朝廷尊坐令鐵衣掃蟻蝨
四海挾纊懷君恩

十里巖石壁

巨靈手擘青瑤璞平削無痕看斧鑿六丁取將天路遙
雷電收威半空落至今峯嶺橫道旁絕壁萬仞青茫茫
倚天屹立不可近下視培塿如羣羊薜花爛斑風雨漬

藤梢天矯蛟龍戲中開微竇走鳴泉白虹吞吐口口氣
泉流萬古潭水深山寒無風鬱沈沈下田納納禾稼茂
發源漑口初何心峭直誰令據當路松柏蕭森半煙霧
猶恐夜深魍魎驚更遣山靈謹呵護

夜書山驛

天寒夜向闌月出山更靜風露搖青空萬象光耿耿啼
蟹泣幽草賓鴻度前嶺歸來坐孤窗松竹舞清影

績溪寨口

青嶂插天塹白水翻地軸回環壯哉縣不許飛鳥觸往
年羽書馳盜發清溪曲先聲雜妖幻餘黨萃符祝控攘
最旁近被害良慘毒聚落燼煙空生齒塗炭酷豈無山

谿集一

十

川險會有法令束百年不用武駢領甘此辱至今風雨
夜猶聞鬼羣哭遺俗感舊憤禦盜勇氣足大兒佩刀劍
小兒利鋒鏃老翁筋力衰奮挺怒張目營寨人自成不
待官期促矧今天驕橫灑涕國步蹙豺狼據道路虎兕
出林谷儼持復讎心公戰圖報國

聞招寇

絲林煽餘習無乃國計左誨盜爵秩崇納叛金繒夥戢
姦在斧鉞賞誘詎云可萌芽緩繇鋤猖披費結裏戰多
數招安奚用腰箭筈悍兵昔已然黠將近亦頗昌言假
報國涅面刺投火豺狼奮哮噬蠶蠶利掀簸橫行入通
邑焚掠窮委瑣况聞南陵寇執事初意情出沒勢已張

翦滅計未果宣城俯百里千室盡奔釋王事吾有程馬
頭載印顛叱馭疾其驅語言紛炙輶何當說熊豸一洗
根本禍

寧國道中

山石舉確行路難山風蕭蕭吹早寒十步九歇僕馬瘁
兔蹊鳥道窮躋攀巖谷空籠瀑泉走碎玉零亂飛前灘
石隄捍水幾百級落處疑有蛟龍盤兩山之閒開畝畝
石罅著鋤那得寬前村後村煙火冷土牆茅蓋常掩關
我行不知記近遠官游歲晚良自歎豈如家家一飽外
雞豚社酒相追歡那知亦有簡書畏里胥剝啄驚口顏
夜宿千秋嶺下田家

雞集一

十一

陰壑來悲風薄莫吹急雨冥冥攬寒色咫尺暗山路茅
簷兩三家曲澗縈竹隔停車遣問訊欲止此何許老翁
行步弱扶杖倚門戶問我官何忙野宿今無所向夜號
孤狸深林嘯豺虎甘心在擇肉鬪首輒憑怒駕言往何
之一榻翁敢拒延我傍中堂慙慙慰良苦解衣土銼旁
支枕憩行旅昏然飽安眼境寂絕猜怖雞聲報明發征
車犯寒去呼燈別老翁鼻息方栩栩

溪上見梅

晴溪漲淥如陰苔晴山插影相低回畫船疊鼓順流下
波光浩蕩征帆開灘縈岸縹緗牙轉水石相激如奔雷
須臾已復過絕壁歸路漸近嚴陵臺山重溪複境彌迴

暗香忽自空中來日斜正見叢棘外炯炯疏片飄寒梅
槎牙一種獨愁絕含情不語明巖隈凌波疑是水仙出
縞衣素質行徘徊下窺清淺一笑粲坐使凡卉俱塵埃
山谷之儒已矐甚龜腸鶴骨世所哈相逢頓覺百憂釋
不嫁春風誰與媒舟行易遠空回首角聲吹夢心悠哉

次韻張仲宗感事

諸侯救周衰能事存筆削後學競專門庸引迷注腳寧
知懼賊亂誅意未爲虐 上皇志包荒大度示恢廓
誤墮虜計中九廟施箭鏐將臣擁彊兵首鼠事前卻專
雄懷顧望散黨失歸著坐令兩宮車北轅狩沙漠天王
紹絕統憤此國勢弱嘗膽復大讎此意良不薄向來督
眞姦國典猶關略羣公爭護前循習久彌確黃屋泛滄
溟黔首寄繒繳世無管夷吾老眼雙淚閣何當誅賞行
浩歎成嗚噓大明還中天冰雪自銷鑠

谿集一

十二

次韻允迪祕監同年所寄會稽唱酬之什

秋鴻度寥廓天遠勞目送燕雀各有謀墮此朝舖供平
生江海游往事恍如夢簪裳彊結裏翰墨困嘲弄一官
冗不治匹馬旁無從迷行落小劫直意識大洞似聞脯
麒麟頗欲翳鸞鳳眼無行祕書此語誰與共貧知世路
艱老覺交情重功名等戲劇射覆偶微中龍媒駕鼓車
歎段朱絲絳南游探禹文聊得登覽縱時危要奇策塗
窮勿長慟相期論少卑材大古難用

鄭維心約趙安道中大家兄次律學士及僕探梅
城山乘月泛舟而歸

窮居不厭車馬絕委巷衡門常晝閉朝來剝啄誰過予
倒屣逢迎走驚蹶里中勝士真可人爲憶寒梅耿殘雪
招呼聞早探幽芳平溪徑遣扁舟截西山佳處雲隴深
松竹蕭森迷洞穴上方小閣鏤空明開窗下見千山列
畫手無人貌平遠野闊天多供一瞥冰花只作小寒枝
拄杖不辭穿巖僻野僧省事畏客狂攀援自向南枝折
疏香低入坐中來骨冷肌清伴高潔襟期況有公子賢
伯也雄豪負奇節手拈凍蕊薦深杯妙語琅琅契禪悅
人間此會不多有忍放杯空成小別歸來懷抱與誰論

谿集一

七

一權翻然載明月

臘月二十六夜大雪投曉霽色恍然鳥語啁啾便
有春意感而賦之

黃昏雪打窗夜雨破幽夢晨光逗簷花霽色恍池凍老
木驚向榮好鳥發微啣草根露纖芒蟲聲試羣哄空畦
土勻酥側瀾泉流漣臘盡殺氣衰春歸生理共人情自
多端天意皆曲中懸知道造物公未厭萌區艱難重時
節俯仰疲迎送心閒數造化骨寒遭鬼弄那驚梅柳新
但飽藜藿俱行須過田家泥飲空社糞

次韻葛魯卿送示近作一通二首

入鷗盡屏如紫策微步招尋老賓客離離草色亂溝塍

脚底春風隨蠟屐蟄龍昨夜起涇潭忽雷閃電飛千巖
朝來遺珠落懷袖復見國風歌二南公洗膏肓砭傳瘳
詞伯儒宗蚤揚歷詩成聊復貯錦囊副在久應藏石室
只今漂泊客煙村高哦七字哀王孫有如此言公不食
東山那得留安石公詩慨然有濟時之志
君侯胷次多籌策歲晚翻爲江海客小隱方營一把茅
公詩爲結屋幽尋定費幾兩展公心落月印寒潭出濟
景山而作 巨川歸築巖追還正始遊戲事聊爲風騷作指南我有
幽憂如酒癖起誦君詩春寂歷天公下取氣凌雲神物
護持光滿室老矣懷歸對上村倚公佳句譜桐孫須公
拯危紓肝食快寫車攻刊樂石

谿集一

七

葛魯卿再和復用前韻奉酬

上謁軍門宜杖策誰爲兵家分主客點虜翻乘下瀨船
幽人退整登山屐山泉聞似百花潭山曲盤回十里巖
正壑夔龍人太息那將捷徑比終南吾邦舊事論三癖
見劉夢得與湖州崔員外詩 佳處還堪記遊歷深譏表餌誤朝廷急
贊丞嘗安廟室避地來居水繞村鳧鷖哺子竹生孫首
藉堆盤從野食人愛當年二千石

平生自媿無奇策魔去徑須呼逐客兀身聊欲避風塵
作意何能分履屐驚魚畏網伏深潭窮猿失木號重巖
殺氣漲天消息斷但想滄海浮東南囊無一錢銷錢癖
鮭菜腥人今齒歷忍言走馬過章臺空駭祝雞餘土室

僧父嗔僕語帶村錦心繡口拜天孫端爲遠謀箴肉食
誰能饒舌攻牢石

葛魯卿再和復用前韻奉酬

聞公卜居問龜策隱屏畏人呼重客閒招溪友鐵頭航
戲躡鄰娃金齒屐舍旁修木蔭風潭坐有郎君掣電巖
已將此段慰偏仄更爲岑參來巷南細說當年陳類癖
釋爲癖伏閣忿爭書日歷國醫袖手藥籠空掛壁猶餘
弓矢室吾州萬落與千村以葛名兒浸及孫到羊擊豕
作寒食定恐酌公忘斗石

小檻觀魚呼策策來伴漁蠻作逋客風回別浦有飛帆
雨濕斷隄無響屐夢回春到放龜潭潭上雜花開石巖

谿集一

五

十椽老屋煙燼滅越鳥無日忘巢南空說花驄酬馬癖
豈有過都如塊歷出門咫尺行路難只辦蒼黃問家室
鼓鼙聲動何處村爭挽神器歸王孫今者不樂憤忘食
奮臂擬關弓五石

奉題思上人妙峯堂

上人遊四方雲水渺長道一言契深心百法從此了十
年歸故山不踏山前草經營妙峯堂想像德雲老閉關
習趺趺宴坐兀枯槁混迹雖寰中奇意已塵表深枝姹
巖花雅音噴谷鳥翠竹伴幽禪白蓮敷眾好山空有雲
歸地淨無塵掃回觀第一義湛湛孤月皎法門有等差
問訊今誰曉躍身寶樓閣此堂終編小

維心方刊正三國史某以精筆遺之蒙餉大篇爲

謝氣格渾然三復感歎謾依元韻奉和蕪陋增愧

諸英雄誇劍芒鈿毛錐斂避收餘尖橫開黯澀渴銅雀
案上爬沙枯玉蟾學堂山人有遺裔筆力大可千人兼
掉頭不肯書柿葉酒酣起舞怒奮髯十年歸坐溪口屋
傲視冠冕猶髡籍草玄草聖聊戲耳如醫識藥信手拈
邇來直筆到三國去取法度何森嚴眼中青白世矜異
皮裏陽秋誰顧瞻更憐中書今且老雞毛葦管爭出匱
懸知入手便猥劣那復助子窮幽潛我持妙穎急送似
標題珍重存華籤勢如執法貴心正俗病要以此語砭
揮掃定見龍蛇走紉繹何憚歲月淹須知筆意似人意

谿集一

六

柔順未必非凶險

長樂梁世則爲余言林氏達觀樓橫海嶠天下奇

景也索詩爲賦一章

老眼紛世故百嗜了若遺忽聞佳山水未到神已馳迢
迢古長樂山水天下奇中有隱君子少讀昇天詞茲遊
不可遂樓居在屨屨要欲盡一覽吞滅海嶠姿想當晏
坐久遠意渺莫追定見月嶺墮洪瀾浴朝曦蓬萊蔚相
向拍手招安期秀色故可餐卻粒到玉芝何當往從游
下視培塿卑

和張仲宗送柯田山人歸隱

我家洄潭上下鄰左顧龜中有隱君子孤風邈難追玩

世逐虎鬼祈年訊蛇醫籬根縣瓠壺蔓野紛翠帷客至
勿遽迎借問來者誰

窮巷車馬絕杖履得往來老農起招呼情話真樂哉意
行忘早晏佳處首重回月出一犬吠柴門風爲開收還
四方事老子良足哀

誰爲雙眼青自失兩鬢黑溪山招客子占勝清涼國古
人如可作晚歲意口及是中但可飲名勿忘酒德酒酣
念天驕驚問兵誰勒

往年城下盟殺氣橫九有脫身賊中來親戚驚老醜抗
言半渡擊失計推禍首誰能返秦璧爭欲仇魯酒著鞭
空浪忙好語得雞口

谿集一

十七

有弟在一方丹臆危涕橫念言還鄉夢遙夜懷紫荆忽
興攢衣坐孤燈耿青熒雁奴信何功捫心愧鴻冥棄置
復棄置終尋白鷗盟

鄭維心用張仲宗韻見贈復次其韻奉酬

幽人臥南窗支牀伏穹龜白墮意冥契黃庭心暗追身
閒有餘適國病何當醫此事姑棄置溪光掛屏帷顧影
或自笑問言子從誰

少日功名心偃蹇挽不來雄豪本戲耳靜樂真賢哉畏
事口三絨憂時腸九回無客榻長掛有懷尊自開酒酣
氣如雲高哦追八哀

胷中飽世故了了分白黑十年各異縣中夜夢鄉國買

鄰枕寒溪此計吾猶及大恐歲星惡翻令銷福德不如
早移文徑效山庭勒

浮名等浮雲過眼亦何有誰能學東鄰深譚不知醜朔
風吹飛霜素色侵皓首幽憂無與娛萬事付杯酒客來
勿多談要使耳如口

江濤故洶湧胡馬猶縱橫健兒委戍甲老農持棘荆去
年拒胡地白骨埋晶熒機權失猶豫理數歸杳冥誰知
管夷吾九合先同盟

次韻葉左丞見寄

先生少英發身爲國元龜玉堂動敏翰諸老難莫追向
來三折肱舉世推良醫小試經綸才艱難佐籌帷憂時

谿集一

十五

儻失聲舍我今其誰
巖棲分麾去鼎食羞嗟來憂樂有大者得喪良小哉賈
心驚地坼攬涕祈天回願言國步肅追理邊隙開絜身
未足道王孫真可哀

幻緣東卽西妄境白成黑那於土偶閒平地見佛國雲
山樂未央歲月嗟何及恩讎一快意聲利多慚德名成
復逃名翻恐鐘鼎勳

胷中浩無垠富貴公自有厭居廊廟榮戲習村野醜荒
山披石林宅年齊峴首殺雞侑晨炊烹羔行社酒此樂
應獨知世味難可口

仗馬失芻豆那顧一榻橫小兒衣挾褚老妻釵墮荆心

事獨炯炯眼力雙熒熒君恩未報償浩歌託沈冥上天
不難知誰能訊青盟

希顏提舉博士謁葉公左丞於石林公遺之詩屬
余次韻

劉侯磊落人中豪半生塵土略如我酒酣氣與天低昂
長笑拘儒費膏火虺隤一馬上高岡怪來喜色猶揚揚
探得驪珠攜滿袖明月掛空無價償

夾竹桃花

搖搖兒女花挺挺君子操一見適相逢綢繆結深好妾
容似桃萼郎心如竹枝桃花有時謝竹枝無時衰春園
灼灼自顏色願言歲晚長相隨

蠶

谿集一

九

吳桑成綠陰吳蠶盈翠箔闔門障風雨荒祠動村落千
絲爲衣被一繭自纏縛殺身以成仁此計殊不惡

松下追涼

佳哉十八公凜凜廊廟具大匠偶未收蒼髯鬱如許根
盤曲礪幽勢宅層崖阻清風自掃門當伏不受暑顧我
蕭散姿本是山中侶出逢畏日長隻影無地去偷閒蕭
寺游清陰直修廡人交先浩茫徑造不我拒斗酒起自
行開懷爲延佇寒綠浸杯盤勁氣逼牙輔語已心地涼
外熱寧足禦公家綠骨蛇千歲穴深土何當供晨餐散
我腰脚僕宅年聽颺颺危冠掛神虎此意亦大奇勿與

夏蟲語

沈忠敏公龜谿集卷第一

谿集一

五

沈忠敏公龜翁集卷第二

律詩

呈唐子明同年

飢來驅我出蓬蒿
鬢影鬢髮舞二毛
黃甲浮名誇俗子
白丁結習數吾曹
老益貯酒心猶健
懶架拋書趣亦高
萬事含糊自堪樂
不須持板念徒勞

攝尉歸安呈江嘉

無地誅鋤一束茅
清吟端作反離騷
奔波且復同香尉
蕭散還須似馬曹
名下迹公初定價
暗中索我便矜豪
文章論世寧論晚
肯慕羣飛輒仰高

小雨

谿集二

小雨簾纖未肯晴
勒回花信待清明
冷官何預芳菲事
空聽春禽作意鳴

清明日晚晴

正好園林藉落英
細風吹雨濕清明
牆陰旱渴休無賴
自有鳴鳩解喚晴

舟過荻塘

野航春入荻芽塘
遠意相傳接渺茫
落日一篙桃葉浪
薰風十里藕花香
河回遠失青山曲
菱老難容碧草芳
村北村南歌自答
懸知歲事到金穰

夏日書事

洗竹明新牖
疏泉理廢池
破罇炊玉粒
釣影繪銀絲
假

寐拋書帙燭煩泥
酒卮空餘八角扇
懶惰不能持

秋日戲呈蔣達可檢討

西風撼撼舞庭檠
沈李浮瓜事益乖
不飲竟逃官長罵
長年唯厭太常齋
已看簾幕辭歸燕
猶訝池塘沸亂蛙
坐想臞仙遙集處
應頽醉玉泥金釵

同官用僕秋日詩韻述懷因復和之

荷鍤相隨死便埋
達人於世豈長乖
囊錢擬定文章價
瓢飲聊甘祭祀齋
兒輩那知羣野鶴
我曹寧復問官蛙
何如細淪烹茶鼎
日向松陰熱亂釵

從劉殿院借書

骨寒宜伴列仙臞
欲喜依劉計未疏
自昔暗中人易記
到今名下士非虛
欲從給事論奇字
擬向中郎得異書
願借牙籤三萬軸
爲公一一辨蟬魚

過徐氏莊居

只著南冠不著纓
掉頭防我問功名
數椽茅屋有時漏
一塋野田無具耕
酒地定能容勝踐
墨畦終擬過平生
扣舷歸去蒹葭闊
後夜相思看月明

與道按田至湖山有詩凡九章次其韻

行盡郊原指掌平
亂峰爭聳鬢髮青
山家不識高軒過
驚走兒童戶半扃

右游天平山

瓦鼓喧喧甓土龍
紙錢零亂野祠中
誰能向此分餘瀝

潤澤焦枯不計功

右白雲泉

出郭有餘適到山無限清野泉依井落古剎並湖成水

鳥閑中趣風松意外聲問僧知此觀身世若爲輕

右題靈源寺

風埃滿眼作淒涼招隱空山此計長祇恐誤隨雲出岫

不如專以醉爲鄉

右雲隱軒

仙去遺蹤亦謾留羽旗那復肯來遊欲知洞府煙霞遠

漠漠蒼崖面橘洲

右題林屋洞口

詩集二

聞道藤蘿一一攀要窮佳處識湖山青琳宮闕當西崦

應費巾車數往還

右題靈祐觀

山脊層壇古松根曲徑微衣冠久已化殿閣自相輝喬

木交加合閑雲自在飛無端雪髯老猶效鶴重歸山有老

人俗號

右毛公壇觀

我欲款玄關誰能供速客相將持綵囊珠露滿蒼柏

右題上眞宮

湖光奕奕洗浮埃古寺重門相對開獻供祇憑山鬼去

問禪時有野僧來老農借釜爭炊持瘦鶴翻階自啄苔

令尹定能占歲事爲捐逋賦小徘徊

右題華山寺

過徐氏郊居

林梢眇眇墮斜暉剝啄還來扣隱扉門巷劣容居士屨

塵埃不到野人衣恰當夜甑黃粱熟盛供春山紫蕨肥

侍坐無人只山月兩翁相對自忘機

到吳

三載故鄉別歸帆恰到吳食寒新火換天闊斷雲孤酒

市仍依岸漁村遠帶湖碧山千萬疊翻憶夢崎嶇

感事

鬢毛端欲改歲月竟相侵薄宦顏難彊窮塗感易深舊

詩集二

交多得路古道罕知音吾事政如此飄零違寸心

旦日趨府

紫簫吹夢斷起視斗闕干瘦馬蹋殘月單衣中薄寒錦

囊那復佩革帶頓成寬浪逐官曹底更題敢自安

次韻秀守苗郎中喜雨

旆旆傳呼起伏龍雨翻枯澤已全通招呼急吹添秋思

祛逐驕陽助歲功蠅子有知先避境鄰境多早蝗葑根無著

盡浮空老農自笑豚蹄祝惠政流行盍婁豐

次韻盧憲小雨

狂風初作惡小雨似知時破睡心長折呼愁眼易饑勃

姑穿渡急鴉舅出林遲土人以勃姑侯春事今如此幽

尋有底期

雨不止

已看城郭半浮植小屏聯翩接渚涯天意若知民意切
停鞭且口阿香車

新春書事

早歲驚逢上苑春蹇驢朝蹶落花塵只今懶問芳菲事
柳眼相看也笑人

次韻盧憲春意

少陵花惱便顛狂天與多情付此郎宿露園林鶯舌亂
暖風庭院蜜脾香閒愁幾欲縈春事幽怨還能入醉鄉
應斷玉樓雙望眼便須催促理歸櫓

谿集二

五

清明

杏火燒空潑眼明游人蕩漿漾蕪城山歌慣習吳歛調
水戲終含楚些聲草滿池塘春漲淺燕歸簾幕午風輕
蹋青舊約誰能問已喜年來粥有飴

報中有盛年休官者感而賦詩

中都如海士如鱗乘雁雙鳧亦見馴林下已無長往客
江頭誰伴獨醒人因循儻使能成事彊健何須便乞身
但喜高風激頽俗要令鐘漏一番新

有懷山中

可奈風埃老客游故山歸思日悠悠軒裳結裹非吾事
野性從來在一丘

冠卷塵埃亦謾彈勒移終復媿家山宅年猿鶴應相笑
勸羽卑飛久未還

次韻宏父喜雨

黃壟初看卷麥禾老農還復厭晴多四郊屏尾聞新瀆
一雨苗根長舊科已發政聲歸召杜更驚詩律鬪陰何
王孫欲識田家樂水亂溝塍涉可過

行簡以曾守韻見貽復和一篇

續經無復補嘉禾老去忘懷及見多摘尾簿書寧問署
點頭章句僅成科求田下澤吾行且招隱空山子謂何
行簡有早晚故千萬買鄰真左計一丘端約老相過
山歸種秫之句
申應時以圖尋山圖所載湖之西溪也爲作二絕

谿集二

六

句

王維買宅先成畫申子尋山亦載圖它日真能營小築
此山佳處著儂無

故國山川真可老十年塵土負歸期而今更笑申夫子
似我平生費夢思

客至具餽庖中止有豚肝客不食

三九家風故自寒朝來饌客到豚肝不須準擬供塗竈
口腹那能累長官

次律兄持節燕山且調兩河兵賦喜而作詩

伯也吾宗秀心期萬里侯燕民方築郡漢使果鳴騶更
借牙籌計聊寬玉座憂平生揮翰手此意莫淹留

中年情緒惡遠別信音疏聞道陰山路貪迎使者車騎
羊厭鳴鐘佩續欲扶鋤願上霽頭奏煩苛一切除

喜次律兄見過

大編軻轍許暫留一樽相屬話牢愁封胡羯末名終在
許史金張迹浪投遵陸漸看鴻雁集在原當記鶴鴿求
宅年會有相從樂泛宅浮家萬事休

倦夜

獨坐苦無賴開軒懷抱空徘徊簾上月浙瀝竹閒風清
影迷篝火哀音咽蟲怪來寒次骨霜氣已冥濛

單顏徒以盜失邑被譴 赦令復官喜而有詩次
其韻

谿集二

七

千里風雷起放臣反騷端欲陋靈均宦情遽逐鵬程遠
喜氣猶驚鶻語新宅日鐘魚應落夢頽徒寓 僧舍半生塵土
未酬身會須更整青雲步往事當令問水濱

土人腊蛙見餉爲作此詩

此族知何族生涯一廢池似能矜喜怒那復辨官私暑
雨浮萍鬧秋風牡菊遲肯嫌同腊鼠小嚼爲紛披

送別

老覺交情重負知世路高相看心已折此別夢應勞未
用脂長轂須聽詠大刀平生故人意能費幾緜袍

莊子經解官作二詩道別有江湖蓑笠之句次其

韻兼敘離索

雨餘千里見秋毫綠漲西陂湧浪濤桂楫蘭舟驚送別
篔簹象齒記分曹宦游莫謾嗟流落人事方將困驛騷
亦欲江湖理煙艇不知何處可容篙

自許論交絕比周向來傾蓋喜同流俗閒久矣無青白
客裏終然有去留能事要須槃礴羸屣詞何必畔牢愁
看君躍馬章臺道肯爲滄波夢棹謳

秉元以按田至村落有詩次其韻

竹戶連村閉官何此榜舟蒿萊半殘壘風露溢清愁試
爲歌田峻那知餞辱收老益如見頽應作小遲留

巖桂

小軒巖桂露香乾秋葉扶疏碧玉寒章句那能知許樣

谿集二

八

夜深渾作月中看

次韻行簡北城登眺述懷

東觀無人數伏虔一臞塵土獨淒然高情自欲侵天半
清夢何由到日邊顧我書空嗟咄咄知君捫腹笑便便
登高懷遠無窮意故台春容賦大篇

行簡釋奠學官登北城眺覽有詩嘗次其韻再和

二章

奠幣儒宮已告虔城樓遠想獨悠然陰陰古木回潭外
渺渺平蕪落照邊野色向人聊嫵媚節杖入手自輕便
興來不暇尋思懶酒後狂歌定幾篇

當年蠟鳳識僧虔晚歲相從意惘然更笑豎儒多敗事

稍聞上郡已開邊酒醪窮巷誰能載簡牘平生自不便
風月兩溪真可老待收功業付詩篇

曾守置酒月波樓以張倅至有詩命坐客同賦

詞語平生故自蕪登高重媿賦成初諸君此處識老子
右衛向來煩長輿波上旌旗飛退鷓樓前歌管出金魚
回欄後夜同延月直下方池可更疏金魚池沮
如久矣

夜坐

娟娟微月小窗東竹裏寒聲嘯夕風孤客坐來驚歲晚
推愁不去酒杯空

虛堂夜寂自神清更僕無端倦觸屏多謝短檠隨我老
更温檀火校黃庭

谿集二

曾守病日以治法與之有詩見貽次其韻

問道牙籤檢校頻昏花錯莫亂驚塵未須止酒妨投轄
便可捐書當徙薪肘後有方餘幾所眼中無障更何人
須公舊觀神明復準擬花前一笑春

次韻曾守立春席上七絕句

澤國春歸早連門競築臺夜來風力峭疏片半飄梅
曉凍穿流急晨光照火新四郊和氣合歌吹待班春
花光浮翦勝酒色動雕觴欲識邦侯喜眉閒照席黃
跨臘纔更歲經宵併是春黃堂清訟詒欲助發生仁
日應東風轉春隨北斗回不須鄒子律餘暖到寒荄
曉卜農祥正遙知歲事豐小桃如有意欲吐故時紅

曲席紛羅綺中腔度管絲歡聲連萬井一一擁春旗

月波樓

突兀晴樓壓郡城樓前波面縠紋生何人合作佳從事
來伴胡牀看月明

會景亭

柳株高下隔桃蹊萬頃煙波似漢陂畫手無人兒平遠
小亭風冷立移時

次韻楊縣丞見寄

雙瞳炯炯四筵傾少日才堪賦兩京花縣署曹聊試可
鱣堂傳德尚流清橫琴勿寫峩峩志引水當令灑灑鳴
後夜扁舟同泛月野田端見綠蕪平楊問
余歸

谿集二

次曾宏父韻

小雨經旬戶不開隔牆青子滿江梅幽禽葉底如相識
睥睨空庭欲下來
三楚浮魂不可招夢游赤壁夜停橈朝來快讀黃州賦
猶喜周郎得小喬
微官似有不如無老去因循負壯圖但得誅茅三畝宅
世緣端欲付軒渠
未用欣然念可人世閒那有白頭新出門更復推蔥麥
笑殺扶風井大春

曾宏父作詩別行簡索僕同賦

俗閒忘勝踐客裏度春愁拄頰真狂計焦頭乏遠謀剛

疏徒自許德怨浪相求奏乏三千牘詩慙一百籌豈能
資宦達端合辦歸休遣興鷓鴣兒酒銷魂燕子樓枯筇青
草渡老屋白蘋洲此意無窮樂今懷未滿憂轉喉寧問
諱繞指叵思柔二妙看騰踴頻年歎滯留花時閉深院
行簡移雲際渺輕舟宏父將以使事至湖應念騎曹掾平生信謬
悠

曾宏父將往雪川見內相葉公以詩爲別次其韻
以自見

客裏思家且罷休無聊懷抱不禁愁時魚苦筍過百六
又到一年春盡頭

腸斷故園春到時澆花日日遶芳蹊而今夢逐東風去

谿集二

小榼深杯手自攜

兩谿以南無數山興來徑造無時闌空餘日蠟幾兩展
日暮雲深天小寒

隔谿花柳自無賴煙淡風微惱殺人走向西家覓酒伴
芒鞋竹杖去尋春

牆根啁啾百鳥鬧最愛乳鳩來喚晴日永春閒深院落
渠能便當管絃聲

揚舩送子下蒼苔繫纜沙頭多柳株十載風埃老行客
不知鷗鳥記人無

前谿谿頭玉色魚羊酪豈可比鮮腴江黃會中有勝處
健步走置煩長鬚

野店山茶亦可口試敲松火煮石泉相逢故人如問訊
但道老去多煩煎

翰林胷中浩千古筆頭戲作江海潮子行造膝可問法
門前煙浪拍谿橋

邦侯言語妙天下學海故自吞百川傳杯擊鉢盡具眼
醉中莫謾思逃禪

舟行卽事

逗帆風借力入坐水浮光村落知多少郵亭自短長跳
魚吹暗浪浴鷺耿殘陽又是吾廬遠相看思渺茫

舟過北塘

嫋嫋輕颺動娟娟佳月升岸回雙樹暗村遠一燈明過

谿集二

雁參差影跳魚撥刺聲停橈且勿去吾意不勝清

羞墓

朱買臣妻墓在嘉禾北塘

富貴因人德未酬繡衣歸去竟何求荒墳三尺斜陽裏
千古徒增女子羞

舟次吳松江

棹發鱸鄉晚頻經桂子秋嬾投青玉案政做黑貂裘水
落喧漁市雲微辦橘洲五湖煙浪靜誰復泛扁舟

吳江阻雨過豁然閣次周廉彥韻

花鴨呼羣自拍浮何人蓑笠在孤舟半生已負江湖約
不爲經行肯壅留

濛濛小雨麥秋天江上人家欲暮煙行客未能忘勝處

繫船來伴白鷗眠

我本三生一散人
翩然小棹五湖春
何從便結滄浪伴
纓上而今有宿塵

登上人頤齋

道人小室要觀身
兀坐蒲團莫欠伸
縱有諸天來應供
靈龜納息自爲真

次韻江元壽題寧境寺湖光亭

客行終日厭區區
暫借晴光照坐隅
水漾龍鱗浮翠堵
蕁開雉尾供伊蒲
欲隨漁子飛雙槳
似與仙翁在一壺
目亂風埃知有幾
肯來幽處濯纓無

舟中聞元用遂魁天下士論歸之輒成五十六字

穀集二

呈宏父車馬至中都當舉似也

翰林發策冠諸儒
先內相考中廷試第一人
再世重歸
汗血駒醉後揮毫
凌月窟夢中插翼
上天衢
元用嘗夢一飛冲天
半生懷抱吞餘子
一日聲名振八區
歸去玉堂清
夜直也應憐我老江湖

吳門別曾宏父

招手湖山初識君
昨歲西湖始得相從
眼中已復見輪囷
清言自是一時傑
豪氣欲無千載人
客路臨分隨夢遠
老懷論舊覺情親
心期不免功名逼
儻記江南草樹春

還憩湖光亭復次江元壽韻

羊酪尊羹本異區
江湖隨俗語
嫩藕紫鱗撥刺衝
文符

翠羽翩翾過綠蒲
舫艇興饒青絡馬
筇簕自當紫微壺
叢書校罷頻搔首
天末孤帆去欲無

次韻錢德初九日旅懷三絕

西風江面荻花秋
繪玉頻年念昔游
客帽只今無地落
黃花滿眼謾供愁

登高虛欲夸能賦
樂事何曾副賞心
斜日孤雲兩愁絕

一觴聊爲盍朋簪

濁醪自稱和山藥
張籍詩作酒和山藥
小令新能坼水花
況有阿戎供細雨
豈知秋思滿天涯

過嘉禾野塘

木末孤煙起夕炊
茅簷直下釣漁磯
蒼茫遠水連天碧

穀集二

一葉短蓬何處歸

僕夫自燕山來云有次律兄書被盜失去

投曉平安使倉皇
扣倚廬修塗幸及此
細語問何如云
自三關道曾持一紙書
崎嶇經寇難
隻影到鄉閭

杜季習遊恆山謁府帥劉公輒次劉彥常韻作二

詩送之

勇往都忘去路難
胃吞螭虎氣桓桓
吳頭楚尾三年夢
塞北江南五月寒
瘦馬繫門留我別
明珠攜袖許誰看
書生自有西江量
何止能滿舌本乾

上相平胡不作難
已開亭障徹烏桓
公朝問罪知誰敵
窮虜要盟故自寒
烽燧報安干
檄肅羽書飛捷萬人看

書生夢想從軍樂，倚語銘功墨未乾。季習欲以銘投府帥

董采大有詩，紀吳江豁然閣舊遊，索僕繼和。

湖陰舊雨記重來，小閣深明傍水開。蟬螻橫空橋倒影，

琉璃拍岸浪成堆。勝遊君復羹魚婢，幽屏予方飯芋魁。

遙想經行斷隄曲，野花漂盡雪玫瑰。

次韻河陽張先父秀才

雲疏日薄九秋深，故國懸知詠棗砧。拭拂青萍憐氣在，

更攜綠綺覺塵侵。浮家泛宅三年夢，臨水登山萬里心。

小騎羨君盤谷去，肯如思越費清吟。

託長興吳宰儼居

一區無地可經營，宦牒東西寄此行。問舍它時聊爾耳，

谿集二

十五

浮家今日太勞生，肯將口腹累安邑。正欲絃歌聞武城，

為我三間卜茅屋。夜深來聽讀書聲。

寄次律兄學士柯田山新居

柯田一曲抱清灣，兩角孤雲擁鬢鬢。猿鶴驚心招舊隱，

桑麻掠眼接通閑。似聞小築終年就，應是幽扉盡日關。

為報添丁護鵲背，夜寒歸夢遶家山。

沈景修宗傳示試院書事二章次其韻

巖谷何人歎久幽，紛袍一一赴兼收。銜枚盡欲成堅敵，

懷璧渾疑忌暗投。獨訝終篇惜雞肋，更須添燭校蠅頭。

文章到此無殊律，共賦菁莪汎汎舟。

探簾山鳥一聲幽，斗覺晴光爛不收。好夢已尋江上去，

清篇更許坐中投，欣逢阮籍開青眼。肯學虞卿賦白頭，

聞道月波春色滿。好攜行客任行舟。景修秀梓月波蓋其郡樓

次韻院中四絕句

行盡江山不記村，卻隨花信到重門。也知春色嬌無賴，

取次先來綠草根。

一尊相屬語黃昏，密雪飄零正滿門。記得江橋回馬處，

冷香應斷玉梅魂。

要知春色到池塘，深院無人午夢長。已覺此身便靜樂，

自溫檀火炷鑪香。

豆蔻梢頭春意濃，輕狂無奈賺花風。今年拚卻尋芳晚，

準擬殘枝占晚紅。

谿集二

十六

石壁寺山房卽事

雲根颯翠接山椒，小築初營一束茅。未放野泉縈曲磴，

旋移寒綠引春梢。

望斷南岡遠水通，客橋來往酒旗風。畫橋依約垂楊外，

映帶殘霞一抹紅。

石壁寺

山紫細路走修蛇，峭壁連雲只薛花。木末忽看幡影亂，

馬頭初見殿陰斜。迴廊迤迤穿危嶠，側澗娟娟露淺沙。

秀色可餐吾事辦，粥魚茶板莫相夸。

無言頌政以詩寄行簡輒次韻

鐫磨文律似攻駒，十載相從亦數予。卷白欲傾東海酒，

閉門貪鈔北堂書風煙入眼山圍座鷗鷺驚心水滿渠
公頗樂新居此樂定非公所有為聞鼇禁席煩虛 右謂
得龜山之勝無言

平生狗曲視驪駒妙語琅琅獨起予酒面那能伴從事
行簡為酒官筆頭翻欲戲中書官曹似是驚蓮幕問訊
為五斗屈也何如念石渠只恐浮名不論數要須人識士非虛 右謂
行簡

行簡用前韻見貽復和酬之

歲月如馳鬪隙駒星星著鬢故欺予身宜正壑長經夢
語到軒裳輒廢書局步共嗟妨遠趾清溝自覺映汗渠
黃麻白簡公心事此去聲名定不虛

谿集二

過卞山次韻朱仰止澗亭絕句

曲澗潺潺隱石隄玉蚪雙引戲晴漪相思後夜添清絕
木落山空月半規
環珮琤琤落斷崖水清石瘦沒平沙幽人散策經過地
草閣柴扉趁水斜

昔年

昔年尋賀老同泛越溪航雨發千巖秀風供五月涼目
因秦望斷心為禹祠傷聞道東湖地新來足稻梁

秋懷二首

庭柯脫翳葉歸翼斷經過水檻清漁罟風樺響藥羅傲
霜荷柄少團露橘叢多秋色遂如此愁城今幾何

林梢吐寒月清絕不勝任蠻榼憑誰共胡笳祇自吟探
簾風似翦切戶斗如斟何處行舟動澄波自委金

卽事

卯酒賸澆胷礪魄晨梳聊理髮鬢髻方牀自岸烏巾坐
欲校黃庭嬾未能

秋日閑居

茅屋秋風斗破除蕭騷渾似浣溪居青山侍坐從吾好
黃帽籠頭與俗疏賴有園官能送菜可無谿友解留魚
從今輒莫慚枵腹一飽須煩插架書

送盧左司赴闕舟中口占

胷中渺渺九夢澤筆底滔滔三峽流自合勳盟真易與

谿集二

謾回詩律付冥搜平生所慕李君御今日聊登郭泰舟
去矣相望重搔首百年心事小遲留

野外罕人事

野外罕人事雖貧心自寬霜蔬供綠節社酒泛黃團日
落歸牛近風微宿鳥安展書遮老眼燈火砌儒酸

過竹西

百折清灣抱野田竹西風物故依然歸牛更背斜陽去
牧笛一聲吹暮天

贈老禪

霜根刺刺蝟圓顛猶倚禪牀聽木魚底事世緣能老我
到頭塵事不關渠磨甄幾日能成鑿閉戶何人欲造車

若有小參重問訊試尋消息向真如

成士穀核登眞訣垂就爲作此詩問訊

成欲卜
居三茅

硬黃親校大還書巖石相看已甚臞會遣五丁供給使
聊煩六甲奉庖廚仙風自昔人何有靈氣於今子豈無
知得茅卿近消息應驂白鶴到清都

謝葛魯卿雪中遣介送酒

雪舞白衣朝扣門一車送酒借春溫寒威任減東陽帶
和氣全歸北海尊應爲半生憐翹築更留宅日燕雞豚
是中可飲公須記報字如鴉醉眼昏

沈忠敏公龜谿集卷第二

翁集二

十九

沈忠敏公龜谿集卷第三

律詩 長短句附

正月十四夜觀燈南寺子虛有詩次其韻兼呈駿

發次韻

娟娟佳月掛南樓蕭寺真成秉燭遊
火樹忽驚新節物春衫不趁舊風流
公方高臥追三已我亦狂歌發四愁
為報襟期得名勝何妨著處一開眸
初約子虛不出以次顏見招而往

再用子虛韻和呈駿發次韻

鐙市燒春接郡樓歲豐人樂事
遊遊繁絃急管方連夕痛飲高談自一流
短帽縱堪陪勝賞長檠那解照牢愁
歸來臥對西窗月獨想清光燭電眸

卷集三

嘉業堂校刊

十里笙簫沸市樓已占風物兩優游
人從月窟開青嶂鐙挾星河映碧流
曲席深杯賦徑醉長廊古寺溢清愁
暗中我亦知公在疆對蘭膏為舉眸

子虛復有詩再次其韻

誰能延月倚危樓細履相將偶當游
倦聽山歌懷舊俗閑看水戲濺寒流
土人以水戲然鐙 鐙光競作千門曉
酒力微寬一掬愁明日八分疲阿買詩饒元只在青眸

次夕雨作用子虛韻奉懷次顏知魚軒小集

夾道繒山聳蜃樓小軒終憶數條游
月將人意十分滿雨入溪光一派流
靜聽聲喧夜市旋挑鐙炮醞春愁
閉關不問陰晴事時怪玄花掠病眸

別羣從

十年勞遠夢今日又征鞍
雨入花梢困風生麥浪寒
飄零逢酒怯老大別家難
去矣功名事終須把鏡看

瓜步

呼去聲漸逐潮頭遠帆影低隨日
腳斜已喜扁舟近瓜步江鷗無數立寒沙

將達行在所

潮落江城暮帆開一葦輕
雲屯六龍駐天近五星明
率土朝方岳何年洗甲兵
君王似光武折箠看昇平

陳子尚博士休官還京口作此詩餞之

勇退曾無屋數椽掛冠神武便飄然
陶潛去家一百里

卷集三

二

張翰收名四十年平世深知還有幾
少時健決已無前子尚昨主臨淄簿與部使者論不合徑去官
侏儒飽食堪羞死莫浪狂言為著鞭

西風江上荻花秋繪玉頻年念昔遊
世事真成一可慟身名那問二宜休
公卿禮餞何為者僮僕歡迎有此不
鬢影毵毵紛翠葆曉來鐘漏亦懷羞

得家書

國步猶艱棘不堪頻問家霜毛失翠
葆蒿日亂玄花孤客知時節殊方度
歲華干戈就休息歸理邵平瓜

觀瓊花

千里隨河走濁流檣烏東下指迷樓
春風簾幕今何在

只有瓊花伴客愁

卽事和卓彥翼

瞳矐曉日上簾旌
簾外幽禽作意鳴
呼斷故鄉千里夢
起來搔首問歸程

卽事

造物勞人亦惜哉
又驅疲馬上崔嵬
經從野店初嘗筍
行盡江村始見梅
千里短晝先夢寐
半生多難足風埃
枯槁俯仰成何事
已念漁蓑歸去來

次桐廬

泱泱谿流不滿灘
獨憐舟子上風灣
日斜指點西村渡
竹戶茅牆趁碧山

谿集三

吏鞅繁人未許閑
當游聊復到春山
倡條冶葉無風味
賴有寒梅醒病顏

於潛道中

首路潛谿驛雞聲
欲曙天藍輿衝宿
霧棧閣寄層巔高
下林端屋橫斜石
罅田野泉隨處有
草木盡蒼然

新城道中

馬蹏隨意到回首
隔南岡日落鳥猶
語春歸花自香長
紅媚幽谷新綠漲
回塘假榻知何地
昏鐘出上方

宿葉璋橋菴舍

渡澗穿林夕未休
野人篝火引前騶
驚從略約灘聲急
喜見屠蘇草蓋修
雲臥自驚魂夢冷
星馳先惱肺肝愁

乞身老我雙谿上
記取端能賦遠遊

水閣小憩

雲氣昏昏雨腳垂
客行終日倦犇馳
竹間小閣臨清瀨
俯檻觀魚立許時

祁門道中遇雨

了事癡人有底忙
復輿勃窣到南岡
樵風槭槭羣狙喜
山雨蕭蕭萬木僵
谷底暗分冰澗落
舍旁時度野梅香
殊方歲晚多悲感
歸老正園此計長

東西三林寺

溢浦維舟訪梵宮
香鑪膝下暫從容
重來不爲西林景
永遠禪師有舊蹤

谿集三

四

在昔得名齊連牆
亦共蹊修篁同碧嶂
寒溜合清谿閣
影高低並鐘聲
左右迷遊入俄省
悟東卽是林西
林景遊人多入東
林寺將謂西林景
不如我策短筇行
半日水聲松韻更清
虛

千秋嶺

錢氏嘗築四壘以限江南此者盜發旁近復於此守禦

山河四塞限中原
籬落而今不復存
豺虎晝行何自息
但餘征戍滿荒村

吳越江南絕壁開
可憐爭國似蝸蠻
百年父老陶王化
尚記流傳一醉顏

次韻鄭維心臘月十六日有作

國難更頻歲胡塵
動四溟豺狼飽吞
噬谿壑變糶腥黃

屋無安所清笳不忍聽使臣歸路阻慟絕鬢星星
朝廷歸叛將關塞夫發軍銅馬猶通命沙蟲亦占羣
上心存廟略兵氣亂天文誰挽斜河水通宵洗赤氛
血戰遮東道今誰廟食雙無人扞疆虜縱馬飲長江寇
掠元干紀兵臨反誘降將軍自不武慚色上旌旛

次韻避寇二首

窮途厭遷次歲晚借分攜茅舍荒村北柴門曲港西雞
豚慙同社桃李舊成蹊那得干戈定浮家著兩谿
宦游成屢卻戎墨悵頻遭聞詔趨吳會經途事董逃心
期紆國難力欲挽人豪漂泊多危涕眞成失木猿

游城山夜歸泛舟南谿

谿集三

五

杖藜尋勝款禪扃歸去扁舟伴月明臥樹低摧山腳轉
跳魚撥刺鱗牙驚煙埋橋影雙霓斷風熨谿光一鏡平
聚落半空無市井在亡燈火短長更

次韻李通直題慈相寺雪月亭

曲檻飛甍介碧空盡供勝覽屬禪翁蒼藤翠木四圍外
遶水平蕪一望中幽鳥林梢鳴不斷亂雲天末去無窮
素娥青女今何在淮南子青女主霜雪歸步聊乘兩腋風

扈 御舟泊錢清江口值雨

打窗悉率連江雨吹柁嘔啞拍岸風蓬底醉眠那得穩
時聞雞唱夢魂中

法駕親巡海上還鈞陳萬騎列江干潮生風熟樓船過

雨助洪濤失故灘

過平望

未辨扁舟掛綠蓑人閒何處不風波終須徑爲鱸魚去
笠釣歸尋張志和平望乃張志和得道之地

次吳江

水闊風豪浪拍天魚龍戲舞墮饑涎尋常行處多翻覆
看我孤舟得穩眠

小邑蕭條兵火餘狐狸入市自相呼茅牆竹戶斜陽裏
十室生涯久已無

冬至遇雪題明因寺僧房

宦學差池已倦游一犁眞欲老西疇天公爲作豐年信

谿集三

六

更喜將軍入蔡州是日聞王師入杭

遙想燕山落大花更堪直北渡龍沙六師挾纒懷輕燬
取日誰能反翠華

方允迪隱鷓鴣谷江子我子之劉希顏行簡皆往

依焉爲此詩寄贈

脫葉驚飛海角秋君王虛仁急良籌列仙山澤底無用
孺子滄浪渠不憂百鷲可能如一鷲二江知復帶雙流
渺然相望暮雲碧兀坐蒲團搔白頭

八月十七日扁舟渡錢塘江

一言初欲寤 明君去矣終緣宰相喚鳧雁江湖眞我
輩龍蛇山澤定何人市中未識馮延壽門外已呼祁孔

賓尚有憂時心未歇西風吹淚溼綸中

沙鷗波生柁脚開扁舟老去許歸來風帆一點日邊下
雪浪干堆天際迴城郭荒蕪迷舊隱江山寂寞寫餘哀

此心元自無機事寄語輕鷗莫見猜

允迪招行簡卜居鷓鴣谷僕意羨之作詩送行兼
以自見

嚴陵灘下鷓鴣谷聞道元其舊隱廬鼻祖名高詩格在
耳孫才傑宦情疏漫山松桂雁行立入隔茅茨星散居
知爲劉郎賦招隱莫教花落到通渠

少日長懷社稷憂怪來饒舌謾多仇風塵冉冉百年老
霜雪蕭蕭兩鬢秋不辦癡牀供一笑方營隱谷賦三休

谿集三

七

添丁護得金鴉菊佳處端能著我不

維心過邵子非谿亭夜話有傷時感舊之作索余
次韻

官儀全復漢盟會競尊周郊野多戎壘衣冠半客游地
偏朋舊鮮人老歲時道莫厭經過數相看又麥秋

朝廷策數馬寇盜谷量牛世亂思奇畫身閑喜勝流鷓
鸞霄漢侶鳧雁稻梁謀得趣皆爲達那能陸盪舟

聞道津亭集青鐙夜色浮鶴鳴獨鶴魚伏避羣鷺月
澹帆歸浦風腥網挂洲語深投七立此意得無憂

虜帳師頻血民窮粟屢搜會須夷喪亂寧敢厭征求黃
屋中天立彤弓幾日酬寸心終耿耿不獨爲春愁

心事空牢落身名盍罷休得閑羞彊聒避諂巧淹留老

矣嗟如此誰歟問以不儻容親杖履不擬向丹正守丹
正方欲上

劉希顏持節按縣招維心舟中小酌次維心韻

大編浮谿曲華旌映道周勞農纔徹警問俗偶成游王

事今云棘官稱古號適正須哀疾苦輒莫詫防秋希顏
按防

事記

隨處喧銅馬何人炫木牛輕捐小山句急捍大江流行
邁心疑醉周爰事喜謀招呼隱君子高浪兀虛舟

故國眞如寄餘生宛若浮巢鳩不護鵲池鳳肯容鷺老
木低春水孤花帶晚洲杯行應醉我知復念幽憂

谿集三

八

山林懷獨往圖史縱旁搜此士俗閒忌吾儕句裏求大

篇終寡和小酌漫相酬脚蹋谿流亂端能醒客愁
大邦通閒道小縣得中休交分傷離合王程惜去留索

居垂老矣劇飲尚能不倦夜評今古誰憐貉一正

子虛航重湖之險遠過山中輒次維心韻以謝

客裏傷爲別相望歲一周冕旒存異顧去歲子虛蒙賜
對天語稱獎

正壑老英游憂國心長折驚人語太適年來有公事合

眼注春秋

小窗眠蠟虎敗壁上蝸牛老樹陰垂合前山翠欲流狂
言違世用彊飯了身謀不謂輕千里能迂訪戴舟

此客今那有迎門喜氣浮心閑清似鵝眼淨凜如鷺塵

榻開蓬室風帆卷橘洲襟期適相契一笑發羣憂
寶歷方重啟英才必盡搜題輿偶淹泊勝道會營求浪
漫貧逾適經綸老未酬雲林得攜手切勿志窮愁
暮雲凝遠碧覓句擬湯休不分千山隔才爲十日留高
風誰繼者清夢自驚不聞說星躔動何人識太正

次韻學士兄見一亭

自稱居士擬香山隻影江湖得暫閑大隱可能追襍穢
小亭聊欲對孱顏持杯有月同歌舞策杖無人共往還
聞道修篁解新籜密遮門逕不須刪

塵土敗名如敗敵雲山招隱似招降謾傾魯酒醒猶獨
聊發吳謳調本雙誰念佳人在空谷自同漁父老清江

谿集三

九

它年對榻分餘地風雨蕭蕭夜打窗

次韻學士兄述懷

故園風煙素已諳結茅端欲占重嵐聚蛟那肯追金谷
號虎真成賦石龕詎運經過度陽九幻生顛倒識朝三
它年自有雞豚約小阮新居卜道南

蔥麥推還井大春拂衣歸伴臥雲人胷中歷歷蟠三略
肘後時時校六韜已作移文排俗士更將要術混齊民
知閑聊復求閑地歲晚功名恐逼身

風實雲子六韜之
葉仙藥也見漢武
傳內

次韻黃子虛所居隨緣堂

應羨扁舟泛五湖隨緣卜築伴樵蘇青山袞袞成嘉遯

華髮蕭蕭負壯圖松檜騫騰元白植魚龍吟嘯巧相娛
清宵背立巖前月大叫三高更疾呼

次律兄餉魚魚不至而詩至頗類南海使君送酒
輒成二絕一笑而已賜茗少分以報厚意

憑虛公子騎鯨後烏有先生控鯉初可是凡魚亦仙去
空餘一紙腹中書

先生遠餉錦鱗鮮剝啄扣門驚阿連只有珠璣落窗几
空教口角墮饑涎

尚方小鳳賜精芽戲比瓊瑤報木瓜夢境紛紛非實相
往煩鉤起睡中蛇

曉過鄰村

谿集三

十

推枕夢初斷藍輿鬪露行歲登人意樂風急雁行驚曲
澗哀湍瀉危橋獨木橫清霜莫欺客雲日自晶明

卽事

鶻噪空庭曉霜明百尺樓連柳響晴日遺穗落平疇黃
菊疏籬晚丹楓別岸秋怡情有底計開甕玉蛆浮

竹樹參差合谿流半隱扉雨昏鳩婦鬧風急雁奴歸策
杖循沙步褰裳到石磯游魚吾共樂身世自依違

過梅知宮東軒

舍南舍北花無數眼看游蜂上下狂風信晚來簾額動
黃庭相對一鑪香

允迪遣書問訊并寄示與子我唱酬佳句猥及微

蹤輒用廬字韻爲二詩以報嘉惠

泛愛何人枉素書銀鈎奕奕到田廬朋游久許貧方耐
臣學空憐老更疏回雁峰前應夢到放龜池上也齋居
允迪得郡衡陽僕丹丘皆待遠次僕居龜谿方事投閑之請會允迪書到亦云相期保舍同香火口禱功名乞與渠

不從吏議汙丹書恩許懷章返故廬投老有緣知分溢
排姦無術媿才疏勝流踴躍聞歸權妙語吹噓慰索居
懷望北轅心已折忍將時事付軒渠

書懷三首

應俗由來嬾謀身尚敢先栖栖從見嫉僕僕豈能賢駿
馬常追日方舟可濟川人生各有趣心目御相憐

谿集三

十一

暗中人易記名下士非虛此道憑誰辨它時或自如真
能食萬戶定復媿三閭富貴雖吾有當令功可書
事業貴不苟聲名難預期功非宜食肉道豈忘羹藜政
恐儀無舌那論緯有髭漢庭今用少覽鏡獨何爲

劉希顏提舉見過出示卞山居二詩次其韻

偏仄風塵際分攜歲月賒向來聞避地勝處偶爲家對
客談鋒銳憂時酒量加中觴莫辭醉回首又天涯

小別千山隔相看一笑溫丹心獵風旆華髮粲霜根鴨
鴨爭呼伴鷓鴣自識村更須拚劇飲落月倒窪尊

張仲宗有詩懷歸因次其韻勉之

相逢無日不懷歸又是春山聽子規休歎豺狼迷道路

似聞貔虎什旂旗那從薄俗求青眼還向高堂念白眉
南望孤雲應日斷殊方歲月易推移

南北山探梅俱未花維心從家圃折數枝以餉坐
客蓋半開矣會次律兄有詩輒次韻

山北山南雪意忙梅花未肯鬪寒芳懸知小圃爭前發
爲折疏枝分外香故國年華驚晚晚老人心事伴摧藏
更看陌上傳春信倚杖空懷遲暮傷

次韻鄭維心探梅未花

木落山空不著行寒梅長是占年芳未容霜女窺孤豔
定恐花神嗇舊香竹杖穿林聊問訊槿籬紫路巧遮藏
誰能折寄江南恨北客相看總可傷

谿集三

十一

聞道年時醉一觴野梅飄几薦餘芳兵塵不礙含生意
花骨猶存底死香入夜從教月浮動爭春空被雪埋藏
憑君妙句先摧發調護高枝莫中傷

復次韻呈維心拙澀不工當爲抵掌

岐亭幽夢墮微茫百草先春自不芳山雨壓低臨湖影
天風吹下滿林香梨花少韻非儔匹竹葉多情故斂藏
長記江橋閑立馬落英誰掃重情傷

粲粲疏梅短短牆騷人長恨失遺芳低徊草棘精神透
彷彿關山魂夢香月淡乍看清影亂春深終恐綠陰藏
歲寒爲爾添愁絕倚樹微吟亦自傷

次韻維心憶梅

野花飄盡江梅發為報先春一信芳近水疏林風格老
故山歸路夢魂香雪霜買買添愁絕蜂蝶紛紛預屏藏
折寄憑君呼健步生枝莫放手痕傷

次韻行簡懷次律兄

門對青山水繚牆隔畦花卉盡流芳澆習快瀉鷺兒酒
龔鼻長聞柏子香夜雨對牀成契闊晚雲歸岫識行藏
抽身未識平戎略空為憂時倍感傷

邵子非謂予有天台之行見貽以詩次其韻

嶢嶢老氣鬱青霞過我依然醉帽斜為說驚魂招楚些
忍聞悲曲動胡笳扁舟犯雪來何許健筆凌雲語益嘉
莫笑海山風引去要尋源上問桃花

翁集三

次韻劉希顏蠟梅二絕

仙衣曳紫練裙黃天遣清臞勝國香月上小窗寒影動
不禁風味惱剛腸

翦成香蜜綴疏枝度臘爭春已恨遲清夜無人花睡去
小園風露更相宜

次韻雪

紫簫吹斷玉梅魂夢入江南幾處村半夜落英飛不定
旋添清絕到柴門

月下獨步

娟娟微月小庭西月下幽人影自隨賴有寒梅伴愁絕
一枝清豔耿疏籬

次韻次律兄除夜述懷

此身傳馬與時移過盡三餘又一歸野炬占風迷夜色
農家除夜以火炬候風色占歲事村肴宿歲待晨晞鬢華老去能餘幾

心賞春來轉覺非慚媿君恩許閑佚食蔬那比首陽薇
餞歲鄰翁席屢移拍歌猶聽夜深歸尊浮凍螳霜逾重
林噪寒鴉日未晞賸歎飛騰憐杜老見守歲詩過為孤憤陋
韓非干戈滿眼傷時節遣戍長聞賦采薇

次律兄以蘆菔見餉并有詩次其韻

歲晚嘉蔬已向萎獨餘蘆菔老霜畦收隨芋栗供山谷
贈比蘋蘩擷澗谿菹亂金釵入珍饌羹融玉糝脫汗泥
程春定覺人彊飯功校蹲鴟自不齊金釵事見荆楚歲時記

翁集三

次律兄以鼠盜防風感而作詩命某同賦

嘉蔬靈卉兩紛紛小摘山花自出羣芽茁短根紅玉卷
葉敷疏節翠旂分細看藥譜鐫遺錄終擬騷經補闕文
堪笑饑颺穿敗篋寧知野彘力跑雲防風苗亦名山花野彘喜食之

戲酬嘗草茶

慣看留客費瓜茶政羨多藏不示夸要使睡魔能偃草
肯慚懼伯解迷花一旗但覺烹殊品雙鳳何須覓瑞芽
待摘家山供茗飲與君盟約去驕奢

某蒙學士兄相要陪賞芍藥花多白者月色相射

光彩映發殆玉盤孟之苗裔耶維心有詩輒次其韻

帳望揚州千朵盛數枝聊足慰淹留相逢月下陪眞賞
一醉花前得勝遊鑿落細斟金暈側盤盃斜颺玉光浮
春衫並色渾無賴映帶霜毛笑隱侯

溪亭夜坐

波面搖風暑氣微禿巾來坐釣漁磯相看月墮行人盡
只有流螢上下飛

松架

聯絡樛枝架短簷蒼髯綠骨尚依然祛除畏日心三伏
領略清風直四筵好在老龍蟠天矯誤來孤鶴舞蹁躚
那堪側雨敲窗夜貪聽颼颼自不眠

代人作壽詩

谿集三

十五

老人明處識斜河曾占充閭爽氣多蚤以才名凌屈宋
戲將詩律鬪陰何丹臺舊綴神仙籍黃屋仍垂將相科
禮絕座閒公未晚且提鴻筆上鑾坡
英氣超超不可親温然笑語便生春絳帷久屬宗師任
紫橐方參侍從臣八面文章寧有敵一門忠孝信無倫
山東出相公家事只擬尊前詠大椿

張倅生日以詩爲壽

宿歲雕盤供五辛充閭佳氣已生春俊游自合陪金馬
英骨人猶記石麟別乘重分千里政五湖追數十年身
知公隱德宜難老鳩杖看扶法從臣

詩悼鄒仲容教授

骨相自清臞居然澹滿軀高文凌鮑謝勝略本孫吳鸞
鷺期千仞驕驕殞半途傷心九泉恨那忍奠生芻

徐縣丞挽章

插架遺編滿依然手自臨瓌辭寧世用高調罕知音白
髮浮湘意青衫忌鵬吟些招空往事魂斷舊家林

蔣司成挽詞

法駕天臨五學初曾聞重席絕諸儒雍容久載從臣橐
晚晚猶分刺史符不使高才陪鼎鼐卻收清節傲江湖
賤生無地從巾屨獨對遺篇想步趨

召節西來屬老成乞身終欲返巖扃新書未奏三千牘
舊說曾緇十二經漢室首推施氏易衛人端識孔悝銘

谿集三

十六

儒宗學府今誰輩空使諸生記典型

曾逢原挽詞代劉侍郎

落落江湖一偉人當年玉立映簪紳四朝耆舊推先輩
三國英雄出後塵金板祕謀空澳汨土門奇禍足悲辛
懸知精爽猶堪畏嚼齒傳聞不滿齷

驚聞義骨殞狐狸悵失中朝一吏師廣漢威名由擿伏
寬饒直氣不容欺丹心其憤時多難白首相期論少卑
滿眼西風空濺淚何心忍讀蔡邕碑

安次山挽詞代劉侍郎

都門惜別淚沾巾回首孤城草木春封豕遙聞食上國
疾風懸料識忠臣程嬰已死終存趙揚子雖生輒美新

青史高名知不朽遺榮猶賁土中身

曉殿傳催玉筍班東風小立照衰顏臨分媿我江湖上
伏節悲君矢石閒往事淒涼千古恨舊交零落幾人還
殊方更致生芻奠目斷高丘涕淚潛

劉資政 幹 挽詞

國恥忍言城下盟忽驚河洛變羶腥心摧寶仗離宸極
血濺轅門落將星請死自緣鳴越甲乞師誰爲哭秦庭
高名會與丘山重一誦遺箴一涕零

志士長悲處死難唯公勇決一言閒結纓季路空遺跡
投閣揚雄亦厚顏義烈崢嶸昭國史忠魂寂寞闕家山
隻雞已負它年約下客傷心兩鬢斑

谿集三

挽詞二首

職爲蘋蘩謹門推蔽冕華榮發初翰幼壽考竟肥家玉
暗傳經簡金餘賜誥花斑衣無復戲遺恨徹天涯

耄期何所樂有子使三吳方享千鍾洎俄成五鼎踰光
御堂遺素幔耐城閱黃墟欲拜臨終像它年記結跣

吳宜人挽詞

壽富居然五福先簪纓況復世蟬聯斷機志節酬平日
舉案風流記昔年上郡方蒙湯沐地諸郎應廢蓼莪篇
送車千乘松門道會有雙飛鶴唳天

長短句

浣溪沙和鄭慶襲雪中作

雲幕垂垂不掩關落鴻孤沒有無閒雪花欺鬢一年殘

欲把小梅還鬪雪冷香嫌怕亂沈檀惱人歸夢繞江

干

花信催春入帝關玉雲爭臘去留閒不禁風力又吹殘

客舍不眠清夜冷縈愁一縷裏旃檀空庭月落斗闌

干

葛使君示書有元夕寒廳孤坐之歎昨日石林寄

示所和長短句輒亦次韻和呈因以自見窮寂之

態

華燈高宴水精宮浪花中意無窮十載江湖重縮漢符

銅應有青藜存往事人縹緲佩丁東

谿集三

臥聽蕭寺響疏鐘渡谿風轉空濛月上孤窗鄰唱有漁

翁追念使君清坐久歌一發恨千重

又和葉左丞石林

魚龍戲舞近幽宮亂山中似途窮綠野堂深門敞獸鋪

銅無限青瑤攢峭壁花木老映西東

消磨萬事酒千鍾一襟風鬢霜濛憂國平生堪笑已成

翁唯有經綸心事在承密詔看重重

沈忠敏公龜谿集卷第三終

沈忠敏公龜谿集卷第四

內制

麻制 批答 詔

除郭仲荀武泰軍節度使依前侍衛親軍步軍都
指揮使權主管殿前司公事制

門下勝負者兵家之常將帥莫先於賈勇子奪者國柄
之大帝王尤厚于植恩眷我閭臣麗于邦典解齋旄而
茲久扈巖陸以彌勤爰因需音式盼渙號具官郭仲荀
資稟沈毅節槩軒昂風流紹於故家氣略聞於殊域訓
齊士卒適程李寬猛之宜保障疆陲合孫吳擒縱之要
戰閱屢上勳盟孔昭自從朕於艱虞更飭身於忠謹屬

卷第四

一

虜騎飲江而南下慮敵人並海而東侵授以偏師扼其
要路兵勢弗競避地踰一舍之遙物論既騰敢途收六
纛之峻頃召還於齋土旋典司於禁兵謀謨慨然儀觀
偉甚念世類之祥未艾知功名之志不衰將勵山西之
勁臣遂付黔南之巨鎮周廬微道總中尉之八屯錫盾
彫戈復元戎之十乘茲為寵渥庸示眷私於乎伏波遲
留克成銅柱之略營平名重願上金城之圖儻無愧於
古人益有為於當世往復休命益勵壯猷可

賜朱勝非辭免新除右僕射不允批答

朕續奕世之丕基屬四郊之多壘眷求輔佐期共濟於
艱虞涉歷歲時久未聞於績效既虛厥位益難其人允

惟舊德之良宜膺大政之託授之國柄蔽自予衷再從
廊廟之遊大慰寰區之望而乃露章薦至避寵牢辭彌
徇謙撝殊拂延伫矧卿元功在國隱德及民雅量足以
疑遠圖沈機足以斷大事萬方引領冀臻休息之期二
相同心克副焦勞之志毋留邦渙用穆師瞻

賜席益辭免侍講不允批答

朕惟商之高宗師古建事克致中興逮及光武干戈鞍
馬之閒亦惟道藝不廢講論復漢中天之統朕心慕焉
肆於萬幾之暇他好弗親惟學是嚮躬御經幄延訪儒
臣庶求多聞宏益治道以卿學問之富師友淵源擢居
勸講之聯俾卒金華之業稽于僉論孰不謂宜奚事謙
撝過形控避往推所學紬繹而茂明之副朕虛仁卿亦
與有榮焉

卷第四

二

賜參知政事孟庾辭免通議大夫恩命不允詔

朕以閩越湖湘之閒大憝逋誅根連蔓結脇我赤子盜
弄庫兵宿師連年未克平殄眷然南顧實疚于懷乃輟
帷幄之臣而總干戈之事卿義形于色慷慨請行揆策
投機指授諸將羣凶隨以蕩滅數路為之肅清坐使黎
元復見休息論功甚茂盼賞猶輕時惟股肱必識朕意
抗章避寵豈所望焉夫謙沖之節雖云可尚令出而寢
卿豈不為朝廷惜乎

再賜孟庾辭免不允詔

朕比遣師徒往平寇盜想山川之悠遠爰念懷歸憫臣下之勤勞豈忘勸賞矧我哲輔夙有壯圖入則參與政機謀謨足以決大議出則總提師律精神足以折遐衝蠢茲嘯聚之羣詎費坐籌之畫指顧而定逋逃一空歌杖杜之詩士方休舍變潢池之習民乃奠居褒律肆行需章薦至載惟謙抑殊拂眷懷夫位高而志卑固云美矣功多者賞厚猶用歉然往其欽承勿復固請

賜新除翰林學士知制誥綦密禮辭免恩命不允

朕纂承丕圖戡定多難將欲德意志慮邈達乎斯民茲在號令文章鼓動乎當世翰墨之選茲惟艱哉卿學窮

三

三

本原文備體要代予述作亦既有年再隸職於卿曹復兼官於辭禁演綸滋久摘藻益工報淮南之書卿其視草而遣矣下山東之詔民將扶杖而聽之肆加卽拜之恩示予親擢之意奚爲遜避猶徇故常宜副僉諧之言往就久虛之次

賜新除禮部尚書洪擬赴闕詔

卿居列英髦望隆耆艾中臺曳履嘗冠從班外屏分符久寬憂願迺念踐揚之舊豈忘簡記之勤爰錫贊書聿頒召節虛常伯之席式仁遄歸促舍人之裝應宜夙駕

賜新知平江府趙鼎辭免不允詔

朕親撫六師肆覲羣后乃眷三吳之都會實爲一浙之

喉襟控扼要衝茲號股肱之郡慰存凋瘵宜得腹心之臣卿節槩剛方器量闊達臨事絕回邪之見爲政多豈弟之稱自初進爲皆朕識擢真之言路論尤切於愛民付以事樞志每先於許國退卽祠宮之逸薦更歲籥之際執德不回宅心無競是用起從閑適紓朕顧憂念孔戮立朝見謂公卿之皆憚知寬饒洽郡必使吏民之不欺奚爲抗章尙稽就道勿循謙撝之節其承屬任之恩

賜尙書左僕射領江淮荆浙都督諸軍呂頤浩生

風威翔於北陸方迎朔律之嚴台象耀於中階爰啟高門之慶是生賢佐來相朕躬位崇補袞之華日應垂弧

四

四

之吉式盼珍賜往介蕃祺倚毗廊廟之謨孰踰元老戡定邦家之難必享長年

賜敘復平海軍承宣使蘭整辭免恩命不允詔

朕比以乾象示變震惕于懷乃駿發於需音用導迎於善氣肆加羣辟一洗庶辜卿飭身忠勤致位休顯頃從羈旅之役還典禁屯之兵宿衛惟恭訓齊甚力偶挂吏議頗鑄使名屬號令之布新宜班聯之復舊奚爲謙挹猶事遜辭往膺滿拭之恩勿忘奮勵之勇

賜張深程唐劉子羽獎諭詔

朕治兵南服屬意西陲眷秦雍之疆歲被胡塵之擾連巴蜀之阻日聞邊遽之驚念此傷夷痛如焚灼倚注樞

臣之重總提師律之嚴雖云堂上之奇兵自能制勝允藉幕中之婉畫相與圖全卿起自儒家明於將略閱闕通於禁筦未減頗牧之賢韜鈴贊於廟謨必合孫吳之法山川跋涉歲月淹留挫強敵於方驕賈餘勇而再振執訊獲醜斬將搃旗成茲克捷之功繫乃參佐之力算計見效嘉歎不忘然念虎狼哮噬之無厭豈勝其忍熊羆奮勵而有獲所戒者輕更懷持重之思助成戡難之烈嗣盼異賞寧限彝章

賜新除慶遠軍節度使充醴泉觀使特封德清縣開國子食邑五百戶食實封二百戶邢煥辭免恩命不允詔

谿集四

五

朕會朝方岳竣事合宮告宗祀之備成徧敷惠澤念后家之流落未敢戚藩頗采彝章誠爲闕典自椒塗正長秋之位屬翟馭從朔方之行感此傷心居焉累歲推朕懷兩宮之意彼豈忘親廣朕加四海之恩茲爲篤近爰設將旄之重肆開帥闕之雄匪朕所私繫國之舊曷形遜贖猶避寵名況卿謙厚律身忠謹事上萬里歸于逆旅諒險阻之備更五載服於故官亦靖共之足尙孚號既發僉言允諾勿復徇於勞謙其往承於茂渥

再賜邢煥辭免不允斷來章詔

朕追考 祖宗之舊凡建節旄之雄自非勳德之優用爲報稱必以宗嫻之懿昭其寵榮卿世爲德門居有賢

譽以儒臣之英而識通機祕以后父之貴而志絕豪華熙事備成惠術徧舉聯長安之戚里所存幾人開慶遠之帥藩姑循彝制其往承於異渥毋曲徇於牢辭

親征詔

朕猥以寡昧屬茲艱虞迫臣民愛戴之誠續正統於將墜痛父兄播遷之難履尊位以何安夙夜以圖策慮並用豈不能躬擐甲冑親冒煙塵乘將士欲戰之心慰黎元厭亂之意然以兩宮萬里一別九年覬迎鑿輅之還期遂庭闈之奉故暴虎馮河之怒敵雖逞於凶殘而投鼠忌器之嫌朕寧甘於屈辱是以卑辭厚幣遣使通和庶殫孝悌之思必徇哀恫之請至于土地便絕生齒流

谿集四

六

離師徒懷暴露之憂閭里起繹騷之歎繇朕不德嗟彼何辜仰懷故國之廟祧至于實涕俯見中原之父老寧不汗顏比得敵疆之情稍有休兵之議而叛臣劉豫懼禍及身造爲事端間諜和好信逆離之狂諄率羣偷而陸梁借彼援師倚爲威勢發我赤子脇使征行涉地稱兵操戈犯順大逆不道一至於斯警奏既聞神人共憤猛士在列怒髮上衝以謂逆順之理既分勝負之形可見皆願挺身而效死不忍與賊而俱生朕乃下詔總師卜日引道前驅方戒積陰頓開天地鬼神罔不助順將帥輔弼罔不協心今朕此行士氣百倍雖自纂承之後每乖舉措之方尙念 祖宗在天之靈共刷國家累歲

之恥殪彼逆黨成此偉功載惟風霜跋履之勤仍蹈鋒鏑戰爭之苦與言及此無所措躬然而能建非常之功必有不次之賞初詔具在朕不食言

賜川陝宣撫處置使司詔

朕紹國丕基遭時多難飭戎車於江左爲懷經略之圖列將鉞於關中欲存根本之勢豈虞強國專逞淫威敵勁弗支兵卒解嗟蒼天之不弔宜悔禍于我家憫赤子之無辜重流毒于茲土寡德所致悼心何言賴我股肱之臣總護爪牙之任一戰克捷羣醜殲夷王靈由是復加士氣於焉再振然念興師累歲轉鬪一方被夷狄之係纍寧無淪陷之黨思 祖宗之涵養豈有背叛之

谿集四

七

心憑陵使然踳躐至此儻存疑阻殊咈招徠將束身而欲歸或懼刑誅之慘比復業而莫處或憂賦役之煩或立效而褒賞未加或負才而祿秩未稱疾苦無告愁恨何聊仄席以思當饋而歎於是下哀痛之詔布至意以宣昭施曠蕩之恩洗庶辜而拔拭沿邊將士應陷蕃之人非抗王師及侵掠入寇者並不得誅殺虜騎馮陵之際陷沒州縣官吏將士軍民皆緣事力不能捍禦致有脇從或遭驅虜至今困居本土或旅寓遠邊實爲殘破無日背叛陷蕃之人能立功來歸者仰沿邊帥守保舉申宣撫司一面旌擢優賞其次雖未能立功而心在本朝有意懷來者各以元舊官職任使兵級弓箭手依舊

職名收管民兵願歸業者聽其開才力可用特與拔擢或有以前罪犯懷疑自危一切原貸或先曾立功未曾推賞即特與推賞因陷蕃廢業失所者寬其租賦免其征役昨緣道路不通號令壅隔致遠方之民疾苦無所赴訴專委宣撫司講究措置並從寬恤遍下諸處官司施行咨爾有眾咸識朕心各堅奮勵之誠亟臻休息之效故茲詔示想宜知悉

親征戒諭州縣詔

朕以逆臣劉豫稱兵南向警奏既聞神人共憤朕不敢復蹈往轍爲退避自安之計而重貽江浙赤子流離屠戮之禍乃下罪己詔親總六師臨幸江濱督勵將士然

谿集四

八

興師十萬日費千金動眾勞人懼所不免每一念此惻然疚懷尙觀監司帥守與夫郡邑小大之臣夙夜究心體朕此意凡借貸催科有須於眾者毋或縱吏並緣爲姦凡盜賊奸宄輒生窺伺者務絕其萌毋令竊發其或乘時搶攘恣無名之斂容奸玩寇失幾察之方至使吾民橫罹困苦有一於此必罰無赦候軍事稍平當遣廷臣循行郡國

招從僞士大夫詔

朕惟靖康兵革之難神器幾墜天命有在屬于眇躬夙夜兢兢罔敢自逸期與爾士大夫共雪大恥還我兩宮保有黎元永庇中土而強敵侵軼迫朕一隅叛臣乘時

盜據京邑使我縉紳淪陷塗炭絲朕不德以至於斯北望傷心收涕無所亦惟爾士大夫蒙祖宗休澤服在周行其有失身偽廷事非其主顧驅脇使然有不得已者朕甚痛之故若張孝純李鄴李儔等內外親族不廢祿仕每飭有司常加存恤朕之於爾厚矣爾尚忍忘之耶其能洗心易慮束身以歸當復其爵秩待遇如初或爲奇謀秘畫立功自效迺旃異賞不限彝章嗚呼逆順之理禍福之機昭然甚明要知所擇朕方布大信以示天下言不爾欺有如皦日咸務自省體朕至懷

賜吳玠詔

覽所奏盧法原以疾不起良用盡然已降旨揮邵溥權

翁集四

九

管宣撫司常行細務至於軍旅調發之事疆陲控制之方此乃國家之大計朕既委卿獨當一面卿其以身任之惟卿忠存廟社威震羌胡勤勞累年動伐甚茂使隴蜀之境恃卿以安則朕有長城之託益所倚重卿必深諒此意自信不疑近報遣兵分道四出秦雍一帶次第來歸備見規撫嘉歎不已夫關河天下之根本朕未嘗一日忘也收還故土撫寧遺黎此所望於卿者願朕亦安能鬱鬱久居此乎相時觀望卿宜勉旃比已遣張浚措置荆襄恐有事宜就令報應卿可知之

賜韓世忠詔

覽奏欲依舊留屯淮甸誓與敵人決於一戰已悉朕迫

於強敵越在海隅每慨然有恢復中原之志願以頻年事力未振姑鬱鬱於此自去冬敵人深入卿首挫其鋒鼓我六師人百其勇既至潛師引遁而卿復率先移屯淮甸進取之計恃此爲基朕甚嘉之前日恐老小或有未便委卿相度今得所奏益見忠誠雖古名將殆無以過使朕竦然興歎以謂有臣如此禍難不足平也古人有言闔外之事將軍制之今旣營屯安便控制得宜卿可施置自便勿復拘執至於軍餉等事已令三省施行方此酷暑將士良勞行飭使人齎賜夏藥撫問卿並宜知之

賜張浚詔

翁集四

十

覽奏爲韓世忠移屯事遽有外祠之請良用憮然卿謀慮精審宜無遺策而世忠遣濟等來固自有意繼遣啟至陳義激昂其所設施略如初議至其曲折方適厥中卿復何疑而有斯請比以亢旱鼎等方求罷政使朕茫然莫知所措已降詔趨卿還朝當體朕懷卽日引道勿憚徒御之勞也

賜三省銓擇監司郡守詔

朕惟監司外臺耳目之寄郡守承流宣化惠養吾民其委任重矣開者朝廷輒輕以假人將何以使民聳然聽服朕甚惡焉繼自今其御名選擇勿徂於故常勿牽於私意以累國其已除授人亦銓量而去留之或資序已

深屢更此選雖無顯過而才非所宜當處之外祠稍優其祿庶幾稱朕求治責成之意而士無失職之歎仰三省常切遵守

賜張浚詔

比得胡世將奏知卿已過長沙觸熱引途其勤至矣雖卿以身任天下之重而自忘其勞然大臣暑行朕心則有愧焉湖湘之寇卿到彼指授諸將必能克日蕩平顧朕所慮者前此王玟輕入失利賊勢益張今漲潦瀾漫之際彼方阻固恐有狡謀遣發師徒更宜審細且招且捕一舉成功行此南顧之憂專意北事乃朕指也已令趙鼎諭卿宜悉之

賜劉光世韓世忠張浚詔

朕自渡江以來志在恢復深惟足食足兵之計夙夜疚懷凡財賦所入未嘗一毫妄費悉用養兵而已故比年訓練士卒精強而器械亦皆犀利比之曩昔實不相侔是以去冬敵人之來卒賴卿等極力捍禦致彼遁歸蓋前此所未有也朕甚嘉之然中原之未復二聖未還而僭偽之徒方挾強國之援狡謀日急願我所以勝之者惟是上下內外合為一家如報私仇乃克有濟儻或各以其職自分彼此日復一日成功實難卿為國重臣安危所繫諒必察此不待朕言今國用空殫民力耗竭雖有司錙銖積累而費出之數日以寢廣苟無以繼何以

聚人每一念之心常怵惕想卿亦為朕慮及於此也至於差辟官屬保明功賞軍須用度之類更在精覈勿至泛濫使賞當而爵祿不私用足而資給不匱則存養事力漸圖進取朕與卿等同享無窮之利顧不美哉布朕此意卿宜悉之

賜李綱詔

朕昨總戎車前臨敵壘泊潛師之引遁勞戎役以言還惕若眇躬懼茲多難幸求善後之計敢蹈護前之非博訪舊臣屢形深詔卿首陳三策適投卻敵之機繼上六條大闡與邦之略意拳拳而曲折言懷懍懍而高明有發予衷如對卿語此乃卿精忠許國誠節表時雖在燕閒之中不忘開濟之事肆披夙蘊因致良規省閱再三嘉歎不已至若議和避地之失練兵積粟之方將議改圖共期底績臨朝願治顧策慮之是資當饋思賢念話言之可想宜從疾置時告嘉猷終藉經綸之才助成戡定之烈故茲親筆以示至懷

沈忠敏公龜谿集卷第四終

沈忠敏公龜翁集卷第五

內制表附

詔 敕書 口宣 表 內制 詞文 表

賜岳飛詔

比得張浚奏知湖湘之寇悉已肅清紓朕顧憂良用欣
愜非卿威名冠世忠略濟時先聲所臨人自信服則何
以平積年嘯聚之黨於旬朝指顧之間不煩誅夷坐獲
嘉靖使朕恩威兼暢厥功茂焉腹心之患既除進取之
圖可議緬思規畫嘉歎不忘然恐招撫之初人懷反側
更宜緩輯以安眾情措置得宜彼自馴擾必與卿計之
熟矣或有陳請可具奏來

發集五

嘉業堂校刊

車駕進發賜臨安府詔諭

朕以諸將之兵分屯江上捍禦敵人暴露勞苦今將幸
其營壘親撫勞之庶幾戮力一心以安宗社疆事稍定
即議回鑿咨爾此邦之人當體朕意

賜劉光世張浚詔

得張浚奏比至太平建康閱時卿所部軍馬武藝精強
士氣振發他時卻敵決取成功至於紀律嚴明秋毫無
擾民旅和會上下安定繇卿訓督所致良用歎嘉故茲
親筆獎諭想宜知悉

賜李綱詔

朕以大江之西俗輕而悍兵之寇無歲無之師旅薦興

民益凋瘵肆圖舊弼往填臨之卿威名德望聳動一時
風采想聞人自情服起於開館作我价藩匪惟指顧之
間一變潢地之習先聲所暨諒折遐衝朕之用卿審矣
卿宜以安社稷為己任勿開中外勉為朕行不必數有
請也故茲親筆詔諭卿其悉之

賜呂頤浩詔

朕以湖湘入州之地西通巴蜀為國上游往連盜區一
方騷動比者招輯雖已略平而民俗剽輕或易生變允
藉耆德往填撫之乃起卿燕閒之中而屬以方面之事
庶期談笑生以銷萌慰彼黎元增重形勢而抗章固避
殊咈於懷惟卿社稷元老身任安危必不以內外為閒

發集五

二

諫應聞命慨然引途故茲親筆詔諭卿宜悉之

賜劉光世詔

覽奏欲赴行在奏事必有為國經理之謀歸以告朕良
用歎嘉朕意亦欲卿一來緣遣相臣浚往江上時師行
日甚近又恐緣此滯留俟浚至彼卿可一面商量或更
有所見具奏以聞固所望也卿宜悉之

賜交趾郡王李陽煥歷日敕書

朕正位凝命纂聖緒於累朝治歷明時加王正於率土
眷爾藩服為予世臣適臨改歲之端宜膺頌朔之慶占
耕期於農扈克謹民功奉貢職於象胥必遵侯度今賜
卿紹興三年日歷一卷至可領也故茲示諭想宜知悉

秋冷卿比好否遺書指不多及

賜武泰軍官吏僧道者壽等示諭敕書

朕以郭仲荀將門華胄帥闕勁臣出則總護於戎行屢任爪牙之重入則典司於禁衛見謂腹心之良再扈嚴廊之居彌肅綏衣之列嘉乃忠節推其勇功肆開屏翰之雄盡復節旄之舊恣性雅俗素服能名及聞廷號之盼必盡輿情之望今特授郭仲荀武泰軍節度使依前云云

賜吳玠王彥闢師古獎諭敕書

朕乘歷運之中微屬方隅之多故兵塵數起邊候屢驚永懷秦雍之區久罹夷狄之禍累骨滿野連城為墟興

谿集五

三

言實心引望流涕式資驍銳之將屏此腥羶庶使創殘之民脫於塗炭卿世家隴右氣稟山西總忠憤於胷中輝威稜於塞外運奇合變並施九拒之謀鼓勇爭先悉用萬全之略潛軍一舉進騎四馳折虜勢於方驕激士心而復振茲為社稷之衛良慰鼓鞶之思然念歲月倏遲風霜侵薄勤勩雖由於爾力咎責實歸於朕躬更奮鷹揚之師益蠶蟻附之眾剋復疆土撫定黎甿赤囊之捷系傳功既存於廟祔丹書之誓永固福自及於子孫各堅乃誠勿忘朕訓

賜朱勝非辭免右僕射恩命不允口宣

卿功存應變德協鎮浮廷號肆盼朝僉允穆宜膺瞻意

往柄宰司

賜郭仲荀辭免特授武泰軍節度使恩命不允口

宣

卿家傳韜略世載勳庸忠謹自將簡注惟舊復盼節鉞仍侍殿嚴往服異恩益圖休烈今賜卿告想宜知悉

賜孟庾辭免進通議大夫不允口宣

卿總護戎行掃平寇虐褒功未稱避寵奚為其服恩章勿形遜贖

賜邢煥除慶遠軍節度使充醴泉觀使辭免恩命

不允口宣

卿系出儒家恩聯戚里謙恭有守靜名無譁齋鉞既盼

谿集五

延紳允穆往承茂渥勿復牢辭

上 太上皇帝表

臣太上言籲天迫切久期鑿鑿之還閱歲推遷猶闕寢門之問想百靈之奔衛致萬福之來宜中謝恭惟

太上道君皇帝陛下道格神明仁霑動植釋位退託雖殊南內之居履時艱危未返北征之馭臣尚遲虞待每積憂思民心徯於歸君彌極天旋之望帝命從於與子必諧農省之所臣無任

上 太上皇后表

臣太上言慈闈猶阻屢驚歲月之移壽斝莫陳每積晨昏之戀陰知天意密護聖躬中謝恭惟

臣太上言慈闈猶阻屢驚歲月之移壽斝莫陳每積晨昏之戀陰知天意密護聖躬中謝恭惟

臣太上言慈闈猶阻屢驚歲月之移壽斝莫陳每積晨昏之戀陰知天意密護聖躬中謝恭惟

臣太上言慈闈猶阻屢驚歲月之移壽斝莫陳每積晨昏之戀陰知天意密護聖躬中謝恭惟

臣太上言慈闈猶阻屢驚歲月之移壽斝莫陳每積晨昏之戀陰知天意密護聖躬中謝恭惟

臣太上言慈闈猶阻屢驚歲月之移壽斝莫陳每積晨昏之戀陰知天意密護聖躬中謝恭惟

臣太上言慈闈猶阻屢驚歲月之移壽斝莫陳每積晨昏之戀陰知天意密護聖躬中謝恭惟

太上皇后殿下德庇六宮恩涵萬宇練衣出綺素存椒掖之規翟馭旋途應罷瑤池之集臣思深語咽望極涕零富貴不足解憂致孝當嚴於大養疾痛則必反本祈恩式佇於遄歸臣無任

代高麗國王王楷表二首

臣某言仲秋漸涼恭惟

皇帝陛下聖躬萬福臣某誠瞻誠祝頓首頓首竊念臣叨司蕃寄襲箕子之餘風瞻望宸居效封人之善祝臣無任

臣某言今年六月十七日迪功郎吳敦禮至奉詔書一

道者使指遄臻訓詞俯逮豈圖疏迹敢冒寵靈中謝恭

谿集五

五

惟

皇帝陛下出震以應期乘乾而御變非后何戴民咸懷於有仁其命維新天亦佑於一德時雖屬於多故日可期於太平言念下蕃素陶聖化之屏之翰曾莫效於微勞爲龍爲光乃屢叨於異數頃馳賤介祇述貢儀可嗟一葦之航未能泛濟致使小邦之信不獲升聞深自凌兢莫遑啟處適以遭家之多難又稽繼歲以入朝敢期睿明灼見誠懼特講省存之典俾知眷遇之豐恩實非常報將安所復禹之績願克紹於先王曰商是常期不墮於舊職臣無任

內中祈禱感應改謝道場開啟祝文

伏以官占告異乾象示威妖實自於人興孽匪從於天作惕惟眇德肅事沖科荷眷顧於靈虛匿光芒於杳靄況撫艱難之運尚懷惴懼之誠庶保祥圖悉回咎證

內中祈禱感應青詞

伏以菲德賜圖副天心之眷妖芒動色致干星象之臨深惟謫見之端聿懷銷復之慮忱誠密扣威命潛回發精禱於至和還次舍於常度更祈貺施益勵寅恭

冬至御侍已下賀 皇帝詞語
伏以一氣潛萌驗羣陰之退聽七日來復推五福之類升恭惟

皇帝陛下躬履勤勞志存戡定緝熙庶政深得損益之

谿集五

六

宜陟降百工大明消長之分茂對舒長之巨式膺蕃衍之祥三靈顧歆萬宇寧謐妾叨塵禁侍獲奉宸慈測繡縷之初遲騰壽觴而胥抃

表

代賀元會表二首

清臺紀候載臨七始之期路寢頒常丕講三朝之會惠均黎獻喜浹寰區中賀竊以輯五瑞於虞庭止稱羣后辨九儀於周室爰及諸臣蓋將受萬國之朝因以上四方之計欲稽本始宜在端元恭惟

皇帝陛下凝命紫清匹休黃序愛育萬物則仁行如春照臨百官則德進乎日故極舟車之所至皆奉琛寶以

攸歸乃究皇儀聿宣帝澤庭實千品肅正守之臚傳陛
戟百重壯周廬之羽衛威容備舉物采彰明遂修曠古
之闕文以續累朝之盛典臣繆當支郡方遠周行目想
雲霄猶記鈞天之九奏身居湖海阻陪嵩嶽之三呼
法座端臨懋講初元之會禁庭肅設並造大昕之朝折
俎均慈康衢溢喜中賀竊以六年考五服之制度雖本
周官三朝受萬國之貢珍寶存漢法蓋體一元統始之
義以識庶邦享上之誠宜在昌期克修令典恭惟
皇帝陛下紹休 累聖席慶叢霄道樞得乎環中德澤
施乎方外盛禮興樂與三代以同風執贄奉琛致九州
之共貫因歸事於宰旅遂辨等於司儀時乘嗣歲之興

第集五

七

詔卽當陽之御陳百寮而贊羣后臚句交傳尊中國而
服四夷威容兼備臣濫馳使驛久去帝閣稱壽觴之九
行想聞鼇抃闕庭實之千品阻綴臆趨

代賀收復杭州表

狂寇逋誅馴致入郢之警偏師薄伐亟還按堵之居種
類旣殲流離悉復中賀竊以東南巨屏吳越舊封在昔
割據之初未嘗用武維今休息之久豈復知兵故輕狡
之連謀乘安平之弛備稍稽捕逐寢肆跳梁負匱擔囊
始依憑於山谷揭竿斬木卒驚犯於潢池比及上聞聿
頒中詔憫愚民之冒昧因重使以招徠猶冀竄藏方圖
剪滅蟻蝨之痒脫或俟於爬搔雷霆之威顧豈勞於摧

折縱於九拒舉以萬全適陳將鉞之嚴已復侯藩之舊
恭惟

皇帝陛下弛張文武出入聖神法日月之照臨體春秋
之生殺蠶茲奸宄殘我善良欲空烏合之羣肆遣鷹揚
之旅果憑勝算克濟成功示恩信於一方輝威靈於四
裔臣繆當支郡實控要塗首與備禦之謀嘗集散亡之
旅迨承嚴召猶敢留行單食壺漿樂致王師之饋鼎臠
俎載願廣皇武之歌雖阻預於稱觴亦庶同於擊壤

代提舉常平謝到任表

乘使傳之光華曾微報稱奉帝綸之溫厚更辱超踰寵
至若驚感深以涕中謝伏念臣受材絀薄植性滯頑結

第集五

八

髮讀書粗知於爲己彈冠從仕常切於慕君乃忘習俗
之是非但守家傳之清白激昂志操電勉事爲斷斷它
技之猗無終慚意廣錄錄奇節之未有愈覺心勞頃被
誤知驟叨煩使摘山煮海適當寶藏之興足國裕民已
見宿儲之備陶冶悉歸於帝力幹旋何數於臣功敢謂
矜憐曲加獎拔就躡將明之寄俾專勝欽之權原隰所
經弗改馳驅之舊倉箱旣溢第令取予之均退省何人
輒汗此選茲茲伏遇

皇帝陛下堯仁天大周道砥平恤隱逮縵罔俾一夫之
失所哀多益寡遂令萬物之得宜欲實德之周施聰微
勞而畢錄特捐異寵因勸庶工臣敢不肩此一心展其

四體鑿覆車之前戒廣蔭樾之深恩雖曰涓塵庶可增於高厚譬如草木豈能謝於生成

代謝賜出身表

綴甘泉之班已塵法從賜奉常之第更擬賢科捧溫綈之粲然撫微軀而愧甚中謝伏念草茅末族韋布陳人蚤歷詞場曾無足用之學繼從官牒遽有多取之名恐泯認於俗吏之為故激昂於儒者之身身迷簿領幾負平生耳熟絃歌猶驚昨夢忽被龍庭之異睠亟追雁塔之英游禮異詳延恩踰特起服章雖麗恍如脫於白丁詔墨未乾喜若登於黃甲何期暮齒乃遂初心此蓋伏遇皇帝陛下駕馭英豪撫綏黎庶下訪山林之隱逸旁

谿集五

九

咨軒冕之棄遺數路俱收寸長畢錄察臣粗諳事任故加以次對之名憐臣稍涉藝文故清其出仕之目臣敢不深體至意益恢遠圖考究古人之書講明當世之務庶欽廟臣節以報主知

代謝轉官表一首

轉粟千艘曾微異績就官一列忽玷明綸恭承晷獎之私深積超踰之愧中謝伏念臣受生艱拙奮跡羈孤讀書徒守於陳言初非利己任職僅逃於常憲何以瘝人頃蒙推擇之優薦領輪將之重會當師役方翦寇攘率饋餉以周行越江山之回阻服勤庀事益分守之當為奏凱第功豈寵光之敢覬例加殊賞誤及微勞此蓋伏

遇

皇帝陛下道妙曲成智深旁燭威稜遐暢既空蠅蚋之羣褒典嗣頒已徧貔貅之旅乃眷飛芻之力亦疏增秩之榮臣敢不益侈帝恩具宣使指循名考實雖未知足國之謀宿道嚮方或庶幾報上之節

代賀南郊禮成表三首

泰疇奉祠昭事上帝端門肆赦敷錫庶民恩浹幽明驩均溥率中賀竊以天人相與莫尚於郊正祖宗以來尤嚴於禋祀導迎至景謁款大神蓋將答四海之驩心豈特循三歲之故事恭惟

皇帝陛下紹休 累聖席慶叢霄盛德升聞已極和同

谿集五

十

之妙彌文備舉故忘登降之勞禮既洽於精純澤遂疏於優渥臣屢膺煩使阻遠周行胥蠻潛通想已瞻於鄉坐福釐旁暨愧莫預於駿奔

泰壇峻事修三歲之親祠解澤流恩有萬方之多罪凡居覆幬同極驩呼中賀竊以申陟配之嚴雖云舊典正合祛之失蓋自新儀彌文具而孝隆精意昭而福備乃施惠術爰及膏災伏惟

皇帝陛下德合乾行功循祖武丕釐上帝之命志在寅恭承底蒸民之生務存寬大既定郊正之卜肆均海宇之休臣猥以微軀繆當支郡駿奔於列阻依天日之光誕告所臨俾霑雲雨之潤

緹室飛灰甫定一陽之下紫壇升燎載嚴三歲之祠恩
渌華夷慶均朝野中賀伏以宗祈推本陟配奉先千品
具而禮乃行百神享而福所降歛時貺施茂對一人之
休念此膏災誕敷四海之澤豈惟故事實乃殊休恭惟
皇帝陛下凝命昊天同功烈祖既保定爾遠追歸美
之言故安樂之克篤守成之志肆及婁豐之候聿修大
報之儀惠術俯加和聲迭應臣濫塵扈從叨領輪將迹
寄江湖結望雲之遐想分隨草木霑蒙露之餘滋

代賀明堂宗祀禮成表

光堯寶御名宏開肇正合宮之位齋輿夙駕聿修宗祀之儀
慶浹人神驩均華夏中賀竊以頒朝布政於是有王者

銜集五

十一

之堂嚴父配天所以教諸侯之孝勗自黃帝逮及成周
監二代而倅圖順四時而作則考冬官之記炳然制作
之工歌我將之詩允矣威容之盛旋起三雍之議猶存
五府之祠於皇祖宗首啟鴻博參稽六籍將革權時
之宜追考九筵實待重熙之日恭惟

皇帝陛下道隆稽古德懋奉先兼三王損益之文黜諸
儒同異之論全謨駿發鉅典勃興陽曜陰藏拓豐基於
廣內天造地設占王氣於中都茲大饗於先王薦九州
之美味肅離顯相均釐已徧於臣鄰涓選休成霑澤遂
周於寰宇臣叨從未宜逃聽鴻猷縉笏垂紳莫預駿奔
之列扣頌擊缶但慶歸美之音

代賀天寧節表

瑤光呈象錫一人有慶之符火德繼明開萬世無疆之
福驩聲互地和氣浹天中賀恭維

皇帝陛下德契分人道極妙物用端命於上帝能保惠
於庶民雷厲風飛極號令之鼓舞金聲玉振備條理之
始終丕成九廟之休茂對三靈之佑會逢良月允光堯
誕辰四海梯航永奉人正之統千官劔佩交騰天保之
歌臣屏跡江湖馳心軒陛望堯雲之紛郁莫預稱觴祝
舜日之舒長唯知擊壤

代謝侍講表

趨詔江湖還眞論思之列執經帷幄進陪勸講之聯叨

銜集五

十二

恩每念於超踰瀝懇靡容於控避威顏密邇感涕縱橫
中謝聞聖主輯稽古之勤實關政理儒臣共守成之
樂專在藝文故立誦說之官時賜清閒之燕終始典於
學庸備多聞之求左右惟其人庶資一德之協況萬世
親逢於大聖而羣臣莫望於清光必有異能庶存故事
臣學殖浮淺文思淹遲多病早衰久矣寢忘於舊業少
徒寡耦介然唯恃於孤忠頃扈屬車之後塵嘗預外廷
之末議空糜歲月無補絲毫拜州雖切於口口去國益
深於春戀遽膺召節重歷禁扃翺翔玉筍之班綉繹金
華之業食殊庭之祠廩併冒新除對延閣之直廬猶驚
昨夢顧寵光之若此嗟報稱之謂何此益伏遇

皇帝陛下躬攬萬幾心游眾妙文謨武烈治登三代之隆周誥商盤言合六經之懿然猶親御便坐延見邇臣深研上古之書博詢當世之務軫懷遺履輒命賜環臣敢不益戒庸行少酬睿睠盡精極慮願何以增日月之光適旬分章恐於此窮溝澮之涸

爲吏部魏侍郎謝表

奔命造朝會萬乘親巡之所叨恩拜職就七年舊立之班嘗試可而無功輒辭難而有請俞音終闕感涕空流中謝伏念臣章句之學而昧於適方田野之姿而拙於任劇昨荷朝廷之過用猥緣場屋之虛名齒髮已凋事功奚取念胡塵之倏擾傷國步之艱難方入駿啟塗既

爲集五

十三

不獲執干戈而效臣節暨六龍御極又未能扈警蹕而贊帝謀愧恥塗顏憂憤切骨比膺迅召卽戒疾驅冀殫髦髦之思少效拳拳之義雖枕戈待旦每誦斯言然坐井觀天了知何補敢謂獎憐之渥亟收流落之餘旋拜訓詞再貳銓部屬師旅興行之際正人材淹滯之初名曰故官事非前日矧茲衰病豈克堪任茲蓋伏遇皇帝陛下神聖先知英武大度負展而朝萬宇更延奕世之休折筮以咎四夷將靖中原之亂疇咨眾俊宏濟多艱凡蒙惟舊之求莫奪已成之命有如臣輩亦玷此恩臣敢不暱勉夙宵依附日月著鞭雖晚尙肩勵職之心借箸可前期盡報君之策

爲魏侍郎謝得宮觀表

嬰疾告休自驚累月祈哀引退尙憫餘生再仍延閣之班更食珍祠之虞銜恩僥倖撫事徊徨中謝伏念臣頃迫衰遲久投閑散辦嚴上道起從一節之趨扶憊造朝願殫干慮之得而臣孤蹤晚達薄命終窮未施橫草之勞已抱負薪之歎庶期少閒或能殉國而捐軀況值多虞豈忍臥家而避事悼初心而莫遂荷成命之已行滿盈招蹠盤之災天其或者冒昧拜支離之賜臣猶知之此蓋伏遇

爲集五

十四

皇帝陛下輝揚天威恢廓皇度憂勤政事講明興廢之端愛惜人材保全進退之節姑從所欲用恤其私臣敢不休養期年規圖後日猷猷不忘之意終戀蓋帷溝壑未填之身尙期鞭策

爲顏左丞謝賜生日生餼表

綸言溫厚曲記始生品物便蕃特存故事荷雲天之施渥知螻蟻之命輕中謝伏念臣奮身衰遲遭世艱棘抵龜而決偶階攀附之榮驂乘而行蔑聞陪輔之效適屆劬勞之日更叨錫予之私慶溢庭闈驚傳里巷此蓋伏遇

皇帝陛下英威馭世雄武興邦恢張遠圖首啟腹心之密昭示至意獨全體貌之隆故捐此恩以華其老回念終身之慕豈廢糜捐興言末路之艱唯知感勵

爲顏左丞謝賜生日生餽笏記

御府分珍加賁劬勞之日親庭拜貺益光衰朽之年此
蓋伏遇

皇帝陛下獨智沈幾深仁徧愛特盼寵數以勵臣鄰謹
如慈母之教臣當委微軀而報上

沈忠敏公龜谿集卷第五

第五

十五

沈忠敏公龜谿集卷第六

表

謝除御史中丞表

一節造朝已玷持書之舊十行錫命遽叨執法之榮危
 悃上陳温言狎至覲顏就列攬涕知慙中謝臣竊以風
 憲之司政事所繫臺綱正則百度舉國論定故羣慝消
 專務抨彈寧容畏忌必也深達治體更練事情本之以
 仁厚愛物之誠加之以正直事君之道身任眾怨屹如
 柱砥之鎮頽波言切上心沛若巨魚之縱大壑俾率其
 屬克大厥官伏念臣多病早衰少徒寡與叨蒙異眷祇
 罄孤忠危哉樓子之言將其扶於公道甚矣汲黯之釁

谿集六

嘉業堂校刊

嘗自觸於駭機一去天墀甫更歲籥召從下澤歸觀清
 光心驚仗馬之鳴初疑昨夢日駭臺鳥之集復守故棲
 空貽尸素之譏敢有超遷之望忽傳明命驟躋峻班寵
 過食浮莫遂循牆之避位高責重更深臨谷之憂此蓋
 伏遇
 皇帝陛下自誠而明能哲而惠羣策屈羣力並輯謀猷
 之良公事當公言兼收聽納之美察臣論每專於國計
 憫臣志獨緩於身謀出自親除就加器使臣敢不益堅
 素守仰稱殊私明目達聰方廣求言之路摩頂放踵盡
 是報恩之身

謝賜對衣金帶鞍轡表

衣裳出笥加寶帶之爛然艤輶在庭傳華聽之沃若叨
 光焜耀顧影徘徊中謝伏念臣才不逮中職非致遠念
 起家之寒甚驚卷髮之班如早對妻孥嘗動王章之泣
 晚懷鄉里寧忘馬援之言頃荷宸慈再紆召節故里靡
 容於懷絃舊班俄俾於乘驄浸冒寵私每踰分願此益
 伏遇

皇帝陛下仁深約己禮厚好賢藩飾庶邦不待無衣之
 請命駕馭多士使知有駟之在公特示匪頒以昭睦遇
臣謹當依附日月黽勉夙宵負赤芾三百之譏偶先結
 綬竭駑馬十駕之力敢後著鞭

謝除吏部尚書兼權翰林學士表

谿集六

二

柏臺五院之游屢經冒進蘭省六卿之列首玷超除更
 被詔函兼陪辭禁寵榮併集愧懼交深中謝伏念臣涉
 學迂疏起家寒瑣寸心許國但知直道而行片言得君
 肯借游談之助悼奇節之未有慚它技之猗無祇以孤
 忠數叨異數擇笏而賜李絳獨蒙曲誤之知前席而見
 賈生每奉清閑之燕念殊恩之難報宜嚴遣之必加豈
 謂忽拜明緝驟躋華序從事銓衡之地力已弗勝寓直
 翰墨之林才將焉強靡容俯俸采積戰兢此蓋伏遇
 皇帝陛下睿知先知英武大度勤於接下圖宣王復古
 之功寬以用中得成湯立賢之道矜憐狂直之末躡寘
 峻髦之先臣敢不外竭罷駑中存丹赤上山濤之啟事

何敢不公草陸贄之詔書終憂靡稱

謝兼侍讀表

軒墀載橐備甘泉之近班帷幄執經紹金華之絕業皆極儒臣之選悉繇睿主之知銜恩有加收涕無所中謝伏念臣資材驚甚誦數闕然學者以聖王為師歎清光之難望春秋乃天子之事懼微言之罕通豈圖申錫贊書更侍便坐討論三傳之旨參陪五學之游莫遂循牆終宜避席此蓋伏遇

皇帝陛下道侔天運德懋日躋左右惟其人輯搢紳於燕閒之際終始典於學脫筆削於廢錮之餘致誤簡知與叨紉繹而臣丹心獨在華髮半空因事獻言雖欲殫

谿集六

千慮之得斷章取義豈能副多聞之求偃僂以還跼踖而已

謝除職名宮觀表

叨榮帥閩甫回南紀之行養疾祠宮復忝西清之直荷大恩之委曲撫孤跡之凌兢形影自隨涕洟交溢中謝伏念臣家世寒甚質狀眇然不虞樸拙之易危殆至迂疏而難合祇憑直道屢發狂言每期特立而獨行是致多仇而少予向紆三組本繇上聖特達之知寢閱九遷彌處眾人必爭之地了無裨補積有罪愆閒蒙賜對於燕朝數丐投閑於散地迨膺重寄自列初心何敢徇於身謀誠恐乖於國事既寬威命亟下俞音望蓬萊之昔

游雖云引去指柴桑之舊隱儻遂來歸祿賜尚豐寵名益侈此蓋伏遇

皇帝陛下皇明並照聖度兼容馭眾得官施之宜圖功乘事機之會憐臣意愚有守蓋嘗備腹心之臣察臣絲弱無堪不復責爪牙之事故捐異渥以佚殘骸臣敢不追悟昨非退安素分魂榮榮而去國莫效餘忠思髦髦而慕君庶存晚節

賀冬至節表

律隨候應驗一氣之潛萌卦以類通知七日之來復中賀恭惟

谿集六

皇帝陛下麗恩浹物剛德御時圖回每惜於分陰恢復靡忘於尺地法宮展采將陳亞歲之儀神筴延年必享後天之福臣屏居故里阻預周行測舜日之長徒傾葵藿望堯雲之近分隔泥塗

謝知鎮江府到任表

奉祠真館本避寵而投閒試守名邦忽叨恩而任劇已布哀矜之詔庶銷愁恨之聲下聽民言皆知上德中謝伏念臣衰羸多病樸拙少文奮身無半面之交最為孤立遇主有一言之合亟被深知向塵耳目之司即受腹心之託雖觸犯忌諱每恃包容然排擊姦邪多招仇怨而臣忠在許國義難徇人迨陞銓總之曹架積顛廢之懼稍求散地俄奉俞音一自去於朝班已再更於年所

形潛窮谷方追麋鹿之游夢入修門空想鶴鷺之侶敢
圖簡記復玷使令矧此凋殘之餘居然控扼之要江山
猶昔雖云襟帶之存城郭已非但見工墟之積志徒策
勵才豈堪任此蓋伏遇

皇帝陛下器使羣才陶成庶類念臣進繇新擢姑務保
全於始終察臣退在自安更令揚歷於中外肉骨之恩
逾厚糜軀之報益堅誠恐技窮敢辭責重謹當奉承德
意勞還緣晦之民憑藉威靈和輯扞邊之士竊能辦職
猶覬乞身

謝除吏部尚書表

擁麾臨郡靡聞治狀之優曳履還朝忽拜召音之迅班

銜集六

五

聯雖舊眷渥彌新中謝伏念臣奮跡孤生受知明主越
從羈旅之次實在英游之間六年於茲一節以守犯顏
狂論仰翳全度之容率意妄行頻觸駭機之發頃違表
著退即工樊庶少避於滿盈亦苟逃於罪戾恩緣謀帥
詔使牧民雖公家之利無不為羸識所嚮然軍旅之事
末之學終媿斯言曾坐席之未温已賜環之亟下自驚
衰朽重歷禁嚴此蓋伏遇

皇帝陛下信順尚賢聰明稽古多士雜選皆洞照其肺
肝羣胡跳梁已陰得其要領將開輿運並用舊人如臣
等夷亦在比數臣敢不激昂於事洗滌其衷涉世蹈憂
患之途其身已老報君持忠義之節此志不移

謝除兼侍讀表

召節始頒已冠六卿之列除書繼下亟從五學之游拜
命便蕃撫躬踟躕中謝竊以顧問之職講讀為榮在漢
褒絕業之功第參陪於貴戚至唐修更侍之令遂專用
於耆儒洪惟 本朝遠鑒前代御邇英之便坐延勸學
之近臣貴德上賢本以示四方之好惡分章摘句又將質
千載之是非必惟其人庶益於國伏念臣聞道最晚涉
世甚迂頃蒙特達之知頻侍清閒之燕攷 祖考已行
之事每獲口陳誦春秋不刊之書終慚膚引矧茲蹇訥
之素加以衰羸之餘復玷充員益難塞責此蓋伏遇

銜集六

六

之可望智而好問曰聖猶多聞之是求乃緣舊恩而及
凡品臣敢不勉羞薄技務竭精思收之桑榆心歎東隅
之失出於涯涘魂驚北海之觀

辭免除參知政事表

任重人微敢殫危懼恩隆命確未錫俞音更陳迫切之
辭仰瀆益高之聽中謝伏念臣章句之學拙於濟時田
野之資味於謀國徒以四海至孤之跡曲荷九重特達
之知徧歷高華曾微補發比膺召命復長銓曹方日俟
於譴訶遽參陪於機政况風塵之警未息郊壘滋多而
宵旰之慮益深朝綱猶紊東求誤及稱塞愈難伏望
皇帝陛下編察猷為先求望實公回宸渥別授時英雖

獨智之有臨宅心奚隱苟眾聽之無拂反汗何嫌

謝除參知政事表

召還朝著久懷未報之恩擢與政塗忽拜已成之命顧

丹悰之屢控念淵聽之莫回寵極而憂感深以懼

伏念臣起家農圃託業詩書復驚麋鹿之姿進職鸞

之序落落難合特直道而靡宅皓皓易汗撫危蹤而甚

慄每聞九重嘗膽之誓妄發一介嬰鱗之言見謂小忠

曲蒙殊獎雖中外之使令莫效而初終之眷遇不衰欲

竭微勞敢遺餘力詎意聖神之求舊遠先髦峻而用

驟寘廟堂參陪帷幄况四郊多壘之際贊一日萬幾之

繁蒐粟練兵適欲靖方隅之亂圖事揆策又將振朝廷

谿集六

之威孰謂薄才能勝重任莫遂循牆之請更勝據茨之

思勉奉温言實形慙汗此蓋伏遇

皇帝陛下恢張庶政延攬羣才憐臣孤立於時素受腹

心之託察臣多閱於事庸備股肱之求亟下異除悉從

英斷臣敢不依附日月警戒夙宵同寅協恭深懲比德

之害砥名礪節上副康功之圖

謝賜牙簡金帶表

使騎星馳歡傳里巷賜奩天降光動措紳中謝伏念臣

卷曲散材拘孿末學少希柱頰迎爽氣於朝來晚厭折

腰揖清風於颯至豈謂奇孤之跡每蒙曲誤之知束帶

以朝久汗近列擇笏而賜嘗拜異恩更緣不次之除復

冒非常之寵便蕃所寄俯偃奚勝此蓋伏遇

皇帝陛下德洽九圍文飾萬象輯康功以綏區夏粲徽

數以厚臣鄰遂致屏庸亦叨華煥臣敢不退循紐約深

戒倒持服映輕裘自足託臨戎之狀制踰文竹固宜堅

擊賊之心

謝賜生日羊酒等表

使馭星馳詔函天降寵將飲賜榮賁私庭伏念臣系緒

寒微技能淺薄親蒙殊獎叨與繁機一節不渝雖每虞

於顛沛千鍾弗洎終未念於劬勞適紀左門之弧更拜

上臺之餽藐無足稱悻不自任茲蓋伏遇

皇帝陛下隆禮養賢至誠接下晬言體貌用為邇列之

谿集六

光式是匪頌不廢彝章之渥臣敢不益推樸學深戒素

餐責食功於後圖酬恩何有佩移忠之先訓畢命以之

辭免扈從轉官表

褒典超踰敢傾危懼寵辭敦勉尚嗇俞音中謝伏念臣

猥以薄材誤蒙殊用屬羽書之紛奏扈革輅以親征協

贊宸謨既乏徒薪之策肅清邊警又無橫草之功職進

崇階坐養異賞雖聖恩之過厚在愚分以難安忝冒何

名人言必至控陳未力天聽莫回再犯雷霆之威更殫

螻蟻之懇伏望

皇帝陛下推仁從欲體道觀能念帷幄之近聯已為榮

耀收絲綸之成命庶免顛隲倘私願之獲伸亦公器之

增重

謝扈從轉官表

靈旗電掃克成郤敵之功清蹕天旋奚舉疇勞之典固辭弗獲冒受奚堪中謝竊以逆臣逋誅久寬鈇鉞黠虜借助復動干戈邊遽初聞宸謨已決乘六師之共憤屈萬乘以親征貔貅鼓行蛇豕奔北旣獻俘而奏凱宜告廟而策勳臣於其間一無所補猥緣近列濫進崇階此蓋伏遇

皇帝陛下比迹堯仁同符湯勇威加敵國更收不殺之恩禮厚臣鄰寧界無名之賞倘因微數用勸羣工而臣選懦弗強迂疏何取修車攻復古之政雖許與聞從奉

谿集六

九

天定難之臣則為忝竊尚圖微效庶答鴻私

謝賜御書車攻詩表

使鑣馳騫俯傳天語之温宸翰騫騰上應奎文之爛光生篋笥榮動指紳中謝伏念臣猥以凡才叨蒙異獎每奉萬幾之暇數窺一札之工至若采石鼓之遺篇灑銀鉤之妙蹟因辭見意更踰宵雅之肄三與世作程彌識帝書之第一敢圖珍賜遽及孤生此蓋伏遇

皇帝陛下盛德日新多能天縱將芟夷於大難以紹開於中興憫周室之詩亡四夷未靖笑宋武之字大八法不傳故於游戲筆墨之間不忘恢復境土之事憐臣衰鈍賁此寵休臣謹當襲藏私門傳寶來裔泛洪源而俟

舟楫違符遇主之榮因田獵而選車徒庶裨復古之政

謝賜生日禮物表

臺饋俯盼特示朝彝之渥詔函薦至誕昭帝眷之優恩重命輕感深涕溢中謝伏念臣家世寒甚資材蔑然叨被誤知濫塵近列雖有憂時之志欲罄愚衷曾無經國之謀可裨聖略居慚尸素已旬退閒適及劬勞之辰敢拜便蕃之賜載陳懇款上瀆睿明更紆雲漢之章終施雨露之澤餘生何幸首路為榮此蓋伏遇

皇帝陛下禮厚養賢仁深及物憐臣久陪帷幄嘗參預於股肱念臣將遠軒墀遂曲全於體貌肆於是日因寵其私臣敢不仰認至懷堅持素守大恩難報固已媿於

谿集六

十

初心微軀可捐更當期於晚節

謝除職名宮觀表

引分投閒肺肝屢罄蒙恩賜可體貌益加厚餼廩於珍祠峻班聯於秘殿躬躬僥倖去國徊徨中謝伏念臣受生么微振迹疏外親逢堯舜之明主願為稷禹之良臣寢被異知遽聞大政任遇極矣報效蔑然懷方隅多故之憂未能徇國起正園獨往之願何忍潔身而臣性本蠢愚論多迂闊不足陪廟堂之末議何以綴帷幄之近聯俯仰而思進退以懼恭惟 仁聖保全之賜每在孤危顛沛之時用侍殊私冒陳誠懇願泰安之何敢寧螫毒之是虞祇荷天慈曲從人欲雖到家百里實異柴桑之

折腰然受粟三鍾殆似支離之壤臂感淪骨髓愧溢面
顏此蓋伏遇

皇帝陛下禮厚使臣仁深恕物察臣愚衷斷斷第盡事
君之小心憐臣過計拳拳詎佛濟時之大略故全終始
之眷以爲出處之榮臣敢不追數昨非堅持晚節鳧雁
來去甫遂江湖之游狗馬死生曷舍蓋帷之戀

車駕巡幸平江府起居表

靈旗討罪前薄淮濱清蹕撫師進臨吳會天聲震疊士
氣奮張中謝竊以強狄怙眾而憑陵叛臣乘時而僭竊
禍亂之酷星籥殆踰於十周戡定之難宸算靡忘於一
日蓄威以俟慮勝而行枕戈而復晉讐人懷此志折箠

谿集六

十二

而興漢祚天與其時乃卜盛秋之期大恢前歲之舉師
出以律后來其蘇恭惟

皇帝陛下再智正於萬邦孝弟光於四海痛兩宮之未
返戀極晨昏憫百姓之無辜憂深宵旰茲慰雲霓之望
不憚霜露之勞將致中興亟修大養邦圖再造克臻九
廟之安國步一清自格三靈之祐臣頃以弱質叨備近
聯輒自去秋屢陳大計謂用兵當四面而出恐審敵在
一年之閒疏牘具存冕旒開納雖眷遇之私備至而尸
素之愧彌深引分乞身銜恩去國訪散人之遺迹已甘
終老於丘樊望屬車之後塵猶記首陪於羈勒第存丹
赤早見升平

轉官許回授與兄謝表

陟岡之念仰徹於聰明出綽之言俯加於眷獎乃回公
渥以遂私情中謝伏念臣一遠天堦十移月籥齒衰櫻
疾分宜屏於工圍器溢擬災誠恐填於溝壑空守不移
之志長懷未報之恩曾謂微勞遽叨殊寵顧事爲之彌
稱控避懇而莫諧爰念急難冒陳迫切雨露之澤既霑
被於同根雲漢之章復表揚於異數兄弟感泣父老歎
咨夫何差池有此僥倖茲蓋伏遇

皇帝陛下堯舜孝弟文武憂勤賞以懋功圖日新於庶
治化惟美俗用風勸於多方是致願私果蒙褒允臣敢
不體認德意佩服訓詞白首相依喜益敦手足之愛丹心
猶在誓將期頂踵之捐

谿集六

十二

辭免除同知樞密院事表

寵命驟加方懷震惕愚誠冒貢未賜矜從敢忘犯上之
誅更罄由衷之懇中謝伏念臣頃以弱質叨汗近聯驚
歲序之薦更浸妨賢路悼事功之蔑著上負聖知所宜
養疾於工園遂請辭榮於廊廟仰繫全度俯伏殘骸豈
圖仄席之求未忍遺簪之棄召趨宣室之對擢奉露門
之游一望清光再蒙殊用念進讀清閒之職猶懼濫居
顧本兵樞要之司詎容虛受上既關於國體下必致於
人言伏望

皇帝陛下曲軫天慈特回淵聽察臣空疏已試之技固

自無庸憐臣 廷殘既老之身豈能有補追還成命別選異才倘忘反汗之嫌必免曠官之悔

謝賜生日禮物表

衰遲無補復玷於近司眷渥有加更叨於蕃錫適丁變故尚軫慈憐中謝 伏念臣 初乏事功久尸榮祿孝養弗洎劬勞之感何窮恩紀未酬疲曳之軀已老甫及門弧之巨重慚臺餉之儀兩居其官三拜此賜茲益伏遇皇帝陛下推誠接下隆禮使臣圖任而責成功寵賚以將厚意致身如此報國云何佩先訓之義方罔敢失墜慕前修之忠節盍至糜捐

謝除同知樞密院事表

谿集六

十三

進陪帝學方趨召節之嚴參秉國樞俄被制綸之渥牢辭弗獲冒處徒慙中謝 伏念臣 頃以謫能誤膺殊眷擢寘羣賢之右與聞庶政之幾過計拳拳每欲謹後車之戒空言落落豈能濟前著之籌更拘俎豆之間終昧甲兵之問技乃止此才則使然恐孤負於明時思退休於晚歲敢意寵私之未憝亟從開外而見收遽傳趣行便朝賜對授以本兵之任贊夫經武之圖然臣 已試何功既老焉用血誠甚瀆汗號莫回雖驚馬十駕之勤非敢後也而鈔刀一割之利其可再乎僂僕拜恩趨起就列此蓋伏遇

皇帝陛下堯仁天大湯德日新延攬英雄務兼收於羣

策恢復境土期盡雪於大讐遂致衰遲亦叨圖任臣 敢不益勵誠節旁咨智謀依日月之光固難施於燭火感風雲之會將少效於秋毫

謝免除知樞密院事表

寵命頻仍已駭聞於朝著愚衷激切遂冒瀆於宸聰載錫溫言尚稽俞旨中謝 伏念臣 寅緣拙直被遇聖神識本昧於經綸言多涉於迂闊比自召歸帷幄擢贊樞機執羈勒以從雖與近臣而在列習金革之事則非平日之所長深懼充員馴致曠職敢謂眷私之渥驟陞等級之崇併閱三遷甫更兩月益大恩稠疊矜遺簪之復收而小器滿盈思覆餗之當戒縱欲勵捐軀之節詎能忘

谿集六

十四

誤國之憂承命驚惶撫心戰掉是敢控陳草芥之賤懇干犯斧鉞之嚴誅伏望皇帝陛下聖度曲全皇明下燭察臣 愚陋之質未有報償憐臣 衰病之身弗克負荷亟收誤獎博選眞賢儻獲就於舊班庶免貽於大戾

謝知樞密院事表

庀官右府靡容坐席之溫出綈中宸遽躡朝班之峻寵光沓至感涕交流中謝 伏念臣 性質滯頑器能淺薄徒緣異獎更踐要塗直道難行閱風波之屢變大恩未報掉蒲柳之先衰願忝冒之非宜獲屏藏之爲幸比膺召節復贊事極病骨支誰愈不勝於策勵聖謀宏遠將焉

副於詢求蚤夜以思進退惟谷豈謂歷時未幾身命已
加初無尺寸可紀之勞越在二三同列之右聞者甚愕
心其獨憂既控避之弗諧祇驚慙而罔措此蓋伏遇
皇帝陛下堯舜孝弟禹湯憂勤至性過人方盡宅憂之
制沈幾先物不忘復古之圖如臣孱愚亦在推擇臣敢
不恪思其職勉稱所蒙事君盡忠之心造次於是爲國
復讐之計死生以之庶效涓塵少酬天地

沈忠敏公龜谿集卷第六

翁集六

五

沈忠敏公龜谿集卷第七

奏狀劄子

殿中侍御史乞宮觀劄子

臣輒瀝血誠仰干天聽伏念臣素苦心悸之疾每一發動顛仆移時昨任臺察累具奏陳乞以宮祠自便愈旨未賜卽有省曹之除拳拳愚衷無路自達繼蒙聖恩擢實言職亟將使指出按獄成涉歷冬春方達行在竊自惟念孤危小初無左右游談之助薦叨獎拔盡出睠知欲慕古人知無不言之義明目張膽圖報毫分而命薄數奇心悸復作感冒風濕脚氣乘之步履既艱志意隨落徒以虜在近境日懷憂責未敢引疾自陳

谿集一

嘉業堂校刊

辭免除侍御史劄子

今者殘虜渡江理無嫌避乃更冒居彈糾之地貪祿養病上負恩私實有愧伏望陛下廓日月之照察臣悃誠特加憫憐除一宮觀差遣以休養殘骸不勝大願無任懇祈迫切之至取進止

臣今月十七日準尚書省劄子奉聖旨除侍御史日下供職者竊惟國朝故事御史府不置大夫則雜端實貳丞事日綴朝列例比從恩禮既優選任必遜寅緣序進則為非宜伏念技能素薄齒髮早衰昨蒙獎知擢實臺屬據可言之地當不諱之朝空糜歲時無補毫髮明神降罰疾病交攻比方謁急臥家力祈閑

散遽叨除命出處背馳不惟行己之方有所未盡矧復要君之謗無以自明俾正官邪恐傷國體伏望

皇帝陛下特回淵慮俯照危衷收還謬恩改授賢哲察臣累牘假以真祠上以示朝廷因任之宜下以全臣子去就之節無任懇祈迫切之至取進止

辭免除侍御史奏狀

右臣今月初六日準尚書省劄子三省同奉聖旨除侍御史者聞命震驚罔知所措伏念天資驢愚與世多忤昨蒙陛下驟加獎遇擢實風憲之司曾無幾時偏塵三院每念大恩難報隨事輒言不敢自為身計終緣狂妄自速罪辜陛下委曲保全不忍遐棄

谿集一

二

美職善郡併冒寵除待次一年又蒙紀錄召使入覲甫及行朝亟還舊物雖天地父母生成之德周旋覆護豈復及此感涕流落不知所從然臣已試無狀方務省循若更冒居何以壓服公議伏望聖慈追寢成命庶於愚分少以自安下情無任所天懇禱之至謹錄奏聞伏候敕旨

侍御史乞宮觀劄子

近蒙誤恩收召於罪戾之中再加技拭復實舊班仰惟天地父母之恩至大至深豈糜捐所能報稱重念孤忠拳拳雖欲自竭而材識驚暗嘗負失職之憂故於見聞之事晝度夜思精神憤耗舊有心氣之疾近又

發作不免披瀝血誠控告 君父欲望 聖慈哀憐除
臣一在外宮觀差遣以養衰疾近來傳報賊馬別無動
息 臣之請去可以無嫌況 陛下招徠四方搢紳之
士布在朝列多有賢哲可備耳目之官如 臣愚曾何
足數伏乞 陛下至仁從欲特賜 兪音寬假歲時
少休閭里儻或他日 聖恩未棄則 殫竭犬馬之力
尚未為晚 無任懇禱激切惶懼之至取 進止

辭免除御史中丞奏狀

右 伏蒙 聖恩除 御史中丞日下供職者聞命震
驚罔知所措竊以中執法之任是為三獨坐之聯所以
鎮肅百僚綱紀萬事侍赤墀而簪筆參陪顧問之榮剡

谿集七

三十一

白簡而飛章總領彈訶之重不有宿望曷副超除伏念
臣門族寒微性資昏惰徒以頃從末路驟對清光一言
偶合於聖聰三院徧叨於親擢天地之恩至大不敢謀
身螻蟻之生甚微唯知許國中緣狂妄自速罪辜方懷
紱而返故鄉俄賜環而歸舊列既踰累月奚補萬分仰
負睿知理宜投劾嘗陳危悃意欲祈開敢圖宸睭之益
加亟置臺端而躡進 臣之自揣實不能勝儻或貪冒寵
私俯僂拜命則必重增尤累滿溢興災豈唯咈於師言
誠恐墮於國體伏望 陛下特回淵聽追寢誤恩改
授真賢以安素分 下情無任懇祈迫切之至謹錄奏
聞伏候 敕旨

除御史中丞舉左司員外郎潘良貴自代狀

伏觀某官才周學富行峻識明考治亂之端智略通於
國體辯邪正之分忠言切於人情出入十年始終一節
聲稱望實 臣所不如舉以代 實允公議謹錄奏 聞
伏候 敕旨

辭免除吏部尚書奏狀

右 伏準尚書省劄子奉 聖旨除 吏部尚書兼權
翰林學士日下供職者聞命震驚罔知所措竊以天官
六卿之長銓綜人物地極高華 祖宗以來惟是詢求
一時碩德宿望之士命使居之故夷夏知名搢紳動色
朝廷之上自然尊榮就非其才寧若虛次儻緣恩睭輕

谿集七

四

以假人公言沸騰必至累國况復兼官翰墨備極政事
文章之選尤不可不名也伏念 迂愚朴拙一無寸長
遭遇 聖明誤叨器使待罪言路首尾四年雖有拳拳
愛君之心祇罄孤忠不為身計然智識凡下昧於幾微
何補事功徒積仇怨仰恃日月之照幽隱必臨直道徑
行不避讒謗終緣思慮過當氣血衰殘涉秋以來十日
九病適以迫近防虞之際未敢祈開遽蒙聖恩橫加庸
品超躡眾俊併冒寵除在 臣之愚豈違安處况 少時
學為場屋之文隨眾覓舉既忝祿仕舊學已忘白簡之
詞不拘音節尚猶牽彊累日僅乃成章退省荒疏常懷
跼蹐今復假之禁林之直尤非所堪閣筆含毫何以塞

責不免披瀝血誠仰干 君父伏望 陛下特軫天
慈追還成命除臣一在外宮觀差遣俾遂小休以安素
分不勝幸甚臣卑情無任祈天望聖激切屏營之至謹
錄奏 聞伏候 救旨

辭免兼權翰林學士奏狀

右臣近蒙恩除前件差遣尋具辭免仍乞改除一在外
宮觀伏奉 詔書不允所乞恭讀 聖訓感涕交流竊
念臣奮繇寒素初無寸長曲被神聖之知叨塵耳目之
寄雖盡言不識忌諱每荷包容然孤立不爲比周終虞
顛覆今者誤恩遽及二組兼紆在臣之愚豈克勝任而
搢紳留滯之久文籍散亡之餘銓總失宜上下交病使

谿集七

五

臣夙夜殫竭驚蹇猶恐不足以辦此一職至於禁林之
選翰墨是司當此多故之時凡下詔令必欲營達聖意
感動人心自非老於文學之人孰宜居此而臣術業空
疏語言拙澀文章體製既非素習加以憂深感疾福過
挺災志氣凋零舊學都廢驅之就職必誤使令不免再
瀝血誠仰干 宸造所有銓總之職臣懼再三之瀆不
敢更具懇辭惟是兼權翰林學士實非微臣所當冒處
伏望 天慈特回淵聽追寢施行不唯於臣愚分得以
自安在朝廷因任之際舍短用長責其實效不勝幸甚
臣無任祈天望聖激切屏營之至謹錄奏 聞伏候
救旨

除吏部尚書舉左朝奉大夫直龍圖閣辛炳自代
狀

伏觀某官學有淵源行無瑕玷恢閣之略足以濟時瞻
蔚之文足以華國恬靜介潔名重東南舉以代臣實允
公議謹錄奏 聞伏候 救旨

辭免侍讀奏狀

右臣準尚書省劄子奉 聖旨除臣兼侍讀者聞命震
驚罔知所措臣聞傳說告高宗之言曰王人求多聞時
惟建事學于古訓乃有獲然則帝王之學不在分章摘
句而已蓋將務廣見聞施之天下之事業仰惟 陛
下聖學高妙超邁前王殆非羣臣所能及及然猶追用

谿集七

六

金華之故事肆開經幄延訪儒臣宜得博通經術深知
治體之人命之勸讀或能發其所學裨益聖聰以助成
中興之治伏念臣不學無術自知甚明加又病骨支離
憂心憤亂昔所僅有廢忘一空今中臺峻劇之曹北門親
近之職叨榮過當慚懼已深今若更冒寵私不自上列
綉繹之際必玷誤知伏望 陛下聖度曲全覆護其
短追還成命別選英才上以廣 陛下愛惜羣下之
恩下以盡微臣揣量私分之義豈勝幸甚臣無任祈天
望聖懇倒激切之至謹錄奏 聞伏候 救旨
乞罷除龍圖閣學士荆湖南路安撫使兼知潭州
奏狀

右臣 今月八日準尚書省劄子奉 聖旨除 龍圖閣

學士充荆湖南路安撫使兼知潭州聞命震驚罔知所措 竊謂國家多事之際固非臣子惜身之時而況河

圖峻職湘潭會府寵命併至於 甚榮義當馳驅即日引道豈宜自列復有所言然 有一介拳拳孤危之慮

不敢不控告於 君父之前者 頃自疏遠誤被睚憐亟從小官徧歷言路初無左右先容之助盡出聖神特

達之知故於軍旅之事素非思慮所及比來或聞湖南殘寇尚復嘯聚而 猥以弱材驟當重寄必致敗事萬

無可疑兼 自荷擢用以言為職於今累年而 天資慧愚志在展盡每荷天語慰勉許賜保全不避怨仇實

谿集七

侍 陛下 猶過慮數旬退閒未報大恩尚奮其去

亦累嘗奏稟止緣秋冬防虞之日未敢力為妨賢之請而又私門禍患病骨零丁皆俟初春盡當控訴非

今日勅為此言若冒選除不自量力雖殺 身何補國事伏望 聖慈終始哀憐罷 今來所除職名與一在外

宮觀使得休養疾病儻 未填溝壑猶冀他日萬一勉彊以報殊私冒瀆 天聽 無任祈哀請命激切屏營

之至謹錄奏 聞伏候 敕旨 除龍圖閣學士舉口口口自代狀

伏觀某官學問淹該操行純潔望實之美見推士林舉以代 實允公議謹錄奏 聞伏候 敕旨

辭免再除吏部尚書奏狀

右臣 今月初六日準尚書省劄子奉 聖旨除 吏部尚書者聞命震驚罔知所措伏念 資材極陋家世至

寒親逢 聖明躡真通顯試之中外顧五技之已窮考其初終念一毫之何補省循涯分孤負恩私理宜投劾

以知非否則旬間而免咎緣 到郡方此閱時恐涉避事之嫌未敢抗章而請敢意冕旒之眷尚矜簪履之遺

亟下詔除俾司銓總非 糜殞所克報償便合引途豈宜俟駕而 頃叨已試自揣不能雖尋繹弊端稍加懲

艾然抵觸仇偶幾致顛躓今復冒居重垂清議況 血氣素弱疾疢交攻儻更貪於寵榮將益挺於災釁不免

谿集一

俯披愚悃仰徹 聰聞冀軫 天慈收還恩命除 一

在外宮觀差遣庶公朝當授受之際既曰得宜而微 處進退之閒亦為有據干冒 天威 無任戰灼屏營

之至謹錄奏 聞伏候 敕旨 辭免吏部第二狀

右臣 今月十五日準進奏院遞到 詔書一道已除 吏部尚書乘遞馬發來赴 行在供職者恭讀訓詞感

涕交溢伏念 草芥微賤無他技能仰蒙 陛下憐孤直拔於稠人之中徧塵華要併冒寵榮 徒有拳

拳欲報之心而才分所局雖勤何補今者治郡累月未有善狀孤負使令愈懷震惕豈謂 天慈曲加記錄召

以一節俾歸舊班洪惟生死肉骨之恩雖殞百身曷能稱塞而臣已試無功加之疾疢嘗具奏陳乞追寢成命改授臣一在外宮觀差遣伏望陛下廓天地之量回日月之明特降睿旨檢會臣前奏施行庶安愚分臣只候向宗厚到本州交割職事迤邐前路聽候指揮瀆犯天威無任惶懼戰灼之至謹錄奏聞伏候敕旨

除尚書赴闕奏知狀

右蒙恩除吏部尚書仰荷聖慈紀錄感涕橫流緣自揣無堪尋具辭免於七月二十四日至平江府界準進奏院遞到詔書一道不允所乞已卽時望

對集七

九

闕謝恩祇受迤邐起發前赴行在無任感懼激切之至謹錄奏聞謹奏

辭免侍讀奏狀

右今月初五日承吏部牒已降恩命除兼侍讀者聞命震驚罔知所措竊以祖宗以來開設邇英延見儒臣命之講讀豈特取其章分句析考正所疑而已蓋將博求多聞宏益治道故凡咨訪之際或及國論之餘恭惟陛下聖學日躋而有欽明抑畏之盛德清光下臨羣臣莫望然猶不廢邇英故事親御便坐下詢承學之臣當此艱難其選益重伏念少而荒疏老復昏忘退自尋索一無寸長頃被簡知侍經幃雖荷

聖度包蒙護其所短而忝冒非據猶知之況今衰病日侵舊學都廢乃欲追誦所聞以卒金華之業縱不自量必負選任伏望聖慈察憫愷實非飾詞特賜追還誤恩改授英傑庶幾足以仰副陛下緝熙之學而臣之私分亦遂少安冒犯天威無任戰灼之至謹錄奏聞伏候敕旨

除吏部尚書舉度支郎中李元瀾自代狀

伏觀某官器質渾厚識慮精深學問有餘而敏於從政操履無玷而嚴於律身舉以代實允公議謹錄奏聞伏候敕旨

辭免除兼翰林學士劄子

對集七

十

右今月二十二日準尚書省劄子奉聖旨除兼翰林學士者聞命震驚罔知所措伏見侍從之列被旨兼權他職多矣例不敢輒有辭免者恐涉避事之嫌也惟是翰墨之林儒臣高選供奉述作既專代於王言燕見咨詢實與聞於國論兼官寓直尤當擇才而已試無狀不敢再冒恩除輒忘此嫌引義自列重念本以田野之質學爲場屋之文音節疾徐初非素習體制高下焉能彊知昨者迫於威命之嚴勉兼攝辭氣卑弱無以逭德意之精微傳播四方誠恐累國矧以連年憂患心志凋零口耳所傳盡皆廢忘加又銓衡劇曹案牘填委稍稽撥遣動致煩言夙夜究心猶懼不逮儻或

冒寵貪榮復兼兩職才力不副曠敗無疑縱蒙 陛
下保全未加誅斥而 臣之私分何以自安伏望 聖慈
察 臣所瀝悃誠出於迫切特賜追還成命改授能臣庶
幾 臣之短拙獲免自暴實為幸甚干冒 天威 臣無任
戰灼之至取 進止

辭免除參知政事劄子

臣今月二十八日準尚書省劄子奉 聖旨除 臣參知
政事日下供職者 臣聞天下多事則聖哲馳騫而不足
天下無事則庸夫高枕而有餘比自中原震蕩以來天
下可謂多事矣 陛下焦勞求濟八年於茲更用大
臣無論數十終未能仰副 聖心迄至於今國勢未振

谿集七

陛下當仁慨然念治愈切宜於是時得環 御舊卓
絕之才以陪輔帷幄則戡定禍亂容或有期如 臣庸愚
一無可紀躡寘華近日負尸素之慙今日忽蒙恩除擢
參大政驚懼隕越不知所為儻或冒寵貪榮不自上列
顛隲累國所繫非輕伏望 聖慈特回淵慮博求人望
改以命之庶幾策慮設施必能宏濟艱難以克稱
陛下知人之明非獨 臣之幸實天下幸甚 臣冒瀆宸嚴
無任惶懼戰灼之至取 進止

辭免賜金帶劄子

臣今月初七日正謝伏蒙 聖恩例賜 對衣金帶魚
袋鞍馬緣 臣於初六日已蒙 聖恩特降中使賜 臣毬

紋笏頭帶魚袋今來儻或更拜匪頒之式則是疊冒寵
私在 臣愚分不遑安處伏望 睿慈將例賜金帶魚袋
特行寢罷庶遵彝典免致煩言取 進止

辭免轉官劄子

臣今月二十三日準尚書省劄子奉 聖旨為昨措置
防秋中外協濟轉一官者聞命隕越若無所容 臣竊惟
賞罰者帝王之至權辭受者臣子之大分賞不以功則
何以彌世受不以義則何以飾身伏念 臣猥以謝能驟
膺殊眷越先羣俊擢與繁機方成命之始行屬遽音之
已至亟聞聖畫決意親征扈警蹕之嚴雖叨奉引參帷
幄之祕曾乏贊襄賴 皇威之奮張致敵師之奔潰凱

谿集七

歌初奏裒律肆勝逮及邇聯例蒙曲澤退量僥倖益負
兢皇況 陛下既收不戰之功務存謙抑而微 臣乃
受無功之賞竊冒寵榮顧愚分之難安知煩言之必起
伏望
皇帝陛下深仁恤隱獨智察微特寢誤恩俯從私欲豈
惟 臣名惜名器以勸羣工庶幾敦尚廉隅以風四海取
進止

辭免支賜劄子

臣等叨備政府方 陛下親總六師攘卻大敵曾無
策畫仰贊 宸謀迺者蒙恩冒進崇階實深慙懼所有
依格合得減半支賜正當財用匱乏之際義難祇受欲

望 聖慈特賜寢罷庶於愚分有以自安取 進止

與左相等為亢旱乞罷政劄子

臣等伏見天示變異亢陽為災迺五月丙子不雨迄至於今越四旬矣在田之稼將欲就槁中心惴慄恐害有秋伏惟 陛下畏天之威責躬引咎精意禱祈無所不至而星象昭回甘澤未應良由 臣等叨冒近司輔政無狀致斯譴告仰貽 聖憂伏望 陛下特降 威命正 臣等之罪早賜黜責庶幾上答天心召來和氣以副雲霓之望 臣等無任激切之至取 進止

再與左相等乞罷政劄子

臣等比以旱暵之災乞解機政以答天戒伏蒙 聖恩

谿集七

十三

聖恩

特頒宸翰開諭至意及降中使宣押 臣等各赴都堂治事伏荷 慈憐伏增感涕 臣等竊以變理陰陽寅亮天地在古屬公孤之官於今為宰輔之職苟或政理之閒不傷和氣則雨暘時若自格豐登迺中夏以來亢陽如此水泉將涸禾稼向枯 陛下畏天恤民憂形玉色禱祈備至嘉澤尚愆此實 臣等才識暗劣孤負委任所為繆盭致傷天地陰陽之和厥罰常暘咎證可考儻不正 臣等之罪亟加罷黜則何以上弭天變下塞人言伏望 聖慈早降 威命施行 臣無任跼蹐屏營之至取 進止

乞外任宮觀劄子

臣比以叨冒近司衰病無補嘗瀝懇誠仰干 天聽乞除 臣一在外宮觀伏蒙 聖慈特降中使宣押 臣赴都

堂治事仰荷 恩憐不勝感涕伏念 臣才質駑下本無他長誤蒙 聖知真之帷幄每懼無以報稱夙夜兢慚豈敢懷安妄為去就誠見 陛下英武大度慨然有興衰撥亂之志宜得當世豪傑預聞國論相與協贊以圖事功如 臣之愚久試無狀尚復頑然坐尸榮祿素餐之罪其何可逃加以心氣發動智識昏逾儻不自量顛

隤必矣伏望 聖慈察 臣悃悞特賜矜從除 臣一在外宮觀俾遂休養他日疾病少閒則捐軀之期似亦未晚

臣無任懇倒迫切之至取 進止

谿集七

十四

謝賜

謝賜鍍金銀鞍轡奏知劄子

臣前日伏蒙 聖恩特降中使賜 臣續鞮鍍金銀鞍轡一副異數光華度越近比豈 臣碌碌無補之人所能稱塞仰惟天地父母之恩愈知難報感涕縱橫 臣近為肯上忽生一瘡跨涉旬餘腫痛不止因服疏利之藥臍腑不安見請朝假一兩日將理緣此尚稽入謝 臣無任惶懼之至謹具奏知

謝賜 御書車攻詩劄子

近蒙 聖恩賜 臣 御書車攻詩今又蒙 陛下以 臣草芥賤名特紆宸翰俾獲刻於車攻篇末託於不朽奎鉤爛然光動心目 臣之榮幸殆絕一時自顧么微

豈能稱塞拜賜之際感涕交頤仰惟 陛下方修復古之政以圖攘狄之功而 臣猥以空疏待罪近列策慮無取宜在譴訶拜此殊私以慙以懼惟是畢命夙宵以贊中興之業則 臣之志也何敢言報 臣無任感天荷聖激切屏營之至謹具劄子奏謝以 聞謹奏

乞出劄子

臣累日見都督府關取空名告敕宣劄等以萬數計 臣固疑其有所為以問趙鼎張浚而鼎等不以告也 臣亦曾兩次留身奏稟恢復之事不可一日忘第須審度形勢措置得宜一舉成功乃無後悔今日忽見張浚傳奉聖旨浚有川陝荆襄之行此用兵之謀固已素定 臣

谿集一

十五

初不以進取為非而區區過計謂宜審而後行今遣宰臣之出此大議論也 臣叨備帷幄乃不預聞蓋 臣智識昏逾不足謀國坐尸榮祿實不自安伏望 聖慈除 臣一在外宮觀差遣以安愚分他日未填溝壑尚能糜殞以報 聖恩 臣無任瀝懇所哀之至取 進止

乞出第二劄子

臣今早曾具劄子以 臣智愚昏逾不足謀國遂瀝懇誠仰干 天聽乞一在外宮觀差遣伏蒙 聖慈特頒宸翰批降處分丁寧委曲仰惟天地父母之恩至深至厚非 臣糜捐所能稱塞重念 臣猥以一介庸陋之資遭遇聖明越先羣俊拔擢至此曾未有絲髮之功以報

陛下何敢數為去就自干犯上之誅願於朝廷大議多不預聞此必有以疑 臣者而 臣雖有憂國之心動成嫌聞尸位素餐每深慚負彊顏就列實不違安 臣見家居待命未敢隨班奏事伏望 聖慈曲垂矜憫俾 臣退就外祠少養疾病他日 陛下儻賜記憐則捐軀之期似或未晚 臣無任瀝懇所哀之至取 進止

乞出第三劄子

臣比嘗兩具奏劄乞一在外宮觀差遣伏蒙 聖慈宣諭丁寧仰荷恩私不勝感涕然 臣有區區之愚不免干犯斧鉞再控危誠重念 臣智術空疏材力緜弱叨侍帷幄無所裨補夙夜震懼不違安息豈不知同力一心共

谿集七

十六

贊恢復必不以進取為非第欲審而後動耳而 臣前日初不聞其曲折遂有奏陳若誠即有所為則是 臣暗於事機謀議抵牾若猶未也則是 臣實失於輕信致有憂疑況二相之外惟 臣參預機務有大舉措每以不知其詳而憂疑抵牾豈可復陪國論伏望 天慈特加矜憫俾 臣解罷機務退就外祠少養疾病尚圖他日必有捐軀之所 臣無任懇祈迫切之至取 進止

辭免賜生日禮物劄子

臣伏蒙 聖慈以 臣生日特降中使賜 臣詔書一道并羊酒米麪者使華脫鞅君使塞塗恩紀便蕃感激涕流落伏念 臣起家寒苦遭世艱危微軀未捐已愧移忠之

訓寵賚所及更叨將意之儀豈伊犬馬之生能報雲天之施而臣濫陪帷幄茂著事功既瀝懇於軒墀行投閒於里巷踟躕俟命當解繁機周旋拜恩殆非故事仰祈睿照特軫慈憐覆護孤蹤追寢異數庶全授受之分用爲去就之宜所有生日禮物臣不敢祇受臣無任祈天荷聖激切屏營之至謹具劄子奏聞伏取 進止

乞出第四劄子

臣昨以庸陋誤被 聖知越先英豪擢寘近列適當前歲虜犯淮塢扈蹕總師前臨大敵荷 陛下眷遇之深凡帷幄密議皆獲纖悉與聞臣亦思所奮勵圖報萬一而愚慮無補夙夜不敢自安及虜騎遁逃之後事歸

谿集七

七

督府凡有謀議雖胥吏輩往往皆知而臣職在參陪國論每獨不知臣以此益自愧懼累嘗瀝懇旬間 陛下眷留未容臣去輒復奏陳恢復大略區區愚忠本圖協濟不謂張浚過有嫌疑動輒相外前日浚倉遽而來人情驚詢以謂相臣動靜必不苟然奔赴 闕庭當有大議臣既未以罪去理合商量委曲詢之藐不告語及留身具奏曲折方聞 玉音宣諭今日措置略如卿初言臣仰蒙 陛下待以腹心終始如一 聖恩深厚感極涕零豈不懷戀軒墀誓殫犬馬之力然今事之舉動繫國安危而臣乃不得與聞自古未有此比豈敢含糊在列欲望 聖慈特賜矜憫除臣一在外宮觀差遣

以安愚分臣無任瀝懇祈哀之至取 進止

乞出第五劄子

臣以前日相臣倉遽而來中外驚詢以謂奔詣 闕庭必有非常之議而臣叨侍帷幄又復不獲與聞夙夜懷慚俯仰踟躕遂披誠悃上瀆 宸聰乞解繁機退安散地伏蒙 聖慈特降中使宣押隨班奏事及赴都堂治事仰荷 聖恩曲全體貌雖臣糜殞豈足報償再念臣自被親除至參大政數陳恢復之略本有協濟之心而臣才力弗彊智數無取惟主知之獨厚顧宰論之莫聞服在股肱愧形面目雖艱難之際敢懷靜退以安身然幾微之閒恐以猜嫌而累國不免再殫危懇冒犯 天威欲望特賜矜憐檢會臣前奏除一在外宮觀差遣庶全孤節尚勵後圖臣無任祈天望聖激切屏營之至取 進止

谿集七

七

乞出第六劄子

臣比者薦輸危懼冒犯 宸嚴乞解政機除一在外宮觀差遣伏蒙 聖慈再降中使宣押赴都堂治事恩眷優渥不替初終報效莫從唯知隕涕伏念臣頃緣孤遠遭遇 聖明感於知憐思所奮勵常謂議和避地恐成微弱之形積粟練兵審圖恢拓之計念芻言之曲折荷天語之褒嘉志在必成期於協濟而臣終緣拙直動致忌嫌適偶相臣奔赴 行闕惟是人情詢懼之際莫

聞國論安危之幾名曰參陪實均責任疏外若此尸素何安惟恃保全之恩未至顛隲之地俯仰循省夙夜驚慙是以不避瀆煩備陳覲縷仰祈 睿聽曲賜矜憐授以宮祠投之散地庶欲全於國體豈敢恤於身謀拳拳愚忠莫盡於此 臣無任祈天望聖激切屏營之至取進止

乞出第七劄子

臣比瀝血誠冒塵 天聽乞解機務退就祠宮伏蒙 聖恩曲全體貌使華宣押于再于三待遇優隆始終如一感深滄骨涕淚交流伏念 臣立身奇孤賦性愆直仰恃主眷自信不疑而 臣議慮不足以察人情之微謀謨不足以陪國論之末數陳恢復之略本有協濟之心嫌閒既萌齟齬難合惟是乞身而去茲乃昔賢之規伏望 睿慈特賜矜憫 臣私欲免累誤知則 臣未死之年皆是捐軀之日 臣無任祈天望聖激切屏營之至取進止

乞出第八劄子

臣伏蒙 聖恩以 臣乞解機務退就祠宮賜 臣 詔書不允者需奏瀆煩累陳危惴聖書慰勉尚嗇俞音伏讀訓詞惟知感涕竊念 臣以一介無庸之質荷萬乘非常之知孤立於朝自信所學每欲同寅而許國第知直道以事君顧愚忠之不移宜此身之必去盍歸畎畝難戀

軒墀彌切拳拳之心匪萌倖倖之意仰祈 睿鑒曲軫慈憐終賜保全亟降處分庶存去就不負生成 臣無任祈天望聖激切屏營之至取 進止

沈忠敏公龜谿集卷第七

谿集七

三十一

沈忠敏公龜谿集卷第八

劄子

辭免除資政殿學士知明州劄子

臣 今月二十六日準尚書省劄子奉 聖旨以 累上

章乞解機政退就祠宮除資政殿學士知明州者聞命

感激涕淚交流伏念 猥從疏逖誤被簡知寢闋九遷

叨塵二府念大恩之難報顧薄效之靡聞食息省循夙

夜震惕至於審圖恢復之計思濟艱難之期同寅協恭

既初心之莫展投閒置散乃素分之是宜比貢囊封數

干 黈聽竭愚誠之迫切荷 聖意之周旋付以名城

寵之峻職曲全終始之眷以為去就之光豈 糜捐所

能稱塞而 深虞朴拙必致顛躓是以不避瀆煩仰祈

矜憫覬追還於異渥俾退就於真祠庶保孤蹤尚堅晚

節 無任祈天望聖激切屏營之至取 進止

辭免除資政殿學士知明州第二劄子

臣 猥以一介無能之質誤被 聖知擢陪政路叨冒無

補夙夜懷慙遂瀝血誠仰干 天聽乞解機務退就祠

宮伏蒙矜憐曲全體貌名城峻職併冒恩榮豈 糜捐

所能稱塞感涕橫溢九殞難酬 雖已具懇辭未奉處

分重念 朴拙之性第盡愚忠孤危之蹤實恃異瞻儻

忘素分定致煩言欲望 天慈終垂憫察檢會 累奏

除一在外宮觀差遣庶存晚節期報大恩 無任祈天

谿集八

嘉業堂校刊

望聖激切屏營之至取 進止

貼黃 於今月二十一日留身奏事歷陳危懼既

蒙恩許其去拜辭天陛之際 玉音宣諭當全體

貌盡禮而行仰荷瞻遇始終感深淪骨所以踟躕

待命遂至浹旬竊恐中外不知招致物論重費

陛下保全之賜伏望 天慈早降處分亟遂宮

祠之請庶免顛躓

辭免除資政殿學士知明州第三劄子

臣 伏蒙 聖慈以 辭免資政殿學士知明州恩命特

降 詔書不允者危懼瀆煩羸殫萬一恩言慰諭殆至

再三荷 聖意之周旋撫危蹤而恍惕伏念 奮繇寒

士本乏異能曲被冕旒之知參陪廊廟之列一毫何補

百謫是宜然考平日敷奏之言曷嘗不在於恢復推老

生朴野之學亦欲共濟於艱難而孤根易搖薄命難偶

每於曲折之際倍費保全之恩傾輸肺腑控告 君父

忠雖許國義蓋引身仰蒙日月之明俯察螻蟻之志詔

函使騎眷禮有加峻職名城寵榮併至既逾私分薦具

懇辭 天聽未回欲全終始之遇人言可畏恐乖去就

之方伏望 聖慈特賜矜憫悉收還於成命亟昇付於

真祠庶幾餘生免累洪造 無任祈天望聖激切屏營

之至取 進止

辭免轉官上宰相劄子

谿集八

二

伏念某頃者待罪政途之日適會朝廷重修祿令恭被
聖旨參預典司及今書成奏御而某去國已歷三時
矣則是某首尾初無一毫之功乃蒙疏恩例叨增秩聞
命失次措躬靡安仰惟朝廷不忘舊臣借此寵私以光
衰朽然某居閒養疾而受無功之賞私情公義皆所不
安伏望鈞慈特賜敷奏追寢成命施行庶安愚分除已
別具奏聞外某無任懇倒之至

辭免 敕令所修書成轉官劄子

九月二十九日準進奏院遞到尚書省劄子為敕令
所修祿秩新書成奉 聖旨轉 一官者聞命感懼措
躬靡安竊以賦祿之等所以馭羣臣成憲之頒所以詔

谿集八

三

萬世而 頃以愚陋濫預典司方凡徒屬彙之初雖
窺於凡目逮成書奏御之日已阻望於威顏敢謂第
名例叨增秩曲荷乾坤之施不忘簪履之遺伏念 孤負
大恩退安真館居閒有祿每懼挺災受賞無功豈忘畏
義輒陳愚悃上瀆 聖聰伏望特軫慈憐收還寵命非
止獲安於私分亦欲免累於公朝 仰望行闕無任懇
倒迫切之至謹具劄子陳免以聞伏取 進止

辭免 敕令所修書成轉官第二劄子

十月十三日準 行在都進奏院遞到告一道以祿
秩新書成轉 一官及奉 詔書以 辭免上件 恩
命未蒙矜允者天地之恩固欲從厚螻蟻之志終冀獲

申罔避贖 薦形敷敘竊以上之行賞無濫則人勸下
之被賞無愧則身榮授受之間得失所繫儻事功之未
稱顧分義之何安貪得不言冒榮孰甚惟新書定祿秩
之等命近臣兼提督之官雖用故常曾蒙委使而討論
沿革哀輯散亡則有司存在 何力矧復屬彙之始
已去朝歷時之多書方奏御而 論功無有受賞何名
褒典橫加驚惶失措是以輒陳奏贖力具懇辭音未
頒危衷益懼此雖 陛下親乘戎輅赫然有為之時
而 臣退安祠宮冒此無功之賞人誅鬼責將不赦 公
議私情皆恐累國思念朝夕怵惕冰淵伏望 宸慈特
回 天聽察 愚悃實非飾辭矜從既竭之誠追寢已

谿集八

四

成之命庶於素分行以少安仰望 行闕 無任懇倒
迫切之至所有告命 見寄納湖州軍資庫不敢祇受
謹再具劄子陳免以聞伏取 進止

辭免 敕命所修書成轉官第三劄子

近蒙恩以祿秩新書成轉 一官 自揣無功輒嘗
再具陳免今月二十四日準尚書省劄子奉 聖旨依
已降詔旨不允恭惟 聖恩至渥承命感激涕泗交流
然 於義終有未安須至備瀝血誠復浼 天聽伏念
臣衰病無庸之身投閑田野仰蒙 陛下記憐假此
光寵在 臣私分豈不知榮 儻有一毫之功可以稱塞
及於近例可以攀援 亦何敢於此軍旅事繁之際喋

喋控敘至於再三上瀆 威尊自干斧鉞誠以此書之作臣實略無勞効固已於前兩次奉劄具述本末兼臣竊見紹興新書之成自詳定官而下第增爵秩提舉官則不與也今臣身既去位乃獨蒙此褒遷反覆思之無一而可 陛下遇臣之恩則過厚矣而臣辭受之義所當盡者敢不披露於 君父之前伏望 陛下回日月之照察蠖蟻之誠曲軫 宸慈收還成命豈惟免微臣冒寵之懼庶不累 朝廷勸賞之公所有告命見寄納湖州軍資庫不敢祇受仰望 行闕臣無任懇倒迫切之至謹再具奏劄陳免以聞伏取 進止

乞回受 敕令所修書成轉官與兄監獄劄子

谿集八

五

臣今月初二日準尚書省劄子以臣辭免轉官恩命奉 聖旨依累降詔旨不允者臣官無尺寸之功難勝誤賞瀝懇有再三之瀆宜就嚴誅過蒙寬宥之恩終闕於從之旨愧益深而汗溢感彌極而涕流伏念臣家世至寒資材甚下被服父兄之訓偶玷儒科遭遇聖神之知寢汚政路比投閑散猶荷記憐稱效云何僥倖如此粉身碎首曷足報償履薄臨深每知恐懼輒恃天地包容之量復陳犬馬冒昧之誠重念臣兄右迪功郎監潭州南嶽廟某少習藝文久困場屋晚霑恩命甫列選階念暮年手足之情豈忘奉愛顧平日肺肝之懇不敢及私茲緣異恩庶均同氣仰祈聖造曲軫 天慈特許以臣

今來所轉一官回授與臣兄某循轉施行將侈朝廷之寵光用增門戶之榮耀屢瀆 宸聽萬死奚逃臣無任瞻天望聖祈恩俟罪跼踖屏榮之至謹具劄子奏請以聞伏取 進止

辭免除在京宮觀侍讀第一劄子

臣今月□□日準 行在入內內侍省金字牌遞到尚書省劄子奉 聖旨除臣提舉萬壽觀兼侍讀日下起發赴 行在所供職者聞命跼踖感涕交流伏念臣頃以勑稷固陋之質誤被眷知擢自小官至陪大政一毫無補百譎有餘仰蒙從欲之仁俯徇投閑之請思愆里舍僅閱歲時雖存闕之心不忘造次而歸田之幸甫迫

谿集八

六

衰殘敢圖 聖恩驟加收召露門勸讀殊庭奉祠此在累朝實為貴老優賢之地如臣碌碌併冒寵除分非所安兢惶失措然方 陛下親乘戎輅力圖恢復之日在臣子之義豈不欲一望清光少伸志願而叨塵非據定致煩言深自省循進退維谷伏望 陛下特軫天慈追寢成命俾臣仍舊外祠休養疾病他日儻或未填溝壑誓期糜殞少答鴻私臣近為感冒風溼左足筋孳日下起發未得見服藥調治稍可支梧即迺邇前路聽候指揮謹具劄子陳免以聞伏取 進止

辭免除在京宮觀侍讀第二劄子

臣今月十二日辰時連準 行在入內內侍省金字牌

遞到尚書省劄子以臣近具辭免新除恩命正月十一日三省同奉 聖旨不允令學士院降詔依已降指揮疾速赴行在所者仰感 聖恩涕泗橫臆臣聞君命召不俟駕而行考於禮經固有明訓而臣驢愚朴陋一無寸長伏蒙 陛下曲軫 宸慈不忘舊物召以一節之峻俾近天日之光生死肉骨之恩至深至厚非臣糜殞所能稱塞義當奔命引途豈應少緩而臣衰病日迫志意昏昏誠恐無以上副眷知遂瀝懇私乞賜追寢成命今來疊於疾置被奉 聖旨趣行而臣稽違詔令罪將無赦夙夜震懼無所容臣已於今月十四日力疾上道迤邐前路聽候指揮臣無任戰灼之至謹具奏

銜集八

聞謹奏

為病未及朝見奏知劄子

臣近蒙 聖恩除臣提舉萬壽觀兼侍讀臣以疾病餘生愚陋樸拙自度無以稱塞知夙夜惶懼嘗瀝懇誠乞寢成命而九日之閒兩奉 詔書四次被受御前金字牌降到 聖旨指揮催促起發念方 陛下戎輅親巡之際在臣子之義迫於嚴命不違安處遂力疾迤邐前來已次 行闕然臣所患左足筋攣之疾痛楚呻吟至不可忍沿路服藥調理尚未全安有妨久立欲於門外將息一兩日趁赴朝見臣無任戰灼之至謹具劄子奏聞伏取 進止

辭免除同知樞密院劄子

臣準尚書省劄子正月二十一日三省同奉 聖旨除臣同知樞密院事仍降中使宣押赴院供職聞命震驚罔知所措竊以輔臣之任國論所資況當用武之時尤重本兵之寄欲贊能事宜得偉人庶協成謀用戡多難如臣資材凡瑣性識昏智慮不足以度萬事之宜權略不足以應一時之變頃蒙 聖獎擢與政途昧於謀國已試無能久冒殊榮曾微薄效 陛下略其碌碌尸位之罪察其拳拳憂國之誠得請外祠甫踰旬月遽頒召節越侍經帷既獲望於威顏卽再申於愚悃覲收蹤跡復返工園豈圖異除薦及庸品承命之次顛汗憂惶臣疾病交攻衰殘日迫儻或更叨委任必誤知伏望 陛下特軫深慈追還成命疇咨人望用厭輿情庶資經濟之謀以成恢復之業臣無任懇倒迫切之至謹具劄子陳免以聞伏取 進止

銜集八

辭免除知樞密院事劄子

臣伏蒙 聖恩除臣知樞密院事聞命之次踟躕靡安伏念臣頃以至愚極陋之質久汚近聯績效無聞退安散地 聖恩記錄遠有經筵之召扶持疾病甫及造朝亟被詔除進陪右府而臣已試無狀瀝懇再三 天聽莫回俯僂就職方欲勉竭駑鈍少報萬分而才分所拘未有尺寸之效內懷慙懼背若負芒忽蒙超遷莫測所

以驚惶顛汗無地自容 陛下之恩遇臣過厚而臣所自揣素不知兵既無策畫仰贊廟謨又無事功下厭人望冒處機衡之地已爲非分而居位未幾復此叨逾歷尋前修未有其比天下公議其將謂何必至顛隳重累國體伏望 陛下廓天地之照察螻蟻之誠特軫深慈追還成命俾臣仍舊職任夙夜黽勉庶幾萬一或能少副 陛下責任之意而臣之罪戾亦恐得以少寬不勝幸甚謹具劄子陳免以聞臣無任祈哀俟命迫切屏營之至取 進止

啟

代賀帥臣平寇啟二首

翁集八

九

帥旗爰舉計出萬全賊壘既平功成一戰吏復專城之治民還按堵之居和氣遂充驩聲頓溢伏惟某官胥吞萬象心貫兩儀誠節著乎朝端威名行乎海表龍韜決策廟堂推必勝之謀虎帳運籌彝鼎載已成之績憤無知之狂寇干有赫之明威慨然請行期以奮殛具嚴師律靡須遺鐵之勞克定侯藩俄靖入郢之警屈此羣醜釋其下人使恩信之兼施知勳庸之益大顧惟弱植獲佐偏州親捷奏之交馳激懦衷而竊抃

陳師鞠旅旣輝威靈折馘執俘遂平寇虐悉復藩垣之治用昭帷幄之謀慶溢人神驪均遐邇恭惟某官忠存衛社業茂安邦威加草木之微信及蠻夷之遠辟國百

里嘗參總於戎昭教民七年因繕修於武備舉無遺策動有成功屬鼠竊之貪贛命鷹揚而翦滅果憑勝算亟正嚴誅一空逋藪之羣永息潢池之盜事皆按堵民乃奠居建大將之旗往旣侔於伐蔡伏元戎之節今復類於平吳允集茂勳宜膺殊獎仁觀英袞之就拜庶慰高牙之請行乃眷偏州實臨孔道欣覩奏功之日幸臻徵警之期并躍之私倍萬常品

代漕臣謝寇平除職啟

翁集八

十

轉餉于艘初無異績賜書一札遽有橫恩籍通內閣之嚴名竊外臺之重是爲踰分祇以起羞竊念某遭世聖明奮身疏泄游被乘輅之選悉緣推轂之私自去東州竭來南土適寇攘之竊發會師旅之並興已責薄征詔必深於恤隱蒐兵算食法又戒於愆期懼心計之弗充念力行而勿憚迨聞捷奏仰寬顧憂底藩維之告寧皆帷幄之制勝罪逃逋慢災已免於求魚命出超踰夢輒因而分鹿靜言忝冒備見矜憐此蓋伏遇某官亮節立朝深誠許國有容德乃大包賢否於光堯嫌名中不私物亦公置是非於度外顧未遺於下體茲不墜於上聞致使屏微亦叨甄錄某敢不誓修乃職圖報此恩食檠飲冰將益堅於操履飛芻輓粟何敢誤於使令

代賀人得郡啟

伏審就被帝綸改臨侯服先聲所暨眾志已孚恭以某

官行配古人名滿當世汪洋德量韜玉海之千尋卓犖
詞源瀉銀河之萬丈蚤由簡注寢歷清華薦乘使者之
輶爰正儒宗之席斯文所託吾道既行載在典刑尤以
老成爲重溢爲吏事皆其緣飾之餘是膺師帥之除用
壯藩垣之勢顧惟弱植久仰崇規茲獲佐於下風實使
償其素志依歸并躍倍萬等倫

代賀兵部尚書啟

伏審疏恩內朝正位右省推政本於天下統兵權於禁
中國勢增崇輿情協慶恭以某官配古遺直爲時老成
清忠格於天淵沈謀驗於蒼筤器優大受文武唯所用
之德合中行左右無不宜者逢辰熙洽歷位高華欲加

谿集八

澤於斯民力告猷於乃后霜臺峻峙歎松柏之後凋天
路廓清見藜藿之不采俾周旋於從橐示登進於公槐
爰陟夏官進司武部上意所注正想聞於履聲僉論攸
歸茲願嘗於鼎寶某早登驥坂久去龍門莫遂趨風長
悵一涯之隔迨茲承命第勤三賀之思

代賀中丞啟

伏審茂膺宸綵總臺綱除音下傳士論胥慶恭以某
官爽邦巨哲名世碩儒道積於躬固絕磷緇之變義陳
於色曾無吐茹之嫌志欲有補於時言皆不詭於聖自
結上心之眷倬觀吾道之行慷慨百爲夷險一意迨被
賜環之召益敦前席之知更直掖垣共推敏翰冠登學

省獨號純師屬中司之久虛委專席而顯拜絳騶分路
已崇堂陛之威白簡飛章必識朝廷之體卽期柄用彌
峻巖瞻某遠跡崇閣庇身支郡莫預拜塵之列但馳賀
廈之誠

代賀林中書知揚州啟

伏審誕揚休命就起宗工總祕殿之崇資控中都之巨
屏巖瞻所逮輿頌惟欣恭以某官道濟寰區忠存社稷
殊勳光於盟府舊德冠於公朝凜凜格言常破萬人之
浮議堂堂壯節自讐四夷之野心名家獨富於文章餘
事兼資於翰墨周旋滋久左右具宜遂符夢卜之求早
預機衡之任一心一德聳表儀於百工嘉謨嘉猷大規

谿集八

摹於四海方需正席孔樂均休復辭管籥之嚴歸踐林園
之勝上心彌簡民望益孚大纛高牙復壯藩維之勢命
圭相印卽還輔弼之聯斯言可期指日以俟某猥繇使
事阻望台光聞上天之除音唯知舞蹈望日邊之歸路
預切瞻頌

代人與尚提學啟

絳帷邃密橫經嘗列於下陳金節光華斂板復參於前
導何幸師資之舊輒居部屬之餘喜溢心顏榮生步武
竊念某天資至昧人品甚微拙如吐墨之魚勤類蝕書
之蠹十年太學功屢失於幾成五郡泮林身更同於歷
聘昨假鄒君之館適留吳會之區光堯中之地許游繆

因志鵠戶外之履常滿特俾升堂侵尋歲月之賒踰躋功名之會猥從世祿羞負已知鼓餘勇以當方銳之師出遺算以雪累戰之恥技已殫矣幸而得之從新進之衣冠號貴游之子弟嘶風志在雖知塞馬之還望月心驚殆有吳牛之喘徒以爲貧而仕豈能擇地而安來掌市租實司津鑰坐念塵容之抗益負初心聿瞻星使之飛庶償大願伏惟某官心源卓犖才刃縱橫聳野鶴之奇姿肖石麟之異稟胃吞萬卷居有雋聲氣壓千人往無堅對未陟禁塗之要聊從使傳之榮會殿最於列城職高論秀分涇渭於羣吏任劇廉能顧惟虛薄之資夙荷作成之賜矧於此地辱在所臨雖不能載劍分庭干

卷八

十三

部使者之譽或庶幾摳衣造席執門弟子之容

代人轉官賜第謝宰執啟

比膺帝睞亟進官聯仍拜賜於芝函遂登名於桂籍寵光橫及感涕交流伏念某性昧知方才疏適變少而遊學不能收場屋之功晚乃遭時已叨塵侍從之列荷大鈞之曲造懼小器之疾顛每究勤劬勉圖稱塞技已窮而難疆力弗給而易疲至如餉饋之薄勞乃是轉輸之常職俾之增秩固慚恩數之優假以決科更使品流之異自惟何者獨得兼之此蓋伏遇某官道濟寰區功存廟社削除醜類既恢經武之圖旌別羣材更助右文之化故捐殊賞以賁微軀某敢不竭節奉公推誠享上謹

邦國貢輸之備識朝廷法令之宜庶幾此心何敢云報

代謝除發運啟

誤膺詔旨陞總計權顧名謂之加隆揣事功之靡稱寵榮所逮慚懼惟并伏念某井谷地寒蜩鳩才小出遇明良之會擢從冗散之聯浸被躡除濫當將漕雖百骸盡瘁訖無足國之深謀而一意首公徒有愛君之大節比更再歲遽閱三遷心已愧於超踰力方圖於稱塞更叨異數就進崇資狎承旒辰之恩默識陶鎔之自此蓋伏遇某官精忠冠古端行表時言爲社稷之遠圖動合國家之大體高文碩學雅推多士之宗明德茂勳益著百僚之望遂於疏遜亦不棄遺謂其既塵清切之班使之

卷八

十四

增重光華之任敢不恪遵乃職期副所蒙誓畢餘生已作報恩之計庶幾薄效不辜責實之朝

代謝轉官啟

入告元勳已誕揚於顯冊徧行殊賞乃橫及於微軀亟被恩言徒懷感臆伏念某起從疏遜誤玷選除寔膺寵數之過優每愧器能之弗稱頃緣移使方屬整兵峙乃糗糧偶無餉饋之乏于彼原隰與有馳驅之勞蓋職分之當然願事爲之安在驟叨增秩深懼罔功此蓋伏遇某官威格華夷志存廟社憤凶徒之竊發出妙略以請行運籌帷幄之中既空蟻聚還師在席之上爰振虎臣遂軫念輸將之勤亦聯名慶賜之列某敢不恪遵乃職

圖稱所知庶以奉法循理之心可爲推賢與能之報

代賀翁中丞改知杭州啟

伏審拜恩中道更鎮近藩凡屬統臨交深欣畏恭以某
官才推英傑德懋中和親逢聖主之知自致風雲之會
紫荷持橐久參帷幄之謀白簡飛章悉正朝廷之體頃
被天綸之渥暫分畫錦之榮克珍寇攘用蘇疲瘵作軍
謀帥方加賁於殊功視邦選侯遂改臨於大屏定見賜
環之亟靡容開府之淹歸踐廟堂下澤寰海某繆當支
郡行託餘麻願惟慰幸之多豈在等倫之後

代賀胡提刑啟

伏審光被帝綸寵更使節威聲所底樂誦惟均恭以某

第集八

十五

官雅望鎮浮周才應變所至可紀有前古吏師之風無
施不宜皆一時國論所倚比奉凝旒之對式符側席之
求嘉謀適陳明命已出軺車一乘蓋欲重持斧之權細
札十行恐遂趣賜環之召願惟晚晚辱在庇麻行拜旌
旗之光敢修竿牘之禮欣幸之劇倍萬常情

代賀張舍人啟

伏審拜恩宸陛進直掖垣休命播騰輿情欣屬伏惟某
官氣蓋一世心雄萬夫煥星斗之文追配作者起雷霆
之譽蔚爲聞人有連中入科之名無紛亂諸事之請蚤
從麟閣盡讀未見之書旋列螭坳更著不刊之典蓋善
爲訓誥誓命之煩悉必能道德意志慮之精微果被顯

除遂居華選靖共一節共識傳昭之古風通達百爲當
問崔琳之今事嗣觀綸綍之出趣預廟堂之游某蚤辱
論交茲聞得位上以贊朝廷之喜下預有鄉閭之榮

代賀韓舍人啟

伏審近奉制函遂登辭掖人望所屬士論爲榮伏惟某
官諸儒楷模三代豪傑揚雄於蜀本著書成後世之名
馬周入關因抗章言天下之事衷語一下英聲四馳蓋
不爲世俗無用之文則已識公輔有爲之器其間流落
公言謂何及此選除上意決矣然以辭令贊書之任而
付討論潤色之才此優爲之何足道者一時製作孰能
居蘇賈之先他日設施自當在常楊之上某預游滋久

第集八

十六

間命甚休睠江湖之一麾阻門闕之三賀忻懽素志倍
徒常情

代賀宣撫啟

伏審告廷明命復位元樞嗣開莫府之嚴遽捨安車之
佚事關國體喜動民情竊以鎮撫四夷爲上公之任典
護諸將乃元帥之權去就之間重輕所繫故師連西海
疆衛公之一行而寇警朔方賴長平之復出勳盟旣固
史牒用光恭惟某官位冠宗工望隆元老據尊主庇民
之志成開疆辟土之功鷹揚四方鶚立一世威稜遠愜
顧草木之皆知忠列具存宜藜藿之不采頃緣振旅因
欲奉身上心雖憫於獨賢輿論已知其復用果承溫詔

再撫全師蓋邊陲無折筆之勞則宗社有覆孟之勢虜謂吾父當厭難於階楹人歌我公卽還師於祗席斯言可必萬口所同某辱在播釣喜聞推轂徒以一麾而出守莫陪十乘之啟行抃躍私情倍百常品

代賀太宰啟

伏審告廷垣制正位冢司百辟具瞻萬邦胥慶竊以歷觀論相之重深識守文之難終寧考之圖功時方紹復條先帝之故事自足施行乃登用於舊人以付畀於大政務飭治體不求智名恭惟某官盛德庇民殊勳冠世蚤收四海之問望更練三朝之典章上所注懷從甘盤之舊學國有決議咨方叔之壯猶直道事君正色牽下

拾集八

十七

備受大臣之體貌綽有故舊之風流袞職既虛巖瞻彌峻遂定金甌之下首居玉鉉之聯華夏系心方資霖雨之澤指紳屬目共仰中台之明某託命洪鈞庇身支郡逃想雲龍之會阻陪臆藻之歡抃躍之私名言莫既

代賀少宰啟

伏審讀命路朝正儀揆席眞儒登用庶類昭蘇天下幸甚竊以聖賢之相逢本由天地之交泰爲時而降非人所能選於羣而舉臯陶雖曰疇咨之命審厥象而得傅說是爲帝寶之祥自昔傳聞於身親見恭惟某官柱石王室股肱帝躬身繫朝廷之重輕心關宗社之休戚開拓萬里成超今冠古之功綏寧四方致尊主庇民之業

道洽政治謨明弼諧使邦朋之寢消識國是之素定遂符夢卜進總機衡必將盡行平日之言然後散爲天下之福轉鴻鈞之一氣時適純熙安泰山而四維邦其永固某叨分郡寄逃聽除音外與驩謠慶雲龍之會中懷美蔭賀燕雀之私抃躍既深輸寫奚既

代潁州王待制謝執政啟

馳驛再期偶逃吏議分符千里又玷國恩控畿甸之上游卽溪湖之勝踐過客稀少絕廚傳將迎之勞居民雅馴無訟牒剽裁之冗筋骸就佚顏面與慚伏念某奮身孤平逢世熙洽偶緣奔走之薄效遂階侍從之榮班然最下之考累書當有餘責而至愚之慮已試實無他腸

拾集八

十五

仰荷廟堂之知俾參禁密之籍未收績用更以名聞付之牧養之權遂此便安之願此蓋伏遇某官佐佑眞主師保羣黎明德茂勳已濟登三王之治深謀至計更成一六合之風旁求心膂之臣出守股肱之郡有如庸懦亦冒選除某敢不勉勵夙宵恪修職業期稱責成之政庶遵畫諾之規

代賀右丞啟

伏審寵拜制函進登政席四方引領百辟傾心伏惟慶慰恭以某官學瞻儒宗才高王佐昔在隱約公輔之望已隆久於禁嚴神聖之知益簡豈惟擅燕許之大筆居常罄稷契之忠言天日下臨風雲交會議已馳於域外

禮遂絕於坐閒立太平之基方播鈞以成萬物開眾正之路將築館以待羣材自省微生竊叨大化懷守臣之絨坐閱歲時掃相國之門動形夢寐依歸扑躐倍百等夷

爲戶部葉尚書回諸路使者啟

比者誤膺詔綽叨總計庭蕃藏刑弊之餘九征多闕調度經常之外百費交興揣絀薄以奚堪冒寵榮而更懼豈謂某官過持謙柄遠賁慶函敦意愛之周旋粲文辭之曲折光華所照衰朽爲慚念玉室之孔艱倚使臺而甚重舟車並湊方資指畫之勞門宇相望猶阻瞻承之便感銘徒切敷敘曷殫

谿集八

十九

代謝還任啟

罪當遐棄方解組以去官恩許終更復旋爐而就事召驚魂於一夕九升之際收渙汗於終朝三禩之餘喜動親顏寵孚民聽荷旒宸廓乾坤之施不求其初念門牆矜簪履之遺乃至於此捫心惕若攬涕潸然伏念某弱植易搖驚筋難彊頃從使傳誤被詔除延閣通班假一麾於南國故鄉在望足三釜於北堂徒黽勉於夙宵但糜捐於歲月蓋投閑置散者分所當得而撥煩劇劇者才豈能堪積此叨踰至於汰罷上累藏疾納汙之德中懷省愆念咎之疑或謂他腸此所告者過也自憐孤迹誰與改而正諸詎意台光下臨蒞居皆照致膺申命獲

返故棲此蓋伏遇某官莊重鎮時高明拔俗英文敏識本三代儒學之宗忠言嘉謀亦一時國論所倚居然眞輔相之器綽有賢父兄之風民皆系心上已注意殊庭澹漠參九華妙會之先清禁凝嚴列五閣英游之冠然猶吐握下士席寐招賢博收豪傑之才共佐光華之旦就如艱拙亦在記憐務盡掩於過差使曲全於終始某敢不堅持一節力報萬分無它技能愧承乏江海之上不相背負誓託命鑪錘之間感激深喻言曷旣

沈忠敏公龜谿集卷第八

谿集八

二十

沈忠敏公龜谿集卷第九

啟

賀除留守啟

伏審賜環亟下信節遄歸飭燕館以留居御朝端而趣對身關國體想忘跋履之勞德享天心宜擁福釐之集恭惟某官朝廷碩輔社稷宗臣以泉夔之才逢堯舜之主引君當道蚤輪密勿之忠措世太平已底經綸之績勳銘具在紀律畢張聿從真節之游乃託介藩之任申伯之居南國雖賴蕃宣周公之詠東山終還左右及此介圭之覲實符仄席之求諒展辰猶數膺晝接然以素望之所屬必惟舊人之是圖於秉國均轉洪鈞之一氣

谿集九

嘉業堂校刊

益熙帝載平泰階之六符載念微生嘗叨異顧與燕雀而同賀庶桃李之垂陰

問候中書啟

伏念某猥以微生叨從末宦效九九之技篋若江湖之濱瞻兩兩之符恍然雲漢之表顧門牆之彌峻致竿牘之罕通引領云勞傾心則壹恭惟謀謨帝所勩相王家順迎六氣之和茂擁三靈之祐伏以某官夙鍾開氣親際昌辰遂以非常之才助成無競之烈發揮一德使邦朋之寢消感槩百為由國是之先定及此精神之會應於寤寐之求天睠孔昭民瞻允屬據百僚之上已知體貌之崇居三事之先卽俟儀彤之正上以副一人之意

下以慰四海之心更乞深念宗祊加護寢饋某卑情無任祝頌虔切之至

賀漕使加職啟

伏審顯膺徽寵進崇資凡託庇庶舉深欣屬恭以某官存心甚遠養氣至剛亮節端誠實表儀於當世危言鯁論皆根本於生民不圖近功可贊大事憤愚民之冒昧連狡寇之猖狂爰飭使軺式嚴師律九攻九拒多自於指蹤萬舉萬全豈容其假息至於轉餉曾不乏供果消南顧之憂遂躡西清之秩策勳方茂第賞惟新觀賜札之系傳知召環之狎至退惟陋質叨沐餘光承命之初為喜益倍

谿集九

謝薦舉啟

課功無狀偶逃大吏之譴訶進秩有階忽冒上臣之薦籍過形褻字加賁沈蹤顧寒責之靡遑唯銜恩而獨至竊以聖人以學而成俗是為教化之原儒者以道而得民非若簿書之比故於州縣之職莫先庠序之聯雖列處侯邦第使視曹於幕府而選從帝學更令通籍於橋門至煩一代之宗師並舉四方之寒峻號曰吾屬收為已知然而泮水泛居或類河中之木需章典奏必蒐席上之珍宜得魁壘軒昂之才加以疏通該洽之識名實四達言行兩純使之無遺庶云有補如某者天資昏惰人品羈單少也讀書徒粗知於為己長而干祿蓋苟求

於及親以應俗多老生之常談而經世乏古人之大節
長恐沒齒分爲散材乃霑黃甲之恩漸免白丁之役及
補郡吏復居校官設施皆熟於平時游處既多於暇日
稍尋黃巷轉授青衿必有我師雖欲從其善者此非子
座豈待請而避之跡未至於顛躓心已慚於忝冒方期
斥去遽辱名聞此蓋伏遇某官提衡九流推轂多士小
德役大德每蹈孟軻之言先知覺後知將成伊尹之志
遂以丹青之定價勉茲白社之寒生不閒庸愚亦加采
錄顧矜憐之若此歎報効之云何某敢不增所未長鞭
其不及駑馬十駕庶申伏櫪之悲徹帚千金終發掃門
之喜

穀集元

三

謝運使差權知縣事啟

恭承郵報俾攝縣章調宓令之琴焉知政理擁毛生之
檄聊遂親謀蒙幸有餘包羞無所伏念某欽敬可笑約
結亡奇惜學難成願短檠而自媿薄游寡偶撫長鍊以
誰憐栖遲太學之十年竊取奉常之一第尚須官次伏
處鄉邦誰是餽漿之人空餘乞米之帖茲因弭節方獲
曳裾擢於田里之中寘在門牆之末公移遠速就假一
雷之封疾雷驚傳親著五雲之字願惟凡瑣乃爾遭逢
此蓋某官遠業濟時高風勵俗裕民足國已操邦計之
贏謫德量能更欲人材之當故令散吏輒補曠官某敢
不勉盡所長以待乃事體一日葺居之戒寧憚小勞臻

五月報政之期庶收微效

問候運使啟

嚮自揚舲督府引襟行臺濫從俎豆之閒數奉珪璋之
表竭來敝邑阻拜前塵緬惟規略之餘休有神明之相
恭以其官望隆當世行配古人才地有餘雖多多而倚
辦辭源無極猶戛戛以知難言皆合於上心動必關於
國體暫屈經綸之手遂恢富足之原言聽計行實逢干
載之會家給人足更邁九年之儲柄用可期師瞻已峻
更乞上爲宗祏加護寢興某下情無任祈嚮依歸之至

新令遠迎狀

穀集元

四

伏審某官比膺芝綍屈領銅章調宓令之琴行觀美政
整王喬之舄共仰仙風退念飄蓬之餘空懷揚糝之懼
承顏之幸翹足以須

賀毛給事啟

伏審溫綸亟下大旆遄歸騰聞四方聳動羣聽竊以殿
中獻納之地是爲門下論駁之司非風節梗槩則不足
以典樞機非論議該通則不足以承顧問故揚雄於漢
擢先待詔之聯而李藩在唐望隆批敕之手得人如此
視古庶幾恭惟某官學爲儒宗才配人傑持心耿介歷
嵩岱而不移蘊量恢閎包滄溟而無際炳文章之光焰
極師友之淵源名蓋一時用先諸老徐堅真舍人樣蚤
擅中朝望之實宰相才聊從外補席方及煖政已報成

紫泥俄見於賜環青瑣復參於持橐想金甌之久覆指
玉鉉以旋登公論所期斯言可必某繆從末路景仰英
風茲聞明命之頒彌激懦衷之喜榆枌斥鷃敢知鵬運
之高庭戶飛蠅但欲驥程之遠依歸抃躍倍百等倫

賀賈舍人啟

伏審茂膺詔檢寵進詞垣聯侍從之榮班極文章之盛
選音騰疾置光動故鄉恭以某官學配古人才高當世
早馳妙譽擅滄海之遺珠獨冠賢科應崑山之片玉用
先諸老擢自一人校雠兼六籍之微刊正盡羣言之失
踐揚滋久問望益隆進直螭坳記載之功唯允首陪雞
戟調護之德攸全爰從禮樂之司入掌絲綸之地舍人

谿集九

五

樣有如此大手筆無甚難紅藥裁詩暢中和之遠韻紫
薇草詔追顯噩之醇風紹蘇賈之才名超伊管之相業
乃符輿論亦出家聲某蹤跡陸沈音塵斗曠側聞成命
之出彌增末契之榮目想俊游輒起彈冠之興心懷美
廢尤傾賀履之誠

謝改差常州學官啟

問塗湘水方懷陟岷之思易地蘭陵復預采芹之樂幸
既安於子職喜遂發於親顏揣分云優循涯以愧伏念
某天資樗味人品羈單妄刻意於詩書旋躡蹤於衿佩
一隨計牒九換年華甚非春秋屢動故園之興齋鹽朝
暮貪觀上國之光偶脫白丁遠聯黃甲泊親榮三釜之

祿飾身叨五兩之綸謂寸進之可期宜分陰之亦競而
乃赴銓十月補吏一涯取道重江念毛生之檄徒捧待
期薦歲顧墨子之突未黔敢圖小物之私曲綴大賢之
念達顛天之危悃遂擇地之初心訖使便安盡從願欲
茲蓋某官恩深教載德懋燮調推大鈞之無垠眾由平
進謂小人之有母獨軫深慈便菽水之奉於近鄉脫風
波之危於遠役矜憐若此報稱云何某敢不激昂其衷
砥礪所學庭闈愛日已寬遲暮之懷庠序承風益廣朋
游之樂

賀馮承旨啟

伏審鋒車入覲斧辰對揚超玉筍之新班冠金鑾之舊

谿集九

六

直除音四出歡頌一詞竊以舉三代之遺英而當號令
文章之事取四海之雋望而總言語侍從之官此上所
以篤於近臣而世亦將期以大用況夫親承密旨獨望
清光地接六符之中階秩高兩禁之上列帝選於眾公
惟其人恭惟某官炳嶽瀆之靈盡東南之美德量蓋存
夫遠大道術已造於純全氣誓九州絲真養而無害才
周萬事殆曲成而不遺忠既格於天淵信亦行於蠻貊
書膺三接歲閱九遷詞掖代言思若湧泉之決儒官正
席化如時雨之施騰聞東序之絃歌歸聽北扉之鈴索
方將摠尊主庇民之術豈特煥經天緯地之文遽銜恤
於倚廬致興思於仄席聿頒召節仍趣賜環天子虛懷

安問鬼神之所以都人拭目復觀風采之凜然迨出親
除式昭異數定見金甌之覆卽期玉鉉之登德裕之文
用雖長於大手吉甫既相禮自絕於同僚斯言不誣惟
日以俟某離奇弱質么麼微生頃蒙特達之知曾乏先
容之助側聞顯渥倍激驩悰久託範模行費大鈞之塊
此僅同燕雀更欣夏屋之併懔

賀新守盛學士啟

伏審細札疏恩左符分命起自列僊之館來臨多士之
鄉芹藻生輝布韋增氣恭以某官剛明蓄德端厚凝姿
粲然星斗之文粹矣珪璋之表賢關闊步早收俊造之
科仕路橫翔遂入英雄之光堯嫌名乘輅擅膺使之譽列棘

翁集九

七

聳名卿之稱醞藉有餘於風流緣飾無先於儒雅一昨
辭榮北闕均逸南州田里絕歎息之聲治功藹著庠序
修孝弟之義名教勃興集此美談發於遺愛況蘭陵之孔
道接若水之上游喬木相望稔服善鄰之教令甘棠具
在飮聞雅俗之歌謠用是此邦絃誦之徒思見我公色
笑之樂茲聞除日實激懽悰願惟齋鹽之冷官曾是門
闕之下客燕雀相賀同看大厦之蔭成桃李方華獨認
舊蹊之路穩依歸扑躍倍萬等倫

賀盧左司啟

伏審祇承嚴召亟被峻除顯陟中臺之端榮居上宰之
屬音騰郵置驛動指神竊以尚書會萬事之本元左司

貳六曹之網轄所以抗議軒陛參謀廟堂因唐建官始
重都公之號迨宋稽古實爲法從之儲惟御東求豈輕
除授恭以某官氣壓萬象心潛九流本師友之淵源發
文章之光燄出符國瑞同威鳳之九苞居協地靈配元
龜之五總爰自早歲竭來上都勃焉起三俊之名凜然
歸四海之望既橫翔於雄光堯遂獨步於英躔絳帳談
經咸忘鼎來之學亦裳賦命遽詠遄歸之詩方追臺妙
之游復領使華之寄雖登車之志遠念側席之恩深是
宜趣還庸副虛仁欲知相業試觀省闈之彌綸行慶帝
俞卽步禁塗之清切自顧門闈之下客曾塵衡石之上
游寅緣蕪辭竊取英眄喜樂正之好善亦既有爲謂公

翁集九

八

叔之爲文豈能無望

賀毛顯謨知鎮江府啟

伏審某官懇辭清禁榮統要藩嚴助懷歸本厭承明之
直蕭傳復出蓋觀宰相之材唯其被寵光而益新所以
全譽處而彌固有識相慶不謀同詞恭以某官望重吏
師學深王佐秋陽江漢會道術於環中景星鳳凰偉德
名於天下勁氣發後凋之操沈謀迎先見之幾忠無他
腸才有餘地視文章之小技素所優爲舉節義之大閑
方將獨立笑曲士之未徧爲賢者之不能故於用舍重
輕之問以見進退難易之際抗章避寵奏屢卻而復前
褒詔賜俞意重違而愈厚訖從荷橐爰假竹符峻秘職

於西清委良翰於南國明哲具美旣歌山甫之遄歸治
行騰聞卽慶弱翁之大用某承顏雖晚受顧則深初聆
警歎之音已荷齒牙之論竊冒叢雲之蔭更許包蒙默
希霖雨之恩終期振槁

賀正啟

月窮於紀方占嗣歲之祥星回於天遂履初元之吉維
世巨哲實享純釐恭惟某官正色立朝虛己游世功名
自致早親日月之光節義獨高更勵冰霜之操對越三
陽之序導迎六氣之和卽擁春祺入熙帝載某遯違恩
闕阻奉壽觴瞻頌惟勤名言曷喻

同前

翁集九

上同維時舊彌實享繁釐恭惟某官道濟寰區功存廟
社陶鈞獨運早陪黃閣之游鼎鼐再調終慰蒼生之望
對越三陽之序導迎六氣之和卽擁春祺入扶帝祚某
踰回末路坐遠崇閣阻稱椒柏之觴遙薦松椿之壽瞻
祈是切敷敘曷周

謝祭酒舉改官啟

飛章帝所推華袞一字之褒傳檄儒官增做帚千金之
享載惟忝冒采積驚慚竊以知人之道固難而儒術非
他技之比入仕之流寔廣而學校乃公議所歸至於宗
師之薦論必繫朝廷之東拔秩六百石徑脫州縣之冗
曹歲四十員盡收雍泮之清選專以蒐羅一時寒賤之

士因以激昂三代豪傑之風凡舉所知必從其類故竿
牘小夫之智至無所容簿書俗吏之爲略而弗取自非
文章炳蔚問學淹通望實有加於人行能無媿於古則
何以酬丹霄之定價附青雲以垂名如某者藝畹寒荄
辭源淺派所學眞土梗耳弗造本根於道猶醯雞歟未
離幽蔕頃聯黃甲偶代白丁旣預搢紳之游卽分庠序
之教歎齋鹽於朝暮寧逃獨冷之譏閱絃誦於春秋粗
知三樂之趣技殫鼯鼠化止奔蜂方幽黜之是虞曷明
揚之遽及平生慕願此日遭逢茲蓋某官推輓九流括
囊六藝自任斯文之興廢獨爲吾道之重輕先知覺後
知於身親見小德役大德與時偕行乃晷微蹤嘗叨異

翁集九

眇終未忘於下體遂不墜於上聞芹藻預榮蓬華增氣
某敢不恪遵師法守官箴節勵冰霜必欲免夏畦之
病光分螢燭或能助秋陽之明

謝蔣迪功啟

伏審首被貢書遂借計牒膠庠倚重黨友增華貢元某
官杞梓奇材芝蘭秀質藉甚家聲之振藹然世德之昌
黃卷一經得賢父兄之樂青衫九品從貴子弟之游初
接迹於羣居已程能於異等迨膺妙選實愜眾情縱步
武於夷塗可立待也收功名於絕會是以似之方深贊
喜之誠繆辱飛文之貺銘藏惟切敷述奚殫

賀盧舍人啟

伏審近膺制檢遂陟詞垣入陪清禁之塗允屬鴻儒之任權輿廊廟鼓舞搢紳共以某官如唐一夔爲宋三雋講奪重席蓋國中之真儒談傾四筵亦天下之辯士文章有古之風烈德行爲時之表儀素望藹然英聲藉甚上所屬意見謂有宰相才民亦系心何止爲舍人樣茲假判花之重目參視草之榮政事預聞允資國體之通達訓詞具在共期帝制之坦明洪惟二者之長信謂一時之美方將日膺三接歲閱九遷亟躋玉筍之班卽進金鑾之直斯言可必指日以期某受恩特深爲喜益倍燕雀相賀初瞻大廈之蔭成桃李不言自識舊蹊之路穩

翁集九

賀周司業啟

伏審被恩宸辰正位學宮凡在下風孰不同慶恭以某官自天仙伯爲世儒宗學貫九流獨脫拘攣之見文備眾體雅好深湛之思論不詭於聖人達可行之天下確乎不拔闢然而章鐵心石腸素蘊功名之志金口木舌豈唯誦說之才選自郎闈登此師帳誠恐明綸之出不煩重席之溫趣據要津庸副清議某伏自早歲卽聞大名因緣爨下之棄材出入光堯嫌名中之餘地蹉跎一命契闊七年身繫寒鄉徒有修門之夢心懷美蔭莫陪廣廈之游

賀林資政除南京啟

側聞休命就起宗工還祕殿之崇資委陪京之重寄恩言誕布僉論交孚恭以某官受天全材爲帝良弼韜文武之兩器秉忠孝之一心氣貫堪輿絲直養而無害智窮眇忽皆曲成而不遺勳名具存風采可想雖讒波之橫起而天鑒之孔昭曾無淹時遽有徽數欲付倚平之任姑煩釐尹之行埭北大鈞行歸浴鳳之治鬱蔥佳氣況鄰飛鷁之都定觀麻檢之頒卽對袞衣之寵多士之願斯民所同某受知特深爲喜益倍屬吏曹之有守趨賓列以無階

謝薦舉啟

翁集九

賢舍室餐久竊養賢之鼎輶軒過聽誤登薦士之書自顧何堪人以爲幸竊以汲引之重今古所同取夫拔茅宜在泰通之世譬之推轂當遵平陸之塗豈唯卿士之舉能抑亦王公之借譽不在此族則爲匪人而況總一道之詢謀會列城之殿最按廉旣廣簡核惟精必得異才乃副公舉如某者江湖漫仕蓬華寒生斷斷他技之猗無錄錄奇節之未有短繫徒對口耳之學易窮長鈇空彈齒牙之論安在詎意車中之半面尚矜堂下之一言略其迂愚賜之翦拂此蓋某官識先致遠量極包蒙事君以人自得上臣之體與人爲善獨高君子之風兼收尺寸之長庶有錙銖之失推其餘地庇此微蹤某敢不力鼓前修誓圖後效俯稱鄉人之好仰酬國士之知

賀毛顯謨除真定帥啟

伏審近奉帝綸就更戎輟西清之密侍紆北顧之深
憂先聲所馳羣醜攸讐恭以某官公輔之望蓋自少時
將帥之才乃其餘事徒以詩書之府形爲文武之韜凜
然堂上之奇兵威加草木遂矣幕中之婉畫名動蠻夷
暫分清禁之光以壯朔方之勢然而非爲一面之病骨
乃四支之彊賢人入朝黠虜何算果吾父也尊俎可以
銷萌以我公兮鼎鉉待而增重行因入覲遂即登庸某
早伏下風近叨殊眄許其氣類之比借以品題之私望
元戎之啟行心隨目斷嗟太史之留滯力與命違

賀盧給事啟

谿集九

十三

伏審比繇西省進直東臺帝恩所加士論增重竊以凡
號法從均游禁塗獨於青瑣之崇資參用黃門之故事
辯駁邪正彈訶同烏府之嚴論議古今顧問亞貂冠之
峻欲稱是職必惟其人恭以某官如古天民爲時人傑
學洞九流之邃文追六籍之醇字韻獨高忠忱素著如
璞玉渾金而莫能名其器於盤根錯節而有以見其才
神具聽其靖其世固知其久大果膺殊眷遂陟近班職
在掌綸已擅舍人之樣任當批敕更繼夕郎之風固非
一日而得君是宜旬月而取相行聞大用實副僉言某
繆荷深知本緣末技側聽鵬搏之迅彌增蠅附之榮拊
躍依歸倍萬倫等

賀黃司成啟

伏審近膺帝制遂正儒宗多士聳觀豈特膠庠之矜式
四方同慶茲爲廊廟之權輿凡託恩庥共深欣屬恭惟
某官望隆王佐名重世師德行配先民之純文章社後
學之弊取武城二三策雅謂知言得商頌十二篇蚤推
能賦恢然凝遠之度遠矣深湛之思有往皆成無施不
可上所注意尤知山甫之小心民皆具瞻已必弱翁之
大用果參法從進直掖垣亟由鳳閣之近班來處鱣堂
之故地回瞻僚吏盡四海之淵源追數遊從信一時之
豪傑斯文有託吾道益尊木鐸之任旣優金鉉之除伊
邇進北扉而承密旨綽有前規開東閣而館翹材仁觀

谿集九

十四

殊渥某寅緣姻媪出入門闕自跼迹於未塗阻承顏於
隅坐側聆休命倍激懽悰

賀湖守葛待制啟

比審高牙已臨大府寬條一出驪頌四馳恭以某官心
存古人氣蓋當世名號一時之豪傑學爲四海之宗師
兩禁同游最先德舉入科並中豈止文鳴上心雅欲其
居中時論久嗟於補外然公卿皆憚徒以君嚴之立朝
而吏民不欺亦賴長公之治郡遂請便安之地用蘇疲
瘵之氓正恐賜環不容煖席某頃由絃誦獲進門牆服
在下陳方執簿書之役瞻言故國莫修桑梓之恭依嚮
之誠倍萬常品

賀盛守再任啟

伏審祇奉新恩薦臨舊治提封所暨驩頌如初恭以某
官卓犖受才洪深迪德道義滿於天下英雄游於光堯
中煥星斗之文追古作者起雷霆之譽爲時聞人功有嫌名
爲以皆成治無施而不可輟從棘寺出領竹符千里興
謠坐見流亡之復期年報政騰聞課最之優妙達睿聰
併崇徽數稍緩韓侯之入覲姑徇寇恂之借留善政流
風民自安於教令深謀至計帝亦俟于咨詢會有追鋒
不容暖席顧惟疏賤叨辱知憐方懷勿翦之思更勵必
恭之戒依歸下悃倍百常情

沈忠敏公龜谿集卷第九

翁集元

十五

沈忠敏公龜谿集卷第十

啟狀附

謝運使胡修撰舉改官啟

浮沈州縣甘老簿書出入門牆誤緣翰墨更借攀援之勢遂成汲引之恩投足知歸撫心懷感伏念某江湖一介塵土半生叔夜竊疏願豈堪於作吏次山浪漫蓋已懶於為官未能成洗耳之圖不免效折腰之態庸庸備位職號馬曹累隨行事同牛走念是非之相亂致力命之兩疑借曰白媒正使誰譽比因修小記室之問乃得望大君子之光盼昧所加過為眾中之異聽聞或誤遽忘名下之虛公賜品題曲為道地意極正山之重言

嘉業堂藏刊

逾布帛之温退省空疏豈能稱塞茲蓋伏遇某官權衡一世水鏡九流發為月旦之評動合春秋之法弊帚無用提攜遂享於千金駑馬有知鞭策更勤於十駕不忘委瑣亦玷瑜場某敢不欽誦格言勉圖薄效許以操修加御當遵節義之大閑謂其學問過優敢銜文章之小技庶幾激勵毋辱知憐

賀年啟

星回嗣歲月旅上春適三陽之類升宜五福之交會恭惟某官政先平易德懋中和徧歷劇煩渙若凝冰之釋一蘇痠瘵煖然挾纈之温對越令辰受時純嘏遂破疇咨之命式登光輔之聯某心系門牆身迷州縣舉賀觴

而莫及削慶贖以徒勤

謝秀守苗郎中舉改官啟

二紀服儒猶念呻吟之舊一官書獄豈堪流落之餘遽辱提擢重為榮耀伏念某受生多難涉世少徒偶從鍾繡之謀輒汗軒裳之列銜玉賈石夫豈本心乞酒得漿亦其定分亟舍絃歌之樂驟親敲扑之煩羣言譏諍爭沮幕中之辯獨行踴躍敢矜席上之珍乃使挂需頭之章終免為搖尾之態靜言特達重媿空疏此蓋伏遇某官隱德在時深忠許國牧人馭眾共師循吏之風流推賢與能自得上臣之識度優容寒素曲賜獎成某敢不銘肌感恩刻意為善庸庸末學儻有見於施為斷斷餘生庶無忘於報稱

對集一

謝運使王待制舉改官啟

三語就掾亟從莫府之趨一字興衰輒累公車之薦荷恩已過揣分奚勝伏念某獲落散材髮跚蹇足貧交易厭揖窮鬼而告行拙迹難安拜天孫而請禱念兩求之皆失歎百慮之相攻髮已星星心徒炯炯一昨汰從鬻舍還綴銓曹路隔九霄豈有修門之夢家存四壁未成下澤之游挫鍼資餬口之謀束帶效折腰之役當塗知已或似寒蟬末路依人空慚社燕幸光嘉名襄帷之始喜形傾蓋之餘召置門牆使操翰墨然員多闕少時方會於省官而親老家貧勢固難於擇祿竭來書獄聊以代

耕蓋由剡列之私既適便安之願更煩汲引彌見矜憐
此蓋伏遇某官盛德容愚通才應變以成室屋兼收根
闢居楔之微可羞王公近采蘋蘩蕓藻之賤故雖沈於
下列亦不墜於上聞加惠寒生增榮孤宦某敢不希蹤
先列抗志後陳抱槩磨鉛期不易儒者之事飲冰食檠
庶無負門下之知

賀提刑啟

伏審奉承溫詔臨按詳刑瞻擁傳之星馳知屬城之風
靡餘光所屬驩意已孚恭惟某官蘊識疏明懷才敏達
溢爲政事曾不媿於古人著在謀謨皆可行之天下及
被承顏之寵遂紓造陸之私親被上恩就更使命威聲

翁集十

三

所徹但聞草木之知氛祲一消無復狐狸之問恐未遑
於煥席遂已趣於賜環退省孤蹤獲歸餘莛萬事不理
行賴於多聞六轡既均庶陪於後列欣榮之至敷敘曷
周

賀沈狀元啟

伏審奉大庭之對擢居多士之先讎祕府之書進列羣
仙之右寵踰疇昔聲振區區恭惟驩慶竊以國家數路
設科三歲下詔豈特循祖宗之法蓋將收豪傑之才紛
然朋來至以萬計蔚爲首選固多異人曾未有夢兆一
飛恩加再見家聲踵復襲兩世之青氈宸藻親裊煥九
天之丹檢付以圖書之職示爲翰墨之儲名雖先登事

豈前比伏惟某官文備眾體學總百家節槩軒昂鬱鬱
棟梁之氣見聞淹洽滔滔江漢之流蚤也從四方之游
固已擅一時之譽揭來文陸獨冠英躋上興見晚之嗟
士有先覩之快蓬山芸閣之直何足道哉金鑾玉堂之
除可立待也某沈迷簿領荏苒再歲時未敢勝書輕爲贊
喜之禮乃蒙削牘曲致撝謙之詞媿感既深名言罔既

賀左丞啟

伏審天綽疏恩台躔進次正泰階六符之象冠文昌八
座之聯成命下傳善類相慶恭惟某官三代豪傑一時
宗師夙懷經濟之圖深達彌綸之體晉公德望孰不問
年齡之幾何賈傅才名豈止對鬼神之所以智略輻湊

翁集十

四

風采想聞自登政席之崇彌見勳盟之著九夷通道綽
有成功三后協心舉無異議乃就升於左轄以增重於
中臺帝眷旣隆臣鄰益峻某登門最舊受顧已深聞天
上之除音殆將起舞記日邊之歸路正復坐馳抃躍之
私翰寫難盡

賀張狀元啟

伏以法駕親巡不廢詳延之問紛袍族議已推絕類之
才乃下臚傳果先科列伏惟慶慰恭以某官躬行篤實
資稟魁閣久於湮淪獨高鄉曲之譽素所蓄積綽有廊
廟之謀一朝遂冠於英豪諸老盡驚其剴切其可尚已
夫豈偶然 主上痛悼往圖渴聞至論以爲飲食嘗

瞻之日必有慟哭流涕之言特下詔音專求謙直禦戎
三策殆與見晚之嗟寤主一言孰先御獨之戒方將據
發舊學踐履亨塗庶幾寫平生憂國之心何止爲今日
決科之具屬茲晚歲竊伏下風未遑柔翰之修先辱珍
函之貺感銘丹臆倍蓰常情

賀凌先輩啟

伏審奉承大對擢置上科拜命赤墀猶亞一龍之首題
名翠琰遂居千佛之先用吉士乃邦家之光納讜言真
社稷之福未遑馳問遽辱飛牋感媿之深敷宣罔既

謝黃子虛學士啟

伏審比膺詔旨追寵諫章黨石刊名忠節凜於當代書

谿集一

五

林進秩恩光溢於暮年幽憤既申勝流相慶伏惟某官
仁言利溥義勇氣充蓋萬折而必東雖三已而無愠白
日一照伯魚何辯於前誣高風四馳叔向自全於遠直
時方捩於變亂上益思於典刑仁聞追鋒來副仄席眷
言宦學久預交游邂逅公朝舉揚正論喜極阻修於柔
翰謙摛亟貺於珍函感媿之深名言罔既

謝曾顯謨啟

比者徧塵三院久汙紀綱之思進總一臺忽玷絲綸之
命莫遂循牆之避更增據茨之憂冒寵益深負慙彌重
上意開納知犯顏逆指之非難國步跼危念疾首痛心
而何補敢謂隆謙之眷過形褒大之詞披繹再三驚慚

倍百此蓋某官多聞守約汎愛親仁緇衣好賢之誠德
配先正青箱傳世之學名滿諸儒特煩揮翰之勲加賁
登門之舊規存麗藻感發懦衷銘鏤之私敷陳曷既

賀趙參政啟

伏審進登舊弼參總繁機命下九天驪騰萬宇竊惟自
古禍亂之國必生希世豪傑之才因時作興與民休息
臨巨川而未濟方俟舟航扶大厦之將傾必資柱石副
上此意非公而誰伏惟某官誠格天淵忠存廟社方嚴
足以斷大事靜重足以經遠猷直道而行獨立不懼蹇
蹇王臣之節更變故而彌堅赫赫師尹之瞻遭讒邪而
益著擠之劇地凜然威名是致未央與夜半之思長安

谿集十

六

指日邊之路迨膺出綽不俟解鞍見管夷吾誰復效楚
囚之泣用范武子自然知晉盜之奔爭觀設施預期載
定豈特疲氓之引領是爲善類之傾心矧此孤蹤嘗叨
異盼方念一麾而去國未能三賀以登門抃躍私誠倍
萬常品

知鎮江與戶部姚侍郎先狀

比者誤膺明命寵付便藩顧衰病之無庸豈堪煩劇賴
知憐之有素遂託庇存卽獲參承倍增欣抃

知鎮江通用謝狀

比者忽膺明命寵付便藩收跡山林之間方圖屏伏從
事干戈之際豈克堪任揣分知難冒榮爲懼此蓋某官

推心忠厚迪行端良借餘論以噓枯致誤恩之起廢更
蒙珍翰用賁孤蹤感媿之私敷陳罔既

知鎮江與韓帥先狀

比者誤膺明命寵付便藩久伏山林之閒豈堪煩劇仰
託節旄之下庶獲庇存屬鞬將謁於轅門削牘敢塵於
記室依歸之素敷敘曷殫

知鎮江回人賀啟

比者忽膺明命寵付便藩收跡林泉之閒方圖屏伏從
事干戈之際豈克堪任揣分知難冒榮為懼此蓋某官
壯猷排難雅量包荒借餘論以噓枯致誤恩之起廢江
山如故方從仁里之游雉堞相望更託善鄰之庇特貽

谿集十

珍翰益賁孤蹤

知鎮江府到任謝宰執啟

起之閒館付以名城井邑工墟未變創殘之俗江山襟
帶猶為形勝之區宿師方折於遐衝謀帥乃推於庸品
才雖靡稱恩則有歸此蓋伏遇某官柱石邦圖著龜國
論以一夫不獲為重任以四方未靖為深憂雅量鎮浮
屹立中朝之望元功定難力摧外敵之鋒蓋將扶大厦
之顛故盡掩羣材之短遂令鴛鴦亦累挺鎔既奔命以
之官庶收功而塞責然某衰羸多病禰急少思方當調
發之煩未免催科之拙願寬銜勒覲脫簡書不失朝廷
勞來之方是為門閭收錄之報

問候劉帥啟

印紱相承猶接典刑之舊旌旗旁列遂依節制之雄嚮
風每跋於前塵蒙霧自霑於餘潤願修竿牘少罄情悰
伏惟某官韜略承家勳庸許國威望聳傳於四裔忠誠
簡在於九重行總全師往清方夏平時外敵素知李廣
之無雙即日中興必倚汾陽為第一是為社稷之衛宜
擁神靈之休更冀妙畜天和允答人望邇詠之切敷敘
曷殫

除尚書回人賀啟

起領州麾未聞治狀趣還朝著忽拜召音仰蒙簡記之
恩俯念衰羸之質輒嘗引疾庶欲投閒成命莫回預積
曠瘼之懼移書遽及過形褻借之私感媿之深敷宣罔
既

谿集十

回孟參政啟

羽檄上聞驚犬羊之入寇鑿與順動總貔虎以親征宸
謨悉出於萬全士氣殆逾於百倍符堅之扣淝水聊與
周旋佛狸之死卯年必期犇潰迨其卻走舉協初謀此
蓋某官識際天人心存社稷參籌帷之秘資經遠之壯
圖總留鑰之嚴倚居中之夙望致敵鋒之屢挫知國步
之永安某猥以微才濫叨近列負囊鞬而扈蹕奉引何
功擁被箚以造門趨承甚邇餘寒在候珍膏是祈

謝席參政啟

此者叨奉制綸擢陪政路屬四郊多壘之際贊一日萬
幾之煩薄技奚施嘗循牆而避命俞音既奮終據蒺以
拜恩縣力弗勝靦顏安寄此蓋某官宅心忠恕迪德謙
虛延譽當朝每託吹噓之末論交晚歲更親矩矱之餘
遂致微蹤遽膺重任辱賀緘之彌渥摠感臆以徒深銘
鏤之私敷陳曷既

謝前宰執啟

比者叨奉制綸擢陪政路屬四郊多壘之際贊一日萬
幾之繁薄技奚施嘗循牆而瀝懇俞音既奮終據蒺以
拜恩伏念某學昧通方才疏適攀鶴以片言之合驟蒙
上聖之知念人物之眇然誰不如已處廊廟則駭矣人

谿集十

九

其謂何汗號莫回靦顏安寄茲蓋伏遇某官柱石王室
股肱帝躬宏濟艱難務兼收於羣策旁招俊乂圖並輯
於庶功藐是孤蹤越從下列卽託埏鎔之末親聞矩矱
之餘訖致妄庸誤膺光寵中存丹赤徒知當勉於夙宵
外竭罷驚誠恐莫裨於塵露感銘之切敷敘曷周

謝劉宣撫啟

竊以羽檄四馳遽音日至天戈一指醜類宵奔成宗社
莫大之勳振朝廷久衰之氣威行塞外騷動區中伏惟
某官躬受傑才世資雄略吳漢若一敵國屢挫犬羊之
鋒嫖姚比再冠軍益整貔貅之旅屬茲逆寇挾彼援師
深入兩淮之間相持三月之久仰繫勝算盡伐狡謀曾

無亡矢遺鏃之虞每有折馘執俘之捷符堅之扣澠水
聊與周旋佛狸之死卯年果聞潛遁顧外敵之已卻諒
中興之所基草木類人旌旗動色功存萬世方將固山
河之盟位列上孤豈特聳干戈之衛自惟晚歲獲與殊
休喜抃之私敷陳罔既

回汪相公啟

竊以門牆篋阻莫瞻華袞之尊使介俯臨薦辱珍函之
寵退惟固陋渠敢奉承伏惟某官社稷元勳朝廷舊德
屬上聖龍飛之日會中原雲擾之辰首定大橫之占克
扶漢祚將啟中興之運復振周宗既摠經濟之謀聊遂燕
閒之樂收四方之能事每欲從赤松之游明一士之宿

谿集十

十

冤獨追恨伯仁之死雖春秋責備於賢者然禮義何恤
於人言過形引咎之詞彌見執謙之意載深紬繹倍切
感銘春律寢暄琳宮多暇願精調於鼎食益加衛於生
經

回知福州張參政啟

伏審祇膺休命顯答茂功陞祕殿之隆名增介藩之勝
勢伏惟慶慰恭以某官鉅才周變厚德鎮浮入與政塗
活國之謀具在出分戎閫干城之略益昭蓋身自任於
安危故心每關於休戚屬時逆黨挾彼疆鄰遠涉地以
深侵擬投輓而徑渡天臨萬騎至煩鑿輅之親征雲集
千艘卒賴樓船之爲助況委輸之狎至加籌策之上陳

迨此班師宜先懋賞韓混濟陝郊之餉絕驪動六軍常
袞報閩嶠之政成寵歸三事顧嚮風之逾切辱流問之
過勤感篆滋深名言曷既

回李觀文啟

伏審誕膺明命茂對闕休冠書殿之班聯正台司之體
貌丕昭異數允協具瞻伏惟驩慰恭以某官盛德格天
傑才經世凜凜公輔之望身退而道愈尊堂堂社稷之
勳時危而節益著雖綠野遂晉公之樂而蒼生思謝傅
之歸曾謂眾非尚騰多口日月在上風雨不渝塞翁之
馬自還田者之牛安在坐復青氈之舊於我何加行歸
黃閣之崇斯言可必某猥參近列遠映餘輝阻修賀燕
之儀驟獲烹魚之素仰慚謙眷俯劇悸悚感佩之私敷
宣罔既

谿集十

十一

賀孟觀文啟

伏審抗章宸極得請輔藩伏惟驩慰恭以某官亮節端
朝純誠翊世有開濟之才以戡多難有深厚之德以鎮
羣浮參幹萬幾備更六載顧勳勞之克著宜風采之聳
聞楚粵塵清雖已掃潢池之習關河霧塞猶未奠神州
之居方倚老成庶圖恢復遽辭榮於右府暫分命於左
符書殿絕班邈連霄漢蓬山傑觀近隔滄江想偃旆之
未遑恐賜環之已下退惟孤拙夙荷庇庶悵會合之多
乖歆出處之全美依歸徒切敷敘曷周

謝送生日詩狀

伏蒙都騎見存大篇爲賦曲記劬勞之日過形褒頌之
詞伏讀嘉言敢忘重拜占斯干之吉夢媿此餘生誦汝
墳之卒章居然永歎感銘之至敷敘曷周

回路樞密謝復職啟

伏審祇拜渥恩寵還峻職摺紳胥穆表著用光恭惟某
官德懋儀形志先康濟歷艱難之多變恃直亮之一心
越秉鴻樞居存勝算辰猶克壯將枕戈以立功名晝接
方隆忽解組而辭富貴雖綠野之居甚樂然蒼生之望
彌深比下明綸進聯祕殿蓋謂孔殲之去理或未宜必
知季子之歸時乎有待尚阻瞻承之幸過蒙問勞之勤
感佩茲多名言曷既

谿集十

十二

回折樞密啟

伏審進儀帷幄參幹樞機圖國步之救寧孰堪大任契
上心之簡在白屬眞賢郵音播傳輿論欣穆恭維某官
才兼文武學際天人亮節孤風名素高於當世深謀至
計志每切於生民自頃來歸卽期登用數奉凝旒之對
果膺虛席之求孔明之臥隆中身嘗不屈夷吾之在江
左人以無憂必將發揮平日欲行之言用能經營方今
未畢之事眾口所必斯言不誣退省衰蹤久叨未契甫
投閑於鄉社實託庇於門闕依鄉架勒輸寫難既

轉官許回授與兄謝宰執啟

庀職無功叨被公朝之寵抗章有請願爲私室之營仰承出綽之恩俯慰陟岡之念兄弟感泣父老歎咨伏念某起家寒微涉世迂闊進踰涯分自貽滿溢之虞退省愆違猶負顛隲之懼至若成書之奏御固已乞身而去朝敢謂第名例蒙盼賞念事爲之靡稱控懇避而莫詣爰念急難冒陳迫切雨露之澤旣霑被於同根雲漢之章復表揚於異數夫何僥倖有此遭逢茲蓋伏遇某官直道事君誠心好善性悃孝友用風勸於多方身任安危將日新於庶治過蒙矜惻遇獲褒俞方收跡於山樊第歸恩於陶冶銘鏤之至敷敘曷周

賀張參政啟

谿集十

十三

伏審進膺詔綽參軫事樞恢張遠圖將肅清於國步登用舊德首厭服於人心郵音播傳輿論欣穆伏惟某官才本人傑學爲世師問望冠於三朝風采傾於四海論關休戚炳若蒼龜之明行蹈險夷挺然金石之操雖綠野之居甚樂而蒼生之望益深果下賜環趣覲行殿亟踐廟堂之舊倚平疆場之虞江左之見夷吾已期剋復魯人之思季子皆喜來歸諒少展於謀猷卽盡戮於禍亂書功不朽指日以須頤惟衰遲夙叨知瞻念收跡江湖之上獲庇身陶冶之中并躍私誠倍萬常品

回賀正狀

王正謹始人統開端惟時耆英宜享壽祉伏惟某官才

周庶事學富多文方茂對於春祺諒亟還於天闕過蒙慶問第切感銘

回趙相公啟

比者濫膺詔綽參軫事樞未遑坐席之安更躡朝班之峻寵私沓至控微懇而弗俞憂責併加撫衰蹤而靡稱懼形心骨媿溢面顏伏念某出自寒家本非遠器干祿之學曾不足以視身負薪之言夫豈堪於謀國頃緣虛獎馴致微官久貽尸素之譏甫遂歸田之幸聖恩未旣遽因簪履以見收愚慮已殫無復絲毫之云補不圖兩月而閱三遷屬當郊壘之多曷贊帷籌之祕深知忝冒積負兢慙此蓋伏遇某官道合天民才優人傑功高社稷久登翊於睿謨望重指紳專統盟於善類夙借吹噓之力曲爲根柢之容遂使衰年復叨殊用崇墉在望尙稽感臆之陳寶翰流音亟辱慶緘之貺銘鏤之至敷敘莫周

谿集十

十四

與浙東安撫趙相公啟

伏審某官上丞相之印辭榮廟堂分刺史之符作鎮藩服倣開盛府誕布寬條想風采之一新知歌謠之四出伏惟某官忠存社稷德冠天淵出扶邦運之危上簡帝心之眷沛然膏澤旣得百姓之心赫爾威名方制四夷之命決策已定脫屣如遺之高謝於成功以大振於頽俗平津之開東閣翹材盡萃於一時裴度之守北門殊

禮仁觀於它日公歸未晚人望如斯退省衰蹤久叨末
契欽勇退之節雖逃想於高牙賦遡歸之詩卽首迎於
華袞依鄉之切敷敘曷殫

知樞密院回前執政啟

里巷投閒方少休於疲曳巖廊圖舊俄復玷於寵休願
陳力之不能當試可而乃已靡容控避祇負兢慙某竅
啟寡聞疋羸多病昨以粗擾之質進與廟堂之游過計
拳拳雖有徒薪之慮空言落落卒無橫草之功恐孤奉
於明恩期退藏於晚歲不圖遠外猶累簡求口惟樞機
之臣職在甲兵之間未之學也豈能忘尸素之憂方且
圖之何以濟艱危之會拊心惕若承命赧然伏惟某官

谿集十

十五

云 致是迂愚復茲忝冒時哉不可失固欲勉於著鞭
老矣無能爲誠恐貽於覆餗尙祈告教少追譴何猶稽
柔贖之修遽辱珍函之貺謙光所逮朽質爲榮媿感交
深控陳難盡

趙相公

盛德冠時殊勳蓋世身雖勇退委萬鍾如脫屣之輕計
或決行措四海若覆杆之固素緣知睠嘗贊設施

韓宣撫劉宣撫

忠貫神明功存社稷將制四夷之命共圖九廟之安

李相公席參政

盛德冠時傑才經世心存王室每敷納於嘉猷力挽人

材專統盟於善類曲敦交際公賜揄揚

孟留守

厚德鎮浮殊勳翊世典刑所屬暫司留鑰之嚴體貌方
隆將拜制麻之寵曲敦交際公賜揄揚

李尙書

直道立朝精忠許國曲敦交際之舊每借揄揚之私

沈忠敏公龜谿集卷第十終

谿集一

十六

沈忠敏公龜谷集卷第十一

雜文

碑記 贊 銘 賦 樂語 疏祝文 策題

湖州德清縣重修孔子廟碑

予少時嘗聞諸長老言吾邑初脫五季之亂人樂更生敦朴力穡未知學也大中祥符閒予從祖書記始以儒學中進士甲科名稱籍甚鄉黨榮之邑之子弟遂風勸於學其後正議大夫盧公父子踵取名第翺翔要途而學者日寢以盛故有孔子廟基下制狹既不足以揭虔爰靈而矜佩野逸弗克羣處迨明道壬申之歲河南竇充來是邑訊之卜人以爲餘不谿來自天目之山注於

翁集十一

嘉業堂校刊

邑之東南兩山挾之秀氣橫出宜益有措紳之祥乃作今廟直巽之隅高明亢爽非復舊比而文雅之士班班出焉閭閻相望若應厥卜子結髮亦肄業其中絃誦之聲猶可想也中閒朝廷興學而有司便事僅於舊宇丹堊而已矣然自初考卜迄今百有三年而牆屋頽圯草莽於唐廟貌雖存丹青缺落使人喟然有寧不嗣音之歎春秋祀事著於令甲而器幣牲牢之薦弗備弗蠲神用不享太末鄭如幾隱居谿陰一日過予曰吾儕儒服顧不若佛老之徒嚴奉其祠以侈大其師之說恥也已而率邑子沈良能相與告於邑令楊錢及凡境內之士大夫士大夫悉勸趨之爭出緡錢以佐其費乃盡徹去

門廡更立而一新之面勢隅落雖因其故而棟樑顯敞視昔則又加焉爰卽兩廡新爲齋廬以待學者中嚴廣殿像設巍然翼翼羣公繪事惟序觀者爲之屏息嗚呼休哉實經始於紹興癸丑之仲冬越明年春上丁行釋奠之禮落成焉是日也予兄次律攝衣升堂談春秋大旨凡邑之士大夫濟濟在列咸有肅容邑令踞而請予文以記予謂國家遭強胡之難義士枕戈武略是急然未嘗斯須忘右文之事誠謂捨是則無以爲天下也吾邑今乃能開搶攘之餘導人所欲立學崇祀以夸四方是可嘉已乃爲書其本末而系之以詩曰
餘不之源來自天目注之兩崖其勢若束惟邑東南山

翁集十一

二

紫水洑始建廟宮茲焉考卜士也來游文風載郁更時搶攘園蔬是鞠豈其山川秀氣回復厥有吾徒輸金委粟載新棟楹工靡程督有神司之不疾而速揭揭元聖端冕袞服羣公從之祀事孔肅嗟我令尹崇化表俗曰興自躬往繼前躅勉我士子荒迨則辱惟以嗣音豈惟干祿祥源泱泱庶來其續

披雲樓記

宣和四年春祕閣留侯自山陽移守嘉禾嘉禾在三吳爲支郡封域儉狹而物產饒衍居民敦本好約雅稱易治侯之至固其俗施教條數十示所禁勸民畏慕之相戒毋犯侯令越數月政成從容語僚吏曰郡雖小然介

江湖之閒水舟陸車孔道四出賓客之至無虛日顧其地洿下無高明之居以稱燕游不足以壯千里觀望盡卽圖之先是內相葉公道卿於子城西北築亭榜曰披雲後人更名樓其實亭也庫屋三楹歲久且圯又西北其戶下瞰通閣煙塵宛轉於几席閒非登臨之美侯乃以完堞餘工悉徹去故屋其基增高倍薄取它名材無用者更南嚮爲亭外施重檐而中敞之深明洞達丹碧粲然亭西挾以水閣曲欄橫檻映帶左右它日與客登焉送天末之孤帆迎海上之遙岑目力所窮與空爲際更唱遞嘯觴酌流行神意徜徉如在塵垢外信哉披雲霧觀青天僅足以方其快且適也侯舉觴屬某曰茲游

筓集十一

三

樂乎予爲我記之某以謂成壞哀樂奄忽之變在物也物不可以爲常顧吾所建立有不可磨滅者物則託焉以垂不朽此羊公所以興峴首之歎而湛輩反自哀已不暇也登斯亭也徘徊四顧蓋吳越交兵百戰之場而句踐夫差之爭雄也高城深溝有荒田野草之悲穴狐狸而伏鱗鱗也其人骨已朽而其事爲可哀也前年盜弄潢池兵燹吾城連三日夜民大震擾天子至出禁旅討平之盜去而城完因得勅亭其上二觴相屬是可樂也侯生於相家文章事業稱天下設施當有大於今日者則名之傳山川猶將託之不朽況斯亭乎故亭之成壞情之哀樂有不足言而侯之功名爲可勉也於是乎

書

水陸報應記

趙丞相云頃年關中聞有一士人被酒夜臥於道傍堆阜之上夢有人呼曰城南某人家設水陸我輩當乘此託生可同往堆阜之下有人歎曰一醉人臥於吾上出不得奈何未幾前所呼者復至曰水陸甚盛但不甚精潔聖賢不降不爲利益若有噓嗟之聲已而曰久饑羸得一飽其人復應曰饑甚雖一飽亦不可得是無福也且而視之堆阜乃一古冢也鬼神之事茫昧難知然水陸報應甚多大抵不可不精潔今因兒子往妙香營設此供故錄示長老佛智大師紹興五年七月丁酉必先

筓集一

四

書

劉希顏真贊

目送孤鴻心徹寒泉風神散朗儀狀毅然掀髯一笑呼吸雲煙是爲宗廟之貴器自號山澤之臞仙

葛魯卿研銘

野人闕古溝獲夥石研而異之以歸於丹陽葛公公屬其客吳興沈某爲之銘曰緞而澤靈液之藏精而豐瑞璞之章先生婆娑翰墨之場天授茲器殆文字之祥也邪

客游玄都賦

南陽公數徵不腆之文然街談巷語陶寫性情已卽擲

去如棄唾漫不復顧省寧暇著稟刺人目耶既數月公更書下餞客在門恐遂泯默則爲他日恨輒賦客游玄都因公懸弧之旦用以爲壽其詞曰

客有夢游玄都之宮觀一公子緇衣繡裳下觀蠻觸之闕傲衷甲乎戰場俄而免胄四顧周章少焉休矣息閉影藏粵有一老長身靡然深衣而黑緣緩歌擊節起舞偏僂揖公子於下坐曰予方外之羈客不知人閒禮法之嚴公子之貴也抑嘗觀蜡齒於列座訪宴毛於廣筵莫如予年長矣公子其自言之公子曰嘻先生其眇予也邪予生於三江長於五湖跨瑤光之象負溫洛之書蓮房晨嬉著室夜娛嗟日月之幾何戴神屋其如初此

翁集十一

五

猶未足以語壽也蓬萊岱輿員嶠方壺以與夫瀛洲五山之根出沒乎歸墟彼舉首以戴之從禹疆而遞命者實予之徒也先生以爲何如先生爵里奚居譜謀奚自豈周穆王之遺民抑丁令威之嫡嗣也不然何得渠略視予而以大老自恃邪先生曰有是哉子壽可期可以策計若子壽者蓋不知其紀也一瞬目而千歲一舉足而千里鍊金氣於丹臺之鑪導玉腴於華池之水引脰長嘯聲聞帝庭子夜沈沈天門未扃刷驥之捷步輦鸞鳳之翾翎縹渺碧落徘徊紫羣仙命予以九還之使持絳節而擁霓旌公子曾未免夫泥塗之累網罟之患豈足以族十五菴而友四靈者哉公子曰然則奈何

先生曰公子中溫文而外健武能納新而吐故其亦壽之類也曷不捨奧潔趨爽塏以爲生之衛也予聞南陽之墟下有菊潭公子其往游焉朝緩步而夕至也酌餘波之清冷擷遺芳之葳蕤屬霞觴而自侑沙天香之泛齒插子翼乎崑崙庶幾閱少廣之終始公子曰唯唯覺而賦之以薦乎南陽公之壽凡

鑑華賦

耿宵寒之不寐兮起攬衣而踟躕無以散余之幽憂兮憑插架之叢書引短檠使置前兮聊縱觀以嬉娛注膏油續餘燼兮發雙照之清曠曷孤光之炯炯兮舍生意其斯須曾不根而自華兮騁便娟與扶疏初蓓藹之星

翁集十一

六

懸兮葩萼爛其紛敷中鬱勃而旁分兮熒明滅而欲無乍晦暝而蔽虧兮辛勤余之剪除悼飛蛾之撲緣兮猶若擷芳而采腴童子旁睨而竊笑兮曰此吉占奚忽諸荷禦福其不祥兮余豈廢書而改圖憂喜聚門唯所召兮獨何爲此華之艷餽彼九華之威蕤兮灼百和之漳蘇散春風之列炬兮導珠翠與笙竽挾光景以舒秀兮紛榮落之自如豈其規福而樂黜闔兮蓋以眾而函胡相風釭之一枝兮屬山澤之羅儒辨牛毛之瑣細兮忌鶴彩之縈紆綠桐君之藥地兮詫微光於鄰壁之餘童子曰噫嘻吁呼已見背於羣趨兮悲夫主人之愚余掩卷而三歎兮悼此言之甚迂物不可必兮神不可誣忽

若太乙之下臨兮醮青藜以燭余余何爲感此嘉貺兮
豈以夫余所讀者道載而與之俱儻此花之可授兮眇
傳證之老瞿

天寧節致語

一氣周天水行協而景風至千齡接巨火德盛而榮河
清是開震夙之祥寶顯神靈之異無疆受命有截傾心
恭維

皇帝陛下乘錄頒常握圖建極席慶紫霄之上匹休黃
序之前經緯萬方如家至而日見出入六合本神動而
天隨妙用中藏全謨外發振張祖考之不績興起帝王
之極功故得九廟延禧二儀薦祉壬辰紀運已驗寶符

餘集十一

之文甲子復元遂增神筭之算爰屬誕彌之節共霑燕
衍之恩喜泐衛尊誠均封祝衍皇基於億載發民謳於
四夷臣猥以微生逢茲昌祚莫奏充庭之技徒賡擊壤
之音遙望天墀上陳口號

欲識樞星紀誕彌天人端命撫昌期聲函萬歲騰驪頌
節應千秋舉慶儀金篋賜齡輝碧簡囊薦壽肅丹墀
何須更效南山祝良嶽連雲自不移

館侍接伴少卿樂語

屬國勤王來效貢輸之職端朝命使往宣逆勞之恩方
仗節之遠臨宜征塗之少憩恭惟接伴某官望隆朝右
名滿人間以師友之淵源爲文章之光猷襟懷磊落森

森若千丈松宇韻風流濯濯如三月柳蚤動冕旒之邃
徧躋臺閣之華公言所歸睿意彌注輟自月卿之列授
茲星使之權正行人之官雖云將幣過諸侯之國固許
致饗知府某官喜觀儀形頗聞規畫肆筵設席考禮度
於故常鼓瑟吹笙按樂音之純繹儻劇厭厭之飲庶觀
秩秩之容但某等猥以賤工叨居樂部宜有口號上瀆
台顏

九重簡注輟名卿仗節東來爲遠人貢篚百年旌屬國
使輶千里導陪臣遵塗行對三山曉開燕爭看一笑春
無疾其驅今有詔趨歸掃棗侍嚴宸

館侍高麗進奉使樂語

餘集十一

八月浮槎舊識遼東之使節九天出綽新參漠北之賓
儀方朝廷旌守圉之勤宜邦國謹充庭之實聿遵彝制
共樂昌期恭以進奉某官將命嚮風馳誠就日跨萬里
鯨波之險趨九重鳳閣之深爰屬經塗適當授館知府
某官甘棠訟息茂草罔虛喜逢嘉客之臨特展芳筵之
好調絲摩竹騰聞繳繹之音舉白飛觴備講獻酬之禮
願盡此時之樂事留爲後日之美談某等猥以賤工叨
陳末技幸閱從容之集宜修蕪累之詞仰瀆台顏政陳
口號

仙槎渺渺出雞林路指神京歲奉琛四海已同朝禹志
萬年宜罄祝衷心儀參大客恩方茂位亞羣公澤更深

況有王人宣德意經塗莫惜費登臨

辭林二太尉特排樂語

旌旗炫日屬元老之相逢樽俎浮春念故鄉之孔樂一時榮觀千里驚傳恭惟特進太尉中書太尉道合真儒功存舊弼四海仰廟堂之同德九重知帷幄之協心鳳閣鸞臺曾記並游之盛龍韜虎帳更瞻分鎮之雄離合萬端猷為一揆甫申之輔周室豈止藩宣姚宋之相唐朝行資謀斷會有過家之便宜從授館之勤知府某官喜觀儀形欲親談笑茲奉千鍾之壽以交四座之歡樂備飲趨窮里社誼歌之勝禮行酬酢忘朝廷體貌之尊將紀英游永為嘉話但某等叨居伶籍獲侍鈞顏不揆

谿集十一

荒蕪敢呈口號

三吳分野直中台一日驚傳二相來桃李蹊間紛組綬湖山影裏炫尊罍清談道舊真難繼淺笑追歡許易陪須為故人成徑醉已聞雙詔下銀臺

館待杭帥樂語

大彌凌波方重西州之別高牙照路遽分南顧之憂共瞻元帥之啟行式壯列城之勝勢恭惟安撫某官宏材驚世偉望映時氣貌冲和濯濯如三月柳操修挺特森森若干丈松蚤繇天府之華遂陟霜臺之峻九重簡在四海想聞為鈞為衡將圖一命之袞之屏之翰暫臨十國之連袞帷甫屬於按行弭節益敦於交際知府某官

方歸總制荐奉儀形況當卜夜之期適值班春之候金絲閒作庶欲佐於清歡醞筭交飛亦何辭於徑醉示一時之榮觀為百年之美談某等猥以賤工獲陳薄技敢呈口號上瀆台顏

秀守館待交代樂語

熊熊千騎駐南州謀帥來寬旰食憂草木也應思潤澤湖山正恐費遨遊旌旗眩日催前導樽俎浮春許暫留劇飲不須辭徑醉詔環聞已戒鳴騶

谿集十一

旌旆留春千里聽告新之政尊罍競日四筵陪道舊之歡蓋雅躅之相承□□□之所重式敦交好以鎮羣情恭惟知府某官一時吏師三代人傑學擅南豐之舊氣

谿集十一

陵北固之高□□□見襟懷之磊落撥煩剝劇出談笑之從容政成期月之間名在重霄之上解組去郡行

鑪造朝寄傲風流徒發南樓之興論思密勿將陪西掖之遊知府某官契重金蘭情均膠漆不改袁公之約束欲追召父之歌謠樂備飲趨願奉千鍾之壽禮行酬酢期存百世之盟儻投轄以忘歸庶盡替而徑醉但某等叨居伶籍獲侍台階不揆荒蕪敢呈口號

一麾相望繼芳塵召杜風流主與賓芸閣去方思就日竹符來及趁班春清談款密看論舊善政從容許告新

早晚銀臺雙詔下共期持橐侍嚴宸

代天寧功德疏

代天寧功德疏

有王者興既協生商之命使聖人壽咸罄祝堯之心惟是假於靈文茲用申於善頌

皇帝陛下伏願永膺帝祚誕保皇圖衍周詩多子之祥享箕疇五福之證歸謳歌於四裔率土底寧卜歷數於萬年後天難老

乾龍節開啟疏

十四月紀帝堯之生慶鐘是日三萬歲頌遂人之壽喜浹斯民仰扣覺雄式祈睿算

淵聖皇帝伏念降年有永受福無疆孔子之居九夷適丁厄運穆王之馭八駿亟返畏途載臨誕聖之辰彌罄歸君之祝

乾龍節滿散疏

十一

舜風解愠適四月維夏之期商胤發祥契千齡復旦之運式祈睿算宜藉勝緣

淵聖皇帝陛下伏願多難而興大德以壽天旋寶仗百六之曾亟平歲奉瑞鷦億萬之年永固

天申節開啟疏

帝眷命而生商允符長發之慶民謳吟而思漢光啟中興之圖敢仗真乘仰祈睿算

皇帝陛下伏願降年有永受福無疆亟還天邑之居端享法官之御神民萬物同臻開泰之期壽富多男益協延鴻之祝

進天申節功德疏

多難啟聖共占震夙之祥一德格天自獲龐鴻之祉表微臣之善祝集淨侶於嘉辰庶藉真乘式增睿算

皇帝陛下配天覆疇象日照臨一清戎輅之行盡平僭亂大正法宮之御永享壽康

泗州傳衣塔祈雨疏

比歲告饑民方罹於艱食常暘為沴天復降於疾威念吏道之興妖致農工之失職被躬省咎雪涕祈哀仗大士之悲憐憫羣生之危阽慈雲廣布法雨周施霏然嘉澤之流戢此驕陽之熾庶令老弱旋見豐登

昊天殿祈雨疏二首

第一首

十二

瞻彼甫田蔚然多稼行遂九秋之望尚愆一雨之期惟是高原亦既亢旱冀昊穹之昭格俾時澤之周流降此康年恃之卒歲

荐饑之後艱食是憂望嗣歲之豐登脫斯民之流殍而常暘為沴時雨久愆麥齊壟而復萎禾入土而隨槁三農危懼百吏倉皇唯仗籲辜之誠可瀆蓋高之聽伏望垂慈下土徧敷羣神令出風雷大霈雨師之澤候分雲漢亟收旱魃之威尚幸時之小康用拯民之大命

三清殿神霄殿祈雨疏

運在金穰已屬豐年之望時方火老爰申亢旱之憂乃聞高原既涸枯穗使霄雲之丕佑幹陰陽之至權雲上

於天用敷剛健之德月離於畢終至滂沱之祥

佛寺祈雨疏

豐年已兆嘉澤尚愆雖蒙一雨之濡未厭三農之望敢憑精意參扣覺慈冀法澍之周施抑驕陽於已熾滋我多稼溢於大田

代修武烈帝廟疏

遺像森嚴示無忘於馨烈叢祠圯陋懼弗稱於明威比祈保障之恩嘗致繕完之懇昭茲屏蠻曉以禳祥初既協於象占已乃形於夢告終蒙靈貺遂成屏盜之功載省初誠敢費鳩工之事眷惟此郡實其故鄉嘉與永懷之流樂輸崇飾之費

卷集十一

奉迎嘉山龍井水祝文

矯矯神龍惟水為所吹噓成雲噴薄成雨惟茲井泉為龍所主一勺之多澤徧九土挈此瓶罍置我庭宇輝燁電壺坎坎雷鼓發揚英靈浹洽周溥漑我田疇滋我稷黍毋使我民仍歲饑阻則惟報之如御田祖

金山廟祈雨祝文

秀居湖海原隰之閒厥壤斥鹵三農於水無所蓄藏故雨涉旬則病水不雨涉月則病旱水旱之禱不容不瀆春夏之交千里龜坼當瀝懇於爾神神實憫之賜以甘澤守無以答揚神之休德既上其事請加封崇今者不雨亦既兼旬多稼向萎通渠就涸居民行商皆以病告

守不忍避瀆神其嘯召風雲雨我邦域揉此沴氣卒為豐年守亦俾民承事益謹謹告

太學秋試策題

古之所貴於骨體之臣何也人臣剛正有守尚氣節敢諫諍國勢恃之以強猶骨強四支也宮之奇懦而不能強諫鄰國知其必可假道汝黯戀而好諫叛國畏之至於寢謀國勢強弱從可知矣然而君子處心積慮欲人之無過而已指人之過而正救之自諷以下有不能堪不幸人主有過舉犯顏色弱忌諱于不測之誅以數批逆鱗豈得已哉古之君子願為良臣不願為忠臣抑有以也不得已而有言言行善歸吾君福在天下可也其

卷集十一

言不行去其位可也去其位亦非君子之本心猶日望之庶幾其改也事不求可功不求成悻悻然許而賣直

徒使人君有拒諫之名而無補於國宜君子之所不取古之人善納諫者莫如唐太宗善進諫者莫如魏鄭公史稱太宗見為嫵媚則鄭公豈好許哉是以諫行言聽君臣俱榮眾君子學史舊矣求古諫諍之臣拳拳愛君直而不許可以為後世法者試件其人以告若夫充位不言曰吾惡為許如陽城等輩又非君子之所欲聞也

召試館職策題二首

東南實古吳越百粵之地號為富強自春秋以來略可考也隋唐都於陝洛歲資邦國之用多在東南委輸常

過天下之半 主上遭時多故治兵東南恭勤節儉
出於聖性之自然故凡冗費悉從蠲罷唯以養兵爲急
然而公私力屈日以更甚其故何哉異時財賦粟帛之
出於東南者猶可件數也今有司坐失經常之入每以
乏告顧獨取之民民愁無聊得爲便乎豈理財者無其
術邪抑取之涓涓洩之浩浩有不勝理者歟理財曰義
孔子之言也雖然理財亦多術矣商鞅力本務農之說
與管仲等也劉晏抑商賈而籠天下之貨與桑弘羊等
也李巽之徒其術又下於晏而後世論者予管仲而黜
商鞅予劉晏李巽而黜桑弘羊豈用之或異邪今議者
欲舉理財之政以革東南一切之弊鮮不流爲數子之

論集十一

十五

刻心計之失必以病民姑舍是而求合先王理財之義
以揀今日軍興之急宜必有說焉願條其要以備上之
採擇

自古撥亂之主未有如周宣王者而詩之所稱在車攻
則曰內修政事外攘夷狄在蒸民則曰任賢使能周室
中興夫唯政事既修矣而又分別賢能而任使之故能
攘夷狄復境土紹文武之絕業而致中興也國家遭中
微之運夷狄內侵蓋八年於茲矣 主上聖神英武
自足以運動六合儻因天意人心之歸恢復中原不爲
難事然猶勵精圖治虛己用人兢兢焉日不遑暇仰惟
聖慮必以上策自治莫先於政事人才之間故耶夫政

事之在天下可則因否則革不可膠也揆之於時措之
宜尚有可施行者歟參之於救弊扶偏之說尚有可更
張者歟賢能並用濟濟在列然臨事有乏才之歎其或
濟時之才隱而未用尚有可以博蒐訪而廣儲養者歟
凡此皆當今之切務而中興之功恃以成者今發策以
試三館之士將爲時用非直取其空言而已願條其利
害之實悉著於篇以觀所蘊

擬 御試策題

朕德菲陋紹承大統遺家多難求濟未獲是以博延豪
俊咸造在庭覬聞治道之要子大夫其必盡精極慮樂
爲朕言之蓋聞在昔聖王之治天下正心誠意躬行乎

論集十一

十六

上者固自有道而措諸事業之間則或寬或猛或質或
文變通隨時不膠於迹故其成效布在方冊昭乎其
可觀也朕甚慕之越自卽位九年於此矣愚欲雪父兄
之恥而復 祖宗之烈夙夜祇懼罔敢荒寧而施爲繆
盪治效缺然深惟其故不憚改作閭者乃下銓量之令
以擇吏而眞才猶未顯也嚴科歛之禁以恤民而實惠
猶未孚也謹簡練之法以治兵而冗食猶未革也夫吏
道未肅民力未蘇兵勢未強朕之治所以未效也願何
以輯事功弭禍亂哉而建議之臣并欲考課以核殿最
省官以抑奉稍力役不足以供餉饋也爲之屯戍營田
以寬之賦入不足以給調度也爲之平準均輸以佐之

爵賞未艾也爲之定武功之等紀律未明也爲之參府
衛之制凡若此者其合於古便於今乎其或有不然者
邪雖然此治之迹也上之欲三辰明四時序災沴不生
而動植遂性下之欲風化行習俗厚姦宄不作而中外
協心茲可以占天人之助矣夫何敵不克何難不濟興
復大業其庶幾乎子大夫以爲何修何營而可以臻此
其條列而茂明之務適於用朕將有稽焉

沈忠敏公龜谿集卷第十一終

龜谿集十一

十七

沈忠敏公龜谿集卷第十二

行狀 墓誌銘 祭文 青詞 定書

朝請大夫盛公行狀

曾祖得中故不仕祖下故任漳州兵馬監押累贈右千牛衛大將軍父僑故任左朝奉大夫直集賢院知越州累贈朝議大夫公諱允升字德常其先餘杭人公之四世祖蟠仕錢氏爵位通顯錢氏舉國內附遂徙建德至集賢公宦游吳興樂其山水因家焉公資稟端亮自少小屏絕嬉弄力學問道古今屹然如成人稍長喜爲文辭采贍蔚一時賢士大夫咸稱其能元豐間

神宗皇帝闢上庠以經術造天下士公挾其藝往試率

翁集十二

一 高麗書堂校刊

占上游流輩多所降屈已而更元祐尚聲律公自度雕琢之學雅非所好去之不復問三年

哲宗皇帝親郊詔五品皆得官其子遂以集賢公蔭補太廟齋郎調開封府酸棗縣主簿未赴會集賢公捐舍館護喪歸葬潤州即廬次哀毀擢然杖乃能起卒喪尉潤之金壇哀弗忘也秩滿奉太夫人還居吳興屬歲饑盜斥境內州將病之先是烏程尉闕正員檄公攝領且語之盜公分曹督捕擇所脅從縱使緣畝而執其渠首械送州一境帖然州上其事司勳以格進官一等丞蘇之崑山縣崇寧元年官制行授登仕郎公之丞於崑山也事有便於民無巨細輒舉之其非所便不問久近必

去乃已代有期傾邑詣州泣留公再任州不能奪請於

朝時 上方建鄉校復里選欲得能臣倚以辦事有旨從之邑舊有先聖廟庠屋纔數楹公承詔一切更徹根椽寸斲不斂於民而落成先於諸郡部使者才之聯牘言上三年召至闕改宣德郎簽判杭州未幾代回攝開封府司刑曹事尹辟公真命且下公獨念太夫人春秋高不樂北宦勾還舊職是時東平呂公惠卿帥杭被旨擇才吏訪境內逸跡備修九域圖志杭於東南爲大詮次居多帥難其人比公至喜曰吾事辦矣卽一以屬公公搜抉無遺事數月書成奏 御遷通直郎通判揚州大觀二年 上躬受八寶恩遷奉議郎往歲淮甸小歉

翁集十二

二

春秋二租及官所貸緡錢在民者詔悉闕之而強家大姓夤緣爲姦其非所應闕者詭免甚眾歲且豐猶抵之不以給上事公具簿最旬得實諭使償凡爲錢數十萬以佐外計遷朝奉郎太夫人壽且九十矣念歲時姻族燕游之適在官下心未嘗一日忘吳興公惕然曰吾始以親故仕今所居非親所好雖食萬錢誼不忍卽解印韍致其事以歸左右就養惟謹居無何太夫人以壽終公執喪如集賢公時益不懈政和二年當路以公年未艾才不宜遂休表復用訓詞褒許卽以舊領階官司開封府戶曹事方朝廷攷正徵角二聲庶燕樂以釐革鄴衛淫哇之習公上所著樂書數萬言論辨古樂所以

析用中正之法甚悉 上嘉用之改儀曹兼大晟府製
造官三年司勳奏公曩攝邑蘇之常熟捕獲盜鑄金錢
法應賞由是累遷朝請郎九月燕樂成 上命輔臣覆
視唯公所製精妙一時特恩遷朝奉大夫踰月賜服三
品皆異數也四年營奉 明達皇后寢園與有勞遷
朝散大夫俄得請知秀州五年公猶待次鄉郡以大晟
奏功還朝請大夫一日忽語所親曰始吾乞身強健自
謂終老里門渠意及此今而歸架足以侈上恩可但已
邪因復請休於家理別圃茗雪之上幅巾藜杖往來其
間澹乎若與世無營者閱祕典日數百紙要以了達死
生人亦初未之知也居數月感疾命諸子具祕器卜壽

卷集一二

三

藏既乃曰後事豫矣瞑目何憾卽折簡素所從游告以
逝日至日終於正寢治命不亂其悟解乃如此實政和
六年閏正月十八日也公雅有策畫臨事不爲苟且之
計所至績效藹然有聞於時故所遷官率繇懋賞獨於
榮利恬靜比再挂冠年猶未衰南州士大夫高其行愛
慕在邑使公徜徉以進則其所施設何如哉享年五十
有八娶孫氏封宜人子男六人曰康迪功郎婺州兵曹
掾曰度迪功郎坊州司刑曹事曰庚庠庶序皆游鄉校
爲儒生女七人長適登仕郎朱德延次適迪功郎錢均
次適貢士陳琦次適貢士吳景信次適太學博士錢圻
餘尚幼孫男一人女二人明年三月十四日諸孤奉公

之柩葬於烏程縣九元鄉金蓋山之原先所卜也某與
公實同里而公之子虔疏其治行屬於不腆之文且曰
將求名世道德君子銘焉以圖不朽謹敘次於右端謹
狀

朱夫人墓誌銘

夫人朱氏世爲湖州安吉人父繹太廟齋郎自其曾高
以來號以貴雄於鄉然儒服蟬聯素風甚飭夫人幼而
莊靜整整有家法父母愛之爲擇良配得同里潘侯師
仲歸焉夫人之歸逮事其姑能先意順適卒以孝婦稱
於族黨之間事其夫恭謹如待遇嚴賓客娣姒雍穆怡
怡如也潘侯少小喜自振拔其交游多四方才士大夫

卷集十二

四

館穀如歸至傾家不問絲竹之娛帷帳豆觴之具必極
情腆夫人職之也歸十年生三男子曰芑曰莘曰蕢潘
侯卒時夫人盛年旣終喪宜改適夫人聞之慟絕自誓
弗許然二子甫勝衣其季在襁褓未能誰何也夫人克
奉潘氏祀字其孤有幽閒淑名之操三子旣稍長知事
夫人一日斥奩中物幾所於庭悲泣不自勝呼三子侍
旁且誨之曰汝父平生時鏤意欲立門戶非苟然者不
幸棄諸孤蚤世吾哀亡撫存雖鞠窮不悔吾心固有處
也今汝曹齒宜學其以詩書起家成汝父志顧何以簾
金爲其爲汝資勉之哉三子相持泣謹諾卽招聘四方
知名士館之門下授以儒術如誓云三子資秀發巖然

可喜也爲學務自刻苦在儕類中嶄嶄見頭角蕢遂二
舉中乙科授迪功郎調高郵軍司兵曹事迎夫人之官
下會芑及莘由鄉薦肄太學夫人旦暮念之不衰蕢乃
奉安輿西游上都以娛其意既至而蕢小疾不起夫人
以客柩歸卜居郡之西閩曰吾不忘故里顧吾廬蕢兒
時戲劇及其起居寢飯處歷歷在眼中吾不忍眎也汝
曹脫有立庶幾釋吾此哀不然無以吾歸二子奉夫人
訓相戒語激昂益不懈客有相過夫人從屏閒闕之其
人賢卽色喜語謀而意嫚輒禁切不相還往故所與游
多益者亡幾何莘亦相次中第授迪功郎調衢州西安
縣尉歸拜夫人於堂下夫人疾已侵攝衣強起一眎之

谿集十二

五

歎曰吾棲居三十年天卒相吾二子俱成名芑故未偶
度其趣操宜不墜厥家吾死何憾夫人疇昔嗜內典因
索其書日誦之彌月忽若有得默然宴坐瞑目而逝其
了達死生雖學佛之徒自以弗逮實建炎戊申十二月
十九日也享年五十有三有孫男六人曰梅曰楫曰楹
曰格曰權曰相孫女三人皆幼越明年九月某日諸孤
奉夫人之喪歸葬於邑之東山鳳亭之岡將葬諸孤載
夫人語泣請銘於予予謂人爲善患不力誠力未有無
其報者夫人志節終始凜凜乎不可奪烈丈夫有媿焉
身見二子躡取名第起爲搢紳家天之相其爲善獲報
豐矣鍾繡之祿顧不能一朝享之殆其賦予然耶茲亦

可悲也已三子少從予游且夫人行應銘義不得辭乃
爲之銘曰

其殖也豐而用之冲不贏其躬其節也正而持之定不
隕其姓此古烈婦之所難而夫人能然得不爲賢也邪
是宜神者報之用錫爾祉迄成厥家克昌厥嗣鳴鳳之
岡喬木蒼蒼銘詩孔昭百世之藏

黃直閣墓誌銘

祕閣黃君子虛歿既葬諸孤喪服更造予跣以泣曰先
君子葬未克銘治命以屬公不肖孤其忍廢先君子之
命敢碣墓以請予與君雅故且諸孤請益急則諾而銘
之君諱策子虛其字也其先居建之浦城爲望族世有

谿集十二

六

徹官自大父游姑蘇樂其土俗因家焉今爲姑蘇人曾
大父浹累贈奉議郎大父挺仕承議郎累贈金紫光祿
大夫父彥仕朝奉大夫君性豪邁風神峻拔方童卅時
出語已驚人弱冠一舉進士中乙科追和梁昭明所選
詩持見眉山蘇公公期之曰異時必以文顯初選授杭
州司理參軍折獄精明吏屏息不敢弄以事秩滿授開
封府雍正縣主簿元符末詔許中外言事是時 昭慈
聖獻皇后既復位號而典冊有未盡正者君上書引古
義爭之言劇剴切藉藉聞搢紳薦者以君才磊落不宜
浮沈簿領改授齊州州學教諭會崇寧黨錮之論起故
老名臣鮮克免者君亦坐前所上書刻名黨石羈置登

州二年徙海州既而 上皇感寤斥用事大臣破黨論
仆其石立碑之君例還姑蘇休官自號隨緣居士閉戶
讀書益自刻苦爲文章瓊詞老氣絡繹間起至其甚得
意視古作者無媿也佳時勝日相羊山水閒賦詩自娛
澹乎若與世無營如是二十年故禮部侍郎鄒公浩諫
議大夫劉公安世右司員外郎陳公瓘皆以敢諫爭名
重當世君從之游上下其議論相厚善宣和中姑蘇守
賈諱知召名強欲吏之辟致幕下諸君勢人意君可撼
以祿爭爲出力推輓齟齬不合去爲浙西提舉司幹辦
公事移京東改發運司主管文字君亦未嘗薄其官所
居稱治 上卽位之二年改宣教郎通判嚴州明年召

對行在所又明年

七

對行在所又明年 上追錄黨人除直祕閣其在嚴
州數以爭可否忤部使者意使者嫉之誣劾君縱獄事
按驗無所得卒奪一官左受宣義郎罷去退而築室五
湖之旁日閱浮屠氏書要以刮去世故捐愛憎然其了
達乃於死生之際脫然如去來忽一旦起盥櫛呼諸子
侍前曰吾其脫於斯乎而輩行自力毋墜吾訓語訖危
坐而逝實紹興二年八月十有二日也享年六十有三
娶程氏生三男曰維曰縵曰縱皆以儒業世其家一女
適從事郎胡總君作壽家於靈巖之麓手植之木拱矣
諸孤卽以其年十月十日舉君之柩葬焉從其卜也先
是君得元符詞臣手疏載 上皇聖訓備言 昭慈之

復位號乃 欽聖追用 泰陵悔意驚且喜曰天也使

泰陵之意白於天下死不恨亟上之君旣歿始用昭

慈戚屬信安郡王忠厚奏請詔以其疏付史官示萬世

嗚呼君才百於人而不一試惻然爲國納忠雖擯斥

流落以終其身不少悔其亦可哀也已有文集百二十

卷藏於家銘曰

山盤盤兮松桂蕭森川渺渺兮魚龍嘯吟顧瞻中丘兮

宛其幽深曰惟哲人之藏兮抱器陸沈訊來世兮誰其

賞音

祭張提舉太碩人文

毓質名家作配令族脫略華腴蘋藻惟肅泊喪所天守

對行在所又明年

八

義彌篤有子九齡出入顧復訖爲純臣慈訓所屬天實

報之終享遐福累命重封金葩鈿軸壽介期頤隆養畢

足詔起使華於此苦服敦匠事嚴不遠鄉曲歸耐佳城

森然拱木吉路啟行哀榮其族躬致奠觴寓茲一哭

祭陳述古墓文

孔子之生也嘗所休止猶惡其木陰迨其歿也戒毋翦

伐乃愛及乎孔林陳蔡之郊一飽莫續而塊然堆阜奉

祀百世以迄乎今公於孔子之道聞而習之於數千載

之後曷其能固結於人心生有顯位足以行其道術歿

有遺愛足以流其德音公之歿久矣而此邦之人所不

能忘者顧典刑之具在想精爽之如臨像公儀形旣修

祠事而歲祭墓下猶庶幾其來歆俯視宿草仰瞻拱木
藟然而深茂者蓋樵牧知戒而無斤斧之侵況若某等
推公餘澤以溉學者則永懷之極宜不能自禁一酌而
招此故事也九原可作尚鑒時忱

祭馮中書文

嗚呼公乎才蓋一世高文大冊爛乎星斗之陳崇論閎
議沛乎江河之逝朝廷倚之屹然如山有不可奪之節
措紳望之凜乎如霜有不可犯之氣是故奮臂布衣曾
不一紀而徑趨直步已正乎廟堂之位常人視之亦既
達矣公所自視猶病乎未試方將跨喬松之年埒伊周
之美胡不憇遺爲國龜筮乃厭人閒脫然而蛻嗚呼天
故生公宜必有意其奪之遽亦復何謂蓋上比乎列星
增光芒於舍次公之儀形無復望見而其竹帛之勳河
山之誓則昭乎數千百世引此一觴文以侑哀公乎不
來何以止此盈襟之老淚

爲侍從官祭中書張侍郎文

天生異材其必有意待時而爲驗若符契公起布衣以
文自藝逮事 上皇更踐中外治賦北垂錢流於地頻
歲宿師民罔告賈靖康之初盜用出疆堂堂魏郡謀帥
不良城保弗竭襲盜以狂公頤指揮萬旅在旁羅拜叩
頭戒無披猖謂公活我卒制一方真人龍翔神器有歸
公來自北謀疾抵龜賜履省戶正冠殿帷直聲流聞上

嚴憚之三接不又集於鳳池孰能恤國如恤其私意誠
則固言直則危匪言之難無難不爲口如其心無有隱
欺庶幾百年宏濟無疑梁木其壞天不憇遺訃音告外
道路垂涕矧我在列心言是依同舟濟川公其楫維今
也云亡胡寧不悲公騎星辰櫬槍掩輝一觴以訣尚其
昭茲

爲侍從官祭郭樞密文

嗚呼豪傑之士終克有爲而其所施則有疾遲有端有
緒與時爲宜年不待期天或嗇之如大山川龍蛇所戲
利澤發見物無不滋功用不究則誰測知公之所有閔
汗瑰奇目無全牛矧曰割雞奏刀發劔蘭陵是基動無

爲侍從官祭中書張侍郎文

留行名聲日馳惟時 上皇用公於微 延見燕閒左
右論思宵人好欺公見其幾一麾而去無有磷淄明明
天子躬履艱危思見異人甚於渴飢返公於南付之樞
機公曰天子雄武英威如漢高帝光武之資民散未收
兵驕未治曷寧中區曷靖外夷我惟大臣寤興在斯惟
既厥心協謀同辭輔成上志無俾闕遺乃詢仇方尺筆
以答讐彼壞屋隨顛而支三年有成必濟登茲天胡不
仁而違奪之上爲盡傷股肱其虧嗚呼我官於朝日瞻
羽儀曾未泯旬死生乖睽撫念疇昔失聲歔歔江風蕭
蕭丹旄飛飛引觴告訣聊寫我悲

祭劉資政文

嗚呼古風弗還士有異轍氣吞九州或略於細行心畏
四鄰或虧於大節公所自期則無玷缺太山喬松礪礪
戡辭萬木歲寒獨傲霜雪公在布衣聲滿橋門諍臣之
篇蔚有名言仕而克踐惟恐有聞人所甚難公處不煩
絳帳幃帷出入師儒冠峩峩屹立天衢曰婉變者匪
子之徒迄自奉常遂躋禁途惟是靖康國勢岌岌邊邊
日奔胡來益急肉食者鄙私忿角立公抗論之去位而
泣 眞人御極還公於朝貳卿常伯恩榮孔昭公發忠
言不替夙宵南昌之禍匪公之招天子有命一洗公冤
意將復公以掖至尊炎方瘴毒死生乖分喪來自南莫
返忠魂嗚呼哀哉惟昔文正搢紳之師公實希之極力

穀集十二

以追立朝之節此心庶幾強恕求仁化及惇嫠我從公
游垂二十年公一見我推挽後先我豈忘公平生之言
百年莫贖尚可忍論何以奠之生芻一束伯以斯文失
聲慟哭嗚呼哀哉尚饗

焚黃祭文二首

維年月日嗣子沈某謹以清酌庶羞之奠敢昭告于先
考承事之靈某不孝蒙先人遺訓得官於朝弗泊之悲
號天罔極 今天子有事於明堂霑澤四海厥有贈
典追賁埏塗恭致時羞以燔綸告惟先人其克享此休
寵用庇子孫瞻望松楸不勝永慕嗚呼哀哉尚饗
嗚呼哀哉昊天不仁早奪吾母蓼莪之感曾莫報於劬

勞濡露之悲空永懷於怵惕 今天子禮成宗祀澤
霈九泉錫號疏榮載於綸告庶幾可慰罔極之恩慈顏
如臨其克享此休寵用庇子孫

權殯告淑人范氏文

嗚呼哀哉君歸我家十有九年我仕不偶半世連遭鞠
窮閔凶奉我周旋克相內事見謂爲賢比我叨榮遭時
多艱心期安平白首相歡別我經旬歸歛君魂空闔無
人誰與話言嗚呼哀哉弱子稚女號呼徹天失此慈母
誰拊誰憐顧瞻山林卜云未安今舉君棺槨葬祇園牛
衣之泣尚何可論長號永訣失聲煩冤嗚呼哀哉尚饗
安葬亡妻范氏祭文

穀集一二

嗚呼自君之逝既閱初祥窳窳未安夙夜靡忘爰得吉
卜大壯之陽與我先壟喬木相望將舉君柩茲焉永藏
引觴告訣言出涕滂嗚呼哀哉尚饗

焚黃祭文

曾祖太子太保 曾祖母同安郡夫人方氏
祖太師 祖母魏國夫人孫氏
某蒙祖宗遺德獲以儒學致身於朝與聞政事厥有褒
典及我曾祖一再錫命而至宮保曾祖妣云及我曾祖
妣一再錫命疏封大
邦祖云及我先祖申錫寵命位極公師祖贊書具存謹
母云及我祖妣申錫寵命遂開全魏之封
燔以告伏惟英靈昭茲垂福於後尚饗
先考太子太師 先妣濟陽郡夫人丁氏

某不孝被服慈訓夙夜兢兢罔敢墜失獲以儒學致身於朝與聞政事厥有褒典及我先人申錫寵命至於宮師先妣云及我先妣申錫寵命疏封大邦贊書具存敢燔以告嗚呼弗洎之悲昊天罔極尙其昭鑒垂福後人尙饗

通義郡夫人

某蒙天子恩睭致位於朝與聞政事厥有褒典錫君大郡之封茲亦榮矣贊書具存謹燔以告嗚呼糲食布衣同我艱苦榮不逮生胡寧不悲尙其鑒之服此休寵尙饗

追薦亡妻淑人范氏設醮青詞

魂氣無不之用返歸於真宅道術無不在示濟拔於甦

翁集十二

十三

塗輒罄哀誠仰干洪造伏念臣亡妻淑人范氏比嬰微疾忽隕盛年日御迺移霞衣永闕一生艱苦之狀何忍回思口口罪垢之因須憑追悼是用祇延口服光啟蘭場演三洞之道言營九耘之法事哀集勝利洗滌宿愆長夜冥冥冀脫幽關之趣圓虛渺願陪仙路之遊更錫羨於松門普承休於妙蔭

生日設醮祈福青詞

列宿昭回分直受生之次層霄縹緲密持司命之權敢露危衷仰干洪造伏念臣性資蒙昧家世伶俦偶奮迹於寒鄉驟登名於臚仕雖福輕乎羽全繫覆護之恩然德輶如毛每懷顛覆之慮頃悼亡於私室俄去位於公

朝終戒滿盈遂投閑散尙懼身既湛於世俗行或負於神明動積愆尤居亡解謝適會劬勞之日肅事禴禋之科恭款琳宮具宣蕊笈薦蘋蘩之品庶存貴質之儀陳螻蟻之誠心達蓋高之聽精純感格胥蠶顧臨整雲施之透迹開天門之吹蕩正直是與願盡滌於百非壽考且寧期永綏於五福

定親書一首

藉甚名門託高明之可援蔑然賤息懷伉儷之是求諒事契之相重許姻聯之復締某第二子青衿業墮道學未優伏承賢女小娘子彤管訓嚴德音甚美恭馳五兩之幣願結二姓之歡鳴鳳鏘鏘想發占於永世天桃灼

翁集十二

十四

灼期見詠於宜家為葉內翰撰烏衣羣從嘗陪再世之游丹桂諸郎雅重同年之好儻緣夙契復締華姻伏承令孫女柔惠慈祥德音甚茂而某姪孫某稚駉朴鄙道學未優屬當伉儷之求宜託高明之援恭馳信幣願結歡盟為長男

回定書二首

宦學從游雅有潘楊之睦昏姻合好願交秦晉之歡伏承令郎某官名第相先人門俱勝而某第幾女笄儀甫就壺則未閑豈圖封罪之求適遂松蘿之託相攸甚樂敢無告於良媒卜世其昌將有依於令族

奉承祧之祀宜得名家稽合姓之文猥從衰裔豈攀援

之敢爾亦氣類之適然伏承令弟先輩種學已優秀發
桂林之上而某姪孫女肄儀猶簞迨及桃華之初既偕
卜世之昌克遂相攸之樂將歸令族敢告良媒

沈忠敏公龜翁集卷第十二終

翁集十二

十五

知樞密院事沈公行狀

曾祖原贈少保曾祖妣方氏贈榮國夫人 祖煥贈
太師嘉國公祖妣孫氏贈恭國夫人 父彥修贈少
師妣丁氏贈淑國夫人

公諱與求字必先世為吳興德清人按沈氏之先於周
為子男之國其地即漢汝南平輿縣沈亭是也魯昭公
二十三年為吳所滅已而復見至定四年又滅於蔡沈
遂不祀其後子孫分散漢晉之世著名簡冊者蓋有其
人至六朝而盛家於武康之臨谿唐天寶析臨谿為邑
是為德清國初雖稍微而公之族祖暨諸父以儒學踵
取名第至公乃大光顯望於吳興公自少穎異讀書屬

通谿集附錄

一

文不煩教督識慮辯詰已如成人未冠以藝業試鄉校
流輩莫與爭長公既丁少師公喪自以家業貧乏母夫
人以己為命相與致志於學律身益嚴未幾薦名鄉書
尋為太學生試選屢魁多士名稱蔚然及政和五年進
士第授漢陽軍軍學教授以道遠不便親養改常州州
學教授任滿授秀州司兵曹事兼推勘公事公治獄不
以委吏事皆躬決多所平反再歲丁母夫人憂服闋除
太學錄靖康改元至京師遷儒林郎除太學博士建炎
初車駕幸廣陵公始赴官用薦改通直郎會罷太學除
通判明州改兩浙提舉市舶未赴御史薦公對便殿除
監察御史上疏論執政過失遷兵部員外郎公自劾以

通谿集附錄

二

為言苟不當宜黜不應得遷上感寤行公言更除殿中
侍御史被旨鞠獄江外車駕巡海上公還趨行在所奏
事尋扈從至會稽而虜寇尚留江左公首陳追襲之計
不果用是時江浙創殘之餘盜賊繼作民蠹未除吏姦
滋甚憲綱闕疏追論同知樞密院事兩浙西路宣撫使
周望擁重兵於吳門不能扞蔽脫身先遁以至遇城陷
沒與諸郡以城降賊並緣為姦掠取民財等事乞正典
法時占象者言西北有赤氣蔽天中有白氣如練犯北
斗文昌紫微公極論時政得失若遣使省陵寢定駐蹕
之地宰相不可虛位及用祖宗故事令參知政事與宰
相輪日知印諸將兵各立軍額蠲租賦以寬民力信賞
罰以明功罪凡十許事尋除侍御史宰相以年少驟進
不更世務公上疏極陳恐誤國事上初難之會近臣季
陵獻言宜詔宰執於罪戾中選擇賢能付之以事仍詔
臺諫為國愛人勿復再言出榜朝堂公曰自古豈有禁
臺諫不言者乎復論列其略曰任賢使能人主之柄也
獻可替否臺諫之職也在使失當則其柄移獻替失宜
則其職曠是以自古明哲之君開廣言路所以防蔽塞
而杜私邪上下相須乃成治道今乃詔宰執用罪戾之
人而令臺諫勿言是必不識事體之人持淺狹自私之
見文巧偽觀望之言以誤陛下使陛下虛負拒諫之名
何其不忠之甚也且自古以來有責臺諫以不言者矣

有旌臺諫以能言者矣未聞明揭榜使勿言也翌日上
爲降札季陵身爲侍從乃復疑誤朝廷上言乞詔宰執
用蔡京王黼張邦昌苗傅劉正彥等一時罪戾之人箝
閉臺諫使不得言欲收惡黨之恩遂陳迷國之計可罷
侍郎與在外宮觀沈與求上疏乞明指獻言之人顯黜
行責其論爲當至云變朱成墨指鹿爲馬言太深切使
大臣不敢安位可罷侍御史除職與郡尋除直龍圖閣
知台州待次累月上思公有旨召還再除侍御史上嘗
從容言王安石之罪在行新法公對曰王安石以己意
變亂先帝法度誤國害民誠如聖訓然人臣立朝未論
行事之是非先觀心術之邪正揚雄名世大儒主盟聖

龜翁集附錄

三

道新室之亂乃爲美新劇秦之文馮道左右賣國得罪
萬世而安石於漢則取雄於五代則取道臣以是知其
心術不正則邪僞百出僭亂之萌實由此起自熙寧元
豐以來士皆宗安石之學沈溺其說節義彫喪馴致靖
康之禍汗僞賣國一時叛逆尙遺典刑願陛下明正其
罪以戒爲臣不忠者先是上欲究僭僞事因公有言上
大感悟公再居言路附麗前宰相用事者意公悉論出
之公聞之曰近世朋黨習以成風凡人材不論賢否皆
視宰相出處爲進退蓋上之人驅之使然余待罪言路
荷上知遇第當分別人之邪正能否而公言之余之職
也豈可謂一時所用皆不賢而使視宰相爲進退哉止

擇一二朋附稔惡者列於上羣情遂定明年春駕幸臨
安遷御史中丞時軍儲窘乏公極陳屯田利害爲古今
集議上下二卷上之上用其言始定營田之議禁衛軍
寡兵權不在朝廷公上言仰惟陛下移蹕東南將圖恢
復之舉先務之急宜莫如兵漢有南北軍唐自府兵曠
騎之法既壞猶內有禁兵外有諸鎮之兵上下維持使
無偏重之勢其意遠矣今圖大舉而兵權不在朝廷雖
有樞密院及三省兵房尙書兵部但奉行文書而已願
詔天下講求利害而舉行之使人情不駭而兵政益修
助成經理中興之志浙部淫雨害稼穡公上疏云伏見
中夏以來霖雨過度浙西數郡之田垂熟淹沒者十七

龜翁集附錄

四

八民有饑饉之憂微嚴州水泉暴湧浸城郭漂廬舍比
者臨安火延民居無慮萬餘家甚於去歲會稽之變豈
小異哉仰惟陛下遭時多難厲精爲治宵衣旰食靡遑
康寧天地顧臨宜有福應然陰陽乖和災異仍見陛下
亦嘗於行事之際思所未至者乎苟爲至焉則亦加之
以誠而已矣子思曰誠則形形則著誠之至也參天地
贊化育況於行事之際厥類章章靡有不著者也今九
廟正墟兩宮隔絕夷狄之禍未殄僭叛之黨未平下民
螻螻厭亂思治以日爲歲痛如焚灼觀此災異心折骨
驚而談者至謂澤國夏潦地氣使然火延民居救者不
力宜不足動聖慮臣恐此言日間誠意日替臣是以淚

流落而不自禁也陛下誠以臣言思之凡陛下所以畏天愛民用人聽言追祖宗之法悼骨肉之親薄闈寺之權正宮闈之化一出於誠乎容有勉強而行之者耶畏天不以誠則工祝雖具近於致瀆愛民不以誠則詔令雖繁終於失言用人不以誠則讒間日進將以疑似而遠正人聽言不以誠則阿諛日聞將以忌諱而惡直士追祖宗之法而不以誠則不無背戾悖骨肉之親而不以誠則不無猜嫌薄闈寺之權而不以誠則雖名為裁抑而榮黜之輩不除正宮闈之化而不以誠則雖外示樸素而奢靡之習猶在凡陛下見於行事臣固知一出於誠而非勉強然臣所為諛諂者願陛下加之意而已

龜谷集附錄

五

矣誠意既修則天地感格陰陽和平災異之生願為福耳上嘉納焉兩浙轉運使徐康國自温州奏發宣和間所製間金銷金屏障什物上命止之而康國已津發至行在所公曰吾君勤儉德侔大禹漢文帝以下不足道也異時駐蹕廣陵有進器用華靡者亟命焚之通衢今康國不識事君之禮尚習故態欲以微物累盛德乞用廣陵故事斥而焚之仍顯黜康國明示好惡且為小人希旨之戒上悉從之公在言路首尾四年凡所論列不避權要頗忤時宰意至是改除吏部尚書兼權翰林學士兼侍讀未幾除龍圖閣學士荆湖南路安撫使兼知潭州公以疾乞置閒散改除提舉江州太平觀明年春

龜谷集附錄

六

除知鎮江府兼兩浙西路安撫使公到官招集流亡俾之復業異時士卒憑陵居民聞公威名重足一迹無敢犯法威德並行內外安秋八月復以吏部尚書召尋兼權翰林學士兼侍讀九月除參知政事是時虜僞入寇兵已壓境上決意親征訖有成功公居帷幄實與其事上親御翰墨書車攻詩賜焉再歲乞奉祠除資政殿學士知明州疏再上改提舉臨安府洞霄宮公之出也以在政府凡所議論皆出臆見無纖毫阿附督府治兵欲大舉公弗與聞公曰此大事也豈可身居近輔而獨不與哉數上疏求去上不得已而從之駕幸平江明年春以提舉萬壽觀兼侍讀召尋除同知樞密院事從駕至建康遷知樞密院事公首陳恢復之計練兵市馬積粟聚財分布將帥以待機會而同列不察疑公阻之且冒昧欲舉卒不克就上憶公初言決意召公蓋欲大用僅閱累月得小疾一夕薨實紹興七年六月甲子也上痛悼輟視朝一日贈左銀青光祿大夫賜水銀龍腦以斂又賜田十頃以恤其家以今年季秋之甲申葬於邑之永和鄉馬鞍山之原娶同郡范氏贈吳興郡夫人夫人有賢德先公四年卒三子曰雲紀右從事郎曰雲章右承務郎曰雲卿未任以官息女三長適左從事郎兩浙路轉運司準備差遣元益餘在室公自被遇簡知歷御史三院於內外事知無不言前後論列幾四百奏其

開如收攬主權愛惜名器斥遠邪佞親近正人未嘗不反覆言之至於糾官邪劾賊吏將帥得失政事是非與州縣抑配擾民獄訟過差監司郡守選除不當軍興以來進戰退守之策積穀訓兵之要不可枚舉上以公論天下事淹練通達克己聽納言之切直自敵以下有不能堪者上不罪焉一時臺綱自公大振武將訓敕其下必曰汝不識沈中丞耶其見憚如此大將入覲有進繒帛方物者既分賜六宮公以爲此事雖微自政和宣和以來進獻稍侈今艱虞之時不宜有此乞斥還之時方暮夜上得公疏卽命追取斥還仍降札諭公公感泣草謝自以不世遭遇蒙上聽納無媿古人顧未知效死地

龜谿集附錄

七

耳公自爲執政凡所規益雖家人莫得聞所薦人才至多受薦皆莫知也上每以知人稱之自小官至宦達攻苦食澹處之晏然天性孝友所得俸祿以給宗族兄弟無難色於文無所不能晚歲益工尤善爲詩引類託興有作者風凡人以爲難者公熟視落筆便造壺奧有文集二十卷奏議二十卷藏於家一止從公游踰三十年自鄉校至立朝雖有出處契闊之異而相厚之意不少袁公嘗薦爲御史屬官初未嘗言心獨識之然知公莫詳焉竊嘗歎息以爲君臣之遇自古所難有聽諫之君又有能言之臣然後君臣俱榮名譽日彰不幸而無其臣則君雖有屈已聽納之誠心而言不足以發之遂至

於兩無稱焉可不慎哉若魏徵之遇太宗韓休之遇明皇包拯之遇仁祖公之遇主上蓋所謂君臣俱榮者矣雲紀屬一止狀公之行將求諸立言大君子誌公墓公名節之偉議論之懿摛紳所共知也一止不敢私謹狀錄宋劉一止茗溪集

龜谿集附錄

八

龜谿集十二卷宋沈忠敏公與求撰忠敏字必先德清人政和五年進士高宗時官至知樞密院事謚忠敏事蹟具宋史本傳此集忠敏薨後漳熙四年參政姚公出龜谿詩文十二卷命湖州教授張叔椿爲之序集中慎字作今上御名構字作光堯嫌名可知爲漳熙初年所編定至紹熙中其孫詵刻之有觀文殿大學士李彥穎序言公之孫詵哀輯類次十二卷以此集成於詵手與叔椿序不合其實編自姚公刻自沈詵不必再疑宋本不可見影寫本尚有流傳者明萬歷庚子十六世孫子木所刊一無改易猶是宋人舊第亦稱善本今得蔣香荃太守藏舊鈔本而以明本覆核刊而傳之并宋劉茗

龜谿集跋

溪先生所撰行狀附之以存吳興先哲舊集之一云孫詵提要暨瞿氏書目作說均誤癸丑七月吳興劉承幹跋

文 點

集 成

北平表勵準



甲春康宗校
子永胡榭鋟

宋 潘良貴 撰

論治體劄子

臣嘗謂自古一治一亂不可為常由堯舜迄於五代三千二百九十餘年其間所以治者無他君臣協心共相戒飭凡所施為合於大公至正之道而已所以亂者無他君臣異志皆務因循凡所施為悖於大公至正之道而已仰惟祖宗之有天下兵不血刃市不易肆天意人心不約而歸當時制為法度立為紀綱非益於國非利於民有所弗措是以海內廓然無事百有餘年承平日久奸邪擅權肆為欺蔽率意改作祖宗紀綱法度廢壞殆盡遂繼之以大亂陛下紹承大業於艱難之際焦心勞思欲恢復中原迎還二聖九年於茲矣然而治道殊未有以稱聖意者臣謂大公至正之道尚塞而未行也夫祖宗順此道而治其後逆此道而亂今不欲治安如祖宗時則已如必欲之可不兢兢業業朝夕惟此道之是念乎臣願陛下靜澄其心思祖

默成文集卷一

宗創業之難念父兄遠狩之久憫生靈常懷塗炭之苦憤土地日有侵削之憂凡下一令行一事必先以此四者為念然後發之于政詔大臣同心協力勿以一毫私意曲徇人情斷自今日其已往者漸以公正之道更革之其方來者力以公正之道固守之如四時之有信如金石之不移則天下庶有休息之期也如其不然臣恐大事覆以大壞雖無境外之患而中國自做矣陛下留神察焉取進止

謝嚴州到任表

忱辭上達極陳愛日之情睿澤下流恭被自天之命愧增汗浹感極涕零中謝伏念臣蚤奮單貧誤蒙識擢有親已老去鄉實難屬奉召音肅馳行闕載因陟岵復念趨庭仰軫皇慈俯施洪造仍寓名於龍關俾增重於虎符奉檄惟慚放途已至西瞻佳氣喜帝所以非遙東指白雲迎親闈而甚邇拊循有暇定省惟勤每於學禮之餘得奉教忠之訓克諧鳥哺敢替葵傾此蓋伏遇皇帝陛下盛德日躋至仁天覆操賞罰之魁柄駕馭百工恢道德之宏綱包羅一介曲從人欲仰

見天心臣謹當惕息以思孜孜自厲既逢將父欣逢孝治之朝何以事君願效古人之節

謝嚴州送還兵級不合借請降官表

事違合甲畢見劾章仰荷湛恩曲行輟典中謝伏念臣涉道迂棲在政拙疎日者叨喜社之祠宮解桐廬之印綬扶攜老穉資藉車從雖無千里而不必聚糧顧餘百人而安所仰食東裝欲發援例自言一時猥徇於人情三尺謬干於吏議重惟函莽退積兢慚敢意懲忿止從灑秩茲蓋伏遇皇帝陛下德該庶政獨取羣工奸惡未嘗有私賞罰必惟其當臣敢不恪遵明訓深省往尤所愧身閑更切無名之累倘紆國難願捐不貴之軀

謝中書舍人告表

塵禁省以代言已慚非據即里居而拜命更冒殊恩憂慮餘生周章失措中謝伏念臣立身寒苦賦性慙愚先帝擢臣於布衣今踰二紀陛下置臣於諫省亦復終星每思自效於涓埃庶或少裨於海嶽其

默成文集卷一

如命謬動與願違日者召自真祠賔諸冊府旋載螭廷之筆蓋聯鳳閣之班始奉除書遽聞親疾方寸已亂即日遂行惟茲專輒之私宜有誰呵之口致圖孤迹上軫皇慈憐臣去國之急難則錫命以為開濟之慰即臣遭難之窮乏則錫金俸養大事之勤存沒知歸哀榮有輝雖碎蟻蟻之命曷酬天地之恩及此外除恍如昔夢拜九天之綸綽命實維新被三品之服章德非其稱恭惟皇帝陛下加惠羣工屬精庶政湛恩遐暨願雖小物而曲成乎號誕揚不以陳人而中廢臣敢不滂昂殘喘策厲懦衷蚤夜以思克謹教忠之訓險夷不貳永堅徇國之誠凡可捐軀誓當竭節

謝中書舍人表

待盡倚廬方畢三年之制召還西掖載膺一札之除寵至魂驚感深涕傾中謝竊以政事之地必資論思獻納之才詔令之行當得深厚且明之訓惟與學該通於今古英詞迫配於典謨識慮知為治之策先直諫宏事君之規益斯可以仰助雷風之號誕揚綸綍之言如臣

老憂患陳人荒蕪下士稟資方拙更三黜而自憐賦分奇窮已半生而寡與頃叨螭筆旋陟麟臺始被龍光遽罹凶禍抱苦願終於苦塊無心復造於衣冠日月遷流形容凋頹禱禱琴瑟而增慕傳召節之已頽果奉除書復還舊物里閭改觀共瞻天眷之優隆頂踵知愧獨荷聖心之簡記顧雖碎首曷報鴻恩茲蓋伏遇皇帝陛下乃武乃文克勤克儉思道如商高之恭默接下過周宣之慎微事舉法於春秋化每形於雅頌廣收俊彥致中興施及妄庸亦叨睿獎臣敢不孜孜奉國塵臺視身温故知新願日深於德意獻可替否庶或補於艱難耆竭孤忠以期沒齒

謝集英殿修撰提舉江州太平觀表

承乏掖垣蕙著盡規之義巧閒祠館曲蒙從欲之仁祗服恩私益深慚懼中謝伏念臣入仕一紀獲事三朝惟知忠義而披露肝心敢念饑寒而保持祿位自信甚篤人言莫因厯落嗾眾皆指為可笑流離困苦臣獨奮而不衰屬憤奸邪實非職守歷階陞殿怒髮衝冠雖非能衛社稷而執干戈亦庶幾如鷹鷂之逐鳥雀退思冒昧甘俟誅夷始陳待罪之章亟蒙滙貸旋上奉祠之請卽獲便安仍加論撰之名俾全進退之節君父之慈憐若此臣子之報稱若何恭惟皇帝陛下駕馭羣雄綜核名實陟降無私而帝則是順好惡罔作而王道攸遵如臣狂愚不忍竄斥然方軍食匱難之日而坐糜廩廩國事搶攘之際而燕處山林俯仰以思面目有愧臣敢不恪勤香火懲艾過愆疾病交侵雖作終焉之計形骸未隕益堅國爾之心庶畢餘生以酬洪造

狀成文集卷一

三

辭免秘書少監申省狀

准尚書省劄子八月十二日三省同奉聖旨潘良貴除秘書少監不候授告指揮到於所居州軍依條差撥疾速前來行在所供職臣良貴昨於建炎元年內任工部員外郎為父年老抱病陳乞宮觀建炎四年內蒙恩除荆湖南路提點刑獄公事亦是不會赴任紹興二年任左司員外郎僅三月乞便鄉差遣蒙差知嚴州到任四箇月即令

宮祠八年之間累蒙除用皆以親老懇求便私今父八十九歲比之往日衰病益侵人子之情尤難遠去伏乞特賜敷奏改除一宮觀差遣伏候指揮

辭免起居郎狀

准尚書省劄子三省同奉聖旨除臣起居郎日下供職聞命震驚罔知所措伏念臣類年以來四更官觀實緣親老非敢偷安茲被誤恩召真册府充職踰月獲觀情光輒罄丹誠仰干天聽巧還真館復遂初小退而省循方候阿謔忽蒙陞擢賜躋廊廟甯兄左史之職君動則書班於從官其選素慎不惟臣愚非所宜據而請開得要求退獲遷言行相違尤難安處伏望聖慈特降睿旨追寢成命除臣一在外官觀以安愚分謹錄奏聞伏候勅旨

乞宮觀狀

臣近因權攝左史彈奏戶部向子謹繼上章待罪雖蒙聖恩寬貸然臣恐懼終不自安伏念臣稟性愚戇賦分窮薄臨事妄發屢陷危機若久居侍從之間必速致顛排之悔兼臣近更憂患心志凋摧獻納論思自知無補伏望聖慈曲加覆護除臣一在外宮觀差遣以養殘軀倘未至於死亡誓當圖於報效伏候勅旨

狀成文集卷一

四

狀成文集卷一

宋 潘良貴 撰

謝張丞相啟

退卽山林久闊寒暄之間仰瞻斗極徒頌次舍之光誠雖切下飛馳
 禮遂成於通慢祇以爲媿不能自文竊惟神物之護持宜有福祥之
 單厚輒申悃愾致候苗憑恭惟某官望重百僚名聞九牧出處係朝
 廷之輕重道德爲人倫之表儀光混成池夾輔中天之皎日懽威夷
 落喜除直北之妖氛更險夷而節義愈明被謗傷而功庸益著追膺
 申命起護價藩微雲之滓太清曾何傷於盛德大旱而作霖雨實有
 望於嘉猷諒無煖席之期卽拜賜環之命顧惟無似深沐厚恩早蒙
 公楮之吹枯繼辱祗奚之舉數蘭臺迺體屢與嘆於沈英紫囊持荷
 更叨榮於取穎中緣禍變分絕生存雞骨支牀僅留食息魚書染素
 莫効勤劬居然星紀之消更貌爾殊廷之在望崧聿云暮道阻且長
 井越參旗寬隔轅門之拜袞裳繡帶佇聞黃閣之開願益惠於生靈

默成文集卷二

用直符於眷眷仰依之切敷敘奚殫

賀程參政啟

恭審光膺帝制參秉國鈞六星比而三台色齊識天心之所屬百僚
 喜而萬夫悅服慰人望之咸歸竊以自古治亂之常常係人材邪正
 之用泛觀百家諸子皆苦口而丁甯遐想九夷八蠻悉望風而進退
 非特時勢之必至抑亦人心之所同惟其正不勝於邪是以亂常多
 於治乃今國家之患顧不在茲遂使幅輿靡甯莫知所向倘匪老成
 之出曷扶危殆之基荷上穹之未忘庶斯民之可救伏惟某官佐時
 人傑間世英賢瑞玉無瑕大寶儼陳於清廟霜筠有節孤芳獨厲於
 歲寒蜚聲騰舉於三朝歷險夷而一致江湖雖適常懷觀闕之心
 鐘鼎既安何異山林之性方主上無多難之畏而左右惟正人之求
 用圖再造之功宜趨我公之入固將以大忠經世以至誠格天問國
 事萬變而不窮陳王業七月之所致掃軌懷奸之俗伸耿介有氣
 之風使乾坤無震蕩之憂生靈措休息之地詢之天下誰曰不然某

性質凡愚學術固陋素乏趨承之幸導樂特達之知昔掌禮閣嘗與
 甄收之列迪承密旨復叨論薦之榮念此恩不忘於須臾雖多言其
 致其萬一賜德純粹物候清和仰祈順時倍保鈞重瞻依頌禱不勝
 下情

答雷公達書

論以聚書飲酒爲樂此吾人之習氣也然酒不可多飲大率此物入
 口則皆過量則病聖人於書特作語一篇易六十四卦終以濡首爲
 戒遣使人飲酒終日而不得醉蓋禍患多生於此既作郡尤宜節慎
 也老而讀書不須務博當研味聖賢立言指歸以洗心勵行則老而
 益精明士人至晚年倒行而逆施之者十常八九正爲不解讀書耳
 僕自喻爲昏鏡喻書爲磨鏡藥當用此藥擦磨塵垢使之通明瑩徹
 而後已若積藥鏡上而不施磨擦之功反爲鏡之累故知託儒爲奸
 如張禹孔光之徒曾不若愚夫愚婦也公以爲何如萬里通書不敢
 效常人作諛言以孤遠意此狂友故態也幸一笑納之

默成文集卷二

啟李太發 卽莊簡公李光也

言念粵從初仕雖爲道義之交遠此晚年未託葭莖之好靜惟寒族
 致讓通婚既蒙金石之嘉言用致管箱之菲幣伏承令女小娘子資
 酒粹美秀風著於閨房某姪時質本慇懃學初閱於詩禮式因媒妁
 願結絲蘿將親迎於大門庶承祧於宗祀其爲媿佩罔替數陳

答田氏禮書 田經國公之姊夫而武公之甥也

伏承高明之從弟武乃吾姊之子而某之甥也吾姊爲田氏婦三十
 年矣老而益貧某欲以長女妻武俾之左右奉承焉此素志也茲承
 申之以媒妁致之以雁幣敢不拜嘉

宋 潘良貴 撰

矯齋記

君子知強為善而已矣。違恤其他而世之忌人修也。無以蓋之。則羣聚譁笑。目之曰矯。特立獨行之士。固不為變。而中人懼其加已也。往往嫵媚軟熟。不敢出一善言。行一善行。卒至於無所忌憚。為小人之歸。而後已。子自出仕。見士大夫。習以成風。敗壞天下人材。不可勝數。心甚悼之。中庸曰。君子和不流。強哉矯。中立而不倚。強哉矯。凡四言之。不以為煩考之。六經未嘗若是之諄諄者也。是矯者。君子之所務。而眾人之所忽。古人以為訓。而今人以為病也。近世老師宿儒。為中庸傳者。十數家。未嘗有斷然發明子思此意者。尤可嘆也。夫鈞是人也。性近而習遠。所以相遠。正在矯與不矯耳。情動於中。物誘於外。擇之不精。執之不固。鮮有不喪於物者。詎可一日不用力於矯耶。視聽矯之言。動矯之一切。日用惟禮之行。義之由道之適。久則若性自

歐成文集卷三

二 夢 選 廣

然矣。故勉強行之。與安而行之。成功則一。予謂中庸一言之。則曰矯。二言之。則曰勉強。皆聖人忠恕進學者之道也。吾宗伯益端雅而尚志。求于名所居之齋。因榜之曰矯。蓋子思之訓。始終不衰。今老矣。俯仰樂之。而無媿。故以勉。子子其懋哉。

靜勝齋記

凡人自平旦而起。目視耳聽。手持足奔。其心念之所經營。雜然無一息。暫止及夜而安身。可以休矣。又有夢焉。飛揚沈墜。得失悲歡。與夫恐怖之事。往往失聲而泚汗。如是汨沒。至老死而不悟者。天下皆是也。故常為靜者之所憐。憫曹君用晦。異時與予同鄉。校遊上庠。今二十餘年矣。屬過予。言曰。屬誠有意於功名。官既不偶。乃得更儒冠。為武此世事之不可必。而甚可笑者也。頻年不喜事事。寄傲僧廬。開齋於西廡。以自適。幸為名之夫。吾子一人之身也。方其青車秣馬。馳逐乎通都大邑。何所見。而其心如彼。今而紙窗竹屋。環堵蕭然。終日凝默。何所見。而其心如此。是必有靜於中。而勝於外者矣。然予觀靜者。

顛倒錯亂。既醒而病。病而悔。且言曰。終吾之身。飲誓弗入於口。然一旦樽俎設於前。歌舞在其側。又欣欣起而赴之。不獨忘其身之戒。反嗤醒者以為妄。人子懲於前。既已諄矣。其益進此道。視醉者以為鑒戒。

寶林禪寺記

義烏縣南雲黃山下。梁普通元年。傅大士依雙構木結庵。大同六年。即其地建寺。因名雙林佛殿。宋治平三年。賜今額。宣和三年。燬于寇。紹興四年。建藏殿。住山僧標。次第復完。凡為屋一千二百餘間。

有大比丘。其名行標。號曰慧炬。一日過予。從容言曰。維雲黃山。是為蕭梁善慧大士。修証道場。我以緣法。總徒一年。兵火之餘。豈弟慈祥。外護我法。考其性資。有大士宗。我將懇祈。丐其名。御起勝妙。因為邦人。倡郡將聞。已愀然改容。願謂標曰。方時孔難。民力困耗。吾護此方。如護元氣。不以毫髮呼擾。井閭况此。土木不急之功。勞人費財。為役甚鉅。縱使彌勒。即今示見。我猶持此力。勸止之。標聞是。遂巡而旋。復

歐成文集卷三

二 夢 選 廣

見予。言事不諧矣。予曰。太守之職。承流宣化。奉法愛民。而外有為實。非其責。不若自營我法。博募廣求。况師駐錫以來。道俗傾鄉。時節或至。咄嗟可成。標還雲黃山。大開法席。徧召檀那。而告之曰。惟我大士。誕毓此方。為瑞為祥。人天共仰。雙構建寺。甲於叢林。自梁迄今。餘六百載。流通祖道。代不乏人。宣和三年。盜起于茲。不幸燬燼。一椽不存。今應歲時。堂廡齋厨。粗成行列。獨茲殿址。瓦礫弗治。妙相慈容。久無所宅。爾等善友。忍坐眠乎。容閱標語。歡喜踊躍。於是退而各盡已力。大出金錢。合而計之。餘五十萬。以紹興二年春。經始。三年冬。告成。其高八十餘尺。而廣倍其半。中安像設。莊嚴妙好。外繚闌楯。雄麗靚深。如化人宮。迴出空際。里之士女。與旁州之人。奔走往來。作禮數。皆曰。耳目未嘗見。聞山林增輝。繡綺雲集。坐變榛莽。為金碧。區未有成。辦大緣。如是之速者也。故嘗論之一切世有為之法。皆有分齊。長短可度。輕重可權。淺深可測。小大可稽。至於佛法。則大不殊。淵乎妙哉。視之不見。聽之不聞。智不能知。識不能識。古經云。以思惟心。測度如來。

圓覺境界如取螢火燒須彌山終不能著觀夫世之治生殖業銖積寸累可謂勤矣假使骨肉就其乞貧愛惜斯吝未嘗輕指至佛會中心生悲喜則傾囊倒廩略無留難又其最者身體髮膚頭目髓腦於彈指頃棄舍如遺其故何哉蓋淨智妙圓與吾如來本同一體念起背覺遂爾合塵塵昏本明輾轉不息佛以慈悲哀憐覆護於生死海誓作津梁猶如父母只生一子子出遠遊望望不至彼為子者漂流無所終年不歸寢食之間嘗懷憶念聞說父母涕淚交橫固無別因疾苦桴鼓此豈可以情量揣摩筆舌形其意態乎標之為是役也子最詳其本末故樂為之記且懼來者之曠其績也復為說傷曰良木秀山澤中林猶百年斲削應約繩必資諸巧匠陶者輪瓦甃圻人施塗泥絲網及寶鈴丹漆墜壘積羅精磨歲月始克觀厥成金錢與糗糧所費如山積雖名有漏法實為無量德庶俾凡覩聞因緣得入道我昔禮大士廣廈餘千間何人持烈煙一燎不存芥鳴呼有施者又有戕毀人良絲弗思維縱我無明故今合檀施力作新美踰初丁此

默成文集卷三

時艱危為眾作依怙咨爾方來者毋易墮前功增飭愛護之當如扞頭目使百千萬億遊戲依雙林於龍華會中永瞻微妙相

君子有三戒說

孔子曰君子有三戒少之時血氣未定戒之在色及其壯也血氣方剛戒之在鬪及其老也血氣既衰戒之在得子謂此言如大醫生之治病其針砭足以起死人而肉白骨但方其病時不遇此雖遇之而不受者滔滔皆是也子少出見紛華而悅及壯好勝多忿色闕二病纏痼餘二十年莫覺莫知朋友莫予告也今老矣二病不藥而去獨患得之心早夜熾然非問舍求田則慮子孫而憂妻妾日如是則可以安吾身也如是則可以適吾意也歲得貨財若干則可以足吾用度得穀粟若干則可以飽吾宗族官當擇優厚之地祿當為蓄積之資橫心所念莫非惟得之從嗚呼誠可哀也已夫夜之所夢多書之所為也臨事而多懼皆平日之所習也今患得之心不戒如此脫遇有可得者能辨禮義而受之乎其貪冒無恥為小人之歸必矣乃知

得之一字痛鍼老者之膏肓非聖人不能言也子既犯其二戒幸而未死尚可奉其一以周旋自今以始當以德之不修學之不講聞義不能徙不善不能改為憂其餘流行坎止一切付與自然得正而斃焉斯已矣失之東隅收之桑榆尚庶幾其無愧焉

潘好古字說

子始官京師問吾宗有士名好古字敏修爽邁不羣與子弟遊太學同視席雅相愛好而獨未之識也其後予以官而居鄉敏修始來訪子坐與語氣直而志剛奮然有志於為己之學心益器之建炎己酉金大入明越子避地武川復與敏修相依於劉巖之上暇日從容正襟而問曰子名而又字之豈夫子所謂我非生而知之者好古敏以求之者乎曰然予曰凡學者皆有師不可不嚴而欽况夫子自生民以來未之有天下之所尊事乎彼其言曰我非生而知好古敏以求之自謙之詞也雖自卑之辭然所以為夫子亦不過如此而已今子名且字之必以我為好大而下降讓也請以字易之夫古不可以不好聖而不好古不得謂之聖賢而不好古不得謂之賢學者以聖賢為師卒期至於聖賢而後已然聖賢得於古必有以行於今所謂行於今非苟有所合也今有展於古以古正之正之而從也則推之天下與民共由不卑今而尊古正之而不從也則斂之一身獨行其道不枉古而從今要非好之篤鮮有不移於今者老子曰執古之道以御今之宜御猶御馬也緩急馳騁惟御之適而不惟馬之適誠能御今可以言好古矣請易子之字曰伯御甫子學誠施於今吾將觀子矣

默成文集卷三

肅齋說

姬甸求名其讀書齋且言曰小子不敏請事斯名子親悅進為口耳之學僅為誦紙上書銜露輕佻忽同列而侮老成求日益而為君子難矣所謂君子者無往而不致其肅也外之言貌視聽內之心思常恭莊端恪不少懈焉子試習之積時以終日積日以終月積月以終歲造次顛沛不忘所謂肅者行之三年然後見子而問焉子又將以

語子子不易予言則自茲始今以名齋其出入觀之

默成文集卷三

五

默成文集卷三

默成文集卷四

續金華叢書

宋 潘良貴 撰

鄭亨仲作亭西山顏曰可友以書求詩為賦一首亭仲即北山忠愍公字君不見子猷嗜好與俗殊種竹不可一日無又不見太白清狂世絕倫舉杯邀月獨相親風流二子去已遠塵埃那復聞高人鄭侯未遇身更閒躬耕自樂巖谷間開亭容膝日寄傲坐對巉巖峭之西山西山蒼翠如堆玉松奏笙竽雲作屋澄鮮爽氣日夕佳不學時情易翻覆田文唾面真小兒翟公署門良可嗤悠悠權利悲一時樂哉此友誰能知鄭侯與我論心久年少相從今白首對山勿著絕交書要須招我成三友

夜坐聞竹聲示姪

室明應有燈夜暗天無月跌坐依蒲團竹聲助清絕初疑小雨至蕭蕭俄復歇忽然變軒昂風滿散巖穴聽久耳根靜萬慮皆瑩徹塵凡不待掃境妙心自潔奇哉不二門欲倩維摩說

默成文集卷四

和季成弟中秋不見月時寓妙智山中

經年等待中秋月一夕陰雲掃不開高樹時驚疎雨過空山那復故人來夢回誰憶霓裳戲老去愁聞水調哀與子相逢長得醉何須佳節始銜杯

朱教授見寄七言二首戲用其韻

賢哉蘧瑗晚知非此道吾今亦庶幾囊乏一錢聊自哂家無三徑不妨歸冥鴻久已離矰繳野馬由來見勒轡溪上月明船正穩肯將簪笏換蓑衣

等閒長嘯倚孤松雲破天邊見碧峰架上殘書猶可讀瓶中儲粟不堪春生涯幸有千年秀身世何須萬戶封僧榻寄眠無一事覺來深省聽晨鐘

僕讀沈約傳怒其緩頰賣鬢上衝冠然古今人每每壯東陽八詠文辭未有少之者因次卿登樓新什輒效立春體製和且據所懷云

隱侯文怡知何用千古端羞墮淚碑國危忍視神鼎覆身免猶嗟擊
帶移登覽寒煙紫遠目淒涼夕照謝高樓傷心往事君須賦恐有適
人來采詩

夏日四絕

四月天氣初鬱蒸碧桐空照門巷清何人解助隱居樂爲我喚取黃
鸝鳴

掃地焚香避濕蒸睡餘茶熟碾聲清風來桐竹傲傲舞雨過階除澗
澗鳴

錯落星河天未明太虛涵露氣全清東方隱約生光耀便覺林間宿
鳥驚

娟娟疎竹拂雲長門巷無塵氣自涼多病無情如嚼蠟臥看風篆博
山香

夜與仲嚴叔倚季成三弟同坐聞笛各賦一絕

西北干戈撥不開今宵聞笛更清哀高堂親老髮垂白與子買舟歸

去來

法清晚步分韻得夕字

有生能幾何避亂不謀夕聯翩二三子晚步縱所適田野無人聲牛
羊斷歸迹時有墟曲中寒煙曷修碧離離南飛雁北信杳難覓不知
二聖君汝然淚沾臆小臣眞蟻蝨持顛願何力殘臘行當除青陽來
已逼衰髡分填壑公輩宜強食

贈方仁聲

公吾里人客寓吳興神情散朗如晉宋間高士晚得官無仕
進意築庵西溪名曰雲茅以衛生養性爲事詩文雄深雅健
追古作者云

學道悠悠未見功敢言凡質有仙風他年一鉢江湖去先向苕溪訪
葛洪

和沈秀才

年來有客從黃石老去何心望紫泥世事遠人常八九生涯隨力任

東西

軟語干時勢美苦言投俗桂薑辛山河若欲摠幽憤盟手焚香讀
過秦

弱齡慮事心常破壯歲投閒鬢已華但得安貧如北阮何妨受侮似
東家

和三二兄西莊書懷

莫問莊生然不然時中只可自隨緣冬深江北無邊報又得安貧過
一年

賢愚狂聖等爲人要是天君自策勳舉世紛紛誰得妙韓公惟許孟
軻醇

古來達士盡窮空我愧修身道未豐痛飲不妨歌楚些投閒何幸伴
吾儂

一往情香度博山妙觀不著有無間此心欲報難論價放我形骸十
載閒

和仲嚴弟暮春二絕

吾生四十已侵尋獨喜年來不動心世事升沈君會否人間春去
花深

沂上風光點獨知樂然甯復歎春移吾人老大知何用仰止前賢須
及時

梅花

天與孤高花獨新世間草木信非倫影涵水月不受彩氣傲冰霜何
待春冷淡自能驅俗客風騷端合付幽人往來百匝塔除裏頭使心
無一點塵

氣欲睜際欲新寒梅方信冠羣倫直能平地凌封雪可是回根迎
小春九畹蕙蘭眞上客千年桃李盡庸人卽今攜酒江郊去弄葢攀
條一拂塵

雪中偶成

飛花看六出俄向塵中來解驗人情喜始知天意回夜闌總愈白曉

陳日難開麥熟何時節饑民正可哀

歉歲多流冗邦侯喜鄧來雪除驚臘盡耕近樂春回郊野猶同色江
天已半開短衣難拚脛誰說少陵哀

滿庭芳

中秋

夾水松篁一天風露覺來身在扁舟桂花當午雲捲素光流起傍蓬
牕危坐飄然竟欲到瀛洲人世那知此夜空際列瓊樓 休休閒最
好十年歸夢兩眼鄉愁漫贏得蕭蕭華髮盈頭往事不須追諫從今
去拂袖何求一樽酒持杯顧影起舞自相酬

補遺

挽陳德固守禦

勅敵登城日中華將士奔人皆趨北關君獨死南門秘計無人用英
聲有史存秋原悲淚落桂酒與招魂

默成文集卷四

四

默成文集卷四終

永康胡宗楸据四庫全書本校鈔

直齋書錄解題載默成居士集十五卷居士名良貴金華人以集英
修撰出知明州滿歲以微猷待制再奉祠歸朱文公序有曰清明直
詠確然無欲真可謂剛毅近仁者矣又曰三戒文磨鏡帖切中學者
之病其推重如此原書久佚四庫本止四卷卷一劄奏卷二書啟卷
三說論卷四詩不知何時刪訂遍求足本不得姑据四庫本付梓季
樵胡宗楸

默成文集跋

一